

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部
第一六九冊



責任編輯：孫言誠 賀 偉

ISBN 7-5333-0535-3



9 787533 305352 >

EB97/002

四庫全書存目叢書·史部一六九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 49.875 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第一六九冊目次

史部·地理類

大明一統名勝志二百八卷目錄一卷(三)

(明)曹學佺撰
中央民族大學圖書館藏明崇禎三年刻本

.....

大明一統名勝志二百八卷

目錄一卷(三)

〔明〕曹學佺撰

中央民族大學圖書館藏明崇禎三年

刻本

浙江分令

中央民族大學圖書館藏

按史記水至會稽山陰爲浙江盧肇曰浙者滌也蓋取其潮出海屈折而倒流也東漢順帝永康四年以會稽郡周廻萬一千里山川險絕因分浙江以東爲會稽郡以西爲吳郡此兩浙分疆之始然猶並屬揚州○通鑑劉宋孝建元年分揚州之浙東五郡爲東揚州浙江之西爲揚州至此遂有二揚州○唐明皇分天下爲十五道採訪兩浙諸郡並隸江南東道至肅宗乾元元年置浙江西道節度使領昇潤等十州浙江東道節度使領睦越等杭州州誌勝八卷之一

公州而浙東浙西之名始立建中後以浙東爲鎮東軍治越浙西爲鎮海軍治潤乾寧三年錢錫平董昌遂爲鎮海鎮東兩軍節度使兼領兩浙光化元年徙鎮海軍於杭而以越爲屬部號吳越國宋初錢氏納土分天下爲十八路而兩浙爲一路熙寧七年復分杭蘇潤湖秀常睦七州爲西路越明台婺溫衢處七州爲東路建炎元年浙西以杭州爲帥府浙東以越州爲帥府乃定爲兩路元置江浙等處行中書省 大明置浙江等處布政司領杭州嘉興湖州嚴州金華衢州處州紹興寧波台

州温州十一府然以杭嘉湖為浙西以寧紹金衢等為浙東亦因浙江水面分但見諸私稱非輿圖所載也（今浙西監司守道駐湖州府巡道駐剡嘉興府而省城兵巡道管杭州嚴州二府名曰杭嚴道浙東監司寧紹台守道駐紹興府巡道駐台州府海道駐寧波府溫處道守道駐處州巡道駐温州金衢嚴守道駐金華府巡道駐衢州府而嚴州府已統於省城之兵巡道云

杭州府誌勝八卷之一

二

杭州府省領縣九

隋初割吳郡之鹽官吳興之餘杭合四縣置杭州於餘杭開皇十年移治錢塘是杭州之始也秦屬會稽郡漢元符間會稽西部都尉徙治于此東漢分浙江以西為吳郡乃屬吳郡三國屬吳陳立錢塘郡隋廢郡為錢塘縣而立杭州煬帝初廢州為餘杭郡唐武德元年廢郡復為杭州五代梁龍德三年錢鏐建吳越國宋高宗建炎三年南渡遷都焉○隋唐郡治在鳳凰山柳浦西錢鏐囚之宋高宗亦因以為行宮皇城九里南門曰麗正北曰和寧東苑門曰東華其宮殿之制六參官起居與百官聽宣布則曰文德殿謂之正衙其四參官起居則曰垂拱殿謂之常朝曰紫宸殿上壽御焉曰大慶殿朝賀御焉曰明堂殿宗祀御焉曰集英殿策士御焉此四者皆即文德殿隨事揭名非專建也後殿有四曰崇政一名祥曦曰福寧曰復古曰延和福寧則寢息之所復古則燕閒之所延和在垂拱之後遇聖節冬至正旦寒食齋戒或避正殿則御焉曰選德殿孝宗建以為射殿曰緝熙殿理宗閣以為講殿曰熙明殿度宗改東宮之益堂為之

置經籍其中肄習焉而講筵延閣多在禁中音宗
卽秦檜舊第築新宮及內禪退居於此名曰德壽
孝宗內禪亦居之改名重華○府城初築於隋楊
素周三十六里九十步錢鏐新築羅城自泰望山
由夾城東亘江干泊錢塘湖霍山范浦周七十里
城門十曰朝天在吳山下今鎮海樓曰龍山在今
六和塔西曰竹車在今望仙橋東南曰新門在今
炭橋東曰南土在今薦橋門外曰北土在今舊菜
市門外曰鹽橋曰西關在今雷峰塔下曰北關在
今夾城巷內曰寶德在今艮山門外形勢南北展

杭州府誌勝八卷之一

四

而東西縮唐乾寧間楊行密將攻杭州攜僧祖有
密來瞰之祖肩曰此腰鼓城也擊之終不可得宋
紹興間增築內城及東南之外城附於舊城元末
張士誠復更築東自艮山門至候潮門視舊城拓
開三里而絡市河於內南自候潮門迤西則縮入
二里而截鳳皇山於外今府治在城西南竹園山
淨因寺基城之東西視舊差廣門仍十三我朝省
爲十東五門曰候潮曰永昌舊之新門也口清泰
舊之崇新俗呼螺峰曰慶春舊名東青俗呼菜市
曰艮山俗呼棚子西城三門曰清波曰湧金曰錢

舊名餘杭俗呼北關○唐岑參送盧郎中之任杭
州罷起郎官草初分刺史符海雲迎過楚江月引
歸吳城裡濤聲震樓端蚤氣孤千家窺驛舫五馬
飲春湖柳色供詩用鶯聲送酒須知君望鄉處杜
道上姑蘇顧非熊經杭州郡郭繞江濱人家近白
雲曉濤臨檻看夜勝隔城聞浦轉出初盡虹斜雨
不分有誰知此意心緒逐鷗羣鄭谷登杭州城漢
漠江天外登臨返照間潮來無別浦木落見他山
沙鳥晴飛遠漁人夜唱閒歲窮歸未得心逐片帆

杭州府誌勝八卷之一

五

還○古蹟攷云虛白堂因崑堂忘筌亭在郡圃俱
唐時建長慶中白居易爲刺史有虛白堂詩平旦
起視事亭午卧掩門除親簿領外多在琴書前况
有虛白堂坐見海門山潮來一憑檻賓至一開筵
終朝對雲水有時聽管絃持此聊過日意寂得餘
閒因崑堂詩箕穎人窮獸蓬壺路阻艱何如兼吏
隱復得事躋攀崑崙樹羅塔下江雲野棟間似移天
目石疑入武丘山清景徒堪賞皇恩肯放還懸知
興未足旋被詔催還忘筌亭詩翠嶽公門對朱軒
野逕連只開新戶牖不改舊風煙虛室閒生白高

情澹入玄繁華隨事有爭敢比忘筌○有美堂宋嘉祐間梅摯以龍圖閣出守郡仁宗賜以詩云地在吳山頂今故址不存而府治後堂尚仍有美之名蓋取景行先哲云爾○清暑堂宋治平中郡守蔡襄建自爲記○高齋在清暑堂之後舊據城闔橫爲屋五間下瞰虛白不甚高大而最超出州宅及園圃之中故類以高齋唐嚴維詩詩家九日憐芳菊遲客高齋對浙江漁浦浪花搖碧壁西陵樹色入秋窓木奴向熟懸金實桑落新樹瀉玉缸四

杭州府志勝

卷之一

六

子醉時多講德笑論黃霸屈爲邦○石林軒在舊州治燕思閣宋至和中郡守孫沔立石七株號七賢石元祐中守蒲宗孟改名石林軒○隱秀齋在通判北廳宋蘇軾書紹興四年刻石趙令時重署○今分署水利通判在府城東北五十里塘棲鎮五林港之東

仁和縣

附郭

五代梁龍德二年吳越錢氏析錢塘鹽官縣地立錢江縣宋太平興國四年改今名高宗南渡因見縣名仁和曰此故都城門也遂決遷都之計○志

云錢江縣治在武林門梅家橋今縣治乃元錄事司址

錢塘縣

附郭

秦始皇二十六年置會稽郡領縣二十四錢唐居其一水經注曰王莽時更名泉亭東漢建武初復舊光和二年封朱雋爲侯國通典唐武德四年諱國號始加土于唐曰錢塘○錢唐舊治凡四一在靈隱山麓一在錢湖門外皆漢魏時治也一在錢塘門內今教場地唐治也一在紀家橋華嚴寺故址宋時治也有紹熙二年叅政樓鑰題名記今仍

杭州府志勝

卷之十

七

之○唐方干錢塘旅舍詩此地似鄉國堪爲終夕吟雲藏吳相廟樹引楚山禽潮落海人散鐘遲秋寺深我來無舊識誰見寂寥心齋嗣宗送人歸錢塘詩清苦月偏知南歸瘦馬遲索輕緣換酒髮白爲吟詩水色西陵渡松聲伍相祠聖朝思直諫不

是樹冠時

已下山川二縣互見

舊圖經云吳山在府城內春秋時爲吳南界以別於越故名吳或曰以伍子胥訛伍爲吳故郡志亦稱胥山也凡城南隅諸山蔓衍相屬總曰吳山而異其名山中寺觀亭榭繁多而最勝者三茅觀雲

居寺江山一覽亭俱在山之巔凡於川者由世崖而上兩傍奇石峻峭皆立名瑞石山其左爲紫陽洞宋張平叔元徐弘道俱修真於此又側爲紫駝峰延祐初邑人丁野鶴與其妻王守素學導引之術二十年迹不下山亦俱得道陸天錫贈之詩云不見遼東丁令威舊遊城郭昔人非鏡中人去青鷺老華表出空白鶴歸石竹溪乾斑點在玉簫聲斷彩雲飛洞門花落無行跡默坐蒼苔補道衣○紫陽卷之後有青松洞相傳昔有人至洞口遇青衣童子問之不應良久入洞逐之不見洞口有泉杭州府志勝八卷之一

出石罅中清鑒毛髮名青衣泉山頂巨石墜下有石承之若餌飢然前有石門上橫石梁壁間皆細字水波紋山北有井曰吳山井周四丈吳越時鄒國師所開泓深瑩潔異於衆泉其中有五色大魚數十時出游泳人不取取○迴山西上有寶月山東北爲蛾眉山又東爲淺山正東爲金地山金地之支爲竹園山淺山之支爲七竇山有青霞洞奇石錯峙恍青霞色有焦池有子午井七竇之支卽瑞石山也宋蘇軾寶山新徑詩藤梢楠刺元無路竹杖棕鞋不用扶風自遠來聞笑語水分流處見

江湖回觀佛國青螺髻過踏仙人碧玉壺野客歸時山月上棠梨葉戰暝禽呼元陸天錫瑞石山詩天風吹我登駝峰大山小山石玲瓏赤霞日射紫瑪瑙白露夜滴青芙蓉飄飄雲氣穿石屋石上涼風吹紫竹掛冠何日賦歸來煮石篝燈洞中宿○虎林山在武林門內一里而近有小土阜高可三丈廣不滿百步舊名祖山楊正質記略云訪之者舊錢氏有國時此山在城外叢薄蒙密異虎出焉故名虎林音訛爲武葉紹翁西湖聞見錄乃謂卽靈隱山因避唐諱改虎爲武宋淳熙志引漢書明杭州府志勝八卷之一

載武林山爲武林水所出安有避唐諱之說蓋虎林武林原有二山未可溷爲一也○鳳凰山舊在城內元末張士誠築城截之於外今沿城南十里西岡石笋林立名排衙石左瞰大江直望海門山下爲吳越國治錢氏內附爲杭州治舊有鳳皇門宋趙抃詩老來重守鳳皇城是也天峰在左月巖在右青石崖鬼夾道峭壁中有石術可通往來高宗南渡因州治建宮殿山遂環入禁苑重簷複閣凌駕山椒前臨射圃竟百步環以脩廊右登博雅樓有十二門左轉數十步雕闌花甃萬井中出有

陽春清齋玉質三亭前芙蓉後木樨綠萼梅繞之
又過錦膳廊凡百八十楹廊外卽後苑種柳千樹
曰梅岡亭曰水花亭枕小西湖口水月境界日澄
碧牡丹曰伊洛傳芳芍藥曰冠芳山茶曰鶴頂丹
桂曰天闕清香橘曰洞庭佳味茅亭曰昭倫木香
曰架雪竹曰賞靜松曰天陵偃蓋又以日本國松
樹爲翠寒堂不施丹牒白如象齒又傍山崔嵬作
觀堂爲焚香祝天之所理宗時吳知古掌焚修每
三茅觀鐘鳴觀堂之鐘應之則駕輿焉陟芙蓉閣
風帆沙鳥咸出衮舄之下山趾一溪縈帶通小西
杭州府志勝入卷之一

十

湖亭曰清連怪石羅列獻魂呈秀三山五湖洞穴
溪香又東過閣子庫儀鸞修內八作翰林諸司是
謂東華門元黃潛題鳳皇山滄海桑田事渺茫行
看遺老色荒涼爲言故國遊麋鹿設指空山號鳳
皇春盡綠莎迷輦道雨多蒼齊上宮牆遙知江水
東流畔更有萍蕪與夕陽明藍澗詩南渡山川王
氣銷西風松柏認前朝紫宸無復千官宴滄海空
餘半夜潮龍去蓬萊曾駐輦鳳歸寥廓不聞簾上
方樓閣依稀在暮雨疎鐘送寂寥○萬松嶺在鳳
山門外自唐至宋夾道值松有八盤徑留月臺唐

曰樂六詩半醉閑行湖岸東馬鞍敲響響玲瓏萬
株松樹青山上十里沙堤明月中秋樓角漸移當路
影潮頭欲過滿江風歸來未放笙歌散畫戟重開
蠟炬紅○嶺畔有報恩寺唐元和年建寺內有浣
雲池萬菊軒白樂天浣雲池詩白雲本無心舒卷
長自漾影落一鑑空浣之仍不涅蘇子瞻萬菊軒
詩一軒高爲黃花設富擬人間萬石君佳本盡從
方外得異香多在月中聞引泉北澗分清露開徑
南山破白雲此意欲爲知者道陶翁猶自未離羣
按今萬松書院是其遺址○元至元十三年胡僧

十

杭州府志勝入卷之一
楊璉真伽請于宋故內建五寺曰報國曰興元曰
般若曰僊林曰尊勝報國寺卽垂拱殿殿角有銀
杏樹其實無心楊仲弘詩珠樹落秋霜是也興元
寺卽芙蓉殿殿若寺卽和寧門僊林寺卽延和殿
尊勝寺卽福寧殿下有曲水流觴楊髡發宋諸陵
建塔于上厥形似壺俗稱一瓶塔高二百丈內藏
佛經數十萬卷佛菩薩像萬軀堅飭如雪又名白
塔錢思復登白塔詩宋宮傳是唐朝寺白塔崔嵬
寢殿前夏雨染成千樹綠晴嵐散作一江煙蒼苔
門外銅鋪暗細柳營中畫角傳寂寞胡盧宮井畔

野人拾得舊金鉤○萬松嶺折而西南有梵天寺
本錢氏建舊名南塔宋治平改今額僧志銓詩落
日寒蟬鳴獨歸林下寺柴扉夜未掩片月隨行屐
唯聞犬吠聲又入青蘿去蘇子瞻和但聞煙外鐘
不見煙中寺幽人行未已草露濕芒屨惟應山頭
月夜夜照來去○又有勝果寺唐乾寧間無着禪
師建僧處默詩路自中峰上盤迴出薜蘿到江吳
地盡隔岸越山多古木叢青靄遙天浸白波下方
城郭近鐘磬雜笙歌○巧山在武林門外四十里
俗傳錢王七夕登山乞巧于此形圓如珠又名龍

杭州府志勝

卷之十

七

珠山○越東南里許爲古城山乃錢鏐所築城寨
基也又北五里爲獨山每出雲晴則雨雨則晴獨
異於衆峰故名俯瞰橫溪迴環積水下有菱芡荷
蓮高有桑麻禾黍縈迴錯雜若雲錦然○又十五
里爲落山一名望洛山昔有高士自洛陽來棲隱
於此時登其巔望洛故名山高百餘丈週迴十八
里西南皆平原惟此山突起溪流亦環繞之○臯
亭山在城東北三十里高四百丈有水簷桃花青
草蒲墳諸塢其下有亞父塚上多桃竹果樹唐杜
甫同友人臯亭洲食楊梅偶成云五月楊梅已滿

林初疑一顆值千金味方河朔葡萄重色比瀟
茄子濃按少陵自叙早年曾遊吳越則其歷茲地
未可知也宋敖陶孫臯亭山詩樵路縈迴入翠微
清泉白石可忘機雲中犬吠劉安過樹杪春深望
帝歸白鶴曾留華表跡蒼苔合校錦衣圍珠襦玉
匣今何許一笑人間萬事非○又二十里爲銅扣
山其下有石鼓湖晉武帝時岸崩出一石鼓扣之
無聲張華命取蜀中桐木刻魚形扣之聲聞數里
○其西爲黃鶴山高三百丈寰宇記云舊有黃鶴
樓在山巔又有龍池一名渥洼池吳越錢氏建佛

杭州府志勝

卷之十一

七

日院于此山半有黃鶴仙洞外甚狹中可容數十
人溪窈而黑又有龍潭在山之東僧道潛詩但看
黃鶴山頂雲化作白龍潭上雨○又十里曰臨平
山其巔亦有龍洞自洞門至水際凡五丈深不可
測山下有臨平湖周圍十里孫吳赤烏二年寶鼎
見因名鼎湖晉咸寧中彗星孛于角占者云吳臨
平湖自漢末壅塞至今當復開父老相傳此湖塞
天下亂開則天下平又吳郡志臨平湖邊得一石
匣中有小石青白色長四寸廣二寸刻其上作皇
帝字孫皓爲改元天璽唐張祐過臨平湖三月長

湖草欲齊綠楊分映人長堤明家起處烏猶吠酒
客醒時謝豹啼山檻正當蓮葉落水添新築稻秧
畦人間說多岐路咫尺神伯路欲迷宋蘇軾憶
臨平湖餘杭門外葉飛秋尚憶居人挽去舟一別
臨平山下路五年雲夢澤南州淒涼楚地綠吾發
邂逅秦淮爲子留寄謝西湖舊風月故應時許夢
中遊僧道潛詩風浦獵獵青輕桡欲立蜻蜓不自
由五月臨平山下路萬花無數滿汀洲○寶石山
在錢塘門西北高六十餘丈磊塊巉峴負郭挺立
錢氏臣吳延爽者建有崇壽院及寶所塔九層宋

杭州府志勝八卷之一

古

咸平間僧永保重修今俗呼保秘塔塔門舊有湖
山勝樂四字張卽之書錢思復登保叔塔舍利天
開畫缺簷風語鈴野雲秋共白江樹晚逾青鑿屋
品藏雨黏崖石墜青下看湖上客歌吹正沈冥其
左有落星石卽羅隱峰記云或聳秀而曾排巨石
或宕堯而朝挹衆山者又有看松臺俯臨巨壑仰
拂松梢故名○其麓爲兜處寺吳越王建而臨湖
水中蓄蓮池宋陳堯佐詩湖邊山影裡靜境與僧
分一榻坐臨水片心閒對雲樹寒時落葉鳴散忽
成草莫問紅塵事林間宜暫閒○昭慶之西爲石

石橋唐刺史李泌建有水閘以洩湖水溉田無數
至今賴之其北有霍山有慶忌塔以春秋時吳公
子慶忌瘞此是山多骨石筍鱗起前有石池潏不
可測南行爲石佛山往志所傳爲秦始皇繫纜石
石傍有沁雪泉棠陵方思道題○大佛寺亦錢氏
建有相巖院爲樓者十三間相傳蘇子瞻治郡時
常判事于此卽所云湖中了公事也其西爲錦塢
爲初陽堂又西爲寶雲山瑪瑙寺設焉棧閣凌空
延眺極勝○寶雲之支渡西冷橋以入孤山陳文
帝天嘉年建永福寺于此寺內有文帝手植柏二
株在宋時已枯其一蘇子瞻作詩紀之孝宗爲書
此詩勒石今不存○孤山在重湖之間以其巖立
水心故名宋智圓禪師與處士林逋爲友以詩文
自娛著閒居編五十一卷其所居院有僕夫泉以
僕夫藝竹得之因名又有開泉圓師詩云開泉澄
極頂是也逋字君復號和靖居士結廬孤山二十
年未嘗入城市嘗畜二鶴時泛小艇遊西湖諸寺
客至則一童應門延坐開籠縱鶴必棹船而歸逋
有詩云山水未還猿鳥少此生猶擬別移居直過
天竺溪流上獨樹爲橋小結廬又臨終詩云湖上

五

青山對結廬。墳前脩竹亦蕭疎。茂陵他日求遺稿。
猶喜曾無封禪書。二智圓之後。有患勤者。與六一
居士歐陽修善。居士爲作山中樂三章贈之。蘇子
瞻通判錢塘亦與之善。以守杭再至。居士與勤皆
已化去。東坡未至數月。泉出講堂之後。甚白而甘。
坂因惟勤意。名曰六一泉。且序其事而銘之。曰泉
之出也。去公數千里。後公之沒十有八年。而名之
曰六一。不幾於妄乎。曰君子之澤。惟五世而已。蓋
得其人。則可至於百傳。嘗試與子登孤山而望吳
越。歌山中之樂。而飲此水。則公之遺風餘烈。亦或

杭州府志勝八卷之一

七

見於斯泉也。孤山寺舊有竹閣。白樂天建後移
于北山報恩院。樂天竹樓詩云。小書樓下千竿竹。
汲火爐前一盞燈。此處與誰相伴宿。燒丹道士坐
禪僧。唐張祐孤山寺詩。樓臺聳碧岑。一徑入湖心。
不雨山常潤。無雲水自陰。斷橋荒蘚合。空院落花
深。猶憶西窓月。鐘聲出北林。宋林逋孤山晚眺水
墨屏風狀。總非作詩除。是謝玄暉。溪橋晨景。穿黃
落樵斧。丁丁響翠微。返照未沈。僧獨往。長煙如淡
鳥橫飛。南峯有客鋤園罷。閒倚籬間忘却歸。○武
林山見漢書錢塘縣下。卽武林山。爲武林水所出。

若也攷成化志。以靈隱寺後山。北高峰當之一統。
志合靈隱山。飛來峰爲武林惟御重生。云武林者
乃南。北天竺。靈隱諸峰之總名。及東晉以後。因有
諸名。而武林反以無專指。而晦其說。甚辯。今從之。
而列諸勝於武林山下。○靈隱山在城西十二里。
本名西山。一名仙居山。晉咸和元年。梵僧慧理登
山。歎曰。此中天竺國靈鷲山之小嶺。不知何年飛
來。仙靈隱寓。今復爾否。因名靈隱。爲建靈隱寺於
此。相傳刹利禪師寶達。以晉天福間居是山。善持
秘呪。時浙江水溢。激射湖岸。師誦呪止之。是夜有

杭州府志勝八卷之一

七

偉人黑冠朱衣。謂師曰。伍負復求雪耻耳。師慈心
爲物。負聞命矣。自是潮擊西興。而杭州東岸沙漲
數里。今寺有印沙床。照佛鑑。是其遺址云。唐宋之
間。靈隱寺詩。鶯嶺鬱名巖。龍宮鎮寂寥。樓觀滄海
日。門對浙江潮。桂子月中落。天香雲外飄。捫蘿登
塔遠。剝木取泉遙。霜薄花更發。水輕葉互凋。夙齡
尚遐異。搜對滌煩囂。待入天台路。看余渡石橋。張
祐詩。峰巒開一掌。朱鑑幾環延。佛地花分界。僧房
竹引泉。五更樓下月。十里郭中烟。後塔聳亭後。前
山橫閣前。溪沙涵水靜。澗石點苔鮮。好是呼猿久。

石笋峰伏苓泉輦光菴今惟菴存○按隱居堂後漢陸瑋建瑋字文該隱居茲山學易圖淮南王劉安及九師像以祀之又名九師堂○思真堂晉許邁建○夢謝亭晉杜明禪師爲謝靈運建靈運會稽人其父舉之憂不宜育乃寄養於杜明杜明夜夢東南有賢人相訪翌日靈運至遂建夢謝亭一名客兒亭盧元輔詩云長松晉家樹絕頂客兒亭是也○紫薇亭唐紫薇舍人唐詢建○翠微亭宋韓軾王世忠建既忤秦檜解樞柄奉朝請逍遙湖上因建此亭○候仙亭白樂天詩蹇步垂朱綬華

杭州府志勝八卷之一

支

清淺吹鬢疑風雨不見白使君煙霞爲誰語○冷泉從石人嶺下至合澗橋與金沙泉匯入于西湖俗名金沙灘其地產荷花宋南渡時取以製麴釀酒因立有麴院西湖十景有麴院風荷卽此○合澗橋在飛來峰路口北澗自靈隱而下南澗自天竺而下合流于此號曰錢源唐時有靈隱天竺寺門袁居中所書卽白樂天詩一山分作兩山門者張光弼詩兩澗何年合一橋終日開桃花逐流水未覺是人間○靈隱山畔舊有隱居堂思真堂夢謝亭紫薇亭翠微亭候仙亭見山亭今俱廢又有

石笋峰伏苓泉輦光菴今惟菴存○按隱居堂後漢陸瑋建瑋字文該隱居茲山學易圖淮南王劉安及九師像以祀之又名九師堂○思真堂晉許邁建○夢謝亭晉杜明禪師爲謝靈運建靈運會稽人其父舉之憂不宜育乃寄養於杜明杜明夜夢東南有賢人相訪翌日靈運至遂建夢謝亭一名客兒亭盧元輔詩云長松晉家樹絕頂客兒亭是也○紫薇亭唐紫薇舍人唐詢建○翠微亭宋韓軾王世忠建既忤秦檜解樞柄奉朝請逍遙湖上因建此亭○候仙亭白樂天詩蹇步垂朱綬華

杭州府志勝八卷之一

支

纓映白鬚何因駐衰老只且有歡娛酒興還應在詩情可便無登山與臨水猶未要人扶○見山亭張商英詩簾捲疎煙醉眼開浮雲飛盡見崔嵬苦嗟霖雨遮藏久深謝東風引致來丹桂有時明月滿舊山無路白猿哀禪僧指我真空理心火茫然一夜灰○石笋峰高數十丈圓峭特立峰舊有普圓院院內有趺然臺金沙白沙二泉杭守祖無擇愛茲山之勝建菴于此左右金漆板扉皆趙閱道蘇子瞻秦少游黃魯直諸賢留題文與可畫竹數枝在壁間○伏苓泉古松婆娑泉出甘冽飲者多

壽口華光松在巢溝塢內以華光禪師而名師蜀人唐代宗時自居易荆郡聞師住是山結與爲友嘗以詩招之入城不赴答以詩曰山僧野性好林泉每向品阿倚石眠不解栽松陪玉勒惟應引水種金蓮白雲可來青嶂明月難教下碧天城市未能飛錫往恐妨鸞鶴翠樓前卷內有金蓮池烹茗井壁上趙閱道蘇子瞻題名○九里松在靈隱寺夾道植松凡九里有六朝南宋植者有唐郡守袁仁敬植者有宜對亭葉紹翁書金闕詩云結驂向青郊松陰九里遙言從天竺寺直渡小春橋偃

杭州府志勝不卷之一

子

寒成芝蓋蕭瑟蔭蘭橈相逢何所贈期君保後凋○北高峰乃靈隱最高一峰石磴數百級曲折三十六灣唐天寶中建泮屠七層于頂羣山屏列湖水鏡浮雲光倒垂萬象在下遙望浙江如疋練之新濯蘇軾詩云言遊高峰塔尊食治野裝大雲秋未衰及此日初涼霧霏岩谷暝日出草木香嘉我同來人久便雲水鄉相觀小足衆前路高且長古松攀龍蛇怪石坐牛羊漸聞鐘磬音飛鳥皆下翔入門空無有雲氣浩茫茫○上天竺在北高峰麓五代晉天福間僧道翔結菴山中得奇木刻大士

像號天竺看經院宋嘉祐中僧元淨主之生而左肩肉起如袈裟緣凡八十一日乃減十歲出家後賜號辯才○寺南有乳竇峰下有空竇懸乳如肺耳和可啖其西爲獅子峰北爲白雲峰東爲天香泉東南爲中印峰重岡疊嶺蒼翠輝映有大悲泉在講堂下流遶殿前經如意池池以青石甃之方丈面鏤如意文曲折廻遶可以流觴唐崔顥詩晨登天竺山山殿朝陽曉湖泉爭噴薄江岫相縈繞直上孤頂高平看衆峰小南州十二月地煖冰雪少青翠滿寒山藤蘿覆冬沼花龕灤布側青壁石

杭州府志勝不卷之一

子

林杪鳴鐘集人天施飯衆猿鳥洗意歸清淨澄心悟空少始知世上人萬物一何機李白詩云桂席凌蓬丘觀濤憩樟樓三山動逸興五馬同遨遊天竺森在眼松風颯驚秋覽雲泐變化弄水窮清幽疊嶂隔遙海當軒寫歸流轉成傲雲月佳趣滿吳洲蘇軾天竺訪辯才詩不辭清曉扣公扉却值支公久未歸山鳥不鳴天欲暮捲簾惟見白雲飛○中天竺寺在稽留峰北稽留峰者相傳堯時許由隱居茲山遂名許山峰訛爲稽留注水經曰昔有道士入此不返因以稽留爲山號未嘗顯伯許山

也隋開皇中寶掌禪師立有道場于此唐白居易詩蘇芳洲草合繁綠崑樹新山濺景候晚四月有餘春竹寺過微雨石徑無纖塵白衣一居士方袍四道人地是佛國土人非俗交親城中山下別相從亦殷勤宋僧道潛詩夕陽山氣靄蔥蔥路轉松陰復幾重行過石橋人未見數聲先聽寺樓鐘又稽留東北好林泉珍重幽棲得所便柏子煙中能宴坐想無餘習可攀緣○下天竺寺在飛來峰之麓隋開皇十五年建號南天竺初邑人范氏子真觀生而左掌有仙文右掌有人字及出家從天台

杭州府志勝

卷之一

三

智者受禪觀宴坐靈隱山頭陀石室至是有道安禪師與衆建寺請觀居之是爲開山初祖靈竺之勝週迴數十里而巖壑尤美者皆聚於此自飛來峰轉至寺後諸巖洞皆嵌空玲瓏其左右理公巖乃慧理安息之所慈雲法師所謂訪慧理之禪巖是也洞有三曰龍泓葛仙翁於此得道石洞世傳通浙江下過蕭山有采石乳者入洞嘗聞波浪聲日呼猿宋僧智一善嘯嘗養白猿於山間臨淵長嘯衆猿畢集人謂之猿父僧遵式白猿峰詩序云遵式者本葉氏子學行孤高博習教觀自營建下

天竺寺著淨土懺法金光明觀音諸本懺儀行世號慈雲懺王宋張翥詩石梁澗水濕蒼苔陰洞傍穿澗底回殿角金銀從地湧山林圖畫自天開隨僧到分雲住猿認人呼下樹來遊興未闌斜日盡馬頭呼酒尚徘徊○寺後有三生石謝靈運有詩後唐京洛人李源與閔澤友善約遊蜀自荊州路次南浦見嬾人負瓮而汲澤曰嬾人王氏吾當爲之子孕三歲矣吾不來故不得乳今既見無可逃者三日公臨視我以笑爲信後十三年中秋夜當相見於杭州天竺寺至暮澤亡而嬾乳三日往

杭州府志勝

卷之一

三

視兒果笑後十三年源赴其約果有牧童騎牛隔水呼源歌曰三生石上舊精魂賞月臨風不要論慚愧情人遠相訪此身雖異性靈存源問澤公健否答曰李公眞信士俗緣未盡慎勿相近願勤修之又歌曰身前身後事茫茫欲話因緣恐斷腸吳越山川尋已遍却回煙棹上瞿塘因拂袖入煙霞而去○葛嶺在西湖之北寶雲山西上有葛仙冢卽稚川也嶺上有智果寺寺有參寥泉蘇東坡記略云僕在黃州夢參寥子賦詩有寒食清明都過了石梁槐火一時新之句後七年守錢塘而參寥

子卜居智果院有泉出石縫其公室茶食之
日僕自孤山來謁參寥子汲泉鑽火烹茶而所夢
兆於七年之前因名參寥泉○虎頭巖在葛嶺西
山形突出如虎吳越王盛時望氣者云杭州有王
氣宋太祖命鑿之其西爲秦望山輿地志云秦始
皇東遊登此山瞻望欲度會稽故名上有巨松二
十餘株自然成行名金洞門唐長慶初圓修禪師
見此山長松盤屈如蓋遂栖其上有鵲構巢其傍
與之馴狎人謂之鳥窠和尚元和中白居易守杭
入山謁師問曰禪師住處甚危險答曰大守危甚

杭州府志勝入卷之一

五

險甚白曰位鎮山河何險之有師曰薪火相交識
性不停得非險乎僧來復詩寶網金幢變劫灰瞿
曇寺裏盡蒿萊鳥窠無樹山變泣不見談禪大傳
來○棲霞嶺在葛嶺西嶺上桃花色絢如霞故名
其北有古劍關蓋左寶雲山右仙姑山兩山夾峙
若劍門然宋岳飛將牛皋墓在焉嶺巔有紫雲洞
峭聳懸空陰涼徹骨左有棲霞洞入其中如屢屋
風從南來徐舒而出石壁小臺突然坎中衡二石
下達於抵仰視左竇四五通明大者圓徑尺有水
洞深不可測○棲霞嶺之陽有宋少保岳武穆王

墓高宗南渡岳飛恢復中原秦檜王和議與之不
合譖發十二金牌召還竟寘諸獄而死獄卒隗順
省負其屍潛瘞九曲叢祠樹雙橋爲識至孝宗雪
其寃改葬于此歲以十二月二十九日祭王忌辰
也廟貌恢特蓋斤智果院基爲之兩廡刻其所製
滿江紅詞併送張紫岩北伐詩西偏有流盃亭石
刻王像存焉其贊曰惟武穆王天錫勇智氣吞強
胡力扶宋李桓桓師旅元戎是寄不將恢復遭讒
所忌生既無忤死亦何愧萬古長存惟忠惟義云
宋林景熙詩寥落一坏在英雄萬古寃孤忠懸白

杭州府志勝入卷之一

五

日遺恨寄中原樹老殘霞沒塵濶斷碣昏東南天
半壁往事泣寒猿林弓寮詩天意只如此將軍是
可傷忠無身報主寃有骨封王苔雨樓牆暗花風
廟路香沈思百年事揮淚對斜陽元達菲善詩將
軍有意拔天旌直取黃龍復漢京誰謂君王輕屈
膝久知戎虜定淪盟屬車不返三關路烽火長連
五國城獨使英雄含恨血中原何以望澄清高則
誠詩莫向中州歎黍離英雄生死係安危內廷不
下班師詔絕漠全收大將旂父子一門甘仗節山
河萬里竟分文孤臣尚有埋身地三帝遊魂更可

悲仁竊忠祠以祀劉允升施全善允升建州布衣
聞飛被逮上疏訟其冤秦檜大怒下棘寺論死全
歿前司小校也憤檜嫉忠悞臥懷刃刺之不中磔
于市云○無門洞在棲霞嶺後當北山之肘宋淳
祐間有僧曰慧開者字無門嘗參崇觀有神解說
法吳興之黃龍山後棲定保寧寺偶卓錫于此有
石砢砢不合如礪忽雷聲震地劃然出泉色紺而
冽澄若重淵人以爲龍隨錫至因名黃龍洞宋理
宗嘗召師入內殿禱雨輒應帝令密伺其所爲開
惟默然而已問何以致是開曰寂然不動感而遂

杭州府志勝不卷之一

寺

通帝悅賜號佛眼禪師勅祠黃龍曰靈濟侯師自
諱其形矮劣因洞巖有巨石挿空壘如脂肪高約
二丈餘方廣三四倍乃命工省已形長丈餘飛雲
隱其足緣背光焰鑿龍首蟠繞前施几案皆就石
勢鏤成且私祝曰願後有身等此及師遷化之夕
錢塘孫某娘李氏夢一僧持燈籠寄宿自云慧開
上人翌日產男子異相非凡及長身長九尺有奇
出家受具足號中峰和尚時皆知爲無門祖師後
身○仙姑山界于履泰靈隱塢之間其西爲青芝
塢以背產青芝而名塢由石板巷而入宋高宗駐

蹕地也其前爲玉泉寺背爲靈峰寺玉泉者方池
泓許清徹可鑑畜五色魚數十頭游泳如畫晉天
福三年建淨空院于此靈峰幽徑岑寂人跡罕至
五代錢氏延伏虎禪師居之寺內有翠微閣眠雲
堂洗鉢池諸勝○仙姥墩在清波門外沿城而北
有聚景園宋孝宗築以奉上皇遊幸者按神仙傳
姥餘杭人嫁於西湖農家善採百花釀酒王方平
嘗沽飲是後羣仙時降因授藥一丸以償酒價姥
服化去後十餘年有人見姥於洞庭湖邊仍賣百
花酒云○南屏山在仙姥墩西南峰巒聳秀怪石

杭州府志勝不卷之一

寺

玲瓏峻壁橫披宛若屏幃凌空峙者爲慧日峰
錢王俶建永明院於前延智覺延壽禪師王之師
嘗欲從王求金鑄十八羅漢未白也王忽夢十八
巨人隨行翌日師以請王異而許之始作羅漢堂
至宋時師撰宗鏡錄一百卷乃作宗鏡堂其徒滿
二千人高麗國王遣使齎書敕弟子禮熙寧中郡
守陳襄延宗本員照禪師任持屬旱湖涸而甘泉
出寺西隅有金色鯉魚遊其中因鑿爲井寺製千
餘飲之不竭名圓照井蘇軾南屏寺詩我識南屏
金鯉魚重來撫檻散齋餘還從舊社得心印似省

前生兒手書對合平湖久蕪沒人經豐歲尚凋疎
誰憐寂寞高常侍老去狂歌憶孟諸南渡時永
明院毀復興聖五百羅漢作田字燧奉之紹興九
年賜額淨慈寺門前有萬工池崇熙間以寺數遭
回祿因鑿池以禳之用工萬人故名○雷峰在淨
慈寺前南屏之支昔有雷就者居之故名穹窿廻
映亦名中峰亦名廻峰吳越王妃於此建塔俗稱
王妃塔以其地產黃皮木遂訛呼黃皮塔宋林逋
詩中峰一逕分盤折上幽雲夕照前村見秋濤隔
岸聞長松標古翠疎竹動微薰爲愛蘇門嘯幽懷
杭州府志勝八卷之一 天

此循壑而上曰南高峰凡高一千六百丈徑路盤
旋松篁葱蒨非芒鞋竹杖不能攀陟自椒巨石名
先照壇以日月初升被照獨先故名又有鉢盂潭
潁川泉白龍洞相傳爲神物所居晉天福間建塔
其上東瞰湖山南顧大江西接嚴巒北瞻陵阜畢
呈睂睫間其側有瑞應像神設鬼工不假雕鑿○
赤山在太子灣西其上赤壇故名與玉岑山對峙
玉岑者以產玉之故秀潤異常層巒繚繞古木樛
葛山門玉岑二字宋理宗手筆也○赤山埠有定
香橋江干行旅所必由之其水曲爲浴鵠灣元張
杭州府志勝八卷之一 天

自不羣○九曜山在南屏之西又西南過太子灣
乃宋莊文景獻二太子攢園折而南爲石屋洞高
敞虛明衍迤二丈六尺狀如軒榭可布筵几其底
邃窄通幽又南過爲烟霞嶺嶺下有水樂洞巖石
盤峙洞壑虛窈窕響作金石聲故名又有煙霞洞
洞中皆丹玄五采色晉間運初僧彌洪者結菴洞
口遇神人指曰山後有勝蹟何不顯之洪乃披榛
而往忽見洞內羅漢六尊現像石壁愕然者良久
未幾吳越王夢僧告云吾兄弟十八人今方有六
王可聚之覺而訪得此洞六羅漢因刻滿其數由

伯雨構有亭軒于此劉邦彥詩春水初生浴鵠灣
茂樸高枕對青山鳥聲啼足忽飛去門掩綠陰清
晝閒○赤山之水經惠因寺爲惠因澗以入湖寺
吳越時建宋元豐間高麗僧義天主之因名高麗
寺秦少游題名記云浴湖而行出雷峰度南屏濯
足于惠因寺澗有筍其泉來會畫史云元黃子久
號大痴卜居泉上有山水訣傳于世○宋紹興初
漕司試兩浙士于惠因寺以廣果寺爲別試院院
有虛悅樓鳳二軒在惠因橋北○又北爲法相寺
寺僧法真者生有異相耳長九寸上過於頂下可

結願後唐同光二年至此依石爲室禪定其中之水給飲卓錫巖際清泉迸出名定光泉吳越王方齋僧永明禪師告王曰長耳和尚乃定光佛應身王卽趣駕參禮和尚默然但云永明饒舌少頃踟蹰而化真身尚存○又北爲三台山有于肅愍公墓公諱謙錢塘人英廟北狩公以兵部尚書任國事外攘內撫有社稷功及天順復辟爲奸臣石亨誅誣論死成化二年廷議始白遣官祭葬○風篁嶺在赤山西北林壑深沈淙流活活蒼葭篠簜風韻凄清故名宋元豐中僧辯才自龍井送蘇東坡至此左右驚曰達公過虎溪矣辯才笑曰杜子云與子成二老來往亦風流遂作亭嶺上曰過溪嶺上有一片石高丈許青潤玲瓏工緻萬狀俗呼一片雲清泉一泓是名龍井吳赤烏中葛洪煉丹于此有秦少游記米元章書其略云井當西湖之西浙江之北風篁嶺之上溪山亂石之間是也有三賢祠後人建以祀趙閱道蘇子瞻及參寥者元祐諸賢多所留題如東坡竹石齋宣仲枯木揚次公詩益其著者云 我正統十三年旱中貴李德駐龍井令力士潤之初得鐵牌二十面玉佛一尊

杭州府志勝八卷之一

三

金銀各一錠鑿大宋元豐二年號次得一石高六尺許奇怪突兀以八十人拽之上有神蓮二字傍多款識漣漫不可讀又得鐵牌十五面銀二條上鑿吳赤烏年號又有老龍井幽僻溪泉出塵外其地產茶清馥雋永爲兩峰之冠卽俗所稱龍井茶也其南爲九溪其西爲十八澗宋張九弼詩春山縹渺白雲低萬壑爭流下九溪欲邈落花尋曲徑桃源無路草萋萋○大慈山去清波門西南十里唐元和間建定慧寺於此寺有虎跑泉國初金華宋濂叙云唐元和十四年性空大師棲禪其中

杭州府志勝八卷之一

三

尋以無水將他之忽神人脫告自師駐錫我等微惠奈何棄去南嶽有童子泉當遣二童移來異日乃見二虎跑山出泉其列勝常師因留乃建寺于此客欲觀泉者僧爲舉梵頃泉卽沸沸而出若懸珠然已而微作游勢宋蘇軾詩亭亭石塔東峰上此老初來百神仰虎移泉眼起行脚龍作浪花供撫掌至今遊人盟濯龍聽空塔環珮響信知此來如此泉莫作人間去來想○又十里爲五雲山乃天門山之支也岡阜秀絕林巒蔚起沿江盤曲而上凡六里七十二灣石磴千餘級其巔有天然

并月輪峰長江三折正當其前梁普覺禪師立道
場于此錢思復詩普覺遺永久不傳五雲山色尚
蒼然斷崖蘿薜三千丈喬木風霜四百年龍井雨
溪泉獸響漁村潮滿月初圓寶坊金碧紅塵聚何
似茲山更絕緣○五雲之東北有白沙塢西北有
雲梅塢明萬曆比丘株宏偕其徒修淨業于此自
號雲棲道人戒行瑩潔爲四方所宗信其溪水經
朱橋以入江○定山在城東南四十里寰宇記云
定山突出浙江數百丈江濤至是輒抑舟行賴之
山北有月輪山唐開寶中永明禪師建開化寺于
杭州府志勝不卷之一
三
此寺有六和塔以鎮江湖之險有鎮井欄吳越錢
氏所造詩人羅隱墓在定山鄉山南有臥水二洞
洞中多石子紅點如丹特出卽隱置於內如故○
又五里爲淨山蘇子瞻疏河奏略云潮水自海門
來勢若雷霆而浮山峙於江中與漁浦諸山相望
犬牙錯人以亂潮水洄洑激射其怒百倍沙磧轉
移狀若鬼神雖舟師漁人不能前知其淺深也○
錢塘江本名浙江虞喜志林謂潮水投浙江下折
而曲一云江有反濤水勢折歸故云浙江一名浙
河山海經曰禹治水至於浙河莊翼曰浙河之水

濤山浪屋雷擊霆砰有吞天沃日之勢是也一名
羅刹江取風濤險惡之意今以其地介於錢塘縣
遂名錢塘江湖水晝夜再上奔騰衝激聲撼地軸
郡人以八月十八日傾城觀潮爲樂有善泗者泝
濤出沒謂之弄潮其沿江之塘自唐宋來代有修
築相傳吳王賜子胥死浮之江中其神依潮來往
有見其乘白馬于潮頭者謝承後漢書曰吳郡王
閔渡錢塘江遭風船欲覆閔拔劍砍水罵伍子胥
水息得濟五代錢氏築捍海塘在候潮通江門外
潮水晝夜衝擊板築不就因命強弩數百以射潮
杭州府志勝不卷之一
三
頭又禱於胥山旣而潮水避錢塘擊西興隄岸乃
成久之乃爲城邑聚落凡今之平陸昔皆江也昔
有樟亭可以觀濤今浙江驛是其故址梁任昉觀
濤詩雲容雜浪起楚水漫吳流漸看遙樹沒稍見
遠天浮漁人迷舊浦海鳥失前洲不測滄溟遠輕
鱗幸自遊又濟浙江詩昧旦乘輕風江湖忽來往
或爲歸波送午逐翻江上近岸無暇目遠峰更興
想綠樹懸宿根丹崖頽久壘劉孝綽秋渡浙江日
暮愁陰合繞樹噪寒鳥濛濛江煙上蒼茫沙嶼無
解纜辭東越接軸驚而狙懸帆似馳騏飛棹

是言歸遊俠窟方從冠蓋衢唐孟浩然觀湖詩百
里雷聲震鳴絃暫輟彈府中聯騎出江上待潮觀
照日秋雲迴浮天渤澥寬驚濤來似雪一座凜生
寒岑參前題水樓一登眺半出青林高帝幕英僚
散芳筵下客叨山藏伯禹穴城壓子胥濤今日觀
溟漲垂綸欲釣鰲○西湖故明聖湖也周繞三十
里三面環山谿谷縷注下有湖泉水道瀦而為湖
漢時金牛見湖中以爲明聖之瑞因稱明聖湖以
其負郭而西故稱西湖然湖封蔓合久多淤塞前
史莫考至吳越王時置撥兵菱草濬泉宋王欽若

杭州府志勝不卷之一

書

奏以爲放生池自是一濬於郡守鄭戩再濬於蘇
軾軾取封泥積湖中南北徑十餘里爲長隄以通
人行今稱蘇公隄西曰裏湖東曰外湖我正德初
郡守楊孟瑛又重濬之益蘇隄高二丈濶五丈三
尺夾植桃柳隄開六橋通水一日跨虹二曰東浦
三曰壓隄四曰望山五曰鎖瀾六曰映波裏湖西
岸者爲楊公隄亦開六橋一日環碧二曰流金三
曰卧龍四曰隱秀五日景行六曰濬源自北新路
第二橋入靈竺二路者爲趙公隄以宋淳祐中京尹
趙與憲築也自斷橋至孤山爲白公隄以唐郡守

居易築也舊有寺在湖中名湖心寺寺外三塔
立相傳湖中有三潭深不可測故建浮屠以鎮之
卽十景所謂三潭印月也今易以亭名湖心亭唐
儲光羲遊湖上詩竹吹留歌扇蓮香入舞衣前溪
多曲漱乘興莫先歸許渾前題前山風雨涼欵馬
繫垂楊何處芙蓉落滿渠秋水香白居易湖上夜
飲郭外迎人月湖邊醒酒風誰留使君飲紅燭在
舟中宋梅聖俞西湖泛舟水消湖已綠渺渺鴨頭
春船學吳兒刺吟希楚老新對山憐去鳥隔樹認
遊人誰念滄江上風柔條白蘋歐陽脩西湖戲作

杭州府志勝不卷之一

書

示同遊者菡萏香消畫舸浮使君寧復憶楊州都
將二十四橋月換得西湖十頂秋蘇軾夜泛西湖
蒼龍已沒斗牛橫東方芒角昇長庚漁人收筒未
及曉船過惟有菰蒲聲○西溪在武林山西北相
傳宋高宗初欲都其地後得鳳凰山乃云西溪且
留下俗因呼留下云○西溪有石人塢蓋北高峰
石人嶺之支也塢口爲九沙爲汾山路宋南渡時
車駕由此入餘杭歷方井法華泰亭凡十八里路
以小河夾岸皆茶竹梅栗二月梅始華香雪集
四而木葉人又其地有梅花泉泉從地湧起舊稱

花樽若可掇拾云 餘以丙午歲西溪看楓有詩春
雲忽度西溪水溪畔梅花從此始殘留寂寂時掩
扉微減禪燈山雨裏山雨透迤沓暮鐘林此去
幾千重渡頭客問餘杭酒衣上雲來大目峰數年
夢想遊天目誰云路接梅花屋今宵驚頓無他夢
祇向龍池看飛瀑○西溪滙著溪以入止關河若
溪源出餘杭西極村經紫雲萬松白鶴方印諸山
凡三十餘里與西溪接亦名安溪明田藝衡寶林
別業在焉其著溪賦泛詩溪上全無著煩襟向此
消水容清蕙帶星影動蘭橈綠樹移殘月黃山出

杭州府志勝八卷之一

三

古窰誰知竟陵子擘木起長謠藝術其父汝成撰
西湖遊覽志

海寧縣在府東一百二十里

輿地廣記云漢吳王渙煮海爲鹽有鹽官鹽官本
名海昌吳志孫權爲將軍陸遜始仕幕府出爲海
昌屯田都尉并領縣事是也唐宋更置郡縣不一
俱以海昌名元升鹽官州後更名海寧我朝改州
爲縣縣南二十里爲海昌府治隋大業年廢縣西
北二百五十步有海昌院唐開元年建宋大中祥
符間改爲安國院院內有大悲閣高九仞凡四重

蘇子瞻記○國初高啓登海昌城樓望海百川浩
浩東元氣流不息混茫自太古於此見容德晴陰
漲玄濤萬里失空色鴻鵠去不窮魚龍變難測朝
登茲樓望動盪豁胸臆始知滄溟大外絡九州咸
日出水底宮烟生島中國寬疑浸天爛怒欲吹地
吳常時風雨興海若不受職長隄此宵潰頻勞負
薪塞况今艱危際民苦在墊溺有地不可居瀕洞
風塵黑安得擘水遊圖南附鵬翼○郡人陳善作
海塘考云海寧縣治南卽海海上卽塘距城百
武而近東抵海鹽西抵浙江延袤百里塘西南數

杭州府志勝八卷之一

三

十里有赭山與龕山對峙爲海門潮水所逕始猶
廣衍繼入隘口橫流至此束不得肆輒怒而東返
東五十里又有石墩山與赭山相望若兩拳然潮
返爲此山所障仍鼓怒而西東西蕩擊數十里間
狂瀾駕風若萬馬馳驟銀山雪屋排空而下此枚
乘七發之喻所爲作也○按志花山在縣東五十
里其層起者卽石墩山也赭山在縣西南五十里
土石皆赤色故名龕山嶺紹興府界○菩提山在
縣東六十里晉于寶臨安人有宅於此拾爲菩提
寺宋改真如寺寺傍有靈泉陳逸記云昔有僧勸

誦佛經一日井澗有泉發於山俄而竇於寺前之
西故以靈名其側有張無垢讀書臺○又里許爲
錢山產水仙花多翠竹蒼松鳥有鷓鴣山雀顧辰
題錢山水仙花詩安麗瑤池曙色涼凌波仙子試
新妝金盤露積珠襦重玉珮風生翠帶長萬里弱
流通閭苑一簾疎雨隔瀟湘歲寒林下花時節只
許梅花壁絮芳○其地有妙果山高二十丈周回
七里與袁花山相連後鑿斷爲河名袁花塘其源
自吳姚塘港長六十里南通白潭港西流入縣城
濠○贊山在縣東北六十里有溪潭人稱秦王

杭州府志勝

卷之一

三

磨劍池也其北一里爲審山以有漢審食其墓故
名○審山之西爲紫微山舊名硤石山與贊山相
對唐中書省白居易嘗登此山望石硤湖後人以
中書爲紫微省因改今名硤石者兩山相峙中通
河流溢而爲湖其山上寺即崇惠寺唐顧況詩家
在雙峰蘭若邊蓋指此也山後有洞乃馬自然煉
丹之所世稱神仙洞顧況讀書臺在洞側自爲詩
云野人自愛山中宿况是葛洪丹井西門前有箇
長松樹夜半子規來上啼○金牛山在縣東八十
里寰宇記云昔吳楚間有金牛自毗陵奔此而沒

因以爲名山側有洞溪不可測穴寔是間避亂者
多居之稍北爲廟山溪宿廻曲其巔曰星臺二將
草廟在焉○烏龍山在縣東南七十里有烏龍井
深廣皆四尺冬夏不竭相傳是蘇軾軍乘黑馬跑
地得泉故名胡隆成詩烏龍井中黑雲起電掣雷
轟走神鬼烏龍捧壽天上來却向人間作風雨大
風吹海海水渾大雨洗出珊瑚根須臾雲散星月
朗黃河直接瑤天門○茗山在縣西北四十里高
十丈周廻二里六十步多茂林喬松鳥有山鷄雌
雄○崑門山在縣西南四十七里高十仞周廻五

杭州府志勝

卷之一

三

里穹窿峭拔疊嶂蟠峙其東十里則蜀山西里許
則河莊山也又里許爲越山○百尺浦在縣西四
十里輿地志云昔越王造百尺樓以望海因名又
五里爲赭山港西接運河南抵海塘○赭山西側
有月湖周圍一百八十丈其形如月故名○硤石
有南湖西南流入洛塘河東達海鹽其支流爲硤
石市河入嘉興○塚廟記云唐許遠墓在縣東北
五十里楊園村遠邑人唐明皇時爲睢陽太守安
慶緒遣尹子琦攻圍遠與張巡竭力城守歲餘無
援始陷遠俱被執不屈死詳見唐書○又十里

有小桃源元末貢師泰避兵于此其祠在焉張是詩云文物湖塘自一村尚書曾與共高門已甘海錯充盤飣不厭桃花伴酒樽百畝桑麻生計足一經風雨舊堂存陶潛所記今同否不識州城老子孫

富陽縣在府西九十里

漢王子侯表哀帝封河間孝王子元爲富春侯本秦之富春縣也吳孫堅世家此至大帝黃武五年置東安郡治富春七年郡罷晉太康中避鄭太后諱改富春爲富陽世說殷仲文出爲東陽太守意杭州府志勝卷之一

罕

殊不平行至富春歎曰視此山川形勢當復出一孫伯符○梁何遜富陽詩云客心愁日暮徙倚空望歸山煙歛樹色江水映霞輝歎鶴凌空逝雙鳬出浪飛故鄉千餘里茲夕寒無衣喻坦之晚泊富春江鐘寒寺微江鳥望巢飛木落山城出潮生海棹歸歌吟霜島月誰寄雪天衣此別三千里關西信更稀○觀山在縣治東百餘步又名鶴山又名石頭山一峯高聳橫截大江富春志云孫氏建道觀於山頂故名觀山山頂有嚴君祠及耕春逸雲虛全三亭宋淳祐間縣令李廸舫又有觀亭嘉定

間令程秘舫○山下有龜川三國時永康縣人入山得大龜欲獻吳王夜泊於此纜船大桑樹宵中聞樹呼龜曰勞乎元緒諸葛元遜傳識必致相苦龜答言無多辭禍將及子既至權命煮之薪燃萬束竟莫能害諸葛恪入果命煮以老桑獻者因言所聞之語權使伐樹煮龜立爛宋高峰禪師觀山詩一山高突兀百步去城闌老翠掛清曉華滋積富春江空潮勢遠雲破月痕新對此忘情者林間有幾人○胡鼻山在縣東五里山勢峭峻下瞰大江路狹而險宋乾道中鑿石欄以護之又四里有杭州府志勝卷之一

罕

赤松子山一名華蓋一名赤亭一名雞籠高一百五十丈周廻四十里孤圓如蓋江流其下俗傳赤松子經憩於此齊謝靈運赤亭山詩宵濟瀝浦潭旦及富春郭定山緬雲霧赤亭無淹薄迴流觸驚急臨圻阻參錯亮乏伯昏力險過呂梁壑潛至宜便習兼山貴止托平生協幽期淪躋因微弱久露甘祿請始果遠遊諸宿心漸中寫萬事俱零落懷抱既昭曠外物徒龍螭○靈巖山一名南山在縣西三十里漢建元末僧曇越講經於杭州靈苑山有龍化爲老人詣超曰吾龍也兄弟五人居富春

靈巖北以鄉民耕山逼寺居羣龍怒閉膏雨吾固不忍而弗能止聞師道行必能化伏師乃詣縣誦經雨大霑足群龍因請師居此山化爲白馬載師以登至今石上有馬跡宋嘉定中賜號靈悟大師○又二十里爲紫薇山山形崛起東際大江世傳吳紫薇黃門侍郎孫瑞葬此因名○陽平山在縣南十五里高五十丈廣二十里南而大江後漢孫鍾種瓜其上卒葬焉常有紫雲蔓延數十里後堅爲縣吏討黃巾賊有功仕終豫州牧傳子策權遂建吳國凡歷四世○小隱山在城北一里縣之主

杭州府志勝

卷之一

望

山也上有永樂吉祥寺蘇子瞻題詩于壁謝景初書堂在焉今有雙松故基○越五里曰樟巖山高出衆峰其頂植大樟樹故名中層寔有古樟溪徑鎖清幽之句又有龍湫藏石崑內其西北一穴霧起網罟每爲雨候○山下安長村有吳富春侯郭成墓又有淨明寺唐李白淨明院詩天台國清寺天下爲四絕今到晉照遊到來復何別精木白雲飛高僧頂殘雪門前一條水幾回流歲月宋蘇軾詩富春真古也此地亦唐餘鶴老依喬木龍歸護賜書連筒春水遠出谷晚鐘疎欲繼江湖韻何人

爲起予○白龍出在城北二十里山勢如斧傍有方沼常云白蛇往來其間一日樵者見蛇吐珠捕而烹食之其家全斃後珠歸里人楊氏數有羽人至其家語及此事因求見珠而懷之人忽不見○又十里爲西巖山巖下有洞洞口有池水應潮候山麓巨石扣之鏗然人稱石鼓又謂昔有僧坐巖前葛洪求其地煉丹僧乃退居西巖寺今有仙翁足跡及煉丹鼎在洞中唐白樂天詩千古仙居物象饒道成丹熟晝昇霄巖前寶鏡傳松嶺洞口靈池應海潮岸所百花蓮口晚鷗歸清夜唳聲遙登

杭州府志勝

卷之一

望

臨漸到希夷境手拂行雲渡石橋元楊廉夫詩何代仙人騎鶴歸至今丹竈倚柴扉黃金布地開華藏白石撐天隱翠微海內甲兵民欲久山中車馬客來稀竹窓轉午潭無事晴雪風吹木葉飛○鑠石山在縣西北里許土岡石麓橫列衆峰之前形類於鑠故名又五里有大明院十五里有妙庭觀李白妙庭觀月華詞仙人侍女重雙成桂殿夜涼吹玉笙曲終却從仙官去萬戶千門空月明河漢素女玉煉顏雲輶往往到人間碧霄有路去無踪裊裊香風生珮環蘇軾大明院詩長松吟風晚川

細東卷半掩西卷閉山行盡日不逢人
暮景野梅香入袂居僧怪我戀清景自恨山深出無計作詩
寄謝採微翁本不避人那避世又妙庭觀詩人去
山空鶴不歸丹亡鼎在世空悲可憐九轉功成後
却把飛仙乞肉芝○靈峰山在縣東南四十里其
山高出衆峰絕頂平行有田數畝源泉不竭世傳
宣氏耕山得泗洲佛石像因建庵以奉之禱雨立
應故稱靈峰楊廉夫詩靈峰何崔嵬絕頂有故刹
我來試登高石路陰且滑溪澗水迂迴雲淨竹周
匝况乃鳥道微孤猿度猶狹枯松枝新摧亂石勢

杭州府志勝入卷之一

四

將場古碑已無字空遺綠苔壁遙聞鐘磬聲溪林
起鐙鐙夜深月色寒露濕征衣薄何當駕青鸞乘
風入寥廓○胡狀山在縣西南五十里胡狀水出
焉山高三百丈廣一百三十五里上有石樓石城
里人嘗於此避兵山下之水澄清滉漾波紋若錦
是名錦溪東流與胡狀水注富春江水中有鹹舍
沙射人影犯者輒死每夏秋人不敢涉○又遠者
爲申屠山宋陳剛中記云屠山之勝峰巒重疊端
若拱揖湍水怪石神刻鬼劃中有平田如設萬席
昔申屠蟠晦黨綱之名避地結廬於今千載子孫

家焉○五代史補僧貫休以詩見吳越王有一詩
一鉢垂垂老千水千山得得來之句王說之館於
羅隱隱恨知之晚也復以詩遺王有寶劍霜寒十
四州之句王曰詩則美矣能改作四十州乎休謂
然曰州不可添詩亦不可改孤雲開鶴何天不可
飛遂去而棲申屠山○地里志云富春江自桐廬
經縣界入錢塘蓋浙江之源也縣西南五十里有
桐洲水經注謂桐江水東注過孝子許或故廬是
其地矣尾入孫洲周迴二十三里吳錄云浙江經
富陽中有沙漲吳烈帝爲郡吏趨府鄉人餞之沙

杭州府志勝入卷之一

聖

上父老曰此沙狹而長君當爲長沙太守後果如
其言○古蹟攷云東安郡城在縣北十八里吳黃
武中郡守全琮築○富陽古城唐咸通中縣令趙
訥所築今城乃元至正後更築者去古城二百七
十步○永寧寺城在縣西北即梁大同中所建之
崇國寺也梁元帝時見富春清泉南有美女踏衣
歌曰風淒淒兮雲溶溶水游潞兮不息山蒼蒼兮
萬重歌已忽不見因剖石得紫玉長尺許

餘杭縣在府西北
七十里

史記秦始皇東行至錢塘臨浙江水波險惡乃從

杭州府志勝八卷之一

聖

峽中渡徐廣註在餘杭郡國志云夏禹東巡捨舟
航登陸於此故名餘杭今縣西北二十五里有舟
航山山巔有石穴乃禹治水維舟處○縣治舊在
苕溪南後漢靈帝嘉平二年徙於溪北相仍至今
晉郭文隱桐廬山採藥使虎負之鬻于餘杭市中
肯金以自給卽其地矣○唐丁仙餘杭醉歌曉
幕紅襟燕春城白項烏只來梁上語不向府中趨
城頭坎坎鼓聲曙滿城新種櫻桃樹桃花昨夜撥
亂開當軒發色映樓臺十千買得餘杭酒二月春
城長命杯酒後留君待明月還將明月送君回元
杭州府志勝八卷之一

聖

○稽亭山在縣南九里上有亭基秦始皇築此以
望會稽故名又六里爲岑山風土記云吳步兵校
尉宇岑世居於此○山拳山卽餘杭山也一名大
辟山在縣南二十五里按山拳屬嘉興縣吳大帝
時暨猷自由拳來隱居於此故以名之郡國志云
餘杭有由拳村出膠紙晉郭文隱焉又曰郭公山
此山在大滌山之左辟滌音相近今名大滌也舊
記吳選曹尚書暨豔墓在山拳山東豔性狷介好
爲清議與時不合歸詳本傳○舊經云黃山亦名
餘杭山高千餘丈超出雲表百里外卽望見之左
杭州府志勝八卷之一

大與華陽林屋暗道相通昔玄同先生往遊見龍鱗異境自華陽而歸洞門石鼓廣可容丈扣之有聲自此上下皆平如剗削兩傍崖石委曲夾道中一石若柱倒懸過柱一穴如竇內澗丈餘中有圓井無底惟聞琅琅聲乃歷代朝廷遣使投龍璧之處常有白鼠長可二尺遊於高崖崖上生草名玉芝餌之長生漢元封三年建宮壇於洞前卽今洞霄宮也唐弘道元年有潘先生者建天柱觀於洞下禁樵採爲長生林常有少年寄止其居六十日不飲食將去傳以異術能知九州內外吉凶既而

杭州府志勝不卷之十一

果

曰閒人何用知是乃却之一夕少年復來授之符篆祛疾法赴之者如市十餘年尸解乾寧間法師暨濟物來居積書千餘卷以著作爲事錢王欲爲度弟子不顧而去又有閭丘方精法錄而好儒學錢王奏請賜紫號玄同先生宋天聖四年詳定天下名山洞府凡二十四處以此洞爲第五宋林逋詩大滌山相向華陽路暗通風霜石碣久草木漢祠空劍石苔花碧丹池水氣紅幽人天柱側茅屋灑松風趙居仁詩十里溪聲逐澗灣馬蹄聽入洞霄間左旋右折不知路九鎖一開都是山紫極宮

雲絕頂翠蛟亭壓水當關山中只說吳仙子
抱真心煉火丹仙跡巖在洞石崖上有肩輿簪冠之迹隱然而見不生苔蘚舊志秦始皇驅鬼兵寒海巖勢欲動忽有神人呵叱以身鎖之故有此跡巖邊有石狀如雲從地湧名雲根石邵牧心仙跡巖詩至人猶神龍變化不可測隆隆然七尺軀此一片石我行半江海空飛杳無跡雲根石詩澤雲無定踪滅沒須臾間一朝化爲石千古遺空山天地亦幻物誰能語其端來賢品在秀峰之前嵌空數丈存磐石可坐蘇子瞻倅杭同蔡準吳天

杭州府志勝不卷之一

完

常樂富國聞人安道俞康直張日華凡七人來遊賦詩號曰來賢樓真洞在大滌山前一名西洞舊志大滌先生杜瑛語弟子何法仁曰汝宜居西洞可以避世成真故名此洞天生恩頂形若寶蓋龕室幽深乳泉滴瀝有東西二臺石崖上有龍爪蟠拿蹠跡之跡或戲以手漫滅之明日其跡仍復如初西臺一石平如棋局白石子如拳委積其上旁列石座環向入洞門三丈許有石仙人爲仰瞻狀石室洞在白鹿山下洞中三穴若品字透見天日唐華陰道士吳筠嘗居此洞著文集四百五

十卷故又名藏書洞出腹有石窪尊及茶甌張光
弼詩曾於唐史讀遺文此日來遊似見君石室自
藏真語後等閑人世幾浮雲○鳴鳳洞居大滌道
傍石門阻隘入者窺其內石室傍一小路上有穴
故老相傳錢氏時有鳳凰棲此○龍蛻洞在大滌
洞東巖穴巉峻深可數丈宋皇祐初羽人於洞間
得龍骨數具齒角皆全記云五洞潛通此其一也
歸雲洞在棲真洞左卽洞之後門深可百餘丈石
壁光瑩亦有恩頂亞於前洞洞門狹僅數尺下入
丈許石皆五色紋理如瑪瑙直下方池深不盈尺

杭州府志勝

入卷之一

五

廣可二丈長可三尺池底白色如累珠鑲玉又下
數步有白石若瓠者三又下數步左偏上陟有石
盆其上流泉涓涓入於盆內四周石乳如垂纓絡
復返右偏直下十四五丈濶二丈許其中如積銅
錢周圍平坦容三十餘人○白茅洞在洞霄宮西
南其門如井垂纆而下一二丈至平地容坐二十
人復偃身下入又二丈許有仙人酒甕石及二石
柱一竅上徹天光舊志云晉人遇一道士衣巾爽
麗自洞中出詢所自來曰吾白茅先生職此久矣
因以名之○湧翠巖在大滌山前峭壁而北從地

湧起高二丈廣三十丈其上蒼翠玲瓏奇怪萬狀
有石乳焚之極香○九鎖山在大滌洞紫紆九折
若人身曲肱鎖腹之狀曰天關曰藏雲曰飛鸞曰
凌通曰通真曰龍吟曰洞微曰雲漱曰朝元故名
九鎖元時錢塘葉林築室於此數旬不食惟啖果
蔬顏色自若遇積雪登巖獨步忘返大德十年元
旦書偈坐化宋趙公碩詩舊時曾此覓仙緣一別
于今四十年白髮重來嗟老矣青山九鎖故依然
肩輿直入松間路洗耳還聽澗底泉幽興未闌吟
未就半峰斜日下平川○天柱山在由拳山左與

杭州府志勝

入卷之一

五

大滌山相聯高六百六十丈四隅陡絕道書謂五
十七福地舊志天柱在中國有三一在壽陽一在
龍舒此其一也丹泉自山椒而下殷殷若雷至大
滌洞西百餘步乃出甘冽異常有方池渚之天宇
清明恒若赤色四旁苔蘚皆成紫暈舊爲峨嵋道
士所居唐施肩吾天柱山贈峨嵋田道士詩古稱
天柱連九天峨嵋道士棲其巔近聞教得黃鶴舞
試憑驅出青芝田元張光弼丹泉詩百年能得幾
回來更酌丹泉飲一盃莫送魚龍歸人海海中波
浪是塵埃○仇山在縣北十五里有仇王廟故

下爲仇溪其源西出高陸山東出獨松關嶺今
流於此東入茗溪○徑山在縣西北五十里高二
千餘丈乃天目山之東北峰有徑可通天目故名
東西二徑盤旋迂曲飛磴而上各高十里許七峰
羅列凌霄一峰最高而秀其左曰宴坐峰朝陽峰
北曰天顯峰其前曰推珠峰峰陰有鉢盂池又名
鉢盂峰石曰鵬搏峰御愛峰宋高宗嘗遊幸嘆賞
故名蔡襄遊記略云山之陽東西之徑二自其西
門壁絕襟繞躋峻極皆盡十里許且及其巔峽束洞
隱幾不容並行已而內括一區平林坦壑四面五

杭州府志勝不卷之一

事

峰如手豎指一峰南絕卓爲巨壁崖蓋高下在掌
中矣其間小井或云故龍湫也歲率一來雷雨暝
暝而鄉人祠焉由西岑之北數百步屹然巨石屏
張笏立上下左右可再十丈割而三之若川字隸
文曰喝石巖山東徑而往坎窞爲池游魚曠空其
西徑東折蹴南峰傾脰之間平地砥然盈泓而半
偃松一本其高一丈其蔭四垂松下石泓激泉成
沸甘白宜茶偃松之南一日十里唐開山法欽和
尚初受記於素禪師曰汝來流而行逢徑卽止南
遊至此問樵者以山名答曰徑山遂登絕頂入五

峰之間忽有素衣老人前拜曰我能也願捨此地
爲師駐錫第有大派吾世家於此寒之必凋願留
一穴言訖雲霧晦暝風山驟作及明湫水盡乾惟
一穴至今在寺甬道之左其深無底號曰龍井永
泰中昌化章氏子名俱胝童身修行遂有神異來
禮欽和尚欽指座後石屏令叱之屏列爲三因與
落髮代宗賜紫方袍勅號國一禪師舊志有方僧
與國一禪師說法師曰此有頑石汝能叱之使下
乎僧曰吾能使之上不着天下不着地乃大聲嚇
之其石隨而下復嚇之石隨而上近年縣令王某

杭州府志勝不卷之一

事

以絲線徹底經之與石座無毫髮沾染其神異如
此又國一師每說法有一鷄佇立不動傾耳聽之
今有靈鷄塚高三尺許山下有徑山港以受山水
合雙溪上流同入茗溪○茗溪在縣治前源出天
目山東流臨於潛臨安逾縣界達錢塘以入江其
東北流者經德清踰湖州會於具區故老云溪岸
多茗花故名輿地志云自縣之西名冷溪蓋取清
冷之意乘舟至此渺若凌空每春日風生水漲
數寸俗傳有尹公者善異術叱水成潮因名尹公
潮○縣南五里有上湖縣西二里有下湖下湖漢

唐開縣令陳渾所開築堤蓄水唐寶曆中縣令
璚瑛重修○北湖在縣北五里乃璚所開又三十
里爲查湖卽後漢書所云棉泰之湖源出諸山者
也○城塚記云周赧王城在縣北三十六里晏殊
類要以赧王南遊所築○獨松關在縣西北九十
里獨松嶺上宋德祐中元伯顏分兵下獨松關卽
此界于安吉州○法喜寺在縣東半里舊名吉祥
院宋王安石詩門前白道自縈迴門外青莎間綠
苔雜樹繞花旁引去壞簷無燕飛來寂寥誰共
樽前酒牢落空留案上杯我憶故鄉歸未得可憐
杭州府志勝八卷之一

舊

啼鴉重相催○又里許爲顯聖院宋范仲淹詩登
臨溪上寺遷客賦依依遠水欲無際孤舟曾未歸
亂峰藏好處幽鷺得閒飛多少天真在遙心結翠
微

臨安縣在府西一百里

東漢建安十六年析餘杭縣西鄙地置臨水縣晉
太康中改曰臨安取臨安山以爲名按臨安山在
縣西南十八里晉書郭文自餘杭來臨安結廬山
中及蘇峻之亂破餘杭而臨安獨全人始服其先
知晉書又云謝安棲遲臨安山嘗坐石室臨溪谷

悠然嘆曰此與伯夷何遠今縣西有東山後人乃
指爲謝安坐嘆處山有塔院塔影倒垂宋淳祐志
云蘇子瞻所遊東西巖乃謝公之東山也○唐末
吳越王錢鏐產於臨安光化中詔號臨安城爲衣
錦城鏐之所居有婆留井蓋鏐初生時其家人棄
井中姑亟留之故號名婆留及長改留名鏐云○
圖經天目山在縣西五十里高三千九百丈週迴
八百里洞玄集爲三十四洞天目有兩峰峰頂
各一池左右相對如目左屬臨安右屬於潛東西
二瀑布瀆注名蛟龍池又有上中下三池池上有
杭州府志勝八卷之一

舊

潭如仰箕曰箕潭上池懸崖五十仞有石壁如門
中池懸崖三十餘仞噴湧如雷下池其深莫測溢
於大徑口小徑口皆箕潭之流派也又西南過於
潛會於苕溪其峰巒之奇者如大仙峰將軍峰寶
珠峰水之奇者如瀑布泉洗眼池白龍池古跡之
存者如分經臺黑驢巷昭明菴林巒澗壑之秀者
如垂虹嶺及平溪皆屬臨安昔于龍池之東有銘
曰列嶽霞表羣峰霧裡翠滴煙鬟名不可紀云○
近縣城東四里有獨山山側有石覆大溪之上其
下有潭吳越王以爲縣之水口封其神爲鎮水山

王○縣西五里有西山管許道謂臨安多金堂王
室仙人芝草遂自垂雷山後居於此登巖茹芝有
終焉之意乃更名元宇遠遊著詩十二首論神仙
事莫知其所終○又七里爲玲瓏山兩山屹立盤
屈九折上通絕頂故名宋洪杏夔詩出郭喧欲暑
涉林爽自秋步隨日力高身與山氣浮飛來辛夷
花拾得蓮葉舟詰屈九折岸突兀十二樓泉流澗
級峻雲起峰陰稠○又三里爲九仙山宋蘇軾有
陌上花歌其序云九仙謂左元放許邁王謝之流
遊九仙山間里中兒歌陌上花父老云吳越王妃

杭州府志勝

卷之一

五

每春必歸臨安王以書遺妃曰陌上花開可緩緩
歸吳人用其語爲歌殊鄙野乃易之云陌上花開
蝴蝶飛江山猶是昔人非遺民幾度年年老遊女
長歌緩緩歸○又里許爲九州山唐羅隱碑記錢
達字通甫梁大同間爲廬陵國侍郎羽林監娶瑯
琊王氏生九子皆爲郡故名洪杏夔九州山僧房
詩路突亭依石林回渚見沙嶽危幾岫嶠深蔚似
瑯琊客動驚寒思僧閒忘歲華兩腮風露影一樹
枇杷花○石鏡山在城南里許其東峰一圓石光
瑩如鏡相傳錢王幼時臨照其形首戴冠冕既貴

昭宗詔改爲衣錦山鑿管於此宴故老亦有皆
之錦以侈君賜又鏐幼時與羣兒戲大樹下積彈
羣兒爲隊伍至是乃封其樹爲衣錦將軍山下有
溪亦名錦溪宋蘇軾詩楚人休笑沐猴冠越俗徒
誇翁子賢五百年間異人出盡將錦繡裝江山○
垂雷山在縣西南十二里吳興記云上有懸雷因
以爲名許邁嘗謂垂雷山近延陵之茅山是爲
洞庭西門潛通五嶽陳安世茅季偉常所遊處於
是築精舍以居○又五里爲郭山舊志郭文嘗居
此又名白石山文舉之墓在焉○八百山在縣東

杭州府志勝

卷之一

五

北十里中峰曰大將西峰曰紫藤東峰爲八百舊
志彭祖嘗居此山下有彭祖廟蓋因八百而訛耳
○雙林山舊名寶林山在縣西北十五里山北飛
瀑曰泚水舊有迎暉亭遙見浙江唐天成元年徑
山僧景文望南山有瑞氣遂結廬于山巔宋邑令
輦豐詩我來將值日午時千峰照耀碧玻璃集賢
村前俯列屋實林木石呈幽姿人言可比雙徑雄
勝處乃在阿堵中崇岡曾嶂屹亭在似約老眼來
窺東日出爲鳥飛日入牛羊下再遊當與春父期
不用山僧遠迎迓按雙徑即東西二徑也東徑屬

餘杭西徑在當縣非五十里有天掌峰巖
玉巖浣雲池諸勝○石洞在縣西玉仙洞在縣
各去五十里石洞兩傍有石室可容百餘人中有
龍池云是天目之一廣可二畝池之西北無底有
穴下通江海○玉仙洞宋淳祐間譙者見一白獸
闖入遂剝開洞口漸入漸深泉炬視之內有三洞
深二十餘丈懸巖擁石高十丈許左青石黃有仙
人跡玉芝寶座又有如旛者如白龍者如獅子者
雙柱屹立長八尺圍四尺一長六尺闊丈餘色殊
潔白柱間有井深六尺內橫深不可計間吐煙霧

杭州府志勝六卷之一

寒

氣上垂蒸龍嘴滴水不竭其餘怪石不可勝數

於潛縣在府西一百七十里

吳越春秋云秦徙大越烏語之人置替吳錄云地
有距書山蓋從山以立名闕駟十三州志云替讀
作潛而不從水漢武帝之時始名於替東漢郡國
志從水作潛隋地里志作滿後乃仍舊○圖經西
天目山在縣北四十五里東北有主峰高出天半
者為翔鳳林其外則平地突起一石周迴十餘丈
高百丈為玉柱峰又有象鼻香鑪二峰以形似得
名其西峰之頂俗名西尖有采芝巖昔劉樂山中

者見巖上芝草一本五色因接長竿采之遂沒後
數日左右復出二本皆翠色至今隱見不常○千
丈巖自上視之莫測其底○龍穴其大逾寸穴外
回環之狀徑三寸許若有物盤旋而成欲雨則先
有雲自穴出○石城高數丈南北五十餘丈其內
深邃不可入昔人獵而阻雨於石城外見林間有
白桃一顆摘入手如水忽變紅熱如湯因采大葉
包裹囊中下山捫之猶存至家惟有大葉而已○
石門有二在半峰嶺高二十餘丈小者半之自張
公舍眺望兩扉對開一山之絕致也古記云西崦

杭州府志勝六卷之一

堯

落暉未張于錦繪東烏炎彩先布于艷氈○張公
舍在山南峭壁門濶五丈高二百餘丈乃漢天師
張道陵隱室旁有張公小舍一名天師外室登者
捫蘿而入可坐數人○石巷去張公舍二百餘步
四圍鋒拔石罅一徑深三十餘丈○石屋亦在張
公舍傍嘗有陰雲怪風生于白晝徐伍二仙修煉
之所○石舍在西尖坎下聚山鱗疊宛若倉廩○
石版在西尖頂長短大小不可計數皆平淨如砥
有全解主地者有解未盡者縉痕線道分明其解
至半者有大石砧架之非人力所及好事者欲挈

下輒有風雨蛇虺之變○石柱亦在絕頂一長一丈一長二丈豎削平直宛如斷成擊之清越有聲○西峰半山有新嬾石面東昂立高五丈許天然人形與東目新郎石相對白樂天有詩鐫于石上○雷神宅在西尖半山每大雷電但聞雲中作嬰兒聲蘇軾詩云已外浮名更外身區區雷雨若爲神山頭只作嬰兒語無限人間失着人○天目之水出於潛者爲紫溪合桐廬之水以匯於浙江水經注云於潛山極高峻東西瀑布下注成池名蛟龍池池水入西溪合於浙江是也按唐紫溪縣

杭州府志勝

卷之一

空

遺址在縣南三十里紫溪之上垂拱初析於潛地置後改武隆縣尋廢輿地志云溪水色紫故名又溪中夾水有赤色盤石長百丈餘望之如霞名赤願溪下有燕尾灘一石屹立溪南其聲清越名曰響石○志云近縣城西二里有岸岑山峭壁清絕下浸浮溪溪傍絕壁高四十餘丈上可坐千人晉謝安嘗登此箕踞嘆曰伯督人何以過此○浮溪又名錦江自天目至縣七十里入桐廬山下有岸岑潭潭有石如磨下三趾見於水面○城東五里有石柱山高三百丈石柱上有古篆文或曰泰

皇所刻今剝落不可辨過此而東十里爲何頂山有越王城又東有皇甫巖後漢皇甫嵩破妖賊許昭於此因以名之○西菩山在縣西十三里高三百二十丈兩峰對峙如削中間飛泉三疊怪石萬狀宋僧道潛俗家居此潛字參寥以童子誦法華經度爲比丘於內外典無所不窺尤善爲詩蘇子由稱其無疏筍氣山之右有煉丹巖層崖峭壁屹立萬仞巖下石室可坐數人室傍有泉出自石竇遂名丹竈其西二里曰石柱山山南有天井潭潭不可測或云通浪山池東有玉鏡潭北有濯纓潭

杭州府志勝

卷之一

空

○石柱山下爲交溪以合浪山柳源二水故名唐僧靈一天井潭詩昨夜雲生天井東春山一雨幾回風林花遙映溪流去欲上龍山道不通王鏡潭詩溪上澄潭映翠微桃花流盡白魚肥老翁坐釣不知晚一曲長歌月下歸濯纓潭詩石根涵碧漱泠泠百尺溪潭徹底清雖在山中賦歸隱滄浪孺子有遺聲○生仙山在縣南三十里相傳漢張道陵生於此山之西有彩雲紫氣之瑞故名道陵七歲誦道德經於天文地里河圖經緯無所不通從學者千餘人○又五里爲浪山上有三池相接在

絕壁間其水奔流如瀑山後有何侯潭舊志何侯自歛泛舟至此溺死每陰翳輒聞絲竹聲起潭中○自浪山蜿蜒而西有太陽巖巖然卓出每東方明先被日光故名○塚記云趙參軍墓在縣東十二里舊有墟塚二十五古溝通人往來泉流不竭石獸之屬皆頽仆草莽後人于其地得陶磚二有咸和二年九月參軍趙悌建立塚功十四字

新城縣在府西一百四十里

沈約宋志云新城在浙江西南名桐溪吳立爲新城縣今縣之東南三百步有古城遺址唐大順二

杭州府志勝八卷之一

奎

年錢鏐部將杜陵訪得其地因山拓而城之邑人羅隱爲記乾寧中董昌圍急城中無水穿百尺不得泉杜陵禱之泉立至後人因名杜公井○百丈山在縣南五里一名卓筆峰龍江繞其下吳越史云龍江之上常有二氣晝夜不滅及杜建徽羅隱生而二氣不復見其相望爲塔山宋晁无咎塔山對雨詩山外圓天一鏡開山中雲起似浮埃松吟竹舞水紋亂坐見溪南風雨來又竹枝草屐步蒼苔山上孤亭四牖開烟雨濛濛溪水急小蓬時轉碧灘來○又五里爲青巒山上有寧國院一名碧

龍州府志勝八卷之一

奎

沼寺唐杜荀鶴寧國院詩山半一山寺野人秋日登就中偏愛日獨上最高層有果猿搖樹無齋鶴看僧僧門日多事來此復何能平仙客詩步步穿離入境幽相高松老幾人遊花開花落非僧事自有清風對碧流方寸詩溪僻孤高無四鄰白雲明月自相親海中日出山先曉世上寒輕谷未春窓逼野鷄聞喚鶴林逋村逕見無人此時惟有雷居士不飲藍輿去任頻林杜詩幽谷泉聲冷鳥啼僧定深好花叢古砌寒瀑發高岑遊者陸鴻漸居人支道林欲辭青嶂去臨去復成吟○天柱山在縣

无咎蘇子瞻同遊俱有詩又有新娘洞相傳昔見一嬈人靚妝入此因以名之洞中源泉涓涓不竭其下有潭深八九尺潭水東南流爲湘溪至張澗與大溪合○又十里有山曰九山山有洞出塔級而下漸就平坦石如覆屋中有石柱擎之柱傍一隙通明周圍石崑有水波紋上懸石乳如碗如玉肖形逼真○漁洲山在縣西六十里中有合龍池或曰合靈池源亦與天目龍池通西溪之水出於此東流至三溪口又東流與於潛天目水合流○又五里爲寶福山山有青牛嶺及多福寺白雲常

杭州府志勝入卷之一

高

覆其頂蘇子瞻所云白雲正在題詩處是也○北山卽三貝山亦名貝多山宋晁无咎記云去新城北三十里山漸深草木泉石漸幽稍西一峰最高微有蹊徑扶携而上又四五里乃聞鷄聲一僧布袍蹣跚來迎與之語愕而顧如麋鹿不可接頂有屋數十間曲折依崖壁爲欄楯如蝸鼠繚繞乃得出至殿堂鈴鐸皆鳴相顧咸驚不知身在何境○慶寧宅在縣西五十步柳宗元哭以詩云廢逐人所棄遂爲鬼神欺才雖不其然卒與大患期凌人古受氏吳世誇雄姿寂寞富春水英氣方在茲○

羅隱宅在縣東五里許仲蔚詩吟魄散何處舊居荒可嗟江山開白日圖籍落誰家野燒寒留燼東風煖自花詩名播不得埋沒任桑麻○葛仙翁祠在縣西七里許廣潤詩稚川仙化後溪以葛爲名水激翻空白潭聲到底清山多峭削影兩過夜添聲月滿寒光入魚龍患太明

昌化縣在府西二百里

縣之置自唐垂拱二年析於潛地爲紫溪縣通天初武后以西井一里有武隆山名應圖識因改名武隆神龍初黜武氏因改武隆爲唐山亦以武隆

杭州府志勝入卷之一

李五

山前有此山也其後廢興無常五代梁名金昌晉名吳昌至宋太平興國四年始名昌化○志云薦荷亭在縣前雙溪上流溪側有窪泉其味甘潔蘇子瞻嘗酌以試茶開禧二年縣令章伯奮因作小亭名曰薦荷取坡詩一盞寒泉薦秋菊之句也其傍又有芳洲倦飛亭荷三亭俱章令建○青山卽唐山也在雙溪南岸一名南屏山宋熙寧間縣令陸元長臨北流建有新亭淳熙中縣令錢攷易名積翠范成大詩翠梁南山擁縣門一淵橫截兩溪分長官口永無公事閒聽灘聲看白雲左譽詩孤

○輿藏煙迷宿鷺扁舟和雨阻沙鷗西湖不是無風景
月每到唐山特少留○晚山一名箕山在縣西北
十里高一百四十丈下有晚溪與無他溪巨溪會
流晉許邁嘗隱此邁字遠遊後人誤以爲許由其
山亦曰箕山今許氏所居之東南隅爲中洲一名
上龜洲洲前有伏象奔長湖潭○百丈山在縣西
三十里一名潛山吳興地志云堯時洪水此山潛
而不沒其高在水而猶自丈上有王仙洞昔仙人
王太伯嘗居之里人有見洞口燔鹽數十袋者卽
之不復見始信爲神仙窟宅山下兩石對峙名秦
杭州府志勝入卷之一

李

皇石又名雙峰相傳始皇欲作石橋渡海此石驅
之不去又有翠竹團團中窪如釜飛泉百尺自岑
巖漏落金中名翠金潭又有潭水清冽可鑒毛髮
時見有赤色靈鳥儀於水邊人欲羅之乃化爲石
因名鳥儀潭有泉曰龍門瀑溪曰百丈溪溪之東
岸石色有白點如雪名雪崖宋謝枋得詩說說青
街水一條爭如百丈雪崖高是也溪水南流爲歷
溪東流爲董溪合流而注晚溪○又十五里爲雲
谷山原野平曠數百頃岑峰嶺起林谷逶迤常有
雲氣出入故名其側有洞深七里名七里洞靈物

居之每歲水必一至衡山激石澗壑屢遷又有石
燕洞石門高丈餘中如巨室可坐數十人其溪莫
測巖有一窟受明如牖泉流淙淙繞石如筆筍四
時不絕或見石燕飛出故名○又十五里爲鷲峰
山南有起雲巖東有白潭北有泉涓涓鳴曰丁東
洞唐大曆中吳岷道者居山下後捨爲鷲峰寺宋
洪咨夔丁東洞詩渴鳥滴盡三更雨鐵鳳敲寒六
月風湯餅困茶木熟爲師掃夢作丁東○其地
有石柱山山中巨石如柱故名又有石窠深窅叵
測其中若列堵級可通上下寒泉涓涓灌注石面
杭州府志勝入卷之一

李

疑結如脂爲寒水石或以絲繫石下度之其聲淅
淅如鼓盡絲一雙墜尚未已相傳泉窠通米浪村
之長潭○又二十里爲龍塘山高一千丈山多怪
石中有龍洞石磴縈紆而下如曲房有石肖羅漢
又曰羅漢洞山中石壁環列如城多奇松人莫能
取巖水注下會于澗山麓有石龕高丈許廣可容
三五人內有龍巖和尚跌坐跡有石窟如小鉢線
泉紆滲其中不溢不涸歲寒不冰○又二十里爲
大明山高一千二百丈其巔廣三十餘畝如平地
南跨嚴州中有龍池山半有瀑布泉白蛇巖鷄子

峰崑崙巖俱森聳峻拔○石筍山在縣南三十五里巨石亭亭如筍故名其相聯者爲金山上有玉嶺石崖峭立高百餘丈瀑水飛流下有雙穴曰龍孔泉傍有金紫巖○朱貴峰與金山相向峰間一石廣三丈名金牛跡牛蹄數十具參差及牧人卧起筇杖宛然又五里有石室山高千丈巨石如屋相傳樵者見有野服三四人環坐石上奕棋問侍者云古墨子也因名墨子巖○柳相山在縣東南三十里高千餘丈其下爲柳溪乃邑之溪灘上下數十里巨石參錯屹於中流東接於潛紫溪南入

杭州府志勝八卷之一

李八

分水縣界○千頃山在縣西北六十里高千六百丈其廣千頃故名巔有龍潭廣數百畝中產金銀魚宋高宗嘗命中使取之西有婆羅石生婆羅花初夏開時其香遠聞唐有楚南禪師居此山龍興寺初參黃藥得悟藥曰吾之法眼已在汝躬後乃弘化於此雖應機無倦而常寂然處定文德六年遷化大順二年孫儒入寇故塔全身儼然爪髮俱長因羅拜而去宋司馬章樞千頃山詩欲爲龍池遊呼童蠟雙屐紫迴邇寒溪硤聲度亂石迢迢萬丈嶺宛轉蒼龍脊俯聽雷雨聲仰逐猿猱跡不辭

雙足困遠探蛟龍窟傳聞此山頂舊有滄海色邇來三十年潭淤變枯荻至今應江湖尚有鷗鷺集○其地有大鵠山高一千丈與百丈山聯屬人不可到惟採藥者結伴齎糧具火而往其中平坦有龍池三百畝爲神仙所棲又十里有芋頭潭石壁對峙名龍門瀑布百丈界於門中下注潭潭底有石形如羊頭故名潭中多靈物每陰晦輒聞鐘鼓之聲○覽溪在縣南三十里合肅浦二源南流二十里迂迴九曲以達柳溪元沈兼詩清溪九曲路縈迴兩岸佳山逐水開試問仙源尋勝事權歌

杭州府志勝八卷之一

李九

還自武夷來○輿地紀勝綠筠軒在縣治孫邦詩云年來宦拙喜躋攀門枕溪流四面山時過隣僧話浮世一軒長對此君閒○樵子瞻自昌化雙鷺館步尋溪源至沼平寺詩亂山滴翠衣裘重雙磎響空窓樹搖飽食不嫌溪菊瘦穿林閒覓野芳苗却愁縣令知遊寺尚喜漁人爭渡橋正似醴泉山下路桑枝刺眼麥齊腰

嘉興府在浙江省城北領縣七

嘉興曩皆縣治至石晉吳王元璵病支郤多虞而右藩強大始奏立秀州蓋其地在春秋爲槁李今府治南四十五里夾谷中故有槁李城左傳魯定公十四年子越敗吳于槁李卽此史記秦始皇三十五年置長水武原二縣計云長水占槁李是也三十七年始皇東游過長水望氣者言有天子氣因發囚十萬鑿之因倦亡去遂改長水曰因倦後轉語曰由拳三國吳黃龍三年由拳野殺生改名禾興赤烏五年立太子和避諱改名嘉興至五代嘉興府志勝八卷之二

則立秀州矣宋建炎元年孝宗皇帝生于杉青師官舍慶元元年州以毓聖之地陞爲嘉興府至今仍之○攷城始築于鎮將曹信爲唐乾寧三年宋宣和初睦寇方臘率衆來攻號十萬郡將宋昭年統軍王子武等以邑城孤軍當之斬首五千築京觀賊乃退元至元十三年伯顏率師臨境安撫使劉傑以城降詔毀之至正七年城西有島數千營巢于地圍八尺高五尺晝夜不休若有程督之者已而大盜蜂起復詔脩築十五年白龍見城東疾風怪雨黑若深夜晝拔大水墜自空中萬瓦亂飛

溪水壁立已而苗軍作亂城爲恭芥明年復營築未就而明興始竟其役宋呂祖謙送丘富知秀州詩槁李國西門道里去天咫訟庭人摩肩客館舟銜尾涼燠變漬史林聽復歡視心平理自見周道本如砥○輿地紀勝云六鶴堂在郡圃太守鄧根所築又有雪窓下臨荷池爲守徐藏建○囑諾堂在治西沈存中建有秀州官舍秋日詩云草湍池塘霜送梅林疎野色近樓臺天圖故越侵雲近湖上孤城帶月回客夢冷隨風葉斷秋心低逐雁聲來流年又喜經重九可意黃花是處開○山

嘉興府志勝八卷之二

堂在治西北郡守張德甫建同穎堂守俞浙建又有渙堂在後圃東偏紹興太守王安道所創也○清風亭在于城東又東北爲披雲樓嘉興今陸蒙老詩云城角危欄見海涯春風簾幕暖飄花雲烟斷處滄江濶一簇樓臺十萬家

嘉興縣附郭

舊志嘉興縣秦治長水吳記曰谷水出吳小湖逕由拳縣故城下始皇時長水陷爲谷谷中有城故由拳縣治因曰長水城卽吳柴辟亭故就李卿槁李之地也其徙今所莫詳年代疑長水陷時卽徙

之云

秀水縣附

我朝宣德四年割嘉興西北境立縣治府子城西
比夷溪之東宋仁壽寺址也以此麗橋秀水爲名
宋有嘉小亭月波樓俱在此其下爲金魚池唐
刺史丁延贊得金鯽于此後爲放生池攷方輿勝
覽云在城外吳陸塘池卽今之西湖也陸蒙老詩
池上春風動白蘋池邊清淺見金鱗新波已縱游
魚樂調笑江頭結網人○府志云長水塘之水
源自杭州府屬海鹽諸山出峽口東北流入嘉興縣
嘉興府志勝入卷之二 王

境東通練塘東南通海鹽之橫塘其支流北注秀
水西界之西湖其正流三十里至城南瀆爲鴛鴦
湖又南爲鹿湖其一支循城而北與秀水合○府
境漕渠之水由崇德縣皂林東三十五里逕楊李
亭學繡軒白龍潭諸處南折而北經西麗橋達府
城經河內亭北轉爲月河與橋東秀水合按秀水
者相傳天和景明水光五色鮮秀異常故名○長
水塘在城南六里又二十里爲練塘一名練浦吳
王練兵之所其西北十里許有蒙壤園環八里廣
地萬畝相傳爲吳越戰場土人墾地往往得敗甲

朽鏃于此○鴛鴦湖在城南三里一名南湖宋臨
人滋南湖記畧云橋李澤國也東南皆陂湖而南
湖尤大計百有二十頃其畝多鴛鴦故名鴛湖又
云兩湖相麗若鴛鴦然五代時湖東有烟雨樓今
尚仍之宋楊萬里詩輕烟漠漠雨疎疎碧瓦朱甍
照水隅幸有園林依燕第不妨簑笠釣鴛湖漁歌
欸乃聲高下遠樹冥濛色有無徙倚闌干杉桕冷
令人歸興憶尊鱸唐天麟詩百丈高樓足賞心我
來猶記舊登臨四時天色有晴雨一片湖光無古
今遠塔連陰知寺隱小舟穿柳覺春深凭欄多少

嘉興府志勝入卷之二

四

斜陽景分付漁歌替晚吟元胡虛白詩銀塘水淨
秋波白芙蓉迥露香雲濕翠銷瑩薄錦雲濃水紋
搖蕩雙鷺鷥妾家住湖上頭木蘭爲棹沙棠舟
錯金孔雀籠蟬鬢百索明珠垂臂鞦韆舟日日穿
花塢不覺花深紅日暮明嚴嵩詩樓榭開烟霧汀
洲似畫圖城陰度窳窳天影入虛無注迥傳清吹
波深洗玉壺茲辰春日好畱興在鴛湖○鴛湖之
水與其支流至城東南二里會于流湖一名馬場
湖有宋胡師旦園元趙孟頫記畧云故宋尚書胡
公初知秀州時愛州之水深土膏遂有卜居之志

及仕至通顯卽解印歸治室于春波門外由南瑞
暨漁淑可游者凡十有一所因名合景園宋陸蒙
老詩清入闌干酒易醒春風楊柳幾沙汀平波抵
得瀟湘潤只欠峇螺數點青○又三里爲橫塘舊
志自滄湖轉馬塘廟而上南至海鹽謂之橫塘唐
劉長卿詩家在橫塘曲那堪萬里違門臨秋水潤
柳帶夕陽飛傲俗宜紗帽于時倚布衣獨將湖上
月相逐去還歸○城內非溪卽南湖之支流也經
城西南達北運河晏公類要云在府南八里川漣
記云太湖東通嘉興非溪今按運河西北接太湖
嘉興府志勝八卷之二

五

則當是東南通非溪耳○西河源出非溪橋東受
錦帶河經府治後折而北河東有蘇小小墓方輿
勝覽云嘉興縣西南六十步有片石題蘇小小墓
小小晉歌姬也家在錢塘墓在嘉興唐李賀詩幽
蘭露如啼眼無物結同心烟花不堪剪草如茵松
如蓋風爲裳水爲珮油碧車又相待冷翠燭勞光
彩西陵下風吹雨徐凝詩嘉興郭外逢寒食落日
家家拜掃回惟有縣前蘇小小無人送與紙錢財
○漕渠起隋大業間煬帝發衆鑿渠擬通龍舟起
餘杭盡京口廣十餘丈今運道所資唐白居易詩

平河七百里沃壤兩三州卽是渠也○橋李亭在
城西二十七里古有此亭宋梅堯臣詩土化吳王
甲骨朽越王兵五月舊蒲草千年橋李城蒲根蛙
怨壕城上鳥夜鳴吳越滅已久客心空屏營落日
孤亭間悠悠鐘磬聲弱僧本覺文長老居此號爲
本覺禪院熙寧間蘇軾守杭州過之後六年自徐
移湖耳過之文病且老又十年以學士知杭州又
過之而文已死軾賦詩云初驚鶴瘦不可識漸作
雲歸無處尋三過問間老病死一彈指頃去來今
存亡見慣渾無汨鄉曲難忘尚有心欲以錢塘卽
嘉興府志勝八卷之二

六

圓澤葛翁川畔待秋深後人因作三過堂于此○
學繡軒在城西九里相傳西施學刺繡于此今有
寺塔○白龍潭在城西南四里舊有焚化院宋名
景德寺有碑刻云寺基下初爲白龍潭頗深廣有
風濤之險天日晴霽忽覩白光三道起自潭中僧
行雲者積土填潭于光起處各造一塔因名三塔
潭亦名三塔寺方丈後有宋趙殿承家園亭陳舜
俞題曰趙公園今塔前有徐不盈墮泪碑元至正
中末嘉曹睿與鮑恂牛諒徐一變僧智寬輩同游
用唐人句分韻序詩云清晨出城郭悠然振塵纓

仰觀天宇靜俯瞻川原平竹樹自瀟灑禽鳥相和
鳴龍淵古招提飛蓋集群英唱酬出金石提携
絳旆丈夫貴曠遠世故奚足撓道義山岳重軒冕
鴻毛輕素心荷不渝亦是安吾生牛諒詩龍涸
駟龍古殿敞金葉僧歸林下定雲傍簷端宿伊予
陪雅集于此避炎酷息除怡道性習靜外榮辱坐
石飛清湯其歎白日速別去將如何留詩滿清竹
智寬詩涼颼動新秋遠塵集群彥虛岩靈籟鳴列
坐罷揮扇情愉引杯勸飲劇恣酬獻酡顏暎落日
林光散凌亂池深魚自樂林密鳥相喚老桂繁幽

嘉興府志勝之卷之二

七

鼓天香蒲西院懷哉鄭廣文樗散絕涯岸鮑詢詩
凌晨訪古剎幽氣集林阿雕甍旭日炫紺宇晴雲
摩疎松奏笙簧脩竹鳴玉珂俯澗嗽寒溜陟磴捫
翠蘿淪茗佐芳醪談玄間商歌遂令塵土壤如濯
清冷波徐一襲詩野曠天愈豁川平路如斷不知
何朝寺突兀古河岸潭埋白雲沒林密翠雲亂勝
地故瀟灑七月流將半合片信難得通寒何足算
明方巽志過三塔灣詩掛席晚烟收忽與天風遇
誰唱秀州謠恐是南塘路嚴嵩三塔寺別徐子謙
詩三塔移舟望若仙穹林翠壑俯江煙鶯花對酒

城春麗鐘梵登樓海日先世路無端頻送客空門
不礙擬逃禪與君更是燕吳別衝雨開帆各悄然
楊撫三塔寺詩漠漠江村暮停角數落霞花飄金
雀亂橋鎖玉龍斜僧梵迷三塔神游遍九華琴書
携共遠幽興老還賒○河內亭在府城西漢張武
父護太守喪還河內爲盜所殺武哭之于此後人
立亭誌之故名○漕渠水與秀水合乃出杉青閘
受穆溪水爲北漕渠與南湖水合又二十三里爲
王江涇又東三里爲閘家湖又東北界于吳江按
杉青閘在城北五里舊嘗置吏有解宇及落帆亭

嘉興府志勝之卷之二

八

寰宇記謂朱買臣妻改稼杉青閘吏卽此閘北運
河里許有宛亭灣相傳卽其妻見買臣富貴投河
而宛處閘後有嘉禾墩乃三國吳產嘉禾之地也
○穆溪水在城東北四里水接上谷湖入太湖其
地多龍骨俗呼北運河○王江涇在漕渠東相傳
有王氏江氏居此亦名閘川宋閩人氏家焉○志
云鹿山在府治東北高三丈相傳宋時酒務在此
其壘缶所棄積久成山去此百餘步卽杉青師官
舍也孝宗降誕于此嘉定間建興聖寺今爲嘉興
縣儒學○五臺山在府治西北晉徐熙居此一日

其井發光因請捨宅爲靈光寺井曰靈光井宋有
寶安禪師年八百歲來自五臺山躬運土石作山
亦名五臺而建五臺院西南有木紋觀音殿唐
咸通間郡中有木在水遇濟人淨則浮沉則沉郡
人異之因取爲觀音像鑄刻由畢而向口手指皆
有文采稱爲木紋觀音乾符間賜寺額曰精嚴有
楞嚴大師者于寺作楞嚴疏夢文殊菩薩飛入口
中疏成學徒雲集事聞于朝因賜是號越里許有
吳越時嘉興守曹珪宅光啟中捨爲羅漢院即今
招提寺也宋嘉熙間鄧州人金鶴雲寓此夜聞女
嘉興府志勝一
子歌曰記得一曲值千金如今家貧古牆陰秋風
芳草白雲深斷橋流水何處尋推戶望之不見考
其寺卽珪宅吟詩者珪之女也後鑿土得石匣古
琴乃其生前所玩之物○天寧寺在治北里許漢
嚴助宅也有井在佛殿後有墓在昆盧閣後俗名
嚴墩○治東郭外有東塔花講寺乃漢朱買臣故
宅及墓梁天監中泐爲寺宋孝宗潛邸嘗游焉有
軒臨池曰聽玉○金明教寺在治西南二里宋乾
道年泐時有異僧壽萬王者以鑿名瘵人疾愈不
受報輒令捨錢付僧營構故極其壯麗有湖天摩

月閣○楞嚴寺在治西北二里三十步地勢爽
林木蒼鬱石橋流水似不與人境接宋熙寧間沙
門永智講楞嚴經感天雨花之異故名○真如寺
在治南四里唐至德初泐有雪峯祖師井長水肉
身塔蘇東坡煮雪亭別有裴丞相休清輝堂及裴
相祠舊志云寺定捨宅爲之宋建炎間知州趙
叔近死王事百姓哀之殯于寺中仍立祠宋沈鉉
真如寺市寮間云祇園山瑞花窰塔削寒玉崢嶸
聳層霄皓彩炫晴旭變幻境非真析然寄游矚明
周致堯游南湖賦得裴休故業幽賞殊未窮揚舲
嘉興府志勝一
濟南湖載瞻裴公宇蕭條乃禪居緬思太和年秩
班百僚初脫懷超俗緣息心究空虛歲月既云邁
世事亦已徂我裴清輝堂遺城委榛蕪斯人不可
爲慨傷獨在余○塚廟記云漢嚴忌墓在治西北
新城鎮世稱嚴夫子墓助之父也○南宋沈演之
墓在郿城北二十里演之字臺貞武康人舉秀才
爲嘉興令卒葬于此○梁趙伯超爲錢塘守侯景
之難城陷不屈戚衮策茂才熟周禮禮記與徐攜
質辯領答如流俱有墓在縣境○晉黃門許侍郎
祠在縣治西許安仁也又西南五里爲陳司徒果

仁祠唐咸通中建又縣東十八里有高豐廟在雀墓村唐朱自勉主嘉禾屯田有白雀集于高豐廩歲輒大穰遂立祠祀之○曹使君祠在府治西北祀吳越曹信及其子珪○唐陸宣公祠相傳爲贊故宅宣公書院宋時凡十所其一在府學西南知州李正已建東萊呂祖謙記蘇軾馬劬石刻存

崇德縣在府西

唐置義和鎮于嘉興之西卽禦兒地一名語兒在今治東南一里春秋時爲吳棲兵之所初勾踐入官于吳夫人產女於此因名女陽亭及勝吳更就

嘉興府志勝不卷之二

土

李爲語兒鄉五代吳越王時錢元璩鎮中吳謂右潘強大杭無屏蔽請析嘉興之崇德鄉爲縣治義和而以鄉名縣宋熙寧十年又割桐鄉等五鄉益之唐徐凝語兒見月詩幾處天邊見新月經過草市憶西施淪淪水宿初三夜曾伴愁娥到語兒○志云龜山在治東沙渚塘南一里其形如龜山北有晉銀青光祿大夫李孟宅○治西爲常樂寺有唐無著禪師贊寧碑記師名文喜語兒人出家常樂寺住五臺禮文殊遇牽牛老人邀師入寺與語命一童子致茶師問此爲何處童子曰金剛窟師

因悟老人卽文殊然已不可復扣卽稽首童子爲說偈言訖童子與寺俱不見錢王奏賜紫衣及號○洲錢市在治西積善鄉地形如錢週遭皆水有唐長慶初李公明母朱夫人墓宋嘉定中土人得墓刻云在洲錢之陽南渡時士大夫來寓者二十餘家趙申公不求與其子善應皆在焉踰一紀善應生忠定公汝愚爲中興名相○千乘鄉在縣東北十二里嘗掘土得斷碑云夫差閱兵于此車凡千乘故名鄉有石門涇宋末衛富益創白社于此富益始家崇德宋祚淪亡日夜悲泣設壇爲文祭嘉興府志勝不卷之二

土

文天祥陸秀夫張世傑詞極哀慘年九十六卒○石人涇其地有陋巷村復聖公顏子之後也宋建炎間有名復者以扈駕遂家于此子孫自爲村落故名○石門塘水折而東彎環如帶曰玉灣其西北屬桐鄉春秋時吳拒越壘石爲門卽此處唐有石門驛宋紹興車駕往還卽驛基建行帳殿又置權酒庫務勲齋黃幹官監酒庫有東西張氏園東張名子脩開封人知施州能詩後監酒庫遂家焉西張邑人名汝昌爲迪功郎皆有池館園林之勝號東西園元季苗獠之亂吳守正妻禹氏與夫操

舟以逃苗追及禹抱幼女投水而死明日得屍抱女僵立水中如生塋于石門守正亦死賊中遺孤德昂痛親之死稍長奉佛以資冥福遂精其學兼通文藝而廬于墓當世重之表墓曰貞母阡黃幹石門詩吳越天下富京畿游俠鄉隴畝盡膏腴第宅皆侯王自我來石門觸目何淒涼清晨開務門有酒誰復嘗纍纍挈妻子汲汲求糟糠父老稱近年十載常九荒聚落成丘墟少壯爭逃亡戴敏游張園詩乳鴨池塘水淺深熟梅天氣半晴陰東園載酒西園醉摘盡枇杷一樹金元黃庚石門詩廬

嘉興府志勝

八卷之二

土

馬東山路駸駸抵石門落花春雨夜流水暮烟村久客悲行役清愁擾夢魂勞生多感慨餘恨付乾坤胡奎貞母阡詩石門山前箭如雨朝別良人暮爲鬼石門山下百尺泉一日身死哀千年至今石門山下路人稱烈婦禹家墓墓前斜日一僧歸卽是當時十歲兒明王守仁石門晚泊詩風雨石門晚停舟問舊游烟花春欲盡惆悵繞溪頭○河渠志云漕渠西南自湖州德清縣金鷄鄉界入崇德穿縣濠北出又二十里受塘左之涇十有八而龜山葦城語兒白社墩千乘鄉在焉受塘右之涇十

有三而何城白馬岡洲錢市陳山含山在焉俱至石門塘入桐鄉境○按龜山語兒白社千乘洲錢已見前外營城在東津鄉越勾踐拓地北至語兒吳王夫差築何晏管營四城拒之管城今屬海鹽餘三城址俱存何城內有何津王廟相傳卽吳王遣以築城者○白馬岡在縣之崇德鄉宋康王南渡金兵躡之亟忽見一白馬躍出乘而遯宵行七百里至此天曙康王喜曰金人不吾及矣視之乃泥馬也因塋于此○陳山在積善鄉高十三丈週一里昔有陳氏居此積土爲之又西北六里爲含嘉興府志勝

八卷之二

西

山乃嘉湖兩府界五河之水繞其下

桐鄉縣

在府西六十里

宣德四年割崇德縣梧桐等六鄉爲縣以鄉得名曰桐鄉治本鄉之鳳鳴市○東山在縣東三里梧桐鄉高五丈廣十餘畝以晉謝安所游而名明程本立詩陟彼東山上惘然思謝安華露濕我衣海日升岩巒巍無如花妓醉舞追前惟飄飄谷風來吹墮頭上冠右本鄉有橋曰望賢亦以此名○甌山在縣東北二十里其形如甌山下繞爛溪源出天目合康涇車溪永新溪諸水入震澤○王家山

在縣南二十五里高十五丈周三百步有王姓聚土成之故名○走馬岡在縣北高阜如山昔吳王走馬處其下有洗馬池又七里爲皂林驛有古皂林寺元將路成營壘在焉隋天錫皂林舟中詩春深野鴨肥可射幽樹深陰叫山鷓鴣遠人三月酒船過柳絮飛時杏花謝行行水沫上雲林往往人家成僧舍解官便欲賦歸來何處買山錢可借明貝瓊詩朝發白水村夕次皂林驛水腥無飲馬林黑有歸鴈昔時兵交地白骨如山積萬竈今已夷風亭煥新節居人尚星散父老悲古蹟團團關山月

嘉興府志勝

八卷之二

五

夜逐南征客按通紀大將軍徐達與張士誠大戰于此俘其兵六萬故詠是事○又二十里爲青鎮古有青墩唐鎮遏戍守之所西與湖州之烏鎮隔一水有梁昭明太子蕭統讀書臺統師事沈約約塾先人于烏鎮統就之築臺于此宋處士宋平有東阜園慶曆初建浮屠紹興末改廣福院初叅政陳與義讀書于此院內旣貴卽其所建爲簡齋海內稱簡齋先生簡齋有芙蓉洲詩殘年不復徙他邦長與兩禪同夜缸坐到更深都寂寞雪花無數落天窓又看牡丹詩一自胡塵入漢關十年伊洛

路漫漫青墩溪畔龍鍾客獨立東風看牡丹○爰山在千金鄉與嘉興縣界高二十餘丈昔有爰基者遇異人得導引術居此山數年跌坐而化其徒收瘞之惟有巾幘故以其姓名山上有朝音院銅棺塚明里人貝瓊游記云吾邑平土無山其東南小山曰爰山由桐溪南折而東渡至山趾居人四五家得支徑松栢萬株山回路盡有山塹然壁立者卽爰山道士尸解處其巔小石突起土中數迸笋者有盤互類木走長根者又行至東峰曰史山視爰山稍卑土人建神祠于此祠旁古井泉瑩可

嘉興府志勝

八卷之二

六

鑑山之勝盡矣貝瓊爰史吟神人夜割蓬萊股蒼然尚作青獅舞爰基得道此飛騰烟穴千年自成塢前年盜起官軍來存者如星纔四五我來欲置讀書齋出入不愁穿猛虎山寒月黑無人聲夾道長松作風雨珮環何日歸公主泉下銅棺闕千古石什麒麟罷官守林宿鳴鴉間鬼語又爰山隱居詩病客從來懶出村兩山一月雨昏昏野花作雪都辭樹溪水如雲忽到門無復元戎喧鼓吹試從田父牧雞豚來青處士時相過猶是平原舊子孫○千金鄉有范蠡塢在顧村之傍有洗足灘胭脂

滙諸遺跡以其載西施事附會之

海鹽縣在府東一百里

秦之會稽郡領縣二十六其二為長水武原今嘉興府七縣皆此二縣地也武原亦曰平原治馬嘽城在今治東南三百步越記吳兵至此忽有大風陣敗馬驚因以為名縣地廣斥鹽田相望故漢改名海鹽新莽改海鹽曰展武陷為柘湖在今華亭縣南七十里金山北因徙治武原鄉東漢建武二年後名海鹽永建二年武原又陷為常湖在今平湖縣東乃徙顧色山改名顧色縣在今平湖縣東

嘉興府志勝

卷之二

七

南晉咸康七年復顧色為海鹽唐開元五年徙治吳禦越城西北即今所劉長卿海鹽官舍詩小邑滄洲更新年白髮翁一官如遠寄妻子轉飄蓬柳色孤城裏鶯聲細雨中羈心早已亂何事更春風○秦住山一日秦駐在縣南十八里下有秦駐鳩相傳始皇東游至此繫舟于泊櫓山登秦駐俯長墻望滄海美人死葬之秦還山山上有美人廟山下有大岡路即始皇馳道也道傍有秦駐館唐縣令李諤更名南館張祜宿南館詩故人營此地臺館尚依依黑夜山魃語黃昏海燕歸舊陰楊葉在

殘雨槿花稀無復南宮想高簷紅燭輝宋王安石大岡路詩穆王得八駿萬事不期脩茫茫千載間復此好遠游車輪與馬跡此地亦嘗爾想當治道時勞苦如山丘○又十七里即長墻山秦始皇嘗登此望海山形橫截海濤若堵墻山下有不岩臨海名穿山洞山之旁曰泊櫓山迤西曰金牛山吳地志云昔村民阜伯通見有牛糞金因與弟隨之牛穴此山而入兄弟鑿山以取山忽頽同死穴中又西有金粟山一名六里山以其週迴凡六里故名吳地志云有石篆書三十八字天冊元年碑刻

嘉興府志勝

卷之二

六

上有秦王劍池下為澈浦水經註云谷水由縣出為澈浦以通大海晉光熙初嘗有三毛人來集蓋泛于風者元至元間宣慰楊耐翁居此構屋招集海商遂成聚落洪武中築城浦上城中有金粟寺金華宋濂云當吳之時佛法雖至中國而江南未有奉之者赤烏中始創三寺其一為海鹽金粟唐時準禪師住此司空曙遺準禪師詩昨聞歸舊寺暫別欲成年樵客應同出鄰僧寂伴禪後峯秋有雪遠澗夜鳴泉豈藉公卿論人間事共傳邑人張靈金粟山詩溪深通小艇山峻露層臺林葉經霜

蓋河水近午開開雲僧出定舊山客重來擾擾浮
生路經過知幾回○夾山在金粟金牛二山之間
山南有晉于榮墓榮葬時以所幸婢殉後十餘年
于寶啟墓塋母婢伏棺猶生見天地鬼神事甚悉
寶始不信鬼神若無鬼論至是乃悟幽冥之理誤
衣相記及搜神記三十卷○白塔山在縣東南二
十里志云去泰駐山二里浸于海中山上有白塔
山下有潭通魯浦口白塔潭海舟所從入也唐至
德中正字徐疑于此得桃核斤可貯升米宋建炎
初賊將徐大刀賊卅山下見林木秀茂有兩道人
嘉興府志勝入卷之二

尤

對奕就之無見遂不敢犯又三里海北有望虞山
登之可望上虞諸山故名○東都事畧云魯宗道
爲海鹽令疏治東南舊港口導海水至邑下人以
爲利號魯公浦相傳縣西北有鹿苑寺魯公初宰
此邑夢胡僧來迎參政及瞻羅漢像果如夢中所
見云○橫山在縣西南三十里唐顧况居其下况
仕至著作郎歸隱茅山號華陽真逸初况有子年
十七而殤况悲啼不已作詩哭之曰老人苦喪子
日暮泣成血老人年七十不作多時別其子游蒐
應之曰若得輪迴當復爲子况後果生子名非熊

七歲不能語其兄戲批之忽曰我爾兄也何敢爾
因叙前生事無一謬者非熊後亦有重名長慶甲
下第穆宗惟之詔有司進所試卷救使及第大中
間棄官亦隱茅山顧况詩云家住派峯蘭石邊數
聲秋磬發孤烟山連柳浦鳥飛盡月上青林人未
眠劉長卿過顧况宅詩祇見山相掩誰言路尚通
人來千嶂外犬吠百花中細草含香山甫揚舂軟
風却尋樵徑去惆悵綠溪中○又五里爲葫蘆山
其山浸在海中潮漲消長如葫蘆出沒故名語曰
潮生潮落葫蘆山若其上有葫蘆寨西有西山寨
嘉興府志勝入卷之二

廿

並在鮑郎市晉末舍稽賊孫恩攻縣縣令鮑陋禦
之恩走陋子嗣之領兵追恩戰死于此故名○又
里許爲紫雲山唐建中時有村女患頭瘋兄惡于
兄嫂命之耕于山下每出輒有紫雲覆之事聞詔
入宮中山因得名近有高王山唐貞觀中法聰禪
師說法于此嘉興有神曰高王降而祝曰爲我誦
法聰禪師來授菩薩戒于是衆爲立廟曰高王廟
蓋東魏孫德敬所稱高王觀世音者是也○陳山
在縣東三十里上有龍湫及龍母塚歲以三月十
八日邑人來集眺望雲氣以占雨暘山椒有大石

盤陀有吳皇象陳頤安饒家象字休明青州刺史
善隸書墓高一丈周四十五步安饒鴻臚卿墓周
七十步○天仙湖在縣西九里又二十里曰賁湖
一名宋波湖周四十餘里南有黃道彭墩二湖又
五里曰橫湖周六里又二十五里曰上谷湖亦名
長湖逾長湖曰沈山在縣西六十里又北曰峽石
唐置峽石鎮于此鎮西爲紫微山與鎮東之東山
相峙因曰峽石亦名雙峯天目分流水出其中卽
谷水也○泥瀆與華亭縣界晉李祥與袁崧築壘
于此禦賊崧爲賊所害祥突白刃收崧歸葬鄉人
嘉興府志勝八卷之二

廿

因名其地爲教義里又泥瀆靜安寺有陳朝捨宋
政和間遣中使取之欲毀山門而出忽風雨震雷
碎其一遂不敢取亦詳松江志中○寶塘在西南
三十五里宋時開隄路長四十里又十一里有泰
溪水通豐山港接運河又四里曰鷓鴣湖又五里
曰永安湖海濱鹿山颺山荆山廟山寶家葛家諸
山分布四五十里下矚此湖湖周十二里雨水瀰
漫則東南入海○大海在縣東宋志海鹽東南五
十里有貯水陂南三里有藍田浦東三里有橫浦
東通顧邑入海又有三十六沙九塗十八岡及黃

鹽七峯布列海埔今縣治去海僅半里舊時陂塘
悉易淪沒宋置防海塘一名太平塘長一百七十
餘里元爲石塘南北計四千八百丈本朝屢壞屢
脩張寧障海詩云吾聞浙江潮湧撼勢莫比廻流
趨鹽官一射數百里海鹽當其衝適際南北址何
年作長防大郭數丈許疊石額懸崖壁立瞰其渙
剡中實外障高岸湮入水表裏河海間相隔纔一
指潮來石脊角潮縮石板齒時平漸離缺風迅遽
披靡丁役歲無涯漂蕩日常耳使君人中英雄願
心隱只發彼巉岩孤砌作盤屈時鏤漏互蔽虧方
嘉興府志勝八卷之二

廿

勢相併倚盈不與石閘縮不隨浪委何期既倒禍
忽見急流砥但恐述者能不類作者美安得百使
君歷歲如大禹

平湖縣

在府城東
五十四里

宣德五年析海鹽縣東北境武原等鄉爲之卽漢
武原縣陷爲湖處其後土脉墳起陷處漸平故縣
以平湖名○志云當湖在縣治東周廻四十餘里
卽漢時陷爲湖者亢旱水涸其街陌遺跡猶隱隱
可見明林光詩青青湖畔草泛泛湖中鳥杯酒入
烟雲隔斷秋天杳開持一盃酒移艇傍疎竹白鳥

忽飛來湖田雨初足數聲採蓮歌秋波杳如海不
遇蓮人那得蓮堪採烟水幾漁家遶湖夾疎樹
扁舟三五人坐入秋天暮○東湖在縣東北三十
里界于松江之華亭陸道吳地記云海鹽東北二
百里有長谷卽谷湖也按本縣舊隸海鹽今縣界
有華亭鄉鄉之南卽當湖湖之東北有湖港蜿蜒
至于橫湖此屬本邑其湖橋三湖則在今華亭縣
界當湖乃湖所自出湖港橫湖爲三湖之上流雖
有谷湖長湖上中下三湖之殊其實皆一湖流通
○南涇塘在縣南迤土山下又十里曰轉塘乃長

嘉興府志勝八卷之二

五

水塘之分流也柳莊塘在縣東南十二里又三里
爲獨山塘又五里爲乍浦塘諸水縱橫會流入海
而乍浦引海水通市河元時番舶湊集于此又七
里爲故邑山唐志東漢時海鹽縣淪陷爲湖移置
此山尋馬鳴爲秦舊邑因名故邑又故作顧以爲
顧視此邑云迤南曰雅山上多怪石南涇塘遠之
嘉善縣在府城東
三十六里

宣德五年析嘉興縣之東境置今縣以魏塘鎮爲
治所元萬戶陳景仁花圃也○縣東景德寺有幽
澗泉清冽無滓品居惠山泉之次方輿勝覽云昔

有僧夜坐忽一女子過之容色甚麗僧叱之曰窓
外誰家女女應聲曰堂中何處僧僧起逐之女投
入地掘得此泉因以幽澗名焉○治西北有慈雲
教寺唐大中初名保安寺宋改今額寺有月臺甃
甃丈許天晴沾濕雨轉乾燥相傳以爲異○伍子
塘在縣治西南南引胥山以北之水相傳子胥經
營伐越之處其鄉有劉伶墓去府城東二十七里
蘇軾劉伶墓詩常笑劉伶死便埋豈伊忘死未忘
骸烏鳶奪得勝蟻蟻誰信先生無此懷林景熙詩
碧落當年墜酒星醉中萬事一浮萍亦知人世無

嘉興府志勝八卷之二

五

窮事一醉松根不肯醒○清風涇在縣東北二十
里一名白牛鎮宋陳舜俞家居于此舜俞舉進士
嘉祐間中制科第一會青苗行不奉令責監南康
酒稅日與太傅劉凝之跨雙犢窮泉石之勝自號
白牛居士鄉人因名其所居爲白牛鎮○茜溪在
縣北十二里其地常出茜草故名又十二里爲祥
符蕩中產菱荷鵝鵲巨蝦民食其利旁曰淨池不
生雜草宋有道士唐介壽居于蕩岸介壽得異術
能役鬼神咸淳二年海潮衝齧錢塘介壽用朱符
投之江患遂卻詔授道錄以其所居爲福源宮明

宣德初重脩求佳木鑄三清像鄉人以西塘有怪木天晴明則隱形不見風雨輒出形如黑魚圍可五六尺遂伺其出取以爲像○祥符葉蕩諸水皆滙于章練塘相傳吳孫權造戰艦時嘗于此張纛以練水軍後因訛爲章練云○鶴湖在縣西北三十里其中多蓴菜蘆葦或以舊嘗產鶴故名縣又北六里曰汾湖其半爲吳江縣界出蟹極美

湖州府在府城西北八十里

領州一縣六

湖州之名始于隋仁壽二年取太湖以爲名其地則古防風氏之國今武康縣封禺二山間有防風廟歲以八月二十五日有司致祭是也周泰伯五世孫周章封吳子都于勾吳乃稱西吳其後顯王三十三年地始屬楚故春申君黃歇立有菰城在今府城南二十里三國孫吳始置吳興郡治烏程縣隋初郡廢更置湖州迄今沿之○郡自秦漢以來惟有子城唐武德四年趙郡王孝恭始勦築羅城周二十四里闢門有九至元季張士誠據有之湖州府志勝入卷之三

一

州更築而小之城去其半門省其三之一其濠水則若雷二溪之所經也唐刺史楊漢公登郡城樓詩吳興城郭水雲中溪舫雲簾處處通池上有樓樓上月清光浮作水晶宮宋滕元發受知神宗以與王安石不合出守湖州其友林子中爲禮部員外郎作詩賀之曰清風樓下兩樓春三十餘年一夢新欲識玉皇香案吏水晶宮裏謫仙人○太湖在府城外十八里界于烏程長興之間其大二萬六千頃東西二百餘里南北一百二十里周五百里西北極于宣常東北極于蘇湖大雷小雷二山

皆浮于湖之東方屬當郡境蓋浙西茗害與臨安
廣德諸水散出凡七十二溪奔海不及則滯蓄于
湖道三江以入海禹貢謂之震澤周禮謂之具區
左傳謂之笠澤其實一也太湖亦名五湖張渤吳
錄云周行五百里故曰五湖陸魯望云太湖上稟
咸池五車之氣故一水五名然太湖雖環遶江南
數郡其以之名州者則獨吳興爲然○茗溪之源
有二其一自天目山一自獨松嶺合大浮玉山之
水經安吉州合流至郡城西又分二派一自清源
門入雪溪一自臨湖門外並雪溪入太湖○雪溪

湖州府志勝八卷之三

二

者合四水爲一溪故名四水曰茗溪前溪餘不溪
及北流水也又謂四水蕩激時雲然有聲故名○
餘不溪源出天目山之陽東南徑德清縣至郡城
定安門注于茗溪○前溪一名餘英溪源自銅岷
山東過武康縣至沙村與北流水合○北流水者
餘不水之支流也自德清清河橋北至沙村匯前
溪水俱由定安門入江子匯江子匯卽雪溪也以
其爲衆水之所匯而名○吳興掌故云鎮湖樓在
郡城南隅卽故子城之南樓也後改爲鈔署樓顏
真卿題額杜牧之佐宣城時來訪郡公崔元亮因

題詩于樓上其末云時陪庾公賞蓋指崔也○雪
溪館在府治南二百步俗呼中館驛曩時館前分
雪溪支流自兩平橋入可方舟今乃漸淤兩平者
府東之市橋也府治前有駱駝橋在雪溪上治西
南有儀鳳橋在茗溪上俱唐時建駱駝以形製而
名儀鳳因年號而名又有東駱駝橋舊名伏龍橋
在治前江水匯宋建炎間郡人築渚于中流折橋
爲二南曰甘棠北曰長橋長橋卽伏龍橋也甘棠
者政和中知州事章援以其父惇嘗守此邦有遺
愛乃撤而新之易以今名元趙孟頫子昂宅在甘
棠

湖州府志勝八卷之三

三

棠橋南○白蘋洲在雪溪東南刺史楊漢公建三
圃五亭于其上白樂天記畧云湖州城東南二百
步抵雪溪溪連汀州梁吳興守柳惲賦詩曰汀州
連白蘋故因以名至唐大曆十一年顏魯公真卿
爲刺史始作八角亭以資游息後因災澇泝至沼
潭亭圯開成三年弘農楊君爲刺史乃疏四渠濬
二池築三圃構五亭卉木荷竹舟橋廊廡游宴憩
宿之具靡不備焉觀其架大溪躋長汀者謂之白
蘋亭介二園閤百卉者謂之集芳亭面廣池目列
岫者謂之山光亭甞晨曉者謂之朝霞亭狎清漣

者謂之碧波亭五亭間關萬象迭入向背俯仰勝
無遺形每至汀風春溪月秋花繁鳥啼之山蓮開
水香之久賓友集歌吹作舟楫徐動觴詠半酣飄
然恍然游者相顧咸曰此不知方外也人間也又
不知蓬池崑閭復何如哉○碧瀾堂○溪館中堂
名也杜牧之佐宣城來游吳興寓溪館爲書堂
扁而劉長卿南謫亦寓焉屢見諸吟詠今館廢而
堂名尚存宋陳堯佐題碧瀾堂云若溪清淺雪溪
斜碧玉光寒照萬家誰向月明中夜聽洞庭漁笛
隔蘆花○宋李公擇爲守時張子野劉孝叔楊元

湖州府志勝不卷之三

四

素蘇子瞻陳令舉會于碧瀾堂子野作六客詞後
子瞻與曹子芳劉景文蘇伯固張秉道會于郡圃
繼作六客詞因建六客亭在郡圃內○歸鴈亭孫
莘老治湖時作于天慶觀中道士崇悅乞名于東
坡坡以歸鴈與之○水利攷云曹潛儀鳳橋下水
也晉咸和中都督鄒鑒所開○荻塘在城南一里
晉太守殷康所開又云隋時沈恒居此家貧好學
燃荻以照書故名○謝塘在城西四里晉太守謝
安所開有古碑先在謝公鄉後移入城○青塘在
城北迎禧門外吳景帝鈞皇后父葬于山發民丁

三千人開之以通墓所又里許爲蒲帆塘唐刺史
楊漢公開○郡城濠唐上元間刺史劉孤問俗重
濬○吳興塘洪城塘保稼塘連雲塘菱湖俱貞元
間刺史崔元亮開○其有瑯琊太原諸鄉謝村漾
福田寺諸跡則以王謝舊時爲吳興太守而子孫
尚有居此者福田寺相傳謝靈運故宅也○吳興
掌故云吳興錄吳韋昭撰○吳興郡疏一卷晉太
守王韶之撰○吳興入東記梁吳均作均居長興
南六十里之青山在郡西太守柳惲召補主簿始
吳境乃作入東記以辯山川故實○吳興記山

湖州府志勝不卷之三

五

謙之作○三吳土地記顧長生作○吳興山墟名
旅玄之作○吳興志唐陸羽作○吳興實錄陸龜
蒙撰○吳興雜錄七卷湖州刺史張文規作載義
興造茶及風物雜占甚詳文規乃張薦之後顏魯
公石鐔聯句薦兄弟與焉○吳興地記顏真卿作
凡山川陵墓古跡皆入記刻之石柱故又名石柱
記○吳興統記宋景德中攝湖州長史左文質纂
其十五卷分門別類故事頗詳○餘英志三卷慶
元中鄉進士劉潼撰○吳興續圖經紹興中校官
郡官同編○吳興志舊編淳熙中教授周世南同

諸職分撰共十有二卷○吳興志二十卷宋樞密院編脩官郡人談鑰編今所傳志實皆祖之以其類詳也○吳興詩一卷知湖州孫莘老撰○吳興分類詩倪祖義子由編以孫莘老所集太畧而增廣之○輿地碑目云墨妙亭碑熙寧五年孫莘老築于郡邸之北迤遙堂之東取凡境內自漢以來古文遺刻以實之蘇子瞻記○吳興太守歷官記自晉王逸少泊陳任忠凡四十四人唐人所勒在晉太守謝公碑陰○湖州刺史題名記唐廣德元年補闕內供奉李紆撰貞元十六年華陽嶺况撰

湖州府志勝

卷之三

六

後記○錄事參軍新廳記唐元和中楊夔撰○廳梁題字記宋元祐二年林希立○書記廳集虛堂記校書郎陳師錫撰○脩架閣樓記元祐七年左承議郎簽書節度判官廳公事朱振撰刻在樓下○脩河樓記直學士程文昌撰待制沈樞書在州廳壁○脩城記陳吏部之茂撰○湖州紀功碑太常寺奉禮部時元佐撰蓋紀刺史辛秘平賊臣李錡之黨也○唐開元封文宣王詔大曆四年別駕孫沛立石右軍孫王榮書在州學○文宣王新廟碑在州學唐大中年秘書郎鄭言撰并書按刺史

令狐絢作廟本末記云西臨霅水前橫荻塘梁壘爲橋編木爲柵卽其棠橋文宣王廟也○湖州學記宋慶曆中張方平撰蔡襄書○石步卿經史閣三字在州學○安定書院祀胡公瑗也有燕居堂碑元字宋魯仲撰○射堂記放生池碑俱顏真卿撰○顏魯公祠堂記知州事張田撰○魯公堂三詩王十朋撰○蘇東坡祠堂記淳熙八年蕭德藻撰○陳後主幸玄武湖餞吳興太守任忠詩寒雲輕重色秋水去來波待我戎衣定還詠大風歌唐宋之問餞湖州薛司馬詩別駕促嚴程離筵多故

湖州府志勝

卷之三

七

情交深季作友義重伯爲兄鎮靜移吳俗風流在漢京會看陳仲舉從此拜公卿張籍舟行寄李湖州詩客愁無次第川路重辛勤藻客行舟灘濤多轉轍頻薄游空感惠失計自憐貧頗誦汀洲句時時慰遠人李白答湖州葉司馬詩青蓮居士謫仙人酒肆藏名三十春湖州司馬何湏問金粟如來是後身

烏程縣附

秦時有程林烏金二家善釀美酒因置烏程縣吳永安元年封兄子皓爲侯國郡國志云烏程縣治

東北隅有吳孫皓爲烏程侯時所鑿井○縣治舊在春申君所置菰城城起有樓連延十里秦漢間徙治今子城晉郭璞相其地不吉欲移于東遷璞女子亦善堪輿謂因舊址損益之可無殘破之患璞然之遂不果遷○治內有相國池唐大曆中李晤官烏程其子紳方一歲數墜此池若有物扶之而出紳後爲相邑人因以名池又東南一里有蘇公潭唐開元初蘇頲爲烏程尉誤墜潭中聞人語云扶出蘇公頲後拜相封許國公故杜牧之詩有云夜涼溪館聞僧語風定蘇潭看月生○吳興掌

湖州府志勝

卷之三

八

故云烏程縣脩建解宇記脩東亭記俱唐楊夔撰○烏程令韋公德政碑唐至德二年沈約本撰沈仲昌書唐皇甫游烏程水樓留別縣令詩悠悠千里去惜此一樽同客散高樓上帆飛細雨中山程隨遠水楚思任青楓共說前期遠滄波處處通季季蘭寄殷七校書無事烏程縣蹉跎歲月餘不知芸閣吏寂寞竟何如遠水浮仙棹寒星伴使車因過大雷澤莫忘數行書

歸安縣附

宋太平興國七年析烏程東南十五鄉置縣是時

吳越王錢俶方納土因名歸安○溪光亭在歸安治前宋開禧初縣令鄭昭先建蘇軾詩云決去湖波尚有情却隨初日動簷楹溪光自昔無人畫憑使新詩與寫成○吳興掌故云歸安縣新建學記鄧文原撰○歸安學前有趙子昂別業四面陂水環遶中多植蓮號蓮花莊同時有袁稱字伯長自號清容居士與子昂同讀書構清容軒今屬慈感寺內倪思題清容軒詩水花風葉暮蕭然靄靄雲山帶曉烟佇立東軒未能去更看明月湧晴天舊圖經云玉湖在郡城南元趙孟頫圖序畧曰南來

湖州府志勝

卷之三

九

之水出天目之陽至城南三里而近滙爲玉湖汪汪百頃流入城中合苕水入太湖玉湖之中有浮玉山巨石如積坡陀礪礪與水浮沉山南二小峯曰上下釣魚山相傳謝車騎玄嘗釣于此故王僧彌語曰卿乃吳興溪邊釣碣耳趙子昂玉湖詩云玉湖流水清且閒中有浮玉之名山千帆過盡暮天碧惟有白雲時往還○湖面有浮玉亭原名西亭梁天監十六年建柳惲與郡主簿吳均同賦西亭五韻于此宋天聖中烏程縣令方仲言改爲浮玉亭鄭戢撰碑記安吉尹希古書俱刻在亭內○

碧浪潮與玉湖相接晉太守殷康建顯濟菴及顯山亭于此唐避廟諱改顯山爲峴山山多石草木疎瘦有石如樽可貯斗酒唐李適之爲湖州別駕夜張宴畫決事獄無留辭飲酒盡此石樽不亂後顏真卿爲刺史與門生弟娃輩携壺來游因聯句二十七韻山下有峴山漾一名碧浪潮山南有蘇灣宋蘇軾爲郡守築湖堤于此其詠峴山亭詩若水如漢水粼粼鴨頭青吳興勝襄陽萬瓦浮青冥我非羊叔子媿此峴山亭○又五里爲道場山禪宗正脉云如訥禪師證道于此故名山有伏虎岩

潮州府志勝八卷之三 十

瑤席池虎跑泉歸雲菴諸勝歸雲菴者取僧皎然詩也明山人孫一元掛瓢堂在焉其比麓曰何山舊名金蓋山晉太守何楷嘗居此讀書乃更今名梁吳均同柳吳興游何山詩王孫重離別置酒睠峯畿逶迤川上草參差澗裏微輕雲紛遠岫細雨沐山衣簷端水禽息窓上野螢飛君隨綠波遠我逐清風歸宋蘇軾詩道場山頂何山麓上徹雲峯下幽谷我從山水窟中來尚愛此山看不足陂湖行盡白漫漫青山忽作龍蛇蟠山高無風松自響

誤認石齒號驚湍山僧不放山泉出屋底清流照瑤席階前合抱桂入雲月裏仙人親手植出山回望翠雲鬟碧瓦朱甍縹緲間白水田頭問行路小溪深處是何山高人讀書夜達旦至今山雞鳴夜半我今廢學不歸山山中對酒空三嘆蘇轍次前韻兩山相負圍峯麓流水重來注谿谷游人上尋流水源未覺崎嶇病雙足山深下視雲漫漫徑垂石底千屈蟠松林陰森白石靜忽驚人世如奔湍客行不避苦寒出僧定端居不下席人生嗟與草木同置身所在如初植堂中白佛青螺鬟氣象冲

潮州府志勝八卷之三 十

澹非人間空令遠客厭奔走徑欲築室依空山水魚琅琅夜將旦星斗欹斜掛山半行役有程未可留將出山門復長嘆王十朋何山詩去秋游道場俯瞰何山路林泉雖在眼未暇飛杖屨塵埃泊城市遙望隔煙霧春光忽已半播穀催農務欲作卜山行偶逢風伯怒肩輿出城南乘興訪幽趣山藏錦屋深迹躡陳朝故老松不記年脩竹莫知數鳥鳴說法地花落坐禪處書空何公堂木拱安定墓青山看未足回首日云暮小谿何處是歸誦蘇仙賦口吳興掌故云胡安定翼之墓在道場山歐陽

脩爲作墓表○何楷讀書堂在何山寺宋汪藻記畧云游道場山如入王侯之第游何山如造高人隱士之廬口道場山下十聖殿碑宋太平興國三年知湖州錢信記口朱晦翁乞永帖在道場山常住○直何山之東者錢山其下有錢山派又五里爲衡山左傳襄公三年楚子伐吳克鳩茲至于衡山卽此一名橫山是山東西夾峙武康德清之水歷于其間北流入碧浪湖唐詩人閣士和橫山人故宅在焉明張羽詩橫山山頂嵐光生翠霧直與山俱橫輕陰低拂北流水落日半隱鳩茲城一丘

湖州府志勝入卷之

三

松花忽吹起反覆陰晴生眼底揮毫安得米元暉坐對高春寫詩意○又十里爲黃蘗山黃浦之水出焉北流入于碧浪湖又十里爲葛仙山職方圖志云葛洪煉丹處天下十有三烏程居其一也又十里爲菁山其上產黃菁故名山之陽有白蓮寺其陰有常照寺宋建炎中僧梵隆建名無住蘭若高宗南渡嘗駐蹕于此有隱安院宋知州事葛勝仲別業也外有溪澗逶迤澄澈與釋替能甘賦詩爲樂○康山在城西十二里延袤九里龍溪之水出焉其南卽苕溪也又二十里爲石城山高九十

六丈廣四十五里其山平行可城可耕山頂有池廣不盈畝曰洗馬池吳興山墟名云巴人嚴白虎于此壘石爲城與呂蒙戰今山上有弩臺烽樓乃走馬將臺遺址○又十里爲西塞山而施南按經鉅堂志云西塞郡城南一帶遠山是也唐張志和游釣于此有西塞山漁父詞山名遂著志和金華人擢明經待詔翰林尋不復仕顏真卿刺湖州遂往來苕霅間志和漁父詞云西塞山前白鷺飛桃花流水鱖魚肥青箬笠綠蓑衣斜風細雨不須歸又雪溪灣裏釣魚翁舴艋爲家西復東江上雪浦

湖州府志勝入卷之三

三

邊風吹着荷衣不嘆窮口元張羽西塞山詩西塞山前日欲暮江柵離離起烟霧玄真仙馭不可攀時聽漁歌隔溪渡潯頭酒賤鱖魚肥紅塵不上綠蓑衣投竿倚棹看新月猶見雙雙白鷺飛○夾山在城西南十里俗名雞籠山以形似之故名其下有夾山漾與夾山相迤及者蕭山也又十里爲敷山易說卦山之東曰敷此在福山東故名福山與夷山聯屬亦名小敷山唐詩人亞之下賢居此早卒杜牧吊以詩云斯人清唱何能和草徑苔蘚不可尋一夕小敷山下過水如環珮月如襟○又

五里爲羅山與剎山相望二山尖聳如羅剎之兩角故名其陰曰栖霞山南曰九霞山明徐獻忠伯臣僑居于此伯臣松江人撰吳興掌故者○又十里爲杼山高三百尺週一千二百步陸羽記云夏后杼巡狩之所亦名稽留山上有避它城說文它蛇也是時下民皆墊避蛇于此山多顏貞卿遺跡其下有夏王村何楷釣臺及妙喜寺僧皎然焚詩處其所著集曰杼山集集內有杼山禪居寄東溪馮處士詩青雲何潤澤下有賢人隱路入菱湖深跡與黃鶴近野風吹白芷山月搖青軫又別時春

湖州府志勝不卷之三

四

風多掃盡雲山雪爲君中夜起孤坐石上月故人不在茲幽桂惜未結口顏魯公妙喜寺碑畧云妙喜寺梁武帝之所創也寺前二十步有黃浦橋橋南五十步有黃浦亭宋鮑照送盛侍郎及庾中郎賦詩處而鮑詩所謂餞候亭者卽黃浦亭也其碑銘云柵以桂結浦由黃中二庾迢遞三癸嶙峋口攷三癸亭魯公爲陸鴻漸建其時爲大曆七年癸丑歲冬十月癸卯朔二十一日癸亥落成故名魯公編韻海鏡源于此真卿三癸亭詩杼山多幽絕勝事盈跬步前者雖登攀淹留限晨暮及茲紆勝

引曾是美無度歛構三癸亭定惟陸生故高賢能利物疏鑿皆有趣不越方丈間居然雲霄遇巍我倚脩岫曠望臨古渡左右蒼石拱低昂桂枝靈山僧狎猿猱巢鳥來枳棋俯視何楷臺傍瞻戴顓路還回未能下夕照明村樹○又二十里爲東林山一名貝錦峯南齊建大乘寺于其上又有回仙觀宋時里人沈東老善釀一日有客自稱回道人求飲東老異之因與斟酌至暮客壁石榴皮書字以贈云西鄰已富憂不足東老雖貧樂有餘白酒釀來緣好客黃金散盡爲收書已而告別送至石橋

湖州府志勝不卷之三

五

客乘風而去東老遂捨宅建觀○又三十里爲銅山去城八十六里一名銅峴山括地志云吳米郎山之銅于此西屬安吉南屬武康又十里曰獅子山岡隴昂伏盤踞枕于溪流故名○又五十里爲莫干山上有鑄劍池水常清澈旁有磨劍石世傳吳王鑄劍于此取莫邪干將爲名○毘山在城東北五里與城相毘故名若雲諸溪滙繞山下以入太湖梁柳惲建毘山亭其上趙孟頫記云遠樹微茫中突若覆釜者是也又十三里曰戴山南望諸毘比望其區其上多石無草木昔蘇郡戴顓游吳

衣冠之士隨其所至卽築室以居之太守張邵素與之善爲築于此因名顏魯公詩傍瞻戴顓路卽此山矣○別鮮山在城東十三里爾雅曰小山別大山鮮言此山孤秀不相連屬也又五里爲西余山漢文帝封東海王搖之子爲傾余侯居此又二里曰昇山本名烏山卽古烏巾氏所居至越王無疆之子蹄封于歐余山之陽爲歐陽亭侯遂名歐餘山晉王逸少與客登之慨然歎曰百世之後誰知王逸少與諸君昇此乎遂名昇山顏魯公云其上刻有梁吳均入東記漢書所云烏程有歐陽亭

湖州府志勝入卷之三

去

卽此地也元張來儀詩昇山橫道傍秀色佳有餘一微千仞岡層巒自縈紆石軍晉高士曾此眺郊墟若徑存遺跡千載汝荒蕪想當登臨日俯仰凌八區放浪形骸外游目多所娛惜無登高作儼彼蘭亭書我思見其人臨風一躊躇○明孫一元詩石磴天風笑語清捫蘿直上思猶輕斷雲收雨青山出白鳥弄波斜日明跡逐漁樵成久放身隨麋鹿長高情兵戈滿眼真何意只漫蓬蒿過一生○又十里爲孺山漢徐孺子哭友人姚元起于此因名山下有孺子祠宋紹興年重修唐法記○仁王山

在城西北九里一名鳳皇山以形如飛鳳故名其南隔水有一小山山石可以作礪曰礪山宋鮑照有礪山東望震澤詩○又十里爲弁山一作卞山高六百丈周一百四十里吳興山墟名云卞山峻極非清秋爽月不見其頂山石瑩然似玉相傳卞和于此采石因名又以山形如弁故曰弁山山之東麓有石簪高數丈相傳人不敢開晉太守殷康欲開之會有雷雨而止其陰有黃龍洞舊名金井洞洞頂出泉名金井泉竇穴深邃莫窺其際五代梁貞明初有黃龍見于洞故更今名吳越王因立

湖州府志勝入卷之三

去

祥應宮以祀之今制五月二十日有司致祭是也吳興掌故云此山怪石林立其中一石最尊本侈而未銳危立如幢石旁有洞窈深叵測相傳有神龍居之亦林屋之別門也黃魯直書黃龍洞三字蘇子瞻有詩刻及諸宋人題名○卞山下有玲瓏岩岩石嵌空奇峻如錢塘之南屏及靈隱寺前櫺林有洞曰歸雲洞洞口石梁潤三尺許橫繞兩石間名定心石石旁有杜牧之畱題云前湖州刺史杜牧大中五年八月八日來又有宋紹興癸卯葛曾林彥政劉無言莫彥平葉少蘊題名○去玲瓏

二里許有沈家洞乃居人沈氏挾剔爲之故名又別有洞以昔爲避兵之所名避洞元許德彰游避洞詩豁訝一窟貫中峯不費天丁斧鑿工未信武陵隨澗入直疑禹穴與大通蒼龍隱卧春無雨石燕爭飛夜有風岩底俯逢驢迹在便于此地覓張公口十山之別峯有石十山又名法華山其下有法華寺舊碑載想者掘地得石函藏一童子舌不壞上生蓮華一枝故以名寺其東有石塢吳太史憲所葬唐僧皎然冬日逢和盧使君幼平蔡母居士遊法華寺高頂臨湖亭詩仁坊標絕境廉守躡

湖州府志卷之三

大

高蹤天曉纔分刹風傳欲盡鐘城中歸路遠湖上碧山重水照千花界雲開七葉峯寒空艾綬滿積翠白綸濃逸韻知難繼佳游恨不逢仍聞撫禪石篇我久從容口吳興堂故云唐梁肅有送皇甫尊師歸吳興卜山序杜牧之有撰唐進士龔軺墓志大中五年辛未五月立宋左丞葉少蘊宅墓俱在卜山之南其宅傍曰石林精舍有兼山堂躋雲軒岩林池諸勝池穿園證寺前玉礪水爲之故左丞著有玉礪雜書石林避暑等篇園證寺在碧岩之麓碧岩者巉巖峭拔頗臨太湖數百里外

卽望見其巔冬春之際積雪皚皚中有說法臺不朽木石香爐金蓮花皆高峯祖師之遺跡也○長超山一名湖跌山在城東南二十五里其上有漢薊子訓遺跡其下有湖跌漾廣二百頃其九十里曰舍山山上有舍山寺及浮岡山墟名云震澤東望蒼然茭葦烟蔚之中高丘卓絕者此山也舍山下多出筆工凡四方製筆稱善者皆舍山人○又二十里爲寶溪一名射村溪昔有漁者每見溪上有光伺之見一大蚌乘風而行光從中出逐之卽沉○掩浦在城東北二十六里一名項浦秦始皇

湖州府志卷之三

九

東游會稽項梁與籍私往觀之籍曰彼可取而代也梁掩其口曰毋妄言族矣因以名其浦按城北奉勝門俗名霸王門舊傳項籍起兵吳中卽此地自漢至齊梁郡守不敢坐正廳以避項王不則爲崇天監末太守蕭深始遷于治比楚帝寺南梁江總卜山楚廟詩蘋藻祈明德倚棹息岩阿忽聽鳥鳴曙非復楚宮歌閒階難宿莽古木斷懸蘿帷堂寂易晚桴鼓自相和感祀流百世英威言幾何○吳興掌故云伍子胥宅在城西伍林村吳子胥避難築室于此○千金墟在城東南四十里統記云

漢吳王濞鑄錢銅峴置庫于此○三碑鄉在城南
自七都至九都有漢費汎父子三碑其鄉因以名
之其一爲費鳳者熹平三年卜胤撰○丘路在城
南七里昔丘傑者年十三歲隣人胡氏築牆侵其
界傑乃夜移籬退三尺胡氏慚亦退三尺遂通行
路因以爲名○城塚記云吳文帝陵在城北二十
里西陵山其山以陵而名郡城在陵之南因名陵
陽許渾雪溪館詩誰堪從此去雲樹滿陵陽李涉
見吳興妓宋態詩陵陽夜宴使君筵解語花枝在
眼前○漢施延墓在城南二十四里又二十六里

湖州府志勝入卷之三

廿

爲吳九江太守姚渠墓○漢大司馬丘騰墓在城
西十八里又二十里爲劉宋太守丘傑梁侍郎丘
遲二墓傑卽所稱避路人也○吳蕩寇將軍程普
墓宋南郡太守丘道護墓俱在城東南十九里○
宋御史中丞鈕滔墓在城東十里○稽司徒墓在
璉市不知何許人其傍有雲臻亭遺跡○廟記云
通靈王廟在治南長橋下祀漢銅官山趙監漢吳
王濞時令監督磨鑿山采銅不忍雷民之力石
壓而死故祀之梁同光中封爲通靈王○靈濟廟
在治西北報恩觀右祀廣德祠山之神神後漢人

初居郡之白鶴山刺史顏真卿碑載其事○晉尚
書郎郭璞祠舊在臨湖門內今遷歸安治東百步
以其有遷城之功也○德貺廟在府治西南祀梁
尚書沈約俗呼地主廟○沈將軍廟在升山祀唐
婺州刺史沈清大曆中李希烈陷汴州清發兵昇
山至汴力戰而死故祀之○唐烏將軍祠在烏鎮
乃將軍重胤之族子史失其名李錡反神力戰而
死宋紹興間累著靈異勅立祠

長興縣

在府西
七十里

先是吳王夫差使弟夫槩于吳西築城狹而長謂
之長城在今縣西戌山下一名夫槩山梁吳均有

湖州府志勝入卷之三

廿

吳城賦卽此晉太康元年建縣因以爲名後梁開
平元年錢鏐爲吳越王始改長城爲長興○圖經
云縣故郭也昔秦滅楚置鄣縣有城在今縣西南
一百二十里梁吳均別故鄣夏侯云白馬黃金羈
青驪紫絲轡新知關山別故人河梁送置此一函
書爲子達雲夢陳陰鏗罷古鄣縣云秩滿三秋暮
舟虛一水濱漫漫遵故道悽悽對別津晨風下散
葉岐路起飛塵長岑舊知遠萊蕪本自貧披裘恒
容吏正色不煩民惟當有一犢留持贈後人庸方

千湖上書事寄長城喻明府詩吟霜與卧雲此興亦耳貧吹箭落翠羽垂竿牽錦鱗滿湖風撼月半日雨藏春却笑繁簪組勞心遠字人○縣在唐名雒州以城北五里雒山而名梁武帝時童謠曰鳥山出天子故凡以鳥名山者皆令鑿破獨此得免○鼓吹山在縣西北二里陳文帝居鄉時縣令到仲舉聞有鼓吹聲而帝必至因名○五峯山在縣城西一里括地志云仙人姚絰所居陳博士虞寄報德寺碑有四鶴齊飛五峯相照之句卽此山也其下爲箬溪以多產箭箬故名南嶺曰上箬北嶺

湖州府志勝

卷之三

三

曰下箬土人取下箬水釀酒味極美白樂天詩勞將下箬忘憂物寄與江城愛酒翁○又五里爲餘干山梁陳故事云梁武帝時童謠曰王氣在三餘乃于餘干餘姚餘杭爲厭勝法然不知此有餘干山也縣南二十三里之餘姚溪又有餘魚浦陳武帝霸先實生于是以應其謠先是漢陳寔六世孫達以晉永嘉中爲長城令悅其山水遂家焉嘗曰此地當有王者興二百年後我子孫必鍾斯運至此果然○又里許爲箬溪一名西溪東北流繞縣入太湖吳都賦云戶藏烟浦家具畫船唐鄭谷

詩顧渚山邊郡溪將箬書通遠者城郭裏全在水雲中宋劉勳詩竹林深處杜鵑啼兩嶺青青草色齊欲識人間真箬書朱藤倒影入清溪○箬書溪之下爲花瀨陸龜蒙詩云花瀨深濛紫氣昏水邊山曲更容村○又十二里爲飛雲山高二百五十丈山南有風穴每雲起輒吹令飛颺故名山有石泉沙渚松門竹岩之勝又十里爲烏瞻山其地迥絕五峯突出若群鳥之瞻視于雲表又云昔烏子瞻避難于此山有南北二巷絕頂爲彈子岡相傳霸先放彈處宋邵維詩白墜每孤清夜月烏瞻還

湖州府志勝

卷之三

三

對舊時山○吳城湖在縣西南十五里舊記吳王築城輦土于此遂成湖溉田三千頃後湮廢唐貞元中刺史于頔復之卽今于公塘是又二十五里爲方山以其頂方平故名梁陳故事云陳文帝爲信武將軍自長城遣二千人投京師夜下方山津卽此直方山之南者爲八座山唐吳珣吳頊吳崧皮光業林鼎羅隱韓必何肅共爲八友以居焉又二十五里爲玉泉泉唐處士鄭遨與道士李道殷羅隱築室于泉口號三隱又五里爲青山山有石竇通太湖洞庭冬月常暖色如青黛梁吳均與施

從事書故鄣縣東有青山絕壁于天孤客入漢綠
嶂百重清川萬轉歸飛之鳥千翼競來企水之猿
百臂相接秋露爲霜春羅被逕風雨如晦鷄鳴不
已信足蕩累願物娛真散賞云爾詩門家住青山
下時向青山上青山不可上一上一惆悵○又十
三里爲四安山四面平廣其下出泉流會召溪名
四安溪又名周瀆○呂山在縣東南二十里吳將
呂蒙討山賊屯營于此又十里有夏駕山夏后村
南巡至此故名上有石鼓高丈餘又名石鼓山舊
傳此山鳴則三吳有兵○忻湖在縣北七里分溪
湖州府志卷之三

五

帶峯焚葦之下駕鴻交集露人愁思故名又五十
里爲義鄉山常豐澗之水出焉別爲南北二川合
于黃汜潭入太湖○堯市山在縣西北四十里舊
志堯時洪水民巢居其上遂成市集山高三百四
十丈上有池其中有野荷下有堯廟唐僧皎然詩
云堯市人稀紫筍多○又七里爲顧渚山吳王夫
槩顧其渚次原隰平行可爲都邑卽此傍有二山
相對號明月峽絕壁峭立大澗中流亂石飛走產
茶異品有泉在沙中號金沙泉泉不常出惟將造
茶太守具儀致祭頃卽清溢供御者畢泉卽微減

供堂者畢泉卽半減太守造畢卽涸或還飾愆期
則有風雷毒蛇之變李棲筠典郡日始以進御收
事湖州紫筍茶以清明日至先薦宗廟後分賜近
臣○直顧渚之南者曰大官山小官山其上有虎
頭峯下有石門可通人行又十里有啄木嶺唐時
吳興毘陵二郡守造茶宴會于此白樂天聞賈常
州崔湖茶山會宴詩遙聞境會茶山夜珠翠歌
鐘俱繞身盤上中分兩州界燈前今作一家春青
娥對舞應爭妙紫筍齊嘗各圖新自笑花時客聽
下蒲黃酒對病眠人○城塚記云三折三城東臨
湖州府志卷之三

五

太湖昔吳王屯戍之地步騎列于三城水軍列于
三折而城與折相接○慶亭在長興懸腳嶺下
合溪水之源也相傳吳王嘗擒虎于此後沈法興
將蔣元超李子通戰慶亭卽此處○晉謝安墓在
縣南六十里三鴉村安石初葬建康之梅山後被
發其裔孫爲長城令遷葬于此亦名九鴉岡安石
之子孫遂居焉有謝氏蘭玉集行于世○吳興掌
故云漢樓船將軍金夢倩宅在長興之金山○漢
錢林故宅在陂門里林字元茂建平中爲諫議大
夫後因王莽專政遂隱于陂門里梓山之陰穿巷

造村背山臨水而居○晉建威將軍莫核故宅在城山下○晉南臺御史令盛聰故宅在箐溪之盛灣○梁駙馬都尉吳僧求故宅在縣東呂山○梁江州刺史錢道居故宅在縣西九里松爲清果寺○梁參軍駱秘故宅今名駱灣者是○唐崔元亮故宅在縣西之雀灣○長興洛鳩有二仙石壁五代時高士韓必吳松煉丹于此錢王遣羅隱招之二仙遂隱去

德清縣在府城西九十里

漢時爲烏程縣之餘不鄉獻帝初平析置縣曰未

湖州府志卷之三

共

安晉太康初改未安曰未康尋又改武康唐天授初以武康東界十七鄉析置武源縣取縣東十八里武承塘以爲名景雲初敕天下州縣自天授來改武字者俱削之因改縣名臨溪以其東臨餘不溪也天寶元年又改德清常建送李十一尉臨溪冷冷花下琴君唱渡江吟天際一帆影預懸離別心以言神仙尉因致瑤華音迴軫撫商調越溪澄碧林李頰送德清喻明府棹返雲溪雲仍參舊使君州傳多古跡縣記是新文水柵橫舟閉湖田立木分但如詩思苦爲政卽超群元趙孟頰德清別

業詩春晴浩無端野興欣有矚山光艷桃李潤影寫松竹古來岩穴士白駒在空谷幽鳥何處來啼破林烟綠○按餘不溪在縣治東二百步餘不云者言其水之清澈餘溪則不也溪上有德清山秦時善釀者烏巾所居之山墟也唐天寶歲以縣名德清亦改山名從之○縣東南里許有吳羌山漢高士吳元避王莽之亂隱此後人因以爲名山陰有乾元寺又名乾元山山陽有元峯觀觀內有石臺泉出自石間洶洶不斷梁戴可先故宅在焉又有織簾先生廟先生南齊時人姓沈名麟士家貧織簾誦書口手不絕人以爲號後隱此山講經授徒學者嘗數百人營止其側時爲之語曰吳羌山中有賢士開門授徒居城市皎然吳羌山破寺詩雙峯百戰後真界清塵埃蔓草綠空壁悲風起故臺野花寒更發山月暎還來何事池中水東流獨不回○吳興掌故云吳羌山有梁武帝書釋迦寶殿四字柳公權書乾元之寺張卽之書大明光閣四大字○餘不溪源出天目山之陽東過臨安餘杭二縣又東經安溪奉口又東南流至縣東分司前滙而爲潭有廢居焉司之隔墻卽城隍廟廟有

湖州府志卷之三

世

古井相傳乃盛出沒之穴父老載土塞穴以神像鎮其上舊記謂其首枕祠壇尾抵虹橋宋嘉定間監稅吳澄坐務中忽見犀于溪少黃日巨鱗牛首無角漁吏乃沒之龜溪一名孔輪潭即餘不溪之中流也晉孔倫嘗經餘不溪上見漁者籠白龜買而放之龜于中流左顧數四後倫封餘不亭侯鑄印其龜經作左顧形更鑄亦然工以告倫倫悟而佩之○市亭山在縣南一里其下出陶器大者容三十石其名曰礪吳興掌故云一名舍亭山南史齊王敬弘致政隱居吳興之舍亭山其孫秀之

湖州府志勝

入卷之三

尤

出守吳興到郡脩輯舊山移置輜重卽此地矣○又二十五里爲望洛山晉永嘉中洛人避亂者多寓此登山望鄉故名○東主山一名百寮山在縣東北三里陳書侯景圍臺城將軍沈恪爲此山之主晝夜拒戰以功封東興侯山腰有小石穴貯水清冽俗呼老鴉潭山東有五子石稍北爲石壁山巨石直下如削不可攀躋晉嚴和問梵僧名曇者過其地指山石曰是有泉乃卓菴其處鑿石罅如半月果得泉清涼且美名曰靈泉後名半月泉菴在宋時名慈相寺呂祖謙讀書于此其有募脩

半月泉疏畧云斷崖吐月纔出半規古梵涵星尚懷全璧久矣寶祿之廢時哉玉斧之脩護此寒清振其氛翳名高詩社再傳和仲之符價重帝城復置文饒之遺蘇軾詩請得一日假來游半月泉何人施大手擘破水中天○又十五里爲敢三山或云吳丞相闕澤所居訛闕爲敢山有三峯中曰敢山左曰龍山右曰鳳山其下有敢山漾唐大曆中武康縣大慈寺僧神悟舉念鐘鐘卽有鐘聲響徹十餘里及鐘成其聲如昔事聞于朝有詔取進昇致之經此地鐘忽自躍入水百計不可復得後每

湖州府志勝

入卷之三

尤

猗然作聲或露水次亟追跡之仍復逝去○又十五里爲果山在新市鎮之南宋淳祐間宰相游侶嘗愛其山水及謝事遂占籍居焉侶蜀人也以蜀有果山因壘石作山以擬之山前有桃源洞新市鎮及覺海寺宋時殿柱爲雷所劈柱上倒書云西侯李約火攸利火謝均思通等十二字字大盈尺入水三分寺僧若愚與參寥辨才同時有詩名臨寂偈曰本是無家可得歸雲邊有路許誰知櫓聲搖落溪山月正是仙潭夢斷時○脩市鎮有仙潭晉陸脩靜嘗結廬居此或時沒潭中經月乃出

靜嘗與陶淵明僧惠遠輩結白蓮社者○城塚記云吳憾山在縣西南一里又名城山昔吳王夫差憾越王之傷其父進軍伐之築壘于此唐李光弼偏將辛孜又于此築城以平朱單姚廷諸賊號奉國城又三里爲金鵝山後漢海昏侯沈戎築其下有金鵝飛集三鳴而去其後沈氏通顯諺云金鵝鳴沈氏與絕頂有池深五尺冬夏不竭唐僧贊寧生于此長入天台山受具足戒至宋太宗召對寶福殿賜號通慧禪師○囚女城山在縣東北三十里高十丈周四十五里入東記云後漢青州刺史

湖州府志勝八卷之三

廿

史姚恢與海昏侯沈戎卜居柯田山恢女是戎子婦客報戎戎先居之姚因囚女于此三世不復養女山東有漾亦名囚女漾今人改山名爲齊眉山○碑目云梁沈麟士述祖德碑在三鳴村卽金鵝山也○宋寧海軍節度沈書記墓在縣西北大壯嶺范仲淹作誌銘○元翰林承旨學士趙孟頫墓在縣東衡山史官歐陽玄撰神道碑

武康縣

在府南一百七十里

武康之名始于晉許見德清縣下縣初置在餘英溪比隋仁壽二年徙溪南唐廣德元年袁晁作亂

城金鵝山以守亂平復城溪比舊址縣西懷安門外地名孟宅保者則唐詩人孟郊故宅也○餘英溪前溪俱在縣治南按前溪源出縣西北界之銅峴山東流入太湖謂之風渚晉車騎將軍沈充家于前溪有前溪曲其詞曰當曙與未曙百鳥啼忽後宋少帝續爲七曲其一曰憂思出門戶逢郎前溪渡莫作流水心引新都拾故○後溪源自縣北三里烏回衆山流出入前溪縣西十里前溪之上又有阮公溪流接餘英溪架石靈寶寓此生女入官爲昭容元帝賜姓阮氏故名○煙霞塢在縣

湖州府志勝八卷之三

廿

東七里唐劉頴士秀叔別業中有龜岩岩前瀑泉聲激如雷谷口梅花綿亘數里有橋亭名曰桂雲○又十里爲封山古防風氏國也又名封禺山或曰夏禹十二代孫帝禹巡狩于此右出山高一百有八丈其廣七里南去封山十里○石城山在縣西南三里高九十六丈漢末赤眉之亂邑人壘石禦寇因以成山山上有漢尚書左僕射姚顗及吳太常姚信墓○又一里爲石嶠山山頂石嶠其峻且滑亦名七里嶠又二十里爲覆舟山高二百三十丈廣二十八里其上有巨石橫絕狀如覆舟故

名一名馬頭塢晉咸和七年石勒將韓壽寇吳興遣中郎將趙引敗之于馬頭塢是也○響應山在縣西八里高三十丈其上有大響石小響石人經此山者隨語應聲山下有龍湫曰碧玉潭唐于頔宋葛勝仲皆有題刻有定光院在岩腹中小池上有濯纓亭又有一壑軒後沿石磴抵谷中有斷崖瀑布二十餘丈○郭公山在縣北十五里舊傳晉郭文先生隱此又五里爲石山東晉沈道虔所居道虔性仁愛人有竊其屋後箭者乃買大笋送與之曰吾惜屋後箭欲令成林竊者大慚宋文帝徵湖州府志勝八卷之三 世

之不起○計籌山在縣東北三十里蓋謂計然嘗籌筭于此史記稱范蠡師計然或謂計然卽范蠡也元林德芳詩吳會東連控二州憑高懷遠思悠悠雲迷大澤魚龍夜風散平原草木秋三尺空悲又種劍五湖歸去子皮舟淒涼舊事成陳迹惟有青山枕碧流鄭元祐詩籌山通玄觀詩褰衣度松聲泉石炫斜照采薇入山阿白雲起若微仙人駕青牛冷然下虛峭瓊瑤鼓春風空歌發微妙擘麟觴玉醴服之五情療前林忽瞑色海月漏圓嶠天高帝清寒萬里人遐眺嶠嶠通玄關登道歸難寫

孫登勞我思木杪曼長嘯○吳興掌故云白石洞天在武康計籌山唐韓湘隱此處洞與陽羨諸山通○金山在縣南三十里高一百三十丈一名金山車山相傳昔人夜見山頂有火光鑿之得金故名山下出泉產金色魚○銅官山在縣西北三十里高三百五十丈唐改武康山漢吳王濞采銅于此山下有銅井餘英溪之水出焉旁有石燕洞其燕春秋隱見與巢燕同又二里爲莫干山舊志吳闔閭于此鑄莫邪于將二劍故名旁近有計峴山相傳越計然亦嘗居此山與烏程分界又名界峴○湖州府志勝八卷之三 世

唐岑參餞李尉之武康詩潘郎腰綬新雪上縣花春山色低官舍湖光映吏人不酒嫌邑小莫卽耻家貧更作東征賦知君有老親崔峒武康郭外望許綽先生山居云湖上千峯帶落暉白雲開處見柴扉松門一徑仍生草應是仙人向郭稀

安吉州 在府西北一百二十里 一 領縣一

秦置故鄣縣東漢初平中析其南境置安吉縣我正德二年陞爲州舊治在天目鄉卽今孝豐縣治唐開元二十六年移故鄣城之南號鄣南吳志大帝遣从弟曼脩故鄣鄣山是也○安吉在唐武

德中改名桃州皎然送安吉康丞詩云君吏桃州
尚奇跡桃州米得桃花石則當時名州之象取諸
此皎然又有桃花石枕詩不具錄○吳興掌故云
吳越驃騎將軍吳項故宅在州西半里後拾爲羅
漢院宋治平間改爲常樂寺寺內有靜蛙池昔肇
公師居此厥蛙聲聒耳吮而驅之至今不生科斗
又甲許有落石山高二百五十丈廣五里其下多
隕石有李衛公廟宋李樞魯伯能爲立碑○青岷
山在州東北三里吳均入東記云東晉時議立城
戍于此亦名東晉山○又七里爲燈山瀕于大溪
湖州府志勝八卷之三 葦

雲爭霞孤峯限日幽岫含雲深溪蓄翠蟬鳴鶴唳
水響猿啼英英相雜綿綿成韻既素重幽居遂葺
宇其上幸富菊花偏饒竹實山谷所資于斯已辦
仁智所樂登徒語說○郭公山在州西北十里晉
郭文先生隱此舊碑畧云高山岵嶸峻瀨潺湲
生林下雲與岩端先生存歿安于此山○霧山在
城南十五里吳越時建抵洹寺于此宋寇準過霧
山詩青燈樓殿枕寒溪門外天番斗柄低啼鳥不
知春向背落花依舊水東西半橋霜月光相照一
帶松煙色未齊誰料百年榛莽地香雲今日繞輪
蹄○鳳凰山在州東三十里高一百四十丈廣七
里中有隱塢云陶弘景嘗居之○九龍山在州西
北三十里山有九隴其狀如龍上有石城一名石
梯山山下有晏子城吳地志晏子聚吳王女築城
以居至今耕者每得黃金形如四角菱中有齊字
元楊維禎詩魯人城殺小齊卿答松惠如何晏子
城高雉在夷裔元是齊上卿老作吳齊婿公茅及
外服重關私啟閉至今菱角金妖芒掘耕諫我聞
平仲賢一裘三十機家藏千鑑珍無乃惑妖麗相
從齊景公千駟不足計○三水山在州東南六十

里一水東南入烏程一水北至長興一水西北入
州境故名○志云渾水分流安子城者爲三縣其
北則西村水下入于奚塢按卽董嶺水也其流向
西唐周朴詩湖州安吉縣門與白雲齊禹力不到
處河聲流向西去衙山色遠近水月光低中有高
八任沙中曳杖藜○塚廟記云後漢驃騎將軍東
海侯萬蒙墓在安吉州西北十里○揚州別駕偏
將軍朱紀墓在順安鄉○晉中興明侯施彬墓在
梅溪鄉○宋皇伯太師豐恭惠王墓文簡公程大
昌墓俱在安福鄉

志勝八卷之三

其

孝豐縣在州城西
南九十里

吳興先有原鄉縣以設在山中高原而名其廢在
唐貞觀元年併入長城至高宗麟德元年復置安
吉縣開元移縣治入鄣南而原鄉之名遂泯國朝
嘉慶孝豐縣○程敏政新設縣記畧云成化中王
珣知郡事疏請安吉縣地險遠而孝豐太平等九
鄉爲里五十餘中有漢縣廢城存焉如析九鄉
一縣則民之群不遠者易漸以變疏上得請因其
鄉名予縣額曰孝豐其後安吉陞州縣因屬焉○
縣有金碧潭水出青山口自其塢出沿景村而過

浮玉山按浮玉山在縣東南十五里山海經云勾
餘山三百里曰浮玉若水出其陰注于具區吳興
志浮玉山有二在歸安峴山派者爲小浮玉此爲
大浮玉也與浮玉相接者爲靈岩山上有石池水
從石縫中出不涸不溢又二里曰南嶼山一名白
水山高三百六十八丈上有湖水蘭畹直南嶼山之
南曰古浮山上有古浮石洞宋紹興間僧智光得
龍牙于此○金石山在縣西南三十里高一萬有
八千丈周三百里其石色黃土色赤又十里爲橫
龍洞岩高百丈中有洞莫測其深上有飛瀑懸岩
湖州府志勝八卷之三

其

而下○又三十里爲天目山高三萬六千丈廣八
百里有三十六洞天十二龍潭其東峯從臨安入
詳見杭州府下西峯從當縣入深阻難登耆老相
傳春秋時有披裘翁隱此嘗出採薪遇延陵季子
見道傍遺金季子命取之翁嘆曰何子居之高
視之下儀貌之莊語言之野也吾五月披裘而採
薪豈取金者哉季子謝之問其姓名不告而去唐
僧虛一詩昨夜雲生玉井東春來一雨幾回風林
花併逐溪流下欲上龍池漫不通○廣若山在天
目之陰若水所出山下有廣若鄉商彭祖墓在焉

墓有薤林其薤春時不種而生秋不收而枯或以
刀鎌犯之輒有暴風疾雨人不敢近○獨松關在
孝豐於潛之間宋建炎三年金齒完顏宗弼自安
吉進兵過此嘆曰南朝可謂無人若以羸兵數百
守此吾豈能度哉

湖州府志勝八卷之三

其

紹興府在府城西北一百三十八里領縣八

史記夏本紀曰禹會諸侯江南計功命曰會稽會
稽者會計也其後帝少康封子無餘於會稽文身
斷髮被草萊而邑焉國號越然攷吳越春秋禹周
行天下還歸大越則禹時已稱越矣春秋定公五
年書於越入吳杜預曰於發聲也太伯奔荆蠻號
勾吳顏師古曰勾吳猶於越也蓋上音云爾○會
稽置郡始於秦始皇二十五年然其時治吳至東
漢永建四年分浙東為會稽郡治山陰此山陰為
郡治之始○以越名州始于隋煬帝大業元年唐
紹興府志勝八卷之四

宋皆如之其後為會稽郡者惟天寶稱載以前而
五代時或改義勝威勝鎮東諸軍耳宋高宗建炎
四年避金寇自溫台回駐蹕越州明年改元紹興
越州官吏軍民上表乞府額帝曰昔唐德宗以興
元元年幸梁州改梁州為興元府於是用興元故
事賜名紹興府我明如之○府儀門下有謝夷
吾墓夷吾山陰人為郡守善風角占候預知死期
勅其子曰漢末將亂必有發掘露骸之禍宜懸棺
下塋府門下不起墳故謂府儀門是其墓○直儀
門曰設廳中興小曆云高宗以越州治為行宮會

當郊祀之歲行明堂大禮卽以設廳爲明堂設廳
之後曰蓬萊閣吳越錢王謬所建也舊記云蓬萊
山正偶會稽唐元稹詩州城迴繞拂雲堆鏡水稽
山滿眼來四面常時對屏障一家終日在樓臺星
河似向簷前落故角驚從地底回我是王皇香案
吏謫居猶得小蓬萊宋張伯玉詩萬疊湖山煙水
濱朱門画戟閒松筠春臨不踏紅塵路燕寢長居
紫府春晝靜欲喚風外駕夜寒疑是月中身我慙
白首方懷絃猶得蓬萊作主人蓬萊閣之東少
下爲府僉廳唐大厝中皇甫溫建御史大夫崔元

紹興府志勝卷之四

三

翰爲之記後唐天復間改建安撫僉廳卽鎮東軍
監軍使院宅也蓬萊閣而北少西爲并儀堂宋錢
伯通記略云堂在蓬萊閣之上望海亭之下西樓
其左西園其右成于嘉祐六年主人刁公景云○
望海亭在臥龍山絕頂昔范蠡作飛翼樓以壓強
吳此亭卽其址也宋祥符中州將高紳植五桂于
亭前途易名五桂歲久亭廢桂亦不存嘉祐復名
望海唐張繼登望海亭詩江城昨夜雪如花郢客
登樓望齊華夏禹壇前仍聚王西施浦上更飛沙
簾櫳向晚寒風度睥睨初時落景斜數處微明消

不盡湖山青映越人家○宋紹興間沈玄越州圖
序云蓬萊閣望海亭東齋西園皆宴樂之最者攷
舊圖經後漢王朗爲會稽郡守子肅隨在郡于東
齋注易中夜有女子從地中出自稱越王女與肅
語盡夕辭別贈墨一丸旦用此墨便覺才思開敏
又晉太元中太守謝輅掘郡廳柱下得古銅罍可
容數斗題作越王字文甚明則其地度必越王勾
踐之故宮也○宋齊唐西園記云錢氏仗鉞時
穿渠引湖水爲後庭棹謳鳬鴈之樂邦人不與其
觀聖朝受圖且百年治越者始築爲西園園內有

紹興府志勝卷之四

三

流觴曲水茂林修竹亭榭諸景皆倣蘭亭故事爲
之宋蔣堂詩一派西園曲水聲水邊終日會冠纓
幾多詩筆無停綴不是當年有罰觥秦觀詩云偷
引湖光一派飛詠觴還却似當時吳歌送酒隨流
急越豔浮花轉曲遲山廟蚤因前守撤水盤原是
故工遺年年被飲今非昔不到蘭亭到此池○攷
古蘭亭卽越絕書勾踐種蘭渚田也晉永和九年
會稽內史王羲之與同志太原孫綽陳留謝安及
其子獻之等四十二人修禊于此水經注云湖南
有天柱山湖口有亭號曰蘭亭亦曰蘭上里太守

王羲之謝安兄弟數往造馬茂林脩竹清流急湍俱在左右去城西南二十七里而府治西園之蘭亭實倣爲之○府署枕臥龍山東麓有東園竹木蒼然繞山北可登望海亭卽今之越望亭也府署西爲照磨廳廳後有清白堂遺址清泉一泓上有希范亭宋康定間范仲淹以掘廢井而得之○府東亭卽蓬萊館故址宋魏公史浩所築昔爲東亭餞客之地唐宋之間夜飲東亭詩春水鳴大壑皓月吐層岑越亭景色佳慰我遠遊心暗芳足幽氣驚樓多衆音高興南山曲長謠攢素琴○鎮東

紹興府志勝八卷之四

四

閣在府治左卽舊子城之鎮東門也古名小城吳越春秋王謂蠡曰寡人欲築城立國於是范蠡乃觀天文擬法於紫宮作小城周千一百二十二步一圓三方西北立爲飛翼之樓以象天門東南伏漏石竇以象地戶陵門四達以象八風外郭築城而缺西北示服事吳也不敢壅塞內以取吳故缺西北而吳不知也城旣成而怪山自生越絕書以勾踐小城卽山陰城是又云山陰大城范蠡所築治也周二十里七十二步城南近湖百步○東城門曰雷門輿地志勾踐應門之上有大鼓名雷鼓

或云勾踐以吳於城門上有蛇象而作龍形龍畏雷故作此門以勝之漢書王尊傳母持布鼓過雷門註雷門會稽城門也有大鼓越擊此鼓聲聞洛陽湘州記云昔神鶴飛入會稽雷門中鼓因大鳴十道志云雷門上有大鼓聲聞百里晉孫恩之亂軍人砍破有雙鶴飛出遂不鳴後以王獻之宅五色雲見因改爲五雲門宋之間詩雲門曾化鶴是也五雲門稍北曰都賜門其南曰東郭門東南曰稽山門正南曰殖利門西南曰偏門蓋其門面西稍斜向南故耳又西而正面南曰常喜門吳越備

紹興府志勝八卷之四

五

史錢鏐攻亭山及申光門相傳此門是舊志云州城至此與子城會門在其上西北曰迎恩門錢鏐討董昌以兵三萬屯迎恩門望樓再拜而諭之卽此東北曰三江門三江者府境有錢清江及東西二小江也或以爲禹貢三江之一曰浦陽江今三江所沿其名○凡門在東南者皆有隄以護湖水使不入河西門因梁漕屬于江以達杭北門引衆水入于海○十道志會稽有督護門云晉中軍王愔成帝時拜爲督護到郡開此門出入時人貴之因以爲名梁元帝玄覽賦御史之牀猶在督護之

門不修蓋指此也督護一作都督今失其處豈卽都賜門耶都賜今訛作都泗而偏門曰水偏常喜曰常禧殖利曰南堰迎恩曰西郭三江曰昌安云唐孫遜登越州城詩越嶂繞層城登臨萬象清封圻滄海合鄜市碧湖明曉日漁歌滿芳春棹唱行山風吹美箭山雨潤香輭閣英靈盡入門吏隱弁贈言王逸少已見曲池平宋章孝標詩窓戶潮頭雲霞鏡裏天島桐秋送雨江艇暮搖煙藕折蓮芽脆茶挑茗眼鮮還將歐冶劍更碎若耶泉元張翥詩千巖秋色徹霄霄憶昔來使者輶翠袖

紹興府志勝六卷之四

六

屢扶蓬閣醉藍輿時赴寶林招山陰客已無春會溪上風猶送暮樵此恨古今消不盡西陵寂寞又回潮○舊經云城北門有雙木闕夾道闕樓內有築土漢時載長安土以爲闕也水經注越事吳故北其門以東爲右西爲左○常禧門外有白樓亭今地名白樓堰浦國桓儼避地會稽開陳業履行高絮往候不見儼後入交州遺書與業不應行李繫白樓亭柱而去會稽記曰亭在山陰臨流映壑也世說孫興公許玄度共在白樓亭商略先往名達林公旣非所關聽訖云二賢故自有才情

山陰縣附郭

山陰者以在會稽山之陰也史記秦始皇三十七年徙大越民置餘杭伊政故鄣而徙天下有罪適吏民置故大越處以備東海外更名曰山陰此山陰置縣之始世說王子敬云從山陰道上行山川自相映發令人應接不暇集古錄云山陰縣額二字舊傳徐浩書或謂王右軍書又有丹陽葛蒙勒石在縣治○六朝丘平爲山陰令有賢聲百姓謹曰二倅沈劉不如一丘蓋前世傳琰父子沈憲劉玄相繼宰山陰並有政績而仲平過之

紹興府志勝六卷之四

七

會稽縣附郭

會稽古郡名隋開皇元年改爲吳州乃并山陰上虞永興始寧四縣立會稽縣隸焉按今山陰上虞二縣已復而始寧屬會稽之三界市永興入蕭山境南史劉宋會稽太守褚淡之破賊衆孫法亮于柯亭賊遂走永興卽此地也柯亭漢名高遷亭卽蔡邕取屋椽爲笛處○輿地志云臥龍山舊名種山又曰重山孔曄會稽記云種訛成重也水經註曰文種城於越而伏劍於山陰越人哀之塋于重山輿地志以潮水至越山失其尸今缺處是也嘉

泰志云吳越備史遜王保於臥龍山西寢後置園亭栽植花竹侖能爲歌詩亭榭間紀錄皆滿臥龍山名始見於此然攷元楨州宅詩序云州子城因種山之勢盤繞迴抱若臥龍形故取以爲名是山名臥龍蓋元楨時已述之非始于侖也其巔產佳茗茗芽纖短色紫味芬稱瑞龍茶又有清白泉淪茶爲宜祥符圖經云仲山東北有越王臺今在山之西唐李白越王臺詩越王勾踐破吳歸義士還家盡錦衣宮女如花滿春殿只今惟有鷓鴣飛管華詩傷心欲問前朝事唯見江流去不回日暮東

紹興府志勝不卷之四

八

風春草綠鷓鴣飛上越王臺○火珠山在臥龍山東隅形小而圓絕類龍領之珠宋爲浙江提刑廨署上有稽山閣下有識舟亭○山下百餘步有峨眉山片石隱起土中狀如蛾眉故云○龜山在臥龍山南三里一名飛來山又名惟山又名寶林山越絕書龜山勾踐所起臺也東司馬門因以灼龜又仰望天氣觀天惟也臺高四十六丈周五百三十步吳越春秋范蠡築城既成瑯琊東武海中山一夕自來百姓怪之號曰惟山寰宇記龜山下有東武里東武山移來人因徙此水經註云越王無

羈爲楚所伐去瑯琊還浙東東武人隨居山下越起靈臺於山上作三層樓以望雲物○寶林事實云越城山能與秦望爲主客者臥龍寶林峨山也寶林山有巨人跡錫杖痕其傍盤石上有石竅纔數寸時有魚出遊人取置懷袖了無驚猜如鰻而有鱗兩耳甚大尾有刀跡相傳爲唐寇黃巢所刺故然上人呼爲鰻井華鎮攷古云飛來山下石井大如盆蓋無耗湍有二鰻文彩爛爛相傳下通滄海劉宋元徽中僧慧基建寶林寺於山下學者千人是晉末沙門曇彥與許玄度同造磚木二塔

紹興府志勝不卷之四

九

未成玄度已亡久之至梁天監中岳陽王將至彥在寶林寺預告門人曰許玄度來也及王至彥望而謂之曰許玄度來何暮昔日浮屠今如故王愕然不省因握手入室王忽悟前因於是遂成其塔今呼爲塔山唐徐浩龜山詩茲山昔飛來遠自瑯琊臺孤袖龜形在深泉鰻井開方干詩邃巖喬木夏生寒牀下雲溪枕上看臺殿漸多山更重卽今飛去却應難又寶林寺詩山捧亭臺郭繞山遙盤蒼翠到山巔巖中古井雖通海窟裏陰雲不上天羅列衆星依木末週迴萬室在簷前我來可要歸

禪老一寸寒灰已達禪又中天坐臥見塵寰峭壁垂蘿不易攀晴捲風雷歸故壑夜和猿鳥鎖寒山勢橫綠野蒼茫外影落平湖漱澗間師在西巖最高處路尋雲裏見玄關趙般詩佳辰何處泛花遊丞相遙開水上頭雙引旂搖山雨霽一聲歌動寺雲秋林光靜帶高城晚樹色寒分半檻流共賀萬家逢此節可憐風物似荊州○陽堂山在臥龍南三里許府城跨其脊其南麓出城外踰于河隍一名鮑郎山山北有鮑郎祠輿地志鮑郎名蓋後漢鄧人為縣吏既死塋三十年其妻忽夢鮑郎語曰

紹興府志勝二卷之四

十

吾已更生妻不信再夢如初乃發棺其尸儼然但無氣息冢內燈燃不滅膏亦不銷郡人聚觀咸神恠之立祠以祀○戴山在臥龍山東北三里許山少木多產蕺越王勾踐嘗採食之晉王羲之故宅在山南或曰其別業前有鴉池華鎮考古云右軍性好鵝所在穿池滌墨其傍必有牧鵝之所此其一也山下有題扇橋右軍嘗在此見一老姥持賣六角竹扇右軍書其扇各五字姥初有愠色及持去人競買之他日姥又持扇求書右軍笑而不答後右軍捨宅為戒珠寺宋王十朋戴山詩十九年

間膳厭膏盤羞野味當含香春風又長新芽甲好櫛青荷薦越王又戒珠寺詩九日重登古戴山勞生應得片時閒醉中同訪右軍蹟題扇橋邊踏月還○白馬山在戴山東南里許土漸削山石依然又東為彭山舊經云彭祖隱居之地傍有助海侯廟○筆膠河一名搜膠河一名勞師澤在府西二百步華鎮考古云勾踐行師日有獻壺漿者跪受而覆水上流士卒乘流而飲人百其勇一戰遂有吳國因以名之王龜齡詩苦戴山中採香膠河上投○運河自西興歷蕭山縣長五十里入府城至

紹興府志勝二卷之四

十一

小江橋與江水合○府河傍城東一里俗名老河○新河在城西北二里唐元和中觀察使孟簡所開○江北河在西江之北大海之南與潮洑通○浴龍河在西北迎恩門外宋理宗母全氏家也理宗童時育於母家偕弟芮浴于河鄰人余天錫自杭來舟至此忽雷雨帝偕芮避於舷側天錫臥舟中夢龍負舟驚起視之則二兒也問知其家世心異之天錫為史彌遠門客時彌遠有廢立意適感此異歸白彌遠後竟代濟王為帝○鏡湖在城南三里一名鑑湖任昉述異記軒轅氏鑄鏡湖邊或

云黃帝獲寶鏡于此又云本王義之語山陰路上
行如在鏡中遊是名鏡湖又名長湖註水經曰浙
江又東北得長湖口湖廣東西百三十里北瀉長
江湖南有覆甌山周五百里北連鼓吹山山西枕
長溪溪水下注長湖又名太湖郡國志云石帆山
北臨太湖水深不測傳與海通何次道作郡嘗得
烏賊魚於此水其源出會稽之五雲鄉綿跨山會
二縣周三百五十八里總納二縣三十六源之水
東至曹娥西至西小江南至山北至郡城其初本
通潮汝漢永和五年太守馬臻始築塘畜水界湖

續興府志勝本卷之四

三

爲二曰東湖南湖南湖屬山陰東湖屬會稽唐玄
宗賜秘書監賀知章鑑湖一曲又名賀鑑湖自宋
熙寧以後湖漸廢爲田今俗呼白塔洋僅長十五
里卽鏡湖處劉宋謝惠連汎南湖至石帆詩帆息
陸途初世鼓川路始漣漪繁波漾參差層峰峙蕭
疎野趣生逶迤白雲起登陟苦跋涉矚盼樂心耳
卽翫翫有竭在興興無已唐賀知章採蓮曲稽山
罷霧鬱嵯峨鏡水無風也自波莫言春度芳菲盡
別有中流採菱荷又偶書離別家鄉歲月多近來
人事半消磨惟有門前鏡湖水春風不改舊時波

李白子夜吳歌鏡湖三百里菖蒲發荷花五月西
施採人看隘若耶回舟不待月歸去越王家越女
詠鏡湖水如月耶溪女如雪新妝蕩新波光景兩
奇絕孟浩然遊鏡湖詩試覽鏡中物中流見底清
不知鱸魚味但識鷗鳥情帆得樵風送春逢穀雨
晴將採夏禹穴稱背越王城府祿有包子文章推
賀生滄浪醉後唱四子寄同聲李頎詩溼霖晚流
澗微風吹綠蘋鱗鱗遠峰見淡淡平湖春芳草日
堪把白雲心所親何時可爲樂夢裏東山人○若
耶溪在城東南二十五里北流入鏡湖古歐冶子

紹興府志勝本卷之四

三

鑄劍之所越絕書若耶之溪洄而出銅戰國策洄
若耶溪以取銅是也注水經云溪水上承譙岷麻
溪下注大湖後漢太守劉寵去郡若耶父老人持
百錢出送寵各受一文因名劉寵溪唐徐季海字
游嘆曰曾子不居勝母之問吾豈遊若耶之溪因
改爲五雲溪○梁書云王籍除輕車湘東王諮議
參軍隨府會稽郡境有雲門天柱山籍嘗遊之累
月不返至若耶溪賦詩云緜緜何泛泛空水共悠
悠陰霞生遠岫陽景逐回流蟬噪林逾靜鳥鳴山
更幽此地動歸念長年悲倦遊釋洪偃詩蕭蕭物

色曉蕭蕭天氣清旅人聊策杖登高傷客情川原多舊跡墟里或新名宿煙浮始旦朝日照初晴遠行之徒侶徐步寡逢迎信矣非吾託賞心何易并唐李白採蓮曲君耶溪畔採蓮女笑隔荷花共入語日照新妝水底明風飄香袖空中舉岸上誰家遊冶郎三三五五映垂楊紫騮嘶入落花去見此躊躇空斷腸○南溪在鑑湖若耶之交流也宋之問泛鏡湖南溪詩乘興入幽棲舟行日向低巖花候冬發谷鳥作春啼杳嶂聞天小叢篁夾路迷猶聞可憐處更在若耶溪○餘支溪鏡湖之別派也

紹興府志卷之四

古

水經注曰山陰縣西南四十里有二谿東溪廣一丈九尺冬煖夏冷西溪廣三丈五尺冬冷夏煖二溪北出行三里至徐村合成一溪廣五丈餘而溫涼不雜蓋山海經所謂茗水也○會稽山在城東南十三里山海經會稽之山四方其上多金玉其下多鐵石勺水出焉南流注於吳興地志一名衡山其山有石狀如覆鬴亦名覆鬴山水經注會稽山古防山也亦名鎮山又曰棟山越絕書云棟猶鎮也東北接觀嶺其上有盤石屹立曰降仙臺有香爐峰茗塢洵沙徑山南別峰曰石傘峰下有范

蠡養魚池一名南池上下二所吳越春秋云勾踐棲會稽謂蠡曰狐在高山不享魚肉之味久矣蠡曰臣聞水居不乏乾燭之物陸居不絕深淵之寶會稽山有魚池於是修之三年致魚三萬唐齊抗書堂在馬西北五里曰禹廟○嘉泰志云會稽山之東有隴隱若劍春西向而下有窆石相傳此正禹葬處其窆石高丈許狀如秤錘上有古隸不可讀窆石之左卽禹廟也梁末修廟得一木取以爲梁乃鄞縣大梅山頂梅木張僧繇画龍於上忽夜風雨飛入鏡湖與龍鬬後人見梁上水草淋漓

紹興府志卷之四

五

始駭之乃以鐵索鎖於柱廟下有烏田吳越春秋云天美禹德使百鳥還爲民田是也唐宋之間禹廟詩夏王乘四載茲地發金符峻命終不易報功疇敢渝先驅總昌會後至伏靈誅玉帛空天下衣冠照海隅旋聞厭黃屋便道出蒼梧林表祠轉茂山阿井詎枯舟遷龍負壑田變鳥耘蕪舊物森如在天威肅未殊玄夷仙瑤石王女侍清都奕奕閨闈邃軒軒仗衛趨氣清迎曙海雲白洗春湖猿嘯有時客禽言常自呼茅殿今不襲梅梁古製無人隱冀多祐曷難霑薄軀○又三里爲宛委山上有

石簣壁立千雲升者累梯而上十道志云石簣山一名王筍有懸崖之險亦名天柱昔禹治水歌功未成齋戒於此得金簡王字因知山河體勢迺甲開山圖云禹治水至會稽宿衡嶺宛委之神奏玉璽書十二卷禹開之得赤珪如日碧珪如月是也史記太史公自敘上會稽探禹穴張晏注曰禹至會稽因坐馬上石孔穴民間云禹入此穴按舊經諸書皆以禹穴繫之會稽宛委山今里人卽以陽明洞爲禹穴云張說謂其穴卽禹陵鄺說指禹井舊經以飛來石爲禹穴明鄭善夫謂得之非井

紹興府志勝八卷之四

去

之上楊慎云在蜀唐韓愈詩常聞禹穴奇東去穿甌閩越俗不好古流傳失其真則禹穴不可定名久矣山有飛來石世傳自安息國飛來上有索痕三條唐宋名賢多題名其上山下有巨石中有罅道書爲第十一洞天一名極玄太元之天龜山白王上經云會稽山周迴三百五十里名陽明洞天蓋會稽諸山之總名不獨此石罅也華初平云葛稚川既仙去遺朱研於王筍山得丹砂之力歲久彌大今爲一巨峰漢武帝時民以旱蝗祈於王筍山因置觀而少一梁忽一夕雷雨大作乃天降白

王梁於殿上因號王梁觀後魏武遣使取之未至觀九里雷裂作殿梁化黃龍飛去陽明洞傍有石刻龍瑞山界至記不知何人作乃賀知章書云黃帝建候神俾宋尚書孔靈產入道奏改懷仙館唐開元初勅葉天師黜龍改龍瑞宮宋之問禹穴詩禹穴今朝到耶溪北路通著書聞太史煉藥有仙翁鶴往龍猶掛龍飛劍已空石帆搖海上天鏡落湖中水底零露白山邊陸葉紅歸舟何處晚日暮使樵風泰望山在宛委之南高出羣山泰始皇登之以望東海使李斯刻石云皇帝休烈平一宇

紹興府志勝八卷之四

去

內德惠攸長卅有七年親巡天下周覽遠方遂登會稽宣省習俗水經注云自平地以起山頂七里懸磴孤危峭路險絕攀蘿捫葛然後能升山南有譙峴峴裏有大城越王無餘之舊都也故句踐語范蠡曰先君無餘國在南山之陽社稷宗廟在湖之南山有三巨石屹立如筍有龍池冬夏不竭俗號聖水陸叅法華山碑云夏后氏巡狩越山方名會稽後世分而爲秦望釐而爲雲門法華其實一山也自始皇登此山以望南陽又陽天柱之高峰以望秦中始有秦望望秦之名六朝時山陰朱百

年携妻孔氏入泰望山以伐藥採若爲業時以藥
若置道傍輒爲行人所取人稍恠之積久知爲朱
隱士所實須者隨其多少留錢取藥若而去顏峻
爲東揚州餉米五百斛不受後卒于山中蔡興宗
爲會稽太守餉其妻米百斛亦固辭卻之○齊何
胤仕至中書令後棄官隱於若耶山雲門寺胤二
兄求點血樓遁世號何氏三高梁武帝特詔不起
勅給白衣尚書祿又勅山陰月給庫錢五萬皆不
受乃敕何子朗等六人受學胤以若耶逼隘不容
學徒遂遷泰望起學舍卽林成園因巖爲堵唐薛

紹興府志卷之四

太

據詩南登泰望山日極大海空朝陽半陽谷晃朗
天際紅溪谷爭噴薄江湖第交通而多漁商客不
悟歲月窮振緒近蚤潮弭棹候遠風予本萍泛者
乘流任西東茫茫天際帆柁泊何時同將尋會稽
跡從此訪任公○望泰山在泰望之北乃始皇登
之以望秦中者一名天柱峰亦名卓筆峰唐戴叔
倫詩拔翠五雲中擎天不計功誰能凌絕頂看取
日升東○雲門山在泰望山南晉王獻之居此有
山亭義熙二年五色雲見因建雲門寺寺僧弘明
誦法華經餽水自滿有童子自天而下以供使令

又有一小兒來聽經明爲說法俄卽不見梁釋洪
偃雲門山詩杖策步前嶺褰裳出外扉輕羅轉蒙
密幽徑復紆回松高枝影細山靜鳥聲稀石苔時
滑屐蟲網下粘衣澗傍紫芝曄巖上白雲飛杉梓
排煙出鴉鵲逐雲歸窮谷無往還攀桂獨依依唐
王勃修禊獻之山亭序略云永淳二年暮春二月
修禊事於獻之山亭也遲遲風景出沒媚於郊原
片片仙雲遠近生於林薄雜花將發非止桃溪遲
鳥亂飛有餘鶯谷王孫春草處處皆青仲統芳園
家家並翠於是携旨酒列芳筵先板楔於長洲却

紹興府志卷之四

元

申文而促席良吐王長江與斜漢爭流清歌繞
梁白雲將紅塵並落云爾宋之問遊雲門寺詩維
舟探靜域作禮事尊經投跡一蕭散爲心自杳冥
龍依大禹穴樓倚少微星香嶂圍蘭若迴溪抱竹
房覺花塗砌白甘露洗山青鴈塔窺金地虹橋轉
翠屏人天宵現境神鬼畫潛形勝常虛寂綠空
自感靈搖搖不安寐待月詠岩宿孫逖詩云繫馬
清溪樹禪門春氣濃香臺花下出講坐竹間逢覺
路山童引經行谷鳥從更言窮寂滅廻策上南峰
王維詩云一公棲太白高頂出雲煙梵流諸洞遍

花雨一峰偏跡為無心隱名因直教傳鳥來還
法客去更安然蓋涉松溪盡暮投蘭若邊洞房隱
深竹靜夜聞遙泉向是雲霞裏今成枕簟前豈惟
楚留宿眠食將窮年劉長卿雲門新泉詩東林一
泉出復與遠公期石淺寒流處山空夜落時夢聞
聞細響慮澹對清漪動靜皆無意惟應達者知僧
靈一詩溪南通古寺來往意無涯欲識雲門路千
峰到若邪春山子猷宅古木謝敷家自可長偕隱
那云相去賒○何山與雲門山相接世傳南宋何
胤居此宋王十朋詩序云會稽秦頌德碑在秦望

紹興府志勝入卷四

十

山世莫知所在叙授莫君好奇嗜古按訪尤力有
言碑在何山者莫以語某何山見圖經在秦望東
南疑其真秦望也某以職有所拘乃告會稽尉梁
君梁慨然而行登山果見之碑石僅存字磨滅盡
因墨片紙而還按何中令宅已見秦望山下而此
又有何山其為秦望之別峰無疑併與刻石山本
皆一山而異名耳○按刻石山卽以秦始皇刻石
其上也又云越王棲會稽時宮娥避於此名娥避
山後訛為鶯鳥越絕書秦始皇取錢唐石長丈
四尺南北面廣一尺東西面廣一尺六寸刻文於

大越東山注水經云秦始皇登會稽山刻石紀功
尚在山側宋姚令威叢語云予上會稽東山秦望
山之側有三石筍別無他石石筍並無字復自小
徑別至一山俗名鶯鳥山山頂有石如屋大中插
一碑其文為風雨所剝隱約就碑可見缺畫如禹
廟沒字碑之類不知此石果岑石歟非始皇之力
不能插於石中此山險絕罕有至者非偽碑也山
上有洞曰風洞遇陰山輒聞鼓樂聲晉王彪之刻
石山詩隆山嵯峨崇巒巖崑傍觀滄洲仰拂玄霄
文命遠會風淳道遶秦皇遐巡邁茲英豪宅靈基

紹興府志勝入卷四

十

阿銘跡峻嶠嵯陽耀景時和氣淳脩嶺增鮮長松
挺新飛鴻振羽騰龍躍鱗○赤董山在會稽山南
舊經歐冶子為越王鑄劍之所一名鑄浦山越絕
書赤董之山破而出錫亦名錫浦國策破董山而
出錫薛燭曰赤董之山已合無雲張景陽七命卽
溪之鑄赤山之精山傍有井歐冶子取水淬劍曰
歐冶井有洞曰玉洞○白鶴山在會稽山之東想
風溼之下一名箭羽山山側有石屋砥平可容數
十人孔靈符會稽記云射的山西南水中有鶴山
此鶴嘗為仙人取箭每刮土尋索遂成此山漢鄭

弘少時採薪得一遺箭頃之有人瓦箭奉還問弘何欲弘知其神人答曰常患若耶溪載薪爲難願朝南風暮北風後果然世號樵風注水經云鄭弘少苦節采伐賃糧每出入溪津嘗感神風送之卽此處也○射的山與白鶴山相連遠望山的狀若射侯故名西有石室名爲射堂里人常以山色明暗占米貴賤諺云射的白斛米百射的玄斛米千孔靈符會稽記云射的山半嶺有石室仙人射堂東高巖臨潭有石的岫形甚圓明視之如鏡其山趾有三石品時形如甕舊經巨石三在鏡湖東時謂秦始皇酒甕石也考古集云若耶溪傍甕石如甕世言始皇之所遺今甕石實有三又有胡孫石下臨樵風涇水漲石常不沒李太白送人遊越詩海水不滿眼觀濤難稱心卽知蓬萊石却是巨驚簪送尔遊華頂令予發舄吟仙人居射的道士住山陰禹穴尋溪入雲門隔嶺深綠蘿秋月夜相憶在鳴琴○石旂山與射的山相連形如張旗旁有石室宋建炎中士夫多避地于此○葛山在城東十里射的山之北越絕書勾踐種葛于此山使越女治以爲布獻吳王吳越春秋採葛婦作詩云葛

不連蔓芬台台我君心苦命更之嘗膽不苦甘如飴令我采葛以作絳女工織兮不敢遲弱於羅兮輕罪罪號絳素兮將獻之越王悅兮忘罪除吳王歡兮飛尺書增封益地賜羽奇機杖齒薛諸侯儀群臣拜舞天顏舒我王何憂能不移○又五里爲石帆山注水經云山東北有孤石高二丈廣八尺望之如帆南對精廬上陞脩竹下瞰寒泉西連稽山皆一山也十道志遙望如張帆臨水下有文石形如鷁曰石鷁謝惠連南湖汎舟至石帆卽此○其下爲嬌耳溪一作的耳今呼爲織女潭在董家堰西有董永織女舖獨樹村凡堰之董姓者悉永之後也俗傳永賣身葬父遇織女爲永織緝以償傭錢既罷浴于潭而上升按永本青州人乘人楚孝感縣亦載並不聞有會稽或其子孫居此因附會之耳○鹿池山在會稽山之東北嘗有白鹿遊此水經注云鏡湖水自東亦注江通海水側有白鹿山又曰湖北有三小山謂之鹿野山按吳越春秋乃越之麋苑也山有石室相傳爲越王遊息處○距鹿池二里爲少微山宋職方郎齊唐隱居之所與會稽山相望最爲奇偉齊家園在馬王

十朋詩出郭舟行十里間少微山近箬箕山山中處士已長往一點客星雲外閒○土城山在少微山西北吳越春秋越王得西施飾以羅紋教以竹步習于土城演于都巷三年學服而獻吳王今五雲門外有土城村西施里是其遺跡○五雲門外有鳳林世傳禹受圖籍是時鳳凰鳴飛依于林木今鳳林鄉本此又有南林在府城南吳越春秋范蠡在越見處女出于南林越王聘之問以劍戟之術故昔云處女善劍隱于南林也○都城攷云會稽西南有越王城舊傳越王墓在焉今地名古城

紹興府志卷之四

五

是○陽城越絕書云范蠡城也西至水路水門一陸門二地名陽城里又北爲陽里城大夫種城也取土西山以濟之徑百九十四步○北郭外路南溪北城勾踐鼓鐘宮也去府治七里其名爲鑿錢○東郭外南小城勾踐之冰室也其去城東十里曰王城吳王夫差圖勾踐于會稽伍胥築此城以屯兵華氏考古云有大吳王村小吳王村并是闔閭夫差伐越所舍處也今吳王里尚沿其名○苦竹城在府治十八里越絕書勾踐伐吳還封范蠡子也其闔居徑六十步因爲民治田塘長千五百

三十三步積冢名土山范蠡苦勦功篤故封其子於是唐劉長卿晚次苦竹館詩匹馬風塵色千峰且暮時遙看落日盡獨向遠山遲故驛花臨道荒村竹映籬誰憐却回首步步戀南枝○石城在府城北三十里地名石城里吳越畧史乾寧二年錢王鏐討董昌攻石城卽其地也○越絕書山陰昔故陸道出東郭隨直濱陽春亭故水道出東郭從郡陽春亭去縣五十里○華鎮考古越有淮陽里丘卽吳越春秋起離宮于淮陽者名離臺周五百六十步○越有馬丘中宿臺址周六百步今謂之

紹興府志卷之四

五

高平里丘吳越春秋中宿臺在于高平是也○華氏云稽山門外十里有廣平路廣平程公師孟元豐初爲守民服其政日有餘裕放浪于山水間泛鏡湖款禹祠探蕨書訪丹井攬宛委之秀抱若邪之勝往來必由此蹊山中之民相率而治之肩輿安行飛蓋無阻路以公名○塚記云越王勾踐墓在城西南獨山越絕書獨山大家者勾踐自治以爲冢又會稽若邪溪有大塚勾踐葬其先君夫鍾冢也勾踐子墓在夫山去縣十五里越絕書云勾踐庶子冢○陳音墓在城西南四里水經註云越

之善射者曰陳音越王問以射道又善其說今塚壁悉畫作騎射之像吳越春秋音死葬于國西山湖北有射堂及諸邸舍連衍相屬因名陳音山○灼龜公墓在城南一里越絕書民西大塚者勾踐客秦伊善灼龜者塚也因名家爲秦伊山○薄父墓漢薄太后父也吳人死山陰因葬焉後文帝卽位追尊靈文侯會稽郡置園邑三百家史記索隱云在會稽縣西北磔山上今猶有兆域括地志以爲磔山去會稽西北三里一名稷山○晉八仙家在白塔山舊志稽康善琴過白塔宿傳舍遇古伶

紹興府志

卷之四

三

官之隈而得廣陵散曲終指其葬處至今窟穴猶在○郝惜墓在城西南二十五里惜以會稽內史棄官居馬卒葬于此○又八里爲謝輞墓會稽內史謝靈運之從祖也靈運死廣州歸葬山陰墓亦在其處○山遐墓在山化鄉晉東陽太守簡之子清之孫也羊太守玄保墓在長興鄉○梁司諫仲敏墓在秦望山下○唐賀知章墓在城南九里其地因名九里墓又十二里爲徐浩墓○康希說墓在蘭亭傍舊有墓碑顏真卿撰并書○康德言墓在離渚屬石湖傍湖之得名以其墓碑石龜云

○吳越忠遜王墓在昌源宋史錢俶疾殂東府以王禮葬焉宋林景熙詩牛頭一星化爲石千仞稜層垂鐵脊隆隆隱隱佳氣藏列峰環拱效圭璧王棺何代理衣冠三朝萬乘子復孫典冊輝煌照九土歲時園廟嚴嚴駭奔輪雲自占幾翻覆山靈不守松栢禿離離荒草鬼火青麥飯無人灑林麓我來吊古欲雪天梵宮金碧棲寒煙殘僧相對語寂寞莓苔隔嶺青年年按景熙字德賜已詳義士傳仍長於詩賦若此○宋杜太師和公衍墓在永呂鄉之苦竹村○陸太保昭墓在承務鄉左丞之祖四

紹興府志

卷之四

三

世葬于此墓碑尚存陸左丞伯墓在陶宴嶺支峰下務觀祖也務觀墓在雲門盧家塢○趙太師墓與陸氏祖墓正相對墓碑亦有清獻公之祖也○唐少卿謝墓在蘭亭西○傳編修堯咨墓在石旂山給事中松卿左藏僧並祔○尹和靖煢墓在龍瑞宮前石帆山下明季本記畧云尹和靖先生墓在會稽龍瑞山嘉靖中爲里豪所發得其誌石人有見者聞之官時莆田洪玉知府事使人訪求則石旣毀矣乃卽城南拾子橋下爲祠祀之詩云一從南渡寄遊魂龍瑞山前日色昏宋代寢園銷已

蓋程門衣鉢瘞無存○廟記云南鎮廟在會稽山之陰周禮職方氏揚州之鎮山曰會稽祭用牲犢圭璧每歲以春秋二仲月祀後禹陵一日○虞舜廟在城東太平鄉舜山之陽述異記云會稽山上有虞舜巡守臺下有望陵祠○大禹廟在金山南麓宋元以來咸祀禹于此○漢馬太守臻廟在城南二里臻築鏡湖遺利于越唐開元中刺史張楚立祠湖旁宋王十朋詩會稽疏鑿自東都太守功從禹後無能使越人懷舊德至今廟食賀家湖徐天祐詩登湖皆在鏡中行總是當時春鍾成莫訝

紹興府志卷之四

天

靈祠荒蕪合輝汲萬頃已春畊蓋湖自熙寧後漸廢為田故云○江東廟在城東北三里神石姓諱固秦時贛人廟食于贛江之東漢陳嬰討南越神以捷聞此廟越之始○嚴司徒廟在城東三十五里陶家堰相傳為漢嚴助○朱太守廟在文應橋西即朱買臣有破甌越功人民德之○梅福廟在梅里失之麓今即梅山寺立像祀之唐張喬詩梅真從羽化萬古是須臾此地名空在西山雲亦孤井痕平野水壇級上春蕪縱有雙飛鶴多年松已枯○柳姑廟在城西十里胡桑埭之東蓋湖山勝

紹興府志卷之四
路東陸游詩客路風塵化素衣閒愁冉冉鬢成絲平生不負月明處神女廟前竹枝采王梵詩柳姑廟前楊柳青柳姑廟下春水生漁郎放舟入湖去斜日短歌無限情

蕭山縣

在府西廿九里

應劭云漢分諸暨山陰地為下諸暨後更名餘暨以吳王闔閭之弟夫暨所封邑也漢末童謠曰天子當興東南三餘之間故孫權更名永興縣唐天寶元年更名蕭山縣以縣西一里有蕭然山而名舊傳晉許詢於此憑林築室有蕭然自適之趣然

紹興府志卷之四

三

攻漢書地理志餘暨縣蕭山潘水所出東入海則名不由於許矣山麓有金泉井又名酒泉其中之逕曰柴嶺南之徑曰碑牌嶺下有潘泉井潘水之源也唐劉滄蕭然山詩一望江城思有餘遙分野徑入樵漁青山經雨菊花盡白鳥下灘蘆葉疎靜聽潮聲寒木杪遠看風色夜還舒秋期又踐漳關路不及年年向此居宋陸游前題閒居無策散閒愁聊作人間汗漫遊晚笛隨風來倦枕春潮帶雨送孤舟店家菰飯香初熟市擔蓴絲滑欲流自笑勞生成底事黃塵陌上雪蒙頭○夢筆橋在縣城

內江寺前自橋至寺三十步宋葉清臣記初齊建
元中左衛江公淹捨所居宅爲大福田斯橋之興
與寺偕始天聖記號之二年李君以廷尉評宰是
邑惜江氏之寢微乃諭居僧俾募信施經始不日
而功用有成又作駐節亭於橋之北文多不盡載
華鎮詩云綠波照日情無那碧草連天恨未消欲
向中傳彩筆柳絲低拂曲欄橋○唐詩人秦系
所居在縣之秦君里有麗句亭戴叔倫贈以詩云
北人歸欲盡猶自住蕭山閉戶不曾出詩名滿世
間○祇園寺在治西一百步許詢捨二宅建或

紹興志卷之四

三

云寺在山陰老名祇園此曰崇化其許詢後身爲
岳陽王修塔事已見山陰寶林寺下宋沈仁衷撰
此寺塔記並述其事唐丘丹詩靈塔多年古高僧
苦行頗碑存纔記日藤老豈知春散騎歸蕭登雲
林識許詢千秋不相見悟定是吾身恭母潛詩寶
坊求往跡神理駐冷洞雁塔酬前願王身更後來
加持將瞑合朗悟豁然開兩世分明見餘生復幾
哉○又里許爲湘湖本民田低窪歲受浸宋政和
間縣令楊時因而爲湖四面距山缺處築隄障水
民多以漁販爲業釋如蘭詩藕花風起晚涼多高

據胡床聽棹歌芳草不歸支遁鶴白沙惟見右軍
鵝人家隱隱連桑梓僧梵悠悠出薜蘿今夜湖中
好明月相思其奈故人何○又二十里爲落星湖
舊經云後漢建安二年有星墜于湖中宋廢元後
漸廢○又有西陵湖一名西城湖西有湖城山東
有夏梁山湖水止承妖皇溪下注浙江渡江南岬
爲西興卽古西陵吳越王屯兵於此惡陵字改曰
西興通運河行抵曹娥江橫亘二百餘里歷三縣
蕭山河至錢清江長五十里東入山陰逕府城中
長五十五里入會稽長一百里其南縱高壩

紹興志卷之四

三

北抵海塘亦二百里劉宋謝惠連西陵遇風詩
屯雲蔽層嶺驚風湧飛流零雨潤瀟澤落雪灑林
丘浮氛晦崖巖積素惑原疇曲汜薄停旅通川絕
行舟臨津不得濟停楫阻風波蕭條洲渚際氣色
少諧和西瞻興游嘆東歸起悵歌積念成痼疾無
萱將如何唐皇甫冉西陵詩西陵遇風處自古是
通津終日空江上雲山若待人汀洲寒事早魚鳥
興情新南望山陰路吾心有所親僧靈一詩西陵
潮信滿島嶼沒中流越客依風水相思南渡頭寒
光生極浦落日映滄洲何事揚帆去空驚海上鷗

郎士元詩未習風波事初爲東越遊露霑湖草晚
月照海山秋梅市門何處蘭亭水尚流西陵待潮
信落日滿孤舟○按西陵亦名固陵舊傳范蠡教
兵于此言可固守因名後越王句踐人臣于吳羣
臣祖之軍陣固陵卽此地也清漳志云唐周匡物
家貧應賢科西上至西興渡無錢不得濟題詩云
萬里茫茫天塹進秦王底事不安橋錢塘江口無
錢渡又阻西陵兩信潮自此遂設官渡不許受赴
舉人錢○西陵有越王臺唐李白詩西陵拱越臺
是也宋之問詩云江上越王臺登高望幾回南溟

紹興府志卷之四

三

天外合北戶日邊開地濕烟常起山晴雨半來冬
花採蘆橘夏果摘楊梅跡類虞翻枉人非賈誼才
歸心不可度白髮重相催明劉基詩君山洞庭隔
江水彭蠡無風高浪起明窓曉晴圖畫開興入湘
湖三百里浙江兩岸山縱橫湘湖碧遙越王城越
王城荒陵谷在古樹落日長煙平遊子天寒孤棹
遠七十二溪飛雪滿浩歌不見濯纓人沙鶴野猿
相對晚湖東雲氣通蓬萊我欲從之歸去來蛟鼉
塞川陸有虎兩臂無力令人哀○志云北幹山在
治北一里其巔曰王頂峰有吳越兩山亭舊經以

許詢別墅在馬玄度詩蕭條北幹園是也多植松
樹故有北幹松風之稱去北幹東二里爲虎子坳
宋景德中有猛虎常傷人感縣令杜守德政因負
子渡江西去故名○茗山蒨山俱在縣西三里以
山中產佳茗及甘蒨也又六里爲城山其山中平
四高宛如城堞夏侯曾先地志云吳伐越次查浦
越立城以守查吳作城於浦東以守越此山卽其
地名越王城前兩峰對峙如門曰馬門石上有竅
通泉圓不踰徑深不盈尺冬夏不竭曰佛眼泉山
半有池曰生馬泉中產嘉魚越拒吳時吳意越必

紹興府志卷之四

三

乏水以鹽魚名領越取雙魚答之遂解圍去○城
山之下里許爲浙江源自徽州黟縣來經富陽入
此北轉海寧入海以有曲折之勢故曰浙江又名
浙河莊子云浙河之水是也江之西爲錢塘江江
中有羅刹石亦名羅刹江其石巉巖數破舟航五
代時潮沙漲今已不見又名定山江今屬錢塘
縣界梁任昉濟浙江詩昧旦乘輕風江湖忽來往
或與歸波送乍逐纒流上近岸無暇目遠峰更興
想綠樹懸宿根川崖頽久壤劉孝綽詩秋季弦望
後輕寒朝夕殊商人泣統扇客子夢羅襦憂來自

難遣况復阻川隅日暮愁陰合繞樹噪寒鳥濛濛
江煙上蒼茫沙島蕪解纜辭東越接軸驚西徂懸
帆似馳騎飛棹若驚鳧言歸遊俠窟方從冠蓋衢
唐駱賓王詩四運移陰律三翼泛陽侯荷花銷晚
夏菊氣入新秋夜烏喧粉堞宿鴈下蘆洲激霧籠
邊微江風繞戍樓轉蓬驚別渚遊名謝蟻丘還嗟
帝鄉遠空望白雲浮係遯詩云扁舟夜入江潭泊
露白風秋氣蕭索富春渚上潮未還天姥岑邊月
初落烟水茫茫多苦辛更聞江上越人吟洛陽城
關何時見西北浮雲朝暝深孟浩然齊江間同舟
人詩潮落江平未有風輕舟共濟與君同時時引
領望天末何處青山是越中○浦陽江在縣東南
十五里源出浦江縣北流一百餘里入諸暨縣與
東江合流至官浦浮於紀家滙東北過峽山又北
至臨浦注山陰之脉溪北過烏石山爲烏石江又
北而東至錢清鎮名錢清江又東入于海禹貢三
江既入震澤底定韋昭云三江者松江錢塘江浦
陽江也越絕書句踐兵敗衆憑於此故曰浦陽十
道志云浦陽江有琵琶圻岸有曹娥碑上虞志曹
娥江始名浦陽今曹娥廟當運河渡口故其名特

著若稍遠又自不以曹娥名而名浦陽耳○荏山
在縣東北十里孔靈符地志云越王種苴于此○
東蜀山西蜀山在縣南十二里兩山對峙無所連
屬故名亦以爲似蜀之峨眉山元陸天錫詩蜀山
秀東國翠色分峨眉是也又十里爲塔山其巔舊
有浮屠或爲山形尖秀似之其南坳如舟名石船
塢○木尖山在塔山東南山高覆雲如樓閣又名
霧樓峰○黃竹山在塔山西南竹色微黃狀如刀
削云是范蠡遺鞭所生○峽山在塔山南前後二
山相夾攻有前峽後峽之名○獅子山在縣西南
十二里巉斷巖危狀如獅子故名石崑頂有香泉
方四尺深尺許又名石崑山明劉基登石崑山詩
落日下前峰輕烟生遠林雲霞媚餘姿松栢滌清
陰振策縱幽步披榛陟層岑槿花籬上明莎鷄草
間吟涼風自西來颭颭吹我襟榮華能幾時搖落
方自今逝川無停波急絃有哀音顧瞻望四方悵
然愁思深○又三里爲摩烏山東方朔神異記云
亞父斷蕭山南嶺將摩於烏江蓋江東以擲爲摩
也又三里爲鍊金山日出如灑細金光彩灼爍故
名又五里爲定山在湘湖中以狀似錢塘之定山

云○冠山在縣西十七里山形如冠有泉甘冽又
三里爲連山長岡九里舊經泰始皇欲置石橋渡
浙江今石柱數十列于江際傍有小山號石井山
其井上廣下曲相傳謂妃子墓○又五里爲翠嶂
山一名夏駕山舊經山多菡萏織以爲席甚細滑
多僧者爲上夏駕者以夏時水漲此山若駕于湖
中也○又五里爲歷山俗傳爲舜耕處其下爲漁
浦十道志以舜所漁故名梁丘希範漁浦詩云漁
浦霧未開赤亭風已颺權歌發中流鳴榔嚮沓嶂
村童忽相聚野老時一望詭恠石異形塹絕峰殊

紹興府志卷之四

三

狀森森荒樹蒼蒼浙浙寒沙漲藤垂島易陟岸傾嶼
難傍信是水幽棲豈徒暫清曠坐嘯昔人委臥治
今可尚唐常建詩春至百草綠陂澤茸鷓鴣別家
投漁翁今世滄浪情漚亭爲縵袍折麻爲長纓榮
譽失本真怪人浮此生碧水月自濶安流靜而平
扁舟與天際獨往誰能名陶翰乘潮至漁浦詩
棹早乘潮潮來如風雨樟臺忽已隱界峰莫及掘
崩騰心爲失浩蕩目無主厓慄浪始開漾漾入漁
浦雲景共澄濟江山相吞吐流沫誠足誠高歌調
易苦孟浩然詩東旭早光芒諸禽已驚聒臥聞漁

浦口橈聲暗相撥日出氣象分始知江路潤美人
常晏起照影弄流沫飲水畏驚猿祭魚時見獺此
行自無悶况值情景豁○洛思山在縣東北三十
六里輿地志云漢時有洛下人隨太尉朱雋來會
稽三年不得返登山北望而嘆故名其下有朱室
塢水經注云句踐百里之封西至朱室卽此地也
俗傳雋之後子孫多塋於此宋徐天祐詩路去蹉
跎歲月深羈愁無奈故鄉心人生畢竟多懷土莊
舄當時自越吟○又五里爲航塢山舊經云句踐
之航也容三百石長負卒七十以渡山頂有龍湫

紹興府志卷之四

三

晏公類要云越王允常所都秦舊縣也東漢興平二年分立吳寧縣宋初分立義安縣後皆併入會稽以縣西有櫛山北有槩浦故因山浦名之或言無諸舊封夫槩之故邑也上取諸下取暨因封邑以爲名○水經註云縣臨對江流江南有射堂北帶烏山按志烏山卽長山也舊經云諸暨城圍二里四十八步高一丈六尺吳越錢鏐遣王永修築之左浣江右長山圍九里三十步長山一名陶朱山在縣西一里南北長十餘里高五十餘丈其頂平博有石室可坐百人北有戚家嶺亦曰七崗

紹興府志

卷之四

天

以范蠡居山之南有范蠡巖鵝夷井唐駱賓王蠡發諸暨長山詩征夫懷遠路風駕上危巒薄烟橫絕巘輕凍澹迴瀾野霧連空暗山風入曙寒帝城臨灞浹禹穴枕江干倘性行應化蓬心去不安獨掩窮途淚長歌行路難張蠡范蠡宅詩一變姓名離百越越城猶在范家無他人不見扁舟意却笑輕生泛五湖按諸暨城中有上中下三湖形家言以長山勢逼鑿此以當之亦名范蠡湖○浣江在縣南五十步亦曰浣浦北過縣分爲東西下江中有浣紗石又五里爲苧蘿山俯臨於江輿地志云

西施鄭旦居此有方石乃其縣紗處十道志云勾踐求美女以獻吳王得之此山貢薪女曰西施山下有浣紗石唐李白詩西施越溪女出自苧蘿山秀色掩今古荷花羞玉顏浣紗弄碧水自與清波間皓齒信難開沈吟碧雲間句踐徵絕豔揚娥入吳關提攜館娃宮杳渺不可攀一破夫差國千秋竟不還王維詩云豔色天下重西施寧久微朝仍越溪女暮作越宮妃賤日寧殊衆貴來方悟稀要人傳香粉不自着羅衣君寵益驕態君憐無是非當時浣紗半是待同車歸寄謝隣家女效顰安可

紹興府志

卷之四

天

希○輿地記王羲之墓在苧蘿山下孫綽作碑獻之書○金鷄山與苧蘿山相對越絕書鷄山豕山句踐以畜鷄豕者豕山今佚其處俗訛鷄山爲金鷄○松山在縣西七里山下有漢朱買臣廟又三里爲九眼山以山中有石如眼者九又十里爲龍山山巔有石柱長丈餘俗號青龍角○又三十里爲洞巖山上有王京洞其洞十數重深數十里須秉炬而入入必以物記其處洞門多相似不記則迷路洞中寬敞崎嶇不一火光中巖石奇峭光潔如洗流水濺濺或滙爲池瀉爲溪中一處上有

竅仰視如巨星光射下微辨色石牀在焉又入則
蝙蝠羣觸人面不可前或云深處行二三日可抵
錢塘江○越洞崑爲五泄山輿地志云山峻而有
五級故名水經注云浙江合浦陽江東逕諸暨縣
與洩溪合溪廣數丈中道有兩高山夾溪造雲壁
立凡有三洩洩懸三十餘丈廣十丈中二洩不可
至登山遠望乃得見之洩懸百餘丈水勢高急聲
震水外上洩懸二百餘丈此是瀑布土人曰洩宋
刁約云溪源自富陽山峽下有東西兩龍潭東龍
潭即飛瀑處有響鐵嶺過嶺即富陽界嶺曲一峰

紹興府志勝

聖

轉而面南峰下有五洩寺西龍潭深入谷中五里
許未到潭一嶺爲浦江界隨潭流北至寺前與東
潭水合山勢轉而面北兩山夾潭流東行綿延十
餘里奇迹秀絕舊志有十六峰二十五巖○明宋
濂有五洩山水志其略云由遇龍橋北行二十步
入西潭潭前橫一溪水甚寒由溪而前有礁石如
大甕斜覆捫石而登行二里許地稍夷曠惟石四
瞰峰巒環列其紋縈縈如神工鬼斧之所雕刻又
行半里泉自石竇中出瀏瀏作聲西流漚爲小窪
壘微泓澈毫髮不隱條魚往來如行琉璃餅中又

行八十步榛篠成林山蟲崖地奔造後先瞬目失
所在至此則氣象陰幽不類人世又自山腰緣葛
而前抵小潭其上爲西潭流水傾沫成白簾濶六
七尺冉冉下注滑而無聲兩傍石崖峭立苔蘚
暈時有水珠凝凝滴下自遇龍橋至此約六七里
皆蛇盤磬折路行若窮又復軒敞或言潭上有石
河從石河至三臺塔人跡罕至莫詳也尋故路而
出斜迤而東過香爐鉢孟二峰以酷肖鴈蕩又名
鴈蕩峰由鴈蕩而南有白雲王女諸峰登名圖籍
者蓋七十有二復並崖東折度略約趨三學院院

紹興府志勝

聖

唐靈默禪師遺場也由院北深入百餘步至東潭
潭上飛瀑可二十丈怒參倒激崖竅中若運萬斛
雪從天擲下白光閃閃至潭底轍復遙上聲如輶
雷復北折而西泝潭之源登響鐵嶺度紫閭山有
平阜數百畝又行一里至第一潭如井眈之正黑
投以小石鏘若環珮又十餘步至第二潭圓如鏡
釜面廣而底敞大水驅亂石聚其內迨滿復洩去
潭下石壁百餘尺險不可置足從石懸藤墜下至
第三潭潭甚深以線繩之不見底其形方狹而長
天向陰常有雲氣從中起其第四潭咸不敢往或

以絢圍腰繫巨械俯崖而瞰潭左右皆楓木其形如第二潭而廣袤倍之側有晉劉龍子墓相傳龍子釣於潭得驪珠吞之化龍飛去後人爲壘石作塚或云龍子之母塋焉其下至第五潭卽東潭也因其水有五級故名五洩南齊會稽人謝玄卿好呼吸延年之術年百歲精力不衰以採藥入山值一橫溪俯臨峻壁淙湍激溜上有石梁纔可並足乃匍匐而渡稍聞鐘磬聲尋之而往忽遇仙女數人被服纖麗玄卿向前禮拜乃相視而笑曰子非謝玄卿乎余引之登峻嶺至一處豁然平敞王堂

紹興府志勝

卷之四

里

朱閣女云此東華夫人所居也唐周鏞詩路入蒼烟九過溪九穿岩曲到招提天分五澗寒傾北地秀諸峰翠挿西鑿徑破崖來木杪駕泉鳴竹落棖題當年默老無消息猶有祠堂一杖藜宋才約詩西源窮盡到東源直注懸崖五磴泉真境無由追汗漫勝遊聊得弄潺湲風生虎嘯層岩底月上猿啼古木巔只待歸來林下去却同靈默此安禪吳處厚詩烟霞一塢兩山源石壁寒垂瀑布杳人事是非空繚繞水聲今古自潺湲月留詞客眠寒榻風送樵翁下嶺巔檀篆未消爐火煖夜長人靜好

譚禪○寶掌山在縣東南四十五里一名千歲巖唐貞觀中寶掌禪師開岩於此自云年已千歲真身在半巖去地四十九尺山巖中石室可容百餘人洞口石壁數片如削禪師種貝多木一株在巖上時有頻伽鳥巢其上○烏帶山一名采仙山在縣東五十里山產紫石英狀如棗核而八稜紫色光瑩如琢藏石中石外圓中涵石英在水中一頭微着石采取必於露未乾時孔靈符會稽記云烏帶山紫石英世人莫之知居士謝敷少時遊此夢山神語之曰當以五十萬相助旦見主人床下有

紹興府志勝

卷之四

里

異色試取視之乃紫石也因問所從來云出此山遂往掘果得其利梁武帝遣烏簞來采石英終於此帶簞聲相近故山名烏簞誤爲帶也又十里爲鐵崖嶺崖石如鐵峻立百丈上有綠萼梅又有龍湫山之陰一小山泉出其下可照鬚髮元末楊維禎世居于此因以鐵崖爲號○浮塘山在縣南二十五里山巔有塘雲覆其上俗呼爲浮塘亦呼茅塘又十五里爲斗子崙形高如斗峻不可上無草木多蜜又十里爲句乘山國語越臣於吳吳更封越南至句乘卽此山也山有九層亦名九乘山○

又其地有石鼓山山下有磐石如鼓扣之有聲唐王煉師居焉秦系寄以詩曰黃籙蒸罷洗瓊杯林下從留石上苔昨日圍棋未終局且乘白鶴下山來○花山在縣北二十里又三十里爲杭鳥山臺嶂七十二峰特高土人云每風雨晦冥輒聞樂聲因名鼓吹峰有玉臺石又有石塚可容數十人大石如門其平如削舊有杭鳥刺史廟今廢○石瀆溪在縣西南六十里上下源各有二井相聯合流○干溪在縣東北六十里吳干吉所居俗以溪水常涸因訛爲乾溪

紹興府志卷之四

里

上虞縣在府城東百二十里

舊經本司鹽都尉治地名虞賓晉太康記舜避丹朱於此十三州志夏禹與諸侯會計因相虞樂於此二說不同○縣爲秦設後漢永建四年分置始寧縣隋初以上虞始寧併入會稽唐貞元初復置上虞水經注云舊治水西常有波蕩之患晉中興初治今處江水東逕縣南蓋今百官治也然今治則自唐永慶中徙○按江水卽名上虞江源自剡溪來東折而北至曹娥廟前名曹娥江又北至龍山下名舜江又西北折入于海初學記云凡江帶

郡縣以爲名者會稽江山陰江上虞江是也○梁劉孝綽上虞鄉亭觀濤詩此城臨夏穴櫛植茂筠篁孝碑黃絹女神濟白鷺翔遊遊佳可望釋事上川梁秋江東雨絕返景照移塘纖羅殊未動駭水忽如湯乍出連山冷時如高蓋張漂沙黃沫聚疊石素波揚榜人不敢唱舟子詎能航離家復臨水眷然思故鄉中來不可絕奕奕苦人腸汧汧若無阻謝病返清漳○攷志曹娥潮汝之險亞於錢塘圯沙陷溺舟行苦之故諺曰鐵面曹娥而孝綽詩中正詠之其云黃絹孝碑者以蔡邕模讀曹娥碑文

紹興府志卷之四

里

題曰黃絹勿婦外孫壘曰語也碑曰云漢元嘉年上虞長度尚爲孝女曹娥立碑屬魏朗作文久之未就時尚弟子邯鄲淳年二十聰明才瞻而未知名乃令作之揮筆立就碑有王右軍所書小字新定吳茂先嘗刻于廟中廟今改屬會稽○世說云魏武帝同楊修觀蔡中郎題語謂修曰解不曰已解曰卿未可言試我思之行三十里而喻乃令修解之修曰黃絹色絲也勿婦少女也外孫女之子也壘曰受辛也蓋云絕妙好辭帝曰吾亦意此但有智無智較三十里○志云縣西十二里有蔡墓

山以蔡邕卒塋此攷本傳邕嘗亡命會稽其墓則非也曹娥江之西岸又有蔡山其下爲蔡山渡宋高似孫詩江上人家破竹門潮來水長浸蘿根紫魚一尺枇杷小放溜船來酒滿尊○過渡則爲東山宋王銍記云其山巋然特立于衆峰間拱揖蔽虧如鸞鶴飛舞林谷深蔚望不可見逮至山下千嶂掩抱間得微徑循石磴而上今爲國慶禪院乃太傅故宅絕頂有謝公調馬路白雲明月二堂遺址至此則山川始軒豁下視煙海渺然天水相接山半有薺微洞相傳太傅携妓之所山西有太

紹興府志勝

卷之四

里

傳墓又西一里爲始寧園乃謝靈運別墅一曰西莊上有洗屐池東西二眺亭又西爲西小江有琵琶洲舊經云梁徵士魏道微得仙於謝安山南史杜京產顧歡開舍授學於東山下今有杜浦顧墅是其處按東山以謝太傅名者有三一在臨安攷本傳云安石常坐石室臨滌谷悠然嘆曰此與伯夷何遠一在金陵傳云及登台輔於土山營墅樓館林竹甚盛然此皆非所居之東山也惟始寧東山乃其故居晉陽秋曰安石家於會稽上虞縣東山優游畜妓世說劉尹語王右軍曰安石東山志

立當與天下共推之又本傳云雖受朝寄東山之志不渝皆指此山也謝靈運東山望海詩開春獻初歲白日出悠悠蕩志將愉樂瞰海底忘憂策馬步蘭皋縹控息椒丘采蓮遵大薄零若履長洲白花皓陽林紫葩暉春流非徒不弭忘覽物晴彌適萱蘇始無慰寂寞終可求李白詩云不到東山久薺微幾度花白雲還自散明月落誰家我今携謝妓長嘆絕人羣欲報東山客開軒掃白雲王丘詩高黎非養正盛名亦險艱偉哉謝安石携妓入東山雲崑響金奏空水豔朱顏蘭雲滋香澤松風

紹興府志勝

卷之四

里

鳴珮環歌聲入空盡舞影倒池開卷舒混名迹縱誕無憂患何必蘇門子冥然閉情關蘇軾詩謝公含雅量世運屬艱難况復情所鍾感慨萃中年正賴絲與竹陶情有餘歡常恐兒輩覺坐令高趣闌却携縹緲人來上東西山放懷事物外徙倚弄雲泉一旦功業成管蔡復流言慷慨桓野王哀樂和清輝挽鬚起流涕始知使君賢意長日月促臥病已辛酸慟哭西州門枉駕那復旋空遺行樂處古木昏蒼烟○水經注云浦陽江東北逕始寧縣嵎山之成功嶠壁立臨江欹路峻狹不得並行行者

牽木稍而進不敢俯視其西有孤峰特上飛禽罕至常有采藥者沿山見通溪尋上於山頂樹下有十二方石地甚步紫還復更尋遂迷前路以爲諸仙之所醺讌因名壇讌山按成功嶠者世傳謝玄破苻堅歸會稽縣人榮之因磨石大書成功嶠三字深刻其上又十里爲石壁山十道志云南有小山形方正如樓世號鼓吹樓謝靈運石壁精舍還湖中詩昏旦變氣候山水含清暉清暉能娛人游子澹忘歸出谷日尚早入舟陽已微林壑歛暝色雲霞收夕霏芰荷迭映蔚蒲稗相因依披拂趨南

紹興府志勝

卷之四

哭

徑愉悅掩東扉慮澹物自輕意懷理無違寄言攝生客試用此道推按石壁石門麻源載之廬山縉雲建昌諸處然以康樂山居賦攷之皆在始寧別墅○釣臺山在縣東南五里下瞰深潭傳云葛洪垂釣之所縣西南有釣臺相傳梁陶弘景釣處又縣西溪湖之陰亦有釣臺其山有木槎大十圍陶隱居嘗乘之以釣公旣去槎墜潭底遂不復浮○縣南十里有百樓山重岡複嶂層層可望縣治相對若翠屏然山腰平地數十丈魏伯陽嘗居之上有南山白石二巷○縣東南二十五里有仙姑洞

雙巖峭立高十餘丈中懸石如墜磬下爲洞澗丈餘飛瀑潑沫常若風雨相傳昔有仙女乘鸞下來因名鳳鳴洞宋史唐卿詩何年雷斧鑿山裂六月蒼崖鴻飛雪孤鳳一聲去不聞海水桑田幾興滅我知仙去仙尚存時見真形坐巖穴青天半夜玉簫寒喚醒幽人弄明月○縣西北二十五里有蘭芎山卽蘭風山也水經注云縣南有蘭風山木少石多驛路帶山傍江路遠皆作欄干山有三嶺枕帶長江蒼蒼孤危望之若傾絳山之路下臨大川皆作飛閣以渡謂三嶺爲三石頭丹陽葛洪居之

紹興府志勝

卷之四

哭

基井存焉舊志山迢迢有形勢而自東西眺之則正方與龍頭山岡巒相屬劉宋邑人王弘之舊爲晉司徒主簿棄去垂釣於三石頭過者不之識問得魚賣否曰亦自不得得亦不賣日夕載魚入城經親故門各置魚一二頭於門內而去又五里爲龍頭山一名龍山西瞰曹娥江孔靈符記龍頭山上有蘭峰峰頂磐石廣丈餘葛洪嘗坐其上有石井冬夏常列水經注以爲南帶長江東連上陂者也唐盧綸詩城闕望烟霞常悲仙路賒寧知熊子徑得到葛仙家○又十里爲夏蓋山北枕大海海

岸有山山形如蓋世傳禹嘗駐蓋于此湖直其南
周一百五里有鏡潭九墩十二山又有三十六
溝引淮畝畝其南有白馬湖湖自東漢周四十五
里三面皆壁大山三十六湖之水悉會湖中有三
山曰癸巳山曰羊山曰月山相傳縣令周鵬舉出
守鴈門志務幽閒思此景物乘白駒泛舟全家溺
於湖時人以爲地仙白馬之名本此又云創海之
始邊塘屢崩百姓以白馬祭之故名亦名漁浦湖
水經注云縣之東郭外有漁浦湖中有大獨小獨
二山又有農船山皆直水中其蓋之南白馬之西
紹興府志勝卷之四

平

有上妃湖湖於東漢周三十六里其中亦有三山
水經謂之上陂湖唐地志上虞西北有任嶼湖
又會稽志有謝陂湖皆上陂之別名也

餘姚縣

在府東一百八十里

元和志本漢舊縣舜後支庶所封舜姓姚故曰餘
姚實字志縣在餘姚山西山海經云勾餘之山無
草木多金玉郭璞注在餘姚縣南勾章縣北山多
珣璋故二縣以爲名是山舊經不載今求之不得
或以爲在寧波府屬慈谿縣界○志云縣署北負
秘圖山宋時有翰墨堂刻蘇子瞻手翰山麓有秘

圖閣下瞰秘湖已改爲翠寶亭又有吊隱亭高風
閣並以嚴徵君名蓋北望見客星山云按秘圖山
有石如匱舊經云神禹藏靈秘圖之所山高丈許
周廣數十步初名方丈山唐天寶六年改今名山
之西一里許有靈緒山南俯姚江亦名嶼山山腰
有微泉未嘗竭所謂龍泉也又名龍泉山孔曄記
云山有三足白鹿山巔有葛仙井有絕頂石唐方
干龍泉絕頂詩未明先見海底日良久遠難方報
晨古樹含風常帶雨寒巖四月始知春中天氣爽
星河近下界時豐雷雨均前後公臨思無盡年年

紹興府志勝卷之四

聖

改換往來人明王守仁詩我愛龍泉山山僧頗疎
野盡日坐井欄有時卧松下一夕別山雲三年走
車馬魏殺巖下泉朝夕自清瀉○姚江在治南十
步許又名舜江以舜後支庶封於此故名江橋西
舊產蕙亦名蕙江源發太平山至上虞縣界東折
而北五十里東流過慈谿西渡又北入于海凡二
百里○水經註云虞翻嘗登緒山望四郭戒子孫
曰可留江北居後世祿位當過于我聲名不及爾
然相繼代興居江南必不昌諸虞氏由此悉居江
北又云江南有百官倉卽虞國舊宅其北正直龍

泉山按國在漢時爲日南太守有雙鴈送歸卽此處初號西虞以兄零陵太守光居縣東稱東虞○孔曄記云虞國別墅在羅壁山洛陽人來云巖圍大勢具體金谷都太尉遍遊諸境樓情此地每至良辰携子遊憩後以司空臨郡遂卜居之宋華鎮詩山列翠屏圖碧落水流鳴管繞平田郝家池館羅無沒金谷形容自宛然○虞氏家記有養親堂晉右衛將軍虞潭以太夫人年高求解職被詔不聽特假百日東歸起堂養母親友會集作詩言志虞家城在梅川鄉明宋玄禧記云今辟難梅川時

紹興府志卷之四

藝

胡處士達道嘗謂余曰鄉有虞家城者父老相傳爲虞世南宅基吾壯歲猶見其遺址高一丈許厚三尺餘吾祖母出其地余因與其從子惟彥過其處則其址之存者厚如處士往歲所見高則四尺餘耳周圍度之爲丈百有五十旁近居者多虞氏按輿地志及孔曄記漢日南太守虞國宅在餘姚嶼山南而虞世南宅基在梅川意者永興嘗居是地鄉人自其盛者傳之耳○又聞梅川人嘗得虞氏田園記石刻於城旁川水中石斷裂不全其文有所謂桃源鄉應嶼仲瑤仲瑤等舊管水田二十

二頃七十畝三角者可讀今余得見其斷石果然餘所記田園數石刻尚多在水中不可得見而仲瑤仲瑤名見宗譜於永興爲十七代孫云○鳳山與龍泉山相對每落景在城闌烟靄連屬俗傳以西山夕照爲句餘八景之一明皇甫詩鳳去山空尚有名翩翩五色曉霞生遙瞻玉帝祠前火散作人間不夜城按鳳山實在縣東二里其以爲西山者或縣治古今遷徙耳一名大黃山有小黃山在其側又有南黃山在縣西南五里○縣東北有冶山西北有豐山亦各相去五里豐山有二曰東

紹興府志卷之四

藝

豐山西豐山十道志以爲少大多石者冶山相傳歐冶子鑄劍處也越冶山五里爲陳山少石饒樹木遠望形如卓筆至其巔則正平本漢嚴子陵故里其墓在焉亦名客星山山半有華清泉一名旋井昔有人得一鰻於井持歸鬻而烹之俄而失鰻後數日見其游泳於井而有鱗痕疑其爲龍云泉之左數十百步躡而上登復數百步岡迴隴合東望山凹處如吻仰張凹外隱隱見海是子陵墓所有唐人題石曰漢嚴光墓宋乾道四年史浩鎮越時作客星菴置墓田○又八里爲燭溪湖湖中有

石墮山二面皆水自高山望之正方如墮山之東
爲湖塘舊經昔人迷失道忽有二人執燭夾溪而
行因得路故名燭溪十道志昔人入山昏暗迷惑
悲泣山中忽有雙燭照之其說畧同湖內有明塘
溪一名明塘湖又名淡水海周二十餘里湖西南
一曲有梅灣湖舊經昔有梅樹吳王時採爲燕
梁俗傳水底梅梁根也巨木湛卧湖心雖水涸不
露秋七八月間雷雨交作有聲如雷吼震徹數里
土人相傳謂梅龍顧母亦曰湖窪今水自北倒流
而南入航渡橋波濤洶湧中高起一帶如春常衝

紹興府志勝公卷之四

壑

墜橋石十道志吳造建業宮代村至明塘溪口梅
下見長木取之還都會梁已足更別無用其梅一
夜飛還土人異之號曰梅君今在湖中隨水浮沈
一云用爲會稽禹廟梁其水卽梅溪水也又二里
爲航渡山又三里爲埋馬山山趾有石卧水中如
馬舊經云秦始皇東觀于海馬斃埋此或以爲宋
高宗迫金寇步行途中忽得馬乘之疾馳向明州
質明而馬化爲石蓋神所幻化云又五里爲游源
山游涇之水出焉其中多大谷人跡罕到有鬼嘯
潭○蔡山金山破山峙如門足亦名門峰俱在縣

東北五十里金山之巔多礪石行列甚整昔有結
亭于上以望濱海亦名海亭山相近爲仙居山舊
傳神仙所居故也山勢類栲栳亦曰栲栳峰其下
有溪曰栲栳溪溪傍有墩曰讀書墩宋莫子純元
岑安卿皆隱居于此安卿自號爲栲栳山人云謝
景初詩山水有奇秀何必耳目親茲地世未知偶
游良可珍平湖瞰其中翠巘圍四垠青松千萬植
落瀑如懸巾清谿與斷崖水石聲粼粼峰巒見滄
海日出常見花花草時節異寧問秋與春又瀑布
泉詩落泉下峭壁陡絕千萬丈潄急雪片飛望若

紹興府志勝公卷之三

壑

匹練廣曲嶺隔青林三里已聞響其旁有巨石平
潤可俯仰愚俗所不道我輩數來賞須期秋色清
攀蘿將爾上○太平山在縣南八十里輿地志山
形似織四角各生一種木不雜他樹一角檫一角
梓一角楮一角樞舊有道士居山上人非潔齊不
敢至焉姚江之源出於此東至浹江口入海晉謝
敷梁杜京產皆居之亦名曰門山晉孫綽銘崑崙
太平峻踰華霍秀嶺巒綺奇峰挺嶸上干翠霞下
籠丹壑有士冥遊默存奇託蕭形枯林映心冥漠
亦旣觀止渙焉融滯懸棟翠微飛宇雲際重巒寒

產廻溪縈帶被以青松灑以素瀨流風竹芳祥雲
停靄梁園弘景碑畧云吳郡杜徵君構宇太平之
東結架青山之北爰以幽奇別就基址棲集有道
多歷歲年孔稚圭詩石險天貌分林交日容缺陰
澗落春榮寒巖留夏雪○又三十里爲四明山山
經云高一萬八千丈周回二百里蟠踞數縣山鄞
小溪入者曰東四明山餘姚白水入者曰西四明
山奉化雪竇入者直曰四明道書第九洞天晉孫
綽賦涉海則有方丈逕來登陸則有四明天台蓋
曰靈仙之所窟宅也山凡二百八十二峰四面形

紹興府志勝入卷之四

卷

勝各有區分中通一溪曰箬溪東面七十峰號驚
浪山西南山狀如奔牛山中五峰如芙蓉曰芙蓉
峰正是四明之心南七十峰狀如驅羊曰驅羊峰
其地宛轉吐出清澗一澗南出一百二十里歸于
鄞江西南八峰如臂囊曰八囊山向北兩山如走
蛇山足澗深七十餘里四面二百八十峰此則盡
四明山而言耳若在餘姚境者山白水向東南行
二十餘里其中爲三孕峰漢張平子家焉少南則
芙蓉五峰相望各五六里其中峰有漢隸深刻四
大字曰四明山心其上爲鷲巖東南十里爲殺

羊巖以神仙居羊於此有血漬焉又南爲分水嶺
界于鄞縣甯風巖之右爲石窓四面玲瓏每大地
澄霽望之如牖戶中通日月之光亦名四窓是稱
四明石窓稍西北爲樊榭三國吳劉綱妻樊夫人
居此綱下邳人初居四明山後爲上虞令師事白
君受道道成與妻樊夫人皆飛入雲中而去又東
數里爲鹿亭梁山陰人孔祐隱居於此嘗有鹿中
箭來投祐養之創愈乃去復引群鹿來依○四明
之右爲韓采巖其北七里曰孔石又十五里爲丹
山赤水狀類設色由孔石南轉而東五里爲錢王

紹興府志勝入卷之四

卷

走馬岡下岡六里爲九雷嶺又山北有潺湲澗潰
瀑流沫冬夏不息洞之下爲過雲巖巖絕高雲霧
不絕者二十里民皆家雲之南北每相從謂之過
雲南爲雲南北爲雲北大都四明本石窓得名其
支隴甚多總謂之四明也唐施肩吾詩半夜尋幽
上四明手攀松桂觸雲行相呼已到無人境何處
玉簫吹一聲又梨洲老人命余宿杳然高頂浮雲
平下視不知幾千仞欲曉不曉天雞聲陸龜蒙石
窓詩石窓何處見萬仞倚晴虛積霤迷青瑣飛霞
動綺疏山應列圓嶠宮便接方壺祇有三奔客時

來教子書樊榭詩樊榭何年築人應白日飛至今
山客說時駕玉麟蹄乳帶綠松嫩芝臺出石微憑
欄虛日斷不見羽華衣鹿亭巖詩鹿亭巖下置時
傾白麝過草細眠應久泉清飲自多認聲來月塢
弄跡到烟蘿早晚吞金液騎將上絳河潯溪洞詩
石淺洞門深潄潄萬古音似吹雙羽管如奏落霞
琴倒穴漂龍沫穿松濺鶴襟何人乘月弄應作上
清吟過雲詩和訪一程雲雲深路僅分嘯臺隨日
辨想谷帶風聞曉着衣全濕寒衝酒不酺幾回歸
思靜髮髭見極君○白水山爲山四明在縣西南

紹興府志勝卷之四

五

六十里山壁峭立其上有泉四十二道投空而下
冬夏不絕是曰白水亦名瀑布泉白水宮在其下
嶺曰瀑布嶺相傳劉綱夫婦乘羊過此亦名羊嶺
嶺上有三台峰下有龍湫其深無底又有紫溪水
流从塢山而過○塢山去縣西南十二里舊經支
道林居剡每遇名晨遠來塢山或問之答曰謝安
石昔來見就輒移旬日今衆目觸情不覺欣賞後
病甚遂移來塢中僧史云支遁沒塢中其樊處今
狀世說云支終於剡之石城山○禾山在縣西北
二十里謝靈運云山海經有浮玉山北望具區今

餘姚烏道北禾山與其區相望卽浮玉也又二十
里有東山亦借名謝太傅者其山環余文汝仇二
湖間三五十里傍多支山其最著者鷄鳴山○縣
西二十里有馬渚山又三十里爲姜山上有五峰
曰金雞曰蛾眉曰積翠曰凌雲曰白馬山下有小池
曰姜女池又名姜女泉其水清冽有木葉蔽之去
葉則水濁寶慶志姜女不知何時人泉傍有淨凝
寺池廣不及丈旱不涸雨不盈寺之飲濯皆取汲
馬池中草常蕪沒僧稍芟治泉卽竭祈禱久之乃
如故吳越智覺禪師蛾眉峰詩盤空勢險露巖根

紹興府志勝卷之四

五

深洞寒聲落白泉好似雨餘江上見水雲僧出認
西天積翠峰詩翠壓群峰峰地形直落日猿聲在空
碧天風吹散斷崖雲古松長露三秋色凌雲峰詩
烟蘿高巘勢凌雲影瀉斜陽出海門曾與支公深
隱去夜寒雷雨十方聞白馬峰詩湖外層峰瀉危
瀑天際陰陰長寒木南北行人望莫窮秋雲一片
橫幽谷

嵊縣在府東南一
百八十里

漢有剡縣嘉泰志云在今縣西十五里舊經在西
西十五里孔曄記云剡治在江東吳賀齊爲剡今

徙今治嘗開城門擊破奸吏族黨則今城亦齊所
創水經注云縣開東門向江江廣二百餘步元和
郡縣志云故城在今縣南十二里唐武德四年以
剡爲嵊州水經注以東有簞山南有黃山西有西
白山北有嵊山合四山故曰嵊也宋宣和四年改
爲嵊縣○嵊山在縣東北四十五里剡溪之口嵊
浦之東凡游謝鄉之水皆會於山南名嵊溪至花
山下橫入剡溪而嵊溪以北臨水諸山皆接嵊山
水經注云帶山臨江松嶺森翠者也有嵊亭梁虞
騫詩命楫尋嘉會信次歷山原捫天上雲亂碧石

紹興府志勝不卷之四

全

下雷奔澄潭寫度鳥空嶺應鳴猿榜歌云將夕商
子處方昏○簞山在縣東三十里山勢平如簞席
舊經云山有白巖龍祠碧潭其下衆流趨導湍石
迅激○黃山在縣南十里其色黃故名厥勢平正
又名方山其下爲戴安道宅世說郗超每聞欲隱
者輒爲造立居宇在剡爲戴公起宅戴與所親書
曰近至剡如官舍今屬桃源鄉○太白山在縣西
七十里絕高者爲太白次爲小白而東者爲西白
而西者爲東白在東陽者爲北白剡錄云峻極崔
嵬吐雲納景趙廣信昇仙處也石笋對立如闕有

廣信丹井在山之陽瀑泉怒飛懸下三十丈產仙
茗按廣信陽城人魏末人剡受李法成服炁法後
乘雲登天孔曄記剡縣西七十里白石山上有瀑
布水巖際有窰房採窰者以葛藤連結然後至南
史祐伯玉居剡中齊高帝詔吳會二郡以禮迎遣
辭歸乃勅於剡西白山立太平館居之孔稚珪從
其受道爲於館側立碑宋書祐伯玉隱身求志居
剡縣瀑布上處一樓卒塋樓前今西白山有瀑布
泉是其處唐戎昱送清徹遊太白山詩卷經歸太
白躡蹻到蘿龕若履浮雲上願看積翠嵐倚身松

紹興府志勝不卷之四

全

人漢順日月離潭此境堪長往歷中事可譜按已
上嵊簞黃白爲四山之數○剡山在縣治西北其
巔爲星子峰稍下又屹然一小峰曰白塔岡其支
隴環十數里自東下爲戴安道宅南下爲剡坑秦
始皇斲此以泄氣今上坑深百餘丈出二里許爲
縣治又西南六十步更名鹿胎山下有惠安寺昔
有獵人陳惠度射鹿此山鹿孕而傷產子死猶以
舌舐之鹿母亦死惠度因棄弓矢投寺爲僧舊錄
云晉道深往剡東岬山復於剡山立般若臺寺十
道志云西臺寺今法臺寺是也陳惠度所立舊有

應天塔灌頂壇勝堂晉僧竺潛居剡山哀帝兩遣使招之至建業簡文尤師禮之劉俊嘲之曰道人亦遊朱門乎潛曰君自見朱門耳貧道以為蓬戶山頂有圓超寺寺有挾溪亭南齊顧歡隱剡山每旦出山鳥集其掌取食高帝踐祥徵至都稱山谷臣不仕○艇湖山在縣東五里出剡溪之左有子猷橋訪戴亭世說王子猷居山陰夜大雪眠覺聞室命酌酒四望皎然因起詠左思招隱詩忽憶戴安道時戴在剡便夜乘小舟就之經宿方至此不前而返人問其故曰吾本乘興而來興盡而返

紹興府志卷之四

何必見戴宋樓鑰云剡溪山水俱秀邑之四鄉山圖平野溪行其中其源有四一自天台山一自東陽之玉山一自奉化一自寧海兼四大流又境內萬壑爭流之水四面咸奏曲折迂迴過嵎浦而達於江自王猷訪戴而溪名乃顯或稱剡江剡川剡汀或稱嵎水戴灣戴家溪戴達灘皆是唐賀知章乞為道士詔賜鑑湖剡川一曲云唐李太白詩忽思剡溪去水石遠清妙雪劃天地明風開湖山貌悶為洛生詠醉發吳越調亦霞動金光日足森海嶠獨散萬古意閒垂一溪釣猿近天上啼人移月

遊棹無以墨綬苦來求丹砂妙華髮長折腰將貽陶公誚崔顥詩鳴棹下東陽回舟入剡鄉青山行不盡綠水去何長地氣秋仍濕江風晚漸涼山梅猶作雨溪樹未知霜謝客文逾盛林公未可忘多慚越中好流恨閱時芳朱倣詩月在沃洲山上人歸剡縣江邊漠漠黃花覆水時時白鷺驚船戴叔倫詩風軟扁舟穩行依綠水堤孤樽秋露滴短棹晚烟迷夜靜月初上江空天更低飄飄信流去誤過子猷溪○竹山在縣東十里亦出艇湖之左又二十里為花山惟石奇松宛然圖畫下臨碧溪舟行如織漁歌樵唱遠近互荅明夏雷詩舟過碧灘漁唱杳雲收斜谷雨聲殘生來老檣龍皮欲削出奇峰石骨寒○又二十里為石鼓山有石如鼓人騎踐之輒響沃州記云北對四明而金庭石鼓介焉世傳王右軍池中驚管飛至此山中故又名靈鷲山又二十里有錦屏山狀如錦屏舊有澗流亘山趾遇石壁折旋西去數十步有石如鎖橫亘澗中名石鎖傍有石卓立圓淨如米廬自石鎖沿澗下又數十步左右皆坡有石溜澗可三尺許深八尺長五尺澗流東入其中至溜口入石井井澗丈

餘圓絮如琢磨成澄徹無底南有小溜淵尺許深二尺長二丈井水南循小溜而出井東平卧石龜大可三丈跨溜上叩首南向下則空洞可坐十餘人龜尾有二人履跡龜足有石鼓扣之磴磴然有聲有石梁驟雨水溢井溜莫別稍霽則漱石注玉泠泠然其石井相傳爲龍窟有以物投井者後自海邊人家見之因知與海通稱爲海眼云○又里許爲金庭山天台華頂之東門也夏侯曾先志云越有金庭桐栢與四明天台相連靈寶經云上有桐栢合生下有丹池赤水真誥曰桐栢山高一萬

紹興府志勝

卷之四

金

五千丈周圍八百餘里四面視之如一其一頭在會稽東海際其一頭入海中是金庭不死之鄉在桐栢中方四十里有黃雲覆之樹則蘓紆珠碧泉則石髓金精其山臺盡五色金也舊志山之西有小香鑪峰南有卓劍峰前有五老峰後有放鶴峰東有毛竹洞洞口有竹生毛節覆一節唐裴通記云剡中山水之奇麗金庭洞天爲最其北門在小香鑪峰頂人莫能見晉王羲之家於此有書樓墨池遺蹟南齊道士褚伯玉建金庭觀乃其宅唐張說金庭觀詩玄珠道在豈難求海變須求鬢不

秋他日洞天三十六碧桃花發共師遊宿小白詩羽客相留宿上方金庭風月冷如霜直饒人世三千界未抵仙家一夜長○刻石山一名獨秀山在縣西南三十里十道志一名穿山宋昇平末縣人倪襲祖行獵見石上有文者三苔生其上刮苔視之其大石文曰黃天皇帝蕭字道成得賢師天下太平小石文曰刻石者誰會稽南山李斯也唐寶元初元積使人訪碑不獲王十朋會稽賦謂苔封石刻卽此碑目云刻石山有衛夫人碑及王右軍墨池○又五里爲遁山下有白雲塢漢軍騎將軍求

紹興府志勝

卷之四

金

恭棲隱之處又五里爲石欄干與嶧浦相連宋紹興中方士李季爲秦檜往桐栢山設醮請福憇此道傍遇異人自石闌干下揖季問其何往季告之故其人曰秦今死矣張浚劉錡皆當起爲將相秦豈得存季大駭亟去比至天台則檜凶問至因駭嘆其爲神云○又二十里爲貴門山岬嶂千雲峻嶒森錯壁立萬仞一峰卓然佳木老樹陰翳森挺下有仙人洞可受數人又有三泉迸出石穴曰三懸潭寒氣逼人六月如秋或有登者衣裘而往宋李易貴門上築詩亂後亦擇居麓山山輒許居民

百餘家喜甚予欲舞云久聞公名此幸殆天與感
茲鄭重意時節共難忝剡川非沃野地僻民更寡
趁時務賴茗餘力工搗楮寡婦念遺棄汚池憐數
畧我欲教耦耕盡力循南畝桃杏種連山深居可
長處東隣有節士酒酣乃發語公昔起布衣高誼
掩前古親擢類平津決見逢真主兩宮佇六飛萬
乘思一舉交侵正倔強蠡起益旁午浩然公獨歸
偶出寧有補默塞復何言長嘆汗如雨○石姥山
在縣西四十里上多楓樹宋王內敬詩石姥上穿
雲楓葉狀如錦者也又二十里爲鹿苑山山巔有
二小石穴泉自穴湧流至山半有石甕泉復自甕
出流一里許石崖壁立懸瀑十數丈下注石澗匯
爲龍湖水經注云白鹿山北湖塘上舊有亭吳黃
門郎楊哀明居于弘訓里太守張景數往造焉使
開瀆作康康之西作亭亭康皆以楊爲名孫恩作
賊從海來楊亭被燒後復脩立厥名猶在○葛峴
山在縣西北二十里晉僧竺法崇居之崇有律學
精於法華經茅茨澗飲孔淳之造訪輒留信宿不
去○又五里爲石門山山有石洞石床石枕前有
石巖傍有龍湫上下有沸水出穴謝靈運集石門

新嘗所住四面高山迴溪石瀨茂林脩竹靈運詩
云躋險築幽居披雲卧石門苔滑誰能卧葛弱豈
可捫嫋嫋秋風起萋萋春草繁美人遊不還佳期
何由敦芳塵凝瑤席清醕滿金樽洞庭空波瀾桂
枝徒攀翻結念屬霄漢孤景莫與緩俯濯石下潭
仰看條上猿早聞夕颺急晚見朝日嗽崖傾光難
留林深響易奔感往慮有復理來情無存庶待乘
日月得以慰營魂匪爲衆人說異與知者論○了
溪在縣北十五里舊經云禹鑿了溪入方宅土又
五里爲強口刻錄云王謝諸人雪後泛舟至刻排
徊不能去取水飲之曰雖寒強飲一口後人以名
其地今出布名強口布○又二十里爲崂山輿地
志云自上虞七十里至溪口從溪口遡江土數十
里兩岸峭壁乘高瞰下有深林茂竹名爲崂嶽奔
瀨迅湍水經注云崂山與嶽山接北有石床謝靈
運嘗釣於此下爲刻溪口水深而清曰崂清其下
有王翁信舊居皇甫冉送王翁信還剡中詩海岸
耕殘雪溪河釣夕陽家中何所有春草漸看長○
皇甫冉又有送王緒還剡中別業詩不見開山去
何時到剡中已聞成樹木更道長兒童籬落雲常

聚村墟水自通朝朝憶玄度非是對清風

新昌縣在府東南二十里

寰宇志唐末錢鏐以去溫州道遠無驛因析刻之東鄙十三鄉置新昌縣說者又云割台分刻以成之○縣南百步許有山堂宋黃庭堅居焉中有飽山閣得心亭諸勝又里許有石城山巖巖嶺簇石壁千仞天台之西門也有寶相寺錢惟演重修寶相寺碑云武肅王改曰南明山或以爲石城在南明之前晉水相初僧曇光初至江東石城山下行數里坐石坎自號隱巖故山亦名隱岳曇光因夢

紹興府志勝入卷之四

完

種種惡三日見山神言乃移草安寒石山後支道林坐此山下戴安道過之嘆曰德音未遠而拱木已積齊永明中僧護至此夜聞鐘磬仙樂之音又時見佛像由是發願鑿百尺彌勒乃自石中鑿出佛身而石壁之後有自然圓室如大車輪正當佛首四方潤狹不差分毫道俗咸駭爲異梁開平中造寺額曰寶相山自石牛鎮入有鋸解巖斷石中裂相傳爲昔造佛時試鋸於此有白雲莊白蓮菴千佛洞夾谿堂諸勝循塘而行有白鵲塢隱岳洞寶相寺山門張卽之書曰石城曰松巖宋元章書

曰南明山又有紫芝巖仙髻巖巖頂有天井巖下穿窿巨洞其中卽石佛像嘉泰志云石佛螺髻上有靈芝香聞數十步夜光煜然有後倪二石舊傳僧智顗卒有二獸至號吼作仰天叩地狀遂化爲石唐孟浩然臘月八日刻縣石城寺禮拜詩云石壁開金相香山繞鐵圍下生瀾勒見回向一心歸松竹禪亭古樓臺世界稀夕嵐爭氣色餘照發光輝講席邀談衲禪堂施浴衣願成功德水從此濯塵機羅隱詩會稽詩客謝能卿往歲相逢話石城

紹興府志勝入卷之四

完

正恨古人無上壽喜聞郎宰有高情山胡絕巘層層聳水接飛沙步步清兩火一刀離亂後會須乘興月中行○又五里有桃花塢明王洪詩石溪溪上媚春光萬樹桃花絳雪香不似天台流水處胡麻仙餌引劉郎○南巖山在縣西十五里山巖陡險沙石積成如築牆以物觸之紛紛散落時或有崩墜者世傳大禹治水東注積沙成巖巖石間或有螺殼舊志云巖下乃海門唐李紳龍宮寺碑南巖海跡高下猶存是也上有瀑布泉下數百尺驚雷濺雪有滴水巖巖下清泉一滴烈日東雨皆無盈縮其味清甘甲於衆泉又有乳香巖太師巖半

壁有釣磯相傳任公子釣魚處莊子任公子以五十犢爲餌蹲於會稽投竿東海經年而得巨魚者也唐齊顓題南巖云南巖寺本任公釣臺巖腹有仙骨巨棺其險不可梯昔人從絕頂垂綆下窺見所蛻骨甚大與今人異其色微紅如餘霞後山巔有古釣車云是任公釣時所作又五里爲穿巖有石室廣二十餘丈石壁間有圓竅東西通隔岸視之如圭竇故名外有十九峰羅列其上○天姥山在縣東五十里高三千五百丈周六十里東接天台西連沃州上有楓樹千餘丈後吳錄云登此山

紹興府志勝本卷之四

辛

者或聞天姥歌謠之聲道家稱爲第十六福地宋書郡國志與括蒼山相連石壁上有刻字科斗形高不可識春月樵者聞簫鼓笳吹之聲謝靈運詩願投剡中宿明登天姥岑高高入雲霓還期何可尋唐李白詩海客談瀛洲烟濤微茫信難求越人語天姥雲霓明滅或可覩天姥連天向天橫勢拔五嶽掩赤城天台八萬四千丈對此欲倒東南傾我欲因之夢吳越一夜飛渡鏡湖月湖月照我影送我至剡溪謝公宿處今尚在綠水蕩漾清猿啼脚着謝公屐身登青雲梯半壁見海日空中聞天

雞千巖萬轉路不定迷花倚石忽已暝熊咆龍吟殷巖泉慄深林兮驚層巖雲青青兮欲雨水澹澹兮生烟列缺霹靂丘巒崩摧洞天石扇訇然中開青冥浩蕩不見底日月照耀金銀臺霓爲衣兮風爲馬雲之君兮紛紛而來下神波瑟兮鸞回車仙人兮列如麻忽魂悸兮而魄動神驚起而長嗟惟覺時之枕席失向來之烟霞世間行樂亦如此古來萬事東流水別君去時何時還且向白鹿青巖間行須卽騎訪名山安能摧眉折腰事權貴使我不得開心顏○沃洲山高五百餘丈周六里與

紹興府志勝本卷之四

壬

天姥山對峙道家爲第十五福地晉帛道靜法深支遁皆居之戴詩王謝十八人與之遊亦白蓮社之比馮惟訥詩紀云道猷俗姓馮山陰人少以篇讀著稱法深名竺潛隱剡山哀帝兩遣使招之至建業後還山支遁求買沃州小嶺潛曰未聞巢由買山而隱遁字道林河內人王羲之守會稽遁與孫興公共載往王許因論莊子逍遙遊作數千言才藻新奇王遂披襟留連延住靈嘉寺已入沃州小嶺遁嘗養馬數疋或言道人畜馬不韻遁曰貧道重其神駿今山中有養馬坡放馬澗又性好鶴


不放鶴峰山中又有驚泉峰石封門題字巖靈微
錫杖泉瀑布泉雪潭鍾井帛道猷詩連峰數十里
脩竹帶平津茅茨隱不見雞鳴知有人閒步踐其
逕處處見遺薪始知百歲下猶有上皇民間此無
事迹以待疎俗賓長嘯自林際歸來保天真唐耿
漳詩沃洲初望海攜手盡時髦小岫開鵬翼新宜
長驚濤日如芳草遠身比夕陽高羊祜傷風景誰
知異我曹○去沃州五里爲劉門山世傳劉晨阮
肇自剡採藥至此山有採藥徑山下居民多劉姓
又五里有東岫山晉僧法深支遁皆居焉世克支

紹興府志卷之四

三

通林採藥住剡東岫山又嘗熟溪公買岫山自此
又有真溪洞高四尺濶三尺在山半壁深不知其
底有持炬入者僅數十步風自洞出炬滅竟不得
入○又四十里爲雪溪山其地陰寒冬多霜雪高
五百餘丈有溪盤繞山中其東有鐘鼓巖南有筆
架峰攢峰數十重水緣崖下飛薄如雪水流入浦
陽江口有石橋水經注云浦陽江東逕石橋下有
石井口徑七尺溪之兩傍皆高山山有石壁二十
餘丈溪中相攻轟響未至數里便聞其聲輿地志
剡東百里有石橋里人傳云舊路自石笥入天姥

今石笥橋下一大井與水經合疑卽此也唐項斯
寄石橋僧詩逢師入山日道在石橋邊別後何人
見秋來幾處禪溪中雲隔寺夜半雪添泉生有天
台約知無却出緣



寧波府

在府城南

領縣五

中

郡始于唐高祖爲鄞州開元二十六年改鄞州以

四明山爲名 國朝初設明州府鄞人單仲友以

能詩徵至南京因奏本府名同國號請改之上喜

曰彼處有定海海定則波寧遂改寧波府○府治

卽舊寧波衛址唐之明州宋之奉國軍慶元府皆

設于此有老香堂在府治後園北植桂百本取山

頭老桂吹古香之句以爲名宋丞相吳公潛判慶

元時建又郡圃北有古榆 本其狀甚奇公潛移

植于蒼雲堂舊扁尚在 早大醉建歷陽張卽

之書○蔣家花園在府治東南宋蔣曉建今廢王

直詩云採蓮橋下路皂蓋拂雲來塵壓隨軒雨風

生避暑臺酒綠佳客盡花爲使君開共話西溪舊

相忘此日杯○倪家花園在府治北元倪萬戶建

今屬蓮塘柳岸人家○桃源洞在帥府後園之北

今爲海道司中有佳趣亭集春亭容與亭悉繚以

步廊雖雨雪不妨行遊宋韓璣建後燬于兵燹至

今猶稱桃源洞云○四明驛舊在府治內卽宋時

通判東廳址元徙建于城西南月湖中以故涵虛

館爲驛有衆樂亭宋熙寧中丹陽邵亢記王安石

詩使君幙府開東部名高海曲人知慕艤船談笑

政却成洗滌山川作佳趣平泉浩浩銀河注想見

明星弄機杼載沙築成天上路投虹爲橋取孤嶼

掃除荆棘水中央碧瓦朱甍隨指顧春風蒲城金

板舫來看置酒新亭上百女吹笙綵鳳悲一夫伐

鼓靈龜壯安期美門相與游方丈蓬萊不更求酒

醪忽跨鯨魚去陳迹空令此地留○甬東巡司在

府西北按左傳哀公二十四年越滅吳請使吳王

居于甬東杜預註云句章縣東海外洲是其處韋

昭註國語以爲東浹口外今名浹港輿地記以定

寧波府志勝入卷之五 二

海有大浹港卽今之舟山舊爲翁山縣治所○句

章城有二其一在慈谿城山渡之東卽越王勾踐

所築者一在府城南六十里宋武帝改築于小溪

鎮因名之爲句章鄉者○句章城一名官奴城舊

圖經云漢光武嘗至越爲賊所困因牧奴得免既

定天下以奴爲鄞令封鄞爲牧奴縣城爲官奴城

又十道志云宋武帝徵時避吏于鄞與入奴名桂

者善因匿之爲吏所窘奴乃耕于田以土覆武帝

得免後立官奴城以報之掘土築城處名官奴池

卽舊治鄞山之城也鄞山詳鄞縣下其謂光武帝

者于史無所據而宋書孫恩寇上虞時劉裕戍句章疑故爲宋武云

鄞縣附郭

鄞之名始于夏禹時有董子國因其境有赤堇山在今奉化縣東五十里產赤堇草故名薛燭曰歐冶子與越王鑄劍破赤堇之山卽此草加邑爲鄞國語吳更封越王勾踐東至鄞則鄞之始也今附郭之鄞縣乃古鄞邑舊治鄞山在縣東三十里十道志云海人持貨貿易于此賀加邑爲鄞故名陸雲集云秦始皇南巡會稽留鄞縣三十餘日是鄞

寧波府志勝入卷之三

三

縣已置自秦矣漢及六朝通如之隋則合鄞句章鄞併爲句章縣治小溪鎮而鄞始廢唐武德初復句章爲鄞大曆六年以海寇袁置之亂始徙今治長慶元年并徙明州治于此而鄞爲附郭五代時吳越錢氏改今名曰鄞○宋慶曆中王安石爲鄞令築有讀書臺臺傍雜時花木今爲按察分司遺址僅存荆公詩云收功無路去無田竊食窮城度兩年更作世間兒女態亂栽花竹養風煙題署內西亭詩云山根移竹水邊栽已覺新篁破嫩苔可惜主人官便滿無因長向此徘徊○會別亭在城

西亦荆公所建其詩云西城路居人送客西歸處年年借問去何時今日扁舟从此去春風吹花落高枝飛來飛去不自知路上行人欲如此應有重來此處時○三江亭在城東門北宋大禧中郡守李夷庚嘗寓于此後守潘良貴建亭自爲記云大江橫其前群峯拱其外島嶼出沒寒烟有無浪船風帆往來天際而州之井屋左顧右盼盡在目中○翠鑲亭在江岸謝翱有翠鑲亭遊雨詩自注云亭有魏王妃所題字尚新王嘗以皇子成德軍節度使鎮明故妃至其處詩曰客有游山衣着又如

寧波府志勝入卷之三

四

薛荔行行萬翠亭忽作風雨愁仰面無所觀梁間有題字問此何人書婉婉有弱氣云昔魏王如學書似李衛乘雲到此山灑墨在空翠塵風吹土花條忽景物異疑此夢與仙不類人間世○攷三江之名曰鄞江在城東北二里卽甬江也南接奉化江西接慈谿江三江同會于定海之大決東入于海○江之桃花渡北天成高阜九十有九獨一阜半入于江其曰北渡者卽奉化之北界也唐許渾曉發鄞江北渡詩南北信多岐人生是別離地窮山盡處江泛水空時露曉兼霞重霜晴橘柚垂無

侯歸輯千里有心期○慈谿江源發嶠縣之剡
溪至此始大其灘積高險行客往來皆川裝束因
建亭曰嶠亭南齊僕射張稷生子于此因名曰嶠
○甬江樓在靈橋門內宋楊苾建呂祖儉記畧曰
船務東負郡城乾道之元監務事楊公仲章泐樓
于其上距今二十年而樓名未立蕪穢弗治通守
丹陽蘇公實臨船事暇日登樓望覽其山川之勝
而一新之因名以甬江庶幾表賢存舊後來者有
攷焉按靈橋卽東津浮橋也跨鄞江上唐長慶三
年刺史應彪置凡十六舟巨板其上長五十五丈

寧波府志卷之五

五

潤一丈四尺杓置東渡門外江潤水駛不克成乃
徙今地方經始時雲中有虹映其上衆咸異之初
名橋曰靈現又曰靈建今東城門以靈橋名蓋謂
此○城東南里許爲日湖一名細湖縱百二十丈
衡二十丈周圍二百五十丈有奇其源與月湖俱
出四明山一自它山堰經仲夏堰入南門爲日湖
故又名南湖一自大雷山經林村十字港匯望春
橋入西門爲月湖故又曰西湖宋元祐間太守劉
瑛因月湖之舊而疏浚之復仍其積土廣爲十洲
曰花萼曰竹塢曰煙塢曰芳草洲曰芙蓉洲曰菊

花洲曰柳汀曰雪汀曰月島曰松島亭閣臺榭上
下相映士民游賞四時畢集王旦題十洲閣詩山
川如幻閣長秋一鳥飛來伴九洲不礙漁樵雙槳
過何妨羅綺四時游雲疑泰華分張去水憶蓬瀛
散漫浮禁苑未知潮海樂生綃寫取巖中洲○湖
傍有澄輝閣周鐸詩云雄建俯空濶下瞻甯漢浮
眼將雲冥冥心寄水悠悠日暖鳥飛鏡月涼魚弄
鉤行期分此景家在甬西頭○雁湖在縣東北三
里桃花渡之北顏公渠之南時有鳬雁來浴故名
○廣德湖在縣西二十里晉陸雲書鄮西有大湖

寧波府志卷之五

六

夷堅癸志云自東漢以來有之廣袤數萬頃宋曾
鞏記以東七鄉之田錢湖溉之西七鄉之田則此
湖溉之凡遠越之舟皆由于此舊名鴛脰湖唐縣
令儲仙舟更今名其後郡人樓異知此郡奏罷爲
田卒不可復○東錢湖在縣東三十五里舊名西
湖蓋唐長慶前鄞縣未徙時湖在縣治之西故耳
周八十里其中突然一山四環皆水不與陸接名
曰霞嶼又有大慈山亦在湖中有大慈寺卽史彌
遠香火院也宋錢瑱世居湖上瑱好學有節槩與
同里高友文以談經史相資廊落世務○槎湖在

縣西南二十里昔有張氏世居又十五里爲小江湖唐縣令王君照修又十五里爲馬湖相傳賀知章洗馬池今僅如杯大可浴龜龜○宋王應麟辯小江湖說曰唐志鄆縣南有小江湖溉田八百頃開元中令王元暉開浚民立祠祀之按九域志卽它山堰也今有善政侯王長官祠卽爲元暉而設舒豐引水記曰它山者四明之衆山水所萃一作雨則澗壑交會出爲漫流卽歲旱溪流未嘗絕也王君祠在堰南門但歲久水湮若用引水法爲之尚可復舊今惠光院俗號小江塔院以地里攷之

寧波府志勝

卷之五

七

小江湖正在其處旁有千丈鏡支港尤多小江之名本此而郡城中亦有小江者蓋本靈橋之小江里非小江湖也○它山堰在縣西南五十里先是四明山水直注于江與海潮接鹹不可食唐王元暉鑿石爲堰于兩山間濶四十二丈級三十有六冶鍊灌之渠與江截爲二渠流入城市繚鄉村以汲以灌其利甚溥自廣德湖廢而西七鄉之水咸賴于茲度去堰十里有仲夏堰唐太和元年刺史于季友開亦引四明山水入渠後因元暉別置它山堰始廢而不用尚有橋名仲夏橋○它山距四

明山百里有奇而四明之水咸趨蓋其水自南沿流皆山也至是始有一山在水北因兩山相對故堰獲成唐亮閣黎詠它山堰詩截斷寒流壘石基海潮从此作回期青山自在行人老澗澗水聲無絕時○左近有錫山葱蒨入雲泉流甘潔隱隆起伏郡治之所蟠結也又有建舉山峯巒十五矗立于前狀如列戟儼然深秀其下有寶嚴寺又有石白山山坡圓石可二丈許中有穴似臼世傳葛仙翁煉藥于此山下溪潭深迥不知其底有魚如舟見必陰雨或見龍首枕于山麓又有響岩壁立下

寧波府志勝

卷之五

八

浸江水流作聲則岩中答之唐賀知章嘗居此名佛影岩以天寒有鷗鷺群集又名鷗鷺岩又有木阜山環列二十四峯如木芙蓉亦名木坑又二十里爲天井山上有五井一岩突然下嵌百仞之淵地僅側足緣蘿可行如此者數十步至下井之傍石皆光潔如龍物常行久而熟之之狀又行三里至中井又三里則上井愈入愈險餘二井益險絕人跡罕到故舊志但云三井耳又有灌頂山山下直上二十里方至頂有普淨禪院又十里爲雪頭山上有龍湫名胡家聖井又二十里爲躊躇嶺

山路險峻過者必每躊躇故名明泰政王擬躊躇
嶺詩秋日澹平蕪登攀興不孤祗疑盤谷道還是
輞川圖嵐氣諸峯合溪客衆壑殊何人乘款段四
顧爲躊躇○又五十里卽四明山山有七十二峯
高一萬三千丈周廻八百里道家以爲七十二福
地上有方石四面如牕中通日月星宿之光故曰
四明山西連春峯起狀如奔牛曰奔牛山中有三
朵峯鼎足而立漢張平子所居石室尚有西南有
五朵峯狀若芙蓉五峯相望各去六里其中央卽
四明山心也又東一峯高六里周十里峯南一岩

靈波府志勝入卷之五

九

高一丈深七尺中有石穴出泉流入黎洲穴生其
草及古杉松其西一峯高四里南有石室下有石
枰相傳仙人劉阮居之又南一峯高三里有石壁
壁出數穴生石乳又北一峯高四里峯頂有天井
吐吞雲氣其山四面各生一木東梓西松南栢北
櫻不相揉雜頂極平正山南聳峯有七十狀若驅
羊淵源十丈神龜所潛時吐靈氣如樓閣山麓一
澗南流百二十里入于鄞江而縣東三十餘里之
龍山鹿山陽堂山賀山橫舉山同谷山皆四明之
支也龍山者山勢逶迤狀如游龍故名鹿山相傳

昔有鮑郎射鹿于此及視之則石也鹿山南爲陽
堂山四面陡絕中有鮑郎墓及祠又南爲賀山古
鄞縣以此名賀山東二里爲橫舉山又一里爲同
谷山以東西兩舉同一谷口故名其山崔嵬嶄巖
靈秀融結內有三嶺一曰石城通定海之深舉一
曰魚山通定海之大礮頭一曰長山通小浹港先
時山麓與海相際海中百貨來此貿易以故谷口
舊名後塘街有鄞縣城遺址又有都巡簡司今爲
青山行祠俗名寶幢廟西去半里許曰下庄乃宋
泗坊司也至今土人掘地嘗得甕甓之類○同谷

靈波府志勝入卷之五

十

山東爲阿育王山昔阿育王現靈建寺其下因以
名山山腰有佛足跡入石二寸餘有極目亭望海
中山如丘垤有舍利塔相傳如來真身舍利八萬
四千塔之一也有宸奎閣廬山僧懷璉以藏宋仁
宗問答手書及所賜詩頌學士蘇軾爲之銘○玉
凡山在阿育山前橫陳如几故名山南有白雲山
宋寶慶間建顯忠寺以賜趙希言廢址尚存又五
里爲白石山玲瓏峭拔上有神仙石基枰一名火
石海舶見者以爲光怪又十里爲筲箕山卽小白
嶺也元朝請大夫盧元因號太白之勝結廬居焉

山南懸崖瀑布名水簾洞上有鬼谷先生祠又五里卽太白山頂有龍池雲霧蒼勃生于水面麗日晴霄澄澈如鏡或風振林木葉落無墮池中者其山最高四時積雪不消故名太白亦謂之南太白山宋理宗書太白名山賜僧子朴云○越五里爲天童山晉永康中僧義興卓錫于此有童子給役薪水久之辭去曰吾太白星也上帝遣侍左右言訖不見太白天童之名實昉于此王安石詩溪水清漣老樹蒼行穿溪樹踏春陽溪深樹密無人處惟有幽花渡水香舒亓詩何年杖錫此徘徊天上真

寧波府志勝不卷之五

七

官爲我來芝圃鶴歸香火冷石碁空鎖舊花臺○鎮明嶺在治南里許高五尺宋天禧中郡守李夷庚以土增高至數丈嶺之南有寶雲寺又二里爲舟宿渡又七里爲銅盆浦渡有龍潭時見白蛇橫于江面則雲霧晦冥邑人相傳以爲月湖白龍所遷徙也又十里爲平楚亭在櫟社之陽今名水中洲洲當水三合處北通桃源西接它山東南流入郡城亭已廢處士沈汴詩云不見平楚亭荒洲但流水欲問桃源春夢落漁舟裏○元末東甌高則誠避亂主于櫟社沈氏之樓居因作琵琶記記成

時清夜按拍歌舞几上驪炬二枝光忽交合因名曰瑞光樓又十五里爲隱學山又十里爲陶公山俱臨東錢湖隱學山相傳周末徐偃王棲隱于此其下有放生池徐本原詩周穆日盤游九鼎幾欲移造父御八駿萬里觴瑤池邦家嘆無主神器將安歸諸侯悉朝徐瑞應維其時忽聞黃竹歌拒戰非所宜避位向吳越直至東海涯德義感人心臣庶爭相隨山以隱學名上有棲真祠翁仲翳草萊再拜空嚙嚙遼東鶴不返塚墓何壘壘子孫繁且衍譜牒能相貽零落千載下惻然起遐思○陶公

寧波府志勝不卷之五

七

山世傳陶朱隱此有釣魚磯在馬宋寶慶三年守胡桀嘗建烟波館天鏡亭于上今廢國朝隱士洪性詩霸越平吳此息機蓑衣終日坐漁磯一竿風月高名在千古江山舊事非春雨荒臺蒼蘚合夕陽古渡釣船歸探竒欲試登臨興流水無情白鷺飛又稍南爲姜山平原崛起有石洞三其一最大曰後岩中可坐數十人洞後又一小洞其上有穴形圓如月仰可窺天與姜山對峙者曰茆山上有天一葑以竿測之其深無底又十里爲大梅山蓋梅子真舊隱也山中有石洞仙井藥爐丹竈遺跡俱

行又十里爲金峨山高出衆峯乃府治之遠案宋
詩叱咤淪雪浪空鯨鯢騎去杳無踪煉丹
井上春蕭索知在蓬萊第幾重

慈谿縣

在府西北六十里

慈谿舊曰慈溪我永樂十六年令有失印者請得
更鑄恐所失之印覆出爲姦故更印文從谷其溪
舊名大隱在今縣西南三十里漢邑人董黯早孤
事母盡孝母疾嗜大隱溪水遠不能常致乃築室
溪濱板輿就養厥疾以瘳因名慈溪自隋以前爲
句章縣地唐初爲鄞縣地開元二十六年始析置
寧波府志勝六卷之五

志

今縣有浮鑿山在城內縣治負焉北西東三面瀕
爲湖山浮其上形卑如鰲故名北山之湖南西北西
距山縱廣十六畝湖中有與宋乾道間令陳壽彭
建亭于上扁曰環碧今俗名縣後湖又名小湖○
闕湖在縣東北一里闕峯山之上唐縣令房琯于
山下鑿湖以溉民田廣袤一百五十畝三國吳闕
澤世家于此故山曰闕峯湖曰闕湖澤字德潤又
曰德潤湖澤後捨宅爲寺名普濟寺又以普濟名
湖澤少好學家貧爲人傭書以供筆札長事孫權
歷官太子太傅其容貌若不足而答問不窮虞翻

比之漢楊雄董仲舒云○永明湖在縣西南一里
大寶山之下唐儀鳳初邑大夫呂珂建有寺高宗
賜名大寶因以名山宋大中祥符初改名永明今
湖已湮 國初僧一覺者精脩釋教尤善詩有寒
泓稿與太子正字桂彥良倡和一日

太祖問與誰游彥良以一覺對因誦覺詩乃稱善
而和之云上人侶影處幽林紫竹寒潭映水森草
今半間雲外月松窓一榻谷中心玄談靜夜風生
石頂禮清晨日吐岑有客扣禪曾問道昂昂寂寂
悟機深遂賜彥良歸里傳宣又有圓詮弘闡皆永
寧波府志勝八卷之五

志

明寺僧兼諳內外典能詩名重一時○花萼湖在
縣東南十里唐刺史任侗脩築凡十七頃羨四十
餘畝五代僧師普結屋持戒于此常有白龍聽經
因名白龍院又五里有蓀湖多產香草故名僧圓
遠蒨菴其上講演經教戒行清苦及示寂古生蓮
花○鳧磯驛在縣南二里房次律建舊名鳧磯館
以地隣江渚鳧雁之所翔集也後令崔熙復新之
周鐸爲之記而系以詞曰鳧之來兮日暉暉江魚
潑兮秋正肥清波弄影兮下雲磯行與仙人兮駕
言歸鳧之去兮月團團雲淡淡兮烟水漫古人已

遠兮坐長嘆樓高夜永兮空闌干又八里爲橫山
上有齊虞尚墓畱好學不急仕至散騎常侍今呼
爲常侍墓又十里爲驃騎山舊名靈山漢驃騎將
軍之子意歷中書郎退隱于此採山釣水以自適
人皆賢之遂以其父之官名其山按志云驃騎山
在縣東南二十里又十里爲塔山一名東山劉鍾
詩曰有約出郭登東山白雲片片相與還水流苦
滑一溪碧風吹帽落雙鬢斑野老對酌興何逸道
人高詠心自閒滿徑黃花醉眼豁恍然身世非塵
寰○石魚山在縣西五里又五里爲石櫃山俱以

寧波府志勝八卷之五

五

形似而名又有石井石床石瓶之屬俱在縣西二
十里雞鳴山之上雞鳴者以山中嘗聞雞聲若仙
家然又十里爲虎脾山以山形聳踞如虎脾也唐
邑人司農卿張無擇葬父于此負土結廬三年不
櫛絕水漿者七日因感醴泉芝草生焉又五里爲
鳳岩山又五里爲龜子山亦以形似而名又十里
爲雨微山山上有雲氣卽雨邑人以此爲驗名雨
徵後避宋廟諱改爲微又五里爲夜飛山相傳此
山自蜀中飛來蜀客識之其山出甘草靈藥又五
里爲太平山山下有村與湖皆以太平而名孔臯

會稽記以爲四明之支隴今其地隔一大江似非
然○雙頂山在縣西南七里兩峯並峙屹立平野
又八里有城門山在江渚巉岩夾壁狀若城門又
以宋城門校尉陳詠之所葬也其下有廣利橋宋
寶祐年郡守吳潛建慶豐驛于橋西今廢又五里
爲釣魚山上有釣臺世傳謝靈運釣魚于此下有
石棋枰潮涸乃見其傍攢青擁翠秀拔于鶴洲鳬
渚之上者蘆山也又五里爲大隱山夏侯曾先地
志云大隱南入天台北峯爲四明東麓昔謝靈運
採藥之所晉虞喜嘗隱焉三召不起故以大隱名

寧波府志勝八卷之五

六

其下卽大隱溪又十里爲車廐山會稽記云句踐
于此置廐停車秣馬遺跡猶存今設有車廐驛地
名石臺鄉又里許爲勾餘山以在句章之西餘姚
之東而名山海經云句餘之山多金錫少草木者
也○大蓬山在縣東北三十里又名蓬蓬山秦始
皇欲從此航海達蓬萊山故名山上有岩高五六
丈左右二岩屹立如闕雞名闕雞石有石穴深四
丈餘岩上有三佛蹟名佛蹟岩多產香草又有香
山記云岩谷流香卽大蓬山之支也宋周鐸詩靈
山名大蓬香水靄蒼龍祇久覆護雲物翳深谷

拂衣向劫中神斧斲蒼玉至今天人尊靈蹟印金
粟頗開開士識飛錫隱岩麓坐令湖海間香供走
川陸巍巍虔報地色相儼金屋緬想舊巾鉞猶能
慰心目盤輿訪蓮社一笑欣自足撫事動幽尋疇
能念榮辱松爐裊如見餘力付棋局更覺夢中身
條然百無欲○五峯山在縣西北三十里山有五
峯亭亭相峙其下兩崖屹立如門又十里爲雙峯
山宋末邑人姚登孫隱居于此登孫十歲能文窮
究經史爲文淵與宏博超絕蹊逕園朝桂彥良詩
下車晨過杜湖嶺喜見壁立之雙峯十里松風奏
寧波府志勝入卷之五

七

韶麓一泓秋水潛蛟龍仙禽古樹集梵剎細草幽
花迎竹筇齋餘宴坐山閣靜夜深隔屋聞疎鐘○
又五里爲五磊山五峯纍纍相比若聚米所成其
南兩崖如門以通出入邑人曹漢炎詩卬軋藍輿
入暮雲青山應認舊時人竹深殘雪猶藏臘溪暖
枯梅勝得春瓦甕碧醺初熟醺地爐紅蒸半枯薪
分明身到桃源境隔斷人間湏洞塵又五里爲松
浦山其下有松浦巡簡司又里許爲丈亭渡按志
云慈谿江源自紹興府屬餘姚縣之太平諸山至
丈亭乃岐而爲二其大江由車廐歷西渡經府城

之北出大決口入于海其小江東南貫縣城中由
驢馬橋出東郭一名管山江邑人王維詩出縣五
十里西來是丈亭江分三派白山拱兩邊青遠樹
雲間塢香蒲雨後汀舟人候潮至飯罷卽揚舠○
又十里爲鶴鳴山唐元和間虞九臯字鳴鶴第進
士鄉人因以名其所居一云山形如鶴翅舒而喙
張有飛鳴之狀其下爲鶴鳴鹽課司又十里爲磨
石浪港二山俱在觀海衛城內而砥誓桑與箸舉
諸山已際大海中又十里有大忌小忌二山則海
中危石行舟之所忌也今已近岸岸左有向頭山
寧波府志勝入卷之五

太

如龍頭尾相向狀龍頭以東屬定海龍尾以西屬
餘姚二山捍潮其中漲塗漸與山相接舊有向頭
寨元改爲鎮今設巡司

奉化縣

在府南
八十里

唐開元二十六年析鄞縣地爲四縣而古鄞故地
改爲今縣以其民淳易于遵奉王化故名今治東
五十里有鄞城山山下有鄞城院院卽古之鄞縣
治也今爲廣福寺舊圖經云鄞城山卽赤董山山
有草曰赤董故以此名加邑爲鄞漢書註白社里
有鄞城山是矣○圖經云青亭山在縣西三十步

形小而圓土多紅色亦名印山○鳳山自華頂逶迤東來與印山相連一名含光山越五里卽華頂山也其上有龍湫水流爲錦溪又十里爲日嶺山有石如鏡臺道通昌岷水流爲葉家溪宋時封石嶺夫人祠明太史姚洙詩籃輿追勝覽幽徑覓仙蹤地接金鳥影祠瞻玉女峯松篁分翡翠樓閣隱芙蓉身在超然處瑤臺此日逢又五里爲白岩山石色光瑩如玉雪竇之支山也又十里爲大雷山山極高眺百里外四明之支山也其下爲鄞江有洛星石謝臯羽詩大雷山下鄞江口石濕落星海

寧波府志勝入卷之五

九

涵斗○高公塘在鄞江岸唐武德初設鎮于此本晉孫興公游四明得棠一本植之後訛棠作塘其上爲赤泥嶺戴表元赤泥嶺行種桑三年寒得衣養贖作牛堪輓車生男祗解戀鄉土五日溪船催父歸行前舍鵲後杜宇夫家漸近聞剡語恨身不作田舍兒騎竹搏泥繞墻戶人生衣飯取裁足呵奴碌碌徒費粟獻書覓舉真下策年少奔馳頭已白君不見燕山萬里客更難赤泥嶺上春風寒又五里爲丹山在四明之南剡源之三石村上有二洞如廣廈可容五六十人內一小穴甚深入者行

幾半日間水聲如雷而返岩鱗水流皆糾赤色下有岩竇風從竇出盛夏無暑是名風洞雲笈七籤所謂四明洞天卅山赤水者也又十里爲雪竇山山多奇勝有妙高臺藤龕合珠林錦鏡池石竇千丈岩瀑布泉龍隱潭諸勝唐時雪竇禪師居之鳥巢衣褶寂然不動宋理宗嘗夢游一山因繪圖令人遍訪得雪竇如夢境遂敕名應夢山謝翔夜宿雪竇下方詩自註云雪竇師刻人住隣支遁買山隱處其詩曰眠山枕客柯獨客愛盤阿畏日生塵夢尋仙到鳥窠下方聞夕磬南斗掛秋河寢服侵

寧波府志勝入卷之五

十

雲卷額泉通瀑和竇分滄海月禪入沃洲歌此地精靈聚中宵弄薜蘿明王守仁雪竇山詩窮山路斷獨來難過盡千溪見石壇高閣鳴鐘僧睡起深林無著葛衣寒壑雷隱隱連岩瀑山雨森森映竹竿莫訝諸峯俱眼熟當年曾向畫圖看又僧居俯瞰萬山尖六月涼風早送炎夜枕風溪鳴急雨曉窓宿霧捲青簾開池種藕當峯頂架竹分泉過屋簷幽谷時常思豹隱深淵猶自媿蛟潛和丞李漣賦詩十首今錄其二云吾聞妙高臺海涌金芙蓉上有萬古蒼虎豹留其蹤日月挂天柱烟霞韜石

峯所嗟異僧去寂寞青山鐘又雪山萬年藤嶺莫
樛爲龕禪師與世絕巢臥參翟曇夜雨淵邊磬秋
風雲外庵余訪遠公社思授陶令簪○又四十里
爲黎洲山卽四明之西峯晉孫興公與兄承公同
游至此偶得黎數枚左右環視不見人跡意仙物
也故以爲名山麓有碑刻云周廻八百里二百八
十峯中頂五峯狀如蓮花近星斗有坡曰響石坪
又五里卽四明山○玉凡山在縣南三里又十里
爲直筆山俱以形似而名又十里爲九女山峯巒
成列如處子之狀宋黃唐詩粼粼新綠起前峯拂
靈波府志勝入卷之三

卅

拂垂楊烟雨中安得一簑浮短艇玉麟飛上釣絲
風又二十里爲蓬島山重岡複嶺繞繚雄桀登陟
其巔俯視數百里滄海微茫縈帶城邑信若蓬島
之非世間也其旁爲後萊山山谷間有潭徑二丈
餘深廣如之水流縈繞松林金溪二鄉出富潭港
與鎮亭水合而入江又十里爲結崎山漢地里志
鄞有結崎亭卽此師古註結音結蚌也長一寸廣
六分腹中有蟹崎曲岸也其中多鮎因以名山又
十里爲天門山一名蜃樓門宋志作引頭門陶弘
景真誥云天門在鄞縣南寧海北半亞于海卽此

山也瀕海裏港兩峯對峙若天門然宋舒岳祥詩
烟樹連天遠漁樵兩地分仙舟滄海路僧錫石橋
雲落日人行少空村犬吠聞誰知隱淪者絕跡在
人群○自結崎而東有大銀山去縣城十五里山
上有望海峯邑人孫諤詩有云天上玉麟削翡翠
空中樓閣闕芙蓉傳誦之者以爲佳句又五里爲
新嶺山其巔生竹高僅四五寸葉皆白色寶慶志
云嶺狹而長凡七十二曲有天然石磴上有窪樽
泉出甚冽杯飲只給一人行者以次取飲不竭又
有亭山筆山俱自青嶺來者去縣二十五里倍之
靈波府志勝入卷之五

卅

則鄞城山也○青錦山在縣治後名蓮花岩又里
許爲塔亭山上有布袋和尚塔故名其鉢孟佛跡
尚存又十里爲金鐘山以形似而名又十里爲漢
城山其頂平曠可容數千人無荆棘叢木居然堡
壘之形又有赤覓山夏侯曾先地志云上有磐石
平坐千人秦始皇遣徐福求神仙至此或云昔有
赤覓仙人居焉又十里爲江口山自四明分支雪
竇山東衍而來至此始盡俯瞰長江又五里爲索
鳩山絕頂有石狀如此鳥故名又二十里爲九峯
山唐開成中高僧惠超居焉草木食戒行精苦

今吉祥院有佛牙長四寸舍利綴滿牙根皆師所遺也其地名香栢岩○岳林山在縣東北五里梁大同初建崇福寺於此是時有和尚形裁腰膝蹙額齋腹常以杖荷布袋凡供身之具盡貯袋中入市見物則乞號長跪于空中體不沾濡默示禍福輒應天將雨先着濕草履將旱則曳高齒木屐市橋上蹙膝而眠一日端坐于寺東廊而逝後有僧云見之于天台○嶺之水泄于龍溪舊有虛白觀唐開元間葉靜能經于此忽南海龍神化一髯叟聽講既而訴曰胡僧以呪力欲竭海取寶

寧波府志勝本卷之五

廿

語甚哀切靜能乃書朱墨符遣弟子持往海上救之于是海水復還觀在海上無井遠汲爲難至是龍神感其恩乃于觀左穿一渠泉流不絕遂成大溪因名龍溪又一里爲廣平湖又五里爲仁湖俱宋元間所開三面阻山中環四五里爲平地以潞水○靈濟泉在縣西南舊名包家潭昔有牧童潞衣于泉得巨鰻持歸鬻而爲九良久失去急往泉所視之而鰻成九節復游泉中每旱致禱得此鰻則雨立至宋宣和中立碑紀其異○安岩山在縣西南三十里舊有四明院山之二岩橫跨澗上中

有大龜廣二尺許每出入風雨隨之又五里有梅山或謂梅福亦嘗至此其西有丁令威丹井泉水隨海潮上下俗名海眼又五里爲相見滙溪溪形盤曲鑿山腹爲徑繞繞環合久之尚相望故名其山岩石盤峻有古篆刻爲溪流所淪澗時始見又五里爲石樓山舊志有石如屋兩崖跨澗飛瀑亂下蒙宇記謂之石柱山高六百丈與蓬島山相近又四十里有鎮亭山南自天台西連四明漢地里註云鄞有鎮亭山西界于越南跨天台故其鄉名連山鄉山勢極高蟠結數十里山有龍湫又名石井潭○桃花坑山在四明山南壁立數仞延袤千尺石色紅白相間狀若桃花初發故以名之四山環繞如盤谷中有平田百畝昔隱士竺汝舟與太白禪師往來飛錫至此居之因畱偈云昔是神仙宅今爲長者居

定海縣

在府東六十五里

唐開元間立明州有翁山縣則海中昌國地今隸定海卽翁州是也然實先定海而立而定海乃古鄞縣地其治爲鄞東北鄞元和中省翁山海墻地置望海鎮不隸于州乾寧初置望海軍于甬江之

海口後更爲靜海鎮因立望海縣五代梁改今名
宋熙寧間置昌國縣于翁山 國朝併入定海○
志云印山在縣東半里地面涌起一石形方如印
故名○梓蔭山在縣東北一里昔于山巔建屏山
堂東北隅石壁陡起下浚澤水壁間有古篆字相
傳宋王安石書又一里爲巾子山宋史張世傑次
定海元石國英今都統卞彪說世傑降世傑斷彪
舌磔于巾子山下卽此與巾子形勢相控者招寶
山也舊名候濤山後以諸番入貢停舶于此故改
今名宋謝翱詩採藥候潮山宿山頂精藍夜中望

寧波府志勝

卷之五

五

海蛟門南去烏此地望迢迢積濕侵幡黑生寒入
夢飄見燈歸舶夜間偈解衣朝土植皆爲藥山枝
不滿樵暗光珠母徙秋影石花消擬候槎回漢寧
耳客老遼御尋徐福島因問秦皇橋于彼看日出
羽旌焉可招○蛟門山在東海中約有十五里一
名嘉門山環鑲海口吐納潮洑有蛟龍穴處時興
颶風怪浪又有虎蹲山屹立海口出此則爲大洋
古稱蛟門虎蹲天設之險卽此○睇髮集云翔嘗
乘舟至鄞望海上島無數其民多卉服過蛟門登
候潮山被髮楚歌歌罷輟復哭思夫子浮海居夷

之義至定海學故石刻盡什泯淖中新刻復闕茸
讀卽快快乃汲水洗故刻得紹興間邑令趙所傳
魯圖白云齊梁父諸山川至洙泗間巷里廟社井
墓歷歷如指諸掌遂摹其本歸過浦汭方君景山
與枯人吳思齊率其徒爲講經社得思陵所贊夫
子像揭于庭朔望拜進退興俯殊習乞翔所摹圖
與像對翔喜而歸之且書其後爲之詩曰秋風隸
下城海客見圖新樹入舞雩里水來浮磬濱東封
餘輦路西狩問虞人被髮逢夫子狂歌作放民○
大決江在南城外自蛟門海洋分派爲支江向西
寧波府志勝

卷之五

五

沂流七十里抵郡城三港口分流西南六十里至
鄞縣之它山西北二百里抵上虞縣之通明壩輿
地廣記云定海有大決港卽晉劉裕與孫恩戰退
還處外洲春秋所謂甬東者也又南十二里有小
決江自竹嶼山海口分派爲支江蜿蜒西流六十
里抵鄞縣五鄉碕下○金塘山在東南海中約半
湖可到周環二百餘里舊爲昌國縣之金塘鄉
國初徙其民而墟之○昌國城在東海中翁洲本
翁山縣唐大曆年廢宋熙寧間復立昌國縣元至
元間升爲州我洪武二十年以其懸居海島分徙

其民僅存在城五百戶隸定海縣元吳萊記畧云
昌國古會稽海東洲也東控三韓日本北抵登萊
海泗南抵今慶元城又云昌國中多大山四面皆
海人家居篁竹蘆葦間或散在沙壤非舟不能往
來田種絕少類入海中捕魚仰穀他郡昔葛仙翁
煉丹于此故山以翁名宋乾道中耕者得一銅鼎
無足有耳耳不穿竅中容一斗其底煤墨未泯識
者以爲煉丹之器云○志載安期先生祠在昌國
馬鞍山舊傳安期生隱此其鄉亦名安期鄉○舟
山館在昌國境內宋縣令趙大忠建○芙蓉洲亦
寧波府志勝入卷之五

廿

在昌國境四環皆海懸若洲島官民多植芙蓉故
名○鼓吹山在昌國山之陰曰戰洋者世傳徐偃
王既敗不之彭城而之越棄玉几硯于此今有偃
王祠山巔平坦如掌可容數百人每風雨晦冥隱
隱有鼓吹聲○楠陀洛迦山在昌國東海中約一
潮可到其曰楠陀洛迦者梵語也華言小白華一
名梅岑山相傳爲梅福煉丹處方廣華嚴言善財
第二十八參觀自在菩薩與諸大菩薩圍繞說法
于此然世無有知之者始自唐大中間有梵僧來
潮音洞前燭十指指盡親見大士說法授與七寶

本因結茅以居至梁貞明二年有日本僧惠鐸得
觀音像于五臺山將奉歸其國舟觸新螺礁蓮花
常洋舟蔽不前鐸懇禱若我國無緣見佛當從何
所建立精藍有頃舟向潮音洞居民張氏目睹斯
異遂捨所居築觀音院于梅岑山之陰自山東行
西折爲潮音洞乃大士示現處洞上有穴如天窓
仰視日星頽瞰海島金沙細軟石罅深黑海濤日
夜嘯吼其下又有善財洞以善財參禮得名巉岩
峭嶮表仄中窟崖上珠泉散滴不斷號菩薩泉比
轉得磐陀石可踞坐望海外又有龍女洞以龍女
寧波府志勝入卷之五

廿

戲珠故有太子塔以元宣讓王所建故又有紫竹
林白華嶺梅檀嶺諸勝宋王安石遊洛迦山詩山
勢欲壓海禪宮向此開魚龍腥不到日月影先來
樹色秋擎出鐘聲浪答回何期乘吏役暫此拂塵
埃元趙孟頫詩縹緲雲飛海上山掛帆三日上屏
頗兩宮福德齊千佛一道恩光照百蠻澗草巖花
凡身到此間元吳萊紀畧云昌國海中有桃花諸
山嵌空刻露屹立巨浸不着寸土天然可愛又有
赤霍山徐市駐舟于此轉而北有蓬萊山屹立千

史旁有紫霞洞洞門有神仙題墨隱隱可辨抱朴子云古仙樂登名山海上大島如會稽之山今之昌國也近日名本峻有遊舟山記即昌國地詳藝文類

象山縣

在府南一百七十里

輿地紀勝云唐神龍元年置邑于寧海縣界海曲中象山東麓東至大海二十里南至大海三十五里東北至海四十里惟西南有陸路接台州寧海縣界是以舊屬台州至廣德二年方屬明州象山者形肖象也其峯圓聳又名圓峯山腰有泉時有寧波府志勝本卷之五

尤

白鹿來飲逐之即不見後人因泐亭于其側名曰白鹿飲泉亭○縣西二百步西谷之南有灌木亭濯纓亭及竹間曲水二亭俱宋治平間縣令林旦建其詠灌木亭詩云行行竹間路時此一登臨爲有臨霄幹長垂蒲座陰海雲生遠口山月照開心幸免材爲累無言棄擲深其詠曲水亭詩云岩溜抱山色傳觴何太頻廻看野客醉還笑濁醪醇漢曲人方遠蘭亭跡易陳勞生無足校酣放即天真○圓嶠亭在縣東三里東谷桃花蹊之南四山盤繞前揖松蘿下俯石欄宋嘉定中縣令趙善晉建

○應真亭在煉丹山上前令林旦建嘉定間趙善晉移置于仙掌岩按志煉丹山在縣西一里梁陶貞白脩煉于此其東麓即西谷也中有石床西麓有袞衣岩岩壁篆書數行了不可識仙掌岩在此山下○縣西北一里有方壺亭在鳳躍泉之南林木陰翳巖巖峭削僅容一亭亦趙善晉所泐按鳳躍泉在鳳躍山上即象山之聯峯也唐乾符間有鳳翔于此因名○縣境有小睦大睦東睦西睦大睦大雍諸山俱在東南大海中大睦大雍皆其山中所產也大睦山遍地皆雲嵐天霽則氛氣煥發寧波府志勝本卷之五

寺

樓臺殿閣龍鳳之形變態萬狀寢爲奇觀過大雍山則巨浸茫茫一望無際矣○縣西北三十里之白岩下河萬松諸山皆逶迤至蝦蟆背入于海萬松之麓有智門寺大梁李濂詩云秋出越王關叢林牛斗間坐看東海月飛上萬松山有客乘驄至逢僧射盃還石床如可借終夕聽潺湲○縣南之山最高而且遠者曰天門山漢書謂之東門高二百丈周圍二十五里有昌國衛城故址曰大佛頭山其高海中諸山無與比者周圍百餘里日本進貢以此山爲向道入則平曠膏腴耕種甚利事林

廣記有東仙原爲海中福地卽此也大洋之東曰錢塘南曰大睦西南曰東南皆舂舂所經自錢塘而北則入定海自東門而南則入溫台近大睦則入象山

台州府志卷之六

中

輿地紀勝云秦置閩中郡今台州之地屬焉至漢武帝盡徙其民于江淮而閩中不復置郡但置冶縣以撫遺民而屬會稽郡東漢末吳分冶縣爲東南二郡都尉而臨海屬東部太平二年以東部爲臨海郡此置郡之始也梁武帝改名赤城郡陳改章安郡隋末沈法興竊據其地立爲海州唐武德五年始改台州因郡界天台山而名○郡署有月桂齋唐垂拱四年三月夜月中桂子降芳香味耳食之和暢台州司馬孟說冬官侍郎狄仁傑以聞

台州府志卷之六

一

皮日休詩萬顆珊瑚下月輪殿前拾得露華新至今不會天中事應是嫦娥擲與人○靜鎮堂宋吳視書唐竇常贈李嘉祐出守台州序云雅登郎位鎮靜方州因取以爲堂名○澄碧亭在靜鎮堂左廡跨池有水閣○桃源在郡圃守黃帶植桃百餘本放劉阮故事也自爲詩云本自深山老圃來偶分符竹到天台深山幸可容桃李莫待劉郎去後栽○一覽亭在舊州治今爲永慶院丁注詩云挿迥飛簷聳凌虛瑩砌危四天欄下掛萬象掌中窺目力不到處雲容無盡時塵塵皆勝事凭檻幾人

知○唐李白送從姪之台州吾家小阮賢剖竹亦
城邊詩人多見重官燭未曾燃興引登山履情催
泛海船石橋如可度携手弄雲烟武元衡送人赴
台州盧耽佐郡逢川陸苦迢迢風景輕吳會文章
變越語煙林繁橘柚雲海浩波潮余有靈山夢前
君到石橋柱甫寄鄭虔台州司戶鄭老身仍窺台
州信始傳爲農山欄曲因病海雲邊世已疎儒業
人猶乞酒錢徒勞望牛斗無計斷龍泉今有戶曹
湛鄭虔宅俱在州東一里

臨海縣附

台州府志勝不卷之六

二

晉太康地記云吳分章安置臨海縣以地臨海嶠
爲名按章安古城在縣東百十五里晉成公綏爲
章安令登赤欄望江製雪賦卽此○宋呂祖說脩
城記云郡城南東西三方岍于江湖秋水時至北
限大江蹙不得騁怒鬪堤是生聚凜凜恃城以爲
命○按今郭下惟東湖最著宋注泌詩臨海城東
湖氣象清且奇無風波色淨千頃碧瑠璃卽此地
也 國初有東湖樵夫不知何許人聞靖難詔到
自溺于湖而死今有像 作詩吊之云一片東湖
望裏分樵夫日日下斜照時人未必知名姓孤影

惟應伴水雲屈子歌兮終自溺之推隱矣不須文
却憐麋鹿山中侶猶勝麒麟閣上勳○大固山在
治西北蜿蜒磅礴狀如屏障舊經云晉隆安末孫
恩寇起刺史辛景休于此掘塹守之寇不能犯因
以名山宋紹興間道士惠德風斷地得晉斷碑有
龍顧山字故又名龍顧隋開皇十一年置臨海鎮
于此尋移縣于鎮所其東南二里曰小固山與大
固相望又有巾子山與小固聯接橫峙江之下流
城內望兩峯如幘幘其頂有雙塔下瞰城郭郊數
之勝西麓有龍井其脉通海唐任翻詩絕頂新秋
台州府志勝不卷之六

三

生夜涼鶴翻松露滴衣裳前村月照半江水僧在
翠微開竹房○按郡城西有三江其源一自天台
之闕嶺一自仙居之永安二溪流至四十里合爲
靈江環繞郭郭潮汐至此而止故其流清又名澄
江陸長倩題巾山詩邑屋萬家迷向背江流三面
自縈迴蓋指此也○輿地紀勝云雙岩在縣南十
五里奇峭並峙州設與之相對又五里爲聖岩在
錢柱山頂號稱險絕舊傳有神躍馬于此又名躍
馬岩至今石上有馬蹄痕又五里爲白岩孤秀嶙
峋林木鱗次以其多白石故名或以其有龍湫水

如白練也又五里爲蓋竹山一名竹葉山山有石橋龍形龜背架于壑上兩澗合流橋下洩爲瀑布有石室香爐天門三峯有長耀寶光洞洞淵集以爲第十九洞天有飛霞石舊傳仙人上昇于此石累三層牧孺戲以手搏之不墜抱朴子云可合神丹惟大小台華山少室山蓋竹山無山精木魅之擾卽此○日山在縣西五里以其面東朝日視諸峯獨高故名上有顯孝南山寺宋章得象送梵才大師詩京寺樓禪久南山去路長蓋梵公爲南山寺僧云又二十里爲清潭山清潭溪之水出焉流

台州府志勝天卷之六

四

爲小溪東注于江夷堅志云舊有陂廣十餘里宋淳熙歲大水推一山納陂中山之大小正與陂等林木宛然又五里爲石塘山上有石峽飛泉注此塘中相傳水底有石柱天日開朗其柱卽明又五里爲太平象鼻二岩輿地紀勝有太平鄉其岩與洞皆以此名泉瀑飛垂有石室石枕石床石杵之屬象鼻者謂其形似之又二十五里爲常風山山有穴風自中出故名山巔平衍良疇千頃潭瀑沾漑旱不爲災曰燈壇山山有石壇每陰雨有光現如燈曰天門山高數千仞旁有香岩石井釣臺

竹岡西麓有閬風臺宋王士弘詩碧落簫音隔彩霞閬風臺見地仙家手携青杖萬年竹髮挿錦桃千歲花月上高松留白鶴雲封神洞毓丹砂中天絕頂無人到流水桃源莫泛槎○白鶴山在縣東南二十里上有深湖中有磐石前有石鼓俗傳石鼓鳴則兵亂昔有白鶴飛入會稽雷門鼓中擊之聲振洛陽卽此山也郡國志云漢末有徐公于此山成道控鶴騰空而去故名又有白鶴山在西北六十里其水傾注遙望如倒掛白鶴故名按臨海記白鶴山中有深湖魚大如二百斛舟脩可二丈

台州府志勝天卷之六

五

疑卽龍云○許孝山在縣北四十五里舊傳有許姓者居喪至孝每一慟則群鳥悲鳴因以名之○東掖山在東北四十五里舊經云天台之左掖也有隔塵洞○括蒼山在縣西南四十里唐天寶中改名真隱山高一萬六千丈周三百里與仙居山相接舊經云王方平居崑崙往來羅浮括蒼卽此有仙館土人謂之黃公客堂兩邊有石步廊觸石雲起崇朝必雨有四竿筋竹風吹自垂空拂石皆淨石壁上有科斗文不可識每春月常聞鼓吹簫笳之聲○石樓山在縣東六十里石岩層累望之

如樓故名又十里有中峯取安仁院東接中峯語也又二十里爲東刊山以禹到此隨山刊木而名山極高遠亦名天柱山又十五里有石鼓山上有石如鼓兵興則先自鳴漢徐公脩道功成以鐵錐刺穴白鶴飛出駕之上昇又五里有玉峴山舊名黃石山唐天寶勅改今名山中洩水九層沿崖下注如白練東南有鍾乳穴伏翼如鷲又五里有浮門南陳末國亡盡室避亂于此宋紹興中漁者于海上得一琴其腹間題云臣雷某造以獻于朝高宗視之垂涕乃建炎時航海所失者也又十五里

金州府志勝不卷之六

六

有合旗山舊傳僧灌頂居此會海寇至灌頂誦經自若寇見山上旌旗隱耀遂懼而遯故名又二十里有嘯門山山腹一穴上達于頂有聲則風起水湧且有兵又二十里有龍符山吳越春秋夏王祭此得龍符者也山形似覆釜一名覆釜山山上有巨人足跡相傳夸父逐日所踐又東二里有芙蓉山智者禪師傳云出海口望之若芙蓉之始開也折而南五十里有白山遠望如雪其上有湖嘗旱不竭雨不溢有芙蓉洞形如二石鼓相連亦名穿岩○方輿記云新羅與在縣東南三十里以新

羅貢人艤舟于此故名又四十里爲不剏婦山山旁奇石糾色狀如婦人劉宋文帝遣畫工模寫其像時人效之競圖于白團扇山前有九井又五里爲九盤山其路縈迴九轉絕頂可望大海又迤南二十五里有亭山由郡泛舟入黃岩者候潮于此又折而東二十里爲金鼇山東有小澗昔人夜艤舟山下者見有光彩近視之乃一金色巨鼇宋建炎四年金人入寇高宗航海嘗泊此山留四旬聞捷書至始還越州又六里曰海門山東枕于海相對如門又四里有赤山其絕頂古塔下有石函貯舍利又東有翠環山與主山峻嶒山相望多居民田廬又北有仙岩廣高數百仞中通十竅廣四畝名百花洞有石泉深及許金鷲翔集之所其下有溪水亦金色又二十里分路入高麗國一峯突立如人首名曰高麗頭已上諸山皆在海中○縣東北二百四十里有牛頭山唐天寶六年以其瀕海勅改臨海山從縣名也

黃巖縣

在府東南六十里

寰宇記漢順帝永和元年析章安地置永寧縣乃今温州府之永嘉至唐上元三年復置永寧縣則

今之黃岩而改名則天授之元年也以縣西一百二十里黃岩山爲名山頂有黃石一名仙石山黃巖溪之水出焉溪旁亦有黃石五區如相拱揖宋孫應時詩得雨溪聲壯無風雲氣多山花依翠竹灘石亂寒莎縣治北有黃山樓宋叅政樓鑰書○未寧江有二源大源出廬山東南流至左溪村小源出黃岩山東北流至溪與大源合經縣北東流入海○未寧山在城東五里以古有未寧縣而名石壁峻峙四望皆方一名方山又十里有大仁山山巔有二池清泉澄澈大旱不涸○委羽山在縣

台州府志勝

入卷之六

八

南十里世傳劉奉林于此控鶴輕舉鶴墜羽翮故名宋范宗尹有當年孤鶴知何處遙想天風墜羽翰之句一名俱依山王十朋詩依山積翠日開屏羽客逍遙此閉扃早起留雲閒放鶴夜來伴月靜看經岩前方石應多好龜裏丹砂且是靈應有赤城鸞鳳過一聲長嘯入青冥○山之東北有洞道書爲大有空明第二洞天嘗有道士秉炬入洞行兩日不可窮聞櫓聲乃返洞側產方石周正光澤五色錯雜雖琢磨不過是大小百碎亦無不方欲得之者必果糧撮許散洞口隨意拾上土皆有石

在土中不然絕不可得又嘗有仙女當月夜自洞出逍遙松林竹橋之下或扣里人門求水火○又十五里爲雞籠山山形如雞籠每星月晦冥有光燭天人以爲怪不敢居一日品彩晝見或視之金玉彌山谷往取卽滅又十里有唐嶺嶺有古城外城周十里內城半之有洗馬池九曲池及故宮基址相傳爲徐偃王城城東有偃王廟○靈岩在縣北十里又名鷲峯後有飛瀑垂崖而下石根挿水澗而爲潭深不可測○松岩在縣西十五里沿崖而上凡七里始登石梯梯數百級勁直如削名曰

台州府志勝

入卷之六

九

古仙百步或云王仙如輕舉之地其上平廣多古松又三十里爲靈石山山有佛寺晉末孫恩寇亂毀其林木爲舡山忽墜石傷賊故以靈名又有丹崖山崖石俱赤有金銀星世傳仙人煉丹于此有池深尺許名丹井○靈石山上有教忠崇報寺東晉隆安二年建舊傳有僧誦仁王經而其露降遂名露山有隋智顗繙經臺唐李義山著書堂○又十里爲三峯山下峯兩山夾一水而入至中峯兩石蹲踞號石門前有大溪石柱屹立于中又四里至上峯有洞空濶尤勝三峯皆山少田居人以造

權爲業○三童山在縣西南十七里上有三峯各高數丈狀如童子三童溪之水出焉東流十八里入永寧江折而西曰岱石山旁有巨石如人俗名大人山山側有岱石潭又西三里曰鳴山每祈禱輒聞飄風驟雨之聲下有鳴川潭又名藏雪潭○瑞岩山在縣西北四十五里山石皆紫色舊有如意道人居之絕粒菴前有滴滴泉泓潔可愛宋楊傑詩岩谷連天嶺松杉微象山路從雲外入人自海邊還禪榻紅塵斷經窓白晝開玉蓮生有處香蒲翠微間○輿地碑目縣西北有定光觀吳黃武

台州府志勝

十

中建前有二池葛玄嘗以其一煉丹水特清大旱不涸每有靈怪蕩激而起其波高數丈○晉井在縣治內磚上有太和二年字○塚記云晉王昏墓在縣南之樓崎山墓甕螭形魚文貫以柳或爲錢狀旁有文云晉永和十二年○唐李公亮墓在縣南一十五里○宋杜範墓在黃杜山○車若水墓在詭詔○章敦禮墓在黃墓○謝克家墓在縣西五十里○黃巖志十六卷永嘉蔡範甫撰

天台縣

嘉定甲

三國吳析章安置南始平縣此縣之始也晉武帝

以嫌于雍州之始平改名始豐唐高宗改名唐興五代朱梁始改天台○按志天台山在縣北三里自神迹石延袤國清赤城桐廬至于華頂皆名天台實一邑諸山之總名陶隱居真誥云高一萬八千丈周廻八百里山有八重四面如一當斗牛之分上應台星故曰天台赤城者土石皆赤遙望如城述異記云赤城一峯高可三百丈丹壁燦日山麓有岩方廣其下爲深淵晉義熙初僧曇猷至此忽有人負而投于淵者猷飛錫救之水上立涸今之乾溪是也既住此方誦經猛獸巨蟒交見猷不爲

台州府志勝

十

動俄有神詣猷遜謝願他徙于是鼓角凌虛而去齊僧慧明繼至塑卧佛并曇猷像于岩中因名卧佛岩又有二岩曰結集曰釋籤乃梁僧灌頂道場也西有玉京洞蓋十洞天之第六茅司命真君所治徐靈小錄云其下別有洞臺方二百里魏夫人所治中有日月二辰瑤花芝草今洞口有石刻玉京字宋余奕玉京洞誌東臨滄海安得仙誤入桃源小洞天一局棋殘消幾刻老龍鬚甲已蒼然自赤城而北至佛隴若梁僧定光隱三十年人無知者智觀在江陵夢被光引至山巔曰汝當住此

乃觀至佛隴光曰憶昔招手言否顙乃悟光曰金地吾已居之爾宜往銀峯今有金地嶺銀地嶺是也○踰十里至石橋兩崖門立石橋橫亘其上廣不盈咫而出北左右肩有數泉飛流至橋始伏伏出仍瀉爲瀑可百餘尺掛岩石間自下視之石橋在半天而墮雪之溜空中轉擊潭水聲震林谷西域記云佛言震旦天台山石橋方廣聖寺五百大經溪所居天台記云橋長七丈北濶二尺南濶七天龍形龜背中有尖起丈餘莓苔甚滑難度孫興公賦踐莓苔之滑石是也橋頭有亭曰曇化亭石

台州府志勝

卷之六

圭

鐘有木瓜華蛇時來盤糾至寶落供大士乃去號爲護聖瓜○國清寺有五峯正北曰八桂東北曰靈龕東南曰祥雲西南曰靈芝西北曰暎霞前有雙澗合流南注大溪其下爲國清寺乃智凱禪師台山十八剎此爲定光授記第一道場普明禪師初止寺之半岩難于得泉以杖扣石而泉湧出今爲錫杖泉唐豐干亦居此寺形貌寢愚被髮布裘與寒山拾得相親長吟大笑人莫測也貞觀中太守閻丘胤問干天台有何聖賢干曰國清寺寒山拾得貌頽風狂蓋普賢文殊後身也問丘至寺二

入方據火談笑閻丘遽前揖之二人云豐干饒舌遂搖手出門而去皮日休詩十里松門國清路飯猿臺上菩提樹怪來烟雨落晴天元是海風吹瀑布陸龜蒙詩峯帶樓臺天外立明河色近杳巖濕松間石上定僧寒半夜猶溪水聲急杜荀鶴詩一到天台寺高低景旋生共僧岩上坐見客海邊行野色人耕破山根浪打鳴忙時向閒處不覺有閒情○玉霄峯卽洞天宮也在縣北二十五里重崖疊嶂松竹葱蒨產香茅劒南詩稿云予所領崇道觀在天台玉霄峯下舊有小閣臨官道傍予命曰

台州府志勝

卷之六

圭

玉霄閣仍爲詩云竹輿衝雨到天台綠樹陰中小閣開喚作玉霄君會否要知小吏按行來○白雲峯與玉霄相對古有白雲先生唐司馬承禎隱此亦號白雲子嘗應睿宗召出山之東北而悔因名曰司馬悔山在道書爲第十六福地雲笈七籤載司馬悔山在天台山北李明仙人所治又北爲靈墟則白雲先生棲止處世說王右軍得筆法于白雲先生是也○過金地嶺折而西北有寒風閣兩崖如城巨石踞其表罡風蓬蓬驅石欲舞人行不成步盛暑披裘而慄由關東而上爲華頂峯乃山

之第八重最高處少晴多晦夏猶積雪中有石洞
絢采光明奇怪萬狀華頂者自下望之若蓮花之
亭亭亭而獨秀也峯之下有察嶺亂石爲峽乃漢
徵君高察隱處又數里下雙溪上天柱峯轉峯左
三里許上下二深池池中爲馳道傳云秦始皇山
此登山以望海絕頂有王右軍墨池李白書堂及
智詵禪師降魔塔禮經壇唐李紳華頂峯詩欲向
仙峯煉九丹獨瞻華頂禮真壇石標琪樹凌天碧
水掛銀河映日寒天外鶴聲垂絳節洞中雲氣隱
琅玕浮生未有從師路空誦仙經想羽翰皮日休

台州府志勝不卷之六

古

詩青冥向上玉霄峯元始先生戴紫蓉曉案瓊文
光洞壑夜壇香氣惹杉松閒迎仙客來爲鶴靜嘆
靈符去是龍子細捫心無俗骨欲如師去肯相容
陸龜蒙詩天台一萬八千丈師在浮雲端掩扉永
夜祇知星斗大深秋猶見海山微風前幾露青毛
節雪後應披白羽衣南望烟霞空冉冉欲將飛魄
問靈威○明岩在桐栢山下初入如巖局深遂石
竇嵌空樓閣半在岩間不復覆以茅瓦仰石成簷
洞口有幅影馬跡俗傳太守問丘徧謁寒山拾得
于國清寺二仙出門去追及至此因拍手笑入岩

岩遂闔閭丘亦晚于此崖上飛泉百丈以鐵索斜
接之居者不煩遠汲又北行三里餘至寒岩石壁
高數百丈爲屏爲洞容數百人夏至不見日影一
石方正則寒山于宴坐處西臨絕壑爲天橋室宇
皆置岩下寒山于本無名姓以其居寒山石故以
爲稱僧皎然詩衆山搖落盡寒翠正重重卽此處
也寒山于容貌枯悴布襦零落時來國清寺就拾
得取衆僧殘菜滓爲食或時呼囑望空謾罵出言
如狂嘗得詩題樹石間好事者隨錄之得二百餘
首拾得亦無名姓豐干和尚于赤城道側聞兒啼

台州府志勝不卷之六

五

聲因拾得之故以爲名長爲國清寺厨頭絛器每
齋畢澄濾食滓以筒盛之寒山來卽負之去郭三
菴寒山詩道人棲碧山雲居在空曲十年海潮音
外物緣已熟時携貝葉書步入深林讀宵眠護禪
虎晝引穿花鹿菴中三昧語藥我貪嗔毒何常脫
雙屨藜杖追高躡○桐栢山在縣西北二十里周
圍九峯曰紫霄曰翠微曰玉泉曰卧龍曰琪樹曰
華琳曰玉女曰玉霄曰華頂司馬承禎旣應召出
復還棲隱于此山北有金庭玉堂仙人芝草是也又
自山陰至臨海多有金庭玉堂仙人芝草是也又

三里爲雲峯上多平時間以陂池唐徐靈府隱焉
會昌初累徵不起寶曆初賜峯名方瀛又二里曰
瓊臺山轉南三里曰雙闕山兩峯千仞屹然相向
宋祥符中山人張無夢結廬于此真宗召越闕講
易并還元篇除著作郎不受寒山子寒山詩重岩
我卜居鳥道絕人跡庭除何所有白雲抱幽石佳
此凡幾年屢見春冬易寄語鐘鼎家虛名定無益
又登陟寒山道寒山路不窮溪中石磊磊澗澗草
濛濛苔滑非關雨松鳴不假風誰能超世累共坐
白雲中宋洪适前題峭壁插青冥層岩覆化城空

台州府志勝八卷之六

七

中清磬發幽處慧燈明萬瓦是雲氣四簷無雨聲
豐干不饒舌此地孰知名唐孟浩然桐栢觀詩海
泛信風帆夕宿逗雲島綱尋滄海趣近愛赤城好
捫蘿亦踐苔輟棹恣探討息陰憇桐栢采秀弄芝
草鶴唳清露垂雞鳴信潮早願言解纓緩從此去
煩惱高步凌四明元蹤得二老紛吾遠游意學彼
長生道日夕望三山雲濤空浩浩鄭薰前題深山
桐栢觀殘雪路猶分數里踏紅葉全家穿碧雲月
寒山嶂曉風遠蕙蘭芬明月出林去吹笙不可聞
元積中詩九峯巍絕亂雲屯石室瓊臺舊址存山

險密盤之字徑洞深高闕丙方門碧桃花爛春溪
暖紫玉簫沈月榭昏未覺臺中光景晚人間歸去
見來孫○東橫山俗名覆船山本天台山足其山
坦夷中有三溪冬溫夏冽右去縣東十里其地有
鳳凰山卽孫綽觀翔鸞之濟濟聽鳴鳳之邕邕者
也唐許渾宿東橫瀨詩孤舟路漸賒時見碧桃花
溪雨灘聲急岩風樹勢斜獼猴垂弱蔓鷓鴣橫
槎漫向山林宿無人識阮家○丹霞洞去司馬悔
山二里上有仙人拍手岩飛瀑數十丈下注爲靈
溪唐刺史柳泌于此煉藥宋劉昭禹靈溪詩鼇海

台州府志勝八卷之六

七

西邊地宵吟景象寬雲開孤月上瀑噴一山寒人
異髮常綠草靈秋不乾無由此棲息魂夢在長安
○桃源洞在縣西北二十二里一名劉阮洞漢末
平中劉晨阮肇二人入天台山採藥迷道得桃實
食之遂覺身輕下視岩溪中孟盤茵褥浮溪而下
行數里見二女方笄笑迎以歸留半載謝去至家
子孫已七世宋景祐中僧明照亦因採藥見金橋
跨水光彩眩目亦有二女戲于水上始水仙之洞
府也唐元稹詩仙洞千年一度開等閒偷入又偷
回桃花飛盡秋風起何處清沈去不來又芙蓉脂

肉綠雲鬟卷畫樓臺青黛山千樹桃花萬年樂不知何事憶人間曹唐詩樹入天台石路新雲和草淨迥無塵烟霞不省生前事水木空疑夢後身往往雞鳴岩下月時時犬吠洞中春不知此地歸何處須就桃源問主人宋景祐中僧明照亦因採藥恍然如劉阮所見乃疏鑿爲亭邑令鄭至道卽其景物隨處命名如鳴玉澗桃花塢之屬仍自爲記右去縣西北二十里○瀑布山一名紫凝山與瑞龍天柱香鑪應澤四峯相望山之瀑布千丈陸羽品爲天下第一水與國清福聖二瀑爲三神

台州府志勝八卷之六

大

異記云餘姚人虞洪入山採茗遇一道士率三青羊引洪至瀑布山曰吾丹丘子也聞子善具飲常思見惠山中有大茗可以相給○志云大溪在縣西南源出婺州之東陽以其受始豐天台桐栢之水故以大名○始豐溪在縣西源出大盆山東流合天台桐栢二水入于大溪按大盆山在縣西一百八十里西接東陽南界仙居遙望山形如覆盆卽婺江之源也二溪各去縣數百步○靈溪在縣西北三十里卽孫綽賦過靈溪而一濯者又二十里爲銅溪其水黃色狀如銅汁故名唐鄭集靈溪

館詩孤吟疎雨絕荒館亂峯前曉露棲危石秋萍滿敗船溜從華頂落桐與赤城連已有求閒意來期在暮年○楠溪在縣東三十里一名油溪晉東晉啟蒙記注云入天台路經油溪水深險清泛前行平橋路徑不盈尺長數十丈下臨絕澗惟忘其身然後能濟再折而比爲九折峯僧智顗宴坐立道場處孫興公賦既克濟于九折路威夷而脩通○輿地碑目云天台觀葛仙翁篆吳公類要以吳赤烏元年葛仙翁所建其篆額卽仙翁親筆○桐栢山金庭館記集古錄云南齊沈約造兒珪之書

台州府志勝八卷之六

尤

求泰中因地名建館曰金庭宮置道士十人蓋道士自叙之言非約所撰其謂之造者疑如後世立碑之類爾碑以永元三年立○桐栢觀勅唐景雲二年立桐栢頌唐崔尚撰文韓擇木八分書碑天寶元年立○脩桐栢宮碑唐元禎撰顏顥書景雲中道士徐靈府等重葺碑以太和四年立○國清寺記唐柳公權書額○佛窟禪師碑唐太和六年立○天台禪林寺碑唐元和六年立智者大師脩禪林道場碑唐元和二年立俱在大慈寺○禪林寺智者大師畫譜大曆中顏真卿文右俱不存

仙居縣

在府西九十里

輿地志云晉永和三年分始豐縣南鄉置樂安縣自是屢廢屢置至五代錢氏改名永安宋景德四年改今名晏公類要云王姥山在仙居縣界亦名天姥山相傳古仙人所居○岩老堂宋皇佑間令陳襄建陳在仙居嘗鑿池引水流進竹林因以釣翁名臺習坎嘉魚名亭其詩云手持養性書此地學焦漁身類龍蛇蟄情深木石居先迷成遠復正靜得中虛何必求深隱幽蒙是所廬徐融和云大老富詩書不煩耕與漁岩同傳說築人學仲尼居

台州府志勝

入卷之六

廿

靜性觀三極窮神味六虛欲知休復意仁義是蘊廬○福應山在縣東二里形家以邑居龍首得地之勝陳公述古因命名朱晦翁更名畫美紹熙中建畫美亭于上張景脩記云仙居邑之美者也而一山盡焉福應山之美者也而一亭盡焉畫美亭者非盡一山之謂也盡一邑之謂也又東十三里有石室深三丈廣一丈名龕山迤南曰峽山衆峯拱列溪澗紆回以其可方瞿塘三峽故名○綵仙山在縣北二里其下有溪又西一里有陽公岩岩之洞高廣如屋折而北二十里有紫籐山舊

名竹山唐天寶中明皇夢一人紫服而朝自稱竹山神來獻瑞鳳明日果有鳳來翔遂賜今名○南峯去縣三里有興道院院內有浮圖俗呼南塔及涌清亭藍光趨稼二軒下瞰大溪又折而東二里有安洲山舊名管山亦名九旬山上有潭唐武德初高僧灌頂講經于此是時山在水中波濤四絕漁者甚衆師勸止之漁人不聽忽一夕風雨大作旦則爲洲故更今名又二里有漁潭山又二里有枕溪山又二十里爲括蒼山重岡複徑隨勢高下有洞曰成德隱真乃十大洞天之一唐劉昭禹

台州府志勝

入卷之六

廿

詩盡自行方半諸山直下看白雲隨步起危徑極天盤瀑頂橋形小溪邊店影寒往來空太息玄翳改非難○龍崕山在縣西南十五里山多玲瓏巨石其岩石峭白者曰白岩山水自層岩飛瀉者曰淙水岩又十里有麻姑岩巨石谿衍矯如人立又十五里有水簾山山瀑若簾垂四時不竭又五里有萬竹山絕頂爲新羅嶺以可望新羅國故名宋左丞薛昂避寇于此有詩云萬竹山中數十家重重流水繞桑麻飽餐鼓腹成何事桃李春風任自花○靈山在縣西二十里上有淨梵院舊志云龕

鳥不敢棲故山以靈名又五里曰張阜山東瞰縣治南環以溪泉谷深秀舊傳逸民張阜居焉內有潭亦曰張阜潭其側又一沙潭每潮長則水浸沙石潮退復平近有雲峯峯有小洞雲出其中故名唐許渾詩西岩一逕不通樵八十持盃未覺遙龍卧石潭聞夜雨鴈移沙渚見秋潮經雨露濕文多隱香印風吹字半清應笑東歸又南去越山無路水迢迢○輿地碑曰云唐金像寺在仙居縣西三十五里有石幢巋然巖多剝落惟存垂拱三年立等字○又十五里爲玉几山山之東有項羽山也

台州府志勝八卷之六

三

之西有瑤崩瀑源出項羽山流爲三潭潭之下右岩壁立瀑緣壁而下或雨初霽則飛流濺沫廣至數丈相近有景星山其高萬仞上有鹿頸岩以形似而名長數丈平曠可行左右崖壁削峻絕不可登又相近有韋羌山山甚深僻石壁上刻科斗篆文又十里有連羌山亦名天姥又五里有枕海山與潮汝相接陳襄韋羌山詩去年曾覽韋羌圖云有仙人古篆書千尺石岩無路到不知科斗是何如○志云蓼溪在縣西二十里南溪在西南二十九里方溪在縣東左溪在縣西各去一百餘里此

四溪之源皆出永嘉杉岡又有櫟溪在縣西二十里源出處葵溫三府界又六十里爲土清溪源出紫岩山凡此六溪皆北流入于大溪○班溪在縣東五十八里源出天台竹山柘溪在縣西六十里源出馬嶺真溪在縣西一百七十里源出馮師山凡此三溪皆東流入于大溪○彭溪在縣東二十里白水溪在東北四十里其源皆出天台馬嶺溪在縣西六十里又十里有瞿溪又三十里有石井溪其源俱出東陽○曹溪在縣西九十里又十六里有朱溪哈裏溪又七十里有慈溪其源皆出蒼

台州府志勝八卷之六

世

嶺凡此九溪皆南流入于大溪○廟記云蔡經宅在縣東南二十里經吳人遇王方平學道于此人爲建宅曰隱真宮○慈感廟在縣北六里祀杜氏二女唐天寶間縣令鍾離介記畧云二女生隋大業末有庖人挑之二女憤激殺庖者去而之孟溪隱會溪溢死焉介得第將授仙居女現夢之長安

印中

寧海縣

在府東北一百八十里

輿地廣記胥析回浦鄞二縣地置寧海縣旋廢唐永元中復置○輿地紀勝云三瑞堂在寧海縣主

簾聽西時簿官洪皓以荷花桃實竹幹有連理之瑞已而生子适故以三瑞名廷長以貳車行縣題詩云久矣馳菟夢今登三瑞堂故山有喬木近事話甘紫展驥慙充位占熊憶問祥白雲留不住極目是吾鄉○交翠亭亦洪皓建子适有詩云三十年中事驚樓築小亭寒聲長新籜清闕拂疎櫺水轉前時綠山儂遠處青重來勤問訊此別記秋螢○讀書徑在西園唐令薛抗建初名風漪戎呈寄詩以出宰山水縣讀書松竹林爲韻乃更今名○卧龍山在縣東南一里山勢蜿蜒如龍偃卧故名

卷之六

草

舊有鶴林菴又里許有千丈岩壁立高峻其下爲青鏡湖○白嶠山在縣東五里晉武帝初置寧海縣于此又里許有石臺山上數石屹立如臺故名又四里有杜鵑山以山多杜鵑花春日開如錦繡又十五里有瀛岩濱于海崖峭險絕下蘸波心宋縣令高襲明書瀛岩二字刻于石壁無名氏詩温台萬丘壑走徧成重厓佳山落床頭咫尺反不知我聞野老說山乃神所移蓬萊本三峯一峯今失之上布雲霓秀下壓鼉背欹夜半見海日紫暈開咸池魍魎着老木狂飈向人啼危亭無遺棟絕

壁無舊題夫子過我缺身敢獨醅我病不能從夢寐常追隨秋風海上來霜清鱸正肥行尋越溪鞅肅此塵外鞿○五龍山在縣治北新河城垣橫其上宋陶昭撰書室于山趾繪淵明小像于壁晦菴朱子題曰慧遠無此冠靖節無此巾此巾要亦有無此漉酒人元盛聖泉詩塵居趣自幽脫巾掛龍石浮雲宿簷端幽篁翳暎色萬卷伊吾聲半山燈火夕笑談紫陽詩躋攀謝公屐皓鶴唳海東月明松露滴○五龍之右爲鎮岩山有石壁二高廣四丈古刻漫漶不可辨惟見顏真卿姓字岩前

卷之六

草

有小石井久旱不涸越十里爲大中山當縣後正中形若屏障又二十里爲赤柱山有闕雞岩兩巒對峙如闕雞然又有赤稻山東跨鄞江西連鴈蒼鴈蒼者以山上有石如鴈鴈也又三十里爲天門山漢地里志鄞縣之南寧海之北有天門山入于海蓋此山從嵎剌發足繚繞三百餘里其麓有闕風臺拔起數千仞旁有香岩石井鈞臺諸勝又二十里曰張山上有石鏡又東北十里曰蓋蒼山一名茶山瀕于大海紫溪之源出焉上有石刻真逸二字相傳陶弘景嘗居此真逸弘景號也○摘星

嶺在縣南二十五里舊名新嶺以其高峻更名嶺
星宋盧駿元詩自知牛關耳不柰晚猿何客髮愁
中老秋山別後多扁舟桃葉渡夜雨竹枝歌頗有
盧全益時堪戰睡魔其已知星可摘酒信路皆通
日影穿雲薄天形入水空遙看梁苑雪猶挹楚臺
鳳指點中華地山河萬國雄○崇教寺在縣西山
相傳王逸少許玄度所游采左綿詩只把山爲界
紅塵自此分竹窓吟聽雪苔石坐看雲意靜詩先
到心清道自聞深慙王許輩猿鶴舊同羣○梁王
山在縣西二十五里梁末侯景作亂陳霸先兵起

雷州府志勝八卷之六

共

梁有王子避地于此又十里爲白龍潭崇巖挿空
其下有潭白龍所潛又五里爲桐栢山連接天台
卽司馬承禎棲隱處也又五十里爲鹿頭峯以形
似而名亦與天台接界舊經云昔有人登其巔西
望林壑中隱隱數家各有花如桃李及卽之已迷
其處○紫溪洞在縣西北四十里幽阻險隘唐天
寶間袁晁據浙東李光弼率師擊斬之晁弟瑛從
五百騎遁入洞中光弼駐兵洞口絕其糧道賊竟
餓死至宋岩石中尚有遺鏃又十里爲王愛山界
于天台咸通中刻寇表甫據寧海懿宗遣王式發

兵討之甫從此山遁去通鑑謂黃罕嶺者誤也又
西北五十里有硤石門山兩峯夾起矗立千仞又
有龍鬚山山岡四斷怪石屹立有三龍湫○靈鳳
山在縣南七十里又二十里曰獅子山絕頂有巨
人跡世傳神仙隱跡相近有丹丘孫綽賦訪羽人
于丹丘尋不死之福庭是也宋林景熙靈鳳山詩
日澹梧枝洞鎖苔人間短繖幾驚猜九苞自是冲
霄物曾爲簫韶一出來又巨人跡詩仙子渾無涉
世勞屐痕一尺寄孤高幾人失腳風波裏可是雲
根立得牢○又十里爲仙岩山絕頂二石如人偶
坐石洞多奇草靈藥相近有危橋嶺二石峙立如
門其下泉流湍急又有與湖岩巒嵒獨秀高挿霄
漢外環以湖如石貯盆中又有東郭岩秀石岸巉
涯爲一區雖盛夏涼氣逼人○迤東南有龍母山
山有秋水潭一名玉溪宋郡志吳尚書屈晃生子
坦坦偕其母自大固山徙隱于此坦尋化爲龍母
亦屍解塋其處○大龍嶺在縣西南一百里廻旋
曲折九三十五盤又二十里有壽星岩狀如老人
一名老人山相近有桐岩嶺舊路由狼坑紆廻阻
滯宋靖康後取道于此至今便之○海游溪在縣

雷州府志勝八卷之六

共

南四十里又有上白溪小鼈溪東溪寧和溪皆繞流縣城外有廣度河又東有淮河西有吳溪皆東流入于海縣北有白渚溪馬紫溪皆東北由鄆江入于海○志云黃氏讀書堂在平洞村宋邑人黃軻建葉適詩誰能採桑談誰能帶經鋤古人讀書地妙理出窮問矧今治華屋山翠擁前除風煙聚景趣花草成畫圖主人烏紗恰子弟繡羅襦新裝讀紙印上記開闢初展卷忽有得欣如奏齊竿勉哉造其微勿逐皮毛麤

太平縣在府東南一百四十里

台州府志勝不卷之末

末

皇明成化五年分黃岩縣南三鄉置太平縣十二年又分樂清縣下山六都以益之○志云百千山在治北乃縣之據山也其西北曰官鑑山東五十步曰鳳皇山南一里曰石牛山曰鶴鳴山天馬山石磐山有瀑布泉注爲石潭者三○五龍山在縣東南八里一名石夫人山又名百丈岩石聳立大可百圍狀如婦人宋郡志昔有人漁于海濱不返其妻携七子登高望之感而成石下有七石人蓋其子云山麓有消山消湖消村寰宇記謂山北湖陰有蕭御史廟故俗訛蕭爲消又有湖曰橫湖

凡東南溪流三十有六皆會焉與五龍山相接有錦屏山奇石峭立如屏每春夏花開爛爛如錦故名有岩曰卓筆曰搶珠曰仙局曰玉樓曰侍者皆屹立如人又二十里爲松門山王羲之游西郡記云永寧縣界海中有松門島與上皆生松卽此○雲源山一名雪山在縣東三十里有百丈岩羅漢洞智者泉岩羅潭相傳昔晉王居此山下有小牌曰晉王游適之地○大雷山在縣南十七里高千餘丈週迴三十餘里有龍湫又南三十里海中有玉環山靈山二山相連其峽如門名楚門港海

台州府志勝不卷之末

末

船由此出入○中崙山一名溫嶺在縣西十里有東西兩峯東大西小俗名大嶺小嶺常煥少寒路通樂清縣稍南曰龍鳴山上有龍湫又西二里曰西原山一名西山絕頂有丹竈丹井唐張兆期藏修于此又西十三里有湖霧山屹立湖側西連鴈蕩北接唐嶺常有海氣升騰如霧故名又西北三十里曰婁嶠山一曰樓旗山雄峙霄漢海船視爲嚮導山頂有龍湫其下產石米通明如雪又西北十三里有王城山一名方城王羲之游西郡記云臨海南界有方城山絕巘壁立如城相傳越王失

國嘗保此山唐天寶六年改今名中有漁翁岩獅子岩石柱峯仙人濯足灘爛柯石雞母石平霞嶂露臺石牛春隴水簾天窓諸境山頂平曠約百餘畝居人墾而耕之號仙人田下有桃溪○大唐嶺在縣西北四十里下有溪南流至白箬灘入河出車嶺分支東南行十里許曰靈伏山山形如龍布爪而伏上有龍湫其西有玉山山巔有石色白而潤又五里有盤山界于黃岩宋王十朋盤山詩一嶺迢迢十里賒行人終日踏烟霞青山遮道盤千匝歸夢何曾不到家○迂江在新河城外濶二里

台州府志勝入卷之六

凡水鄉河及山谷諸水皆至此入海溫嶺江在溫嶺南俗稱江下南楚門港入海凡海艦西去温州樂清北去台州黃岩皆繫泊于此大閭港在長沙海口南有驪洋其下有驪龍窟出此則茫無岸矣○文獻通考載滕公自金一老雅陽滕府字子勤爲台州戶曹方臘之亂仙居人呂師襲應之攻城其亟府佐太守極力備禦一城保全郡人德之至今廟食焉○國初刑部尚書魏澤謫臨海典史時捕方正學家不許容留一人公爲悉力營護以聞上派謝文肅詩所謂孫枝一葉存者也

澤字彥思過孝孺故居有荀與衡雨過候城撫景令人感慨生之句云

浙江台州府名勝志卷之六

台州府志勝入卷之六

三

温州府

在浙江省東南
六百五十五里

漢書孝惠三年封閩君搖爲東海王東甌卽東海王之都也武帝以其地爲廻浦縣後漢改廻浦爲章安章帝分章安之東甌鄉置永寧縣以永寧江爲名晉明帝太寧元年分臨海郡五縣立永嘉郡其曰温州則自唐高宗分括州而置蓋以其地多溫而少寒也當晉立郡時相地築城郭璞登西郭山望海壇華蓋松臺積穀諸山錯立如北斗謂父老曰若城繞山當驟富盛然不免兵戈水火城于山則寇不入斗可以長保安逸乃跨山爲城因名温州府志勝入卷之七

達生還可託○郡治前有五馬坊晉王羲之爲守庭列五馬繡鞍銀勒出則乘之後人因立五馬坊于治前逸少在郡喜臨池作書宋米芾書墨池二大字今有墨池坊郡守晏倫又建流觴亭在郡齋東偏甃池爲山水繪蘭亭脩模圖于壁○永嘉志云宋元嘉年裴松之爲郡守勤恤百姓多惠政吏民懷之齊陳間橫陽山谷嶮峻盜賊蔽匿及豐州刺史章大寶之叛郡與相隣而前後太守范述曾毛喜皆有保障之功唐上元初李阜以長史攝州事歲大饑便宜發官廩數十萬所活甚衆貞

温州府志勝入卷之七

二

元間路應移温州命民築堤于樂成橫陽界始免水患得腴田無算韓昌黎爲立碑其後傳宗朝朱誕與二弟褒放相繼出守杜荀鶴贈以詩云永嘉爲郡昔推名連屬君家弟與兄教化靜師範渤海文章高體謝宣城山從海岸嶺景水自城根演政聲今日老輪催博士不妨疎逸伴雙旌趙凝送張又新之任詩東晉江山稱永嘉莫辭紅旆向天涯凝絃夜醉松亭月歌馬晚尋溪寺花地與剡川分水國境將逢嶠共烟霞却愁明詔徵非晚不到秋風見海槎李頎送馬錄事之永嘉郡詩孤城臨

海樹萬室帶山烟春日溪湖淨芳華散英連欲假
盤餐熟下簾鱸魚鮮野鶴留梯際楚雲飛而前聽
歌送離曲且駐木蘭船贈爾八行字當聞嘉政傳
宋楊蟠郡中書事把麾何所往海上有名山潮落
魚堪拾雲低鴈可攀一城仙島上雙塔畫圖間當
路誰知已天應賜我閒又去郡後作爲官一十政
宦游五十秋平生憶何處最憶是溫州思遠城南
曲西岑古渡頭綠觴春送酒紅燭夜行舟不敢言
遺愛惟應念舊游憑君將此曲寄寫謝公樓蟠字
公濟章安人紹聖二年任鐫石前守劉述五事于
溫州府志勝入卷之七

三

儀門以勸民每遇佳景民間老穉必問郡守曾出
游否其得人心若此

永嘉縣

附郭

文獻通攷宋符制陳益之有永嘉編十五卷禮部
侍郎曹器遠有永嘉譜二十四卷按永嘉縣置於
東漢永嘉郡置於東晉然永嘉縣即永嘉郡治也
隋廢郡始改永嘉縣名永嘉唐武德五年置東嘉
州貞觀年州廢上元年改置溫州而縣名如故唐
今有山將孤嶼近水共惡谿連之句唐張子容守
額縣表少府璵詩山繞樓臺出谿通里閭斜曾爲

謝客郡多有逐臣家海氣朝成雨江天晚作霞
詩報賈誼此濕似長沙孟浩然永嘉浦逢張八子
容詩逆旅相逢處江村日暮時衆山遙對酒孤嶼
共題詩解宇隣蛟室人烟接島夷鄉關萬餘里失
路一相悲又永嘉別子容詩舊國余歸楚新年子
賀正掛帆愁海路分手戀朋情日夜故園意汀洲
春草生何時一杯酒重與季鷹傾張子容送孟六
歸襄陽詩東越相逢地西亭送別津風濤看解纜
雲海去愁人鄉在桃林岸山連楓樹春長懷故園
意歸與孟家隣○志云華蓋山在治東城踰其上
溫州府志勝入卷之七

四

周廻九里晉郭璞謂群山連亘如北斗而此山居
中下有容成洞爲道書第十八洞容成太玉之天
上有三生石五粒松金雞嶺青牛谷丹井石龜池
昔人于松根得泉耳而且冷曰老松泉又有蒙泉
左右二穴各鑄宋元詩刻謝靈運與從弟書云地
無佳井賴有山泉者此也舊建華蓋樓已不存今
大觀亭是其址亦名江山一覽亭唐張又新華蓋
樓詩一岫坡陁凝綠草千重虛翠透紅霞愁來始
上消歸思見盡江城數百家宋陳謙前題壓隱築
東山林高撼翠寒雲藏安石館竹掃葛仙壇徑繞

泉鳴壑天低月近欄秋風扶杖屢漉酒助君歡
兩山前題三十六坊如掌平長橋短艇水縱橫銀
河一道江連海蕭障四圍山繞城老樹烟雲春綠
曉小樓簾幙晚紅明陰陰翠影誰家屋夢覺草池
鶯一聲候一元大觀亭詩草蓋倚城巔登臨萬木
烟亭孤尚落日江遠欲浮天雙樹春雲裏孤舟野
水前春心成浩蕩一倍惜離筵○積穀山在城東
南隅山形圓正如高廩故名十有飛霞洞晉邑人
劉根隱此傳有孺子賣飴遇一道人引之入洞
見臺閣森嚴二人對奕歸語其母母隨往視則石
溫州府志勝八卷之七 五

壁已合矣○又有謝客岩謝靈運書白雲曲春草
吟于石崖今已蕪沒惟謝客岩三篆字尚存宋趙
抃謝公岩詩嶺路古叢祠池樓半砌城千年溫俗
意四榜謝公名寄傲留佳句遺思出至誠滔滔蟹
江水東注等休聲按清獻公時从子岷之任州別
駕云○春草池在岩之麓池水湛湛俗稱靈池謝
靈運嘗憩池上其有池上樓詩潛虬媚幽姿飛鴻
響遠音薄霄愧雲浮棲水作淵沈進德智所拙退
耕力不任狗祿返窮海卧疴對空林衾枕昧節候
寒關慙窺臨傾耳聆波瀾舉目眺嶠嶸初景隔緒

屋新陽改故陰池塘生春草園柳變鳴禽祁祁傷
幽夢妻妾感楚吟索居易永久離群難處心持操
豈獨古無悶徵在今張又新詠謝池詩郡郭東南
積穀山謝公曾是此跡琴人來惟有靈池月猶自
嬋娟一水間○宋邑人周行已建東山堂絕境亭
于積穀山上其自爲詩云雲橫絕塵境峻堞若繩
削礪圃列墻樓雲水分脉絡下瞰萬瓦居縹緲見
樓閣松風發天籟泠然衆響作晶瑩天宇淨塵襟
一澄廓翁卷寄題東山堂詩城隅古謝村博士草
堂存惟見烟霞起全無市井喧鶴來巢木杪龜出

溫州府志勝八卷之七 木
巖蒲根消得吟詩客憑欄看幾番○松臺山在城
西隅唐末嘉一宿覺禪師壘于此常有五雲覆其
塔信宗因賜名淨光塔寺曰淨光寺宋太宗賜扁
曰宿覺名山建炎四年高宗駐蹕州治州之見任
寄居官隨班起居以此寺爲都堂陳龜年游淨光
寺詩古寺何年斷山空一斤雲喬松含晚翠脩竹
灑清陰老衲朝陽綴睢鳩帶雨吟俗緣何日了借
榻淨塵襟○海壇山在東北城跨其上北臨永嘉
江東瞰蜃海謝靈運詩開春巖初歲白日出悠悠
蕩志將愉樂瞰海度忘憂策馬度蘭皋縹緲息椒

丘采蕙避大浦寒若履長洲白花臨陽林紫蕭輝
春流非徒不彌忘覽物情爾適營蘇始無畏寂寞
終可求金丹山在城西三里有三峯色如丹
霞逾一里曰香爐峯又二里曰西山一名甌浦山
有半山紫芝慈雲竹瑞鹿諸峯小鴈藏春蟠桃
諸谷丹光赤松二洞飲雀玉乳二泉及獨松翁龍
珠塢諸勝謝靈運詩步出西城門遙望城西岑連
嶂疊嶸嶸青翠杳深沈曉霜楓葉丹夕暉嵐氣陰
節往戚不淺感來念已深羈離戀舊侶迷鳥懷故
林合情尚縈愛如何離賞心宋葉適詩對面吳橋
溫州府志勝卷之七

七

港西山第一家有林皆橘樹無水不荷花竹下晴
番釣松間雨試茶更瞻東掛絲空翠雜朝霞○覆
釜山在城南五里後以宋林靈素葬此又名靈官
山晉郭璞謂郡城象斗者華蓋松臺郭公海壇四
山爲斗魁積穀巽吉仁王三山爲斗柄黃土靈官
二山爲輔弼也靈素邑人以神霄大法得幸徽宗
賜號金門羽客冲虛通真達靈玄妙先生後忤蔡
京與祠溫州天慶觀張如晦棄官從之一日戒如
晦曰可于覆釜山斲地五尺見石龜蛇卽莖我莖
畢宜亟去是日三更援筆題曰四十五年勞生浮

名薄利崢嶸要識神仙舊路中秋月下三更題畢
忽聞雷聲稽首而化及塋斷地果如其言甫下棺
而雷電大作雲霧晦冥失其所在其御賜七寶數
珠與劔印等物俱同瘞至靖康元年欽宗遣使取
數珠將發墓而黑風雷雨百怪雜出使者驚謝天
始霽則數珠在樹上矣永寧江在北門外舊名
慎江一名盤江集異記云唐元和中韋宥于江詩
沙中得箏絃引之蛻蟬舒展投江中化白龍飛去
故稱盤江一名永嘉江孟浩然宿永嘉江寄山陰
崔少府國輔詩我行窮水國君使入京華相去日
溫州府志勝卷之七

八

千里孤帆天一涯卧聞海潮至起視江月斜借問
同舟客何時到永嘉張子容詩永嘉江日暮廻舟
詩無雲天欲暮轉鸛入江烟中遠廻舟月
上行傍潭窺竹暗出山更值微風起乘流
絲管聲○江中孤島東有二峯其麓
有江心寺唐咸通時建宋建炎四年高宗駐蹕御
書清輝浴光二軒刻于石凡十二日始移蹕入城
德祐元年益王廣王走溫州文天祥陸秀夫張世
傑皆來集寺有高宗御座相率哭于座下奉益王
爲天下兵馬都元帥廣王副之先是山有東塔普

寂院高宗改名龍翔西塔淨信院改名興慶紹興
間西蜀清了禪師來主龍翔始合二刹爲一于兩
峯之間謝靈運孤與詩江南倦歷覽江北曠周旋
懷新道轉迴尋異景不延亂流趨正紀孤與婦中
川雲日相掩映空水共澄鮮表靈物莫賞緼真誰
與傳想像崑山姿緬邈區中緣始信安期術得盡
養生年唐杜甫送表虬水嘉詩孤與亭何處天
涯水氣中故人官就此絕景興誰同隱吏逢梅福
看山憶謝公扁舟吾已就把釣待秋風孟浩然登
孤與贈白雲先生詩悠然清江水水落沙與出回

溫州府志勝八卷之七

九

潭石下清綠藤岸傍密蛟人潛不見漁父歌自逸
憶與君別時泛舟如昨日夕陽開返照中生與非
一南望鹿門山歸來憾相失○羅浮山在永寧江
北岸與孤與相望永嘉記云秦時自海上浮來相
近曰永寧山峯巒相屬綿亘數里下爲柗溪謝靈
運有柗溪詩及陶弘景隱居于此唐張又新羅浮
山詩江北重巒積翠濃綺霞遙映碧芙蓉不知末
後滄溟上減却瀛洲第幾峯○華嚴山在城北八
里晉王羲之帖云近得華嚴石塊頗佳卽此又二
里曰北山郡之玉山也有石崖懸瀑高百餘丈渚

爲二潭名曰水滌又曰石門山○北山之表有舍
山宋邑人朱聳隱于此穴岩以居作合山游數千
言號獻猷子郡守周延雋數問餽之不受○謝靈
運登石門最高頂詩晨策尋絕壁夕息在山樓疏
峯枕高館對嶺臨迴溪長林羅戶穴積石擁階基
連岩覺路塞密竹使徑迷來人忘新術去子感故
蹊活活夕流駛噉噉夜依啼沈冥豈別理守道自
不携心界九秋齡日玩三春英居常以代終處順
故安排惜無同懷客共登青雲梯○康樂又有發
歸瀨三瀑布望兩溪詩我行乘日垂放舟候月圓

溫州府志勝八卷之七

十

末江兌風濤涉情弄漪漣積石疎兩溪飛泉倒三
山亦既窮登陟荒雷橫目前窺石不覩景披林豈
見天陽烏尚傾翰幽篁未爲連追尋平常時安知
巢穴難風雨非攸宏擁志誰與宣倘有同枝條此
日卽千年○吹臺山在城南二十里上有王子晉
吹笙臺下有飲霍泉石池生椅桐及笙簫竹梁丘
遲爲守嘗採琴料寄吳興柳惲卽此山也山之陰
屬永嘉山之陽屬瑞安唐張又新詩吹臺山上綵
烟凝日落雲收疊翠屏應調焦桐堪採斲不知誰
是柳吳興○破石山在城西北二十里臨江壁立

如張帆水上安溪繞其下一接青田惡溪七十二灘之水東流入蜃江永嘉記云永嘉南岸有帆石乃堯時神人以破石爲帆將入惡溪道次置之溪側遙望有似張帆今俗名張帆溪與天台相接○又二十里爲青嶂山上有大湖浩渺無際山號七峯水名冷水梁陶弘景棲止于此真諦岩白雲嶺皆其遺蹟宋列真觀道士柯可崇每造絕頂築凌霄臺以居導引辟穀猛虎馴伏其傍○岷岡山在城西三十五里宋邑人戴溪築室其上稱岷隱先生以此亂峯環簇如蓮花瓣深潭邃谷郭溪之水

温州府志勝

卷之七

十

出焉郭溪之水繞于瞿溪山又繞雄溪山合流入會昌湖湖起自漢晉至唐會昌四年太守韋庸重濬因以爲名雖分有西湖南湖總謂之會昌湖也宋葉適世居西湖之水心號水心先生謝靈運瞿溪山飯僧詩迎旭凌絕巖映法歸淑浦鑽燧斷山水揜岸墜石戶結架非丹甍藉田資宿莽清霄颺浮烟空林響法鼓望嶺春靈鷲延心念淨土若乘四等觀永拔三界苦○又二十里爲石鼓山有石如鼓扣之則響謝靈運詩旅人心長久憂憂自相接故鄉路遙遠川陸不可涉溺溺莫與娛發春託

在踰嶺願既無並戚慮庶有協極目昧左淵迴顧眺右袂日沒澗增波雲生嶺逾疊白芷競新苔綠蕨齊初華摘芳芳靡諼愉樂樂不燮佳期緬無像騁望誰云慨○大羅山在城西南四十里東北枕海永嘉記云山北有泉大旱不涸又名泉山東有瀑布長數十丈頂有大湖湖中孤岩獨聳宋李少和世居于此太宗真宗屢召見賜額爲白石岩○小若岩在縣北一百里東西二溪合流岩下淮爲龍潭又有大若岩與之相並其下時出赤水又名赤水山宋邑人林一龍記畧云大若岩石室有洞

温州府志勝

卷之七

十

狀卷螺呀立千尺深窈虛廓梁陶弘景嘗集真誥于此山皆從西北來或峭衆激爲芒爲角爲高峻或自決爲罅爲龕爲大窾又復爲飛瀑爲詭石千態萬狀莫可名數道書第十二福地上有石室可容千人又名石室山沿山削壁高十二丈傳是石室步廊三國時永寧朱孺子從道士王玄真居此岩中常于溪畔見二花犬逐之入枸杞叢下遂斃此叢得枸杞根類花犬堅如石煮之孺子先取食飲俄而飛立前峯謝玄真而去唐邑人傳隱遙亦居此岩辟穀脩煉至調露元年上昇今有登仙石

大若岩是傍有天臺山其形如甌羅列十三峯于前後中有傳岩瀑布泉蟾蜍石龍聽洞石挂諸勝又有石櫃山上一方石傳是黃帝緘玉版金券之秘者○青輿山在城東二百里海中山對峙如門今名青輿門六朝宋永明中郡守顧延之于此築亭以望海又百里有中界山東晉時居人數百家爲孫恩所破今湖田猶存又有松山梁鹽官馬湘與其徒王延叟煉藥于山之西壑忽有雙鶴翔舞遂跨之上并唐張又新記以爲木湍與之玉流山也

溫州府志勝不卷之七

三

瑞安縣在府南六十里

三國吳析章安縣地置羅陽縣後改安陽晉改安固唐天復二年有白鳥棲于縣正北之集雲山事聞改安固爲瑞安吳時縣治在北湖魯魯晉太寧間遷邵興之旁卽今所○志云安陽江在縣南舊名安固又名羅陽又名瑞安又名飛雲渡渡之西有中洲宋陸游瑞安江詩俯仰兩青空舟行明鏡中遂萊定不遠正要一帆風風景熙熙雲渡詩人烟荒縣少澹澹隔秋陰帆影分南北湖聲變古今新傳僧塔遠初日海門深小立蘆風起乘槎動客

心右城東十里卽大海東南北三面浩渺無際○白岩山在縣治東南又名白鹿岩連亘東山廂山障蔽海門上有浮圖東有安泉又有玉泉洞可容百人其泉通海海門之山曰浮龜山橫捍江流如龜上浮猶南曰黃公岩形如筆床○西峴山在縣治西神仙傳梁馬湘至安固上居西峴下每有紫霞覆其居左右有二十八井上應列宿志云鯨山閣在峴山上宋建唐憚詩云僻寺依城郭高居絕市囂溪流漾清淺山翠鬱岩巖寓日清閒日開懷納遠颺歸來厭塵穢我發歌謠郡守蘇起前題

溫州府志勝不卷之七

古

從來海上是名山圓嶠方壺指顧間賴有此軒相映帶盡收佳景在人家有觀潮閣亦宋時建李宗達詩天接海門群岫遠雲飛渡口片帆輕○寶香山在西南三十里上有浮圖江水環遶我洪武初邑人卓敬年十三讀書山中夜歸遇暴風雨遙見火光趨赴之乃一小院扁題體玄入見一老翁坐長明燈下起相勞苦令童子燃枯葉爲燎濕衣敬密問翁爲誰童子曰先生不欲人知其名惟自稱逍遙翁耳敬復脩謹詢翁翁曰吾世業醫往來中條山間陶隱居有丹室在此南來採藥不久將還

郎君無用知也因與一生騎歸及抵家牛忽吃噉
化一黑虎逸去比明尋訪小院不可得數日後乃
在縣西四十里陶弘景丹室故址有古廟是甫夜
所經行者其壁有潘閔夏日宿西禪院詩筆墨猶
新循其路歸見虎跡歷歷尚存敬後登洪武二十
一年進士官至戶部侍郎建文時屢陳大計不用
靖難兵南下敬勉焉○五公山在城西三十里世
傳蕭梁時高僧誌公化公朗公唐公實公介此又
五里有陶山前江後湖陶弘景掛冠後適歷江左
名山獨于此山稽留最久故以名之山上有昇仙

溫州府志勝八卷之七

圭

壇煉丹石種玉畦洗藥池諸勝道書爲第七福地
宋末元兵至此邑之小溪人王小觀乃傾家財募
勇士千餘人迎敵被執不降罵不絕口而死石世
英陶山詩深谷不易到烟霞真勝游翻身渺雲海
長嘯落滄洲曙色楓林曉大香桂子秋更期南澗
石重約泛浮丘○又十里爲許峯山高數千仞海
舶視爲方向相傳許遜煉藥其上丹竈猶存又五
里曰福全山陶弘景亦嘗居此道書爲三十三福
地白雲嶺在其北梁武帝問山中何所有弘景答
以詩曰山中無所有嶺上多白雲只可自怡悅不

堪持贈君○又六十里爲五雲山唐僖宗時令
居此山巔一日有真人乘五色雲下彌日方散郡
上其事因勅賜今名○仙岩山在城東四十里永
嘉大羅山之陽道書第二十六福地上有三皇井
岩頂有黃帝池廣五百餘畝水分八派下有玉函
五潭高下相屬龍巖潭雷潭梅雨潭上有飛瀑數
丈分流四道而下三姑潭宋陳傳良讀書于此傳
良邑人年未三十文名擅天下授徒岩宇四方景
從乾道八年廷對文逼西京而議論過之定爲第
一不果官至待制卒謚文節學者稱止齋先生朱

溫州府志勝八卷之七

圭

晦翁嘗來訪之書溪山第一四字有聖壽禪寺唐
貞觀年建司空圖後爲之銘曰岩之巔森戟鏡天
中宅靈仙岩之瀑風幹洞壑池洶山鑿越之喬靡
之岵人逸而腴其其師其其牧寺祀而復陳傳良
梅雨潭溪詩滾滾群山俱入海堂堂背水若重圍
怒號懸瀑從天下傑立蒼崖夾道陳晉宋至今堪
屈指東南如此豈無人結廬作對吾何敢聊向樵
漁寄此身○又五里爲雲頂山山有齊雲洞漱玉
潭雲頂瀑自黃帝池分流下注于壑○帆船山在
縣北四十五里界于永嘉接大羅爲舟楫要衝

永嘉記云地昔爲海多過 岐山以名唐永嘉真覺禪師此山下人嘗參六祖初到振錫繞祖三匝卓然而立祖曰大德何方而來生大我慢師曰生死事大無常迅速祖曰何不體取無生了無速乎師曰體卽無生了本無速祖曰如是如是少留一宿下山時謂一宿覺師著有證道歌永嘉集張又新帆游山詩漲海曾從此地流片帆飛過碧山頭幾經深谷爲陵後翻覆人間未肯休

樂清縣在府東北六十里

晉元康三年分永嘉縣置樂成縣後梁開平二年

温州府志勝入卷之七

七

錢氏以避梁祖諱改名樂清唐孟浩然除夜樂成張少府宅詩二首雲海訪甌閩風濤泊島濱何知歲除夜得見故鄉親子是乘槎客予爲失路人平生復能幾一別十餘春又疇昔通家好相知無間然續明催畫燭守歲接青筵舊曲梅花唱新正陌酒傳客行隨處樂不見度年華又樂成館中詩異縣天隅僻孤帆海畔過往來鄉信斷留滯客情多臘日聞雷震東風感歲和蟄虫驚戶穴巢鵲貯庭柯徒對芳樽酒其如伏枕何歸歟理舟楫江海正無波○志云翔雲山在縣治後東接鴈蕩西連白

石高山大谷雜沓若翔雲奇崎茂林爲邑屏幃山之左有九牛山上有九石橫列以謝靈運所常游又名謝公山前有東塔山宋紹興二十五年十月朔有景雲見于此光耀五色明年邑人王十朋廷對第一○西塔山在治西山之右爲丹霞山晉邑人張文君名鴈脩煉于此嘗乘白鹿吹玉簫游諸峯郡守王義之往訪文君遁入苦竹中義之不得見而去後乃捨宅爲寺時有白鶴飛鳴其中因名白鶴寺山曰白鶴山山之西有簫臺山相傳王子晉吹簫之所其麓有沐簫泉又有雙瀑泉下漚爲

温州府志勝入卷之七

七

潭流爲西溪宋時白鶴寺信南禪師以景祐二年詣都上郊禮願表乞藏經許之因進聖德詩賦賜對訪以鄉里答曰臣所居乃王子晉吹簫之地張文君入竹之鄉上曰是樂成僧也賜號文英大師仍賜大藏經及三朝御書以歸唐沈佺期白鶴寺詩碧海開龍藏青雲起鴈堂潮聲應法鼓雨氣濕天香樹接前山暗溪乘瀑水涼無言頌居遠清淨得空王明鮑璋前題詩渡頭春水染苔衣溪上乘幽入翠微碧樹深藏山外寺白雲閒鎖竹間扉花陰犬吠客初到松頂鶴眠雲亦歸最是山僧無事

鹿港沙鷺共忘機○按志八老亭在沐簫泉上
侍郎陳璋有記聽琴樓在白鶴寺內元休泉生焉
青山如橫琴雙瀑爲之絃何人作此曲一彈三千
年上有倚天拂雲之倚松下有伏波步月之蒼龜
松今未雕龜木老人問此曲何時了我來十月溪
水消古木萬壑風蕭蕭龍流向我作宮徵使我聽
之心寂寥臨軒再升問此水果由去後誰知已我
今勝有兩耳座不敢向此溪中洗山僧煮茗想父
韻吾亦無如此水何○西際山在治西五里山之
西南北三面蒼崖峭立環若翠屏惟東一面軒豁

溫州府志勝八卷之七

九

如門大海在前北有瀑布從崖頂懸空而下飛流
濺沫雖盛夏涼氣逼人又七里有章輿山一名雙
峯山東西溪夾山而流又三里有湖濱山石崖橫
亘澗水出自深谷又有山口盤谷山東臨于海宋
王十朋之孫圖讀書于此郡守表之曰隆儒里山
上有觀澗石化羊岡龍鬚泉麓有卧獅岩○又十
里爲白石山高一千丈周二百三十里唐天寶初
改名五色山純石無土木上有昇仙壇屑玉泉列
玉洞連珠潭藏真塢應天洞其巔夜半見日初出
澗壑之泉東西流出五六里合而爲湖廣三十餘

丈名白石湖又名合湖山下有徑劉宋郡守謝靈
運行田之所其詩云小邑居易貧災年民無生知
淺懼不周愛深憂在情舊業橫海外蕪穢積頽齡
饑饉不可久甘心務經營千頃帶遠堤萬里瀉長
汀洲流洶澮合連統膝埒屏雖非楚宮化荒闕亦
黎萌雖非鄭白渠每歲望東京天鑒倘不孤來茲
驗微誠唐張子容自樂成赴永嘉枉路至白石湖
寄李少府詩西行礙淺石北轉入谿橋樹色烟輕
重湖光風動搖百花亂飛雪萬嶺登青霄猿掛臨
潭條鷗迎出浦橈惟應賞心客茲路不言遙○玉

溫州府志勝八卷之七

十

蕭峯在城西南十五里芳林嶺之北峯下有明慶
院宋時建僧宗覺戒律甚嚴持誦經呪應驗如響
宣和間爲寇所追墮于層崖之下振衣而起了無
傷損尤善文章所著有蕭峯集又有處嚴者博涉
能文詩寺碑碣多出其筆翰墨亦臻妙品所著有
潛澗集王十朋將產其母夢嚴來惠以金環夢覺
而嚴適坐化遂產十朋紹興間龜齡道經石橋寺
寺僧先夢迎嚴和尚詰旦而龜齡至故其詩云人
喚我爲嚴首座前身曾寫石橋碑○左原山在縣
東北三十里群峯環繞中有田二千餘畝民居悉

藏谷中一峯如卓筆有梅溪導源左嶺爲小鴈蕩
王龜齡之居在焉其詩云我向梅溪山上家幾看
清淺浸橫斜手栽樹已隨人老雪鬢蕭疎對此花
又水晶銀線滑湖中遙與吳江氣象同我輩他年
厭游宦思歸應不待秋風又北望吾廬山最獨南
通蕭寺景逾幽白雲夜向原中宿幾度隨人到嶺
頭又歸鴈行飛集淵阿不合江海稻梁多峯頭一
宕雖云小飲啄猶堪避網羅○芙蓉山在縣東六
十里三峯削翠芙蓉川之水出焉又十里有丹芳
嶺路入鴈蕩西谷凡四十九盤又東有謝公嶺蓋

溫州府志勝

卷之七

七

謝靈運所經行處也靈運從斤竹澗越嶺溪行詩
猿鳴誠知曙谷幽光未顯岩下雲方合化上露猶
滋逶迤傍隈隩迢迢陟陁峴過澗既厲急登棧亦
陵緬川渚屢徑復乘流既廻轉蘋萍泛沈深菰蒲
冒清淺企石挹飛泉攀林摘葉卷想見山阿人薛
蘿若在眼握蘭勤徒結折麻心莫展情用賞爲美
事昧竟誰辨觀此遺物慮一悟得所遺林景熙芙
蓉川詩驛路入芙蓉秋高見早鴻蕩雲飛作雨海
日射成虹一水過龍穴諸峯盡佛宮如何靈運不
不到此山中○鴈蕩山跨樂清平陽二縣北

在樂清之東南鴈蕩在平陽西南各去縣一百里
諸峯峭拔險怪上徑千尺皆包諸谷中自嶺外望
之都無所見至谷中則森然千霄有龍湫其石光
潤如砥高五百餘丈飛瀑之勢如傾萬斛水從天
而下及鼓吹一發則綠溜而下者五色光彩畢現
頂上有湖方十餘里水常不涸鴈之春歸者留宿
于此宋沈括筆談云鴈蕩山天下奇秀然自古圖
牒未之有言祥符中脩造玉清宮伐山取材方有
人見之予觀諸峯當是爲谷中大水衝激沙土盡
去惟巨石挺立如大小龍湫水簾之類皆水穿之

溫州府志勝

卷之七

七

穴自下望之高若峭壁從上觀之適與地平世間
溝壑中水鑿之處皆有植土龕岩亦此類耳按靈
宇記吳越王與僧願齊同參韶國師于天台願齊
因禮宿覺塔聞平陽明王峯頂有鴈蕩山天晴則
鐘梵相聞杖錫尋訪喜曰此山水盡處龍鴈所居
豈非西域書所謂諾矩羅震旦鴈蕩龍湫者耶遂
結茅其間唐僧貫休有鴈蕩經行雲漠漠龍湫宴
坐雨濛濛之句宋太平興國元年永嘉僧全了游
至荆門遇天竺僧言汝緣在浙諾矩羅尊者道場
數適當興全了因詰其所僧曰地以花名山以鳥

名中有龍湫宴坐此尊者棲錫處也予至此問
村曰芙蓉岡山曰鴈蕩因感情結廬以居由此觀
之鴈蕩雖顯于祥符實權輿于唐宋末宋初矣輿地
紀勝云唐僧尋佳山水至鴈山而稱嘆不已有負
薪老人過而嘆曰我一生看山意不足師何見而
嘆僧因作詩曰天下名山皆過目就中此景難圖
錄岩頭逢箇白頭翁自道一生看不足則鴈宕已
見于唐又其一証○馬鞍嶺一名石城嶺嶺之東
西分爲東西谷各有內谷外谷東內谷有四十八
峯外谷五峯西內谷有二十四峯外谷如之○太

溫州府志勝天卷之七

廿

龍湫在西谷水自鴈湖合諸溪澗會成巨淵淵側
石檻有龍窟如井深窈不測檻中作凹石壁數百
仞水從凹中瀉下望之若懸布隨風變態縱橫不
一宋趙師秀詩一派落寒空如何畫得同高風吹
作雨低日射成虹西域書曾說先朝路始通或言
龍已老出處別爲宮王十朋詩靈源東接鴈池遙
裂石崩崖下九霄雲斷青天倚長劍月明泉室掛
生綃江聲雨勢三秋急雪片冰花五月饒休勒移
文比山去他年來赴石梁招□小龍湫在東谷水
自石城諸溪澗來會于霞墀右脇從岩溜中飛流

而下高數百丈好事者嘗準之大湫高五百丈小
湫三百丈而小湫之水惟直瀉下其半沿崖不能
如大湫之飛舞作態耳稍西有劍鋒泉湧出石罅
直上指二尺形如立劍自遠望之則光明瑩潔而
搖動意者湫水下擣潭中勢甚急迸出石罅故直
上而石罅有小稜乃作劍形耶□龍鼻水在東谷
大石龕內從石磴盤數十折至龕口口高數十丈
深十餘丈四圍石壁龕脊皆紫黑色中嵌橫石作
鱗甲陷入石中從下視之獨見其脊隆然如龍繞
下數十丈勢盡乃垂入龕底作懸鼻如小瓠壺而

溫州府志勝天卷之七

廿

稍長鼻端小孔出泉時一下滴僧以小盂承之能
祛眼翳□石梁在東外谷拔起地上如大梯倚屋
檐端檐下入空洞中可容千人自石梁南出五百
步折而西行至水西大石壁下有谷若墜索谷口
石靳然下垂如懸戶卷然中抱如墮壁從洞下爲
靈峯寺道傍石潭方丈而深莫測仰視潭南上有
山孤起如偃芝北上有山離立平地上如駢笋稍
入始見兩大石相倚如合掌入天數十丈從合掌
根入兩傍植石闌直上千步乃至掌中望見山壘
中青天如懸一片冰岩鑿泉水下滴唧唧如秋雨

鳴屋檐間人喊大呼聲繞洞中泉永至地爲聲所
軌則飄吹衣冠草木盡滿口能仁寺在西內谷四
十九盤嶺下相傳諸詎那爲開山祖按西域書龍
湫鴈蕩乃吾佛弟子諸詎那尊者之化都也詎那
至山中觀瀑遂坐化宋初僧全了結菴至咸淳二
年始建殿宇瑞鹿院在西內谷宋元豐五年院
僧道親于院前道上逢一老人自山而下履木葉
無聲呼僧與語付一丸藥如彈子曰可速入京以
進用金碗研服可保二九之數道親至都聞仁宗
不豫詣省言狀上聞召而取之因命中使至山尋
温州府志勝八卷之七

莖

訪老人不見八年復疾如法服之而愈及上崩計
在位十八年適符二九之數口說法岩在東谷宋
陳覺嘗于東峯望見西岩下一木如蓋捫蘿至其
所見藤蔓纏繞一人其形如石視之乃人定僧也
觸其衣隨手而化乃結菴于傍居二月餘僧欠伸
張目曰吾衣寄岩間有虎守之持吾錫杖以取覺
往虎兄杖而去持衣授僧拜懇說法山中鳥獸鬼
神皆來聽受口雙峰寺在東外谷宋時僧後可講
經于峯下有一老人侍聽長鬚古貌問其從來曰
寒坑龍也衆曰寒坑去此百餘里講不逾時何從

知之曰寒坑鴈蕩原是一出地脉相通故易知耳
宋嘉定間永嘉陳謙遊山直至絕頂自鴈山行記

平陽縣

在府西南一百五十里

晉太康初析安固橫與船屯置始陽縣取陽與爲
名卽今之仙口山在縣東三十里東枕海上又名
神山上有風門嶺是也尋改橫陽取橫與爲名卽
今之仙壇山在東郭山椒有平石方十餘丈名仙
壇傍有竹林風來成韻垂掃壇上名掃壇竹額野
王輿地志云壇阪有蒨竹風來動音自成宮徵石
上常淨了無塵穢是也五代梁乾化四年改縣名
温州府志勝八卷之七

茶

平陽○宋陸游平陽驛舍見梅花詩江路輕陰未
成雨梅花欲過半沾泥遠來不負東君意一絕清
詩手自題○宋林景熙內河記云治挾兩山河紫
迴如帶而源出嶺門昆岩二山南流以經治之東
西又北至市橋與白石峯水合○按志嶺門山在
縣治前其山左右翼如中闕爲門上有九盤嶺謝
靈運橫陽還嶠上詩卽此處也其詩云西京誰脩
政冀汲稱良吏君子豈定所清塵慮不嗣幸蒞建
德鄉民懷虞芮息海曲常寂寥空館盈情思協以
上冬月晨游肆所喜千圻邈不同萬嶺狀皆異感

推三山峭瀾瀾兩江駛魚魚安流無拾謝樓庇
人生誰云樂貴不所志宋王十朋九盤嶺詩水
不經三峽山猶過九盤數家脩竹裏堪入畫圖看
○昆山在治西南雄麗勝板頂有巨石俗名古岩
山上有六洞其陰有白石巷乃宋林景熙所居南
對崑崙景熙由太學釋褐歷禮部架閣元兵益發
越中宋帝諸陵餘骸棄草莽中人莫敢收景熙與
唐王潛數人相率詐爲採藥者至陵上以草囊拾
而收之又聞理宗顙骨爲北兵投湖水中復購漁
者求之乃盛以二函稱曰佛經莖于越山種冬青
温州府志勝八卷之七 廿

樹其上因託夢作詩以寓意曰珠亡忽震蛟龍睡
軒敞寧忘犬馬情親拾寒瓊出幽草四山風雨鬼
神驚又一杯自築珠丘土雙匣猶存竺國經獨有
東風知此意年年杜宇哭冬青又昭陵玉匣走天
涯金粟堆寒起暮鴉水到蘭亭轉鳴咽不知真帖
落誰家又喬山弓劍未成灰玉匣珠襦一夜開猶
記去年寒食節天家一騎捧香來景清後以教授
終所著有霖山集○夾與山在城南五里上有淨
明寺宋有元禪師每入定後誦經則鳥雀皆來終
卷乃去黃名高詩空門流水淨一徑入雲間古

登無塔平田忽有山鳥啼游客到花落定聲聞
雲棠陰晚孤舟帶月還○又五里爲林亭山巨石
瞰海登之可望日出有焦下山在亭山之北其巔
有洞泉流至薌林寺後爲飛瀑宛若鴈蕩龍湫○
鳴山在縣治北形如伏虎穴常有聲西有七小山
又名七星山少西有管輅山上通蓮花峯中有白
水岩○萬金鄉有石洞其寬廣晉葛洪之所居也
丹竈石棋枰俱見存○象灣山在城東三十里山
石有仙人跡又名仙灣有象灣嶺嶺東有合掌岩
春雨岩麓有木杓潭宋平叟仙垓寺詩窈窕懸僧
温州府志勝八卷之七 廿

廬空山斷諸想猿鶴無宿期古今契真賞坐中風
雅談林壑散清響涼颼灑我髮白雲隨我杖醉卧
松石下不知海月上○羅源山在縣西南二十五
里橫陽江流其下受西南諸鄉之水滙爲順溪東
流過周輿又東南流注逕口江入海又五里有鳳
山臨江綿亘數里舊名錢舍以其石罅中有錢流
出故云山有鳳皇岩醉翁望海壇又有石洞上
刻晉魏人八分書其字跡隨潮大小爲枯潤與之
相連者有青華山其頂有湖東有群仙洞可容百
人後洞門忽隘不可入西有丹傳岩羅漢岩居中

仰視宛若樓閣山麓有巖公岩南唐有嚴永者初歷顯仕一旦藏衣冠于此爲人備作自給後朝使奉詔求之不得但得其衣冠于岩壁間又二十五里爲蓋竹山上有華蓋峯黑白二岩對峙下有漱玉泉左有星斗岩右有黃船山又有樓石山輿地志云三石鼎立其址並高百尺杪如劍鋒舊志周迴四十三里高千丈遠望如樓閣俗呼三山樓海溪流于蓋竹山下東注林輿繞羅源山北過錢舍江入海○又三十里爲玉蒼山亦名八面山周百餘里踰峙八鄉獨高諸峯稍北岩岫四圍只通

溫州府志勝

卷之七

七

一門前有石室又有松山其土宜松錢令公入閩五子從行嘗宴於此又名五公山唐真人馬湘與其徒王延叟煉藥於此今有丹竈丹井丹臼○又二十里卽南雁蕩山北自穹嶺南自施岩四五十里皆雁蕩也穹嶺有普照道場五代時僧願齊杖錫尋訪至明王峯頂間雁聲而平原曲逕自然天成喜曰此山水盡處龍虎所居而又屢聞鐘梵豈非西域書所謂雁蕩龍湫者耶因結茅其間吳越王錢氏因建普照道場盡以平陽一鄉之賦贍之今有錢庫嶺綿砌茶亭諸跡其時從者百餘人八

建十八巷齊滅度徒衆徙芒溪夾澗東西有二石室可坐數百人凡有十三峯三洞二岩又有石門樓石華表釣磯朝陽谷石梁竹坡月窓晴虹澗杜鵑林諸勝○其與雁蕩相連者有白雲山山挿雲漢行人援藤而上號曰藤道又曰四溪山山有九峯中一峯正圓如玉柱左右峯小大適等如扇其下峯層層出合九峯有四十二峯四水合流沿山而南以入于海○縣南一百里有陽岩山燥溪流其下上接蘭洋之水別爲東西二溪分流注于江入海

溫州府志勝

卷之七

七

奉順縣

在府西南三百七十里

我正統十四年閩寇猖獗蔓及瑞安羅洋諸處巡撫孫原貞以其地僻在林谷政教不及景泰三年奏割瑞安平陽二縣之地置縣以民心順化因賜今名○志云鳳皇山在治後山形起伏疊宕有鳳翔千仞之勢東有飛龍山西有舞鳳山南有萬羅山相接曰蒼龍岩折而西曰仙池山延迤而北曰天闕山飛龍以東曰太史山曰毛山界于瑞安縣舞鳳以西曰闕臺山曰文筆峯界于閩之壽寧縣萬羅以南曰交洋山曰金山界于閩之福寧州鳳

皇以北曰百丈山曰玄橋山界于景寧縣○仙山在縣南七十里山頂有岩室凡祈禱以香薰乳乳出卽雨又三十里爲木源山又一百里爲分水山有泉發于山隴東西分流以張閩浙吳越戰守必爭之地自閩來者疲于涉至山下地名平水始通舟楫以抵前谷○秦嶺之水文派甚多其大而赴海者一自東來一自飛龍山南來俱入城合流過羅山出南城一自天關山西來曰白溪繞城南南與前水合流至壽寧界入海其通舟楫者一自嶺北山下東流至瑞安界入海一

澤州府志勝

卷之七

世

自泗溪南流至閩福安界入海○安溪亭在受城

門外清音亭在庫村宋郡守吳繹建今廢

處州府志

卷之八

領縣十

七

秦屬閩中郡漢之洞浦縣東漢之章安松陽縣也隋開皇九年處士星見于分野因置處州十二年以州治在小括山之巔改名括州唐大曆十四年以太子名適避嫌復處州○志云小括山在今治城西卽西山也真諦以爲左慈元放所治高三十五丈周圍三里衆山環簇狀若蓮花又名蓮城山徑路盤紆亦名九盤嶺隋唐宋州治皆在焉大括山卽郡東七里之少微山也郡應少微處士星故名山西南絕頂有層岩從下望之形如列眉上皆處州府志勝

卷之八

一

平石如巨人跡無數 國初青田劉基以少微山

爲括蒼洞天云○小括山與萬象山相連唐時南

園宋時洞天樓西亭博古堂煙雨樓見山樓俱在

其間○南園有蓮城堂鶯花亭其東有翔峯閣西

有少微閣米芾書額又西有廻溪閣照水堂亦元

章書其後有凝霜閣宋陸游南園詩安用移封向

酒泉醉鄉只擬乞南園更添小閣臨灘在一洗人

間歌吹喧 又春來歸路闊三州是處踟躕出遊

一到南園便忘返亭邊綠浸琵琶洲楊億西亭詩

那得退食復何爲縱目西亭景物奇登翠雨餘泉

眼出澄潭風靜釣絲垂城臨古戍寒蕪洲路轉荒
村野徑危幾處唱歌聞白亭誰家沽酒見青旗蝶
隨游騎穿花徑犬吠行人隔槿籬桃李成蹊春盡
後魚鹽爲市日中時桑麻萬頃時氛散絲竹千門
夕照移吟際嶺雲飛冉冉望中隴麥秀離離烟迷
喬木鶯遷蚤水清芳塘鶯下遲車蓋翻然肯相顧
主人終宴豈知疲趙離烟雨樓詩畫棟飛雲暮靄
寒樓臺城郭有無間烟收雨霽曾來否見盡東南
萬登山秦觀鶯花亭千秋歲詞柳邊沙外城郭輕
寒退花影亂鶯聲碎飄零疎酒盞離別寬衣帶人
處州府志勝入卷之八

二

不見碧雲暮合空相對憶昔西池會鷓鴣同飛蓋
攜手處今誰在日邊清夢斷鏡裏朱顏改春去也
落紅萬點愁如海陸游鶯花亭詩沙外春風柳十
圍綠陰依舊着黃鸝故應留與行人恨不見秦郎
半醉時錢芊少微閣詩少微閣映少微星點點雲
間分外明過雨晚來添練水好山晴後見蓮城許
尹照水堂詩清溪自古流溪流不見底日照鱗甲
生風行殺紋起我雖仙都游不唾仙都地但欲問
滄浪中流航一筆趙鼎凝霜閣詩倚竹蕭蕭三兩
辛公餘時得靜中看何須更避人間暑滿腹冰霜

六月寒纔繼宗見心樓詩憑欄一望三百里頓豁
病眸如酒醒浮雲不動暮天濶秀色入戶群山青
舊州治有博古堂宋州別駕石朝散建張擴詩
云古人嗜書書不足家貧無錢就市讀今人收書
書填屋紅牙書箴手未觸別駕平生師古人傳癖
書潘九經施虛全掣腸五千卷鄴侯插架三萬軸
河東安世工補亡休日郝隆更臞腹近者聞說新
堂成芭蕉急雨作秋聲請君掃榻近燈火莫歌長
繁歌短繁○舫齋在推官廳宋王孝嚴建眺閣在
推官宅明顧大典詩高齋迥霄漢極目及雲繁落
處州府志勝入卷之八

三

日延清賞看山獨閉門荷香薰案牘竹葉淨琴樽
何異幽棲者蕭然達世喧又空齋無一事散帙有
餘閒細草侵階礎疎花照客顏雲陰方抱日雨氣
忽沉山高閣一延眺長霄飛鳥還又冉冉清陰覆
短渠竹屏木榻都齊虛白雲閒卷塵機息日對青
山展道書○楊大年與李起居柬云郡齋夏在霄
漢石磴盤屈策馬征登嵐霽滴衣烟霞滿日又與
章廷評柬云郡齋岑寂宛在窮山獄訟甚稀賦輟
易辨引領西月群峯倚天清溪南奔淺深見底人
家櫛次多在嵐烟中脩竹喬林宛如圖畫○職官

表云楊文公億以宋至道中出知處州朝士有詩
錢行者三十六人見武夷集迎昔在居開元中則
有刺史李邕興利除害邦人頌之故李白送魏萬
詩有路創李比海岩開謝康樂之句貞元中李鋁
爲州刺史朝士以詩送行凡二十二人刻諸石會
昌中邢群爲刺史杜牧作墓志曰君爲治凡冗事
弊政不以久遠必盡根本去縉雲日稚老泣送于
路而李繫段成式杜牧俱見後題詠更有佚其名
者如王維送括州苗太守詩手疏謝明主腰章爲
長吏方從僉稽郊更發汝南騎按節下松陽清江
處州府志勝卷之八

四

響鏡吹露見三吳始知百城昔劉長卿送齊郎
中典括州詩星象移何處旌旗獨向東勸耕滄海
畔聽訟白雲中樹影雙溪合猿聲萬嶺同石門康
樂在幾里枉帆通姚合送薛員外赴處州詩懷中
天子書腰下使君魚瀑布和雲落仙都與世疎遠
程兼水陸半歲在舟車相送難相別南風又夏初
方千贈殷處州詩幸見仙才鎮括初郡城孤峭似
仙居杉蘿冠裏登臺閣瀑布聲中闕簿書德重自
將天子合情高元與世人疎寒潭是處清連底宿
席何心望食魚宋錢若水送楊處州詩汗簡成惇

史分符別近班仍聞括蒼郡酷似武夷山捲箔烟
霞麗登樓水石間三年棄官去惟我獨何顏楊卽
大年也括蒼山水品題殆盡○文獻通考括蒼志
七卷乾道六年太守樓瑛叔編屬教授曾資修○
括蒼續志一卷郡人陳百朋撰○輿地碑目云郡
廳壁記唐刺史韋紆撰○宋喻良能有州治記紹
興庚戌五月既望文不具錄○元至元二十七年
總管幹勤好古遷州治記乃宋丞相湯思退故第
也

麗水縣附

處州府志勝卷之八

五

隋開皇中分松陽縣之東界立括蒼縣唐大曆爲
避德宗諱與州並改以縣北七里有麗陽山故以
麗水爲名輿地記云麗陽山高六百丈上有龍潭
石屋天井○舊廳壁記宋楊億爲縣令甄巨撰○
重脩麗水縣記元孟淳撰○香風樓在縣治西○
文英閣在縣學山下舊執禮坊隱士毛氏故居宋
紹聖間秦觀監酒稅嘗與毛游此閣觀有詩云流
落天涯思故園散愁郊外任躊躇雲歸遂谷知無
雨風捲寒溪漫近灘已見雁將歸楚澤遙知春又
到長安桑林麥隴依稀是只欠秦川萬里寬○柳

邊亭在稅務後秦少游建 國經書山部治所枕
西北爲筵山縣治在其右其東曰筵山西爲月
山又西上爲萬象山俯臨城邑近置溪光乃貢郭
之山最高者崇山西南爲筵山又南起爲梅山由
此而西爲擇山又東南爲筵山之三皇嶺也富
山東爲隔山已上城之六九子 按州治崇山
之麓通志府志以爲元縣好古所改輿地志以
爲唐末郡人盧約竊據遂徙今地二說不同王象
之紀勝云舊州城在府東南七里則今治已三徙
矣續廳壁記云州治在小括山上其路屈曲爲九

處州府志勝八卷之八

木

盤以入譙門宋崇寧三年楊嘉言爲守削直之大
觀元年高士廣復舊審如此說則城東南七里者
隋唐治也小括山者唐末盧約所遷以至宋元治
也其在東山斷自元至元二十七年起然攷東南
七里括蒼山正在其處隋開皇年以括名州乃爲
括蒼山耳非城中之小括山也隋唐史書括字从
手宋熙寧間得古碣括字從木云松身栢葉卽羅
木也以山多此木故名○錦山在舊通坊門內高
十丈多時桃樹開時若錦繡然筵山昔在城外與
錦山相交故曰交山以其形如兩筵亦名

八卷之八 七
大溪一自池東口出東行歷黃靈橋唐李邕撰藥
息明神道碑云循赤松之游縱黃靈之術者也又
東過明秀橋繞府治前至岩泉門南百餘武出城
涯好溪堰入于大溪○好溪水卽東溪也自縉雲
大盆山西流爲東渡東折于大程經石口秋塘岩
坑烏壇諸渡達于洞溪唐貞元間郡守李敬仲愛
其林壑之勝買山築室以爲棲隱之地賦洞溪十
詠任滿乃捨爲寺○按好溪本名惡溪唐地里志
云惡溪多水恠及段成式爲刺史怪族自去百姓
因呼爲好溪宋永嘉王十朋東溪思賢亭詩

不到溪橋好李詩已亡詩更奇我向思賢亭上坐
愛溪兼愛昔人詩○壽玄山在北城外自此而西
爲白雲山高六百餘丈山頂有池曰鏡心練溪之
水出焉國初白雲禪師住此孟淳白雲山詩萬疊
巉巖一徑開中間空洞白雲堆陽坡草軟人稀到
惟有青猿噪背來皇清詩春山行盡處始覺白
雲深錫化無僧在鐘鳴有客尋花溪遙隱壑蘿徑
曲通林坐得浮生理悠然忘我心○踰白雲爲城
門山永嘉記云城門山瀑布水值風散爲雨遇日
化爲青虹又遠爲稽勾山逶迤百里昔甌括往京

處州府志勝八卷之八

八

省之間道有險足憑以資制馭國初劉基詩云白
日隱岩嵒千崖氣勢豪溪流嫠女澗山入少微高
危石天欹側長風谷怒號干戈方自此行役放離
勞○三岩在城南三里宋知州李堯俞記畧云循
方塘兩岸狹徑入茂林脩竹間有岩卻負登巘廣
如十楹日之曰清虛自此南過石徑直上磴道十
餘級又有岩廣潤高大倍于前岩門面巨石壁立
方正山椒飛泉灑落石外簾櫳水晶掩映屏障目
之曰白雲轉兩石門下有方沼上度橫石如小梁
復有岩巋如深衣五丈廣踰六尋兩勢向東日之

曰朝曦其北有石谷如大竇鍾成深谿燧火而入
遂如房宇積水清激不復窮其遠近又一里曰石
僧山山有石狀如雕僧宋紹興間劉大中以兵部
尚書出守未幾召還上問石僧之狀若何大中以
詩對曰雲作袈裟石作身岩前獨立幾經春行人
問我西來意默默無言總是真○過小溪爲南明
山青田王順記畧云踰城南可六七里沿西崖數
仞仰對懸泉一線曰小瀑布東折緣山上轉西南
橫越瀑背下視城郭又上臨印月池過池橋仰視
石梁橫亘徑右一岩突兀印月池上四時花草蓂
處州府志勝八卷之八

本

簇曰巖花岩轉南有門倚石崖間曰南明山米芾
書入門中爲憑虛閣閣後大雄殿出左廊小門西
南躡十餘級兩石合峙如掌中可容三四席卽高
陽洞也出洞口橫東沿厓葛仙翁鍊書靈崇二字
接憑虛閣卽古大安寺唐中和間三平和尚所建
和尚每日騎虎出門至溪津叱之還徒步入城至
晚虎候溪澣載還山以爲常郡志山間有泉注于
石隙形圓如井若疏鑿名天井厓下復有二井天
欲雨則井先出雲山之西爲天井嶺明遠貢南明
山詩石磴抱雲回亭亭積翠開蒼藤昏古殿碧樹

隱仙臺鐘鼓三天下風雲萬壑來不知千載後誰憶此衡盃○巾子山在城東十里其形如巾頂有浮屠東溪流其下卽舊惡溪也謝靈運答從弟書出惡江至大溪水清如鏡輿地志惡江道間九十里而有五十九瀨兩岸連雲高岩壁立有七十餘灘水石噴薄三十里至突星瀨地名箭溪晉王羲之游此嘆其奇絕因書突星瀨三字刻于石後里人憚墓場之苦推置潭中○大溪亦名洄溪源自龍泉縣來入縣界東南流逕青田縣至永嘉入海宋邑人孫薪以明經擢第不仕與黃葆光有舊宣

處州府志勝天卷之八

十

和問葆光守處州會新干洄溪贈以詩云勸農因到好溪頭把酒相看憶舊游三十年來如一夢可憐空負釣魚舟○巾子山又五里爲巉崆崆岩石洞如屋可坐十許人又二十里爲天堂洞上有仰天堂下有贊龍洞縣東之山此最高者國初青田劉基記畧云好溪南曰少微山是爲括蒼洞大有觀曰紫虛以唐杜光庭脩真于此天寶二年建紫極宮宋改今名仙人鍾離呂洞賓皆嘗來游而徐泰定章思廉卽其觀中之道士也又有妙成觀唐貞元間建名龍興亦宋改今名道士徐泰定嘗遇

一道人口吹雙笛授以丹訣仍贈筆一枝令作水墨山水泰定謝不能但令隨意爲之遂如素習後十年欲與遠游泰定辭乃畱詩別去鐵笛雙吹破曉烟相逢又是十年前曾將物外無窮意總付毫端不盡傳白髮數莖君老矣青雲一片我飄然世間究竟只如此何似同歸洞府天泰定八十餘端坐而逝又有道士劉雲心者眉間七黑子如北斗形善鼓琴賦詩年亦八十餘坐化元何宗姚妙成觀掀蓬室詩畧掀蓬起看山前不數王維畫輞川簷外烏啼臨水樹竹根人語下溪船兔葵燕麥春

處州府志勝天卷之八

十

新地茶屋基窓物外天每訪舊游思舊事故人疑在石磯邊劉基和云我訪仙家潯暑前青楓綠柳暗前川竹根露濕登山屐沙際鷗迎渡水船雲氣長留虛白室丹光直上蔚藍天純陽道士重來日爲問蓬萊在那邊右志云括蒼山在巾子山東去城七里○風門山在縣西三十里上有二穴深邃風自中出每夜靜月明有白氣自山麓上徹霄漢又二十里曰三峯山下曰靈峯中曰翠峯上曰岑峯皆有僧舍而岑峯爲禪智寺寺有紫牡丹一本高丈餘每開五百餘花花各十二瓣值閏年各開

十三辦家政和問宣入御苑栽之花卽不開詔遣
還山復開如故三峯秀麗冠于諸山山之陽有通
濟堰前臨大溪後徑山麓延袤三十里初蕭梁時
詹南二司馬築堰久不就遇一老人曰過溪當見
異物司馬如其言果見白蛇橫亘中流循其波痕
以築乃就○大梁山在縣南二十里北跨麗水南
跨青田登其巔則城郭村落皆屬指顧又名望城
嶺嶺之北有俞嶺其相連者爲茭青嶺嶺下爲劉
山又南折爲靈山上有靈山寺宋紹聖間郡守劉
涇創溪雨亭于此有詩曰塵土孤城空自忙不知
處州府志勝八卷之八

圭

精舍早秋涼林間磬曲折一里天上金光明湍堂
淨飯打魚剎老木寒灰添火熱明香鴉鳩山脚溪
聲好流入人間雨意長○連雲山在縣西南六十
里巉巖陡絕上連雲霄故名山之南爲綠岩洞有
三瀑布飛瀉泄而爲潭稍東爲石羊山寰宇記云
山有蘭若溪溪有一穴深數丈穴口有大樹仰視
杳然博物志以爲千載木也宋王安石詩溪水清
漣樹老蒼行穿溪樹踏春陽溪深樹密無人處惟
有幽花渡水香○連雲山又南爲望軍山爲石乳
洞迤而北爲峽嶺遂昌宋應鐘詩關山開百越途

路屬三春樹轉千盤谷花迷九曲津離亭將遠
征馬戀芳辰不見南飛雁那知塞北人

青田縣在府東南一百五十里

唐景雲中分松陽括蒼二縣地置縣治青田山下
因以爲名舊經唐道士葉法善棲此其田產青芝
處也永嘉志云青田有雙白鶴年年生子子長飛
去道書玄鶴洞天在處州青田第三十洞天故又
名太鶴山山週迴五百里上有試劍石四各高百
餘尺相去各三尺許舊傳青牛道士傳道葉法善
煉丹于此丹成試劍斷石爲四孫原貞詩葉仙脩
處州府志勝八卷之八

圭

煉清溪側試劍劈開峯頂石丹成騎鶴朝紫清溪
山史有青牛跡○後人以法善精于周易因建點
易亭唐高駢贈葉法善詩清溪道士人不識上天
下天鶴一隻洞門深鎖碧廳寒滴露研硃點周易
邑人劉祥詩云萬古丹山寄仙跡拍入雲根細尋
覓捫蘿直上混元峯點易亭前露空滴鶴從華表
未歸來雲巢松頂生莓苔岩邊頃刻花含笑天桃
偏待劉郎開忽然靈籟清風發兩腋颼颼毛骨
悲虛呼嘯劍痕光遙望海門推出月○志云見一
亭在縣東百步宋鄭汝諧建亭後石壁其平如削

高二丈許水從石裂中出清冷不竭上鐫界石泉三字後山有石榻可坐上篆刻密義臺三字○八角亭在縣南宋陳汝錫建將存仁詩云由來只說四簷亭今日先生八角成最喜瀟瀟春雨一簷分作兩簷聲○芝田驛在縣南溪沿溪石壁上舊刻唐人混元峯三字前有石井乳泉流出又有芝田卽產青芝者明粵東宦白任公翰詩不將疎散博浮名半載芝田江上行自信東風吹鶴首還從南斗望樑星海門潮急江初漲峯嶺雲深瀑作聲暗惜年華秋大半幾回掀髮問長纓○按太鶴山

處州府志勝八卷之八

古

在縣北二十里與羅尖山相近官坑之水出焉環謝橋縣橋漚觀前井縣井注爲西池出龍門橋入于清溪混元峯芝田俱在左右○由羅尖折而北爲金田山有石井龍湫春澗之水出焉與城東之嶺溪水城西之嶺溪水俱入清溪○鶴口嶺在縣西南五十里高逾衆山又二十里有長壽峯沐鶴溪之水出于鶴口經白岩至大郎回小郎回爲浣紗溪至雙溪比與清溪合○相傳謝靈運游石門入沐鶴溪見有二女浣紗嘲以詩曰我是謝康樂一箭射雙鶴試問浣紗娘箭從何處落二女不顧

又嘲之曰浣紗誰氏女香汗濕新雨對人默無言何事耳辛苦二女荅曰我是溪中鯽暫出溪頭食食罷又還潭雲踪何處覓忽不見遂回踰三里遇弟惠連與之偕回後人以康樂回處名大郎回惠連回處爲小郎回溪曰浣紗溪按此詩似說家厓造者但鶴溪與石門相連則信有之○石門山在縣南七十里臨溪兩峯壁立高數百丈對峙如門深入爲洞可容數百人飛瀑千仞滄濛作雨狀四時不竭積瀑水濺洄爲潭深數十丈瀑次有噴雪亭洞頂有軒轅丘是洞舊沒榛莽至劉宋永嘉守

處州府志勝八卷之八

五

謝康樂始開靈運石門新營詩躋險築幽居拔雲卧石門苔滑誰能步葛弱豈可捫嫋嫋秋風過萋萋春草繁美人游不還佳期何由敦芳塵凝瑤席清醕滿金樽洞庭空波瀾桂枝徒攀翻結念屬霄漢孤景莫與談俯濯石下潭仰看枝上猿早聞夕颺急晚見朝日暎崖傾光難留林深響易奔感往慮有復理來情無存庶待乘日車得以慰營魂匪爲衆人說異與知者論李白過石門詩縉雲川谷難石門最可觀瀑布掛北斗莫窮此水端噴壁灑素雪空濛生晝寒方干前題奔傾漱石亦噴苔此

是便隨元化來長斤掛岩輕似練遠聲雜洞咽于雷氣含松桂千枝潤勢蓋雲霞一道開疑是銀河分派落兼聞碎滴濺天台○石樓山在石門西南時有雲霧擁之望若樓臺又東南有鐘樓洞狀如樓閣懸石如鐘擊之有聲又西南二十里有石檣洞高岩屹立如檣中有三潭危石聳峙潭中高二十餘丈如帆又有石梁長三十餘丈橫跨如門名石門樓元孟淳石帆山詩非蒲非布樹如檣一片橫溪十幅強八面天風吹不動任他來往客舟忙○石門洞之東南有占陽山叢生小竹巨葉其實

處州府志勝不卷之八

七

可爲糧又西爲小連雲山延袤數十里有二洞東曰龍鬚南曰韓山最南爲石帆山高五十餘丈下臨大溪九域志昔有神人破永嘉江北山爲帆入惡溪道棄此山故名折而東爲石蓋山兩石峙立中有大石橫覆其上下可容數十人石樓之南有黃岩山下有芳墅宋高宗南渡選妃洪氏有寵賜第砌磚街十里開池皆種荷花故名○清溪水過石帆其下爲擺旗灘相傳宋帝爲金人所迫航海由温州過青山海潮直送至此其西有毓秀橋仙岩洞大類于石門其與永嘉合者曰沙阜渡達歐

江以入于海○南田山在縣西南一百五十里週迴二百餘里上有沃土多稻田古稱七十二福地此其一也宋將劉光世之裔曰濠者世居于此仕宋翰林掌書元初林福起兵與復戰敗而死朝廷遣使至境糾察餘黨鄉豪挾仇投籍逮無辜至萬餘人濠適往謁閻籍歸會大雪因具酒肉邀朝使飲宴至夜沈醉翼卧小樓探袖取籍錄其巨魁二百人懷之遂縱火樓下朝使脫走乃出懷中二百人授之朝使馳復命只戮二百人存活以萬計濠曾孫基舉進士不用嘗游西湖見有異雲嘆曰此處州府志勝不卷之八

七

天子氣也應在金陵十年後有王者起我當輔之及我

太祖下金華聘基遂爲謀臣定天下封誠意伯劉基南田山詩開窓招遠風赤鯉躍清池雲日釀晴光芰荷有餘姿靜坐偶自得悠然遂忘機富貴不可求守分勿復疑○文成子璟璟子豹俱死靖難

縉雲縣 在府東北
八十里

唐中宗初分金華之永康及處州之麗水餘地置縣治翠微山麓以縣東二十三里縉雲山因以爲名是山一名仙都一名丹峯道書玄都祈福洞

天傍有獨峯高三百丈周闊一百六十丈名曰天
柱峯頂有湖生蓮花亦名鼎湖俗訛爲軒轅上昇
處峯側有玉虛宮宮後有金龍洞深不可測唐天
寶中有彩雲起雲中仙樂響亮因勅名爲仙都山
而建宮其下爲趙侯航石侯名炳宋縉雲令也公
暇日輒來坐石上石狀如船故名又有石如杖如
履如甕皆以侯名其西爲小蓬萊怪石奇樹峭立
數仞于潭水中又有合掌滴水忘歸三洞山前有
步虛山登嶂倚空群峯掩映又有小峯列如北斗
名曰斗岩下有隱真洞唐彭城人劉處靜善吐納

處州府志勝不卷之八

大

之術肅宗召見賜緋衣退居于此咸通十四年解
化自誤玄虛志後數十年有見其在襄漢之間者
弟子啟墓視之惟有劍履而已最上有天堂洞深
不可測旁有仙水洞泉出罅中大旱不竭又有雙
龍洞下有玉泉池小赤壁又有鏡岩唐道士周景
復居此刺史段成式梯而訪之西歷爲好山練溪
經其南水光騰空恍若銀練故名碑目云仙都山
黃帝祠宇篆額李陽冰書白居易仙都山詩黃帝
旌幢去不回斤雲孤石獨崔嵬有時風激鼎湖浪
散作晴天雨點來曹唐詩黃帝登真處青青不記

年孤峯應礙日一柱可擎天石怪長棲鶴雲間若
有仙鼎湖看不見零落數枝蓮楊傑詩有路入仙
都何人到鼎湖秋風夜來急吹落碧蓮無陸龜蒙
贈鏡岩周道士詩見說身輕鶴不如石房無侶共
雲居清晨自削靈香梯獨夜空吟碧落書十洞飛
精應徧吸一莖秋髮未曾梳知君便入玄珠會早
晚來騎白鯉魚皮口休前題八十餘年住鏡岩鹿
皮巾下雪髭髯床寒不禁雲縈枕經潤何妨乳滴
函飲澗猿回窺絕洞緣梯人歇倚危杉如何計吏
窮於鳥欲望仙都舉一帆宋王十朋仙都山詩皇

處州府志勝不卷之八

九

都歸客入仙都厭看西湖看鼎湖洞接龍泓片雲
遠山分雁蕩一峯孤香清天上碧花落音好林間
青鳥呼天遣林泉慰吾輩不容身世老蓬壺○歐
陽脩集古錄縉雲學銘唐李陽冰撰其文曰有唐
新上元七月甲辰縉雲令李陽冰脩文宣王廟煥
夫子之宮貌增侍立之九人其餘六十二子並圖
畫屋壁當時以福州般若臺銘處州城隍廟記及
此爲三絕○北海有銘在吏隱山去縣東北五十
步其文曰唐乾元間李陽冰爲縉雲令任滿挈家
歸隱于此築忘歸臺鑿岩爲窪尊篆書吏隱山三

字又作銘曰登嶂廻抱中心翠微隱出見川溝塋
如基環溪石林春迷四時曲成史隱可以忘歸宋
詹迥詩縉雲古名邑惟東有崇山群峯屹羅列一
水相廻環李侯築高臺更隱于其間斯人不可見
篆蝕蒼苔斑我來訪遺蹟臨風發長歎洗尊挹醴
醪落日猶忘還○翠微曰縣治所倚卽李陽水以
中峯名之者又北爲雲塘山山下有塘嘗有赤白
雲氣出其中傍有小桃源徐燦詩云自從習靜卧
閒雲識得東風面甚真甲子近來都忘却桃花開
後始知春又北爲岱嶺嶺左水流于好溪右水流

處州府志勝

卷之八

廿

于龜溪發括之水自此而分○按好溪水源出大
盤山西流而北匯諸溪水歷羅侯灘至縣治南本
名惡溪詳麗水縣下○龜溪出縣西石龜嶺傍有
石室又爲客星山轉爲梅山梅溪之水出焉合龜
溪至永康館頭渡入浙江○金紫山在南溪與縣
治相對其麓有毛翁岩宋參知政事毛維瞻爲縣
尉暇則釣此石壁刻毛翁岩三字龍圖閣學士詹
迥建巽亭于其上蘇軾題詩君方夢謫仙我亦吊
文園江上同三黜天涯又一尊濤雷隱白晝梅雪
耿黃昏歸去多晴雨應隨御史軒○沔翠山在縣

西里許一名西岩宋黃邦彥書西岩二字尚存又
十里爲黃龍山四圍阨絕池水清冽有龍潛焉我
太祖下處州將軍耿再成列柵其上受胡深于是
處又十里爲馮公嶺亦名木合嶺楊億以比蜀中
棧閣故有征途松木合之句註云縉雲有木合嶺
○嶺上爲桃花隱北轉爲謝公岩謝靈運守永嘉
時曾游此有康樂侯廟唐朱慶餘詩疏鑿因殊舊
亭臺亦自今世嫌山水僻誰伴謝公吟○又北爲
白雲洞石屋深敞容數百人明樊獻科詩洞倚千
尋石祠前百尺潭停舟向烟渚日落碧山寒○萬

處州府志勝

卷之八

廿

松山在縣東五里山勢盤旋林巒森秀元朱仁翁
詩洗耳聽潺湲懽然一破顏不因官况冷豈識客
心閒晚色涼天月秋容霽雨山凭高成獨嘯聲蒼
萬松間○與萬松相連者曰翠屏山又爲玉甌岩
山半有石如甌穴如竈門其下爲金花潭左爲東
蒙岩惟石低昂立于潭側又有斗岩以傍小峯列
如北斗故名○隔溪爲賜谷洞口頗隘少進有
石屋虛敞當啟明時日光先射李陽冰篆初賜山
三字谷傍爲翔鸞峯爲經岩遇人聲則響應○又
其遠者爲括蒼山一名蒼嶺道書名成德隱真洞

天迴迴三百里東踰仙居南控臨海吳錄云括蒼山登之俯視雷雨高一萬六千丈棠溪赤溪管溪三水分流環遶其下四面石壁可容數千人翁卷括蒼嶺詩步步躡飛雲初疑夢裏身村雞數聲遠山谷幾家隣不雨溪長急非春樹亦新問誰開此嶺叢石櫟荆榛劉基詩昨暮辭赤城今朝度蒼嶺哀猿嘯無外去鳥飛更永僕夫怨跋涉瘦馬悲項領佇立盼嶽岑心亂難爲整任良翰詩萬丈層崖下九盤半空飛瀑散林巒迴峯有霧時成雨古洞無風日自寒花雜石苔還寂寞鳥啼雲實亦間關

處州府志勝

卷之八

三

行人莫嘆多崎險空碧如乘五彩鸞○雲笈七籤云羊情以明經授括蒼尉一日與青蓮觀道士飲于洞之阮郎亭酒中忽仆地七日乃寤云初見一人自云靈英邀入洞中須臾石間有物迸出靈英曰此青靈芝也乃取食之○按阮客洞在括蒼山傍去縣九十里邑人阮客棲隱之處李陽水題洞額鐫于石上歐陽集古錄云阮客者不見其名氏豈縉雲之隱者耶○夷堅志載有英華者縉雲縣宰李長卿之女少警悟好作詩十七歲而卒殯于縣之仙岩寺後爲地仙時時出見爲詩數百篇有

英華集行于世其詩云夜雨連空歌曉晴前山重染一回青林梢日暖禽聲滑苦動春心不忍聽又惜春行東風忽起黃昏雨紅紫飄殘香滿路凭欄空有惜春心濃綠滿枝無處訴春光替我常去縱有黃金難買住欲將春去問殘花花亦不言春已暮

松陽縣

在府西北一百三十里

東漢建安八年孫吳分章安縣南鄉立爲縣取松陽木爲名按吳地記縣東南臨大溪有松陽樹大八十一圍其腹中空可坐二十人蓋秦時物也唐

處州府志勝

卷之八

三

武德間以縣置松州五代梁改爲長松晉天福中改名白龍宋復舊名○縣治初在旌義鄉之舊市屢瀕水患唐貞元間郡刺史張增請于朝改設今所卽古紫荊村也舊有種秫亭在縣舍知縣黃鏐周詩有田不種秫往往遭婦責女子竟何知吾心固不擇折腰來作吏一飽定易獲所憂乏齋釀供祭與餉客公田二畝餘種秫乃前策初當插秧青便擬浮甌白相將小槽頭滿酒聞夜滴古來有奇士愛酒輕百謫嗟余惟不嗜一酌寧復索名亭恐無實遠愧陶彭澤又有信美堂詩十名本代耕作

邑反惆悵答笛非蒲鞭播役急了帳輪粟無停時
官軍待餉餉平生仁愛心慚負罔知向愁來置簿
領小圃聊放曠適當初夏時景物和且暢竹色晚
更深鶯聲老逾亮新荷點方池落日嘯青嶂茲堂
信云美吾獨增浩唱安仁何常歸風旆正飛颺○
志云治北五里口御山與尖山玉山三峯互爲
聯絡邑之鎮山也聖人劉澹然詩攀蘿凌絕壑捫
竹躡岩扉海日明東壑峯嵐濕夜衣雲流孤嶼沒
林轉鳥聲微下漱音安市烟光拂水飛○又北爲
竹峪嶺路通宜平故稱險塞水出東西坑湑爲龍
處州府志勝入卷之八

輦

潭有竹峪橋其西爲西華山又北爲北斗山邑人
沈晦竹峪嶺詩三月亂山中崎嶇處處同溪流因
雨漲木葉着霜紅人跡千岩絕松聲萬壑雄尋幽
自可悅不復嘆途窮練魯北斗山詩隱者巢居在
翠微松花服食薦蘿衣人間萬事不着眼坐看白
雲天際飛○縣東里許曰朱山滕岡山又有洞陽
山山下有唐葛周廟其下有洞陽橋桐溪水所經
與岩塘五赤淨居裕溪諸水合廣文丘雲雷詩日
抱溪雲午不驕蘆花飛雪暗溪橋數家烟火自村
落隨處山林遠市朝習靜孤高馴野鳥忘機分席

對山樵却因話入桑麻樂慚愧浮名髮髮凋○縣
南三里曰百仞山永嘉記云其峯獨立旁無依倚
高二百餘丈舊名獨山唐天寶中改今名山形若
蟾峯山之麓爲白龍潭五代名邑白龍以此宋邑
簿文丞詩萬壽宮前百頃陂紫虹橫俄碧琉璃危
峯蟾倚仙人閣古廟龍游聖母池風氣吐吞新雨
後煙光濃淡夕陽時公餘到此觀魚樂醉拍欄杆
浪賦詩沈晦詩云山頭白雲如絮絮竹雞無聲雄
喚婦團團朝日上林梢寒食梨花溪口路一峯獨
秀橫溪陰青林倒影千丈深上有白龍蟄幽洞歲
處州府志勝入卷之八

輦

早往往能爲霖如今寂寞空山裏古屋荒壇雜蛇
虺會者六月旱生烟坎坎伐鼓相料理○又五里
爲橫山高三百餘丈若雲橫空中山頂寬平可五
百畝其傍有九芝山昔曾產芝九莖故名又有南
岩山水出南岩山下東流出橫山會于青蒙嶺之
石虎潭幽勝甲于一邑若東有石筍高四五丈西
有清泉湧出石坎名馬啼泉唐戴叔倫詩偶入橫
山寺溪流景最幽露涵松翠滴風湧浪花浮老衲
供茶盃斜陽送客舟自緣歸思促不得更遲留宋
沈晦詩寒流穿清閭支徑入翠微山深古木合林

靜珍禽飛居人本避世游客亦忘機歸路晚烟暝
新月照柴扉○雲岩在城西一里岩上有望松嶺
舊傳王羲之望松于此其麓有東臯亭王將軍廟
又有石洞二洞口有因龍圖有石茶釜中蓄水冬
夏常清不竭宋道士趙初陽家于此初陽有道術
能役鬼神治疾皆効呼吸能致雷雨嘗賣雨于臨
安墨汁呪符雨點皆黑入稱趙賣雷其後潘自然
居焉亦能號召風雷神將每夜輒有神燈懸其門
有老人爲之服役偶一日自然外出有求符者追
切而治爨老人遽呼神將奉命往治自然歸責此
處州府志勝不卷之八

共

老人忽見泥塑滕申君請前曰彼五世法官偶有
過上帝謫之爲君治庖君僅三世不得責彼語畢
仍退復位○西屏山與雲岩相連中有凌霄臺宋
米芾書于石壁上有龍鱗石偃月池宋祖謙禪師
居此與蘇子瞻友善嘗設茶以待東坡收遺之詩
曰道人曉出西屏山施茶來展三昧手忽驚午盞
兔毫斑打作春甕鷺兒酒天台雨花世不見玉川
風液今何有東坡有意續茶經要便祖謙名不朽
○又四石筍山雙峯對峙石磴千尋頂有仙人
赤腳跡麓有石筍潭又二里有上方山唐進士毛

文龍少好黃老得遇戴火仙遂隱此脩煉有煉丹
泉出岩中大旱不竭宋宣和間狀元沈晦以建炎
間守處州遂家于此有見山亭冷風臺梅花堆垂
雲岩諸勝後廢爲資福院明邑令魏璉西屏山詩
雨沐西屏翠欲流天開圖畫小溪頭禪心未悟三
生夢塵世空懷萬劫愁松影拂雲金殿曉竹陰披
月竹牕秋公餘喜憺清幽處細咏新詩紀勝游邑
人詹寶和云龍麟山下虎溪流蕭寺青山綠水頭
海藏雲籠空色界石臺月照古今愁雞聲日影金
屏曉雪霽天橫玉帳秋逆社不妨陶令醉鶯花還
處州府志勝不卷之八

共

逐謝公游沈晦上方山居詩四首月斜樹影穿牕
入雨過山泉繞舍鳴野寺中宵人不睡蒲團布衲
悟無生又山中寒早野陰薄慘慘黃昏欲雨時市
遠無人與沽酒地爐松火自燒梨又此生真與世
相忘投老生涯寄上方洗足關門枕書睡連山松
檜雨琅琅又學道空山歲月深丹成初試馬蹄金
猶餘一勺丹泉井洗盡人間名利心○卯山在縣
西二十里有怪石如松之左校葉唐葉法善家于
此法善生七歲涉江三年不返人問其故云青童
引我飲雲漿耳既長居山中忽老叟詣門求曰吾

乃東海龍也職主八海之寶有幻僧于海畔禁呪海將枯乞救之法善乃勅丹符飛往有頃海水復舊幻僧媿嘆而宛明日老叟來謝法善告以山中缺水是夕風雨及明館側有泉湧出每有二墨魚浮水人不能取蓋泉與海通云高宗玄宗前後召入法善極言丹不可就乞罷方士嘗于中秋夜引帝游月宮及上元夕往西涼州觀燈最爲奇事其孫名藏寶者隱玉霄峯懿宗屢召不起一日忽語其友以行日及期門人夜聞珠珮雜簫管聲于雲中視之則已化去○卯山下爲松溪源自遂昌東

處州府志勝不卷之八

光

南流至麗水縣入大溪末嘉記云大溪南岩有西山壁立名爲城門水從門中流出高百餘丈飛流如瀑布日映風動則灑散生雲虹水激鏗響清冷若絲竹周回翁詩山下鳥啼花欲燃山中芝熟徧瑤田浴丹井蒲龍通海點易亭空鶴上天石室夜明燒藥火雲軒曉煮茶烟背岩最怪蒼松老百折霜根不記年○酉山與卯山相對各以方向爲名亦法善往來處也有葉國重墓乃法善之祖唐時稱有道先生括州守李邕爲撰墓碑并書歐陽脩云余集古所錄李邕書頗多最後得此碑于蔡

君謨世傳李邕爲處州刺史葉法善永爲其祖國重作碑文許之文成又請書不許一夕夢法善請曰向辱雄文光責泉壤敢再求書邕喜而爲書未竟鐘鳴夢覺至丁字下數點而止法善刻畢持墨本往謝邕驚曰始以爲夢乃真耶今稱追兔碑云○大明山一名留明山在卯山西五里漢時有道士于此脩煉道成陽精畢露于頂夜輒照徹山中若太陽出道士無姓名人但呼爲戴火仙因立戴火仙廟邑人徐夢易記畧云山麓仰視高絕千仞左右兩殿垂縹緲中藏一脉如絲初閃歸右復轉入

處州府志勝不卷之八

光

左連峙七峯而下復起一阜再下則荒舍連級平漫舒展古寺基也山前數峯羅立澗水環繞迥其源更數十里爲龍潭潭之險不知幾千尺周圍峭壁皆石若鐘鼎者有雲氣每出蛟龍人不敢窺再入則石磴峻險攀援而上跨出山背望戴火仙廟尚在危巔云○國初有雪菴和尚者隱於獨自言爲松陽人間之姓名不答或曰此松陽蔡希賢也以賢良方正舉爲監察御史

遂昌縣 在府西北一百九十里

吳赤烏二年分太末縣地立平日縣晉太康元年
改名遂昌宋元嘉潘宗以異行除遂昌令卽此地
也唐武德八年省入松陽縣景雲元年刺史孔琮
奏復按平日山在縣東界西明山之次前後兩山
形如昌字故以名山而縣名亦因之○縣治自宋
熙寧九年錢長侯始建在君子山麓舊有蓮花漏
堂則起自知縣王琮有對吟軒則起自縣丞韓允
寅也○輿地紀勝云君子山在縣南十五里二山
相望秀麗堪掬故有人君子小君子之稱然縣治
前乃城山也亦名君子山○按君子山在縣西南

處州府志勝不卷之八

卅

百步西上爲妙高山又西爲白馬山天日晴朗遠
見衢婺蓋邑之鎮山也妙高山之西南有琴山有
屏風山有月山與瑞牛山相望其東曰雞鳴峯四
山中立一峯常聞雞鳴牧人跡之絕頂得一石紺
青而潔持以歸其後雞聲遂絕又有蓮花峯秀異
聳特狀如蓮華宋待制周綰居之號蓮華居士○
瑞山在縣治南時有紫雲盤結于上或云有老君
像眉間嘗放光故名瑞山有井曰煉丹井宮曰紫
極壽光宮宋徽宗書額○魚袋山在瑞山之次雙
溪流其下蜿蜒迴繞如龍之狀南至碧澗而合流

入于龍泉按雙溪者湖山溪金溪二水也湖山之
水自丁嶺西下受大田大柘石練諸水逕周公口
與金溪水合金溪有十峯曰芙蓉錦屏金鷲紫豹
諸勝峯之麓爲坑西爲東川西北爲周公嶺其下
卽周公口也十峯之水歷周公口受獨山水與湖
山溪合流達衢州入浙江○縣治半里爲兌谷又
北爲東峯爲唐山山北有虎跑泉觀音羅漢二峯
侵雲馬戍二嶺馬戍之水北流而達于發又北四
十里而達官溪大小候桃溪源白水源諸水悉滙
而達于龍游○按湖山在縣北七十里突峙溪口

處州府志勝不卷之八

卅

其麓皆危石以障狂瀾又西十里卽獨山也一名
天馬一名赤壁下臨溪潭石壁如削有樓霞岩巖
雲磴稍南有武夷洞仙人濯足壇仙梯棋盤其穿
窿碑碣上插雲霄者曰石姥岩頂有泉池鱗介隱
見其西曰仙鷲洞石壁中開上懸飛瀑如練○丁
嶺以丁公山而名其上有高伯陽溪諸堰其下爲
湖山二水夾流蕩漾若湖有石印池宅前渡○紀
勝云丁公山高可千丈有白石狀如馬又四里爲
魯山一名西山梧桐溪流其西山下有廣仁院邑
人毛會者潛于院壁畫一婦乳兒自是每夜有兒

啼聲衆惟之不知所以一日會至院僧告其事會笑以筆添乳入口是夜聲絕始知爲神筆云翁錡曾山詩祇道山窮路亦窮青山斷處路還通源泉出水潭潭碧野果經霜樹紅乞食不嫌僧舍遠夢中○按志丁公山在縣西二十里又百里爲大樓岩飛瀑四時不絕冬則凝結倒懸如玉浮圖下爲龍湫者三十六其第四湫號龍井常有淨空禪師振錫其側感黃龍出受戒禱而輒應有獻楮錢無得過三百踰數則推出不受邑人王卷端記畧處州府志勝入卷之八

世

云先至一洞深可旋舟高容壁嶽者大樓岩也上有飛瀑下垂洞口隔島望之若陰晦異境仙凡殊界者龍安洞也○西明山在縣東十里巉岩峻絕下臨大溪對岸而廻翔者爲飛鶴山又爲合輝洞左側爲靈泉洞王卷端記畧云去治東十里有石洞二偏倭而入不數步高遂盈丈下可坐數十人中有溜響如鳴琴傍多竅上出品晶映目若天窓近比綠塹而躡有洞側出盤屈深廣石間微泉脉脉婉轉可爲流觴曲水古有梵石數十錯落兩崖間石壁刻靈泉洞三大字有青華閣在溪上徐貫

詩云晚來無事上南樓極目溪山一色秋止水半潭清似靛白蘋紅蓼滿灘頭按含輝洞一名章公洞以章思廉嘗游此○西明又二十里爲尹公山高聳倍之其東有百丈岩隋大業間尹真人煉丹于此丹成舉家上昇以故宅改建勝因院宋侍郎龔原作院記頗詳其事後原守楊州有道人求施錢萬貫原如數與之道人持至和州朔宅買田置器具交易標記悉作龔侍郎名字後原謫和州道人來謁請入宅受田皆其楊州所拾或云道人卽尹真人報其勝因院記耳百丈岩之旁曰覆螺岩處州府志勝入卷之八

世

其頂瞻眺則金衢之境皆在目中覆螺岩之旁曰牛頭山與松陽接境唐葉法善嘗與道侶對奕此山局終擲碁于地化爲石後人于其地每得一卷石中有小石碁子圓滑緋白初出土尚溫軟擊取可足一局云

龍泉縣在府西南二百四十里

括蒼黃鶴鎮有劍池湖周三十畝旁有七井其水并列世傳歐冶子鑄劍于此號龍淵唐避高祖諱改曰龍泉乾元二年越州刺史獨孤與請析松陽遂昌二縣地置邑于龍泉鄉九姑山之陽名曰龍

泉而劒池湖在治南五里宋宣和四年詔天下縣鎮皆避龍字因改劒川紹興元年復故其舊鎮名黃鶴者以今縣北八十里有黃鶴山相傳古仙人常騎黃鶴往來于此云○九姑山在治北百餘步有龍首之像宋邑令范純孝建亭于上扁曰最高又里許爲清脩山有清脩寺山舊無水以僧闕公駐錫石泉湧出遂成巨井因名駐錫泉時有大鯉浮出又北爲石馬山屏山吳岱山以至黃鶴嶺山下諸水咸會于梧桐寺口入大溪○金鰲山在縣治東水中巨石擁起其形似之稍下爲花石灘稽處州府志勝入卷之八 嵩

聖潭又下爲大沙窰外有白沙渡山北崇因寺有鐘忽一夕在稽聖潭又一夕在吳岱山塢寺僧視之但聞鐘腹有咆哮聲而風雨逼人無可爲計翌夜其鐘自還又有木魚在東廊長丈許唐物也宋時有竊而載之舟中者夜自有聲風波洶湧懼而返之我正德八年寺火而木魚無恙又有石筆一枝出地尺餘圍三尺根深丈許○大沙渡東北三里白馬墓卽開國勳臣胡公深所乘之桃花馬也公以征陳友定遇害其馬馳歸門外悲嘶殞絕夫人義之因塋焉號爲白馬墓章濫爲胡深詠桃

花馬詩硃砂染鱗色重臺勾引春風上背來慎勿解鞍橋下浴恐隨流水入天台○鳳凰山在縣西四里以形似而名五代錢氏有鶴衣道人日醉山下爲里婦所誦因撰紙爲鶴乘之西去唐乾元中建寶聖宮于山麓宋崇寧中住持吳應能以符水得幸徽宗出內帑營繕偉麗倍前宮後山之西隴有榘衣仙菴晉初有榘衣仙者童顏鶴髮不御飲食一日坐宮前槐樹上俄而祥雲四合天樂鳴空飛昇而去山之北有白雲岩又有桃花洞洞中小澗時有桃花流出西此一壚似石非石瑩白可愛處州府志勝入卷之八 嵩

洞之東有天台山秀麗挺拔爲一邑之勝我正統間知縣張羽延道士邵太初祈雨于山之陽叱符揮劒雲卽滄合雷電交作俄而虹貫雨收太初曰此必有撓吾法者索之壬癸草澤中見道士吳友清坐留槎洲中冠髮間藏一小符衆責之笑曰吾戲太初耳乃呪其符按之水雨下如注○按留槎溪卽縣城北之靈溪也其上流與泰溪蔣溪合中阻一洲其形如槎溪因分而爲二有濟川橋宋米芾書額橋上有閣蘇軾大書留槎閣三字又數十步有三思橋東荷池中有古龍壇池水紫碧色湫

渦丈許清冽異常宋嘉定元年湫中有異物如圓魚出游戲俄而雲沕風怒驟雨傾盆魚躍出尾類白蛇後有投牒石馬龍井雨者牒出此湫雨亦隨足宋陳舜俞留槎閣詩聞說槎洲似沃洲一溪分作兩溪流長橋跨岸虹垂地高閣凌空疊吐樓浩蕩乾坤供醉眼淒涼風雨送行舟憑誰爲問槎邊客未必無人犯斗牛何之奇前題長橋南北卧清虹旁結雕甍勢倚空朱戶夜開千嶂月畫簾涼捲夾溪風香傾綠醕登臨外影落澄波聚散中此景世間尋不到凭欄人在廣寒宮○九祭山在縣

處州府志勝不卷之八

其

南三十里岩高百仞上有龍井者九皆水凝而成廣袤數丈深不可測飛瀑九道自岩頂而下或分或合形若垂簾○又四十里曰琉華山山頂寬平有長湖深不可測山下卽琉田居民以陶爲業古有章生一生二兄弟主琉田窑造青器粹美冠當世兄曰哥窑弟曰生二窑至今重之○其東南爲古來山山有寺曰名岩邑人季可建分爲十八景葉子奇各系以詩今錄其詠桃花流水云漁郎得事無藏機桃源遂使人間知武陵老仙亦欠事水流却遣飛花隨此間別有天一斤松蘿漠漠開烟

霏外人無用問服食胡麻飯熟蕉青肥又石門茅屋云藤蘿抱石門自牢茆屋誰怕秋風高落花芳草共幽獨清風白晝何蕭騷山中無地着野馬世間萬事如牛毛不見崇牖貯歌舞春風容易長蓬蒿○臺湖山在縣西南八十里五代梁時邑人丘鼓採樵入山忽遇澄湖橋林杳非人境見二叟對奕及還家已別朞年其山中日纔暮云○又四十里爲佳山其水出焉流于雙澗與大溪匯元末章溢歸隱于此溢字三益嘗受元請屢平蕞黃等盜有功不受其官後從本朝仕至御史左中丞以

處州府志勝不卷之八

其

喪母悲痛而歿有看松菴金華宋濂記畧云其山四旁奮起而中窵下狀如箕筐因號佳山山多髯松彌望入青雲松上薜蘿數十尋嫩綠可茹松根茯苓大如斗難以黃精前胡及牡鞠之苗章君三益結菴廬其間菴之西南若干步有深淵者三蛟龍潛其中菴之東北山益高南望閩中數百里秋毫如見又有苦齋青田劉基爲之記畧云苦齋者章溢先生所居之室在佳山巔建溪之水出焉山四面峭壁拔起崖崿皆蒼石岸外而曰中其下多白雲上多北風植物之味皆苦野蜂巢其間采花

隨作蜜味亦苦其茶亦苦于常茶其水皆嚼石出
曲折注大谷中多斑文小魚狀如吹沙味苦而微
辛故先生之齋以苦名而意甚其之○西山在匡
山之東又東爲鼎山青壁聳峭雲霧晦冥頂有平
石方丈古刻雲臺二字旁有石棺石道士石屏石
厨之類宋真德秀生于西山既壯徙浦城號曰西
山不忘本也德秀山進士博學宏詞科累官參知
政事卒謚文忠○唐光化中鼎山僧德韶往叅淨
慧禪師師問如何是曹溪一滴水韶于言下大悟
回至天台見智詵遺跡恍如舊居疑卽覩後身也
處州府志勝八卷之八

著傳燈錄若干卷忽一日脩壇置新而坐其上從
徒舉火湏臾見韶乘烟并去○鼎溪之水發源于
三徑經桑溪至錦川披雲二橋灑于大溪元金信
桑溪詩云百丈橫拖烟渚迷孤舟入夜泊桑溪四
圍山色殘陽裏一簇人家淺水西意動閒愁投宿
鳥喚回幽夢報晨雞曙光纔弄微微月又聽林間
鳥亂啼

慶元縣在府城西南
四百七十里

輿地紀勝云本龍泉縣之松源鄉以去已遠賦輸
不時吏部侍郎胡絃里居議析今縣慶元二年得

旨因以爲名○縣南里許有山作騰驤狀名曰天
馬其右爲霞帳山色如渥丹每晨曦光射闌闌若
金碧然又南卽松源山也其水出焉名曰濟川北
流入山濬溪其中有白鶴巖洋二隘小濬大濬二
陂○百丈山在城西三里懸崖孤峭下有龍湫五
代時邑人馬氏姊妹二人結廬脩真于此皆白日
上昇今山巔有剪刀鏡臺遺跡又有桃洲洋石在
水中里人以石之浮沉卜歲豐歉皆驗○象山在
縣西北又北爲巾子山兩山對峙如角巾然又西
十里有薰山宋大觀初象山巾子山佳氣浮空若
處州府志勝八卷之八

光

架彩橋遙接薰山有寶車仙仗往來其上是年邑
人劉知新廷試第一由象山而東爲鏡山縣治在
其西南由象山西折爲蓮花山黃鶴山各以形名
○石壁山在縣東十里石筍凌空爲邑關阻又四
十里有拿雲山山椒夾擁嵌石披雲山下有洞中
可容數百人常有雲氣上騰又八十里有橫嶺連
亘雲中入于閩界嶺水北流至濠洲溪與蓋竹水
合蓋竹水源出縣西五十里之鳳山又受交劍水
經石壁而西潄爲古樓岩潭入閩之松溪○仙桃
山在縣東南二十里高出群峯大時邑下管人黃

十公樵于此山見二叟對奕得其餘挑啖之觀奕未竟歸已三載遂居百花岩二十年坐化○山岡山在縣西四十里與鳳凰山相連宋有梵公爲邑早隸邑令刑峻公用葱時血匿杖中行杖見血刑者多因得活一日令見公行不履地詢知其陰德大異之公亦遂去脩煉山中功成以石臼千斤爲冠登此岡羽化

雲和縣在府西一百一十里

我正統十三年宣慈人葉宗留等嘯聚爲亂平而復起至景泰三年其黨伏誅于是撫臣大司馬孫處州府志勝不卷之八

平

原貞疏析麗水之浮雲元和二鄉置縣治鯉魚山南而兼二鄉之名曰雲和○有鳳凰山去鯉魚山百步許各以形似而名鯉魚山如魚首有石室宛若魚口鳳凰山秀拔數百丈陟其巔可盡一邑之勝又二十里有婁狗山上有石室石筍下有清泉黃溪之水出焉流注于象山之麓與浮雲滙出婁狗山而西北爲武溪嶺武溪之源發于龍泉滙于九里灘又合雙坑口水湑爲規溪潭入麗水界○蘇伯衡鳳凰山房詩山林長往者岩壑最幽處探奇歷蒙密信步忘杖屨漁樵席屢分妻于首恒聚

村酒任意活野較隨宜具清心但焚香遣興聊覓句游魚泳深池好鳥鳴高樹物性一何適俯仰本同趣○龜山在城東里許又三里爲象山下爲雲壇又東爲香火山昔人以山有靈往往埋爐以棲其神遇旱祈雨輒應又爲大杉源山山有二龍潭一曰大杉一曰孤梯下爲箬溪水過龍坑入大溪○白龍山在城東南五里環拱縣治上有冷泉出石磴中而浮雲溪繞其南又南爲獅山岩嶺下爲安溪劉基獅山詩云落日下前峯輕烟生遠林雲霞媚餘姿松栢澹清陰振策縱幽步披榛陟層岑

處州府志勝不卷之八

四

槿花離上明莎雞草間吟涼風自西來颼颼吹我襟榮華能幾時搖落方自今逝川無停波急絃有哀音顧瞻望四方悵然愁思深○筆架山在縣南十五里三峯並起其形似之旁有安溪嶺路通景寧兩山叢夾堪以控禦嶺左爲佛兒岩再上爲武溪嶺又五里爲靈濟山堂宇幽寂瀑布星飛邑人王標詩云路入禪居一徑深白雲長護翠蘿陰到門山犬驚還吠知是林間羽客尋

宣平縣在府北一百二十里

我景泰三年分麗水之宣慈鄉置縣以勸平宜冠

爲名治鰲山之南知縣任良翰衙齋秋用詩搖落
山城草樹斜風雲何事滯年華寒霜不護雙蓬髮
夜雨輕催一縣花塵鞅昔曾驅朔漢夢魂今復到
天涯芝園桂宇年在旅况還驚不是家○栗山
在城西四里環山二水左曰午溪右曰申溪皆以
方位而名又西一里有白馬山山有石室室中巨
石屹立擊之鏗然有聲高道傳云唐葉法善嘗游
白馬石室遇二神人謂之曰子乃太極紫微仙卿
以過謫人世授以正一三五之法相傳縣東有馬
蹟壇乃法善騎馬過此其蹟尚存陳思謙詩昔日
處州府志勝不卷之八

望

唐仙此地游馬蹄踏處至今留殘琴香淺風初度
蒼鮮痕多雨未收鍊石遺踪今不泯霓裳吹曲復
何求行人欲問神仙事惟有山前碧水流○甌溪
山在城東五里槐溪水流其下相近有墨山高聳
萬丈其色如墨白馬山之西十里有楹樣山三峯
錯峙四向峻絕中峯有三真君祠相傳三真君者
周厲王諫臣廣宏葛雍周武也諫王不聽奔此後
歿爲神血食于此○台山在縣北二十里層巒疊
嶂迥出諸山前有松溪後有桃溪山界于中二水
夾而西下○曳嶺在縣南四十里斷崖絕壑行者

曳足而過故名又爲槁嶺以草木不生故也又二
十里有玉岩山其東爲東岩四面陡絕惟有一徑
捫蘿可入一名赤石樓又西四十步爲西岩與東
岩對峙中有清風峽桃花洞唐袁晁陷郡鄉民共
避于此黃巢亂郡人俞強復率鄉民避焉宋方臘
亂梁孚領義兵後屯于此皆刻其事于石金文登
詩偶陪二三千來作東岩游兩岩東西峙不知幾
千秋攀緣上鳥道危險孰可眸仰看先登人掛樹
如猿猴膽慄心戰汗此身欲飄浮登勢莫已直
至岩上頭四顧天壤間萬有森在眸心神俱豁然
處州府志勝不卷之八

望

頓忘人世憂金信度槁嶺詩局輿伊軋半山行沿
路松篁似送迎田稻粒殘幽鳥啄隴雲犁破老農
畦高低紫翠供詩興濃淡煙霞不世情吟罷車中
憑一眺僕夫已報到菱坑

景寧縣在府南一百二十里

我景泰三年分青山縣之泰遠鄉僑上等里置縣
因以年號爲名○印山在治北上有突石方正如
印旁生奇木以陰之印山後有獅山綿延五里爲
華嶺玉泉山山麓有泉滴岩清瑩如玉至北岸滙
衆水爲邑巨浸東下五里爲大滙灘巨石錯立形

如犬牙水行峽中如雷下有獨石高四五丈屹立
湍流中甚奇偉○鳥鐵岩在城東半里時雨初霽
石色如鐵其第二峯尤陡絕又東爲羅岱嶺俗有
近天三尺之說又有龍腦潭迤東爲盧樓溪溪上
岩洞尤奇昔道士盧遊棲其中洞旁竹笋味甚佳
號盧樓笋溪旁又有岩生竹四竿無風自動拂除
岩石潘援鳥鐵岩第二峯詩壯哉危岩露天表春
草不生蒼蘚少金鳥嘶火落兩峯猶掛餘光在林
杪霞光搖影高蒼蒼衆山羅列皆下方安得乘風
上絕頂直凌倒影觀扶桑○石耳山在縣南岩高

處州府志勝人卷之八

四

百餘丈上生石耳如甚頂出流泉大旱不竭又有
響岩扣之作聲響岩南爲沐鶴溪潘琴有招鶴詞
三章又多不具載其序畧云吾鄉舊稱沐鶴溪相
傳浮丘伯養鶴日浴于溪故名浮丘去鶴亦俱往
潘援沐鶴溪詩沐鶴仙人去不還沐鶴溪水清且
寒細柳青青照晴沚落花點點浮滄瀾我來訪古
尋仙逝者如斯契深理振衣吟嘯過芳洲綠陰
白鷺驚飛起夏高詩萬里長空月清波漾素輝
蒼茫紅蓼岸激瀨碧苔磯影入孤城霽光涵遠樹
微一聲瑤笛響仙鶴伴雲飛○石牛山在縣南十

里有巨石黑色旋伏如牛故名其山爲敕木山
高數千仞積雪經旬不消其水流爲塵溪入大溪
潘援石牛山詩危峻突兀臨碧灣亭亭屹立烟霞
間奇樹春深翠陰密釣臺路古浮雲開大化融融
氣清淑掩映浮嵐蔽晴旭有時黃鶴忽飛來金花
點破烟痕綠陳孟素勅山水詩尋幽直上最高峯
萬仞青邊一徑通直可低頭看落日真堪番石擊
騫鴻渭塘沉碧涵秋影石湮生香驗歲功因過招
提歸路晚芒鞋踏破白雲封○縣西一百里曰鷓
鷃岩有泉一泓飲可愈疾後雷震爲潭鷓鷃灘在
處州府志勝人卷之八

五

其下卽唐馬孝婦故居也馬氏光化時人家貧養
姑甚孝既歿後人立廟于其鄉鄭建詩仙班謫降
混凡塵辛苦終身爲養親遠道杯羹曾力致傭工
織絰不辭貧鷓鷃山高處留遺跡均水中流急濟人
載至今崇廟祀昭昭靈貺福斯民

金華府在府城南五里領縣八

中

三國吳寶鼎元年置東陽郡以其地在金華山之南漱水之東因以爲名鄭緝之東陽記云此境卽會稽西部嘗置都尉理此梁武帝改置金華郡按玉臺新詠以金星與婺女爭華故曰金華也隋平陳置婺州亦以此名○南齊沈約爲東陽守於郡治西南隅建玄暢樓賦詩八章時稱絕唱宋知州馮伉更名八詠樓今錄其一曰登樓望秋月望秋月秋月光如練照耀三尚臺徘徊九華殿九華玳瑁梁華棟與璧瑤以茲雕麗色持照明月光凝華

金華府志勝不卷之九

一

入繡帳清輝懸洞房先過飛燕戶却映班姬床桂宮裊裊落桂枝早寒淒淒凝白露上林晚葉颯颯鳴鴈門早鴻離離度湛秀質兮似規委清光兮如素照愁軒之蓬鬢影金階之輕步居人臨此笑以歌別客對之傷且暮經衰園映寒叢凝清夜帶秋風隨庭雪以借素與池荷而共紅臨玉階之皎皎含霜宵之濛濛輔天衢而徙度輾長漢而飛空隱巖崖而半出隔帷幌而纔通散朱庭之翼翼入青瑣之玲瓏寒階悲寡鶴沙洲怨別鴻文姬泣胡殿昭君思漢宮余亦胡爲者淹留此山東唐嚴維送

客之東陽詩明月雙浮水清風八詠樓少年爲客處今日送君遊崔顥登八詠樓詩梁日東陽守爲樓望越中緣念明月在青史古人空江靜聞山狖川長數塞鴻登臨白雲晚流恨此遺風宋謝朓前題江山此愁絕寒角夢中吹飛鳥過帆影流塵空戟枝水交明月動槎汎故洲移已薄齊梁士猶吟沈約詩元趙孟頫前題芙蓉秋色爛朝暉作賦登臨客未歸羽士曾聞遼鶴語征人又見塞鴻飛西流二水玻璃合南去諸峰紫翠圍如此江山良不惡休文何事不勝衣○輿地碑目云婺州古城在

金華府志勝不卷之九

三

郡西南四十里廣袤五六里相傳爲古州城基○宋州衙在今子城內正北署曰浙東第一臺是○通判廨舍在州衙西今爲守禦千戶所而郡治乃宋添差通判廨舍也紹興十三年知州周綱所建俱有碑存○仁風堂在治內取晉袁宏答謝安語未揚仁風之義○自公堂在州衙後舊名野聲亭宋大觀中知州詹適重建因改今名○與春堂在郡園東舊名魚水堂堂下有池池中有臺跨渠其上夏秋小艇容與其間亦周綱建○最高亭在府治北宋葉衡園內陸游有記○休文井在府治西

相傳沈休文爲郡守時嘗乘驢入井數日乃出井傍有石刻存○寶發觀在子城西南隅隋平陳太史以其地當發女乃立祠于城西北隅唐開元中徙其像于開元觀五代時刺史錢儼始移今所星祠之下有古桐一株每與齊則出大魁宋紹熙癸丑陳亮及嘉定庚辰劉渭相繼廷對居首應其識○迎華觀在州宅北子城上宋元符二年知州孫載以金華山直其北改爲迎華觀○法隆寺在通濟橋南峰寺前經幢高五丈刻云唐大中十一年立其幢累石爲之皆青色製琢精奇幢下石隙

金華府志勝本卷之九

三

周匝有大金錢徑二寸許以杖舉之宛轉其中竟莫之得俗呼金錢寺○觀音寺在城北尉司之後舊有觀音像或云卽天王寺之觀音也宋李泰發謫藤州過慈航寺中發州乃其舊治人皆莫之識泰發孫孟博隨行因作詩曰道上何嘗識故侯解鞍聊復小遲留莫向漳江更南望四十八驛是藤州寺有銅鐘題字保大二年歲次乙酉以年表攷之當在同光三年○塚廟記云星君塚在城北一里舊天王門內城西隅有地隆然俗呼爲星君塚寺北有待制趙相墓相洛陽人宋紹興間帥廬

州死于鄴瓊之難子孫居發州梵巖寺殯焉郡守孟猷爲塋茲土又五里爲錢大王墓地名沙溪按卽唐末清海軍節度使判發州錢元懿也墓有巨碑未刻而石羊虎之類凡十餘頭又其地有宋趙抃祖墓清獻上塚時留題碑存○宋鄭剛中墓在縣東三十五里招福原○孝友二申君墓在縣南三十五里石人潭側朱文公書○又十五里爲白沙王廟碑略云神漢輔國將軍諱文臺字高明嘗討赤眉還誅新莽功成造鐵船遊東海見石帆于永嘉徧歷名山而沒于婆娑祠之今白沙村有昭

金華府志勝本卷之九

四

利王廟卽此○徐將軍廟在子城西一里晉人名次督兵來發平賊有功後塋于此昔年于廟左浚渠有古冢無碑碣惟存一鏡甚損上刻永和年號○長仙王廟在城南三十里之長仙源宋孝武時郡守蔡興宗祠也郡人陳某爲之記○唐呂二先生祠在學宮三賢堂側唐公說齋仲友也呂爲東萊伯恭授徒于此學士宗之○明學士王忠文公禕祠宋文憲公濂祠俱在八詠門外○開國勳臣趙國胡公大海祠在清波門內

金華縣附

東漢析烏傷縣地置長山縣因以長山爲名吳置東陽郡而長山其附郭也隋廢郡置婺州改縣爲吳寧尋改爲金華蓋長山與金華本一山云舊治在婺州東四十里唐開元中刺史梁繼徙今所致唐會要開元四年升金華爲望縣韓元咎集云婺州登臨之處其東爲雙溪閣其西爲八詠樓而極目亭在子城上舊雙溪閣址也八詠樓已見上按雙溪在縣城南一曰東港一曰南港東港源出東陽大盆山經義烏西行人境又滙慈溪白溪玉泉溪坦溪赤松溪經石崎巖下與南港會南港源

金華府志勝

卷之九

五

山縉雲黃碧山逕永康武義入境又合松溪梅溪水遶屏山西北行與東港會于城下故曰雙溪又合白沙溪桐溪盤溪之水入蘭溪謂之澈溪按石崎巖在縣東三里二百二十步高十餘丈俯瞰大溪巖下有洞洞中嘗見梅花流出溪許因名梅花溪又三十里爲天中湖湖與黃演松溪諸湖相爲映帶者也○縣西五里有灘極險名五百灘俗傳牽挽須五百人方可渡唐李白詩聞說金華渡遙連五百灘他年一攜手搖艇入新安○屏山在城南五里一名琴望山又名赤山正當縣治之前又

十五里爲銅山東陽記云山下有泉其色鮮白曰銅泉異苑云孫吳有軍五百破洞得一銅釜欲破之忽水從洞中暴發遂成湖潏人又五里爲石門山高三百丈有石對峙如門水乘高而下者三級人稱龍門龍門之東又有里愚山宋儒王柏與倪公度兄弟講學其中稍西曰沐塵山高八丈山之東西各有石人峰與玉笥山稱三峰○玉笥山高三百餘丈以嶺名折而東有望山宋旣亡樞密倪普遜隱於此每登之以望臨安者又十里爲南山府治之賓山也其高無筭周四百餘里其北自

金華府志勝

卷之九

六

括蒼來南則遂昌松陽宣平東則永康武義西則龍游湯溪諸山皆相聯絡深遂幽遠千峰層嶺高入雲表陰崖積雪經春不消上有龍湫名三斷水三斷之東名大溪小溪流出爲上干下干直至梅溪陳樵遊南山詩磴平如席草茸香盛夏宜人石氣涼杜宇血銷添碧燐山鷄食罷化餘糧赤松有約吾將老白髮無愁不解長醉便枕流眠石髓看雲不用據胡床○又十里爲白原山高千餘仞二百餘峰羅列于前深入有石巖卽仙人黃初平宴坐處明金信詩云花開三樹紅重屋波漲溪流

綠遶村咫尺春泥初雨後尋常嶺石是雲根○輿
地志云芙蓉山在縣北十五里高千餘丈孤峰獨
起秀若芙蓉故名宋謝翱詩流水北山北芙蓉峰
影長看花春到寺數竹午過廊崖石侵衣碧山雲
沐髮香老僧呈佛骨見畢下胡床蓋題芙蓉寺作
也又五里卽長山以山中常有五色華現唐天寶
間勅改金華山然與梁山煉丹山盤泉危石逶迤
十里皆芙蓉山之支耳亦俱有黃初平故事按初
平晉蘭溪人號赤松子年十五其家使牧羊遇道
士引至金華山石室中兄初起尋之四十餘年一

金華府志勝八卷之九

七

日遇道士引入山相見問羊安在初平曰在山之
東初起視之但見白石初平叱之石皆成羊初起
遂絕粒服松栢茯苓亦得仙輿地記云長山本名
長仙赤松子採藥於此故名後呼訛字亦隨改山
高一千餘丈周三百六十餘里山巔雙巒曰玉壺
曰金盆壺中有湖名徐公湖週迴四百八十步昔
有徐公者至此逢二人共博自稱赤松子安期生
酌湖水爲酒以飲之徐公醉臥及醒不見二人而
宿莽攢聚身上因以名湖湖水分兩派而下其瀉
於山之陽者山山橋達溪其注於山之陰者由鹿

田入洞石盆中有飛瀑瀉出若玉虹下垂注爲赤
松澗兩崖對峙高數百仞有石橫跨其石溪流折
旋爲瀑爲湍分合凡數處○鹿田峰巒聳拔上有
沃野可耕其中多奇石有東西二寺宋方鳳鹿田
聽雨詩禪樓投倦客山雨起更闌聽葉散幽響石
林生峭寒洞深猶暗瀑江遠忽風湍想像雲蘿外
應宜晚色看謝臯羽有鹿田聽雨記○山下之洞
卽道經所稱三十六洞天也洞有三曰朝真曰水
壺曰雙龍亦稱三洞朝真洞居山巔巨石如龜橫
當其穴穴中數石如人名羣仙洞其傍一石蒙覆

金華府志勝八卷之九

八

玲瓏若被纓絡名真人洞洞中水涓涓流名淨室
下注泉一泓有嶺曰風門嶺風迅如扇上有垂蓋
類蓮華高四十餘丈絕頂幽峭莫測朝真而下百
餘步至玉壺洞洞在山腹深十餘丈泉聲淙淙若
金華懸崖而下石皆離列水奔注其中條沫成簾
長三十餘丈雙石巖然壁立曰石筍自水壺五十
步至雙龍洞洞門軒豁如大厦洞中一穴有石屈
折而方名仙田其下石杆扣之有聲傍石嵯峨儼
如積雪下有龍潭水尤清冽謝翱記略云下洞之
右有椒亭亭上望洞若鉞甕洞內外分爲兩由鉞

堯人可坐數百人有穴如幕順水自順入地中下
山篝火臥小舟由順入進至岸寥泝空廓行飄飄
有聲由右轉左復從順出洞外行二百步至中洞
自洞口束炬回旋入地底出出二里至上洞上洞
又分左右爲兩變惟開闔石形而成人物之類者
凡六十有四口柳宗元龍城錄云金華山卽今雙
溪別界其地有仙洞俗呼爲劉先生隱身處其內
有三十室廣三十二里以炬照石刻云劉岩字仲
卿漢室射聲校尉常恭顯之際極諫貶於東甌隱
身於此莫知所終道士蕭至元記○吳錄地里志

金華府志勝入卷之九

九

云常山仙人採藥處謂之長山山南有春草巖折
竹巖巖間不生蔓草盡出龍鬚相傳赤松子羽化
處又有似龍鬚而龐大者名虎頭草不中爲席但
以其稜爲燈炷抱朴子以左元放言此山可合神
丹免五嶽洪水之患者也山之西有紫微巖石室
深廣數丈梁劉孝標棄官隱於其下著類苑山棲
志等書郡人呼爲書堂巖其東曰九龍洞有石奔
湧潛溪之源出焉山之東巖曰上霄洞石壁環抱
如城郭或曰卽優游洞計其距縣東北已三十里
又五里曰新洞宋紹興間一石摧下傍露大竅風

自中出振動山谷三日方息洞皆石乳採之爲餌
與鐘乳無殊後有人負糧束火舒百尋之綆以窮
其深未幾巨石自墜掩其洞口云梁沈約詩朋來
握石髓賓至駕輕鴻都令人境絕惟使雲路通唐
舒道紀詩松老赤松源桃開廟宛然人皆有兄弟
誰其得神仙雙鶴冲天去羣羊化石眠至今丹井
水香滿此山田曹唐詩莫道真游烟景賒瀟湘有
路入金華溪頭鶴樹春長在洞口人間日自斜一
水暗迴開繞澗五雲長往不還家白羊成隊難收
拾喫盡溪邊草勝花宋蘇軾初平牧羊圖贊先生

金華府志勝入卷之九

十

養生如牧羊放於無何有之鄉止者曰止行者行
先生超然坐其傍挾冊讀書羊不亡化而爲石起
復僵閭丘仲詩人皆愛兄弟物外不相忘天下未
安枕山中空對牀石開羊不見丹去井猶香空有
寒松在青青閱世長王安石詩定林喬木老參天
橫貫東南一道泉六月杖藜扶石路午陰多處弄
潺湲○東山在縣東五十里高千餘丈東屬東陽
南卽武義之八素山其高巘曰齊雲圖中有齊雲
寺宋紹興人商曰新與子夢鶴遊地於此日新歷
官太子少師與賈似道不合棄官歸宋亡隱此篲

笠鋤雨不復巾祗見人又二十里有葛公山高千餘仞五峰卓立下有二石筍高數丈若華表夢鶴東山詩云野雲迷石磴出果與猿分睡足簑衣雨不知晨與昏明金信詩東山秋色靜處處樵歌起涼風催早霜落葉不知由○太陽嶺在縣東北五十五里俗傳嶺與太陽齊高故名踰嶺卽浦江界宋錢全詩健步捫霄漢林披細路分一筇支落日兩般踏層雲鳥影空中度雷聲湖底聞憑高窺下不錦繡絢晴文○嶺下爲淨利菴唐元和建舊名東巖金信詩云林綠生夏雲蕭然水晶域今日復

金華府志勝八卷之九

十一

重來青首見行迹雲生身上衣月照松下石竟坐聞疎鐘空山未眠夕

蘭谿縣在府西北五十里

孫吳置三河戍于金華之西部唐咸亨五年始卽其地而置蘭谿縣取蘭谿水以爲名○縣城東有亭跨東山之勝曰東峰亭唐馮宿碑記略云貞元十七年歲在辛巳十一月己未朔七日乙丑縣令洪少卿建其碑殘缺邑宰洪君名亡適當首行寂下字滅吳師道識○戴良東峰新亭詩云昔余駐蘭陰頗得江山趣日上東峰亭遙望水東注別去

曾幾何重來已遲莫一時同遊者大半髮垂素亦或臥空墳翳彼梅花樹因之念所思倚欄聊四顧安知遊日時翻是傷心處咄咄露電身誰似金石固此生縱滿百會合能幾度獨有溪上山年年只如故○東陽記云蘭谿縣治西南六里有蘭陰山其上多產蘭故名蘭陰以其橫截大溪又名橫山大溪卽蘭溪也其源有二一自衢城東北流至縣曰衢港一自婺城西流至縣曰婺港二水合而匯于蘭陰山下類羅穀文又名澱水有潭曰橫山潭湫不可測亦名龍潭其西烏有洞與北山小三洞

金華府志勝八卷之九

十二

相通唐許渾送客歸蘭谿詩花下送歸客路長因過秋暮隨江鳥宿寒共嶺猿愁衆水喧瀨瀨羣峰抱沈樓因君幾南望曾向此中遊宋楊廷秀曉泊蘭溪詩金華山高九天半夜雪裝成珠玉案蘭江水清千頃強朔風凍作琉璃缸日光雪光兩相射病眼看來忘南北恨身不如波上鷗脚指爲楫身爲舟恨人不如沙上鴈蘆花作家梅作伴折綿冰酒未是寒曉寒眞欲冰我肝急閉窮蓬擁爐去竹葉梨花十分注○城東南有大寺山蓋拔數十丈以山巔及趾俱有佛刹也其西南有嶺曰倉嶺俯

臨大溪東北有塢曰桃花塢舊有山意亭○烏石山在縣北與黃大山相連本一山以石色蒼黃而異名舊傳大溪經于其下尚有絆舟之跡又十里有水山山多流泉泉有三源上曰鮑源中曰盛源下曰繆源各深十數丈近東曰金臺山夜每有光近西曰秦龍巖高一丈深廣五六尺○古城山在縣南二十里高阜中峙兩山環其左右山脊有城周二三里缺處如門元于石九日登古城山詩信步躋攀感舊遊寒烟衰草思悠悠西風白髮空驚老晚節黃花獨耐秋宇宙幾人歡暢飲江山一片金華府志勝八卷之九

幸

古今愁淵明三徑今還在自笑不如歸去休○洞巖山一名靈洞山在縣東二十里高百餘丈靈洞凡六而著名者三曰白雲曰湧雪曰紫霞三洞相環如貫珠其東北一峰怪石屹立人稱小飛來峰峰下有泉曰天池泉清鑑毫髮浴流而出爲桐溪洞巖山口有天井巖高百餘丈下有天井龍潭又有金龍金鷄二山元于石洞巖山詩萬壑嵐光冷滴衣清泉白石鎖烟扉半山落日樵相語一徑寒松僧獨歸葉墜誤驚幽鳥去林空不礙斷雲飛層巖峭壁疑無路忽有鐘聲出翠微又題三洞詩四

山迴合向幽泉古木蒼藤路曲盤一局棋殘雙鶴去石屏空倚白雲寒又斷崖怒湧四時雪虛壁寒疑六月霜倚樹老僧閒洗鉢碧桃花落澗泉香又洞門相對是吾家朝看烟雲暮看霞鐵笛一聲山石裂老松驚落半巖花○桂竿山在縣西二十餘里山多紫石如珠山之陽有三泉卽古西井也山巔舊有歷陽侯范增廟元唐良驥建齊芳書院延金履祥講學於此旁有高峰名將軍山山之左爲佛山上有洞深不可測○東栢山在縣西南二十五里東溪流於其下近西曰瑞山昔產瑞麥故名金華府志勝八卷之九

古

又五里曰社山上多嘉木又有龍門山狀若游龍夾道如門○屏風山在縣東北二十里山有小洞泉水噴出大旱不竭又進曰十二曲山上有飛瀑如簾山路凡十二曲故名○香山在縣北三十里山產王蘭無葉而花白下有香溪卽蘭谿之下流也宋范浚居其上又二十里爲解石山山名小桃源有青霞館丹井丹竈諸遺跡方太古詩山谷良窈窕白雲何其多考樂懷碩人樂此山之阿谷口富梨栗鳴鳥集高柯吾欲剪茅茨白雲爲深窩琴書娛枕席野徑牽藤蘿載構三無堂以竹萊婦過

○香溪之東爲東山以此山在溪東而名范浚東山詩云山作屏風雲作籬岩光亭子俯漣漪絕知此地風光好直謂主人踪跡奇側寒亂花紅被逕檀欒高竹翠綠坡惠連自喜陪幽賞判却歸時倒接離○東山相隣曰密山平野中突起數十丈上有觀音巖巖中怪石如筍又名佛迹山近西曰白露山石巖如帶霜露妻清秋冬之際尤難爲懷○又十里爲三峰山峰下有巖廣三丈相傳葛稚川修煉之所唐中書侍郎徐安貞書品亦在焉宋景定甲子九月金履祥來游有記○白石山在縣西

金華府志勝入卷之九

圭

四十里其石如玉又名玉華峰玉華之左四五里有大石高數百丈飛泉直下溜石成溝又左四五里有石柱高百丈周十餘丈相望有硯山高數百丈盤亘二十餘里山頂平正有池如硯山之西爲陳嶺石路岩巖千有餘丈接龍游壽昌二縣界○白鶴山在縣西北二十五里俗傳爲白鶴仙人煉丹處陸震詩云雨洗長空染出秋逼人清氣試霜裘山輪秀色滿平野月送夜涼歸小樓荒蕪黃芽尊餐醑豆垂青角酒登笏平生誰似瞿曇老不遂晚山相對愁○又北三十里爲巖高峰旁有勝觀

石高四十餘丈方太古詩去去高峰近嵐光撲眼賒橋衝古寺直路趨野溪斜掛樹蘿翻葉含雲潭瀉沙倚松還足力孤鳥下山花

東陽縣在府城東一百五十里

唐垂拱二年因東陽名郡之名分烏傷及廢吳寧縣治置此縣梁開平四年錢鏐惡楊行密之姓同音奏改東場宋咸平二年復故○孔山在治東南二百步宋丞相裔行簡居第在其下有孔山堂雙峴樓釣游亭皆理宗御書額○月巖在縣南二里下臨大溪巖形如月故名又六里曰三丘山高三百二十丈周二十里晉殷仲堪義熙間東陽太守嘗登此山惆望後人思之比於襄陽之羊祜因名峴山山有二峰對峙曰東峴西峴西峴峰飛瀑數丈自巔而下注於澗淙淙如漱王宋熙寧縣令王槩作亭澗上名水樂亭蘇轍寄題水樂亭詩君不見武安臺前直曲旗官高利厚多憂悲又不見夏侯好妓貧無力簾箔爲衣人莫識兩人操行雖不同辛苦經營實非一不如君家激水石邊流聽之有聲自無憂笙竽窈渺度溪谷琴瑟悽咽穿林丘高人處世心淡泊泉聲過耳皆爲樂退食委蛇石

金華府志勝入卷之九

圭

上眠幽音斷續床前作正如古人樂易多歡娛積
土爲鼓塊爲桴但能解作太古意君家水樂真有
餘○甌山在縣西南十里高三百二十丈周二十
里寰宇記崑山頂上有孤石高三十丈其形類甌
卽此山也東陽山水記云晉陳安居學道之所下
有白雲洞深五丈廣如之石壁有竅泉從中出宋
慶曆間縣令鮑安上有善政嘗憇此山之岩因名
鮑公岩○赤石山在縣東北十里一名孤絕山上
有赤崖不生凡木又七里爲鶴巖山高二百丈周
十五里上有風穴風從中出颺颺有聲巖有二石

金華府志勝八卷之九

七

如鶴竦立故名又六十里有東白山高七百三十
丈周五十里峰巒疊宕起伏隱見與會稽天台諸
山相連屬中有水流入東陽溪○青臺山在縣東
二十里高三十丈周二十里突立以山色長青故
名青臺又三十里有覆舟山高五十丈亦以形似
而名相近有西白山高四百五十丈與東白山相
對峙又一里有嵬山凡六面上有井三十六○
夏山在縣東南四十五里高七百丈周二十里山
巔有池廣二丈深四尺冬夏泠然不盈不涸側有
禹廟故山以夏名又二十五里有歌山山有石室

可容百餘人山下水通臨海昔人乘舟望見女子
汲水山下登岸而歌姿態端美舟人不知爲神而
挑之神怒乃墜三大石以塞水源遂不通舟又三
十里有大盆山高五百丈周一百三十里形如覆
盆傍有小盆山溪水出焉二山之間有盆山洞者
老傳云梁昭明太子讀書于此洞中有石如盆徑
二尺深尺許其水清甘常滿卽東陽溪之源也東
北入縣導義烏之水南合画溪至郡城○画溪一
名東陽江距縣南三十里羣山縈連草木如画故
名迤西而南十里曰横溪又折而南五里曰荆浦

金華府志勝八卷之九

大

溪其源皆出大盆山西入義烏縣界與東陽溪合
○唐劉禹錫詩東陽本是佳山水何況曾經沈隱
侯化得邦人解吟詠如今縣令亦風流右寄于興
宗作也興宗以寶曆二年令東陽觴涵碧亭下穿
方池引水流觴晏公類要云在縣南五里山水竹
水交映亭表最爲勝處興宗詩曰高低竹雜松積
翠復留風路劇陰溪裏寒生暑氣中宋元豐五年
縣令鮑拯與僚屬修禊于此復得池南一岩巋然
崛起縣尉唐最書鮑令品三字刻于石壁○右其
地有唐詩人羅隱宅宋曹冠詩翠微深處足幽居

騷客當年此結廬蓋詠此也元祐間有僧翫庵于此名栖賢庵○塚記云三國斯敦墓在縣東二十五里○晉樓湛然墓在縣東白兆村○晉許孜墓在縣北七十里藍礪村其上有虎峰即東山也孜傳云孜字季義二親沒建墓於東山躬自負土列植松栢亘五六里時有鹿犯其松栽孜悲歎曰鹿不念我乎明日忽見鹿爲猛獸所殺置所犯松栽下孜悵惋不已猛獸即於孜前自撲而死舊志鹿爲虎殺後人因名曰虎峰有虎峰寺宋王槩公詩路出元安望虎峰峰巒高處萬林松山僧迎客輕

金華府志卷之九

九

如鹿古木成槎怪似龍飛滑濺衣寒有韻斷雲生足暫無蹤凌危更欲尋東白東去濃嵐又數重□按此乃孜營其親墓也孜墓在縣東北五十里資福院側宋宣和中院燬于火獨藏經皆變爲石卷軸宛然叩之有聲右輿地紀勝所載王象之東陽人故其言常有據○唐杜曉墓在縣西五里曉字明遠昭宗時痛父讓能死非其罪晦迹不出後仕梁官至尚書卒于難贈右僕射子孫避五代之亂散居於此○晏公類要云唐杜叔倫去思碑在縣治前達州刺史陸長源文○東陽志十卷宋洪遵

景嚴撰以樞密出判南渡紹興二十四年

義烏縣在府東一百里

漢會稽郡有烏傷縣異死云秦有顏烏父亡負土成墳羣鳥斲土助之其吻皆傷因以名縣唐武德七年改名義烏今縣東四里有顏烏墓墓東三步有墳高一丈五尺方四十丈即烏父母墓也烏傷溪去烏墓一里後漢東陽人趙炳與閭中徐登遇于烏傷溪之上各試所能登禁溪水水爲不流即此處矣水經注曰吳寧溪出吳寧縣經烏傷謂之烏傷溪者也又二里爲鷄鳴山昔有金鷄鳴其上

金華府志卷之九

二

羣鷄皆鳴故名山高五十丈前瞰縣郭傍臨大溪俗以九日登高於此亦名登高臺又四里爲石門嶺連山中斷兩石對峙如門又六里爲南山蟠折縈紆廣袤數里有平土可耕人多居之黠溪之水出焉西流入大溪○又十里爲石樓山一名白巖山高五十丈周十三里四面孤絕兩山相峙狀若浮圖山東西皆有巖深袤數丈東巖凹處西巖有石如欄干護之稍西又有數穴兩巖層級高下數重危樓複閣羣巒環繞若屏幃然○青巖山在縣南十里高五十丈有象鼻岡本朝學士王禕莖

衣冠處又有齊山高三十丈下有雙澗南曰前溪北曰梅溪律詩云幽僻青巖中結屋開荒畦羣山列左右雙澗列東西蕭然守岑寂環堵蓬蒿齊林泉幸清勝吾將以冥棲○又十五里爲雲橫山一名雲黃山一名松山高一百四十丈周二十里上有峭壁高百丈廣三十五丈俯臨華溪有石青白而紫曰飯石下有旋螭池水紋旋如螺形蕭梁時邑有傳大士名翁字元風少以漁爲業普通元年遇胡僧嵩頭陀語之曰爾彌勒化身也何以漁爲因令鑑於水乃見圓光寶蓋卽悟前因因問以修

金華府志卷之九

卷之九

圭

道地方頭陀指松山雙檣木曰此可矣翁遂於此行道輒有黃雲如蓋盤旋其上後人因名松山曰黃雲山事聞于朝大通三年勅建寺于雙檣間卽今雙林寺也山多猛獸大士每齋竟輒持餘飯飼之自是伏匿今名其處爲餒虎岩餘飯化爲石可琢數珠是時有陶氏子孫今惟此一家能琢他人效曰此石他日瞻汝子孫今惟此一家能琢他人效之石乃穿裂舊傳大士每行道有七佛相隨如來居前維摩居後歸寂之時東海徐陵爲撰塔志銘至今存○又十五里爲蜀山高百丈下臨蜀墅塘

上有仙壇及陽春洞又十里爲葛仙山高一百五十丈其巔爲雪峰嶺高八百丈又十里曰大寒山山頂有池四時不竭春夏溢出爲瀑布泉又十里曰來山高二百五十丈羣山遠來至此而止故名山側有半印石輿地紀勝云梁天監中西域嵩頭陀自香山南行至金山江水大溢舟師莫肯載師布傘水上持鐵魚簾截流而濟至來山立禱舍名來山寺○又二十里爲杏嶺高一百丈吳寧溪之源出焉流至丹溪爲婆塘坑婆塘坑之水合流爲小雙溪又合峴溪之水流至黃蒲潭入大溪○黃

金華府志卷之九

卷之九

圭

藥山在縣北二十里一名黃虛尖下有網巖唐武德四年置綱州以此巖名又二十五里有清潭山酥溪之源出焉流至丫口與深溪合流入豐江山頂有鷹嘴巖方臘亂時居民多避於此又有鷄栖山一名金峰山上有石屋北有降魔峰又三里曰龍祈山山之西有深溪西北流入浦江○九里潭在縣東南九里故名每風雨晦冥輒有鐘聲隱隱出潭中嘗有漁者捫鐘見之鐘傍有屋廬類庵廟然又十里有鐵鼎一名郭公山高峭峻拔山半有水簾下垂數十丈如匹練山頂夷曠有畝有三塢

及三潭皆極深奧○又六里為龍門山自山口循
澗磬折而行過師姑潭石井坑登樓梯岩有平岡
橫亘其上為龍門傍皆平壤民多耕桑其間絕
頂兩峰對峙名雙王峰南下嶺嶺俯瞰深谷有澗
水經其中西入画溪溪上曰画塢山溪流經其下
注為斗潭又二十里有夏山絕頂有湖曰上湖廣
袤四丈深五尺○晏公類要云繡川城在縣西南
三十里有繡川湖去縣西一百五十步迴廻九里
山川花木掩映如繡故名宋紹興間縣令董燿奏
請為放生池王忠文詩十里華州上年來足勝遊

金華府志勝不卷之九

重

雨花林下寺風柳驛邊樓漠漠芙蓉浦依依杜若
洲平生身外事應許付沙鷗○又二十里為香山
其地產楓香木故名亦有香爐峰在山頂○又二
十里為五雲山唐天寶間有五色雲彌漫峰頂故
名上有智忍巖五雲溪之源出焉流至梅塢口合
梅溪入於大溪又二十里有覆金巖四隅孤絕石
芒峭發上有平壤土美可耕而山邃地僻迥非人
世○稠巖山在縣西北二十五里上有巖如屋巖
中石室深十餘丈廣數丈巖巒叢互故以稠稱晉
咸康中丹陽令葛洪棄官隱此○塚記云駱家塘

在縣東北唐初駱賓王居此賓王七歲能詩武后
時除臨海丞棄官去徐敬業討武則天賓王為之
傳檄敬業敗賓王亡命不知所在今有墓在縣東
三十里上楓塘

永康縣在府東南一百十里

東陽記曰孫吳赤烏八年分烏傷之上浦立永康
縣按志城東有華溪源出密浦山城南有南溪源
出縉雲之土母山俱東流至縣城合流入郡城北
卽所謂永康港也其注華溪者為雲溪酥溪及鶴
鳴桐琴諸溪宋章璣詩華溪釣隱誠自豪齊門操

金華府志勝不卷之九

重

瑟非吾曹綸竿百尺水雲渺鐵笛一聲山月高放
霍引尋紫芝洞得魚醉臥滄江濤黃塵滿地不歸
去萬里天風吹布袍○寰宇記云金勝山在南溪
上三里許昔有人得金豚于此俗訛豚字為勝故
名其下有石鰲潭永康人入山遇大龜煮之不爛
卽此處按異苑永康有人入山遇一大龜束之歸
龜便能言曰游不良時為君所得人甚性之載上
吳王王命煮之焚柴萬車語猶如故諸葛恪命燃
老桑煮之立爛然湖州武康亦載之○又十里為
石城山張氏土地記云永康縣南十四里有石城

山山際四圍嶺呀如雉堞然昔黃帝曾遊此山所謂三天子都者此其一也又進爲白雲山危峰百丈延袤十餘里時有白雲繚繞其上相近有伏翼嶺石岩中伏翼多棲之有潭曰英山潭其水清徹潭上巖石嶄峙形狀英絕○又十五里爲絕塵山高百餘丈其勢險巖出塵故名又五里有歷山高一百丈周四十餘里其巔有田有井有潭皆以舜名蓋以山名同於冀州之歷山也○石室山在縣東南三十里高百餘丈緣崖而上南北二穴相通可容數百人中有石柱石龜又十里曰靈巖山高金華府志勝不卷之九 壬

四百餘丈周五里中有巖穴前後相通高丈餘廣五尺深二十丈以形勝靈異故名明李曄石室詩石室初從混沌分呀然一竅氣氤氲山僧慣住龜龜窟野老能穿虎豹羣行怪帽簷常礙蘚坐驚衣袖忽生雲幾時更借禪床臥六月松聲絕頂聞○峴山在縣東二十里高一百丈衆山排列狀如峴首又十里有石翁山山上有石遙望如人坐號石公傍一石如婦人號新婦岩蕭梁時以此山有王氣詔令鑿之忽有雙白鶴飛鳴化爲真人乘霞而去今此地名鶴鳴峴又十里爲龍窟山山之陽有

小空同洞宋陳亮讀書其中最高有方巖山高二百丈四面如削駕飛橋石梯而登絕頂一巖相峙爲關上有亭曰透關亭自亭而入地皆平行約數百畝中有池其水清瑩不竭池側有井曰硯井井後有岩高數仞岩下石深二丈廣數丈僧因構室居之宋侍郎胡則讀書于此其別方崑詩云寓居峰頂寺不覺度炎天山叟頻來約林僧與論禪虛懷思往事宴坐息諸緣照像龕燈暗通宵磬韻傳冥心資寂莫琢句極幽玄拾菌寒雲下烹茶翠竹前遠陰臨嶽樹清響落岩泉僻徑無來客深秋足金華府志勝不卷之九 壬

亂蟬松風生井浪溪雨長苔錢自省隨浮世終難住永年遍遊曾宛轉欲別重留連明日東西路依依獨黯黯○桃巖山與方巖相近高一百丈山石赤白相間狀類桃花有洞可容千人絕頂小洞可容二三十人又東曰壽山中有石洞高六尺廣五丈前有石臺名兜率岩臺右有小石洞洞門懸瀑布泉一派一從覆金峰夾流而下一從桃花峰下注岩石間濺沫如霧元黃潛桃岩詩立石平如削飛雲近可梯莫窮千古勝但惜衆山低靈草經年長珍禽隔樹啼人言舊朝士感事有留題○白眉

崑在縣東北五里有僧居之卽崑爲室中可容數百人山腰有白石如眉故名○方物志云松化石在縣東北延真觀續神仙傳道士馬湘字自然唐建中元年至觀前指松樹曰此松已三千年矣當化爲石至夕大風雨其松果化近觀松皆化爲石陸龜蒙集永康地饒古松往往化爲石盤根大柯文理曲折皆在卽此物也

武義縣

在府西南八十五里

唐書及元和郡縣志皆云天授二年分永康縣西界置武義縣○志云湖山在縣西二里山有潭水

金華府志勝不卷之九

天

圭

凌晨雲氣輿則爲雨候與湖山相連者曰書臺山唐執政舒元輿讀書於此○又十七里有大家山大家溪之源出焉山南有新婦山二山相向每大家出雲新婦山卽雨世傳晉張彥卿女出嫁累日姑婦併亡其神各主一山故然又二里有雙巖自山下迤邐而上五六里有一巖蔽于草莽國初金華徐元吉剪闢之乃因石室以構禪院○白陽山在縣東七里有異石色隨時變歲豐則黃歉則黑東陽山水記云晉阮遙集之弟妻劉伶之女血好山水渡江來隱同時張彥卿爲永康令亦棲於

此又三里有小姬山山水記云山中有姬水溪舊經云晉金談爲吳興太守辭疾隱此姬水流至縣南三十里溪傍有山多產蘭菊因名菊姬山又五里爲明招山阮孚墓在焉上有惠安寺躡屐亭宋鞏豐詩千古高風挽不回故山花落又花開莫欺亭畔蒼蒼薛曾卽高人屐齒來○白華山在縣南四十里近山半里二石夾道若門歷此曲折險逕至山巖中一石突起若蓮座背有支大士居之名大士庵又有劉巖一名金石巖巖石巖峻鑿石梯以升巖頂前有一山陡削如屏名招聖峰後一山

金華府志勝不卷之九

天

廓然石室深廣五十丈曰仙都壇昔有劉氏隱此因改今名○八素山在縣北四十里相傳秦末有八士從洛陽來棲隱於此冠履皆素因以名山而姓名不傳下有八素溪流入金華界溪有八素潭夏秋水溢旱則沙積漲露渡潭迤邐而上又有九井潭嘗有善水者自潭遊渡攀崖而上遍歷九井每山一曲有一井相去各里許云

浦江縣

在府東北一百二十里

寰宇記唐天寶十三載析義烏縣北鄙及蘭溪縣東二鄉富陽縣二里置浦陽縣以縣南界有浦陽

汭爲名謝惠連詩昨發浦陽汭今宿浙江渭是也
說文水相入爲汭又水北曰汭此水北流入浙江
二水參錯故以汭名一名浦陽江本吳越三江之
一其水微而稱江者以其入海耳酈道元水經注
浦陽江導源烏傷縣東逕諸暨與泄溪合是也至
五代時錢鏐與楊行密爲仇凡屬地與楊同音者
悉奏改之而浦陽稱浦江○志云龍峰山在縣東
一里高三十丈上有三峰相屬環顧縣左又七里
爲仙華山一名仙姑山又名少女峰相傳軒轅少
女於此上升故名高一百五十丈上有五峰東溪

金華府志勝

卷之九

九

之源出焉中一峰與東峰尤極峻絕懸崖百仞有
穴深黑風從中出又二里爲湖山兩山對立江水
中流亦名湖山峽○寶掌山在縣北八里與仙華
山相近山前雙峰列峙沿澗奇石若虎豹狻猊鐘
鼎刀戟上下錯列復有懸巖湧出類翩躚飛舞之
狀亦名飛來峰峰下有泉甘冽唐貞觀中寶掌和
尚西域人生于周末來游東土至此岩下誦偈有
行盡支那四百州此中偏稱道人遊之句遂結茅
爲庵晏坐凡十七年一日屈指已一千七十二歲
語其徒惠雲曰吾將謝世矣端坐而化後惠雲居

東岩之下號伏虎禪師○又二十二里曰小孤山
巉巖險峻人不能到又十里曰大孤山峭削壁立
上銳下直無可攀援崑崙環伏映帶清溪○烏蜀
山在縣南三十里其山突然中起衆峰羅列梅溪
之源出焉流入蘭溪又南二十里爲大陽嶺高千
餘丈長十里浦江金華之界路也○芙蓉山在縣
東三十里一名香巖山白麟溪之源出焉宋鄭綺
家于此綺至孝母嗜溪水值旱對溪數仞不得泉
綺慟哭水爲湧出因名孝感泉自綺至國初已十
世同居凡二百四十餘年元至大間表其門是時

金華府志勝

卷之九

九

主家者名文嗣文嗣沒從弟大和繼之家畜兩馬
一出則一爲之不食人以爲孝感所致洪武初有
鄭淵鄭濂鄭濟皆賢二十六年遣官簡拔其家子
弟年二十以上者二十四人赴京選用○玄麓山
青羅山皆距芙蓉山五里元至正三年金華宋濂
慕義門鄭氏之風徙家于此爲鄰築青羅山房著
青羅雜草嘗與鄭元觀玄麓山下飛泉因作飛泉
操書之巖石其辭曰飛泉兮瀏瀏洗耳固非兮胡
飲我牛覆謂我汗兮移波上流具人之形兮奈何
忘人之憂○又有東明山大澤中隱然突起元青

田尉邵德璋舢舨舍于此以教族人傍有水一泓曰靈淵淵之東百步許有泉泠然老梅橫蹲其上曰梅花泉又五里有鷄冠山勢極高峻可俯瞰二百里外相聯有三十六岡重巒複嶂前後相屬○石牛山在東南三十五里呂東萊入越錄云山側有池池中有石牛水涸則見又有康侯山一名官巖高一百餘丈山半有穴若屋可容數人絕頂有池深三四尺周二十五丈不隨雨旱增減○深島山在縣西南五十里重峰複嶺峭拔千仞其下溪流清澈卽浦陽江源所出也

金華府志勝入卷之九

三

湯溪縣在府西南五十五里

我朝成化六年郡守李嗣以金處衢三府界龍游之東金華之西蘭溪之南遂昌之北有湯溪其地僻遠阻山界水居民獷悍難治請置爲縣從之遂以湯溪爲名○九峰山在縣南十里高數百丈峰巒秀拔岩洞玲瓏望之若登天然唐徐安貞肄業於此石榻猶存安貞蘭谿人善五言舉神龍二年進士以文學稱又宋鄧去奢亦家此山下鄧少入道居處州茅山常有異鳥龍虎行庭若朝禮之狀綵雲鸞鶴迎之上昇朱約詩云亭亭九瓣擁青蓮

中有飛來一道泉瑤草不知春幾度碧桃已老歲三千岩前月冷猿空嘯洞裏雲深鹿自眠莫道葛洪仙去遠至今丹竈尚依然○又其地有青峰山上有白石岩青峰庵鄭唯珍詩南山秀色鬱蒼蒼應有招提住上方石逕松高金落粉野塘花滿水生香捲簾樓外天光曉掛衲庭前露氣涼我有塵根消不盡願參一指向禪堂○福民山在縣東南四十里高數百餘丈林木蒼鬱山頂有廟層樓閣遠挹數百里又十里爲香爐山狀若匡阜卓然雲表旁近衆峰環列競秀○澱江在縣北二十里

金華府志勝入卷之九

三

上接盈川下通蘭溪其水縈迴如澱故名明金寶詩鮫人宵織靈虛宮雙隨練帶光涵空王梭飛殘半鈎月千尺平鋪白如雪經烟緯霧迴暖紋東風剪斷春無痕遠山飛嵐蘸新綠潛蛟吹濤鉦花簇越羅蜀錦不勝裁夜夜蘭江展銀軸○又其地有琳湖在縣北十五里郭如願詩廿年不踏琳湖路修竹依然舊日清醉後錯疑湘水上東風吹落鴈鵝聲華亭張弼詩琳湖湖上草堂幽四面窓涵一鑑秋軒冕紅塵飛不到竹床高枕對閒鷗

衢州府在府城西南六百里領縣五

唐武德四年析婺州之西境置衢州元和憲厥州有三衢山故名其地卽春秋之姑蔑秦爲太末縣漢書注云太音闕李習之南來錄云自杭至常山六百九十五里逆流多驚灘以竹索引船乃可上也郡治據龜峰其西爲崢嶸嶺輿地紀勝云相傳昔有柴宏屯兵于此後訛曰崢嶸然攷三國吳遣征虜將軍鄧平以千人守崢嶸鎮則其名亦已久唐孟郊詩疏鑿順高下臨構橫烟霞坐嘯郡齋蕭玩奇石路斜古樹浮綠氣高門結朱華始見崢嶸衢州府志勝八卷之十

狀仰止逾可嘉○郡治前爲小蛾眉峰唐乾符間刺史李穀置砦龍山得二石長六尺許取置文會閣宋淳化間郡守慎知禮移植于此積土爲峰後遂訛傳爲郭璞墓紹聖中郡守孫賁發之因得此石移置堂中宣和中郡守高至臨復移歸故處相傳蛾眉山正歷郡治故設此以對之因名小蛾眉○紀勝云龜峰堂在治內雙石堂在廳左卽孫賁所建○雁序館在城西隅唐咸通中刺史趙璘與弟處州刺史璘會別之處○來月亭在郡圃蓮池跨橋疊石築亭于上榜曰來月○雪竹軒在郡齋

爲一檻中檻種竹敲風擊雪音韵鏗然○雲山閣在超化寺後城上雪齋趙子覺有詞云臨高閣亂山平野煙光薄煙光薄棲鷗歸後暮天吹角斷香殘酒情懷惡西風趁起梧桐落梧桐落又還秋也又還寂寞○獨清堂在殷浩廟側清陰堂在南禪寺記云俱趙清獻舊遊按史殷浩字清源陳郡人晉建元間北伐爲姚襄所敗廢爲庶人徙居信安口無怨言其甥韓康伯隨至經歲還都送渚側誦曹顏遠詩富貴他人合貧賤親戚離因泣下後代名其所居曰殷端因避廟諱改曰慶端久之爲龍

衢州府志勝八卷之十

壽寺在治南六里○宋趙抃字閱道三衢人其所居在城北孝弟里抃喪繼母與弟拊廬墓縣令過照榜其里曰孝弟有高齋清獻歸老時作又有濯纓逸老水月三亭蘇軾寄題趙閱道高齋見公奔走謂公勞閒公引退云公高公心底處有高下夢幻去來隨所遭公年四十已得道俗緣未盡除伊臯功名富貴俱逆旅黃金知繫何人袍超然已了一大事掛冠而去真秋毫坐看猿猴落且網兩手未肯置所操乃知賢達與愚陋豈啻相去九牛毛長松百尺不自覺企而羨者遂與蒿我欲羸羸往

問道未應舉辟辭虛放趙行自題高齋軒外長溪
溪外山捲簾空曠水雲間高齋有間如何樂清夜
安眠白晝閒

西安縣 附郭

宋教習節介信安志畧云

後漢初平三年分太末立新安縣晉太康七年以
弘農有新安故改爲信安唐末錢鏐割據因改今
名○按志信安溪源出開化之百濟嶺東入縣界
去城西二里亦名西溪與定陽溪合定陽溪一名
東溪源出處州之周公原歷縣東十五里鷄鳴山
下合信安溪而析溪爲溪石磴溪馬廐溪儻溪後
衢州府志勝入卷之十

三

溪之水皆滙焉又折而北五里溪中有石高丈餘
水漲不沒名浮石潭唐白樂天詩浮石潭邊停五
馬宋趙抃詩潭石江心徹底清皆指此○紀勝云
衢故城有三一在驛馬橋之南唐末黃巢之亂設
寨于此一在開元寺北疑是定陽故城一在章戴
之白石疑是穀州故城也今城不知起自何代然
攷宋史方臘陷衢州州守高至臨築龜峰城則建
設當在宣和年間○郡城門有六其北曰永清卽
古浮石門也大西門曰航遠紀勝云捲雪亭在航
遠門外俗謂之水亭門○大南門曰通遠舊名禮

賢以門直招賢渡也渡在城南三十里宋陸游過
此有詩老馬骨嶮然虺虺不受鞭行人爭晚渡歸
鳥破秋煙湖海寒涼地風霜搖落天吾生半行路
搔首送流年○小南門曰清輝今名通仙以城東
南俱有仙山其路相通也仙品在城東二十里我
太祖高皇帝兵下江西過此御書仙品洞天四字
刻于石○爛柯山在城南二十里舊名石室道書
謂青霞第八洞天晉王質入山伐木見二童子奕
棋質置斧而觀童子與質一物如棗核食之不饑
局終斧柯已爛故名爛柯山唐劉迥詩四首白雲

四

衢州府志勝入卷之十
引策杖苔徑誰往還漸見松樹偃時聞鳥聲聞豁
然暄氛盡獨對萬重山又石橋架絕壑蒼翠橫鳥
道憑檻雲脚下頽陽日猶蚤霓裳倚一遇千載長
不老又靈境偶一尋洞天碧雲上爛柯有遺跡羽
客何由訪日暮悵欲還晴煙滿千嶂又繩床宴坐
久石竈絕行跡能以人代中途將人代隔白雲風
颺飛非欲待歸客孟郊前題仙界一日內人間千
歲窮雙棋未變局萬物皆爲空樵客返歸路斧柯
爛從風惟餘石橋在猶自凌丹虹宋錢顥詩春郊
雜遝擁紅旌共訪仙蹤嘯傲行雲逕直從深崦入

石梁宛在半空橫巖邊瑤浦新開洞紫芝田舊種成羽客一桮無復見青山留得爛柯名陸游詩藍輿訪客過仙村千載空遺一局存曳杖不妨呼小友還家便恐見來孫林巒峭絕秋容瘦樓牀參差暮氣昏酒美魚肥吾事畢茅菴那得住雲根○縣東十五里有彭湖廣數十丈延袤五里相傳以爲中通石室蓋昔本里人彭氏所居忽一夕竈下產雙石筍斲之因陷成湖故名○又十五里爲塘山高百仞其頂有塘深不可測中有漢大乘寺基址及石巖魚絕大翅扞詩直到巢峰最上頭旋磨

衢州府志勝

卷之十

五

崖石著詩留重來轉覺寒松老三十六年前舊遊○又五里爲烏巨山東西兩山連亘其西盤鬱雄秀尤稱奇絕自麓至巔可六七里翅闊道詩烏巨東西氣候秋子湖岡隴暮雲浮欲觀古佛叢林地只用凭欄一舉頭○與烏巨相連者曰王貴山貴乃質之弟也相傳亦于此山仙去其上有東西寺○又十里爲鵝籠山一名繡峰上有三塢一池皆稱奧區與鵝籠相連者曰紫薇山一名迷茨中有懸崖滴水東陽記云峰巒際天邈絕羣嶺者也○鵝籠之側爲九仙崑狀如屏宸當其中四處撐拄

上下爲屋數間唐龍游徐安貞舉貞元二年進士以侍郎歸隱于此修真恒苦無水飛騰出汲日凡數四亦名侍郎崑○仙崑繡峰之間有翠微山高千餘丈上有平田數十畝宋招討使王安所居○與九仙岩對峙者爲師姑巖巖下可容數百人宋有比丘尼曰劉鐵磨者嘗參于湖禪師師曰汝是劉鐵磨乎曰不敢師曰左轉右轉尼曰和尚莫顛倒因有悟其後尼乃倒豎化此巖中○遊仙崑者過安仁渡宋楊萬里詩明發山溪一雨餘竭來暑氣半分無行人道是三衢遠穩掛東風十幅蒲○

衢州府志勝

卷之十

六

巖山在城西十里四面壁立視衆山獨高絕頂平曠數十畝中有石井冬夏不竭又十里爲砣石山平地拔起五峰下臨溪水昔有隱者居焉夜見光怪出石上跡之得古劍戟二事○又二十里爲烏石山延袤十里高二百五十仞巨石周匝如城又有石門中蓄水田不旱唐龍紀初通濟大師結茅於此名福應院至宋咸平二年住山凡一百一十餘年師姑圓寂不知其壽宋岳飛題名于石云岳飛奉旨趨闕復如江右假宿幽巖遊上方覽山川之勝志期爲國速欲掃平黠虜恢復輿圖迎二聖

於沙漠輔聖主無疆之休紹興二年十月初二日
題張浚題云紹興丙寅清河張浚過此聽顏師鼓
琴而去唐翁洮詩東風吹老越山微步上烏峰送
夕暉林外月明風虎嘯巖頭雲送雨龍歸聽琴慨
懷懷張浚題石英忠仰岳飛一曲陽春追往事牛
山何必泪沾衣○響谷山在縣南二十二里崖壁
峭立水環其趾崖半有穴風號則鳴○又十八里
爲壘石山其石疊出如層累狀中有崑洞名曰仙
游可坐十客○又三十五里爲爵豆山山出銀礪
品色煥潔唐元和四年開塞不開○項山在縣北

衡州府志勝

卷之十

七

四十里最爲陡峻其內有桐山旁列諸峰勢如奔
馬項羽廟在焉有賀蘭進明碑○又十里爲葉蓬
山宋咸平初有盧杜二禪師至此里人李鼎留之
栖止日使人饋糧問其所欲五年不懈偶失問三
日往視則皆瞑目拮鋏相對而逝○又十里爲太
真洞門廣五丈深十丈內有玉泉水亦名玉泉洞
與之相通者又有三洞一曰靈龜洞今名太乙洞
門高丈餘中廣五丈詰曲里許至石龜塘僅廣二
尺中有石龜具青黃白三色歲旱入洞探而致禱
得白則不雨一曰碧雲洞舊名慈嶺其下有潭廣

三丈一曰朝陽洞門三尺其中石滌瀧流莫測深
廣○縣南又有龜龜洞相傳昔彭大佛者棄妻子
栖林泉寺傾貲以贖其徒忽於小徑中聞樂聲跡
其路六七里有宮室仙人采女坐堂上酒棹盛設
遂請大佛應供大以未着七條衣倉皇辭避堂上
傳聲送大佛從後門出旣出失其所在今惟綫溜
落巖隙流入洞前石井不涸每陰雨猶聞鐘鼓聲
○鳳山在縣北八十里芝溪之源出焉上極平曠
可治田圃又十里爲白塔洞外狹中寬至第二層
有龍潭深不可測日夜水滴凝成白鵝管石其形

衡州府志勝

卷之十

八

似塔故名○塚廟記云晉毛瓊墓在縣南一里瓊
乃寶之孫也本傳云自寶至瓊三世皆擁旌節○
鄭平墓在縣北三里卽成崢嶸鎮者咸熙元年以
功遷左光祿大夫新昌郡公食邑信安年九十三
○趙清獻墓在縣東四十五里欽化鄉蘇軾銘清
獻之子毗執父喪而甘露降於墓木相傳景定間
有林存者爲潭州帥罷歸道衢調千夫荷擔經墓
旁疲甚因相與語清獻公一琴一鶴那有許耶或
聞之題詩驛舍云千夫荷擔在山阿膏血如何有
許多不若扁舟竟歸去休從清獻墓前過

龍游縣

在府城西七十里

舊唐書龍丘縣注云本秦太末縣貞觀八年置以縣東四十里龍丘山爲名○龍丘山有九石特秀林表其色丹白遠望若芙蓉故又名芙蓉山漢龍丘萇隱居于此與嚴子陵友善王莽連辟不就更始初任延爲會稽都尉造功曹奉謁使者相望於道歲餘始詣府拜議曹祭酒年百歲乃卒山中有三疊巖穴外如牕牖中有石床唐徐安貞讀書處南齊書云太末徐伯珍宅南有高山班固謂之九巖山安貞蓋其裔也寰宇記云吳越錢鏐惡丘之名故更名龍游○鷄鳴山在縣南三里每五鼓有鷄鳴山中風雨不渝宋嘉祐末邑人呂大防講學于此一日見有鷄鳴棘叢張羅捕之得白金千鎰輸之官而已不染其後三子皆貴又南十里曰岑山奇峰森列金華望之適當其前一名婺女照臺○又二十五里爲白石山東陽記云太末南有圓石聳二十餘丈後漢方士過呵之石因半折碎者尚存其色純白唐初以白石名縣貞觀八年與穀州並廢○與白石相連者曰靈山舊名徐山山下有溪曰靈山港源發處州遂昌縣界經此山下繞

衢州府志勝

卷之十

九

衢州府志勝

卷之十

十

縣城南復折而東達於澈溪溪外有徐偃王墓及廟唐韓愈作碑略云徐偃王當國出於仁義時周穆王無道得八龍騎之西遊同王母宴於瑤池之上歌謳忘歸諸侯爭辯質於徐之庭者三十六國穆王恐乃長驅而歸伐徐徐不忍鬪其民北走彭城百姓從而歸之偃王死民號其山爲徐山衢州故會稽太末也民多徐氏支縣龍丘有偃王廟或曰偃王之逃不之彭城之越城棄王几研於會稽之水云○按澈溪在縣北五里合西安江山常山之水交錯如羅紋故名其上有姑蔑城左傳魯哀公十三年越伐吳吳王孫彌庸見姑蔑之旗杜預注姑蔑越地在太末縣是也治內東華山有姑蔑子墓宋慶元間爲人所發古物充牣隨卽灰散惟數瓦缶不壞水滿其中唐孟郊姑蔑城詩勁越旣成土強吳亦爲墟金風一已披茲邑信平居撫俗觀舊跡行春布新書興亡竟何在綿歎空躊躇陳愷前題姑蔑空城暮山川向不同草黃秋少雨樹暗晚多風流水中分郭飛橋下飲虹未須追往事回首送冥鴻王藻前題石馬金輿識故宮斷碑漫滅覆杉松誰憐郛國干戈地空有塗山王帛蹤步

草滿庭留晚色斷雲連野斂春客中原逐鹿歸和
詐此意悠悠委暮鐘○縣東二十五里有築溪相
傳徐偃王避難于此樂其山水築室山居因名○
築溪源出松陽大方山合馬報溪入穀溪穀溪之
旁有巖曰穀坡廣五丈四尺深三丈唐武德初置
穀州于其上今廢有穀坡亭遺址山穀坡巖北又
三十五里有二巖相距一曰白佛巖廣五丈四尺
深四丈七尺中有佛堂其地險峻人跡罕至一曰
烏石巖廣五丈深三丈有水下滴經年不竭其高
可望數百里宋江泌穀坡亭詩波紋端與穀紋同

衢州府志勝不卷之十

車

正倚欄干想像中更被輕舸橫載去斜陽染得半
江紅徐槌前赴穀坡亭下晚維舟縹緲烟屏翠欲
流忽地驚雷過溪面連天吹雪下山頭汀洲瑟縮
藏鷗鷺涯涘瀾漫失馬牛自笑勞生日蒼髮不知
來往竟何求○石壁潭在縣東三十五里唐僧貫
休建石壁院于此杜荀鶴詩石壁早聞僧說好今
來偏與我相宜有山有水堪吟處無雨無風見景
晴漁父晚船分浦釣牧童寒笛倚牛吹畫工畫得
從他畫畫得如何更賦詩○野湖墩在縣西二十
里廣環二十餘丈高一丈獨立江濱花卉蒙茸與

野湖相望者曰荀墩頭石如荀卓立溪中故名○
五百人湖在縣東北三十里溉田五百餘頃異苑
云昔有五百人人此取魚先祈湖神乞靈其夜夢
神云竭湖當如禱若見異必勿殺得銅雀亦勿廢
及決水果得異魚遂剖食得正亦廢之已而水暴
至五百人俱沒故名

常山縣

在府西
八十里

東漢初平四年置定陽縣後廢今縣有定陽鄉三
岡遺跡猶存元和郡縣志云唐咸亨五年分信安
西界置今縣以東有常山爲名山頂有湖廣數畝

衢州府志勝不卷之十

車

中有巨魚又名湖山其地在今城東四十里常山
鄉尚有街陌通三衢○三衢山在縣北三十五里
昔有洪水暴出其支派分爲三道故名而州名亦
取于此宋錢愷記略云峭峰奇石聳疊平地玲瓏
巖峯紺碧一色蟠屈天矯槎牙鋒銳翼而飛拱而
植不可槩舉畫史莫能狀也其巖洞疑靈仙所宅
名以碧玉中有石室旁通二門偃而入宛若壺中
鐘乳林立擊之鏘然花片若生成題爲翠巖上有
巨石橫偃傍曰玉龍○與三衢相近曰容車山東
陽志云山上有石周廻三百步高三百丈有賈新

者每五鼓適市過之如聞梵唄聲後十年山猱破岡湧起一石僧趺而坐衆大驚異因建石僧院以祠之宋紹興間僉書樞密院趙鼎以諍和議不協解政寓縣建獨往亭於此○其地有石門山石徑僅容一人下臨大溪其巔有竅每旦雲出其中東馳則雨西則晴旁有趙公巖石洞可容百人以宋趙抃嘗遊故名○又有攝龍洞洞前石竇常乾禱雨則滲潤須臾滿溢有異物如蛇鰻魚鰕之類與水注甃而歸雲雨隨至及送還洞口則甃已空若攝而去故名○紀勝云永年寺在容車山之麓

衢州府志勝八卷之十

志

茂林脩竹斷崖寒溜勝槩爲諸刹之冠趙公鼎范公冲與僧了空相厚善昕夕過從里人畫三老圖以紀之其後侍讀范公卒塋于此○白龍洞在城西里許其地草木蒙密一夕大風雨有白龍凌空而翔及風雨息視前蒙密處乃有二洞相承一當山腹偃躬而入莫窮其奧一在山趾淵淵潄潄有聲宋徐以道詩靈仙窟它不多見車馬往來成再遊後洞白雲前洞出上池紅葉下池流水花照眼明金鯽石髮藏春護玉虬邂逅尚青遊子眼棲遲白老僧頭○禹跡洞在縣南十里五代唐長興

間刺史陸仁榮有石刻述故老言唐天祐初郡守曹輔以歲旱遣衙將往汲洞中泉率僚佐迎致泉變黃黑有雲縈之少頃山人大至又南七十里有靈龜洞先是山前數聞音樂聲俄而出腰實石上有蟠龍清流噴薄巨石盤桓有天成塔高丈餘石龜三其像逼真○金川在縣北一里其水最大可勝三百斛用又名馬金溪源發開化之金錢山故川以金名信安志求其說不得妄謂昔有仙人飲此水吐金者非也水自南來八十里統縣城東復折而南五十里入西安界達西溪○石碇溪在縣南

衢州府志勝八卷之十

志

源出玉山沿流注于金川溪中花石如疊中有石山○斗潭在縣北二十里泓深莫測相傳乃龍窟也旱則零之○又十五里之石門鄉爲丞相趙閱墓門解州聞喜人南渡後寓居三衢兩相高宗爲中興名佐後貶吉陽軍卒歸葬于此初問喪過袁州通判汪應辰爲文祭之曰惟公兩登上宰皆值艱危之時一斥南荒遂爲生死之別事已定於蓋棺恩特容于歸骨云云

江山縣

在府西南七十五里

唐武德四年分信安縣之南川置湏江縣以南有

湏江爲名五代時錢鏐改爲江山蓋指江郎山也
江郎山在縣南五十里高六百尋一名金純一名
湏郎東陽記云金純山有三峰皆數百人色丹奪
目不可仰視杜祐通典云湏郎山發地如筍有三
峰昔江姓三兄弟登其巔因化爲石山頂有池生
碧蓮金鯽人跡罕至山半有巖危石空懸中可結
廬唐開明禪師儀宴者跌坐祠旁叢棘間鵲巢其
頂葉沒其膝有郡守謁祠見之是時師年已五十
三始爲祝髮卓庵於此有虎跑泉以供其飲寰宇
記云晉時山下人湛蒲其子仕洛遭永嘉之亂不
衛州府志勝八卷之十

十五

得歸滿日禱于三石之靈一日滿子出洛水邊見
有三少年告以思歸少年使之閉眼入車中但聞
去如疾風俄頃間乃從空墮入家園唐白居易詩
林慮雙童長不食江郎三子夢還家安得此身生
羽翼與君來往醉煙霞邵康詩捫蘿躡石步峻嶒
費盡平生脚力登天上樓臺山上寺雲邊鐘鼓月
邊僧四時爽氣來無際一點紅塵到不能珍重開
明老尊者祖堂千古耀禪燈○輿地紀勝云雙溪
泉在縣市中有雙溪堂爲負邑佳處○西山去縣
一里峰巒秀拔下有湏泉又名梅花泉宋徐復殷

家于此殷歷官左庶子言事不合遽退理宗賜克
齋二字以旌之又里許曰騎石山山有日連洞明
淨幽曠如屋一線之泉鳴聲不絕舊傳曰健連脩
行於此宋政和間山下掘得青提夫碑乃日連之
母也無名氏西山詩云江城樓閣開嵯峨如此隨
風燕雀何古樹望中松樹少好花開處杏花多徐
殷舊宅僧爲王褚氏開庭鶴占坡欲問廢興今古
事青山無語野樵歌○景星山高四十五丈與騎
石山相望初名突星宋紹興間改今名山之西有
烟蘿洞可容二十人怪石奇崛其色紺碧舊傳有
衛州府志勝八卷之十

十六

烟蘿子隱此宋汪大猷辛棄疾皆有題名劉子驥
景星山詩山頭孤立玉娉婷天上何年降景星四
面萬峰非不峻如何只是此山青吳仲烟蘿洞詩
石上白雲深洞口桃花碧丹成人不來千歲空留
跡曹直重遊烟蘿洞洞遊年少日刻石記重來仙
客渺何許碧桃依舊開○航埠山在縣東一里山
勢逶迤其陽有鹿頭溪噴崖漱石晝夜喧騰有鹿
溪航渡宋韓駒詩縣郭連青野人家蔽綠蘿地偏
春事少山迴夕陽多暗水披崖出扁舟掠岸過傳
聲細扶柁吾老怯風波辛棄疾詩草稍出水已無

多村路彌漫奈何水底有橋橋有穴只今平地
怕風波又斷崖老樹五撐柱白水綠畦相灌輸安
得溪南一丘壑放艇盡作歸來圖陸游鹿溪渡詩
堪笑行人日日忙又扶衰病過浮梁灘流急處水
禽下桑葉空時村酒香枯枿敢懷食肉露饑烏白
閔犯風霜宦途商畧無安處早晚歸耕剡曲旁○
大嶺洞在縣西二十里懸石如屋又蟠屈如龍狀
下有石田乘炬而入愈入愈深杳不可窮又二十
五里爲馬鞍山宋逸平先生徐存建南塘書院學
徒千餘人奈檜欲識之不能得朱晦庵少時嘗與

衡州府志勝入卷之十

七

講論及逸平沒晦庵往昂而書院爲毛氏墓田因
賦詩曰不到南塘久重來二十年山如龜背擁地
與馬鞍連徐子舊書址毛公新墓田青松似相識
無語重悽然○翁巖山在縣北二十里巖石層列
有一甲者可坐十餘人前臨一池其潔有嵌空處
偃而入爲洞六七所洞中石佛石乳石田至者如
聽龍吟虎嘯輒怖欲出是名左坑洞又五里有湖
山高百丈上一石窟深而黑神龍居之待雨或雲
霧飛騰雨卽隨至○筋竹山在縣西北二十里高
五十丈其中有潭深晦莫測濫則旱淺則豐土人

以此卜歲唐貞元初番禺女子詹妙容脩真于此
楮衣木食騰空而逝後名爲登高巖○鷺籠山在
縣東南四十里上有龍湫待雨輒應宋宣和七年
封其神爲嘉澤侯有水簾在仙居寺前發於山巔
緣崖而下若輕綃高掛柳屯田爲之記王安石詩
云淙淙萬音落石巔皎皎一派當簷前清風高吹
鸞鳳唳白日下照蛟龍涎浮雲裝額自能捲缺月
琢鉤相與懸朱門試問幽人慣翡翠蛟綃不值錢
○又二十里爲羅漢洞洞口僅容一人不足回旋
輿地紀勝云有施僧供者忽一僧自言我羅漢院

衡州府志勝入卷之十

六

僧也受供已脫斐履置洞口而不復見履跡猶
存又有濟井潭形方而深外限橫石舊傳有樵者
溺已三日忽從水中出自言入見大官府有白鬚
者居之命一鬼吏送還宋紹興五年投鐵符其中
忽大雷電風濤四起湧一青石方廣丈餘○步虛
山在縣南十五里山巔有壇乃羽士步虛之所又
十里爲雀鳴山山頂有泉泉傍時聞鶴鳴故名與
鶴鳴相並者爲徐王山三峰秀峙東圓有柿衙鳩
相傳徐偃王嘗駐兵於此山有青雲洞宋乾道間
里人鑿石偶得其穴穴中屬橫石現骨絕多洞旁一

石株立扣之有聲稍進惟石蜿蜒繼以至穴僅尺餘莫可窮矣○又十里卽徐山山下人多徐姓故名近東爲瞻巖山有巖可容數十人其巖又有鶴巖高百餘丈可望衢城巖前夷曠亦可坐數十人下有覆螺洞唐時比丘人定於此至宋大觀中忽起不知所之因建聖僧庵於洞前○又六十里爲浮蓋山上有仙洞洞內石壁雙峙上通一罅徑僅容身可數十步始得廣處有仙人基局泉竇永清餘石齒齒如屏如簾上有真紅桃花而不實洞旁有溫峰巖石倒垂中有石嘴如鷄喙有泉出焉○

衢州府志勝之卷之十

十一

縣界之極南者曰仙霞嶺高三百六十級凡二十八曲長二十里唐書黃巢傳巢破僬信衢等州因刊山開道七百餘里直趨建州卽仙霞七嶺是也宋史浩帥閩始募人斃以石路又有箬山高出仙霞之上霽景可望衢州城陸游仙霞嶺詩吾生真是一枯蓬行徧人間路未窮暫聽朝鷄雙闕下又騎羸馬萬山中重裘不敵晨霜力老木爭號夜谷風切勿重尋散關夢朱顏頤改壯圖空趙汝騰詩雞鳴林馬度仙霞鳥道迢迢去望餘暗水盡從空澗落好山剛被暝雲遮○其相近者曰大竿嶺北

衢州府志勝之卷之十

十一

超婺州南通七閩西抵廣信昔常壁竿于嶺上故名去大竿嶺二十里有小竿嶺一名泉山高一百五十丈週迴數百里皆高崖深谷漢書朱買臣言東越王居保泉山一人守險千人不得上者此山是也今閩之福州亦有泉山乃在閩閩中晉江亦有泉山不足保障且至此二郡其險已過守之何爲故泉山以此嶺爲是○輿地碑目縣南相亭西有巨石雄峙時路縈如帶峻不可階昔有碑云六石大悲幽栖之所又三十里溪潭上有石方二丈餘中坎如臼徑二尺亦有鐫字○縣北十五里地名白渡之國泰寺舊有祝欽明碑其墓亦在焉欽明京兆人貶刺饒州葬此登真巖記云欽明嘗與其孫洪來遊○保安院在縣東南布政鄉有吳越國王帖墨本猶在○萃賢亭宋邑人周頴建在禮賢鎮王安石蔡襄歐陽修王安國范鎮梅堯臣吳光韓維韓絳王祺石楊休蘓舜欽劉湜蕭公才李太臨吳宗復邵必李際曾固皇甫澄余藻張大有皆有留題歐陽永叔詩云君家富山水占勝作高亭坐聽溪流響能令醉客醒陽生群木秀寒入亂峰青吾子東南美人賢益地靈

開化縣在府西北二百里

宋乾德四年吳越錢鏐置開化場於常山西境太平興國三年鏐納上六年以其地置縣爰從開化之名○縣學內七賢堂祀唐魏謩宋趙抃江景房程俱鄒補之趙汝標魏亨中也元至正間縣令趙起巖典學事程徧按圖志建○圓佛山在縣西北七十五步五代時有二僧結茅於山之東其一常夜出人見其有秉燭前導者其一夜卧常有蛇蜿蜒同榻後皆化去宋皇祐間建靈山寺而二僧所居處若現神光其上有巽然亭陸巖川詩云山南山北衢州府志勝入卷之十

主

倚欄杆面面芙蓉眼界寬吹徹玉簫驚去鳳修成寶扇憶來鸞放開月色層冰見歛却烟光列翠寒路轉峰迴泉石上人人便作醉翁看○金錢山在治東百步世傳金錢二道人煉丹于此故名宋有江天然居焉其二子皆中神童科建月波臺於山北又一里有塔山一名文筆峰朱仲晦月波臺詩潺湲流水注回塘中作平臺受晚涼四面不通車馬跡一樽聊飲芰荷香韓公無復吟花鳥楚客何妨賦葑房少待須臾更清徹月華零露洗床元蔚彥明金錢山詩亭亭金錢山此僻境逾靜不見

煉藥人空遺石壇井風勁鶴唳清露重丹光冷長嘯振枯木天風吹鬢影○鍾山在治北里許一名覆釜山金溪流其下溪有二源一出馬金嶺經九里巒坏石柱源一出百際嶺經松陽源達馬金嶺合流爲馬金溪西南流四十里經此山下環縣治復東南流達華埠始容小舟○蟠桃山在縣東北五里石壁峻立山徑縈紆處處種桃故名蔚彥明詩朝來烟霞深亭午始見天遠近桃杏村高下山坡田飛湍激雷雨老樹藏雲烟相逢荷鋤翁疑是武陵仙○臺石山在縣北十里高三十餘丈山之

主

東有臺石懸崖瞰溪嶙峋欲墮○烏白二巖俱在縣南十五里二巖對峙相去可二里烏巖廣三十餘丈嵌空奇恠中平可居白崖下有小潭其深亘測又十里爲烏泥嶺華川遶其下宋紹興間少卿江緯築室于此公姪少虞齊漢從學于公時踵門而至者如汪藻程俱李處權趙子畫七人綽有文名後皆擢科顯仕時人指爲文中虎遂扁其堂曰七虎堂○王母山在縣東十五里山高而銳中有龍湫又十里有雅金嶺抵常山之路山勢壁立山半亦有龍湫名攝龍洞○天童八仙山在縣北四

十里先是劉宋道士鄧去奢隱于處州郭山石下得張天師印劍至唐乾符間復居于此感天童八仙下降因以名山宋有道士王自然亦棄家修煉于此有道行能致雷雨元祐間卽其所居建玉霄宮初縣前池多蛙譙樓多蚊縣令請自然驅之遂絕至今猶然陸容玉霄宮詩假息黃冠榻山窓月已斜香分薰被火花落護燈紗露草翻巢鶴風枝警宿鴉濟人吾有術無暇問丹砂化潤生詩雨夜雲房借榻眠絮衾無夢竹風顛征衣不待鐘催着行在荒鷄未唱前○宋村巖在縣南四十五里有

衢州府志勝

卷之十

圭

石人石龍水出龍口不絕下有石臺承之元徐子改詩硃研紫雲宿鏗錫神鼓石機杼有時鳴雷電常觀甃下方久旱嘆斯民亦孔亟何當作霖雨枯槁回春碧○西巖在縣北六十里廣五丈深不可測中有三竅怪石萬狀又十里有雲霧巖廣七尺中有龍湫其水泓深○石耳山在縣西八十里周圍三百里與婺源德興共界下有石龍巖巨石橫亘如屋嵌空可二丈有龍湫深入無際又二十里曰古田山外高十五里有田百畝田畔有龍湫侵晨有雲一縷浮空而出所向之方輒雨○馬厓

溪在縣東十五里發源白馬山下合大駛小駛二澗西南二十五里至常山境注于金溪○聲口溪在縣西二十里東南流十五里入金溪又西十里曰池淮溪溪有兩源一出歇嶺一出大溶嶺東南注於聲口○馬溪之上有桂巖閣五代時侍御江景房卜築于此居前有山壁立數十仞中有秋香一本自石罅出婆娑掩映與巖相對峙宋紹興間七世孫溥構閣于巖前而勝始備○白鰕池在縣北三十里宋趙抃鎮蜀以白鰕遺余仁合仁合放之池中其後生息不絕有求而他畜者鰕色輒變

衢州府志勝

卷之十

圭

遇旱水涸絕而復有○塚記云相塢在縣西一里舊傳唐魏鄭公家家也或以爲魏暮所葬畊者往往于其地得古器○徐氏拜掃壇在縣北一里山坡有墟墓六七內兩墓高一仞有半磚上刻唐貞觀二十二年戊申字相傳李世勣兄弟所葬後削籍爲徐故世稱徐氏拜壇○錢王塚在雲臺鄉距縣一百三十里相傳吳越王祖錢氏徵時爲人負擔至此其主人曰此水九曲列岫如屏葬者子孫當興因取枯竹標識明日令錢往視竹已生根遂伐去而給其主以失所在潛以父母骨葬之後果

封王今猶有倒生藤蔓根下垂拂墓如掃云

嚴州府

在府城西領縣五

東漢末吳大帝立新都郡治始新縣在今淳安縣西六十里都督山下之威安鎮晉武帝改名新安郡隋仁壽三年廢郡而立睦州以內外輯睦為義煬帝廢州而立遂安郡唐武德四年又以桐廬分水建德三縣立嚴州取嚴子陵為名武后時移治建德縣即今所也宋宣和元年以太宗嘗為睦州防禦使因陞為建德軍我明初曰建安府尋改今名○郡廳壁記有三其一唐刺史李道古撰其一宋知州田錫撰其一將作監丞刁衍撰○高風嚴州府志勝卷之十一

一

堂記在大廳東宋范文正撰刻仲淹以明道中守茲郡登樓賦詩有瀟灑桐廬郡十首今錄其七云瀟灑桐廬郡烏龍山靄中使君無一事心與白雲空又瀟灑桐廬郡問軒即解顏勞生一何苦日日靄青山又瀟灑桐廬郡全家長道情不關歌舞事繞舍石泉聲又瀟灑桐廬郡春山半是茶輕雷應好事驚起雨前芽又瀟灑桐廬郡家家竹引泉令人思杜牧無處不潺湲又瀟灑桐廬郡千家起畫樓相呼採蓮去更上水蘭舟又瀟灑桐廬郡清潭百尺餘溪翁應有道所得是嘉魚○思范亭記也

人胡拱辰撰畧曰亭舊名竹閣出郡城小西門未一里折而之北有山如几當几之中爲能仁寺右偏爲資福寺能仁寺之南偏乃竹閣也宋明道二年范公自右司諫來守是邦日喜登焉後人乃更名曰思范近日僧道存掘地得石碑上刻二詩其一云僧閣倚寒竹幽襟聊一開清風曾未足明月可重來晚意烟垂草秋姿露滴苔佳賓何以好雲愁與霞盃末云鎮江軍節度使推官阮逸題其一云竹閣寒相倚雲牕晚共開閒身方外去幽意靜中來聲響風隨籜陰移日上苔遲留更清夜待月

嚴州府志勝不卷之十一

二

露盈杯末云治平二年十月尚書知郡事劉述書置于思范亭○環溪亭在城內唐方干詩爲是仙家登望處風光便似武陵春閑花半落猶迷蝶白鳥雙飛不避人樹影與餘侵枕簟荷香坐久着衣巾暫來此地非多日明王那容借寇恂○千峰榭在治東北隅跨子城上方干詩云豈知平地似天台朱戶深沈別徑間曳響露蟬穿樹去斜行沙鳥向池來牕中早月當琴榻牆上秋山人酒盃何事此中如世外應知羊祜是仙才右二首蓋贈睦州呂郎中作也○陵仙角在子城西俗傳爲唐刺史

康希仙登昇之所○宋新定驛舊在州南門外謂之行衙卽多慶園舊址○宋都公在子城東門外街北○宋文宣王廟碑雍熙三年知州田錫撰○宋梓潼廟記吏部尚書葉夢鼎撰○城隍廟碑唐刺史呂述撰間成五年立石○韓富文范四公帖明道東坡二先生訓語蘓公簡卿飲詩陸放翁詩帖俱在學宮○陸佃撰新義二十卷其會孫子

建德縣

附

吳黃武四年分富春縣地立建德縣甘露元年孫韶于水濱得大鼎進之吳後主因改年號曰寶鼎

嚴州府志勝不卷之十一

三

封韶建德侯○唐孟浩然宿建德江詩山暝聽猿愁滄江夜急流風鳴兩岸葉月照一孤舟建德非吾土維揚憶舊遊還將兩行淚遠寄海西頭按志東陽江在縣東南二里來自金華界至此與歙港合流東入浙江其歙港卽建德江也又四十里爲三河潭潭水逆流而上兩旁順流而下故曰三河唐置三河戍于此○西湖在縣西南廣袤五百四十二丈中有寶華洲又六十里有聖湖中有白沙洲俱限不與江通碑目云西湖放生池記在湖心法言寺宋紹興年朝奉大夫主管洪州玉隆觀姜

師中撰○圖經烏龍山在縣北三里高六百丈周
一百六十里郡之鎮山也其巔有二池一清一濁
俗名聖水池傍有烏龍嶺嶺有三灣九曲其水東
注曰玉泉宋趙抃詩泉石淙淙瀉百尋群峰環翠
起春林危巔名雨雲先作不負蒼生望歲心碑目
云烏龍山有道先生許公碑唐貞觀十一年江夏
李師尚撰許公者羽士也歿後其徒以有道私謚
之云○高峰山在城東五里雙峰峭聳與南山相
望新安江遶其西南東流合婺水以入浙江唐李
嘉祐詩建德湖已盡新安江又分是也貞元中有
嚴州府志勝入卷之十一

四

僧曰少康者乞食睦州城中每得錢即誘小兒念
佛號一聲與以一錢因於高峰建道場集衆念佛
衆咸見佛出康口中坐化之夕有光照烏龍山山
色爲之變白云○九峰山在城西五里九峰環峙
其上有井出石竅中其水流注西溪溪源出烏龍
山繞於此山之陰至杜橋達新安江碑目云九峰
菴與福院二記俱宋諫議大夫江公望撰○又五
里爲幽徑山漢朱買臣避吳王濞之亂嘗寓此山
菴室讀書滌硯於池後人因名爲朱池又名其里
與橋皆曰招賢宋朱池驛設在縣西三十里入衢

之要路也○橋山在縣南十里險峻如石筍人莫
能登舊有羅浮橋產於絕頂橋熟時風飄墜地得
者詫以爲仙橋○馬目山在西南二十五里一峰
昂然如馬首中有小峰如目一名南高峰其麓有
靈惠泉流出爲馬目溪注於桐溪以入新安江碑
目云馬目山新廟碑唐開成五年刺史呂述撰○
龍門山在縣東二十七里石壁峭峻下瞰江渚有
飛瀑噴崖而下○胥口江在縣北二十五里宋設
胥口驛今廢相傳伍子胥駐兵于此今有子胥祠
瀕江有石如船長一丈五尺每春水退鄉民視舟
嚴州府志勝入卷之十一

五

中沙石多寡以占歲事又有溪曰胥口溪源出胥
嶺逆流達胥口江○雲岫山在東北四十里其水
出爲杜息溪東流達清渚港又五里爲湫山高六
百餘丈中有石湫俗名聖水又十五里爲千方嶺
絕頂有石穴曰金鷄窠○耆老相傳縣西有黃饒
村村有陳氏子出家開元寺法名道明得法於黃
菴禪師嘗織草履鬻以養親唐末黃巢兵將壓境
道明乃織大履懸於三十里外木杪賊至視之曰
彼有人焉遂捨去俗謂此村爲黃巢所饒故名

淳安縣在府城西
百六十里

唐開元初之還淳縣宋宣和初之淳化縣也宣和二年邑寇方臘竊發焚劫州郡已而殲平詔賜今號以綏緝之按淳安今俞彥與廳壁記云縣在三國爲始新卽新都郡治在隋爲新安卽睦州治也大業末陷于歛盜唐初寇復移睦州之建德始改縣爲還淳旋改青溪又改鳩山○雉山在縣西南一里形如雉蹲故名與縣東北之靈巖兩相對峙狀若顧揖流泉會于大溪卽青溪也青溪源自歛歛東注浙江一名新安江南齊沈約入新安江詩春言訪舟客茲川信可珍洞澈隨深淺皎鏡無冬

嚴州府志勝不卷之十一

六

春千仞寫喬樹百丈見游鱗滄浪有時濁清濟涸無津豈若乘斯去俯瞰石鄰鄰紛吾隔黨滓寧假濯衣巾願以潺湲水霑君纓上塵唐楊彝過青溪渡詩天淵對江雨冥冥上客衣潭清魚可數沙晚鴈爭飛川谷留雲氣鷓鴣傍釣磯飄零江海客欲側一帆歸宋梅堯臣青溪行山色碧於溪扁舟泛落暉水烟帆界破沙鷺槳驚飛鳥嶼隨流曲漁燈隔岸微月明何處宿待訪子陵磯○山青溪渡東去二三里有溪左折而北復東北折廿里曰進賢渡卽古丹陽歛之東鄉也成化間邑人方漢紀略

云吾家自西漢末由河南平陵徙居是溪之上歷代至今累有聞人惟漢尚書令仙翁儲晉尚書操唐隱君千宋校理公恪最爲顯著故其鄉里市渡皆以進賢而名有十二景爲合山夜月端口晴虹及鷺坡馬石諸處皆其所居之前後也輿地紀勝云鶴跡石在縣東三十里石高五丈上有鶴跡長經尺餘又有馬虎跡相蹂雜相傳漢仙翁方儲九第三人各乘一物遊此其跡天然非鏤刻所及縣東北百里有白鶴嶺亦云仙翁儲來白鶴駐此其鶴豕地泉湧今名仙鶴泉○仙翁有祠在端口西

嚴州府志勝不卷之十一

七

之獅子峰宋方有開詩真仙祠館鎖層嵐下瞰平疇十里寬譜謬尚標唐篆額風儀仍是漢衣冠紫芝白兔靈如昨石竭丹湖事不刊千古雲孫牛馬走敬瞻遺像仰高寒○按賢溪記云歛之東鄉古葉鄉也東漢書建安十三年遣威武中郎將賀齊討定丹陽縣歛時武疆葉鄉東陽豐樂四鄉先降因表葉鄉爲始新縣此置縣之始矣今縣西北六十里永平鎮有土主廟名賀將軍祠又呼爲葉公蓋尊之也公字公苗會稽山陰人祠之西配食漢南邵行事南郡守關內侯方公儼東配食本州別

駕襲駭侯方公觀之又傳其地有血湖以方儼方
僧爲儲之兄弟被丞相張林讒五月五日引刀自
刎兩血相漲高二丈餘湖水皆變赤云○志云南
山在縣治南一名青山朱仲晦詩青溪流過碧山
頭空水澄鮮一色秋是也山下有物外亭宋錢時
有月夜游南山記○龍山一名靈巖在縣北六里
山勢宛若游龍而新安江環遶其下唐章八元詩
云雲駟山脊露沙淺水痕交蓋詠此○邁山在縣
西北六里新安記云其山重疊秀邁諸峰又云晉
許邁採藥經此仙去故名○隋書云縣西北數里

嚴州府志

卷之十一

八

岡阜隆起昔洪氏者卽其中架屋數楹以待方外
之士名曰仙壇○金鈎山在縣東八里狀若金鈎
宋方有開來遊有風散烟霏張翠幙月移花影掛
金鈎之句○小金山在縣西十里屹立大溪中似
鎮江之金山而差小洪揚祖記略云山形偃仰波
瀾三面涵碧惟一而頗狹可渡水石奇惟軒楹曲
折非登舟莫之見也東傍邑郭連亘小洲平鋪如
掌草木蒙密西則錦溪當其上流拖藍漾碧北有
茂林崇巒氣勢雄立清泉冷冷直其面而淙焉面
負蒼崖脉理略與山相協宛割爲兩緣麓有磴以

探石峒峒有三勢極險峻到者雖暑寒入神骨宋
胡朝穎詩綠水遶門迷客渡白雲終日伴僧閒喚
取頭陀磨石壁爲渠題作小金山○又八里爲響
山石壁如削下有深潭瀕洞舟人呼之其響輒應
唐崔顥詩輕舟去何疾已到雲林境起坐魚鳥間
動搖山水影崑中響自答溪裏言彌靜事事令人
幽停橈向饒景○雲濛山在縣南三十里高五百
丈週迴七十里又欲雨則雲霧滃騰山頂其下有
泉流若琴筑聲宋汪若宮詩林葉舞風翻趣拍石
泉流水自鳴琴○美山在縣東三十五里山勢峭

嚴州府志

卷之十一

九

拔有洞曰仙居連十數洞俱一竅相通外復有洞
狀若龍蟠中有石座座上有石盆承于龍口水自
龍口而出下溢于盆滿而不溢其近山木多空心
石罅中往往出蜜又謂之蜜山○麓山在東北三
十八里山分八面水流十派上有平田數頃五代
宋齊丘讀書其上有石室○石門在縣西四十里
吳孫和太子避難至此忽大雨平地盡沒刑白牛
馬各一以祭三日雨歇石門之跡儼然俗稱時雨
石門○又二十里曰都督山相傳方儼爲漢都督
所嘗駐兵處山下卽威平鎮圖經云山極高峻臨

江以占吉凶凡石崩墮入水者死到牛山而止者
吉消散至水滌者免有官之鎮以此爲驗○又五
里爲蜀阜山宋錢時家于山下以其山水酷似蜀
之三峽而名時有詩云秋暮之京歲暮還春來更
墮藥瓢開眼前有底閒風月忍得經年不上山○
芝山在縣南六十里秀出遼溪之上宋西夏都知
兵馬使商瑗入朝奏密事因置留馬裔孫輅中三
元謚文毅公宅于此其所著集曰遼源曰芝山皆
取此也○並桃山在縣西北六十里與紫蓋峰並
峙陟其巔則杭欽衡婺之境皆屬指顧自下望之

嚴州府志勝八卷之十一

十

儼若二桃山南有乳洞深可數里泉溜凝結如乳
故名宋邵俱遊乳洞詩杖藜清曉穿林麓行盡縈
迴見茆屋開門倒履出相迎已喜山中逢老宿時
當六月困煩暑共憩清音坐空谷上有倒掛千年
藤宛若蛟龍蟠古木水聲進出風雷吼四壁餘音
韻金玉仰視溜乳懸珊瑚鼯鼠無端闖飛撲但覺
颼颼心魂飛何日傍巖爲卜築○金紫峰在縣東
北八十里高二千餘丈中峰有圓石特起數十丈
光瑩無草木其傍兩峰若俯仰旭日照灼金紫晃
耀故名又五里爲龍山潭宋錢時記略云源出昱

嶺至是瀑垂斗絕瀦而爲潭連三垂瀑而三潭高
下相比上者可一畝中者尤大其下則差小旁崖
石圍拱口收腹衍如釜束乎兩山之間傾注湏洞
聲振林麓而寒碧淵澄波紋不動嘗有輪麻縷碰
石下測之者盡一輪莫覓其底中潭之涯則小山
孤起下有巖穴容數十輩水溢從亂石中流出颼
颼聞松風聲曰響石又數百步兩崖對峙如堵牆
水流其間三潭之別源當合富流漿二水之衝有
石柱方廣二丈許從欄底挺然拔起者幾七十尋
上下相直不偏倚○又三十里爲東泉山舊名覆

嚴州府志勝八卷之十一

十一

船山傍南一峰高出曰紫瑞峰當龍池之上遠望
若芙蓉流泉三派皆自東注元洪震老遊東泉山
詩青蓮浴秋水浮出龍王宮平生閱山亦多矣未
有若此奇哉窮金焦靈鷲等培塿詞客誇譁不容
口恨君不上千仞岡一見天台與廬阜通都大邑
人爭馳一泉一石小亦奇雲頭路絕無人處大有
佳山誰得知○閱縣志治內東有讀書林又東
有堂四楹名曰琢句取蘇軾送李陶適直赴青溪
任有此去溪山琢句新之語宋嘉定元年知邑事
鄭澁記○縣尉廳西序有托笏軒面勢羣山壯傑

聯時構此軒以揖之乾道三年周莘記又方有開重脩石渠記云郭內有泉源於北山注爲西池巨閣闌以東澄澈紺紫人愛護之廟石爲渠冶金爲廳而家其上致足喜也○唐文苑傳吳少微嘗縣人與武功富嘉謨魏郡谷倚並攻古文詞本源經術雄邁過人時號吳富體又稱北京三傑元和初皇甫湜持正以賢良方正對策第一與韓柳爲師友劉禹錫曰安定皇甫湜於文章少有推許蓋重之也隱逸傳載五代方吳字太初以節義自高唐亡耻非所仕遯處嵩谷吳越錢氏招之不出聚徒

嚴州府志勝

八卷之十一

十一

講學於上貴精舍以終其身鄉人稱爲靜樂先生

○宋邵炳登天聖五年進士授富陽簿秩滿歸築樓居名白雲樓隱其上范仲淹守睦州招之不赴時號白雲先生○方逢嘉字君會領漕薦任無錫尉調轉遂不仕凡所知累以文學政事薦辟皆辭其所居馬巖山下號巖隱○元洪震老能詩下筆數千言立就領鄉薦與時相書言詞鯁直授州學正以母喪去官因不復仕隱石鐘山學者稱爲石峰先生○何景福字介夫號鐵牛子學博行修以所遇非時一丘一壑詩酒自娛而已所著有鐵

半集行于世元末國初有岐山先生者魯道源淵也至正中爲賊所執不屈羈置之白石源從容吟曰欲死祇今猶未死有生何以更無生久乃獲脫居岐山下養疾洪武初徵召不起

桐廬縣

在府東北九十里

三國吳黃武四年析富春縣之桐溪鄉爲桐廬縣上古有桐君者止於今縣東二里山隈桐樹下枝柯偃蓋陰蔽數畝遠望如廬舍或有問其姓者則指桐以示之因名其人爲桐君其山亦曰桐君山突然一峰下瞰桐溪溪源出天台山經於潛東流

嚴州府志勝

八卷之十一

十一

六十里至此入桐江江源有三一出徽州一出衢州一出婺州合三郡水東北注九十里至城南東流歷富陽合浙江入海山下有合江亭西征記云自衢歷婺至新定曰睦州二江之水會合亭下有山巍然直壓其首如渴鯨怒鯨奮迅鬣鬣奔而入水之狀或云桐君在黃帝時嘗與巫咸同處方餌有藥錄一卷行于世久已失傳宋紹興間縣令許由儀訪至山隈有雙小桐在于是立祠山頂繪像以祀之○圖經古嚴州城在今縣西十五里桐江西岸隋仁壽二年鴻臚寺丞蘇綸築唐武德初置

嚴州治此又十里爲古縣城卽吳黃武所置之桐
廬縣也隋開皇中併入錢塘其城遂廢今孝泉鄉
之漏港灘有故址存焉○治西北十五里之古城
縣則唐貞觀年移自桐江西岸者及開元二十六
年乃移治北安樂山之第二峰爲今所宋邑人羅
彥真建塔于山頂元末燬○桐廬縣三大字宋左
散騎常侍徐鉉篆始秣陵刁衍與鉉共事江南後
歸宋衍爲桐廬宰以板素往京師求于鉉得之皇
祐中縣令劉敦刻石吳伯王爲紀其事南渡後不
存○唐崔峒題桐廬李明府官舍訟堂寂寂對烟

嚴州府志勝八卷之十一

古

霞五柳門前晚聚鴉流水聲中視公事寒山影裡
見人家移風共美新爲政計日還知更觸邪却憶
陶潛無限酒不逢雛菊便開花李郢送友人之桐
廬寄題江驛桐廬縣前洲渚平桐廬江上晚潮生
莫言獨有江山秀過日仍聞官長清麥隴虛涼當
水店鱸魚鮮美稱專羨王孫客棹殘春去相送河
橋美此行宋李恭題合江亭一絲風下碧雲天亭
上應開霽色鮮嚴子釣臺青樹裡桐君丹竈白雲
邊千家畫棟前朝屋百里清江過客船滿灘桐廬
幾興廢野花山鳥自年年明王棣桐廬角中瀟灑

溪山夢此邦輕風細雨過桐江川迴幾訝船無路
林缺時看屋有牕野果青苞垂箇箇水禽白羽去
雙雙到家已值重陽節新釀村醅正滿缸○鳳凰
山在縣東二里下矚橫江形如鳳翅故名山側小
坡宋丞相曾懷築遐矚桂崖二亭以資游息後人
呼爲曾公嶺○戴山與桐君鳳凰三山相爲聯屬
劉宋戴顓與父達兄弟並隱居著名顓字仲若譙
郡人慕越中山水初徙剡縣後乃居此仲若著通
論戴記十篇故山以戴名○舞象山在縣西二里
亦以形似而名山山下有圓通寺又三里爲常山晉

嚴州府志勝八卷之十一

古

許邁隱此邁字叔玄自餘杭來結樓以居餌木辟
穀者數年以山近人境乃四面藩之好道者就見
但登樓與語其址尚存又五里爲牛山山當驛道
上通閩廣下接杭越屈曲十有五里宋孫紹遠記
略云內薄山外瞰江高深殊絕而窪凸屈曲步步
必戒如是者十五六里建炎中金兀术入寇歙人
錢魯率民兵三千因險設伏大敗金人於此淳熙
中邑令向演乃於沿江處所立扶欄七百行者便
之元末劉真據縣取石築城扶欄遂廢其中塢之
左曰金鷄山有巨石俯瞰大江石上有題詩云天

上金雞種何時墜此山祇因鳴石上流落在人間
○獨山在縣西二十二里孤峰背起高倚江濱山
麓有白水湖溉田甚廣旁有孝子泉晉夏孝先父
亡負土成墳於此湖側因廬墳次時有野火燎山
將近瑩域孝先繞墓號慟鳥獸羣集以羽毛濡水
灑火俄頃而滅忽有泉湧出其水自黃山入江唐
里人司徒董舉居泉側大旱泉欲竭舉乃運石于
下以溜水既而水漲沙石遂成圻人號董舉圻○
又十三里爲富春山一名嚴陵山清麗奇絕號錦
峰繡嶺前臨大江乃漢嚴子陵釣處人號嚴陵灘

嚴州府志勝

卷之十一

十六

按嚴光字子陵餘姚人與光武同遊學及帝卽位
光乃變名姓披羊裘釣于齊國大澤中帝遣使三
聘而後至除諫議大夫不屈歸耕於富春山山有
東西二臺以光故名釣臺各高數百丈西征記云
自桐君而西羣山蜿蜒如兩蛇對走於平野之上
三江之水並流於崖下驚波間馳秀壁雙峙上有
嚴子陵釣臺孤峰特操聳立千仞釣臺下有十九
泉唐陸羽茶經品天下水味以此泉當第十九賓
于釣臺者爲白雲源一名蘆茨源重崖蔽天林麓
繁盛源口對釣臺宋景佑間太守范仲淹過之詢

爲方千舊隱遂訪焉其家子孫尚多儒服因作詩
曰風雅先生舊隱存子陵臺下白雲村唐朝三百
年冠蓋誰聚詩書到遠孫○宋末閩人謝翱嘗參
文天祥軍及信國被害途經釣臺哭之北向舉酒
以竹如意擊石歌曰魂歸來兮何極魂去兮關水
黑化爲朱鳥兮有蜀馬食歌已失聲哭因遊白雲
源願卽此爲塋地及卒友人方鳳如其言塋之曰
宋處士謝阜羽之墓傍有許劍沙社二亭○釣臺
之西曰七里灘諺云有風七里無風七十里蓋舟
行艱于牽挽惟視風以爲遲速也謝靈運七里灘

嚴州府志勝

卷之十一

十七

詩一聯卽七里箭灘猶是難橋邊走嵐翠枕底失
風湍但訝猿鳥定不知霜月寒前賢竟何益此地
誤垂竿唐孟浩然前題疊嶂數百里沿迴非一趣
彩翠相氤氲別流亂奔注釣磯平可坐苔磴滑難
步猿飲石下灘鳥還日邊樹觀奇恨未晚倚棹惜
將暮揮手弄潺湲從茲洗塵慮李白經釣臺詩松
栢本孤直難爲桃李顏昭昭嚴子陵垂釣蒼茫間
身將客星隱心與浮雲閒長揖萬乘君還歸富春
山清風灑六合邈然不可攀使我長嘆息冥棲巖
石間評渾前題天晚日沈沈孤舟繫柳陰江村平

見寺山郭遠聞枯樹密猿聲響波澄鴈影深榮華
暫時事誰識子陵心○尖山在縣西北十五里其
山高銳遠望如卓錫然迤東有圓仙洞回環三十
餘丈可容百餘人巖間石乳滴溜不竭中有石床
石鼓石龍石橋種種殊絕又有金紫巖石泉湧出
泓澄瑩澈冬溫夏寒病者飲之多瘥名曰神泉又
十里爲山一名環翠山晉郭文先生隱此山上
有仙碁石見存又十里爲清冷山高五千餘仞周
七十里有洞一穴四面出泉溉田五十餘頃宋時
嘗遣使醮祭今村名謝田是也舊以山有大鐘因

廣州府志勝不卷之十一

水

名鐘山唐天寶間改今名○縣西三十里有太湖
塘在高山頂其山卽自鐘山分脉而來曠阜平岡
羣峰四擁宛如一城垣湖水當其中朝夕盈縮與
錢塘潮汐相應里人僦蓋嘗築室湖南榜曰太湖
書室弋陽黃潛爲之記○縣西北二十里有白水
湖廣一百三十餘畝其中有上湖下湖鵝湖高塘
湖之別而白水其總名也○朝使山在縣西北三
十五里清冷山之傍山頂巨石高一丈六尺廣八
尺下有座遠望如印臺一名印峰又有龍洞山山
半有石峽號洞門其巔有龍門池又五里曰藍田

山其陰有一指石長一丈高五尺綴巖谷間以手
抵之輒搖動人力多則不能移元楊維禎有一指
力可動萬夫吳能移之句又有赤洲嶺索廻曲折
凡三里餘吳越王錢鏐徵時嘗思嶺上其常勝處
忽成穴有泉湧出大旱不涸名錢王水穴又五里
有焦山巖下瞰溪流波濤洶湧名焦山灘○又十
五里爲鷄籠山俯瞰溪水下有石洞小舟可通一
名靈鷄洞對峙有金鷄石相傳昔有金鷄鳴於石
上元何驥子詩鷄鳳高翔短翅低孤飛深入此山
棲危機恐墮樸金手風雨淒淒不敢啼○又五里

廣州府志勝不卷之十一

光

爲周顒嶺昔周禪師顒隱此嶺上通分水縣其地
有石柱山絕頂有石高十餘丈廣丈許望之如柱
故名又有龍盤山山頂有石曰虎踞登之可見錢
唐城郭又有擔石在江潯兩石重疊上橫下豎卓
立數丈俗呼錢王擔石又有白石山下瞰溪流巖
壁陡絕高五十餘仞又有洪石洞狀如夏屋流泉
一泓上接瑤林洞下達天目溪瑤林洞者石壁五
彩狀如雲霞泉流瀲灩若金絲綠竹之聲元末徐
舫嘗避兵其中舫邑人博學能文尤工于詩與青
田劉基爲友洪武初基被徵邀之同行舫荷簑笠

以見示無仕進意所著曰淦江集及瑤林雜詠又有冷鳩洞地名杏源洞中有石臺流泉二派冬溫夏涼又五里有垂雲洞可容百人以上有穴見天光旁有石稜萬片狀如晴雲亂墜中多石佛舊名石佛洞唐貞元間改今名又有館仙洞白洞門梯級而下石室高敞紫紆曲折莫知所窮內有蟾蜍翠鵲舊名赤洲洞今名亦貞元間所改○烏石山在縣東南四十里一名白鶴峰漢孫鍾祖墓在焉鍾卽孫權祖也其下有賢聖廟○夏口村在縣境唐明皇雜錄云開元中房琯宰桐廬郡真人和璞自

嚴州府志勝

卷之十一

寺

泰山來瑄與閒步數十里至夏口村廢寺璞坐松下以杖扣地令侍者掘地得一餅中皆髮師德與永公書璞謂瑄曰省在此乎瑄乃恍然憶永公是已前身

遂安縣

在府西一百八十里

後漢建安十三年分歙縣南鄉安定里置新定縣是時吳大帝使賀齊初平黟歙故也晉太康元年改今名○治據五獅山下按志縣治後有五山其形聯屬似獅子然舊詩云古樹重重擁翠微五山排峙勢如獅邑人董季榮所作○霧山在縣東南

嚴州府志勝

卷之十一

寺

二里孤峰峭立邑之望山也或謂兩浙當牛女分婺州與婺源皆以女宿得名此邑界其中當作婺山而縣東十里有鳩山音亦相同邑人吳世良詩曉發十八鳩日破萬重山溜滴珠淵水屏間婺源山○仁山在縣北五里巔有池水傾注爲瀑布高數十丈又十里爲靈巖山亦有瀑布泉其潭深百丈曰百丈潭潭水注爲靈巖溪東南流十五里入武強溪折而西曰靈巖洞有泉自山巔流爲小澗澗中三石若鼎足山腹有泉自石罅滴瀝而下名龍膺泉○武強溪發源武強山峰巒險峻用武者

者爲積雪嶺冬春雪積不消故名○雙龍洞在縣西南五十里洞門高五六丈形如覆釜中有石龍附壁而升者二○乳洞在縣南八十里洞門廣三丈許仰視五六十丈青石如斷其中出泉大旱不涸又有獅子洞洞門差小中有白石蹲踞類獅洞傍有幙頭石屹然臨水高十餘丈廣八丈漢井泉在其下又有石柱聳立山足高數丈圍丈餘又有石缸長四丈卧水中如缸尾懸一石如柁明倫峴詩噴巉孤石似舟橫苔蘚沉埋月色明依稀赤壁秋風下彷彿山陰雪夜行○古蹟志云宋新定驛

慶州府志勝不卷之十一

圭

在縣城內正北舊縣衙東○縣廳題名記宋邑令錢建撰靈巖院瀑布記唐大曆十二年前濮州別駕康仲熊撰遊靈巖集宋慶曆八年殿中丞葛閣序同賦者十一人○潺湲亭唐會昌六年縣令李公廉建去治南二十五里○朱晦翁詩刻在縣東許由山晦翁訪詹儀之過此其詩云許由山下過川水映明珠流耳懷高潔拋節墩上娛至今目爲朱墩○塚廟記云唐交州都督李壽墓在縣西鎮基山壽封遂安縣公葬此宋真宗東封詔褒贈前代忠臣郡守田錫以壽名聞于是封壽爲忠勇侯

賜廟英烈今廟廢碑尚存

壽昌縣在府西南九十里

壽昌縣治碑唐乾寧元年譙國戴公新撰畧云永昌元年析雒山縣所置先是孫吳分富春縣置新昌縣晉改名壽昌此在府之東北其治在縣西永平鄉今之壽昌在府西南其治在萬松山南名適相同而治所各異攷通典及元和郡縣志皆謂分富春縣置者非今之壽昌也俗名故城坂有城隍廟相傳吳立新昌縣時建唐神龍初徙于郭邑里欲併遷城隍神像百人不能舉因留彼地至今祠

嚴州府志勝不卷之十一

圭

之○圖經青龍山在城東一里峰自西來臨繞艾溪又東曰金姑峰峭削峻拔其麓如鳳翅橫截水曰翠溪流其西○彭頭山在縣西一里臨西湖之上湖水廣袤二百四十步跨以飛梁唐景福中縣令戴筠開導以灌東郭之田餘浸入于艾溪艾溪上接大同溪並流至顏公橋合曹溪南流又合清潭溪折而北流合周溪溪之南有山口照山宋胡楚材彭頭山詩久客倦行役故山安在哉松篁讀書室水石釣魚臺明月照歸夢清風吹酒盃亭亭離下菊寂寞爲誰開按楚材縣人仕秘書郎以剛

直忤權貴歸隱于此所著有默山集○南山在縣南三里高八十餘丈其巔有池靈蜃居焉一名仙池山胡楚材詩峻峭插天山仙池在絕頂無源水自溢泓澄照天鏡○又四里爲天井山其水豎流注于石窟名曰天井又八里爲金臺山山峰如露臺日色臨照其上故徐安貞有金臺捧日之詠又其地有烏石山中有大小烏石對峙嶙峋清溪潭之源出於此流合壘溪過南浦會董源水北流入艾溪又折而五里曰大慈巖有石筍突峙其上登之可覽金衢二郡之勝○明山在縣北五里巖壁

嚴州府志勝

卷之十一

五

特聳時見光明故名又一里爲巖山有三峰高數百丈頂上巨石廻抱如負宸狀又十二里爲過浴山下有流泉自洞口瀉入地穴深不可測名曰龍潭潭上又有洞穴名曰龍門過此則石壁峻立仰視山巔如牖而明名曰天窓又過此則不能窮山下出泉發爲三派一爲周溪合天井雙溪陳源天山諸溪之水入于艾溪一爲協儒溪至巖墅與後塢水合南流經至仁橋入于塢溪一爲五里溪南流至新市渡入湖神溪○岑山在縣東二十里巖谷清曠其北爲燕山每遇亢旱烟霧上橫群燕翔

集卽雨岑山之南爲赤孤山有石赭色壁立孤峻俗傳赤仙姑曝裙于此亦名赤姑山又有夷山丹崖岩巘若屏障然又五里曰長嶺路通金衢宣歙四郡嶺半有泉下注爲池竹絲之源出焉流至駱村合石泉水北溪入湖神溪○石岑山爲宋國子監丞鄭彥讀書處徐誼詩云九曲岑山九曲奇萬年高樹萬年枝水盤幽澗通池遠花碍深雲落塢遲種竹生孫添舊譜換茶留客了殘基監丞去後留遺跡依舊烟霞似昔時○玉華山在縣東南二十里山高數百丈石色映空如玉故名又十里爲

嚴州府志勝

卷之十一

五

巖峒山有五峯曰華蓋曰羅帽曰玉露曰慶雲曰景星而華蓋最高南屬金華北屬嚴州翠溪之源出焉流逕魚跳山以至金姑峰下入於塢溪又發爲龍溪至玉虹橋與過塘水合入湖神溪○青山在縣西十里唐聘君翁洮隱居之所又十里爲天湖山山上有池流下溉田冬夏不竭故名又十里爲藥山山半有泉清冷瑩徹名曰藥泉又五里曰金紫峰三峰突起中峰最高左右輔之又五里曰四靈山四山拱揖形肖麟鳳龜龍宋樞密葉義問故居在焉有棲霞洞洞極深邃水常泛溢有風洞

夏涼冬溫又有氣洞將雨則煖如蒸唐縣令穆均
嘗遊此李頻從行穆吟曰一徑入雙崖初疑有幾
家行窮人不見坐久日空斜頻續云石上生靈草
泉中落異花終須結茅屋來此學飭霞穆深加嘆
賞頻名自是日擬又四十里曰塘山石逕屈曲上
有二池分流巖壁狀同瀑布又十里曰朱山上有
繫虎壇金鷄巖南曰鷄籠山其水出爲壽昌溪一
名大溪流入新安江○梅嶺在縣西南四十里接
龍游縣境宋建都臨安時此嶺最爲要道凡閩蜀
江西荆湖二廣雲南八番海外諸國來者皆經其
嚴州府志勝八卷之十一

圭

下今則取道于蘭溪矣○其東南者曰長嶺在龍
溪之上宋鄭以耕詩峻嶺迢迢一徑分往來行客
逐登雲上方應是禪關近清磬悠悠十里聞又題
龍溪詩溪流環抱碧縈紆好似盤龍護草廬石嘴
曉波寒骨露月澄秋水夜光虛

分水縣

在府東北一百五十里

唐武德四年析桐廬之西鄉置縣以桐廬江水中
分因名分水及寶應中又析分水置昭德縣在治
西北嘉德里旋廢宋爲昭德驛○天目溪在縣治
東源出天目山逕於潛昌化繞縣境而入桐江○

慶雲山一名五雲山在縣治東南唐長慶中里人
施肩吾及弟山上有五色雲見下映湖水卽東湖
也又南有湧泉巖巖下有湧泉池○與五雲相連
者曰塔山上有塔院宋學士邵忠立有記王鑛詩
云珠樹法華曾護塔靈巖臺水舊通湖○千佛巖
在城東十二里邑人方子容鑿巖石作千佛形以
祐母者又三里有紫羅山唐邑人羅萬象隱此浙
西觀察使李德裕使人召之萬象逃入深山結白
雲亭以居終身不出又二里有泰游山相傳秦始
皇朝天目度民胡見於此因名泰秦山唐天寶間

嚴州府志勝八卷之十一

圭

改今名○紫龍山在縣南二十里上有龍池
峙者爲石柱山山各有石柱峭直狀似削成故名
○鍾山在縣西三十里山半有洞泉出其中流注
山下又五里爲覺道山昔有二道士入山修道不
知所之惟石壁上有一道士影睛目視之宛然○
又五里爲鳳翔觀碑目云鳳翔觀碑唐試太子校
書郎盛孺安撰按卽今之德輝觀也宋宣和元年
詔改今額以古有威鳳翔集茲山故名郡守隴西
李公時道士羅玉京刺石○柳山廟記宋紹興七
年知縣王瑞撰○施肩吾寄徐凝詩宋熙寧間知

縣齊誼刻建中靖國元年誼為轉運使仍刻肩吾
及第告于碑陰○郭祥正題名在縣學祥正與蘇
子瞻為友熙寧中因訪邑宰題識歲月○塚記云
吳九真太守何瑛墓在縣西北勞山俗呼瑛公墓
○桐栢張真人塚舊傳張天師祖也在縣北管生
仙外鄉○宋石司諫王縉墓在縣西十五里茅山
張拭誌○太守王知元墓在延洪寺後山江公望
誌



福建布政使司

北達京師六千里領府八直

隸州一

卷

福建之名始于唐大曆中置福建觀察使其始置
粵之地泰始皇置為閩中郡者也周禮七屬荒服
掌于職方注云子孫有七種故曰七閩宋梁克家
三山志曰七者所服國數也而今謂之八閩則以
我 國初洪武元年置福建布政司轄福興漳泉
延建邵汀等八府唐高適送鄭侍御詩謫去君
亡恨閩中我舊過大都秋鴈少只是夜猿多東路
雲山合南天瘴癘和自當逢雨露行矣慎風波皇
福州府志勝八卷之一

甫出送華判官詩孤棹閩中客雙旌海上軍路人
從北少嶺水向南分野鶴驚林別林猿忌夜聞
家崇亞相知爾遠邀勳僧法震送客詩不須行借
問為爾話閩中海島春冬雨江帆來去風道由玄
度宅身寄朗陵公縱別何傷遠于今關塞通僧
然送浣秀才詩越客不成歌春風起綠波嶺重寒
不到海近瘴偏多野戍枕椰簾人家翡翠過翻疑
此中好君問定如何杜荀鶴送客之閩雨勻紫菊
叢叢色風弄紅蕉葉聲北畔是山南畔海祇堪
圖畫不堪行

福州府志卷之九 領縣九

本漢侯官縣地。晉太康三年，以侯官爲晉安郡。陳永定元年，置閩州。唐開元十三年，改爲福州。文獻通考云：侯官有福州，故以爲名。自無諸開國都治，依山置壘，據將軍山，歐冶池以爲勝。晉太康四年，太守嚴高謂故城狹隘，不足聚衆，將移于白田渡，嫌非南向，乃圖以谷郭璞璞指越王山，南小阜曰：是宜城。後八百年大盛，其議遂決。古遷城記云：其城形狀如鷺似鳳，氣勢盤拏，巡兵不饑，遇荒不掠，逢災不染。唐中和間，觀察使鄭鑑脩拓其東南隅，屬州府志勝入卷之一

城北起小阜，南至虎節門，東起康泰門，稍西至宜興門，東南至安定門，西南至清泰門，是曰子城。後唐天復元年，閩王審知築重關于虎節門外，名鎮國臺，又名龜頭門，俗呼雙門。又于子城外環築羅城，設大門，便門共十有六，水門三，南利涉門在今安泰橋北，東南通津門，俗呼青門樓，東海晏門，俗呼雞鴨門，東北延遠門，在今貢院前，北永安門，在懷安縣後，西北安善門，在西湖之傍，西南清遠門，即今海門橋，初以豐樂門爲羅城，與清遠門接，故中間又有金牛門。梁開平元年，審知又築南北夾

城，謂之月城。南大門一，累甃，設懸門外，便門六，水門二，濬河以通潮。北大門二，便門五，南寧越門，即今南門，東南美化門，以設水關，亦名水步門。北嚴勝門，舊志劉宋時有嚴勝者，居此鬻米，取息極薄，太守以旱禱雨，夢神告之，必得如嚴勝者，使禱，守因羅致之，果雨，故以名門。西北遺愛門，舊名昇山，宋政和間，元絳爲郡守，及去，百姓思之，因改今名。西迎仙門，即今西門，宋開寶七年，刺史錢昱又築東南夾城，南自合沙門，西至怡山門，東自行春門，比至湯井門，又有通仙門，紅場門，是曰外城。太平興國三年，錢氏納土，詔盡廢之。熙寧二年，郡守程師孟據子城舊基，脩築，復增拓其西南隅，紹興元年，郡守程邁始發石累于城，虎節安，定豐樂，康泰四甍門，設敵樓其上，既而四門盡復舊，元至正間，復廢。我朝洪武初，駙馬都尉王恭命指揮李惠等，重加脩治，并建樓櫓，周而覆之，比隣越王山爲樓，曰樣樓，或云剏造時，以此樓爲式也。西東南則因外城遺址，遶九仙烏石二山之麓，而闢之，廣袤六十里，周三千三百四十九丈，高二丈一尺，有奇，開七門，其四向者俗，但以東西南北目之，而東

南曰水步門東北曰湯門西北曰井樓門○舊子城羅城夾城外城皆有壕起自南臺東北江岸開河口通潮北流入城其間若大橋雅俗橋義和橋仁愛橋樂游橋衆樂橋諸水蓋舊子城之壕也安泰橋通津橋去思橋清遠橋諸水蓋舊羅城之壕也○美化門東西二水嚴勝遺愛二門所經之水蓋舊南北夾城之壕也通仙湯井二門所經之水及洗馬樂游二橋諸水蓋舊外城之壕也○惟城北一段連山不通水源古云龍腰不可鑿卽此○府治自晉唐宋俱設于布政司國初始易今所乃宋福州府志勝不卷之一

四

時邵宇每歲二月開園與民游玩至三月而止○樂園在宋提刑司內虛靜堂之北其間園館相屬宣和二年提刑命向更新之庭之南有二亭東曰熙春西曰藏春遍植荔枝樹有樓曰荔枝樓左右雙沼植蓮其中榜曰清逸總而名之以樂圃每歲開閉日月與西園同按卽今按察司治所○府西南有花巷以內通百花務亦呼梅枝巷宋李院所居院出守漳州鄉人榮之故有使旌坊在巷口府東南有花園則宋參知政事陳韓別館也韓以南劍州兼招捕使計平閩廣江浙群盜積功至參相福州府志勝不卷之一

五

實珠照島僧歸幕下問遷拜何官着茜衣宋徐經
孫福州印景詩一別居諸歲月增遙聞此景畫難
能湖田種稻重收穀道路逢人半是僧城裏三山
千簇寺雲間七塔萬枝燦常年六月東山上地湧
寒泉漱齒水 國初林鴻賦得無諸城送浦舍人
歌君不見昔時無諸城荒丘斷隴今人耕陵谷堙
沉知幾代古人精靈竟何在憶昔無諸全盛時都
城百雉何逶迤連營國步分秦土繪象王章入漢
儀河山巍巍那可恃踰馬屠龍今已矣列國猶傳
赤帝封曲臺尚對滄江水滄江水流去不還故宮
福州府志勝不卷之一

閩縣附郭

晉太康三年自侯官縣分而爲原豐縣隋開皇十
二年始稱閩縣五代唐長興四年閩王改爲長樂
縣宋太平興國六年復舊今縣治在府東南秀實
坊內爲淨業尼寺故基城東門外易俗里有茶山
館故閩縣尉廨也

侯官縣附郭

閩越王開國于冶及漢始平中自立爲治縣東漢
初治縣之分南部建安已後南部之分侯官縣其
治俱在冶城當其初設于漢也其所統則今福州
興化泉漳四府之地及晉太康折而爲原豐也獨
統今古田閩清永福福安諸縣之地至隋則省而
併入閩縣唐武德六年更置于府城西長三十里
之江許今名侯官市貞元五年洪水漂沒遂移入
城先是宋太平興國六年折閩縣九鄉置懷安縣
初治芋原江北三十里咸平二年移治石岳在府
城西北二十五里 國朝洪武十二年移入城高
福州府志勝不卷之一

曆八年併入侯官縣○圖經云越王山在郡城北
半蟠城外東聯冶山閩越王無諸之所都也三山
記畧曰冶山者古冶鑄之地閩越王都于其前麓
而是山若屏扆宮殿負之故曰屏山山有天泉池
故曰泉山以閩越王都此故曰越王山其東南麓
舊爲左衙宣毅廣節諸營故又以將軍名其山卽
曰將軍山○唐馮審毬場記畧云刺史裴次元開
毬場于城之東偏曰左衙營其北乃連接山麓構
亭爲記稱二十奇轉石而峯巒出潯壑而池塘見
爲潭爲洞爲島爲沼窈窕深邃安可殫極其見于

歌咏者曰望京山曰觀海亭曰觀松谷曰春山
曰天泉池曰玩琴臺曰劒竹岩曰枇杷川曰秋蘆
岡曰桃李塢曰芳茗原曰山陰亭曰合清洞曰紅
蕉坪曰越壑橋曰獨秀峯曰竹簾塢曰八角亭曰
盤椒石曰白土谷已上爲二十篇篇各一章八句
又有連漪亭東陽殿分路橋乾崗峯木爪亭石堤
橋海樞亭松筠所夜合亭是謂二十九景○歐冶
池在將軍山下相傳越王鑄劒之所按吳越春秋
越王允常聘區冶子作名劒五枚允常傳數世至
無疆無疆國滅于楚乃徙居閩又數世至無諸乃
福州府志勝入卷之一
復封王或冶劒于山淬劒于池故皆以冶名但非
越王與歐冶子耳三山志云唐元和中僧惟幹游
歐冶池得銅刀劒環數枚送武庫當時冶龜猶有
在竹林者通志云池舊周圍數里或風雨大作烟
波晦暝今多湮塞○飲馬池金雞井俱在山之南
麓乾元寺內○苔泉在山北麓今在城外一名龍
舌泉俗呼龍腰水味甘而冽○琴石以越王嘗鼓
琴于此○環峯亭宋光宗御書元薩天錫詩越王
故國四圍山雲氣猶屯虎豹關銅鼓暗隨秋露泣
海鴉多替夕陽還一時人物風塵外千古英雄草

宋永知宗後讀書其中○烏石山在郡城西南
隅唐天寶八載勅名闕出宋程師孟改名道山曾
子固記畧云程公謂其可比于道家所謂蓬萊方
丈瀛洲之山也山有三十六奇曰鄰霄臺臺有不
危亭其初創之時四面皆危上望工師皆稱而配
合戒曰損必勿修修必損于是屹立霄漢之中後
人不悟而修之曾不逾時而圯明僧惠顯隣霄臺
詩平臺屹峯巖去天不盈尺雲來隱巖巖去露
形迹長嘯觀大荒塵襟盡冰釋不知身世遠但覺
福州府志勝不卷之二
乾坤窄一勾滄溟浮萬家烟樹隔解衣恣磅礴謝
我山水癖極目送斜暉遙遙天碧○薛老峰唐
咸通中候官令薛逢與神光寺僧靈觀游此書薛
老峯三字于石五代晉開運元年雷雨大作山石
崩頽字皆倒立其年闕亡唐周朴詩薛老峯頭三
箇字須知此與石齊生真教截斷蒼苔色浮世人
儕眼始明○坐禪石在東峯勁直若筍峙于盤石
微觸卽動又名降睡石○宿猿洞三山志云怪石
森聳藤蘿陰翳昔有隱者畜猿于此故名唐景福
二年遷城洞隔城外湛郎中俞棄官歸隱于此

卷二十五咏東溪裏宿猿洞詩幾年管此草堂樓
旋飾名園百卉齊曾學子與耕谷口今容摩什老
山西龍臺日午千峯出鴈塔雲生一徑迷知有嶺
猿猶在否使君高卧莫教啼明周玄詩怪石如雲
起天上枯藤蟠根垂百丈蘿深苔滑鳥不棲索莫
寒猿卧相向兩兩三三往復回銜花映水皆奇狀
清秋倒樹風淵號初日排雲崖壯醉客應爲巫
峽吟行人厭作巴山望洞裏愁聲誰忍聞別時對
此堪惆悵口浴鴉池古記云雷震石壇成穴丈餘
泉脉湧出每夕陽時群鴉浴此元薩天錫詩天也

福州府志勝不卷之十一

十

霹靂斧斤餘天風萬劫吹不枯白雲石面化青雨
落日海眼翻烏鳥銀河靈鵲渡夜影月窟老兔特
濡鬚太平海上錦袍客跨鶴來看浴鳳雛口頭陀
巖唐頭陀安文因游南澗寺上于莽蔓中得巖石
側足而入有一穴僅可容身遂宴坐焉已而游者
絡繹而至安文書于石崖云客至不點茶相看淡
如水白雲深谷中穩坐浮生裏口華嚴巖唐嗣聖
十八年有僧持華嚴經于岩下一夕雷雨大震劈
石爲巨室因宴坐其間口般若臺即華嚴岩頂一
峯卓立唐李陽水篆般若臺記刻于其上世傳與

處川新驛記縉雲城隍記麗水志歸臺銘稱四絕
口初陽頂每旦群峯尚暝日色先升于此其西爲
落景平口射鳥山舊傳何氏九仙以九日登高引
弓落鳥故名口蟠桃塢天章臺俱在山之東有石
刻三字又有天秀岩天香臺霹靂岩並列于石元
薩天錫天章臺晚酌詩高臺在層霄肩輿上絕壁
露下酒尊涼月出海門白坐拂衣上雲醉卧林下
石西風吹髮毛南斗在肘腋題詩向天閣奎光射
瑤席明趙廸天香臺詩梵宇掩清景爐香夜沉沉
松窓寒夜月桂棟宜幽岑蓄以蘭蕙氣抱茲水雪

福州府志勝不卷之十一

十一

心久聞乃俱化靜挹徒盈襟芬芳如可卽吾當攜
玉琴口清泠臺在山之南明初僧德洽結菴居焉
林鴻詩云吟秋宿絳月際曉登清冷揮手援碧蘿
騰身棲翠屏長風吹雨來不見群山青鳥度白雲
濕龍歸滄海腥真僧此巖棲觀空靜靈襟竹塢見
曝水花臺間演經沃以甘露言迷途醉而醒願言
割慈愛永矣投禪局口宿雲臺即瑞雲菴也洽公
乃駐錫于此林鴻詩投簪返初服躡屐謝紛擾未
言卧丘壑庶以狎魚鳥茲臺夙所憩砥石出烟篠
况逢朋簪盍煥景共臨眺前瞻極空濶下瞰洞深

宮地古雪未殘天長海山小真箇此冥棲晏坐閑
昏曉喻心青蓮淨說法天花繞願聞妙微音意泯
萬緣了豈必東林人相逢可同調望潮峰在神
光寺後登之望見海潮故名冲天臺舊名放鶴
臺唐觀察使崔干得青田鶴置于此忽冲天而去
口金鱗穴在宿猿洞東五代唐天成間大石穴中
有巨鱗鱗甲如黃金屈蟠六七丈閩王命運土塞
之建大殿以奉佛口道山亭在翔霄臺東程師孟
建劉克莊道山亭詩絕頂煙開霽色新萬家臺觀
客如鱗城中楚楚銀袍子能讀會碑有幾人口盤

福州府志勝不卷下

三

元

陀塔在山頂不知建自何代忽一日塔門裂有一
真身在焉三山志云舊石橋上有盤陀和尚真身
塔記口度鵲橋一名天台橋兩壁峭立中架二石
宛若橋梁神光寺之左脅也口神光寺本南淵寺
地唐大曆中析爲金光明院七年改爲大雲會昌
院大中三年監軍孟彪剏亭池其間號南莊明年
捨爲寺又明年觀察使崔干請名于朝宣宗夜夢
神人發光殿庭遲明覽泰異之遂賜名神光內有
絳月蘭若紫雲禪窟諸勝唐大中十一年觀察使
楊發命僧鑒空剏寺及塔九層咸通九年賜號神

光之塔乾符五年黃巢入閩焚珍無遺唐歐陽率
神光寺詩香刹懸青磴梵樓界碧空石門樓怖鶴
慈塔繞歸鴻有法將心鏡無名屬性通從來樂幽
寂尋覓未能窮周村神光寺塔詩良匠用材爲塔
了神光寺與得高名風雲合處千尋出日月中時
八面明海水旋流倭國野天文方載福州城相輪
頂上望浮世塵裏人心應總平口南淵寺在東南
隅梁大通六年居士蘇清捨宅爲之唐乾寧二年
閩王建天王殿三年號南淵護國天王合十二巷
以爲寺唐歐陽率南淵寺詩春寺無人亂鳥啼藤

福州府志勝不卷之一

三

元

蘿陰磴野僧迷雲藏古壁遺龍象草沒香臺抱鹿
麝松籟泠泠疑梵唄柳烟歷歷見招提爲耽寂樂
親禪侶莫怪閒行費馬蹄周村前題萬里重山繞
福州南橫一道見溪流天邊飛鳥東西沒塵裏行
人早晚休曉日春山當大海連雲古壑對高樓那
堪望斷他鄉目只此蕭騷自白頭口石像在南淵
寺上方唐歐陽詹有記黃滔詩云郭內青山寺難
論此窟奇白雲生院落流水下城池石像風雷啟
江沙鼎鼐期嶽僧來坐夏秦客合題詩岡轉泉根
滑門昇薛級危紫微今日何黃絹昔年碑歌鶴松

低閣鳴蛩徑山離粉垣千堵東金塔九層文啼鳥
笙簧韻開花錦繡姿清齊奔井邑玄髮凋熊羆極
浦征帆小平蕪落日遲風篁清却暑烟草綠無時
信士三公作靈蹤四絕推良遊如不宿明月擬何
之口石塔寺在南淵寺之東唐貞元十五年德宗
漢節觀察使柳冕以石建塔九層賜名無垢淨光
塔五代晉天福二年王延曦重建名崇妙保聖堅
牢塔今改七層唐碑見存口仁王寺在神光寺西
晉天福三年建重週建初名道清天王院後更今
名有雨花閣橫山樓宋鄭俠詩案俯橫山跨海來

福州府志勝不卷之一

車

拂雲高閣爲誰開荒溪古木開猿洞明月白沙空
釣臺曉日東峰龍天矯秋風西峽鳳徘徊然靜
卧江南岸天塹波濤亦壯哉○九仙山舊名千山
有何氏兄弟九人漢武帝時父爲淮南王客九人
知王必敗遂入閩居此仙去故改今名閩中記云
越王無諸九日宴集之所又名九日山山有二十
四奇其最著者曰平遠臺臺居中占勝遊者遂以
平遠臺而目其金山故前人更名野意亭以別之
三山志云野意亭有孟吏韓世忠像建炎中望孟
朝服韓戎服口鰲頂峰峙臺東南宋狀元陳誠之

讀書于此俗稱狀元峯舊有嘉福院自山坪蹕數十級以登千峯萬井皆履焉之下其傍有玉蟬峯與磬頂相聯而差小又有煉丹井浴鴉池磊老石躍馬巖喜雨臺仙人床金積園杏壇廊然臺琴臺青牛洞醉鄉石丸口臺龍舌泉石龜池梅嶺獅子巖集仙巖小華峰金粟臺諸勝多程師孟所命名蔡襄九日登九仙山詩偶爾尋幽上翠微游人啼鳥似前期花間行印露沾紙山下放衙雲滿旗艷艷舞衣朝日近飄飄商櫓落潮時傳盃且與乘春醉身世悠悠兩自遺朱熹題廊然堂詩昨遊九

福州府志勝不卷之一

車

日山散髮巖上石仰看天宇近俯嘆塵境窄歸來今幾時夢想挂蒼壁聞公結茅地恍復記疇昔年隨流水遶事與浮雲失了知廓然處初不從外得達矜石上翁鶴背雙眼碧永嘯月明中秋風桂花白元黃清老登平遠臺詩六盤簇蕩玄圃碎三島淵騰失空翠海風掣斷南山雲分我滄洲半江水臺南巖谷青岌岌奇松怪石作人立山巔恐有風雨來林徑空濛落花濕水東岩前結平陸積霧飛嵐坐堪掬遂來迢迢幾萬里一碧天光浸寒玉吟翁回首看不足緩步策蹇度空谷誰知咫尺山中

南望關梁碑立倚竹口九仙觀在山之東宋崇寧
二年建天寧萬壽觀紹興間改爲報恩光孝觀
志光孝觀碑記文類纖綿義不可曉中有云我有一
庄園寄在干山邊又云只有一積金寄在干山
庄今山有金積園義起于此元至正初改名九仙
觀其時陳旅有詩云力士持兵守絳宮吹笙人去
斗壇空白榆城闕秋雲上紅樹樓臺夕照中鴻寶
昔疑丹枕謬龜泉今悟土池通他年不勝乏田鶴
曾向清虛學御風國初林鴻前題仙山有棲觀虛
爽快浮埃昔日九仙人跨鯉茲山來赤鯉去不返

福州府志

卷之二

七

仙人安在哉空餘彈基處白石生蒼苔至今羽人
居住往聞風雷檄雨古壇瞑禮星寒殿開嘗聞至
人言內景融春臺群生若芻狗大道如嬰孩輿車
與天接豈但登蓬萊口南法雲寺在山之西五代
唐清泰五年建初名地藏通文寺宋祥符間更名
名其西爲千佛閣東南爲吸翠亭口定光多寶塔
在法雲寺之西唐黃滔記云天祐元年瑯琊王公
造爲先公司空先泰國太夫人元昆故司空薦社
于幽陰塔之制塹地深五丈初塹及二丈時忽有
榮光起于穿中駭而視之有寶珠如奉承以金錢

璫璨奪目故有定光之名殆碑爲心損本其外俗
呼柴塔明王泰登萬歲塔詩絕頂屑標出半天千
山官宇翠微連雲飛直越滄波外鳥度千峯夕照
邊平遠臺空秋珮吟毗盧閣靜夜燈懸屠龍射鯨
今何在蔓草荒陵幾度烟口萬歲寺在塔前五代
梁開平初王審知建爲梁太祖祝釐表請賜額後
唐貞明元年春夏久不雨寺僧義收積薪自焚炬
發而雨後欲游洪州衆遮留不聽去收截左臂與
之曰吾去不雨出此以禱可也衆因塑其像以臂
附焉按已上越王山烏石山九仙山卽郡城中三

福州府志

卷之二

七

山也郡名三山以此口其支隴曰羅山北麓有法
海寺本孟司空宅初寺在城南閩徙于城西晉開
運二年李仁達時唐兵壓境遂遷今所改名興福
院後仍舊名傳燈錄有道淵紹孜義因義聰皆法
海祖師也我朝嘉靖間廢後六十年復爲寺有放
生池萬緣堂諸勝口鐘山在城中關闌梁太守刻
士俊居第時聞鐘聲因捨爲寺隋改爲鴻業寺唐
上元中更名福唐大中四年始易今名傳燈錄福
州大中寺有德隆海印禪師三山志云寺有定慧
塔八百羅漢像木觀音像宋政和間感夢所改口

芝山在府治東開元寺後舊名靈山寺唐開元改賜今額有明皇畫像會昌汰天下寺福州存其一足也鶴替玉露宋建炎勅虜圖西京急留守孫昭達奉敕運宮七神御間道走楊州後遷福州安開元寺內其東即靈山後人名開元曰芝山以別之○丁戌山一名嵩山在府治東南俱取中央之義唐咸通歲建安福院于此閩王審知始創木塔七層呼爲新塔今院已廢其地尚云塔崎云○玉尺山在府治西南一名闌山程大卿師孟嘗游此寺僧爲鐫光祿吟臺四字右自羅山已下今上三山福州府志勝八卷之一

共有九山之數即諺云三山藏三山現三山尋不見者○城中九井宋慶曆間提刑蘇舜元所鑿自臺門至虎節門有六臺門爲第一而銅其底自豐樂門至安定門有三此子城之內者也子城之外更有九井亦蘇公所鑿○長樂山在城東二里闌越時居民夢神人騎白馬至此因名白馬山後梁改闌縣名長樂更以名山居人鄭昭勇捨宅爲淨土寺唐咸通中改爲東禪淨土寺三山志云寺內有丞相張浚生祠徽宗御書紹興十七年改爲光大藏米芾書額又有東野亭蔡襄書額有比部郎

劉昭一以下詩十一首有小蘭亭宋時郡守上巳楔飲處祠部王達有詩又有清陰亭勒太守劉璣以下詩十首唐周朴東禪寺詩甌閩此郊外師院號東禪物得居來正人經論後賢爬槽柳寒馬蓋地月支經鶴鵲尚巢頂惟堪舉聖傳宋程師孟上巳游東禪詩出城林逕起蒼烟白馬遺蹤俗尚傳第一僧居蘭若處幾番身醉荔華前百年驛客來開寺三月游人作樂天更喜堂前迎太守路頭先墮碧雲鞭口精南爲寶月山以寶月寺而名寺爲唐乾符間建又爲東岳嶺有童廟及東華官皆僞福州府志勝八卷之一

閩時所創也嶺以東有竹嶼前嶼後嶼俱在平田中○里許爲金雞山相傳秦時望氣者謂有金雞之瑞遂斷其勢嶺漸高口青鴉桑溪之水出焉亦名曲水俗稱閩越王流觴處也荔枝林在桑溪之東唐宋時荔枝樹極盛故名其傍有三友墓我朝弘治間有徐吳林三人者交莫逆死而同穴合塋焉徐即孝廉燧之曾祖也○又里許爲鳳丘山宋邑人彭祐早有文名師白玉蟾得太乙刀圭之術隱居于此與妻潘蓋珠烹煉九陽後俱尸解詔封鶴林真人朱晦翁因書鶴林鳳丘四大字○又五

里爲東山有洞曰榴花洞唐裴中撰者藍超題
白鹿逐之渡水入石門始極窄忽乃豁然有雞犬
人家主翁謂之曰吾避秦人也留卿可乎超云欲
與親舊訣仍來翁與榴花一枝而出恍若夢中且
日復往迷迷所在蔡襄榴花洞詩洞裏花蘭無定
期落紅曾見逐泉飛仙人應向青山口管却林風
不與歸黃棠前題蓮社是非外洞天空色中一棹
樵客夢兩腋石門風鹿徑蹤何在榴花信可通此
緣當邇近來接紫元翁聖泉院在東山之麓唐
景龍初僧懷一卜居寺西苦于遠汲忽二禽噪于
福州府志勝天卷之一
地因鑿之泉忽湧出蔡襄聖泉寺詩注云洞十餘
年今者復湧俗傳泉湧則民安有唐劉軻記李邕
懷道塔碑皇甫政懷一塔碑代宗書多寶塔額又
有大乘愛同寺文殊般若寺寺後產金沙宋李綱
詩希地金沙片片勻深沈院宇闕祇園清涼路畔
前三語摩詰城中不二門千種光明瞻瑞相六根
清淨爲還源狻猊座上法王子稽首皈依衆所尊
神移泉唐開元中僧守正薙居去泉頗遠一夕
泉忽移于其側故名明僧惟嶽詩巖頭瀑布瀉寒
烟井底澄清浸月圓性水真空同法界神從何處

更移泉唐裴中撰者藍超題
晉安是時陳寶應刺閩中得之甚喜寶應譟不軌
寄上書譟之不聽遂絕人事隱于東山山麓有龍
首洞宋狀元許將讀書處有清音碧岩二亭口鱗
溪在東山寺南嶺有二潭下潭廣六丈深不測距
上潭五里漢闕越王郭時有大鱸長三丈爲民害
郢之第三子曰白馬三郎者射中之鱸纏以尾三
郎人馬與鱸俱死邑人立廟祀之宋紹興七年秋
大雨水暴出聲聞數十里詰朝有石高廣二丈蟠
廟後如堵水左右注庭除無恙人以爲異淳祐八
福州府志勝天卷之一
年改名善溪三山志云唐太和元年觀察使張仲
方祈禱善溪回屈聖泉寺雨即至因題詩曰入門
池色靜登閣雨聲來團練副使李貽孫和云旌旆
憂民至風雲逐馬來判官李敬齊和云雨隨青嶂
合雲拂畫旂來內供奉侍御彭城和云雲陰隨雨
度桂馥逐風來舊有詩牌留在聖泉口鼓山在城
東三十里延袤數十里郡之鎮山也山顛有巨石
如鼓或云每風雨大作其中簸蕩有聲故名最高
爲大頂峰一名勞巔峰正東可望琉球先是榛莽
不通人跡宋咸平中丁謂始披刈以登趙汝愚詩

有江月不隨流水去天風直送海濤來之句朱晦翁因大書天風海濤四字刻之石宋陳烈丁鍊沈紳同登作鼓山銘曰鼓方則峰頂特窮島夷頻封域屏閣東拱辰比歲辛亥帝司赤棘紳烈從峭陟寒若草掛瑤極呵黃寔覺鱗亦披霄根殫日力高者仰深必惕謹其至惟古則祭襄登鼓山詩郡樓瞻東方嵐光瑩人日乘舟逐早潮十里登南陸雲深翳前路樹暗迷幽谷朝雞亂木魚晏日明金屋靈泉注石竇清吹出篁竹飛毫劃峭壁勢力忽驚觸門羅躋上峰太空延眺矚孤青浮海山長白掛

福州府志勝入卷之一

三

天瀑沉途肥遯人性尚自幽獨西景復向城濬雷未云足元黃鎮成登大頂峯詩旁則峯高萬丈梯上方高與白雲齊青山盡處海門潤紅日上來天宇低喝水無人空晏坐磨崖有客漫留題飄然欲御長風至一笑何須過虎燈明林世壁陪饌祭酒游鼓山絕頂作仙島巒嵒峨乘間此日過山花迎羽蓋谷鳥雜笙歌梵宇依林樾巖亭蔭薜蘿眼中滄海小衣上白雲多曠野千峯暮遙空萬象羅翻慚宿從後揮杖接星河小頂峯在大頂峯下相距二里許湧泉寺在小頂峯下平地有一窟

湧泉寺唐建中四年龍王寺以鎮之崇開平初闢王迎神晏禪師于雪岑寺以王法席乾化五年改爲白雲峰湧泉院中有華嚴臺妙峯閣一多菴痴坐軒愁睡室無畫門諸構明王僧宿湧泉寺詩翠微白雲東逢秋思一登聳身臨雲壁飛泉搖古藤洞豁海天際坐見萬境澄飲澗動群鹿宴坐逢真僧邀我宿化城珠林懸古燈寥寥片月上悄悄天籟凝因悲向城市塵髮秋相仍右寺嘉靖間回祿今始更剏口靈源洞在湧泉寺之左岩竇餘怪石數十級以入其地兩傍皆石壁中裂一

福州府志勝入卷之一

重

張

淵受巖頭水流瀉山下相傳神晏禪師誦經于此惡水聲喧轟而喝之水遂逆流右轉是爲喝水巖故此淵寂然跨淵以石橋曰楚鼇橋林世程閩中記云候官黃太和少好導引術年三十餘棄家入鼓山妻子求之不得唐大順初跣坐楚鼇橋黃璞游山偶見之問其家世則璞五世祖也璞悲泣請還家堅不聽明日率家人往謁不復見唐翁承贊贈璞詩有烟蘿況逼神仙窟丹灶還應許獨尋之句蓋指此沿淵崖而東有一泉從龍口噴出勢甚雄猛或云卽喝水岩石轉者舊有臨塗亭今廢宋

朱熹詩靈源有幽趣臨滄擅佳名我來坐久之猶
懷不盡情寒裳步翠麓危絕不可登豁然天地寬
頓覺心目明洋洋三江匯迢迢衆山橫清寒草木
瘦翠蓋亦前陳山僧好心事爲我開此亭重游見
翼然險道悉以平會方有行役邛蜀萬里程徘徊
更瞻眺斜日下雲屏（元王翰靈源洞詩）旭日照高
岑天風振遠林不分滄海色那識白雲心瑤樹空
香滿珠林積翠深坐來明月上何處起潮音（口浴）
鳳池在大頂峯之南唐末有樵者見五色雀群浴
于此故名（口石門岩在鳳池之南巨石槎研峙立）

福州府志勝天卷之一

語

張

若門內有應真臺祖師巖其露松白猿峽香爐峯
鉢盂峯元公亭望州亭忘歸石羅漢泉諸勝（口海）
音洞在鳳池之右歷數峯始達洞口可布四席其
中深不可測相傳有羽流居此時聞海濤之音以
爲通于海云（口白雲洞在海音洞下由黃坑而登）
磴級斬然如升梯歷三天門天門者兩石對峙倒
履而穿其罅下一門稍寬最上爲一天門僅容側
肩自此又歷石磴七百二十級至一坪又百武始
至洞懸崖劃開版屋數楹滴水懸注名吼雷漱有
潭名印月潭（口由鼓山折而南爲君山上有崑崙）

石室下臨潭曰馬面其東爲脯出有石上廣下銳
若仙芝焉又有三生石九眼泉凡十八景又東有
鳳洋山兩峯對峙其名龍門仙人王進才于此上
昇有仙亭遺跡石床棋枰几案猶存龍溪之水出
焉南遶盤石山縈廻三十六灣北注于江磐石者
山巔有三石高數千尋又一石疊其上天欲雨則
雲出（口鳳山在城東南二十里爲石鼓之支隴其）
形如鳳皇展翅亦名黃山其上多礪石下有井曰
飲井明鄭善夫別墅相近有歲晚入黃山治田詩
幽棲已傍鳳山遠長日看雲意獨深漾漾江濤喧

福州府志勝天卷之一

五

張

末夜冥冥蘿月散青林田園春近存生事鵬鵠天
高寄遠心避地休歌飯牛曲驚風落木歲方陰（口）
平山在鳳山之東宋少帝航海時駐兵于此劇平
其山故名是時丞相陳宜中手書平山福地四大
字（口明林瀚平山懷古詩）翠輦金輿載恨游豈緣南
越覓丹丘鐘聲落日孤村寺海色西風萬里舟王
氣銷沉天地老胡塵漠漠古今愁傷心最是濂江
水還繞行宮山下流（口孫林炫和云）聚景湖山作意
游誰知閩海有平丘百年廟社三春夢萬里風濤
一葉舟落日敲鼙寒不起中原草木慘多愁至

遺恨江心水石激潮聲夜夜流○其南爲甘泉山
山皆石有泉湧出不盈不涸色白而味甘故名瀚
之祖墳在焉白瀚至煙尚書凡五世咸肇于此○
城門山在甘泉山後以形似得名山中有飛來石
大可數丈高三丈餘離地二三寸有數小石如鴨
卵支其下默而推之則動或預語往推雖數十人
共力不動也其西有龍觀井極旱不涸或竭而取
之旋即復盈南有虹橋爲真隱院宋吳千詩無心
終日看雲飛空梵猶如鳥跡遺欲問堂中常住相
黃花翠竹幾人知右今院廢爲公館演于西峽江

福州府志勝入卷之一

張希

先是朱晦翁與鄭湜善以避僞學主湜家卽此
山下湜居屋後有石橫跨澗上名自成橋有晦翁
題刻湜南渡時丞相兄弟子姪前後七人皆登政
府故有七丞相之稱○瑞迹嶺在甘泉山東唐大
中六年有邵環者嘗游山中忽聞異香而白光燦
然隨踪跡之見有銀色化爲佛像隱枯木中光亦
不散頃之乃現巨跡于磐石後人摸而鑿之咸通
六年因建寺○又東爲邵崎爲翁崎有山曰大翁
明林鴻翁石山房詩玉礪隨處深蘿木謝時早幽
棲同鹿門勝地卽蓬島緬懷京國游却戀雲山好

何日賦歸來相期拾瑤草○西峽溪在城東南四
十里受永福印溪之水流十餘里與東峽江合兩
山夾峽上納諸水下吞潮溪澗可數里其深巨測
中流有石如砥柱名浮焦石下有潭龍潛其中又
十里爲馬頭江江中有巨石形如馬潮平則漫潮
退則現納南北衆流以入于海○羅星山在馬江
北岸登之百里諸山皆在其左右昔嚴高將遷城
作圖以咨郭璞璞指馬江以水瀉爲病及更圖見
此山遂定議相傳宋時有柳七娘者嶺南人从夫
謫戍來閩夫亡因竭其貲產造塔七層閩中文連

福州府志勝入卷之十

張

由是益興歲久而毀今始更造○大象山去羅星
五里嵬峩廣大爲城南巨障有峯曰銀峯其支曰
西峽曰文殊皆臨江○江南有白田山屬欽仁里
卽嚴高欲徙郡治處其山產蕉可織爲布有坑曰
蕉坑溪曰蕉溪○琅琦山屬紹惠里有蓮花嶼登
之可觀日出有龍井亢旱不涸○九龍山屬至德
里九峯插天狀若龍騰有嶺曰狂牛嶺其下有潭
通馬江國朝成化間鄉人車水溉田去水數尺見
內有大書毘濟潭三字○雲門山屬嘉登里有雲
門寺多松竹泉石宋孝宗書妙善菴額更彌陀岩

御子石楞伽室吸江亭皆其勝也○浮峯山屬光
俗里海潮盈則山浮故名里中有方山寺陳天祐
中建又有唐賈島章敬寺碑銘明王恭浮峯歌海
門迢遞江水東江心絕巘青芙蓉橫空積靄幾千
丈綠蘿嫋嫋花漾漾深沈玉鏡浮仙島黛色蒼蒼
不堪掃芳草磯頭望欲深夕陽渡口看還好翠壁
江泉高際天閒雲古木相連延嵐煙瀑雨猿聲裏
僧舍人家鳥道邊仙舟江上何瀟灑此地那能駐
君馬思爾青雲得志時莫忘幽期綠蘿下○與琅
琦相次者爲王埔山山下有海雷石石爲海濤穿

福州府志勝八卷之一

尤

蝕成竅風至則有聲激蕩如雷○又爲福斗山在
五虎門外明林良箴詩載酒入江色應尋福斗游
委蛇山翠晚洶湧海濤秋嶼合雙螭近門深五虎
浮風恬鯨練淨月出蚌珠流○又爲玉壺山山上
有三台石相傳自武夷飛來者濱江有上洞下洞
大江之支港也地名營前○與洞江相接者有浩
溪從溪涉上有半練又上有石梁水簾瀆注其中
有白氣如虹隨人叫呼而出聲止亦滅自此而上
峭壁夾天其西有龍門水注下可二十丈廣殺十
之六是爲第三龍潭而無徑可上就東石壁之橫

縫緣竹根聯入可二百餘步至第二龍潭兩壁愈
高幾及千尺瀑正向西日光射之白練如帶飛下
可四五十丈下注潭口可二丈深不可測潭前舊
有石屏龍怒而碎之自此兩壁直上如削曲折不
下二里並無一線掛足欲上第一潭而不可得○
衡山在縣南合浦里元和郡國志云閩海有衡山
一名霍山形如鐘甬三山志云衡山院唐景福二
年置○八仙岩在縣南合北里久沒蓬蒿明萬曆
間里人大理寺丞董應舉始開得之其洞穴玲瓏
明暗相受旁通曲轉高下輔承去仙岩左三百步

福州府志勝八卷之一

尤

得洞十餘置青芝寺其上以洞爲門紆曲千餘步
下爲半湫四曲至藤阿又四曲至受人岩有門焉
一立一蹲巧以相遜名宛宛門折而入爲翠簾洞
廣丈餘深倍之高九尺南爲金剛石金剛東三曲
爲星窠星窠比爲懸石洞二石懸于兩岩之間若
造物戲爲之歷數級五轉而至石窠大可一室群
岩四立規中天鏡傍有石半覆半垂石窠轉而上
凡五曲又名十曲洞乃至寺寺前見石窠前若窠
猿公也寺左有獅子岩三石夾立如永巷轉折可
三十丈上有三魚石寺左百餘步有古蝙蝠洞洞

穴相連凡二十餘可藏三百人又左越山支者四有虎館甚奇又有十餘洞其他藏于榛莽者不可勝數右自大象而下俱在城南六七十里以至百里遠近○玉枕山在峽江南其巔爲枕峯有嘯霞洞秋塢紫屏上冷泉青田坂諸勝宋建隆元年荆枕峯寺候潮者稍思于此宋劉克莊游枕峯寺詩石磴招提古松蘿暝不分排雲雙樹轉隔水一鐘聞林影迎殘雨山光倚夕照醉來歸路遠秋思正紛紛王十朋飯枕峯寺門外峯如枕宜眠清淨身禪僧自向壁誰是枕峯人○越枕峯十里許爲金

福州府志勝入卷之一

廿

卷一

鑿峯五代時南唐徐知誥遣二弟知誥知詳率師入閩秋毫無犯閩人德之晉開運二年爲立祠後徙滿溪我

成祖文皇帝比征弗豫聞二神名亟召其里人曾甲者趨闕降箕稱吉勅有司重建廟峯下御製碑文豎于廟左益以七言古風一首其詩云天產英靈爲世傑出入幽明猶一頃生著助勞保蹴越沒爲明神崇偉烈茫茫海甸倚花樾雨暘寒燠調以冬無凌競夏無暍冷氣殄陽靡颺颺十稔高黍歲穰祭驅掃不祥走妖孽晨鐘暮鼓樂賢聖卓哉

鑿峯峻且截蜿蜒迴抱天造設春蘭薦芳秋菊饌寒泉白石漱清潔神之游兮羽葆翳飛雲翩翩導幢節歛來忽往靈僊僊呼吸應速以偁濟利溥溥無時歇四時報享繁獻醴衛朕之力時與埒維天銘心與刻骨思恩者德立堅碣垂示萬古昭日月○白屯今與鑿峯相近左有雷鼓潭龍潛其中亦名烏鵲唐元和中僧道洪自晉江來住此山時有白鵲經馴擾左右故名○入山十餘里有溪曰榕溪踰其上曰綠榕橋達于義谿大田驛設焉有夢坊宋陳愷典鄉郡制詞有榮哉此行

福州府志勝入卷之一

廿

卷一

何殊書繡之語故以名之俗呼大義坊口○常思嶺在義谿南二十里高數百仞袤三里許又名相思嶺右爲縣東南盡處出頌春門也故宋王珪贈元絳出守福州詩有頌春莫向相思嶺之句○其出城南寧越門者五里有橫山獨出俱在平地又里許有南臺山崇阜屹立俯瞰大江臺上可坐千百餘人舊記漢越王餘善于此釣得白龍以爲瑞遂于所坐處築爲壇名釣龍臺後人呼爲越王臺宋米芾書全閩第一江山趙汝愚隸古南臺皆刻石上唐韓偓登釣龍臺詩無那愁腸日九迴強抒

懷抱立高臺中華地向城邊盡外國雲從島上來
四序有花長見雨一冬無雪却聞雷離宮紫氣生
冠冕試望扶桑病眼開元雅號釣臺詩自古甌閩
國富雄南琛不與職方通江流禹畫縱橫外山入
秦封蒼莽中逐鹿師還神器定屠龍人去釣臺空
海門最是潮頭急何處繁華是故宮○三山志云
釣臺頂有達觀亭蔡襄詩峭峻釣龍石飛亭壓其
端擴徹四無際因之名達觀攀雲躋大庭仙路何
紅盤秋明澄遠綠晚霽凝新寒城郭烟火稠水陸
漁樵安偶暇按民俗適游心意歡鳴絃俯清流對

福州府志勝入卷之一

世

三

酒環蒼山重拂衣襟淨從帶夕風還口有碧光亭
宋程之邵詩寺壓高臺最上頭一亭新就得清游
天連遠岫交相碧池枕長江分外幽煙際晴光渾
不斷望中詩思浩難收公餘幸有賓朋樂聊記狂
盃索唱酬時幕屬縣官皆廢和之○鎮閩王廟在
釣龍臺西漢無諸受高帝冊封于此後遂立廟左
右二神王之牙將也自唐迄宋屢著靈應宋提刑
俞向記云宣和二年浙寇竊發連陷數郡向自建
康領兵南下忽有黃蜂蔽江尾舟後居民知爲神
助境內獲安乃爲新其祠宇建楹之曰有青紅二

小蛇蜿蜒香几間向臨祭前一分夢青色神人紫
霧及至廟青蛇忽現左神之前而神容色一如所
夢明謝肅謁閩王廟詩釣龍臺臨江水隅上有亭
宇祠無諸閩土稱王因禹後漢朝封國在秦餘潮
喧鼓角來滄海雲拂旌旗擁碧輝自古神明歸正
直蛟蛇出沒定何如○新市堤在釣臺傍江濱唐
翁承贊冊封閩王還朝于新市堤使別詩登庸
樓上方停樂新市堤邊又舉盃正是離情傷遠別
忽聞台背許重來此時暫與交親好今日還將簡
冊回爭得長房猶在世緒教地近釣龍臺○臺江

福州府志勝入卷之一

世

三

源山建邵汀三溪水至洪塘岐爲二北行者經釣
龍臺爲白龍江過陂山下與南行者合流入于馬
頭江○明陳亮泛臺江詩千古臺江勝三英上客游
醉乘閩海月如泛洞庭秋水落山逾靜天寒水急
流高樓凌浩渺長嘯振林丘 萬壽橋跨臺江上
度橋以南有山曰天寧爲省公近案故取天寧之
義舊有寺寺內有松風堂宋王忠定公綱州嘗寓
焉又有海月來薰二亭今俱廢于鹽倉○天寧之
西爲黃柏嶺爲白泉院唐左司員外郎陳守約宅
墓在焉俗稱江南陳省其東爲藤山以山形一

一伏如瓜引藤故名山多梅樹山此而南聯湖
十里遍地皆當花盛開時一望如瓊瑤世界
好事者多往游之○又十里爲高蓋山厲伯詔傳
山經云唐開元間有女貞自縊徐水仙第三女過
此見其地有苦參採而洗之皆愈其草後于山之
絕頂上并今名徐女峯山有仙壇壇左有仙井相
傳嘗有牛墜井中牧童走告其家比其家人至則
牛已出井上又有青龍池一名天池有洞曰蘆灣
深不可測有溪曰桃溪元時有陳億翁者種桃數
百每花時恒眠食其中化謝乃去○高蓋之麓有

古

安

福州府志勝八卷之一
石室山俗名比園唐觀察使王逢子孫世居此○
方山與高蓋隔江相直閩藩南望端方如几出城
望之則若五虎又名五虎山山多柑橘樹唐天寶
中賜名甘果山陸羽茶經福州方山產茶卽此閩
都記云山高數千仞踰閩候二縣界有田數百畝
四面岩城郭然中有天柱峯靈壁岩最爲奇特朱
晦翁手書怡山良石神仙所居八十字上有石壇
石床石碁局皆方外之遺跡也宋太守王達詩衆
狀皆窮險茲形獨擅方坦夷中砥礪端正外青蒼
上帝圖碁局炎君避暑床回看太行路更近利名

場明黃濟過方山舊唐詩官逐孤舟背遠村清溪
一去不知源于今莫辨秦人處野鳥潭花卽故園
○方山之支爲塔林爲紫臺俱在山之東塔林者
平地中突起一山其巔建有石塔地名尚幹里人
林津龍宋時積官至尚書幹故名○紫臺以唐末
小紫微公隱此宋陳氏先詩碧落已縣冊鳳去紅
塵空臺紫微來地名冠嶼明鄭善夫冠嶼沿溪訪
仙職方詩冠嶼遙遙連紫臺瀨江曲曲罷喧歷漁
人釣艇沿溪泊野老柴門傍水開樹底巧通仲蔚
宅玄中似魏子雲才南游兼得酬作節黃菊青山
福州府志勝八卷之一
華

共舉孟○廿六支趨而西者爲芒山爲仙崎或名
陰崎與陽崎對峙元處士鄭潛所置義渡處也國
初吳海有記○螺洲在方山下晉于寶搜神記云
閩人謝端得一螺如斗畜之家端每從外歸盤
餐必具因密伺乃一妹隨之曰我天漢素女帝以
君有篤行遣爲君具食今去留殼與君端乃以其
殼居糧而米常滿○湘江在塔林山下又自此至
大義總名瀨江明周玄洵江詩千章爲木森螺渚
百頃澄流帶越城到邑潮連滄海色環洲山峙此
江清鑑湖自是同流賞文彩那因獨擅名漁浪經

吹銀綺合鳴洪鐘翠綺橫盈楊柳牽絲斷
泛芙蓉夾鏡生解道玄卿遺雅韻却令太白擅佳
聲孤雲澹影空庭靜月搖光夕向明銷盡客愁
何處望遙公榜上有餘情瓜山聯于方山之西
有三巒如瓜故名宋潘樞與其兄植居之皆从朱
晦翁學時稱瓜山先生山之支有潭曰烏岡嶺
曰大步其麓有精舍寺舊號清湖塔院南望古靈
席帽諸峯方山鴈湖在其左右有指相堂妙觀亭
獨露巖盤陀石企竄諸勝宋元符中楊鼎爲記
○古靈山一名大帽山在灰山之西山腰有石室
福鼎府志勝八卷之一 共

空橫野艇閒記得舊游曾買棹一篙春雨逐鷗
右自方山而下俱在城西南五六十里○其地城
西迎仙門外有西湖晉太守嚴高旣廣治城乃于
西北城外鑿東西二湖周廻各二十里引東北諸
山溪水注于東湖引西北諸山溪水注于西湖二
湖與海潮汐通唐貞元十一年觀察刺史王翊又
于城西南五里鑿爲南湖廣二百四十步接西湖
之水灌于東南至王審知于城外環築羅城及
南比夾城湖漸湮塞其子延政因築臺爲水晶宮
周廻十餘里每携後庭游宴由子城複道跨羅城
福鼎府志勝八卷之一 地

而下鹿頂門數十武可至引湖水入宮爲浴馬之
所故障其流爲清水堰宋慶曆間東湖漸淤嘉祐
二年郡守蔡襄從樂游橋開沿城外抵湯門琴亭
湖心至北嶺下去思橋北出河尾船塢散入港北
小浦中後乃觀競渡于西湖其爲詩云山前雨氣
曉纔收水際嵐光翠欲流盡日旌旗停曲岸隔潭
鉦鼓競飛舟浮來烟島紛相就引出沙禽好自游
歸騎不愁山月暝萬枝燈燭度花樓○孤山在湖
中央舊有開化寺廢今改爲湖心亭明山人傅汝
舟擬築苑在堂于此仍招高濂偕隱蓋高傳二子

筆研交也後竟不果明王恭湖山圖歌大夢積
翠朝夕侵我廬嚴高湖上水色映靈臺虛越王城
裏三山岫散帙鳴琴亦高妙半榻開雲鶴夢清一
簾初日藤花笑顧予性癖愛清暉終日相過盡醉
歸幾度離家彈別調何時思許卸朝衣黃花九日
高樓酒無那明朝又分手座中應感去年人馬上
空攀未霜柳酌酒看山與暫同若家兄弟氣如虹
萍踪自愧無南北聊寄相思水墨中口伶以庚申
四月望日社集西湖泛舟共用七言古風分得八
聲詩云楊柳津頭木蘭榭笳鼓齊鳴隨風逝經句

福州府志勝八卷之一

文

雨潦飽新流首夏清和暢初霽有客居停款遂梗
主人饌席調蘭桂東湖西湖雄越疆此地粗疎無
點綴繁華自昔聞偏安風景于今尚迢遞孤島中
央有殿基高城比去連山勢芙蓉翠黛隔鮮粧水
面峯頭稱並蒂試聽滄浪歌濯纓共醉銅鞮唱連
袂何處王孫歸不歸斜陽芳草紫荊閉夜來寧須
秉燭游月出餘權爲可繼時沈仲舍李季述一客
皆自越中至云○澄瀾閣在湖北岼明嶺南移民
表書本末西湖棧舊基按察使徐中行易以今名
亦本諸趙忠定汝愚云汎西湖者憩飲于此其昔

爲荷亭周廻曲塘遍植菡萏蓋湖水所滙入也○
前類衢路爲大夢山周廻二里多奇石上鐫廉山
二字其下有方池明學士題照鵲墨池二字又西
南有平章池元陳有定別業也舊名西陂明郭波
同客西陂泛舟詩古池六月官城西霖雨既過水
拍堤雲光十里沒樓閣烟波一望涵波翠主人好
事非一日吾輩亦宜偶然集抱琴盪槳村醪香授
衣開簾香風襲落日蘭舟未擬回中流簫鼓隔山
隈漁史月出東山頂潭面荷花相映開○出西陂
稍折而南曰西教場臨河卽外城壕也舊名橋邊
福州府志勝八卷之一

文

之其傍有陸庄園宋陸蘊祖弟藻之別業明王
過西郊陸氏山池作淡淡牽銀藻娟娟種玉蓮
開照膽鏡中有洗心泉藻散山流影雲開月照天
願隨鷗鷺侶薄暮宿雲烟○又南爲怡山舊名西
禪山六朝梁王勣自齊渡江入閩居此鑿井有白
龜吐泉煉藥爲黃金歲饑則鬻煉金市米以濟貧
者後蟬蛻于阜笑樹下唐貞元中觀察使李若初
卽其宅建冲虛宮祀之咸通八年觀察使李景溫
于宮西建西禪寺古名城山寺摩其下又名信首
瀉山大安禪師曾居之周朴詩云王君上界處信

首古居前是笑郎須何自應亦全雲間猶一日
塵裡已千年碧色壇如黛時人誰可仙○宋時有
住持暹開堂說法郡守曾子固甚器重之黃魯直
爲其作語錄序頃楚別山續乘上人居之不久遷
化云○西湖之西爲鳳皇山有香岩寺建亭路側
曰鳳皇亭又西爲清泉山有宋儒林文昭之奇墓
清泉之支曰高安山有嶺口祭酒嶺五代閩時光
州人湛溫者事王延翰官御史大夫國子祭酒時
王延景鎮建州與翰有慘遣使來謁翰命溫出錢
且鴻之溫歎曰唇亡則齒寒吾寧以一身免萬人
福州府志勝入卷之一 甲

肝腦塗地乃引危獨酌死塋嶺下故名○又西爲
洪山橋水自芋原上分支來山桐口萬安經此橋
以達西禪浦達城西南入堂江與洪塘江合○洪
塘之山皆洪山也其曰瓦埕東岐妙峯佛樓皆濱
于江有小金山者在江中形家言以爲印浮水面
然○妙峯有寺松石幽邃可以眺遠宋元符間中
書舍人林逋可書於此中甲科直龍圖閣學士有
妙峯集四十卷適宇述中福清人明林炫登妙峯
詩天邊有客騎鳳海畔何人是計龍之詠○妙
峯佛樓之間爲予石舍因清池里許環以山谷峻

壁倚柯泉澗交注者幾其半足以忘世徧什紀游
多不具錄○洪江源山在芋原驛前二百步
相傳此石巖有塔長後因火乃止江次有閩越亭
以閩越王游憩之地傳記云閩越亭爲雷所霹飛
入水中○芋原石巖行詩二首春日江中注我行
邇其波揚帆指西灣兩岸青山多青山自透迤飛
石空差我綠欄生其間幽鳥鳴相和寒遂聘遐眺
擊楫成浩歌獨語無人晤茲懷竟如何又停驂石
留館解纜清江濱中流停歌發天風水生鱗名都
固多才我來友其仁茲焉同舟濟詎止胡越親相
福州府志勝不卷之一 甲

期豈今夕歲晚無緇磷○呂江之上稍折而東爲
靈光山有橋曰靈光橋卽桐口橋也桐溪之水出
焉又東爲大嘉山宋丞相李綱卒葬于此後唐神
晏祖師塔基也今呼李公山○又東爲通谷山一
名桃源洞有笏石奇峯仙冠石紫岩亭高潔臺一
線天六華岩諸勝宋翰林潘昉延堅讀書于此有
桃源井亢旱不竭圖識云桃源井半將軍石畔義
殊難曉○又稍南爲文山宋隱士鄭育居之太守
黃裳數造訪焉因砌石爲路榜曰文山文山有小
浦繚繞而納潮汝江口萬安橋跨之○蓋折而東

南爲郡鹿山有泉曰鹿乳泉爲梅亭山鄭善夫墓在焉又爲保福山有唐安寺陳大嘉二年建國初更名隆壽保福禪院山保福而道周有亭有舖以達于城西爲軒蓋所必山之路蓋自三山驛以抵芋原云○芋原而西爲沙溪爲葛岐爲靈峯其山皆濱于江江濱有洲曰甘蔗洲馬仙宮在焉馬仙者人羅氏仙女也鄉人多祀之○又西爲五奇山山有五石秀聳相並有仙居之唐元和中建有鎮國寺今廢又西爲玉几山吳越錢氏建有水隆寺亦廢浸遠爲雪峯山○雪峯去城二百里舊名象

深淺與潮候無差名應潮泉又名海眼○懸月池傍有古杉二株一爲真覺大師手植直上參天一爲闍王手植樛而連地○乘雲臺昔希運禪師與一僧同登轉盼之間其僧忽騰雲而去故名○枯木庵爲一巨木外嵌肉枋真覺大師嘗趺坐于此至今枝幹雖盡而本根不朽巍然若小臺木紋賦而中空根猶植地龕內有唐天祐乙丑造菴題刻又有雍熙四年知郡事何元昭刻而題稱太宗廟號當爲後人補書○留香堂嘗有僧敗絮百結臭穢不可近僧衆逐之獨隣僧相留送去數里謂荷君意勤適留香相浣比還所坐處異香襲人經時不歇口難提塔乃大師生時預造金塔皆石四周琢作卵形者無數仍自製銘又有無字碑三本毬皆師所造見存明王恭雪峰歌送雲上人云七閩山多如蜀川千崖萬壑疑登天六華峯高雪作頂五月夜半聞寒蟬芙蓉石窄人飛過蓮宇經臺尚經火無字碑橫任鹿眠磨香石冷從猿卧憶昨法園初布金三千緇錫繞叢林經行龍象諸天影禪寂蛟龍萬籟音杉枝青青低覆地木人也西來意五百年光轉眼休重見真僧出凡世鐔津法

侶解楞伽部丁九峯登六華枯木庵前掛如意留
香堂上搭袈裟揭來下界相逢處幸接微言沃其
露鑿齒由來識道安遠公自是奇玄度法舟今去
幾時逢塵世空瞻象骨峯歸見住山相問訊西江
一派是禪宗○雙髻峯與雪峰相連小箬溪之水
出焉其上有整峯嶺下有溫泉因爲湯泉院唐大
中時有僧曰師復者初與林榮同業儒赴舉至楊
子渡口師復忽起出塵之想因賦詩有君自成龍
我成道之句因浩然而歸卜築于此冷齋夜話云
福州僧可遵溫泉詩有直待衆生塵垢盡我方清

福州府志

卷之一

四

水

冷混常流之句蘇子瞻深贊賞之三山志云山形
險峻岩谷幽邃四面危巒繞繚回抱蓋水西之勝
處也紹興間張丞相浚後先帥福州游此富樞密
直柔亦以居福州日久愛之子孫以其遺意請爲
功德院有四悅堂後人像讚萊師復及周朴以其
同游且同趣也又有山堂堂前一峯秀拔下臨小
溪宛如臨安靈隱寺前飛來峯之狀宋李綱溫泉
院詩溫泉源泉各自流天教施浴雪峯販衆生塵
垢何時盡日日人間幾度秋又玉池金屋浴蘭芳
千古華清第一湯何似此泉澆病叟不妨更入荔

枝鄉○又西南曰梅埔山下有鐘潭舊志云潭水
有鐘莫知年代唐貞元中僧惟亮欲取之見蛟龍
出遂不敢近其本多梅梅溪之水出焉又有大箬
安仁諸溪其地多界于閩清古田二縣○雪峯之
下有目溪缺橋跨之有小目溪鴻山之水出焉
又有蒙溪溪口有橋去白沙驛五里潮水至此而
止故子有潮聲待白沙之句○白沙而下爲葉洋
爲陳湖爲白石灘陳塘溪之水出焉巨石欽岑江
流迅急上有神祠樹木蒼鬱蒙溪葉洋之間對峙
有山曰唐舉其上有圓峯閣聳秀而圓山趾有潭

福州府志

卷之一

四

水

深淵碧色又下爲小目溪爲竹崎所爲黃石溪皆
石岳之上流也○岳江之水逕候官市卽古候官
縣治所唐武德初置者遺民屢居里社尚存有石
塔臨于江詩其山名龍臺與赤塘山並峙○岳江
又南逕古靈廟前廟爲福頂山神神之姓名無考
唐天祐已來數著靈異邑人多祠之又其下始稱
洪江亦名西江林鴻泛舟西江詩積水可利涉方
舟况同乘悠然西江上遂望雲中僧出浦見落日
前崖陰始凝秋風依颿杳海雨隨舂騰稍移遶沙
河又見夕影澄擁棹向危壁推蓬見古藤使磨信

水宿齋聲候晨興茲游意已愜况也多良朋○洪塘之東爲橋園洲蓋江中洲也西爲旗山隔江諸峯演漾欲側如旗故名與鼓山東西對峙郭璞遷州記云右旗左鼓全閩二絕卽此山逶迤數里高數百仞其上有勾漏洞仙人石諸勝西北臨大江東南小溪繞其前峴山之水出焉名峴江峴山下有南北二巖北巖卽旗峯之麓南巖有鑑峯有合山橋有石松寺寺建于宋大中祥符三年初名靈鳳紹興十年僧天石于石上種松因易今名舊有詩云偃蓋覆岩石巖寒傲霜雪深根蟠茯苓千古

福州府志勝八卷之一

樂

飽風月刻于石上○象山在旗山之西蹲伏如象故名山頂外抱中夷有泉出焉其傍曰蘇岐濱于浯江亦名黃岸江○白鶴山在旗山南一名仙宗山舊志云其山多松縈紆十數里白鶴巢其頂澗流淙淙有聲每與鶴鳴相應有歷峯亭洗鉢池曇花磴樞松關金雞岩卓錫泉垂蘿徑諸景五代唐同光二年建仙宗院傳燈錄有行瑄仁慧契符清法守玘皆仙宗禪師也○南巖之外有花與周園者六橋曰合潮玉浦鄭與溫陽後山王壇皆擅花水之勝其山名嶼頭山宋林安宅居此山下俗呼

上街又有月嶼重嶼月嶼者形如初月故名輿地志云候官南有月嶼產沙蛤疑卽此董嶼以有董姓者居之俗呼花岡董嶼○環嶼之上爲赤塘山五代梁國公張睦之墓在焉睦固始人唐李仕閏甃權務欽不加墓閩人德之爲立社于城中金華境○赤塘之西爲石門山兩崖壁立中貫清溪望之如門故名石門有峽大江泛漲衝決不常數爲田廬之患萬曆十八年候官令周兆聖力主塞之孝廉徐燾作銘曰惟茲石門卑濕之原衆流來奔建旣而瀉豈惟害稼溺民慮舍潰以江河傷民寔

福州府志勝八卷之一

樂

多瓠于與歌幾千百載巨浸爲害民則何賴惟我周侯爰咨爰謀障茲奔流奔流既止民用以喜伊誰經始安厥室家以桑以麻甌麥滯車昔也魚鱉今也樂業維侯之烈侯烈無疆河水湯湯萬民俱長○石門之下有小阜曰超山元大定初建有超山寺頗雄麗其下爲十四門橋以灑水有十四道故名又西爲龍潭山溪源之水出焉祠廟甚靈雲雨將興以此爲候蓋蛟龍之窟宅也○明林世璧詩寒棠涉亂流錦石混沙偶一徑松陰合孤村廟貌幽溪聲晴帶雨月色晚當樓彷彿聞笙鶴青來度

十洲○洪塘之南爲岩洲爲鳳岡俱濱江江水所環遶處爲阜與村凡三十六而鳳皇岡最著岡頭起城南三十里尾起城西二十里民居遍植荔枝閩中荔枝譜云郡之附郭獨鳳岡一村種類甚夥不下數百萬株大者十圍高二丈名曰天柱皆五代時所植至今蕃盛宋儒劉公彝世居之地名劉宅鳳岡而下爲吳嶼相傳有吳父隱此與石姥嶼相對吳山人洪國初處士海之孫也抗志不仕雅通禪學時論高之○又西爲台嶼四面皆平田中建三阜如三台故名或曰柯嶼又名爪嶼左高

福州府志

卷之一

東

蓋右鳳灣金雞嶂其後陽崎峙其前陽岐之水別爲小浦逶迤環抱于三阜間宋咸淳末建州司戶陳嘉言築室于中阜隱焉嘉言值元革命耻不仕積書至數萬卷人稱書隱先生○陽崎山一名龍安山宋釋褐狀元林炯居之大江至此與澤苗江合經西峽以入海○澤苗江源出永福縣當入江處厥流迅急壅而成洲凡二十里多產芹菜因名芹洲又以四面皆水號曰瀛洲○港口之山界于永福者龍湖也山脚有湖甚廣神龍居之故名俗稱土牛音訛耳其下有湯泉四時不竭宋陳繹墓

在龍湖村韓孔碩之子也長治兵謀而能斷嘗知南劍州福建招撫使節制三路每出戰賊皆膽落所同輒克夫人林氏亦忠義有智計能相其君子云○出城北嚴勝門外有遺愛橋宋郡守元絳數游升山郡人因其夫之曰易比門爲遺愛橋名因之○里許爲銅盤山唐同光四年建有太平地藏院今里亦名太平有唐代王搏墓搏與崔胤並相爲胤所忌誣搏貶珠厓郡叅軍客死喪還茲山葬焉○北園在遺愛橋之東延亘數十畝有曲池達于西湖其上數里越聖坑螺峯爲杜塢嶺連巨峻

福州府志

卷之一

東

援迴視西湖如瀑布之在地○杜塢之西爲拜郊山閩粵王燔柴處也其上有壇址○昇山在城北十五里寮宇記云越王勾踐時一夜從會稽飛來因名飛山岩石間時聞鉦聲六朝陳天嘉三年因建飛山寺後改靈岩寺陶隱居集云晉太康中任敦自茅山往居大鵬山王勅宅得金版仙訣于此上昇因名昇山宋興元初僧雅操居之操嘗觀察使孟暉談經相善暉請于朝賜寺額曰昇山寺傳燈錄有昇山白龍院道希清慕二禪師唐周朴詩昇山自古道飛來此是神功莫浪猜氣色雖然難

禹穴峯巒猶自接天台巖邊古樹泉衝落石
雲日照開南望閩城塵世界千秋高古捲浮埃宋
陳襄和程太卿詩相逢正及荔枝期況值千岩雪
灑時南國小棠偏去近北山通客獨來遲雲中直
有三清路塵外都如一局棋聞欲引泉添洗藥未
應奪我鳳凰池曾帶游升山詩脩竹長松十里陰
任敦燒藥洞門深獨覓金版驚人語能到青霞出
世心雞犬亦隨雲外去遛瀛何必海中尋丹樓碧
閣唐朝寺鍾咽香花滿舊林○玄沙寺在升山下
五代梁開平二年宗一太師備公得法于雪峯建

福州府志勝入卷之一

辛

寺于此諸方禪學俱來參請寺有不溢泉鬼磨石
昇仙岩龜池諸勝曾華玄沙寺詩昇山南下一峯
高上盡層軒未厭勞際海烟雲常慘淡入冬松竹
更蕭騷經堂日未納香篆講席風生落塵毛我亦
有心從自得琉璃瓶水照秋毫李綱前題招提高
擁碧雀窺携客登臨自此回寺比道林多掩抱峯
如靈隱解飛來薜蘿深處鐘聲杳杉桂香中殿閣
開莫道釣魚人已寂聞今說法尚如雷○鳳池山
在昇山西山椒有池廣可三四畝相傳有五色文
鳥浴于此又有水簾泉宋時建鳳池寺于上曾肇

詩經年聞說鳳池山蠟屐方偷半日閒笑語客隨
朱閣上醉醒身在白雲間溪橋野水清猶急海岸
輕寒去却還爲郡天涯亦滿酒莫嗟流落髮毛斑
元絳詩州人未識鳳池山朱穀時時此往還四座
盈盤在天上滑軒風出落人間千樹古樹排旌蓋
百道飛泉響環誰爲霜納圖畫景翠微高處一
衰顏李綱詩鳳池空餘舊浴池竹梧交蔭翠參差
雲隨屐齒生松磴泉合峯心瀉石散幽討平生如
此少清湖今日許誰知道人爲築細書室杖屨來
游更上期陳襄詩白雲深處一軒開鳳池空折

福州府志勝入卷之一

辛

野梅山接九龍爭天矯路盤千騎久徘徊煙嵐翠
入尊前滴水石清從澗底來誰與忘機此棲息笑
看林鳥下生臺○又二十五里爲靈峯寺唐咸通
時建靈峯庵後改爲靈雲菴志勤禪師道場也師
往瀉山見桃花悟道偈曰三十年來尋劍客幾回
落葉又抽枝自從一見桃花後直至于今更不疑
○九峯山在縣北七十里峯頭九出圓秀峭拔與
壽山芙蓉山峙足而直舊稱三山開山慈慧禪師
唐大中間來此建寺咸通二年賜額鎮國禪院柳
公權書扁宋黃幹詩曠遂歸雲入遠山九峯隱立

似人間摩挲石刻元和體製錄僧譚宣政間往古
來今渾似夢隻雞斗酒強開顏明朝酌此龍湫水
直上層霄不復還○又十里爲壽山唐光啟三年
建廣德院山有石瑩潔如玉可爲印章蓋珉之屬
也去此十餘里有五花石坑其石有紅者細者紫
者惟艾綠色者少宋黃幹詩石爲文多招斧鑿寺
因野燒轉焚煌世間榮辱何須論日暮天寒山路
長○芙蓉峯與高山對峙舊志云山形秀麗如芙
蓉故名有芙蓉洞其口可丈許題刻于石曰靈洞
岩紫紆十餘里秉炬而入岩石玄鑿乍狹乍廓糾

福州府志勝不卷之一

至

乳時滴陰氣逼人火色青閃行五里至義存關山
堂可坐百人有石鼓石床石盆諸物過此則寒
莫窮其源唐太和七年建芙蓉寺于山趾咸通八
年賜額延慶禪院宋太平興國間改名興國禪院
傳燈錄有靈訓如體二禪師居之黃幹游靈洞岩
歌寒岩突兀兀山之阿延危磴攀藤蘿岩下清泉
響環珮岩前古木交枝柯當中洞門忽開扉上有
石屋高峽嶺乾地開闢已呈露鬼神守護仍揮
重門黠淡不可入以火米照所見多出門小洞亦
奇絕神龍會怒不蛟靈勝景如此難再得手倚石

壁頗摩挲安有雕思如懸河千言落筆仍高歌爾
林鴻夜宿芙蓉峯詩香剎瞰林丘逢僧信宿留風
簾乘月宿芙蓉峯詩香剎瞰林丘逢僧信宿留風
簾乘月宿芙蓉峯詩香剎瞰林丘逢僧信宿留風
一經空寂境人世漫泥憂○黃岩在芙蓉峯左峭
峻倚天峯側有瀑泉泉聲聞數十里其頂有仙井
巨石渾成不似穿鑿及人徐興公云此岩瀑布高
可五六丈淵二三丈恐虛山天台未必能過
之也○塚廟記云越王無諸廟在南門外嘉崇里
廟後一丘蓋無諸塚也俗呼祖廟道周有亭曰祖
廟亭○越王郢廟在府治之西舊號西湖廟卽開

福州府志勝不卷之一

至

州西大路畚土成丘後人歸其地立廟祀之自唐
大曆以前得通祀者惟此廟與釣龍亭善溪城隍
合爲四○閩王審知墓在城北三十里山形圓秀
若菌菰邨之主山也唐大順二年建蓮華永福院
墓前有後唐賜神道碑張允實撰文我宣德四年
爲盜所發得金銅玉帶玻璃碗及王畫像今尚呼
王墓○忠懿王廟在慶成寺之東卽閩王審知也
以後唐同光年薨謚忠懿有天祐三年閏十二月
勅立王德政碑禮部侍郎于兢撰文碑今立廟中
閩俗相傳塑春牛必詣王廟乞土一塊不然則牛

終不得成故予觀春詩有牛向前王乞土成之句

○城隍廟在府治之北其神漢御史大夫周普宇

榮陽不屈爲項羽所烹高祖休兵思其忠烈乃令

天下州邑附城而立之廟晉太康遷城卽建今所

宋紹興間置興福菴于廟左○剛顯廟在烏石山

之巔祀周公朴朴本吳人唐末隱居于此黃巢入

閩求公得之曰能從我乎公曰我尚不仕天子安

能從賊遂遇害後人卽其山立三賢祠以公平生

與僧靈觀候官長薛逢爲三友也宋紹興初張公

浚帥閩奏賜今額○惠安明應王廟在烏石山之

福州府志勝入卷之一

西王姓陳氏舊隱是山沒而顯靈唐元和後始立

廟碑云心游墳典性愛山水游息乎宿猿之洞登

臨乎落景之坪今碑已亡俗呼閩山廟○五通廟

在通津門外河南岸舊記名龍官廟相傳王氏立

閩州邑閭井許民咸得立祠斯廟之址昔懷遠驛

地也今移入津門樓○石頭廟在嚴勝門東北舊

記漢無諸時民轉漕入浮倉于此祈福因有磐石

故祀之

長樂縣在府城東

自晉之縣原豐也而長樂之疆域屬焉隋改原豐

爲閩縣則屬閩縣地唐武德六年析置新寧縣尋

改爲長樂縣治十一都敦素里今名古縣後上元

初防禦使董玠以其地卑濠徙治吳航頭卽今所

也按吳航去縣西半里許閩中記云吳王夫差畧

地至此作戰艦故名俗呼爲太平港○縣南有南

山縣北有六平山各去縣里許宋時建九日軒于

南山王簿蔡雅詩云滿前青嶂千屏列直下澄江

一帶橫蓋此山之境也六平山以其蜿蜒六曲而

平坦故名明王恭歌行送客云海上升峯屹相向

六平秀出群峯上絕巘飛泉掛薜蘿遙天落日開

平嶂華頂雲歸見大荒鴻濛元氣帶扶桑百里人

家花外靜數椽僧舍竹間涼石林羅逕行人少藥

院茅亭絕氛擾遠澗秋聲鶴夢寒遙岩夜月猿聲

小少年才子日登臨踏閣攀林挹賞心興來揮灑

蘭亭筆柿葉淋漓醉墨深谷口驪駒動行色送君

遠越金門客功成早賦歸去來重拂瑤琴苔上石

○首石山在縣北山之巔有石巍然高二十餘丈

廣數十步中有泉穴四顧見水又岩際一石苔鮮

交侵自下望之宛如白鶴也○芝山在縣東舊碑記云王想之以瑞芝見其宅後因捨爲寺寺內石屏宋慶曆中監司蘇邵二公刻去華才翁四字有見江亭縣令袁正規立○鰲峯在治南其勢昂伏森列千六平芝山之前一名鰲頭山○等峯山在縣東北有岩焉唐林慎思讀書其中朱晦翁題曰德成岩元元統三年縣尹盧明源于岩建精舍以奉時祀管興祖作記其畧謂先生在唐咸通間擢進士再中宏詞長樂登第自先生始官至水部郎知萬年縣時黃巢陷長安過以僞祿不屈而死慎思著有仲蒙子續孟二書○太常山左按等峯右

福州府志勝不卷之二

二

聯首石山之陽有嶺曰從龍曰風門風簾日夜不絕聲其陰有嶺曰浮崎比界于閩縣○嚴湖一名西湖在縣東北周三千二百八十丈宋三山志云陳大建元年長樂嚴光之子恭賢子維揚舟次江潯市龜五十而放之光家居一日見披黑衣者五十人送緡錢五千曰君之子揚州所附及恭回語之實未嘗有乃悟贖龜之故遂捨宅爲寺以田爲湖明陳亮詩渺渺西湖路曾經大建年昔時湖上波今作湖下田人世幾變易山水尚清妍惟應西

湖上閒弄釣魚艇○鴈峯下臨嚴湖上有御風臺湖中有小阜曰鰲山湖旁有六奇山六奇者曰牛山曰馬水曰龍灣曰虎潭曰都官渡曰相笏石其西南又有鰲峯周山明上恭詩鴈峯鬱蒼翠北對太常秋城關幾歷小冷溪一盃流大空氣蕭殺木葉風颭颭夕照返高樹歸雲還遠丘伊人棄軒冕縱酒疎王侯脫畧當世事隱身麋鹿游翩然別我徃徒此增離憂良會不可必歲月詎能留○晦翁岩在縣北二十里龍峯之西明蔣以忠記畧云其岩岑嶠幽致嶄然雲漢之表巨石爲門折而入峻

福州府志勝不卷之二

三

壁懸崖松呀蘿磴突兀左右儼然天設西賓太常諸峯南鑑雙湖東極滄溟之際宋乾道間里人到砥與其弟礪築室讀書其上屬晦翁朱子南游至邑二君从之因留斯岩最久○四明山在縣西北其山屹然如削高列四峯中有古壇生釣竿竹有井泉味甘如蜜○石臺山與四明山相聯宋紹興間白晝雲雨晦暝有龍爪樹飛騰而去因名龍臺其峯曰松石下有天王寺唐大中七年建先是有檀木遡江而上牧童取之夜中發光里人林錡夢其木自言我乃北方毗沙門天王錡遂募工雕刻

爲像仍捨宅爲寺宋蔣之奇松石峯詩晚近津亭
泊畫舫忽聞佳處在雲烟松根化作千年石山寺
蒸爲一礪泉祖意共有亭下柏禪交同結社中蓮
明朝輿筇還躋嶺靜借僧房一覺眠□寺內有煙
蘿亭宋慶曆中縣令董淵立有枕流軒吳仲舉立
林伯材詩云春煖鮮衣隨雨到夜深寒月落湍明
又有望江亭昔竝立陳傳詩云無風萬里磨平玉
有月千波漾碎金□金雞山在天王寺西以形似
名國初林鴻金雞山詩遠公青蓮宇百折構雲闕
一徑入松蘿山泉濯苔髮石房彈玉琴清響在林

福州府志勝人卷之二

四

五

越夜來滄海寒夢繞波上月微吟白雲篇高興了
未輟未能悟聲聞安得離言說○岱邊山在縣西
南二十里其左有巨石高十餘丈狀如龜右有石
如麒麟泉出其中清冽宋秘監陳宋霖居焉○又
西南爲龍泉山朝陽二字朱晦翁書山有五峯曰
卧牛曰仙冠曰品石曰雲梯曰蓮花唐建龍泉寺
其中初邑人王氏子少時事龍泉禪師一日師令
浣布于井見青黃二龍戲井中旣之因歸遲師詰
焉遂以鉢探二龍獻師師以爲神因令薙髮住洪
州百丈山稱百丈大智禪師詳見傳燈錄又東南

爲栢山山有釣簷石唐咸通六年建當陽寺于山
麓寺有山月雷音二堂宋蘇舜元釣鰲石詩未窮
雙佛刹先到一漁家山雨已殘葉溪風猶落花汲
泉沙脉動敲火石痕斜應是任公子竹間曾煮茶
明林慈當陽寺詩鳥道綠空碧龍宮入翠微逢師
持鉢日恰我到山時蘿徑千林滿風泉百道飛何
年至城邑惜別欲留木○溪湄山在縣南五都之
羅田有寶山雲石澗泉龍津釣馬嶺樵南陽耕諸
勝山頂有湖廣五畝冬夏不竭相傳湖中一巨蚌
剖之有珠是名珠湖傍有七岩山郎官山明吳海

福州府志勝不卷之二

五

五

詩連山如波濤高峯盪雲日峯然孤杓聳其勢孰
可匹危攀將欲飛俯瞰覺自失羅田幾聚落端坐
見纖悉南延川原深北望海水出處高眠益遠縮
地豈有術天寒霜落交収穫事已畢仍年蝗旱餘
民物盡蕭瑟遺茲得非幸惆悵寧具述○越五里
爲董峯舊名福山輿地紀勝云山上有神人裸身
散髮人見者必獲福故名閩中記云漢董奉字君
異候官人少得道嘗游交州刺史杜燮病死已三
日奉以三九藥納之口中食頃更生奉後居此山
爲人醫病不責謝但令愈者種杏于山或一株以

至二三株久之凡有杏七萬餘株森然成林明林
鴻詩吾嘗慕康樂愛入名山游名山不易得何必
談瀛洲董峯高峩峩仙子居上頭白鶴去不返黃
茅翳丹丘下接渤澥流上接白雲浮陰壁耀海日
寒枝掛獼猴幽尋豈不遠逸興時去留仙人未可
期空山春復秋○定山在董峯西山中有巨石如
龜謂之龜峯明陳亮詩晴昔過茲鄉駐馬望龜石
蹉跎兩髮華始作登臨客浮雲散輕陰霽日見海
色千岩含暮景湖影浸空碧郊原分綺錯左右羅
第宅向來多賢豪聲譽何籍籍良辰作佳游此地

福州府志勝

卷之二

七

福州府志勝

幾登歷我來一感慨俯今視非昔落日松風生遲
回景將夕○柯林山在縣東十三都山中有紫微
峯峯半有白龍潭瀑布泉又有一峯對峙曰翠微
其傍有赤嶼蛤嶼並立于江中宋侯官鄭洙移居
紫微峯陳襄述古贈之有詩明高廷禮紫微峯歌
六平西倚大海邊喬柯東與三神連迴崖杳嶂去
不息攢青飛翠來眼前紫微秀出霄漢中孤峯戍
削金芙蓉幽厓朝光積暝雨暗谷夜氣生長虹四
時仙風長瑤草六月占雪鳴寒松片雲常遮白石
澗萬壑吹度珠林鐘登高壯觀大海東扶桑樹色

明方逢○又十里曰龜山山中有岩宋蔡襄題因
白龍院僧隱居于此亦名白龍岩又有石人峯獅
子石山下有白雲溪唐詩戶曹林勣觀居于龜山
前其地脩竹千畝大曆二年有釋法照游衡山雲
峯寺堂食次鉢中忽現五色雲雲中有寺寺有金
勝題曰大聖竹林寺于是勣觀以其所居有竹林
遂捨爲竹林寺寺有藏經五百餘函內一函乃宋
乾德中有人于海上得巨螺載一寶函蔡之爲蓮
華經七卷因送入寺舊有詩云昔聞僧觀雲中寺
今得函浮海上書○越王山在縣東北三十里閩

福州府志勝

卷之二

七

福州府志勝

中記云越王勾踐七世孫無疆與楚戰不利子弟
散居南海上此其一也又十里爲壺井山有一井
仕山之陸狀如壺鹹潮至則沒潮退其水復淡○
之東北際海其曰馬頭江曰滋湧曰方石皆與
潮相次方石產紫菜其味極珍閩王審知採以
貢禁民私取亦名禁石上有梅花山亦名梅江
壺井之南有二石巍然對峙于波濤之中者爲
二母礁宋末楊妃負益王福王航海經此明王恭
江詩君不見梅江浩蕩連滄溟積水不極涵空
西未明先帶扶桑日入夜倒浸銀河星潑波萬頃

秋無盡、漠漠遙光海天迥、島嶼千家煙火深、軍城
百雉妖氛寢、漁笛吹殘夜落梅、空江長見舊潮回
珠潭露下漁風起、敝室雲歸蚌月來、仙源香霧浮
花島、海色空濛望中好、玄圃滄洲路不通、清水黃
塵夢難到、又十里爲靈峯、山舊屬良田里、里人
嘗有見龍乘雲而歸者、又名龍龕山、宋運判蔣之
奇詩、龍歸一餉雲遮洞、猿叫三聲月滿山、蓋指此
也、山有香爐峯、獅子石、歸雲洞、半月池、品字池、佛
祖岩、羅漢亭、諸勝、唐大中七年建寺、初名龍龕、八
年賜額靈峯、絕頂有望海亭、唐黃滔詩、繫馬松間

福州府志勝

卷之二

上

不忍歸、數巡香茗一枰棋、擬登絕頂留人宿、猶待
滄溟月滿時、○基山在縣東北二十四都、上有石
臺、相傳昔有二仙奕棋于此、至今臺之四傍不生
荆棘、唐咸通二年建寺、以基山爲額、宋邑令董淵
詩、風際有雲多世態、海中無底是人心、可堪更問
基山話、一局閒爭古到今、明王恭基山避暑作摩
中何處避炎蒸、靜愛空王澹愛僧、沙界樹涼晴乍
雨、石渠泉響暗流水、青山載酒隨閒到、飛閣觀潮
倚醉登、水繞蓮華通寶藏、路迴蘭若轉金繩、仙人
基、居埋幽草、大士禪扉閉古藤、荒殿烏啼時近榻

香臺猿卧夜窺燈、老來行止愁無地、病後欲携甥
有朋明發別離方、外去何時清興又同乘、○三山
志云、瑞峰院在縣之同榮里、五代周廣順二年太
保王紹齊以開山僧居、岩間常有煙雲霞蓋、以爲
瑞始創此院、宋華淵詩、石屏樹幄白雲端、溪路生
苔樹石寒、間訪禪家問塵世、總言塵世不相干、有
運判蔣之奇詩、又有重露亭、宋慶曆中提刑蘇才
翁刻字于石屏

福清縣

在府城東南
百二十里

唐嗣聖十六年析長樂縣南八鄉地以爲萬安縣
福州府志勝

卷之二

九

從鄉名也、大寶元年更名福唐、後唐莊宗長興四
年始稱福清、舊記以山自永福來溪、自清源來故
名、○按福唐今爲里里中有間讀山、舊名小隱唐
水部陳燦讀書于此、在縣西南界、○明莆田林俊
四城門記畧云、福清吻海背風、潮簌嶺山、充緒
乏林木、石離離、骨壁人鍾之、忠特奇峭、其次亦疑
重、自立縣舊無城郭、城之材鉅而力誦也、且門之
而令政弗肅、役者玩正德壬申朱侯朝章亟復其
門、因地命名、東曰文興、西曰雙旌、南曰龍江、北曰
玉屏、又邑人大學士葉向高記畧云、嘉靖甲寅以

高夷壽闢始議城時師環其疆舍皇畢事北傳
高山西跨岡繚東逼陵阜賊登阜而攻若對壘焉
從東望西周垣畢瞻我之虛實較若列眉戊午之
變賊據北山俯而瞰城每發輒斃日未移晷萬室
蕩然論者咸爲城咎承欲議更迄今三十餘年莫
任其事丁侯令是邦乃令民以丁祇輪金闔城踰
北山而臺其上移西城山之半包圍縈濶縮東城
避阜爲臺以當敵衝經始于癸巳初春入夏而告
成云云○按靈鷲山在城北隅縣治主山也五代
漢乾祐三年有異禽來集五色炳采或以爲靈鷲

福州府志勝八卷之二

十一

故名其巔卽玉屏宋縣令張伯昌詩靈鷲峯寒碧
玉堆紅塵隔斷小軒開忘言更覺諸緣盡中有桃
花點翠苔○玉融山與縣相直舊志云山峯第二
疊有石瑩然如玉故名邑人郭萬程記畧曰宋祥
符壬子嘉平之月邑宰卽簡訪洞然師寢于延慶
寺夢神僧授梵書玉融二字仍有孤峯萬仞形勢
奇絕之句簡爲邑民吏其言人所引重遂爲邑美
號云有言延慶寺在靈曜嶺傍其冢有大石常潤
或謂之玉融一名曰覆釜有言林簡肅學記山左
如半月名玉融石如卓筆名雙旌若稱萬仞奇絕

則五馬中最高是也府志云玉融山在縣南左爲
雙旌以兩峯峙立如旌也右爲五馬以五峯騰踊
如馬也其麓曰覆釜亦以形似而名○文興里在
縣東三里有小孤山其上有芳林道院宋咸淳間
建卽林寒齋高士宅也高士諱公遇祖適龍圖閣
學士父琢直寶章閣公遇蔭官不就以孝義聞其
子名同女適劉公祖俱耻爲元臣卽同宅開局募
兵以圖興復元兵至戰敗于縣西四十里之灰山
下死焉灰山近磨石舖一帶皆稱西山○龍首橋
在南門外以據龍江上游也宋天聖五年靈石僧

福州府志勝八卷之二

十一

洞然募建元祐紹興等年及元至治間屢更脩砌
吳濤爲記橋之左有塔寺頗稱雄麗萬曆間尚寶
司丞葉成學募建○龍江源出龍首山初名螺江
宋邑人林栗改今名與海口江相連海口江源出
故興化縣界流爲百丈溪至今應舖爲無患溪東
行二十里合石壠港至水陸場合縣東河頭瀆爲
琵琶洋又二十里始入海○龍江有橋踰方民仁
壽二里宋里人林遷與僧妙覺募建海口城屬方
民里城東北有龍山一名瑞峯有寺在山巔浮屠
七層可觀日出有井在塔傍其味甘冽西麓有紅

蓮閣疎野堂宋里人章氏所建其麓爲粗犇潭南麓有草堂宋林光朝故居也明王應山登瑞峯詩海國名山擁梵宮塔林秋色鬱葱葱振衣直上三千丈笑指蓬瀛在日東○鎮東以在海口鎮之東故名有衛有城倉局教場規制畧備閩省總兵春秋二汛建旗鼓爲衛東南有朱文公祠西南有鎮山巷都督戚公繼光祠在衛之西公登州人嘉靖間蕩平倭寇有功于閩者○烽火山在鎮東城外海道有警燔燧于此山頂嵌岩其狀如屋凡三十六間名曰虎屋林亦之詩興來走上烽火山着是

福州府志勝

卷之一

七

不定秋風寒四邊黃茅滑如雨低頭俯看毛髮墜幾年欲到紫菜鄉大練小練及東墻如今一時在眼傍白雲流水天茫茫瀾關更欲吊虎屋無端日色相催促一奴雕髻一跛足逐我下山如野鹿○鹿角山在烽火之傍山中巨石有仙篆數字人莫能識旁有仙井廣僅尺五其深叵測○自海口西行三里爲網山林亦之宅在焉嘗作亭于山上讀書其中扁曰海漁學者稱爲網山先生亦之詩云風濤生長處土地偏東隅樹樹懸漁網村村叫鹿鵲酒旗孤嶼見書卷一山無欲趁雞豚社深慚身

紫儒二屋舍高低住比鄰活計同簞箸嫌月白蟬螭要霜紅吠犬隨村落賣魚成老翁地鹹耕種少海熟抵年豐○海口南行二里曰瑞岩高數百仞有香山天台玉虛各洞一滴泉鑑池紫霄亭休休廬諸勝絕頂石岩中有竅大如箕水滿其中四時不竭其脉通海潮汐是爲通海井宋宣和四年建瑞岩寺林誠仲香山洞詩瑞氣擁巒岩巒中有神仙宅世代幾銷沉溪山自今昔元林泉生玉虛洞詩空谷結層雲寒泉落空沼中有太古靈悠然隔深宵○福廬山在縣南時和里相國葉向高手闢也

福州府志勝

卷之一

七

自錦屏山岐行二十里由三天門入至石芝亭爲相國書堂石芝者平地拔起高可二丈餘趾銳而首張古色蒼然復作亭亭之態其上有躡雲徑石皆自左欹右天光斜入磴納其腹若藤蘿掛樹凡四五折以級數者百倍之右折而穿一竇石參差作豎勢蒼蘚深厚有古榕樹輪囷秀潤樹之右有地稍平曰榕臺又折而石乃若屏暗離立岡頂俯眺海曲蕭淑歷歷如指掌益折而行稍降有兩大石若高墻合掌而露天光類武夷之一線天人行峽中良久始盡峽半穿井中出始入黑香洞洞頗

夷曠席坐可容百人傍有竹數竿青翠招搖洞背
卽峽之南壙也洞初開時有異香鬱郁經久不散
因以爲名天門凡三石封其表兩壁相拒爲門以
折以磴取次而達三門之右亂石如什五遵峽而
行爲飲虹欄欄中泉渟泓石上十釜乃自其實中
出如珮如絃丁東相答泉竇之側眎天如穹中穿
穹而上入雲關關窮則古仙鷹磬二岩相爲連屬
由天門外折而有石闕俗名擎天柱然自下及兩
傍觀之皆不能作柱想惟從上而頽則若施繩墨
而于雲霄凡四十五尺有奇趾乃踞地與柱微露

福州府志勝八卷之二

十四

一線蓋亦稱最奇云○靈岩在福廬之西二里許
有泉一泓在路左表以片石曰靈泉有寺在岩之
麓曰靈岩寺岩踞寺頂若噓其口而寺不足吞也
上下二大石中茹而外吐其狀如軒望之可十間
屋岩之右又一大石迫之其所來徑幾作峽狀兩
松樹在峽半根爲石所嚙而頂作羽葆以自蔽勢
亭亭上若前後相引岩左有罅穿此爲靈湫頗岩
背而下行惡溪中溪卽湫水所注湫在洞中洞三
兩連屬泉雷朋激而成者也寺之前後亦皆松林
○福廬山下爲牛田場民居鱗次其特有東營山

周環皆海嘉靖之季南塘戚公參將大破賊于此
又三十里爲化北化南二里俱傍海化北有澤朗
山巡簡司設焉又有嘉福寺化南有福興寺俱宋
慶曆間建其地隋時掠琉球五千戶居此又三十
里爲平南里有東金山民居在山之麓而前後皆
海也又二十里爲萬安所城有守禦千戶牛頭石
巡簡司其地已際于海去縣百二十里而遙○萬
石山距所治數里界于平南其水曰宏溪峯曰翔
鳳洞曰石竇曰佳塘岩曰靈棲曰宜遠庄曰花林
曰茶園葉相國爲歐應昌序萬石山畧云其洞之

福州府志勝八卷之二

十五

陸冬

廣者可容萬人而千百人者不可以數計石之峻
峭而插空者森列如簇水之縈紆而繚繞爲溪爲
澗者清泚潺湲不可名狀世叔謂萬石勝于福廬
余謂二山恢奇惟嶺玲瓏空洞大率相類其稍異
者福廬之石不如萬石之多然萬石散而福廬聚
聚則易游散則難及吾恐 之以多累耳世叔
應昌字萬安所人○石竹山在縣西末壽里山形
陡削尤宜竹樹山半有仙人坪群峯拱衛坪右有
觀音巖巖石上覆中奉大士像有窩曰化龍石曰
鶴影洞曰紫雲其旁之石如屹如立如仆如怒

然列于四隅山洞外而入石門其隘稍進乃得平
壤爲九仙閣九仙者卽何氏兄弟也山閣而左有
大石以仙人所醉曰醉石仙人所游曰摘星旁度
二石梁有石室丹竈乃其煉丹處山上又有紫磨
獅子象王諸峯朝斗其間佛陀諸岩灑耳無盡二
泉又有虎溪按三山志云昔有林玄光于此煉丹
丹成騎虎上昇今之虎溪岩是明林鴻游石竹山
詩群山際蒼海一峯凌紫雲昔人煉丹處石室莓
苔紋飄飄龍虎車卽此上丹闕惟餘白鶴影宛下
青松月下有靜者廬其人頗淳樸一水落入鏡潭

福州府志勝八卷之二

七

花明石隱藥物有時暇還來岩關心與魚鳥親
身同天地間伊余溺流俗十載未應還長歌賦招
隱夢繞天涯山林敘游石竹山卧龍潭詩飛軒宵
洞碧溪口寒流深溪南一峯峻衆壑波上陰杉松
亂天影水月乃余心時節閒竺書寂寂空中音雜
花逗秋思鳴瀑絃素琴願乘白鶴影永矣諧幽尋
○無患溪源出石竹山入于交溪相傳林玄光脩
煉時邑遭大疫真人以藥投水源令病者沿流飲
之無不立愈故名○靈石山在縣西清源里其山
磅礴百里峻拔千仞層林積翠飛泉漱玉山之巔

有石久晴鳴則雨久雨陰則晴故以靈名山有三
峯九疊其勢插天層巒數曰留雲者雲留或經
旬不散曰報山者久旱霖雨則其峯震撼有聲又
有通天石仙人岩巖巖潭碧仙祠諸勝唐大中四
年建靈石寺先是武宗時僧元脩始葺于此誦七
俱胝呪爲人治病與衆皆驗適有會昌之禁乃深
入岩谷中人以爲遁去矣久之有疏甲泛流而下
人乃沿源訪而得之再往則廬已虛不知所在至
宣宗時乃出詣闕貢金買山創精舍名翠石院至
是賜額靈石俱胝院宋天聖初重修許難記畧云

福州府志勝八卷之二

十七

自香城北沿嶺十里西度小橋入長道又西入蟠
桃塢十步有石屏因爲樹榭之西有漱玉亭次有
溪光素波二臺數十步有偃蓋松又西有散花堂
放鶴待月二樓高視亭白蓮社乃至塔院中有胡
僧像僧自西域來有神術至今鳥雀不棲唐元結
贈靈石俱胝僧詩萬卷千編總不真虛將文字役
精神俱胝只念三行呪自得名超一世人○黃葉
山在縣西南清遠里其地多產黃葉因爲名林
鬱重樓周迴數十里唐貞元五年建般若堂德宗
賜額建福禪寺乃希運禪師道場也有塔院宋太

平興國中置寺門外有唐時古松九株今有其五
盤屈如龍寺後二里許有香城寺復斜行數百武
怪石垂覆有乳香出石罅間名乳香岩卽三山志
之嵩頭陀岩也近寺有龍潭自高及卑相聯凡九
泉勢高健淙崖石爲穴潄水爲潭潭徑八九尺僧
云有龍居之乃第四潭也危石下垂穿隙如屋水
從屋上瀉下注入大潭深不可測潭前巨石如砥
可坐數百人昔鐫靈淵二字大可徑尺作李斯篆
體龍潭之上最險絕處復有一潭龍常移徙下潭
而上所立有爪跡又去此數里有三洞第一洞石

福州府志勝入卷之二

十六

屋深覆高廣五六丈洞窮阻一潭潭水深寬不可
涉第二洞三洞爲蟒所棲相傳蟒有神通邑人敬
而祀之茲山峯巒不可勝數其著名者曰佛座香
爐鉢孟報雨五雲羅漢紫微屏幃天柱獅子諸峯
梁江淹游黃蘗山詩長望竟何極閩雲連越邊南
川饒奇怪赤縣多靈仙金峰各虧日銅石共臨天
陽岫照鸞采陰谿噴龍泉殘机千代木腐岬萬古
烟禽鳴丹壁上猿嘯青崖間秦皇慕隱淪漢武願
長年昔負雄豪威棄官爲名山况我葵藿志松木
橫眼前所若同遠好臨風載悠然宋李潛遜游黃

蘗寺苦爲捫蘿行正坐愛山癖淚衣巾巾桐洗耳
泉上石稍尋優鉢林偶旁瞿曇宅溪橫走羊腸山
轉回龍脊兩難伴櫓第二老共飛錫望迷落葉秋
坐斷蒲團夕雲歸繞總明香盡出簪碧希聲發岩
竇妙觀生瑤壁塵緣苦推攀勝事成今昔○出黃
蘗而歷蘇溪漁溪達于蒜嶺蒜嶺者以山形如蒜
瓣而名蒜嶺驛設焉上接宏路下通甯口東望漲
海瀾漫無際嶺頭有照海亭唐翁承贊庄在此今
爲新興寺故其山曰草堂里曰光賢○碑目云蒜
嶺西有古碑鐫石馬泉三字初有菴號大悲唐顯

福州府志勝入卷之二

五

德二年翁正度遷于此山之趾因建院曰重興有
所作碑銘○逕江在縣南三十里源出故興化縣
金支大潭與漁溪合流爲逕港南至綿亭東抵烏
巖門又南至雙巖頭岐而爲二東出白與西出後
巖復合于昭應廟前山迎仙港入海有躡雲橋在
逕江之翠林宋元豐年建○白巖在縣南江陰里
又名陳山山之絕頂有鴻休岩岩竇天成下瞰滄
溟浩無涯際嘗有僧鴻休居此故名又有烏窠岩
在鴻休岩之西累石爲之初有僧居杭州山中之
木杪人呼爲烏窠和尚杭太守白居易往訪之曰

師之所處得無危乎答曰若公所處新火不停議性交攻乃爲危耳舍道何危之有居易嘆賞作詩贈之後乃徙居于此人有識之者仍以爲寔名其所棲之岩曰白巖有壁頭巡簡司其內爲雙巖古井其冽大旱不枯有蔡道人岩及百年洞又呼仙巖○海壇山在縣東南大海中本唐牧馬地泰清中始有寺宇宋初置牧監尋以驚駭罷皇祐中許漁民耕墾淳熙中有三千餘戶其山南曰黃崎曰紫關曰牧上曰皆頭曰沈頭曰大小鰲網爲三十六派湖環繞峯巒如畫宋宣和中勅建觀音寺水

福州府志勝入卷之二

三

四

深碧多齒齒旁沙善没人中有龍窟龍間與馬交產駒毛鬣異文日行千里龜鼈高千人二三年間大雨電湖自決皆入于海近塘有大小塲及錢藏皆爲泊船澳東高者軍山王氏講成多居此其間曰浚門曰獺步曰廣州埕曰流水隔東江曰小塲小塲北曰十二藍焦東塲北曰百兵焦太系小系兩系間曰系門而兩塲間爲鷓鴣門是外極東之島而舟不可行矣迤南有南匿里宋南匿巡簡司設焉其間有蘇澳沙溪行一日皆沙而澳當海口爲寨五里西抵鐘門其巖玲瓏如鐘亦開古昔

鐘溺此潮退猶露蒲宇四圍海亦鹹而此泉獨淡近與石高二丈如盤東南瞰石方二十丈其中井泉與潮候應取水者集焉亦船艖之都會也平潮抵慈澳則長樂界草與唐興率近于南匿南匿肥隱且風多不宜樹一口大姨山當日未出極望有如空青微露水面爲小琉球國窮晝夜而至其水深碧東流不返涉蔓如組枕不容轉必剗木爲孟乃能旋開浮沙以濟望見其際則三日有暴風若不風避深者必至此乃止人爲其國所得者以藤貫其是令之耕作故此山最忌夜火恐其國人望之來也是爲東角洋蓋岐海之窮微矣○小練山在縣東海中有大小練二門相去僅十里許無風踰月不能渡小練之山周十里舊多喬木無居人五代時有盧皓林甲避地居此而林氏世以文顯○廟記云昭靈廟在光賢里之余坑漢時有趙昇者師事張道陵嘗乘鉢舟抵浮山舍舟而陸繼于盤石留筠簾屨杖跡于石上宋天禧初立廟紹興八年賜今額有盧焦石在廟前海中高廣數丈風濤激激爲龕岩玲瓏之狀採玩者必獲譴○都巡感應廟在縣治西隅神姓許諱忠建安人唐末

福州府志勝入卷之二

五

六

爲威武軍都巡簡使屯兵備寇乾符五年黃巢陷福州神夢天使唐葛周三將軍功已明日出戰大破之巢退關中獲安明年卒民思其功爲立祠請于朝賜號忠應○鄭介公祠在縣西之青湖祀鄭公俠也俠字介夫宋治平中進士以忤王安石又請罷呂惠卿奪官卒里人表其祠曰鄭公坊

連江縣在府城東北九十里

唐志連江縣下注云本溫麻縣地沈約宋書晉武帝太康四年以溫麻船屯置溫麻縣是也武德初又析閩縣地別置連江縣取其連接江水爲名福州府志勝入卷之一

三

元和志云唐初縣移于連江之比又宋嘉定間知縣何武有連江志十卷是江名連非以連接江水名縣○王應山閩都記曰鰲江在縣治南百步許巨欽平上下二里即連江也源出羅源縣王止溪黃栢潭舊懷安縣桃洲密溪三派合流至縣前環抱如帶東流入海又名岱江江濱有漁滄潭石刻漁滄天乙之門鰲鰲江有橋宋政和間建疊石爲梁凡十六間長五十丈六尺俗呼江南橋○白塔嶺在縣西半里閩王審知入閩時先鋒陳伯先追賊至此馬踣而死邑尉程成之立廟祀焉又半里

爲玉泉山泉出兩峯之間色澄味甘隋大業元年建寺于山麓寺僧自餘飲此泉語音鏗然眸子碧色至老不衰唐天寶中賜名玉泉山有靈羊洞仙桃岩擁秀堂清淵閣明月軒流杯亭諸勝○龍湫山在治比縣之山也岡巒如龍湫水夾淵而下故名又五里爲湖山其山超出諸峯有古道場相傳仙爐飛置其上邑人立宮祀之今九天宮即其地也湖山之麓宋侍郎李彌遜築有釣臺以漁釣爲樂自號筠溪刻石志之按彌遜本連江人其祖餘慶遷居吳縣彌遜以大觀進士直徽猷閣知漳州因還連江隱于西山云○東湖塘屬欽平下里隋開皇初邑人林亮捨田爲湖周廻二十里歲久沙壅唐咸通間縣令劉達奏復之○縣東二里有湫沙其初浦淑後淤流壅沙遂成平地今高者爲屋低者爲田蓋一闌闌云○寶華岩在縣西層崖峭峻半出林梢中有石室天然奇勝○中鵠里在縣西北舊名通化唐邑人張瑩所居其詩有一箭不中鵠五湖歸釣魚之句後登大順元年進士仕至禮部尚書因改里名其里有獨覺岩形如覆盆唐僧法詮大中六年建寶林院于山下欲移此岩

福州府志勝入卷之二

三

而未能因指曰人實無力神乃有功是夜風雨雷
電大作詰旦岩移院中儼然一室詮恒棲其中與
涅槃怡山大滄諸老爲法空友嘗有虎中藥箭至
詮前若有所訴詮爲去其鏃拊摩久之數日瘡愈
復來遂相馴狎因名其峯曰降虎峯文詮初建院
時乏水俄而有虎跑地出泉因名虎跑泉詮居
凡四十年坐化積久而容貌如生髮長至頂削之
復生宋林阜詩寶鑑香穩繞松筠遐想遺踪二百
春幽石移時雷電掣孤峯坐處虎狼馴○覆釜山
在縣東南山巔有石其形似釜而勢垂下故名南

福州府志勝八卷之二

孟

阿

峯之麓有石雙峙道出其中名曰石門唐中和元
年建石門寺于此宋龔況詩岫見帖松低羽人來
未歸苔深鎖春色不放曉雲飛口玉華洞以巨石
相倚而成其中深邃燦若玉華龔況詩云石壁古
苔夾夾門雙杏枝山陝人少到長認鶴聲知口玉
人峯亭亭如玉立于岩阿龔況詩云霞綴衣紅淺
烟粧鬢黛勻無言山色裏幾度野梅春口半月池
形如月之上弦宋洪壯詩鑿破烟苔地彎如半月
邊既能清到底何必十分圓口清陰洞在石門寺
之比其石極廣可坐數十人上有佳木陰翳故名

更有石鼓石魚五臺關牛諸石石鼓者形如鼓
擊之有聲五臺者有巨石五高而頂平如臺之時
石魚以淵旁有石如魚名石魚淵其旁兩石相對
如牛之闕因名關牛石口金鰲山在覆釜山之右
山形隱如金鰲出海口矩度山在其西相傳矩度
二仙居之口南乾山在山之南有仙人棋盤石足
跡口北乾山在山之北有巨石不着苔蘚形如席
帽已上李彌遜林洪俱有詩彌遜墓在石門寺傍
○雲居山在縣北永貴里山椒有塔塔旁有雲居
堂堂前有石如磴去堂西北二百步石上有仙人
跡長二尺許有蛤蚌殼附石上山半有蓮花石上
平下尖四圍有澗狀如蓮花其石甚巨附于盤石
之上輕搖則動力撼之則不動山阿兩峯盤礴中
爲雲居寺○又十里爲香鑪山山巔狀如香鑪石
上刻粘雲二字九域志云邑人章壽學道于此得
仙有壇尚存雲笈七籤以爲第七十一福地謝真
人居之山南一峯峭峻上刻章仙峯三字有磨劍
石煉井井掃壇竹石棋盤又有童井深僅尺餘不
溢不竭相傳有青衣童子撿草取水乘雲登鑪峯
而去里人因此得泉故以章名唐乾寧中建光化

福州府志勝八卷之二

孟

五

寺于山下又景福中王氏入閩淮民隨之始至有
梓浮香爐及書硯漂于岸側其人異之曰此吾州
杜三郎故物也因立廟于此閩王封高義侯南唐
封靈瑞侯鄭南卿爲記宋鄭鑑游鑑山詩崎立交
輝紫翠間疎簾半捲鎮長開神仙似有祈年術一
縷青烟起博山○允峯在縣南新安里五代唐宣
宗時建安蕭孔冲字仲謀以世亂不樂婚仕削髮
爲僧棲隱于此志行堅苦晚遇道流授以秘術能
伏虎狼邑里絕害既沒而人祠之宋靖康初建寇
葉儼逼境遙望羅崙牙旗耀天陂角喧闐賊遂趣
福州府志卷之二
去避寇者咸見神兵歸廟中紹興間海寇掠荻蘆
寨亦見九龍江大艘揚旗而下上書蕭字云○荻
蘆山一名九龍山下有九龍江寨宇記云在連江
東南四十里相傳秦始皇以東南有王氣自江而
南凡山形秀拔者皆鑿之至是得蘆根長數丈朝
斷暮合終不殊勢役者苦之夜夢有人告曰鐵錘
至夕勿收乃如其言血流而絕○上竿塘山在東
北大海中去縣八十餘里峯巒屈曲竹尾湖尾等
灣在焉名曰六灣又有下竿塘突出海岸山形峭
拔與上竿塘並峙中有白沙鏡港等七灣我洪武

初徙其民于內地○三山志云上下干塘大小亭
山桑與關嶺蛤沙比菱鎮俱在海中舊屬崇德里
昔黃氏兄弟載寶沒于亭山因而立廟于鹽亭按
卽黃助偕其弟光也○蛤沙比菱俱有城與定海
所用爲唇齒而小埕寨在所前去上下竿塘半潮
水耳定海今設水寨游擊或參將衙一員鎮守小
埕則歲擇指揮領之○比菱有巡簡司舊爲荻蘆
巡簡司國初始易今名蛤沙有河泊所厓石峭
立如壁刻劉禹錫過此五字
古田縣在府城北二
百八十里
福州府志卷之二
唐林謫閩中記云開元二十八年都督李亞丘會
溪峒遺民劉疆林溢輩歸命乃狀其事以聞明年
四月二日命下立縣宋梁克家三山志云劉疆輩
詣李亞丘自言其祖父于咸亨中來此因古田畝
墾闢而居于是置縣而名古田今有劉侯廟在雲
津坊○縣治在屏山之南雙溪之滙雙溪者桃溪
劍溪也雙溪亭凝翠閣俱在其上有宋古田令謝
潛林唐陳杞刁宗諤諸公詩○按桃溪在縣西宋
縣令許當以詢諸故老云昔有述民山白沙溪沂
流而上至是境豁若洞天于時春風微和天桃夾

岸即故桃溪處溪西有湖曰小湖湖之上有山曰黃蘗山山下有寺曰寶峯寺寺之西南有臺曰羅漢臺許當桃溪詩云桃溪一何清想像武陵水所愛春風時灼灼花數里漁舫日去來無人識歸止安知歷幽源不遇神仙子陳白前題紫微溪流清誰得投竿處潭底落華星屋間披彩霧青髻躍綠波翠羽鳴嘉樹桃花依舊春誤引漁人步明王僧前題清溪一帶種桃花春來水上流胡麻東風尋源信確懼雲中遠見仙人家于茲水木相合景泉泉松杉亂天影少焉林壑衆猿鳴巾舄飛來片雲

福州府志卷之二

六

冷○劍溪有二源皆自比來至縣前合流委蛇澄徹其平若鏡舊人詩云水過雲津勢漸平雙溪滙作劍溪清漁舟來往無人見隔竹時聞欸乃聲○翠屏山在縣治北以形似而名舊名環屏宋李堪詩翠屏山下雨霏霏雲掩岡巒草樹微一段丹青誰解寫畫家惟有米元暉國初學士張以寧家此山下有甘泉如醴所著詩文曰翠屏集○西山在縣西峻絕于霄窮冬雨雪他山即消獨此若凝瑛委積李堪詩云西山岌岌倚層霄爽氣恒多瘴氣消誰道關中無雨雪年年絕頂見瑤瑤○鳴玉

灘在縣東溪石灘橫截中流亘東西岸故溪流觸石有聲如鳴珮玉舊有鳴玉驛涵碧亭宋景德中廢後易名平沙堂李堪詩云鳴玉灘頭月月生波光掩映釣舟橫何人隔岸吹長笛一曲涼州恰二更口堪景德間縣令也喜其臺山之勝嘗曰我死當棲神是山一日寺僧忽聞候車馬聲趨迎無有次早侯卒僧神其事乃私祀之嘉定七年縣令傳康誥部使者立廟山下賜額靈應右去縣西里許○金仙嶺在縣東石磴盤曲其巔遠望無際有爛柯石仙人跡李堪詩云金仙嶺頭樵子多負薪出山行且歌仙人對奕無心者只恐歸時爛斧柯○仙亭山在縣南元邑人項此舟脩道能行雷法知人生死有薛姑者邀舟往其家舟辭以衲衣方洗而天陰未乾姑請益虔虔舟乃仰天言借我一道路日光頃刻日射衲處衲乾日亦隨沒○月山在仙亭山之傍形如半月明高棟詩群峯多獻歲一峯狀如月半影出陰崖四時掛天闕松蘿散空攝蒼崖逼幽絕游于愛清輝迢迢步林樾○五華山在縣西南五峯連峙聳拔千仞山上有仙樓道院亦名仙山鄉民禱祀于此又名大佛嶺李堪詩云尋源

探雲霞中有金仙家綺疏晃飛翬雕欄燦朱華珍
禽棲不群靈泉流無涯清旭起風簷空香送天花
春雷會法鼓寒烟聚海茶奇峯峭如削芳樹一何
嘉且將翠閣齊絕頂紅塵除終然謝朝綬此地管
升砂明張以寧五華山歌大佛嶺盡小石來墨石
削鉄懸崔巍泉翻石根六月雪雨老石略千年昔
我行忽落青山外白雲四望茫如海發痕三點見
蓬萊明星玉女遙相待九華天姥昔何之人間有
山無此奇平生酷恨李太白不到闔山獨欠詩○
牛頭嶺在邵南里嶺紅而曲行二十里唐天成開

福州府志勝入卷之二

寺

建大雲寺一名牛頭寺宋張浚詩暮宿牛頭寺朝
辭虎節門東風知我意送我過前村程師孟詩前
日闔都舊長官窮冬從此據征鞍牛頭寺裏千峯
月水口村邊萬石灘竹葉盡來堂少暖荔支無處
地多寒明朝出境重回首已約三山馬上看三山
志云寺有寒林軒冠蓋往來多憩宿于此有程師
孟沈紳諸公詩○拍石巖在縣西北二里唐天寶
載僧志文建極樂寺于巖前李堪詩云桑門依綺
雲藻宇闢蒼岫天色湛瑤光春華結朝秀簷間綺
羅披池底星珠涵香沈篆烟餘文兼禹碑舊恬智

可養神寂寞復誰知迤邐磨葉後盤礴穿花溜閭
團草露晞瑟瑟空香逗層臺太虛半雙壑瀑泉透
苔空綠錢宛松老清陰瘦歸岑待沃州芥子觀靈
鷲淨土人不來塵寰廓然畫口靈異志云古山極
樂寺西廊鐘磬聲聞三百里宋朝有古鑑其啓三
寸紹興間賊射其法堂偏至今箭鏃尚在又殿上
有雕龍一夕風雨化為真龍飛去邑人章孝參詩
廊鐘默誦上唇根堂偏猶存箭鏃機假榻客忻春
雨霽倚欄僧看暮雲飛禪關未晚門先閉似恐雕
龍去復歸孝參淳祐間進士好獎勵後進洪天錫

福州府志勝入卷之二

寺

稱其爲大雅君子○孝參有雷峯寺詩三山志謂
晉大福開此岩一夕爲雷所擊裂成品字因名雷
峯是年僧法寶者自幽州來建寺于此因名幽岩
寺孝參詩云橋通流水綠溶溶殿閣穹然鎮象龍
半壁石槽通雪竇一龕蘭室占雷峯○去雷峯五
里爲西峯唐開元間僧法超建寺于此明林鴻詩
西峯雲外寺鳥道薜蘿蟠水接花源遠山藏石殿
寒占床閒聽雨野珮或紉蘭莫怪棲遲久南宮已
掛冠○又五里爲大日山唐咸通二年建大日寺
宋待制劉克莊詩來人云虎出當此到昏鐘寺小

于諸剎山高似衆峰未寒先得雪已夏尚如冬老子曾游洞微同九里松○鳳獅峯在慕仁里宋省魁蘇大璋詩早起聯鑪上翠微瞰虛歷級步嶽嶽昔聞華頂蓮生藕今見南山菊滿籬縱眼橫看天地濶壯懷惟有鬼神知安期引我丹霄路十里雲烟特地披○廟記云縣東三十里臨川有順懿廟宋知縣洪天錫碑畧云神姓陳家世巫覡父昌母葛氏生于唐大曆二年神異通幻嫁劉祀孕數月會大旱自脫其胎往祈雨果如注因秘洩產亡臨終訣曰吾死後不救世人產難不神也卒年二十

福州府志卷之二

世

有四自後靈跡顯著○順懿行官在水口驛西側有坑坑上爲橋頗稱宏壯俗呼夫人殿坑其坑水自縣南流入江與嵩溪匯故名水口宋太平興國中嘗遷縣治于此今廢爲驛○宋有監鎮官在水口元時革國朝鹽運分司設焉有浮橋橫于江津朝夕驗放○水口上五里有塔鎮亭西往南平北往古田分岐于此又五十里爲黃田驛又二十里爲滄峽與延平界其嵩溪公館則達于縣者也○縣東三十六都有杉洋鎮以出銀坑多礦盜設府通判駐守之今改爲北路海防同知給關防官

及福寧州縣○杉洋有藍田書院南唐員外余仁修建中有夫子廟朱文公書扁門人余偶立偶與其弟範建書室于杉洋之西榜曰西齋亦朱子書

羅源縣在府東北一百五十里

唐大中元年割連江一鄉置羅源場三山志云羅源溪名亦姓也一名羅川咸通中復割懷安地益之改爲永貞鎮五代後唐長興四年閩王璘爲縣初治于水陸寺側今兩溪間患水漂沒廢曆八年遷于戴坑即今治所明傳汝舟客羅源詩貼貼刷家鴿引我入山郭群峯儼獅虎乍對欲相攫金鐘

福州府志卷之二

世

無時鳴鐵嶂不可鑿烟氛日迷濛山海物交錯然廬井稀俗尚亦不惡老翁偶相見邀入把杯酒一笑謝老翁莫言禮數薄○羅川在縣治西百二十步源出蔣山接金鐘潭流至四明溪分爲三派曰中溪南溪後張溪流入松崎以達于海四明金鐘三山見後○鳳山在城內縣治之背山勢聳起兩翼舒展故以鳳名○南華洞在縣東一里縣志云宋進士林迥字子山任金華主簿後隱此洞中爲風月堂左爲天池窩右爲錦繡谷陳襄有寄迥林迥南華洞詩梅嶺風前習隱亭拂衣聊此玩真

經四時花木錦繡谷十里江山水墨屏猿鶴只愁
空北嶽鯢鵬終待化南溪知君不足榮軒冕未忍
鏘鏘去帝庭○縣東又有簾山山形似簾遮護民
居故名前後布列石筍仙人跡感夢泉山羊鼻石
虎支筆峯通濟橋馬鞍山雙石與簾山共爲十奇
云○萬石山在縣西山椒左一大石如盤上登一
小石如鼓右一石如籠有金雞棲其上相傳風清
月霽輒聞雞鳴鼓響之聲○又西爲四明山寰宇
記云屹然如削高列四峯中有古壇生釣絲竹其
上有石井泉甘如蜜澆之不渾相傳赤松子煉丹
福州府志勝入卷之二

世

聖

于此○文殊山在縣北一里狀如伏獅上有群石
亦名群玉峯旁一石孤峙頂上平坦鐫章突洞三
字相傳仙人章壽脩煉之地其右一石高廣方丈
宋邑令林確嘗夢此石電光四起明晨往視見石
罅中有文殊大士像遂依岩構殿以居之名隆興
寺時林氏爲銘刻于石○又北有紫霄岩五代之
李處州青巾賊亂邑有石氏二女長曰月華次曰
雪英皆有姿色涉獵書史遇賊不屈投淵而死里
人因呼爲石八娘岩○呂洞賓在縣東南里許嶺
有巨石中一白痕如劍迹不染苔薛世傳呂洞賓

掛劍于此其豐下里有岩亦云呂道人脩煉處岩
高十餘丈方廣百餘丈石罅有仙人脚跡名道者
岩○象山在縣西南三里俗名登高山狀如伏象
上有大石平坦可坐旁多嘉木舊志云上有晉時
塚三磚各印元康元年始改晉郡爲晉邦凡十一
字○金鐘鐵嶂二山相連一圓如鐘一峙如屏各
去縣五里元王周文題金鐘山詩造化爲爐迥不
群沉沉深映碧山雲霜風午夜清如水好使清音
遠近聞宋余元太居此山下元太登甲科嘗米邑
中先賢事蹟可傳者名曰鐘嶂佳話其後邑人陳
福州府志勝入卷之二

世

聖

燦爲之補遺○仙茅山在徐公里兩山相連曰大
茅小茅相傳徐登嘗仙茅于上山有泥鼓恭盤石
羅喜洞洞深數丈中多奇石環者如垣敞者如壇
級者如磴窪者如盆有泉無源汲之不竭○洞宮
山去仙茅四里許其山發脈于崇安武夷高三百
八十步下有神姥石舊記昔有仙姥自縣來所踐
之跡入于磐石三山志云洞宮天慶觀在縣北六
里唐天寶七年五月十三日望其在廣州私置老
君像尚書岫廉問而知之始奏置觀給山度道士
○匹石岩在招賢里一石突起高數十丈下有精

盧僧秀者嘗見一道人來游啖以鮮笋因朗吟曰
天風扶我步崔嵬此是登臨第二回長嘯一聲川
谷應山靈知是道人來吟畢以手畫石作回仙岩
三字秀始知爲仙也山此遂絕烟火○閩郡記云
招賢里有南海巡簡司今廢羅平里有疊石公館
今存按志飛來石在羅平里山頂一峯突出有巨
石平如砥小石疊其上故名○鶴巢在縣南拜井
里江中與松崎山相對上有佳木蕃茂鶴巢其頂
又有金爐嶂在縣東根盤海曲與楊梅灣並峙

閩清縣在府西北
百二十里

福州府志勝入卷之二

廿六

通志云縣之梅溪與大江匯江水濁而溪水清故
曰閩清本侯官縣之北境唐貞觀元年析置梅溪
場五代梁乾化元年改爲縣按梅溪源出木福縣
山由縣北之和豐坊達西南入江有梅溪舖東達
眠石北通甌口其地多種梅樹故名○里許爲臺
山山勢平衍其狀如臺縣之主山也又爲鐘南山
上有盤谷舊經云昔二人果糧入山憩草屋下忽
一人自外至袖中出芋數枚撥落葉煨以相啖遲
明失其處但見木葉盈尺題詩其上云偶與雲水
會不與雲水通雲散水流後杳然天地空○鐘南

福州府志勝入卷之二

廿七

之左爲芹山有仙源道院舊傳宋白玉蟾煉丹處
玉蟾本縣之葛氏子名長庚其大父爲瓊州教授
因不歸而玉蟾生于瓊州早孤遂從其母姓白嘗
游黎母山遇神人授以洞玄雷法後歸故鄉尋居
武夷山飛昇其下有度仙橋舊傳黃天谷訪徐葛
二子于此又有積善院宋大中祥符間建狀元許
將輩讀書于此將有詩云爲愛出居樂山居倍憶
家菊黃來日盡梅白舊時花水濶離情劇霜晴別
路賒前林回首望空指暮天霞○鳳皇山在縣東
北以形似得名宋治平中陳祥道與其弟安道賜
上居山下祥道安道舉進士賜應賢良科鄉人因
號其居曰起傳岩祥道著禮書一百二十卷賜著
樂書二百卷祥道從子剛中建炎間進士官廸功
郎論恢復大忤秦檜與張九成等同謫差○太湖
山在縣東去縣十里山之椒有湖約半里許唐時
徐趙二道士築室湖濱得呪水驅雷之術開成中
春夏不雨遍禱無驗鄉民登山致懇二道士使劍
飛符頃之龍自湖中起澍雨沾足而湖水盡涸數
日乃復自此二道士徙去不知所之或疑爲漢徐
登趙炳化身云○鐘潭山在縣東南大江之濱與

候官梅埔接界潭在山下蛟龍出沒人不敵近其東爲鍾湖輿地廣記以湖中有鍾故名湖泥如瀟淑環生蘆荻其水應海潮盈縮○鼎峯在縣西東邑人林正卿構龍門卷于山之陽黃輿記畧曰山折爲二支東西迭迎而相向俯而相就卒而交互以入于海溪之水沿山而流若往而俯若抵而擱若停而溜莫知其所自出如是者十餘里然後聳爲巖岩瀉爲三灘崖東灘駛率崖澎潄露怪呈奇不可名狀其西有檉峯比通尤溪上有檉樹根分而枝合大數十圍陰蔽數畝○甯錢山在縣西南福州府志勝不卷之十十六都唐乾符間一夕山上有聲錚錚焉及旦視之雨錢滿山以億萬計樹木皆折據郡志則云乾符中池錫家雨錢數萬其家畜一鶴日盤旋山間下平庭除因號其山曰朱頂林曰白鶴云○大帽山在縣西十一都接永福縣界通志云峯之巔舊傳有鼓聲或月一二鳴或經年一鳴時有雲覆其上東南爲龍都峯屬永福界其下爲白面山有岩壁立白色望之隱隱如人面故名溫泉是出洵洵不絕○偃草山在十八都山之草有一道偃而上一道偃而下相傳永福張聖者宋紹興間爲白雲

寺頭陀嘗因飯牛見山巔有仙人圍棋往視而仙人去追之莫及遂仆于地下而復上所經草隨之而偃鐘去復生

永福縣在府治西百三十里

晉安記云東晉永嘉之亂衣冠士族多依于此唐永泰二年節度使李承昭奏置縣名永泰從年號也宋崇寧間避哲宗諱改今名○越峯在縣南一名越王山舊傳越王無諸嘗游此宋開寶中建越峯院院內有玩芳亭也今黃子理書侍郎吳棫詩云野僧迎客笑開關更拂殘碑薛字斑徐姓仙歸福州府志勝不卷之十山洞碧漢封王去漫青山影來秋月林千缺聲落春風水一灣焙茗蒲甌湏強啜過橋車馬使人間○越峯之下爲雙溪雙溪者西溪南溪也發源縣西南亂山匯于重光寺前流入東溪溪傍有巨石平坦可坐元王翰醵釣磯二字○重光寺唐大中年建宋宣和間改爲神霄宮建炎後爲寺元大德年重建因名重光寺吳拭詩云上窮蒼石梵成蹊祖意誰參隻履西晚閣濃陰雲半籠夜堂清影月雙溪池開今日青銅鏡碑立何年碧玉圭靜覺官名微可笑南華經裏一醯雞○摩笄山縣之主山

龍其影落于鑑湖方如首并故名○鑑湖在縣東
北一名冲灣潭其深莫測邑人黃泰少與群兒戲
有水俄頃疾風暴雨陰暝不辨人色石物皆鱗鬣
掀舞泰視之乃龍也群兒恐走未達岸龍露一爪
及泰肩衣袂成文泰以爲瑞匣置之○鑑湖與龍
窟隔仙掌山卽仙掌坪也地脉聯貫每霖雨汎濫
先經鑑湖未至大溪而龍窟水已增數尺○又五
里爲極樂岩宋大中祥符間建極樂院于此岩形
如伏獅中有洞四可容百十人最下洞有石龍二
盤繞洞右龍領下滴水有石盆承之○能仁寺在
福州府志勝八卷之二

功行成將入山煉丹埋棋子田中涌土成墩植牛
杖其傍旋生芝草成與兄弟姊妹七人仰之同
時上昇故其地七仙有亭趙二真君有祠云自衆
仙羽化莫詰其數數百年後有浙僧携小師來
主寺偕至徐君坤得二石室乃鑿山通道飛磴自
石門中出始盡發地秘其東室明潔而有水簾自
千仞崖巔垂空而下如其門之廣西則去洞數十
步有石龜與石碁盤對立故老相傳龜舊在室中
徐君叱而出之通志名紫雲山其上常有紫雲如
蓋故名山有泉金色亦名金支山僞閩將刻天封
爲西嶽自山下至頂道皆拾級級約數百巨石墻
立道出其中逶迤復百餘級至放雲峯始平坦又
數百級至佛殿西轉則石壁插天洞穴維厝垂崖
側逕步通來往逕傍奇石挺立若鳳者曰鳳立臺
壁鑿盤曲若螺旋者曰螺旋若螺旋之上水簾滲
滴其洞口水簾洞所謂西室是也崖下承水簾以
池曰龍吟池杉木連抱枝皆猗猗下垂山佛殿而
東數百步爲東室其室木一岩也予有詩云一岩
木曾斷強別東西隈屢拂珠泉落驚逢石室開寒
潭首下湧古木向空栽霜月林花發非關節序催

○方壺岩與石室對峙相去三十里岩中石室亦有二其下有泉淨照毫髮中有紅魚腹下四足舊志里人張聖者農家子貌絕醜採薪山中遇異人嗽以苦桃又飲以瓢中水自此絕粒素不知書獨援筆能作字言人休咎往往奇中○藍田山去方壺四十里其下爲輔弼山有藍田官朝元閣先是五代末有妖憑于是山爲鄉里患宋崇寧初有吳秀士自德化縣來効之妖遂遁去秀士自諱其名但稱龍溪先生因結茅居焉辟穀導引人莫見其面者四十餘年一旦揚袂不知所之○大張山在

福州府志勝入卷之二

里

縣南寄隆磅礴若尊貴人燕坐而諸山環拱其旁如侍立然○鎮壽山在南山下村名埔垵唐宗室李氏所居有鎮壽廟于家上署侍郎韓愈押故以名其山有渡曰湯泉渡溪澗大小二湯人分浴之○六洞仙山在縣南唐元里極高而秀舊有神仙居之風雨晦冥時不可測又有音樂出岩洞外樵夫沿崖至其地遇二人對奕越明日再造乃不復見衆以爲異遂刻六洞仙像于其上對面南山有三石室中室有一石龍四面雲霧分明如斷如畫龍口出泉鑿井水之四時不竭山上有仙篆十字

灑落奇妙其管其無鐫刻之迹如指畫成文欲以篆書字屬號譯之未暇也蔡襄釋云公道守一止右不宛術九字然亦莫得其據○三山記云仙書有二一在仙人山一在中和寺黃坑之崖其字畫生如草龍無如稿恍或水銷而未既或布衣地上枝葉不屬而脉絡皆通疑開闢之初孕雲結實移摩山川未易以今書通也○白鶴岩在縣北十九都岩極高秀前有飛瀑舊傳仙人煉丹于此有白鶴飛來故名又五里爲曹溪岩上摩蒼穹下臨深澗微有一徑着是舊傳張趙二仙嘗經于此仙厨仙竈俱在○石壁在縣東四都古識云天寶石移瑞雲來期龍爪花紅狀元西東宋乾道間天寶瑞雲寺後崖石橫山而行齧地成溪既而此石松上生龍爪花是年蕭國梁魁天下繼而黃定又魁天下人以爲應○方廣岩在縣東七都距溪口五里由山趾盤旋而登三里許至天關兩石相倚上合下開若郭門有泉自門外流出其瑩如玉名玉泉洞再折而入兩石對峙行者側有其中歷數百級至岩若鎖兩峽橫林其巔山峽底承岩以臺高一十五丈山臺至岩巔高一十一丈臺平

福州府志勝入卷之二

里

如砥廣三十餘丈深七丈有奇而石乳參差下垂
若懸筆者滴露者馬蹄者玉環者梭子者龍頭者
又若樹者曰仙桐若櫛者曰仙櫛若芝者曰仙芝
若龜者曰仙龜西隅有若龍尾者消消吐涌有若
燈者每陰黑時耿耿現光中堂半壁後開小室若
龕潤四丈許高如之深一丈龕中亦有石乳紛
大者如象鼻墜地者若馬棒若龍樹若岩下有
石曰龍爪龍爪之後有人形立壁間是名觀背影
龍尾泉之前五丈許水簾懸于簷端隨風大小變
幻不測雨後漏瀉蓋于全室由水簾內而東北半

福州府志卷之二

望

壁小磴潤僅容足側行二十步別開一室可布兩
席是名靈羊窟宋張世南記畧云方廣若往昔荆
榛家其不可上給事黃公命僕剪荆而上抵一石
室下可蔽千人鄉人卽其地奉浮屠後數年水暴
至漂一巨木長可丈餘廣半之卧山下者累月風
雨晦暝之夕往往若有神光亡何有異人來蕭蕭
爲賓頭摩尊者像像成不受直真知所之自造像
後香火日昌室內遂構閣三層不數片瓦雖疾風
暴雨不能犯詹事王公十朋曾游作十奇律詩五
言六十字宋黃非熊題玉泉洞詩百八寒泉漱玉

鳴洞門斜入石廊橫烟霞不改古今色山水無閒
朝暮聲窺洞野猿懸樹立驚人啣鹿上岩行有時
寫畫琴中趣風定千林月正明瑞松塢在天關右
誰種靈松近佛家根盤深塢闌鐔蛇風吹碧落雙
龍動月照黃昏兩蓋斜十里雨聲喧洞壑半空清
影浸雲霞山僧長日頻來賞只恐春來起爪牙望
仙臺在岩頂之右亭前高嶽宅神仙登石誅茅對
碧巖雲霧不分人去路管絃長動雨來天影鸞呼
侶歸殘照野鶴嘶花下紫烟誰識蟠桃最深處劉
郎風骨已雙全龍樹岩云碧岩孤立嘯猿峯高狀

福州府志卷之二

望

藤蘿十里松三面石山橫疊嶂一株松樹倒蟠龍
風雷聒地濤聲烈日月摩空翠影重憑仗高僧好
珍重看看雷雨化靈蹤聽泉岩詩萬籟澄空天地
秋清音不斷下悠悠山前一斤月留影石上幾番
僧白頭未必素琴方理性何須芳草始忘憂堪嗤
朝市區區者祇聽笙歌醉則休清音洞詩群山如
削水如繩一洞清音氣味凝風送松聲歸遠壑日
移猿影下垂藤林僧倚杖看泉脉野客橫琴坐石
稜回首碧岩鐘動處雲臺猶在最高層吳錡方廣
岩紀游曾訪神仙岩洞來人言偉觀似天台藤蘿

足下猿猱鐘磬聲邊日月開燈續佛光凝紫翠
雲將蜃氣作樓臺最憐貫石神龍尾猶帶天東雨
露回元林泉生前題上方樓閣倚空明磴路如天
鳥亦驚屋頂石岩常欲墜簷前瀑布雨不能晴龍湫
千古風雷氣山殿六時鐘磬聲最愛白雲飛不去
半山飄泊伴人行明林鴻前題玄岩太古色恍若
入鴻濛一徑攀躋盡諸天杳靄中雲歸山殿冷月
出水簾空靜境離言說冷冷松桂風○懸漢岩與
方廣岩相連萬曆丁未陳益祥始披荊開闢高十
餘丈廣五丈餘左連潛潁岩高廣與懸岩等而石

潁州府志勝不卷之二

界

狀

滂懸其左肩○九天岩在懸漢岩石形如覆鐘之
半高二十餘丈泉掛其巔左則石壁峻削高懸半
岩間有石室濶五六丈深如之室中突起石峯玲
瓏若昔陀岩岩前百許步有淨瓶石曉經臺獅子
岩各高十餘丈峭足而峙亦陳益祥所闢○方廣
岩之下爲葛嶺嶺下有赤壁瀨溪畔削立懸崖多
赤色奇秀可愛元王翰鐫赤壁二字于上明陳仲
濤赤壁瀨詩客路纔經日舟行入幾重載流多是
石繞岬半爲松潭影搖空翠灘聲急暮春一樽聊
自適看盡最奇峯○太原灘在縣東十一都閩中

記云唐太初中縣令王君罷秩驪舟于此王令因
邑人留餞至夜未抵舟其妻題詩于石曰何事滯
郎重別筵君心未斷妾心懸太原灘下相思處猿
呌山山月滿船宋政和中縣令陳武祐大書刻石
○龍都峯在縣東六十里西去高蓋山亦六十里
按三山志曰龍都峯今志曰雞岩或曰姬岩西北
有玳瑁峯數百武而近玳瑁語訛爲大昂其峯比
之半有白岩即閩清縣界通志閩清有龍都白岩
是也龍都之西石壁對峙高可三十丈中爲出入
之路廣二丈有奇路盡處平坦爲坪而建佛廬南

潁州府志勝不卷之二

界

狀

望諸山皆在屏下佛廬之東巨石突起山趾微出
于地三丈餘自山趾仰視高廣百餘丈其巔爲片
瓦是謂石室之一登瓦背去地二丈餘上平如砥
可布十餘席石南小嶠若座座傍小嶠若罍罍者
名曰釣龍萬世傳趙真君釣龍處由瓦背東下復
有瓦即前瓦之東隔以石壁者也倚壁石座隆起
爲天然榻是謂石室之一自此旋轉而下三十丈
許又折而北登二丈許兩石壁立相去二尺高可
二十餘丈入其中二十步視天若一線北壁之趾
實而爲龕者龍都也高廣各丈許又視乃瞻龍以

火燭之半壁有石龍矯首龕北疑必生成者龍之
口鼻皆燥承以石孟泉滿而不溢禱雨者金鼓震
響則激泉出龍鼻承之而去雨立至轉龍都而西
北爲觀音岩寺石覆地是謂石室之三其餘玲瓏
竅穴不可勝數而皆具于斤石云又出佛堂北登
其上若敦丘中戴磐石其聲隆隆是謂石鼓石鼓
之西北爲玳瑁峯高出諸峯之上其南爲雞岩俗
呼金雞罩五岩相聯其一頂若覆釜次岩東向酷
肖雞喙而有廣洞可居四岩有薛真人祠址瓦礫
猶有五岩自頂攀援而下有天然石階七級下階

福州府志卷之六

四

數武有石岩覆爲雷劈洞側身而入內若廳事上
下皆平高可丈餘從傍石罅深入降而復登盤旋
不覺乃出岩頂宋侍郎閩清陳陽出龍都峯往游
高蓋山及還自高蓋題詩洞門云岩頂風雲常不
散洞門日日吐烟霞濟時偏解爲霖雨信是神仙
第一家此詩刻于洞門石壁○陳山在縣南十一
都山酷肖龍形路通興化有十八摺唐妙應祖師
嘗居此以手指水水爲流轉因名轉水巷山下有
溪十八灣通福清縣○斗湖山與陳山並峙上有
四湖又名側湖湖傍有田每稻熟輒爲鹿豕踐食

又山高風猛勞而無獲萬曆間縣令徐嘉言以畀
方廣僧某躬自開闢而鹿豕遠遁風不爲災遂成
腴田○大章山在縣東六十里唐有郭如菴上居
之清露冲照二長老菴菴所設領高論不覺及夜
豺狼奔前自然馴繞謠因有詩云行不等閒行誰
知去住情一餐猶未飽萬戶勿聊生非道應難伏
空拳莫與爭龍吟雲起處開嘯兩三聲○距大章
二十里爲觀獵山舊傳閩王嘗觀獵于此元末靈
武王翰來隱後死國難遂稱官烈翰子儋有官烈
牛路春耕詩晨光照墟世屋下春泉鳴驅牛出東

福州府志卷之六

四

阡旦作農事耕不世勸力劬但願禾黍成遐哉鹿
門意千古斯能并高廷禮前題淺渚蒲葦長深村
杏花吐東皇春事興盡室相隨去谷鳥勸我歌青
川澹吾慮日暮望柴關牛涔取歸路○其巔爲鴈
湖鴈湖以群鴈所棲集也地高而水深勢與雪峯
相望古語云鴈湖深雪峯沉鴈湖淺雪峯見卽此
王用文詩鴈去湖空野水深秋風吹客上遙岑卅
楓盡逐孤臣淚黃菊空憐處士心雨後諸峯浮夕
靄霜前一葉送寒陰停車欲問當年事尺素何由
到上林用文詩字也上元爲總管至正末避地隱

焉。我明一統詔至布衣吳海昂之自縊死。○翰
與子偁俱葬于龍泉山。山有小雄淵及仙巖二龍
潭。極稱險絕。脩宇孟敬官檢討有讀書堂在此上。
孟敬遊小雄淵詩。陰鳥變殘雪。新流吐溶溶。偶尋
一徑徹。獨與採樵同。兩崖濕花霧。泉窈吟天風。雲
根濯苔髮。亂篠相冥濛。盤巖折磴道。似覺冥搜窮。
石門忽中斷。曠望開煙叢。蘿雨濯毛髮。松桂清心
胸。了然青川霞。照此龍潭空。始知人境外。別有仙
路通。

福建名勝志卷之二

福州府志卷之二

福寧州

在省城東北五里

領二縣

按福州府連江縣志。晉太康三年。析侯官縣。置溫麻縣。而本州志沿革亦同。其縣治在今州南三十里。有鼓樓連山上。今猶以鼓樓名山。以古縣名其村。然則是畫州境。以至羅源連江皆溫麻矣。是時屬晉安郡。隋開皇九年。廢溫麻縣入豐縣。置長溪縣。蓋以浙江慶元之水流入州境。今福安縣下達古鎮門入海。其溪逶迤數百里。故謂之長溪耳。既而都督王義童自龍首岡移治於連江之北。改名連江縣。而長溪縣治爲寧遠鎮。嗣聖十三年。復置長溪縣。而連江自爲縣。如故。元至元二十二年。始陞長溪縣爲福寧州。領福安寧德二縣。屬福州路。我洪武二年。改爲福寧縣。成化九年。仍復爲州。領二縣。如故。直隸福建布政使司。○宋長溪縣令楊志鼓樓城山懷古詩。興廢何年事。無由問老成。化爲堯率地。留得鼓樓名。石塔添潮影。銅壺斷漏聲。我來空吊古。恨不賦燕城。王十朋入長溪詩。老矣倦遊宦。入閩知山川。三山疑隔海。九嶷類鑽天。挿稻到山頂。栽松侵日邊。長溪水無限。前

公卷之三

張

華峰在東門外南齊永明元年建寺曰建福唐景

大卷之三

44

提

嘗題所居云竹籬疎見蒲茅屋漏通星又云石頭

磊落高低踏竹戶玲瓏左右開蓬與林嵩有詩文之雅宋紹聖間邑宰熊浚明作縣記載嵩曾孫仲荀有地里志得之黃忠忠得之白水仙云○大瀛山在城東北隅唐景福中有僧建大瀛院於此院東有小山高峻摩霄僧因獨居其上絕粒十餘年有虎爲物所餒開口向僧僧爲除去後每騎之下山州志云卽靈祐祖師○去城十里爲赤岸唐林嵩居此乾符乙未登進士詞賦爲一時之冠觀察使李晦奏改其鄉曰勸儒里爲擢秀以旌之三山志云擢秀里有文翁龍首二橋皆因林嵩得名○

福寧州志卷之三

四

赤岸之左爲深澳嶺其東有巖曰東巖巖左有龍井雲氣常蒙其上右有池曰鳳池○東巖之後有馬仙巖相傳昔有仙人馬姓者居此巖頂平處可坐七八人遇旱禱立應就地穴坎隨其人數湧泉可給之飲元末王薦性至孝母沈氏冬月病渴思瓜薦遍求不得行至此嶺值雪仰天而哭忽見石巖間青蔓離披有二瓜因摘歸奉母渴遂止我太祖高皇帝御製孝順事實載其詳又有詩云母渴思瓜正歲寒那堪山路雪漫漫雙瓜忽產空巖裏歸奉慈親痼疾安○里許爲鐵障山其色如鐵

故名相傳馬仙姬煉丹于此井曰尚存又名馬冠山亦名昆田山山勢連亘數十里高聳凌空望如半月之狀宋邑人楊詩詩陳家宅廢垂畦暗馬道冠亡羽觀空惟有山南古程氏雕簷一簇翠烟中○靈石山在城西里許唐咸通十年建龍居寺於此五代周顯德元年僧雅公建庵以靈石爲名是時有義韶者清潭謝氏子居常不食着紙爲衣一日赴赤岸齋被人推落深潭咸以爲死矣無何先至齋所紙衣不濕每出入山林輒有虎隨行常買肉與食因人譏訕遂不復買虎饑索食食以一指

福寧州志卷之三

五

宋太平興國七年重九示寂虎亦遯跡其真身至今不壞○南峰在城南三里峰頂岐首有三亦名三台山山下有南峰庵徑路詰曲中有古榕樹懸根對峙人行其下宛若關門明傅汝舟詩古樹上危根依天巧作門雲飛不在外虎過定銷魂野客逢迎少山僧出入尊朋遊坐不厭葉落滿金樽○又三十里爲洪山勢極高峻遠望溫台如在目中舊傳晉葛洪在此煉丹故名山有石洞洞內有石屏石几碁局之類皆泮然天成上有篆文六字人莫能識洞口又有石竅清泉一泓通于海深不可

湖名曰海眼具西有人鄉出石馬峰間龍潭釣魚
石桃坑精洞東有三了嶺宋韓伯修詩壁立東南
第一峰間知名是葛仙翁丹砂竈逼雲頭近玉井
泉流海眼通六字儒文入篆刻數間洞室石旂幟
我來整屐層巔上無數巔峰立下風○又十里爲
霞浦山浦中有高黑玄黃四嶼日出照映江水如
霞故名山有文筆峰繪羅漢爲飛騰顯怪之狀宋
霞浦里人莊元美嘗夢到陰府吏命誦度人經且
曰汝前生陀羅天知之乎元美唯唯既覺朝夕受
持不怠每誦經有五色螭牛數百集花木之上若

福寧州志卷之三

六

諦聽者自是不食烟火乾道六年家人聞戶外有
聲燭之見五色鳥大如掌高六尺許元美曰鸞鶴
至示吾行期矣遂書偈而化宋謝邦彥詩十里巉
環一浦煙山蒼水碧兩鮮如漁人若問翁年代爲
報迤秦不計年○又五里爲牛跡山山脊兩凹相
向宛如牛蹄之跡溪水圍繞至其跡痕乃沒入地
中潛流四十餘丈滔滔有聲雖霖雨瀟旬上可步
履過此則水復出舊傳有仙人乘青牛飲此水爲
之洞云傍有石壁峰石高如笄壁立千仞春夏青
碧如畫嘗有仙人取水於石下人或見之○又五

爲羅浮山耆老相傳此山浮海而來泊江可避
北風若南風則石崖齒齒難近傍爲石筍山上有
清泉一穴又海中有文崎山與武崎山相向廣袤
五里週圍皆海水上有玉井鍾冠二峰羅漢巖金
牛跡桃花村梅花陂諸勝宋韓伯修詩云休問桃
源路尋梅暫往還梅花自知已何必定湖山○又
二十里爲紅山一名小洪山以高峻亞於洪山故
名上有石洞有天池濶二三畝四時不涸名龍潭
有大小風門天欲雨則吐霧又有蓮山五峰攢簇
若蓮花山麓有大小二石龜其色瑩白形體皆具

福寧州志卷之三

七

首尾欲動亦有坼文○又五里爲南金山相傳有
客假宿山下人家明早遺金二錠而去主人兄弟
追客十里許還之客謝曰得金不取異日聲價當
比南金後人因以名山又名大金宋時大金有鄭
轅以理學稱又有鄭君老十歲能詩十七登成淳
戊辰進士○相近爲浮瀛山一名浮屠山上有四
澳宋元間居民蕃庶鎮北大將軍林國祥嘗居於
此望海甚遠宋縣令劉鎮詩絕頂試窮千里目烟
波深處是琉球○太姥山去州東百里而遙高十
餘里週遭四十里舊名才山力收錄云黃帝時容

城先生嘗棲其下石枰石鼎石臼尚存竟時有老
母居之業種藍家於路傍往來者周給不吝嘗有
道士求漿母飲以醪道士因授九轉丹砂之法服
之七月七日乘九色龍馬上昇里人神之名其山
爲大母漢武命東方朔校天下名山文改母爲姥
唐乾符四年僧師待建興國寺於山之東咸通初
林嵩建有草堂讀書基址尚存亦名草堂山嵩有
記云山舊無寺僧師待始築居於此乃圖其秀拔
者爲三十三峰遊太姥者東南入自金峰巷東入
白石龍庵卽登石庵又山外小徑自北折而東亦

福寧州志

卷之三

八

入自石龍庵西入自國興寺寺西有塔北入自玉
湖庵庵之東爲圓潭庵國興寺東有巖洞奇石萬
狀曰玉笋牙籤曰九鯉朝天曰石樓樓下有隱泉
曰觀音洞曰仙童玉女曰半雲洞曰一線天石壁
夾一小徑如委巷石罅中天光漏入僅容一人行
長可半里躡磴而上路中曰牛背石石下曰萬丈
崖崖上爲望仙橋橋西曰白龍潭有龍伏焉洞中
絳絳如鼓聲潭之西曰曝龍石峰上曰白雲寺又
上曰摩尼宮後有頂天石石有巨人跡二可長二
尺山高風寒夏月猶挾纈樹木無過四尺者石皆

狀殊秋霽遠望可盡四五百里雖漸水亦在目中
乾符六年記曰秦川記云摩霄峰在山絕頂東南
北三面皆海西向爲州窮於省會諸山東望漸之
温台稍南而西爲南界五嶺皆隱隱可辨相傳太
姥乘九色龍馬至此摩霄而去故名按師待圖有
新月峰牙冠峰神羊峰迷頭峰寶旌峰仙女峰仙
童峰仙仗峰象簡峰呈珠峰閭玉峰碧鈔峰怪石
峰三靈峰指天峰捧玉峰摘星峰飛龍峰靈龜峰
龍角峰天主峰凡二十有二而摩霄不與焉然此
山千峰林立摩霄之外尚有仙掌峰石虎峰懸鐘
福寧州志

卷之三

九

峰石筍峰撥雲峰卓筆峰童子峰蓮花峰石鴉峰
飛仙峰基盤峰隱真峰鉢盂峰三台峰疊石峰
龍峰三枝峰三靈峰和尚峰巖巖則有老鵝巖湧米
巖羅漢巖荷葉巖新成巖天冠巖扞巖石則有浮
屠石和尚石彈丸石鍾離石蟠桃石鑿堯大盤石
玉匣石蟹鈴石鋸板石九鯉朝天石獨鯉朝天石
小盤石洗頭盆石雲板石浴盆石金剛石鹿嚼花
石雷轟石三台石石龜石屏風石獅石門石鸚鵡
石象石蟲石筍石天門石麒麟石船石鼓石鍾石
樓石門皆山中之絕奇者曰一線天兩石對立約

百餘丈中劈小徑僅容一人天光漏入長可半里
○石巖洞一名石門關在玉湖庵之背絕澗重岡
詰屈可五里懸石塞路下有洞高三尺許穿之以
入三百武爲庵○落星洞在巖洞上從太姥墓左
折登數百步巨石側立道周投石罅而入兩旁峭
壁夾立如巷長十餘丈一墜石懸空塞道從其下
穿入復有石洞豁然石斷處架竹爲橋如是者三
始達竹園○小巖洞在大巖洞上三里有岐路鑿
石爲級上而復下循山脊行右折過獨木橋有二
巨石對峙如門稍進懸空石洞高廣倍於落星洞

福寧州志勝入卷之三

十

○滴水洞在石天門上懸巖倒覆泉滴不竭有井
承之寒冽無比○藍溪源出山頂每歲八月烏桕
葉落溪中色皆秀碧俗傳太姥染衣居民候其時
取水漚藍染帛最佳○玉湖在山麓由太姥洋登
嶺五里許松桂竹木扶疎蔽天澗泉一道泠然有
聲而漚於庵前半畝○太姥墓在巖洞前一石跌
如龜背豎壑堵太姥既上昇里人思之虛爲立墓
於此墓之右爲小龍井懸石嵌空滴漚不絕井廣
五尺許俗名通海窠稍進復有洞低暗窪濕內有
石級數十上而復下豁然有天通巖洞庵後而出

○太龍井一名白龍潭在摩霄峰下三里許危石
棋累下臨百仞入者絕藤而下至洞口深黑燃炬
而入行曲折數十步過木橋至新成巖相傳有沙
彌墜井中三日旋浮官井洋而出又二丈許達大
井口有巨石若龍頭踞而覆之水深數步得木梯
乃可下底皆沙洲廣二丈餘前後二孔一承巖上
飛瀑倒瀉如雷其一深窄無際仰望有窾通天陰
氣淒冽久立毛骨皆竦○丹井在滴水洞下相傳
容成先生居此修煉嘗苦乏泉忽一夕裂成是井
有虎守洞有猿候火及丹成猿虎各食其餘虎變

福寧州志勝入卷之三

十一

黑猿變白今猶有見之者○望仙橋在摩霄庵下
西南半里許下臨絕壑有石磴百五十級名天梯
一名半雲○崑洞庵一名半雲洞去巖洞半里許
倚石爲門度石橋再折而入橋上可望仙人掌九
鯉石巖崑峰○金峰庵在望仙橋下五里許唐咸
通間僧惟亮結茅於此終日宴坐每月下山乞米
一次日用二三合者野菜雜食之或轉施貧乏則
經旬不食其後爲樵火所燬遂改居柘洋唐薛平
之太姥山詩揚靈窮海島選勝訪神山思斧巧開
鑿仙踪常往還東甌冥漠外南越渺茫間爲問客

成子刀圭乞駐顏宋劉鎮前題袞袞千山入馬蹄
山遊回首日平西人從村宇鳴時別天向蒹葭盡
處低白鳥得魚開釣艇黃蜂抱蕊開花枝好將老
姥山前路付與孤猿自在啼鄭樵題藍溪寺前蒙
井靜涵空碧色瀉自翠微巖品題當第一不讓慧
山泉將文嘉題藍溪萬仞嶙峋翠色迷乳鴉啼散
夕陽西短簷黃犢溪頭路欸乃聲中綠樹低黃通
題石船舟泊山頭久不移滿天風浪任相吹世人
自愛沈緣海停棹千年欲渡誰陳旂言題太姥墓
吾聞堯時種藍姬世代更移那可數帝堯朽骨無

龜窟月志卷之三

十一

微塵此間猶有堯時墓墓中老姬知不知五帝三
王奚以爲狼貪鼠竊攫尸土窾木未枯已易主君
不見仙人掌分明指取青天上騎龍謁帝大羅天
不逐華蟲挂塵網又不見石基盤人去盤空局已
殘當時勝負此何有爭先奪劫摧心肝請君絕頂
試披寫左望東甌右東冶山川不見無諸搖但見
烽烟遍野老吞聲掩淚哀茫茫滄海生蓬萊
元陳陽極白雲庵詩緣圖躡丹崖東風拂瑤艸飛
鳥時往還山閉白雲老陳陽純妙香庵詩一棟暈
飛鎖白雲幾看瑤月到黃昏金燈木滅僧初定風

挾潮聲到寺門口太姥山下有九龍墩白城東清
海行百一十里王烈蟠桃記云堯時有老嫗得九
轉丹砂法七月七日乘九色龍馬上昇而此墩爲
嫗舊居故名○崙山在城東南海中山高而中坳
如鉢蓋後舊名蓋山有三十六灣傍有長山有嶼
曰日嶼中有七星山蓋出州東門三里迤南而西
水天茫茫浮於水面有臺山官湧山屏風山筋竹
山四瀧山此皆在烟波之中難以里計及其方隅
也○望海山在城西北七十里去海百餘里勢極
高峻上有石池四時不涸又有稜層石礪穀無數
粘其上傍有鐵壩山下有龍井又有奎宿峰宋
名氏題詩云山當奎宿射滄溟漢光芒奪衆星
張華空識豐城劍不問奇峰在野坳○又五十里
爲飛來山上有石崙軒豁幽邃相傳異人修煉於
此已而飛去明謝伯陽詩蓬萊海上青嶺如此出
比之何其然冰崖六月洒秋雪芝艸九夏浮晴烟
當林亂木不知數石洞仙人在何處借問吹簫騎
紫鸞從此巖頭獨飛去鄭樵前題三台石室碧重
重踏破烟霞有路通霞徑雲開仙竈冷採芝人去
洞門空一溪流水鳴寒玉兩岸桃花咲煖風幽巖

龜窟月志卷之三

三

東山去州城百二十里東望海外數百里諸山皆在履舄之下懸崖聳削積雪不消巖如南海普陀有泉一勺大旱不竭元末大亂諸鄉各起團社有袁天祿與兄禮文安文深文皆最驍勇因保柘洋為泰安社州之賦稅訟獄皆歸焉久之元國公大耳亦以照會授天祿江西行省叅政時我

太祖取婺州天祿遣古田尹林文廣納款寓內既定有詔召天祿赴京天祿懷疑于道自殺今袁氏子孫雲盛亦有為青衿者嘉靖末倭奴千餘攻其福寧州志勝八卷之三

頽堡袁氏三十人出戰賊不得志而去○任公嚴

與柘洋相連昔有任公棲隱於此夜眠石磧嘗驅兩龍行雨巖後又有懸巖篆刻任公鳳棲巖各清幽八字又有卧石二字沉於淵底大盈尺筆力古勁皆任公手書○清龍潭在城西四十四五都潭中每有涎沫凌波則雷雨暴至漂沒田廬隋開皇二年有梵僧闍那崖多者過之指謂人曰此龍之變也教以建寺鎮焉其患遂息○龜湖山在城西北四十里龜湖寺之前俗名寺前山山岡有湖水與海潮相應唐光啓三年僧惟亮築庵於此忽有

大龜浮湛湖中僧有所往龜輒載之後惟亮捨身飼虎龜遂化為石宋景德中始為叢林林積仁有記○石馬嶺在城北一百三十里巨石危立如馬下有石乳流沫俗傳風雨之夜馬嘗往山下馳騁其汗出流為石乳云又三十里曰桐山山之東有雙髻峰又有形若龜者曰龜峰山北有巖如伏虎口白虎巖宋高崇居此山下孝宗朝為秘書省著作郎曼號容齋光宗御書容齋二字以賜之又高融登乾道乙丑進士為衢州司戶棄其官與野僧遊一節獨往經年忘歸嘗擇泉石之勝作無餘

福寧州志勝八卷之三

堂宋無名氏雙髻峰詩雙峰屹立幾千尺古木長

藤風瑟瑟虛空入表氣清冷月白中天露華滴桂花影照團圓光猿啼聲秋夜長廣寒宮府近相

通妙歌一曲舞霓裳

寧德縣在州城西南

寰宇記云唐開成中割長溪古田二縣地置感德場偽閩龍祥元年陞為寧德縣○白鶴山俗名西山在縣西一里秀拔千仞南連飛鶴諸山北接蓮花諸峰山下懸崖峭壁峻峭幽深可容數十人泉水清冽是為龍湫其右有靈谿書院又有泉曰定

泉深二尺餘旱澇不增減宋邑人高順題定泉詩
方師鑿破天地髓碧龍吹出冰霜寒一泓清澈絕
泥滓萬竅號動無波瀾倒海翻江俱足幻貯風留
月得真觀我來酌飲冷徹骨飄飄此身在霄漢此
泉源流本曹溪名之以定實亦宜莫言蜿蜒姿尚
乏虫行蛭動皆所知咫尺中間兩世界寂然心印
本無礙不與兒童攪水渾流照鬚眉長自在○其
西南卽白鶴嶺石磴峻峭紆迴百折盤空而上海
上諸山皆入延眺嶺之南飛泉百丈遙望如銀河
倒瀉是名南山滌嶺之半有黯井味極甘美四時

福寧州志勝人卷之三

本

水

不竭先是宋樞密曹輔爲縣尉時創憩亭於此思
欲引泉他峰以飲行人纔一動念泉脉卽時湧出
因楚爲井初名應泉又名曹公泉宋趙與檣題白
鶴品詩六丁開兩壁不知始何年中間一崆峒可
張幾客筵我來拂石坐傾耳聽潺湲古榕蔽天罅
飛瀑穿峽懸四時宿雨露亭午歛虹烟昔人避儂
賊飲溜枕苔眠興懷內訂日鳴鳴百餘年○玉女
峰在縣城正南四傍小山森羅一峰突起如玉女
之在帷中前有恭園後有石笋高數丈明林保童
題玉女峰迴立亭亭似武夷珮環遺響水簾垂春

風蘭惹絳雲髻曉日烟嵐抹黛眉淡脈應須霞作
帔貞心不改玉爲肌時人莫問神仙宅月裏鳴璫
自可期陳公詠恭園牧唱春滿園林草滿坡大牛
驅引小牛過龍湫水煖迎蹄迅雀舌芽肥掛角多
到處臨風橫紫笛有時和月因青藜祇今新製昇
平曲不唱南山白石歌○金甌山若金甌浮於水
面與酒鰓猿毛鰓人小金崎諸山聯絡海中而此
特近明邑人林尹金甌山詩遙望金甌泛水心潮
來潮去不浮沈漁舟載酒歌明月咲入蘆花何處
尋○飛鸞嶺在縣南二十里與勒馬梅溪二山共

福寧州志勝人卷之三

上七

水

脉逶迤以達羅源下有飛鸞溪源出羅源縣界其
東峰百丈深名棲雲潭唐黃岳家於嶺下傳通典
籍尤精易數黃巢寇閩避地者聞岳好施歸之如
市悉賴全活乾寧中王審知累徵不起必欲致之
岳投棲雲潭而死鄉人哀之因祠於梅溪口嶺下
有萬石巖石巖如室可容數百人中有石窰石井
石床石几傍有石舟兩岸之間有石橋橫跨口又
有仙茅山舊傳茅仙兄弟煉丹於此有虛土堆擎
之有聲名曰神仙土鼓山頂產石煉菜其味馨香
異常口又有五馬峰五峰如峙狀如伏馬縣南諸

山馳至海邊盡之處而此五峰突起高出海上
○瑞峰在縣東三十里海中秀拔萬仞昔有韓董
二仙修煉於此丹井棋盤尚存又有黃灣峰嵩山
皆與並高而嵩山之崖有瀑布千尺如白練懸空
明林尹黃灣八景其一為巖岫嵐光萬疊峻嶒山
外山晴嵐冉冉有無間誰知也有從龍意長與白
雲相往還又潮江晚歸詩潮滿江邊勢渺茫沙鷗
無事伴輕航客從何處歸來晚數點寒鴉送夕陽
○石壁嶺在縣北一十里其巔石壁峭拔高入雲
霄明林保童有誰信閩中險無殊蜀道難之句嶺

南寧州志卷之三

太

上巨石泉水湧出清冽異常嶺下有溪與瑞迹溪
環繞里中謂之雙溪溪傍有小山似龜名曰龜嶼
與石壁相連又有石鐘山頂有二石如鐘扣之其
聲鈞然○里許為金都山唐初有僧曰居白者至
山中遇異人告以此地可居是夜有祥光見於其
處就視之得一金尺遂以大中八年祠寺其後圓
軌禪師惠寺左瞰深坑一夕雷雨裂後山之半平
其基乃拓殿堂塔堦俱備寺有十奇曰盤陀石靈
響石鳥馬石潛鱗沼雙石屏碧水簾湧金尺蒙泉
井長老巖祥靈巖宋三山志云金都院唐廣明元

年賜額蒙泉有祖無頗曹輔辛炳題明邑人劉
聰詩古剎嵯峨倚碧阿十年風景近如何香分泉
水通鱗沼綠染苔衣上石坡習靜自知塵俗遠相
逢還喜舊僧多明朝又復朝天去尊酒何當再一
過口其下為菰洋潭潭有三在高崖百餘丈險峻
不能到緣崖攀藤架木為梯僅到中潭倚雨者必
以銀筴投潭中俄而有瓦餅浮出取歸帳雨○仙
人巖在縣東北十五里巖中有雙掌痕深數寸又
百步溪邊石上亦有雙掌及馬蹄跡對山有仙人
坐痕山下為章灣宋時有阮氏子大觀中受葉杭

南寧州志卷之三

十九

州天竺寺法名邦靜詞偈高古紹興中程顯謨師
闕請邦靜住持破山寺嘗置木蛇於法堂凡客有
善念者登山木蛇輒出門迎之因號木蛇禪師○
又十里為驢山形似驢驢奔馳入海之勢其在海
中有官危山地勢坦舒土壤沃饒山尾洋底有井
源出浙江龍泉縣界東流至斜灘過截首合松潭
溪至康首村舍此名曰官井洋出此則渺茫大海
南通泉廣北通浙江○又二十五里為中滌山唐
天成三年僧紫筠刻石記云中滌山百丈飛泉鳴
雷樣雨千尋惟石蔽日藏雲中和五年前闢隸營

使陳飛遠與僧清六中開觀察使陳崑鑄鐵鐘一口存按志云中潞山自龜山分支兩峰對峙飛泉中注為三派山當瀑流之中故名舊志云唐乾符元年僧如珣不知何許人至此山主曾筠林俊拾以為寺八年賜額香積院即傳燈錄中祭可遵禪師也寺內有栴天樓劉崇童誨題名寺外有金仙洞舊傳中祭祖師與金水仙人會講於此○又三十里曰龜山唐太和中智具正元二禪師携餅鉢至此開成二年建寺三山志云智具禪師揚州柳氏子正源禪師宣城蔡氏子唐長慶二年同遊

屬寧州志勝

入卷之三

三

建州太和中州法曹叅軍楊郁及霍童里處士黃瑜等邀請建寺二師从之鍊鉢銅瓶入于幽谷逢龜即止曰此吾居也因鑿石為基號龜山寺後值武宗沙汰有僧示衆曰勅命如雷下翠微風前垂淚脫禪衣雲中有寺不容住塵裏無家何處歸又明月分形處處新白衣寧墜解空人誰言在俗妨脩道金粟曾為居士身及宣宗中興乃不復披緇咸通六年終於本山○霍童山列仙傳作霍桐在縣北七十里去平地七里頂甚平曠可坐百人有甘露池飲之可以延年有石行廊三十餘步石室

屬寧州志勝

入卷之三

三

深廣又有石橋橫跨三海鰲井廣五六丈深莫測中有海鰲時出井面古者神仙霍童居此山因以名宋三山志云沛國王玄甫吳郡邵伯元鹽官褚伯玉皆於此修白霞丹景之法杜光庭以為第一洞天山後有大童峰峭壁凌空產松檜毛竹頂有仙跡丹竈其石有小童峰二童之間有兩峰一曰香爐一曰金剛源唐司馬煉師于此駕鶴上昇賜號霍林天寶間改曰仙遊山宋余復遊霍童詩霍童山峰凡六六不知仙子在何山秋風萬里一黃鶴返照半林雙白鵬長劍氣橫霄漢外飛泉影落畫圖間自憐懶作朝端客訪道尋真日往還白玉蟾前題王鄧諸君安在哉雲屏烟幃鎖蒼苔大千世界飛鸞鳥第一洞天遊兩回太極光陰忙劫數九天瑞氣接蓬萊系田海水只如許惹得朝猿暮鶴哀馬廋前題萬仞峰巒翠作堆誰知有路接蓬萊蒼頭童子對雙立白首使君遊一回石上殘棋風掃竹洞門飛鳥雨生苔欲留信宿遲遲去應待茅君騎鶴來蔡伯源七言六句環海洞天三十六霍童第一好溪山三花樹上眠黃雀五粒松邊放白鵬不知道士歸何處鐵笛一聲雲水間陳

嘉言六言絕句四首洞尋黃鶴白乳峰過大童小
童杖底泉聲滴瀝衣邊樹色空濛又藤上老猿欲
墜松間野鹿相隨苔鮮綠埋丹竈桃花紅出金垂
又瀑聲深澗淺澗峰勢烟籠霧籠恍恍身遊海上
須臾覺在山中又翠篠輕挑綠酒紫芝閒對黃冠
半醉風迴鐵笛中宵露冷瑤壇明王恭五言律白
雀今何在千秋只鶴林人烟山縣少魚鳥洞天深
苔色迷仙迹泉聲淨客心無因問丹訣天路杳難
尋鄭鴻遊鶴林宮王鄧多遺蛻山深未易求樹木
連千嶂桃花樵十洲碑頽苔蘚茂洞古鶴猿愁共

福壽州志勝

卷之三

圭

有烟霞輝攀藤頂上遊口紫芝峰在大童峰南狀
若普賢菩薩趺坐於獅子之背其東瞰海宋大中
祥符五年產紫芝一十五本高各丈許因以名峰
口仙萊峰在霍童峰北相傳昔有仙橋懸空架於
此峰二仙童持菜籃從橋而往少頃有老嫗拽之
橋遂折爲二因呼其峰爲仙萊其地爲折橋口九
仙峰在霍童東南宋高僧傳云僧本淨嘗居此山
清宵有九人冠幘襌裙來憩寄宿本淨盡納之明
旦告辭出門皆化爲鶴唳空而去口響山品在霍
童左兩巖對峙人語其中則應聲鐘鏗然巖石有

洞洞中蝙蝠體白如雪栖每倒懸口仙壇在霍童
右峭壁矗立壇傍生竹一枝每自搖動掃淨其壇
竹枯則復生終無二枝壇西南有大甕貯水色白
味佳有石廊三十餘丈石室盈丈東有石橋跨澗
上又有揭藥揭米石白石盤石盡俱盤玉鏡鵲尾
香爐諸石皆自然天成壇頂有巨藤下垂○田霍
童歷數十峰凡二十里至支提山頂西自虎背南
自桃花溪東南自西鄉而登者皆以三四十里至
其所按華嚴經心王菩薩於衆會中告諸菩薩東
南方有支提山從昔已來諸菩薩衆於中止住現
靈壽州志勝

卷之三

圭

有菩薩名曰天冠與其眷屬一千八俱而演說法
此山之西有那羅嚴深廣數十丈下平若鏡上方
如盤唐咸通九年僧好德記云則天朝僧元表者
不知何時人躬負華嚴經居此巖中宋元豐間僧
顯求記云高麗僧元表誦華嚴經於此邑僧元白
聞而往視之元表示以四十五卷天冠說法之語
騰空而去以是因緣乃感吳越王錢俶建寺名大
華嚴宋太宗賜額雍熙李彌遜天冠應現記其畧
曰南海之濱有大寶山名曰支提衆山圍繞於其
中聞有大菩薩號曰天冠與千衆俱住昔吳越有

大檀那謚曰忠懿建阿蘭若爾時普現居士與其
同學招隱居士來謁傾瞻之間有二馴獸白如獅
子回旋中林奮迅而去山巔木杪皆現精色復有
梵音發於山谷鏗鏘鏗鏘如撞巨鐘四十有二復
有寶光現於峰頂熒煌燁曜如燃巨燈十目爭睹
宋陸游雍熙寺與僧夜談高名每慣習鑿齒巨眼
適逢支道林共語不知紅燭短對床空嘆白雲深
現前鍾鼓何曾隱匝地毫光不用尋欲識天冠真
面目鳥啼猿嘯總知音李爾遜遊支提九日仲宗
以詩酒見寄蛇徑回環織女機足間歌石礙雲飛

福寧州志

卷之三

三

西風短髮欺烏帽落日清尊走白衣病眼逢山寒
水淨妄心見樹遠烟微掃除磊砢壯懷地爲載千
巖萬壑歸黃履翁雅熙寺觀題名福地由來此最
幽翠微深鎖碧山頭參差梵閣雲常護隱見神燈
夜不收面壁幾人曾入定摩崖有客紀同遊從今
悟得支提趣知是名高十二樓王國平題雅熙寺
群峰擁翠古禪關夾道松篁五月寒欲識天冠真
隱趣白雲深鎖紫金壇口金燈峰在支提寺南三
里許夜深常有佛燈起林間初如升斗漸高漸大
至如車輪照耀山谷寺宇不異白日或倏起倏滅

或至一二時始滅口化戍林在金燈峰左宋初了
悟禪師以尋山至忽見蘭若莊嚴比丘千衆扁其
額曰化成之寺了悟因而投宿參請著舊及曙色
將分蘭若比丘忽然不見至今夜靜往往聞林中
有鐘鼓梵唄聲萬曆三十六年秋有匠石四五人
市木於支提寺僧方結茅此林擬以詰旦開斧忽
有老僧從一遁者至其寮阻之曰此吾木也安得
私相貿易語畢轉旋間不知所在匠石大驚遂已
其後口五龍潭在化成林南五潭聯終相接其一
名青龍潭潭水旋入巖中時起雲霧次名洗心池
其水澄清徹底三名千佛沐浴池瀑布懸瀉潭形
如荷葉湛然不動萬曆三十五年僧性吉誦大悲
呪於潭側方及四遍水忽騰沸頃之有龍振鱗波
面夭矯其腰若彎形弓首尾沒於驚浪飛濤不可
得見吉大駭喧呼金燈精舍僧咸出視之良久乃
奮飛雲表其下二潭巖石崎嶇人跡罕到口辟支
巖在那羅巖東三里許巨石倒覆下容小寮巖前
有五百天人石其上有石龜石桃亦有佛燈夜現
口說法臺在辟支巖側四方如削其上平坦可坐
千人多產蘭蕙楡栢相傳天冠說法於此宋邑人

福寧州志

卷之三

三

鄭昌齡詩四十高峰繞法堂峰峰嶙峋玉蓮開風
光擁翠猿啼遍松蓋移陰鶴喚回王邵抵留蟬蛻
偶金砂猶伏地爐灰列仙龍過憐奇絕時有旌幢
日往來袈裟嚴在那羅嚴後五里許壁立千仞
其上平田廣數十丈永樂仁孝皇后遣謁者泛
海齎送鐵天冠一尊於文提寺中流風濤滂淖
舟人大恐以為蛟龍睨睨寶物遂棄舟中所有且
盡次至天冠每一投風輒少戢謁者且拜且泣曰
此中官命也實命當誅不若復吾舟風遂止而棄
者已半爾時然者是有祥僧晒袈裟於此嚴及謁
福寧州志勝不卷之三

昔羅漢現其中紫雲繚繞天樂騰沸其地有巨石
巖入回玲瓏唐咸通四年妙覺大師建寺於此○
又四十里為新嶺嶺有二大者曰大新嶺次者曰
小新嶺上有瀑布泉如懸河倒瀉雖盛夏入過其
下寒氣如秋元末有僧曰平麓者初居鳳山每見
香烟飄飄四往乃隨其所之至此萬山之中群峰
圍繞前有潤水清澈可照可濯於是夜坐其間隱
隱有鐘磬聲遂以順帝至元五年建寺先是平麓
禮鳳山雲衲為師會佛般若諸徒分運木石平麓
後至為眾所呵及眾運至而麓所當運者業已先
福寧州志勝不卷之三

高入雲天上豐下欽形狀奇崛明陳震詩削出空中翠幾重分明兩朵玉芙蓉嵐光六月飛晴雪樹影三春回綠流風起半巖妨過真雲生絕頂隱飛踪憑誰得與山靈道躋險探幽可許從○石堂山在縣西一百一十里路通古田宋儒陳普家於此普七歲時偶坐田間適有白鷺飛止有士人賦之曰汝能賦此否普隨應云我在這邊坐你來那里歇普大無片雲飛下數點雪既長精通律呂天文地理算數之學稱為石堂先生著書數百卷行於世先生嘗自鑄銅壺滴漏應時升降無少差爽鑄福寧州志勝入卷之三

有道者巖巖有石門石室昔有姚道人居此又有羅漢洞四山翠律秋夜常聞鐘聲昔有樵夫深入此山忽遇方僧數十不覺追隨其後至洞杳無所見○外渺溪在縣北一百一十里源出政和縣界自漁滄而下會于此溪經青巖童桃花洲合掌灘下至銅鏡金垂入海此水之北源也○赤鑑湖上通穹隆溪下達埔門入海宋韓世忠詩萬頃琉璃到底清寒光不動海門平鑑開波面一天淨虹吸潮頭八極聲吹斷船風漁笛遠載歸秋月客航輕乃陂會上孤舟看何似今朝幾眼明○午日潭在縣西六十里四山高峻凌霄中有三潭巖頭瀑布千尋瀉入潭內而蒙密不見天日惟正午之時日方臨照故名明邑人林觀詩萬里青天日正中瑤光下燭水晶宮瓊龍酣醉喚不醒領下明珠酸自紅○大海在縣東南縣境之水入海者有三派一自酒嶼由金崎過三江洋而入一自三嶼前過三渡洋會藍田之水而入一自埔村港經埔門徑至白炮山而入其海潮之入於縣境者有五一自南門溪一自金鯊橋一自藍田一自東端一自金垂云

福安縣在州城西
北二百里

宋寶慶元年長溪合范夔以縣西北鄉去治遼遠
難於制馭議析爲縣擇韓陽坂爲治所不果其後
淳祐四年邑人太學生張道中前議請於朝許之
但治所未决端明殿學士鄭宋因獻詩曰韓陽風
景世間無堪與王維作畫圖四顧羅山朝虎井一
條帶水流龜湖形如丹鳳黃鸝印勢似蒼龍卧吐
珠此處不堪爲縣治更於何處拜皇都於是議遂
定明年乃析長溪縣西北永樂鄉六里靈霍鄉三
里置縣治韓陽坂賜名福安蓋取救錫五福以安
福寧州志勝不卷之三

一縣之義○炭山在城北山形似炭邑因以名又
有龍山鳳頂山皆在城內銅冠山在治東北山下
有泉清冽可愈疫癘○龜湖山在邑治西平地突
起有巨石如龜狀俯瞰湖光宋時建儒學於其上
元徙學之城東而更爲佛寺明馬迪詩山下千家
聚一村湖濱萬石湧孤墩過橋草色青雲合滿院
松陰白晝昏雷吼溪聲通日觀星移燭影下天門
披衣早起渾無事閒倚東窓候曉暎○鶴山在郊
東與龜湖對峙萬曆元年建崔山觀於上○重金
山在學宮後上有馬鞍石鐫云淳祐丁未臘月十

九日北山鄭家借邑令鄭黼同登按宋制惟兩府
之臣得賜金帶佩魚謂之重金淳祐五年乙巳鄭
宋同發樞密賜重金七年丁未登此故以重金名
山以爲榮云○天馬山在南郊上有天堂菴明邑
令孟充詩印鎖琴堂吏散衙有興遠入梵王家孤
舟汎汎橫荒渡一天寥寥吹落花竹引山泉寒滴
月藤牽石磴細侵霞由來靜坐堪消日何必雲門
與若耶○仙境山在縣西二十里峰巒峭拔怪石
崔巍巖洞寬廣石門封固相傳有耕者見三人服
唐衣冠由洞門而入因以名山○又十里爲福源

山上有三峰高聳如鳳舞名鳳翔峰有獅子巖普
照巖幙頭巖山下爲穆洋宋鄭家居此宋舉紹定
進士歷官端明殿學士同簽書樞密院事嘗侍理
宗因言其所居北山築有澄菴理宗御書北山澄
菴四字賜之淳祐五年長溪有分縣之請宋既爲
詩奏聞帝因題扇賜答曰秋思太華峰頭雪晴憶
巫山一片雲去國歸來猶未得詩篇遙贈北山君
宋末謝鏞亦居此鏞性至孝著春秋行義十卷左
氏辯證六卷鏞子翱個儻有大志文天祥署爲諮
事參軍及宋亡天祥死翱每有所感輒哭失聲登

嚴子陵臺諫天祥王丹拜悲哭以竹如意擊石作
楚歌招之卒葬子陵臺南○城山在縣西南一十
五里唐末鄉民築城於此以避黃巢之亂故名上
有靈巖巖下有金印石釣魚臺前有雙劍水交流
唐薛令之居此有靈谷草堂令之嘗聞龍吟之聲
後登神龍二年進士開元中累遷左補闕兼太子
侍講時李林甫不愜於太子故宮寮冷落令之欲
諷諫明皇因題壁云朝旭上團團照見先生盤盤
中何所有首宿長欄干飯澁匙難縮羹稀筋易寬
只可謀朝夕何由度歲寒上見而竊之曰咏木蘭

福寧州志勝不卷之三

三

距長鳳皇羽毛短若嫵松桂寒任逐桑榆煖令之
遂自病免步歸上聞其貧命有司資其歲賦令之
量口受賜肅宗卽位以舊德召而令之已逝詔官
其後且表所居爲廉村水爲廉溪山爲廉嶺以旌
之所著有明月先生集其弟之子芳杜有行誼卒
而鄉人祠之宋政和中山賊湯彬率衆寇村引弓
射祠旁木忽怖伏若有人圍之者俄而自至悉就
縛建炎初賊葉儼經此擊祠中鼓不鳴走之溪忽
水暴漲不得涉爲邑所殲嘉定五年賜號靈祐侯
杜四世孫念其行第十八亦以行誼爲鄉人敬畏

歿而其靈懸人自稱十八元帥因附其像于祖祠
每有火災及航海遇風者呼救於元帥卽見其像
而免邑有阮氏盜侵令之墓傍地旋即火其家咸
見元帥指麾於烟中紹定三年賜號顯應侯宋朱
松題薛補闕故居有唐進士薛補闕官兼侍讀開
元末懸知野鹿欲銜花回向系榆全晚節靈武死
馬還京師伊人駒谷猶遐思甘同西山採薇蕨團
團朝旭升賜谷照見盤中堆首宿底用黃金二十
斤燕享鄉閭與親族商山高躅不可攀歲暮何嫌
松桂寒廉溪月明誰爲看一似東都故人獨釣桐
福寧州志勝不卷之三

三

江灘明里人鄭孔材題靈巖優破屣懷強自寬瘦
筇扶步訪名山坐看流水心徧靜吟對落花春已
闌梵剎古碑蒼蘚合草堂殘礎白雲閒清風高節
今還在欲酌幽馨想未難○湖山與城山同里絕
頂有積善品石洞幽邃上刻米元章題名巖半石
上有仙掌痕扣之有聲山下有石龜潭相傳古時
潭水深潤唐宋以來流沙漸壅古識云石龜沙合
狀元生自薛令之登進士其後廉村科甲名賢蟬
聯不絕○蛾眉山亦與城山同里一名終家埔唐
有繆氏子六歲能文開元間以神童召見試賦新

月詩云初出如弓木上弦分明掛在碧霄邊時人莫道藏眉小十五團圓照滿天○金鷄嶺在縣南三十里相傳嘗有金鷄出入巖中又名金鷄巖成化間有徐氏子名岳年七歲穎異過人其父與客遊興慶寺携岳偕行客戲題詩命岳和之岳卽索筆題云松菊災仍秀梅花冷更香夜來三尺雪清曉玉爲堂又云風雨惜春殘閒庭獨閉關白雲飛去盡還我舊青山書亦遒勁有法客嘆息大慚亟自刮其所題至今壁間岳之遺墨猶存○巖湖障一名石坂障在城北五里許通志云高二三十仞

書

福寧州志卷之三
潤倍之其平如掌可容數百人半巖有穴可容數十人其下有湖俗號龍潭南流傍小澗逆流而北古識云巖湖石坂障溪水倒流上○栖雲嶺在縣西三十里唐時建栖雲寺於此其下有萬壽山明孫瑤登栖雲嶺詩宿雨初收海日浮晴嵐不斷曙光流碧雲縹緲三山近紫霧氤氳萬壑幽已見仙人乘白鶴不妨老子跨青牛幾回覽勝占雲物王氣葱葱億萬秋孟充題栖雲寺雅性愛林泉時來結佛緣山明知過雨松暗不藏烟鹿駭燒畚火鐘隨過渡船一聲何處鴈飛下早涼天其二簪鐸響

琅瑤溪雲一路涼玉龍臨沼吐金猊度橋香竹窰秋生筍蓮疎晚露房明朝須載酒來此過重陽○更漏巖在縣北六十里兩峰屹立有瀑布泉沿崖而下百餘丈俗呼百丈湫遠聞其聲若更漏故名傍有樂道巖巖東有石堂○白鶴嶺在縣東南二十里南有柳屯巖相傳唐時有異人乘牛至此里有失牛者遙見而追之及至則人牛俱泯惟牛蹄跡印石上至今猶存又有女子常乘白鶴出入洞中時或與樵者語自稱洪三娘後亦不知所之嶺下有龜鏡井潮退則泉滿潮長則泉涸每以爲驗

書

福寧州志卷之三
○獅峰在縣南四十里宋三山志作西峰有十奇曰獅子峰金雞石卧牛石鹿跑泉雙髻峰筆架峰石梯峰及獅峰寺中之環翠亭伏虎橋廣化門爲十又有九曲嶺合掌嶺紫藤峰仙師嶠其下爲栢柱村宋鄭虎臣居此德祐元年賈似道安置循州虎臣監之窘辱備至行至漳州木棉菴虎臣曰吾爲天下殺似道雖死何憾遂卽厠上拉似道胃椎殺之元陳陽極西峰寺詩寒山多適興遠上白雲層遇客每指寺間鐘不見僧推嶺嶺絕壑墮石抱寒藤幾欲栖寒去臨岐又未能○又三十里爲雙

嚴先是文殊寺有大鐘唐末黃巢寇閩過此欲取以烹牛鐘忽飛入龍潭後潭漸寒復飛入六印江每遇晦明隨波出沒鏗然有聲宋咸平三年衆競迎不動惟雙巖寺僧以錫杖挑入寺中宋王十朋題雙巖寺崎嶇九嶺更雙巖遙望閩山未見三來訪神鐘隱見處翠微深鎖古精藍石木刻尚存乾道二年書○甘棠港舊名黃崎港在雙巖之前與六印江相聯接先有巨石屹立波間舟多覆溺唐末王審知爲福建觀察使嘗欲鑿之而憚于力役乾寧五年夜夢金甲神自稱吳安王許助開鑿因

福寧州志勝人卷之三

三

命判官劉山甫往設祭祭未畢海中靈怪俱見山甫於僧院憑高視之風雷暴興見一物非魚非龍鱗黃鬣赤凡三日夜風雷始息已別開一港甚便舟楫閩人以審知德政所致表請賜今名封港神爲顯應侯○古鎮門一名白馬門自縣南三十一都之三港口下而蘇江六印江甘棠港芭蕉洋古鎮門皆江也出鎮則爲海自三港口以上則爲溪其源發於浙江慶元縣自東北來者爲東溪自西北來者爲西溪二溪匯流於縣之六都爲交溪長汀富春溪環溪至泰溪曰而泄石洋之水與化蛟

溪大梅溪穆溪浯溪廉溪蘇浦頭以至三港口○黃崎分司唐權務也今徙于長崎而黃崎者爲白石通簡司設有城堡監司行部駐節于此山後有高峰峭壁流泉古樹迴絕人境未經開鑿泰昌元年邑令張蔚然履其地刊木砌磴構亭臺于其上名曰青林洞令武林人西湖有青林洞令取爲別號因以名此山而福原山獅子普照二巖之間洞穴深邃盤亘數里亦泰昌年爲里人繆仲顛所開賴葺亭榭以點綴之蓋其先在宋有繆幼節者隱居不仕棲遁山谷而普照巖其所讀書處也

福寧州志勝人卷之三

三

興化府在城南領縣二

中興縣

史稱陳天嘉五年陳實應據建安晉安二郡華昭達敗之逃至莆口莆口之名始見於此其時屬南安郡隋開皇九年始析郡之南安縣置莆田縣唐嗣聖十六年又析莆田縣地增置清源縣即今仙遊縣也屬清源郡宋乾德二年授陳洪進觀察使改清源郡為平海軍縣仍屬焉其地有游洋洞者至險峻盜賊出沒太宗閱圖志欲以德化之乃即其地立興化縣尋建興化軍以領之按游洋志云縣治乃林居舊故居今考光祿陳鑄西林院記林興化府志卷八卷之四

氏茂殷始以贊武斷鄉曲侵撼鄰封竊據此土太平興國四年遣師伐之諭以不死遂率眾降改置軍馬游洋在今仙遊縣興泰里俗名舊縣是為興化軍治所五年以平海軍之莆田仙遊二縣來屬而興化軍領三縣始齊於列郡八年轉運使楊克讓以游洋地非要衝請移軍治於莆田縣皇慶中遷興化縣治於莆田西北廣業里之湘溪村俗名新縣元至元十四年改為興化路領錄事司一縣仍舊我洪武元年改為興化府罷錄事司領縣如故正統十三年廢興化縣以其地分入莆田仙遊

二縣○宋郡人劉克莊記云莆為郡且三百年猶不克有城蓋自游洋移軍治於此築子城周廻二百三十一步土垣而覆以茅宣和三年加築高一丈五尺基厚半之稠其上甃以瓦周廻七里八十三步紹定初知軍曾川虎乃始更築表裏石砌而覆以磚周廻二百九十八丈八尺於是稱堅城焉至我 國初洪武十二年指揮程昇奏請闢城乃越舊壕跨烏石山東下歷前隄後隄與舊城合延袤一十一里周廻一千八百三十丈城外壕池左起東北隅折而南引建壽溪水注之右起西北隅折而東引木蘭溪水注之二水交合共長一千七百七十丈廣二丈六尺西北負山鑿為旱壕長五百九十三丈廣二丈六尺萬曆九年知府陸通霄以城西北隅跨山腰之半而遺其高者於外元至正己亥寇從此射走守城卒我嘉靖壬戌之變倭亦乘此越入於是拓出西北城垣而包高岡於內長八十五丈五尺○方輿勝覽云郡治自游洋徙建始因都巡簡解為之即異僧黃涅槃所指之地北枕陳岩南揖壺公東薄靈海西縈石室木蘭壽溪環流左右山川之秀甲于閩中宋陳長卿作

貢院記云莆菴爾介于福泉之間市廛戶版不能五之一而秀民特多梁陳以來已有鄭露書堂及唐貞元間林藻伯仲因之肄業歐陽詹來自泉州原其所倡蓋非常袞入閩之後而始然也

莆田縣附郭

舊說邑田多生蒲故謂之蒲田其後以邑時有水患因去水從莆林大雅莆田風物賦云擢瑞蒲於田畝紀其舊也宋太平興國八年移軍治於莆田始爲附郭我正統十三年省興化縣西南鄉之地入馬東南皆至海西至仙遊縣以俞潭爲界北至興化府誌勝入卷之四

三

福清縣以上陽橋中爲界○志云烏石山在城東北隅山半石崖峭處有左丞雨右丞雨及烏石山九大字蓋元人紀當時左丞右丞祈雨有驗者也唐林欒居此山下橫以貞元初爲福唐尉母亡自埏斃作塚廬於其右有白鳥甘露之應州上其狀觀察使李若初遣官屬驗實會露晞里人失色攢哭曰天降露乃禍我耶俄而露復集鳥亦廻翔十三年詔立雙闕於門前各一丈長九尺高一丈七歐陽詹著甘露述道其詳宋鄭伯玉陳珙方孝寧亦皆居此雅有詩名時人類其詩爲一集號烏

山三賢□梅溪集云烏石若子爲宋香樹遠高大實如陳紫而小甘美無異或云陳紫種出宋氏世傳其樹已三百年舊蜀王氏黃巢兵過欲砍之王氏媼抱樹號泣求與偕死賊憐之不伐後結實其核宛然有斧痕王十朋有謝林處奪先紅詩云莆中荔子勝閩中烏石山前又不同正向鈴齋想風味奪先人送奪先紅○梅山在城西北與烏石相連宋徐師仁記云元豐八年太安入黃氏感異夢生李制幹公遂捨梅峰地百餘畝爲佛刹今之光孝寺是也寺內有井甚深名梅峰井林大雅興化府志勝入卷之四

四

賦云飲梅山之井者無廢渌卽此寺內有鐘聲聞江口去城已四十里其鐘上款識云紹興乙亥龜洋二真身菩薩駐錫本寺重換□山之西南有州峰宋時建共樂亭於其上陳俊卿詩有紅垂荔子千家熟翠擁簷簷十畝陰之句○小西湖本城北舊塚在梅山烏石之間洪武初闢城塚塞成化三年知府岳正疏之凡三堰中堰之內潄水成湖下爲兼濟河東出水關岳賦詩有林鬱青似滴城郭隱如無之句命刻於石書生林烱戒石工且留似字勿刻工以生之言告岳岳親詣炤問故炤曰似

與如未免合掌更以欲字何如岳撫掌大喜再拜謝之贈以束帛○大象山在城西五里上有天泉岩山腰爲石室有石如芙蓉高數丈突岫亭聳離列而坐可十人黃妙應禪師嘗居於此日騎虎至烏石街今有虎亭○石室岩之後曰彌陀岩智泉之源出焉越里許爲雞足峰本王潤寺之北岩自大象分支來岐爲三如雞足故名唐黃滔送僧歸北岩詩北岩泉石清本自高僧住新松五十年藤蘿成古樹蓮局歷月澗空美黃金布江翻島嶼流木落樓臺露伊余東還際每起煙霞慕旋爲儉府與化府志卷之四

有通侯○梅花澌在城西七里相傳鷄峰人陳清牧牛於此有白衣老人叱之曰此仙人菜園也勿飲牛汚吾水正德間學憲陳伯獻隱此名之曰智泉萬曆間縣令何南金構來蘇亭於上記略云智泉發於彌陀岩放濫於三溪口高下五里而遠岩下泉脈爲兩流固單細止從石罅作淙滑聲至龍嶺始匯受關紐夾控之緊折爲三陡一如釜一如墻一如陶缺每陡承以呀潭泉相循疊下作長白線直下二十丈許澗底石平如砥隆如坵凹如臼與化府志卷之四

公權書扁宋太平興國間改為靈巖廣化寺此寺在宋時別為院者十為菴者百有二十總名曰南寺按前未塔汾時水自東南涯於山下為湖因名南湖後自木蘭陂成而水徑南越山麓僅有湖跡而已明邑人方熙題廣化寺詩有此間百有一十寺多少叢林一路分之句○月峰在鳳凰山左唐時建月峰院於此明郡守丁鏞詩青山岩樹一重重偶爾看雲到月峰却愧塵緣消未盡不能長聽上方鐘○瑞泉在廣化寺傍金仙院初建時無際禪師居此專誦法華經恒苦水遠一日房前石忽

輿傳府志勝

卷之四

七

自裂清泉湧出因建瑞泉庵○羅漢峰在廣化寺右麓宋志云昔有僧南遊者過暮過此見樓閣層累鐘鼓鏗然榜曰羅漢院因而入宿旦日忽失所在故以名其山本寺有羅漢院院南有佛腸坑宋志云廣化寺開山僧吐腸出洗于此○去寺三里有大迂坑今曰南谿亂山中有泉湧出匯為谿潭兩岸如削中所為浣花鳥其下為雪澗為小天門皆祭酒林堯俞所闢景也溪流九疊而下高百餘尺望之若銀河傾瀉又西為鑄潭其響鏗然其深巨濶○九華山在城北十里由縣之西南諸山而

延壽溪九峰攢簇如蓮花故名昔有陳仙隱此亦名陳巖山山有石而平如削文跡縱橫若篆籀又有井深纔二尺泉甘而冽舊傳陳仙於此淘金故名淘金井楊慎冊錄云莆田陳巖山有自然仙篆以紙模形類禹篆○苦竹山在九華山後唐沙門千靈初入此山有鬼穴其鬼拒之靈以針與鬼誓曰能飲此針者留不能者去鬼不能飲靈自飲之鬼乃遁去所飲餘針封貯尚存○紫霄巖在九華東北初入有雷轟石次有琉璃峽天台橋羅漢洞洞前有石坡大可五六尺考擊有聲唐

輿傳府志勝

卷之四

八

九牧林氏自中州入閩始居於此巖之麓名北螺村宋襄有詩刻石而缺其半詩云十里迢迢上紫霄半空飛翠望中饒雷轟羅漢峰前路入天台洞裏橋○紫霄東下五里為浮山山側懸崖瀑布兼有智泉鐘潭之勝幽深險絕過之石上鐫一詩云紫霄下五里絕勝有浮山又水分蒼玉歛崖積紫斑土人多不辨水客亦能攀欲買漁舟隱其如身未閒不著姓氏○延壽溪者故興化縣諸水皆匯于城北唐神龍間有吳興者以家資築長堤于杜塘以遏大流南入沙塘坂名延壽改莒溪之水

入焉溪受潯洋鯉湖諸水東會漁滄入瀨以達延壽至礪浦入海○入瀨溪在城西北十里明縣令何南金構觀止亭於其上有記略云瀨石平鋪軟翠故無不奇而其在北麓負奇特甚平地塊石隆起魁然堆阜也忽又斬然一丘兩青石內容天一綫外封者如帽突者如卵渠者如軌門者如武脫者如給石身圓轉滑膩有岌業嵯峨之觀而絕無觚稜芒刺巉鑿之跡紺碧色澤直是近時月白豆青染成間春漲兼天漫過石頂十仞絃穿透缺嵌之處蓋幾萬年神力淘刮以至於此而此其水與化府志卷之四

宋志續初居山之北螺村後徙澄渚今福平有林氏九侯墓在墓前爲積翠庵左爲鳳林寺有連理嘉樹其身甘棠而赤松檣樸抱之大數十圍○按澄渚山舊名陳渚唐陳暄居此雷於林蘊因改澄渚有書堂及梯雲齋古蹟蘊父披太子詹事生九子皆刺史司馬長史號九牧林氏○木蘭山在縣南七里其下爲木蘭溪宋鄭安正築書堂於溪側子耕老登紹興十五年進士擢國子主簿有詩云開懷溪一曲養拙屋三間卽此蓋治平間有錢氏女及林從世俱築南陽陂既不成熙寧八年詔募人修治於是候官李宏應詔至先是宏家居時有僧曰智日者姓馮嘗貫酒宏家三年宏不責其酬一日謂宏曰當與子會於木蘭山前及宏至肅智日已先在與宏步水涯求地脉所宜方齋禱之間智日潛自渡水插竹定基於錢林遺址上下流之間詰朝乃成竹樊而陂迄成○又十二里爲壺山山有八面高聳千餘仞正對郡治其形方銳如圭首峙立如展屏秀特端重蓋郡之鎮山也山頂有蟬井泉出石穴中其脉通海視潮盈縮中有雙蟬每旱禱雨以茅葉引之置缶中迎歸卽雨又有真

峯巖登之可遍眺郡境山之陽有靈雲巖上有幾
花洞巖月池虎丘巖宋徐思仁云凡山居以唯石
奇峰茂泉深潭古木嘉草新花爲勝而壺山
廣丘巖殆兼此景又有盤陀巖法流泉濯纓沼石
壁峰碧溪灣宋彭東臺客樵庵云壺公山有栢木
長數尺半化爲石半猶是木蔡君謨運置私第
余親見之九域志云昔有隱者遇老人邀至絕頂
見宮室臺殿似非人間老人曰此壺中日月也後
乃因以名山前志謂古有陳胡二仙陳隱北山號
陳巖胡隱南山號胡公後人改胡爲壺宋晦翁過
輿化府志壺人卷之四

此指謂人曰蒲中人物之盛乃此公作怪按古識
云水遠壺公山此時方好看壺公山欲斷蒲陽朱
紫半自蔡君謨興水利灌民田引水遠壺公山自
後登第視前爲多元郭完隱於山中與方時舉輩
三十二人結壺山文會有集行世黃滔詩云八面
峰巒秀孤高可偶然數人遊頂上滄海見東邊不
信無靈洞相傳有古仙橘如珠夏實池象月垂穿
影影皆聞樂岩巖半插天山寒徹三伏松偃出千
年樵牧時迷所舍稍歲豐川嚴祠風雨管惟木磬
羅纓青草方中藥蒼苔石裏錢瓊津流乳竇春色

駐芝田鳥兔半時近龍蛇蟄處臆嘉名光列土秀
氣產羣賢瀑鎖瑤臺路溪昇釣浦船鯨頭擎恐沒
地軸壓應旋蠲疾寒甘露藏珍起瑞烟畫工飛夢
寐詩客寄林泉掘地多雲母緣霜欠木綿井通鱸
吐脉僧南虎樓禪危磴千尋拔奇花四季鮮鶴歸
玄圃少鳳下碧梧偏桃易炎涼熟茶推醉醒煎村
家蒙棗栗俗骨爽猿蟬谷語昇禽鳥陂間共帶蓮
落楓丹葉舞新歲紫芽拳翠竹雕羌笛懸藤煮獨
箋白雲長掩映流水別潞潏作賦前儒闕冲虛南
國先省郎求牧看野老葺齋眠寺歷興衰創碑須
輿化府志壺人卷之四

一二鐫清吟思却隱簪紱奈縈牽宋劉克莊詩昔
人方此遇神仙曾見壺公跳入年砍木聲多山漸
瘦結菴年遠石誰眠鳥啼半嶺嶺斜日樵返疎林
起遠烟獨有老僧無俗事一龕長占野雲邊○名
山在壺山之麓宋志云山多靈跡油雲覆頂不崇
朝而雨因建神應廟宋進士徐寅作記謂有胡陳
二仙羽化於此○龍潭在壺山之西弘治志云故
老相傳元時有范氏養馬潭邊馬與龍交而生龍
馬事聞於朝詔取之馬至大義鎮念母一馳即歸
范氏爲其所苦因殺之○塔山在縣東十五里明

聖人御史朱泚收爲天馬山因作天馬賦其序云
壺公東分一支屏踰海上列爲五侯復折而西行
隱見起伏且數十里結爲文峰端偉秀拔飛動不
居有天馬行空之勢故名○又五里爲城山又名
穀城山與壺公對峙爲黃石宮清之圭山其形如
植冠色赤地鉗云城山青黃石出公卿故山多植
松遠望其色青青亦名青山宋林光朝築松隱精
舍于此又山下之紅泉村有東井書院宋鄭樵隱
松巖詩青嶂廻環畫屏倚晴牕倒入春湖水村
叢樹綠於藍歷歷行人去如蟻新秋未插水田平

興化府志卷之四

五

加修

高低空隴相繼橫黃昏倦客忘歸去孤月亭亭雲
外生陳宓城山詩穀城巖穴仙飛來十里湖光鏡
面開夜雨松牕僧榻靜秋風柳岸釣船回尋幽便
扣興雲洞乘興還登呼月臺每到西湖吟詠處令
人偏憶故山梅○大孤嶼小孤嶼在縣東二十里
宋志在縣東七十里海上通志引徐師仁詩大孤
小孤江中央彭志在連江里今之遮浪村海中石
巨石突起口大龜嶼嶼東大石盤上有巨人跡是
也明魏時敏詩島嶼幻靈龜上有仙人跡滄海也
桑田葦菖雨中碧○東華村與二孤嶼同在連江

里有大溪石貫其底唐明皇梅妃村中人也姓江
氏九歲能誦二南詩語父仲遜曰我期以此爲志
父奇之因名采蘋開元中高力士使閩選進明皇
大見寵幸如性喜梅上因號之曰梅妃會爲楊太
真所忌遂遷於上陽東宮乃自作樓東賦以寓意
一日上封珍珠一斛賜妃妃不受以詩付使者曰
桂葉雙眉久不描殘粧和淚汗紅綃長門自是無
梳洗何必珍珠慰寂寥上覽詩悵然令樂府度爲
新聲號一斛珠○康大和志我朝隆慶五年有變
龍見於東華山僉事余一鵬記云隆慶辛未七月
興化府志卷之四

五

加修

二十日當午雙龍出自連江里海中初黑霧彌漫
疎雨甚大色黃氣腥有頃雨止龍擁水高丈餘濶
數丈長乃亘野聲若烈爆勢若折潮其一飛升初
甚小須臾若隆復起則長數十丈漸至竟天擎雲
搏霧準角崢嶸足距騰踊尾搖曳而銳身若水枯
腹背正白甲蠕動若鯢足歷歷可見其中閃爍不
顯不定不甚遮蔽忽有片雲正黑西北來龍回頭
宛轉如畫遂駕以升不可復見矣其一浮游田禾
之末北渡洋水時雨新霽水尚沒塹所至水皆涌

從旋卷噴薄如火樹銀花至白石壩中水躍數丈
埠上柏樹皆偃徘徊良久去西北行經東庭至東
華循古忘饑亭埔下直江之西南入潭潭在江之
中央其入江時蜿蜒盤薄噓氣成雲噴呬直立高
出古榕之上其聲若雷而所歷禾樹草藻不折片
葉云○囊山在縣北三十里祖師黃妙應道場也
形如懸囊上有石巖虛敞可容數榻傍有八小石
負之玲瓏如廳櫺某几間有小窠徑寸時逢異香
樵者間得之前有巨石對峙如門右復有石高廣
可五丈因解爲藥鑪茗碾下稍平處有石坦可八

輿化府志

卷之四

七

七

尺宋蔡襄書陳伯孫詩刻其上六台萬籟息秋林
月正暉翠中彈不盡石上坐忘歸字作萬安橋體
唐黃滔囊山詩山有重囊勢門開兩徑斜溪聲寒
走澗海色月流沙庵外曾遊虎堂中舊雨花不知
遺識地一一落誰家宋朱熹赴同安簿宿寺中詩
曉發漁溪驛暮宿囊山寺雲海近蒼茫溪山擁深
翠行役倦脩程投閒聊一憇不學塔中仙前途定
何事明邑人柯潛三首下馬松關外行行過虎溪
鐘鳴知寺近雲暝覺天低澗底流泉滑蒼頭古木
齊何時謝塵鞅此地卜幽棲又借榻雲深處風聽

夜不局興來吟弄月睡起坐聽經鶴舞松陰碎龍
歸雨氣腥明朝賦歸去山色爲誰青又攀雲凌絕
頂一望海天空野色斷橋外鳥聲高樹中煙凝芳
草綠苔襯落花紅萬應都消却長歌送暮鴻鄭善
夫囊山留別黃伯固詩莆城東畔囊山遠黃子茅
堂碧樹深千仞獨尋鷄黍約九峰同寄水雲心僧
前麋鹿看人慣春後桃柳委地陰石壁題詩芳鮮
合虎谿分手暮猿吟○龍潭在囊山東其水自山
凹出懸瀑丈餘滙爲潭深綠如澱循潭上東行三
里許爲桃花洞常壁峭列洞出其底容隙而入其

輿化府志

卷之四

七

七

境頃別○九峰在囊山西宋志云上有九峰院院
之左右峰巒連屬類香鑪之九疊衡陽之九疑明
黃輦詩九日九峰寺西風又送秋竹間無路入樹
杪有泉流多事還佳節傷心問故丘山靈致吾意
長與護松楸○黃巷山在九峰之東產荔枝名火
山五月先熟爲莆之冠唐校書黃璞與從弟御史
滔自候官移居于此黃巢寇閩焚蕩室廬至此戒
其黨曰此儒者家滅炬而過滔有寄璞詩云縱徵
終不起相與避烟塵待到中興日同看上國春新
詩說人盡舊宅落花頻移覓深山住啼猿作四隣

正字後寅有黃校書開居詩取得驪龍第四珠退
依僧寺一幽居青山人眼不干祿白髮清頭猶著
書東淵野香添碧沼南園夜雨長秋疏月明掃石
吟詩坐諱却都無擔石儲○吳塘山在城北二十
里自蒙山發脉至方嶺折而西迤邐可里許田園
幽曠林木蒼翠魚塘石澗縈廻其下居民數十家
散處於板橋烟塢之間唐末有吳公者棄官隱此
故山水村落皆以吳名元時有人鑿井獲一石中
有詩字隱隱可辨其詩曰去國投茲土編茅隱舊
蹤年年秋水水上獨對數株松字大徑寸筆力遒勁
興化府志勝人卷之四

旁小書乾寧三年秋吳餘數字漫滅不可識塘中
有巨魚不計其數故老相傳昔嘗集數百人共漚
此水終不可涸每將涸輒有雷雨晦暝塘溢如故
按歐陽脩作蔡襄墓志云復古五塘人思其惠爲
立祠堂側卽此地也○又五里有國權寺卽妙應
所居爲靈峰之麓傳燈錄云唐福州安國院慧球
禪師靈峰人少時好登峰頂獨坐或數日而後反
饑則擣松葉咽水而食人莫之測既長爲僧參訊
玄沙梁開平初沙將示寂闕帥王氏請球繼踵加
號妙應禪師黃滔遊靈峰寺詩繫馬松關不忍歸

數巡香茗一枰棋擬登絕頂留人宿猶待滄溟月
滿時○香山巖一名鳧山與靈峰相對有古刻妙
高峰三字又有金鷄王火石有天然井在石盤中
方廣丈餘泉極清冽○國清塘在縣東二十五里
其水與木蘭陂相灌注澄碧千頃壺公穀成倒影
其中上有亭朱晦翁題曰濯纓又曰天光雲影星
蹟猶存宋鄭伯玉詩寒日一觀眺四天雲色稀水
風迎棹起沙鷺背人飛王縷鱸新膾金膏蟹正肥
斜陽促歸去那得戀魚磯林光朝詩燭龍醉臥不
開眼遮空萬里雲張繼小卅塘外日溶溶漁歌忽
興化府志勝人卷之四

斷荷花風倚巖僧舍局深戶我來跋涉奉肩股喘
停更促短筇上怪石周遭橫萬鼓况是秋風到此
山惟有孤鴻時往還勞勞百年共纏縛不似青山
長自閒古人古人嗟已遠長歌商頌歸未晚○又
二十里爲雙髻山一名五侯山山有五峰側視之
二故呼雙髻正視之五故呼五侯自郡城視之三
又呼筆架積石巉巖上摩霄漢上有涌泉巖大雲
院其東麓爲金山宋林光朝建有蒲茸草堂明魏
時敍大雲寺詩古寺臨泉石間雲鎖墓田正逢栽
樹日未辦買山錢農舍乘春到僧房聽雨眠定知

吟社侶尊酒醉新年○又三十里爲蚶山在大海上山勢翠嶺環翠如幃舊志云上有巖洞十里之內水草皆香又有大動石小動石石船石獸之屬泉南錄云昔嘗海溢有物如瓦屋乘潮而來郡人異之因爲立廟故老相傳云宋初海中漂來大木數百根盡刻羅字號鄉民得之斧斫其字愈斫愈現數日有一人戴冠黃袍立山下呼衆告之曰我羅仙子也卜居此地言畢不見於是衆爲建廟舟楫往來必禱焉五代晉開運二年南唐封廣濟王一統志云有蚶田百頃海物記云蚶爲瓦屋子故

興化府志勝人卷之四

七

張

名○演嶼與蚶山相近宋少帝舟泊大峽江詩爲元兵所逼忽有白馬神爲演一嶼以蔽帝舟遂免石刻演嶼聖跡猶存○白湖在縣東南二十里海潮自上黃竿入三江口經此舊有隄俗名白水塘其側有靈惠井環境斥鹵而此井居其間味極清冽萬曆間今椒令余翺所居翔宇宗漢有詩名○又十里爲嵩山峭拔海濱上有嵩山院院後石壁苔紋成文筆峰三字宛然刮去復有明郡守王鏞詩懸崖峭壁齊虹霓七盤九折雲爲梯空濛海氣盈日月千載容我來攀躋躋宮一宿毛骨爽扶桑

○小嶼在嵩山海中潮退有石橋可渡居民千餘家唐觀察使柳冕監羣牧於此有德於民建廟祀之曰柳侯廟宋余謙一作記俗因呼爲侯嶼久之語訛爲猴嶼宋志遂沿是名○涓涓嶼一名鯨山在城東南八十里大海中與琉球國相望上有黑石可爲碁子宋林元朝與林晉仲書云海中山名涓涓隔岸視之約五七里許一水可到此洲乃合兩山蜿蜒之狀有田數十頃可耕而食魚米極易辦卜室讀書隔絕人世無賓客書札之擾

興化府志勝人卷之四

七

張

島居之樂唯某知之此洲自唐以來人居稠密五代閩王時都巡簡林愿第六女歿而爲神賜號天妃前編脩臺城倪中天妃廟記云神生於宋元祐八年一云太平興國四年始生時其地有祥光異香自幼通悟秘法預知休咎長能乘席渡海乘雲遊島衆呼爲神女亦呼龍女雍熙四年昇化一云景德三年是後常衣朱衣飛翻海上里人祠之○子魚潭亦名小姑潭亦名通應港宋志子魚惟迎仙橋東小姑潭所出爲最但通三印堪登俎者絕無王彥輔塵史云子魚通七八寸濶二三寸出通

應化者佳比士大夫賦詩誤以爲通印如王荆公詩長魚翅上通三印豈自有所稽耶遜齋開覽云莆陽通應子魚名著天下益其地有通應廟廟前有港港中魚最多今人必求其大可容印者謂之通印子魚非也按志潭去縣東北五十里迎仙橋下水流通錦江○錦江俗名江口有溫湯池漢時胡道人採藥煉丹於此丹成神仙下降教以度世之方若所煉者僅可延年耳非太上之藥也於是道人棄丹於池移居西州修真而池水遂溫浴者多登上壽宋林大爺市陽風物賦云浴桃源之湯

現是歲旱禱之即雨有詩云泉聲漱玉開心孔出色接藍熒眼花着手摩娑溪上石他年來訪汝爲家陳正獻題修史堂詩流水三間屋明公半席分帝嘗招此老天未喪斯文人去留青竹山空鎖白雲升堂時想像金石恍然聞○又南爲礐山山巔累臺十餘層礎石儼然名越王臺傍有三煙峰○仙臺峰在夾漈之西是山上有棋枰馬蹄跡又石上有字恍如鐫勒遠視字畫分明近不可別其文曰日月逝酒漿前有石罅深不可測投石其中隱隱有聲久之乃息○百丈山在夾漈之東山極幽致延袤百里有六巖曰客廳曰古仙曰石塔曰石傘曰石樓曰重玄千奇萬怪窮目力不可盡唐會昌中山下陸氏子妙雲禪師名崇演避地辟穀居兜率院之石室三十餘年院西偏四里許有轉水巖巖巔有泉源如車輪在黃茅中東阻大石西流永福縣界師以鄉民苦旱至泉所卓錫大石石裂水轉而東溉田幾百頃因名轉水巖巖下有奇石上圓下銳卓立如香鑪西偏有泉一泓祈雨輒應左側有神祠相傳柴周顯德中居民見有白衣長人入祠急就之不見但見金書滿壁中可讀

者二句云瑞雲山下出三元東西二里人皆傳至
宋乾道二年西里蕭國梁五年東里鄭僑八年西
里黃定相繼及第○永興巖在新縣西峭壁三十
餘丈蒼碧是業有洞出巖底可炬行十里中藏鷹
鬼數百常出侵人宋紹興中水福有張聖者能飛
符禁架因驅巨石封其門鬼患乃息鄉人結屋數
椽嵌巖門處以祀張公巖上飛瀑灌頂漫腹界石
瀉落廟前一石井適承其溜淙淙作鼓饒音巖左
有石獅石象香鑪王女前有將軍石門諸峰皆極
形肖○又西有長壽峰舊經云何氏兄弟九人先
與仁府志勝八卷之四

重

隱此山得不老之術故名亦名仙壽峰絕頂平地
周圍十餘丈遠眺游洋諸境其陽有寒泉名仙人
井水流爲馬尾湍經綠榕橋宋王執詩鷄犬數聲
雲一塢春深桃李渺成蹊○棋山一名棋山在長
壽峰之西南有仙掌石高三十餘丈特立如掌宋
林光朝豐登樓記仙掌一帶如湘潭其牽映數處
如鴈蕩卽此地也又有石竹峰峰之麓卽故興化
縣治○龍山與棋山毗連山巖如圓屏瀑水高三
十丈下瀦爲小潭餘流潄潄鳴石間有石室深廣
一二丈皆隱者居之地爐檜在傍有西臺宋傳燈

西臺其辨禪師安坐處也○澳嶺在新縣南而
稍遠其下爲澳村以洙溪古宦溪鳳博溪合流名
曰澳溪下流至荻蘆溪歷萬安溪會赫溪以達江
口其支流由太平陂至新港各入於海里人吳昭
荻蘆溪詩東下江橋十里流千峰如魚送孤舟吳
潭潭上誰家住溪鳥溪雲戀故丘○瀨溪在縣西
南二十里溪源自永春德化仙遊會淵壑之水三
百六十有六束趨入海宋治平元年長樂錢氏女
曰四娘者畏金大如斗來築陂於將軍灘前開渠
循陂角山南行陂市成錢氏引棹落之忽溪流橫
輿化府志勝八卷之四

重

溢陂輒壞錢又痛憤赴水死其屍流至維新陂下
二里許香氣遠聞鄉人殯而祀之號香山宮其上
有將軍崑宋蔡襄題將軍崑詩赤日正亭午解衣
岩石下石泉殊甘涼野籟亦蕭灑驚猿度嶺雲遺
果落庭瓦披軒忽永嘆幽抱不可寫○又里許爲
白沙溪源出鐵嶺白雲鼓角諸山至古山西合流
北行與大溪會白雲鼓角二山皆在南白沙之南
鼓角北行至溪潭分爲九條曰九龍山山下溪水
會流成潭曰九龍潭又十五里爲石梯山盤礴峭
壁高千餘仞其土宜茶上有石梯寺唐乾符中建

經有鯨峰岩南望大海○浮山自石梯分而南其山近海山下爲東沙村唐長史陳琨曰東陳元陳紹叔居其西曰西陳紹叔嘗爲學者說書幾衡遂採木爲儀象以示之既而僞僞倣古制又別制器象天體虛其中而操之上刻周天度數而以細螺填之揭南北二極凡天河星宿皆列其名五色絢爛使夜視之與大象合圖四尺五十寸有奇極其精微名曰小天有友人寄之詩曰夜過浮丘月滿山一尊相對夜漫漫門臨大海風濤壯家有小天星斗寒

興化府志

卷之四

五

仙遊縣 在府城西北八十里

唐嗣聖十六年析莆田縣地置清源縣以大飛山之前五里爲治所天寶元年別駕趙順正謂縣同郡名非便奏請易之遂改仙遊我正統十三年興化縣廢而以其西北鄉地併入○自唐建邑弗克有城至宋紹興十五年始築城以禦山寇寇退隨止乾道間知縣趙公綱始建四城門東口九仙因九仙山爲名西曰日澤時適禱雨於九座山澍沛而名南以水流羅漢墩因名流慶北以大飛山因名橫南宋陳汝器居城中之南街家居積善一夕

飛錢滿其室汝器與妻朱氏焚香祝曰願有良子錢乞減半其後汝器子可大登政和二年進士遂爲望族○城東北隅有金石山宋名臣傅楫聚族於山下科甲蟬聯山亦以楫得名○縣東七里有鷄鳴城相傳越王無諸所築俗呼城山又名缺山舊經云其城靈異不假版築又有彭城相去不遠遺址並存○志云羅漢墩在縣治南高一丈廣數尺宋興化縣有林氏子初出家時每至仙遊乞食已則跌坐此墩晝夜誦經不避風雨後住福州鼓山號別峰祖珍禪師開堂說法徒衆雲集嘗見傳

興化府志

卷之四

五

燈錄○二飛山宋志作大飛距縣北五里縣之主山也蜿蜒數百里屹立爲二高可千仞其形翼然作飛揚之狀下有鐘鼎馬鞍二山東爲將軍山頂若梵筵稍北爲瀑布山懸崖數千尺飛瀑瀉下如練下有龍潭去二里許有富洋院唐四門鄭良士寄富洋院禪者詩畫破青山路一條走鞭飛蓋去何遙礙天巖樹春先冷鎖院溪雲晝不銷雪上茗芽因客煮海南沈屑爲齋燒誰能學得空門士冷卻心灰守寂寥○九座山在縣西北七十里泉南錄云重巒疊嶂之中巍然高峙者凡九座故名唐

元和初邑留坡陳氏子生不茹葷行於日月中有十二影隨身遂出家學道咸通六年建太平院於此乾符中賜額宋蔡襄書東山有巨蟒廣至其所蟒口如屋廣柱錫坐其中蟒化為石今院東三百步有石龕廣逾尋丈曰棲真巖俗名蟒口巖是也又於巖西立院院之西有潭龍蟄其中時常亢陽廣叱之龍透石出石斷如截因名透龍石時棲真巖下有淺穴無水廣以錫杖叩之泉忽湧出名錫杖泉院西三十步有大淵出於窮山羣石堆積水下激石其聲錚然如鐘聲環珮名徹雲淵無名氏

興化府志卷之四

三

詩云延綿不可窮寒光徹雲際落石旱雷噴濺空春南細出澗北而上捫蘿躋約五里却入澗中巨石之下寬餘一丈深二三尺水湛而清傍有陰竇深淺莫測名曰龍潭宋徐思仁九座山詩依依苔徑荒曲曲溪流急九疊作屏張萬仞俄壁立平處地如掌仰看天似笠林象寓九座院卽事沙路無泥屐齒輕薄雲籠日雨初晴林間鳥弄歌千轉溪上花間誘一綢又短短桃花點綠荷輕輕白鳥下晴波宛然西塞江邊路只欠能詩張志和其相連者爲九雲山唐文僊修行于此文僊事詳溫陵開

元寺東塔○九鯉湖在縣東北六十里萬山中湖之前山曰飛鳳後山曰高陽二山蟠踞環抱中通一澗泉水匯而入湖澄泓渟蓄深不可測中有九鯉魚漢景帝時豫章何翁其姪張氏生九男四女九男目俱盲獨長者一眼爲諸弟前行翁與淮南王安遊九子勸父俱隱不聽遂相與入閩初居福州于山已而遊莆至西州謁胡道人飲以所居井泉九人之眼盡開乃西行六十里結楓爲亭而居其中復東踰嶺入湖見重崗疊巘怪石交列湖底皆石石各有穴穴各兩竅竅各相關紆回虬曲因

興化府志卷之四

天

結廬以居於是九人煉丹於湖上丹成以食鯉鯉變而朱其傍有翅昂首噴沫便招風雨湖水爲溢一日鯉數躍欲飛九人各乘其一上昇後人建祠祀之湖上中坐翁嫗前列九仙其側有范侯相傳翁有四壻曰張曰楊曰范曰信或云范乃邑人爲尚書九仙始至時范知非常人日左右之已而竊嘆其丹面黧黑欲死九仙憐而解以白雞血乃甦人有欲知未來禍福者先薦白雞於范侯陳其所求而宿於祠是夜得夢無不奇驗唐許稷遊九鯉湖詩道是燒丹地依然雲水居山空人去後夢醒

寒來初溪雨飛沙岩門隱霧虛高歌對明月松
影落扶疎陳乘前題汗漫乘春至林巒霧雨生洞
莓黏殿重岩雪濺衣輕窟宅分三島烟霞接五城
却憐饒藥物欲辭不知名徐寅前題到來峭壁白
雲齊載酒春遊渡九溪鐵嶂有樓羅欲墮石門無
鎖路還迷湖頭鯉去轟雷在樹杪猿吟落日低回
首浮生真幻夢何如此地傍幽棲鄭良士前題仄
徑傾崖不可通湖嵐林霽共冥濛九溪瀑影飛花
外萬樹春聲細雨中覆石雲間丹竈冷採芝人去
洞門空我來不乞耶耶夢取醉聊乘鄭國風宋徐
與化府志卷之四

三元

師仁湖懷古晨踰九仙山暮訪九鯉湖何氏兄
第跨鯉魚同時輕舉排天衢山頭雲氣故恍惚三
十六鱗今有無瓊漿白日醉天闕何日華表歸來
平康鼎成前題久學秦人避空聞漢主求丹爐無
鳳髓石室有龍湫谷挾千峰雨湖生六月秋塵蹤
應自息長嘯下溪鷗張軌前題暝雲竹徑濕蒼苔
雲頂珠宮絕點埃澗水遠分山色斷林猿時帶笛
聲來唐朝百載惟詩在漢事千年若夢迴湖鯉猶
傳靈異跡無人不道是天台口雷轟滌在湖之東
水從何巖出而西流注於此奇石無數當其中日

夜淵洶激盪聲喧歷如雷傍有巨石可坐可觴昔
九仙飲黃雞於此因名黃雞灘浴之可以已瘡漆
東巨石如底有穴焉大者如鼎如臼小者如甕如
盂其中衆竅各自相通故其貯水溢則俱溢減則
俱減好事者垂百丈之綆猶莫得其涯洙昔九仙
脩煉湖中以鼎跨穴上穴中水自沸故名曰丹竈
丹竈之左有巨人是跡長三尺許足指宛然深入
於石俗傳何氏所棄人闕敵屣跡也黃鷄灘東有
石牀廣八九尺脩三之高可六七尺傍皆類削成
相傳九仙設此牀令從遊者臥之去石牀百餘步
與化府志卷之四

率

有石厓區可六七尺許上復有小石如蓋覆之或
云何氏酒尊宋蔡佃詩水流石激擬鳴雷洞裏乾
坤別有臺玉鳥扶風飛復下瓊花帶雨落還開鐘
聲敲斷白雲暮樹影盤迴黃鶴來笑道神仙無處
覓空留丹竈冷莓苔口龍擦石在湖之西有紋縱
橫如龍鱗日射之五色成文相傳滌中龍擦於此
又其形似龍鼻名龍鼻石石上有水縈紆而下爲
瀑布泉其下有潭色玄而碧又下而危石夾岸水
至此猖狂直瀉巖巖霏微錯落其狀如珠亂縷不
絕極類珠簾名珠簾漆再折而去散爲煙霧其下

向萬仞之壑魚龍所宅夾潞之山有瓊芝琪樹削
壁懸崖罕得而涉明郡人刑部尚書林雲同詩捫
蘿度深篁懸燈驚如線靈局忽以開觸目坐成眩
危石瀉銀流千尋垂楚練咫尺對珠簾噴薄日相
飛萬壑爭喧歷千巖競葱蒨石城亘長空縹緲飛
瓊殿○盤龍山在湖西南高千餘仞翠崖不可登
其上有宛童之木寇脫之草山左之石嵯峨下趨
如牛羊飲澗名飲澗石水從山頂灌下忽岐爲兩
直抵洞中遙見宛若王柱名王柱潞又名王筍潞
中多奇石絕無徑路潞西折有數石相憑藉而成

龍虎青志勝八卷之四

三

洞可數十人常有白雲封之曰白雲洞遊者至
此多迷惘不得入○石門潞在珠簾之下去王柱
里許潞中石多參差不可名狀有二石亭亭若門
餘微開闔頗房闔相通一水中流林木蔽虧多龍
脩之草時有白鹿遊其間角長五尺許莆田都御
史林大輅詩寒濤豁欲曙晴曦月初懸坐協滄洲
題石門生紫烟山人談服食問我掛瓢年一笑瓊
花在前娟娟遠天○五星潞距石門二里許遊者
必洗足穿裳以涉傍有鳥道僂僂而進其中五石
相聚如星出入多玄猿明御史歸安慎蒙記稱有

片竈三口水光射人如三星道人指云此水煉法
也莆田余翔詩懸崖千樹畫冥冥灘上精靈聚五
星我欲齋心看道錄移來午夜照疎櫺○慎蒙記
云潞者水厓之水潞也湖傍九潞一潞或五里十
里遠者二十里皆自高趨下路不滿三尺行者皆
駐足于草樹榛棘中兩人以布曳于前後遊者以
手攀緣而下至五星潞爲第五潞觀止矣頃三山
陳鴻鄭絃入莆遊鯉湖有九潞同聲詩林大司成
敘之略曰湖之奇以九潞兩山夾峙奔流界乎其
中然窪谷斗絕草木蒙茸非攀蘿縋壁則不能至

興化府志勝八卷之四

三

而時有顛墜之虞余頃募工開鑿砌爲磴道始得
至懸崖下仰睇珠簾真若銀河從九天落也自此
過石門歷飛鳳孤嶂入雲深潭見底崑洞相錯窈
窕玲瓏因趨仙人棋山將軍潞出莒溪道上以後
游者竟從此潞入層累而抵九仙宮亦尋真之一
快矣○飛鳳潞去五星三里許蓋飛鳳之山峙於
湖前其高百仞十里之外有泉縈迴注而爲潞潞
下里許有石虛中如龕龕外石罅若天窗中可坐
十餘人相傳開山沈真人坐化之處其上有潭水
色深碧中多虬鱗水流從龕頂而下名過龕潭相

潭水有毒不可吸惟過龜者其味損殊飲之發
鬚久可冲舉□棋盤溪在飛鳳下里許有石脩廣
數尺四面如削成傍復有石其狀如人或以求藥
至往往聞敲棋聲□將軍溪在棋盤下數里溪中
兩石鵠立狀若武夫當關故名自湖至此不啻二
十里寂無鳥聲而有獸跡崖谷懸絕遊者即絕而
下復引而上或作猿攀或作蛇行雖豪舉之士窮
目之力不能至間有至者亦不能還故道返也晉
人有名衍者失其姓遊九溪中迷路餒甚遇老人
飼以餅棗久而靈通後隱龍津北山舉家仙去隋
興化府志卷之四

石嶺上有巖曰何巖俗名寒硯一名古何城東
有石洞可坐百餘人彌亘數十里宋蔡襄何嶺詩
何嶺巍我欲接天回頭人與白雲連桃花不點尋
常路從此依稀度九仙○南湖巖在何巖西峰巒
聳秀下瞰平湖宋有需禪師者莆田陳氏子得法
于江西應乾禪師歸居蔡溪已而創萬安院于此
墾田養徒百餘人初聘君陳易往參應乾乾令見
需需與之同處後易徙去蔡溪需有寄易詩云拂
石跏趺樹影寬定回霜月照人寒此時况味誰知
得寫與秋藤居士看易答需云年來多病愛栖禪
寶鑑慵將照醜妍却憶南湖孤頂月定回金磬落
巖前○高陽山在南嶺西又名谷目山崇林幽翳
居人剝木以識所從入之路因訛爲谷目山山高
百餘仞率律臨湖上有神芝下多奇草有白首
青身而黃足其形類鳥名曰鴈鴈或曰神鴈見之
者吉祥○羅漢巖在何嶺東其南有院唐昭宗賜
額曰龍紀宋務欽禪師退居於此榜其室曰大懶
將示寂其徒請偈師曰釣客不持竿王女不画眉

○石所山距何嶺三十里高數千仞盤踞百餘里何巖居群峰最上而此山又居何巖之上其巖有石如笏高三丈許又有烏頭巖山石影黑浮海者望以爲的又有雲居巖古篆百餘字如龍蛇糾纏不可識下視空洞滄海渺漫宋鄭樵建書院於巖之上高可千仞而方沼復滌其巖林光朝劉夙嘗登是山皆曰天下佳山水未有如鯉湖石所者也宋董公偃大觀中以八行見舉不出而築靜和軒於此聘君陳易題一詩於軒壁曰酒吸陽春入肺腸茶罷清風生肘腋安知石所洞中人不是武陵

興化府志勝不卷之四

三

溪上客○麥斜巖在石所之左巖東有二石洞洞口有石縱橫上覆巨石竇而入清冷逼人宋末有僧曰自永者結菴於麥斜嘗有龍見木杪永誦經不顧又嘗汲泉歸虎蹠其後就飲永回顧徐云適從何來其渴乃爾年八十餘跌坐而逝數日顏色如生林壁卿以明易舉重一時元世祖欲授以美官壁卿曰吾一門四忠義父光世被遇宋朝未有涓埃之報何以官爲抗辭不受歸隱于此因名曰樵谷山○滴水巖在麥斜東里許陡削壁立水自山巔涓涓而下前有石穴其口甚隘傾如建瓴好

事者○行以入屈曲十餘丈與巖相錯居於山之間者又有鳴山巖巖石扣之鏗然有聲故名又有善果巖其巖有石如笏石上有牛蹄井又有虎頭巖石池清泉居然占勝林光朝曰爲小武夷○寶幢山在縣西十二里唐垂拱二年建龍華寺於此舊經隋人葉中潤州僧阜菴者精修梵行山林幽邃人跡不到後有白龍銜白蓮華自空中來獻因以爲名今龍池龍井遺址猶存宋邑人林蒙博通六經百氏母歿終喪不謀婚娶寓跡於寺之法華菴累徵不就劉克莊龍華寺詩不見層巒與

興化府志勝不卷之四

三

樓巖眼中夷曠似江南煙收綠野連青嶂橋瞰朱橋映碧潭丞相無家曾住寺聘君有宇尚留菴荒山數畝如堪買便欲誅茅老一龕明狀元柯潛詩寶幢峰下煙霞古老樹如龍欲飛舞花氣薰成五色雲泉聲散作千林雨我愛溪山事幽錦袍醉踏東風遊題詩淨掃巖頭石把酒還登竹外樓空門自與人間別夜榻焚香卧清絕明朝長嘯拂衣歸閒却溪風與山月○又三里爲三會溪其源一自白鵝嶺東過古瀨溪一自金華嶺東山溪合大目溪入石碧潭南過文殊橋與古瀨溪合林蒙三

今溪開行詩原推摩麥東西浪春入郊原遠近花
開趣溪流到村曲斷嶽喬木兩三家又溪上橫岡
一道斜成行鶯鶯落平沙竹籬茅舍林中見髣髴
孤山處士家○洲洲臺山在縣西北三十五里又
名仙人臺宋邑人卓錫真入此山中遇何仙與以
二桃彌真食一留一仙人問故答曰留以遺母仙
人領之自是不茹葷性自靈悟能行符呪水病者
飲之即愈後結菴於鳴峰山白日坐化今仙蛻猶
存唐四門鄭良上遊臺山僧今詩到此溪亭上亭
生始覺非野僧還惜別遊客亦忘歸月滿千巖靜
興化府志卷之四

風清一磬微何時脫塵役杖屨願相依○又五里
爲梁山舊經云平田中突起一峰層巒插漢多神
仙所宅嶺上有石形如獅子名石獅嶺山之深處
有靈源洞洞前石高數丈頂極平上有井深尺餘
大旱不竭相傳女仙馬氏遺銅鑪于其上○又四
十里爲大勳山與永福縣交界其下爲勳洋舊名
汾陽唐功臣李尚芬故宅在焉宋侍郎陳謫賞汾
陽李氏白牡丹詩玉色天然賽渥丹亭亭竝立倚
朱欄正然不語偏含思若使能行却厭看又曉來
玉露溫香腮雪態霓裳妙剪裁不比世情隨冷暖

此山爲老人間○尋陽山在縣東北八十里有
大山自西北來峙爲三峰曰大雪仙臺香爐山大
雪下有鷄髻巖尖芒攢聳上有靈源石竈由仙臺
北有紅袍山雲頂巖巖有石室十餘處舊傳隱者
栖息於此亦名舊隱巖傍有釣月灣開猿洞眠雲
閣諸勝仙臺之東有笏山筆架山烽火山香爐之
南有大象山蓮花峰鸞峰峰頂巖巖冬時鸞鵲其
中春則飛去循巖而冬又有石龜巖龍鬚巖銀頂
峰宋陳昭度西軒賦云西淵之水懸流三千尺發
源於銀頂峰是也○北山巖在尋陽羣山之巔兩
巖在府志卷之四

石峙立而負一巨石是爲石室可坐百許人上有
泉源初以岩石障蔽不通一夕雷劈成罅泉始達
於石室之下冬月不竭宋鄭樵登北山巖詩西風
洩洩白雲閒一片寒泉掛此山倚杖巖頭秋獨望
稀疎烟曉是人間○又五里爲蔡溪巖巖前有石
如雙闕曰石門高三十餘丈廣一百一十丈石門
之北峭壁環立上有瀑布懸流數百丈瀑之盡處
爲龍潭深不可測水流而爲溪是爲蔡溪唐智廣
禪師先居此巖頂以野菜爲糧鄉人不知也後見
溪中葉葉流出泝源而得禪師因以葉名溪至宋

中蔡樞從陳易遊此因改業爲蔡中有普陀巖
石壁間可坐四五十人風日不到其前有羅漢洞
石門之下有幻遊洞巖水至此會流如奔雷瀄爲
一湖大木百餘盤屈石上盛夏猶寒嚴之東有象
王峰西有獅子峰象王之下有望堂臺陳易結廬
於其間臺傍有藏真焉眠雲石易莆田縣人該綜
經史工五七言詩嘗從佛敎與雷禪師居此斷葷
絕俗日惟一食既而需徙南湖易獨留寄炊於山
下香泉寺日致飯一盂或遇風雨溪漲却至經旬
不食如是者五十年崇寧初舉遺逸又舉八行郡

興化府志勝入卷之四

三

守郭重致聘易謝箋曰蚤初修於八行晚但了於
一心心既本無行於何有易嘗作歌曰吾結草菴
蔡溪側四顧峰巒皆削壁石門千仞鎖天津來者
欲登那得足住此菴中是何緣不詩不頌亦不禪
饑來苦菜和根煮夢石爲牀困即眠或停松或坐
石靜聽溪泉激鳴土源深洞邃來不休聲聲奏盡
無生曲○林洋山在故興化縣治之西宋有從登
禪師結蒲爲菴於此衆因呼之爲蒲菴禪師師俗
姓周懷安縣人母夢泗洲僧伽願爲已子既孕而
數年不育又夢僧伽曰七日吾復來後十年七月

興化府志勝入卷之四

罕

一曰延生自幼通經屬文兼工草隸棄儒爲釋與
禪子則譚禪與儒生則論經史初居石門晚方居
此歸寂之日烟浮乳迤皆爲舍利師爲詩文援筆
立就初不構思有盧縣尉夜遣人遺以菖蒲石立
索回詩師即復之曰夜半敲門聲剝剝風擾長空
月欲落九重洋外雷聲號萬頃浪頭雲色惡地神
失却洞庭山蒲菴化作蓬萊閣廬即寄我意何多
七十二峰添五嶽○如蘭山在故興化縣西南山
自韋坑分支而西連起數峰逶迤羅列其下有水
陸精舍宋里人謝慶恩初爲興化縣吏紹興初縣
令詹卓然知其非凡夫因度爲僧受業於水陸僧
圓覺禪師遺之雲遊江西叅老衲師道價籍甚

泉州府在府城西南領縣七

中六

泉州之名起于隋文帝平陳時改自豐州者然乃今之福州也隋泉州郡下所轄有南安縣今泉州地唐嗣聖間析泉州之南安莆田龍溪三縣置武榮州即今之泉州也先是景雲二年改泉州爲閩州以武榮州爲泉州屬閩州都督府是爲今之泉州于是泉與福始不相溷故景雲二年已前凡曰泉州者皆福州也景雲二年已後凡曰泉州者指今泉州也包何送李使君赴泉州詩傍海皆荒服分符重漢臣雲山百越路市井十洲人執至來泉州府志勝八卷之五

朝遠還珠入貢頻連年不見雪到處卽行春○郡之舊治在雙門正北卽今泉州衛是自儀門兩旁環而垣之爲衙城衙城之外爲子城子城之外爲羅城羅城之朝天門唐名北樓歐陽詹有重脩北樓記畧云此郡北廡之立候樓也製造日遠土木之力殆有年數矣邦牧席公貞元七年下車至九年重脩云五代陳洪進以松灣地建崇福寺展城之東北以崇崇福又土延彬妹爲西禪寺尼復展城西以崇西禪今之東北西北二地稍濶故俗呼曰葫蘆城○輿地紀勝云泉城初築時環郡皆檀

莊桐號桐城初夏間花極鮮紅如葉先萌芽花後發則其年五穀豐登否則反是故謂之瑞桐宋丁謂詩云聞得鄉人說刺桐葉先花發十年豐我今到此憂民切只愛青青不愛紅邑人呂造詩云閩海雲霞繞刺桐往來城郭爲誰封鷓鴣啼困悲前事豈惹香銷減舊容○郡人多種素馨花宋傅伯成詩昔日雲鬟鎖翠屏只今烟塚伴荒城香魂斷絕無人問空有幽花獨擅名註云素馨南漢宮女名也○攷宋已前自西北取延建路出城西義成門至南安澄口驛永春桃源驛德化龍潭驛上苑驛抵尤溪縣進逶經西芹至延平蓋以避大義江之險然山嶺高峻卒不可行故唐雍陶詩云枯木閩州道驅羸落照間投村礙野水問店隔荒山宋陳知柔詩村南村北放黃犢塢東塢西聞鷓鴣麥熟田家飯自快梅殘野店鳥相呼此皆清源道中作也○宋謝履詩泉州人稠山谷瘠雖欲就畊無地關州南有海浩無窮每歲造舟通異域按寰宇風俗記云泉州卽此州之夷戶亦曰游艇子乃盧循之餘晉末循寇暴爲劉裕所滅遺種逃叛散居山海厥類尚繁唐武德八年都督王義童遣使招

得其首領周造麥細陵等並授騎都尉令相統
攝不爲寇盜貞觀十年始輸半課其居止常在船
上兼結廬海畔隨時移徙不常厥所船頭尾尖高
當中半濶衝波逆浪都無畏懼名曰了鳥船○志
云東湖在城東郊湖中有大阜唐郡守薛播嘗
醴于此以待歐陽詹詹有記云郭東之阜高不至
崇卑不至夷合之以澄湖萬頃統之以奇峰千疊
乾符初有僧名齊固者露坐湖岸誦法華經寒暑
不移于是郡人郭皎卓檣構菴以居之至廣明元
年賜額東禪寺○開元寺在西門內舊爲州民黃

泉州府志勝

八卷之五

三

守恭私園唐垂拱二年守恭夢僧與言園地可建
寺越二日園丁報桑樹上生白蓮花香清而遠守
恭因建大悲閣于其處尋建正殿有司以聞賜名
蓮華寺開元二十六年始改今名寺內有東西塔
東塔起于唐文僊禪師西塔起于闍王審知然皆
以木爲之至宋淳佑寶慶間易以磚石其製始備
二塔空洞玲瓏工巧悉敵海內以爲壯觀○承天
寺在崇陽門內東南隅後唐天祐間建福先院于
北山後燬于兵鄂公留從效乃以別南園爲寺
號南禪宋景德年勅賜今名有鄂國公及祭酒紹

鑾丞相忠宣公各檀越祠○玄妙觀在府治之南
唐神龍間建旣而改名龍興觀宋大中祥符間又
改天慶觀觀之西有紫極宮古檜圖一丈六尺高
七尺餘枝如虹龍香葉蔭鬱如幄旁有石刻晉朝
檜三字宋彌安晉檜行紫極宮中晉朝檜故老語
我今千年根盤厚地龍蛇走幹薄霄漢星斗懸玄
冬飛雪斷人跡貞姿不改平時妍虬枝香葉翠如
幄一子不落合蒼烟胡爲廣厦構梁棟如此大材
乃棄捐伊昔晉朝紛亂日衣冠南渡依江甯風流
王謝各幻化肝膽鐵石還依然

泉州府志勝

八卷之五

四

晉江縣

郭附

晉江在城南納本邑西北之水與南安永春安溪
諸水合注于海晉永嘉亂後中原衣冠士族避入
閩者多沿海以居舊屬南安唐開元六年析置今
縣因以爲名○笏江在臨漳門外其岸有石高二
丈許卓立如笏故名岸傍一山俯瞰江流有大磐
石從山腰至麓與江相接長二百餘丈其穿伏于
水底者尤不可測宋初邑僧定諸建塔于磐石之
上因名其山曰石塔山舊時江以舟渡宋皇祐初
郡守陸廣造舟爲梁曰履坦俗呼浮橋紹興三十

年守魯文繪乃易以石石間刻有詩云刺桐爲城
石爲筍萬壑西來流不盡五丁挽石跨浩渺萬指
琢山登隱嶙乃乾道郡守王十朋作也○沿江在
德濟門外筍江之下蓋自南安黃龍江下筍沿二
水總名曰筍江宋嘉定間郡守鄒應龍架石爲橋
曰新橋元末鐵石丞分治泉州其舍人兒曰楊郎
者聞湯和已取福州介告石丞與之共赴新橋死
焉○洛陽江在城東北二十里納本邑東北與惠
安西南之水入于海群山逶迤數百里至江而盡
唐宣宗微時至此以類洛陽故名先是有渡曰萬
泉州府志勝入卷之五

五

安渡極危險既而聯舟作浮橋宋慶曆初郡人陳
寵梵石作沱橋不就皇祐間僧宗已郡人王寔盧
錫募貲累年亦不就會端明殿學士蔡襄來守是
郡慨然成之立石爲梁長三百六十丈種礪于礎
以爲固襄手書勒碑紀其事○先是襄爲閩部使
者時夾道種松七百里以庇行人歆毒于是閩人
祠襄于橋旁爲詩二章歌以侑祀一曰道邊松太
義渡至泉漳東問誰植之我蔡公歲久廣陰如雲
濃甘棠蔽芾安可同委蛇夭矯騰蒼龍行人六月
不知暑千古萬古長清風一曰洛陽橋一望五里

排琨珩行人不憂滄海潮衝衝往來乘仙艤蔡公
作成去還朝玉虹依舊上青霄考之溱洧功何遜
千古萬古無傾搖□按宗已者邑人子精于數學
初主資聖寺以造橋故爲襄所知因住萬安院太
守劉忠順題其居曰院幽巷更小嘉遜稱名存展
榻殊無地看山別有門潮來供菜圃雲過隔城村
了畢如來藏任他風動旛○清源山一名泉州一
名北山一名齊雲山在城東北八里周圍四十里
橫跨十餘里高數千仞通志引顏師古漢書註指
此爲越王所保之泉山然攷師古之時乃唐貞觀
泉州府志勝入卷之五

六

初之泉州今福州也其非此山明矣山起三峯其
中峯有清源上下二洞上洞名純陽在山巔後有
石室裴道人仙蛻之處號蛻骨巖裴道人者宋紹
興間自稱江東裴道人頭戴草花行歌于市者也
下洞名紫澤去上洞半里許洞前有泉出自平石
之上深不踰尺大旱不竭相傳蔡尊師如金手握
藜杖截之而泉出名曰藜杖泉此泉之下有乳泉
宋元祐中潛江令張總謫居于此嘗取以煉藥逾
年不壞以爲慧山泉殊不及上下洞之間有清源
泉其深無比深四五尺中有靈物身如魚耳如牛

現則大水□遵巖在泉山之左去純陽洞南半里許一大石平如砥縱廣百丈謂之百丈石傳燃錄可遵禪師嘗結廬于此因以爲名有三石塔遺址又南爲泰嘉巖地頗平曠宋紹興中僧靈源結茅以居巷前有放生池池前有一山登眺則東南諸山皆在足下大海在南晉江流自西北洛陽江流自東北□由泰嘉巖循西而北又折而南者瑞像巖也巖石翠嶺面平如砥又名天柱峯宋元祐中有林道者結廬是山夜夢神人使醵佛像于石匠作魏周夢亦如之遂鐫釋迦于上前有一峯對峙

泉州府志卷之五

七

危石排列于次名羅漢峯又有片瓦巖天然石室空洞可居又有虎巖以虎嘗居其中故名虎巖之左有不易巖昔有女子脩行其中或謂之曰若來住山不易答曰到山亦復不易因名不易巖（又其南爲梅巖石高數尺傍植古梅故名巖畔澗水合流東有綠潭沿流而上至高峻處有石基局石硯煉丹臼稍北兩石對峙泉出其罅名漱玉泉其東爲妙覺巖龜巖巨石磊磊中空可居唐歐陽詹結廬讀書之所俗謂之歐陽室予有宿石室詩四野淒風甚重林煖氣餘雖干巖上宿宛爾室中居

一夜夢魂好千年踪跡疎棲棲日行役終媿古人書□南臺巖在泉山之右矗起三石爲三峯高十餘丈巖壁立石下有臺以其在二洞之南故曰南臺西南諸山羅列于下江流自金溪逶迤曲折而東以聯大海城郭村墟歷歷可數不數十武爲巢雲巖巖石懸峭嘗有雲氣棲止泉流灑灑有聲明萬曆間御史詹仰庇以言事忤旨廷杖歸建書室于其左于宗亮送派上人移居巢雲詩青嶂獨棲息白雲隨送迎束經披石色携鉢入泉聲小逕桐筠長新堂雪月明禪心原不住相對語無生□

泉州府志卷之五

八

彌陀巖在南臺之東南有石室深廣丈餘前有石臺中有石佛卽彌陀像也其左右鑿深廣五尺餘幽邃莫測前有飛瀑瀉爲小澗澗旁有石可坐數人（元縣尹陳駁詩城南野寺遠淒淒老去登臨興不迷黃菊有情留客醉青猿何事向人啼長江落木孤帆遠古道寒蕪足馬嘶願得相從休物累頻來此地共幽棲□木龍巖在彌陀巖下虛隙有古木根蟠如龍歐陽程刻贊于石云天蟠蜿蜒勢若騰天疑初孕靈神化條然者也其西爲觀音巖巖元祐間鄉人嘗夜見巖上有光因鑿之得白衣觀

舊故名其下爲老君巖有石天成如老君像季
本老君巖詩六丁鑿玄竅此行地龍鱗角龍巖
整外峭中以空地靈尚愛寧經荒雲且封洞天三
十六日覽詎能窮搜奇造微偶與神室逢旁有
兩孔穴衆妙山茲通入門未數武翼然見新宮內
有老子像炳煥生龍光刻畫渺難察奇巧疑天工
吾聞太上教當在關西東如何閩海濱亦留現世
蹤武夷載秦祀紫澤啟漢疆晉安尚清淨李唐邇
所宗靈瑞磅以邇茲山名益崇○紫帽山在城西
南五里常有紫雲覆其巔故名山有十二峯而二

泉州府志卷之五

九

峯最高左峯之陰有金粟洞唐元德真人鄭文叔
居于此李邕詩序云唐時泉人有客洛陽者邂逅
一羽衣寄書紫帽隱者既歸達書隱者遣以粟米
半升還家視之乃金粟也因以名洞宋宣宗御書
金粟之洞四字刻于石右峯絕頂有凌霄塔西有
石鼓卅爐試劍基局仙掌諸峯北有天湖巖南有
古玄室○又五里爲洋嶼山四圍田疇數百頃此
嶼突起其中山頂有蟻殼傳燈錄無了禪師居之
石洞丈餘刻曰棲霞宋邑人蘇隨嘗舉嘉祐二年
進士棄博羅令歸安坐此洞作籬落蔽其前不與

從拔葆神煉氣或至數日不食後數年坐脫○鴈
塔山在城南十里平地突起秀聳而圓其狀如塔
故名上有石約五丈許其傍累累或壁或假幽奇
可愛○又二十里爲羅裳山山之東有五髻峯嘗
有異人畫馬于峰前石上每天陰鄉人見馬馳驟
旋復入于石相詫以爲奇異有龍湫六井各相去
半里許有在高原者有在平田者泉脉貫通汲一
井則五井皆動往往有龍出沒井傍樹木時有龍
爪痕又十里爲靈源山山頂大而平又名太平山
西北麓有吳明宮又名吳明山山高峻出于東南

泉州府志卷之五

十

諸峯之上有石曰望江石南瞰大海外如在眉睫
絕頂有紫雲峯宋林知先生隱處卒乃葬焉劉濤
哭林知墓詩處士塚三尺吳山松萬株空留著書
稿不見煉丹爐道古言難合年高德愈孤清朗禮
樂備無事用真儒○又十里爲靈秀峰山勢秀拔
頂有一巖每海潮長時則石潤退則石燥其驗不
爽○靈山在城東南二十里郡守周道記峯云出
仁風門外半里許稍折而南爲東湖遵湖岸而行
望之巖然鬱然祥光瑞靄隱隱呈露者靈山也其
巔有石一區曠而夷上可坐百人中有卷石其形

和比而下不屬勢重萬鈞一夫撼之兀兀動搖又
二十里爲寶蓋山一名大孤山絕頂有石塔宏壯
突兀出于雲表商舶以爲抵岸之標半山有虎岫
巖東南跨海諸山類多枯燥獨此巖石潤澤景象
幽致石塔之下有玉泉井隨海潮汐以爲盈縮明
邑人朱梧孤山塔詩千尋碧玉削芙蓉礙日含風
四五重海入扶桑驚浪湧山迴葱嶺翠微濃擎天
八柱空驅石絕地三維見此峯薄暮濛濛秋雨急
愁雲何處挾飛龍○又二十里爲岱嶼突起海中
介于石湖北鎮兩山之間其相連爲白嶼距江中

泉州府志卷之五

七

心乃洛陽聖姑比鎮石湖諸港湍流分瀝之處而
左右多沈沙遷徙不常云○澎湖嶼自郡東出海
門舟行三日始至屹立巨浸之中環島三十有六
如排衙居民以苦茅爲廬舍推年大者爲長以政
漁爲業其地宜牧牛羊散食山谷間各傍耳爲記
我洪武初徙其民于近郭遂墟其地唐施肩吾詩
腥臊海邊多鬼市島夷居處無鄉里黑皮年少學
採珠手把生犀照鹹水○詩話總龜云法石寺在
晉江城東五里宋初陳洪進築壇山上以效嵩呼
又名萬歲山有乾德四年賜額勅文宋末西域人

壽成與弟壽真以互市至咸淳末擊海寇有功
壽真歷官至招撫使壽成授知吉州不赴勸壽成
據泉以降元策既定佯着黃冠野服入法石山中
自稱處士僞示不臣之意忽有二書生因其晝寢
各投一詩不著姓名而去其詩云梅花落地點蒼
苔天意相商要入梅峽蝶不知春去也雙雙飛過
粉牆來其二云劍戟紛紛扶主日山林寂寞閉門
時水聲禽語皆時事莫道山翁總不知按荔枝譜
云法石白荔枝色青白其大次于藍家紅○石井
鎮在城東南六十里有二朱先生祠傳伯成記云
泉州府志卷之五

七

紹興初故吏部郎朱公松爲鎮士向慕之故侍講
贈太師謚文公嘉後二十年來官同安間至鎮與
鎮之長老訪其父時事嘉定中鎮官游絳于鎮西
爲書院繪二先生像而祠焉仍爲之立碑祠傍

南安縣十五里

未置府已前則南安縣爲閩府地既設府則自唐
開元之後一析爲晉江縣再析爲大同場三析爲
桃林場四析爲小溪場而南安非昔縣界矣宋朱
熹南安道中詩曉澗淙流急秋山寒氣深高蟬多
遠韻茂樹有餘陰煙火居民少荒村草露侵悠悠

方和暖寥落巖寒心○九峯山在縣東北上有西
華巖五代晉江人譚峭號紫霄居是巖脩黃老之
術辟穀養氣夏服烏裘冬卧霜雪中竟日嘗著化
書授宋齊丘令爲序齊丘因懷爲已作○里許爲
蔡山山登石如蔡花故名古號蔡山有唐韓偓宋
蘇緘二墓偓萬年人龍紀元年進士天祐二年入
閩依王審知卒于龍興寺葬此緘同安人熙寧初
爲邑州交冠陷城緘曰吾義不死賊手亟殺其家
三十六人藏于坎乃縱火自焚○蓮華山在治西
北二里巔開八石如蓮華中心故名有蓮花臺宋

泉州府志勝

卷之五

志

一

陳知柔詩多病登臺今古情蓮華搖蕩午涼生山
前木落石巖出海潮來秋渚平○佛跡山在縣
東唐光啟中山上夜夜現光刺史王潮令人物色
之得巨人跡于石上長二尺四寸廣有半又有靈
秀山翠屏山與之相聯元陳駉詩靈秀山前日欲
斜尋山因到梵王家年來不減登臨趣獨倚寒梅
嗅落花○九日山在縣西南二里許邑人每歲九
日登高于此上有翻經石梁普通中僧拘那羅陀
嘗翻譯金剛經于其上自然礫石圓如彈丸周圍
丈餘出于天成晉太康時去山二里許建延福寺

唐大曆三年移建山下寺有三十六奇其最者放
生池翠光亭墨妙堂秦君亭廓然亭亂峯軒晉朝
松無名木也唐周朴詩建造上方藤影裏高僧往
往似天台不知名桐簷前長帶道人巖下來張
爲詩臺嶂橫空向郭西迥然亭際衆山低樹梢缺
處見城郭日影落時聞敲磬宋朱晦翁集云傳丈
載酒襍被過燕于九日山泛舟弄月詩扁舟轉空
濶煙水浩將平月色中流潯秋聲兩岸生孟寬同
醉極嘯罷獨魂驚歸去空山黑西南河漢傾題九
日山廓然亭昨遊九日山散步巖上石仰看天字

泉州府志勝

卷之五

四

近俯嘆塵境窄歸來今幾時夢想墨蒼壁問公結
茅地彷彿記疇昔年隨流水逝事與浮雲失了知
廓然處初不從外得遙憐植杖翁鶴骨雙眼碧永
猷月明中秋風桂花白元馬祖常詩托鉢千峯裏
折花桐未開哀猿依講席飢鳥下經臺潭影留雲
住鐘聲送月回山中太古雪誰寄一瓢來○姜相
峯在九日山西唐日南人姜公輔以同中書門下
平章事諫德宗爲浮圖華唐安公主上調其賣直
貶泉州別駕築室于此與秦系相近卒亦葬焉蘇
紳大書姜相峯三字刻于石宋黃公度詩抱琴歷

石就晚陰空對搖落景懷哉千古心○高士唐會稽人秦系天寶末避亂於此山有大松百餘章世傳東晉時物系結廬其上穴石爲硯注老子彌年不出刺史薛播數往見之歲時致羊酒而系未嘗至城門姜公輔謫泉見系輒窮日不能去築室與相近公輔卒妻子在遠系爲葬之劉長卿與系以詩相酬答權德輿曰長卿自謂五言長城系以偏師攻破之矣郡守王十朋詩云山中高隱欲不謂名隨隱處成基石一泓詩數首也

高士勝卷之五

志

爲高士峯蘇才翁隸書高士峯三字刻于石系自爲詩云不逐時人後終年獨掩關家中貧自樂石上卧常閒隆栗添新味殘花帶老顏侍臣當獻納那得對空山宋陳璘題秦君亭世梗賢路塞達人識窮通機檢天寶後美士如飄蓬聘君當此時卷迹雲霞中翩翩禾黍外不學低飛鴻音塵萬事遠冠冕一笑空垂綸釣滄海超然謝樊籠清吟寫真樂孤標激頽風能令千載下嘆息詩人窮元張翁詩寂寞隱君宅宛承相峯石存唐日硯樹有晉朝松把酒春陰薄閒軒晚翠重遺詩刻高壁留

更從容○石佛巖在高士峯巔五代陳洪進鐫佛像于大石上建菴以覆之故名巖前有石丈餘其上平夷古松二株夾于石旁清陰可憩號小清涼石宋晦翁詩因依古佛居結屋寒林杪當戶碧峯稠烟雲自昏曉○金雞山在縣西郊昔有金雞飛止其上故名其下爲金溪古誠云金溪通人行狀元方始生宋建炎初縣令江慎置小橋是年梁堯家生果符其語傳伯成詩長江渺天末照此兩山青落日寒潮上蒼烟孤艇橫○又二十里爲鳳凰山五代時王繼業子傳懿建寺于此宋晦翁詩

東州府志勝卷之五

志

木落鬢鬟擁湖平粧鏡空荒亡餘舊事慘淡只悲風興發千山裏詩成一笑中諸君莫惆悵吾道固當窮○雄山在縣南山勢高大諸峯皆出其下故名山有飛瓦巖相傳昔有僧結菴于此因山伐木結構將成積瓦山下無以爲計一夕風雷訥旦瓦盡飛上不煩運致○大宇山一名雞髻山在縣西北二十六都其山土肥泉甘多產棗栗有翠屏峯詹道巖宋時僧法盛者入此山宴坐拾菜充飢猿眠巖下呂縉叔往造其所終日不酬一言縉叔問其故谷曰與君言者畫餅也縉叔嘆息稱善因題

其室曰宴默而去○九仰山在縣西二十都以衆山環仰而名又二十里爲英及山山勢盤踞數十餘里中峯尖而勢差伏旁二峯兩翼歛張如鷹奮飛故又名鷹山其下爲應揚溪俗呼英洋而安溪縣治正對其前又十里爲困山山勢秀銳圓拔其狀如困每風雨輒聞雷聲在下航海者率識此山爲準又二十里爲雲臺山五代時刺史王延彬構別館於此延彬嘗爲雲臺侍中故以爲名山山形如二象出林又名雙象峯其頂有北陽巖巨石嵌空橫廣而深舊名鬼巖嘗有羣鬼出沒或白晝攫人

泉州府志勝入卷之五

七

偶徐道人者爲農家飼牛夜棲其中鬼因遠遁鄉里不之信道人授之鼓以往約以聲聞爲證果然按英山產茶最佳名曰英茶○烏石山在縣西南與晉江紫帽山對峙絕頂三石列峙號三公石山下有石高三丈餘中有石室室中有觀音像號觀音石又有一石高二丈餘狀似香鑪號香鑪石山之東有龍水巖相傳有龍潛其下巖有二峯多石穴爲虎豹所宅其西有九州巖盤旋連亘又名鳳棲山相傳有鳳凰嘗棲于此上有石柱端方峭拔高五丈餘徑一丈四尺百里外皆見每欲雨柱先

出泉○又二十里爲五峯山上有石室其色如銀俗呼一片瓦可容三百餘人唐僧道公居之宋祥符間建石塔其上世傳山多靈惟非有道者不能居其北有覺海巖獅子巖靈泉巖俱有大石高嵌西南半里許有小身巖石室天成室之內外石佛各一其靈泉巖舊有靈泉院宋邑人劉濤讀書其中自號靈泉山人濤工詩及草書徽宗嘗召入禁中值天大雪命草書雪詩濤書鄭谷亂飄僧舍茶煙濕之句上以首書亂字不憚因退而困躓至老明羅倫詩翠微深入興優優身世飄然閑園遊天

泉州府志勝入卷之五

六

界青山雲外斷地分滄海日邊浮仙家白晝應無夜玉樹長春未覺秋歸去客窓孤枕夢悠悠多在五峯頭○塚記云高蓋山在南安縣唐歐陽詹葬母處公有詩曰高蓋山前日影微黃昏宿鳥傍林飛墳前滴酒空垂泪不見丁寧道早歸

同安縣

在府西南一百三十里

寰宇記云唐貞元十九年析南安縣之西四鄉置大同場五代唐明宗時閩王延鈞僭稱帝升大同場爲同安縣○城造始於縣令王軾爲宋紹興十五年高丈有二尺外環以壕十八年令劉寶歲之

二十五年夏有警是時朱熹爲主簿與監稅曹璽沉
信城西北寇不能陷其制東西廣而南北隘如銀
錠故名銀城又城南溪有二石狀若黑色若銅故
又名銅魚城識云銅魚水深朱紫成林卽此○朱
熹同安客舍詩官署夜方寂幽林生月初開居秋
意遠花香寒露濡故園異時節欲歸懷簡書聊從
西軒卧塵思一蕭疎再至同安詩端居托窮巷廩
食守微官事少心慮怡吏休庭宇寬晨興吟誦餘
體物隨所安杜門不復出悠然得真歡良朋夙所
敦精義時一彈壺餐雖牢落顧此非所歎○舊傳

泉州府志勝八卷之五

元

同安縣簿廳西北隅有一軒亢爽可喜朱晦翁署
曰高士軒自爲記其退食西軒詩云窓戶納涼氣
吏休散朱墨暫惕豈非閒無論心與迹晦翁有東
橋玩月詩東山看雨罷微步喜新涼月出澄餘景
川明發素光星河方耿耿雲樹轉蒼蒼晤語逢清
夜茲懷殊未央按東橋跨東溪之上溪源出大羅
山遶縣東南與西溪合西溪源發安溪縣界過縣
西北感化里與竹山坑董坑湖溪上海諸水環抱
縣治合于東溪又東行五十里而趨大海○越西
溪三十里有苧溪輿地志云同安苧溪衆流所會

者也宋大觀中曾斲石爲橋元縣尉鄧子實詩曰
照松梢宿雨乾秋風剪剪作輕寒青林缺處雲山
好更道橋西子細看○大輪山在東門外里許群
峯自西北環列而來如乘車張蓋躍馬奔輪之狀
西南一峯屹然倚空名羅漢峯又有金光井蒼翠
岑金平石湫流泉尊者巖諸勝隋唐間建興教寺
于此有菴七十二所宋熙寧中合爲一區更名梵
天禪寺朱晦翁題其法堂曰神光不昧萬古微猷
入此門來莫存知解蓋傳燈語也由寢堂出齊舍
而東有晦翁戰龍松三大字刻于石旁有靈泉歷

泉州府志勝八卷之五

元

壑而下雖大旱不竭緣壑而上有晦翁瞻亭二字
倒掛于石迤邐而行下瞰絕壁有元令莫兼大書
達夫巖三字其巔則峯嵐四望海色蒼溟並歸一
覽有晦翁隸書極目二字晦翁集梵天寺雨作後
霖詩傑閣翔林杪披襟此日閒僧雲生薄晚涼雨
遍空山地迥衣裳冷天高澄霽還出門迷所適月
色滿林關又梵天觀雨詩持身之苦節寸祿久棲
遲暫寄靈山寺空吟招隱詩讀書清磴外看雨暮
鐘時漸喜涼秋近滄洲去有期元俸玉立題羅漢
峯詩羅漢山攢翠作堆半天柱擁如來九霄人

立青雲上笑指雲花玉樹開○應城山在縣治北以山中寺鐘與閩王城鐘相應故名又十里爲三秀山一名仙人掌其上有巨榻禪巨人跡五代僧棲霞居之○葫蘆山在縣西北自三秀而來平地突起形若葫蘆故名又有四小山俗呼五蘆山宋蘇頌居此山下朱晦翁作蘇公祠記其略云公掌外制時王丞相用事欲有所拔公以其人不可用且非故事封上之用此罷歸不自悔守益堅當世高其節與李才元宋次道並稱三舍人○北辰山在城東北二十五里閩王時爲北鎮其上有巖巖

泉州府志勝八卷之五

五

側有十二龍潭唐末建廣利廟于此朱晦翁謁奠北山詩聯車陟脩坂覽物窮山川疎林汎朝景翠嶺含雲煙祠殿何沈遠古木鬱蒼然明靈自安宅性酒告恭虔盼蠻理潛通神虬亦蜿蜒旣欣歲事舉重喜景物妍解帶憩精廬尊酌且留連縱譚遺名迹煩慮絕拘牽迅咎諒難駐歸念忽已鶩蒼蒼暮色起反旆東城阡○又二十里爲大羅山上有羅山棲隱院或云開創時鑿地得螺亦名螺山其西南爲浮湖山相傳湖水至則此山若浮故名宋晉江有惟慎禪師戒行清凈尤邃于理天聖中遊

京師至則徑歸曾公亮謂之曰闕下無禪侶如何住得君惟慎應聲曰敢言知己少性本類孤雲遂歸而居于此山之棲隱院○豪山在縣東南三十里宋王明叟豪山記畧云山之巔有龍潭每天將雨龍則擊水聲如鐘磬時有蜺五色出潭傍山麓有祠雨賜禱輒應宋文公主邑簿嘗詣祠禱而得雨紹定癸巳四月不雨真西山遣吏謁禱亦應民有王姓父子同時爲虎所傷者號訴于神遂射中之迄今未無虎患○大鳳山在城北三十里山勢延袤形如鳳翅故名朱晦翁詩門前寒水青銅關

泉州府志勝八卷之五

五

林外晴峰紫帽孤記得南垞通柳浪依稀全是翻川圖○文圃山在城西六十里南濱大海有龍池巖廣慈院建于其右記云文圃山土無頑石木無荆棘層巒疊嶂之間松蘿幽邃翠色如畫溪洞長谷自然天成佛氏之祠幡剎相望以雲名者凡四曰雲嶽雲峰雲泉雲嶠皆其支峰也是山之下以多文士故名唐謝脩與弟脩讀書于此脩登文德五年進士詞藻過人爲時輩推許南唐主簿洪文用與族人洪澤宋皇祐元年進士石唐崇寧間石贊皆居之其廣慈院記或云唐所作○又里許爲

夕陽山其山在西方最高遙接落日故名上有遁跡巖真寂寺唐宣宗居時嘗遁跡于此與黃蘗禪師觀瀑布師詠云穿巖越壑不辭勞到底方知出處高宣宗續云溪澗豈能留得住終歸大海作波濤又題詩云惟愛禪林秋月空誰能歸去宿龍宮夜深聞法食甘露喜在蓮花世界中按福清縣黃蘗山志已載此事洪州宣州亦俱載之○五通嶺在縣東界宋幼主避元兵至泉聞蒲壽庚之亂止郡城北法石寺越過城南下輦卽今下輦舖是也又自下輦過五都龍窟有巨石連接水中由

泉州府志

卷之五

世

此登舟今謂之御蹕石又至莊坂尾是謂五通嶺路傍二巨石高四五丈如門文天祥大書龍門二字刻石明林希元題御蹕石詩六飛一去不復返此地猶傳帝子行萬里山河無駐足數方壑石尚留名天寒水冷魚龍泣海濶風高鴻雁鳴千古乾坤同逆旅英雄遺恨幾時平又題龍門詩翠壁丹崖不可攀石門龍過海風寒擎天力盡孤臣死雁有留題墨未乾○涵州嶼在縣南海中週圍二里許稍東有白嶼周圍四里許縣治東西二溪之水合流入海經此兩嶼南下○嘉木嶼亦在海中其

地曾產嘉禾故名廣袤五十餘里有無盡巖川凡五峯而巖居其中最高者爲洪濟山上有方廣寺雲頂巖又曰雷雲洞兩傍倚石爲門其上爲一片瓦雞鳴時登可觀日出其南有山高懸如蜂窠山前海中有七星石森列波面西北有嶺曰薛嶺嶺之南唐陳黯居焉黯題川人十歲能詩值黃巢亂避地于此時人稱其所居曰場老山薛嶺之北唐薛沙居焉沙之祖卽薛令之也本長溪人沙爲龍溪尉因卜居于此時號南陳北薛黯讀書堂側有大石高十六丈刻談玄石三字臨海有釣魚磯

泉州府志

卷之五

世

又有動石在筭營港口潮至則自動又有浮沈石潮漲其石不沒潮退則石沈海底人以爲異○浯洲嶼在縣東南百餘里大海中廣袤五十餘里其山之最高者爲大武巖盤結十餘里狀若梵簪隔海望之若仙人倒地其上有海印巖玉几案醺月池眠雲石偃蓋松石門石室蟹眼泉倒影塔千丈壁諸勝其傍有大擔嶼周圍五里小擔嶼周圍可四里又有列嶼廣二十里上有吳山棲山牧山湖山相接又夾嶼大嶼與小嶼與皆有民居而小嶼與宋末有丘葵者著述甚富元遣御史馬伯庸來

徵蔡托種圃自匿伯庸率達魯化赤骨幣至家力
辭不屈伯庸不得已悉取其著書以去我永樂間
太武廢有僧號笑堂者頗能詩嘗送其二徒入京
詩曰客路逢秋意慘悽吳歌楚些聽應迷海天一
色雁雙去山月半輝猿自啼心動故園頻入夢詩
逢好境易成題落霞孤鶩西風外更向何山去托
樓

忠安縣在府城東北五里

宋朝會要云太平興國六年析晉江縣地置環邑
之疆竟西北跨山東南皆際海 國初永樂間有
泉州府志勝入卷之五

重

島夷之患始築沿海五城曰崇武曰獺窟曰小岞
曰黃崎曰峯尾以爲屏障云○輿地紀勝縣治有
鳴皋堂龍溪李侯由貴州鬱林還朝出宰惠安惟
一鶴隨行侯泣止是堂與士友商榷古今此鶴傍
侍時或一鳴聲徹雲霄因名○崑崙山在縣北山
勢奇聳望之若祥雲山南有伏虎巖清泉石室境
界幽絕宋蔡襄嘗讀書于此大中祥符間有僧曰
道養者亦居是巖精習律乘與猛虎同處馴伏無
嫌師或出山晚歸虎輒伏山下迎候巖因是得名
元泰定庚寅逸人連應玄嘗刻其事于石○五公

山在崑崙北相傳梁有唐公志公實公化公朗公
共隱于此故名今山石上尚存靈符五道及五公
山三字○沂山在縣西下有芹溪出芹藻最佳又
名芹嶺其上有寶蓋巖天香石坐禪臺定公塔濟
龍潭又以勢似覆船名覆船山唐陳畷居此山下
畷開成三年進士以詞賦擅名尤工篆隸宣宗嘗
善其寬蒙羽衣曲以爲琬琰之器官終刑部郎中
初清輝禪師來闕之時畷行沙溢法遂隱此山
至是畷乃捨地創院以居請額于朝賜名報劬蓋
亦畷所贊父母處也其西有鶴堂山下瞰洛陽江

泉州府志勝入卷之五

共

絕頂巨石高五丈餘嘗有鶴來巢于其上故名○
又十里爲三髻山絕頂拔起三峯如鬟髻下有仙
人橋橫跨兩崖崖深莫見其底傍有石類碁盤又
有靈湫廣二丈深倍之宋僧紹銑者山下人出家
住潭州興化寺荆湖人稱之爲古佛童子厚奉使
開梅山請銑偕往巒中先聞銑名人人皆合掌聽
命梅山之平銑與有功焉元豐三年以手支枕而
化又有釋子琦俗姓許氏精通群典著名大內賜
紫衣號覺照大師琦之弟子道英邑人胡氏子得
法于琦有語錄行世嘗爲偈云南北東西任險巖

古巖寒檜冷依依無人到我經行地明月清風付與誰○大帽山在三髻東北雄峭盤鬱至絕頂忽寬平百餘丈有泉一泓方僅尺許洞深莫測相傳有龍從此騰去山產磁石黃精及萬年松○雲峯在大帽之南前有萬歲岡岡上大石高廣四丈餘復有一石上廣下削高丈餘架于其上若將墜焉併力推之不動兒童以莽挺之輒動俗呼危石其南有東平山又二三里爲卧龍山宋王獻臣居此山下獻臣長于詩有卧龍翁集郡守葉廷珪稱其佳句置唐人集中莫辨也縣令陳執中嘗過其廬

泉州府志勝入卷之五

世

有王公杜陵老草堂枕碧溪之句以贈之○泗州山在雲峯之東唐咸通間有僧得浮木夜光刻爲佛像立精廬于此奉祀宋熙寧中縣令吳克見其頂烟蘿翳鬱疑有異境因攀緣而上得是巖于莽莽間遙望山海歷歷如指掌遂名之曰天開巖王獻臣詩小石大石皆羅列造化安排非力設覆者如軒深者洞方者如屏平者席可以安尊壘可以橫琴瑟天邊鳥兔眼前飛海上波瀾掌中白○盤龍山在雲峰之西七峯重疊其勢盤曲故名唐咸武節度使王潮建第于山麓其後清源節度使留

從効卽其故第建寂光寺奉潮香火潮光州固始人與弟審知從王緒軍入閩緒性猜忌多殺戮至南安爲前鋒所害于是觀察使陳巖表潮泉州刺史及南唐遷王氏子孫于金陵故從効建寺爲潮宇墓云王獻臣詩潮業何勞問廢興前人樓閣後人登海山有籍歸真主雲物無情屬野僧○靈瑞山在列縣治之南若屏障然中有孤峰特起曰靈瑞巖山之東麓窪坎尺許停蓄清水涸輒湧出曰龍泉其北爲圓常院院之東北麓大石上石痕濃淡隱隱成山字又東二十里有香山宋乾道中里

泉州府志勝入卷之五

天

人吳德彰幼時父母沒于外不能歸葬德彰哀慕不已及長乃刻檀木肖像如禮葬之于此香氣外發經年始散因名○又五里爲美女峯舊名靈秀山唐工部侍郎黃訥裕祖墳在焉其姪女有美色閩王審知納爲妃妃卒亦葬于此因以美女爲名○錦田山在美女峯之右黃訥裕世居于此舊經云有豪民居山下開腴田萬頃者卽訥裕之祖也故其山舊名黃田五代時漳州刺史張清溪亦居于此以其衣錦還鄉改名錦田其溪亦曰錦溪○白雲巖在美女峯西巖前雙石夾道其左者扣之

如磨聲宋時有道淵者結茅于此種蔬數畦以易米任其自摘不較多寡每烈日輒有雲覆其上故以白雲名巖雖大旱而土常潤蔬特肥美道淵不下山而食足日惟潛玩周易卦爻而已○九峯山在縣南二十九都群峯爭雄若獸而蹲若螺而盤若人而拱若翼而翔若俯而伏或斷或續或向或背其數有九故名○松洋北接九峯洞口僅容一人側入其中廓然容二三百人石罅有老藤直垂三丈餘入者縋以下不枯亦不萌蓋千年物也○獼猴山在縣南海中宋開禧中僧道詢待津于此

泉州府志卷之五

七

俄有聶道人至與之印證道人因謂道詢何不作橋于此詢以風波爲辭道人云汝若作是念何橋不可成于是詢乃募化衆緣射率其徒擎舟運石成橋七百七十間南北跨兩岸永免馳溺之患○大岞山在縣東南海中山頂有洞由小石門入丈餘折而右轉巨名如屏可蔽內外其中容數百人一人持戟守門千百人攻之不入國初居人以避倭亂賊不能攻乃捨去山石有如鐘磬者扣之聲聞數里○爭山一名尖山圓爭尖秀下瞰東漠上多怪石如水齧射之狀最高而峭拔者三峰登之

可以觀日出傍有石竇其中深廣宋靈應大師所居卽道詢也○小岞山去爭山東十里黃崎在其北大岞在其南凡邑諸山之東趨于海者至此三山而止○塚廟記云惠安縣北有龍頭嶺嶺下有石三簇嵒峨秀異前有石冠石笏後有石羊石馬諸峯盤旋形勢奇特相傳以爲趙將軍墓鄉人奉之甚謹樵牧不敢犯或傳爲宋家五世祖葬此然宋諸陵皆在幽涿何得在泉或者南渡之別支耶宋至和中僧洞元作泉南錄以爲莆田林濟衍禪墓莆田林氏家譜又以其始祖晉將軍晉安郡王

泉州府志卷之五

廿

林祿所葬也○鳳山在縣南三國吳時有黃將軍名興與妻曹氏葬于此山常有雲霞覆蓋其上祈禳多應因立廟江濱祀之一夜雷雨大作廟忽自移山下宋紹興間海寇入犯鄉人告于神遂有蜂蛇之屬纍纍而出過集港口賊不敢犯○陳平山在縣東相傳唐時有陳平者精地理術乘牛過此瞑目而化從者至見其土自湧埋尚留一掌示之後人因謂其山曰陳平墓曰牛客云

安溪縣在府治西一百五里

寰宇記云唐咸通五年析南安縣西二鄉置小溪

湯五代時詹敦仁監場務請于郡曰小溪西距漳汀東瀕濱海地廣二百餘里三峰玉峙一水環迴黃龍內顧以驤騰朱鳳後翔而飛蒼上之所宜桑麻穀粟地之所產麋鹿禽魚民樂耕蠶冶有銀鐵稅有竹林之征險有溪山之固地實富饒足以置縣未幾報可遂增割南安近地置縣清溪時則柴周顯德之二年也宋宣和三年以山峒寇盜蠡起因惡縣名改曰安溪朱熹留安溪三日按事未竟詩縣郭四依山清流下如駛居民烟火少市列無行次嵐陰常至午陽景猶氛翳向夕悲風多游子

泉州府志

卷之五

世

不遑寐○志云鳳山在縣北縣治之主山也一峯昂起分爲兩翼其形似鳳故名舊有鳳山序畧曰山深宵而豪長靜虛而廣莫珍禽奇羽集于中者尤多○黃龍山在縣南與鳳山對峙又名南山舊傳宋時其上有臺每九日縣官集飲于此又名登高山其下爲黃龍渡有龍津橋又名龍津山唐末吳人周朴避亂入閩隱此山下所居有塘因名周塘朴與李頴友善詩調清苦但思遲盈月而後得一聯一句雖未全篇然已膾炙人口朴逢樵者得句云子孫何處問爲客松栢被人伐作薪執樵手

忽厲聲曰得之矣有扞樵卒疑樵爲盜欲縛之朴笑爲之解曰吾覓句耳後乃徙居福州烏石山詩話總龜云黃龍山產蔬菜特美故曾魯公有飯思白石紅桃米菜憶黃龍紫芥心之句○金龜山在縣東南以形似而名縣之水口山也舊有識曰龍向江頭角龜向東躍開蓋指黃龍與此二山云○鹿岩山在鳳山右宋張讀祖居于此讀初爲越清獻所知後與李方叔端叔爲蘇黃門客子由作東坡墓銘脫稿持以示讀讀曰斯文妙盡東坡平生政恐讎人復藉此媒孽使東坡無此銘萬世之下

泉州府志

卷之五

世

其不蜚聲騰實乎子由深然之後徙居晉江與李文肅公尤厚讀書蜀文閣中碑碣多出其手年八十卒文肅哭以詩有累日塵生甑經年肘見矜之句○鳳髻山在縣東郊五代時劉乙字子真仕閩爲鳳閣舍人後棄官隱此其所詠詩曰掃石雲隨帚耕山鳥傍人甚爲時所稱乙與周朴詹君澤友善君澤嘗贈之詩云掃石耕山舊子真布衣草屨自隨身石崖壁立題詩處知是當年鳳閣人○黃藥山在縣南一名午山舊傳神仙往來山巔間或有遇之者與之偕往旬日方歸山半有五峯巖又

南有浪來山謂山勢濠如波浪也又有閭苑巖巖後巨石中罅其上平廣可坐數十人○烏巖在縣西南其下有石卓立溪心號鱸峯越數峰有石室可容二百人○又二十里爲廬山唐末有行傳禪師居此道行高峻常有二虎與之寢處山下盧姓者門前有古松數株一夕無故自仆師過之爲坐其傍誦經詰旦皆起如舊盧遂徙家延師居之○翠屏山在縣北五十里高山群峯之上又名大尖山有普濟大師廟師本黃氏子幼不茹葷出家修行此山值鄉人禱雨不驗師曰我能致之爲誦經

泉州府志卷之五

五

一函庵衆速去未及半途大雨滂沱時人號之爲黃水車因立廟祀○龍仙山在縣西北五十里我洪武間有胡氏女名仙英自幼不食葷日惟獨坐不與兒輩親狎稍長得墨刻黃庭經寶惜如頭目焚香跪誦誓執不嫁及笄時來親迎女乃白日飛昇而去○又二十里爲太湖巖巖有大石高數丈立于左有數石如龜蛇立于右又十里爲佛耳山其山峭絕高大可耕可廬詹敦仁旣請置縣乃舉王直道自代卜築于此山之上號其所居曰清隱有清隱堂記畱從效遺之書稱曰清隱先生又二

十里爲石鼓山舊有仙人抱石如鼓狀盤石下有穴廣丈餘小石蹲如兔仰首以望石鼓俗呼玉兔望月○石梯嶺與石鼓相連巨石高嶺五十餘層昔超才大師居于嶺塢凡客至輒有老鴉噪於簷猶猿爲之熱火烹茶師每下山赴齋歸至半嶺有虎迎迓騎之至矣

永春縣

在府城西北一百二十里

寰宇記云唐長慶二年析南安西界兩鄉置桃林場福州僞命升爲桃源縣壬寅歲改永春○輿地碑目桃林場記唐大中年盛均文縣令陳知柔述

泉州府志卷之五

五

之○永春縣記宋開寶二年立以縣界有樂山之草木四時不變永春之名取焉○多暇亭縣令江公望記其爲詩云作吏如兼隱爲儒也解禪了然無箇事安坐自調弦○按志樂山在縣東北三十里山有東西南北中五臺而樂山居其中嘗有音樂出聞于外故名北臺崢嶸壁立有泉一泓長湧不竭宋時有蜀僧名元普結菴于此曰海潮菴危坐不寐者二十年紹聖中江公望爲令每登縣治平遠臺輒遙拜之元普旣去有詩懷之曰但見山前黃復青泥牛一去杳無形我來問道有何得挖

樵烟餘古瓦甓○桃溪山在縣西北一十里其溪
南流與山蹠水合過滌溪橋又有一水來會名肥
湖溪過達口村爲卓埔溪又經白象坑達理山龍
堀馬氏山石坪山凡五水來會溪流始大有鏡臺
翁名弗傳陳俊主叔寶之子也隋旣平陳鏡臺與
其宗族引兵南奔據桃林場之肥湖後隋帝有旨
令鏡臺釋兵爲民遂居肥湖之瑞峰又有稱御史
大夫者失其名亦叔寶之子從鏡臺入關隱于峭
峰距桃溪十里曰陳巖是也右見鏡臺陳氏家譜
云○大鵬山在坊西南隅形如鵬飛垂翅絕頂三
峯秀出分支而左爲白馬山白馬分支爲懸鐘山

泉州府志勝

卷之五

則在坊之東南隅舊有仙人隱于山下嘗乘白山
昇巖而去故名○大羽山在縣東北重崗疊嶂若
鳥張翼下趨平處爲縣治蓋縣之主山也宋嘉祐
進士顏孝初居此山下孝初以文名世尤長于詩
孫褒自號惟菴遂于經學詞藻豐瞻書法尤精與
人誦說內外典四方瞻敬嘗歲晚吏索逋稅褒方
講杜詩笑謂吏曰且候講畢因講玉川先生詩云
玉川先生洛城裏破屋數間而已矣殊不經意陳
知柔題其涵清閣詩曰追憶惟菴真可人詩成咳

唾筆如神使登此閣一快掃常有銀鉤鐵畫新○
花石山在縣南五里其石乳粲如開花故名上有
龍潭深不可測旁有石鼓高大四五丈與上石鼓
相應又二十里爲留安山五代時留從效居此從
效初起爲閩指揮使晉天福末閩將朱文進弑閩
王延曦據其位署黃紹頗爲泉州刺史從效謀復
王氏擒紹頗斬之請王繼勳爲刺史南唐李景遷
王氏于金陵授從效清源軍節度使累封晉江王
此山其所寄跡處也○雙髻山在縣北十里巒結
二峯若雙髻一名朋山上有水一泓名仙人池舊

泉州府志勝

卷之五

傳有女仙隱于此留丹竈上昇自是每花朝月夕
常有女人騎白馬游雲中忽然不見○馬德山在
縣東北十里宋有馬氏女幼學脩煉結廬于此一
日登山採藥蛻形百丈巖而去又十里爲蓬萊山
山勢迴環秀麗有金龜橋橫截于外宋莊夏居之
夏登淳熙八年進士以煥章閣待制奉祠詣封永
春縣開國男食邑三百戶賜紫金魚袋父裳贈中
大夫葬蓬萊山之前鬼岫山光宗初改名錦繡山
○烏石山在縣西南二十里石之膚理純黑故名
宋陳普足者山下人兒時卽持齋誦經父令牧牛

不用牽曳自不犯稼朝出暮歸隨其意指若有神
靈此山自昔多魔稱爲鬼窟普足既居夜有女人
投宿巖竹四裂遂不敢入山有巨石常道往來患
之忽一夕轉于道側嘗指閭苑山曰此真佛家鄉
也後數十年當現身于此至紹興間普足已示寂
歲久忽現相彼山鄉人瞻禮俄有雲霧擁之而去
○又五里爲達理山其峰峭拔蒼翠茂林清泉六
月如秋山麓有青牛巷五代時有二道士隱于桃
林莫知其姓名後乃駕青牛冉冉入雲而去宋陳
機詩抖擻塵埃上翠微石泉佳處掩柴扉道人不

識人間事吟鳥山中有落暉

德化縣

在府城北一
百八十五里

郡志云本唐長樂郡永泰縣地貞元中析其歸義
鄉爲歸德場五代唐長興三年閩王延鈞升歸德
場爲德化縣屬長樂府漢乾祐二年南唐改隸清
源軍割今延平尤溪縣常平進城二鄉以益之○
龍潭山在縣東北隅山勢峭拔數千仞蜿蜒如龍
故名其巔有石筍成列宋宣和間縣令劉正欲鑿
之築亭或告以不可正曰此睡龍也鑿之則醒逾
年邑中薦舉者三人○大旗山在縣西隅峯巒回

顧環拱縣治如展旗故名其東隅有妙峰山南隅
有雙魚山各去縣四五百步兩峯左揖右伏向水
而上爲縣治之案宋嘉定間山下惠民里之下碧
村有農夫耕于野婦饁之而飯有沙被夫譴責偶
有道人過此勸止其夫愈怒道人頓足而地震曰
沙去矣視其飯果爭周環五里至今無沙云○五
華山在縣西永豐里舊名根山上有五峯狀如蓮
花故名唐咸通間無晦禪師結菴于此鑿石爲空
與虎同居今山有虎蹲巖乃其舊迹也又有端午
泉亦禪師所鑿每五月之朔泉水溢至欄凡五日

泉州府志勝八卷之五

世

爲度○瓊山在縣治西南隅初名困山以其峯巒
蓋大而秀狀如高廩上有石堂石竈石門相傳秦
漢間有隱君子居焉鍊氣養形功成仙去故此
山于瓊臺○雪山與瓊山同屬永豐里峯巒峻拔
高入雲霄冬時積雪數月不消元至正間里人吳
濟川隱居于山之金液洞遂首垢面絕粒葆真日
惟飲水一杯國初洪武元年沐浴端坐而逝○
丁溪發源瓊山入九漈溪經歐山大坑諸處匯于
縣前先是溪水東行不與漈溪匯流古識云水流
十字官榮自至又云水盡丁羅簪纓宋元符間邑

士林程捐貲買田鑿流會于漣溪一夕雷雨決流
縱橫若丁字既而程之子楊休登宣和元年進士
其後邑人科甲日盛○繡屏山在縣北新化里層
崖峭壁高而且秀山椒有印石若覆鐘又有仙人
跡○劇頭嶺在縣東南二十里與永春縣交界朱
文公爲同安主簿時以事往德化夜宿于此有詩
云「事賢勞枕自嗤一官今是五年期如何獨宿
荒山夜更擁寒衾聽子規」○虎頭山在縣西五十
里有古寨周圍七里餘其中泉石如畫外極高峻
避兵者依之萬夫莫敵同里又有一山亦甚高險

泉州府志勝不卷之五

覽

但患少水昔有避賊于其上者賊欲圖久以困之
有一女子取酒澆衣以示賊賊謂其有水因解圍
而去俗呼酒曇寨○戴雲山在縣西北五十里其
山高聳霄漢雄踞十里許嘗有雲氣覆之其巔有
池深不可測分爲九派下注九溪一曰張巖二曰
盧地水皆比流三曰數芹四曰馬槽場五曰上洋
六曰上雲七曰中興坑水皆東流八曰東埔九曰
李山水皆南流山產五鬚松唐祖膊和尚名知亮
者不知何許人初居府城開元寺恒袒一膊行乞
于市祈寒霜雪中亦然故以爲號後居此山不火

食者累月有詩云戴雲山頂白雲齊登頂方知世
界低異草奇花人不識一池分作九條溪○又里
許有太湖山盤踞數里形勢峻拔四面崔嵬上有
奇峯羅列十二山巔平廣數丈內有池丈餘影涵
太虛一碧如鏡遊魚往來因名太湖湖旁有奇花
茂草果木陰森又名青草湖然自山麓瞻之若插
雲漢山椒視之特履平陸形如航海之舡又名飛
舡山山側有龍湖巖宋自超禪師居此○又三十
里爲蓮花山五峰競聳如蓮並蒂故名五代末僧
守珍建寺于湖山之北宋天聖元年僧了他移建

泉州府志勝不卷之五

聖

此山之前二年賜額香林○鐘山與蓮花山同圍
其山四面石壁峭峻形如覆鐘山麓小澗澗中岩
洞廣丈餘深二丈許宋里人鄭道徽少依了他剃
度爲僧法名慧海旣而遍歷名山一夕有神人告
之曰師因緣在本鄉鐘山下慧海遂還跌坐此澗
之岩洞而化○東西園在縣東北百四十里宋時
蔣氏世居之門外有巨木大十五圍葉多稜棘莫
知其名百鳥不敢棲止○又六十里乃九竇溪所
出宋紹定三年邑人張道源遇異人于此令道源
負之渡溪奉命惟謹異人因授以心印自是道源

靈異如神又一夕夢神人導之往一山中有湖曰
秦湖古水流泉石巖可居後與鄉人入山尋訪宛
如夢中所見云○九仙山在東西兩山之西湯泉上
團之東廣袤峻拔甲于諸峯唐貞元里人見有羽
帔道士九人入山潛居其後道士至絕頂顧見此
人遂入洞中不知所之山上有仙人洞仙龍池石
井潤入許有水冷然酌之不竭又有石碁盤文理
縱橫瞭然可數石碁子淡紫色星布其上又有仙
牛跡獅子石跌坐觀音卅龕卅龜羅列左右山南
有瀑布泉其聲淙淙自雲間而下宋邑主簿郝德
泉州府志卷八
驥詩云天插一泉聲漱玉地高六月夜凝霜卽題
九仙山瀑布者

中

漳州府

在舊城東南

領縣

中

釋文從水從章其義以水之清濁相雜而有
郡治廟建在漳浦梁山之下溪水自西林而臨海
水自銅山海門而入清濁合流故以漳名其始荒
頭人稀不常王化無諸之裔境也迨唐高宗儀鳳
三年諸蠻侵軼潮州潮州府左郎將陳元光討平之
開屯于漳水之北且畊且守武后垂拱二年元光
請建州于泉州間以抗嶺表詔從之卽屯所爲州
地名雲霄其南漳水出焉所謂漳水當卽今之雲
霄溪也卽人丁氏家藏殘記謂古漳州治盤陀之
陰盤陀卽梁山西嶺至開元四年徙州治於李
川今漳浦縣治貞元二年觀察使盧基錄前刺史
柳少安疏上之朝遂移今所○宋彭乘墨客揮犀
云漳州地連潮陽素多象往往十數爲群然不爲
害惟獨象遇之逐人蹂踐至肉骨糜碎乃去按郡
志物產無象蓋自宋以後民生日繁鳥獸避跡又
淳熙初趙公綱爲守聽郡民設機阱以斃象林
牙不得輪官于是民率川命其種遂絕○方輿勝
覽宋熙寧九年大饑郡倅何述賑救得法全活人
民無筭有二鵠棲其廳事比述去鵠亦送之後因

省其堂曰異鵲蘇軾爲賦詩云柯侯古循吏相幅
真無華臨漳所全活數等江中沙仁心格異族兩
鵲棲其衙善惡以類應古語良非誇君看彼酷吏
所至號虎車○輿地紀勝君于亭在府治後始于
朱天子仲晦名以復軒軒之後爲月亭臺後爲隱
室其象脚以茅覆之後柳守趙汝瑞卽舊址爲亭
櫺曰君于亭○君山亭在治東南隅俯瞰大溪群
山環拱舊水雲館之地宋柳守傳伯成建此亭于
館後○亦佳亭宋嘉定卽倅黃之傳建有詩云小
亭新築亦佳哉花木無多手自栽若謂其崇安數

漳州府志卷之六

二

比清陰留與後人來○志云秋江亭在城南隅元
呂養浩建俯龍溪水額曰秋江楊志行記○梅雪
齋在郡城內元林弼建以爲讀書之所○唐張曠
逢漳州舊使君比歸詩在郡多殊稱無人不望回
離城携客去度嶺擔猿來幃寫終冬葉瓶絨落曙
梅長安有歸宅歸見鎖青苔○陳陶贈漳州張怡
使君詩舊德徐方天下聞當年能軾繼清芬井田
異政光蠻竹符節深恩隔瘴雲已見嘉祥生比戶
常嫌夷貊靈南董幾時徵拜征西越學着綬胡從
使君文獻通攷清漳新志十卷宋嘉定間司理

叅軍方杰撰太守趙汝說贈中序○國朝陳思賢
茂名人爲漳學教授文皇靖難詔至思賢
放聲大哭曰明倫之義正在於此今日矣遂堅卧不
出迎奉其徒伍姓原陳應宗林珏鄒君默曾廷瑞
呂賢等卽明倫堂爲舊君哭臨如禮郡人執送京
師思賢暨六生咸以身殉或云死于道嘉靖間
提學副使邵銳立祠祀之○天順二年漳州布衣
陳真晟詣闕上程朱正學纂要不報真晟字剩夫
布衣其自號也後以科舉爲事務修聖賢踐履之
學得力于主敬居多至是效伊川故事詣闕上書

漳州府志卷之六

又下

不報歸家尋卒○天啓甲子科鄉試漳州中式生
員顏茂猷首場四書三篇而外五經各四題猷俱
撰完共二十三篇用雙行寫于卷時填錄所官以
遺式爲請監試察院喬公憐其積學特命錄其本
經以進是科中十八名弟茂行亦全舉村川一經
云○先洪武初年學士王禱出爲漳州府通判公
在任日以五經訓解與多士課習至今傳其遺風
未泯也忠文建言立國之初宜存忠厚省刑薄斂
以綏輶人心○上嘉納之次年修元史召選
同學士宋濂充纂修官

龍溪縣 附郭

輿地志云龍溪縣梁置隋開皇二十二年併蘭水綏安二縣入焉今綏安溪在漳浦縣南八都而蘭水故縣莫知其處郡志云或卽府城之南溪也其源有二北出未豐禾溪南出銅壺小溪至南靖合流達郡城南東過文山而匯于北溪北溪卽龍溪也亦名九龍江源出延汀之界合寧洋龍巖漳平諸水而下華峰又合長泰諸水過香洲渡歷嶂中出峽爲柳營江與南溪會流入于海梁大同間以九龍游戲江水故名宋大中祥符七年邑民網魚漳州府志卷之六

聲洪夜聞如更鼓名曰更鼓水○柳營江在漫溪之南舊志云唐末王潮下泉福嘗駐輜重宿重兵以守之故有柳營之號按白石丁氏古譜云六朝以來戍閩者屯兵于龍溪阻江爲界柳營爲營江當海溪之交兩山夾峙波濤激湧西岸盡屬蠻獠唐總章間諸衛將軍陳政戍閩政沒子元光代領其衆陰遣人沿溪而北就上流緩處結筏連波從間道襲擊之遂建寨柳江之西以爲進取恩威並濟士衆歸附因轄其地爲唐化里宋紹熙間郡守趙伯遇始作浮梁以度嘉定七年太守莊夏易以板橋豐石爲址醺爲十五道而屋之名通濟橋嘉熙元年圯于火太守李邵易梁以石而不屋越四年乃成長三千尺址高八尺醺水亦十五道梁之跨於趾者五十有八長八十尺廣博皆六尺明晉江陳讓記云漳南橋梁虎渡第一昔欲爲橋有虎負子渡江息于中流探之有石如阜循其脉沈石絕江隱然魚梁乃因壘趾爲橋故名虎渡○志云紫芝山在城西北隅唐貞元間移漳浦開元寺於山麓寺內有蒲月池昔人建亭其側種松百株號曰松關咸通四年遊奕將王嗣造塔于此宣義郎

劉鏞書佛頂尊勝陀羅尼經于塔上書法遒勁漳南金石刻文此爲之冠○開元寺西舊有齊雲閣宋時判軍州事蔡襄嘗來游詩云紫閣青梯壓翠岑春情秋思共登臨雨嵐供眼橫千掌星漢垂簷在平亭恐別朱欄真俗吏獨棲蒼樹祇仙翁當年人事多奇尚擬托巖扃思寸心○隆壽山在紫芝山左保福山在紫芝山右五代梁建有保福寺及柴周建有隆壽院故以名山保福寺淨衆院內有月淵亭郭功父詩仰攀明月輪俯瞰滄海淵乾坤惜形勢此地何其偏靈溪九龍躍仙山一峯圓邈

漳州府志

卷之六

五

近攝邦守所樂多林泉宋紹興間知梅州楊承祖以祠祿歸卜別墅介于保福隆壽兩山之間與同志倡和爲真率集承祖有詩云乘興登臨恰杖藤危巔未已覺身輕新開竹徑從風入小坐松岡待月生江上數峰攢壁立林間一閣礙雲行凭欄則誦昌黎句寸碧幾增遠目明○清谿禪師住保福將入半溪待減遺偈于橋上曰世人休說路行難鳥道羊腸咫尺間珍重半溪溪水汝歸東海我歸山○紫芝之西麓爲日華峰旭日初生此峰先得其光故名唐貞元十七年移漳浦縣祀老子開

元觀于此宋大中祥符元年改名天慶觀古老相傳漳南水土不佳仕宦初至者飲之輒病惟天慶觀一井可辟瘴癘味復甘美仕宦將至土人汲此泉數輩馳往迓之又城外西湖有泉亦稱甘美可辟瘴癘今已湮○龍亭山在城西南隅平地突起奇石巒奏俯瞰溪流相傳嘗有龍騰于溪因築亭溪上故名宋蔡襄詩要看紅日照龍臺白玉堂高錦幃開樹色一番經雨活溪光幾曲抱山來雲歸深洞天形瘦風落前村遂弄哀擬結青樓遍迴味思王何吝斗量才○高亭山與龍亭對峙而差小

漳州府志

卷之六

六

僞閩龍啟二年建威惠廟以祀唐陳元光宋呂琦題威惠廟詩當年平寇立殊勲時不旌賢事弗聞唐史無人脩列傳漳江有廟祀將軍亂管夜雜陰兵火殺氣朝參古徑雲靈貺寒祠多響應居民行客日紛紛○丹霞山在城南里許土木皆赤每晨夕日照望若丹霞故名下有南山寺又名南山宋林廣發詩翹首城南上悠然見此山竹藏秋雨暗松度晚風寒佳色催黃菊晴光上翠巒倦飛何處鳥日暮盡知還○又五里爲南巖山上多怪石形如獅子又名石獅巖然亦有若蟾蜍者及爲梯爲

門之屬不一其下清泉一泓名白鹿泉巖傍爲佛
菴昔無隱禪師居之畜虎隨使俗名虎磴巖巖前
有虎拜石相傳無隱所畜虎禮拜於此巖之南有
蝙蝠洞洞口有萬石室普陀巖下折爲玉泉巖有
泉出石下色如玄玉故名宋李彌遜石獅巖詩翠
合峰巒萬葉稠雲擎佛宇出巖幽秋光不到庭陰
樹曉日先明竹外樓戶牖高低分世界川原遠近
失汀洲湯休示我真消息更在靈山最上頭又
五里爲天城山唐邑人周圭物與潘存實讀書于
此有自隱堂匡物詩云窓外捲簾侵碧落檻前敲

漳州府志卷之六

七

竹簪青冥黃昏不欲留人住雲起風生龍虎醒又
有古鏡歌云軒轅鑄鏡誰將去曾被良工瀉金取
明月中心桂不生輕水面上菱初吐蛟龍久無雷
雨聲鸞鳳空踏荷苔舞欲向高堂對曉開不知誰
是孤光主時辛王播見而異之元和十一年播舉
進士及第爲澄江進士之始十三年存實亦
登進士憲宗勅改爲名第山劉禹錫名第山詩危
亭誰結據山椒名第三人不可招繞閣溪山敞圖
畫萬家樓閣插雲霄○又二十里爲九龍嶺兩山
夾峙中繁石磴凡十里許路通潮州嶺下有木綿

菴宋鄭虎臣誅賈似道于此初似道在朝時有街
者言平章不利姓卿人每遇朝士有鄭姓者輒因
抑之武學生卿虎臣登科乃以罪竄後因赦得還
似道謫循州虎臣抑往凌辱百端至此病篤虎臣
鍾之而絕元湯益昂賈似道詩檀板敲殘月上花
過牆荆棘刺簷牙指麾已失鐵如意賜予寧存玉
碎邪破屋春歸無主燕荒池雨產在官蛙木綿菴
外尤愁絕月黑夜深聞鬼車○文山在城東二十
里北臨大溪三面臨湖國朝弘治十七年四月
山有大楓樹上產異花一簇其狀如蘭其葉如桂

漳州府志卷之六

八

有殊香凡四十日方謝○鶴鳴山在文山之比一
名石壁山其北而岐者爲岐山正德志云岐山在
比鶴鳴山在南一山岐而爲二故白岐山隋書
時有潛翁脩煉山巖養白蝦蟆及鶴自隋鶴鳴
於山巖故曰鶴鳴山今山中有潛翁巖乃其所居
也又有謙師巖者宋時開元寺白衣僧從謙嘗游
此山見二貪士對奕就之化爲二鶴冲天而去餘
一基于取而咽之因而辟穀不食乃坎石爲室居
四十年後郡人剝植建仙亭于其處遂名仙亭巖
有題詩石一石覆之其文漫滅可識者保大與許

研尋偃月九字而已按許碕自稱高陽人由荆襄
抵江淮武夷霍竟無不遍歷到處皆于石崖人不
能及處題云許碕自峨嵋山尋偃月于此此其
一云石禪床乃鑿石而成五代時僧楚熙居此
陳洪進月給其廩糧口誦經壇有石斜登其色如
銀擊之有聲口虛白巖上覆全石下窵而平日華
照之洞然虛白故名中有石穴深不盈尺而泉清
冽僅可供一人名一人泉口手入洞其上有石曰
掛練石洞口狹暗其中寬肆足容千人口石室巖
巨石如室廓然平朗正統初僧絕塵者修行於此
漳州府志卷之六

九

因作樓巖前剝竹引水入厨竹節忽生笋成叢因
名瑞竹巖○雲洞在鶴鳴山之陰明翰林學士豐
熙記畧云洞麓兩巨石夾起如觀透迤陟磴上石
益巨大刻雲洞者二行數百武入石門中書室三
楹峭壁刻朱晦翁書溪山第一余題曰霞窩左洞
橫廣數椽懸石如倒鐘者如蓋者如蓮房者左右
皆通天南豁沁入東壁下泉出甚冽又東入石門
得洞三穹石起門外若樹塞者西嚮曰玄巖比洞
有井龜故迹相傳昔異僧居之南洞合兩石隆起
若中甯名觀瀾巖外盤石鑿出鉤引泉以西架渠

穿石罅至霞窩梵石池貯之南下磴危峻漸移而
下東得平石廣數丈曰鳳臺上視峰頂崛起參
天曰天柱又下三筭卓立曰台屏又下一洞稍廣
平蓋外刻晦翁書石室清隱四字有泉可傳觴歷
雲依巖稍上石益密且巨有洞可容千人歷洞右
磴上百步得堂俯視霞窩峭壁如圭植于前石上
有巨石面方廣三尋許架絕壑曰仙架回陟至二
石並立若朋字行穿一洞轉而南視後直霞窩北
轉近巔一峰獨聳即天柱也稍北一石虛出絕崖
撼之即動剛風亦然題曰風動正德志云山頂有
漳州府志卷之六

十

風動石高五丈圍一十八丈下有巨石盤閣之此
石四面均不偏倚其下適兩尖相當故屢來剽劫
宋胡梅題仙亭巖詩仙子高樓海上山一座不到
石臺閒鶴隨仙客收茶去龍伴山僧採藥還風送
白雲歸洞口鍾隨明月到人間不須再問神仙事
花落花開暑又寒○華封嶺在城北華封社亦名
龍頭嶺高千餘丈累礧鑿石以梯行人北溪之流
經其下灘瀨惡怪石巉巖有三磴二花之名舟
楫不通上下皆當逾嶺溪傍有石狀如龍頭故名
宋楊汝南夜宿龍頭詩江流如箭路如梯夜泊龍

頭烟霧迷兩角孤雲天一握曉光那覺玉繩低○
又二十里爲九龍山其山比有九龍水又有金溪
水唐書輿地志云龍巖隋縣有九龍山宋陳堯佐
詩云人生五馬貴山有九龍游是也○又十里爲
坂尾山明陳真晟定居其下改名定山真晟鎮海
衛人以布衣自號嘗赴省試間有司防察過嚴無
待士禮乃辭歸自是不復以科舉爲事專志學問
布衣生于鎮海遷于龍巖晚乃定居于玉洲即此
山也○又五里爲白石山山多白石故名亦名鶴
石山有巨人跡指有石磴可容千人以爲聚元邑

漳州府志卷之六

七

人陳元善自遂洲遷居於此至正二十七年海瑞
逃兵作亂執元善及其妻孥欲脅之以爲民望元
善不從罵曰吾所畏者天不畏者死汝賊豈能久
生耶賊怒殺之妻郭氏子光遠光迪皆不屈而死
○圓山在城西南十里前後望有十二面故名唐
時有中丞黃碣每朝退見有賣藥于市者舉止非
常揖而問焉曰姓康居清漳圓山之下琵琶坂後
碣轉運安南過漳訪其所在咸曰山已在日康之
家不知也碣驅馬造其下視一祠神像宛如長安
所見公始驚悟後碣典郡欲移祠山椒一夜防城

使陳僚夢神身着羽衣手提綵箋授以詩曰賣藥
因循未得遷却因耽酒到人間有心只戀琵琶坂
無意更登山上山宋熙寧七年封通應侯宣和四
年勅賜昭仁廟宋郭正祥圓山詩縹緲臨諸峰幔
卷濃雲開秀特不可掩擎天碧崔嵬僧寶玄題仙
祠南望青山十里餘五雲深處問琵琶從知天子
封侯廟原是神仙賣藥家明林唐臣詩山宮曾記
夢朱衣十二圓山紫翠迷一片濕雲初過雨半篙
新漲已平溪笙歌彩鳳空中下劍化群龍匣底嘶
何日神丹成九轉從公來聽枕中雞○天寶山在

漳州府志卷之六

七

城西三十里山有五峰峭列周圍百餘里郡之望
山也上有寶巖洞芙蓉城百丈泉諸勝九龍江之
珠卽從此山飛入云○枕天寶之西者爲新嶺石
磴盤廻十餘里路通安溪龍巖漳平三縣舊設亭
障于上又西爲揭鴻嶺輿地志云卽古葵岡嶺東
南之揭二越之基也漢唐時西北向長安故道山
安溪大田而行今道廢其下有唐屯軍營故址上
有營頭亭重募客韋度揭鴻嶺詩關越曾爲塞將
軍舊置營表歌胡感慨西比望神京歐陽詹宿營
頭亭回峰登嶂繞亭隅數點烟霞勝畫圖日暮幸

軒卷長清太清雲上對蓬壺

漳浦縣志卷之六

致三國吳永安三年析建安校鄉西偏置綏安縣屬建州即今地也潮陽志云綏安晉時屬義安郡即今潮州界爲雲霄地廣東通志云大埔縣西北百二十里曰高昌山其下有綏安溪南越志云綏安縣比有連山昔越王建德伐木爲舡其大千石以童男女三千人舉之既而人船俱墜于潭時聞舡舡有唱喚督進之聲往往有青牛馳而與舡俱見一名越王潭輿地廣記云唐垂拱二年置縣按漳州府志勝入卷之六

志

武氏垂拱二年中宗嗣聖三年與州並置者勅在梁山之下地名雲霄其南漳水出焉因名漳浦開元四年州民余共訥等以地多瘠請徙李鴻川即今縣治也原屬郭下貞元二年徙州治于龍溪始爲支縣○按李鴻川其源有三一自平和五寨一自南靖龍嶺崎溪一自盤陀嶺九曲溪匯流于此川傍有李姓者居之故名今亦曰南溪○綏安溪在縣南八都東流合李澳川入海古綏安縣治也六朝宋沈懷遠次綏安詩有疊泰良時寬恩荷明牧叨乘使者傳來接危人獄閩方信阻狹茲地

亦豐沃蒼山綠萬尋漲海涵千谷高秋桂尚榮隆冬泉更煥在昔漢世宗開疆窮所欲餘善既辭師建德仍伐木喬出竟灰燼冶南亦淪覆至今遺父老能爲古風俗陰崖猿晝嘯陽畝杭先熟稗子練葛衣樵人薜荔屋矜爾爲生微誨予從不辱陳顧野王送人之綏安詩谷風揚暖律扶旭開餘霽蘭芽被平阜水漸泮微瀨悟彼芳歲新慙此賞心會絲竹邯鄲媚朋游鄴中蓋貢橘常含滋仙鰲妙飛翰峻嶒眺廣嶽浩漾窮濱海衆賓悅禮遇遠俗懷仙愛操翰本非工無識比曹鄴○印石山在縣東

漳州府志勝入卷之六

志

門外高可二丈四面端平如印傍有石壁刻呂令峰傳公河六大字呂名璿惠卿之父也○縣西北里許爲好景山縣治枕其麓山巔有石如虎亦名虎山距縣二十里曰摩頂山爲西北諸山之宗山高而圓潔其上平坦如佛頂山此東行南折爲後到山山左爲白鶴嶺其背曰龜山肩曰羅山腰曰薄陳致中題曰鶴嶺詩石竇寒泉響玉微開雲出岫繞松扉一從白鶴高飛去棲壁亭空鎖翠微○梁山亦稱梁岳在縣西南三十里高千仞盤亘百里有九十九峰古記云梁岳閩中之望也方輿勝

覽云梁山秀麗而崇園故又稱圓山名山記云峯
十有二唐鍾紹京改峯名二十有四曰蓮花曰獅
子曰金剛曰力士曰雙髻曰長劍曰七星曰八柱
曰觀曰臨海曰晉亭曰青閣曰雙鳳曰玉乳曰
錦石曰月桂曰壽星曰紫雲曰金雞曰丹竈曰香
鑪餘失其名而長源溪錦溪萬頃溪仙溪盛溪鋪
石溪垂玉溪龍潭溪出焉故唐明偉詩云梁山重
迴首翠峰三十六也唐東南盤石上有穴屈折上
穿如井水泉湧出大旱不竭謂之靈泉山南麓各
有湯泉其中峯曰蓮花峯相傳爲齊武帝所賞亦

漳州府志卷之六

五

名齊帝石按南齊書武帝嘗爲顓令晉安王子助
反遂舉義兵以衆寡不敵避屯揭陽山中揭陽本
漢縣南齊時屬義安郡于時漳浦未建懷恩未割
則梁山固揭陽境此山爲齊武帝所臨眺不誣也
□晉亭峰在齊帝石之西晉葛洪嘗居之唐張登
詩孤高齊帝石瀟酒晉亭峯卽此開元十三年十
一月是山自朔口出祥雲如天仙佛像麟鳳花草
之類彌亘百里竟月方息邑人潘存實初與周圭
物讀書名焉山後乃脩業於此宋奉議郎吳與書
室亦在焉與邑人登元豐五年進士卽撰圖經者

陳振孫曰吳與家藏文籍未經兵火故多完具鄭
樵曰古之言籍有唐宋並無今出于漳州之吳氏
可權其博洽可知也水晶坪在梁山之上以其地
產水晶故名又上有瀑布泉宋蔡希遠詩會稽之
南羅浮北中有大羅神仙宅瀑流千尺掛長虹瀉
下銀河數千尺□盤陀嶺在梁山之西叢薄崎嶇
盤桓可十里癸酉志云卽宋蔡崗漢南越蒲葵關
也按漢書元鼎五年漢擊南越東越王餘善以兵
從至揭陽以海風波爲解及漢破番禺遂還擊之
于此舊設漳浦驛在焉唐大中十二載嶺南節度

漳州府志卷之六

十六

使楊發途次漳浦寓止驛樓聞有李德裕留題尋
訪久之乃得本于士人家其詩云高少心期杳莫
攀好山聊復一開顏明朝便是南荒路更上層樓
望故關發和之云南盡封陲見好山蒼蒼松桂類
商顏誰憐後夜相思處白草黃茆舊漢關今關在
驛西南一舍嶺上鶴多猛象爲思宋有頭陀吳祖
華聚徒建菴於嶺下民居既稠象跡遂絕因名無
象菴○又四百里卽雲霄山以其地高聳雲漢故
名癸酉志云俗呼大臣山通志作大神山縣志云
將軍山在雲霄城西與大臣山隔溪列峙唐戍將

陳元亢征蠻居此故名今爲雲霄鎮淳祐志云古
閩媛能詩者則有雲霄李氏嘗作汲水詩云汲水
佳人立曉風青絲轡盡轡空銀瓶觸破殘粧影
零亂桃花消井紅文書懷云門對雲霄碧玉流數
聲漁笛一江秋衡陽鴈斷楚天濶幾度潮來問過
舟○將軍山通志云陳元光築城居之故名宋祥
符閩經引蔡如松辯以爲古閩越王號力騶等爲
吞漢將軍使之南據險要以拒漢卽此初非以元
光得名也按本傳元光父政爲諸衛將軍戍閩元
光從焉父歿代領其衆葬父于雲霄山故此山至
漳州府志卷之六

今有陳王墓或者山名不因元光而元光葬其父
則山因之益顯耳○將軍嶼在縣東南大海中磐
石疊聳舟舶不通濱海者多乘桴以取嶼相傳陳
元光駐兵于其上故名海中島嶼隱見不常所可
指者有魚腸嶼竹嶼石城嶼菜嶼大桑小桑大澳
小澳諸處 國朝嘉靖九年正月海中山峰並列
忽沒不見頃之三山併爲一峰屹立騰空作樓臺
巍煥之狀如是者凡三日蓋蜃見云○良山在縣
東南十五里與梁山對峙而此居東高數百丈東
峯距海西接南部潮陽之地唐賢良潘存實亦嘗

脩業於此故山以良名○又三十里爲鼓雷山斷
崖千尺下瞰大江每潮至怒濤急浪其聲如鼓雷
故名○海雲山在縣東二十里山頂沃田清泉雖
旱不涸山半有海雲巖又有紫薇石洞其石磷奇
如列笏奇獸之狀相傳有閩王宮人學仙於此明
黎應物詩巖崖高敞海雲巖此地王姬舊度仙石
磴香塵飛玉屑粧臺枯鮮印金鈿帳空鶴怨餘千
載花落鶯啼別一天絕頂靈龜如可問卜居終日
濯甘泉○又三十里爲龜山疊障高大周環四十
餘里其上多怪石有丹竈仙跡故名多產石蘭及

黃精山陽有田數十畝可耕○大帽山在縣東北
八十里山大而峻其上有玉川瀑布新村石鼓龍
添潭寶珠石諸勝又有天湖悟道普陀金仙碧石
龍雲石獅弘道八巖逾北行則爲海澄東北行則
爲鎮海○又二十里爲太武山一名太母山壇記
云閩中未有生人時夫人拓土以居故名山高千
仞周迴亘百餘里屹立海上端重聳峭其南五里
則鎮海衛設焉東望大海汪洋無際陟其巔瘴氣
二郡盡在目中昔好事者列爲二十四境曰延壽
塔樓雲樓安樂窩錦亭峰石鐘樓澗谷橋浴仙盆

雲根洞九霄巖石眼泉烟霞石彌陀石香鑪石湟
鑿石棋盤石馬蹄石百丈石獅子踪仙人跡仙竈
石門石屏龍潭象徑又有小石城相傳越王建德
避秦兵于此蔡如松十辯云按史記越王勾踐至
無疆七世無名建德者惟漢元閭中南越相呂嘉
反立述陽侯建德爲王城守番禺後人誤指爲越
王是蓋謂建德在南越不在東越其城守在番禺
不在閩或曰按元閭五年將軍路博德等擊南越
南越王建德與其相呂嘉夜亡入海當此之時飄
蕩入閩理固有之但淳祐志稱秦討建德斯誤矣
漳州府志勝人卷之六

龍巖縣在府西北三百一十里

晉武帝平吳分置晉安郡領縣八新羅其一此乃
新羅地之苦草鎮也原屬汀州唐天寶元年改爲
龍巖縣大曆十二年始隸漳州○按龍巖在城東
翠屏山之麓前後有二石峰石趾有大小二洞虛
中如室石壁有幾龍紋內可坐百人洞口有桃樹

元

漳州府志勝人卷之六

廿

二株不根土壤對峙石壁上高不及三尺巖結碧
桃數十顆門邑人春坊王源記畧云渡龍津東行
四里許有里石尖峰峭削列鎮山下居屏風山麓
者巖巖面比一大石洞邃若堂與頂底寬平可坐
二百餘人洞頂青白小龍紋紛然不可數計壁右
湧出一條如柱黃色鱗甲若真龍頭角足手不露
至頂而止左一條青色附壁而上蜿蜒緣頂至簷
頭角鱗鬣宛然口頰間有竅滴水錯落如珠洞前
躡級而上石結土臺植以花木大洞左一小石洞
前後有罅欹仄以入若畫舫齋濶僅一丈長如濶
之五頂上小白龍紋簇簇小洞左緣礫穿峽而上
至紫薇閣有石狻猊舞躍倏伏宛若生成前有磐
石上夷可坐十餘人巖之上怪石駢列不可名狀
○龍川受汀州上杭古田諸溪水合大小池歷龍
門磴至縣西會羅篋諸溪環繞城南而東到鴈石
舊志所謂東溪卽此明王源詩湛湛長江水發源
何逶迤遙遙出龍門逝者長如斯清風拂晴曙實
月含光輝水月共澄澈浩渺同心期○小溪源出
龍門里茶峒其流清淺湍急縈迴而趨縣治入于
龍川其地幽勝比之武陵宋元祐間里人陳伯劉

棠以詞賦齊名時人稱曰劉棠陳輔漳南賦虎劉
既登科陟_遷憲居於此嘗賦詩云天不手持卿相
印小無人擁使君符門前溪水綠於染好把一竿
秋釣鱸○覆釜山在縣治後邑之主山也自城比
特起圓周形如覆釜故名其在留暉門內者爲大
對山一名官砦山有宋令趙公城遺址在迎節門
內者爲清高山積石奇怪勢高氣清故名又有黃
巖山在拱極門內梅亭山在清高山之右○鳥石
山在縣西南二里許上有小石室南麓有巨石峙
道傍曰鳥石頭宋時邑人陳氏子少飯牛而牛羣
漳州府志卷之六
息佯狂不事家人產辟穀於此不知所終或曰尸
解而去○東寶山在縣東五里山麓產銀鉛每風
雨時現寶光左巔有龍井洞其門旋折如牛角內
寬丈許六月有水凝如珠○紫金山在縣西十里
五峰秀削壁立千仞旭日含輝土石皆紫故名上
有天然沼泉出石罅注而爲池魚游其中歷歷可
數下有赤水巖明徐拱辰詩氣勢何崢嶸衆峰巖
丹碧朶朶金芙蓉玉井何年植上有仙人居明滅
望無極匪惟世人傳猶有古時跡玄冬雪初霽一
眺瑤瑤積寒光與晴暉遙遙相盪射居人占豐年

此瑞良所惜○奇邁山在縣南二十里一名九峯
岐嶇峨嶇_{嶇嶇}森如列戟明陳良詩奇邁層峯表晴
嵐盡日籠陰崖浮薄翠陽石映輕紅鳥度屏風裏
人行圖畫中深潛有文彩五色耀長虹○石鐘巖
在縣西四十里明知縣吳守忠記畧云自獅子巖
西山行十數里涉澗而北忽石崖壁立數十百丈
稍右一石山秀削端巖則巖在焉至巖前亂流而
西登崖則下巖巖際石乳駢垂最長者離地僅尺
許地中石依附上聳圓秀如鼓稍前路漸折而南
至巖扉狀若倚蓋左高右下右額石紋攢疊多幢
漳州府志卷之六
幡纓絡之形稍入作大士騎象形巖高可三丈橫
倍之深又倍之若一厦而三級前級最深廣巖石
石垣迴合二級左右石脚插入巖中伏環如象昂
起如獅中級砥平可席東壁上有石室乘炬入觀
石柱上下連續柱上玲瓏刻畫如浮屠後一級遙
望東壁石影若壯士橫肩距石奮怒右壁下石柱
剔透如鰲足出巖前數步仰見上巖石乳所結如
觀音座者數處至上巖門稍狹地如雲母石數步
內皆黑得入乃行梯而登石窪處分三節內如蓮
花心有無根水外二節駢蹙有文如蓮瓣受梯垂

石上卷似蓮葉循此西有石倒懸又如未得葉
自此四維下皆石乳玲瓏穿虛或乘空下垂或
從地突起凡世所有之象無一缺者大光所燭通
透瑩徹隨折脆斷爲白石巖又南一洞深不可測
有人繫繩于腰把火深入聞水聲乃出引繩得五
十丈稍西巖愈深愈暗倍用炬火從以鼓吹前數
步左壁上怪石林立如帷中羅漢雲際如來列坐
禪榻又有石自壁下斜出洞中若龍背負諸妙相
前數步有光若星望之乃巖頂石穴透天也登三
十步外有三卧石直達穴口旁縮中隆底平潤若

清州府志

卷之六

七

鐘巖之得名以此○九侯山在縣北三十里高入
雲漢廣袤數十里九峰列峙導若公侯故名或云
峰列如猴故通志曰九猴山前志又謂之筋山正
德志云其山支麓盤踞于地如人身有筋故名又
云唐武德元年前有惡少相聚于允義侯廟謀爲盜
俄而霹靂大震群盜手足筋脉皆攣縮吳與圖經
序筋山崩盜是也宋邑之表政里人郭公者少嘗
游此遇異人授以遁形變幻之術每有寇讎出奇
立功歿且其鄉人祀之于銅鉢城○又二十里
爲天官山上有瀑泉飛瀉數十丈圖經云常有雲

氣覆之陰晦時或聞簫鼓聲

長泰縣志

卷之六

隋時南安縣有鄉曰武德唐乾符三年邑令張思
進始以其地置武德場南唐保大元年陞爲縣改
名長泰宋盧琦贈長泰尹余良甫詩令尹余良甫
應勞撫宇心野人爭賣劍山縣但聞琴夏半畝田
熟秋深瘴霧沈僮僕懷鄉水客千里寄知音○志云
良岡山在縣西北五十里縣之主山也上有龍鬚
泉涌流不竭瀑布出焉山脊有翁婆石高數丈隔
崖懸峙石頂有磐石大可四畝餘上有廟廟前有
三礎礎其中貯錢人多祈貸有應則以息錢還之
祈者接踵自此透迤入縣治圓峯特起而縣治枕
其門曰羅侯山○天柱巖在縣東五十里山有屏
風石高九丈濶五丈宋崇寧時梯空鑿天柱巖三
大字是時龍溪有楊處誠自勿幕道初于天寶巖
夜坐見東比有天燈雲旗之異遂經古溪吳峰至
此有大隨行蛇繞地若覓寺址者乃卽地爲恭鍊
氣闕形莫知所之是山多石石所會處爲一區大
抵平者爲巖凹者爲洞又或下洞而頂卽巖入山
有石當道鑿爲梯以度又過一石若有門可入稍

進爲洞洞前後兩重其中若天井過此而徑愈窄
有石如象之象徑象膜于地相連一石平如砥砥
石之下有徑長以里計巖洞泉石相屬其前門卽
未到一線泉時所見石後乃百丈屏徑中之有聲
稱者曰迷樵路觀海洞劍脊橋暗谷石屏屏曰百
丈可數十丈洞兩層高亦相當其首皆下覆半徑
不見日在洞中又見日由此可達洞頂而屏亦盤
旋可到頂出屏之路是登燭峯峯首銳石稜如簇
爲此山小頂由麓而升若磨盤然東往絕頂南往
瀑布俱以是麓分下之爲石屏舊路橫北而往卽

漳州府志

卷之六

七

其

盤陀行者必斜繞之徑一洞洞能四達尤異于他
洞陀之上爲石室可容百人自此至烏巖與絕頂
俱五里東西而馳將至巖有洞洞敞甚水注有聲
洞稍下爲石是臨絕壑緣石以上望巖若榜其色
純紫徑升巖有三層俱可容數十人然必自背以
至頂巖頂爲西比最高絕頂可以觀日初出直下
爲瀑布與白雲峽對處其路循山之趾而半側于
坑白雲坑中石也及巖如壁刀雲自此起故名瀑
布之石其已如燒而水徑焉壁則懸壑則渟渟其
亂處則間匿而出○吳田山卽吳峰也一名曷山

山少樹木其高處有田數十頃山之左爲蜈蚣山
郡志云昔百沈部公者名彬嘗自指華穴以示家
人後開城見有漆燧以石爲臺中有銅碑篆文云
佳城今已開雖開不葬埋漆燧猶未滅留待沈彬
來然潤州吉州亦俱載之○董奉山在縣北五十
里形如卓筆上有丹竈基盤架室淳佑志以爲神
仙董奉所游縣令韓常卿詩丹竈基杵去不收未
知踪跡爲誰留烟霞空掃樵人徑松檜重陰古寺
樓怪木化龍雷雨後碧波涵月鏡潭秋遶東望斷
無歸鶴山自嵯峨水自流○又稍東爲鼓鳴山山

漳州府志

卷之六

其

下有洞圖經云風雨晦冥則聞鼓聲唐元和間
雨有驗勅號鼓鳴山封山神爲威澤王志云今良
岡董奉鼓鳴吳田天柱是爲五名山

南靖縣

在縣西北

元至元中割龍溪漳浦龍巖三縣邊鄙置南勝縣
其舊址一在縣西瑯山之陽一在縣西南磐山之
東至正十六年徙于雙溪改名南靖以邑當閩境
之南取安靖爲義○按雙溪在縣治前大溪源出
清寧里入溪源出永豐里龍巖縣界至此合流東
至峽口西渡爲府城南門溪入海又縣西之梅子

潭縣北之峰蒼澗水皆注焉○鏡山在縣西北五里夕陽返照炫然有光故名毗連有寶珠山形圓如珠夾于鎔山磨石之間下有溪流迴繞兩峰壁立一港如門卽梅子潭之水接深渡溪處也○湖山在雙溪之南山下有湖水微○翠微山在縣西南草木蒼翳遠望之如翠微然○峯蒼嶺在縣北十六里以峰高入雲四時蒼翠縣治之歐泰山發脉于此亦峰蒼水所出也又遠百餘里爲浮山與龍巖界其山當路形如覆鐘與上下山不相連勢若浮來故名

漳州府志

卷之六

七

漳平縣

在府西北三十里

國朝成化三年龍巖縣民林廷琥等以居仁聚賢感化和睦永福五里去縣遠而地險賦稅不供請別置一縣從之遂以七年勅治所于九龍溪之北此五都者居漳上流千山之中而治所在其平衍故名之曰漳平嘉靖十四年析聚賢里九圖置大田縣屬延平府○龍亭山在縣西里許山半清泉一泓可以漑田其巔容二百餘人遠眺則衆山皆在目前縣公廩焉○高巖山在縣北上有大小二石洞澗水所出○龍門洞在縣東感化里有石室

冬溫夏涼中有磐石可坐百餘人又有蝙蝠洞在秋竹坂之陽峭壁巖巖洞穴深邃寒泉清冽衍爲長流相傳有竅通尤溪縣或乘炬深入不能窮其底○舍洞在縣南末福里磐踞龍巖安溪龍溪南靖漳平五縣之間而漳平正當其北爲要衝萬山環抱四面阻塞洞口險隘僅通人行其中寬廣可容百家畝田播種足以自給○螺井在高明坑相傳穴中有螺大如斗隱見莫測時起雲霧○熬池在聚賢里周圍千頃大澇不溢大旱不涸池東有祠朔望則群魚浮列池上朝向○三溪林一名白

漳州府志

卷之六

七

鶴湖在縣南三十里山巔峻絕湧泉成湖瀑布而下爲第二宮第三宮尋龍禱雨者攀躋可到第二宮雲霧油然入者淒冷時有白鶴飛昇故名○三清湖一名魚龍津在縣北和睦里自高山發源湧爲石湖瀑布而下聯登三潭相傳有龍蹤仙跡其地有山九峰疊聳名九仙山石窟深險號仙人插劍處

平和縣

在府西南二十五里

正德間象湖賊起巡撫都御史王守仁發二省兵勦平之于是上言河頭之地北與蘆溪流恩山岡

接境西北與漳平象湖山接境而平和等鄉又與廣東饒平縣大傘箭淮等鄉接境皆窮險賊巢與所屬縣治相距五日程往往相誘出劫宜設縣控制遂割南靖之新安清寧等里漳浦之二三等鄉置縣以其鄉名爲名○志云縣之名勝有三平山巖谷深邃登者必歷三險三平乃至其上故名山有龜蛇峰和尚潭九層巖雙髻山高柯嶺煎茶塢虎爬泉錫杖樹大伯山唐天寶初義中禪師自紫芝山移錫于此山九層巖有鬼穴衆鬼昇師投入深潭及還宴坐如故復昇至瑞龍百丈際繩石沈

漳州府志勝

卷之六

光

之復如故由是乃伏乞爲架院願慈悲閉目七日許之未逾五日師忽開目而院已成惟山門未就衆鬼逸去有大魁獨留隨侍身毛毳毼因名毛毼毼侍者學人不遠荒服咨請教法常有三百餘人是時王侍郎諷出守漳南來訪禪師因建有侍郎亭宋龍溪人吳翼嘗讀書于此一夕毛毼毼伸手于窓隙爲戲翼因押花字于其手掌遂不能去平旦苦請翼代其字乃得脫○大峰山在新安里邑之鎮山也高峻巉巖羣峰岫巒起石峰十有七自山麓至巔可五十餘里中多巨靈斧跡又多巨

石巖洞窈窕儼若化人之居有青雲峰形若獅子口攀緣尤許方得入中可坐三十餘人漳浦志載陳元光改葬其父于大峰山卽此又有楓山青雲獅子佛祖諸巖山北有靈通巖巨石爲蓋泉洎滴其上如雲如霧如珠簾四時不竭有風洞風出色如綠霧劈立半山非架梯不能到是山泉潢四注盡地成川自正西出者其下爲龜溪又西過樓宅逕縣治曰河頭溪合蘆溪達海其東北出者下爲高山溪入溪口溪至郡城其東南出者曰河上溪至西林溪又南流爲雲霄溪下漳江入海其正南

漳州府志勝

卷之六

州

出者曰徐坑溪過詔安爲東溪入海

詔安縣在府治南

漳浦極南之地有南詔者山環九侯赤坑水滙象溪大海南詔之名未詳何始或云其風景類滇南故襲其名宋爲南詔場置西尉主之我嘉靖九年析漳浦縣之三四五都爲縣名曰詔安蓋取南詔安靖之義○按赤坑山在縣西三十里勢若五星錯落轉而爲嶺至于良峰距縣西一里爲縣之主山○九侯山在縣北二十五里九峰並列故以侯名有石門可通車馬頂上容數十人中有風動石

天然橋飛來佛羅漢洞諸勝圖經云夏禹庶子封于會稽其子孫九人入閩沒而爲神各主一山按史記本文少康庶子封于會稽世至勾踐又六世至無疆爲楚所滅子孫散處海上今詔安龍巖各有九侯山九侯巖或當時所居宋邑人沈子真以巖貢授揭陽縣丞不就歸隱于此國祚淪亡作詩文效陶淵明但書甲子不用胡元年號又有陳植登淳祐四年進士帝昀航海植領海舟見事危斷維出港自以六舟泊梅嶺收亡命馳檄諸蠻圖立宋後聞世傑覆舟遂變姓名隱焉臨終令葬漳州府志勝入卷之六

海濱望崖山而不面北○龜山在縣西南二十五里上有巨壑蛟龍潛焉有石洞可容數十人山右卽汀漳分界○漸山在縣東五十里高峭千仞頂分三峰中有潭深不可測山岐跨至港口渡西南巨石若屋內有泉甚清冽正德十四年龍起其中聲如推屋食頃方止山塌裂深廣丈餘宋翁待舉陳景肅楊仕訓兄弟皆居於山麓因築室讀書其上種榴數百株號石榴洞待舉政和二年進士知興化軍景肅紹興二十一年進士有文集二卷仕訓慶元二年進士事朱文公爲弟子弟仕謹嘉定

進士又紹興時有吳大成者當秦檜柄國歸隱于石榴洞云○川陵山在縣東界濱海相傳帝昀南渡將都南溁築此爲東京地遂陷入于海今城堞尚存自山巔向海莫窮其際海中猶有木頭竹叢潮退風靜鄉人駕舟取以爲薪與之鄰者有甘山南面海中遠視若有一小髻天將颶風驟雨其狀變幻若屏若屋若獅象四面皆海中有一井其水獨甘○石塏溪杜氏通典載漳浦郡西北至石塏溪一百五十里淳祐志云石塏渡有靈者王故壘及磨劍石唐杜岐公作通典載臨漳石塏渡是時漳州府志勝入卷之六

去垂拱未遠必有所考正德志漳浦縣下云石塏溪在西南界盡處又引舊志以爲在江西閩廣之交本名石塏訛爲石神涉其流者兩足皆黑謂之烏脚瘴今按漳浦西北大峰山之東有高坑石塏前亦有渡鄉人呼爲石神其大峰山又有別流下詔安東溪入海者是漳浦西南非西北其靈者王磨劍石在雲霄六郡豈石塏亦別有是石耶沈存中筆談載漳州界有烏脚溪涉者是皆如墨飲之則病瘴行八皆載水自隨梅龍圖素多病預憂瘴病至烏脚溪使數人負荷以物蒙身恐爲瘴水所

雷鼓揚過甚忽墜水中自謂必死然自此宿病盡除無復昔之羸瘵人皆以爲異云

海澄縣在府東南五十里

龍溪縣八九都濱海之地有月港正德間土民多航海貿易于諸番嘉靖九年置安邊館于此歲遣通判駐守三十年建靖海館以通判往來巡緝四
十三年始置縣○儒山在縣西南二里許俗名蔡前山圓秀特起其北爲縣治距縣六七里其遠擁儼如冠裳者曰席帽山又西而林麓葱蒨南溪如帶者曰常春山又東爲鴻山稍北爲鹿石山○

漳州府志卷之六

七

南溪之陽有山焉海水逆溯江水倒流其相合處爲南岐舖頭山亦名倒港山○縣東南山之峻者曰文蓋山有石室可容數百人雲氣常覆其上逾江北望者曰文圃山本爲青礁之境唐謝脁洪文用石黃三人皆以詞藻著名而居于此自廣明西幸遯跡不出耻于事虜及光啟廻轡修乃出登進士五季分崩文用終不爲時屈黃以世曹薄游鯁論忤時浩然而歸後人因其所居之山名爲文圃與同安縣界宋蘇疎顏慥之徒俱隱焉

寧洋縣在府北四百里

龍巖之東北境有集賢里東西洋者界于漳平永安大田連城四縣之間其地谿峒深邃鳥道險峻經二百餘年鞠爲寇穴至正統間亂無寧歲乃置巡檢司以控制之亂如故嘉靖四十一年饒寇掠境土寇乘之其酋則廖選蘇阿普輩相煽而起漳平知縣魏文瑞進討死焉于是諸生曹文燁鳴鳳等請設縣報可至隆慶元年始析龍巖縣集賢里五圖延平府大田永安二縣各二圖設爲縣而以寧洋名○香寮山在縣城南上有紫雲洞可容數萬人絕頂有天臺臺有龍潭石窟如金明劉銳詩

漳州府志卷之六

七

石磬一聲天地曉白雲捲地鶴歸來卽此又有天柱山山中之石或方或圓如人雕琢極其工巧○縣東有龜嶺鴻岐果老諸山俱在鎮海衛城南望大海汪洋無際○陸盤所自漳浦鐵竈坑南行三十餘里平沙漠漠三面皆海惟正北陸行所城如巨壑戴山舊名青山亦曰鰲山山腰人家鱗次相疊雖雨夜海中常見燈火城中有古樓山城東有風動石人卧其下伸足則石動而左縮則返面右其川爲南溪西三溪合流而達縣郭激盪生濤稱東西洋以此

汀州府

在府城西南 二千六百八里 領八縣

晉太康三年析建安地置晉安郡領縣八其一曰新羅卽今府及漳州龍巖縣地而汀州始基於此輿地紀勝云唐開元十三年福州長史唐循忠於潮州北界福州西界檢得避役百姓共三千餘戶奏開二十四年又開福撫二州山洞置汀州治新羅說文水際平沙曰汀舊志云汀水自北發源至州境而東遂南流入海是天下之水皆東惟汀水獨南南丁位也以水合丁於文爲汀故以名水天寶元年改臨汀郡乾元元年復爲汀州唐會要云汀州府志勝入卷之七

所居有三種居其下者曰猪都居其中者人都居其高者鳥都卽如人形而卑小男子婦人自爲配偶猪都皆身如猪鳥都人首能人言聞其聲不見其形人都或時見形當伐木時有術者周元太能禹步爲厲術以左合赤索圍木而砍之樹仆剖其中三都皆不能化執而煮之于鑊內唐末光州刺史王緒引兵渡江陷汀漳二州而不能有王潮始陷而有之至後晉時屬南唐開寶八年始入于宋唐張籍送汀州元使君詩曾成趙北歸朝計因拜王門最好官爲郡暫辭雙鳳闕全家遠過九龍灘汀州府志勝入卷之七

天寶元年改新羅縣爲龍巖縣則今之龍巖卽故州治也後乃遷長汀村去今治二百三十里又遷東坊口去今治北五里大曆四年刺史陳劍始蒞任聞鼓角聲堙鬱不暢適吏民進狀曰年穀不登民多疾疫由建治非所劍乃擇地於卧龍山之陽白石村而改遷焉其爲郡也崇岡複嶺山谷斗絕至府治則地勢坦夷方數十里而卧龍山突起平地中府城半壁高掛其巔鄞江繞於左西溪抱於右二水合流繞出丁位南走潮海西下豫章○輿地紀勝云造治之初凡斫大樹千餘其樹皆山都

山鄉祗有輪蕉戶水鎮應多養鴨欄地僻尋常來客少刺桐花發共誰看宋郡守陳軒詩云居人不記甌閩事遺迹空傳福撫山地有銅鹽家自給歲無兵盜戍長閒又云一川遠滙三溪水千嶂深圍四面城花繼臘梅長不歇鳥啼春谷半無名按軒以元豐六年任爲治尚清淨與別駕郭祥正日事登山臨水觴詠酬酢黃山谷集有詩云平生所聞陳汀州蝗不入境年屢豐卽其人也○志云卧龍山在府治後環城四面皆平田就中突起一山高可數十丈北面峭壁矗拔其南派爲九支形如九

龍蜿蜒蟠屈狀如龍卧其上有樓三層曰北樓後
改道山樓山之左支爲橫岡嶺右支爲西峰俯臨
津門○鄞江在府城東九域志云卽東溪也自寧
化縣界發源逕遷至東莊潭分爲二派一自惠政
橋入一自太平橋入至高灘角復匯爲一南流經
上杭縣達廣東潮州之神前會三河水至海寧宇
記云臨汀大溪有四曰東溪曰西溪曰南枝溪曰
橫溪至高灘角合流其在城南三里有圓珠山當
鄞江西溪二水合流之口宋郡守張憲武詩云萬
疊崇岡掛卧龍一峰圓頂翠連空○城東北二里

汀州府志卷之七

三

又有寅湖周圍百步以其居郡寅位故名湖中一
小阜水漲不沒春滿冬涸郡人鍾伯澹有詩云百
丈平湖一點山碧琉璃湧小蒲團宋嘉定間長汀
令錢厚建寅湖亭於此又縣東有子地湖縣西有
辛湖亦皆以方位得名

長汀縣附郭

與郡同建同遷今其治在府南二百步是也府城
福壽坊有縣基嶺舊傳置州東坊口時於此置縣
又有古城在縣西五十里五代王延政據建州築
城于此以備江南兵今稱古城里○東山在城內

正東乃卧龍山之首宋李存真詩云野雲閒帶酌
林木靜無風村落一溪外平田四望中○仙隱洞
在城東南隅石徑沿溪嶽崎深窈有兩石挾一小
石天然成門內頗寬廣昔構清陰閣於上上接卧
龍山下瞰龍潭宋紹興間提刑劉喬改名雲驤閣
閣之前後奇石噴噴門左一石高廣丈餘不麗于
土傍有小石撐拄勢若岌岌相傳有大雷雨飄至
因名飛來石○南山在縣南二里屹然如屏其巔
爲平斗巖綠石捫蘿而上俯視城市盡歸目睫
廖輔題朝斗巖詩水輪影轉夜未闌羽人朝斗登

汀州府志卷之七

四

仙壇半函小篆寫黃籙一瓣降香招紫鸞露滴瑞
塔霞帔濕風敲瓊珮袂衣寒天真禮罷神宇定步
虛聲繞青雲端○相拜山在縣東南三里與南山
相聯俯挹卧龍山以其相似人拜故名宋元祐間
白晝迅雷一聲劃開山隈巖洞中有丹竈丹井因
名霹靂巖廖輔題云雷師怒劈青雲根血點迸出
丹砂痕稚川曾此煉金液千年井竈留乾坤山中
風月宛如昨雲端雞犬今何存神仙靈秘詎可測
且拚痛飲慰芳顏○距南山二里爲宜巖巖洞幽
窈泉清水茂宋崇觀間邑人宣明嘗貢辟雍不樂

仕進歸隱於此郡守謝調重其人榜曰宣巖豫章
洪芻詩云一綸涵碧磻溪釣千穗垂黃谷日耕路
側似逢居士屨歲寒應結老夫盟又二里爲石燕
巖寰宇記云昔有飛燕顧顏偶遇驟雨燕集石上
視之皆化爲石○蒼玉洞在縣東東禪寺下山石
奇怪無數道傍兩石蹲踞如洞門玲瓏及葉是名
石門又有煙嶼仙掌鶴巢抱雲二老獅子馬鞍諸
石宋陳軒詩截斷蒼天百尺崖崢嶸相倚洞門開
天生祇隔紅塵路不礙浮雲自往來運使蔣之奇
詩蒼玉門徑瀾白雲庭院深鄞江一丈水清可照

汝州府志勝

卷之七

五

人心明馬訓詩蒼蒼屹立百尺崖洞門不許何年
開紅塵半點無出到惟有浮雲時往來斷碑數字
藤蘿蔓掃去莓苔還可玩頻頻快讀三四過長嘯
一聲白雲散周冕詩劈破貞珉閣兩巖此中真境
隔仙凡烟霞鎖斷紅塵夢一徑穠陰入翠杉○佛
祖峰在縣西三十里俗名九磔轉北二里許樹木
陰翳石徑崎嶇中有佛寺雖盛夏不知暑氣明知
府邵有道詩萬壑青山一壑賒亂雲堆裏種胡麻
商顏風景原無異輪與林僧度歲華吳文度詩九
曲蜿蜒小徑賒望窮幽處入僧家山幻纈絮通雲

氣木末垂珠滴露華○又二十里爲鷄籠山舊經
云高十五里宋邑人王捷字平叔脩道於此郡倅
郭祥正詩神仙之府曰鷄籠千尋碧玉擎寒空秀
色凌風入城郭半街曉日金濛濛志云去城五十
里○輿地碑目云唐中丞伍公墓誌貞明元年令
人張策撰○鄞江志宋慶元戊午昭武李皇詮次
林仲文序○鄞江集亦仲文序

寧化縣

在府城東北一百二十里

寰宇記云唐武德初爲黃連縣天寶元年更名寧
化舊治在黃連鎮去今縣東五里以其地產黃連
汝州府志勝

卷之七

六

而名後唐同光二年遷于鎮西竹篠窩翠華山之
前南臨大溪卽今治也縣境山峻水急峰巒萬壑
至治所則四圍平坦形如大釜傍挹嶂岫下瞰溪
湖宋盧琦詩云觸熱來寧化居人已賣瓜田園優
五邑市井僅千家孤塔凌空聳青山對縣斜蕭條
兵火後撫景重咨嗟○按志翠華山在縣北二里
以其山色四時蒼翠故名明邑人馬驥詩奎光射
入翠華頂曉鐘撞徹青雲端○草倉在縣西三里
舊有顯應廟其神爲草倉將軍姓長孫名山宋李
綱過此題詩云不愁芒屨長南謫蒲願靈旂助北

征醉微一杯揮淚眼不知何處是三京○五靈山在縣南市西舊名五家山上有晉惠王祠王姓時名閻唐時人與妻英氏至縣卒而塋此其魂時時出沒邑人因立廟祀之又八里爲南山一峰聳起而傍峰低小如筆架形下有流水環縈若帶○又三十里爲龍池巖舊經云昔有龍蟠於此故名蔣之奇詩云蒼龍蛻骨去已久山根一穴如天開寄言俗客不可入往往自畫生風雷○攀龍鄉在縣西五十里鄉人劉安有女生不如輩長善文墨九歲與羽流談道自誓不嫁及笄父母奪其志許石

汴州府志

卷之七

七

城何氏子不得已而往甬越境有白鵝從天而下卽乘之飛去莫窮所往衆異之荆祠於所昇之地郡以狀聞賜額蓬萊觀宋郡守陳軒未第時過此題詩云白鵝乘去人何在青鳥飛來信已遙若使何郎有仙骨也應同引鳳凰簫○西巖在縣東北五十里登石梯而上石筍屹立如門上有石乳下垂泉洎洎自乳而下滴於筍末毫髮不爽又有石如龍當門之頂其中空洞如砥可坐千人有數石室其一曰寶陀天然龕屋奉大士像於中其一曰乳穴非燃炬不可入中橫石案傍有泉一泓其音

琮琤遇旱禱之取水出巖卽雨謂之聖水一曰丹穴有一小竅俯仰而入其中寬朗丹竈儼然又一如方丈初入頗暗坐久忽明又一如堂與寒氣逼人不容久立傍有龍井深不可測○東巖在西巖之傍其中亦有數石室始入隱隱若有人形諦視則無謂之仙影洞旁有石蓮數朵大如車輪左有石龕藏經謂之經龕又有石如壺高可二丈寒泉湧出壺口皆成鐘乳下有芝田數區上有響石撞之如鐘西有石柱峻削如青琅玕其南有泉白石中出游潑迅急復入於石縫不知所之又南最高

汴州府志

卷之七

八

處有石鶴如奮飛之狀亦有丹竈○鳳皇山在縣北五十里崇岡峻嶒蜿蜒不絕形似鳳翅故名其地有靈隱洞舊名洞源巖宋治平間僧祖慶結菴於此芟闢其地洞前重岡疊嶂小澗橫絕烟雲縹渺巖石奇怪如窓如龕如設筵席如列鐘磬如虎關鳥翔其狀不一又有巖石拔起上有一窟如窪尊乳泉滴瀝滿而不溢病者飲之多愈又十里爲瑞花巖其地多產奇花歲將豐稔花特異常其地有危石突然一峰四壁耳絕人跡不到宋紹興間僧祖月愛其孤高結菴石下名曰翠峰又有蛟湖

深不可測昔有僧結菴其上嘗見白龍卧湖面鄉人遇旱以收鐵投於內輒作暴雨怒濤必出其鐵而後已又三十里爲彌勒巖高峻玲瓏窟中多巢鳥雀巖之下空高約二丈許深廣三丈有奇石室之前有彌勒佛殿故名○予門人有丘萬驥者字德長家于溫泉其側有巖玲瓏曲折天光射入名朝光巖竹筏沿沂其中難窮屢招予遊之未果因贈以詩云閩地富丘壑予曾探討之更餘未到處問自隱人知暗谷朝光瀉寒林夕露滋漁舟如可入須趁落花時

汀州府志勝八卷之七

九

明

上杭縣在府城南二百里

圖經云本晉新羅縣治唐初爲龍巖縣地大曆四年刺史陳劍析龍巖胡雷下保置上杭場卽今之豐田里南唐保大十三年徙上杭場於稅梓保今爲太平里宋淳化五年陞場爲上杭縣割長汀之南境隸焉至道二年徙縣治於鰲沙卽今白沙里咸平二年徙語口市卽今在城里天聖五年徙鐘寮場卽今平安里乾道三年縣令鄭稷奏遷來蘓里之郭坊今治是也前王守仁上杭南泉菴漫書山城經月駐旌戈亦復幽尋到薜蘿南國已看回

甲馬東田初善出農菴溪雲曉渡千家雨江漲春溪兩岸波暮倚七星瞻北極絕憐蒼翠晚來多○按新羅故城在今縣東北五十里牛肅紀聞云唐開元末新羅令孫奉先晝日坐廳事有神見庭中披戈執爰狀甚可畏奉先驚起神曰吾新羅山神也今從府主求一牛爲食吾當祐汝奉先曰殺牛事大請以羊豕代之可乎神怒曰惜一牛不以祭吾不祐汝矣遂滅自是瘴癘大起奉先與其家二十口盡亡○金山在縣北縣之主山也巒嶂巔峴米翠如畫宋康定間嘗產金故名山上有三池名

汀州府志勝八卷之七

十

明

曰膽水其上下二池有泉湧出中一池則蓄上池之流宋時縣治密邇其地水亦味苦飲則傷人惟浸生鐵可煉成銅後縣治既遷其水遂變不異常水出石可爲印章山側有百丈磔高可百丈一溜如線自石罅出舊名黃金坑山陽有南寶山望之如筆舊傳有童子牧牛其上得白壁一雙故名或云據金山之陽也近山有巖曰寶興明曾宜勉詩金山何磅礴屹立東北隅群峰所崇仰峻絕凌空虛曜靈出海底雲霧豁然除陽木流光彩陰條暢以舒上有飛仙迹飈車接蓬壺逍遙成文化治世

歌唐虞○又五里卽鐘寮場舊經云鐘寮場未縣之前有妖怪虎狼爲害黃七翁與其子及婿倖三人有異術往治之群妖遂息因隱身入石現其像於石壁每風雨時石中隱隱有鐘鼓聲民因立祠于石峽下○掛袍山在縣前五里以形似得名舊經云先時有術者過之謂其民曰袍山蒼蒼朱紫盈坊未幾遷縣於此明郝鳳升詩青袍知爲誰人掛似與西南補天罅上有虎窟下龍潭風雷怪底無冬夏邑人丘弘咏詩袍山翠律俯清漪曉起聞雲拂翠微遠逐晴嵐來海島常隨殘月到書幃○

汀州府志勝不卷之七

土

縣南小溪發源長汀縣界合衆流入縣境與語口水滙至縣治前過美女峰紫迴三摺環抱而出直抵廣東潮州入海明曾宜勉三摺水詩長溪百里來奔注縈三摺屈曲良有源定爲神禹決鳴瀨自潺湲涵空更澄徹一帶若拖藍滔滔不停狀幾欲乘中流放聲歌明月○橫琴山在溪前平廣延袤若琴橫然亦名橫琴崗○美女峰在縣前五里與三層嶺相接其峰有四葱蒼秀麗故名訓導李遠詩雲作簾櫳石作身蛾眉不掃幾經春等閒試問巫山事默然無言對水濱○赤面石在縣北三十

里溪邊上圓下方峭立如壁其色赤故名郝鳳升詩一面崢嶸倚天赤大江西去橫千尺武昌夏口渺何處山川鬱鬱遙相敵憶初丑運驅六丁神斧閃爍開炎精頃今萬古魂不死直與日月常爭明○又有石龍桓亘溪中背有鱗文遇旱鄉人積沙石於其背卽雨至水漲蕩去沙石乃已右去縣百

汀州府志勝不卷之七

土

里外○銅鼓山在縣東百里後地特起高數十仞廣數里民居其下寰宇記云山有銅鼓之聲則歲太稔石壁上倒書千年二字其大徑尺夾山左右有二湖其一雖旱不涸名銅鼓湖○茫蕩山在縣西勝連鄉磅礴數百里當上杭永定兩縣之界峰巒斬絕人跡罕至西南通程鄉縣東通漳州府奸民常據以爲窟穴急則逃入于廣○香嶺在縣界舊有檀香墩本因名又云有木乳膏居人採而焚之此九域志所載

武平縣在府城西南

寰宇記云在州西南五日程連循州界鄧川志云唐旣置州以州西南地爲南安武平二鎮五代時閩併南安爲武平場宋淳化五年升爲武平縣析長汀西南境以益之○靈洞山在縣西十里山有

仙人上馬石蛟池湯泉石龜之類大洞二十六小洞二十八下有靈洞院洞元觀又有葛真人煉丹井二泉派出清微可鑒宋梁顥詩云門外路將三市隔此中人是幾生脩千尋古木含雲翠一派寒泉繞檻流○天馬山在縣東二十里以形似而名又十五里為梁野山高五千餘仞九十二面絕頂有白蓮池相傳昔有鄉民採茗至一巖內有佛像經帙鐘磬幢蓋煥然如新後日往遂失故道○南安巖在縣南八十里形如獅子中有二巖南巖窈窕虛明石室天成東巖差隘而石龕尤縝密又有

汀州府志勝八卷之七

十三

石虎石龍石龜石獅其先為蛟蟒窟穴俗呼龍穿洞宋乾德二年同安縣僧定光大師卓錫於此而大蟒猛虎皆馴伏不為害後郡守趙遂良延入郡齋結菴州後便其往來菴前舊有枯池師投偈而水溢卽金乳泉是也城南有龍潭爲民害師投偈而沙忽壅潭成洲遂良以聞賜其所居額爲南安均慶院後因真宗齋僧進謁上問從何來曰今夕自汀州來問守爲誰曰胡咸秩齋罷上故令賜守食師齋至郡食尚熱咸秩驚竦表謝上乃信宋郭祥正南安巖詩汀梅之間山萬重南安巖竇極玲

龍青葱屹立敞四壁巧匠縮手難爲工方開之詩天下名山饒洞穴不似南安最奇絕一峰突兀上千天十二子孫旁就列上有虛窓透碧霄夜分明月歸巖腹○十二峰在南安巖之前如拱如揖宋孫章詩云青峰十二翠巖隈豈是飛從海上來靈境莫將巫峽比恐令雲雨下陽臺○化龍溪一名南安溪在縣治前百步許源出清平鄉南流入程鄉縣界綠水湖在南安巖前通志云相傳定光大師建院時水色深綠可以彩畫院宇所用皆取給焉及師化後水色遂變如常○蛟塘與地紀勝云汀州府志勝八卷之七

十四

清流縣在府城東里一百里

圖經云本晉清流驛元符元年提刑王祖道行部慰驛亭愛其山川清秀因謂長汀寧化壤地曠遠秦析置清流縣卽以驛爲縣治而名因之○志云清溪發源寧化縣來潞迴五十里澄清如練故名

又有半溪在縣東北五里溪西有白石成堆遠望
絕似未消之雪○龍山在縣南其最高一峰爲南
極山拔出群峰其巔時有白雲遙望如匹練○屏
山在縣北端然屹立如屏以擁縣治明邑人丘武
詩一曲清溪萬仞山畫屏晴影蘸波瀾煖煙淡鎖
琉璃潤香霧輕籠翡翠林下笙歌春鳥去巖前
羅綺曉花攢興來讀罷羊元句搔首斜陽子細看
○東華山在縣東三里懸崖峭壁前有斗臺高聳
入雲登臺景物皆在目中明葉元玉詩出郭相將
二里除寺鐘鳴處是東華直躋絕頂三千仞俯視

汀州府志勝八卷之七

五

平原幾萬家流水竟朝東海去長安不是片雲遮
風流自咲非安石也有登山興未涯○漁滄山在
縣西南峰巒峭絕下有漁滄潭三潭相聯如貫珠
清絕明瑩深不可測潭北有龍津橋潭上有漁滄
廟其神姓樊名令華亭縣人唐末官至銀青光祿
大夫時竊冠帔常侍作亂神奉詔征討戰死於此
鄉人立祠祀之數著靈異成化間廣文伍安題漁
滄廟詩漁滄之下潭水流漁滄之上雲悠悠行雲
流水自今古荒城故壘行人愁龍爲蛇兮鼠爲虎
遲毛鼻骨皆塵土遊魂寂魄無所歸時傍寒蛩泣

秋雨○瀾湧巖在縣東北七里飛泉怪石茂林脩
竹爲一方之勝明邑人鄧烜詩絕景自天設摩巖
紀舊遊路穿一徑小門對萬松幽飛鳥憩低樹落
霞隨亂流憑高還北顧紫氣望中浮○靈峰巖在
縣南二十五里巨石巍巍清溪環繞中有洞穴成
于天然又三十五里有峰突然成列者七名七峰
巖○黃栢洋在縣東五十里宋文天祥行兵至此
遇大風雨入農家以避因憩宿而去○玉華嶺在
縣北五十里上有玉華西洞亦名小玉華石峰巖
立玲瓏穿透可容百餘人有石窠石龕石觀音石

汀州府志勝八卷之七

六

蓮花獅子之類宋乾道間始建佛廬洞之西有三
穴舊傳一道人秉炬齋糧行一日餘出洞口乃寧
化縣境名石燕洞玉華洞之東亦有靈龜洞宋提
刑劉公橋詩洞南石燕接靈龜獅子崢嶸氣與齊
碧眼方瞳人不識三山正在玉華西明尚書杭州
柴車詩亭前石室是誰家但見空巖瀉玉華仙子
不知何處去獨留巖下碧桃花御史洪性詩聞道
仙人去不回洞門深鎖待誰開獨憐洞口千年樹
常漏中天月影來○白雲巖在縣南百里許其形
如屋國初江道士修煉於此人跡罕至久之惟見

白雲常冒其頂鄉人以爲異往視則道士已跌坐而化顏色儼然如生○又二十里爲豐山其頂如磨亦常有雲氣覆之秋霽方露全體宋淳熙間有劉道士與其徒六五人裹十日糧誅棘捫蘿而上行半日漸有荒徑若人所經行之處六日乃至其巔坦夷如砥可坐數千人有田墟棋局丹竈礎石散亂於中如故居廢址疑卽神仙之窟宅也○鐵石山在縣東南九十里山高多石堅黑如鐵故名有磯曰鐵石磯洞曰鐵石洞洞口有廟曰安濟廟又曰九龍廟廟前有九大灘大灘之內又有小灘

汀州府志卷之七

七

共十有八凡舟行者必先祈祐於廟五代閩累封潛靈王宋賜安濟廟額按舊志嘉祐中蔡襄守泉州有布衣投刺上謁自稱寧化九龍道士襄不知其爲神也延入忽不見始異之取刺而觀得詩云遠遶青青疊疊峰峰前真宰讀書翁半巖冷落高宗雨一洞淒涼吉甫風溪隱豹眠寒霧露井洞風宿舊梧桐九龍山下英雄氣盡屬君王宇宙中明年襄過九龍謁廟亦答以詩○又十里卽九龍灘上六龍屬本縣下三龍屬延平府永安縣九龍上下二十餘里每龍兩崖石峽逼窄如關隘僅可丈

簞而石龍橫截水中高可數丈乘舟下龍如在高山墜于平地舟子欲下者輒停鐵石磯轉催土著篙師欄頭篙師乃編竹箬箱裹船頭以敵怒浪然後敢下一失分寸生理遂絕明賴世隆九龍行云九龍之險無與比江淮河海風波耳豈如此水怪石多朝夕無風波自起天開地闢幾春秋何人作備先泛舟畏途一開不可塞至今來往行人愁憶昨乘槎秋潦竭清流掉至龍頭歇朝來戒載有擔夫舟中無物輕如葉舟頭夾起護波蓬左右絳索俱新棕舵師不敢自放去別尋本土人稍龍宰牲

汀州府志卷之七

八

酌酒龍王廟拜禱龍王求好善祭罷潛身急上船相戒舟人莫言咲一篙撐入碧潭心中流喝采呼神明遙看龍下浪花滾喧天萬壑春雷鳴青山兩片開圖畫銀河一道當中瀉槎牙古木遮雲霄天日無光晝如夜峽口初過第一龍禹門三級高更雄船從天上跌落地回頭白雪翻晴空第二龍中長且大狂瀾駭浪奔澎湃稍呼舵應疾若飛生死湏臾不停待三龍纔過四龍迎滿船浪入舟人驚欲乘小徑自逃死倚天石壁難飛行五龍曲折憂可舵六龍峻瀨防危禍亂濤勢合如山來航行水

底鑽將過嶺下擔夫已度磯息肩沙上候多時行
近溪村日將次停橈裝載具午炊暫時蘓息難久
在龍上稍公別我去急流數里至七龍俗傳歷怪
留神踪莫言此龍作易與前後覆溺在眼中八龍
崎嶇猶可畏浪高石大難迴避九龍出匣到安沙
船內人人皆賀喜維舟上岸扣溪隣典衣沽酒如
更生斜陽無事同暢飲夢魂夜半猶頻驚

連城縣在府城東南一百二十里

今縣治之東有蓮花潭舊傳漁者沒水見潭底有
石狀如蓮花故以爲名唐時置堡於此名連城保

汀州府志卷之七

九

宋紹興三年割置蓮城縣元至正六年討平草賊
羅天麟遂改蓮城爲連城蓋取去艸之義○蓮峰
山在縣東七里峭壁攢峰盤礴數十里絕巔平廣
可容萬人石泉流衍宋邑人彭孫管居之有城塞
池塹又有雲樓宣武西南四門外有石梯石基僅
容一人元馬周卿復取山間之奇勝者爲十三景
隸書刻於石曰蒼玉峽曰雲棧曰天梯曰矛冠曰
桃源曰清如許曰芙蓉坡曰金字泉曰白雲深處
曰天光咫尺曰蒼谷曰靈虛曰小崆峒彭孫字仲
謀宋皇祐間劉石鵠寇江南孫率俠士應募剿滅

之後紹定間寇亂邑人丘麟爲贛縣尉郡委麟攝
蓮城令麟率民保此山寨全活甚衆○文溪在縣
治前源發金鷄山與長汀潞水合流至縣凡九折
而東達于清流以其曲折如文字故名○按金鷄
山去縣南百里山勢峻拔嘗有人登山見一庵中
有金鷄飛鳴於花甌上因留宿焉及曉覺乃在林
中不見庵所乃以金鷄名山○其相近者爲雷珠
嶺宋景炎二年元兵破汀關丞相文天祥移兵屯
漳州過此嶺回顧雷涕居民哀之表以此名○天
馬山在縣東怪石昂藏其形似之元末雷隕其首
汀州府志卷之七

十

石尚在明知縣周景辰詩風鬟霧鬢與雲齊何日
來從月窟西一自茂陵人去後至今風雨夜聞嘶
○又五里爲石門巖兩石相峙空中成門宋紹興
間雪峰僧倚巖結庵名宿雲○石固潭在縣北兩
崖峭石水深莫測群魚聚焉嘗有漁翁云潭底有
石巖下有大魚○鐵珠潭在縣南潭側石壁削立
內多黑石如鐵珠人過不敢諦視○三龍井相傳
有龍居之凡望見井中有雲霧起卽雨明知縣周
景辰詩靈物蜿蜒黑處蟠神光夜燭斗牛間峰頭
月色秋如洗照見雙龍挾子還

歸化縣在府城東三百里

清流縣舊有明溪寨巡簡司當將樂沙縣寧化清流之交我朝成化六年汀州府同知程熙以其地民梗難治請置縣乃析四縣地以屬之即以舊巡簡司爲治所初知縣者零陵人郭潤懷宗惠愛尤重教化題其縣門云春雨有田宜早種公門無事莫穰來爲四方所傳誦○縣治與諸司公署以及民居夾於溪澗兩頭中有水圳上有石橋溪內積擁沙石暴雨溪漲山水泛濫其深莫測○樓臺城角山在縣治後數峰聯屬中一峰高聳儼似樓臺汀州府志勝不卷之七

圭

其餘諸峰圓者似鼓峭者似角故以爲名○桂山在縣東二十里澗中有大石形如龜紋又有八小石如龜四圍繞之如八卦名八卦石○獅子洞在縣西北二十里怪石蹲踞形如怒猊中有數石室虛明深邃一柱屹立儼若雕鏤○滴水巖在縣北十里奇形異采繪畫難狀有泉水下滴亢旱不窮其下有洞約潤數丈石如鐘鼓扣之有聲下有隱流約數十里而出於仙人掌之噴水坑自水底石隙噴出高一二尺如散珠俗呼滾水○又四十里爲聖水巖在柳楊龍西山有小石泉一口深八許

終歲不盈百千人飲之不竭或流濯於中卽有靈鳴○黃楊巖在縣東八十里其上多產黃楊木故名巖有三洞其二在半山其一在淳化寺內洞口有古石牌字畫不可辯通志云黃楊巖卽萬歲巖四面嶮石如削周十餘里郡志云淳化寺翠雲巖傍有觀音洞深里許石之懸者宛如觀音羅漢像又有石室約寬七八丈前有數十峰狀如筆下有石鼓試劍等石巖巔怪石如蹲如獸按祭副使天台楊澤麟峰歌云燕溪北來九十里麟峰突兀凌霄起天公地母萃精靈鬼斧神槌破斧泮雕琢三汀州府志勝不卷之七

圭

洞真絕奇琪樹瑤花生紫芝仙宮佛殿在人境瀛洲閭苑徒言爲第一洞中寬十丈高頂圓圓覆金樣觀音羅漢山淳熙金容玉骨慈悲相洞門小閣與雲齊俯視高山頭盡低八窓洞達坐天上靈氛日映成虹蜺捫蘿緣磴尋二洞古怪稜層妙難識當門兩石如啓懸朽節粘連欲搖動倒垂數竿形槎牙定光瞻影浮素砂龍井深藏鑒明鏡祛妖愈疾同胡麻第三小洞近佛殿推窓撫檻對人面古牌一道猶可觀談經說法神通現是時八月寰宇清飄飄兩袖涼颼輕載拜嵩呼爲堯祝萬年寶歷

傳皇明鄭域黃楊巖龍井歌高山如逸民不肯近
人跡介於兩縣間而獨得窮僻孤峭凡五天空洞
客數百不招龍自來其下為窟宅呼童燃松明入
洞窮地脉蟄傍有一竅泉泓澄淺白下不見其深
黑不見丈尺回步穿險峻助即喉頃頃恨無照水
犀一見其形魄天下待霖雨何乃就睡癖我今喚
龍廉駕汝上空碧○侍郎嚴去黃楊巖北二里許
界永安歸化二縣間舊名翠雲巖宋熙豐間侍郎
張駕祭酒楊時司諫陳直讀書於此鄭域翠雲巖
詩江邊蘆葦風颼颼東君一點破閒愁窓前疎影

汀州府志

卷之七

三

永

永定縣在府城東三百里

安成吳節建縣記云永安縣之溪南勝連太平豐
田金豐五里一十九圖閩之絕域也毗近潮陽僻
居萬山中人民恃險稅席干戈正統天順以來草
寇時發成化十四年渠魁鍾三嘯聚劫掠既平之
後巡撫高明奏請立縣治於溪南田心名曰永定
○卧龍山在縣治北縣之圭山也其下有金砂村
溪為金砂溪○銅鼓山在縣南四里跡上杭界舊

傳嘗有銅鼓墜山中銅鼓有聲則歲大稔山下左
右各有湖皆廣袤數丈詳見上杭志○縣南又有
水珠雪竹二峰懸崖飛瀑兩山相向俗號為雙龍
蝴蝶○蓮花石在大溪中群石叢生狀如蓮花溪
湍怒激舟行失勢輒有覆溺之患其上石壁隱然
有文如女婦逐一鵞然又名漁磯石壁

建寧府在福建布政使司領八縣

流約晉志云後漢分冶縣爲會稽東南二郡都尉東部曰臨海南部曰建安寰宇記云故城在府東南三里後漢建安八年置郡卽以年號爲名三國吳永安三年廢宋齊梁皆封子弟爲王攷南宋文帝立皇子體仁齊武帝封皇子真梁武帝封弟偉俱爲建安王卽此陳永定初屬閩州隋開皇年屬泉州蓋是時泉州治福州以故建福合爲一州也通典云唐武德四年置建州攷列傳李靖以是年十月平蕭銑十一月度嶺下九十六州而唐使

建寧府志勝八卷之八

張拓

者王義童亦以五年正月下泉睦建三州則立建州乃群盜割據之日非出於唐也五代史後唐長興二年閩王延鈞以弟延政爲建州刺史石晉天福六年以建州爲鎮安軍延政爲節度使封富沙王八年延政建國稱殷改元天德南唐保大四年拔其地改爲永安軍舊志云城東安泰門有古城相傳閩王審知遷城於此至今呼其地爲党城又城南三里有郊壇在昇山上乃僞殷僭築城北有大沙洲舊富沙驛設焉延政之封富沙王以此宋端拱元年改爲建寧軍南渡孝宗以紹興五年封

建國公三十年進封建王登極之後陞爲建寧府

我 明開國如之○晉張華爲建安從事著博物志南史何徹任齊爲建安太守政有恩信人不忍欺每伏膺送因還家依期而返梁江淹爲建安令楊公談苑云吾鄉建州山水奇秀江令以爲碧水丹山靈木珍草皆平生所至愛不覺行路之遠唐陸長源建中初爲建州太守民歌之曰令我州郡泰令我戶口裕令我活計大陸員外又曰令我家不分令我馬成群令我稻滿困陸使君○劉禹錫送建州陸使君詩卽長源也有云漢廷初拜建安

建寧府志勝八卷之八

張拓

侯天子臨軒寄所憂從此向南無限路雙旌已去水悠悠方干題建溪圖六幅輕綃畫建溪刺桐花下路高低分明記得曾行處只欠猿聲與鳥啼○郡國志云建州夢水有甌又名短獨垂一名甌甌口有毒氣能射人所中之處生瘡○韓无咎云其地不富於田物產瘠甚而茶利通天下每歲方春摘山之夫十倍畊者南唐保大間命建州製的乳茶號曰京銚臘茶之貢自此始遂罷陽羨貢茶○兎毫錢出甌寧之水吉蔡君謨茶錄云建安所造黑錢紋如兎毫然其毫色異者土人謂之毫

錢氏其價甚高且難得之○紅綠錦出建陽嘉禾
里有濯錦橋又號嘉禾為小西川○紙被出松溪
縣陸務觀謝朱待制紙被之貺詩云紙被圍身度
雲天白於狐腋煥於綿放翁用處君知否不是蒲
團夜坐禪

建安縣附

釋詳府初治在黃華山下唐大曆中為建州寓治
而縣治改遷或云在大葛巷內舊為茶場元改都
稅務至正二年縣戶徐屬移建府治西從化坊即
宋通判廳舊址○建安學宮相傳晉顧野王宅基
建寧府志勝入卷之八

撰有建安地記

甌寧縣附

建安縣之南才里有東甌城漢吳王渙世子駒發
兵圍東甌即此宋朝會要云治平三年析建安建
陽浦城三縣地置甌寧縣與建安分治郭下熙寧
二年省元祐四年後以建安西北十二里重置而
舊所析建陽浦城之地不與焉初治在寧遠門側
及熙寧既省以其治為建安縣治元祐復置乃別
建治於朝天門外今包城中我洪武十二年知縣
土迪遷宣化坊為元白公主衙故址○城外有南

雀橋郡人侍郎袁樞未第時常題詩于上云玉
倒影掛危灘人在雲霄咫尺端借問是誰題枉去
茂陵詞客到長安袁後兩以詞賦魁天下○圖經
黃華山在城東北明僉事汪佃紀云建城隍方有
山曰黃華巍巍然為群山宗蓋郡王山也與地紀
勝云宋元嘉初太守華瑾之徙郡治于此建炎間
韓世忠討范汝為屯兵其上山麓有王延政所建
太和殿後為南唐所滅遂廢按今行都司是其址
○白鶴山在城東二里明大學士楊榮記云山勢
昂然望之如鶴按郡志東晉時望氣者以為山有
建寧府志勝入卷之八

四

靈秘將發而觀之朝盤暮掩已乃見白鶴並翔其
上始不敢發因名曰白鶴山嘗有甘泉湧出其麓
病者飲之旋愈○又三里為響山空洞枕於溪側
人語輒響答溪中有小嶼水泛未嘗見其沒以為
與之俱浮宋楊億詩寒潭吞別派孤嶼屹中流即
此舊傳漢梅福煉丹響山其徒陳先生者每竊食
焉福怒拔劍逐之逃入此洞福曰此吾丹之力也
乃釋之因名避奴洞風月之夕舟泊其濱者或聞
水中笛聲○又五里為鳳凰山宋紹興間韓世忠
破賊范汝為于此處其上有鳳凰泉一名龍焙泉

又名御泉宋以來上供茶取此水濯之其麓卽北苑蘇東坡序畧云北苑龍焙山如翔鳳下飲之狀山最高處有乘風堂側鑿石砌宇大尺許宋慶曆中柯造記舊經云僞閩龍啓中里人張暉以所居北苑地宜茶悉獻之官其名始著御茶泉深僅二尺許下有暗渠與山下溪合泉從渠出日夜不竭○龍山與鳳凰山對峙宋咸平間丁謂於茶堂之前引二泉爲龍鳳池其中爲紅雲島四面植海棠池傍植柳旭日始升時晴光掩映如紅雲浮於其上邑人熊蕃詩云崇折淺紅酣一咲柳垂淡綠

九孝寺後乃舊基也里許爲梅仙山以梅子真煉丹丹成騰鸞而去是日有甘露降其所乘馬及鞭自空而墜今山下有甘露驂鸞渡城南有隆馬洲房村里有遺鞭者皆因是得名山巔月井壇竈俱在元劉遵詩也是吳門變姓名後來誰更識先生一杯漢土丹壚在萬古閩山劍氣橫步入白雲秋石瘦坐分黃葉午風清遊奴不返松門靜閣水寒烟起暮城○又里許爲鐵獅山與府治相直山頂有菴菴傍有鐵文殊獅子像術家謂府治來山若猛虎出林溪西諸山若隊羊乃於此作鐵獅以鎮之宋宣和間移置開元寺未幾葉范二寇繼作紹興間復還故處○紫芝山在鐵獅山右王審知時山產紫芝故名○雲際山在鐵獅山左上有永慶寺舊名雲際寺宋慶曆中賜今額寺後有陸羽泉相傳唐陸羽所鑿宋楊億詩陸羽不到此標名慕古賢是也山麓有開元禪寺舊名林泉寺晉太康中建俗傳三國呂蒙子孫分居於此後拾爲寺唐開元中賜今額元劉遵詩采芳仍漱潔散策到來遲客坐自相語僧禪了不知疎風潛入戶暗水細鳴池小作石床夢夢中還覓詩藍靜之九日開

元寺登高古木寒溪入翠微西風九日扣禪扉金
銀宮闕生秋草錦繡山河下夕暉陸羽泉荒龍已
去呂蒙祠古鳥空歸諸公且盡登臨興莫嘆尊前
往事非○丹青閣在寺側宋元豐初太守石禹勤
建宣和中趙季西詩跨壑飛簷屋數楹上橫山色
下溪聲等閒題作丹青閣未必丹青畫得成徐璣
詩翠靄空扉忽有無筆端誰着此工夫溪山本被
人圖畫卻道溪山是畫圖○又稍東曰昇山舊名
朗山晉司馬王朗所登游其所故名下有昇山寺
宋楊億詩層巒連近郭占勝有招提宿霧昏金像

建寧府志勝

卷之八

七

西

飛泉濺石梯鐘聲空谷答塔影亂雲齊千騎時來
此尋幽獨杖藜○天湖山在城北十里北津下山
有三十六景其尤勝者為雙虹泉空翠亭紫芝菴
宋太守趙研詩有美景天湖呈六六之句○郭巖
在城西北梅岐里舊傳西漢時有郭仙居此自號
岐公時南昌尉梅福游武夷望見巖有紫氣往訪
之而岐公在焉乃與同居後皆乘鶴上昇故里名
梅岐嶺亦曰梅巖巖之西有高峰山連巨順昌臨
寧二縣界層巒疊嶂千態萬狀中峰挺然特秀高
千餘丈其巔俯視東海如咫尺○又五里為寶石

嵩在萬石灘上其灘甚險而嵩亦奇詭難狀又十
里時于宜君溪口者歸宗嵩也宋淳熙間曹道人
卓錫居焉由嵩肩而入有紫雲堆落珠崖石心泉
香爐峰諸勝明陳珪詩歸宗未遇朱夫子寥落入
間似不聞假使當年聊一憩風流不羨武夷君○
雲巖屬西鄉里巖頂有二石大者如獅小者如鈴
相傳連大師立小石上昇是石以一指微指之輒
動有聲如鈴集衆力撼之則不能動巖之右有雪
巖連師用指大書一昇字於石後字跡尚存○西
峰洞在西鄉紫溪二里界洞內可坐百人有鱸門

建寧府志勝

卷之八

八

西

石床石上五坎其形如碗皆盛石髓各具五味之
一寒氣逼人前有巨石如方座高二十餘丈上列
石碁盤洞左右二石厨常有錦鷄野羊分宿其中
人不能取相傳昔有九仙居之○宜陽洞在南才
里洞穴深邃初入甚暗良久方明舊志云卽後漢
宜新太守楊仲產所居之地○石橋洞在崇安里
高峰環抱內有石潭其外石壁削立潭中神龍是
潛○玉清洞在城西玄妙觀溪潭中蕭子開建安
志云昔有漁人彭姓者因捕魚入潭中見石室金
字扁曰玉清洞升其庭有青衣者出曰此司命真

君之府也何得闢入送之出門其室遂隱○東溪
在政和門外發源於處州之松源合松溪政和之
水而下至城東南達而西合甌寧西溪之水爲一
大溪南注延平抵福州入海勝覽謂建溪源出武
夷至城外唐詩云雷霆入地建溪險星斗逼人梨
嶺高梨嶺之路下接浦城浦城亦西溪之源也李
頻東溪泛舟登岸還入舟水禽驚咲語晚葉低衆
色濕雲帶殘暑落日乘醉歸溪流復幾許陳陶上
建溪詩崆峒一派瀉蒼烟長挹丹丘逐水仙雲樹
杳冥通上界峰巒迴合下岡川侵星愁過蛟龍國

建寧府志勝八卷之八

九

採碧時逢葵女船已判猿催髮先白幾重灘賴在
秋天○紫霞洲其源亦發自處州之龍泉至烏龍
窠口有一澗西注經月城僧舍穿城而入達子城
以灌郡圃其曰紫霞取幔亭紫霞爲禪之義○玉
溪在西鄉里源出本里之竹溪宋嘉祐間嘗有妖
作巨浪里人童志賢以玉尺投之其妖乃息○碑
目云建安有其壁廟吳永安二年空裏聞有人聲
遂于此立廟以祈歲稔有古碑○歐東銘宋李綱
序○建安志張叔林編○建安廳壁記元吉撰

浦城縣在府城東北
二百七十里

本漢東侯官之北鄉獻帝末析而置縣曰漢興三
國吳永安二年改爲吳興晉尚書陸邁宋尚書郎
江淹皆爲此縣令淹自序云吳興地東南嶠外閩
越之舊境是也唐武德四年改名唐興縣天寶元
年改今額以閩越王築城臨浦故名按今縣治東
門有越王山自橫嶺蜿蜒而來其勢獨高於衆山
相傳越王築臺于此俯瞰大江遺址尚有○志云
皇華山在縣治北宋時建皇華館於其上因名後
館廢爲天心寺今寺廢爲儒學○吳山在縣治東
寰宇記云其山四面奇秀居民多吳姓漢時有吳

建寧府志勝八卷之八

十

國六千戶別屯大潭卽此上有巖洞俗名燕巢巖
巖有石穴瀑布又名石竇山○荆山在縣治西崑
嶺迴伏上有漢安邊將軍廟○夢筆山在上相里
卽江淹夢筆之所圖經云去浦城縣西五里其下
有江淹祠宋魏了翁記畧云世傳江文通爲吳興
令夢人授五色筆山是文藻日新今浦城故吳興
也縣故有孤山里人因以夢筆稱之蕭子開建安
記云孤山在環障之間其地坦平悉是清勝阡陌
此山挺然孤立故名宋黃伯雲詩芙蓉幻出畫難
或文藻由來屬俊英五彩曾遺當日夢百年猶有

故山名歲寒寥落松筠秀月夜悲涼鶴鶴驚惆悵
江淹人去遠載瞻南浦夕雲橫○蓋德山一名淨
蓋山在畢嶺中介于衢信處三府之間周圍三百
餘里袤無名氏詩云洎澄泉湧東西洞硯碑出蟠
南北州即此處也上有仙壇石洞洞門有石如龍
口出泉甘美洞之深處空窅可以窺天宋汪藻題
仙洞詩仙人駕鶴上三清壇石空留萬古名昨夜
碧天星斗爛不聞朝禮步虛聲題甘泉詩一脈靈
源潄已長色濃如醴味甘香石龍洞裏無塵染留
與仙家作玉漿○子則山在孝悌里寰宇記云去
建寧府志勝八卷之八

縣西南二十五里建安記云子期山乃溪畔小石
峰四面巖巒峭拔昔秦漢之際有仙人華子期師
商山四皓後居此山修煉於溪澗之臺有神人語
之曰臺前石鼓鳴汝功成矣子期一日扣之石果
鏗然有聲遂偕去此山之傍有桂林山峰巒起伏
林木森秀又有御笠嶺俱相聯屬○百丈山在招
賢里山勢嵯峨高聳千仞舊記云東嶺有鍾離亭
上有積石如人形像中有九井皆龍湫宋紹興間
大旱遍禱不驗邑宰謝邦彥以詩投之即山山麓
新溪之源出焉與南浦水合○太湖石在縣西南

靖安里舊記云一名聖湖山湖在山椒昔有採藥
者至此湖畔見滿湖芙蓉涉水取之乃石也又有
禽鳥遠而飛翔近視之亦石云○大同山在總章
里唐令昌中蕭索二禪師修行其上人無知之者
梁國公自良居此山下於永際屢得菜葉異之因
尋其源而得二師忽有二虎驟至師口勿驚地王
虎乃叩頭引去良遂拾水源建寺名大蟲後乃更
名大同○泉山舊記云在永康里山頂有泉二派
一入建溪一入處州漢書朱買臣傳言故東越王
居股保泉山一人守險千人不得上疑即此山也
建寧府志勝八卷之八

○漁梁山在樂平里鄉人多堰水養魚故名舊志
天下十大名山漁梁其一也山有水源南流為建
溪北為信溪其地盛寒諺云無衣無裳莫過魚梁
宋蔣之奇詩道上風兼雨林間雪壓霜無衣無得
者何以過魚梁○梨嶺在安樂里道通浙江之江
山縣厥土宜梨故名其與江山分水名梨關一名
仙霞關楊文公談苑云天下之水皆東惟梨嶺之
水獨北唐歐陽詹詩南北風煙即異方連峰危棧
倚蒼蒼猿猴咽水偏高處誰不沾衣望故鄉○柘
嶺在鴈塘里界浙江麗水縣高一萬七千餘丈絕

頂周迴百餘步陸羽記云柘嶺峻極勢微蒼穹狹
道陡絕不通牛馬謝靈運永嘉記曰柘水源出吳
興縣柘嶺以地多柘樹得名○江村溪在馬塘里
源出柘嶺轉流與魚梁水合于大溪大溪卽南浦
溪也源出魚梁山來自縣北折而東南紆行迴抱
與崇建二溪合以達歐寧而縣之大石里有南溪
招賢里有洪源溪上相里有前源溪入和里有石
陂溪皆注入焉○縣治西南浦新溪二水合流處
有潭深沉瑩綠色如鳬頸名鳬綠潭○西洋渡有
九石潭深不可測上列九石如獅俗傳與大石里

建寧府志勝

卷之八

七

之七層崑泉穴相通崑有七層其頂泉穴形圓如
鏡名曰鏡泉○巴猷潭在總章里左右皆石壁北
有石板長二丈高八尺舊傳有惡猷潛於潭中類
書云浦城縣有猷名鯨神豕身人首狀貌醜惡好
出水邊石上張平子往爲之猷入潭中不出或謂
此猷畏畫乃去紙筆猷果出平子拱手不動潛以
足指畫地今號巴猷潭

建陽縣

在城西一
百二十里

元和郡縣志云本上饒縣地吳分置建平縣晉太
元四年改爲建陽縣宇記云本後漢建安縣地割

爲桐鄉十年平東校尉賀齊討上饒之城蕪舊桐
鄉置建平縣故吳志云建安十年權使賀齊討上
饒建平縣是也按上饒縣始置於唐武德四年而
漢建安十年不應有上饒縣又賀齊討黠欲賊立
新都郡乃在直隸徽州府界其云割桐鄉置建平
今廣德之桐鄉建平縣耳又云晉太元四年改建
平爲建陽縣考之沈約宋志晉太康中已有建陽
縣不待至太元四年改建平爲建陽也輿地廣記
云晉太康中置建安郡及建陽縣劉宋以後因之
後省唐志云武德四年置八年省入建安垂拱四

建寧府志勝

卷之八

七

年復置宋景定元年唐石里嘉禾生詔改建陽縣
名嘉禾元始復舊○輿地記云閩王城在建陽之
崇文里北界崇安而舊三桂里則晉所立縣治也
又云漢閩越王無諸築城大潭山以拒漢下瞰大
溪潭水泓澄故以名焉山之凹處爲開福禪寺在
縣治西隅史稱吳王以六千人屯大潭卽此山勢
蟠屈亦名卧龍山九日邑人多游其上又名登高
山○三桂里有唐詩人江爲故宅宋宋洙過而作
詩曰處士亡來二百年舊居半落變桑田詩名長
伴江山在劍氣尚摩星斗昏臺榭幾人留好句漁

樵何處問曾孫舊時泉石生涯地日暮寒雲遶寺門○今縣爲唐嗣聖間所遷元王佛生建陽懷古詩東陽昔日好山川山色川光豁眼前西岸水連東岸水南橋烟接北橋烟錦江酒味香千古雲谷書聲歇幾年不信令威時解語至今城郭獨依然○按錦江合劉源芝坑二水注于大溪古有錦工嘗于此濯錦故名大溪卽東山下溪也其源有二一出嘉禾里之毛虛添一出武夷山之九曲水至此交注亦名交溪○雲谷山在崇泰里朱文公記畧云雲谷去縣西北七十里盧峰之巔處地最高建寧府志勝八卷之八

諸懸水爲最長徑當其委跣揭而度回視所歷群山皆撫其頂獨西北望獅子巖者槎牙突兀如在表然石瀑窮源北入雲谷則又已俯而視之矣西循小山而上以達中阜歷石池山檻懸圃片泉南入竹中得草堂三間所謂晦菴也復上山頂北望俯見武夷諸峰南循岡脊下得橫徑徑南卽谷口俗在建州永安寺苦雨雜詩有云晦翁雲谷記讀罷自依依谷似傳人響雲疑沾我衣咻桑間頗密幽曠覺仍稀雨後翻思往看泉百道飛○西山與雲谷對峙四面壁立山頂平曠中有綠疇數十畝可耕可桑其下澗水通舟逶迤數十里頂有石城遺基蓋昔人築之以避兵者宋蔡沈結廬其中西南崖上刻宋理宗御書西山二大字朱子亦嘗居之其詩云下居屏山下俯仰三十秋終然村墟近未愜心期幽近聞西山西深谷間平疇茅茨十數家清川可行舟風俗頗淳朴曠土非難求普指三徑資往遂一壑謀伐木南山巔結廬北山頭耕田東溪畔濯足西溪流朋來卽共懽客去成孤遊靜有山水樂而無身世憂著書俟來哲補過希前修茲焉畢暮景何必營菟裘然沈遊西山詩紫荆

相依倚綠篠自蒙密秋蘭洲中花山果路邊實沿
岡引霜藤臨流坐寒石日暮陰崖開雲收遠山出
疎籬尚存菊荒庭舊垂楊絲桐想虛堂簡策見靜
室俯仰今幾時漫然已陳迹摩娑昔痕屐齒不
可識○硯山在縣東北洛田里昔云漢華子則得
隱仙靈寶法居此他日功成驂鸞而去山有石端
平如案上有微黑點隱隱若硯故名又有方石傍
立名書厨石有泉七穴每穴一掬而盡既而復出
盈科不溢山下有芹溪溪流九曲環山若帶事林
廣記謂第三十一福地宋文公爲丘子野題芹溪

建寧府志勝入卷之八

十七

小隱詩我來屏山下奔走倦僮僕亭亭日已中冠
巾濕如沐訪我芹溪翁解裘留憩宿名枕淪甘寒
溫泉試新浴抖擻神氣清散步指節竹虛峰在瞻
望隱隱見雲谷頃覺塵慮空豁然洗心日君居硯
山西高隱志不俗恣几列琴書庭中富花木往來
數相過主賓情意熟開尊酌香醪聲款話衷曲從
容出妙句滿幅燦珠玉邀約登赫嶽襟期伴幽獨
茲遊得良朋道義推前風文公有芹溪九曲詩不
具錄○百丈山在縣東北建思里文公記畧云登
百丈山三里許石俯絕壑左控垂崖疊石爲磴十

餘級乃得度山之勝蓋自此始循磴而東卽得小
澗石梁跨於其上水皆清徹自高淙下其聲濺濺
然度石梁循兩崖曲折而上得山門前瞰澗水後
臨石池風來兩峽間終日不絕門內踈池又爲石
梁度而北躡石梯數級入菴菴之西閣爲勝水自
西谷中循石罅奔射出閣下南與東谷水並注池
中自池而出乃得前所謂小澗閣據其上流當水
石峻激洄湍處最爲可玩夜卧其上則枕席之下
終夕潺潺久而始習出山門而東十許步得石臺
下臨峭岸深昧險絕於林薄間東南望見瀑布自
建寧府志勝入卷之八

六

前巖穴湫湧而出投空下數十丈其沫乃如散珠
噴霧日光燭之璀璨奪目臺當山西南缺前接蘆
山一峰獨秀出而數百里間峰巒高下歷歷在眼
日薄西山餘光橫照紫翠重疊不可殫數旦起下
視白雲滿川如海波起伏而遠近諸山出其中者
皆若飛浮來往或湧或沒頃刻萬變○白塔山距
縣西北百里而遙屬禾平嘉禾二里山椒有石峻
嶒其色白如塔故名夜嘗有火明其上又名天燈
山趾跨崇安鉛山邵武建陽四邑界六朝時有三
女冠曰錢鬱霄曰劉永志曰李氏同在此山脩

成仙唐貞觀十五年獵者呂師逐獸入山中遇三女冠於石上圍棋因坐而觀之一女以桃半顆與之食俄頃獵具朽爛還家已數十年鄉人挽師引至原處忽覩圓光百丈三女遂冉冉升天去○菴山在均亭里界于甌寧山有十二面形勢各殊高聳千仞舊志云後唐明宗時有石處士名湖者結菴其上故名今山麓有雲際廟其神卽石湖也神像本山石刻成山北有獅子巖巖有靈泉病者飲之多愈南峰有石平整號龍壇壇上疊石爲龕中藏仙蛻○闌干山在縣北一百九十里建安記云

建寧府志勝

八卷之八

十九

巖

闌干山南與武夷相對半巖有石室可容五六十八巖口有木闌干飛閣棧道遠望石室中隱隱爲牀帳几案之屬巖石間悉生古栢懸棺仙槩類于武夷云○宋理學大儒如朱考亭江集公蔡九峰游廬山范元凱劉子羽謝枋得諸君子皆占山川之勝按廬山在禾平里形如獬豸故名游醉生於此因以爲號○九峰山在崇泰里蔡沈居山之麓自號九峰○集公山舊名石壁山在北洛里潭陽文獻錄云宋江側字處中嘗與其徒游定夫輩講業於此忽一日有梧葉從空墜下葉上書集公山

三字側咲曰此何義俄頃復墜一葉書云公集諸賢於此故名集公山○龜山與集公同里高聳百餘丈山頂有石如龜故名宋江灝范元凱嘗同學於此有山神預告以他日禍福已而皆驗○龍潭在洛田里相傳昔有二龍潛其中忽一夕見夢於里人丘姓者曰此處人衆常辭去明日陰雲四合有二龍飛昇劉子羽遊龍潭詩四客同咲言一僧陪杖屨徜徉山水窮造意忘晨暮疎鐘北巖寺細竹溪南路中流石參錯不礙潺湲泓澄一龍潭潤氣金碧聚時驚木葉墜俯見雲影度斯遊非預

建寧府志勝

八卷之八

二十

元

期偶爾造佳處勿與丘壑情陶令琴觴趣淹留慰所願惟以賓友故夕陽淡寒山遲回不能去志云劉子羽墓在五夫里之蟹坑張南軒銘○黃楊山在縣西興下里峰巒雄踞一方內有菴朱文公書扁每夜放光僧以爲怪因飾之以金其光遂隱舊志謂文公于此山著述三年有盧達盧達兄弟受業焉丘子服寄朱仲晦詩問道黃楊山上頭千峰環抱百泉幽美君拄杖年年去飽看人間萬頃秋○南山在縣西南崇化里謝枋得入閩寓此其詩云劈鋤鑿破南山雲種來脩竹凌青冥參天引風

挺蒼玉匝地印月飾黃金清瘦何妨惟却俗爭掃
胃中塵萬斛何當裁製十二笛吹作來儀鳳皇曲
□雲莊在縣西太平山麓丞相劉燾故居嘉熙三
年賜額雲莊書院自號雲莊先生□考亭在三桂
里正枕峰之前朱文公父章齋先生愛其山水欲
居之未暇至文公以紹興甲寅始築以成先志明
林春澤謁考亭詩建溪訪闕里溪行邁巾車山水
益奇駛林木亦盤紆昭昭千載下巍巍先哲居吾
道麗中天日月長炯如餘光夙仰止獨立還躊躇
但見山下溪溪流洄以潄尋源宵不得徘徊歲云
建寧府志勝八卷之八

租按考亭溪源自麻沙莒口二水合流至是彎環
五里並無灘瀨其路有滄洲沙汀湧現狀如龍舌
又名龍舌洲文公作水調歌詞云富貴有餘樂貧
賤不堪憂誰知天路幽險倚伏互相酬請看東門
黃犬更聽華亭清唳千古恨難收何似鷗夷子散
髮弄扁舟□考亭始丁唐李侍御史黃子後建亭
以望其父之墓曰堽考亭因名其里後文公居之
始曰朱考亭後洛陽人五代時以避亂寓居東觀
山去縣五里其詩云青山木笏尚初官未老金魚
是等閒世上幾多名將相誰有此溪山市樓

晚日紅高下客艇春波綠往還人過小橋頻指點
全家都在畫圖間

松溪縣在府城東一百六十里

浙江慶元縣有松源鄉此之大溪源所自出故曰
松溪溪濱立爲鎮鎮陞爲縣皆爲閩吳越時事也
○湛廬山在縣南連亘東關杉溪二里及政和縣
界山形峻削常有雲霧浮凝其上唐拾遺記以此
山爲越王鑄劍之所冶鑪遺跡及唐貞觀中墨刻
崖上現存又云歐冶子之劍有名湛廬者因以名
山相傳歐冶鑄劍時鑿石貯水以淬劍鋒今山上
建寧府志勝八卷之八

有石井恢廓如池疑此卽是因名劍池宋元符間
縣令周公才以禱雨有應因立祠爲謝開基之日
有石洞發於西南隅泉隨湧出桃花數片因名桃
源洞朱文公之祖曰森者其墓在政和縣公常往
祭掃每寓此山遂立精舍○蹲獅山在縣北形似
獅子蹲足而坐故名或謂有元素翁脩真於此入
以尊師稱之又名尊師山通志作何尊師○石壁
山與縣相直巨石削方如壁高數十丈下有龍潭
潭之上下皆石灘甚淺潭居其中瀾漫湍激深不
可測舊傳常有龍出沒禱雨多應又名龍井○妙

峰山在東關里宋紹興間僧懷辨結菴於此名德雲庵又其地有社亭山崖勢秀聳下有石社舊立亭其上故名世傳有頭陀柯普者坐化於此又名柯亭山○王認山在縣西宋末益王昱山浙入閩道經此山賞其奇勝因以為名王又宿於縣治南柳滌寺之東樓今名一宿樓○筋竹山在縣西北亭田里上有石室可容數十人傍有古井相傳嘗有異人於此脩煉仙去壇址尚存○鸞峰山在縣東北永和里南接龍泉北接南浦周迴三百餘里舊傳嘗有仙人乘鸞翔遊其間故名上有古壇壇建寧府志勝不卷之八

三

東亦有龍井○南屏山在瑞應場南里許峰巒橫亘如屏故名其巔有石龜石佛石僧等像石牛石馬諸峰又名石林山其下有瑞巖石室可容三四十人厓上黑紋如叢筍之狀西邊有泉迸出汪于石竇

崇安縣

在府城西北二百四十里

舊志云唐垂拱四年以建陽西北地立溫嶺置官領之僞唐改為崇安場宋淳化五年陞為縣舊治在溫嶺以嶺左有崇溪故以為名後乃移於崇溪之右○按志崇溪俗名大溪其源有二一出石

里岑陽關漫承甌衡峽竹濟拔諸壑之水浮於洋屯而受橫源之水達於南坡而受同歷之水至於豐口而豐溪小渾二水赴焉至於吳屯而浴水嵐溪新豐溪三水赴焉經賜谷受李陽杉溪之水至下寺口而受大滌寺溪之水是為東溪一出分水關沿二十里納大安源之水再下五里納雙溪四渡溫陵觀音諸寨之水自大富橋而入至石雄支分入陳灣陂由治西而下貫於中城以達於南郊蓋越清獻鑿渠以廣溉者今呼為清獻渠其正流直迤於南而為西溪逾德星橋與東溪會由東南

三

建寧府志勝不卷之八
環繞邑治是為崇溪越青雲橋則下源游溪二水自東入經赤石渡則漿溪黃龍之水自西入復下里許梅溪又自東入又十里許柘溪山左衢周溪杉溪由周村合為九曲及陳石之水經於藍源皆自西入會而瀉於峽潭達於黃亭東納籍溪西納黃沙溪而抵建陽此崇溪之源委也○黃亭在縣南三十里武夷山下宋陸游宿黃亭詩云未到名山夢已新千峰拔地玉嶙峋黃亭一夜風吹雨似與遊人洗俗塵○又四十里始入武夷山山九綿亘百二十里中涵一溪繚繞三十六峰凡有九

仙相傳堯時錢鏐隱此其二子曰武曰夷山因以
名舊志謂有神人降此山曰稱武夷君漢武帝築
壇祀之又云昔有張湛孫綽趙元奇彭令昭劉景
顧思遠白石先生馬鳴生并胡氏李氏二魚氏凡
十二人同詣此山求道偕謁魏王伯魏王祭仙所
雨湛等獻詩仙人甚喜乃遣何鳳斯往天台山取
仙籍來視具載魏王子容與張湛一行先於上
飲酒過度觸犯黃元真人謫居此山八百年後方
得換骨歸真諸仙既見此籍因相約至八百年後
秋黃心木為函於小藏巖中冲化宋楊億詩靈岳

建寧府志勝入卷之八

五

字

標真勝孤峯入紫氛藤蘿暗仙穴猿鳥駭人群白
道千年在懸流萬壑分漢壇秋鮮駿魯祀武夷君
朱熹詩弄舟綠碧澗棲集靈峰阿夏本紛已成流
泉注驚波雲闕起蒼茫高城鬱嵯峨蒼苔衣子
俛仰日婆娑不學飛仙術紫雲丘塚多明劉基詩
飲馬九曲溪遙望武夷峰長林青繚繞丹崖造空
濛浮暉澹寒翠水木皆曼容薄遊限塵務促景泥
奇蹤緬懷紫陽子千載誰與同瓊佩邈烟霧石函
闕遺封羈猿怨幽澗飛蘿日烟叢瑤琴空流泉桂
枝徒秋風恨望佳期阻縹緲憂思重殷勤尺素書

建寧府志勝入卷之八
五
字
洞中轉右綠崖稍北磴道已窮躡梯而升梯窮登
崖崖稍夷復東數武有巖阿廣數丈深丈許漢人
張瓌死解於內遺骸跌坐石上峰之絕頂有投龍
洞洞門直下垂綆千尺始及泉宋常遣使投金龍
玉簡於中又有巖窪名天鑑池池水可照星斗維

建寧府志勝入卷之八

五

字

從何而入洞外有黃心木縱橫為棧久不壞又有
回船相覆以盛仙雨半枕於洞船皆圓木刳之盛
仙函二十有餘空者數函又有穴橫插數木為橋
橋之西壁開一罅更有香爐藥餅之屬宋熙寧
中御武徐熙春坐化於洞側崖穴中全蛻尚存從
洞口轉右綠崖稍北磴道已窮躡梯而升梯窮登
崖崖稍夷復東數武有巖阿廣數丈深丈許漢人
張瓌死解於內遺骸跌坐石上峰之絕頂有投龍
洞洞門直下垂綆千尺始及泉宋常遣使投金龍
玉簡於中又有巖窪名天鑑池池水可照星斗維

大旱不竭宋時道士游道淵自峯趾繫崖置師寔
昇真觀於絕頂其東南為禮斗壇口幔亭峰在大
王峰北舊記秦始皇時王皇太姥為王孫壽華設
幔亭綠屋雲茵紫霞褥以宴鄉人呼為曾孫駕虹
橋跨空以上太實雲及人間可哀之曲宴罷倚斷
橋板插諸巖縫中至今不壞宋李綱詩宴罷虹橋
絕世氛曾孫誰見武夷君更無偶暮空中翠時有
笙竿靜裏聞猿鳥夜呼千嶂月松篁閉鎖一溪雲
洞天杳杳知何處翠壁丹崖日已曛明王恭歌鶴
岑憂天開洞門仙翁騎龍宴曾孫曾孫大醉仙翁
建寧府志勝八卷之八

三

別木魁鯨童吊溪月荷花濛濛奈竹荒石雲紫巖
參差涼銀灣逗帆嘯暮突玉函千年蛻金骨峰頭
藥草九節香胡麻作飯與君嘗待君騎魚歸故鄉
仙窟巖在大王峰之西峭壁上有繪崔霜翎朱
頂歲久不磨宋晦翁詩誰寫青田質高翅鴈驚
長疑風月夜清吹九霄聞口玉女峰在二曲溪南
石色紅潤有姝麗之態劉說道詩嘉名由世想奇
態實大造亭亭照綠漪獨立為誰好口小藏峰在
三曲高峙峻拔巖半數處猗斷縱橫亂插木皮板
望之如梯一穴高瞰內有二小船架於橫木之上

宛然如新俗呼架壑船峰背峭壁間斜開一洞內
有植木曲直縱橫相傳為仙人機杼俗呼仙機巖
宋白玉蟾詩仙舟停棹架巖頭黃鶴冲天幾度秋
滿洞桃花人不見一溪春水為誰流又仙機巖詩
織就霞裳御冷風玉梭隨手化成龍天孫歸去星
河畔滿洞白雲機杼空口大藏峰在四曲峭壁千
仞下臨深溪壁上有穴穴中貯石罌圓者如管方
者如筐如杵如盤昔聞有鷄鳴於內者又名金雞
洞洞下有潭其深莫測人語棹聲輒相響應相傳
有神物潛於此口隱屏峰在五曲溪之北夷上銳
建寧府志勝八卷之八

天

下拔空峭立高廣方正如屏頂有玄元道院下窺
兩麓陂陀環抱朱文公築精舍于其處又公序畧
云釣磯茶竈皆在大隱屏西磯石上屏在溪北岸
竈在溪中流巨石屹然度環坐八九人四面皆深
水當中科曰自然如竈可爨以淪茗精舍之側有
洞洞左復有一洞其頂禿而骨露名羅侯洞洞背
卽鍊遂亭故址亭為李陶真人翔真人以宋熙豐
間至武夷出祠牒乃唐開元時所給真人好吹鐵
笛每遇節臘眾道人各於雲房招飲皆赴諸房笛
聲同時並作一日別眾留詩云毛竹森森自剪芝

試吹一曲下瑤臺當塗不過知音聽拂袖白雲
去來遂吹鐵笛隱隱而去朱文公隱屏詩秋聲入
庭戶殘暑不敢驕起趁汗漫期雨袂正風飄春鳥
此家山名號列九霄相與一來集曠然心朗寥棲
息共雲屋追尋喚魚舸一水屢縈迴千峰鬱蒼
蒼然大隱屏林端聳孤標下有雲一窟仙人久相
招授我黃素書贈我英瓊瑤茅茨幾時建自此遺
紛囂又精舍詩神山九折溪淞泝此中半水深波
浪濶浮綠春渙渙上有蒼石屏百仞聳雄觀巖巖
露垠堦突兀倚霄漢淺麓下縈迴深林允叢淮胡

建寧府志勝八卷之八

五

然閱千載獨此開一旦我乘星村船輟棹青草岸
榛莽喜誅鋤面勢窮考按居然一環堵妙處登輪
奘左右矗奇峰躊躇極佳玩是時芳節闌紅綠紛
有爛好鳥時一鳴王孫遂相喚暫遊意已愜獨往
身猶絆珍重舍瑟人重來足陶伴口接筍峰在隱
屏峰右屏有兩峰相連西南一石附于屏狀如立
筍有斷痕復續者三只此名折筍餘皆隱屏也嘉
靖丙辰道人江痴願劉古松以巨木作梯倚崖壁
凡三接共十餘丈始及徑徑折數步忽斷有鐵鎖
左腹亘七丈鑿支徑以托足復有磴屈曲

折百餘級至巖巖深丈餘高廣倍之復躋攀數百
武至絕頂有泉池竹樹○天游峰在六曲隱屏平
立于前外高敞而內幽邃其石為仙掌峰穹崖壁
立高廣百餘丈崖半石紋類人掌者數處旁有瀑
布泉下為仙浴塘循仙掌旁西上以達天游之背
○三仰峰在七曲三峰聳拔毗連若鼎首第一峰
下有棋盤石第二峰有白玉蟾丹竈遺址第三峰
有碧霄洞洞崖有桃樹相傳白玉蟾手植三峰之
下古有石堂寺宋天聖二年雷雨陷沒今石崖堆
疊相倚成門僅可容身門內阻小澗橫石為石水
建寧府志勝八卷之八

五

流石下入其中地乃平曠桑麻黍稷儼然一村落
又名小桃源明傅汝舟三仰峰詩武夷多奇峰高
者是三仰丹崖更安排不獨似懸勝千步覆石廊
曲折下仍上巖樓開豁豁而勢極廉寬傾曦獨照
曜亂石互羅網中有碧海桃倒懸不盈丈葉落根
自蟠千歲無復長觀茲神理功吊古忽焉惘然
吹死灰葛翁亦長往難聞白霍音徒結紫霞想
鼓三峯在八曲溪傍一峰屹立有石如鼓峯前有
鼓樓巖明陳省記畧云癸未年五月予憑程道人
指引脫履着襪攀緣石壁壁下深潭初往尚可登

步歸則舉足成怖至洞門見有鼓樓一區高廣二
四尺瓦甍皆以木窓櫺戶黼悉具製甚精致釘頭
出木外四五分蓋數百年物也○靈峰一名白雲
巖在九曲盡處半壁一穴藏小艇于中又有仙蛻
數函○毛竹洞在靈峰之右巖壑幽邃遍生毛竹
王真人煉丹於此真人名通宋元豐間居此能飛
神御氣立致雷雨泊平間辭衆往黃山會聖洞坐
化宋游九言詩毛竹連雲路欲迷洞門深鎖落花
遲曾孫幾度春風老未了仙人一局棋○水簾洞
在山背石壁高聳綿亘數千丈水自巖頂瀉下隨
建寧府志勝入卷之八

三

謝明

風飄灑疎密不定長如垂簾琅然作金玉聲一名
唐曜洞天內有清微洞真觀○九曲溪發源于三
保山流至黃村溪經星村市瀦迴曲折九出與
石鼓渡合大溪遊山船從東汭流而入西出將村
而境始窮南麓則臨石鼓渡北止於黃龍溪兩岫
峯巒率皆豐上歛下有鎮潤玉削者有森銳筍立
者有端嚴拱揖如神○有峭麗娟秀如美姝者又
有如樓臺突兀如城壘週遭如鐘鼓之陳設如廩
庾之連架其曠如龍其踞如虎蹲者如倪馳者如
馬神剗鬼刻駭目驚心宋文公九曲棹歌云武夷

山上有仙靈山下寒流曲曲清欲試箇中奇
權歌閒聽兩三聲餘不具錄○蘆峰在豐陽
最高廣宋文公與蔡西山嘗遊詩云循洲躋
披雲得勝遊逢茅增舊葺竹樹喜新稠夢想三秋
別徘徊十日留餘年端可料此地欲長休里人丁
智清者少不羈聞人讀盤山頌至年年賃屋住不
識主人翁之句忽大悟遂結茅於此峰頂能預知
人未來事一日謂人曰吾往迎曹王遂至分水關
果遇王因同歸宿菴中明日王下山至途次人問
宿何處王但回顧一指及問者至菴則道人已書
建寧府志勝入卷之八

三

謝明

曹王一指菴矣○分水嶺在縣西七十里水分東
西爲鉛崇之界宋文公詩水流無彼此地勢有高
低要識分時異誰知合處齊嶺之西巔有石如婦
人提抱二子停望關外俗呼望夫石○白塔山在
縣西一百里高不知其幾千仞雲磴十八折而上
其麓東跨崇安南跨建陽西跨邵武北跨鉛山絕
頂舊稱龍濟峰有白痕如塔故稱今名有雲巖丹
泉諸勝峰凹草若錦茵巖畔土若瓊屑可以愈疾
前唐建龍濟道院覆以鐵瓦六月無暑小雨即披
裘有巨木二十餘株其最者圍四丈皆唐時物○

常陽人物傳 明憲居崇安之籍溪嘗任本州教官
召爲正字朱元晦以詩送之併呈劉共甫云先生
去上芸香閣閣老新裁身角冠留取幽人臥空谷
一川風月要人看後胡宏更爲一章云幽人偏愛
青山好爲是青山青不老山中出雲雨太虛一洗
塵埃山更好後元晦爲之跋云右衡山胡子詩也
初紹興庚辰某臥病山間親友仕於朝者以書見
招某戲以詩代書報之云 胡元仲以語仁仲仁
仲謂其學者張欽夫曰吾未識此人然觀此詩知
其庶幾能有進矣特其言有體而無用故吾爲是

建寧府志勝八卷之人

三

建

詩以歲之度其聞之而有發也明年胡子卒爲之
歎歎者久之○劉子翬字彥冲崇安人家于屏山
子羽之季弟也志云屏山去縣七十里三峰森立
中峰獨聳如翠屏文靖公號屏山以此有雪夜詩
云誰憐組練寒夜雪連雲續有客臥衡茅諸山夢
中白○劉褒字伯寵淳熙五年進士致政歸隱下
梅里賦一絕云去日春蠶吐素絲歸來寒橘剝金
衣沙鷗不入鴛鴦侶依舊滄浪遶釣磯○詹先野
字景舒黃村里人宋天聖間鄉舉隱居不仕居籍
水之濱日嘯咏武夷山水間人望之猶神仙然嘗

賦詩曰武夷溪九曲曲曲可垂釣自得江山樂何
須問列侯○詹繼字勝甫黃村里人恬澹寡欲不
慕浮榮與朱熹蔡元定江必大諸名賢游築涌翠
亭聚書千餘卷日吟咏其間晦翁題一絕云絕壑
藤蘿貯翠烟水聲幽咽亂峰前行入但說青山好
腸斷雲間雙髻仙○趙必漣趙若櫬趙善沛皆王
牒派也必漣字仲連宋開慶間築室黃柏里自號
山翁有梅花庄與弟若櫬日觴咏其中賦詩云一
間茅屋傍溪斜三徑荒於靖節家但得鶴雛隨分
足更須鋤月種梅花○若執字士木咸淳十年進

建寧府志勝八卷之人

三

建

士有山居卽事詩雲散青山出人閒白晝長禽聲
答空谷樹影畫斜陽種果期秋實澆花趁晚涼行
藏天已定隨分且徜徉說者以爲有晚唐風致○
魯沛字興甫住水漿里淳熙二年進士多恬退閒
居嘗賦霞詩兒笑珍珠碎滿堂女疑荷葉雨中來
道人心下無些事三箇柴頭品字煨語雖近俚亦
自真率○宅墓志云唐翁承贊宅在新豐鄉其地
名大元岡以文堯曾爲諫議大夫也卒塋于本里
東山之原口○豐陽鄉有八行窠以宋江贊徵辟
八行不就云蘆峰之陽是其宅基○張太傳霽宅

在會仙里長興寺後甯字伯雲後周人入宋累官

太傅有戰功○柳永字耆卿崇安白水人長于詞

范弼公嘗曰仁宗四十二年太平鎮在翰苑十餘

載不能出一語歌詠乃於耆卿詞見之仁宗嘗曰

此人任從風前月下淺斟低唱豈可令仕官途流

落不偶卒於襄陽死之日家無餘財羣妓令金塋

之于南門外每春月上冢謂之吊柳七○楊文公

億祖墓在黃村里之建峰平野間見大年集內○

朱松宅在上梅里中峰寺北公自新安始遷于此

其子熹築有紫陽書堂年六十三乃遷考亭□韋

建寧府志勝八卷之八

齋墓在本里之寂歷山公嘗有詩云鄉關落日蒼

茫外樽酒寒花寂歷中後果塋此以爲詩識○祝

穆字和父隨晦翁居屏山下和父博洽嘗著事文

類聚方輿勝覽諸書○輿地碑目云唐明皇刻石

在武夷之換骨巖是時遣使者祭海內名山大川

登仕郎顏行爲之記○趙清獻梅碑蓋清獻公手

植梅數本在縣後堂景定二年丘應甲刻石頌云

石有榮萊有柏獻之梅刻以石○永隆寺在縣西

四里唐乾寧四年陳司徒請額改爲光化舊扁字

存○敬恩寺在上梅里僞閩龍啓二年建江南李

王書額

政和縣在府城東二
百四十里

圖經云本福州寧德縣關隸鎮五代時王潮所析

置也宋咸平五年陞爲縣○黃熊山在縣治北相

傳山嘗有黃熊見故名術者謂此山形如展旗而

無劍戟森布非武也特文人之旂耳故又名文旂

山○洞宮山在縣治東北道家三十七福地其山

重疊九峰狀如蓮葉又名九蓮峰相傳古有魏虞

三真人於此煉丹後上昇因名魏虞洞天一名無

爲神化洞天又有西門嶺嶺之西有奇峰石壁喬

建寧府志勝八卷之八

柯鬱然謂之翠屏峰峰拆而南有二巖並立謂之

東西寶臺臺之西有平田魏虞二真人宮在焉傍

有洞宮禪院院前飛昇壇香爐峰幙巖觀音巖羅

漢巖獅子巖蓮花石石筍石龜丹室世稱十奇○

大風山在縣南感化里巖巒秀拔絕類廬山五老

峰山有石室周廣丈餘相傳昔有趙元琦者受控

霍仙人丹訣脩煉于此宋陳朝老詩上到禪關眼

更明重天際萬山青便當常住雲飛處閒煙名

香學誦經○滿月山在縣西南十五里山峯圓瑩

如月上有飛昇壇滿月巷相傳顧思遠煉丹於此

飛昇而去○望浙山在縣西長城里其勢拔地
天常有雲氣冒其上世傳古有大魚姬者受控鶴
仙人訣脩煉望見白雀從括蒼來喜曰浙仙來矣
遂乘雀上昇

壽寧縣在府城東三百五十里

先是境有大寶坑銀場每為溫處流民盜採并肆
剽掠我景泰初洞蠻嘯聚於官臺山作亂官軍從
間道深入悉殲之因白於朝析政和之東北里及
福安之十一等都置縣曰壽寧○鎮武山在縣治
北翠屏山在縣治南叢珠山在縣治東天馬山在
建寧府志勝八卷之八

中
卷之八

延平府在府城四十五里領縣七

中
卷之七

晉書云延平津昔實劒化龍之地吳永安三年立
為南平縣晉太元四年改為延平縣按今府曰延
平治南平縣其名本此五代僞閩王延政曾置鐔
州宋太平興國改為南劍州蓋蜀有劍州乃加南
字以別之其城周圍九里一十八步為門十有一
我明乃更而九自建寧門至福州門臨建溪自福
州門至西水門臨樵川自西水門至大北門臨山
礪自大北門至建寧門城壁延袤環高岡之巔宋
楊時脩造記云山石清明偉麗為東南最又資聖
延平府志勝八卷之九

院記云崇山峻嶺為郭郭驚湍激流為瀟池本志
云郡居山椒清泉自石崖奔迸而下用鉅竹引之
綿亘數里徧及郡城明景泰間南平人進士劉璋
詩突兀孤城石作梯酒帘搖曳路東西一番白雨
漲溪整兩岸青山啼竹雞榕徑陰森疑畫晦筆峰
高拔覺天低莫愁衰老無筋力欲上仙亭散馬蹄
○輿地紀勝云衍仙堂在郡圃據山之阜溪山環
繞一日可盡有登覽之勝○劍歸閣在郡治後丞
相李伯紀書碑○畫屏軒蔡君謨建有詩云畫屏
曾指孤舟看今日孤舟在畫屏○野軒黃魯直賦

以開軒如村落故名○溪山偉觀在判官廳真景
元記畧云延平據山爲州軍事判官廳處山之半
後枕崇阜前挹大溪溪南九峰森羅雄峙天表廳
事之西故有小亭對溪山最佳處予之爲判官也
方習詞科兀坐亭中緝閱古今書問一舉首則澄
光秀氣歎入几席云

南平縣 附郭

南唐改州爲劍州而縣曰劍浦元大德中改爲南
平縣而劍浦乃廢爲驛○志云龍山郡治後城壁
環其巔山之麓唐時有廣濟寺宋政和間賜名天
延平府志勝不卷之九

寧萬壽紹興間改光孝我弘治元年主僧能持者
自少遍遊名山年四十歸寺居於松關遂不出門
著天印語錄徹空內集洞雲外集黃蘗心要諸書
○西山在州治西五代陳陶博學善屬文至於聲
詩曆象無不精究常以台鉉自負將詣南唐至中
途聞宋齊丘秉政自知與宋不合乃築室西山以
詩酒爲事按豫章西山亦載之○梅山在城東隅
以上交梅樹故名宋紹興間建招福院於此元改
爲寺明吳恭梅山朝旭詩玉樹橫斜第一峰金烏
浴海湧微紅雙溪城郭烟霞上應與何郎興味同

俗嘗爲楊叅知題冊亂山梅花白看與雪何別且
出不曾消是花斷非雪○九峰山在城南峰巒九
疊旋繞縈迴爲府治諸峰之冠五代周顯德六年
建招仙道院於其麓宋大中祥符間改爲天慶觀
元元貞又改爲玄妙觀我正德間提點陳本潤得
玄牝法閉關五十年將尸解去因口占偈云八十
二年清淨心不妨白髮日相侵而今得入無爲境
片月長空古亦今宋朱熹天慶觀詩石樓雲卧對
江城城角吟霜永夜清料得南枝正愁絕不堪聞
此斷腸聲明孫衍題九峰月朗一輪皓魄夜三更

延平府志勝不卷之九

三

九朶芙蓉白畫橫我欲振衣從此去蓬萊頂上看
潮生○聞猿洞在玄妙觀之右昔有方士袁深嘗
煉丹于此蓄二白猿往來甚狎風晨月夕時聞清
嘯明胡瓊詩西風正悽惻古洞夜猿哀道人悲
秋好懷常自開○衍仙山在城東北十里舊名舍
源山晉時南平人行客煉丹於此丹成舉家上昇
故名其山有文峰巖中央一石端拱如佛像又名
石佛山輿地紀勝云此山東面略通人迹山中產
槁可以就食不堪携出犯者卽迷道不得歸有衍
仙水出此山當城北爲大河下穿暗竇入城流出

劍潭宋邑人吳致堯神秀軒記云延平號山水佳處衆峰連屬鳳鸞嶺峙望之蔚然神剏天劃者衍仙也青囊水雲村記略謂其從父取山麓之長澗一支渟之以爲沼走之以爲渠厨窪之以酌橋跨之以渡異花奇果垂條倚石飄雲墜影在泉上下余省從父流水之間乃以水雲村名之○中巖在衍仙下里有瀑布泉自巖中飛下明吳恭詩銀河垂地三千尺掛在中巖石壁湍瀑布倒懸秋色淨雪花飛墮晚光寒又其地有小鷺峰山形另則如鷺鳥故名宋元祐中漕使曹子方詩云商前山好

延平府志勝不卷之九

四

無人識定是飛來小鷺峰○西林在城東南五代梁時建院宋朱晦翁云紹興庚辰予謁隴西先生退而寓於西林院惟可師之舍因示可師詩二首身世年來欲兩忘一春随意住僧房行逢舊隱低回久綠樹鶯啼清晝長又幽居四畔只空林啼鳥落花春意深獨宿塵龕無夢寐五更山月照寒衾○又二十五里爲西巖唐寶曆一年有蔡柳二禪師翔卷山神示現二師拔松倒植于地而松倒生神乃服宋時住持宗回深得法忍一日寺僧犯茶禁吏捕知事師謂衆曰此事不直則罪坐我若自

而彼復得罪不忍爲也因令擊鼓陞座說偈曰更追呼不暫停爭如長往事分明從前有箇無生曲且喜今朝調已成言訖而逝○百丈山在城北其高凡百丈故名昔越王于此建臺榭又其地有石鼓嶺聳絕方圓凡數丈中心數尺以石叩之其聲如雷○蒼峽在城南長安北里兩岸青山迴合溪流北折而去南入福州古田縣界其地有九龍山以九峰蜿蜒如龍故名○百花巖在城東崇福里石壁峭立舊有隸書百花巖三字其右爲隱鱗洞前抵雙劍化龍之澗宋吳儀字國華清修力學

延平府志勝不卷之九

五

淡于榮利漁釣滴溪時或行歌松谿竹磴間龜山楊時重其爲人羅從彥嘗師事之郡守王汝舟題吳儀咏歸堂隱鱗洞先生名利比塵灰綠竹青松手自栽擬把一竿盤石上幅巾閒過峽山來○藏春峽在隱鱗洞左劍溪之東兩山崇擁繁花雜卉生其間楊時詩爲吳儀題山街幽徑碧如環一壑風烟自往還不似武陵流出水殘紅那得到人間○劍潭一名劍津在府城東南晉雷煥得二劍於豐城一與張華剖一自佩華死失劍所在煥子爲建安從事佩劍經此劍忽於腰間躍出入水變爲

龍逐視之見二龍相隨故又名龍津唐歐陽詹詩
想像精靈欲見難通津一去水漫漫空餘昔日凌
霜色長與澄潭生晝寒胡曾詩延平津路水溶溶
峭壁危岑一萬重昨夜七星潭底見分明神劍化
爲龍宋劉子暉雙溪閣詩雄觀今古快幽情突兀
層樓出市堯二水交流何處盡孤舟不見亂山橫
丹爐寂莫仙遊遠劍氣蕭條客恨盈向晚移尊話
流落可堪時聽鼓鼙聲○西溪源出長汀縣經將
樂順昌二縣界與邵武溪合東流經王臺驛前至
砂溪口與沙縣溪合四十里至劍潭○東溪源出

延平府志勝

卷之九

六

浦城崇安松溪三縣凡五派合流會於建寧城外
南流一百二十里至劍潭合流而下俗呼丁字水
又名南溪行九十里與尤溪水合○東溪諸灘曰
汾灘曰竹林後灘曰高桐灘曰鑿灘曰黥溪灘此
下直至劍津以接西溪其中黥溪最險舟過多覆
溺唐大順二年僧無示者結菴於此募工疏鑿漏
勢稍平菴後名院又名寺宋天聖中郡守劉滋復
開港道元豐中朝命黥溪院歲度僧一人以導漚
塞碑曰云黥溪院在南劍州東十里有妙峰閣蔡
君謨題字葉少蘊研讀云南劍石有二種其一出

鹵水去黥溪灘四十里細潤而不甚發墨黥溪灘
石宜墨而膚理不逮然世未知此石之可珍也○
西溪諸灘曰石柱曰三門曰小黃口曰大黃口曰
張巖曰虎口曰樟槎口曰蕪坑口曰星窟曰大湍
曰小湍曰城門曰將軍曰黃墩頭曰慈油此下直
至劍津接東溪○南溪諸灘曰劍鞘曰嵩口曰大
傷曰小傷曰五港曰天柱曰鳩道口同場曰龍窟
其中大傷天柱龍窟古稱最險諺云大水大傷小
水茶洋舟行惡之宋紹興間郡守上官惜等開諸
灘命僧祖日董其役漕司助錢百萬惜復請於朝

延平府志勝

卷之九

七

益以一百五十萬而南溪之險稍平○黃龍洲在
城東南張司空祠前每春水後土人視洲之沙多
寡占歲豐歉宋黃裳詩看此黃龍沙斗起滿城歌
吹入豐年○盤陀石在城東南杜溪里一石坦夷
方廣丈餘四山環峙清泉湧出佳木陰森景絕幽
雅明李東陽題天趣園延平山水稱絕奇攢峰峭
壁爭崔嵬盤陀巨石坐其上勢脫險阻成平夷源
泉萬斛出汨瀾曲水百折行逶迤大者可以通園
畦小者可以流杯匯青停黛蓄動復定樹影倒浸
清泠池殊形異狀非一類或有天巧非人爲居民

乘流作水碓却以人力和天機隨磯石釣心中樂
天也人耶兩不知樂熈月電事恍惚惟見赤腳臨
雲梯○廟記云靈祐廟在城東隅神姓李名係唐
西平王晟之曾孫也乾符六年黃巢亂招討使王
鐸奏係爲行營副都統將精兵五萬以拒巢南唐
因閩中繹騷將屠之先遣查文徽攻建州繼遣王
崇文討李仁達于福州仁達乞師吳越取道延平
州民聞之咸震駭匿山谷俄聞有李先鋒領兵駐
于郡之高桐以遏其鋒蓋係也吳越師遂從雪峰
徑趨福州民賴以安及係沒州人戴而祠之號李
延平府志勝入卷之九

入

將樂縣

在府城西二十里

東越王時西鄉有樂野宮至吳永安置縣于將溪
之陽故曰將樂齊兗州刺史桓崇祖受封于此○
寰宇記云高平苑昔爲越王校獵之所大夫將軍
校獵謂之大校兵士校獵謂之子校故將樂有大
校子校二村後漢此邑爲建安縣之校鄉則其義
也相傳越王乘象輅出蓋大夫將軍自執平蓋今

有平蓋村載鳥以鳴鉦饒故又有鳴饒山也自樂
野至於遊臺之上相去九十里風俗至今好尚遊
獵我此故矣○志云縣城北距後山南濱大溪卽
將溪也將溪源从縣西南屈曲行數百里合諸山
水入邑界而梅溪桃溪之水皆入焉梅溪在縣西
北八十里自邵武縣來桃溪發自桃源濤懸崖飛
瀑傾注若練下流與白蓮院前水合又五十里至
大溪兩岸皆植桃花元吳文誼隱居於此文誼清
高博洽尤工於詩與唐集張本友善至正間由薦
辟官至延平路總管所著詩文見皇元風雅明任
延平府志勝入卷之九

九

正桃溪春漲詩桃源兩岸桃花吐碧水連天春欲
暮不知夜雨幾多深阻却漁郎覓仙路林鴻前題
桃源春二月花雨落晨昏谷口流新玉磯頭沒舊
痕平橋回岸斷遠浦怒濤翻洶湧鳴湍石瀨漫出
峽門乍疑雲夢澤恍訝武陵源羨彼垂綸者寥寥
遠世喧○蛟窟在將溪南相傳昔一小兒見溪傍
巨螺拾歸穴地渚水蓄之未竟日其地橫潰水勢
洶洶民患以鑊器投之方息今周迴寬畝許水清
澈不涸○星穴在蛟窟之右舊傳村中有一夕間
震聲如雷民人起視見一星大如屋至黎明地陷

爲圓穴云○縣北門亦有落星穴晉義熙中有
星墜其處儼成一穴占者謂五百年後當出大賢
宋楊時生于此地人以爲應古之德星坊是其宅
基今名過道坊○西臺山一名鐘樓山縣之西山
也巍然高峙於縣西其上坦夷如臺又山形如鐘
五代名州爲鏞以此○縣後有鍾翠山與含雲山
相傍文靖公楊時建讀書樓于上有卽事詩云獸
駭禽驚翳蔚中難將此意問鴻濛迴小徑蒼苔
滑杖屨從今恐不通又山前咫尺市朝賒垣屋蕭
條似隱家過客不須携鼓吹野塘終日有鳴蛙又

延平府志勝不卷之九

十

夾屋青松長數圍午風搖影舞倏倏幽禽葉底鳴
相應時引殘聲過別枝又竹間幽徑草成圍藜杖
穿雲翠滿衣石上坐忘驚覺晚山前明月伴人歸
○山麓有含雲寺宋建中靖國年建寺僧曰慶真
本順昌蕭氏子十四剃度遊江西得宗旨於泐潭
禪師明吳復含雲寺詩嵐烟消盡翠屏開羅磴清
幽半是苔孤雀巢邊松偃蹇白雲樓處路縈迴秋
高古戍風清閣夜半疎鐘月滿臺中有前朝僧寺
在先賢曾此讀書來○五馬山在城中五山馳驟
於縣之右其一名石壁山蒼崖壁立俯瞰金谿潭

又俗名金谿山山巔有金谿巖其二名金泉山建
安記云山南枕溪有細泉流出淘沙得金故名其
三失其名山之麓有祠祀閩王審知部將劉瓊瓊
統兵至此聞王延政降南唐衆稽首呼萬歲擁瓊
爲王瓊遂自刎部士收其屍塋馬邑人義而祠之
其四在金谿門外亦失其名其五爲金谿城牐半
在城內或云卽卞山也黃岡五馬山詩五峰連蒼
翠初日浮晴烟屏開碧天外影落寒潭前駐目望
秋色令人心悵然林鴻前題青山繞南郭簷外五
峰高爽氣朝疑笏嵐光翠濕袍微茫分瀑色蒼莽
延平府志勝不卷之九

十

維松濤勢與雲鵬遠深疑霧豹韜登臨成藻句點
染寄霜毫最喜鳴琴者公餘列俊髦○錦被山與
縣樵樓相直其下有石洞一名西洞一名金華洞
磊石巉巖辟蘿之陰小竇深入中有仙迹山之右
有翠簾山蒼翠高聳如垂簾然山下之石碎爛如
麻曰麻子石其巔三面峰環南有山如几橫於前
中夷而曠有池潄水因名天湖○天階山在玉華
都距縣南十五里石磴巖峭高若升天故名寰宇
記云南劍州天階山下出乳泉服之登山如飛有
洞爲赤松子採藥之處號玉華洞石門低隘側竄

之窈而黑秉炬以入泉自石罅流出潺潺有聲洞
高處滲液凝結冰雪峻峭往往有鍾乳石英出餘
糧石燕龍骨狗牙諸藥怪石奇偉萬狀如世間人
物器用者不可勝計洞之中又有雷公溪源楊梅
果子藏禾黃泥六洞窮其巔所謂七層樓者峻絕
僅容一足迤邐而登漸有石竅容光徹於洞中如
五鼓之候俗呼此爲五更天洞之陰又有寶華洞
一室餘研劣足周旋中有石穴泉寒而冽上有普
陀巖巉嶮聳拔可供遠眺洞之陽又有南華洞石
室方平景物尤勝縣稱三華以此元王鎮成三華

延平府志勝入卷之九

十三

道中詩秋雨纔收沒岸沙沙平漸復到田家村村
曬白田猶繭處處吹香稻正花口宋楊時玉華洞
詩蒼藤綠樹繞空庭疊石層巒畫屏混沌鑿開
三洞遂巨靈分破兩崖青雲藏野色春長在風入
衣裾酒易醒採藥遺踪何處問擬投簪紱學仙經
明督學王世懋詩百疊丹梯萬象懸靈蹤巧斷是
何年金波漏石常流月玉宇支空別戴天聖火詎
須多作電仙糧那用上留山雲房春冷難成宿敢
把塵心問僊伶其二芙蓉片片滴瑤漿十里樓臺
七寶裝玉節金童迎帝子青獅白象坐空王雕鏤

欲殫乾坤技昨曙長含日夜光聞說延津曾化劍
莫將龍氣此中藏○封山在縣北龍池都土色常
赤見則有火患昔人嘗種松使之蒼翠故以封山
名五代時有楊道真君煉丹於山麓小洞道成仙
去今名楊真君洞宋慶元年建玉隆萬壽宮於此
後名封山觀楊龜山記畧曰楊道真君於傳記無
聞而其洞於圖經弗載真僞莫得而考元祐五年
歲大旱鄉人詣真君禱雨輒應越二年余與二三
兄弟躡屐往遊捫蘿引蔓僅能至其上而呀然一
室如神列鬼列其中窈然莫能窺其遠近洞之北

延平府志勝入卷之九

十三

戶有泉汪洋汗漫意其能宅靈氣而興雲雨者在
茲乎元張本登封山詩氣勢崔嵬天可捫野筇登
覽駭心魂一山高出群峰表十里遙瞻百丈尊碧
嶂雨收嵐翠濕蒼藤雲捲鳥聲喧當時煉藥人何
處丹竈依稀火尚溫○龜山乃封山之支狀如伏
龜蜿蜒於城左宋楊文靖號龜山本此○九仙山
在縣東忠孝都崇岡疊嶂如龍翔鳳翥又如獅伏
牛闢爲一邑之最高夏無暑氣冬月常雪舊傳有
九異人煉丹于此明任正九仙霽雪詩九峰幻化
仙人久大地同生亦同朽歲寒卸却紫霞裘白玉

衣冠蕩氛垢黃閣前題群仙向何處萬古遺青山
有時白雪飛宛見瓊樹寒落日下陰壑微雲度遙
巒長謠抱琴去一訪仙人關山下有靈源洞岡
巒秀絕由石徑而上里許蒼崖陡壁泉響如雷一
石室廣可六七丈傍有微竇俯偃而入其中深邃
微明小石奇潤好事者採以供玩世所稱玉華石
卽此○石帆山在縣東北三十里坤元錄云將樂
石似張帆是也○孔子山在縣南富谷都巒巒巒
起溪濱山半有石竅深遂玲瓏遇水漲則巍然孤
立而不沒本志云舊傳山有獸人形名曰蠻獠思

延平府志勝入卷之九

十四

按周書云禺禺見人喜咲則上唇掩其目人以釘
釘着額上吳都賦云禺禺咲而被格是也○君子
峰在縣西北池湖都巒谷幽邃常爲雲氣冥濛疑
有龍居之因名龍居洞元湯逢原文行脩潔時稱
君子嘗築室隱居於此邑人遂名其山曰君子峰
○龍頭巖在縣東南高灘都其形類虎又名虎頭
巖宋楊時記畧謂柴周顯德間邑人設均慶禪師
像於巖腹旁有隙地可種藝稼穡有僧來居衣食
輒給宋元豐六年建有龍頭菴下爲殿宇上爲石
洞明楊叔京詩寺對清溪水統關冷然鐘鼓翠微

閣樓臺無影日沈海松檜有聲風蒲山猿嘯石亭
遊客散龍歸雲洞定僧閒詩成一咲斜陽外獨棹
扁舟泛月還王輒前題複閣依蒼壁飛藤掛瀑流
烟霞間曉色未忝動清秋崔繞仙家樹雲歸釋氏
樓磴危窮碧落地勝卽丹丘上築懷招隱登高賦
遠遊君看朱紱者誰爲白雲留○下洞在縣北萬
安都有如居士者順昌顏氏子宋末舉鄉試棄
儒入釋元初過此將建洞菴物力已具但缺正梁
或告以張氏墓山有梓合抱求之不得是夕風雷
拔之乃得買爲梁居士題其上曰靈根不肯泯凡
延平府志勝入卷之九

十五

柴天意移將福地來向日親逢霹靂手今朝果作
棟樑材後菴圯我正統間有僧重建得舊梁於瓦
礫中外朽中堅所題字墨漬入木不漫遂復爲梁
居士有語錄及淨土文行世

沙縣在府城西南一百二十里

自東漢末置南平縣其南鄉之餘迹有沙源晉太
康四年始析爲沙戍籍民版劉宋元嘉中卽其地
置縣曰沙村隋改名曰沙縣其治在今縣東十里
對古銅場卽所謂沙源之地也唐中和四年始移
鳳林崗○按志鳳皇山在縣治南以形似之又其

上多產梧桐時有鳳皇來棲故名有靈衛祠以祀
唐崇安鎮將鄧光布布光州固始人乾符初鎮崇
安是時草寇四起布徙縣治於鎮西據險固守賊
不敢窺及黃巢破閩布中流矢而斃邑民立祠祀
之累著靈蹟宋宣和五年賜祠額其下有羽鳳橋
嘉定四年建○稍遠爲武仙山山勢高峻其頂夷
曠可容千餘人對揖縣治俗呼爲報衙山○淘金
山在縣西昔有人淘金其下故名山巔巨石可坐
百餘人俯瞰井邑有泉自巔飛下清徹如鑑○獬
豸山在縣西北相傳鄧光布嘗登此山謂人口百
延平府志勝不卷之九

七

年後縣當出忠義之士爲國觸邪因以獬豸名之
○又稍遠爲幼山寰宇記云山乃龍峽之地孤峰
上聳三十餘里局廻二百里上產松桧竹栢宋羅
疇舉熙寧九年進士調福州司理坐忤使者投檄
歸居此山下其登山詩云殿角纔餘一握天我來
神骨自飄然影移隱隱烟霞裏身在亭亭日月邊
脚底擁青寒樹杪面前凝翠亂峯巔却疑銀漢餘
波溢浪濤黃金山畔泉○七峰山在溪南寰宇謂
之七朶山山分七峰涌成石壁巖面生石椎青陽
盧木等樹四時青翠上有桂花深秋競發馨香散

溪宋丞相李綱謫官居此各命以名其最東一峰
曰朝陽最西一峰曰碧雲朝陽之西一峰曰妙高
妙高之西一峰曰真隱碧雲之東一峰曰桂花桂
花之東西峰相屬曰凝翠因于兩峰之間構閣以
居曰凝翠閣其詠朝陽峰詩曰先得朝陽一段紅
何年鳴鳳在梧桐行舟若到彎環處知是沙陽第
一峰○太史溪在七峰之下舊名大溪係不具錄以
太史謫歸居此因名溪源自汀州之寧化連城反
漳州之龍巖皆會於吉溪東流會梅溪左板溪鬱
溪固發溪黃沙溪荆山溪抵大洲會茂溪則衍迤
延平府志勝不卷之九

七

曠夷渾湛瑩渟無復衝激十里平流卽太史溪也
縣治俯焉李忠定詩平溪綠淨見遊魚十里無聲
若畫圖欣賞曾經李太史不須汗染目爲愚○大
磯小磯灘在太史溪下一名大姨小姨宋鄧杲大
磯灘詩溪流亂石似牛毛雨過狂瀾勢轉豪寄語
何公莫相厭從來忠信任風濤又暮江初漲浪翻
狂一葦輕舟泛渺茫我媿人非跛男子安能與世
作津梁○佛子灘中流巨石狀如蟾蜍舟人每見
有二小豎格鬪石上舟輒溺後有異人經此繪佛
像於石其怪遂絕上書佛子灘三字篙師以見金

佛爲候諺云水沒佛肩不敢行船水浸佛足可行
宜速○霹靂灘其聲澎湃如雷故名宋鄧肅過霹
靂灘詩門前又見馬如流兵革紛紛幾日休傾似
車盤方稅駕灘如雷霹更行舟豺狼敢侮乾坤大
江海徒深蟻虱憂安得將壇登李郭抗回義馭照
神州○蓮花峰在縣西二十三都鄧村宅居其下
祚建炎進士授建昌軍簽判金虜破洪州傳檄建
昌守率屬納幣擬以城降祚毅然斥之曰虜使至
當殺之而焚其書寧死不降守欲執以畀虜祚不
爲屈遂棄官歸自號蓮花居士後起江西安撫勦

建平府志勝入卷之九

六

蕩盜賊所著有焦桐集○洞天巖在縣西和仁坊
石壁峭絕依險架閣以祀定光佛李忠定爲記巖
下有幙頭石又有水潦飛瀑下注數十丈宋羅薦
可居此薦可政和進士調高郵軍司理金虜陷京
師張邦昌僞赦至高郵守欲拜之薦可取赦擲之
而出後監登聞鼓以竹秦檜出知澧州○呂峰山
在二十一都山頂有泉極清四時不竭俗呼呂七
塘明東閣學士陳山咏呂峰晴雪山落鴻濛外名
傳呂七家寒光侵玉女瑞彩散瑤華涉沒添新水
梅橫失故花遙憐林處士倚杖夕陽斜

尤溪縣

在府城東南一百五十里

當延平東南二百四十里與龍巖沙縣候官三縣
交界之地山洞幽深溪灘險阻諸境逋逃數匿于
此唐開元二十八年經畧使唐脩忠招諭其民於
是酋長高伏請以千戶入版籍二十九年遂開拓
置縣治於尤溪之西因以名焉苗經云南至泉州
德化縣尤嶺爲界嶺上有分枝樹一枝向南一枝
向北此尤溪之源也唐韓偓尤溪道中詩云水自
潺湲日自斜晝無雞犬有鳴鴉千村萬落如寒食
不見人烟空見花○苗經云雙髻山在縣北西峰

延平府志勝入卷之九

七

峭拔千仞如劍倚天外又名雙峰山山巔生異草
二種一如婦人束髻篦一如蠟燭灌油可燃以照
是山之陽有觀音洞昔有陸道人者結廬山間窮
搜其勝得石室清泉他日偕一僧捫蘿而上至懸
崖極峻處崖罅中有小石塔驚異之遂議建閣洞
前方鑿石爲址深及尋尺得大士象因以名洞有
伏獅山自兩髻南隴逶迤起伏行三十里爲貴人
峰峰廻突聳而起形若伏獅當縣之鎮山也○文
山在青印溪濱隔溪爲公山邑人義齋鄭氏居此
宋章齋先生朱松爲尤溪尉任滿假館於鄭氏

癸庚戌九月十五日考亭夫子生馬先是二山草木繁畚及考亭既生野燒同時盡焚山形畢露儼若文公二字○仙靈山在縣南二十二都唐末有王道人者結廬煉丹其上後不知所終人以此山爲仙靈窟宅故名山巔有十奇曰雙鑑池靈泉井飛星壇卓筆峰宿雲洞鷹嘴巖白雲菴棋盤石獅子石仙樂臺○又十里爲劍門唐乾寧四年建劍門菴於此宋安分菴主任參大慧行次江干仰瞻宮闕聞街司喝侍郎來釋然大悟因作偈曰幾年箇事掛胃懷問盡諸方眼不開肝膽此時俱裂

建平府志勝入卷之九

壬

破一聲江上侍郎來○又十里爲龍門山高聳千餘丈其巔有石穴泉極清徹歲旱不涸相傳有龍居焉又有洞口僅四尺深邃莫測中有石龍石棋局碁子石竇滴水如雨又名滴水洞其水流入石穴不知所入入百步許蝙蝠千百爲群大如鴉撲人面不可入宋朱松遊龍門洞詩阿遊陸沉久亦復太癡絕未成安一枝况乃辦三穴惟餘愛山意如水必東折首窺今幾年顧影覓瓊玖那知龍門客慶底抱關閑虛簷日偃仰蒼壁對嶺截挂藤危磴響濯足細泉潔束薪取奇觀滴乳當嘉設摩石

驚曉輿信矣著舊說歛疑捲風雨凜若踐冰雪遠追神清遊復作武陵別○蓮花峰在縣北七都以形似得名峰頂有天湖水色紺碧不知泉脉所自亢旱不竭魚鱉充牣人不收取以爲有神馮藉宋時每見五色雲間有並帶蓮則歲大稔以是占歲皆驗宋朱熹立春大雪遊天湖詩同雲被四野寒氣慘悲涼回風一以定密雪來飄揚時當冬候窮開歲五日彊逢甚無與適陟此瓊臺岡賓友既追隨兒童亦携將攀躋得家頂徙倚聊彷徨俯視千里空仰看萬鶴翔遠迷亂峰翠近失平林蒼偃薄

建平府志勝入卷之九

壬

瑩神骨咀嚙清肝腸朗詠招隱詩悲吟黃竹章古人不可見來者誰能量且復記茲日他年亦難忘○又十里爲丹溪有嶺曰丹溪嶺又名桃木嶺界于南平紫廵可十五里自趾至巔凡三疊皆數百丈回視數十里之中川原隱隱溝塍基布宋松宿丹溪道中詩日出露芒重涼生風葉翻秋旂已照眼社酒欲香村牛下草萊濕人歸園屋昏箇中人

不識擾擾與誰論○縣南有青印溪唐時黃湜繫

禪師善青鳥之術嘗過此留偈曰塔前青印見家

家視筆硯先是左溪少有知學者至宋南渡後忽

有青石如印露出溪上自是士風漸盛此溪源出縣西九十里沙縣界東流迤邐會山坑王衛等十一溪經縣前入湖頭溪有潭其水澄碧深不可測兩岸東西濶數十丈俗以虎可跳而過名曰虎跳潭○湖頭溪即尤溪在縣治東源出泉州德化縣至當縣境西北迤邐會湯泉等二十溪轉北流至此入尤口涵會劍津按寰宇記謂尤溪源發于雙髻山然細攷之尤溪一源出德化縣白石上片一源出龍巖縣其流幾三百里而雙髻山在縣北二十里細流濺濺深不踰尺或時傳記者之訛耳

延平府志勝入卷之九

順昌縣在府城西一百二十里

唐貞觀三年析將樂縣之東南二鄉為將水場嗣聖四年分南鄉將水口為獨科鎮景福二年改為永順場五代漢乾祐元年南唐據閩陞為縣署順昌之名蓋縣西北六十里有順陽鄉其溪曰順陽溪源出建陽縣境至白芒畚始通小舟抵沙密二溪○沙溪在縣西安富都源出邵武縣境至沙口與順溪合○密溪在縣西北仙源都源出甌寧縣境流與順陽溪合又縣東石豆都有竹步溪石簕都有基石二溪縣西富屯都有富屯溪斐杉都有

斐杉溪大幹都有大幹溪縣南水南都有泗村溪長壽都有水南溪縣西南高峰都有交溪俱流注之西南溪即大溪也經縣治前與確砧溪合流○水南都有超華山周圍甚廣山頂有泉出石罅中分為五澗東出者名橫溪北出者名李坑南出者石橋所跨之澗也其流俱入順溪西北二澗流入邵武境山之幽曠處有田園池塘居民數十家雞犬聲在煙霞竹樹間有超出紛華之意故以名山○石豆都有獅子峰以形似而名峰前後有巨木成林元邑人顏丙葬母所植也丙後悟禪學號如

延平府志勝入卷之九

如居士所著有六時淨土文明太史曾祭獅峰雪

靈詩碧峰削玉若後猊旭日層巒雪霽時積素潛消山脊見浮嵐輕翳樹陰移祇應寰宇誇三白不似零陵望九疑最是客懷冬更好梁園賦就郢中詞○石豆都又有龍山宋黃裳云南望一峰若遊龍者即此山也余良弼居此山下建宜秋閣著書萬卷有龍山集○祥雲峰亦在石豆都宋紹聖中久旱里人相率至七臺山奉劉聖者像祈雨於此尋有祥雲垂覆雨即降峯下有釣潭邑人余起樂道自守不求聞達當咸平景德之際隱此峰下

爲舟往來垂釣潭中故名○七臺山距縣西四十
八里俗號曾遊高峰峭壁動逾千丈磊落相連莫
知其紀有巨石高數丈空洞可居樹頂皆禿積苔
若垂髮徑皆緣山脊行左右無依附苔厚處若
施茵褥山有微雲卽雨土人以爲候唐會昌中惠
應大師俗姓劉嘗居此山乘虎出入人以聖者呼
之○高峰都以高峰山得名其峰拔出群嶺卽
交溪溪源出沙縣大槎嶺流與衢村小溪合故曰
交溪唐懿宗時將樂人廖鎮爲吉王府司馬弟廖業
爲睦王府司馬遷居于此至宋朝廖剛廖德明以
延平府志勝入卷之九

理學廖中廖天覺廖邦傑以名臣廖澄以忠烈廖
遂廖執象廖曉廖衡廖伯憲廖駒以文苑皆著聞
于時其子孫今尚繁衍云○寶山在婁杉都峭拔
奇秀常現寶光故名絕頂浮屠梁柱椽瓦之類皆
斷石爲之右距高峰五里○水南都有徘徊嶺寢
宇記云島五十丈險峻鳥道至嶺頭路乃平坦尋
小溪而入徘徊掩映謂之佃村四面皆絕壁其水
自沙縣疵源分水爲界又沿流此嶺頭墮落石崖
兩處成瀑布各長十丈其下石井深不可測天欲
風雨井水輒作聲本志云一名亨龍嶺有巷亦名

亨龍宋謝實昕元符間來居食不烟火終日好眠
偶一日辭鄉里欲歸鄉人設供送別供罷入房衆
候久不出啓門視之但衣冠存焉衆乃驚異時山
中樵者見巷頂白鶴飛去而草石皆有脚跡○仙
源都有華陽山三峰並列山半有石門高崖數丈
雖盛夏寒氣凜然中峰之頂有仙水噴其石常潤
禱雨輒應○靈山在富屯都五代時一僧從王潮
入閩久之欲雲遊嶺表至順昌遙望此山幽峻乃
嘆曰此可爲終焉之計矣何必遠遊遂結茅於此
躬耕自給不與物接故人不知其名

延平府志勝入卷之九

永安縣在府城西
南二百里

清流賴世隆記云沙縣界於尤溪將樂清流三縣
之間常多盜賊出沒而浮流實當其衝屢遭焚掠
正統間御史張淑因過判倪冕之言奏請分爲縣
旋寢末年鄧茂七亂諸邑多殘破十四年賊平於
是浮流置縣之議乃定遂分沙縣及尤溪之地以
爲疆域賜名永安弘治四年城始成前阻溪後負
山而無庸壕塹云○縣圖經東山去縣一里許金
星山在縣西門外又西北臨溪有石壁巉巖如削
其上爲潭燕水所匯○浮流口在南門外唐李甫

與汀賊倅遇此處後兵不繼力戰而死屍浮水面
彌月不變鄉民歛而祠之貞元十五年勅封孚祐
廣烈王從享曰胡陳周張楊皆其裨將也○燕溪
者以其二水分流中隔一岡有似燕尾故名其源
有四一西出寧化縣境過清流下九龍謂之龍溪
一西南出連城縣境山古山謂之古溪俱至賴口
合流一南出寧洋縣境由黃歷車坡至燕溪一東
自大梅溪至塔下與燕溪會流過貢川經沙縣入
列溪○九龍潭卽龍溪之灘也曰長龍曰安龍曰
傷龍曰馬龍曰三悟龍曰五白龍曰興龍曰暮龍
延平府志勝不卷之九

壬

曰下長龍乃溪水最險處未至長龍有鐵石磯從
清流縣來者必艤舟於此厚縛竹葉遮蔽船頭別
募土人持篙前立遇龍處水之高低常數丈舟從
高墜下鑽入浪中躍起卽有巨石當頭相去寸許
土人以篙輕拄卽轉前灘水既懸奔又轉折於亂
石之間兩山夾峙險隘陰翳一瞬遲悞便爲齏粉
天下之險無踰於此矣內六龍屬清流縣下此又
歷十一灘至沙縣界○縣西南有安沙舊傳聚沙
成岸水漲不崩故曰安或云出九龍至此始安也
縣名安者取此○縣東北有貢川出箬精綴其

石桃源洞一線天諸勝邑人二守陳源湛所開山
蹊陡絕僅容趾步其巔田廬井井故有桃源之目
迤南者爲天斗山山益高峻自頂門下廣可五里
狀若斗然山陰一穴名風穴一洞名雲洞每雲自
中出卽雨石竇中有一石龍介在洞穴之間磴路
險巖人跡罕至惟樵者攀緣而上得觀頭角鱗鬣
之異○東南爲石羅山在萬山中突起七峰次第
排列面西有洞口狹中宏昔有隱者居之井甕並
存○柃欄山在縣北二十里多產柃欄木故名山
之峰巒巖岫不可勝數神剎鬼窟高下相屬其最
延平府志勝不卷之九

壬

者者有天柱峰與獅子巖並聳百餘丈如削山之
上有降仙臺一石高大而平如亭常有神仙往來
其間足跡尚存臺下一石室基局畧分明有黑
白數子左右蒼石可坐名爛柯石前有射琰峰舊
傳仙人嘗戲射於降仙臺以此峰爲塚宋明道中
耕者嘗得數十石箭於臺側○野雲洞其中雲霧
日夕吞吐○觀音巖在野雲洞傍石壁萬仞絕頂
寬廣砥平相傳仙人走馬其上蹄跡尚存名走馬
埭○銅盤澗流十餘里湑而爲潭泓渟涵碧按仙
橋○天池在山之頂廣里許澄徹不涸○樂音石

中空扣之則響又有金剛石寶蓋石試劍石天威石皆此山之絕境也宋左正言鄧肅嘗讀書山中自號研欄居士著有研欄集二十五卷肅少能文美風儀善談論與李綱爲忘年交在諫垣遇事敢言詳見宋史唐時有裴頭陀者以鐵履渡江來居此山剪荆棘結草廬趺坐其中座側石竅日湧米以贍之事林廣記云羽衣仙沙陽人疑卽頭陀宋李綱詩研欄百里遠沙溪水石稱爲小武夷列岫籠烟紅削玉澄潭浸月碧生漪猿猱飲水聯脩臂樛木留雲擁老枝天下幽奇多僻壤翻疑造化畏

延平府志勝不卷之九

壬

人知○百丈巖在縣北二十五都高約百丈周圍三里四面削壁中有一徑陡絕其巔常冒雲氣開霽之時香爐獅子諸峰悉見於前宋初銅盤村有馬五娘者少遇九天玄女授以玄秘馭氣煉形及笄父母強之嫁是夜忽生毒瘡臭穢不可近夫家棄還其父父亦惡之將沉之河倏然雲霧颺起羽駕來迎直上此巖於是二妹及嫂杜氏相隨至巖五娘食以仙果皆得遐舉鄉人因刻像祀之靈跡顯著巖背有新庵洞洞口兩壁峭絕直路如削洞中之石爭奇競異周覽不暇元周天玄坐化於此

○又五里爲翠竹峰宋秘書少監陳世卿居其下有師古堂世卿舉雅熙二年進士歷任秘書知廣州加賜金紫卒贈吏部尚書詳見宋史世卿有送客詩云師古堂前酒一樽共談時事過孤村臨岐馬上無多祝多買詩書教子孫世卿五子儼侃衛偉備並貴顯○又五里爲黃楊巖介在永安歸化二縣之間巖上多產小黃楊木故名又名萬壽巖又名鱗峰巖四壁如削周廻可十里角出群山之上有三洞相聯一在巖下淳化寺傍洞門空濶秉炬而入縈紆二里許路狹風駛炬隨滅不能進

延平府志勝不卷之九

壬

相傳有龍居其中土人常得齒牙骨角之類每雲氣氤氲於洞外卽雨有石龍鱗瓜皆具一在巖半名碧雲怪石狀如獅子洞極幽邃有穴上通天光僧廬其外一在絕頂有石井下透兩洞深不可測又一穴名天窓或投以石震響久之其深莫測巖之南有梅齋東有石門巖頂數峰突起奇詭萬狀宋鄧肅詩石壁巉巖驚鬼劃異艸幽花鎖春色群山迤邐不能高突兀獨磨霄漢碧芒鞋千尺上崔嵬手摘星辰足下雷撥破煙雲得洞戶醉眼恐是天門開入門嵯峨森碧玉冷風吹面天花散

胡床揮麈尾萬指難充空洞腹我因避地訪名山
扁舟夜渡沙溪寒辛勤博此一飲嘆太平猶在水
雲間猛將今無三角虎狐狸書號鯢鱗舞靈巖知
有老龍潛挽出人間作霖雨陳世卿詩朔風夜號
空千隅幾枝木深山自春色芳草不凋綠朋來得
進遊招提藏翠麓新酒赤如丹竹萌肥勝肉一醉
出門去缺月掛脩竹歸路沙溪淺危橋濺寒玉夜
過渭濱居門庭應不俗對坐寂無言泉聲如擊筑
宗明更可人相邀勤秉燭開緘得捷音豺狼俱西
北廻樞云可矣當心嗟未足西去有奇巖祥雲覆

延平府志勝

卷之九

三

華屋箕踞列千人未充空洞腹更約林宗俱來伴
白雲宿鄭域詩暮秋訪幽隱謝屐凌虛空行到山
之頂還與平地同舉手扶層雲下視無高峰疎藤
掛赤虬粘苔蔘青茸回首三神山縹緲滄海東指
點咲語高吹聲半天中安得大鵬背載我遊無窮
○又里許爲侍郎巖舊名翠雲宋熙豐間侍郎張
駕祭酒楊時司諫陳瓘讀書於此相傳三君子讀
書時不置卧榻飲粥飲水終歲不到巖下巖之旁
有觀音洞深可里許內多懸石彷彿菩薩羅漢諸
像又有石室廣可六七丈前數十峰如卓筆下有

石鼓及試劍石○縣南有甘乳巖在二十九都下
有洞廣袤約五十餘丈洞口怪石森列洞中一石
突出如蓮花泉自石中迸起滴巨石上如甘乳人
或以穢器承之泉脉卽斷傍一石穴風自穴中出
昔常有人秉炬而入越三日聞谿聲澎湃因怖而
出洞石一石罅深不可測出洞過石橋緣小徑至
山巔有看經亭亭後有小庵由庵前轉數十步一
小洞如覆鼎石光璀璨洞後又有一洞名透天相
傳神仙所宅○稍遠者爲通天巖崖壁峻絕山半
巨石橫跨如梁由石梁而過僅容二人闔首而入
延平府志勝

卷之九

三

其中夷曠泉石幽潔石梁後阻高山因而爲門其
山如竇仰見天光故名○又遠爲蘓巖平地拔起
千餘丈有一龍頭吐水注石穴中名滴乳井近巖
有池方廣畝許鱗屬甚多惟鯽差大游泳而人不
敢取

大田縣

在府城西
南四百里

本尤溪縣地我嘉靖十四年置縣從別駕林元倫
之請也所割者尤溪之十四都永安之一都漳州
府屬漳平縣之一里十社泉州府屬德化縣之黃
一關九四十圖極有溪山巖洞之勝○雙髻山

在城北高聳間秀雙峰並峙故名其遠者爲五
山五峰突兀天表惟兩峰最高自山下望之縹緲
如雙鬟亦名雙髻山○縣南大仙山亦有雙峰插
天如仙人角髻立于雲外蓋縣之鎮山也稍遠爲
雪山高千仞延袤十餘里臘月積雪經旬不消上
產草芋可和藥○鷓鴣山在城東其山三面壁立
下有灘水湍急傍一徑可達山頂又遠爲白鶴山
層巒疊嶂高聳萬仞山形昂然如一鶴獨立雲霄
改名○城之左右有赤白二巖隔溪相對其遠者
爲東巖巖根巨石屹立洞波間可坐而漁名釣魚
延平府志勝入卷之九

三

臺石壁流乳結成雙龍有水滴滴自龍頭下相傳
其一破風雨化去惟一現存又有青龍潭淵可里
許巨石高百尺俯瞰潭內石上書青龍二字隱隱
可見世傳龍乘仙人所書非人跡可到○靈惠巖
在縣西北拔地千丈許內有廳事環坐數百人洞
外衆峰森列如笋有泉出石罅間隨飲者多泉爲
盈縮曰聖泉巖名靈惠以此○太虛太和太玄三
巖各去縣四五十里太虛巖有冰壺洞可容二三
百人流乳積洞壁間高廣二丈如素鸞之騰翥又
有望鶴臺高平可坐數十人太和巖有仙人跌坐

跡下有懸石二叩之韻各鐘磬故名太玄者洞穴
幽窈遊人秉炬而入如行玄冬深夜中有石屏高
四丈許又有玉乳泉出崖根石竅中○洞三曰龍
口山有孔穴其氣吐出可吹木葉如龍噴沫故名
曰蒼玉自穹隆山迤邐而入有小口口有巨石三
小石支之內有懸鐘大士二堂石乳凝結冷然若
蒼玉也曰龍門峻絕萬仞無徑可登惟一小羊腸
通洞內亦可容數百人

延平府志勝入卷之九

三

邵武府志卷之六 領縣四

吳永安三年于建安郡立昭武鎮陸陸昭武縣
元康元年避諱改昭武爲邵武太寧元年改邵武
爲邵陽劉宋永初元年復爲邵武至宋太平興國
四年以縣置邵武軍治登高山去今治東三里
有鳥阪城在山之麓大溪之北其地曰故縣蕭子開
建安記云越王築六城以拒漢鳥阪其一也城北
有越王臺相傳無諸游獵之所故址猶存耕者于
土中得瓦有羅紋鴈翅之狀叩之鏗然作金石聲
宋黃希旦詩荒臺枕古丘伊昔越王游輦路今何
邵武府志勝八卷之一

在淒涼艸樹秋○志云入城之水有九曲源自樵
嵐濫泉東下十里注于油榨陂北折東流逾悟空
山以趨城西經泥橋北流鶯鷺池爲一曲循陰溝
入城過武德橋爲二曲至沙堤橋折而東爲三曲
至化源橋爲四曲又北折流入洋官三繞而東爲
五曲又折而北過泰和橋爲六曲北過晏公橋爲
七曲過昇平橋爲八曲下五姊橋爲九曲九曲之
水匯通濟橋出城東經七星橋入於大溪宋嘉邵
武道中詩風色戒寒候歲事已逶迤勞生尚行役
游子能不悲林壑無餘秀野艸不復滋禾黍經

成收歛已空畦田翁喜歲豐婦子亦嘻嘻而我獨
何成悠悠長路岐凌霧卽曉裝落日命晚炊不
容髮洞恒苦妻孥饑征鴻在雲天浮萍在清池微
蹤政如此三嘆復何爲季公晦樵川郊行詩避人
忘井邑耽靜步郊原落葉風能掃寒花霜更繁山
空樵響谷灘淺楫聲喧願結山陽伴長年共淮園

邵武縣 附郭

沿革見前宋太平興國四年置邵武軍以縣治爲
軍治別置邵武縣在軍治之左百步許卽今治也
○金鰲山在城西唐初建聖壽禪院院有浮屠因
邵武府志勝八卷之二

名西塔院夷堅志云有葬親于西塔院傍者踰月
墳崩掘得石銘云瑯琊王氏女江南熙載妻丙申
閏七月葬在石城西元黃鎮成西塔墓鐘詩山外
斜陽紫翠浮相輪無影半空秋晚鐘吹落人間去
一抹清烟淡未收明吳國倫西塔避暑石門迴舍
郡城西岸幘重來路欲迷池浴九龍將雨過塔標
雙鴈倚天低酒杯無用迤河朔屐齒還如在會稽
萬壑松濤吹日夜炎蒸那得到禪棲○樵嵐山在
西塔山後一名金蓮峰樵溪之水出焉宋石正言
詩居其地故又名三諫山其水從泥橋下過西

支經城內卽九曲溪也東支經南濠逶迤以出樵
溪溪上遠山多蒼崖紫石望之如紫雲又名紫雲
溪產魚曰鮓紅翼而白鰓冬月始出漁人競取之
宋知軍蘓爲詩樹紅雲白處寒瀬自漁川○熙春
山在水西一峰特聳勢如倪踞上有熙春臺天然
石山半有會景亭元黃鎮成熙春朝陽詩會景亭
前曉獨登晨艤一上萬山青蒲城桃李春如繡人
在金鰲頂上行按熙春山與金鰲山舊屬城內因
元時改城始在城外○熙春西塔兩山之間唐末
僧大瀉駐錫于此靈泉湧出名大瀉泉○丹臺山
邵武府志勝八卷之十

在城南通志云隋盧真人唐樊真人宋支離子黃
希旦皆煉丹於此按希旦長樂里人後居九龍觀
熙寧五年召至京師居二年化形太乙宮復見於
蜀有詩寄友人曰昔遊西太乙今日返成都若問
去來事雲藏月影孤元黃鎮成同御史鄭彥昭登
丹臺晨登煉丹臺雲磴互盤曲遙峰明晚翠近瀨
漱寒玉聯鑣得驄騎杖策偶馳逐坐久獨歸蓮
鷺出空谷○相近爲鷺峰山唐會昌中建鷺峰寺
今名福山寺元黃清老讀書於此清老字子肅五
歲日記數千言七歲屬文泰定三年浙江鄉舉第

一歷官國史編修多所著述學者稱樵水先生
清老福山寺詩晨光海上來雲氣升萬壑鷄鳴落
塢中殘鐘度城郭庵僧戴星出我自飯藜藿寧知
天地心但有山水樂書燈夜搖動霧氣侵几閣閒
扉得新月欲掩見棲雀煙霞暫相違筆硯庶有託
恒留松間雪付與雙白鶴庭柯換故葉林竹解新
籜何日芝艸開拏舟赴前約朱泚前題野鶴秋雲
共一鄉劉巖伐竹結禪房曇花落盡無人見老桂
深山自在香○萬峰山在城北以山據諸峰之會
而名相屬曰蒼山又曰石鼓山其下爲石鼓溪唐
邵武府志勝八卷之十

開成中銅川廖懋監昭武鎮鎮之西溪山縈繞嘗
遊而樂之一日驟雨溪水暴漲衝出一石其狀如
鼓懋因刻石鼓二字於上今見存溪北岸未幾懋
卒民爲塋於石鼓之右宋建隆中立廟紹聖二年
詔封惠化永利候廟額顯應○泉山在縣東北山
麓谷口僅容車騎循澗而入深邃夷曠有田數頃
澗水曲折山勢環抱宋黃通老築室居焉愛其泉
石澄瑩因取易蒙卦義命曰蒙谷朱熹嘗進謁先
以書投之曰今日將再拜堂下惟公坐而受之俾
進於門人之列則某之志也其爲學者所敬慕如

此後簡肅公卒晦翁爲作墓志○壽山在城西南其前有月山形如半月故名○鷄鳴山在縣東二十里宋開寶初盧絳叛入閩人不知避夜半忽山頂鷄鳴人皆起而賊適至遂得免害因以名山○白鹿山在縣東南四都唐樊燦師燒丹于此後乘白鹿而去名故○又二十里爲楊源山當邵武建陽二縣界舊名三臺山以其上有三級如臺然又十五里爲道峰山當邵武將樂泰寧三縣界危峰峭拔矗入霄漢有香爐石軟池岡羅漢巖聖光院諸勝寰宇記云道人峰負長溪面樵水秀峙數千里

邵武府志勝八卷之十

二

外其險處名羅漢巖下臨絕壑上有盤石禱雨者置淨瓶石下有水滴瓶中水滿自止有道人結庵修行號龔聖者喜乘龍往來頗有異迹明周文通道峰山詩道山峻嶒千丈高峰峰向下如奔濤岡巒雲氣互吞吐巖崖瀑布相喧嘈石櫺嶺屈蒼苔冷山開絕頂瞿曇境樹色深藏虎豹關日光斜抱魚龍影樓閣高撐起遠空微茫城郭暮烟中一泓海水秋無際萬里關河望不窮嗟予每愛雲松宿盡日登臨看不足秀色高峰若可分擬傍陰崖結茅屋龔瑞本西域人自幼出家遍遊名山至定

永遇交趾人劉則南華人楊源遂與入閩同參雪峰義存禪師剪髮爲頭陀法名龔志道劉志達楊志遠龔適道峰居萬靈庵劉適七臺山獅子巖居顯相庵楊適三臺山結茅以居有虎隨侍應呼而前鄉人稱爲伏虎大師因以師姓名名其山○七臺山在縣東一百五十里跨汀延邵三郡之境高二十餘里上有七臺曰台星曰文殊曰普賢曰會仙曰獅子曰雲曰月獅子臺有顯相庵卽劉大師道場庵前有百花洞洞邊有石穴常乾每旱疫禱之輒出水以灑田中則雨病者飲之則瘳宋黃本

邵武府志勝八卷之十

六

仁詩登陟最高頂四圍山盡低星辰可手摘杉檜與天齊只覺風生腋恍如雲作梯何當謝塵事來此共幽棲吳國倫詩鳥道青冥鑿龍宮絕壁銜臺支五色石僧老百花巖呪雨傳空鉢斲雲腰短鑊何年解出世靈氣入松杉又一柱虛無立群峰次第飛芙蓉開佛座蘿薜掛僧衣海月傳燈過巖雲作雨歸忙來稱淨土無自着塵機○天馬山在縣西四十九都一起一伏周十餘里勢如天馬從空而下元黃清老詩溪隨天馬西北行半空忽見蓮花生雙鸞欲下却飛去旌旗引入丹霞城紫蘿上

到猿啼處恍然曠坐消百慮千山無人雲氣深終
日徘徊不能去虛空樓閣時自開異香忽起三滴
臺風吹咲語落天半知是神仙騎鶴來百花潭上
春日照白鹿呼人猿亦惜路迷不敢輕問津恐有
賢人隱耕釣蒼崖九折樵徑通絕頂可見西陵峒
塵心豁然臂欲羽凍身直上凌天風○其地有龍
湖山崖勢峻拔深谷盤迴絕頂有龍爪石成穴湧
泉一泓溉田萬頃指月錄云龍湖普聞禪師唐僖
宗之子生不茹葷及僖宗幸蜀遂薙髮遊道人無
知者一旦入此山有苦行僧見師至乃曰上人當

邵武府志勝入卷之十

七

與此長揖而去師居十餘年因建崇刹號為龍湖
其傍有廣祐廟神為隋溫陵太守歐陽祐也義寧
初官清西歸舟次於此聞隋明既遷挈家水死鄉
人塋而祀之甚著靈異牲饗不絕師仗策至廟與
之約曰能持不殺戒乃可作隣不然何山不可居
乎是夕父老夢神見告永斷血食願為護法○翠
雲山在縣南四十二都明初張子冲居此子冲號
三丰俗名張邈邇本都人賣樵事母常曰一心無
罣碍願見呂先生十日砍柴未回忽一道人衣杉
襜褕突至其家告饑冲妻適炊糯米釀酒戒以少

食道人一噉而盡妻恐夫回見責道人令汲水一
缸以餘粒浸水拂袖而去頃之冲回妻告其事而
水悉成醇醪冲心知為呂追及之懇請求度道人
期以來年中秋建陽龍遊橋中三人共一日者即
是至期果然冲遂棄妻了入山初翠雲庵以居我
國初以妖賊中解南京開車不見子冲滿城皆破
笠敝衣竹冠道人後不知所終○又五十里為殊
山其側又有小殊山宋上官脩詩引云殊山視群
山最秀殊山之東小峰尤奇聳正對殊亭曩未有
名因命曰小殊山賦詩以識之詩云殊岫參差外

邵武府志勝入卷之十

八

孤亭瞻霽間氣清秋色早地迥夕陽開畫簫無真
史粧眉只半彎佳名從此遠喚作小殊山又雙岫
西南聳東山小更殊形分閭嶺秀名自隱翁呼曰
映光濃淡雲深色有無須憑想先手畫作遠峰圖
○桃花巖在縣東小僉嶺沂澗流而入十餘里在
山之絕壑處可容百餘人元黃鎮成詩小僉山中
數塊石上出浮雲幾千尺寒泉飛下絕澗響老樹
倒掛蒼苔碧巨靈劈斷知何年中有古洞藏神仙
蓬萊宮闕沿霄霽世外別有壺中天曉巖磊硯相
緣入雲霧晦冥光景集丹房石室淨無塵虎攫龍

翠半空濕山人舊說桃花巖山高水絕無山探我
來正值桃花發長嘯獨倚春風酣同遊雅士貪陶
趣自斷山雲燒筍具兩山流水一川花依稀似是
桃源處世上紛紛吹戰塵山中道人都不聞欲從
君住不可得一聲孤鶴唳空雲○白鼠村在郿城
南相傳此村嘗有白鼠白蛇相鬪因名今名白渚
萬曆四十三年村民掘地得白鼠七枚一母五子
雄者逸去皆實眼銀瓜身如白玉○長樂村建安
記云東漢時民居殷富地土廣潤孫策將欲檢其
江左時鄰郡逃亡或爲公私苛亂悉投于此因是
郿武府志勝八卷之十

九

有長樂將檢二村之名

光澤縣在府治北七十五里

唐武德七年闢郿武縣北鄉之地置洋寧鎮屬本
縣五代周改名財演鎮宋太平興國四年卽鎮西
北二鄉曰鸞鳳曰光澤置縣而以光澤爲名治杭
溪之南是以別名杭川○杭川俗名大溪源出極
高嶺分水至四都合三嶺諸水曰西溪至縣治西
納杭溪與徐源諸水曰杭川至縣東北烏洲與北
溪合曰交溪北溪源出雲際嶺其上有亭宋李呂
詩云凌空石磴三千丈匝地瑤林百萬花自有眼

來方見此直疑身已到仙家○雲巖山在縣南一
里蒼翠秀拔高入雲表宋李方子講學其下有雲
巖書院元虞集題崇岡似壁人跡罕經山上有湖
天欲雨則湧聲如雷神異錄云山神石氏東晉人
嘗爲父報讎殺人遁隱後爲此山之神能致雲雨
○烏君山在縣東北五里蕭子開記云山高二千
一百餘丈其椒有二石高十餘丈形皆蒼黑闕葉
分枝狀如雙尊謂之雙石寰宇記云秦漢之代有
徐仲山者於此遇仙妃假烏皮爲羽飛走上下今
山有烏君墓山因以名山山上有五雲樓元江適詩
郿武府志勝八卷之十

十

湖中烟鎖五雲樓洞口寒泉今古流見說秋高風
雨夜徐郎騎鶴更來遊宋李月洲烏山北樓詩烏
山之山山北樓高興憑空浩不收萬里風雲長入
夢百年詩酒只生愁依稀遠樹連寒郭蒼莽殘陽
落暮洲開道登臨有詞客仲宣何必問荊州○烏
石嶺與烏嶺山相接高二千六百六十丈有奇寰
宇記云烏嶺山在縣西北三十里嶺路峻極不通
牛馬以其與烏君山連接因以爲名魏王泰坤元
錄云郿武有庸嶺一名烏嶺嶺北隈中有大蛇長
七八丈爲人患都尉長吏多致苑者巫言神必啖

童女乃可穰令長因仙賃人家婢女養之八月祭
送蟠穴危九女矣將樂縣李誕有少女名奇者受
值應之自買好劍仍作數石米食用蜜澆之置諸
穴口馳夜出食餌目如二尺鏡奇放犬咋馳從後
以劍砍之馳踊出至庭而死東越王聞而壯之聘
以爲后○洞允巖在縣南五都管蜜山山有兩峰
相望前後皆石壁而巖在山下橫澗數丈昔聞有
管姓者因米糧蜜入山始知之○會仙巖在縣北
二十二都巖口有穴名石斗內方而深清泉常滿
相傳宋嘉定間有醉人褻賞其地火從斗發烈焰
邵武府志勝入卷之十

四起崖上有桃其實丹色熟卽墜人莫能得○相
連有黃茅巖其山石樓七重高下相透後有仙人
塚○玉珮隱居在縣西蓮花山下後唐光州鄭瓊
以僕射鎮茲邑卜居于此元至正間其玄孫良貢
扁以玉珮之名翰林杜本爲記○九里橋洪武十
三年僧靜逸建後圯宣德八年杉關巡檢陳洪重
建元危昂霄詞晴虹十丈跨杉溪偏稱夜涼時我
來正值一灘月響萬木霜飛謫仙不住人間世此
恨有誰知何人盡我倚闌得句已忘歸○石痕寺
梅溪寺俱在永德里唐會昌年建○崇安寺亦會

昌建者寺有八詠曰聖泉曰龍潭曰蛟穴曰龍潭
曰七楮曰八松曰萬竹曰雙柳矢名氏詠飛瀑詩
千丈垂流落遠峰紫烟照日見長虹銀河直向天
邊下應與廬山絕頂同詠萬竹詩叢篁密蔭互繁
迴野翠冥濛隱殿臺夜半啓窓看月色只疑疎雨
隔山來

泰寧縣在府治南七十里

三國吳永安三年析建安之校鄉西偏置綏安縣
東晉義熙元年改爲綏城至乾符二年析故綏城
縣地爲歸化黃連二鎮黃連爲今建寧縣歸化則
邵武府志勝入卷之十

今之泰寧也五代南唐保大元年廢鎮爲場中興
元年陞場爲縣治鑑峰之東屬建州宋太平興國
四年卽邵武縣置軍始屬邵武若泰寧之號則邑
人葉祖洽因右司郎中張汝賢奏改者縣東街尾
有畫錦橋以祖洽廷試第一錦遊而名○峩眉峰
在縣北安仁保周廻四十里高數千丈邑人比於
蜀之峩眉故名峰左有三仙巖上聳雲霄中有一
小穴夏月涼氣襲人石乳滴泉雖旱不竭前有三
山形如筆架名三清壇又縣東北有鎗山旗山牌
山亦以三峰相聯突起壁立甚高其地有所謂李

將軍者以驍勇聞關王時將也縣西北有人杉嶺
在福興上保相傳關王遣其將鄧植屯兵防禦於
此今其鄉惟鄧一姓云○挽舟嶺在縣西橋口保
相傳漢梅福煉丹于棲真巖丹成而山鬼竊之追
得于此故曰挽舟誤為挽舟耳○寶蓋巖在縣東
朱口保石巖如屋東西五十丈南北三十二丈高
五丈許一徑沿半山入高曠幽深巖西有石穴東
有漱玉泉後唐同光中蜀僧定慧始結茅居宋紹
興八年建寺曰寶蓋宋蔣之奇詩斷崖天削成雲
蘿可攀擊忽然至其上金碧藏餘舒揮手挹天漿

鄧武府志勝入卷之十

三

引吭吸陽華僧有定慧者相此山水佳卜居不復
出焚香擁袂裘嗟余但企仰涉世空誼譚安得寄
遁此可以忘幽遐張仕遜詩身為冠冕留心是雲
泉客每到雲泉中便擬忘歸蹟况茲寶蓋巖天造
清凉宅捨車官道傍誰知願言適○南谷在縣南
五里水南保有古澗層崖之勝宋知樞密院樞參
知政事鄒應隆歸老於此徜徉泉石理宗御書南
谷二大字賜之中有南谷亭又有南禪寺寺左卽
應隆墓張仲達詩陽和一夜回春谷暖透梅花初
破玉欲將消息訪南枝雪後携筇過山麓苔徑縈

迴繞石林步入巖巒深復深白雲清袖歸來晚只
在中山無處尋○又十里有齊雲巖在南會保俯
瞰大溪登之如在半空其右為獅子巖其巔為百
丈巖而巖趾峭削鳥道縈紆人迹罕到○又有甘
露巖高十餘丈深廣如之石門天成一徑如線飛
瀑十丈垂巖而下內有石乳滴泉如甘露故名宋
紹興中有僧倚巖架屋不假片瓦梁淮詩云久聞
勝地到無由今日追隨雪滿頭石髓香生甘露乳
巖簷影落梵王樓人愁石徑蒼苔滑鳥語山風碧
樹稠一縷爐烟飛不斷共談清話到茶甌卻恕詩

鄧武府志勝入卷之十

南

云蘭若半空中雲山第幾重瀑流千丈練鶴宿五
椒松曉雨禪房黑霜林木葉濃懸崖回首望歸思
過前峰○金鏡山一名大歷山一名太弋山在縣
西南七十里踰建寧寧化泰寧三縣界有八十四
面周四百餘里九域志云越王無諸遊獵遺金鏡
於此夜常有光上有龍湫瀑布仙池仙基枰馬跡
腰帶跣趺諸石元黃元實賦粵惟元氣盤東而融
結方屹后土之麗鴻判五嶽之峻極芳領波濤之
諸峰瞻茲山之巍巍兮據南紀之遐封視培塿綿
亘於炎海兮實閩嶠之一雄道人寶閣東望欲並

驪兮麻姑四顧搖曳乎空濛灘水環繞於其下兮
靈源仙穴與蓬島而潛通飛泉數道瀉寒玉平田
萬頃疏流激有時黃塵赤日吐雲氣洗滌旱暵回
和豐豈樵陽之巨鎮妙宰物之玄功重巒疊嶂世
傳八十四面方瀕洞變化杳靄誰能窮玉芝瑤草
聚珍產濯以醴露奉蒙茸碧樹玄猿蒼崖綠熊一
聲秋籟動林薄萬里月色橫長空凌空絕頂罕人
迹方惟有鞭鸞跨雀雪眉碧眼于此時相逢拂予
袂而遊觀方覺層雲之滋習涼風昔之有契兮無
光景而欣從想匡廬之逸興方擬追躡乎前踪松
邵武府志勝不卷之十

廕半榻對晴雪瑤琴五月彈清風與山君兮逍遙
肆巖栖兮從容泰山標日觀仙掌擎芙蓉顧珊瑚
之霞佩兮迺將服平壽宮委芳澤之所美兮懷丘
垤之所宗鏡山方鏡山八極分誰同垂鴻名於宇
宙配喬嶽於恒嵩○二十四溪源自南會保赤坑
兩傍夾以山石凡二十四曲至梅口入大溪有火
夾灘亂石巉巖兩崖壁立奔湍激浪其聲如雷下
流五里入雙溪渡黃元實記畧云縣西三十里石
山夾溪而立翠峯周密以藩屏山口已而兩岸開
豁桑麻沃衍梅川二市於是乎在其溪東接道人

峰水西與離陽水合復折而東趨於劍津溪合之
處平沙曠堤雨漲則瀾濤則夷可舟航而不可
輿梁故名雙溪實當汀邵往來之衝○瑞溪在縣
城西源出峨眉峰下會臨江寺前入大溪傍有瑞
峰巖故名山瑞峰巖東緣崖而上又有一巖廣五
丈許袤二丈高丈許有棋盤石徑可四尺無字一
小碑擲其下而跌存焉亦一巖也○天湖嶺下有
芭溪源自板陽張家山南際水流巖坊與滄浪水
合宋末有九巖鳳山巖肅三休巖參三愛巖岳衲
翁巖必進巖室巖必大良齋巖奇樵丈人巖仁子
邵武府志勝不卷之十

野巖若鳳滄浪巖羽俱能詩羽者詩法流傳于世
先有巖聚者著詩緝朱文公詩傳多采焉
建寧縣在府治南一百五里
寰宇記云本晉綏城縣地唐嗣聖五年析置將樂
縣水之南隸將樂屬福州水之北隸臨川屬撫州
乾符二年分故綏城縣地為黃連歸化二鎮而此
為黃連五年鎮入陳巖以鎮兵禦黃巢因表為義
寧軍置鼓角賜牌印治永安五代時南唐罷為永
安鎮宋建隆元年析置建寧縣屬建州太平興國
六年併永安場入縣改屬邵武○縣治在鳳山之

東灘江之北唐綏城縣在今治西南三里灘江木
綏江也源出金鏡山後乃訛綏爲灘遂稱灘江緣
繞縣治納寧溪都溪藍溪洛陽溪諸水至梅口與
泰寧水合○青山在南門外有陳璉翁所書青山
扁刻及練江亭○越二十里爲金鏡山已詳泰寧
縣下在此者據鏡村長吉將屯洛陽赤上赤下六
保絕頂有聖賢巖常出雲氣於其上又有石燕巖
一石罅僅容人身深二丈許盤折而入至正巖深
三丈許橫潤半之巖中有石屏屏後數步一石竇
通天光俗謂石天窓有石磴石床石解位置向背

邵武府志勝人卷之十

七

皆天成泉瀑清泚行於木杪而注絕壑山半有龍
潭澄澈無底跨洛陽保有東西巖舊時上有巨藤
橫亘可通往來後藤絕路遂隔跨將屯保有長嶺
曲折起伏長亘數里○東山有二一在在城保又
名何山山下有何潭環繞縣治循山石而上石磴
嶽嵌邑人登眺於此一在楚上保跨泰寧界○西
山在縣西形勢聳拔上有戰坪相傳南唐宋齊丘
督戰其上相連曰平山瀕溪山形如龜怪石巉巖
巔亦平坦可坐百餘人下有米洲在溪中鄉人以
沙之漲否卜歲之米價○楚陽嶂在楚上保楚溪

之陽俗訛爲楚王岡鄉人墾藝其間往往得古器
鏹盎鑪鉞之類其地復有金斗峰上有三大石石
上有七小石皆圓如是連絡不斷○鳳山亦在縣
西山分三支狀若飛鳳故名下有石笋高六七尺
通誌云宋元豐間樵者見五色禽翔集山上政和
元年建迎聖觀於山麓宣和間有道士王文卿來
遊每出鄉市遇兒童則戲索一錢畫雷於其掌令
握固行數步開掌則雷聲霹靂謂之賣雷公其題
詩觀壁云不肖年小日仰服誌公名恨不生羽翼
褰糧問道情旣而風馬牛蹤蹟遊神京遂失平昔

邵武府志勝人卷之十

十六

願至今猶飲聲此行謁玄元邂逅瞻神形令人遂
解體後嗣皆豪英可以光大教振我三元精一日
平旦風雷晦冥因失文卿所在宋邑人俞豐遊鳳
山詩老樹蕭蕭吹古風蒲梢落葉鳴寒蟲插天殿
閣雲不鎖挺柱石筵擎太空鳳去臺空秋寂寂瑤
草離離自青碧玉蕭奏徹渺遺音十二闌干間月
色謝馥前題高臺昔日儀鳳凰于今鳳去臺亦荒
蒼蒼竹實凝寒露颯颯梧葉生秋涼西風返照開
晴色閒步瑤壇訪仙蹟道人誦罷藍珠經老鶴一
聲山月白○百丈嶺在藍田保山極高峻乃江閩

分界鳥道懸絕越王無諸嘗獵於此因築臺故址
猶存○椒屯墟在三都宋黃伯原詩云喬木村墟
十里秋魚鹽微利競蠅頭平坡淺草眠黃犢小渚
輕波泛白鷗竹外客誼山市散柳邊人醉酒旗收
清幽恍惚西湖上惆悵歸來獨倚樓○建寧縣有
洛陽村青細雜記云太傅張公宰邵武時以公牒
至建寧縣道出此村山路險峭絕不可名狀嘗
題一絕于村寺曰金谷花時醉幾場舊游無日不
思量誰知萬水千山裏枉被人言過洛陽太傅張
公度也仁廟時光化軍人

邵武府志勝卷之十 九

湖廣總敘北至京師三千里領府十五直隸州二

湖廣行中書省國初吳元年二月乙卯設
上以樞密院判楊璟為參知政事仍命左丞相徐
達率師按視荆湖惟璟與俱勅諭之曰武昌既
平湖南列郡多陳氏部曲觀望自疑亦有山寨遺
孽憑恃險阻爾當撫輯招徠俾安生業其往欽哉
○按湖廣昔為江漢之地左傳云江漢沮漳楚之
望也湖廣之名雖本于漢之廣矣之語然湖廣湖
北在隋唐時已稱之攷沮漳二水自荆岳間始入
江漢水自鄖襄來歷承德漢陽諸郡以入江其流
漸廣通省宋總敘
雖長實不能過楚境而有之惟洞庭湖亘辰常衡
永之區歷長沙寶慶二府至岳州與岷江合逕武
昌而入漢黃則是一楚地而非洞庭湖水之源
委也廣之為義此實該焉且荆西南沔陽太白諸
湖亦茫茫乎巨浸相望矣湖廣二字非

聖裁烏足以定之臣學佺謹記○今武昌漢陽黃

州三府屬武昌道承天德安二府屬荊西道鄖陽
襄陽二府屬上荊南道荊州岳州二府屬下荊南
道衡州永州二府屬上湖南道長沙寶慶二
府屬下湖南道常德辰州二府靖州屬湖北道

武昌府省下領州一縣九

漢之江夏郡也春秋謂之夏汭昭五年吳伐楚沈尹射奔命于夏汭是矣漢書高帝六年分南郡置江夏應劭注云沔水自江州至南郡華容爲夏過郡入江故曰江夏也按江夏郡兩漢俱治安陸自吳孫策命周瑜爲江夏太守始治于此今郡乃江夏之沙羨縣地後漢獻帝建安末年黃祖爲江夏太守吳主破黃祖于沙羨取其地爲都遂改武昌然是時吳所建都在今之武昌縣非郡治也南齊志云晉庾翼爲江州治夏口宋江夏郡治夏口則武昌府志勝卷之一

今之郡理耳宋書江夏郡統縣七治江夏而鄂縣自隸武昌則江夏與鄂自是兩處隋唐名鄂州者蓋世本云楚子熊渠封中子紅于鄂然亦今武昌縣也以武昌名郡自唐元和置武昌軍始宋復名鄂州元大德中改武昌路至正末爲陳友諒所據俾其子理守之國初癸卯冬十月太祖高皇帝親征先是友諒丞相張必先引兵入援次洪山上命大將常遇春乘其未集擊之遂擒必先又命傅友德陣于高冠山俯瞰城中于是友諒子理出降封爲歸德侯湖南州郡聞風款附

吳元年立武昌府隸湖廣中書省與武昌衛同城江夏縣附郭

釋詳府下自漢至晉皆爲沙羨縣地太康元年改爲沙陽今縣東南入蒲圻界魚嶽山南沙陽故城是也東晉汝南郡流人寓夏口因僑立汝南郡縣晉末始改江夏又攷隋書平陳之後置鄂州治于此以江夏郡爲縣居舊汝南縣界荆湘記云金水北岸有汝南舊城是也開皇十年韋彪于州東南焦度樓下立縣治唐武德初移城南平地卽今理按焦度字文績宋明帝時爲武陵王參軍沈攸之武昌府志勝卷之一

起兵至夏口度力拒之竟不能攻後人因以焦度名樓卽今之子城也張舜民言武昌城制作皆與潤州子城金城覆舟山城武昌吳王城制作皆一體依山負險周迴不過二三里乃知古人築城欲堅不欲廣也○汝南城在郡西塗口注水經云塗水逕汝南僑郡故城南晉咸和中避寇南遷因置戶口于塗水側塗水卽金水也去縣南九十里源出秦山西注入大江舊傳有金鷄從鷄翅山南飛產金于此因名金水又名金口其入江夏謂之塗口○夏口城在黃鶴山東北吳孫權所築對岸

側入沔津劉宋郢州治此亦名郢城梁武帝起義
兵遣曹景宗築曲水城及攻郢城屯兵于上俗名
曹公城去縣東北二里○曲水在縣東二里梁邵
陵王蕭綸雅好賓客暴王石軍蘭亭流觴曲水之
興故以效之○黃鵠山在城西南隅山形蜿蜒俗
呼蛇山昔仙人黃子安騎黃鶴憩此有費祚洞在
山陰亦傳其爲駕黃鶴仙去者梁任昉記以昇仙
事乃荀瓌字叔璋非費文祚也志云黃鵠山蛇行
而西吸于江其首隆然黃鶴樓枕焉其下爲黃鵠
磯有石照亭在樓之西臨崖有石如鏡每爲西日

武昌府志勝

卷之一

三

四

所照燭然發光又有十盤亭舊記云東有亭西有
菴十盤而上故以名之唐崔顥黃鶴樓詩昔人已
乘白雲去此地空餘黃鶴樓黃鶴一去不復返白
雲千載空悠悠晴川歷歷漢陽渡芳草萋萋鸚鵡
洲日暮鄉關何處是烟波江上使人愁輿地碑曰
云黃鶴樓記唐永泰中閻伯珪撰魏萬成書李陽
冰篆額黃鶴樓詩宋太宗御書刻在州治○漢水
詳漢陽郡下其渡口卽漢口也有晴川閣在山上
與武昌郡城正對今府治正當漢陽門內唐李鄴
詩雲開遠見漢陽城猶是孤帆一日程○鸚鵡洲

在城南跨城西大江中尾直黃鵠磯卽黃祖殺禰
衡處正平嘗作鸚鵡賦後因遇害故以得名塚廟
記云漢禰衡墓在鸚鵡洲畔唐李群玉詩漢陽抱
青山飛樓映湘渚白雲蔽黃鶴綠樹藏鸚鵡憑高
送春日流恨傷千古遐想禰衡才令人怨黃祖○
鳳凰山在郡治北吳黃龍初夏口有鳳凰見卽此
山也唐岑參詩路指鳳凰山北雲衣沾鸚鵡洲邊
雨○注水經曰江水又東逕歎父山南對歎洲亦
曰歎步矣江之右岸當鸚鵡洲南有江水右逕謂
之驛渚右岸有船官浦歷黃鵠磯而西江水又逕

武昌府志勝

卷之一

四

黃軍浦按黃軍浦在鸚鵡洲下本以三國黃蓋屯
兵于上故名沈攸之謂暫泊黃金浦蓋聲之訛也
其相連爲南浦源出景山西流有趙佗石在其內
長十許丈高半之今昔相傳送別之所楚詞云送
美人兮南浦唐盧鄆詩草生南浦徧離情○洪山
在縣東十五里舊名東山茶譜云鄂州東山出茶
黑色如韭食之已頭痛唐大觀中建洪山寺于此
以隨州大洪山僧靈濟嘗至此因名山竇怪石上
鐫有堆雲翠屏獅子峰窪樽數景僧舍分翠軒後
石壁上勒洪山賦盈數十尺在榛莽間不可讀又

縣南三十里有夜泊山以駱禪師泊舟于此也世傳禪師嘗飛錫八分山有泉出焉大旱不涸八分山者其水分流如八字下注爲八分湖建康錄云武昌有山無林正可畝始不可居終山分八字數不及九卽此謂也○寰宇記云治唐山在縣東南二十里舊傳晉宋之時依山置冶因以爲名又十里爲大觀山其土赤色如金亦名金華山有虎跑泉在其內又十里爲江夏山峰巒重疊本名峽山唐天寶間改今名又二十里爲黃鶴山其山斷絕岡阜昔有仙人控黃鶴從天而夜響者李太白詩

武昌府志勝不卷之一

五

東望黃鶴山雄雌半空出四面生白雲中峰倚紅日巖巒既穿峰嶂亦冥密頗聞列仙人於此學飛術一朝向蓬海千載空石室金竈生烟埃玉潭秘清謐輿地紀勝云黃鶴山起縣東境迤邐至西北水經注云林巒甚美譙國戴仲若野服居之其山下曰黃鶴岸有灣曰黃鶴灣○九峰山在縣東六十里峰巒相次有九故名其上爲九峰寺國初高僧無念所開山也

高皇帝時召入京御製詩送之還山無念卒遣人賜松花併詩葬于塔下今其地松樹連陰盤結數

十里○縣東南二百里有金城山注水經云陸水經下雋北對金城吳將陸渙所屯按卽南遷錄所云金城險固者也紀勝云陸水卽雋水自巴陵入通城縣界漢書雋水也又肥肉曰雋以此名水者取其味甘美而長云○輿地碑目云漢陸賈碑在縣西南陸大憲廟卽祀陸大夫者俗傳賈碑在至江夏而亡郡人立廟祀之有碑斷裂然于史無攷或卽吳陸抗云○頭陀寺碑晉瑯琊王簡栖文唐開元六年張廷珪書今亡新碑乃江南徐鉉篆額韓熙載撰碑陰寺居黃鶴山南皮日休讀書堂

武昌府志勝不卷之一

六

在其內○隋文帝舍利石塔銘在城東十里勝緣寺舊記云隋仁壽年文帝以釋迦如來感應舍利分布天下建塔百所是塔爲天下第二○緣果道場磚塔舍利銘亦隋人撰近日居民掘地得之○晉孟宗宅在城南舊爲靈竹寺卽宗哭竹之所又其傍有丁固宅今爲淨脩寺固亦爲母思笋泣竹者母嘗作大被以招賢固文學因推重于時云○唐李北海宅在脩靜寺卽李邕所居青蓮集有游脩靜寺詩○太白書堂在縣南三十里地名書堂林有祠堂在其側○李陽冰鄂州篆字在治內相

傳纂此字時鬼神泣于空中士大夫爭慕以致達
謂可禦魑魅○蘇子瞻竹鶴堂額元豐己丑二月
題近日居民掘地得之右去縣東南五里

武昌縣在府東北一百八十里

秦鄂縣漢武帝封姊為鄂邑長公主于此吳孫權
徙都之更名武昌仍與鄂縣並置隋省鄂入武昌
○注水經曰江之右岸有鄂縣故城舊樊楚也世
本稱熊渠封其中子紅為鄂王晉太康地記以為
東鄂矣九州記曰鄂今武昌也孫權以魏黃初元
年自公安徙此改曰武昌徙鄂縣于袁山東又以
武昌府志勝本卷之十一

七

其年立為江夏郡分建業之民千家以益之至黃
龍元年權遷建業以陸遜輔太子鎮武昌孫皓亦
都焉皓還東令滕牧守之晉惠帝永平中始置江
州傳宗為刺史治此城後太尉庾亮之所鎮也今
武昌郡治城南有袁山即樊山也武昌記曰樊口
南有大姥廟孫權嘗獵于山下依夕見一姥問權
獵何所得曰止得一豹曰何不豎豹尾忽然不見
應劭漢官序曰豹尾過後執金吾罷屯解圍天子
鹵簿中後屬車施豹尾于道路豹尾之內為省中
蓋權事應于此故立廟焉又孫皓亦嘗登之害常

侍王蕃推其首使虎爭之北背大江江上有釣臺
僅常極飲其上曰墮臺醉乃已城西有郊壇權告
天卽位處顧謂公卿曰魯子敬嘗言此可謂明于
事勢矣城東故城言漢將灌嬰所築也江中有節
度石三段廣百步高五六丈是西陽武昌界分江
于斯石又得東五丈又得沙浦江浦也東遷五磯
北有五山汾次江陰故得是名仲雍謂之五圻矣
○按九州記鄂王城在武昌縣西南二里楚僭稱
王也今人祀鄂王神遺像存焉屬馬蹟鄉○吳王
城在縣東一里周四百八十步有五門各以所向

八

武昌府志勝本卷之十一
為名惟西角一門謂之臨津北臨大江晉中興書
云陶侃領江州刺史鎮武昌課種柳都尉爰施夜
盜拔郡西門柳為己所種侃後因駐車施門問此
是郡西門柳何以盜種施怖謝罪時人憚之其朱
門有夷市亦士行所設上俗編云晉西陽有豫州
五水蠻陶侃鎮武昌時作夷市于吳城東以交易
是也○吳王城內有安樂宮宮前有御溝水流山
為牧馬港卽吳王飲馬處宮殿故基今為天王殿
相傳南樓卽安樂宮端門今之譙樓也晉庾亮鎮
武昌佐吏殷浩輩秋夜共登南樓俄而亮至將

避亮曰諸君少坐老子于此興復不淺便據胡床
談咏彌夕唐李白詩清景南樓夜風流在武昌庾
公愛秋月乘興坐胡床○宋慶元中修南樓剝土
有大石露于外形狀奇崛郡守吳堉見而愛之洗
剔出乃磨厓二碑其一刻兩字曰柳君徑二尺四
寸筆勢清勁下若翻書人字或以爲符或以爲花
押邦人至標飾神堂香火供祀其一高丈一尺濶
加五寸刻字八十五凡九行其文曰乾貞元年荆
襄寇亂大吳將軍出武昌詔太守楊公出鎮後荆
江京漢推忠輔國侍衛將軍吳居中記○樊山在

武昌府志勝不卷之一

九

縣西三里出紫石英山之東十步有岡岡下有溪
曰寒溪中有蟠龍石舊傳龍蟠于此石上有廣宴
亭故址卽謝朓詩樊山開廣宴者也搜神記云若
大旱以火燒山卽能致雨往往有驗世傳孫權嘗
出獵此山見一姥曰我舞陽侯樊噲母也魏將伐
吳當助予一戰後果有赤壁之捷因立廟祀之以
名其山今有樊噲摩旂石按春秋語云郢渚樊楚
則樊山之名亦不起于三國矣○西山卽樊山也
有泉曰菩薩水晉時書滴滴泉三字刻于崖頂有
寺曰西山寺黃魯直題榜蘇子瞻張文潛皆有詩

其序畧云吳王避暑宮在寒溪上今園通閣是也
宮前銀杏兩株大十圍時鄧聖求爲武昌令東坡
居黃與武昌相望嘗往來溪山間後與聖求會宿
玉堂話舊作詩云憶從樊口載春酒步上西山尋
野梅西山一上十五里風駕兩翼飛崔嵬同遊因
卧九曲嶺寒衣直到吳王臺自註云吳王臺在寒
溪有吳王讀書堂堂下有泉世號吳王井○九曲
嶺在樊山南嶺路曲折凡九故名有九曲亭亦名
最樂亭蘇子由記云將適西山行于松柏之間羊
腸九曲而獲少平其下爲寒溪雖盛夏涼氣逼人

武昌府志勝不卷之一

十

晉陶侃讀書于此卽寒溪寺故基○散花灘在寒
溪之側歐陽修集古錄云吳王散花灘疑當時苑
囿之別名也怡亭石門窠樽俱在此灘上○怡亭
唐裴鷟作宋將之奇云怡亭銘刻于江濱巨石上
乃唐李陽冰篆李萇八分書裴瓚銘世謂之三絕
○怡亭西有殊亭唐武昌令馬向作元結記畧曰
取其才殊人殊而此亭又殊也○石門者兩石對
峙如門亦馬向與元結同遊處石刻尚存○窠樽
宋縣令朱茝書江濱有石其形窠唐縣令孟士源
命爲杯樽以盛酒元結銘曰時俗流狡日益爲薄

誰能杯飲共守淳朴○郎山在樊山南一名郎亭
山高八十丈周十里樊山之別也土俗編云郎山
樊山相接而中斷江上望如八字山下有杯湖孟
士源居之元次山序云杯湖東抵杯棹西浸退谷
北屈南山南淮郎亭郎此退谷在樊山郎亭之間
卽元結所居五代梁朱友恭徑此鑿山開道射以
強弩遂拔武昌○萬松山在樊山北臨江松陰夾
路特爲幽邃蘇子瞻同弟子由嘗憇于此其詩註
云路有直入寒溪不過武昌者山下之捷徑也○
樊山下爲樊口亦名樊港又曰袁谿控縣湖澤凡

武昌府志勝

卷之一

土

九十九東南淮樊口入江蘇子瞻云樊口有潘生
釀酒醇美小舟往來于其間聊以適興耳潘生卽
潘邠老也○江表傳云晉陶侃卒于樊口百姓思
之因立有廟在縣西北一百步龍蟠石側俯臨大
江江濱有敗船灣○水經注曰江水右得樊口樊
口之北有灣昔孫權裝大船名曰長安載坐直之
士三千人汎之江津欲泝釣臺時風大威權令當
頭取羅州谷利拔刀向舵工曰不取樊口者斬工
卽轉舵入樊口風益猛不可行其舡至岸而敗故
名其處爲敗船灣因鑿樊山爲路以登名爲吳造

峴當樊口上一里今厥處尚存○釣臺在縣北大
江中孫權嘗駐兵于此晉王敦坐釣臺其子應聞
鼓聲有異語敦曰匪飄颻也使人視之果然○土
俗編云江中有大小圓在樊口者曰大圓在釣臺
下者曰小圓元次山歌樊水欲東流大江又北來
樊山當其南此中爲大圓叢石橫大江人云是釣
臺水石相衝激此中爲小圓○羅洲一名羅洲亦
名蘆洲輿地志云伍子胥叛楚于江上求渡漁父
曰灼灼分侵已私與子期分蘆之漪子胥旣渡解
劍與之不受子胥令其勿露漁父遂覆舟而死又

武昌府志勝

卷之一

土

云縣東三里有節度石舊傳子胥去楚漁父接渡
于此後訛爲節度石石上更有人跡卽水經注云
西陽武昌分界處○五丈湖在縣東八里舊名南
湖湖通江夏經冬則涸無所產植陶侃作堤水常
不竭魚菱以蕃美異他產晉末臧質敗走入南湖
中以荷葉自蔽卽此處也今名羊欄湖○五圻在
五丈口之下五洲與解劍亭相對齊安拾遺記以
子胥解劍授漁父處舊有亭臨池蘇子瞻詩歸來
解劍亭前路蒼崖半入雲濤堆○東坡嘗以伍員
渡與劉郎狀爲的對舊傳孫權迎蜀主劉備于此

或曰舊名流浪後訛爲劉郎在縣東江○劉秀才
王齊萬寓居劉郎泚蘇子瞻贈以詩云傾家取樂
不論命散盡黃金如轉燭惟餘舊書一百車方舟
載入荆江曲江上書山亦何有五湖遙望劉郎泚
○郊大壇在縣西卽鄺道元稱吳王卽位處南郊
壇在縣南岡孫權告天地于此其上有二柏樹晉
書王敦收郭璞請南岡斬之璞曰我必死于雙柏
下卽此○縣東三里有虎頭山以形似而名又名
鳳穴山吳黃龍初有鳳凰集其上梁庾信哀江南
賦所云龍蟠鳳集者也有鳳凰臺故基卽吳大帝

武昌府志勝

卷之一

三

與周瑜魯肅定策建都之所臺下爲清思池多蓮
花縣南五里又有蓮花山古老云芭類荷葉此山
若蓮花之浮水○縣西南十里爲瓜圻以吳王種
瓜于此縣東七里有吉祥山亦傳吳王徵時隱
所唐羅隱詩吳王當時隱此山吳都去後綠潺潺
○城邑攷云梅城在縣西五十里周一百六十五
步高一丈居半川吳黃武年所城又二十里爲什
城不知所始城中有龍巢兩殿碑○又五里爲神
人山高十丈周十里歷代帝王紀云吳建衡年有
神人乘白鹿從此山出其下爲白鹿磯廢城塘縣

武昌府志勝

卷之一

四

武昌縣並隸壽昌軍旋已之又十里爲三角山巍
然數峰秀挿天表狀如三角故名又二十里爲虬
山山陰有龍穴續搜神記云居人每見神虬飛翔
出入早禱卽雨後人築塘其下曰虬塘又五十里
爲武昌山晉武帝時宣城秦精入此山採茗遇一
毛人長丈餘引精至山曲示以叢茗旣別復還探
懷中橘遺之精柿頰著而歸括地志云山以縣名
者武昌其一也

嘉魚縣

在府東南二
百八十里

水經注曰江水又逕魚嶽山北下得金梁洲洲東

對洲步洲江濱從洲頭以上皆壁立無岸歷專岐至白沙方有浦上甚難江中有沙陽洲沙陽縣治也縣本江夏郡之沙羨矣晉太康中改曰沙陽縣宋元嘉年割隸巴陵郡江之右岸有雍口亦謂之流口東北流之長洋港歷石子岡岡上有故城卽州陵縣之城也莊辛所言左州侯國矣港水東南流注于江謂之洋口南對龍穴洲沙陽洲之下尾也洲裏有駕部宋景平年迎文帝于江陵法駕屯此因以爲名有黑龍躍出負帝所乘舟左右失色謂長史王公言曰乃是禹所以受天命也我何德

武昌府志勝不卷之一

五

以堪之故有龍穴之名○江水又東左得子練口北通練浦南直練洲練名所以生也江之右畔得蒲磯口卽陸口矣水出下雋縣西三山溪東逕陸城北又逕蒲磯山北入大江謂之刀環口東北對蒲圻洲亦曰學洲又曰南洲洲頭卽蒲圻縣治晉太康元年置洲上有白面洲洲南又有滌口水出豫章艾縣東入蒲圻至沙陽西北魚嶽山入江山在大江中楊子洲南孤峙中洲江水左逕烏林南吳黃蓋敗魏武于是處也○禽經云嘉魚縣有魚嶽大崖之山瀕江爲赤壁北可望烏林陸口按魚

嶽山在縣西北二里以形似而名魚山水驛設此本晉沙陽縣地隋廢入蒲圻又以其地多產鮎魚因置鮎濱鎮南唐保泰中始陞爲縣○大崖山在縣西南與石頭九隴相峙山頂多巨石外竅中虛古洞深窅懸崖峭削如壁視諸崖爲最大下臨淵洲卽酈道元所云壁立無岸者也九隴山去今縣南六十里其山九隴四合又二十里爲石頭山入蒲圻界○蒲圻縣吳孫權置在蒲圻湖側以其地多生蒲草而名實今嘉魚之境王象之輿地記引唐章懷太子註劉表傳云赤壁山名在今鄂州蒲武昌府志勝不卷之一

六

圻縣元和郡縣志亦云赤壁在蒲圻縣西百二十里北岸卽烏林乃周瑜用黃蓋策焚曹公舡處蓋唐蒲圻臨江之地後析入嘉魚則在今嘉魚明矣江漢間言赤壁者漢陽漢川黃州江夏嘉魚凡五處然當縣原與漢陽江夏接壤但黃州差遠耳黃州乃赤鼻山非赤壁也本于蘇子瞻前後二賦蓋當時劉備居樊口進軍逆操遇于赤壁赤壁當在樊口之上又周瑜傳云赤壁初戰操軍不利引次江北則赤壁當在江南亦不應與黃州同在江北也東坡詞云人道周郎赤壁亦屬疑似之辭李白

三龍爭戰決雌雄赤壁樓船掃地空烈火張
天照雲漢周瑜于此破曹公狂牧之絕句折戟沉
沙鐵未消自將磨洗認前朝東風不與周郎便銅
雀春深鎖二喬○陸口在赤壁之北今名陸溪口
孫權使陸遜拒劉備于西陵權屯陸口爲衆軍節
度處○百足山在縣北五里山勢綿延東西二十
里如百足練其下臨江卽練子口○白面山在縣
南十里世傳有禱此山而生三子皆白面及死爲
神故名舊蒲圻縣置在白面山前白面洲上輿地
紀勝以縣西南三十里龜湖山石色純白有如白

武昌府志勝不卷之一

志

面者然○秦鐘山在縣南三十里世傳秦時于此
鑄鐘其下爲太湖近歲水涸夜有光怪漁者認
其處而掘之得古銅鐘宋泰觀爲吊鑄鐘文者○
縣東有岳公湖以宋時岳武穆所駐節有岳公樓
在其上縣東北之楊家渾陸溪口之上流也水經
注云魚獄山在楊子洲卽其地○縣東北四十里
爲蒲州鎮設有巡備司其地間復舟行風色不常
俗名爲蒲洲蒲洲水驛去縣北百五十里

蒲圻縣在東南

吳赤烏九年分武昌爲兩部自武昌以下至蒲

圻爲右部始置蒲圻縣舊在白面山前今屬嘉魚
境宋初乃移今理○治北有沙陽城基址畧存今
張巡廟是也東北有岳公城宋岳飛征楊么所築
○縣西南八十里有太平城吳孫權遣魯肅征零
陵時築注水經曰陸水又入蒲圻縣北逕呂蒙城
西昔孫權征長沙零桂所鎮卽此城也○蒲經云
蒲首山在城西三十里蒲圻之首山也縣峙金紫
白石二山多泉湖其南爲蒲圻之河合修雋桃溪
二水西北流至陸溪口合于大江○按志白石山
在縣南二十五里山多白石故名其下有顏真卿

武昌府志勝不卷之一

志

祠又五里爲金紫山每遇晴霽嵐光輝映如畫邑
之美觀也○石泉湯泉在縣東南各三里石泉者
泉出石中其味清冷湯泉冬夏常沸炎蒸上達又
桃花泉發源南山下泉小而深流合荆泉神山泉
發源縣西北四十里之神山湖水環遶泉湧湖中
其深莫測○荆港發源荆泉洞去縣南十五里傍
列怪石形狀不一中有石田溝墜居人歲視燥濕
以占豐凶洞門濶四五尺有泉六左曰荆泉名最
著合流數里入于鐘潭又縣西二十里有西泉山
多產竹亦名竹山其麓有洞名竹山洞洞口濶五

六尺有潭水傍皆石汀沙磧徑曲不窮又迂鼓行將二洞俱有石門潭水已上諸泉皆會荆港流入蒲圻河○蒲圻河發源江西寧州之修水合通城縣雋水北流至崇陽會桃溪水折東而西過荆港北逕治南繞其東北復折西北至陸溪口出大江按縣東北三十里有洪口山兩山對峙中貫洪溝雋水所出也○梅湖在縣南錦湖在縣北西梁湖在縣西即蒲圻湖也吳置蒲圻縣于此○縣西三十里有盤石湖又二十里有大羅湖又十里有龍坑湖馬蹄湖滄湖又十里有柳山湖俱流出通新武昌府志勝本卷之一

元

店湖○新店湖發源臨湘西入縣界經新店市入嘉魚縣黃岡湖至石頭口會大江○輿地碑曰云帝舜廟碑在治之龍翔山西內載二妃文漫滅不可讀○唐寶參它在定相寺參末第時肄業于此山神告以他日當富貴果如其言因捨宅爲寺

咸寧縣

在府東南四百里

本隋江夏縣南境唐大曆二年置永安鎮南唐陞縣宋景德四年避永安陵諱改爲咸寧○志云相山在縣治東南半里以宋馮當世嘗讀書其上也○金燈山與相山相接上有善暉禪師塔每月夜

釋光如燈至曉乃滅○浮山在縣東南五里卓立塘中若浮故名○潛山在縣南二十里形如旌旗晉葛洪修煉于此有潛山碑及李唐侯記又二十里爲蘆花溪相傳時有老姥採蘋于溪側人問之曰吾鮑姑也亦洪崖先生浴丹之所○車輞山在縣東四十里山形圓曲如車輞故名○白雲山在縣東南六十里巍然獨立望見江夏之白雲湖其山下爲蘆花泉昔有白衣男子告邑人禱雨者以縣之高槎泉可致仍指蘆蘆爲識卽此處也再四十里爲鐘臺山山上有桃花洞唐李邕讀書石室武昌府志勝本卷之一

三

尚存頂有石臺又有石鐘或時自鳴○寓仙洞在縣南三十五里洞門高廣其深莫測寒氣襲人有白石如簋滴水結成龍蛇狀○石龜洞在縣境洞門深狹既入輒寬平上有石龍水吐龍口晝夜不絕○大泉小泉俱在縣西南苦竹嶺下鳴水泉飛沙泉俱在縣西南十里其地可零○沸泉廖家泉俱在縣東十五里○石燕泉沉泉在縣西五十里源出蒲圻入當縣界數里下注石竇中聲如萬鼓伏流不見○西河其源有二一出浚水嶺一出北泉至雙汊合流入梓潭湖在城北十五里爲邑境

泉流之匯從東北過斧頭湖至金口入大江

崇陽縣在府南四十里

漢長沙下雋縣地梁陳之雋州唐及南唐之唐年縣也宋改崇陽本于楊吳之名按志唐年廢縣在城東二里桃溪橋之左高崇文孫驤者號愚翁隱于此地今名高家亭○志云大集山在縣北五里自通城龍窖山發源歷方山大石嶺而東至此諸山崇聚故名縣曰崇陽以此治南十里金櫃山形如金櫃乃縣之紫山也○壺頭山在治北金城山在縣南各去二十里壺頭者山形如壺壺之口下

武昌府志勝不卷之一

三

有溪穿入山中名桃花洞後漢馬援征五溪蠻至下雋没于壺頭灘卽此地矣○金城山相傳吳陸渙所治宋黃庭堅讀書其上墨池尚存又三十里爲方山崑頭山四面坦平巒巒幽邃北跨臨湘蒲圻之境○龍頭山馬鞍山俱以形似而名在縣東北兩山對峙又十五里爲灌溪山唐開神師所居有漚麻池劈箭橋諸勝又十里爲葛洪山葛洪煉丹之地上有葛仙壇壇西有泉旱多應又二十里爲東泉山山有龍崑龍洞有泉流出入蒲圻界○龍首崑在縣東十五里石類龍首卧于洞門擘

之聲聞百步北有流泉縈迴三十里可資灌溉又十五里東平山有禪師崑石屋弘敞內有石如輪藏過一小洞崑崑深遂有石床帳幄之屬龍湫所潛○魯溪崑在龍泉山下去縣西南四十里周迴二百里其上有洞持燭而入行數十步漸坦平如居室可容千百衆有石渠泉流清駛名曰魯溪常時草木狼籍每遇有人入禱則淨若洒掃山前產茶味極甘美名龍泉茶又二十里爲萊蕪山重岡疊阜勢若連雲唐存制禪師居之以多蛇虺毒物故植此樹○崇頭洪在壺頭山下兩山相夾水中

武昌府志勝不卷之一

三

多石其中爲大洪東西爲小洪行者不下呂梁之險縣東有吳城港白石港縣西有白泉河龍坊河縣南有高視河太原河東北有龍頭河西北有仙崑河俱會崇陽港以入雋水○輿地碑目云唐萊蕪山存制大師碑銘在崇陽之金界院乾符乙未歲趙諱譔○塚廟記云廖將軍祠在縣西上津渡唐大中年黃巢之亂廖中兄弟二人糾義兵迎敵賊斷其首猶躍馬七里與戰宋淳祐間知縣陳仲微爲文以祭之又縣東有溫司空祠乃鄂州制置使溫廷筠以禦巢寇有功而授是職邦人德而祀

馬○張車崖祠在縣北公諱諱字復之嘗爲邑宰
有惠政所泐有美亭亭春谷園其故蹟也縣北小
山上有北嶺亭舊名十豐亦忠定公所改又有南
嶺亭在南山上古木百株號秀窮林縣令陳仲微
建

通城縣在府西南

錫山在縣南七里以其地產錫故名唐天寶間置
錫山市于此元和年更爲通城鎮宋熙寧始陞縣
○圖經云縣有幕阜之山其水四出北入雋西入
洞庭東南入丁湖按志幕阜山在縣東南五十里
武昌府志勝不卷之一

周迴五百餘里昔吳太史慈拒劉表從子磐置營
幕于其上○雋水在縣北半里其味甚美故名從
上雋鄉發源至縣前與秀水合流縣本漢之下雋
也秀水源出通山之麓以其清潔不污乃稱秀
○縣東十里有東港又十里有新安港又十里有
鯉港又十里有分水泉縣西十里有黃沙港縣南
三十里有百丈潭又五里有老龍潭其水俱流入
于雋○志云梧桐山在縣西十五里又十里爲梅
林山以其山多此二樹故名○白面山在縣西南
十五里山多白石如面相向又十里爲鷄籠山夜

靜嘗聞鼓聲○雲溪山在縣南四十里山有溪水
上多雲氣寰宇記係之崇陽蓋未經析置當縣時
也○寶蓋山在城東五十里其下有百丈泉○黃
龍山在東南五十里頂有湫池池有二黃魚能致
雲雨

興國州在府東南三領縣二

宋之興國軍也 國初設府洪武九年改爲州以
永興縣省入其始漢江夏郡之鄂縣及下雋兩縣
地西漢志江夏郡下領縣十四有鄂及下雋縣淮
南王傳伍被謂安曰守下雋之城是也吳孫權改
武昌府志勝不卷之一

鄂曰武昌分置陽新縣隋改曰富川又改富川爲
永興初治高陵故城唐貞元初移于長樂鄉之深
口宋太平興國間置永興軍于此興國蓋改自永
興者亦以年號爲名○輿地記云陽新故城在州
西南今陽新里沿其名下雋故城去今州四十五
里又五里爲永興故城其城東臨江水俗傳伍子
胥所築○注水經曰江水又東過下雋縣北刊水
從東陵西南注之江水東逕琵琶山南山下有琵琶
灣也又東逕望夫山南又東得苦菜水水口夏
浦也江之右岸富水注之水出新陽縣之青湓山

西北流逕陽新縣南故豫章之屬邑矣地多女鳥
玄中記曰新陽男子于水次得之遂與共居生二
女悉衣羽而去豫章問養兒不露其衣言是鳥落
塵于兒衣中則令兒病亦謂之飛夜遊女矣又西
北逕下雒縣王莽更名潤光後併新陽水之左右
公私裂溉咸成沃壤舊吳屯所在也○輿地紀勝
云十詠堂在軍治紹興間王琪建以前守周紫芝
有江南十詠形容風物之美故爲堂名○滄浪亭
在軍治放生池上池荷彌望遠堤皆楊柳群山環
列若屏障然隔池景物殊勝浮齒突兀在雲烟紫

武昌府志勝不卷之一

壬

翠間實一郡之奇觀也後因王溉題詠有只應名
在小西湖之句郡人以小西湖名之○疊山書院
在州治東宋寶祐間謝枋得考試建康坐訕謗賈
似道謫居興國軍建書院講教授著書宋亡死事
○萬卷堂永興盛子克建內翰毛友題額子克詩
云竹簡牙籤日滿前何妨心醉六經眠○鑑湖亭
在舊南城福勝寺後山之巔三柳堂在淨勝寺之
右面瞰平湖前植三柳故名○景德寺在州治前
有唐人舒元興記尚存○石田驛在治西南蘇子
瞻過此有宿石田驛詩永興李仲覽登進士第未

仕築室瞰湖自號懷坡閣王十朋爲賦懷坡二章
○天慶觀在治北天禧九年頒金寶牌于天下福
地以精金爲之長一寸九分潤一寸陽文曰玉清
昭應宮成天尊萬壽其背曰永鎮福地此牌尚存
○靈仙觀在治南十里破閣穿窬廊廡深峻四圍
脩竹森然觀西有別館名曰清虛乃皇甫先生坦
寓遊之所其地有印山在湖中圓正清碧如印浮
水面故名○景星觀在未泰鄉唐貞觀景星見南
方李淳風奏曰未泰之兆福地近在鄂當本縣之
未泰鄉卽其地建觀賜名景星乾封二年景星再

武昌府志勝不卷之一

壬

見開元二十五年景星又見宋嘉祐年賜額白雲
○鍾成觀在州東南十里鍾成山晉鍾離嘉飛昂
之所○銀山寺在州北十里之銀山四環皆山多
產銀冶故名○桃花寺在州南十五里桃花尖之
下寺中有泉其美里人用以造茶味勝他處今號
曰桃花絕品宋知軍王琪詩梅雪旣掃地桃花露
微紅風從北苑來吹入茶塢中蓋詠此○城東五
十里有大坡山傍有石樓嶄然拔出衆峰里人亦
于此造茶名坡山鳳髓○犀牛山在州北二十里
有石臺砥平如掌相傳有仙姑經此化爲犀牛之

蹟又十里爲西門山山中有臺亦名仙女臺昔有三小鬟至此問津望其臺而入竟不復見又二十里爲荆山相傳有人于洞中獲一杖非石非玉非木非竹忽一日有道人來取遂不見輿地紀勝以爲卞和泣玉之所恐譌○軍山在州南五十里吳將甘寧墓在焉又十里爲城山相傳伍員駐師築城于此又十里爲鷄籠山昔有金鷄隱伏山巔遇夜陰晦其光恒出沒于湖山之間○石屋洞在州南七十里其形如屋高數十丈內有垂石擊之如鐘尋流可入二里許有石大士像儼然○龍角山

武昌府志勝不卷之十

壬

在州西八十里兩峰相對本名龍耳唐天監中改今名又二十里爲鳳棲山地名陽新門高四丈濶二丈二尺內有石竇蓋石龍石鍾卧如來佛禮拜僧及石井○小竇陀山品穴深半里舊傳趙居士紙衣僧并隱此蔣之奇留題云空傳趙居士不見紙衣僧○九域志云鍾山在州南八十里魏鍾繇學隸書于此有墨池在其內○張衡山在州西南一百里平子隱居于翠屏山有宅在此開鑿之跡儼然又十里爲晉孟嘉宅武昌記云嘉有重名爲桓溫長史墓在州西○嘉子宗監富池魚自結網

捕魚作鱣寄母母曰汝爲魚官以鱣寄母非避嫌疑也因卻之○富池源出故永興縣之翠屏六溪至富池口入江去州東六十里州境故多水然皆泄于長河而洩于富池○紀勝云捲雪樓在富池之董龍洲前臨大江張安國書扁又云富池鎮有羅漢院壁間有錢易內翰墨跡及古僧一株大數十圍世傳陳朝所植○甘將軍廟在富池口有墓在廟側繁年錄云建炎四年加封爲昭毅武寧靈顯王從劉光世所請也夷堅志云建炎間巨寇馬進自蘄黃度江至廟下求杯珎欲與興國神不許

武昌府志勝不卷之十

壬

至于再三進怒曰得勝玟亦屠城得陽玟亦屠城得陰玟則并廟焚焉復手自擲之一墮地一不見俄俯着于門煩上去地數尺屹立不墜進驚懼拜謝而去迄今龕護于故處過者必瞻禮殿內高壁上亦有二大蛟虛綴楫間相傳以爲黃巢所擲也○宋汪彥章次興國詩路入廬廬亭子嶺江圍滿稗富川城北風捲地來無際西日銜山木宥青絕浦疎梅和雪點長天數鴈背人橫侵尋短髮愁中老行盡江南春復生○郡守周紫芝云富池湖中歲取荷葉可買百千一日曝之湖濱大風吹捲飛

數十里俱盡遂賦詩云湖邊老守湖是家湖光十里皆荷花我來不見花如錦但聞荷葉飛天涯

大冶縣在州西北百五十里

唐置大冶青山場南唐陞爲縣宋以屬興國軍○志云鍊山在縣北二十里舊置爐燒煉金鍊于此其下有宋武帝劉裕祠又二十里爲白雉山其上有芙蓉峰獅子嶺金雞石諸勝晉宋以來俱置有銅場鑄監今山口墩俗謂之銅窰其遺跡也又縣治西南銅綠山亦古出銅冶鑄之所按縣名大冶本此○品經云大冶望山爲西塞其右有三洞上武昌府志勝不卷之一

雲下風中泉傍有琦玕按西塞山在縣東九十里高一百六十尺周三十七里延連江側東望偏高謂之西塞昔爲吳楚境孫策襲黃祖劉毅攻桓玄皆破之于此今名爲道士袂卽唐之上袂鎮也貞元間符載有上袂鎮保寧記今設巡司口卽山在西塞山之右上有三洞卽前經所云出雲風泉者唐元結讀書于此天寶間忽有泉湧出垂流四百仞名曰異泉次山因作異泉銘○散花洲在西塞山下江夏辯疑云昔周瑜敗曹兵于赤壁吳主于此散花勞軍故名口琦玕洞在西塞山之側又名

飛雲洞元結自號琦玕子本此文獻通考有琦玕子一卷元次山撰○志云東方山在縣北二十里相傳漢東方生舊隱之所唐智印禪師居之有卓錫泉白蓮湧出又縣西南二十五里有蓮花山亦云東方朔遊玩處三十里有書堂山世傳爲東方生讀書堂其中有靈子寺去山六七里有妙子洞謂曼倩二子長靈次妙者所居攷輿地記東方山與武昌縣連界以其在武昌之東而名好事者爲東方朔且併其二子而附會之殊無謂○縣中亦多許旌陽遺跡如馬隘山五卦山章山牯牛洲

武昌府志勝不卷之一

皆是按馬隘者以旌陽逐蛟至此衆以牛馬隘之故名去縣北二十里自馬隘延連至道士袂皆名章山石上有許真君試劍痕又三十里爲五卦山相傳旌陽將與蛟鬪預十五卦于此○礧山在縣東四十里磁湖山側昔蘇子由阻風于此有寄子瞻詩仍欲買山隱焉磁湖者以岸傍多生磁石故名宋紹興間新生一洲相望磁湖狀如覆釜浸長與黃石峙立○塚廟記云漢荆王賈墓在縣西北六十里世傳九江王黥布反賈率兵討之戰歿于此

通山縣在州西一百八十里

寰宇記云本唐永豐縣之新豐鄉楊吳武義中以隸羊山鎮後周顯德六年南唐建爲縣○志云白羊山在縣西二十里東晉永昌中有三人乘白羊入此山故名至今每有白羊見于山上則雲雨興宋蔣之奇詩我愛通羊好青山便是城白雲深處宿一枕玉泉聲李傳正詩我愛通羊好居民山作城眼前無俗事枕畔有灘聲○輿地紀勝云宿雲亭在縣後山取蔣頴叔白雲深處宿之句也此外有翠屏亭塵外亭俱在縣西南翠屏山上有石塔

武昌府志勝不卷之一

三

東西二泉人居環繞如城亦名石城其下有李煜墓石人獸俱存○石航山在縣東石梯山在縣南各去二里許俱以形似而名縣東五里又有石牛潭潭上有石大如牛漢東大洪馬坪諸水至此會爲潒水者也○會仙崑在縣南二十五里高五丈深七尺懸石若鐘鼓扣之有聲巨石如床昔樵者見其柱錫端坐其上頃卽不見疑以爲仙人云○縣西南二十五里有觀音崑宋紹興間居民萬峻見雲氣盤結異常尋源獲一洞深窮廣十丈餘有石磬石盤石果及大士像其傍人物森列縣令朱

朝仙爲之記○大賢洞在縣西南三十里介于泉臺翠屏之間昔王張二真人結隱于此○大城山在縣南六十里高峻有石門可登凡四相傳張平子好機巧造鍊舡出至永興迷潭而舡沒今其傍有平子祠○沉水山在縣東六十里崑谷深邃人跡罕及中有仙人壇石鐘鼓羅列左右舊志云唐李靖遇龍行雨入此崑間○九宮山在縣東南八十里其山自下而上峰巒九層故名有九真觀相傳晉安王兄弟九人避難于此造九宮殿其遺址云有噴雪崑在山西南水口

武昌府志勝不卷之一

三



漢陽府在江上里領縣二

三國志云魏初定荊州屯沔陽以爲重鎮沔陽者漢陽也諸葛亮與孟達書往年南征歲未及還適與李鴻會于漢陽承知消息慨然未嘆卽此地矣蓋經云三國以前書傳多稱漢而不稱沔其後多稱沔而不稱漢故晉書江夏郡下有沔陽永嘉六年王敦表陶侃爲荊州刺史鎮沔陽是也○志云漢水在府城北卽禹貢嶓冢導漾東流爲漢者沔水在城西南三十里源出襄水南入大江與漢水合先儒皆疑漢沔爲一然今二水源流不同惟書漢陽府志勝六卷之二

疏引應劭云沔水下尾與漢合流入江乃得其實又有南沔漢水自夏水入沔之後兼流至漢陽郡城東有漢陽渡李白詩云鸚鵡洲橫漢陽渡水引塞烟沒江樹○寰宇記云吳陸遜晉陶侃所屯營俱在郡城西六十里臨嶂山鄰道元謂之林嶂山其注水經云沔水又東逕林嶂故城北是也魯山臨江盤基數十里山下有城卽漢江夏太守所理之地晉沔陽縣後周之復州隋之沔陽郡皆置于此然通有今竟陵之地五代周顯德時以漢陽置軍始移今所○形勝攷云漢陽東控江漢表以大

別之山臨高咀深其勢巖而險固國家畫郡與武昌並峙方七里而近左右翼蔽以筆礮石此亦寓內所僅見也宋曾子固詩楚國封疆最上頭夾江分命兩諸侯○輿地紀勝云漢廣堂在治西宋時郡僚蒞事之所取漢之廣矣語也秋興亭在治後山嶺唐刺史賈載建中書舍人賈至詩云詩人之興秋最高故以名亭按此山名鳳樓宋知軍事劉辟疆記云昔有鳳凰樓于山頂其下有鳳樓院法照禪師所創也其頂有雙松亭李青蓮集內過漢陽雙松亭別族弟浮屠法皓詩卽此○竹齋在府

漢陽府志勝六卷之二

判衙唐張謂題從弟沔州判官竹齋詩有竹裏藏公案花間隱使車之句謂時在沔與李白遊自有泛郎官湖詩自序畧云白遷後郎遇故人尚書郎張謂沔州牧杜公漢陽宰王公觴于江城之南湖因舉酒酌水號之曰郎官湖亦猶鄭圃之有僕射陂也詩云張公多逸興共泛沔城隅當時秋月好不減武昌都四座醉清光爲歡古來無郎官愛此水因號郎官湖風流若未減名與此山俱但以今攷之郎官湖在郡北或城址遷徙不同○唐儲光義漢陽卽事詩楚國千里遠孰知方寸違春遊歡

有客夕寢賦無衣江水帶水綠桃花隨雨飛九歌
有深意相佩乃言歸李白早春寄王漢陽詩聞道
春還未相識走傍寒梅訪消息昨夜來風入武昌
陌頭楊柳黃金色碧水浩浩雲茫茫美人不來空
斷腸預拂青山一片石與君連日醉壺觴

漢陽縣 附郭

漢安陸縣地晉之沱陽縣也南北朝時廢隋開皇
初置漢津縣大業間改今名○唐李頎送崔嬰赴
漢陽縣詩中外相連弟與兄新加小縣子男名纔
年二十佩銅印知爾絃歌漢水清○志云漢水別

漢陽府志勝八卷之二

三

爲沔出新灘其一與沱水合出沱水瀝水下黃陂
與淪淩二水合流同注于江按沱水在縣西南四
十里與漢水合處爲沱口晉史郭舒留沱口采稅
湖澤以自給陳周文悉眾禦之卽此地也瀝水在
城里四十里舊置瀝陽縣于此有城址存○郤月
城在縣北六里舊傳黃祖所築形如郤月故名城
西五里有馬騎城高二丈餘今長棚岡其故基也
蕭公城在今縣西梁城在縣東北俱武帝時築今
大別山橫頂城是○寰宇記云大別山在縣東北
禹貢內方至于大別卽此一名翼際山其上有魯

蕭祠又名魯山劉澄之衣初山川記云沔陽縣東
有魯山山上有胡公祠州州圖副云魯山城內有
晉征南將軍胡奮碑又有南平將軍董度之碑爲
討桂魯刻石以記事○桃花洞在魯山前上有息
夫人廟卽春秋時息嬀也俗謂桃花夫人唐王維
詩莫以今時寵能忘昔日恩看花滿眼淚不共楚
王言○山下有石穴二後漢董襲傳孫權征黃祖
橫兩蒙衝挾守沔口以大紮紫石爲碇于穴口又
晉伐吳吳人于要害處率用鉄鎖橫截亦名鎖穴
是也○吳王磯在城東北吳王屯兵于上據以爲

漢陽府志勝八卷之二

四

險故名磯畔有洗馬石相傳關羽洗馬于此亦名
禹功磯卽江漢二水合流處宋夏倪詩江發岷山
如甕口漢從嶓冢又東流滔滔于此爲南紀我憶
禹功時倚樓按今有南紀門武昌右千戶所所治
○志云漢南山在縣西二十里以在漢水之南故
名三峰並秀又名三山其地有湯家山諸水縈迴
雲起則雨中有箕洞山勢廻轉如箕故名又有女
郎山舊傳陽臺神女嘗降于此劉禹錫詩鄂渚濛
濛烟雨微女郎魂逐暮烟歸祇應常在漢陽渡化
作鴛鴦一對飛○湖蓋山在縣西北二十里其形

如蓋南臨漢水北帶諸湖又十里爲香城山山勢如城昔建香城寺千上又十里爲柏泉山柏水所出流入大江相傳禹植柏于大別山其根盤踞井底又二十里爲玉笋山其山有石狀如玉笋故名○烟樓山在縣西南五十里相連有小軍大軍二山昔吳魏相持陳兵兩山之間故以大小軍名又十里爲尉武山唐太宗遣尉遲恭與宋燦力戰于此○注水經曰江水東逕大軍山南東有夏浦江水左迤也江中有石浮出謂之節度石右則塗水注之江水又東逕小軍山南臨側江津其東有小

漢陽府志勝八卷之二

五

軍浦浦口十五里爲百人山昔周瑜與黃蓋詐魏武大軍所起處吳志云曹公軍次江北周瑜軍次江南黃蓋詐降曹公以火焚其船標軍大敗者也又十五里爲九真山昔有九仙女煉丹于此唐咸通中改名仙潛山輿地紀勝云卽五藏山上有煉丹臺九真廟又有九泉水甚清徹○太白湖在九真山南一名白湖周圍二百餘里舊傳太白遊沆于此因名春水汎漲與楊孟池新灘馬飲蒲潭合爲一冬涸始分○太子湖在縣西十五里相傳梁昭明太子食米于此○刀環湖在縣西南五十里

河形彎曲如刀環故名○烟波灣在縣東北三十里其水清澈晴則嵐烟起風則水波生其傍有烟波里唐崔顥詩日暮鄉關何處是烟波江上使人愁○紀事詩云唐詩人于鵠隱居漢陽其買山吟云買得幽居屬漢陽檣籬疎處種桃柳惟有獼猴來往熟弄人拋果蒲書堂

漢川縣在府城北六十里

唐武德初析漢陽置漢川縣以廢縣南一里漢水爲名卽左傳之涇水也宋乾德初改爲義川縣後避太宗諱改今名○寰宇記云小別山在縣南十里左傳定公四年吳子伐楚令尹子常濟漢而陣自小別至于大別是也○輿地紀勝云小別山其形如甌亦名甌山梁天監中置甌山縣唐武德年移州之甌山鎮卽此又三十里爲石鏡山山有巨石圓淨如鏡故名○志云漢水在縣西南十里涇水在縣東北三十里至涇口與漢水合按涇水別名清發詳見荆西道下晉史陶侃爲杜曾所敗將奔涇口劉長卿詩暮雨不知涇口處皆指此也左傳定五年楚王奔隨將涉成臼卽白水之上流詳隨州下○志云漢川舊縣在縣北三十里大赤鄉

漢陽府志勝八卷之二

六

今呼金鼓城魏書曹操烏林之敗鷄鳴出走至大赤天曙卽其地也又縣西百里有鷄鳴城相傳操敗烏林築城駐兵聞外軍將至僞作鷄鳴而遁○廟記云關羽廟在縣西南十五里之戊子圻又十里爲繫馬口乃雲長繫馬處○同塚三臺在縣西北周陂鄉同塚者以魏操兵敗詐傳已死乃作虛塚七十二其形皆同故名三臺謂神靈臺張家臺掘釘臺也不知所起按疑塚在河南磁州界其載入當縣者特附會耳○唐儲光羲送人尋御史裴斐詩柱史迴清臆謫居臨漢川遲君千里駕方外漢陽府志勝不卷之二 七

賞雲泉路斷因春水山深由暝烟湘江見游女寄摘一枝蓮李白贈輔錄事詩聞君罷官意我抱漢川湄借問久疎索何如聽訟時天清江月白心靜海鷗知應念投河客空餘吊屈悲

黃州府

在省城東北領州一縣七

春秋之弦黃邾三國地漢之軹西陵二縣地劉宋之西陽郡蕭齊之齊安郡也隋開皇初始置黃州後大業及唐天寶間屢改爲永安郡旋復舊今府治卽宋所遷江濱城址稍遷水勢而北唐中和年曾移之舊邾城俗反呼爲新州城邾本周同姓武王封裔子俠爲侯國○注水經云江水又東逕邾縣故城南楚宣王滅邾徙居于此故曰邾也漢高帝三年項羽封吳芮爲衡山王都焉晉咸和中庾翼爲西陽太守分江夏立四年豫州刺史毛寶西黃州府志勝不卷之三 一

陽太守樊俊共鎮之爲石虎將張格所陷自爾丘墟城南對蘆州舊吳時築客舍于洲上方便所止亦謂之羅洲矣又東逕西陽郡南郡治卽西陽縣晉書地道記以爲弦子國也江水又東逕軹縣故城南漢地理志江夏郡軹縣故城春秋僖五年楚滅弦弦子奔黃者也漢惠帝元年封長沙相黎朱倉爲侯國城在山之陽南對五洲江中有五洲相接故以爲名宋武帝建牙洲上有紫雲陰之卽此地矣江水又東逕西陵縣故城南史記秦昭王遣白起伐楚取西陵者也漢章帝建初二年封陰

堂爲侯國○按寰宇記邾城去州西北百二十里
臨江與武昌相對吳使陸遜攻邾城常以三萬兵
守之晉宋西陽郡國齊齊安郡皆設于此北齊天
保六年于舊邾城西南面別築小城置衡州至隋
始廢以齊安郡置黃州○史記黃帝之後顓頊曾
孫陸生六子封于黃其後以國爲氏春秋桓八年
楚子會諸侯于沈鹿黃隨不會僖十二年黃人不
共楚職曰自鄧及我九百里焉能害我于是楚滅
黃杜預曰黃國在沔陽縣元和郡國志云黃國故
城在光州定城縣西二十里則今之黃州特黃國
黃州府志勝入卷之三
地耳非當時之國都也○西陽城在郡東南百
三十里魏志黃初中吳先揚言欲破江北豫州刺
史滿寵度其會襲西陽先爲之備孫權聞之始退
還○永安城在府城北十里卽楚黃歇所都隋大
業置永安郡者城中多土堆俗呼爲女王城齊安
志云初春申君相楚受淮北十二縣之封以其地
介于蘄春申息之間故曰春申今之女王城蓋昔
楚王城之訛耳東坡詩序正月二十日往岐亭郡
人潘古郭三人送余于女王城在唐爲禪院云
○輿地紀勝覽春亭在郡治韓琚所建魏公記之

後因黃人孫賁來見因作覽春亭詩序○棲霞樓
在儀門西南閭丘太守公顯作軒豁爽塏坐揖江
山王鞏別子瞻詩賓州在何處爲子上棲霞○延
暉閣在棲霞樓之右魯史君詩曰雪浪逾千頃雲
沙列萬艘後易其名爲無盡藏取蘇子瞻赤壁賦
中語丁寶臣爲之記○相隱堂在司理廳龐公籍
初爲郡司理及後入相邦人卽其地廂建因以相
隱名之○竹樓在子城西北隅與月波樓相通王
元之記畧云遠吞山光平挹江瀨幽閒遶蔓不可
具狀公退之暇披鶴氅戴華陽巾手執周易一卷
黃州府志勝入卷之三
焚香默坐消遣世慮江山之外第見風帆沙鳥烟
雲竹樹而已○春草亭在東門外齊安志云門外
有春草亭故基是也又有寒碧堂宋何氏兄弟作
此堂以待蘇軾軾爲畫竹石賦詩○東坡在治東
百餘步宋元豐三年蘇軾謫黃故人馬正卿爲守
以故營地數十畝與之是爲東坡時以大雪中築
室名曰雪堂仍繪雪于堂之壁西有小橋堂下有
暗井七年于瞻移汝州去黃之日遂以付潘大臨
兄弟崇寧壬午黨禁既興堂遂毀其後邦人屬神
霄宮道士李斯立重建按東坡在今縣學傍又有

西坡乃黃州衛治也○四望亭在雪堂南高阜之上唐太和中刺史劉嗣之所立李紳作記□唐李嘉祐題竹樓詩傲吏身閒笑五侯西江取竹起高樓南風不用蒲葵扇紗帽時眠對水鷗宋張安國懷東坡詩繫肚着西日曳杖到東坡暗井蛙成部荒祠烏作窠老仙騎鶴去稚子飯牛歌興廢何須問斯文自不磨○臨臯館在朝宗門外其上有快哉亭縣令張夢得建蘇子由記畧曰亭之所見南北百里東西一今濤瀾洶湧風雲開闔晝則舟楫出入于其前夜則魚龍悲嘯于其上變化倏忽動

黃州府志勝入卷之三

四

心駭日不可久視今乃得玩之几席之間舉目而足西望武昌諸山岡陵起伏草木行列烟消日出漁父樵夫之舍皆可指數此其所以快哉者也至于長洲之濱故城之墟曹孟德孫仲謀之所睥睨周瑜陸遜之所騁騖其流風遺俗亦足以稱快世俗云○唐杜牧齊安晚秋柳岸風來影漸疎使君家似野人居雲容水態還堪賞嘯志歌懷亦自如雨暗殘燈棋欲散酒醒孤枕鴈來初可憐赤壁爭雄渡惟有蓑翁坐釣魚又齊安郡中偶成詩兩竿落日谿橋上半縷輕烟柳影中多少綠荷相倚恨

一時回首背西風○宋蘇子瞻初至黃州詩自笑平生爲口忙老來事業轉荒唐唐長江遶郭知魚美好竹連山覺笋香逐客不妨員外置詩人例作水曹郎只慚無補絲毫事尚費官家壓酒囊又別黃詩病瘡老馬不任鞭猶向君王得敝帷桑下豈無三宿戀樽前聊與一身歸長腰尚載撐腸米潤領先裁蓋瘻衣投老江湖終不失來時莫遣故人非

黃岡縣附郭

漢西陵故城在縣南二里南齊之南安縣卽齊安郡治也北齊兼置巴州後周改爲弋州俱以縣屬黃州府志勝入卷之三

五

馬隋始曰黃岡因以縣置黃州○按巴州者以縣東四十里巴水爲名水經注曰江水左則巴水注之水出雲夢縣之下靈山卽大別山也與決水同出一山故世謂之分水山亦曰巴山南歷蠻中吳時立屯于水側引巴水以溉野又南逕巴水戍南流注于江謂之巴口○三江口在縣北團風鎮之下右通七磯三江合流卽府城之大江也史記漢江之水出于大別之漢口達黃境而出大江故宋時黃州西門題曰漢川門今三江設守備司自麻城岐亭鎮移來者界于武昌縣故通志收入武昌

梁元帝赴荊州泊三江口詩涉江望行旅金鉏間
綠旂水際含天色虹光入浪浮柳條恒拂岸花氣
盡薰舟叢林多故社單戎有危樓榜歌殊未息于
此汎安流○晉陶侃傳議者以武昌北岸有郗城
宜分兵鎮之侃曰我之設險禦寇正以長江耳郗
城隔在江北內無所倚外接群蠻必引寇虜何資
于守後庾亮以毛寶戍之果敗西山真氏曰今靳
舒黃三州之北有大山綿亘八百里俗呼西山郗
城在山之南晉時密邇群夷故難置戍今殊不然
口搜神記毛寶守郗城時有軍人于武昌市買一

黃州府志勝

入卷之三

六

龜寶令養之漸大放于江中及城陷養龜者投于
水如墜石上視之先所養龜載入東岸獲免卽今
城外大江白龜渚是也○弋州以陽縣而名詳
郡沿革下○黃岡從縣城南度濠塹綿亘而行平
岡迤邐其上黃色卽蘇子赤壁賦所云與客逕黃
泥之坂也瑞慶堂記畧曰齊安郡治據依黃岡其
來蓋自天柱云○水經注曰江水又左逕赤鼻山
南其山臨側江川下爲赤壁磯蘇子瞻云黃州守
居之數百步爲赤壁或言卽周瑜破曹公處不知
是否斷崖壁立江水深碧視之目凜而心悸輿地

紀勝云橫江館在赤壁山南晉龍驤將軍劉恩建
又近赤壁古塚傍有金甲井世傳爲謝晦塚宋紹
興間浚井得金甲一副乃晦死以投井中者○聚
寶山在赤壁之上山多小石紅黃粲然東坡所作
怪石供卽此○柯山在赤壁高寒亭之東苗經云
柯山四望直南高丘故亦名柯丘蘇子瞻詩柯丘
海棠吾有詩○南山卽對岸武昌山也子瞻詩南
山一尺雪雪尺山蒼然澗谷深自暖梅花應已繁
使君厭騎從車馬留山前行歌招野叟共步青林
間○東館在長圻澳去城南二里立館驛以爲過

黃州府志勝

入卷之三

七

客游憇之所名曰東館○後湖在城東十里又十
里爲沙湖東坡嘗買田于此坡與子由詩云欲買
柯石林茲謀待君必○秦少游在黃州飲于海棠
橋橋南北多海棠有老書生家海棠叢開少游醉
卧于此明日題其柱曰喚起一聲人悄衾枕夢寒
窓曉瘴雨過海棠晴春色又添多少社甕釀成微
笑半破癡瓢共留覺健倒急投床醉鄉廣大人間
小○志云金鷄山在縣北二十里相傳昔有金鷄
飛出此嶺聖人逐之遂入穴中至今名爲金鷄穴
又三十里爲團風口有南堂在團風鎮又十里爲

鮑湖又三十里爲石頭潭又三十里爲龍潭注于長河湖卽舊黃州治也又四十里爲紫潭通樟松湖達于團風又五十里爲城林舖其上有王城在大乘山頂又十里爲陽邏驛與江夏界舊傳三國時蜀劉備約合孫權以拒曹操旦夕使人于此以邏吳兵之至因名其地東接蕲黃西抵沔漢南渡大江以至鄂北拒石關以備胡賊要區也陽邏上爲華山其下有武磯山臨大江○孔子山在城東一百里相傳孔子自衛適楚經此有坐石草木不侵○崎山在縣東北一百二十里有大小二崎大

黃州府志勝不卷之三

八

崎有龍井小崎有飛來石其下石柱推之可轉而不仆○塚記云漢樊噲墓在縣西北噲食邑舞陽卒塋于此有碑云漢舞陽侯樊噲之墓今斷裂○宋任氏墓在城東阜蘇軾乳母也今所行乳母銘是○碑目云齊安志厲居正編齊安集齊安拾遺許端夫編齊安故實王中實編○定惠院在縣東南子瞻謫黃寓此有海棠一株因賦詩以自況刻于石

麻城縣

在府城西北一百八十里

南梁之定州後周之亭州也隋開皇初改爲麻城

○注水經云江水右得黎磯北亦曰黎岸也山東有夏浦又東逕上磧北山名也仲雅謂之大小竹磧北岸烽火洲卽舉洲矣北對舉口庾仲雅作葛宇舉水出龜頭山西北流逕龍戍南梁定州治蠻田超秀爲刺史舉水又西流左合垂山之水水北出垂山陽與弋陽泝水同發一山故是水合之水之東有南口戍又南逕方山戍西西流注于舉水又西南逕梁司豫二州東蠻田魯生爲刺史治湖陂亦謂之山城也舉水又西南逕顏城南又西南逕齊安郡西倒水注之出黃武山南逕白沙戍西

黃州府志勝不卷之三

九

又東南達梁城戍西東南合舉水舉水又東南歷赤亭下又謂之赤亭水又分爲二水南流注于江謂之舉洲春秋左傳定四年吳楚陣于柏舉京相璠曰漢東地矣夏有汨水或作舉疑卽此也左水東南流入于江許口文方口江之右岸有鳳鳴口江浦也浦側有鳳鳴戍○按元和志麻城東南八里有龜頭山舉水所出卽春秋戰于柏舉者又縣東北三十里有柏子山故合舉水而名之曰柏舉也本志龜頭山去縣東六十里謂之龜峰上有白龍黑龍二井卽舉水之源也有人跡石在山頂

唐真應禪師立化于此足跡印苔蘚間深四寸又有石刻唐人詩○麻城故城晉石勒使其將麻秋所築隋以立縣麻胡人也最驍勇時稱麻胡民間以之止小兒啼○赤亭河在縣東南十里有赤亭城後魏建岐亭河在縣西七十里之岐亭鎮卽九域志所云岐亭廢縣也宋陳慥季常所居蘇子瞻云余始謫黃州至岐亭北二十五里山上有白馬青蓋來迎者則予故人陳慥季常也爲留五日賦詩一篇而去自是予在黃四年凡三往之輿地紀勝云風月堂在麻城柳氏家陳季常妻家也堂亦黃州府志勝入卷之三

十

子瞻所命名○松溪河流至岐亭接縣前河以通大江有界河發源光山抵陰山棗林二河合縣前河又有麻溪河發源唐甸至汝陰河口合縣河○方輿勝覽云春風嶺在縣治東嶺上多梅花故名蘇子瞻自新息渡淮有岐亭道上見梅花詩○石鼓山在縣西南山頂有君子品昔傳有隱君子居之石孟石曰見存○仙居山在治北十五里有鳳凰崖崖中有石龕傳是晉麻姑仙女修真處又十五里爲飛龍山山勢峻聳如雌雄之並立夏月無暑昔有飛龍于此升天故名○治南三十里有

五龍山中有興福寺山形攢聚如五龍然○赤嶺山在治東五十里世傳唐太宗曾避暑于此至今無虫蟻又三十里爲什子山山有數峰排列蒼漢如江上之九子峰卽宋端平間徙立縣治處也○木陵山在治西北八十里其上有木陵關元和志謂之穆陵王少伯詩遙送扁舟安陸郡天邊何處穆陵關又十里爲陰山關梁置陰平縣以此按木陵陰山與黃土大活白沙等關凡五皆極險要之地嘉靖間道臣熊古議曰唐李道古乘五關而元齊誅宋李皇修五關而蒙古遁昔人所云固江者黃州府志勝入卷之三

十一

以淮而不以江蓋謂此夫○輿地紀勝云萬松嶺在縣西一百里縣令張毅夾道植松萬株立亭其中號萬松亭碧溪詩話云麻城縣界有萬松連日行清陰中其館亭亦可愛適當關山路往來東坡詩云千年栽種百年規好德無人助我儀爲問幾株能合抱慙慙記取角弓詩按志以萬松亭去縣七里或紀勝所載之譌志又云縣西北十里有古松一株將萬年物號萬年松

黃陂縣

在府西一百四十里

本漢西陵縣地東漢末劉表以此地當江漢之口

懼吳來侵遣黃祖築城爲鎮因名黃城鎮北齊置南司州于此後改爲黃陂縣其州移黃岡縣界以縣屬焉○輿地紀勝云南司州在古黃州城西南四十里獨家村置蘇子瞻詩五年一夢南司州○武湖一名黃漢湖去縣東五十里乃黃祖習戰閱武之處水經注云宋元嘉二年衛將軍荊州刺史謝晦阻兵上流爲檀道濟所敗走戍主光順之執之其水南直武州洲南對楊桂水口江水南出也又東合澚口○按志澚口在縣南四十里有禪定寺在渡側澚河發源羅山縣界來南流經大城潭

黃州府志勝

卷之三

至縣前河通沙口以入大江縣北有石港石盤二河縣西有舊鎮界河西北有草埠潭河俱流注之縣東南五十里曰沙武口卽沙湖武湖所匯處也○城塚記云石陽城在縣西三十三里吳征江夏圍石陽不克而還卽此城也冷城在縣東南十五里梁武帝爲刺史時修戰守之具于此今火跡猶存○安昌城在縣界元和志云齊高帝築以備陳寇○木蘭村在治北六十里其上有木蘭將軍塚木蘭者朱氏女詐爲男子代父西征古樂府云唧唧復唧唧木蘭當戶織不聞機杼聲惟聞女嘆息

昨夜見軍帖可汗大點兵軍書二十卷卷卷有爺名阿爺無大兒木蘭無長兄願爲市鞍馬從此替爺征韓偓題木蘭廟詩彎弓征戰作男兒夢裡曾經與畫眉幾度思歸還把酒拂雲堆上祝明妃○紀勝云思賢堂在尉廳宋天聖中大中大夫程珣初仕爲黃陂尉秩滿不能去遂家焉明道九年壬申生子顥字伯淳次年癸酉生子顥字正叔其後十有餘載攝貳南安乃得獄椽春陵周公茂叔而與之游使二子就學焉今縣有雙鳳亭及魯臺山俱二程之遺跡也○魯臺去縣東一里相傳明道

黃州府志勝

卷之三

管登此以眺望東魯故名其下爲魯臺河

黃安縣

在府西一百二十里

本黃岡麻城黃陂三縣地 國朝嘉靖末以其地僻多盜始建爲縣寔麻城縣之新安姜家畈也縣名黃安本此○巡按唐繼祿疏畧曰姜家畈其地雖屬麻城而中和鄉兩河口諸處實隸黃岡黃陂二縣由畈而東曰桃花鎮乃宋元之故縣又東爲岐亭鎮則隋唐之龍集縣也按縣東里許爲東流河又東爲謝家店河俱逶迤出團風口此皆岐亭桃花鎮之路縣西一里爲西河又西三十里爲雙

河與西河合流乃兩河口經黃陂澗口入漢江○志云三角山在縣東五雲山在縣南各去城十五里三角者舊屬新水羅田二縣界今割而有之物產志云羅漢采出三角山昔有異僧種之而去採宜淨食雜以葷膩其味頓衰○五雲山有仰天窩最爲險絕從龍霞舉僅通一線平田千頃可畊其中游者以爲不戒桃源云○仙居山在縣西天臺山在縣北各去城一百里仙居山以昔有神仙居之埵窺依然人跡罕及○天臺山其頂廣夷可容千家以牛耳崖爲北門梯之乃達元末有黃楊者

黃州府志勝八卷之三

古

據之因立寨曰黃楊寨有石刻二其一爲宋端平年鑄其一爲嘉熙年鑄皆以襄淮兵擾浮光失守此山險峻四面如壁石竅湧泉冬夏不絕用以集衆全活萬人云○縣境有雙山關與光山界有金局關與羅山界皆河南汝寧之屬邑也其縣北達者爲石門近者爲雙城鎮呂王城

新水縣

在府東南百一十里

唐天寶年改自蘭溪縣者蘭溪乃晉之浥水縣也今縣治在浥水北○志云新香草葉似薜蘿卽今之薜蘿爾雅新蛇食此體作片香地名記云新以

水隈多新菜因以爲名新水自三角山發源東北逶迤而來西南曲注于大江舊新縣地秦末陳涉號大楚起兵于新縣布王其間置西陵及新春等縣是也○浥水卽城南河源出英山六安界來歷嶮石環繞縣前合衆流入大江以匯于新按嶮石在縣東北十里羅田三溪之水會焉懸淙十丈而此石橫截其流水注罅中皆成穴竇玲瓏相通湍迅異常入于浥水志以爲縣五十里萊河是其處○蘭溪在縣西四十里而經云水源出苦竹山其側多蘭因以爲名舊志載新有八景蘭溪其一

黃州府志勝八卷之三

五

一也種牧之詩蘭溪春盡碧泱泱映日桃花雨發香楚國大夫憔悴日應尋此路去瀟湘○志云丹井在縣東二里玉臺山漢張道陵烹玉芝處又一里爲鳳棲山嘗有鳳凰棲此故名山下有王羲之洗筆池崖邊小竹俱成墨色又有茶泉唐陸羽烹茶所汲李季卿品天下泉以蘭溪石下泉爲第三謂得諸陸羽口授云○宋郡守余章三泉記曰米芾書鳳山之陰蘭溪之陽有泉出石罅其在寺庭除者爲陸羽烹茶之泉其在鳳山陰者爲逸少澤筆之井蘭溪品于茶經第三藏諸水底出則隨溪

流無停積故常新潔今之蘭溪驛東數里南嶽廟後有一潭乳泉津津漫出是也王元之陸羽泉詩甃石封苔幾尺深試嘗茶味少知音惟餘夜半泉中月留照先生一片心○洄淵龍潭俱在城南蘇子瞻來月泛舟處今有洄淵亭又城東有綠楊橋柳色蒼翠子瞻嘗醉卧其上舊名一溪橋因子瞻詞有解鞍欹枕綠楊橋之句遂更其名坡自序云春夜行蘄水中過酒家飲至醉來月至一溪橋上解衣少休及覺已曉亂山蔥蘢不謂人世也書此詞橋上王元之詩云蘭清時雨和井棠石壁洄淵

黃州府志勝不卷之三

六

映塔光陸羽茶泉金鼎冷右軍墨沼兔毫香龍潭徹底明秋月鳳頂當空背夕陽乘醉綠楊春曉與玉壺井畔泛霞觴蓋蘄水八景元之所命也禹偁時爲黃州太守○縣前譙樓李太白有壯觀二字儒學前曰疊嶂亭蘇子瞻建○楚伍員廟在治西伍洲舊傳子胥奔吳濟江處近蘭溪側又治南二十里櫓袖山有大石若蓮花卽伍員大夫磨劍跡也○孫權廟在治西南二十里之城山有吳王城址按赤壁之戰周瑜始受命至潯陽召還會議于柴桑權曰舡糧戰具俱備卿當前發孤當續發爲

卿後援當時公瑾以舟仲謀以陸故經此○晉葛洪廟在治南十里葛公山傳云葛洪所隱有丹爐○唐張巡廟在巴河鎮按巴河有上下相去各十里在城西南七八十里巡守睢陽有翼蔽江淮之功所在祀之○昭化寺在治東唐咸亨年五祖弘忍禪師建○清泉寺在治東北二里唐貞元年建鑿井得泉清冽故名東坡游清泉寺詞云瀟瀟暮雨子規啼誰道人無再少時○龍泉寺在治北石鼓山之陽石鼓者有石如鼓叩之有聲去城十五里○大峴寺在治東四十里舊有千年凌霄八百

黃州府志勝不卷之三

七

大峴之巖又十里爲斗方寺在斗方山山形其方如斗唐無着宋佛印二禪師古刹也又十里爲三角寺在三角山山有三峰如角之豎盤踞羅田蘄州之界有宋人趙不迹書觀願視展四大字唐伏虎禪師修煉于此其中峰有龍洞洞有三泉蘄水所自出也○國朝正統胡奎蘄水志二卷○嘉靖程昌靳志六卷○萬曆閻士選蘄水志十五卷士選江都人嶺南歐大任送其之任詩云十載談經得吾子江都閭生滿人耳今年射策入長安綽綽翩翩向蘄水蘄水封疆沈蔡南白頭父老候驂騑

江前襟帶雲夢澤樓上風烟鈇鉞潭長安送子郊
亭餞行春滄上何時見經術誰如三禮宗徵書早
下明光殿

羅田縣在府東五
四十里

宋元祐間以石橋鎮陞為羅田縣唐時省入浠水
者也梁置義州及義成郡于此○輿地紀勝云玉
虹泉在縣東二里練品在縣西有瀑布瀉于南崖
之間昔隱士居之又縣東南有練石洞亦有石潭
飛瀑高五六丈○十方山在縣東北五十里有崇
果院佛印禪師住持于此嘗有題詠又其地有玉
貴州府志勝八卷之三

宋

虹泉宋紹興何錫爾石刻詩云百尺雲晶佛閣前
曉鐘疎葉思悠然岸邊酌酒和清露石上題詩染
翠烟半嶺泉鳴通古澗數峰秋盡隔寒川西風似
欲吹人起去逐騎鯨汗漫仙○宋時又一石刻在
縣東四十里之雪晶品上有井深數十丈噴泉如
雪其石刻云靳春郡判蘭陵霍祐之奉檄來羅田
勸諭賑糶同邑長知縣詹魯山相拉遊雪晶薄尉
義興史季瞻吳郡騷客丁夢良錫山遂末叔三衢
余正卿國泰狎狎逍遙殊不覺身在塵寰也時紹
熙甲寅仲春一日鐫又一石刻淳熙戊戌酉月張

惠卿陽閨吳仁傑同立○燕洞在縣西五十里有
門可入內巖雙燕翠羽大如鷄其最深處石壁高
丈餘有石甯俗呼龍甯旱禱即澍○石嶮在縣南
五十里詳靳水下○官渡河在縣南百步源出娥
眉山紫檀衝沿北峰河西流與多雲河合經縣前
出靳水界河過黃岡縣巴河石潭口注之江○奉
泰鄉河距縣四十里源出舊縣滕隴山南入英山
河逾石嶮出蘭溪以入大江其東流為義水梁置
義成郡以此○元末徐壽輝羅田人偶行山中獲
鍊數十斤請鍊工鄒普勝令製鍛鈕普勝心異之
黃州府志勝八卷之三

宋

語壽輝曰今天下尚須鍛鈕活耶當為鍊一劍贈
君耳于是兩人深相結陰謀舉大事

靳州在府東三
百一十里

領縣二

西漢之靳春縣也東漢為國吳為郡皆以靳春而
名後周改為靳州○水經曰江水又東過靳春縣
南靳水從北來注之鄴道元註云江水又得葦口
江浦也浦東有葦山江水東逕其山北北崖有東
湖口江波左迤流結而成故謂之湖矣江水又東
得空石口臨江有空石山南對石穴洲洲上故靳
陽縣治也又東靳水注之江水又東逕靳春縣故

城南建武三十年封陳俊子浮爲侯國江水又東得銅零口右逕蝦蟆山北而東會海口水南通大湖北達于江左右翼山水逕其北東合臧口江水又左逕長風山南得長風口又東逕積布山南俗謂之積布磯庾仲雍所謂高山也此卽南陽潯陽之郡界○唐白居易送新春李十九使君赴郡詩可憐官職好文詞五十專城未是遲曉日鏡前無白髮春風門外有紅旗郡中何處堪携酒席上何人解和詩惟有交親開口笑知君不及洛陽時劉禹錫送友人任新春詩楚關新水路非除東望

黃州府志勝入卷之三

三

雲山日夕嘉薤葉照人呈夏簞松花滿枕試新茶樓中飲興因明月江上詩情爲晚霞此地交情長引領早將玄髮到京華○輿地紀勝云超然觀環翠亭俱在郡圃○四見亭在州北塔後山巔范忠宣名蓋倣范文正公守鄆陽日于郡建四望亭之遺意○涵輝閣在子城隅有宋治平年記蘇子瞻在黃客有自述其霽容天在水春態柳藏橋之句先生爲以態字易色字蓋誄涵輝閣詩也自是涵輝之名益著郭祥正寄題廬州涵輝閣呈太守章子平詩天垂星斗數尋近地捲雲山千里來冰壺

倒影露華洗玉竇溶雪蟾光顏○溪堂在州治南至和中吳英致政時隱居也司馬溫公寄吳比郡之子壯年致仕歸廬春詩一朝投紱真高士萬卷藏書舊世家○碑日云唐符載廬州新城門頌畧云嗣曹王臯討李希烈駐師于此始具板築其後庚辰歲九月始成○員半千出爲廬州刺史不顧任吏常以文雅粉澤所至禮化大行人爲立碑李泌唐玄宗時使與太子遊太子稱爲先生楊國忠惡之諸徒新長源好遊山川多有題刻○唐太守杜敏生祠碑在治內集古錄張祭撰文史惟則

黃州府志勝入卷之三

主

八分書以乾元二年立○物產志云廬州出竹宜笛及簞唐白居易寄簞與元九詩笛竹出廬春霜刀劈翠筠織成雙入簞寄與獨眠人卷作筒中信舒爲席上珍滑如鋪薤葉冷似卧龍鱗清澗宜乘露鮮華不受塵通州炎瘴地此物最關身○廬州出花蛇首方背有花紋尾如鷄距其香襲人能愈風痺之疾花蛇有洞在州南四十里龍峰之下又云在廬口鎮大明寺前○廬州有鬼烏宋王禹偁自黃徙廬聞此鳥詢其名或答曰此名廬州鬼烏偁大惡之未幾果卒蘇子瞻作禽言詩云使君向

蘄州更唱蘄州鬼我不識使君寧知使君死人生
作鬼會不免使君已老知何晚○寰宇記云蘄水
源出縣西大浮山一名蘄山江水經云蘄水出江
夏蘄春縣北山是也○溫水出當州蘄春縣界東
北六十里山下凝冬之月蒸氣上騰人皆沐浴○
翻車水蘄春郡記云九江王英布于翻車水北築
翻車城以示背楚歸漢之意今有翻車河城去州
東南八十里○鉛鋅水在州治前源出樞黎山入
蘄河高溪在州東北源出白崑山南入蘄河又名
三十六水水經注云蘄春縣有五水蠻左馮居咀

黃州府志勝

卷之三

圭

藉山川世爲抄暴宋世沈慶之于西陽上下誅伐
蠻夷江界寧謐卽此處也○大江上接黃州過蘭
溪巴河蘄口下流入宿松界○降磯在州西一里
大江中其磯隆然而出故名又里許爲鴻宿洲秋
冬鴻鴈宿此洲渚有石名新生磯○東湖在州治
東一名金沙湖○赤東湖在州北十里蘄水所注
其地有鼓吹廟地中嘗聞音樂故名○麒麟山在
州治北鳳凰山在州治南俱以形似而稱麒麟山
州與衛之所宸也鳳凰山卽羅真人飛昇之所舊
有一石百鳥無棲止者俗謂之鳳凰臺查山在州

東宋程谷隱居之谷隱蓋珣之後云○白雲山在
州西八里自旦及暮常有白雲繚繞其上隋時建
塔寺焉嘗開汴河得入定僧二員遣使送至蘄州
白雲山再召之二僧遂入古井中隱沒唐名比禪
二聖院宋名廣教禪院有曉禪師真身○四流山
在州北山嶺迤邐有水南流者西流者俱入蘄水
縣界北流者入壽州霍山縣界東流者入安慶府
太湖縣界故名四流○百家冶山在州東北安平
鄉卽蘄竹所產也○碧雲峰在州東百二十里其
下有松山寺漢永平中伏虎慈應禪師卓錫于此

黃州府志勝

卷之三

圭

州北二十里曰燕子崖元至正間江不花園聚鄉
兵立寨以禦紅巾賊者

黃梅縣

在州東一
百七十里

黃梅山在縣西四十里其山多梅有黃梅水出焉
隋唐時以此名縣實改自新蔡者蔡山在縣南五
十里唐曹王臯敗李希烈于此孔氏曰龜出九江
水中論語註云蔡大龜也○縣有東西二山爲四
祖五祖道場西山卽破額山東山卽馮茂山也破
額山去縣西北四十里四祖道信禪師住此上有
香爐峰慈雲塔唐柳宗元詩破額山前碧玉流驂

人遙駐不關舟春風無限瀟湘意欲採蘋花不自
出○馮茂山在縣東北三十里五祖弘忍禪師住
此以山爲馮茂所施故名山頂有池生白蓮花又
名蓮峰唐裴度詩徧尋真跡躡莓苔世事全拋不
忍問上界不知何處去西天移向此間來○又二
十里爲烏牙山上有靈峰院唐白居易所撰碑及
宋張商英輪藏記王得臣塵史云斬之黃梅有烏
牙山僧舍小詩曰李太白作夜宿烏牙寺舉手捫
星辰不敢高聲語恐驚天上人攷本集中無之○
縣北十里青嶺院有普惠大師真身縣東北十五

黃州府志勝八卷之三

寺

里安國院有廣嚴二大師及清道者真身縣東三
十里成相院有銓大師及周梁二祖師真身○佛
母堂在縣西南二十里卽五祖托生周氏女童之
處東禪院在縣西一里號蓮花寺乃五祖傳衣鉢
與六祖者有六祖鐸棟池隆腰石樊禪師真身及
吳道子所畫傳衣圖○縣東一里有衆造寺五祖
之解院也唐戴叔倫撰曹王臯出師碑豎在院內
○吳赤烏鐘在縣南之龍潭寺有古鐘釜上有赤
鳥二年鑄等字○太子驛在縣南七十五里舊傳
梁武帝于此得子號太子驛唐改臨江驛宋之問

初到黃梅臨江驛詩馬上逢寒食愁中屬暮春可
憐江浦望不見洛橋人北極懷明主南溟作逐臣
故園腸斷處日夜柳橋新張籍前題楚驛南渡口
夜深來客稀月明見潮上江靜覺鷗飛旅宿今已
遠此行殊未歸離家久無信可聽倚寒衣按其地
今名太子洲○九井寺在縣西十六里梁開成中
有宗義師鑿井九所陰寶相通汲一井而餘井演
漾謂之九井寺今爲靜因寺○德章寺在縣東北
德章山卽安國院也宋林敏功詩我行廬州城東
望黃梅山謂言一舍地何時可躋攀今日復何日

黃州府志勝八卷之三

壘

籃輿到山間林間德章寺秀恍青雲關○志云縣
前河其源有三一出縣北三十里之隆平山又十
里之小溪山一出縣東北五十里之古角山合流
至縣前出小池口入江按隆平一名龍平亦名鳳
平形勢峭險堪以保禦宋咸方曾立柵寨于此○
城塚記云九江故城在縣西南七十里九江王黥
布所築晉書寧康元年因新蔡縣人于黥布舊城
置新蔡郡城中有黥布父母墳○南晉州六朝所
置陳書云吳明徹攻下晉州趙斬城是也唐武德
初亦兼置此州宋趙令衿游五祖山夢老僧告曰

至晉州當有哭子之戚翼日抵黃梅縣與令言因
革令曰唐時嘗爲南晉州越四日其子竟死○塚
廟記云晉安帝時番禺刺史宋益隱于縣北考田
山之黃齡洞卒塋于此後人立廟祀之○齊鮑照
墓在縣北里許墓前有俊逸亭取少陵俊逸鮑參
軍語也照爲臨湘王子瑱參軍掌書記因築室于
此相傳邑基卽明遠宅

廣濟縣

在州東六十里

本漢蘄春縣城唐武德初析置永寧縣天寶間以
河南有永寧縣因改今名○志云白石山在縣北

黃州府志勝入卷之三

三

二里其山白石磊積如瓊瑤故名○靈山在縣東
三里世傳麻姑仙住此○金仙山在縣西七里亦
麻姑上昇之所上有朝斗壇○多雲山在縣東十
五里天雨必先集雲有風洞投石則風起又十里
爲明水山上有龍潭飛瀑甚奇○龍池山在縣南
四十里山頂有池唐時池中有鯉魚化龍飛去○
又二十里爲靈泉山山中有洞石燕泉出焉洞內
巨石如床可坐○積布山在縣南一百里下臨大
江登石森立形如積布卽水經注所云積布磯也
水經又云江之右岸有黃石山又其北有黃石磯

江水又左傍青林湖按今縣西有黃石磯青林湖
○武山湖在縣南六十里又二十里爲馬口湖○
梅川源出橫岡山下東過治南流入武山湖以注
大江○武家穴傍臨大江上有盤塘下抵黃梅之
楊家穴長一百九十里堤路橫亘其中商賈時集

黃州府志勝入卷之三

七

承天府在省城西五里領州二縣五

春秋屬楚爲郢都左傳桓十年君次于郢都也是也故魏文帝于此立郢州矣元至元十五年改爲安陸府國初降爲州以所治長壽縣省入今之元祐宮其故址也嘉靖十年以

世宗潛邸陞州爲府賜名承天與直隸之順天應天爲域中三大焉按長壽縣晉惠帝所置故城在東南隅原爲竟陵石城富水等郡所領郡廢仍屬郢州○城邑攷云竟陵郡晉太康置石城郡後周分置富水郡唐天寶置○楚詞宋玉對襄王曰客承天府志勝八卷之四

有歌于郢中者其始曰下里巴人國中屬而和者數千人其爲陽阿薤露國中屬而和者數百人其爲陽春白雪國中屬而和者數十人而已引商刻羽雜以流徵國中屬而和者不過數人是以其曲彌高和彌寡也後人因建白雪樓宋謝謬記云楚地諸州皆有樓觀收攬奇秀而郢之白雪尤稱雄雅波光野色極目千里雲烟風物朝昏萬狀大爲騷人墨客攄發情性之資今白雪樓移在郡治又有陽春亭在通判廳與白雪樓相望○白雪樓下有五客堂乃舊設石城之遺址也唐李昉守郡時

繪五禽于壁間鶴曰仙客孔雀曰南客鸚鵡曰西客鷺鷥曰雪客白鵬曰開客越千餘年樓且迺與迺廢而堂亦不存萬曆間知府事孫文龍徹而新之仍繪五禽于屏門更孔雀曰文客昭其彩也鸚鵡曰詞客爲其能言也鷺鷥曰俊客美其潔也鶴曰仙客鵬曰開客乃仍舊云○宋玉石二李昉始得之榛莽間後移白雪樓今佚○浩然亭在白雪樓側王摩詰過郢書孟浩然像于亭題云故人不可見漢水日東流借問襄陽老江山空蔡洲後皮日休改曰孟亭仍爲之記○輿地碑曰云宋嘉定庚承天府志勝八卷之四

千江陵李耆壽于郢州白雪樓倉得斷石一塊上有六十五字乃效歐陽率更體文理斷續不可讀其間有孟先生三字終于波撼岳陽城五字則知其爲孟亭石無疑○安陸郡南齊時與竟陵郡同置雲杜長壽等縣屬竟陵新陽新市等縣屬安陸其後廢置分并不一曰竟陵者以自荆門來西北諸山至此而盡也安陸其義亦同○水經注云郢水又逕安陸故城西故郢城也因岡爲壙峻不加築按西漢地理志雲杜縣下有郢城應劭註云左傳若敖娶于郢今郢亭是也因岡爲壙卽今之石

城晉書云羊祜立石城因山以爲固咸康五年庾亮欲移鎮此蔡謨以爲不可曰自沔以北水急岸高魚貫汧流水陸異勢者也通鑑簡文帝元年魏將楊忠執柳仲禮降安陸取漢東乘勝至石城湘東王繹遣使求和魏人許之盟曰魏以石城爲封梁以安陸爲界卽此地矣○古樂府莫愁石城人家在漢水之西善歌唱進入王宮其詞云莫愁住何處住在石城隈艇子打兩槳催送莫愁來唐胡曾詩古郢雲間白雪樓漢江還繞石城流何人知道遼天月曾向朱門送莫愁今有莫愁村在城北

承天府志勝入卷之四

三

至今村中多桃花花落之時溪水皆香唐李商隱詩石城誇窈窕花下更風流○富水詳京山縣下宋淳熙間張聲道有富水志序實郡志也○志云宋玉井在府學泮池側其泉清冷湛冽異于他水○蘭臺卽龍飛舊邸前高岡昔宋玉賦楚王遊于臺上披襟當風卽此處也然其地在昔已有龍興寺唐皮日休寶香亭記云在蘭臺之西龍興寺北豈非有以應五百年聖人出之識與○梅臺在郡城東漢梅福昇仙處其傍有子真宅及煉丹井○大隱林小隱林俱在城南昔漁父垂釣之所○子

晉臺在城北相傳伍員入楚屯兵于此○漢城在漢水濱世傳關羽駐師此城○漢上茅屋張伯常寓郢時築○解珮亭在城北十里漢濱卽鄭交甫遇仙女解珮處旁有漢臯亭按交甫解珮載他處者不一然觀無名氏漢臯別意詩曰征帆初下碧烟波極目秋空柰若何惆悵弄珠人不見相思忍聽莫愁歌則解珮事應屬郢

鍾祥縣附郭

三國吳孫權置牙門戍于此晉宋以來爲長壽縣國初長壽省入州自州陞爲府仍于其北境置縣

承天府志勝入卷之四

四

欽定今名以示鍾祥孕秀之義此嘉靖十年事又益以荆門之馬良望鄉乃十八年○志云漢水自宜城逕古郢縣故城又東逕縣城又南逕章山又西南至于沔陽出漢陽入江卽禹貢所謂江漢朝宗于海者也漢東之山自隨州大洪山來南十五里曰城子山上有古城基又西南十里曰黃仙洞以有仙人黃姓者隱此又西南七十里曰白水崑懸崖流瀑色如素練又西二十里曰盤石嶺有上盤中盤下盤言石路盤迴也又西十五里曰龍爬山山上有龍爬痕故名又西北二十里曰純德山

舊名松林山 興獻帝陵寢在焉 欽定名號列
于五鎮之次又西南十里曰天子岡在純德山左
又北三里曰九龍岡橫亘而西卽石城山也○漢
西諸山自荆門州石人山來東六十里曰屏風山
絕頂平衍中有兩泉宋開禧間郡守李直炳徙居
焉又東四十里曰斑竹岡唐韓翃送人赴江陵詩
斑竹岡迎山雨暗卽此今地與江陵縣界又東南
一百八十里曰內方山在漢江上卽禹貢所謂內
方也一名章山一名馬仙山以唐司馬子徽煉丹
于此○按章山在治南里許西魏平漢東立基州
奉天府志勝天卷之四 五
仍統章山郡者輿地紀勝以爲去長壽縣南百三
十里遠近懸殊若此大抵內方跨漢陽德安承天
三郡俱有之而章山郡縣南北朝廢置亦無定所
故耳攷王象之所載基州及章山縣蓋唐武德初
所置今屬荆門州界○志云花山在縣東舊傳靈
濟祖師過此百草開花故名象山在縣北與仙澤
山對峙若二獸蹲踞水中各去城百里○水經曰
沔水又東豐樂水注之敖水枝水又注之按豐樂
河源出大洪山西北流逕盤石嶺溉田甚廣民賴
以豐故名敖水源出黃仙洞西南流合枝水卽今

之直河也枝水出橫嶺西北流逕古郢縣又西南
逕秋城西南左注敖水又龍鵞湖在城南三十里
金港在櫛木山下水溢俱達于沔又龍鳳港在城
南四十里鹿湖池在城東六十里俱漢江之支流
也○碑目云唐毗沙門天王祠堂記開成丁未郢
州刺史崔耿撰○荆山郭橋記貞元十年郢州長
史劉丹記○郢州風土考古記教授石才孺撰○
類苑云郢州漁人網于漢水得一石長丈餘群小
蛤鱗次相比綢繆鞏固以物試拭其端得一書卷
乃唐天寶年所造金剛經題誌甚詳字法奇古其
奉天府志勝天卷之四 六
末云醫博士攝比陽縣令朱均施首尾無露漬土
人李孝源所得孝源感經像之異施萬繒寫佛經
一藏于郢州興陽寺
京山縣 在府城東一
百一十里
梁立新州及新陽縣沿東漢南新市之名也西魏
改新州曰溫州新陽曰角陵又改南新市爲富水
及盤陀二縣隋大業初州廢改角陵曰京山以盤
陀縣省入宋乾德年又以富水縣省入○按寰宇
記南新市在縣南三十里以常山郡有新市故此
加南後漢劉伯升收兵新市平林卽此也又云王

匡兄弟舉兵于此號新市兵縣北九十里有三王城匡與王鳳王常所屯故謂之三王城舊屬當陽縣界有古碑○溫湯水元和志云在縣十五里出新陽縣澤中口徑二丈五尺垠岸重沙端淨可愛冬月素氣如烟昔有玉女乘車入于此泉其湯有十八眼西魏溫州以此名○角陵者以皂角鎮有數丘陵多生皂角樹故名在縣東南七十里入景陵界○盤陀卽盤石嶺也去縣百五十里入鍾祥界因詳彼下○京源山在縣東十里寺後山窟下舊有石刻以崖枯草莖瘦水清魚影寒爲韻今被

承天府志勝

卷之四

七

野火所燬○富水發源大洪山東北自隨州來西南入應城界有大小富水亦謂之大泌水富水廢縣去今縣北七十里宋乾德初置城南門甃串猶存○志云大洪山東南三十里曰太陽山又東十里曰關山嶺富水出焉又西南六十里曰金子山潮水泉出焉又南十里曰橫嶺潮水所逕又東南八十里曰石人山上有一石類人因名又東南六十里曰張良山峰巒高峻峭壁間有一橫徑多馬跡以子房出師過此又東十五里卽京源山也橫山西北六十里曰聊屈山一名盧屈山白水出焉

左傳楚昭王奔隨將徙城曰卽此又南六十里曰潼泉山又西南二十里曰磨石山篴水出焉潼泉又東南二十里曰仙女山峭壁挿天洞口有石床石枕石鏡臺宋建炎中有人持炬入遊數日而出乃隨州也又東南三十五里曰空山洞又東北二十里曰惠亭山西南五十里曰子陵山中有巖子陵讀書臺下有洗墨池帝星井又西南六十里曰寶香山舊傳慈忍禪師過此手焚異香因名又東五十里曰火門山一名天門山世傳光武行兵舉火夜度此山因名唐陸羽廬于火門卽此山也縣

承天府志勝

卷之四

八

南五十里有聖人嶺相傳孔子適楚經此又縣北八十里有曉書堂以孔子與書雨濕曉此臺下因名○馬跑泉在張良山之陰相傳漢關壯繆駐兵于此有卓刀石其泉南流十里許滙爲潭曰司戶深不可測昔有曹司戶者禱雨不應因委身深潭中少頃其澤大沛又東南流十里曰滾鐘潭又東流里許曰多寶鐘潭潭深數十尋方廣丈餘宋建炎寺燬于盜鐘自巨焰中躍入此潭故名○五泉出橫嶺下泉有五穴湧如鼎沸西南逕聊屈山南流合曰篴入漢新羅泉在石人山下相傳嘗有新

羅僧修行于此白玉泉在寶香山珍珠泉在子陵洞與金子山之潮水泉俱入湓水○漢江北十里水溢而滙曰泗水即泗汭湖也土墻湖在縣南七十里亦出寶香山湖側有金鷄塚昔有金鷄圖其上樵牧皆見之其傍忽生金蓮○唐志云富水有白沙山白沙水所出又二十里為辦頓市相傳漢光武魯頓宿于此梁湘東王繹有自頓還郢城南詩○縣東有曹武市魏武征孫權所經縣北有武臺枕山臨水魏武以為習兵之所各去縣五六十里又有晉羊祜亭故臺即今之穴河寺也去縣南

承天府志勝

卷之四

九

一百餘里○城外有會仙橋以後漢張楷得名楷字公超能為五里霧者○有董仲符石其地多蛇虺之毒漢董永子仲過此嘗書二符石上其害遂除今符石尚存屬潼泉山下○八角井在縣西南八十呈梁高僧演教之所其井其列異于他處○家廟記云楚王墓在縣北八十里有大墓數十相傳春秋時莖不辨何王冢○蕭天子墓在縣南六十里五泉曠野中高丈餘宋建炎中寇欲伐之忽有大蜂如鳥紛然四出及大蛇橫墓前乃思而止○市買娘子墓在縣東北六十里有女子日挈筐

簪市物于富水岸人踪跡之見其冉冉入墓中遂不出○申大夫廟在縣東南潁江祀申包胥○宋王安石祠在惠亭山上公承是邑有惠政民思之為立廟

潛江縣

在府城東北八十里

爾雅水自漢出為潛攷漢水自石城北三十里分流為蘆汭河逕縣東南復入于漢故有潛江之名國初屬荊州府自設承天之後始以縣來屬蓋唐之科巡院五代之安遠鎮也宋乾德初始置縣有狀元坊在縣學前為里人畢漸立有三賢祠祀唐承天府志勝

卷之四

賈肅公介孫大監俸及畢公少卿漸○志云舊縣基在豆子湖去城西四十里今屬道隆鄉又四十里之棠林岡有余潭城相傳關壯繆守南郡時築其地近江陵界○縣與沔陽界者潛水自蘆汭河逕縣東南流為上新口下新口入沔又自排沙渡東流為深江又南流為恩江十里許復與潛合○沱水乃江水自郝穴口溢入東北逕三湖芝江湖至縣南二里為馬市潭潭北五里有沱埠淵縣東有池曰南池北池縣北有湖曰太平西有湖曰青陽南有湖曰東白西白及陸家淵俱沱水所注今

縣治在斗隄周廣七百二十八里皆重湖矣○輿地碑目云古帝寺碑在潛江縣東北二十里寺內有斷碑一段其字磨滅不可讀

荊門州

在府西南領縣一
九十里

荊門虎牙已見水經注詳夷陵州下此則唐貞元年所置荊門縣也五代高季昌建荊門軍治當陽宋開寶中徙之長林卽今理所按長林縣晉隆安年置而荊門初置縣時蓋分自長林者國初以長林縣省入○荊門初爲軍爲府元天曆間始改州國朝初屬荊州府嘉靖十年始改今屬○輿

奉天府志勝入卷之四

土

地記云荊門山在城南虎牙山在城西各去五里其山亂石巉巖上合下空有如虎牙重門之狀或云虎牙山州南三里亦有之卽與荊門兩峰對峙舊設虎牙關于此楚之西塞也郊石山去荊門山百步有泉發其麓南北二派其南出珠其北出玉亦名珠玉泉○志云州西有蒙惠二泉卽州城隍所引以爲池者象山在州西一里兩峰對起狀若蛾眉亦名泉子山又名象山陸九淵號象山本此其州城卽子靜先生所議築也山下有泉二派北曰蒙南曰惠蒙泉常寒惠泉常溫輿地碑目云蒙

泉題詠唐沈傳師而下得五十七人朱震序又有王蔡詩在惠泉寺內沈傳師李德裕所唱和傳師詩云京洛馬駸駸塵勞日向深蒙泉聊息駕可以洗君心宋知州事彭乘分爲三沼延至竹陂河入漢江○攷漢水在州東九十里源出嶠冢山逕漢中爲漢水至武當謂之滄浪水至潛江謂之沔水經云沔水又東會權口水出章山東南流逕權城北古之權國春秋莊十八年楚武王克權權叛圍而滅之遷于那處是也權水又東入于沔水又東南與陽口合○孫文龍志云權水源出西蒙諸山

奉天府志勝入卷之四

土

逕太子岡會流爲曹將軍港逕內方山東南流逕古權國城今州東南之那口城是也又東入于沔○按曹將軍港卽權水以唐曹全政劉巨容嘗敗黃巢于此因名通志云在州東南一百八十里其地有內方山卽禹貢所謂內方也以中有品穴方而且深故名○太子岡在州北五里元文宗爲太子時駐蹕于此百官進食皆不受惟啜一茶後人目爲太子岡有題詩曰玉輅金根駐此岡一卮鳳髓進霞觴豈知四十餘年外老樹殘蟬送夕陽○建陽河在州北一百三十里水經注曰陽水又東

白湖水注之湖在大港北港南曰中湖南堤下曰
昏官湖三湖合爲一水東通荒谷谷東岸有冶父
城春秋傳曰若敖繼于荒谷群帥囚于冶父謂此
處矣水咸則通大江否則南迄江堤北逕方城西
方城卽南蠻府也又北與三湖會○咸弘之曰南
蠻府東有三湖源同一水故耳陽水又北注于沔
謂之陽口中戛口也先主當陽之敗張飛按矛于
長坂備得與數騎卽趣漢津遂濟戛口是矣○直
江在州東南一百二十里又三十里爲長湖又五
十里爲平塘湖俱匯三湖以達沔者○按直江有

承天府志勝入卷之四

三

渠溉田百頃長而且直又名直渠古綠麻縣及新
城俱設于此二城宋呂文煥都統邊居誼築○志
云靈鷲山在州北三十里有龍洞深五里石臺
甚高春月水流如鐘鼓管籥之聲宋熙寧中山泉
溢有緣器輒車流出誌字曰嘉州蓋泉與蜀通也
又五里爲白峰山卽靈鷲山之首○城邑攷云荆
門府在當陽古城荆門縣在州治東門外故長林
縣地東山之下東山距州東南一里其頂平夷號
太平頂上有楚望亭舊編都縣所理其北卽長林
有標林長坂拱木修竹隱天蔽日長林蓋取名于

此○古宛城在州南六十里舊志云魏立荊州理
宛城其地也古樂鄉城在州北八十里輿地記云
樂鄉有二吳樂鄉在松滋縣卽陸遜所守者此樂
鄉晉安帝時置唐陳子昂有次樂鄉縣詩故鄉杳
無際日暮且孤征川原迷舊國道路入邊城野戍
荒烟斷深山古木平如何此時恨噉噉夜猿鳴其
前一首有度荆門望楚詩以此證之無疑○抱玉
崑在州西北百九十里望鄉村有潛玉亭址卽楚
卞和采璞處也○春申君故宅在州東二百里有
春申站孔克學詩云簪纓珠履客如雲國威曾無
節義聞漫有故宮衰草裡相逢惟說孟嘗君○介

承天府志勝入卷之四

四

子推宅在城南三十里父老相傳以爲介子推所
焚之山有之推廟說苑介子推行年十五而相荆
仲尼使人往視之卽其時也○燕左伯桃羊角哀
墓九域志云在長林縣界今爲羊角村○嚴子陵
宅在州北三十五里石板舖又二十五里有嚴山
相傳漢子陵隱此○昭君村土人云在州城外杜
少陵詩千山萬壑赴荆門生長明妃尚有村○掇
刀石在州南二十里關將軍嘗息兵掇刀于此其
石噴吮碧色痕跡儼然後人建廟孔克學詩云赤

兔生花汗血毛戰餘松下解征袍將軍一笑風雲散曾借巉巖寄寶刀○威顯廟在長林縣平安市中神乃張飛之子紹及其孫遵也俗呼爲張三郎張四郎○晉桓公河在鷄鳴澗北卽夷水也桓溫父名夔改名蠻河唐王建荆門行云喚起官程渡蠻水卽此○赤湖在州南百六十里晉桓玄挾帝西幸劉毅等追襲之斬玄黨血流水爲之赤故名○沈約墓在州城西有掘發其銘云年月不約未能歸葬云輿地碑日載沈約碑在荆門軍官通判家○尉遲恭塚在城南五十里有尉遲敬德祠

承天府志勝八卷之四

○白社在州南一百二十里石隱士之居以白茅爲屋因名廣都官鄭谷常居于此守愚卒後隱士有白社已應無故老清江依舊遠孤城之句○熨斗坡在縣東北八十里唐李端自荆門赴夔州詩云琵琶寺裏響空廊熨斗坡前古戍荒○衛公賦詩石在城西唐李德裕節度荆南賦詩刻石于蒙泉上黃魯直書蒙泉二大字有蒙泉詩集唐宇文鼎李德裕沈傳師劉次山宋歐陽修孫僅孫翀諸名公作○讀書臺在東山下宋孫何與弟僅讀書之所後相繼擢大魁政和間朱震與弟巽讀書于

此亦俱成名

當陽縣在州西一百二十里

注水經曰沮水又東南逕當陽縣北縣城因岡爲阻北抗沮川其故城在縣東一百四十里謂之東城在櫟林長坂南長坂卽張益德橫矛處也沮水又東南逕驢城西磨城東又南逕麥城西昔伍子胥造驢磨二城以攻麥邑卽諺所云東驢西磨麥城自破者矣沮水又南逕楚昭王墓東對麥城故王仲宣賦登樓云西接昭丘者也沮水又南與漳水合○漳水出臨沮縣荆山東南過蓼亭又東過

承天府志勝八卷之四

章鄉南荆山距景山東一百餘里雖群峰競舉而其山獨秀漳水南流又屈西南逕編縣南縣舊設高陽城西南後移治許茂故城城南臨漳水又南歷臨沮縣之章鄉昔關羽保麥城詐降而遁潘璋斬之于此漳水又南逕當陽縣又南逕于麥城東王仲宣登其東南隅臨漳水而賦日夾清漳之通浦倚曲沮之長洲是也○按當陽本漢舊縣南北朝及唐宋析爲州郡者曰平州曰玉州曰漳州郡唐宋時析爲縣者曰安居曰昭丘曰臨沮曰荆臺廢置不一故址紛紜宋紹興間以縣省入長林旋

復置則今縣當設自南渡後縣城門四東曰紫蓋
西曰玉陽南曰鳳川北曰清漳樓名仲宣聊存其
舊者云○按紫蓋山在縣南八十里道書三十三
洞天有南北二峰頂上四垂若繖林石皆紺色下
出綠水厥味甘馨每遇晦日輒有金牛出食光照
一山漢劉綱夫婦上并于此山上有五帝仙祠併
葛洪煉丹井又名倒板井○玉泉山在縣南三十
里色白而瑩又曰珠泉泉南爲天台智者道場卽
關將軍遣鬼工所造按郭璞遊仙詩序謂此泉潛
行九萬八千里通天竺注震旦者也唐李白詩自
承天府志勝入卷之四

七

序云玉泉寺中有白蝙蝠大如鴉棲則倒懸飲乳
水謂之乳窟又有仙人掌茶出于玉泉山巔羅生
枝葉類碧玉其狀如掌清香異他茗蓋發乎中乎
禪子及青蓮居士李白也初名覆船山自智觀居
之始易爲玉泉唐初神秀亦居之學徒萬人時號
南能北秀碑目云唐國初玉泉寺大通禪師碑燕
公張說撰侍郎盧藏用八分書甚古碑尚存貞元
間玉泉廟記大理評事董挺撰又有二碑其一邵
子明其一李安期也僧正誨詩云斷碑有字埋芳
草廢塔無名起暮烟按寺有鉄塔高五丈餘宋嘉

祐年立○關將軍祠堂記亦董挺撰又有五代時
石馬洞碑在花溪之下清溪之上其廟神卽關壯
繆也宋紹興中漁者獲漢壽亭侯印于洞庭納之
長沙庫中光焰異常因送玉泉山關公廟後淳熙
中主僧欲獻于東宮印旋失去○玉泉唐賢題詠
詩碣張九齡常建李白孟浩然周朴白居易僧齊
已也宋張田序張仲圓篆額碑尚鮮整又有題梳
粧樓詩云畫樓不可見寥落秋草荒鏡作空山月
無人更理粧蓋爲宋章獻后梳粧處后本成都人
隨父龔美遊玉泉感夢于神及冊爲皇后贈賜甚
承天府志勝入卷之四

太

隆○鳳皇山在縣西四里以形似名其下爲丹溪
水所逕因名丹鳳溪與白龍相對○漳水在縣北
三十里左傳楚攻王師于漳潁是也○仲宣樓初
在縣南後因縣尹黃恕改爲洪樓遂使荆襄之仲
宣樓擅名宇內而故處反湮沒○當陽坂在縣北
六十里劉先主爲曹孟德所敗棄妻子走使張飛
留守騎斷後飛據橋頭瞋目謂曰身是張益德也
可決一死戰魏師爲之少卻今有順流橋在縣北
四十里沮漳合流其下卽張飛據水斷橋之所○
碑目云永興觀碑在當陽縣後街唐元和中立○

餐霞觀碑在當陽縣之園臺陳宗遜撰度遠書其碑字剥落惟存前梁尚書侍中基州長史等字○三星院石塔刻在縣之東宮堰其石柱刻云唐貞元十七年荃智壽和尚舍利塔

沔陽州

在府南三百一十五里

領縣一

梁武帝分竟陵置沔陽郡于雲杜故城唐李賢漢書註雲杜縣在沔陽西北是也後周置復州于此以復池湖爲名初治竟陵唐貞觀年仍徙沔陽宋至道年以江陵府玉沙縣來屬國初省入州直隸湖廣行省嘉靖設承天府因屬焉州與衛同城

承天府志勝八卷之四

九

洪武甲辰三月以指揮同知吳復鎮沔陽冬十月以沈友仁代之州城卽友仁所築○太史童承敘志云故復州城在州北二里俗名七里城西魏建興縣唐初復州皆設于此錢起登復州南樓詩孤樹延春日他山卷曙霞客心湖上鴈鄉思日邊花行李迷方久歸期歲月賒故人雲路隔何許寄瑤華○江北小城東西北俱存惟南瀕江爲水所齧相傳卽玉沙縣治元以沔陽設府玉沙附郭故當其地耳白沙水出京山縣白沙山下流經此縣取名焉或以城北湧玉泉當之泉傍沙白如銀隨

流湧出入于漕河元末明王珍玉沙縣人○周地圖云夏水合諸水同入漢自漢入潯名七里沔州名取此方輿記云在復州江漢夏三水所匯之處是也按舊沔陽城名七里城亦本于此○水經曰沔水又東南逕江夏雲杜縣東夏水從西來注之註云卽睹口也睹與潯通用沔水又東逕左桑肯周昭王南征舡人膠舟以進之昭王渡沔中流而沒死于是水齊楚之會齊侯曰昭王南征之不復寡人是問屈完曰若其問諸水濱使仲雍言村老云百姓佐昭王喪事于此成禮而行故曰佐喪左

承天府志勝八卷之四

三

桑字失體耳沔水又東合區亮水口水北承亮湖南達于沔沔水又東得合驛口使仲雍言須導村耆舊云朝廷驛使合王喪于是因以名焉今須導村正有大欽口言昭王于此殞歟矣沔水又東謂之橫桑言得昭王喪處也沔水又東謂之鄭澤言鄭武王與王同溺水于是今按世數既懸爲不近情斯乃楚之鄭鄉守邑大夫卒于是故世以爲鄭公潭耳沔水又東得死沔言昭王濟自是死故有死沔之稱沔水又東逕沌水口水南通縣之太白湖湖水東南通江又謂之沌口沔水又東逕沌陽

縣北處沌水之陽也○玉海云大江在州西南二百里沌者江傍支流如海之沔其港僅過運漕兩岍皆蘆荻支港通小湖湖水通江處謂之沌口有古沌陽縣城址存○長安河即夏水在州南四十里卽江之沱也州西北曰襄河漢之潛也爾雅漢別出爲潛○知府孫文龍志云潛水一自潛江縣排沙渡至深江入州西北界逕到河范溉關栗林麻港南灣至黃荊口入下帳湖東會于白湖又自范溉南播于劉家渡入三江口又自栗林口播于蔣家灣逕蓮臺趨大口合黃荊口水一自上新口

承天府志勝不卷之四

主

逕鮎魚套白汊口一自下新口逕伯口至柳口折而爲漕河俱達三江口合流逕滄浪屈原逢漁父處又逕候埠關趨于白湖又自柳口東播于蘆蒿汀至直步夏水從西來注之逕螺子瀆渣潭東北趨大陽腦入于襄河又自渣潭東南逕小陽張家池壩港入陽名湖匯于白湖出沌口入江江水自巴陵逕白螺山南又逕烏林南東過茅埠口又東過竹林灣又東過新灘水洪二口又東北過沌口東流與漢水合夏水今名長安河水經註卽睹口爲中夏水是也輿地廣記夏水入沔謂之睹口冬

竭夏流故曰夏水自監利入東爲大馬長川過沙口又東北過柴林河至直步與漢水合復車河江自茅埠灌遂湖湖東爲河逕牛埠三灣平放東出新灘口又自三灣逕斗湖至陽名匯于白湖○州東有池曰蓮花陽孟決液湖曰太白一名九真白湖衆水所會由沌口入江曰沙湖陽名短汀白鷺羅湖郝盤泛曰五老紹興南有池曰張家湖曰黃蓬大舍白螺上洪烏流龍泉雲泛西湖小陽直步東南有湖曰下五鮑公土橋潭潭沉槎澗潭西有湖曰百石三陽角兒官港潭曰儲龍東北有湖曰

承天府志勝不卷之四

主

李老三墩莫后泗港泛曰馬骨西北有湖曰上西下西月湖北有池曰復池湖曰白龜註云自潛水至復車河凡六水并湖池泛港四十有四皆隸沔陽州境○史氏曰環沔皆湖也大者凡數百里小者亦不啻數十里蓋稱長波巨浸浩渺之區矣然其北多屬景陵而李老爲大其西多屬監利而西湖爲大其南則黃蓬爲大其東則太白爲大諸湖皆逕進入白湖故沔衆水之匯也太白又沔水之匯也沔之水瀦于太白洩于沌口地勢使然也不然沔其魚矣乎○黃蓬山去州南二百里其山墳

起江湖間延綿環結而秀其支曰香山以形似香
爐俗名望鄉又爲石靈松林鳥林之屬水經注曰
江水左逕烏林南與江南赤壁對峙周瑜破曹操
于此處遂湖上有古城曰却月城外有臺相傳
魯肅屯兵其上俗呼魯公魯婆廟元末徐壽輝陷
沔陽陳友諒起兵于黃蓬以應之友諒沔陽人其
父乃黃蓬漁子也○志云廣福寺在黃蓬山唐乾
元元年馬祖道一禪師創○紫陽觀在城北一名
天慶觀有唐神龍年所鑄鐘及三色檜宋徽宗嘗
題金字于上品進大內宋張采詩亭亭古柏不知
承天府志勝入卷之四
年天寶以前耆舊傳○紫極觀有讀書堂唐皮日
休陸龜蒙讀書于此○望仙樓在州城上晏公類
要云刺史鄭肇建○寶香閣宋韓適建後爲湖山
堂

景陵縣 在州北二
百一十里

漢舊縣史記周赧王三十七年秦白起攻楚拔郢
東至竟陵卽此地也晉天福間避石敬瑭諱改爲
景陵○後漢劉焉魯恭王之後裔也章帝元和中
徙封竟陵支庶遂家焉世亂入成都其子璋領益
州牧○唐陸羽傳畧云縣西湖傍有鴻鴈集陂橋

上而覆小兒于下僧史積師得之育至三歲以易
筮占其姓名得蹇之漸爻詞鴻漸于陸其羽可用
爲儀乃氏以陸名羽字鴻漸羽自傳亦云育于竟
陵大師積公禪院後負書火門山鄒夫子墅○按
志火門山在縣西六十里自火門西南十五里曰
青山曰惠亭山又東南七十里曰五華山上有伏
羲廟古風城其下有臨津門有神農廟又西十五
里曰龍穴山山傍有龍穴陂一名龍尾山又西八
十里曰白螺山山下有珍珠陂又東南六十里曰
巾戌山在今縣北七十里古竟陵城設在巾港河
承天府志勝入卷之四
西三里唐張祐夕次竟陵詩南風吹五兩日暮竟
陵城腸斷巴江月夜彈何處聲○水經注曰陽水
又北逕竟陵縣西又北納巾吐柘柘水卽下陽水
也巾水去縣東一百九十里西逕巾城下城下置
巾水戌晉元熙二年竟陵郡上巾水戌山得銅鐘
七口歸之上府巾水又西逕竟陵縣北西逕楊水
謂之巾口水西有竟陵大城古鄖國鄖公辛所治
所謂鄖鄉也昔白起拔鄖東至竟陵秦以爲縣王
莽之守平矣世祖建武十三年更封劉隆爲侯國
城傍有甘魚陂左傳昭十三年公子黑肱爲令尹

次于魚陂者也按王海曰戰國多以水攻故楚守
甘魚之口魚陂在城西北○孫文龍志云先師像
係吳道子筆在學中先是縣庠在城內嘉靖壬寅
督學柯使者行部至邑見東西湖中有小洲風氣
所聚改遷學址親爲定向至此馬伏地不行以爲
其下必有異物掘得石碑乃所刻道子先師像也
文雖剝蝕古意猶存○雲杜城今縣北古城是雲
夢城在縣西卽古雲夢澤也城東南隅有夢野臺
宋景祐中州守王珙建謂一目可盡雲夢之野故
名晏殊宋祁吳育蘇紳石延年皆有詩○境會亭

承天府志勝八卷之四

五

在城南宋祥符間創鼓角樓掘得一石乃唐寶使
君境會亭也因作亭以紀之○鴻軒在縣城北宋
張丰謫居所構後別去有詩云他年若問鴻軒人
臺下薔薇應解語蓋嘗植其花于是處云又縣東
南六里有撒花臺廣百餘丈縣北三十里有花臺
周五丈高丈餘俱不知何代築○志云縣南一里
有義河橋相傳宋太祖微時嘗渡此以錢遺舟人
不受及帝卽位詔特免其魚課故名義河河長五
里巾水之所逕也巾水又逕楊林口亦名楊水至
便河口復入于漢便河者元知府白景亮以縣去

漢江逶爲開此河民舛便之其地土得石有白公
溝三字亦名白公河便河之右曰留駕河蜀志云
先主敗于長坂斜趨漢津與關羽船會得濟沔當
是此處○縣北一里有清河橋舊有清河亭記云
漢南之漁于獅子馬腸清水諸河皆潛水也與南
河俱由楊林口趨風門以入于漢爲古三瀝之地
禹貢蔡傳瀝水名左氏有句瀝章瀝雍瀝達瀝是
也章瀝已見當陽縣下此三瀝卽縣西南之三瀝
口古有漢川廢縣在焉縣瀕漢而言漢者漢水所
過也亦猶夏水入漢不言漢而言夏也縣河西自

承天府志勝八卷之四

五

南河口入南自黑流渡入北自石家河入故名三
汭去縣西南三十里

德安府在省城西北三十里

西魏始置安州五代後唐同光改安遠軍宋宣和元年以神宗潛邸陞爲德安府古浮雲寺其所建節處也○國初降州旋復爲府領州一縣五○攷春秋即國爲楚所滅封鬬辛爲郢公卽此地唐張亮亦封郢國公今有郢公廟在府學東○兩漢六朝安陸郡縣俱設于此故今郭下縣曰安陸○宋司馬崑在郡圃有趙然亭相傳溫公嘗讀書其上○范公亭在城中廂舊名呂公亭以呂丞相大防貶安陸時寓此後因范致君再寓其地因易今名德安府志勝入卷之五

安陸縣附郭

○菱堂宋周必大記○竹塢在郡署後山舊名黃巢臺我成化間知府王璽種竹于上易以今名漢舊縣昔江夏郡治此劉宋以後爲安陸郡治隋以吉陽縣省入有南吉北吉二山縣在山之南故名其地今入應山界六朝宋謝述封吉陽侯于此○輿地紀勝云車蓋亭在城西北隅取魏文帝詩西北有浮雲亭亭如車蓋語也漁隱叢話云蔡持正確守安州登車蓋亭作十絕其一云紙屏石枕竹方床手倦拋書午夢長睡起莞然成獨笑數聲

漁笛在滄浪殊有閒適之意○石柱山在縣城北上有石柱尚三丈○石梁山在縣西北西連白兆其狀如梁故名○石巖山在城南晉張昌作亂于此山織竹爲鳳衣以五彩象肉其旁有朱白鳥許言鳳凰降因爲建元神鳳水經注云沮水又南逕石崑山北晉太安二年鎮南將軍劉弘遣牙門將及初與張昌戰于清水斬昌傳首揚州亦卽左傳定公四年吳救楚于柏舉從之及于清發者也故謂沮水卽清發水矣○紫金山在城西北削壁陡絕石色皆紫故名其上有跨鼇堂遺址宋宣和間德安府志勝入卷之五

鄭昂記云平沙四岍縈帶城郭商帆漁舟出沒烟際半揖白兆崑巒疊秀其下卽李太白之廬想見其當日拏丹砂撫青海而陵八極也北曰壽山卽太白所謂橫吸霞露隱居靈仙者也○按志白兆山在城西三十里上有桃花崑龍泉李白有桃花崑寄李侍郎詩歸來桃花崑得憇雲牕眠卽此山上有仙人洞僧妙濟寫經臺及太白讀書臺宋蔡確詩西山彷彿見松筠日日來看色轉新聞說桃花崑石畔讀書常有謫仙人○又其地有甌山後周置甌山縣以此唐郝處俊襲父爵爲甌山公故

云靜觀山下有湏溪景雲潭潭傍有郝處俊釣臺○章山在城東四十里古文以為內方山左傳吳台豫章與楚夾漢杜預以為此豫章當在江水北淮水南圖經云豫章即今之章山唐李白娶安陸許氏及流夜郎妻在父母家有寄內詩云南來不得豫章書亦謂安陸之豫章也按左傳伍員伐楚破公子常于豫章五戰入郢豫章之名本此○陪尾山在城東北四十里禹貢熊耳外方桐柏至于陪尾水經注云遼水出永陽縣東石龍山歷于橫尾即禹貢之陪尾山也○湏水在城西北一里

德安府志勝

卷之五

遊流城西岍傍有洗足石方輿記云五代周世宗微時隱水西寺濯足于此石上有古檜一株在勝業院原名救苦寺李白上安州李長史書有春遊救苦寺詩即此也後改為勝業院○湓水出江夏廢半壽縣西南過安陸入鄖○霍水源出自北山逕雲夢蒼子港入鄖○唐令狐撰築室湓溪南值雪跨馬入城詣侯后房借書令小童携書麓負琴皂纁煖帽交轡長吟曰借書離近郭冒雪渡寒溪後有布衣林逸善繪為令狐雪中渡寒溪圖○湓水在城南五十里沈括筆談云清濁相揉者為湓

湓與湓合流色如蠟燭十里方混故名○金龍淵在城西輿地紀勝云宋時道家有金龍玉簡學士院撰文每歲醮投于名山河海此淵其一也○雲夢澤在縣南五十里史記司馬相如傳云楚有七澤其小者名雲夢方九百里左傳云鄧子之女棄子于夢中無雲字楚子濟江入雲中無夢字以是知雲夢乃二澤而禹貢及爾雅皆曰雲夢者蓋雙舉二澤而言耳舊尚書云雲夢土作又唐太宗得古本作雲土並作又遂詔改從古本○宰相林在府城東十八里有玉碑以其碑石似玉故名唐許

德安府志勝

卷之五

紹嘗與高祖同學封譙國公卒塋此林紹之孫女李白婦也家在城西六十里大安山下按王安石有許氏世譜以紹封安陸公因師欽宗欽明俱其後也因師為龍朔中宰相欽宗欽明同時將兵邊郡以禦契丹突厥俱被執不屈而死○許敬宗者紹之族孫也天寶之亂敬宗有孫曰遠與張巡共守睢陽殺愛妾以徇士人為之死守時相張許云○李青蓮集詩云儻然金園賞遠近含晴光樓臺成海氣草木皆天香忽逢青雲士共解丹霞裳永退池上熱風生松下涼吞討破萬象褰窺臨衆

而我遺有漏與君用無方心垢都永滅永言願
房游安州般若院作也○碑目云金泉寺唐碑武
后延載元年安陸長史孫達建有石浮屠九級上
鐫數百字去治西五里○梁侯景置碑在治內天
監六年爲安陸太守甚有威惠立石○唐安
州刺史李聽神道碑在治內中聽自安州
遷神武大將軍舊史云聽自安州古錄以爲史
氏之闕○後余劉圮貞明中守安州城西北隅
依石壁造水樓以備不測懸綆以水今超然亭其
址也明年被圍于吳始知井樓之利因爲立碑頌
德安府志勝入卷之五

德○宋漢賈以五代崇義中守安州其墓記云政
聲喧鵲鵲洲中和氣汎鳳皇山下鳳皇山已詳石
崑山下○宋處曆中孫甫之翰以諫議知安州在
任著唐史記七十卷及唐史論斷行于世

雲夢縣在府南四十六里

本漢西陵安陸二縣地西魏于雲夢古城置縣因
以爲名○雲夢澤在縣治南六十步已詳安陸縣
下次漢地理志云西陵有雲夢宮則雲夢宮當在
縣境有楚襄王廟史記秦拔西陵取之正及襄王
時故爲立廟○輿地紀勝云真珠陂在縣東三百

步每雨過有圓砂光瑩如珠里許卽楚王城按左
傳定四年吳入郢楚昭王奔鄖此蓋築城以自保
也又十里爲韓信堤廟祀尚存今在石羊岡鄉又
五里爲鵲鵲陂○志云縣治北有於菟鄉史記楚令
尹子文生時父母棄雲中有虎乳之楚人謂虎爲
於菟因以名之又十里爲江夏城宋書地理志
江夏郡治安陸後移夏口○西河渡在縣治西南
二里又二十里爲隔浦潭又三十里爲沙鳥渡○
坡塚記云楚王千金塚在縣北十里高三丈東西
十五里內有荒塚數百皆楚宮人陪葬者○許落

德安府志勝入卷之五

本

市在縣北十四里宋時曾移雲夢縣于此其地有
越王臺相傳楚昭王姬乃越王勾踐女女思鄉築
之以望越王按烈女傳云昭王與姬登附杜之臺
以觀雲夢之面是也唐戎昱登雲夢故城詩故國
惟墟在登臨想舊遊一朝人事變千載水空流夢
渚鷗飛晚荆門樹色秋片雲凝不散遙掛望鄉愁

應城縣在府南八十里

本漢安陸縣地劉宋置應城縣西魏以縣置城陽
郡隋志云西魏置應城者誤也隋廢郡改縣名應
陽唐武德四年復爲應城○志云城陽郡在治北

三里有古城寺號妙高臺卽蒲騷城故址左傳楚屈瑕將盟貳軫郢人軍于蒲騷是也又縣南有楠池楚武王卒于楠木之下卽此○輿地紀勝云伍家山在縣東北二十五里隱士伍氏所居上有禪剎龍井又其地有崎山蜿蜒從京山來○按伍山舊傳伍員駐師于此今縣南三里有女兒橋石塔記云伍員奔天途中饑甚見織女求食女指所餉令自取之員曰後當報汝旣而女知恐禍及已遂投港而亡卽此橋下水也○京山在縣西南六十里上有溫泉澤中深淨如鑑聞人聲則湯發可以德安府志勝入卷之五

七

煇鷄東南流注于涓水卽王女泉李白詩云神女沒幽境湯池流大川陰陽結炎炭造化開靈泉地底爍朱火沙飭歛素烟沸珠濯明月皎鏡涵空天氣浮蘭草滿已漲桃花然散下楚王國分澆宋玉出獨隨朝宗願赴海輪微涓○西河源出大洪山至縣境抵漢口入江○義河在縣西北與西河同源上接安陸下接漢陽入江○五龍河出京山流至縣境魚子港入西河渡○三臺湖在縣西南六十里湖中有上臺三亦五龍港所注○宋上蔡先生祠堂在縣學朱熹記祀謝顯道也紹興年顯道

嘗宰茲邑國朝華清有應城十詠詩俱五言古體上蔡祠其一云

孝感縣在府南一百二十里

本漢安陸縣地劉宋因孝子董永分置孝昌縣今之稅課司乃孝昌館故址也後周改今名○按通志董永永乘縣人漢人父避兵來居安陸貸錢于富家裴氏爲奴以償工感天帝令織女配之織絹償錢以贖其身償畢辭去騰空而逝今有董永湖在縣東五里湖中有升天臺永墓在縣之廣陽鄉其父墳側○寰宇記以孝子黃香墓亦德安府志勝入卷之五

八

在縣界鳳皇山山下有黃瓊宅香之父也香爲其父母溫被扇枕見漢書列傳○鳳皇山在縣東四十里方輿記云晉永和四年鳳皇產于其上又云鳳將九子翔來亦名乳鳳岡唐羅隱詩昔聞丹穴鳳翔集高臺端○三山在縣西北八十里有三峰峙立其頂連大洪山○白雲山在縣東北八十里亦名石人山元蔡罕隱此自號白雲先生又十里爲九峻山亦名九宗以景物幽趣不減長安之九峻也舊圖經云唐大將王鐵鎗所居上有八景如寶陀崑羅漢崑鄧道墓之偏又有堯夫亭以

純仁倅安州時嘗餞送客于此後人因為立亭○大伍山小伍山在縣東北一百二十里重山叠嶂遙望若行伍然○大悟山在縣東一百五十里輿地紀勝云唐太和元年有僧法信自五臺山來此一日爲民祈雨引利刀截右膝復截左膝弟子奔持其刀自乳流出師遂涅槃其足至今藏于佛殿宋慶曆中賜號靈濟大師○輿地紀勝云東潒水西潒水俱出巴界○淪河在縣南源出潒河經此入荆江○環河在縣北四十里源出應山縣界來環繞山谷故名西魏之環岳郡唐之潒州俱置焉

九

德安府志勝不卷之五
今潒河鎮是○宋湖村在縣東宋宣和間縣民于楚子文廟東南掘地得古器大小凡六又甌鼎三因曰爲九寶云○西湖村去城九十里紀勝云宋太祖潛龍之旨嘗因渴索酒飲村姓家姥持酒以進言權禁甚嚴此私釀幸密之與金不受太祖貴特宥西湖村酒禁至今置萬戶酒○膳脂石廟在縣北六十里有天生石屋古老相傳爲膳脂石廟不詳所謂○張井廟在縣西井卽與張巡許遠同守睢陽死節者宋朝加賜昭烈廟○晉董黯墓圖經云在縣北百三十里晉孝子董黯家焉後魏大

統年改爲董城郡以此○縣北百里有義陽城其東有沿城俱梁時置義陽詳隨州下

隨州 在府西北一百八十里 領縣一

春秋隨國楚滅之以爲縣通典云晉屬義陽郡後分置隨州左傳曰漢水之國通義大杜註今義陽郡是也唐武德初郡併于隨州大曆年劉長卿曾爲此州守其詩有云淮南搖落客心悲潒水悠悠怨別離早鴈初辭舊關塞秋風先入古城池○輿地志云潒川在隨州東古城在州東南三十里舊光化縣址楚子城也左傳桓八年楚子合諸侯于

十

德安府志勝不卷之五
沈鹿黃隨不會使遂章讓黃楚子伐隨軍于漢淮之間因築城以逼隨是矣○水經注云潒水出縣東南大洪山山在隨郡西南竟陵東北樊基所跨廣圓一百餘里峰曰懸鈞平懸衆阜爲諸嶺之秀山下有石門夾鄣層峻巖高皆數百許仞入石門得鐘乳穴素唾壁立凝膏下垂望齊水雪微津細液滴瀝不斷幽穴潛達行者不極窮深而穴內常有風焚火無能駐潒水出于其陰初流淺狹遠乃寬廣可以浮舟楫巨川矣時人以潒水所導故亦謂之潒山潒水東北流合石水石水出大洪山東

北流注于澗謂之小澗水而亂流東北逕上唐縣故城南本蔡陽之上唐鄉舊唐侯國春秋定三年唐成公如楚有兩肅霜馬子常欲之不與三年唐人竊馬而獻之子常歸唐侯是也澗水又東均水注之水出洪山東北流逕上山北又東北流入于澗水澗水又屈而東南流東南逕隨縣西縣故隨國矣有澱水出縣西北黃山南逕澱西縣西又東南澱水入焉澱水出桐柏山之陽呂忱曰水在義陽澱水東南逕澱西縣又東南流于澱澱水又東南逕隨縣故城西春秋莊四年楚武王伐隨令鬬德安府志勝入卷之五

土

祈莫敖屈重除道梁澱軍臨于隨謂此水也水側有斷蛇丘隨侯出而見大蛇中斷因舉而藥之故謂之斷蛇丘後蛇啗明珠報德世謂之隨侯珠亦曰靈蛇珠丘南有隨季梁大夫池其水又南與義井水合水出隨城東南常湧溢而津注冬夏不異相承謂之義井下流合澱澱水又南流注于澗澗水又會于支水水源亦出大洪山而東流注于澗澗水又逕隨縣南隨城山北而東南注○按志隨城山在城南七里始因國以名山後因山而名城也大義山在城東北五十五里周圍百里民居其

商賈富有相給足有大義之風晉設義陽郡以此澱水在城西北南流入澗水澱水在城東南亦名澱水按西魏置澱西郡後又改澱西曰下澱卽左氏云楚除道梁澱者也○斷蛇丘在州西城內卽隨侯得珠處今名夜光池沈佺期詩令君歸漢東明珠報知己蓋指是事○驢驢陂在州城北唐城之白雲鄉今唐縣鎮有驢驢橋石刻三字猶存按左傳晉楚戰于郟唐侯爲左拒註云唐侯楚之小國是也○大洪山在州西北九十里相傳慈忍尊者道場舊以峰巒奇絕建寺曰奇峰寺宋崇寧

德安府志勝入卷之五

土

間改爲保壽禪院其山四面斗嶮絕頂巉石中有大湖經行之人常見雲氣在下碑曰云大洪山慈忍靈濟大師碑文宋楊傑撰大洪山靈峰禪寺十方記張商英撰○厲山在州北一百八十里山下有厲鄉左傳楚人伐徐齊師曹師伐厲以救之卽此西漢志註隨故厲國也荊州記云山有二穴舊傳神農所生鄉人以此地爲神農社每年祀之龔宇記云厲鄉西有塹兩重塹內有神農宅宅中九井汲一井則八井震動民多不敢觸穴口石上有神農廟○隨季梁廟在州南八十步按左傳楚武

王侵隨而求成焉隨少師請擊楚師季梁止之
天方授楚楚之羸其誘我也君何急焉君姑修政
而親兄弟之國庶免于難隨侯懼而修政楚不敢
伐人思其德立廟祀之○廟記云隋文帝廟在州
東南一里唐天寶六年置按州西南有龍居山以
隋文帝微時隱焉故名今它基爲智門寺文帝初
國號隨至煬帝始改爲隋字字書云音墮不音隨
故享祚不長○紀勝云馬穴山在州南山下有穴
似馬故名牛心山在州北其山高峻望之如牛心
故名○驢泉山在州北九十里上有池大旱不涸

德安府志勝入卷之五

圭

昔出神驢其中荊州記云驢泉山石鹵潤牛馬經
過食其味其不能去土人云牛馬解逸卽此山尋
之又有稷弩山晏公類要云山中有此獸昔人射
彼不中棄弩而去故名稷弩○輿地碑目云州治
東南舜井巷有舜子井秦時斷碑字多漫滅僅存
五大夫數字宋元祐丁卯許覺之記碑首有詩云
一千二百餘年外萬古銷磨不可尋舜子井泉誰
記古隨人問巷祇如今隸書字雜科虫體民爵名
存藥石陰登覽時來醒醉目也勝他物在園林○
古鈴記云自棗陽至厲鄉有九十九岡道路交錯

宋蔣吉詩九十九岡遙天寒雪未消○唐開元
中院額在城東二里普安寺亦有金剛經碑○漢
中紫陽先生碑唐李白撰柳公綽書碑角殘缺字
漫滅不可讀碑陰書寶曆二年○紫陽先生塔銘
亦李白撰寰宇記云在廢光化縣去州東南三十
里石刻宋人詩曰李白文章世有名柳公書札擅
家聲紫陽仙去祠空在寶曆殘碑字已平自註云
柳公節制漢南故書此碑○韓昌黎集有送諸葛
覺往隨州讀詩云鄴侯家多書架插三萬軸一
一懸牙籤新若手未觸自註李繁時爲隨州刺史

德安府志勝入卷之五

圭

繁鄴侯泌之子也諸葛覺往從之遊故云按歐陽
永叔作昌黎文集序曰予寓漢東大姓李氏子堯
輔頗好學予多游其家得昌黎集六卷因乞李氏
以歸讀之見其源深而雄博也○宋龍圖閣尹洙
慶曆中貶隨州寓居城東金燈院後人立尹公亭
曾鞏爲之記州從事謝景平刻石○歐陽永叔有
隨州李秀才東園亭記畧云脩友李公佐構亭在
其居之東園李氏世家隨予少以江南就食居之
李氏家多藏書訓子孫以學予爲童子與李氏諸
兒戲見其方治東園往求美草一一手植周視封

樹日日去來園間甚勤李氏既歿其子公佐益修先人之所爲引予登亭上周尋童子時所見則樹之孽者抱昔之抱者竹草之苗者叢蓂之甲者今果矣問其游兒則有子如予童子之歲矣嘆嗟徘徊不能去因爲之記時明道二年十月十二日也○沈括吳興人宋神宗朝謫團練使安置隨州著存中筆記○邢居實恕之子也有異才從恕居隨州作南征賦○蘇子瞻墨蹟崇寧改元刻石在倅廳之左○漢東舊志林疑序新志董之奇撰

應山縣在州東一百一十里

德安府志勝

卷之五

圭

本漢隨縣地梁大同二年分置永陽縣隋開皇十八年改爲應山縣○輿地紀勝云應山在縣西南三十里縣以此名志云縣東南一里有應臺山山當縣治頂平如印又名印臺按應山應臺本一山而所載東西里數懸殊者蓋唐初于縣置應州在禮山下禮山去縣東八十里則應山當在西矣有禮山縣亦唐時並置旋廢按今之武勝關卽古禮山關也魏人謂之東關○志云橫山在縣南二里山橫縣治前故名○三鐘山在治西五里山有三堆如鐘之垂俗名團山有五色石如龍形自山上

蟠屈至于澗底荊州記云永陽縣石龍山出石斛如金釵後漢王常傳劫畧龍鍾注云石龍與三鐘山之間是也水經注云遼水出石龍山北流南廻逕永陽縣西○孔山在縣東三十里山有洞穴每大風將起穴先有聲○凍山在縣東南四十里宋元豐間太守滕甫自汴赴官經此時無風雨寒甚因名○高貴山在縣東南六十里其頂有石如龜又名大龜山有聖水井嘗見白龍潛于中太平河發源于此○汶水河在縣西北經東南入方家河○白泉河在縣東三十里懸流而下入澗河卽漢

德安府志勝

卷之五

圭

東河也漢東河在縣西四十里李白詩云彼美漢東國川藏明月輝○天井澗在縣東二十里龍興寺傍北澗石上深一丈有奇廣八尺泉水冬夏不竭舊設平康寨于此○白鴈關一名百鴈關在縣北○鷄頭山在縣東北九十里有二山遠相向如鷄欲闢之狀環水在西鷄頭又十里爲環山○歐陽文忠集有連處士墓表畧云處士諱賓字輔之其先閩人自其祖先裕嘗爲應州令後爲磁郢二州推官卒而反墓應山遂家焉處士父故多貲悉散以賑鄉里教其二子以學曰此吾貴也歲饑出

穀萬斛以糶而市穀之價卒不能增近縣之民皆賴之處士有弟居雲夢往省邁疾而卒以柩歸應山應山之人去縣數十里迎哭爭負其柩以還過縣市市人皆哭爲之罷市三日宋慶曆二年塋于安陸蔽山之陽○宋慶元年湯起崑有重脩四賢堂記謂二宋二連也宋庠宋祁兄弟隨父宦應山有渡蟻橋在城南連處士子庠知卬茂二州有美政與景文同時甚讚美之徙卽州通判卒

鄖陽府在城西北一百里領縣七

古麋庸地春秋時曰錫穴爲錫之西鄙左傳晉文公十一年楚潘崇伐麋至于錫穴是也西漢始置錫縣于鄖隋唐以來爲鄖鄉縣屬均州 國朝成化七年以陝西之西安漢中河南之南陽及湖廣之荆襄各邊境流民聚集亡統盜賊易生而皆去其省會遼絕文告往來彌月不通因設鄖陽巡撫以統治之其易縣爲府易鄖鄉爲鄖縣皆此時也外屬曰房乃西漢置曰竹山舊分自房者曰竹谿今分自竹山者曰上津鄖西保康實割金谿之餘鄖陽府志勝入卷之六

以勅置之府治于鄖○鄖御史中丞臺始建于陽城原僦其後有聞于時者吳郡王世貞以萬曆初年任而徐學謨繼之徐亦吳人○元美有鄖陽藏書記云鄖鄉古一聚落城如斗大攷其流寓之跡惟有唐濮恭王泰泰選志括地藏書典籍踰于秘閣及歿而施宅爲寺遺書之存絕無影響予乃購書三千餘卷歸諸郡庫俾友而鑰之以啟異日文獻之百一云爾○元美又題有春雪樓扁及綴詩二章在郡西北隅城闌上學謨爲之記○按濮恭王故跡雖載諸均州然有墳塚在城北五里地名

長辨村則錫之郎爲近其故宮去郎西北一百八十里今乾明寺是其故基○水經注曰漢水又東逕郎鄉故城南謂之郎鄉灘縣故黎也卽長利之郎鄉矣地志曰郎有闕李奇以爲郎子國華陽國志云魏黃初二年文帝轉中儀爲魏興太守封郎鄉侯劉先王時申耽亦封此地郡城東北七十里○黎子關乃沿黎子之名○志云糜麻子國也郎卽糜地竹山竹谿卽庸地上津卽商地保庸介于糜庸之間郎西介于糜商之間

郎縣附郭

郎陽府志勝八卷之六

二

詳見郡下隋唐之季析置南豐州于此圖經云豐州丹水出丹魚先夏至十日夜間伺之魚浮水有赤光上照如火以網取之割其血塗足可以步行水上按志紅巖在城東南二里舊名赤壁厥勢高峻日光霞彩朝夕掩映其下有龍滾灘勢特洶湧丹水所經丹水卽漢水也○水經注曰漢水東逕魏興郡錫縣故城北爲白石灘春秋之錫穴地故屬漢中王莽之錫治矣漢水又東逕長利谷南入郎有長谷故城舊縣也○志云縣西二百餘里有廢豐利縣晉之長利縣也太康年改長利爲錫縣

後魏分錫縣置長利以俯長利川而名○寰宇記云錫義山一名天心山在縣東北六十五里道書福地記曰天心之山方圍百里四面有門上有石壇長十餘丈世傳列仙所居山高谷深多生薇薔其草有風不偃無風猗猗輿地紀勝云天柱山在縣錫義鄉山之左有峰狀如天柱上有三石門內有飛仙一日三朝按志錫義山距西百八十里周圍百里支脈入城內外○城南一里有天馬山又里許爲寶蓋山俱臨漢水靈寶許論天馬亭記云出郎城渡漢江登岸見大石俯于港圍可數十步郎陽府志勝八卷之六

三

問之曰卽天馬岨所墮石也正壓洞口石上岨間有天馬岨三字爲神異之筆相傳昔有駿馬出食于野人伺而逐之馬逸于洞將從之崖崩石墜但有文三字可見○寶蓋山卽注水經云郎鄉之西山也山上有石巖募舍卒視之與真無異山北有岨其傍有穴甚明號曰星牖攷漢水自嶓冢蜿蜒西來經此山下以達三灘兩岨束之誠爲控扼之要區矣○古寨山在城西南十里昔楚城此以備秦師又名大寨山有寒泉水出其下注水經云漢水又東謂之汾灘冬則水淺而下多大石又東爲

淨灘夏水急盛川途湍洑行旅苦之故諺曰冬涉
夏淨斷官使命言二灘阻礙也又縣西六十里有
堵水漢地里注云堵水入于漢俗名堵口○志云
縣南七十里龍門山兩崖對峙如門水從中出
其下有龍門河東流至城南二十里有神定河同
注于漢○明都御史王鑑之修履記云郡治東靈
泉之西昔人鑿石爲渠壅河爲堰引以溉田者二
曰武陽曰盛水按武陽洞名在城西五十五里懸
崖深邃廢穴莫測盛水源出馬賊泉圖經云漢光
武駐兵于此馬賊而地忽傳聲掘之得泉卽斯水
鄖陽府志勝八卷之六 四

矣○輿地紀勝云白鶴觀在鄖鄉西渡十五里昔
帝者封禪于東嶽感仙鶴五百餘隻降于圓壇上
因勅天下置觀以白鶴名此其一也又有明道觀
唐貞觀年改濮王泰宮所作宋天聖年特賜乾元
圖紹興十七年此圖迎致行在○乾興寺宋宰相
張士遜功德院也士遜經乾興院詩云桐枝手植
有桐孫二紀重來觀此身

房縣在府西南二
百里

春秋房子國西漢置房陵縣東漢置房郡魏改新
城後周改光遷隋復爲房陵郡唐改房州降州爲

縣自戒明始○按世本云舜封堯子丹朱于丹朱
生陵以國爲氏志載房山在縣西南三十里四面
有石室如房相傳丹朱所遊懸粉水出其中流入
漢江雍州記云蕭何夫人于此漬粉鮮潔異諸水
矣王象之云房山有獨松驛舊設今廢○左傳文
十一年楚子伐麇成大心敗麇師于房闕駟云防
陵卽春秋時防渚也漢初爲防後漢始改爲房縣
西有阜山文十六年戎伐楚至于阜山是也○史
記秦始皇使王翦滅趙徙趙王遷于房陵後呂不
韋之家亦徙焉華陽國志始皇徙不韋舍人萬家
鄖陽府志勝八卷之六 五

于房陵以其隘地也漢時宗族大臣有罪亦多徙
之唐要圖云趙王塚在房陵縣北九里王思故鄉
作山謳聞者莫不流涕卒因葬焉○水經注云房
陵郡漢末所置又分置上庸郡其城三面注水蜀
先主遣孟達攻房陵上庸二郡孟達來降魏文帝
乃令房陵上庸西城三郡置新城郡以孟達爲太
守治房陵按志縣南二里有莠水三國時魏將張
郃屯宕渠劉備屯莠口卽此處○南北史梁侯景
之亂荆襄地入西魏廢帝二年改新城郡爲光遷
國後周國廢爲郡舊傳此地有三百人于房山中

學道得仙因名其地爲廣仙後人語訛爲光遷元和志云光遷水在縣西三十里卽故光遷郡治之羅溪也按縣有三花九室常爲仙人遊集之所輿地紀勝云三花洞在房陵福溪巖下阮豐間有道者日簪三花遊于市頗能詩知人未來禍福蘇軾贈以詩有千年飽服長生藥三朶長簪不老花之句九室山在縣西四十里卽樵人爛柯處也山北九室宮陳搏修煉于此○攷唐書武德元年改房陵郡爲仙州亦以其地多仙跡而名貞觀十年改置房州武后嗣聖元年遷中宗于房州通鑑書帝

鄭陽府志勝人卷之六

六

在房州是也紀勝云龍興寺在州治南卽廬陵王故宮寺有述聖碑建中三年立○後唐刺史脩解斷碑在治內圖經云唐貞觀年由竹山徙房陵解宇其詳莫考近得斷碑數百字有特修解署壯郡城之氣槩巧安池榭光衛府之威稜逸其年月而官稱乃後唐之刺郡者故有鈴齋舫齋坐嘯亭濯纓亭凝香閣房陵道院俱在治內○畫境修城記云房陵爲州隘陋無遊適之地獨是城喜言言而門觀房塹如邊方皆有法度其地四塞而險固故蜀將孟達與諸葛公書云所在溪陵司馬公必

不來吾無患矣○紀勝云青峰在縣東古詩有新晴遠村白薄暮羣峰青之句指此山也赤崖在縣西乾溪石壁上有篆書古字白谷在湯溪對岸夷堅志云湯泉在房陵山中東去縣十里出硃砂龍神守護甚嚴○建鼓山在縣東南袁山松記云登勾將山見馬巖建鼓巖然半天華陽國志云此卽山水之難有馬巖建鼓之險也○鳳凰山在縣西三十里有道林巖俞商衡記云道林寺梁僧寶誌掛錫之地六朝至今字畫猶存又十里爲明月山其下有屋誌公修行于此夜望光如明月故名○

鄭陽府志勝人卷之六

七

定山在縣西南四十里吳曾漫錄云房陵定山有朱仲李園三十六所潘岳間居賦房陵朱仲之李是也○景山在縣西南二百里東與荆山接連沮水發源于此山海經云荆山之首曰景山鴻鴈南翔北歸偏經其上土人因名爲鴈寨山寰宇記云房陵有三十五溪三十四山此其發源處也按今入竹山界○三十五溪其名最著者曰臨愁水其下爲解散川宋張舜民詩有客嘗談解散川偶因晴景到溪前春流似鏡清無底石壁如門翠插天夜氣結成三洞雨春渠欲盡一州田臨行始覺房

陵好更欲遲留任一年○城塚記云廬陵王城在南門外又一里爲尹吉甫宅吉甫當縣人○漢張敖墓在縣西百里敖封宣平侯卒葬此○唐袁天綱墓在縣東北一百里高塚尚存林木森蔚○縣西南一百二十里地名秦白昔人築塘掘得石云秦白起伐楚屯兵于此今有秦人城寨

竹山縣在府城東南三百八十里

春秋庸國楚滅之秦置上庸縣于此梁析置安城縣西魏改爲竹山縣唐初爲房州治貞觀移之房陵宋開寶年以上庸省入○元和郡縣志云周武

鄖陽府志勝天卷之六

八

王會諸侯于孟津庸人往焉尚書秦誓庸蜀羗予微盧彭濮人是也左傳文十六年楚有灾庸率羣蠻以叛楚滅之秦置上庸縣故斬尚言秦將以上庸六縣易張儀于楚見通鑑周赧王四年○晏公類要云秦王城在縣南一里唐景龍中掘得石碣云秦白起伐楚于此下寨○上庸故城在縣東四十里後漢省曹魏後置屬新城郡按志庸城山在縣西五里古庸人居此上置鼓亦名垂鼓山又方城山在縣東三十里山上平坦四面險固山南有城周十餘里春秋庸地有四方城此其一也左傳

楚使盧戡黎侵庸方城注云在上庸縣尖上玄水源出庸嶺下亦謂之上庸水南流入孔陽水有潭深不測或投石其中風雨暴至按上庸蕭梁改爲武陵縣後魏廢帝又改爲孔陽縣以孔陽水爲名志云孔陽水在今縣北六十里源出檀溪嶺其水滌物除垢磨礪刀劍性甚利也縣西四十里有浸水源出王塚山下亦堪浣濯色白如練南流入武陵水梁武陵縣以此名○寰宇記云白馬山在縣西南三十里舊傳卽新城山盛弘之荊州記云孟達爲新城太守登白馬山而嘆曰劉封申耽據金

鄖陽府志勝天卷之六

九

城千里而不能守豈丈夫也哉因爲上堵吟今人猶傳此聲音韻憤激其哀思之音乎遊者云重山疊嶂亦信然也按此山以臨堵水故孟達作上堵吟九域志云竹山縣有堵水卽今南江源出金州平利縣界流入漢江○寰宇記云縣有北河源出房陵縣西繞城東流不通舟楫有石崖門爲之阻隔輿地紀勝謂之北星河流入上庸水東入于漢有鳳溪鰲谷微江受陽諸水注之按鳳溪源出武陵山卽武陵水也鰲谷在縣西十里其水多蛇邑人謠云莫飲鰲谷水水中有蛇龜○九域志云微

江對岸有百丈山甚高峻按華陽國志謂之維水
出縣界維山東入于漢○輿地志云受陽水在縣
南山之南卽唐所析受陽縣也建炎戊申胡騎入
寇公私室廬俱爲煨燼遂移治竹山至紹興癸丑
復移于房陵之張羅平是年六月乃移今治元時
省入竹山縣以縣西五里筑山而名筑水所出有
白雲巖在其下宋劉光祖詩萬竹山中丹葉秋五
峰巖鑄白雲流黃花夾路開無主青嶂隨人翠欲
流○縣南有霍山龍祇山縣北有長羅山礬石山
縣西有女媧山東北有倉樂山按霍山直縣治前
鄖陽府志勝六卷之六

十

有瑞麥登爽二亭與之相對瑞麥亭在縣治東以
宋慶元間邑產異麥而名鄭延年爲之記登爽亭
在大梵寺側紹興歲姚叔勉宰是邑甯題末章云
登臨安樂襟懷爽後人因以首末二字名亭元周
仁爲之記曰南望霍山之上諸峰如簇濃陰積翠
迭見層出下俯筑江澄澈無底左右林巒吹帶尤
美云○相近爲龍祇山圖經隋有道士王若冲于
此山服柏葉身上毛生碧綠白日飛昇○元和志
云長羅山在縣北四十里山勢延蔓如垂蘿故名
相近爲礬石山山出石礬其白如雪○女媧山在

縣西與燕子山相對俗傳女媧于此煉石補天山
下有女媧廟王象之摘句云女媧山下少人行澗
谷山中一鳥名○倉樂山在縣東北百餘里舊經
云昔有邑人徐元周家富積粟後遇饑饉民乏食
發倉粟以救饑鄉人德之故名此山○竹山縣有
地二頃不生樹木惟有茆茨每歲清明日祭而燎
之預卜歲之豐歉草盡而豐俗謂之兔田

竹谿縣在府西三十里

上庸山在城北十里爲縣之鎮山古庸國治也國
朝成化中析竹山尹店社置今縣以治所在竹谿
鄖陽府志勝六卷之六

十一

之北而名明劉震到竹谿詩萬壑兵屯竹水涯軍
聲陣陣雜胡笳○志云五星峰在縣治前連疊五
峰有相顧之意○畫屏峰在縣西五里斷崖峻嶺
其狀如屏故名○風洞在縣東三十里白巖之西
洞口僅二丈許風從此出其中深廣難測○鼓圓
山在縣南六十里兩山對峙南爲南鼓山北爲北
鼓山山形甚圓下各有洞○縣治河發源自玉關
四十里至廖家河與竹谿河合從縣西而東流十
里至王城合進谿河又三十里合龍燕河又十里
合南陽河又五里合磐定河東下爲竹山江

上津縣在府西北四十里

漢商縣地後魏析置上津縣屬上洛郡宋省入均州 國朝復置○志云五峪山在縣北五里自秦嶺分支來有五峰蟠結縣治龍山在縣東十里上有龍泉治之左掖也又四十里爲黃龍山山下有洞是爲龍巢水經注曰污水又東逕龍巢山下在污水中高十五丈廣圓一里二百三十步山形峻峭秀林茂木隆冬不凋○十八盤山在縣西一百五十里○吉水在縣西源出鶴嶺流入漢江俗名夾河是也箭河在縣東南二十里舊傳宋楊六郎鄭陽府志勝卷之六 十一

與蠻王戰射矢崖間有空窠又云河流迅利如箭故名

鄖西縣在府城北一百九十里

成化中析鄖之武陽里上津之津陽里置今縣以在鄖鄉之西故名○志云黃山在縣北隅又十里爲槎牙山又十里爲觀音洞內有鐘乳滴成大士像又十里爲九穴洞山下有泉九穴出如沸鼎垂如素練其響如雷○石門河在縣西南十五里河中巨石空洞如門故名○聖鐘潭在縣南天河之內舊有聖鐘派人此潭遇風雨則自鳴○御史何

某經鄖西分司詩朝發鄖陽去未休遠看旌旆尚悠悠鄖西只在前山下路遠因過幾嶺頭在惟賢詩迢迢山徑入鄖西竹陰清溪柳陰堤曉旆楓林紅日豔晨炊茅屋翠煙低

保康縣在府西北一百里

本房縣地裁成化中析置今縣治于潭頭坪以保康軍爲名按宋保康軍置在房州○志云蛇峪山在縣治前逶迤三里萬連山在縣北高聳盤互若萬峰之連結○沙石磯在縣西十五里舊傳太公釣此磯傍有石若魚鱗然又十五里爲湯峽河其鄖陽府志勝卷之六 十三

峽出湯水氣薰蒸上達故名杜文龍題終南洞詩城西仙洞邃而幽窈窕煙霞人未遊仙去幾年黃鶴杳洞前時有白雲浮其題歇馬廟詩云崎嶇荆蜀志興劉鐵馬當年懋道周義烈千秋嚴廟貌長廊陰雨夜嘶驕自註云在保康按文龍當縣人以鄉進士知河南縣有文名○終南洞在縣西北四十里洞有二層高廣各二丈餘常有雲氣自洞中出游者以爲是洞深邃不減終南○歇馬廟以關羽入蜀時歇馬于此其祠甚有英靈去縣百里

襄陽府

在省城西南領州一縣六

習鑿齒襄陽記云襄陽本楚之下邑秦兼天下自漢以北爲南陽郡今鄧州南陽郡是也自漢以南爲南郡今荊州是也襄陽乃南陽南郡二郡之地東漢末劉表爲荊州刺史治此魏武帝平荊州始分南郡置襄陽以地在襄山之陽爲名赤壁之敗魏失江陵南守襄陽以備吳西晉爲荊州所治羊祜杜預皆鎮之東晉南渡元帝以魏該爲雍州刺史鎮鄖城今鄖光化縣地孝武始于襄陽僞置雍州宋序以雍州刺史鎮襄陽遂專爲雍州刺史襄陽府志勝八卷之七

一

二

至長門築泊岸二百八十丈又築子堤以護之襄人因呼爲襄公城嗣後嘉靖間副使徐學謨倣其制東西南門外各去城二里許俱築有護城堤○按堤在隋唐時已有之相沿日久其蹟始湮攷新唐書神龍元年漢水嚙城宰相張柬之罷政事願還襄州因壘爲堤以遏湍怒盧肇因有漢水堤銘是也自是襄陽郡置防禦守使李白詩云漢水橫襄陽花開大堤煖劉禹錫詩酒旗相望大堤頭堤下連橋堤上樓○樊城在漢水北卽周仲山甫所封春秋伍員守樊城三國關羽圍曹仁于樊皆襄陽府志勝八卷之七

○志云鞞鞞坊在郡城東鼓樓楚人好斯服因以名之唐崔國輔樂府詩城中美少年相見白鞞鞞○雜說云晉時荊州公府有齋中酒廳事酒猥酒優劣三品劉弘作牧始命合爲一不得分別人服其平○牽羊壇在郡城中相傳刺史初至牽羊詣壇遠之以所遠數驗治州年數宋文帝爲刺史羊遶六次不止後果八年○文選樓在郡城東南隅梁昭明太子集劉孝威庾肩吾輩十餘人號高齋學士著文選于此今有臺址存按昭明以晉安王徙鎮襄陽庾肩吾本傳有常隨府在雍州被命與襄陽府志勝不卷之七 三

劉孝威等抄撰衆籍之語則文選樓似乎有據○南史謝莊性喜山水隨鎮襄陽多所題詠郡西南五里有巖洞政暇出遊彌日忘返後人因目爲謝公處及謝莊洞○韓昌黎集有再上于襄陽書雜志云于頓在襄陽點山燈油一上二千石嘗張燈宴客壯丹會暨集坐一虛亭寂無所有俄間左右云香發木答云已發命捲簾則異香自內出郁然滿座群侍以酒綴絲竹次第而至列有女伎數十首戴牡丹衣領皆繡歌昔人所作壯丹詞進酌而退前後花與伎凡十易盃器皆如其色酒竟歌者

舞者數百人列行送客燭光香霧歌吹雜作恍然若仙遊頓喜豪奢性尤嚴刻吏民憚之故李涉上司空于頓詩方城漢水舊城池陵谷依然世自移歌馬獨來尋故事逢人惟說峴山碑○唐弘文館學士李際碑略云漢陰驛西舊有江亭一所前後虛豁難置門牕重客居停全無牀幅大中三年刺史徐公別構設廳以備迎送長廊虛檻連接前楹惟石修篁羅列其所江波入戶畫舸臨軒洵可謂勝遊之地另開過路繚繞江亭主客相邀咸遂斯禮因命新亭曰漢廣亭僧靈華詩晴看漢水廣秋襄陽府志勝不卷之七 四

覺峴山高

襄陽縣附郭

本漢舊縣王莽改曰相陽光武復爲襄陽獻帝建安十三年置襄陽郡以縣屬焉至今沿之○襄山在城西五里釋文襄上也楚俗之人凡水駕山而下者皆謂之襄也襄山近南爲虎頭山其上有漢昭烈濯筆池元兀木駐馬此山指白河口曰若築壘其中襄陽糧道可斷也後遂築鹿門新城等壘○又里許爲龜山上有礫礫石襄人以三月三日來遊卧擦其上謂可免災患山麓有劉先王亭○

鳳凰山在城南五里舊有梁武帝寺宋之問使過襄陽登鳳林山閣卽此處也按虎山龜山鳳山俱以形似而名又二里爲峴山○襄陽記云峴山高五百步東臨漢水上有漢武帝廟及晉羊祜碑祜鎮襄陽時嘗與從事鄭湛登此山而垂泣曰自有宇宙便有此山由來賢哲登此遠望者多矣皆湮沒無聞湛對曰公德冠四海道嗣前哲令望當與此山俱載祜歿後襄人感其德爲之立碑見者莫不流涕杜預因目爲墮淚碑孟浩然同諸子登峴山詩人事有代謝往來成古今江山留勝跡我輩

襄陽府志勝八卷之七

五

復登臨水落魚梁淺天寒夢澤灑羊公碑尚在讀罷一沾襟○晉柏在峴山下相傳羊祜手植有碑題曰晉柏柯幹如錢石也山下有桃林館晉柏冲北伐屯軍于此因食桃偶擲其核遂成茂林齊武帝樂府詩分手桃林畔送別峴山頭若欲寄音信漢水向東流○柳子山在城北七里檀水出焉梁簡文爲守泛舟窮柳子之源卽此側有沙門釋道安寺亦名檀溪寺卽溪之名以爲寺目也攷後漢獻帝興平四年荊州牧劉表約先王宴會蒯越蔡瑁欲因取先王先王遁走墮襄陽城西檀溪水中

備急謂所乘馬曰的盧今日厄可不努力乃踴躍三丈而過唐孟浩然檀溪尋故友詩花伴成龍竹池分躍馬溪田園人不見疑向洞中棲○志云檀溪有響水洞其地宜竹南史梁武帝沈竹木於檀溪爲舟裝之備卽此處後備吳張二子別業蓋浩然之友也故其詩曰園林二友接水竹數家連○習鑿齒與謝安書每省家舅自檀溪念崔徐之交未嘗不撫景踟躕惆悵終日如此則二子在晉時已有之但崔徐吳張俱逸其名按水經注以爲崔州平徐元直云○望楚山在城北八里舊有三名

襄陽府志勝八卷之七

六

曰楚山馬鞍山茨山圖經云秦與齊韓魏攻楚方城秦軍登山以望楚故名水經注曰山臨鴨湖湖在馬鞍山東北武陵王愛其峰秀改曰望楚矣山南有宋孝武宅又有楚嚴二大字河陽趙清老刻舊傳晉陶弘山簡九日嘗於此登高○萬山在城西十里梁劉邕有萬山見采桑人詩孟浩然題萬山詩云結構意不淺嵩潭趣亦深卽此也襄沔記以紫蓋山萬山峴山謂之三峴故宋時改紫蓋山爲中峴云○萬山下有潭孟襄陽詩自注云卽沈碑潭按杜預征南紀功二碑一立峴山上一沈萬

山潭中唐鮑溶詩襄陽太守沈碑意身後身前幾
年事漢江千古未爲陵水底魚龍應識字○按李
百藥有詩云高峯沈碑影曲澈麗珠光志以曲隈
卽萬山下或云阿頃山或云方山當縣西北一帶
皆是張衡南都賦游女弄珠漢皋之西漢皋卽方
山之異名也孟浩然萬山潭詩垂釣在磐石水清
心亦閒魚行潭樹下猿掛島藤間游女昔解珮傳
聞于此山求之不可得乘月棹歌還○白馬山在
城東南十里山有白馬泉故名南雍州記云每年
刺史稷飲于此又三里爲穀隱山晉習鑿齒嘗棲

襄陽府志勝不卷之七

七

隱焉唐元微之詩貪過穀隱寺留讀峴山碑段成
式穀隱書事云隨樵劫猿藏隈石覲熊緣○隆中
山在城西北二十里諸葛亮寓居南陽往來隆中
卽此宅內有避暑臺三顧堂攷商芸小說云孔明
躬耕南陽乃襄陽之南陽墟非今之南陽郡也○
百丈山在城南三十里昔有麝棲止此山劉表遣
人採藥遇一穴得麝香數十如石蓮馨香異常元
兵逼襄陽宋來興國以百艘侵百丈山是也○鹿
門山在城東南三十里舊名蘇嶺山光武同侍中
習郁幸黎丘夢蘇嶺山神來見因命郁立祠山上

刻二石鹿夾道左故名鹿門漢龐德公唐龐蘊孟
浩然皮日休俱隱於此浩然詩漸至鹿門山山明
翠微淺昔聞龐德公采藥遂不返隱迹今尚存高
風邈以遠杜甫詩昔日龐德公未曾入州府襄陽
耆舊間處士節賦苦携家隱鹿門劉表焉能取○
鹿門山南爲霸王山舊傳項羽屯兵于此又南爲
楊橋山春秋楚爲楊橋之後卽此地也○土門山
在縣西四十里其形如門因名又十里爲鶴子山
以其地近鶴子川○漢江源出隴西嶓冢山其水
因地而名曰漾曰沔曰漢曰滄浪總名爲漢別之

襄陽府志勝不卷之七

八

則有四耳獻帝興平二十四年襄陽男子張嘉王
休得玉璽于漢水獻先主卽此處也唐杜審言詩
楚山橫地出漢水接天回李白詩遙看漢水鴨頭
綠恰似葡萄初撥醅○襄水亦名涑水在城西北
漢志襄陽郡無襄水或卽漢水之別名也孟浩然
詩我家襄水曲遙隔楚雲端○晉書杜預還鎮襄
陽開陽江漕河以達巴河預又於富平津造浮橋
或議其非預曰造舟爲梁則河橋之謂也宋之問
送杜審言詩卧病人事絕聞君萬里行河橋不相
送江樹遠含情○按富平津卽東津楊文公談苑

云余頃與凌步華郎中景陽登襄陽東津寺閣凌博雅君子也蔡君謨吳栢卿皆皆師之素稱翰墨之妙寺閣舊題二十九字在壁者字入三寸其體類韻而逸語復簡而有法○志云白河在縣東北源出南陽白水故名至樊城東入漢又縣東六十里之滾河自棗陽縣來東二百里之唐河自唐縣來皆入焉○縣北七里有七里河東北十里有清河縣南四十里有沙河再十里有土山港縣西北有金水港再二十五里有石碑港再五里有竹篠港縣東南三十里有田塋港再十里有隆盛港已襄陽縣志勝不卷之七

上諸水俱入漢江○漁浦潭在縣南其水深而聚魚卽孟浩然詩水落魚梁淺者○斬蛟渚在城北先時有蛟爲患漢鄧遐爲守拔劍入水蛟遶其足遐揮劍斷之故名水經注曰昔張華遇害亦亡劍于是水後雷氏爲建安從事所留之劍忽於其懷躍出落水初猶是劍後變爲龍故吳均詩曰劍是兩蛟龍○習家池在城南十里後漢習郁嘗穿此池依范蠡法養魚後山簡鎮襄陽每臨此池輒大醉而還名之曰高陽池時人歌曰山公出何許往至高陽池日夕倒載歸酩酊無所知時時能騎馬

倒着白接籬李太白詩山公醉酒時酩酊襄陽下頭上白接籬倒着還騎馬志云習池卽白馬泉所匯池上有杜甫宅甫之祖審言字必簡襄陽人也子美詩云吾家碑不昧王氏井依然○蔡洲在城東北後漢蔡瑁居此因名曹孟德嘗造其家訪焉王維懷孟浩然詩故人今不見日夕漢江流借問襄陽老江山空蔡洲○冠蓋里自府治峴山南至宜城界俱是據水經注因詳彼處杜審言詩冠蓋非新里章華卽舊臺○王粲宅在城西北八里方山北際河水下宅內有古井宋留鞏跋王粲石井襄陽府志勝不卷之七

欄記云魏侍中王粲石井欄記貞元十七年山南東道節度使于頔撰學書記胡證書記一參謀太子舍人甄濟撰判官彭朝議書云上元二年山南東道節度使來瑱移井欄置於襄州刺史官舍故爲記甄濟者韓愈所謂陽瘖避職不污安祿山者其文得之爲可喜而朝議書尤善皆可愛也○龐德公宅在峴山南廣昌里諸葛孔明至公家拜于林下司馬德操嘗造公值公渡河上先人墓操徑入堂上呼德公妻子使作黍後德公隱入鹿門山不知所終宅內舊刻晉范曄贊云江海冥滅山林

長往遠性風疎逸情雲上道就虛全事違塵枉○
龐統宅在城東三里雲封寺是其故址○徐庶宅
在城東南六十里地名甘耳冲今清虛巷是其故
址○司馬徽宅在沔水北德操有戒子書云間汝
充後室如懸磬何以自辦論德則吾薄說居則吾
貧勿以薄而志不壯貧而行不高也○晉習鑿齒
宅不知所在其與故人桓秘書云吾以去歲三日
來達襄陽觸目悲感畧無懽情每省家舅從北門
入西望隆中想卧龍之吟東眺白沙思鳳雛之聲
北臨樊墟存御老之高南眷城邑懷羊公之風縱

襄陽府志

卷之七

十一

目檀溪念崔徐之友肆聊魚梁追二德之遠水皆
不徘徊移日惆悵極多撫景躊躇慨爾而泣曰咨
乃魏武之所量酒孫堅之所隕斃裴社之故居王
粲之舊宅遺事猶存呈列滿目瑣瑣常流碌碌凡
士焉足以感其方寸哉夫芬芳起於椒蘭清馨生
乎琳瑯命世而作佐者必垂可大之餘風高尚而
邁德者必有明勝之遺事若向八君子者千載猶
使義想其為人况相去之不遠乎○塚廟記云楚
昭王墓在習池北齊建元年盜伐塚得古書竹簡
後沈約亦得數簡以示劉繪繪曰周禮逸編也○

楚莊王墓在鄆城內俗呼莊家塚者是○漢南頓
君墓在縣東北七里光武父也○劉表墓在城東
志云表有呼鷹臺東去二十里表性好鷹每登此
臺歌鷹來曲又有劉琦臺在城東二里琦即表子
與諸葛亮謀自安上樓即取梯處○晉太醫令王
叔和墓在峴山南采蕭綸墓在望楚山綸鄆州刺
史昭明太子弟也○唐劉言史墓在城外五里○
孟浩然墓在鹿門山符載有從襄州太守樊澤求
修孟處士墓牋○盧多遜墓逸其處志云多遜既
卒許歸葬其子察護喪權厝佛寺將易以櫬啓其

襄陽府志

卷之七

十二

屍不壞儼然如生○雜志劉表在襄陽登彭山眺
矚見山岡不生草木問王粲何故粲曰是古塚此
人在世服礬石葬而石生熱蒸出在外故草木焦
滅即令發看果得大墓內有礬石滿塋○與地碑
目云襄陽南東道四大字唐李陽水篆併其碑文
○唐開元年襄州刺史靳恒子濟頌德碑張九齡
文大中年刺史徐商秋卿頌德碑李際文俱在郡
廳後○宋曾鞏跋常樂寺浮圖碑後周保定四年
立州人治記室曹胡達撰○鞏又跋徧學寺碑院
碑云襄州徧學寺碑院碑黃門侍郎修國史韋承

慶撰太子少詹事鍾紹京書開元二年立其文云
襄州人將仕郎阮弘靜與其屬人建編學寺禪院
故立此碑承慶有辭學張易之敗時衆推令草赦
書承慶援筆而成衆壯之紹京景龍中以苑總監
從討韋氏有功性嗜書家藏王羲之獻之褚遂良
書至數十百卷以善書直鳳閣武后時榜諸官殿
明堂及銘九鼎皆紹京書也其字畫妍媚道勁有
法誠罕與爲比然今所見特此碑尚完尤爲可愛
也編學寺于宇文周爲常樂寺於今爲開元寺○
輦又跋興國寺碑云丁道護書啓法寺碑一興國

十一

襄陽府志勝

卷之七

寺碑一皆隋開皇中立啓法寺今爲龍興寺在襄
陽城西興國寺今爲延慶寺在望楚山歐陽永叔
云興國寺碑不知所在特見其模本於太學官楊
衆家而此碑陰又有道護書襄州鎮副總管府長
史柳止戈而下十八官號姓名其字尤可喜得之
自余始世蓋未有傳之者也

宜城縣

在府東南
百二十里

西漢志宜城縣下註云鄢東漢志註云舊羅國有
熊氏之後今縣東北二十五里羅川城是也水經
注云羅川亦謂之鄢水春秋楚人伐羅渡鄢若放

師敗亂大以濟卽斯地矣襄陽志云宜城縣周楚
之叫邑秦爲叫縣屬南郡輿地廣記云劉宋改宜
城縣曰華山縣梁爲率道縣按漢志宜城叫縣本
是兩邑水經注云叫卽楚之騎城也漢高帝封黃
極忠爲侯國宜城惠帝所改後漢建安三年曹操
表先主爲鎮東將軍封宜城亭侯者今宜城乃唐
天寶六年置改自率道縣者漢所置宜城在今縣
北三十里○注水經曰宜城縣有太山山下有廟
漢末多士其中刺史二千石卿長數十人朱軒華
蓋會于廟下荊州刺史行部見之雅歎其盛號曰

十二

襄陽府志勝

卷之七

冠蓋里刻石銘之其辭曰峨峨南嶽烈烈離明實
敷俊又君子以生惟此君子作漢之英德爲龍光
聲化鶴鳴按志太山以建安年崩今無復存○志
云紫蓋山在城西一里其形似蓋常有紫氣籠罩
其上又南爲都亭山○五車山在縣東北二十里
俗傳龐蘊棄金於此山下有滴水崖建伍子胥廟
○兩乳山在縣東三十里又十里爲兩耳山俱以
形似而名山有兩峰狀如乳之垂如耳之批也○
石梁山在縣西三十里石橫過似橋梁上有龐德
公祠○赤山在縣東南五十里土石皆赤故名其

下有溪潭曰赤潭相傳周呂望釣于此名釣魚潭
○金沙泉在縣東二里其泉造酒甘美世稱宜城
春又稱竹葉春梁元帝詩宜城醞酒今朝熟停鞭
繫馬暫棲宿溫延筠詩宜城酒熟花覆橋沙晴綠
鴨鳴咬咬皆咏此○木里溝在縣城西其後漢太
守王寵鑿此溝灌田即蠻水也長渠在縣西宋知
縣事曾鞏記云荆及康狼楚之西山也水出二山
之間春秋之世曰鄢水其後曰夷水水經所謂漢
水過宜城夷水注之者也以避桓溫父名改曰蠻
水秦昭王使白起攻楚去鄢百里立碣壅此水爲
襄陽府志勝入卷之七

七

渠以灌鄢遂拔之鄢入秦而白起所爲堰不廢用
以灌田田皆沃壤唐胡曾詩武安南伐勒齊兵疏
鑿功將憂禹并誰謂長渠千載後蠻流猶入故宜
城○志云漢江在縣東四里自襄陽縣界來東北
流入安陸州按志縣東有陰港朱家港王城港潘
家河及珍珠泉南泉二水縣北有毛家港羊祜河
縣南有龍池水東南有練港水俱入漢江其南六
十里有分水嶺卽分宜城荆門州之界○梁蕭穎
士有登故宜城賦自註云丙申歲避難襄陽作也
唐劉禹錫經故宜城詩野水遶空城行塵起孤驛

花臺側生樹石碣陽鵲額靡靡度行人溫風吹宿
麥○韓昌黎有宜城驛記略云此驛置在古宜城
驛東北有井傳是昭王井有靈異至今人莫汲驛
前水傳是白起堰西山下澗灌此城城壞楚人多
死流城東陂吳聞遠近因號其陂曰吳陂有蛟害
人漁者避之井東北數十步爲楚昭王廟有舊時
高木萬株多不得其名歷代莫敢剪伐尤多古松
大竹于大傳師襄陽遷宜城縣并改造南境數驛
材木取足于此昭王廟向極宏盛今惟草屋一區
然聞左側人尚云每歲十月民相率聚祭其前廟
襄陽府志勝入卷之七

七

後小城蓋王居也其內處偏高廣圓方八九十畝
號敝城當是王朝內之所也多甃可爲書硯愈詩
丘墳滿目衣冠盡城闕連雲草樹荒惟有邦人
懷舊德一間弗屋祭昭王按志昭王故城去今縣
東北三十三里○縣南四十五里有破河腦相傳
春秋時楚平王殺伍奢其子伍員出奔曰吾必覆
楚平王卒國人因葬王于石子湖中作鹿塚于江
南岸後員以吳兵入楚遂破河掣水取平王尸鞭
之因名○縣北有善譙驛卽淳于髡獻鵠于楚挈
空籠而說楚王處事詳戰國策驛傍有淳于髡墓

唐柳宗元詩水上鶴已去亭中鳥又鳴辭因使楚
重名爲救齊存丘隴遺千古羽觴難再傾劉伶今
日意異代是風聲劉禹錫詩生爲齊賢好死作楚
先賢應以客卿葬故臨官道邊寓言本多興放意
能合權我有一石酒置君墳墓前○宋玉宅在縣
南三十里唐杜甫詩搖落澗知宋玉悲風流儒雅
亦吾師悵望千秋一灑淚蕭條異代不同時江山
故宅空文藻雲雨荒臺豈夢思最是楚宮俱泯滅
舟人指點到今疑志云宋玉塚有二其一在宅後
其一在縣南三里正德間知縣朱崇學立碑曰楚
襄陽府志勝入卷之七 七
大夫宋玉之墓明徐學謨詩嶺度千盤下郢都孤
墳寥落古城隅陽臺神女無消息殘碣猶書楚大
夫○漢王逸宅在故縣西北二十步今呼王家屋
場者是逸撰楚辭章句十卷○黃憲墓在今縣西
北十五里俗呼黃連塚憲汝南人因訪王逸卒于
宜城葬焉宋崇學立碑城北五里官路云漢處士
黃憲之墓仍立小碑于墓前○漢秦頤墓頤襄陽
人爲南陽太守行至宜城歎曰茲地可卜作城後
卒于官輜車過此不行遂葬之○向寵墓在毛家
港一里有石羊存○馬王塚在縣西南四十里馬

王冲南疑卽馬良塚也鄉里諺曰馬氏五常白眉
最良○七十二塚縣北至潼口皆是相傳爲漢唐
名臣塚○段成式宅在縣西六十里之木香村先
世臨潯人其父文昌卽荆南因徙居焉民俗諺曰
早不苦禱而雨而不愁公出遊益公卽荆南時作
也雜志云段成式嘗于宜城私第鑿池得片鐵命
尺周量之而不言寘之密室時窺之則有金書小
字報十二時其博物類此

南漳縣在府西南
四十里

左傳江漢沮漳楚之望也元和志云南漳本漢臨
襄陽府志勝入卷之七 七
沮縣地後魏於此置重陽縣舊唐志云晉立上黃

縣後魏改爲重陽隋改南漳新唐志云本荆山縣
開元十八年更名南漳以南臨漳水爲名宋中興
小曆云紹興五年省中盧入南漳因徙治焉中盧
卽春秋盧戎地也故城在縣東五十里○志云上
黃山直縣治前其峰高峻有溪水聲淙淙如玉珮
故名○清溪山在縣故臨沮城界內晉時有道士
結廬其上郭璞爲臨沮長詩云清溪千餘仞中有
一道士○四望山在縣南三十里東望襄陽西望
房陵南望荊州北望穀城歷歷皆見○八疊山在

縣西六十里晉司馬懿鑿山開道屈曲八疊因以爲名○司空山在縣西一百里又八十里爲臨漳山一名鷄頭山其形似鷄頭北臨漳水故兩名之○荆山在縣西北八十里三面險絕惟西南一隅通人徑山海經云其陽多鐵其陰多赤金山上有一池傍有石室相傳爲中和宅上有抱玉巖今鳳陽府亦有此山○蠻河在縣前一里源自房陵來經縣西南入宜城○清涼河在縣東一十二里與蠻河合○漳河在縣南一百三十里源出當陽境流入漢江沮河在縣南五十里源出房陵縣東南入襄陽府志勝入卷之七 尤

漢王繁登樓賦所謂倚曲沮之長洲卽此水也○一椀泉在縣西三百里石上有坎僅容一椀取之不竭○珍泉池在縣西南二十里雙池寺內人於池傍蹴呼則四圍水湧跳如珠又有三湧池在靈泉寺內晉時僧聰達者見此井祝曰吾教若興水湧者三果如其言又縣北五十里石門寺內有石筍數莖挺出丈餘或爲玉兔擣藥狀○縣北靈惠寺有二石竝列塔前高丈餘若天成甕瓶然○明教寺有分經臺梁昭明太子同隱士劉虬法慧分經之所基址尚存

襄陽縣在府東北一百四十里
本漢蔡陽縣地後漢分立襄鄉縣後周改廣昌縣隋仁壽元年改襄陽縣因襄陽村以爲名唐貞觀元年以春陵縣併入○春陵者蔡陽之白水鄉也漢武帝封長沙王子買爲春陵侯莽新之亂地皇三年漢宗室劉縯及弟秀起兵于此後卽帝位建武三年冬十一月光武幸春陵祠附廟置酒大會故人父老及章帝元和三年祠光武顯宗于縣舍石室召校官子弟作雅樂奏鹿鳴上自御填觴和之以饗賓客卽斯處矣志云白水河在縣南四十里源出大阜山西流入漢光武舊宅○水經注云沮水出大父山西南流謂之白水○春陵城在縣南三十里蘇伯阿嘆曰氣佳哉鬱鬱葱葱者也光武改爲章陵孟浩然詩魯堰田疇廣章陵氣色微○卧牛臺在縣東相傳光武騎青牛于此○廣昌館在縣北卽舊廣昌縣也韓愈廣昌館詩白水龍飛已幾春偶逢遺跡問耕人丘墳發掘當官道何處南陽有近親按志南陽城在縣東南三十里晉司馬周備蔡○獅子山在縣南四十里上有光武廟○甘泉山在縣東北四十里泉出甘美故名流

人白水○資山在縣東南六十里其上可以耕種
環山之民皆資焉今爲市集○漫源山在縣南七
十里山有二石名東西石虎漫水出焉逕縣東流
入漢江西魏置漫縣以此○澧水在縣南襄沔記
云源出隨州澧山卽張衡南都賦之潏澧也水經
注曰澧水又西南逕蔡陽縣故城光武封劉本爲
侯國○襄陽傳云蔡陽界有赤松亭亭下有神陂
亦南都賦所謂赤松神陂者○蔡子池盛弘之荊
州記曰蔡倫宅傍去縣北半里宋王安石詩波工
龜手詫今樣魚網肯數荊州池

襄陽府志勝八卷之七

圭

穀城縣

在府西一百八十里

漢筑陽縣蕭何子封筑陽侯卽此漢志南陽郡下
有筑陽縣注云故穀伯國左傳穀伯來朝是也隋
開皇初改爲穀城縣○志云廢筑陽城在縣東四
里後漢建武元年世祖封吳財爲侯國王莽更之
曰宜禾矣又縣南二十里岡有城基乃劉表將李
氏家富有奴僕數百以其奴戶別立城邑名曰格
壘是也○筑水在縣南一百步陸澄志云筑陽水
中有孤石挺出其下澄潭時有見此石根如竹根
而黃色見多凶相與號爲受石筑水匯沔水之處

謂之筑口其上有高亭山祠其神舊傳是蕭相國
像○開林山在縣西北四里漢景帝二年改封蕭
何子爲筑陽侯築城于此山下又二里爲穀山有
古穀城卽春秋穀伯綏舊國也又有穀神山在縣
西十里上有石城○按開林水經注謂之闕林山
有二碑其一文曰君國者不躋高堙下先時或斷
山豈以爲平路云○袁曹洲在縣東五里相傳三
國時袁紹曹操爭渡于此○赤山在縣東南八十
里丹崖壁立臨漢江之上故名又西南有雉山山
中雲起必雨人以爲驗山上有孤竹三莖三年生
襄陽府志勝八卷之七

圭

一荀荀竹死代謝不已按襄陽記謂之剪山亦去
縣八十里○靈泉在縣南五十里古靈寺傍其泉
與西蜀相連昔泉上浮一木魚刻云蜀某寺記又
二十里爲小樊洲其洲種瓜味特甘美洲傍有寺
曰廣德寺內有池曰卧牛乃隋煬帝宮妃爲尼捨
何首烏以愈惡疾者今池傍產此藥特盛○志云
唐王陵在縣西南五十里望城岡不知何代陵有
翁仲存○宰相張柬之墓在涓口都東之襄陽人
也○學士承旨錢徽墓在縣北徽本吳興人考功
郎起之子也居穀城卒因葬此 國朝衛國公鄧

愈墓在縣西四十里其地有珍珠泉香鑪旗鼓諸勝按衛國平定襄南修建城池有大勦勞于襄者

光化縣在府城西一百八十里

春秋楚地陰國所遷周景王二十年楚令尹赤遷陰于下陰者是秦漢為陰鄧二縣鄧即蕭何封邑也水經注云汚水過鄧城西南謂之鄧頭王莽更名南庚者也又遷陰縣城西漢濟南人劉喜字伯怡為陰縣令雅好博古教學立碑載生徒百有餘人不終業而夭者因葬其地號曰生墳即此地矣隋改曰陰城唐廢為鎮宋陞陰城鎮為光化軍熙寧五年軍廢始為光化縣○志云光化縣乃宋乾德縣所改歐陽修曾為此縣令六一集內有金雞塚文并黑龍潭神雨文俱在乾德縣作按乾德故城今入穀城縣境而金雞塚在縣東北五里黑龍潭在縣北五里其上有牛頭山以形似而名○馬窟山在縣東五里中有石窟漢時有馬數百匹出於此窟形小如巴滇馬吳陸遜攻襄陽過之窟中有數十匹馬出遜載還建業適蜀使者至有兵士漁池人識其馬云是父所乘對之流涕○固封山在縣西北一十里舊經云本名崇山唐天寶六

襄陽府志勝入卷之二
三

年改今名按其下有順陽城故順陽王國也水經注曰本名楮陽漢襄帝改為順陽世祖封朱祐為侯國○雍州記云鄧城南四里有五百村榆樹連理異本合幹鄉人以爲社其洲并樹在此村因以爲名寰宇記五百作五陌○漢江在縣西北南流入穀城界○白河自鄧州來與秘河合流入漢有蒿堰陡溝大梁溫泉等河各注之溫水河則自馬窟山西瀑泉所出也○志云春秋伍舉墓在富鄉有石獸存○漢斐詩墓在縣東南八十里有碑嘉平中立題云元儒斐先生碑宋歐陽修嘗率諸生拜之○宋張士遜墓在紅崖仁宗御題曰舊德之碑○李仲芳墓在遵教鄉歐陽慶墓在廣節山俱歐陽修表

均州在府城西一百九十里

春秋屬麇戰國屬楚秦漢屬南陽漢中二郡地晉屬順陽郡永嘉之亂雍州始平郡流人之在襄陽者因僑置始平郡以領之寄理襄陽宋劉孝武割武當縣隸焉武當者謂其界有太和山非玄武不足當之也後魏因改為武當郡又置興州西魏改興州為豐州隋初郡廢改豐州為均州○按志

襄陽府志勝入卷之二
四

均水直州前漢地理志云丹水東來折入鈞注云鈞亦水名與均同○唐史中宗嗣聖元年太后遷帝于房州又遷于均通鑑書帝在均州是也○志云太和山在州南一百二十里山有七十二峰三十六巖二十四洞五臺五井三泉三潭初名仙室山又名太嶽山玄武奉元君之言遊覽至此改名太和因棲止焉荊州圖副云武當山一名泰山山形特秀異于衆嶽峰首狀博山香鑪亭亭遠出藥食延年者萃焉曾水發源山麓逕越山陰東北流注于漢道經云玄武者淨樂國太子生而神靈襄陽府志勝八卷之七

五

長遇紫虛元君授以道秘又遇天神授以寶劍入武當山修煉居四十二年功成白日飛昇奉上帝命往鎮北方真誥精神樞云謝允字道通歷陽人晉咸和中入武當山注水經云允捨羅邑宰隱遯此山故名謝羅山南雍州記云武當山有石室相傳爲尹喜之室郡國志云漢武帝遣將軍入此山採藥得道不返漢陰長生閣馬先生隱武當山有遺術遂往從之後在忠州飛昇六朝宋劉虬字靈預泰始中隱此山辟穀今劉爽巖是其居處陶弘景云山世遠卽尹公翁子已得爲太和山真人

詳見真誥張相國詩序云開寶中僧元明往武當山朝儀欲上宿霧半欽見一黃衣道者入藏經中面招之已失但聞異香馥郁而已故作詩曰八十老僧今日說曾於霧裡見仙人○朝山卽恭嶺也俗名天柱高出萬丈居于七十二峰之中頂上東西九丈南北二丈四維皆石脊如金銀采色晴明日乃見一月之中不見四五以爲衆山朝揖之主故名南峭壁下有池如井名曰天池北下石門三所曰三天門太和清微二宮皆在此峰內其東武當澗水出焉滙黃龍諸峰之水北入紫霄澗口紫

五

霄即南嶺也有宮曰南嶺宮登陟崎嶇左右旋折始至其處疊字金鼎諸峰飛昇禮斗二臺俱在目前宮內有三池曰天一曰泰一曰滄水又有紫霄宮在旄旗峰下去宮南八十步爲福地殿天下名山七十二福地斯其一也仰視三公山俯瞰禹跡池前擁寶珠峰後倚欽火品衆景畢集于此而紫霄澗之水本三公山流出滙黑虎澗諸水入于九渡口五龍宮在五龍峰之頂上有靈池石廟一區榜曰真源之殿其水流出爲黑虎澗滙白龍潭諸水入于磨針澗澗去宮北一里有石橫澗濱其

形若磨相傳玄帝初習道時微有怠意遇神女以鍊杵磨爲針因問之曰何時可成答曰工夫未到耳帝大悟其在宮西南爲紫蓋松蘿二峰松蘿卽帝修真所着衣也紫蓋峰去宮二十里夜間嘗見仙燈往來傳有神丹墜此口玉虛宮在展旗峰之北國初仙人張三丰所居故有張仙洞室原過真觀故址也去宮三十餘里始爲玉虛品跨九渡水之上而嵩谷梅溪諸壩入焉口遇真宮去玉虛八里山水環遶若城故舊名黃土城口迎恩宮在石板灘蓋卽襄官路也灘漚山前諸壩之水合爲一

襄陽府志勝八卷之七

壬

川有五橋以濟曰迎恩曰綾口曰尋真曰冲和曰中橋口淨樂宮在州城中相傳玄帝之先曾爲淨樂國王淨樂治廢而均爲廢地故因以名宮宮內有紫雲亭以玄帝降生于此時有紫雲覆之本山志云以山之高下言先泰和次南嶺以宮之大小言先玉虛而次淨樂也口與玄武山相近有石塔山一名華嶽地肺一名肺山福地其西北有大松樹樹下生草名救窮草冬夏不枯月食三寸絕穀不餓口女思山漢來欸曾孫女嫁爲河內張德子嬪隨夫還至此山南望父母思慕而死遂葬於此


口法華巖隋時有僧慧哲居此誦連華經常有龍子來聽其西有俞公巖巖中有白衣老人謂慧哲曰我東漢之子謫居此地限滿得還斯我所居也願奉仁者按卽玉虛品○志云漢水在洲北四十里注水經曰漢水又東南逕武當縣故城北世祖封鄧晨子堂爲侯國漢水傍有偃子山鑿石六十字皆徑尺其四爲丹丘玄田其二不可識水經注曰漢水又東爲偃子潭潭中有石磧洲長六十丈廣十八丈世以偃子葬父斯處故潭得曰焉漢水又東爲滄浪水鄧道元曰不言過而言爲者明非

襄陽府志勝八卷之七

壬

他水所決入也其地有滄浪水水中有洲庾仲雍漢記云滄浪洲亦謂之千齡洲世俗語訛音與宇變矣滄浪亭在州東門外相傳卽孺子歌者○襄陽志云均州土陂蠻子舖去州九十里相傳舜避堯子耕此碑湮蝕首猶存廟貌衮冕商均寺前石水田石坂下卽浚井處犯則雷鳴修真觀石孔卽舜出處農耕或獲載舟水涸忽漲米舟始出供養故名滄河今說浪河其耕山一名糠山一名碎米山百草不生獨生小白花按舜避堯之子於南河之南傳云南河荆河也襄州蓋荆河也其事附會

本此○志云漢王宮在治內唐太宗第三子泰封
漢王所居漢王薨後妃閻氏捨宮作延福寺今報
恩寺其故址也宮前有禹跡池舊紉臺其上今廢



荊州府在省城西門外領州二縣十五

春秋楚文王自丹陽徙都於此謂之郢都周赧王
三十七年秦拔郢楚襄王東徙都於陳因以其地
置南郡項羽封其敖爲臨江王都江陵漢爲南郡
置南蠻校尉武帝分置十三部荊州刺史治此三
國鼎立荊州亦分爲三長沙桂陽以東屬吳南郡
零陵武陵以西屬蜀南陽襄陽南鄉屬魏南北朝
後魏孝文南侵齊失穰宛之地魏別置荊州治宛
在今荊門州界於是復有二荊州焉○攷荊州之
名雖本禹貢及周職方然所指甚廣而郢都江陵
荊州府志勝八卷之八
臨江南郡諸稱則今治也荊州在十三史之內治
南郡漢武帝時始見其後在晉或治襄陽東晉或
治武昌陳與後梁分長江爲界乃設荊州于公安
尋俱還江陵○禹貢荊惟衡陽言在衡山之陽也
周禮正南曰荊州言處中國之南服也文選顏延
年詩江漢分楚望衡巫莫南服本此風俗通云荆
之爲言疆也陽盛物堅其氣急悍而疆也或曰取
荆山而名左傳云我先王熊繹辟在荆山筭路藍
縷是矣按郡志郭下無荊山惟引山海經云荆山
之首曰景山註荊山在沮縣東南昔干和抱玉荆

足于此攷地理志臨沮漢縣後周時廢今鄖陽之房縣襄陽之南漳荆門之當陽夷陵之遠安皆有其地亦俱載有荆山實南郡之邊地耳輿地志雖引唐貞元年江陵石幢記云荆山蒼蒼楚水湯湯及五代高貞懿王神道碑云楚水溶溶荆山崇崇亦未嘗明指在江陵也○故鄖城通志云在郡東北三里寰宇記以爲十三里漢志有鄖縣注云楚之別邑左傳魯文公十四年楚莊王襲郢舒使公子燮與公子伐軍二子作亂城郢至襄十四年子囊臨終遺言子庚曰必城郢盛弘之荊州記云鄖

荊州府志勝

卷之八

二

南門二門一名龍門一名脩門離騷九章曰沈憂首而西浮顧龍門而不見招魂篇曰歸來兮脩門王逸注云鄖城門也昔掘地得石函有鍊笑曰楚鄖郢邑代無患以此證之無疑○江陵臨江俱以大江而名按史記楚熊渠立其長子康爲句亶王張璠曰今江陵是也漢景帝封子榮爲臨江王王坐以廟垣地爲宮被徵升車出北門而軸折父老竊流涕曰吾王不還矣自是國除臨江之名遂絕志云岷江自巴蜀來在郡西南東流入公安界水經注曰城北對大壩謂之江津口言江水至此始

大也家語曰江水至江津非方舟避風不可涉也郭景純云濟江津以起漲言其深廣矣近地無高山所有皆陵阜之屬故名江陵宋鄭漸絕句自有碧江無限好荆州佳景不須山自注云夷陵張仲孚以荊州無山爲戲書此解之○江陵城卽郢城蜀漢關羽所築羽北圍曹仁於樊關麋芳守城及呂蒙襲破芳羽還救城聞芳已降退任九里口此城吾所築不可攻也乃退保麥城今城西北有鄉甲山相傳雲長棄甲于此○漢壽城古荊州刺史治有漢壽亭卽曹操表封關羽爲漢壽亭侯者又

荊州府志勝

卷之八

三

有蚌城在江中鸞尾洲上相傳歲饑人民結侶於蚌止憇於此其城亦羽所築以防吳魏○水經注云杜元凱之攻江陵也以預病瘵故城上人以匏繫狗頸示之及陷殺城中老小血流沾足時論薄焉江陵城地東南傾故緣以金堤自靈溪始桓溫令陳遵造遵善于防攻使人打鼓遠聽之知地勢高下依傍創築畧無恙矣城西有棲霞樓俯臨通隍吐納江流按世說桓溫造新樓成日以詠是樓者有賞袁宏應聲答曰遙望層城丹樓如霞故樓取名焉○渚宮故事云湘東王繹于子城中穿構

池山長數百丈植蓮綠畝雜以奇水其上有通波閣跨水爲之南有芙蓉堂東有爽飲堂堂後有隱士亭亭北有正武堂堂前有燎馬埭其西有鄉射堂堂置竹棚可得移動東南有連理堂堂前奈生連理當時以爲湘東踐祥之瑞北有映月亭脩竹堂臨水齋齋前高山山有石洞潛行苑中二百餘步山上有陽雲樓樓極高峻遠近皆見北有臨風亭明月樓顏之推詩云雙陪明月宴是也竹林堂本宋臨州王義慶作元帝因而修之庭前有竹名桂竹郭璞云桂竹出始興小桂縣來風防露上合

荊州府志勝入卷之八

四

下疎每日出羅純金翠春秋月隔林而望若花開也其西有篠簹冬月抽芽味似桂而辛隆暑赫曦但有涼氣入其下者咸似御風其中有劉宅紫薔薇唐家四出薔薇白馬里薔薇成里香長沙千葉薔薇多有品彙竝以長格校其上使花葉相通其下有十間花屋仰而望之枝葉交映迫而察之芬芳襲人新陽太守鄭襄送雌鶴在此堂南其雄者尚在哀它霜天月夜無時不鳴商旅江津聞之多爲墮淚時有野鶴飛赴庭中驅之不去卽哀宅之雄也纏綿交頸頤頤撫翼間奏鍾磬翩然共舞

婉轉低昂妙會絃節其間花草雖繁竹林頗盛昔豫章以樹名郡酸聚以棘爲邦故號竹林堂荊州記云脩竹亭西一峰迥然西映落日遠而望之全如畫扇因名畫扇峰按記渚宮楚之別宮左傳楚子西洽漢泝江將入郢王在渚宮下見之是也梁元帝于渚宮故地修造臺榭後梁高从誨鑿城西南築亭亦名渚宮宋蘇軾詩渚宮寂寞依古城楚地荒茫非故基二王臺閣已幽莽何況遠問縱橫時綠窓朱戶春晝閑想見溪屋彈朱絲誰能爲我訪遺跡草中應有湘東碑○史記秦昭襄二十

荊州府志勝入卷之八

五

九年使白起拔鄢郢以漢南地而置南郡水經注引周書曰南國名也南氏有二臣力均勢敵競進爭權君弗能制南氏用分爲二國也韓嬰敘詩云其地在南郡南陽之間呂氏春秋所謂出自塗山南省南土者也是郡取名焉按晉武帝曾以爲新郡又分爲南平郡旋俱復故在六朝時爰有西荆西陝之號唐宋時乃有荆南湖北之稱文選陶淵明還江陵詩遙遙赴西荆註謂荊州也時京在東故謂荆爲西盛弘之荊州記曰自晉室東遷皇居建鄴以荆楚爲重鎮上流之所同周之分陝故以

西陝爲稱○唐書肅宗至德之後中原多故襄鄧百姓兩京衣冠盡投江湖荆南井邑十倍于初乃置荆南節度使以統之宋朝會要咸平二年分荆州湖南北路以守臣爲湖北路兵馬都鈴轄提舉司中興小曆紹興二年復湖北帥司于江陵收江陵府爲荆南府元初爲江陵路天曆間以文宗潛邸改中興路 國朝設荆州府屬上荆南道

江陵縣附

詳郡下輿地志云秦分郢爲江陽縣是郢與江陽俱立也漢景帝三年改江陽爲江陵始以郢併之

荆州府志勝

卷之八

唐志云上元元年置長陵縣與江陵縣分治郭內年餘廢入按通志唐以安興縣省入未詳創廢何時但今有安興橋沿其故名又山川赤峴下註云元建中興縣于此疑卽與中興路同設者今郝穴口巡簡司是郝穴以郝隆所居而名隆字佐治爲南郡蠻府參軍督桓溫時也○縣有東西二城元和志云蕭登稱藩于魏魏以登爲梁王居西城置總管以輔之居東城是也城西鼓角樓卽東漢太守馬融敎校弟子處其上有絳帳臺遺址○寰宇記云羅舍宅在江陵城西庚信亦居之原卽宋王

宅也信哀江南賦云誅茅宋玉之宅杜詩云庚信羅舍俱有宅今承天寺是其故址○曲江樓本名南樓世說桓玄在江陵南樓吟嘯良久乃作王孝伯誄刻下成篇唐左丞相張九齡爲刺史嘗眺詠于其上後人因目爲曲江樓漢洪錄云江陵府南門有息壤卽山海經鯀竊帝之息壤以堙洪水者唐元和中裴宇牧荆州掘得一石其狀與江陵城同徑六尺八寸是年霖雨不止復埋此石乃止○北城卽漢臨江王折車軸處其門曰萬勝門有翠烟亭用儒堂在此城上○新東門外有博古堂

荆州府志勝

卷之八

燕人田偉授江陵尉因家于此築是堂以藏書至五萬七千卷重複者不在數內王魯直過之曰吾校禁中秘書遊江南文士圖書之富未有過于田氏者也蓋自五代高從誨原建有讀書臺在城東之法相院又本諸南梁文範先生云○志云東山在城東臨北海上按江陵以水爲險吳陸抗築大堰于此名爲北海五代史後周顯德二年高保融自西山分江流方五六里築堤而居亦謂之北海○西山在縣城西八十八嶺一帶俱是沮漳之水由此而入晉王子猷爲桓溫參軍以手板拄頰云

西山朝來致有爽氣○龍山在城西北十五里桓公九日登高參軍孟嘉風吹落帽溫令孫盛作文嘲之嘉作解嘲文詞氣超卓今有落帽臺唐李白詩九日龍山飲黃花笑逐臣醉看風落帽舞愛月留人李群玉詩落帽臺邊菊半黃行人惆悵對重陽荆州一見桓宣武爲趣悲秋入帝鄉○龍山之西爲馬山注水經曰城西有側馬逕故江津長所治亦曰江津戎也戎南對馬頭岬昔陸抗屯此與辛祐相對大弘信義談者以爲華元子反復見于今矣○紀山在城北四十里江陵之主山也西北

荆州府志勝八卷之八

八

與荆門當陽諸山相接上有龍湫按紀南城以在紀山之南而名史記楚昭王十年吳通漳水灌紀南入赤湖進灌郢城卽此十道四蕃志云楚爲吳殺傷衆多湖水盡赤故名赤湖又云晉桓玄挾帝西幸劉毅追襲敗玄血流赤志云赤湖城在縣西北十里是則紀城與故郢城尚隔有赤湖城杜預注左傳以爲郢卽紀南似訛楚子西曰遂遷紀郢當時亦指爲二城矣○沙市在縣東南十五里四方商賈輻輳舟車駢集謂之沙頭市唐元稹江陵旣月詩有聞咽沙頭市玲瓏竹岬窓之句紀勝

云亭臯在沙市半堤府卽辛克承創左右有二亭曰水雲曰煙月有雪山寺寺內有勝因院昔人築鷄鳴臺于院側有超然觀宋天禧中道士劉去泰寓居觀內號玄靖先生又有道士稱紫府先生者羽化葬于此逾月有吏自西蜀來云見之于成都寄以隻履而返○按宋志府城東南隅有望沙樓後梁高季興建以望沙津宋陳堯咨爲守更名仲宣樓蓋王粲依劉表時有登樓賦在江陵作也杜甫將赴荆南寄李劍州詩戎馬相逢更何日春風回首仲宣樓○東湖在縣城東五里其傍有靈曜

荆州府志勝八卷之八

九

寺卽王鎮惡宅故址相連曰羅湖今爲羅湖臺市又五里曰柘林湖白沙湖近于沙市又其遠者曰倚南倚北二湖○高沙湖在縣西北七里晉徵士宗炳居焉黃魯直詩不趨吏部曹中板且贈高沙湖裡魚是也按高沙湖在枚迴洲之下水經注云縣北有洲號曰枚迴江水自此分而爲南北二江北江有故鄉洲元興之末桓玄西奔被毛祐之馮遷等射殺于此下有龍洲洲東有龍洲二洲之間世擅多魚漁者投罟歷網往往維絕有潛客泳而視之見水下有兩石牛常爲害故漁者莫不擊浪

浮舟鼓鼉而去其下謂之郢里洲洲有高沙湖湖東北有小水通江名曰冒口江水又東逕鸞尾洲北合靈溪水水無泉源上承散水合成大溪南流注江江溪之會有靈溪戍背阿面江西帶靈溪故戍得其名矣○攷通志江陵有三洲首曰夜迴中名景里下名鸞尾盛弘之荊州記云夜迴村名舊以梅槐合生成樹故謂之夜迴洲景里卽三國志魏將夏侯尚圍南郡作浮橋渡景里洲者也鸞尾洲上有奉城故江津長所居言主度貢賦以入洛陽故謂之奉城矣龍洲一名龍陽洲舊志龍陂有

荊州府志勝

卷之八

十

楚莊王釣臺後漢李衡于洲上作宅種橘史記云江陵千樹橘其人與千戶侯等洲南爲虎渡里後漢時郡中猛獸爲害太守法雄悉令毀去陷奔以惠及民虎遂渡去宋仁宗問方城張景所居對曰兩岍綠楊遮虎渡一灣青草覆龍洲○志云縣東南有澆花井在章臺寺內世傳爲楚靈王所鑿按章華臺卽楚離宮又謂之豫章臺西北有豫章岡因以爲名注水經云江水又東得豫章口是也子以壬子歲同袁小脩喻叔虞游憇寺中平岡落日敗牖衰草淒楚之狀宛然在口唐陳子昂詩遙遙

下巫峽望望下章臺元稹詩草沒章臺北堤橫楚澤湄胡曾懷古詩茫茫衰草沒章華因笑靈王昔好奢臺土未乾簾管絕可憐身入野人家○荊州記云江陵有東天井在天井臺之東周迴二里詩深不可測其中潛室人見之則有兵寇騎雨亦多驗○寰宇記云瀆水出縣南赤坂岡下流入城今名曰子胥瀆蓋入郢時所開也○夏口水左傳吳伐楚沈尹射奔命於夏汭杜注漢水曲入江今名夏口盛弘之云夏首又東二十餘里有滑口二水之間謂之夏洲首尾七百里華容監利二縣在其

荊州府志勝

卷之八

十

中矣楚辭曰過夏首而西浮郭仲產云此水冬塞夏通因名夏水也○輿地紀勝云江陵有馬鞍溪相傳伍子胥避難時以馬鞍畫此溪得免又有鶴澤晉羊祜鎮荊州時嘗于江陵澤中取鶴教之翔舞以娛賓客後人遂呼爲鶴澤○集古錄云白碑驛在縣北四十里唐蕭嵩嘗爲其祖立碑于驛之北劉禹錫有題後梁宣明二墓詩卽其址也今爲開寶寺夢得詩云玉馬朝周從此辭園林寂寞對豐碑千行宰樹荊州道暮雨蕭蕭聞子規○渚宮故事云郭仲產宅在江陵枇杷寺側仲產爲南郡

從事因居焉先是江陵有枇杷門梁元帝承聖三年任約軍次馬頭帝出枇杷門督戰是也○梁家臺在縣東四十里梁荆臺隱士梁震所居臺上有百花亭宋超道詩亭亭登望極春心遠近同莫恨荆臺隱雲行不礙空○塚廟記云楚莊王墓在龍山鄉前後陪葬十塚皆成行列其傍卽樊姬塚俗謂之諫儆墓○孫叔敖墓在白土里有漢碑延熹三年立亡名氏撰略云君諱雋字叔敖江陵縣人○趙臺卿塚在郢城內岐平生所自營也冢圖賓主之容用存情好敘其宿尚矣○碑目云楚莊王

荆州府志勝入卷之八

十三

廟記及倚相碑俱王羲之書又唐貞元楚王隄記沙門貞裕集義之書○伍子胥廟有枯樹庚子山感而成賦世所傳枯樹帖是○馬伏波廟在郡城東南與伍員范蠡並祀宋郭祥正詩三神鼎立名謂何子胥范蠡馬伏波張栻爲守以子胥不宜祀于楚遂去之○三公廟唐江陵尹呂禮以晉陶侃羊祜杜預三公聚爲一廟後人祀禮于其西元結爲之記○韓文公石刻自注云愈爲江陵法曹有題名石刻○荆南節度判官廳壁記皇甫湜撰○陳子昂荆州大崇福觀記聖曆二年立○城西開

元觀碑宋查藻詩云斷碑寂古開元時上有糝糊五千字○修藏經記在龍山門外晉天福六年造○南平高氏三王神道碑卽李興從誨保融也又渤海高公保勗神道碑俱陶穀撰○宋寇萊公祠堂記劉敞撰○唐質肅公神道碑劉贊撰○渚宮故事李淑撰耶鄂人○渚宮舊事十卷唐金知古撰自當熊至唐江陵君臣人物事迹史子傳記所載者悉纂次之今只存第五卷

公安縣

在府東南七十里

本漢武陵郡之孱陵縣地釋文曰孱達也弱也高陵至是始劣故曰孱陵漢高帝五年置也遺址在今縣西南二十五里近三穴橋是後漢建安年左將軍劉備居此時號左公水經注云以左公之所

荆州府志勝入卷之八

十三

安故曰公安○元和志云孫夫人城在縣西二十里舊傳孫夫人所築夫人權之妹適于先主別作此城不與備同住其地後歸吳或以爲卽孱陵城也吳大帝封呂蒙爲侯國晉杜預平江南置江安縣于此屬南平郡南宋爲南平郡治水經注曰江水又逕南平郡孱陵縣之樂鄉城北吳陸抗所造後王濬攻獲水軍陸景于此渚矣又東南油水從

西南來注之又東右合油口按油河在縣西九十步源自施州由松滋入江方輿勝覽以隋智顗禪師能結茅為稻化水為油今有茅穗村油河是其遺蹟然油水之名已見于漢三國劉備領荊州牧自鎮油口是也○水經注曰油水東有景口即武陵郡界景口東有淪口淪水南與景水合又南通澧水及諸陂湖是淵潭相接悉是南蠻府屯故側江有大城相承云諸倉城即郢閣矣按今縣東北倉堤一帶俱是城蹟為水所湮不存但縣北二十五里有呂蒙城即蒙所屯兵者杜甫詩云野曠呂

荊州府志勝八卷之八

十四

蒙城江深劉備營寒天催日短風浪與雲平○縣西南有龍城周五里二百九十步高四丈三尺舊經載長樂鄉水經注以為陸抗之樂鄉城也縣西北三十里有馬頭城荊州記云在灌羊湖西陸遜與羊祜相拒處○紀勝云縣東門外五里有東湖在佛華寺東北張商英種蓮建刹時與名賢汎賞其間廣袤數里縣西南有斗堤湖斗堤邑之巨障其形如斗以此湖得名或云即呂洞賓濯足池也又縣東有重白湖洋港湖西有軍湖貴紀湖東南有神池湖西南有蒲家湖皆水區云○縣境平樂

鄉有太歲山高六十丈延亘里許長安鄉有黃山或曰皇山劉宋大將軍謝晦誅于此山下邑人祠之與相連者為白泉山下有乳泉終歲不竭○寰宇記云香積山在縣西二百五十七里又十三里為麝香山而縣之廖解村有龍空相傳吳孫亮時有靈龍鳴此其穴也空去聲讀龍空與麝香堪作的對○唐杜甫移居公安山館詩南國盡多霧北風天正寒路危行木杪身遠宿雲端山鬼吹燈滅厨人語夜闌鷄鳴聞前館世亂敢求安今中堤口相傳有少陵草堂有亭曰杜息其詩題山館者古

荊州府志勝八卷之八

十五

郵也○竹林祠在斗堤祀寇忠愍平仲公卒于雷州樞過公安民插竹掛紙逾年枯竹生筍眾異之遂立祠號竹林道院王十朋詩油水江頭寇相祠凜然如坐廟堂時精忠一點不負國枯竹知君人不知○塚記云孫吳舊塚在大光村其高若埤前臨青港湖有街埤長里許吳書孫休母王夫人出居公安因葬焉即此○劉益州墓在縣西南劉璋也先主遷璋于公安盡歸其財物故葬于是○望母墓在茅穗村大賢里之西隋智者禪師之母龔石為塔高丈許今人呼為聖母塔

石首縣

在府東南一百八十里

本漢南郡華容縣地晉置石首隋唐因之宋熙寧間省建寧縣入焉攷縣志序又以石首改爲建寧縣其址在調絃口往東山路也宋元祐遷于楚望山北大江畔元初遷繡林山下仍舊以石首名縣至元中再遷于楚望山北卽今治○石首山在縣北大江中有石孤立在北山之首縣以此名○繡林山舊名陽岐山在縣西南二里宋鮑明遠陽岐守風詩云洲迴風正悲江寒霧未歇卽此世說劉隣之隱居陽岐山積年衣食有無常與村人共值

荆州府志勝

卷之八

六

已匱乏村人亦如之甚爲鄉間所安荆州記云山無所出不足可書故老相承言胡伯始以縣境無山置此山上計偕簿○繡林山上有亭曰繡林亭相傳昭烈常泊舟江北孫夫人於此望之亦名望夫山又縣北有劉郎浦卽先王迎婚處杜甫詩掛帆早簇劉郎浦是也繡林山與龍蓋馬鞍山爲三峰俱在江濱頓起按馬鞍山去縣南二里以形似得名舊傳吳陸遜與蜀人戰解鞍息甲于此○龍蓋山去縣東二里縣之圭山也狀似龍蟠寶蓋故名上有石湫號龍穴水水經注云大江右有龍

穴水口昔禹濟江黃龍夾舟是此地山麓有李衛公祠堂舊記略云公諱靖京兆三原人因取蕭銑下江陵駐師于此或曰公嘗射獵山中宿一朱衣家夜半扣門忽一嬪人謂公曰此龍宮也天府命行雨二子皆不在欲奉煩公取驄馬一小籠付公行之邑中俄頃澍雨數尺已後歲旱禱于祠輒應山之傍有二湫湫呀然中陷卽龍穴也東北有鸛巢湖湖圻上鸛鳥多巢此因名○八仙山去縣西二里接繡林山環于治後山腰有石穴名八仙洞俗傳仙人嘗奕洞中又有照影橋以仙人照影于其下有萬石灣與劉郎浦相直舟楫經過遇北風輒壞俗又呼折船灣○縣東之山曰小延曰斷岡至東山而止東山去縣七十里上有吳王廟相連爲焦山其下爲焦山港通洞庭湖岸北卽調絃口俗傳伯牙嘗調絃于此今爲驛○縣西之山曰高陵梁孝宣公主葬此因名又曰鹿湖至黃山而止一名金峯上有謝公廟廟前有玉井其下有喪停港相傳謝文刺荆州卒停喪之夕雷電交作其棺自葬于此袁中郎公安志以爲劉毅之從官謝純時爲南平相云五代嚴隆節度使武之玄孫也

荆州府志勝

卷之八

七

死亦葬鹿湖山今其家分爲八族至蕃盛○縣南之極遠者爲東西院其地東抵洞庭西接華容故也縣北之遠者曰澧澧相傳以張騫乘槎過此因名○水經注云大江右逕石首山北又東逕赭要赭要洲名在大江中次北湖洲下又右逕楊岐北山山杭大江山東有城故華容縣尉治又東左得侯臺水口江浦也江水右得龍穴水口北對虎洲洲北有龍巢地名也又東得清楊土塢二口又左得飯筐上口秋夏水通下口間相距三十餘里赭要下卽楊子洲在大江中二洲之間常苦蛟害荆

荊州府志勝八卷之八

六

飲飛過此遇蛟斬之其害遂息江之右岸溝水口卽錢官也水自牛皮山東北通江對清水洲洲下接生江洲南生江口水南通澧浦又右得上桓浦江澧也又東逕竹畦南按今有竹林港在縣西六十里其地多竹故名又縣西南有澧田湖卽澧浦水所注

監利縣在府城東南一百二十里

三國吳所置故縣在城東六十里水經注以爲晉太康年立縣土卑沃澤廣陂池因有監利之稱實漢華容縣地故城去縣東五里春秋定四年許遷

于容城是也永嘉東渡西蜀阻亂乃割南郡之華容江陵監利豐都四縣置成都王頴國理華容○杜預注左傳曰章華臺在南郡華容城中一名三休臺賈子曰翟王使使之楚楚王饗于章華之臺三休乃至按志章華臺在縣東北三里楚靈王所築又縣西有荆臺孔子家語楚王遊荆臺司馬子期諫王怒令尹子西賀卽此縣北有濯纓臺舊傳屈原濯纓處按志濯纓臺去縣七十里荆臺去縣三十里土洲之南水經曰江水又東得清楊土塢二口註云江浦也江水自龍窠而東得僉口江北

荊州府志勝八卷之八

九

岸上有小城故監利縣尉治大江又東左合子夏口江水左逕北出通于夏水故曰子夏也按志夏水在縣東南五里禹貢注云華容有夏水首出于江尾入于沔亦謂之沱矣○水經注曰江水又東南當華容縣南涌水出焉水自夏水南通于江謂之涌口春秋所謂閭敖遊涌而逸于二水之間者也按涌水以乾溪中湧出俗名乾港湖在縣西北四十里○江水又東逕交趾胡寵墓北墓有胡廣碑蔡伯喈辭俗傳謂伯始墓非也廣華容人不預王莽之篡陪葬長安○江水又歷范西戎墓南晉

書地道記曰陶朱塚在華容縣樹碑云是越范蠡盛弘之荊州記劉澄之永初志並言在縣西南郭仲奎言在縣東十里簡其碑題云故西戎令范君之墓碑文跌落不詳其人稱蠡是其先也碑永嘉二年立

松滋縣在府西南一百二十里

本漢南郡高城縣地晉咸康三年以廬江郡松滋縣流民避兵至此乃僑置松滋縣又謂之上明縣今治在漢口上○漢地理志云南郡高城縣有侂山侂水所出按即今之高山也有諸葛城相傳武荊州府志勝入卷之八

三

侯征南夷所築在縣東五十里又二十里有樂鄉城吳陸抗與羊祜對壘之處晉史建元二年庾翼議從夏口移鎮樂鄉是矣○上明在今縣東三十步元和志云明猶渠也晉末朱齡石開三明渠引江水灌田故名其首曰上明桓冲自襄陽退屯于此其城即冲所築水經注云江水又東逕上明城北世說桓冲徵劉麟之爲長史遣船往迎贈貺甚厚麟之聞命升舟不受所餉緣道以乞窮乏比至上明亦盡一見冲因陳無用條然而退固此地矣其地北枕大江江水至此分爲三派下流三十里

仍合爲一達於江陵岨上舊有江亭杜甫詩云烏帽隨鷗鳥扁舟繫此亭江湖溪更白松竹遠還青一柱全應近高唐莫再經今宵南極升廿作老人星○按丘家湖在縣東三十里中有羅公洲渚宮故事云劉宋臨川王義慶於羅公洲立觀甚大而惟一柱梁劉孝綽詩經從一柱觀出入三休臺唐杜甫詩孤城一柱觀落日九江秋○渚宮故事云松滋縣西有劉虬墓今陟岵寺即虬宅故址○輿地紀勝云竹泉在縣南宋至和初苦竹寺僧浚井得筆後黃庭堅謫黔過之視筆曰此吾蝦蟆碚所

三

荊州府志勝入卷之八
壁因知此泉與之相通其詩曰松滋縣西竹林寺苦竹林中井井泉巴人謾說蝦蟆碚試裹春茶來就煎○志云秀峰山在縣東三里茂林溪樹四時鬱葱故名又二十里爲沱老坑沱江之水入焉卽禹貢沱潛既道者也又二十里爲竺圓山隋開皇歲有西方僧過此指謂人曰此山似吾舍衛國竺圓因以名之其下爲鹿頸陂形如鹿頸兩崖陡削傍有微徑劣通人行○巴山在縣西南十五里其下有巴復村荆南志云春秋之世巴人伐楚楚人拒之巴人復遁而歸村在山北故曰巴山也其上

有走馬嶺相傳漢昭烈馳馬于此○寰宇記云石
瓦山在縣西六十里山形鱗次似瓦故名又十里
駕明月山以山嶺灣抱如月也上有月亭寺相傳
蜀先王嘗以景帝木主寄饗于此因立廟後人即
廟基爲寺又十里爲梅平洞石壁高懸以三丈梯
陟之始達其中可容數百人併有石牀石磨石盆
石鼓之屬又十里爲青陽山又五里爲九岡山江
陵志云松滋之山最多如月嶺九岡望喜青陽之
類皆巍然尊大昔人題江亭詩云江分三峽濁山
帶九岡青○孟浩然陪張丞相泊松滋詩放溜下
荊州府志勝入卷之八 三

松滋登舟命楫師寧忘經濟日不憚五寒時雲物

吟孤嶼江山辨四維渚宮何處是川膜欲安之陸
游晚泊松滋渡詩小溪泊泊鷓鴣飛溪竹瀟瀟杜
宇悲照鏡不堪衰病後繫船最好夕陽時生涯落
魄惟耽酒客路荒涼自詠詩莫問長安在何處亂
山孤店是松滋○松滋有褚都督義門相傳褚遂
良子孫也鄭獬詩云貞觀得奇士子孫宅茲土一
家五百口六世同所居

枝江縣在府西一百八十里

水經注云縣治百里洲上故以枝江爲稱地里志

曰江迤出西南東入江是也其民古羅徙此羅故
居宜城西山楚文王徙居枝江後又徙之於長沙
今羅縣是矣縣西三里有津鄉里名也春秋莊十
九年巴人伐楚楚子禦之大敗於津鄉杜預曰南
郡江陵有津鄉○盛弘之荊州記曰縣舊治沮中
後移出百里洲西去郡一百六十里縣左右有數
十洲槃布百里洲最爲大也桑田甘果映江依洲
自縣西至上明東及江津其中有九十九洲楚諺
云洲不百故不出王者桓玄有問鼎之志乃漕一
洲以充百數僭號數旬宗滅身屠及其傾敗洲亦
荊州府志勝入卷之八 三

消毀縣東二里有劉凝之故宅凝之字志安兄盛
公高尚不仕凝之慕老萊嚴子陵之爲人立屋江
湖非力不食妻梁州刺史郭全女亦能安貧宋元
嘉中夫妻隱於衡山終焉不返矣縣東北十里土
臺北岬有迤洲長十餘里義熙初武烈王斬桓謙
處縣東南二十里富城洲上有道士范儋精廬儋
自言巴東人少遊荆土而多盤桓縣界惡衣糲食
蕭散自得言來事多驗而辭不可詳人意欲見欵
然而對貌言尋求終弗遇也雖逕跨諸洲而舟人
未嘗見其濟涉後東遊廣陵卒於彼土儋在本洲

無定止處宿憩一小巷而已弟子慕之於其昔居
共立精舍以存其人縣有陳留王子香廟頌子香
於漢和帝時出爲荊州刺史有惠政天子徵之道
卒枝江亭中常有三白虎出入送喪踰境百姓追
美甘棠以永元十八年立廟設祠刻石銘德號曰
枝江白虎王若其子孫世猶謂之爲白虎王江水
又東會沮口楚昭所謂江漢沮漳楚之望也○按
輿地志漳水出臨沮縣南至枝江入于沮縣舊治
沮中楚丹陽地徐廣注史記曰丹陽在南郡枝江
縣郭璞注山海經丹陽在今秭歸縣南按通典舊

荊州府志勝入卷之八

五

丹陽在巴東郡楚自此徙枝江亦曰丹陽故西魏
于謹伐江陵曰爲蕭氏計席捲渡江直據丹陽上
策也丹陽者枝江之別名北史以爲潤之丹陽非
矣○百里洲在縣東北六十里其地寬廣洲首派
別南爲外江北爲內江故有枝江之稱洲西首曰
岑頭縣依其上昔岑彭討公孫述憩此因名岑頭
洲庾亮陸法和宅俱在此洲上庾臺一云庾信宅
一云庾亮講經于此亦名講經臺後爲清修寺
○通志云縣治初在百里洲宋元祐間徙治漸洋
洲後又徙下沱市 國初徙邑治之南汧後又徙

枝江守禦千戶城卽今理也縣南三里有天生橋
在三郎溪上兩崖屹束中卧巨石若天生然行人
經過其上又二里爲着紫山相傳漢昭烈于此下
馬更衣愛其林木綺麗因建漢景帝廟廟前有井
人不取襲名曰神井其下爲飲馬池○花溪在縣
西南十里源通大江春月兩岸桃花盛開若蒸霞
然又十五里爲羅老洞溪不可測卽古羅人地也
○富城洲在縣東南二十里卽范儋所居其後爲
安寶寺陳希夷建樓真臺于寺內○元和志云穰
湖在縣治東南宋沈攸之爲荊州刺史堰湖開瀆
荊州府志勝入卷之八

五

田多收穫因以爲名唐京兆韋庇建有南亭北欄
湖水枕大驛路地形高低四望空平皇甫湜作記
○塚廟記云楚穆王冢在縣西二十里長樂鄉楚
昭王塚在縣西北枝江當陽兩境之間水經注云
沮水南逕楚昭王墓對麥城是也楚懷王墓在舊
縣內唐張說詩客死曉關路返葬枝江陽○碑目
云曹子建碑在枝江治內俗名鶴雀碑○杜甫過
枝江詩元日至人日未有不陰時寒令鶯難至春
寒花較遲雲隨白水落風振紫山悲蓬鬢稀疎久
無勞以素絲按紫山卽着紫山白水卽白沱市宋

所遷縣址今爲鎮

夷陵州在府西三領縣三

史記秦使白起伐楚燒夷陵卽此地三國魏置臨江郡蜀先主改爲宜都郡吳改曰西陵南北朝梁置宜州西魏改爲托州後周改硤州唐初改硤爲峽徙治步聞壘只天寶間有夷陵郡之稱乾元以後俱名峽州 國初爲峽州府洪武九年始改夷陵州以夷陵縣省入○按夷陵漢縣應劭曰以有夷山在西北爲名又云夷者平也言江路至此始平也有平音俱在州西北二十五里宋蕭延立詩

荆州府志勝入卷之八

三

山勢低隨巫峽遠水流初放蜀江平○攷通鑑周赧王三十七年秦武安君白起燒斷夷陵楚襄王始東徙今州北十五里有白起洞相傳武安伐楚時憇師于此唐楊炯詩楚都昔全盛高丘炬皇祀秦兵一旦侵夷陵火潛起劉禹錫詩雲夢草長迷楚望夷陵土黑有秦灰○習鑿齒記云魏武帝平荆州分南郡枝江以西爲臨江郡按志臨江城在州南二十里卽魏武所築亦南梁之臨江縣後周之臨州也○蜀志建安十五年劉先主改臨江爲宜都郡後僞吳建安二十四年吳以陸遜爲夷都

太守漢中王所置宜都太守樊守委郡以走卽斯時矣志云宜都故城陸遜所築城北二十里有南津口相傳昭烈據守此津之南而名今爲巡簡司城西三十里有馬鞍山卽先主爲陸遜所敗升馬鞍山陳兵自遶處也○西陵吳黃武元年改以西陵峽爲名大帝命將督軍于西陵曰西陵督晉書泰始八年吳西陵督步闡以西陵來降帝遣羊祜出江陵以迎之是也○水經云江水又東逕西陵峽註引宜都記云自縣沂江二十里入峽口名西陵峽長二十里山水紆曲而兩嶄高山重嶂非亭

荆州府志勝入卷之八

三

午夜半不見日月絕壁或千許丈其石彩色形容多所像類林木高茂畧盡冬春猿鳴至清山谷傳響泠泠不絕所謂三峽此其一也○志云古峽州城在西北二十里峽口山後周改硤州以此唐書云峽州原作硤至貞觀間始改從山按三峽之名有二或以瞿唐峽巫山峽爲三峽或又云州境之明月峽黃牛峽與西陵峽爲三峽也明月峽在州西二十里懸崖間有白石狀如明月故名高七百仞倚江懸崖面白如月又如扇子亦曰扇子峽唐李白詩春水月峽來浮舟望安極歐陽修詩江上

掛帆明月峽卽此○黃牛峽在州西九十里注水經云江水又東逕黃牛山山下有灘曰黃牛灘南岸重嶺疊起最外高崖間有黑色如人負刀牽牛狀人黑牛黃成就分明此崑既高加以江湍迂迴雖途經信宿猶望見之故行者謠曰朝發黃牛暮宿黃牛三朝三暮黃牛如故言水路紆遠迴望若一矢李白詩云黃牛來勢瀉山川疊日孤舟逐前雷電夜驚猿落樹波濤秋恐客離船盤渦進入空虛地斷壁高分繚繞天多少旅人經此過一生魂夢怕潺湲按此詩集中不載□黃牛山上有廟

荊州府志勝入卷之八

壬

曰黃陵廟相傳山神佐禹治水有功諸葛亮記略云僕躬耕南陽之畝遂蒙劉氏三顧草廬勢不可卻計事善之於是情好日密相拉總師趨蜀道獲黃牛因觀江山之勝亂石排空驚濤拍岸歛巨石於江中崔嵬嶮峻列作三峰平地涿水順遵其道非神扶助於禹人力奚能到此耶僕縱步環覽乃見江左大山壁立林麓峰巒如畫熟視於大江重複石壁間有神像影現焉鬚髮蒼蒼冠裳宛然如綠畫者前監一旌旗右駐一黃犢猶有童工開導之勢右傳所載黃龍助禹開江治水九載而功成

信不誣也惜乎廟貌廢去使人太息神有助禹開江不事鑿斧順濟舟航當廟食茲土僕復而興之再建其廟貌目之曰黃牛廟以顯神功云○注水經曰江水歷禹斷江南峽北有七谷村兩山間水至清深潭而不流者舊傳言昔是大江及禹治水此江小不足停瀉乃更開今峽口水勢并衝此江遂絕謂之斷江也江水出峽東南流逕故城洲洲附北岍洲頭曰郭洲長二里廣一里上有步闌故城方圓稱洲週迴略滿吳西陵督步騭所築也孫皓元年騭死其子闌復爲之據此城降爲陸抗

荊州府志勝入卷之八

壬

所陷矣江水又東逕故城北所謂陸抗城也城卽水爲塘四面天險江南岍有山孤秀從江中仰望壁立峻絕袁崧記云自山南上至其嶺嶺容十許人四面望諸山畧盡其勢俯臨大江如縈帶焉視舟如鳬鴈矣○按步闌壘卽唐貞觀初所徙州治宋咸平年再徙石鼻山尋復故乃今理也陸抗城在州西北五里之赤溪又二十里爲下牢溪乃舊峽州治有闕曰下牢闕杜甫詩云乍驚雲雨夢忽盡下牢邊○下牢之上有洞曰三遊洞白居易三遊洞序云平淮西之明年予自江州司馬授虢州

長史又明年春始祇命之郡與知退偕行三月十日會於夷陵翌日微之反棹送予至下牢戍又翌日將別未忍引舟上下者久之酒酣聞石間泉聲因令棹進策步入缺听初見石如疊如削其崖者如引臂如垂幢次見泉如瀉如灑其音者如懸練如不絕綫遂相與維舟巖下率僕夫芟蕪刈翳梯危絕滑休而復上者凡四焉仰睇俯察絕無人迹但水石相薄磷磷鑿鑿跳珠濺玉驚動耳目自未訖戍愛不能去俄而峽山昏黑雲破月出光氣含吐互相明滅晶瑩玲瓏衆生其中雖有厥口不能

荊州府志勝八卷之八

三

名狀既而通夕不寐迫旦特憐奇惜別且嘆且言知退曰斯境勝絕天地間其有幾乎如之何俯通津綿歲代寂寥委置罕有到者予曰借此喻彼可爲長太息豈獸是哉豈獸是哉微之曰誠哉是言矧吾人難相逢斯境不易得今兩遇於是得無述乎請各賦古詩二十韵書于石壁仍命序而紀之又以吾三人始遊故因爲三遊洞洞在峽州上二十里北峰下兩崖相廡間欲將來好事者知故備書其事曰宋歐陽修三游洞詩漾檝沂晴川捨舟緣翠嶺溪奇崑崙險因以窮人境弄舟終日愛

雲山徒見青蒼杳靄問誰知一室煙霞裡乳竇掌腴凝石髓蒼崕一徑橫查渡翠壁千尋當戶起昔人心賞爲誰畱人去山河迹更幽青蘿長掛何岑寂山鳥嚶嚶不驚客松鳴澗底自生風月出林間來照席仙境難尋復易迷山迴路轉幾人知惟應洞口春花落流出巖前百丈溪蘇軾前題危逕遶山翠紆紆似去蛇忽驚溪水急爭看洞門呀滑磴攀秋蔓飛橋踏古槎三扉迎北吹一穴向西斜難息煙雲老追思歲月遐唐人昔未到古俗此爲家蘓轍前題洞前遙遙不容足洞中明曠坐百人蒼

荊州府志勝八卷之八

三

唯碑兀起成柱亂石散列如驚塵清溪百丈下無路水滿沙上如魚鱗夜深明月出山頂下照洞口纔及昏沈沈深黑若大屋野老篝火青如燐平明欲出上下洞氣飄飄亂爲橫雲奔溪山大澤亦有足野鳥鳴噪狐能蹲三人一去無復見至今冠蓋長滿門子由又題絕句昔年有游客攜手過洞崑去我歲已百游人忽復三緣是州人以歐陽公蘇子瞻兄弟爲後三遊云口陸游入蜀記云八日五鼓盡解船過下牢關夾江千峰萬嶂有競起者有獨拔者有崩欲壓者有危欲墜者有橫裂者有直坼

者有凸者有窪者有罅者奇惟不可盡狀初冬草
水青蒼不凋西望重山如闕江出其間則所謂下
牢谿也歐陽文忠公有下牢津詩云入峽山漸曲
轉難山更多卽此因繫船與諸子及證師登三遊
洞躡石磴二里其險處不可着脚洞大如三間屋
有一穴通人過然陰黑峻險尤可畏繚山腹偃僕
自巖下至洞前差可行然下臨溪潭石壁十餘丈
水聲恐人又一穴後有壁可居鍾乳歲久垂地若
柱正當穴門上有刻云黃大臨弟庭堅同辛紘子
大方紹聖二年三月辛亥永遊旁石壁上刻云景

荆州府志勝八卷之八

三

祐四年七月十日夷陵歐陽永叔下缺一字繼又
云判官丁下又缺數字丁者實臣也字元珍今丁
字下二字亦髣髴可見殊不類元珍字又永叔但
曰夷陵不稱令洞外溪上又有一崩石偃仆刻云
黃庭堅弟叔向子相堯敬同道人唐復來遊觀辛
亥舊題如夢中事也建中靖國元年三月庚寅按
魯直初謫黔南以紹聖二年過此歲乙亥今云辛
亥者誤也泊石牌峽石穴中有石翁持漁竿狀畧
無少異○按石鼻山在州西三十里高五百餘仞
下瀾江流中有巨石橫六十餘丈若牌筏相傳但

爲石牌遂泯石鼻之稱後周嘗移峽州治此其下
爲蝦蟆碚黃魯直云蝦蟆碚泛舟中望之願項口
吻甚類蝦蟆尋泉入洞中石氣清寒流泉出石骨
若吼龍凡出蜀者必酌此水以淪茗陸羽第其品
爲第四歐陽永叔詩云石溜吐陰壑泉聲滿空谷
能邀弄泉客繁舸留品腹陰精分月宿水味標茶
錄其約試春芽旗槍幾時綠陸務觀詩巴東峽裏
最初峽天下泉中第四泉○又有白馬穴水經注
云西陵北壘有石穴遠望常有白馬出入其間尋
之莫覩潛行出漢中漢中人失馬亦出此穴相去

荆州府志勝八卷之八

三

數千里潛爲相通袁崧言江北多連山登之望江
南諸山數百重莫識其名高者千仞多奇形異
勢自非煙霏雨霽不辨見此遠山余嘗往返十許
過正可再見遠峰耳○水經注云江水又東歷荆
門虎牙之山荆門在南上合下開有若門像虎牙
在北石壁色紅有曰文類牙形並以物像受名此
二山楚之西塞也水勢急峻故郭景純江賦曰虎
牙桀豎以屹翠荆門闔竦而盤薄淵淵九廻以懸
湓流波雷响而電激者也漢建武十年公孫述遣
其大司徒任滿翼江王田戎將兵萬人據險爲浮

橫江以絕水路光武遣吳漢岑彭將六萬人擊
荆門漢等率舟師攻之直衝浮橋因風縱火遂斬
滿等矣○按荆門虎牙在州東南今荆門州亦載
之蓋原與當州同屬也唐楊炯有荆門山詩絕壁
聳萬仞長波射千里盤礴荆之門滔滔南國紀後
人因立南紀樓于州治○楚塞樓在州治後宋寇
準詩道路連巴塞風煙接楚丘許自誠詩雄當蜀
道三千里魏壓荆南十五州時稱其語雄壯與樓
相敵仝以萬曆壬子歲再入蜀州人劉元定王公
權招集此樓因賦詩云巴蜀羊腸路紛紛對此樓

荆州府志勝

卷之八

三

後

琴樽雖暫展山水莫非愁花落無生意猿啼不
休何時出巫峽而得再斯遊○鏡池在楚塞樓西
澄徹可鑑故名絳雪堂在楚塞樓前宋景祐年朱
慶基爲守宴客值千葉紅梨盛開歐陽脩賦詩有
輕風絳雪樽前舞日暖繁香露下聞之句因以絳
雪名堂俗在峽口坡亦見此花因賦詩云峽口紅
梨樹何如絳雪堂昔看詩裡誰比醉來粧詰屈
因崑石輕盈類海棠余將移此種聊以續芬芳○
志云爾雅臺在夷陵十戶所後以郭景純註爾雅
得名城東半里有旱池相傳璞洗硯池也亦云蘇

子瞻洗墨于此○至喜堂在故夷陵縣廳事之東
朱慶基爲歐陽脩築永叔詩序云至喜堂新開北
軒手植楠木兩株走筆呈元珍寶臣曰爲憐碧砌
宜佳樹自劬蒼苔選綠叢不向芳菲趁間落直須
霜雪見青葱披條泣轉清晨露響葉蕭騷半夜風
時掃濃陰北窓下一枰閒且伴衰翁○發夷陵之
種歸出桃花舖卽上嶺其有大小煙鬼見愁相交
舖望州坡俱最險峻至白沙舊驛而止余憊白沙
館詩云委蛇窺地脈俯仰託山靈土著無三戶溪
光在一庭少時供客憩終日是雲嵐更有前峰路

荆州府志勝

卷之八

三

後

貪幽未許停○江路之極險者則爲虎頭鹿角狼
尾惡蛇使君空舡諸灘俱在黃牛仙溪兩驛之間
虎鹿狼蛇蓋以灘石形似而名空舡者夏秋水泛
必空舟乃可下使君灘一說益州牧劉璋遣法正
迎劉使君入蜀境一說楊亮爲益州刺史經此舟
覆故名孟浩然詩府中丞相閣江上使君灘○近
郭之可游者曰琮琤谷在州東道傍有石洞水從
此出琮琤有聲故名○曰東山其下爲綠蘿溪在
城東五里歐陽公送田秀才序曰游東山窺綠蘿
溪者也西北二里有虎紗溪秋冬之月水色淨麗

石澆紗然甄文志以伍員澆紗女事載入似非此處又有青溪鬼谷子所居晉郭璞詩青溪千仞餘中有一道士借問是何人云是鬼谷子唐田游巖隱于溪側高宗問此中住否答曰臣所謂泉石膏肓煙霞痼疾○郭道山在州西南五里郭景純結廬于此其基尚存有一井之鐘又名葛道山相傳爲葛稚川修煉處○黃金藏方輿勝覽云在夷陵縣有寶軸秘函藏巖竇中宋紹興間陳賡訪故老謂其書皆金版出其遺書乃古易傳但曰易無周字經與今之卦爻辭畧同傳與今之彖象絕異

荊州府志勝不卷之八

三七

長陽縣在州南九十里

本漢武陵郡之狼山縣治隋開皇八年改爲長陽縣以長陽溪而名唐武德四年置睦州并置巴山鹽水二縣八年州廢省鹽水巴山二縣入焉○按志故睦州城在縣東三百步狼山廢縣在縣西六十五里同昌市巴山廢縣在縣南七十里卽古捍關楚蘭王拒蜀之處○荊州圖副云長陽溪側有異花絕艷欲摘先乞之神不得卽取取卽隨手零落清江一名夷水來自施州開夷界流入鹽水○方山一名重山在縣南三十里四面俱方有風穴

口大如甕夏則風出冬則風入春秋分則靜其下有石筍二臨江高六十餘丈○龍角山在清江北山穴內有陰陽二石陰石常溼陽石常燥旱輒陰石則雨潦輒陽石則晴○龍門洞在縣南隔江洞前兩崖劍立巖穴幽邃泉瀑飛注○藏書洞在縣西三十里宋郭雅河內人流寓本縣下魚山乾道間賜號冲晦處士以其藏書處也○寰宇記云武落鐘山一名難留山在縣西北七十八里本廩君所出處也世本云廩君之先故出巫蜚落鐘山石穴中有二所其一色赤其一色黑如丹漆狀廩君出於赤穴餘姓亦出黑穴廩君曰務相姓巴氏與樊氏暉氏相氏鄭氏五姓俱出未有君長因約以劍刺石壁着者立爲君長廩君與五姓皆往刺獨廩君劍着而懸於穴屋因立爲君盛弘之荊州記云難留山北有石室可容數百人常如此室避嶮不可攻因名爲難留城○又云巴蠻五姓各乘土船約浮者當以爲君惟務相獨浮因共立之是爲廩君乃乘土舟從夷水下至陽鹽水有神女謂廩君曰此地廣大魚鹽所出願留共居不許鹽神暮輒來宿月化爲蟲羣飛蔽日天地晦冥積十餘日

糜君因便射殺之天乃開明糜君秉土冊丁及夷城夷城山石嶮曲糜君望之而歎山雖為崩糜君登之上有平石方二丈五尺因立城以傍其居四姓臣之後死精魄化而為白虎也

達安縣在州城東北二百里

本漢臨沮縣治晉義熙間分臨沮置高安縣後周改為達安縣○舊縣治在亭子山下今縣北十五里又六十里為南襄城舊傳蜀漢關羽屯兵之處一夕而成者○輿地紀勝云鹿溪山在縣西六里梁居士陸法和先隱江陵百里洲後至此嘆曰

荊州府志勝八卷之八

支

着脚名山多矣未有如鹿溪幽邃者遂棲止焉梁元帝為建鹿苑寺○郡國志云達安有陸抗城城南有孤山袁山松為郡登此四望俯見大江如縈帶舟船如見鴈處○雲門山輿地紀勝云在達安縣天將雨雲必先起亦名松門山○三洞在縣西南八十里晏公類要云達安三洞一曰金龍一曰鐘乳一曰仙居皆鬼谷子隱處又有桃李洞洞前飛瀑三丈狀如匹練有木結實核如桃肉如李○清溪在縣南六十五里鬼谷先生傳云楚有清溪下溪千仞具水靈異即郭璞詩所云清溪千餘仞

者溪傍有奇竹葉上多生符篆文如籀俗名鬼谷符○清溪之上峰巒聳聳曰雲夢山古琳法師誦經于此見一女子日來獻食師和之曰爾何氏女對曰我婆伽龍女也家居岷峨聞師誦經功德浩大特來獻供師曰當泉賦我女曰易為耳遂辭去忽一日水從巖下流三里許方有聲後人因建龍女祠于其傍清溪水發源于此

宜都縣在州東南九十里

蜀漢宜都郡已見州下此則漢之夷道縣也元和志云漢武開西南夷所由道矣晉避桓溫父葬諱荊州府志勝八卷之八

支

改曰西道劉宋析置宜昌縣陳改夷道為宜都縣與宜章並設故水經注有夷道宜章二縣名○水經注曰江水歷峽東逕宜昌縣之埡窰下江之左岷懸崖壁立數百丈飛鳥所不能棲有一大壚埡在埡間望見可長數尺父老傳言昔洪水之時人泊舟埡側以餘燼埡之巖側至今猶存故先後相承謂之埡窰也江水又東流頭灘其水竝峻激奔暴魚鼈所不能游行常苦之其歌曰灘頭白勃堅相持倏忽渝沒別無期袁崧曰自蜀至此五千餘里下水五日上水百日也江水又東逕宜昌縣

北分夷道狼山所立縣治江之南岬北枕大江與夷陵對界宜都記曰渡流頭灘十里使得宜昌縣矣江水又東逕狼尾灘而歷人灘袁崧曰二灘相去二里入灘水至峻峭南岸有清石夏後冬出其石欽崟數十步中悉作人面形或大或小其分明者鬚髮皆具因名曰人灘也江水又東過夷道縣北夷水從狼山縣南東北注之夷道故城吳丞相陸遜所築以備蜀爲二江之會北有湖里淵淵上橘柚蔽野桑麻閭閻西望狼山諸嶺重峰疊秀青翠相臨時有丹霞白雲遊曳其上城東北有望堂

荊州府志勝

卷之八

早

地特峻下臨清江遊矚之名處矣○明楊琚宜都覽詠詩云邑治枕長川居民適成聚清江遠東流白水猶回互地險北塞高人安大壩固鷄頭青如藍虎牙勢如怒鼎峙架鍋峰坡開滾鐘路隱隱吳相臺卓卓商英墓伊誰遺塚多尚存四九數萃棣望州山縈紆白羊渡更說蒼茫溪奇石生夏雨○按清江發源施州由長陽縣來遶縣城左入大江予詩有古木分夷界清江對縣門之句蓋發宜都作也○白水卽白巖溪兩岬峻險水色常白多產竹木之利○大城陸抗城也併吳相臺俱在縣西

三里又十二里爲鷄頭山其狀如之故名○虎牙山在縣北五十里引水經詳見州下唐雍陶詩云兩崖開盡水迴環一葉纔通石罅間楚客莫嫌山勢險世人心更險於山山有十三碛宋王十朋詩楚國封疆六千里荆門巖岫十三碛縣南又有羊腸山荊州志云登羊腸望見南平沮漳卽此處也○架鍋山在縣西五十里三峰峙立若鍋架之狀○滾鐘坡在縣東十五里古有金鐘寺忽一日寺鐘滾出行者見之大驚挽拽不勝遂入江去至今山坡有滾鐘迹○吳陸遜墓在縣東南十五里內

荊州府志勝

卷之八

早

設塚三十六所○張商英墓在縣東十里白羊驛後商英蜀新津人以忤蔡京徙峽州卒葬于此○望州山在縣西北二十里登之可望州城○白羊渡在縣東三十里白羊山下其山多白石狀類如羊故名又二十里爲蒼茫溪水生五色石類玻璃瑪瑙石上雲起必雨○寰宇記以縣界有神魚山山谷之中有石穴穴出清泉泉有神魚大者二尺小者一尺釣者先陳所須多少拜而請之數滿便止水側有異菓欲摘請亦如魚○丹山宜都記云丹山時有赤氣龍升又有石鵝在仙室山西連于

丹山○宋山在縣西二十里有隱者結廬建壇雲
隱自尙忽然一日得道夷堅志以爲女仙○九經
洞溪與不窮經其九曲故名常有僧秉燭窮之燭
盡而出莫知所止

歸州在府西五百二十五里領縣三

唐武德初割夔府之秭歸興山巴東三縣置歸州
宋元因之國朝以秭歸省入○水經注曰江水
又東過秭歸縣南縣故歸鄉地志曰歸子國也
樂緯曰昔歸典叶聲律宋忠曰歸卽夔歸鄉蓋夔
鄉矣古楚之嫡嗣有熊犖者以廢疾不立而居于
荊州府志勝不卷之人

望

夔爲楚附庸後王命爲夔子春秋僖二十六年楚
以其不祀滅之者也袁崧曰屈原有賢姊聞原放
逐亦來歸喻令自寬全鄉人冀其見從因名曰秭
歸卽離騷所謂女須嬋媛以詈余也縣城東北依
山卽坂周迴二里高一丈五尺南臨大江古老相
傳謂之劉備城蓋備征吳所築也縣東北數十里
有屈原舊田宅雖畦堰廢漫猶保屈田之稱縣北
一百六十里有屈原故宅累石爲屋基名其地曰
樂平里宅之東北六十里有須廟禱衣石猶存故
宜都記曰秭歸蓋楚子熊繹之始國而屈原之鄉

里也原田宅于今俱存指謂此耳江水又東逕城
止其城憑嶺作岡二百一十步夾溪臨谷據山枕
江北對丹陽城據山跨阜周八里百八十步東
北兩面悉臨絕澗西帶亭下溪南枕大江嶮峭壁
立信天固也楚子熊繹始封丹陽之所都矣地理
志以爲吳子之丹陽論者云尋吳楚悠隔繼縷荆
山無容遠在吳境又楚子先王陵墓俱在其間蓋
爲微矣江水又東南逕夔城南跨縣川阜周迴一
里百一十八步西北皆枕溪谷東帶鄉溪南側大
江城內西北角有金城東北角有圓土獄西南角

望

有石井口徑五尺熊犖始治巫城後疾移此蓋夔
徙也江水又東逕歸鄉故城北袁崧曰父老傳言
原旣流放忽然暫歸鄉人喜悅因名歸鄉抑其山
秀水清故出儒異地嶮流疾厥性亦隘矣縣城南
面重嶺北背大江東帶鄉口溪者也○按志夔子
城在州西三里地名夔沱宋端平間曾徙州治于
此有楚王臺在山上今爲長寧千戶所城內楚王
井及德勝門外洗馬池皆故蹟也劍南詩藁云歸
州光孝寺有楚王墳近歲發掘之得寶玉劍佩之
屬○丹陽城在州東七里北枕大江丹陽者以在

丹山之陽卽夏徵之臣孟涂所居楚熊繹始都之
後徙于枝江亦稱丹陽晉史益州刺史王濬破丹
陽遂克西陵西陵在枝江之上故知丹陽是此地
也元初亦徙州來治 國初洪武四年康茂才與
僞將龔興戰于東門大破之至今尚呼爲東門頭
舊設南邏關于此後徙之新灘○建平驛在舊州
河市按建平郡吳景帝年置然吳晉有兩建平吳
之建平治秭歸晉之建平治鳳縣故自不同晉王
濬自蜀伐吳水秭蔽江而下守將吳彥表謂孫皓
曰請建平增兵若建平不守晉師終不敢過卽此

荆州府志勝

卷之八

四

地矣水經注曰江水自建平至東界峽盛弘之謂
之空船峽峽甚高峻卽宜都建平二郡界也其間
遠望勢交衡表有五六峰參差互出上有奇石如
二人像攘袂相對俗傳兩郡督郵爭界于此按今
自夷陵入花橋舖卽秭歸界建平驛設在州東北
七十里其下爲三問峽予宿建平驛讀漢時建平
郡本自領巫山此日空名在斜陽古驛間攷史漢
宣帝時杜延年以定策功封建平侯亦不起于吳
也○三問峽以屈大夫而名志云屈原宅有二一
在州東百里卽平樂宅一在州東北六十里卽三

問鄉也有玉禾田相傳屈原所種禾色如白玉故
名 國朝嘉靖戊子歲掘得古碑楚武王子屈瑕
食采于此因以爲氏云○屈原祠亦有二一在
州東三里相公嶺下俗名馬房與宋玉並祀一在
州西十里大江之左唐元和年刺史王元茂創見
黃清老記予以壬子歲再過其祠作詩吊之云屈
原生此地千古調應稀蕤苑爲宗匠居人識秭歸
江潭雖旣放日月與爭輝一片嬋媛石猶傳舊擢
衣○宋玉宅在州東五里杜甫詩云歸舟宋玉宅
是也又五里爲鄉溪在建風嶺之上一名香溪相

荆州府志勝

卷之八

五

傳爲王昭君浴手溪其水皆香余題秭歸別署詩
行經宋玉招魂地枕向明君浴手溪○水經注曰
鄉溪源出縣東南數百里西北入縣逕狗峽西石
壚龕中隱起有狗形形狀具足故以狗名峽鄉口
溪又西北逕縣下入江謂之鄉口○按白狗峽在
州東二十里兵書峽之上峽爲諸葛武侯藏兵書
于此至今望之常若書卷然又名鑊棺峽以蜀州
刺史王果見夢懸棺停舟葬之故名又五里爲新
灘又十里爲馬肝峽○水經注曰江水逕新崩灘
此山漢永和十三年崩晉太元二年又崩當崩之

口水逆流百餘里湧起數十丈今灘上有石或圓如草或方如屋若此者甚衆皆崩崖所墮致怒湍流故謂之新崩灘其巖巖所餘比之諸嶺尚爲疎桀矣○州西三里又有此灘舊經云水石相激如噴叱之聲一名人鮮甕在雷鳴洞之南分爲三叱官槽口爲上叱雷鳴洞爲中叱黃石口爲下叱○叱灘上有黃魔廟唐右史蕭遘竄黔南沂三峽次秭歸夢黃魔神祐助每涉險難恍然如在及李吉甫過峽神亦湧出水上爲之扶舟○其地又有靈泉宋張無盡于靈泉寺中著楞嚴合論因觀西溪

荊州府志勝

卷之八

聖

知政事因以美之

興山縣

在州北八十里

吳景帝永安三年分秭歸置興山縣通典云環邑皆山此邑興建于羣山上故名舊治高陽城唐貞觀中移治太清鎮端拱二年移治香溪卽今理也○輿地紀勝云高陽城在縣西三里楚自以爲高陽之裔故有高陽城○太清鎮在縣北三十里靈

字記云吳置此鎮以備蜀當三峽要衝去秭歸東南八十里鎮內有清烈公祠以漁父告屈平水太清則無魚爲名舊傳屈原此縣人有舖曰屈家舖○香溪在縣南卽縣前河也有珍珠潭相傳爲昭君洗粧處杜甫詩千山萬壑赴荆門生長明妃尚有村注云在興山縣昭君怨詩高山峨峨河水決決父兮母兮道里悠長卽指其故里山川也○志云建陽峽在縣東南五十里經四十八渡至建陽坪會香溪又有南陽溪自縣北三十里發源房陵來至潏渡與香溪合流入江○紀勝云四通山在

荊州府志勝

卷之八

聖

縣城外山形斗絕傍有四徑可上故名又縣北有螺金螺玉二山形如螺髻色像金玉故名○白馬峴在白馬驛畔有石峴如白馬狀○玉虛洞晏公類要云在興山縣南五十里唐天寶五年有人遇白鹿於此山薄而窺之乃有洞可容千人迴迴石壁隱出異文成龍虎之形花木之狀日居左而圓月居右而闕如琢如畫顏色鮮麗不可備述中有石座者三瑩然明白有石乳下滴結成物像列之前後宛如幢節溫潤如玉因謂之玉虛洞三伏之際凜若九秋郡守奏其狀乃於洞側置觀御賜題

額度道士七人○水月院在縣東一百里院有潭水每遇天陰月影常現故名○貓兒關在縣北一百里山路險峻可達郢襄○葱坪在縣西北二百九十里相傳諸葛武侯駐師于此士馬饑乏地忽產葱稍資濟給至今猶盛

巴東縣在州西一百里

後漢公孫述遣將田戎拔巫之巴東大張旗幟于巴山巴東之名始見于此盛弘之荆門記曰巴東有一折柱孤直高三丈大可十圍傳云是公孫述樓柱破之血出枯而不朽按在舊縣城去今縣西荆州府志勝不卷之人

吳

北十餘里即東西二瀼杜甫草堂在焉有萬戶沱在其下杜甫詩瀼東瀼西一萬家江南江北春多花○寰宇記云樂鄉故城在縣東三里晉杜預使其將周旨襲破樂鄉城者梁置信陵郡于此故城在縣西十五里隋開皇歲始改樂鄉為巴東縣縣北六十里有雙城兩城相距十里許三國時所築也○志云縣東五里有三朝水石澗之中一日三次若湧潮然故名其下為破石峽兩崖似刀劈狀又有門扇峽狀若門扇故名又有東奔峽江水東流其聲奔驟最長而險者曰巴東峽郭璞賦云乃

若巴東三峽夏禹所鑿絕巉萬丈壁立雲駭碧沙透迤而聳來巨石砢礪以前却故行人歌曰巴東三峽巫峽長猿鳴三聲淚沾裳○水經注云江水逕巴東峽又東逕石門灘灘北岸有山山上合下開洞達東西緣江步路所由劉備為陸遜所破走逕此門追者甚急備乃燒鎰斷道僅以獲免時孫桓為遜前驅奮不顧命備忿恚而歎曰吾昔至京桓尚小兒而今迫孤乃至于此○按石門地最險隘傍崖臨江去縣東北三十五里予過之有詩云山盡見江好孰知江路危單車馳漢主焚鎰斷吳

吳

師義在寧同死時乎不可支永安有遺詔讀罷使人悲蓋先主時為關羽復仇故也諸葛亮曰法孝直在必無此行○縣西亦有石門山唐天寶年改名蜀口山亘巫山縣界輿地志云去縣四十九里○龍昌洞在瀼西亦名三遊洞洞內十里可以浮舟但禁人笑語恐潛龍起則多覆舟宋至和年莊槩彭德周茂叔三人同遊故亦名三游○紀勝云秋風白雲二亭在縣治內寇萊公所建寇準有春日巴東縣懷歸詩高樓聊引睇杳杳一川平野水無人渡孤舟盡日橫荒村生斷靄古寺語流鶯舊

業荒清淵沈思忽自驚蘇軾過巴東縣懷寇萊公
詩萊公昔未遇寂寞在巴東聞道山中樹猶餘手
植松志云舊縣內有古柏二株相傳萊公手植○
縣北臨江有向王鐵槍長二丈懸崖壁間不壞向
王諱轉東陽人隋大業間鑿山通道有功于時又
云向王山與明月山相連明月者巖中有窺望之
如明月然○大沱石在舊縣下歐陽文忠公硯譜
云巴東大沱石其色清黑斑斑其文微蘆亦頗發
墨杜詩所謂奉使三峽中長嘯得石硯者

州府志勝八卷之八

事

中央民族
博物院
館藏書

岳州府在舊城西領州一縣七

中央民族
博物院
館藏書

古三苗氏之國舜放三苗于洞庭之野即此縣秋
糜子國有東糜西糜二城楚昭王奔隨使玉孫山
城糜是也又屬羅子國故梁武帝置羅州焉隋書
蕭銑以羅叛起兵僞卽帝位是也煬帝時改名岳
州以天岳山爲名○輿地志云天岳山在洞庭湖
中一名幕阜州據其陽故謂之岳陽○岳陽樓著
名海內初始不知爲誰唐開元年張說出守是邦
日與才士登臨賦詠其中白爾名者宋慶曆間滕
宗諒作而新之范希文爲之記蘇子美書丹邵竦
岳州府志勝八卷之九
篆額時稱四絕○詩紀云中書令張說徙知岳州
爲文悽婉人以爲得江山之助賈至貶岳州司馬
初到巴陵與李白泛洞庭詩楓岸紛紛落葉多洞
庭秋水晚來波乘興輕舟無遠近白雲明月吊湘
娥太白詩洞庭西望楚江分水盡南天不見雲日
落長沙秋色遠不知何處吊湘君孟浩然詩八月
湖水平涵虛混太清氣蒸雲夢澤波撼岳陽城欲
濟無舟楫端居耻聖明坐觀垂釣者徒有羨魚情
杜子美詩昔聞洞庭水今上岳陽樓吳楚東南坼
乾坤日夜浮親朋無一字老病有孤舟戎馬關山

北凭軒涕泗流按元稹作岳陽銘曰子美扁舟
荆楚間竟以寓卒旅殯岳陽後四十年子美之孫
嗣業啟柩葬于偃師時元和之癸巳歲也○滕子
京岳陽集序云六朝通三百三十七載惟顏延年
陰子堅見于章句予按延之有始安郡還都與張
湘州登巴陵作陰鏐有渡青草湖詩似非顧指岳
陽樓者然初盛唐詩但作巴陵城樓水嘗名岳陽
樓也大曆間杜子美有今上岳陽樓之句故後人
顧目爲岳陽耳宋范致明有岳陽風土記三卷國
朝有岳陽紀勝彙編四卷○風土記云岳陽樓城

岳州府志勝八卷之九

二

西門樓也南樓楊公臺皆見岳陽詩詠今並無遺
跡可踐或云楚澤門舊南樓也又云楚澤門碧湘
門皆甕城門而楚澤門以經火不復治○龍興觀
在太平寺之東舊有西閣爲登覽之勝唐陸龜蒙
皮日休見諸篇什今治平寺江路夾兩山間林木
幽邃故基存焉○太平寺舊傳爲屈原宅蓋原被
逐時寓此○廣教寺後唐之永安寺也舊名聖善
寺昔呂雲卿遇江叟于聖善寺吹笛名洞庭諸龍
卽其處○剪刀池在郡城西止隅相傳池中有鼎
耳高數尺其中容人往來上有識文善潤者常見

之○永慶寺在東山頂井泉清冽唐僧無已詩云
鳥從井口出僧自岳陽還卽此宋太平興國五年
改額乾元寺又謂之新開寺雪竇語錄所謂新開
者乾明之祖師也

巴陵縣附郭

水經注云本吳之巴丘邱閣晉太康元年置巴陵
縣吳錄亦云晉分長沙爲巴陵等縣矣郡縣志云
蜀先主稱尊號凡文詰策命皆劉巴所作巴卒葬
岳陽故號巴陵城塚記云巴陵城吳魯肅所立唐
天寶間裴光贊重加版築南史侯景之亂湘東王
岳州府志勝八卷之九

三

繹以王僧辯爲都督軍至巴陵遣僧辯書曰但守
巴丘以逸待勞卽此○尋江記云昔羿屠巴蛇于
洞庭積其骨爲丘陵故名淮南子亦有斬蛇于洞
庭之說風土記云巴蛇家在州院廳側鬼然而高
草木叢翳有巴蛇廟在岳陽門內太守歐頴廢之
三國吳魯肅常以萬人屯巴丘唐劉長卿詩萬古
巴丘戍平湖北望長廟記云魯將軍廟在會泉門
外乃魯肅廟也○白鶴山在城南昔有江叟嘗遇
樵夫遺以鐵笛吹之無聲一日登此山吹之響振
林谷忽有兩女子出授神藥云服此當爲水仙後

不知所終風土記云白鶴僧園茶極類北苑所出
每歲不過一二十兩味極甘香土人謂之白鶴茶
○龜山去城南五里水際九山相連其形如龜亦
名九龜山唐柳宗元有無姓和尚碑和尚居此山
有名無姓或問焉則告曰性吾姓也其原無初其
後無終○君山在城西南一十五里洞庭湖中其
狀若十二螺髻唐陶雍詩一螺青黛鏡中心宋黃
庭堅詩縮結湘娥十二鬟卽此山也山海經云洞
庭之山帝之二女居之以湘君所遊故曰君山李
太白詩帝子瀟湘去不還空餘秋草洞庭間淡掃
青州府志勝入卷之九

四

明湖開玉鏡丹青畫出是君山道書以爲第十一
福地昔秦始皇南遊浮江遇大風而怒湘君命楮
其山故劉禹錫詩千載威靈盡赭山寒水中一說
始皇欲入湘觀衡山遇風浪溺敗至此山而免因
號君山所載不同風土記云君山虎洞石穴夏秋
水漲卽沒水落卽露朝廷營造使投龍于此又上
有野馬數十匹蓋昔時所逸馬歲久滋生山多古
木少草夏秋食木皮多餓死故其數不充廣○本
事詩云呂雲卿于君山遇湘中老人索酒酒數行
老人歌曰湘中老人讀黃老手持紫藟坐碧草春

至不知湖水漲日暮忘却巴陵道○湘州記云君
山有美酒飲者不死漢武帝遣樂巴求得之進而
未飲東方朔竊飲之帝怒欲殺朔朔曰陛下殺臣
臣亦不死臣死酒固不驗遂赦之今當春時往往
聞山中酒香尋之不得其處李太白詩刻却君山
好平鋪湘水流巴陵無限酒醉殺洞庭秋○攷君
山有八景酒香亭其一也湘君祠秦皇火樹已見
上更有軒轅臺射蛟浦卽吟亭柳毅井諸勝按軒
轅臺以鼎湖事相附會殊無謂射蛟浦者相傳漢
武帝登是山射蛟于浦口故名卽吟亭以呂洞賓
岳州府志勝入卷之九

五

有三醉岳陽人不識卽吟飛過洞庭湖之句柳毅
井在崇勝寺內夷堅志所載書生柳毅娶洞庭龍
女吳郡洞庭湖亦採之然山海經云君山有石穴
潛通吳之苞山郭景純所謂巴陵地道者與○水
經注曰湖水逕君山東北對縹山山多篋竹兩山
相次去數十里迴時相望孤影若浮矣湖水又逕
巴陵城城跨岡嶺濱阻三江巴陵西對長洲其洲
南靡湘浦北屈大江故曰三江也志云三江在府
城下岷爲西江澧爲中江湘爲南江皆會于此名
三江口又謂之九江禹貢九江孔殷註云卽洞庭

也沅漸元辰敘西澧資湘九江皆會于此又謂之五瀘沅資湘之水自南而入荆江自北而過洞庭湖以瀘其間戰國策秦與荆戰大破之取洞庭湖五瀘是也○岳陽志云荆江五六月間其水暴漲則洞庭瀟湘清流爲之改色南至青草旬日乃復亦之西水其水極冷皆云岷峨雪消所致岳人謂之翻流水又云水神朝岳山元微之詩岳陽樓上日銜窓影倒寒潭碧玉幢帳殘春萬般意滿儒湖水入西江○輿地紀勝云岳州有御池湖壑蚌珠風土記云洞庭有巨蚌如舟航深夜展岳州府志勝八卷之九

一鼓往來煙波間吞吐明珠與月爭輝漁者百計取之卒莫能得○有白馬湖劉禹錫云采菱女白馬湖秋月紫光菱如錦絲鴛鴦○青草湖一名巴丘湖北連洞庭南接瀟湘東納汨羅之水每夏秋水泛與洞庭爲一水湖則此湖先乾青草生焉杜子美詩洞庭猶在目青草續爲名張志和漁歌云青草湖中月正圓巴陵漁父罷歌連○赤沙湖亦以西水泛時與洞庭爲一湖則惟見赤沙王仲宣詩悠悠澹澹口下入赤沙湖有紫港湖夏秋水漲與赤沙湖匯通于荆江右已上二湖俱入臨湘縣

界○澨湖在城東南五里亦名滄湖按爾雅水迤入爲澨左傳定四年吳人敗楚于雍澨五戰入鄧卽此也張說集云澨湖者沅湘澨川之餘波夏潦奔注則溢而爲此湖冬涸則爲平野故其詩曰三湖迤入兩山間蓄作澨湖灣復灣暮雨奔流潭正滿微霜及潦水初還風土記云澨湖茶在唐時極重見諸篇什李肇所謂岳州澨湖之合管也湖岸上有石高四尺曰紫溪石一名紫荆臺○按澨湖亦名閣子湖本角子湖語訛以其在洞庭之角故謂之角子湖也又以湖地卑歲苦水患民多重屋岳州府志勝八卷之九

以居因謂之閣子湖○閣子鎮有隄曰白荆隄石壁潭在其下亦謂之釣龍潭其深莫測○金沙洲在洞庭湖中一名龍堆延袤數里杜甫詩龍堆擁白沙是也舊白沙驛設此子美詩驛邊沙舊白湖外草新青○曹公洲在城南通典云巴丘湖中有曹洲卽孟德爲吳所燒船處○彭城洲在城東北劉宋謝晦反到彥之進討軍次彭城洲卽此水經注云江水又東逕彭城城北對隱磯二磯之間有巨石孤立大江中東江浦世謂之白馬口李太白詩側疊萬古石橫爲白馬磯○江之右岸有城陵

山山有故城東接微落山亦曰墮落磯江之南岸
名黃金瀨瀨東有黃金浦良父曰夏浦也○偃虹
堤在城西非每夏秋風濤激噴城趾滕宗諒議築
堤以捍之預求歐陽修爲之記○北園在郡治北
東園在北園之東宋紹興間陳去非假館北園自
號園公以此○小說宋開寶年李知微過曾城夫
人及二妃於洞庭歌曰黃陵廟前春草生黃陵女
兒茜羅帶輕舟短棹唱歌去水遠天長愁殺人歌
畢贈之羅巾而去○沈亞之作湘中怨云鄭子元
爲岳陽太守上巳日携家登樓下望鄧渚鄭追憶

岳州府志勝本卷之九

八

汜人俄有所見聞汜人歌曰沂青山兮江之潯泳
湖波兮泉綠裙意奉奉今心莫舒舟中人亦歌非
樓上之人所能辯○劉元方嘗宿湖畔驛中夜聞
歌聲朝問楹間有題云爺娘送我青楓恨不記青
楓幾回落當時手刺衣上花今日爲灰不堪着今
楓橋堡卽其地○舊圖經云諸邑之地而湖背江
每遇霖潦則壞隄決埽民無安止以舟爲家以漁
爲生者十室四五其土人則以潭戶名之張燕公
詩亦自云今參魚鼈守望美洞庭歸惟范文正詩
幾處雲藏寺千家月在船最得清曠之趣○風土

記云州地客山高主山隱伏不甚利土人而僑居
多興葺者俗謂之扁擔州○岳州常賦之外與他
州名額不同者蒼龍竹箭簪翎毛魚麴蘆蔭鐵葉
蜜龍○岳州江蟹大而肥實殼軟漁人謬云網中
得蟹無魚可賣○岳人以兔爲地神不敢獵取又
以鴉爲神鴉無敢弋者

臨湘縣

在府東北
九十五里

本巴陵縣地後唐清泰中置王朝場于此宋淳化
三年陞縣至道中改今名○志云魚梁山在縣治
南山下有湖產魚特美○尊湖在縣東風上記云

岳州府志勝本卷之九

九

岳陽雖曰水鄉不常有尊惟此湖有之○象骨山
在縣西南四十里山海經云巴蛇吞象暴其骨於
此山傍有湖曰象湖○大雲山在縣東連接七十
餘峰嘗有雲氣遮覆故名○響山在縣南上有四
山高聳人囁呼應聲如響右各去縣九十里又十
里有龍窖山跨臨湘通城崇陽蒲圻四境上有龍
湫勢極深秘又有石龍洞在龍口中吐泉注龍窖
溪○岳陽志云鷄籠山在縣界狀如鷄籠有金鷄
石在船塢步其支隴也○道人磯在縣南一十五
里大江濱有石高十餘丈如道人面北而立磯中

有二洲南爲黃金瀨北爲黃金浦又有白石高丈餘其光如鏡名石鏡○相近爲鴨欄磯吳建昌侯孫慮作闕鴨欄于此陸遜嘗諫止之與白螺山相望唐張說巴陵早春詩江上春來早可觀巧將春物如餘寒水苔共繞留鶯石花鳥爭開闕鴨欄○烏石山接巴陵界神仙所隱巖洞深數里併有石乳烏藥之屬又濱江爲烏黎口卽烏林也黃蓋敗魏武于烏林卽此地

華容縣

在府西一百八十里

本尋陵縣地晉置南安縣隋開皇中改華容縣以岳州府志勝不卷之九

十

古華容城爲名唐張說詩困輸江上山近在華容縣梁知微和云華容佳山水之子厭承明○風土記云華容令宅東北有老子祠口大皇觀門之左右有二神像形質甚大殊可動搖觀者往往往驗之以爲異其實胎素中虛如夾紵作○章華臺有三一在江陵一在監利一在華容杜預以爲在華容縣攷晉書華容正在今之監利界非別有章華也但志收細腰宮在今之華容張率楚王吟云章臺迎夏日夢遠感春條風生竹籊響雲垂草綠饒相看垂尺素惟欣爭細腰○志云東山在縣東十里

岳州府志勝不卷之九

十

王裕之以桓玄擅晉遂棲隱焉屢召不出時人稱爲王東山又十五里爲石門山一名仙廬山山上有七峰晉仙人張驚喜煉丹于此又十里爲墨山上有龍池唐張說詩序云石門墨山二山相連有禪堂道觀天下絕境雲母泉出此山下味甘而流長地產雲母李華詩序云墻壁道路炯如列星井泉谿澗色皆純白是也○玄石山在墨山北楚辭馳余車於玄石卽此○禹山在縣南四十里夏禹常登其巔有禹廟○鼓樓山在縣東南五十里山有石室下瞰洞庭中可容數十人又二十里爲團岳州府志勝不卷之九

山山多楮石可研書字○方臺山亦在縣東南界出雲母土人候雲氣所出掘之往往有長數尺可爲屏風者○玉猴山岳陽志云在華容界山出胡孫其色白故名○劉備城在大荆湖尾有慈音寺俗傳是先主中軍寨按去州北七十里俗謂之金門劉備城○赤亭城在赤亭湖岸去縣南五十里三面臨水極爲險隘梁元帝使胡僧佑陸法和等據赤亭破侯景將任約于此建亭○楊子洲洞庭記云此洲之間常苦蛟患昔荆狄飛將大船渡江蛟夾船飛入水斬蛟而去今廟在洲上

平江縣在府南四十里

東漢之漢昌縣孫吳之吳昌也隋唐省入湘陰神龍三年分湘陰置昌江五代唐改爲平江縣縣治在秀野亭南旁有魯德山卽魯肅領兵屯戍之所○岳陽風俗記云王文正公旦知平江縣官舍向爲山魃所據前後縣令避不居公至有夢魃語曰宰相來吾當遁去已後令因居之○志云昌江山在縣東南二里石崖壁立有篆文云夏禹治水嘗至於此有芙蓉池金線洞飛仙石溫泉石壇又有海棠仙人二洞道書以爲第二十五洞天艾真岳州府志勝本卷之九

十一

人所居○幕阜山卽昌江山之別名也一名天岳一名天柱一名雷臺一名莫府石壁上刻銘云禹治水登此山高於平地一千八百丈週迴五百里二十四氣福德之鄉遇洪水爲災居其上可以度世有列仙寶壇其傍古竹二本脩翠猗然隨風掃拂絕頂有石田數十畝膝渠隱然非人力所能治山無穢草惟杞與芳茅之屬雲笈七籤云環幕阜有道宮曰松林曰紫清曰崇虎曰玉清玉清視餘山水爲勝○梅仙山在昌江山之麓梅子真隱處有井曰子真井泉水出焉謂之梅仙水○道巖山

在幕阜之東上有天池池前有二峰南曰席帽北曰雲蓋○連雲山在幕阜之南峭拔萬丈常有雲氣覆其上有吳真人煉丹壇下有石壁廣數丈昔有田先生隱焉曰田翁巖○又東南爲石牛山山多岑石其狀類牛又有大寨石小寨石大者可容萬人小者半之○永寧山岳陽志云在平江縣其山四壁如削倚以雲梯續以飛棧而後可躋其端沃衍可耕土中時有斷戈朽鏃○盧山一名獸山上有七仙井○龍影洞在縣西北其深三千餘丈周三十里石壁瑩然上有龍影屈伸蜿蜒鱗甲如繪○昌水在縣北八十里源出幕阜山流至縣南有巨石形如昌字水繞其中○汨水在縣東一百一十里自江西分寧來至西南會昌水下流合羅水北流入洞庭卽楚詞之所謂汨羅也風俗記云汨水出豫章界與純水合純水去縣南三十步○紀勝云唐龍興寺下瞰滄湖李白嘗與賈舍人于此剪桐望滄湖作詩云剪落青桐枝滄湖可坐窺雨洗秋山淨林光澹碧滋今寺屬平江縣改名法慶寺○唐徐安貞避安史之亂隱當縣之胡佩村石陂洞口今有徐侍郎墓回臺寺其故基也○後

岳州府志勝本卷之九

十二

漢吳澄婺源人初隱岳州穆家塘因慕田游嚴之
爲人乃于平江田嚴故宅築廬以處其地有連雲
山川之勝黃誥字君謨平江人熙寧間進士章子
厚開梅山請增稅祇君謨力言于朝罷之○李平
西元符進士爲樞密承旨金虜犯關平西與李綱
奏城禦之策及陷汴京乞召諸道勤王之師大策
一戰時宰何臬不能用平西願得上方斬馬劍斷
其頭以謝天下及聞劉豫僭位卽布衣練冠以奔
終身不仕○湘州記云石于山溪西有小溪溪水
映徹關羽南征嘗憇此因名羽瀨今廟亦名瀨廟

岳州府志勝不卷之九

十五

○李林甫墳在九峰劉光謙墳在長慶陳希烈墳
塔在惠果陸善墳在芭蕉徐安貞墳塔在下臺今
無遺跡但長慶有劉光謙繪像

澧州府志勝不卷之三

百七十五

秦屬黔中郡漢改黔中爲武陵今州之治所卽武
陵零陽縣地三國吳分武陵西界立天門郡天門
詳慈利縣下而所治則零陽也晉陳頤王裕之檀
道濟梁胡僧祐爲天門太守皆其著者隋置澧州
以在澧水之北而名唐宋因之 國初省澧陽縣
入焉○州城自唐李鄴侯改築戎昱銘曰雖崇澧

城不勞澧人南樓峨峨下壁清波舊圖經云彭阜
聳其西關山列其東蘭江前陳仙州外蔽所謂神
仙窟宅也○按彭山西去州十里以唐彭思王而
名王諱元則高祖之子嘗刺是邦有惠政至今民
祠之志云山高不概雲濶無藏影卑非培塿淺異
陳林然陟其巔域中諸景攬之盡在几席間山下
有金鴨灘近城西南二里相傳常有金鴨一隻出
浮故名其水湍急跳波有聲如雷遠聞數里天卽
晴明俗諺云金鴨灘頭水彭山頂上雲郡人以此
爲雨晴之候○關山在城東十五里山形盤據十

岳州府志勝不卷之九

十五

餘里高八十丈餘江水東奔是山崛起水口如關
鎖故名又其地有彰觀山道書四十四福地黃道
冲范靈二真人脩煉于此宋乾道中積薪自焚乘
烟上昇而去丹旌相葉如珠相綴以建有清遠觀
因名彰觀山○蘭江在州城東其地多蘭蕙楚詞
沅有芷兮澧有蘭故稱蘭浦又云捐子佩兮澧浦
亦稱佩浦杜牧詩蘭浦蒼蒼暮欲暮卽此地也東
流里許爲繡江水流至此旋折如繡紋故名又二
十里爲澧水水東注于澧謂之澧口魏王粲贈孫
文始詩悠悠澧澧者也又城北七十里爲冷水卽

鹿肇詩君夢潯陽月中秋憶棹歌者水經云潯水東過零陽縣北合潯澹一水入于洞庭○仙眠洲在蘭江門外唐李羣玉讀書之所相傳呂洞賓舍宿于此有明月池為羣玉遊息處按唐大中年裴休入相薦李羣玉除校書郎其制詞云羣玉放懷丘壑吟詠情性孤寒無心浮磬有韻叱妍詞於麗則動情律於風騷冥鴻不歸羽翰自逸霧豹遠迹文采益奇信不試而愈精能久幽而獨樂念其求志可以言詩用示肇維俾之刊校云爾○志云白善藥圖在州東善乃白公勝之族為楚將白公欲

岳州府志勝不卷之九

七

作亂召之不從遂棄其祿灌圃終身楚人名之曰白將軍藥圃○又二十里為車渚市晉車胤居此家貧為學夏月囊螢照書夜讀後為中書侍郎宋張俞詩憶昔車公居此地遺墟繚繞臨清淵惜哉斷石文尚在野老不識後波瀾自註云武子墓碑田父斷而泥之江其墓與故居俱在車湖上○嘉山在州東三十里新城鎮傍俗傳有望夫臺以孟姜女望夫處山下江堽有石光潤可鑑名曰鏡石又三十里為將軍山高一百餘丈周三十里相傳漢紀信將軍所寓信楚人死難滎陽里中義之立

祠于此○藥山在州南九十里上多芍藥山有長嘯峰昔僧惟儼嘗夜登此峰雲開月朗大嘯聲聞十數里因以為名○大浮山在州西南一百三十里一名獨浮山跨石門武陵桃源三縣界谷中有石室戶牖自然虛明上有青玉壇方廣三丈自非精誠之士終莫能覩又有丹竈白鹿池十八洞相傳浮丘子學道之所○橫山在州西北一百二十里岡嶺平直遠無峰巒其山南有潏水洞又四十里為太清山上有五老峰石室乃李凝陽得道之所舊經云山不峭拔而自高水不迅疾而淵止長

岳州府志勝不卷之九

七

蘿脩竹靈泉秘洞遠澗蜚巖交羅戶穴間令人應接不暇其麓為茹溪所遠水經注云潯水又東茹水注之源出龍茹山水色清徹漏石分沙昔莊辛說楚襄王以飲茹溪之流即此水也○方輿記云中明公城在潯陽縣申明楚大夫邑于是地○馬援城在州東五十里類要云援征南時所築○宋玉城在州南六十里長樂鄉有宋玉廟及銅昏腰皆以銅冶為之今祇收三十鐘○古松州城在州東南大和南村按松州隋開皇年置而潯州乃改自松州者○故崇義縣在州界內寰宇記云本漢

充縣地隋開皇間改崇義縣卽此城也倣崇義縣
本晉義陽郡而名元帝渡江後義陽流民處此故
僑立郡以鎮之○相公繫馬柱在崇山下崇州城
內有崇驩梵廟祠堂石室在焉下有相公潭潭之
左側有立石三皆數十丈野人呼爲相公繫馬柱
○唐李白灋州贈別詩昔別若夢中天涯忽相逢
洞庭破秋月縱酒開愁容贈劍刻玉宇延平兩蛟
龍送君不盡意書及迴鴈峰呂溫送段秀才歸灋
州湘南孤白芷函託在清潯豈有馨香發空勞知
處溪憊我一言諾負君千里心相期踐水雪無使
岳州府志勝不卷之九

大

弱思侵

石門縣在州西
九十里

孫吳之天門郡治零陽隋開皇間郡廢爲石門縣
○按石門卽天門山古嵩梁山也有十六峰相次
最高爲天門空明透徹明貫山頂其上有泉門之
西向有竹塋折垂地搖拂無塵人謂之天帚吳永
安六年此山自然洞開三百餘丈仰射不得上因
名天門孫休以爲嘉祥因置郡焉山在慈利亦有
之○志云縣東一里有天門臺山頂方正如臺狀
二小溪合之臺下爲天門橋○層步山在縣東北

三里水經注所謂灋水東歷層步山是也此山外
望只一山入其中乃有二重山側有石亭亭立三
尺如人形○石置山在縣南一十里上有石大方
如置故名○紫和山在縣東南一十里上有存志
觀皮子藥爐及仙女洞相傳丁令威煉丹之所山
下有泉流入道水道水去州西北四十里浮丘子
之所洗藥也○紫和山又東南十里爲鍊冶山又
五里爲碧雲山○黃石山在縣西北二百一十里
有溪出雄黃流注灤水灤水去縣西一百七十里
入于灋○東陽水在縣之東陽山下出石鯽魚重
岳州府志勝不卷之九

尤

啓魚雙鱗魚皆珍品○東泉在縣南三十里有石
洞遇旱祈禱有驗又有白龍泉在縣之樂普山相
傳有白龍出水中人呼其地爲牛觚此山產茶亦
名牛觚茶山下有落馬洞舊云蜀先主落馬于此
○九女扉在偏陽溪澗二石瞰溪若雙扉然昔有
十女卽採薇此山見石穴深邃相與觀之其九女
不得歸故云

慈利縣在州西一
百六十里

本漢零陽充二縣地孫吳析置淩中縣晉又析置
臨灋縣隋改今名○按志灋水在縣西二里源出

巫山東流至索溪通四十八澗水爲一南至觀嘉
渚匯澧水謂之後江○澧水發源縣西三十里之
歷山始出突宵微涓澆澗流東過武口湯泉水注
之又焦溪韋布塵溪諸水皆注之又東流逕茹溪
圍嚴水注之又東會于澧水北過慈利舊城其流
始大○縣界有九澧水出九澧山東流注之山上
有石如樓名仙人樓又有銅盤水出銅盤山下注
爲澧郡國志云銅盤連錢石馬此澧陽之險澮也
○志云騎龍山在縣治南其上石室內有石龍頭
口中吐水下流澆田俗呼黑龍泉○星子山在縣

岳州府志勝不卷之九

子

東一十里其形高圓有石瑩白望之若群星故名
○道人山在縣北一十里山下一石高五丈餘形
如道人向南而立○崇山在縣西三十里接澧陽
界○天門山在縣西南一百八十里接石門界晉
處士周樸墓宜都內史周綬墓俱在此山○赤松
山在縣西一百六十里與天門山對峙赤松子嘗
居於此其下有赤松村又二十里爲掛瀑峰峰頂
高千仞瀑泉下溜望之如飛練亦奇觀也○志云
燕子洞在縣東南巖洞濶廣可容數千人洞後有
穴秉炬而入亦有明處四圍石乳融結中有如燕

子形○馬渦洞在縣西洞有石笋如碧玉亦產鍾
乳鶴管光彩絢爛○雷公洞在縣南二十里每天
陰晦其中隱隱有聲兩崖壁立如神明狀○水沈
洞在縣西北十四都其洞濶廣酉水發源于此經
流魯陽山俗謂之魯陽迷○桃花洞在縣西三百
里其地繁植桃樹故名昔彭仕義反知州郭達破
之于此○賓郎洞在茆岡寨之南一穴而入後有
大門過此則爲猺界昔猺人侵擾邀擊屈伏與之
盟約畫此爲界鑄石像人立于道左○蟠桃巖在
七姑山下俗訛爲婆婆巖巖洞中有石乳結成佛

岳州府志勝不卷之九

子

像及石床鹿頂○花石在縣之武口寨石上自然
有花如堆心牡丹枝葉繚繞雖精於畫者莫能及
或以物擎之花葉應手而碎畧加拂拭其花復見
重疊非一○輿地志云白公城在縣東五里鯉魚
溪下四面有門相傳以爲白公城○石柱城在縣
境類要云城傍懸崖有石聳立如柱然○故充城
在縣西二百四十里兩漢志晉志並有之唐武德
所置崇義縣東北一里故充城是也○水經注云
充零陽二縣界澧水南畔有白石雙立厥狀類人
高各三十丈周四丈古老傳言昔充縣尉與零

陽尉共論封境因相傷害化而爲石東標零陽西
碣充縣晉乃俱廢省入臨澧○塚墓記云周赧王
墓在臨澧故城內容齋續筆云塚內有古器物甚
多

安鄉縣在州東南一百二十五里

本漢孱陵縣地建武間置作唐縣東晉置南平郡
治此陳析置安鄉縣爲義陽郡治隋改作唐曰孱
陵與安鄉俱屬澧州唐以孱陵省人○志云黃山
在縣北六十里上石皆黃一名金峰上有劉宋謝
晦廟亦名謝山其上有白龍井去黃山里許又有
岳州府志勝不卷之九

小黃山熊義山保障其上城址猶存○車公山在
縣西北四十里相傳車武子游息于此其下爲大
鯨湖每遇風雨嘗有大鯨飛天而去湖水去縣城
七里○石龜市在縣西有巨石枕澧水形如龜每
歲首刳羊以祭而灼其石澗則豐焦則歉○澧江
縣西城下五十步南流仍東折入于洞庭一名長
河○後河在縣東二百步上受澧水下連兔兒港
源自軍牧村後小江在南平村派分澧江入洞庭
按軍牧村岡勢逶迤七里許中有飲馬池相傳昔
人也軍之所南平村俗晉南平郡爲名○景源港

在長壽村上通荊州下達洞庭最爲便流○喪定
港在高田村相傳謝宣明刺荊州卒旅櫬經此其
舟不行因葬黃山按志唐段洪占墓亦在黃山南
麓柳子厚誌○輿地志云范文正公讀書祠堂在
安鄉縣市太平觀仲淹幼孤從其母歸朱氏朱宰
安鄉與俱來讀書此地張燁詩曰山翁只作當年
看誤認江聲作誦聲

施州衛隸湖廣都指揮使司

施州介荆梁之會東屏南郡西蔽酉陽南北並連
鑿洞軍民錯居 國初廢州而置衛詰戎兵以鎮
岳州府志勝不卷之九

蠻夷嘉靖中增設守備尋令鎮草叅將以轄制之
領宣撫司曰施南散毛忠建容美凡四○志云廢
清江縣在衛東十里後周置清江郡于此以清江
水爲名有朝貢水鑊溝水俱入之又有九渡水至
都亭里入江都亭者以都亭山爲名亦後周之亭
州也去衛北百七十里隋併入庸州徙治鹽水縣
鹽水故城在衛東四十里又其地有倚子山城在
清江鹽水二縣之間宋開慶中郡守謝昌元築徙
州治于此俗呼舊施州○輿地紀勝云州北門外
有月臺高三十丈其頂方平耆老傳云李白謫夜

薛時登月于此○桂甫集有贈裴施州詩郡廟之
具裴施州宿昔一逢無此流金鐘大鑪在東序水
壺王衡懸清秋自從相遇減多病三歲爲客寬邊
愁幾度寄書白鹽北苦寒贈我青綺裘霜雪回光
避錦繡蛟龍動篋蟠銀鈎○廣記云州有施王遺
蹟本晉末柏元誕據此自稱施王蓋桓玄之族也
今衛南十五里施王屯是○衛東有象耳山舊築
半逸亭于上又東曰連珠山其上爲五峰關其去
州一百七十里曰石乳山又三十里曰東門山俱
設有關即以東門石乳爲名相傳夷夏分界處其

各州府志勝不卷之九

廿四

西北三百里曰七曜山上爲梅子關又五十里爲
關適西陽路大田縣設焉有韓信坡以韓信經此
土不產草木其東南百里爲散毛關乃古散毛縣
之地也今爲師堂宣慰司師壁者以司傍師壁洞
而名又百里爲癸巳山縣有鍾離石穴及竹王林
祠

長沙府

在府城西南

領州一縣十一

日潭州曰湘州曰長沙皆郡名也我

高皇御極之前四年設潭州府至洪武五年始改
爲長沙府按長沙之名已見于通鑑周威王戰國
時爲楚黔中地秦始皇分黔中置長沙郡是也潭
州隋煬帝置以郡界昭潭爲名唐初因之至天寶
年始絕其曰湘州者當在晉宋之間謝朓有添後
湘州與吏民別詩可證郡屬邑如湘潭湘陰湘鄉
皆湘也而所理則無湘名曰湘縣曰臨湘乃秦漢
理也今之臨湘驛尚有舊云○昔有望湘亭在
長沙府志勝不卷之十

江濱唐鄭谷詩湘水似伊水湘人非故人登臨獨
無語風柳自搖春○按湘水在城西環城而下故
杜甫有夜醉長沙酒曉行湘水春之句今亦有城
門口湘春門羅含湘中記云湘水至清濈五六丈
下見底了了石子如楊蒲白沙如雪霜赤岸若朝
霞源與瀕水一水而背流湘猶相也瀕猶離也以
言湘水有所合而瀕則違湘而南也湖嶺之間湘
水貫之無出湘之右者凡水皆會焉但以瀕水合
則曰瀕湘以蒸水合則曰蒸湘以沅水合則曰沅
湘耳○圖經列山氏之故墟三苗國之南境南以

五嶺爲限北抵洞庭右吞夏澤左控荆門其俗有
舜之遺風人多純樸至今猶好彈五絃琴及爲漁
父吟云○長沙土風攷碑銘唐張謂撰并序曰天
文長沙一星在軫四星之側上爲辰象下爲邵縣
遁甲所謂沙土之地雲陽之墟可以長往可以隱
居者也其山麓山其水湘水其畜宜鳥獸其穀宜
杭稻厥草惟繇杜若荃蘅留萸荂車出焉厥木惟
喬椅桐桂檣貞松文梓生焉篠簜嬋娟始於原野砥
硃照耀於唯谷昔熊繹始在此地番君因之而後
爲定王國至漢道陵進董卓狼顧文臺以三湘之

長沙府志勝不卷之十

二

衆績著勤王梁朝覆沒侯景虎視僧辨以一州之
人勲成定國桓文之舉亦何加焉至於致禮舊君
請屍歸葬桓氏之子可謂忠也殞身強寇有死無
辱尹氏之女可謂貞也軾蔡鄧之宅足以厚儒風
表古初之墳足以敦素行齊魯之俗其何遠哉巨
唐八葉元和六載正言待罪湘東郡臨江湖大抵
卑溼脩短疵癘未違天常而云家有重隄之人鄉
無斑白之老談者之過也地邊嶺瘴大抵炎熱寒
暑晦明未愆時序而云秋有赫曦之日冬無凜冽
之氣傳之者差也巴蛇食象空見於圖書鵬鳥似

鶚但聞於詞賦則知前古之善惡凡今之毀譽焉
可爲信哉因徵故老之言用紀仙山之石辭曰舜
去黃屋於焉巡遊禹逢玄夷於焉滯留五嶺南嶂
三湘北流隣縣滄浪邊遙响嘯湘山之下青青衆
草有薰有蘭在江之島煙雨宜宜波瀾浩浩不采
不擷棄捐遠道湘山之上青青衆木有栢有松在
巖之麓風霜淅淅柯葉沃沃不懷不棟老朽空谷
陸有玉璞水有珠胎隋侯云古干氏不來湘雲莽
蒼湘月徘徊貞珉紀事層城之隈○按史記軫傍
一小星曰長沙星經云玉衡第四星王荊州之域

長沙府志勝不卷之十

三

以五卯候之癸卯主長沙是也郡名星沙本此○
隋天文志云長沙明則主壽杜少陵詩今宵南極
外甘作老人星亦取壽之義也漢書波漢之陽巨
於九嶷爲長沙關駟十三州志云白湘江至東萊
萬里故曰長沙○郡國志云定王臺在城東北長
沙定王發漢景帝第十子也既之國築臺于此以
望其母唐姬墓唐胡曾詩王已分封受漢恩長沙
終不及中原後來爭得三分氣却是東都六代孫
宋朱熹詩寂寞番君後光華帝子來千年餘故國
萬事只空臺元許有壬詩黃葉紛飛弄早寒楚山

湘水隔長安。荒臺蔓草凝晴露。猶似思親淚未乾。
 ○賈誼宅在濯錦坊。舊有太傅井。尚存。唐劉長卿
 詩。三年謫宦此棲遲。萬古惟留楚客悲。芳草獨尋
 人去後。寒林空見日斜時。漢文有道思前漢。湘水
 無情吊豈知。寂寂江山搖落處。憐君何事到天涯。
 ○吳係堅字文臺。後漢建安中爲長沙太守。時長
 沙城區星自號將軍。製萬餘攻圍城邑。堅親率士
 卒設施方畧。旬月之間克破。星等郡境肅然。○廖
 立長沙太守。吳遣使通好于蜀。諸葛亮曰。龍統廢
 立。楚之良材。當贊興世業者也。○方輿勝覽云。楚
 長沙府志勝入卷之十 四
 樓在郡城上。湘山觀在漕廳。張安國書。敬簡堂在
 府治。張敬夫建。自爲序。朱仲晦詩。略云。煌煌定方
 中。農隙孟冬月。君侯敞齋扉。華榜新未揭。我來適
 茲時。亦有大夫友。清湘不留塵。晤語得超越。後林
 果易以靜。香名堂。○湘山野錄云。八景臺在府城
 西。嘉祐年築。宋迪度支工畫。有平沙落鴈。遠浦歸
 帆。山市晴嵐。江天暮雪。洞庭秋月。瀟湘夜雨。煙寺
 晚鐘。漁村落照等名。謂之八景。僧慧洪各賦詩于
 左

長沙縣附

釋見府下。漢時臨湘縣也。隋改今名。唐賈至送長
 沙韋明府之任詩。秋入長沙縣。蕭條旅宦心。煙波
 連桂水。官舍映楓林。雲日楚天暮。沙汀白雪深。遙
 知訟庭裡。佳政在鳴琴。張裕送韋整尉長沙詩。遠
 道長沙去。憐君屈一官。風帆彭蠡疾。雲水洞庭寬。
 本客提疏東江鳥。接飯九真莫言卑。澄地未必乏新
 歡。○古初長沙臨湘人。光武時遭父喪。未葬。鄰家
 火。初匍匐樞上。以身捍火。火爲滅。太守鄧恂甄異
 之。卽張謂所云表古初之墳者。

善化縣附

長沙府志勝不卷之十 五
 宋紹興間。以張敬夫與朱仲晦倡學湖南。士人皆
 知從善而向化。因割長沙湘潭二縣地以置縣。名
 曰善化。郡屬有書院十數處。一時文學彬彬爲盛。
 焉。巴下山川
 古跡互見
 ○方輿勝覽云。郡治內有熊湘閣。以楚子熊繹始
 封之地爲名。然攷史記黃帝南至于江。登熊湘作
 咸池。張樂于洞庭之野。則熊湘者名已久。宋末元
 兵圍城。安撫使李芾死難于此。今爲忠烈祠。○府
 城門曰濟川。曰碧湘。曰臨湘。臨湘舊長沙縣也。臨
 湘門在城南大街。有城南書院。張栻題扁。鑿池其

間以雁息澤之水敬大詩云積雨欣始霽清和在此時林葉既敷榮禽聲亦融怡鳴泉永不窮湖風起淪漪西山卷餘雲逾覺秀色滋層林叢綠間愛彼松柏姿青青初不改似與幽人期朱元晦跋云久聞敬夫城南景物之勝常恨未得往遊其間今讀此詩便覺風篁水月去人不遠仍和詩云詩筒連畫卷坐看復行吟想像南湖水秋來幾許深○濟川門在城東有文昭園在濟川門外宋太平興國間何承矩守園史對人言曰昔屬馬家今歸趙氏因聞提壺有感作詩云馬家公子好樓臺鑿破長沙府志勝入卷之十

六

青山碧沼開啼鳥不知人事變數聲猶傍水邊來然其地實唐戴氏園故址割東湖之勝以成之柳宗元記云弘農公刺潭三年因東泉爲池環之九里丘陵林麓距其涯坻島洲渚交其中其岸之突而出者水縈之若玦焉池之勝於是爲嚴公曰是非離世樂道者不宜有此卒授賓客之選者譙國戴氏曰簡爲堂而令居之堂成而勝益奇望之若連艦摩檻與波上下就之顛倒萬物遶謠眇忽樹之松柏杉櫟被之菱芡芙蓉鬱然而陰繁然而榮凡觀望浮游之美專于戴氏矣○碧湘門在城西

冷齋夜話黃山谷南遷與予會于長沙留碧湘門者一月陶弼詩云城中煙樹綠漫漫幾萬樓臺樹影間天澗鳥行疑沒草地平江勢欲沈山○城西五里有嶽麓書院盛弘之記云長沙西岸有麓山蓋衡山之足又名靈麓峯乃嶽山七十二峰之數自湘西古渡登岸夾徑喬松泉澗盤繞諸峰疊秀下瞰湘江嶽麓寺道林寺嶽麓書院皆在焉○嶽麓寺在山上百餘級乃至今名慧光寺下有李邕麓山寺碑晉杉巷世傳晉大尉陶侃手植今存者七八株其圍三丈中空洞如巷絕頂有道鄉臺宋長沙府志勝入卷之十

七

鄒浩謫新州道過潭潭守溫益下逐客之令逆旅不敢舍夜渡湘江湘西琳禪師公鄉人也以火迎之公贈詩云八年之中三往回道人一意金石開非關桑梓有分好自是針水無嫌猜焚香爲說四句偈把手直上千尺臺洞庭青草不我隔東吳可歸歸去來浩字志完爲右正言因論元符事貶○道林寺有四絕堂後唐保大中馬氏建謂沈傳師裴休筆札宋之問柱甫篇章也治平間蔣穎叔作記曰彼以杜詩沈書爲絕吾無敢言若夫遺歐陽詢而取裴休置韓愈而取宋之問則未然乃爲詮

次沈書一也詢書二也杜詩三也韓詩四也此之謂四絕杜甫嶽麓道林二寺詩云玉泉之南麓山殊道林二寺爭盤紆寺門高開洞庭野殿脚插入碧沙湖五月寒風冷佛骨六時天樂朝香爐地靈步步雪山草僧寶人人滄海珠崔嵬前題臨湘之濱麓之隅西有松寺東岸無松風十里擺不斷竹泉瀉入於僧厨宏樑大棟何足貴山寺難有山泉俱四時惟夏不敢入燭龍安敢停斯須劉長卿自道林寺西入石路至麓山寺過法崇禪師故居山僧候谷口石路掃莓苔溪入泉源去遙從樹杪回

長沙府志勝入卷之十

八

香隨青蒿散鐘過白雲來野雪空齋掩嵐風古殿闌桂寒知自發松老問誰栽惆悵湘江上何人更把杯韓愈遊湘西寺長沙千里平勝地猶在險况當江濶處斗起勢匪漸潑林高玲瓏青山上琬琰路穿臺殿闌佛事煥且徹劉竹走涼泉開廊架崖六裴說前題獨立凭巍欄高低落照間寺分一派水僧鎖半房山對面浮生隔垂簾到老閒煙雲與塵土寸步不相關嶽麓書院張敬夫記云湘西故有藏書之室背陵向壑水茂而泉潔爲士子肄業之地始開寶中邵守朱洞首度基創宇以待四

方學者李允則來爲州請于朝乞以所購書藏之是時山長周式以行義著祥符八年召見便殿拜國子學主簿使歸教授詔以嶽麓名書院及增賜中祕書○攷志漢文帝廟清風峽抱黃洞蒼筤谷西嶼俱在嶽麓山下文帝廟爲漢景帝三年立今廢抱黃洞舊有蟒患晉陶侃射殺之後爲羽流修煉之所蒼筤谷乃宋鍾仙巢先生所居理宗御書吹香亭三字以貽之有詩云放鶴去尋三島客任人來看四時花○嶼嶼山出碑宋嘉定間蔡刻嶽麓書院科斗古篆七十餘字高濶約五寸許何致

長沙府志勝入卷之十

九

手執張世南敘溪草萊中久之我朝嘉靖癸巳年復蒐出長沙熊宇跋○水經曰湘水又北過臨湘縣西瀏水從縣西北流注之縣南有石潭山湘水逕其西山有石室石牀臨對清流又北逕昭山西山下有旋泉深不測故言昭潭無底也亦謂之曰湘州潭湘水又北逕南津城西西對橘洲或作吉字爲南津洲尾水西有橘洲子成故郭尚存湘水又北左會瓦官水口湘浦也又逕船官西商舟之所次也北對長沙郡郡在水東州城南舊治在城中後乃移北湘水左逕麓山東上有故城山北有

白露水口又右逕臨湘縣故城西縣治湘水濱故取名焉王莽改號撫睦楚南境也秦滅楚以爲長沙郡卽青陽之地也始皇二十六年荆王獻青陽以西漢書鄒陽傳曰越水長沙逕舟青陽蘇林曰青陽長沙縣也漢高祖五年封吳芮爲長沙王是城卽芮所築漢景帝二年封唐姬子發爲王都此王莽之鎮蠻郡也晉懷帝永嘉元年分荊州湘中諸郡立湘州治城內郡解西有陶侃廟云舊是賈誼宅中有一井是誼所鑿極小而濺上歛下大其壯如壺傍有一脚石床僅容一人坐卧流俗相承

長沙府志勝本卷之十

十

云誼宿所坐牀又有大柑樹亦云誼所植也縣治西北有北津城城北有吳芮冢廣踰七八丈登臨寓目爲塵郭之佳憇矣郭頌世語云魏黃初末吳人發芮冢取木於縣立孫堅廟見芮尸容貌衣服並如故吳平後預發家人於壽春見南蠻校尉吳綱曰君形貌何類長沙王芮乎但君微短耳綱瞿然曰是先祖也自芮卒至冢發四百年至見綱又四十餘年矣湘水左合訾口又北得石廓口並湘浦也右合麻溪水口湘水又北逕三石山東山枕側湘川北卽三石水口也湘浦水北有三石戍戍

城爲二水會湘水右逕瀏口戍西北對瀏水○按瀏水在縣北五里又二里曰羅洋山卽大富山也羅洋水出焉又十里曰瀉水戍瀉水入焉又十五里曰板石湖又二十里曰澇塘河又十里曰銅官渚舊傳是楚鑄錢處杜預泊舟銅官渚詩不夜楚帆落避風湘渚聞水耕先浸草春火更燒山早泊雲物聯逆行波浪慳飛來雙白鶴欲去杳難攀○昭山在縣南六十里舊傳周昭王南征不返因沒于此其下有潭濶不可測諺云昭潭無底橘洲浮○橘洲在縣西四里洲多美橘故名江中有洲四

長沙府志勝本卷之十

十

曰橘洲曰直洲曰普洲曰白小洲夏月水泛惟橘洲不沒張九齡渡湘江詩兩邊楓作岬數處橘爲洲卽此地也又二十里爲斬江源從寧鄉縣來入湘江流逕楚大夫靳尚墓前故名又三十里爲雲蓋山峰巒秀麗望之如蓋一名雲蓋山有虎溪蛇井又十里爲谷山巖谷深邃名梓木洞其下有龍潭○影珠山在霧陽鄉山巔有井其影如珠故名古華山在錦繡鄉相傳葛仙修煉之所關山峯巒峭拔有如城壁中間道路僅通一線唐末鄱處訥遣蔣助拒劉建鋒于此已上俱在城東四五十里

○雲母山在城西北九十里山出雲母石列仙傳云長沙雲母服之長生劉長卿詩雲母映溪水溪流知幾春深藏武陵客時過洞庭人○其下爲喬口鎮當益陽喬江之口杜甫入喬口詩漠漠舊京遠遲遲歸路賒殘年傍水國落日對春華樹密早蜂亂江泥輕燕斜賈生骨已朽悽惻近長沙○湘中記云長沙滴水平地湧泉其水有九按今在長沙縣六在善化縣三又有穿水源從城東向城南西湖橋下入湘江說文水伏流曰穿此三穿之一也

長沙府志勝不卷之十

十三

湘陰縣在府城北百二十里

劉宋析置湘陰乃三國之吳昌縣春秋之羅子國也水經注云湘水又北汨水注之水東出豫章艾縣柏山西南逕吳昌縣北與純水合水源出其縣東南純山西北流逕其縣故城下縣是吳王孫權立純水又右會汨水汨水又西逕羅縣北本羅子國也故在襄陽宜城縣西楚文王移之於此秦長沙立郡因以爲縣汨水又西逕玉筍山羅含湘中記云屈潭之左有玉筍山道士遺言此福地也一口地脚山汨水又西爲屈潭卽羅淵也屈原懷沙

自沈於此故淵潭以屈爲名昔賈誼史遷皆嘗此弭戢江波校弔於淵淵北有屈原廟廟前有碑又有漢南太守程堅碑寄在原廟汨水又西逕汨羅戎南西流注于湘春秋之羅汨矣世爲汨羅口湘水又枝分北出逕汨羅戎西又北逕壘石山東又北逕壘石戎西謂之苟導逕矣而北合湘水自汨口而北逕壘石山西北對青草湖亦或謂之爲青草山也西對懸城口湘水又北得凡口並淵浦也湘水又東北爲青草湖右合苟逕北口與方口合又北得同拌口皆湘浦右進者也○湘水又北

長沙府志勝不卷之十

三

逕黃陵亭西右合黃陵水口其水上承大湖湖水西流逕二妃廟南世謂之黃陵廟言大舜之陟方也二妃從征溺于湘江神遊洞庭之淵出入瀟湘之浦故民爲立祠荆州牧劉表刊石立碑樹之于廟以旌不朽焉黃水又西流入于湘謂之黃陵口昔王子山有異才年二十而得惡夢作夢賦二十一溺死於湘浦卽斯川矣湘水又北逕白沙戎西又北右會東町口澗水也湘水又左合決湖口水出西陂東通湘渚○按黃陵山在縣北四十里二妃墓在山上其廟曰黃陵廟水經注云江有支水

曰黃水至黃陵山下西流三十五里入于湘江卽
今葵脩湖也唐韓愈有黃陵廟記相傳舜崩二妃
攀竹悲哀淚滴竹上成斑至今湘南諸縣皆有斑
竹唐杜甫詩蕭蕭湘妃廟空牆碧水春蟲書玉佩
鮮燕舞翠帷塵晚泊汀樹微香借渚蘋蒼梧恨
不淺染淚在叢筠楊傑詩黃陵二妃廟客過動愁
顏湘水有時盡帝車何日還血斑千畝竹魂斷九
疑山欲問蒼梧事白雲生櫟間李嘉祐詩黃陵廟
前莎草春黃陵女兒黃裙新輕舟短棹唱歌去水
遠山長愁殺人陳羽詩二妃愁處雲沈沈二妃立

長沙府志勝入卷之十

古

處湘江溪商人酒滴廟前草蕭颯風生斑竹林○
又三十里爲玉筍山汨水逕其下古羅縣城遺址
尚存隋開皇初設玉州于此寰宇記云縣西北有
玉池水東南流于錫浦謂之玉池山則玉州之設
又當以玉池爲名○攷志玉池山在縣東六十里
一峰插天上有陶濟洛丹池卽玉池水也錫浦在
縣大江西岸宋置錫江寨于此江畔有岐平起如
岡洲島之民聚而居之以漁爲利○汨羅水在縣
北七十里源出豫章流逕湘陰分爲二水南流曰
汨北逕古羅城曰羅至屈潭復合故曰汨羅屈原

以五月五日投于汨羅楚人哀之至此日以竹筒
貯米祭之劉禹錫詩屈平祠下流江水月照寒波
白煙起一曲清音此地聞長安北望三千里韓愈
詩猿愁魚踴水翻波自古流傳是汨羅蘋藻滿盤
無處奠空聞漁父和船歌柳宗元詩南來不作楚
臣悲重入脩門定有期爲報春風汨羅道莫將波
浪枉明時○磊石山在縣西百里傍青草湖下臨
湘口北接巴陵一名五木山山頂尖如五木故以
名之渭水在羅水南山此入湘謂之東門口○青
草湖以多生青草故名水湖則見山脚水漲徑與

長沙府志勝不卷之十

五

洞庭相接南曰青草北曰洞庭所謂重湖也半屬
巴陵梁吳均渡青草湖詩洞庭春溜滿平湖錦帆
張源水桃花色湘流柱若香當在此處○志云縣
有八山及三十六灣水八山者一山在縣南二百
步山井頭一山在縣西南二百五十步車家巷一
山在縣南三百五十步南津頭一山在縣東南三
百步東明觀右一山在縣東一百五十步文廟後一
山在縣東南一百五十步河街一山在縣東南三
百步石街一山在縣北三十步縣庭後○三十六
灣水自湘江北流至縣門逕江口乃分派東流爲

三十六折唐許渾詩縹緲臨風思美人荻花楓葉帶離聲夜溪吹笛移船去三十六灣秋月明右去縣南十里○縣治在筓竹岐世傳舜採筓竹于此

湘潭縣在府西一百里

本秦湘南縣梁武帝改曰湘潭亦因昭潭爲名隋以陰山建寧二縣省入○唐成昱送張秀才之長沙詩君向長沙去長沙僕舊語雖云桂嶺北終是洞庭南山當生朝市江煙作夕嵐松醪能醉客慎勿滯湘潭韋迢早發湘潭寄杜員外詩北風昨夜雨江上早來涼楚岫千峰翠湘潭一葉黃故人湖長沙府志勝入卷之十

外客白首尚爲郎相憶無南鴈何時有報章○寰宇記云昭山在縣東四十里以周昭王南征至此不復故名山下有潭澄湛如墨深不可測卽昭潭也其地北界長沙○陰山縣秦置在攸縣界唐時省入水經注曰本陽山縣今東北猶有陽山故城卽長沙孝王子宗之邑也言其勢漸王故塹山堙谷改曰陰山縣上有容水自侯曇山下注洑水謂之容口洑水又西北逕其縣東又西逕歷口水有大穴容一百石出于此水因名曰容按志昭山南有石穴潏不可測世傳蛟匿其中許旌陽斬之卽

此穴也有仙跡石在石潭下仙跡宛然○志云古或城在縣南二十里垣壁尚存相傳王莽屯兵于此疑卽陰山城也城臨湘江江中有巨石儼似牛卧缺色水涸則見因名爲缺牛埠今屬下攝鎮○水經注曰湘水又北逕建寧縣縣北有空靈峽驚浪雷奔濬同荆巫湘水又北逕建寧故城王晉太始中止按志建寧縣吳孫權所置在縣西一百六十里花石城唐杜甫詩午辭空靈岨夕得花石岨卽此地也方輿勝覽云縣南界有懸石山山有巨石如鼓俗傳石鼓鳴則有兵興在空靈洲傍○清

長沙府志勝入卷之十

十七

風閣在治內宋張拭題岸花亭在縣南瀕江以杜子美有岸花飛送客櫓燕語留人之句因摘岨花二字名之今湘潭水驛其故址也○望嶽亭在縣西七里三十步錦灣石上昔陶侃以其地近南嶽築亭望之又云士行常遊釣于此其地有山曰陶公山又十三里有池曰洗研池相傳卽陶公洗研處又南一百餘里有玉几峰色蒼如玉狀平類几正當衡山之界又有琵琶峰與嶽頂祝融峰相望乃七十二峰之一○志云壺山在縣東二十里山巔巨石似壺突出雲表○石馬山在縣南五十里

石鱗山在縣北九十里俱以形似而名○石鷹山在縣西梅下江畔有石高大十數其形類鷹喙插水○昌山在縣西南一百里左右峰巒疊起如屏障頂上有雷祠山東有燕子巖冬時雀鷺回集于內旦暮雲氣常集焉○隱山在縣西南百一十里頂有龍湫注而為池唐開元中有僧入山見一老僧坐茅庵下問難久之明日再訪則已大其庵遁去但留詩于壁云三間茅屋從來住一道神光萬境閒莫把是非來辯我浮生穿鑿不相干○其地有草衣巖形如月輪表裏相透五代周有蜀僧奉

長沙府志勝不卷之十

太

初結草為衣居此巖內宋張天覺刻詩于石又五里為石龍峰山頂有石昂如龍首故名又五里為金紫峰其色光耀常如金翠故名○志云稠青泉在縣北三十里泉傍有碑惟存有靈處三大字○碧泉在縣西南七十里唐天寶間石穴中泉忽湧出色如拖藍後物其中其色皆碧宋胡安國建碧泉書院于此○縣倚湘水多溢為陂湖之屬有歷口湖即沅水入湘處縣志以歷山在西南二百里為舜巡遊所耕之處亦傳聞之誤也○水經注曰沅水又西北與洋湖水會水出縣西北樂敷置下

洋湖湖去置七里湖水下注沅湖之洋湖口沅水東北有峨山縣東北又有武陽龍尾山竝仙者羽化之處上有仙人及龍馬跡于其處雖神棲白雲屬想芳流藉念泉鄉遺詠在茲故端肅拙札以詮其誦略曰登武陽觀樂敷峨嶺千挺洋湖口命赤螭駕白駒臨天水心脚躡千載後不知如益勝賞神鄉秀情超拔矣○松湖在縣治東北環繞數里蒼松鬱然○雲湖在縣西六十里與鑿石浦相近有九十九溪四十八泉而烏石泉居其中湖上多雲氣故名杜甫宿鑿石浦詩早宿賓從勞仲春江面

長沙府志勝不卷之十

尤

歷飄風過無時舟楫不敢繫回塘淡暮色日沒眾星騰跌月殊未生青燈死分翳○少陵又有次晚洲詩參錯雲石稠坡陀風濤壯晚洲適知名秀色固異狀棹輕垂漾把身在度鳥上擺浪散帙防危沙折花當羈繫暫悅憐羸老反惆悵中原未解兵吾得終疎放

瀏陽縣

在府城東一百里

注水經曰瀏水出瀏陽縣西北過其縣東北與澧溪水合西入于湘志云瀏水發源大圍山分為二派曰大溪小溪合流到縣前縣為三國吳置本臨

湘縣地也治內有歸鴻樓飛鵝亭俱宋瀏陽令楊時建○志云猿啼山在治南唐裴休讀書此山時聞猿啼故名○孫隱山在縣東三里昔孫思邈隱居之所其下有洗藥橋○大湖山在縣西三里三峰鼎峙中有巨湖其深莫測下有別駕祠即易雄故名也雄爲宜陽別駕舉義兵以拒王敦者○仙女山在縣東十五里上有仙跡世傳昔人登此望夫亦名望夫尖○道吾山在縣北十五里山列七十一峰東連寶蓋西接洞陽狀若蓮華又名蓮華峰崖峭高百餘丈徑路二十四曲內有龍湫按洞

長沙府志勝入卷之十

王

陽山在縣西北六十里山有洞向陽道書第二十洞洞天唐思邈煉丹于此上有石壇傍有石巖巖前有物如丹世傳思邈所遺○寶蓋山在縣東北七十里羣山壁立狀如張蓋故名○弄光巖在縣北五十里峰巒皆石渾然天成一石上懸若華蓋名曰仙人座一穴極深上有羅漢龕及孫真人丹竈○古風巖在縣東五十里巖中辟黑持炬乃可入中有佛林鐘鼓棹樺橋梁皆白石生成有溪水流出○石霜山在縣西南八十里山峻水激觸石噴霜又名霜華山○大圍山在縣東北一百五十

里舊名首禪山山頂有白沙湖廣袤五十餘里流分四派一爲瀏水其三入岳之平江豫章之分寧袁之萬載岡嶺團繞盤踞四縣○瀏水至縣南三十五里爲青楓浦唐杜甫詩輟棹青楓浦雙楓舊已摧○縣有八景楓浦漁樵其一也無名氏詩云南下清流第一灣短篷簑笠有人閑約閒萍綠垂輪去拾得條薪弄笛還舟楫不離紅蓼外斧斤常在白雲間優游自得營生計浮利名韜總不關

益陽縣志在府西

本秦舊縣又曰資陽以其在資水之陽也水經注云資水又東北過益陽縣北應劭曰縣在益水之

長沙府志勝入卷之十

王

陽今無此水或亦資水之殊目矣然此縣左右處處有溪潭漁者咸輕舟委浪謠詠相和羅君章所謂其聲綿邈者也水南十里有井數百口淺者四五尺或三五丈深者不測古若相傳昔人以杖撞地輒便成井或云古人採金沙處莫詳其實也資水又東與沅水合流東北入于江謂之益陽江口其地有關羽瀨所謂關侯灘也南對甘寧故壘昔關羽屯軍水北孫權令魯肅甘寧拒之于是水寧謂肅曰羽聞吾咳嗽之聲不敢渡也渡則生擒矣

羽夜聞寧處分曰興霸聲也遂不敢渡○按志益陽故城吳魯肅築在縣西南其東南二里有小山曰龜臺卽子敬所屯兵處唐始移今治○關羽難去縣西南五里漢先主人蜀留關羽守荊州吳將呂蒙取桂陽長沙零陵三郡羽爭之吳使魯肅屯益陽以拒羽卽今青泥灣之關侯灘是也按世俗所傳單刀會當在此處本傳云魯肅欲與關羽會語各陳兵馬百步上但諸將軍以單刀相見○志云資江一名茱萸江源出零陵經邵陽水口東北至縣其間逕流山峽名爲茱萸江又逕沅江縣入

長沙府志勝不卷之十

三

洞庭湖有志溪源出錫山占溪源出七夫山西溪源出良巖善溪源出桃花洞泥溪源出安化縣界俱入資水○按志溪多灘石惟通小舟出錫溪經石笋皆至險處劉綱有志溪落帆詩蓋八景之一也詩云一任南風與北風征帆點點落溪中自緣溪水多回折不是江帆無路通○七夫山卽白水溪之源也其頂二山環合一溪中出峽口潰爲飛瀑懸四十餘丈其白如練名白水溪東北流出爲占溪○良巖在縣西南百二十里一石梓梁梁天監中邑人潘逸遠煉藥于此伐梓以爲梁故名

桃花水出焉西溪源出山下經桃花港入資江○資水直縣治南兩岸柳陰映流成碧邑人薛綱有碧津晚渡詩南市津頭春水深夕陽低照耀晴金行人正是愁難渡一葉扁舟出柳陰○里許爲白鹿山龍湫水出焉唐裴休于此談禪有白鹿銜花出聽資水遠此山下宋楊億詩資江水急魚行灘白鹿峰高鳥度遲○山下有裴休亭劉綱詩云佳木陰陰遶屋青舊傳刺史讀書亭伊吾聲斷寒雲裡無復銜花白鹿聽○石馬山在縣西十五里山形似馬故名○三吾巖在縣南三十里昔有三吾道人修真于此○清風洞在縣西四十里洞門蒼藤古木交陰寒氣逼人○五溪山在縣西北五十里吳潘濬討五溪蠻駐兵于此○小廬山在縣南六十里上有香爐峰瀑布似九江匡廬舊有清修寺張敬夫詩峰勢香爐直溪添峽水潄居然一蘭若喚作小廬山○浮丘山在縣西一百里峰巒亞於南嶽山巔有石亭劉宋時浮丘子居此○九岡山在縣西二百里九峰如簡立武潭津上

寧鄉縣在府西一百二十六里

本漢益陽縣地三國吳析置新陽縣晉改新康隋

省入益陽宋析長沙縣地復置今縣治故新康之
玉潭鎮以玉潭水爲名唐獨孤及詩碧玉徒彊名
水壺難比德惟常寂照心可竝淵淪色○志云飛
鳳山在縣東一峰突起如鳳首左右兩崖翼之作
飛舞狀又里許爲獅顧山踞江濱玉潭水出其
下○樓臺山在縣南秀麗特特如樓臺狀○香林
山在縣北因產旃檀香故名○玉几山在縣西山
勢環抱如几案焉○雲峰山在縣東三十里高數
百仞登其頂望湘江如咫尺○天馬山在縣南五
十里高入雲漢如天馬之騰驤又其地有石鼓山
長沙府志勝入卷之十
山上有巨石如鼓又有懸崖瀑布高數十仞○十
泉峰在縣西七十里山有十峰聳拔秀異其頂俱
有清泉流瀉○瓜畬山在縣西一百里唐裴休種
灰讀書于此又其地有黃柏山以產黃柏故名○
大瀉山在縣西一百四十里高六十里周圍一百
四十里四方皆濶水故曰大瀉有青龍巖在山間
世傳裴休葬此其南有識山樓宋易祓記○志云
英謝臺在縣南百里唐謝楚讀書于此後人因作
臺以表之或云宋隱士謝英有讀書臺臺側石柱
高二三丈不生草樹地名張家冲卽此臺故址○

慕嚴臺在縣西南九十里有鉅石立於水涯高可
三四丈周圍十餘丈宋隱士謝楚華一日至其下
忽追憶嚴子陵高風徘徊久之乃命工鐫三大字
於石曰慕嚴臺今苔蘚雖蝕而字畫可辨○廟記
云灰湯廟在縣西九十里祀漢威武將軍雲亭侯
劉公中書令蔣公劉巴字子初營鎮巴陵有功故
祀之蔣琬有宅在縣北今爲伏虎廟廟前有伏虎
井

攸縣

在府南三十里

史記漢武帝元朔四年封長沙定王子則爲攸興
長沙府志勝入卷之十

三

侯卽地理志所謂攸縣者也水經注云攸水出安
城郡之安復縣封侯山西北流逕攸縣北佩帶攸
溪蓋卽溪以名縣矣攸水又西南流入茶陵縣入
于汴水又西北過陰山南又逕雲陽山北○按陰
山縣秦置茶陵縣東漢置南雲州唐置以雲陽壇
而名續俱廢○志云陰山江自江頭冲發源與攸
水合汴水在縣東七里源出鄱縣汴泉經故茶陵
縣西北至汴溪與攸水合○牛首山在縣東二里
有石如牛首攸水過其下○鶴嶺山在縣東四十
里山峻水清時有白鶴廻翔其上又五里爲司空

山南與雲陽山相接左右有三十六峰舊名麒麟山亦名溫泉山南齊司空張岳棄官隱此因改今名又十五里爲紫麟峰漢晉之世有葛蘇三仙跨紫麟入此山不見後人或遇紫麟游食山中故名卽司空山三十六峰之一也○世傳張司空所居或在縣東五十里之石室左右有石窠如臼有仙荷洗藥二池丹竈棋盤諸跡其地名顯聖巖○縣北八十里有七星巖亦有丹竈石壁世傳嚴起兄弟學仙所居其山曰嚴仙山三峰圖結如螺空洞內有丹井嚴起宋元嘉人○又十里爲明月山峰

長沙府志勝

卷之十

巖聳拔月出光耀亮見故名其上有杉仙廟下有龍湫灘志云嚴仙山出嚴仙山下東流二十五里與明月水合逕銀坑水入攸江○縣東百一十里有一獻花巖相傳嚴起會羣仙于此巖中有白鹿銜花來獻又十里有甘棠山其左一巖曰天蓬泉流不竭乃天蓬真人修煉之所右一巖曰靈龜巖上有水一泓嘗見二白龜出沒每出輒有紫雲覆之又名紫雲山

醴陵縣志

醴陵縣志在府城東一百八十里
東漢析湘南地置醴陵縣屬長沙郡三國吳蜀因

之晉永嘉五年醴陵令杜歿陷長沙陶侃擊平之卽此地也志云縣北五里有陵陵上有井湧泉知醴其味極甘因以名縣明周諤有醴泉浸月詩地底澄輝還有兔石邊動影豈無龍更溪照見中天路曉際寒通太白峰○縣西五里有鳳凰山與梧桐山對峙古老云鳳凰非梧桐不棲非醴泉不飲故此三山相爲左右○方輿勝覽云孫鍾山在縣東北名瓜畬俗傳孫鍾曾此種瓜吳王權之祖也縣北有姜維嶺傳云姜士會所居縣西山石壁上又有唐李靖遺像以藥師曾駐兵于此○縣西七

長沙府志勝

卷之十

里曰丁仙山上有石壇丁令威得道之所又三十里曰吉仙山晉有吉仙者棲其上故名○縣東三十里曰王喬山以王子喬煉丹于此上有三空洞俱有丹竈石牀石臼惟白雲洞微明極處有小溪限隔不可渡○縣東七十里曰章仙山一名彰龍山道書七十二洞天之一世傳臧真人得道處後訛臧爲章○志云淥水在縣學前其水湧自地脉如絲如霧用素器酌而澄之其色淥淥可以書字○小瀉泉出縣東二十里小瀉山衆峰環繞湍流中出道書第十三洞天○水經注云淥水出醴

陵縣東漉山西過其縣南漢高后四年封長沙相侯起爲國縣南臨淥水水東出安城鄉翁陵山余謂淥淥聲相近後人藉便以淥爲稱雖岡陵名異而卽麓名同淥水又屈從縣西北流注入于湘

湘鄉縣在府城西南一百一十里

本秦湘南縣地東漢析置湘鄉縣晉以連道縣省入○水經曰漉水出連道縣西淥水之別註云水出邵陵縣界南逕連道縣故城在湘鄉縣西一百六十里控引衆流合成一溪東入衡陽湘鄉縣歷石魚山下多玄石山高八十餘丈廣十里石色長沙府志勝入卷之一

三

黑而理若雲母開發一重輒有魚形鱗鱗首尾宛如刻畫長數寸魚形備足燒之作魚膏腥因以名之漉水又逕湘鄉縣南臨漉水本屬零陵長沙定王子昌邑漉水又屈逕其縣東而入湘南縣也○按志漉水在縣東南四十里水有二源一出邵陽縣界之龍山一出當縣西界珍漉山合流九十里匯側水遠破石岡轉至縣南聚而爲潭又東過石潭百餘里入于湘江有豐溪水潛水清陂水鴨橋水堯唐水各注之○豐溪水在縣南二里源出衡嶽流至芭蕉山合衆心溪水西流入漉○潛水在

縣西五十里源出龍安山奔流數里有石巖當道水入巖中復流六七里分爲三派流出同入于漉○清陂水在縣東十五里源出靈羊山合雲田水南流入漉○鴨橋水在縣南四十里源出韶山合沙頭水至滾田與清陂水同入于漉○堯唐水亦出韶山東衆小澗合而爲溪南流復東折入漉○方輿記云韶山在縣南四十里世傳韶氏三女于此昇仙山勢綿亘百餘里縣境及湘潭寧鄉諸水皆出其麓縣北五十里有懸鐘石屹峙雲表與韶山相接其傍一峰曰黃竹岐連亘數百里其下有

壬

後

長沙府志勝入卷之十
鯉魚峰○志云望嶽峰在治東十里東山上有平石若臺登之可望見祝融峰亦名東臺山○縣西二里有紫荆臺臺方四丈許池水環之池水起則臺亦起水落則臺亦落上有紫荆樹植臺之側故名○縣北有洗筆池唐褚遂良貶潭州都督時洗筆於此宋咸淳間邑宰趙必槐於池中得斷碑上刻楮公湘潭偶題詩云遠山齒翠翠凝烟爛熳桐花二月天遙遍九衢燈火夜歸來月掛海棠前餘字莫辨○薌泉井在縣城內泉香如椒蘭釀酒殊勝若參以他水則變南齊時有水貢民以爲病罷

之後江水崩潰失井所在宋乾道間改鑿此井于崑崙橋右以存其蹟云

安化縣在府城西三十里

本秦益陽縣地五代末有扶氏者匿居梅仙爲民害宋太平興國六年擊破之熙寧五年章惇用湖南轉運使葉燁議始置是縣以安于德化爲名○志云讀書堂在治內宋嘉定間縣令王中以趙沂公墨蹟刊榜署之雄麗甲于湖南○印文石在縣北濱江畔上有石天生印文八顆陰雨其文益見○濱水又經縣東有東華山在東河岸里許○縣

長沙府志勝六卷之十

三

險

南二十里有洞溪出寒波洞流至城東南隅合伊溪仙溪梅子溪以入邵河○邵河在縣西五十里發源靖州澗谷中出邵陽至縣界下益陽注入洞庭又云卽濱江也縣有東平濱江二鄉邵河逕此兼得濱名矣伊溪源出豐樂巖仙溪源出大仙山梅子溪源出梅子洞俱由縣東以合邵河○縣西二十五里有沈香溪出浮青山縣南三十里有善溪出武陵洞縣東南六十里有溫溪出雷鳴洞俱入濱水○按浮青山在縣西南五十里山勢遠望若浮故名宋畢田詩山色有無青欲浮者也善溪

長沙府志勝六卷之十

三

砂石險惡至縣界水勢微緩可容小舫故以善稱溫溪在縣境常安十都溫窟有二出水一清一濁名爲東溫西溫合雷鳴洞水出濱江○芙蓉山在縣東七十里舊名青羊山與大瀉山相接奇峰疊聳狀若芙蓉其中有芙蓉洞○浮泥山在縣東北七十里峴壁峭絕土人攀緣而上間舍種穀土壤沃饒因名浮泥○黃羅山在縣西南百二十里四面懸崖壁立僅有小徑可以攀緣宋元本居民多避兵于此○辰山在縣西北百三十里其山盤旋起伏接辰沅界○志云十房洞在縣北二十里洞門廣丈餘門內若廳事自廳入穴中有窓左右列十房各有門鐘鼓備具其後有石田石池○觀音洞在縣南三十里洞口深黑秉燭而入中漸空敞有觀音像倚石而立儼然如生○靈龜洞在縣東南四十里有石屋水瀉洞前高三十餘丈有水入石穴中伏流十餘里出洞口渚爲潭中有龜蛇之屬宋縣令郭時詩云誰將快劍斫蒼石寫出玉甌三百尺奔流直注古潭心捲霧噴雲潭影黑大聲隱隱非雷霆一洗萬古山無青崩崖絕谷拱奇物至今洞有龜蛇靈○宋熙寧間李安國自洪都徙

安化所著有梅山老人集見文獻通攷

茶陵州在府南四十里

漢置縣武帝封長沙定王子訢爲茶陵侯王莽改曰聲鄉東漢復舊唐武德年于此置南雲州以州西十里雲陽山而名也其以茶陵名州自元始宋曰茶山縣及茶陵軍○史記炎帝葬于茶山之野茶山卽景陽山也以陵谷間多生茶茗故名在州治東高一千五百丈周迴百四十里茶水發源山北流瀧下十里合白鹿泉水以入于沅桑欽水經云沅水出茶陵縣上鄉西北過其縣西地理志謂長沙府志勝不卷之十

三

之泥水也按白鹿原去州南一百里炎帝墓在焉久沒榛莽宋乾德年始訪得之詔置廟額名福濟○雲陽山有七峰曰偃霞紫薇石柱白蓮隱形正陽石耳又有百靈閣真仙洞玉華洞般若巖又有赤松壇松高百丈圍數尋可以服食丹臺錄云黃初平自號赤松子治於南嶽之陽卽此山也唐譚子失其名以文學隱此山元結居九疑備舟往從之遊有送譚山人歸雲陽序又有秦人三洞在山之陽上中下洞凡三溪官難入時聞鐘磬之聲鏗然元趙希鶚詩當日尚嫌天網濶後人誰識武陵

溪○會仙山在州東二十里有羅漢像石床天成宋宣和合肥陳康國思忠桂林蔣炳文仲虎廣德倪濤巨濟同游石刻○會仙峰下有石室方敞可二丈許卽靈巖也唐陳光隱此宋吳延年詩十年辛苦唐賢士千載奇觀舊石巖天籟沈沈山月小夜溪文字與誰談○讀書巖在靈巖前宋張治詩昔人讀書處人去巖亦空巖上古松枝白日生悲風磨礪幾片石剝落苔蘚中惟有山間月清光古今同○五峰山在州西三十里峰巒若五朵其陰多澗又三十里爲尖山兩峰並峙銳上而方下多草

三

水○青臺山在州南五十里卓立高聳上有龍湫又二十里爲橋梁山兩峰並峙其巔可陟如橋梁然○顏江源出青臺山北流四十里達沅水瀝江出百丈山洩江出沅渡山月江出皇岑山雲秋水出雲秋山俱西北流注之○城冢記云古茶王城在州東五十里漢元朔中節侯所築金州城在州北十里宋祥符中鄧宜築今治乃紹定間劉子邁鑄鍊犀于江岸以殺水勢而城之工始克告成與茶陵衛同居○輿地碑曰云後漢文春字季秋爲長沙茶陵長質操貞良慈仁汎愛明知聖術在官

修德民歌遺風春秋七十以道始建二十一年
綏民校尉熊君率吏民立碑云

長沙府志勝八卷之十

古

寶慶府在府城南領州一縣四

中民

宋理宗潛邸于此陞為府命名寶慶從寶慶元年
號也實三國吳之邵陵郡唐之邵州矣邵陵詳縣

邵陽縣附郭

漢昭陵縣東漢析置昭陽縣晉避諱改為邵陽五
代石晉改邵陽為敏政縣亦諱也南漢後唐名至
今因之○志云六亭山在城南隅前人以城中有
六山各監亭以眺迥因目為六亭山山下有卸甲
池舊傳張飛卸甲于此○大禹山在城北臨江儼
寶慶府志勝八卷之十一
若屏障山上有禹廟○東山在城東里許四面環
翠周茂叔建書院其上舊有寺宋太平興國年建
賜名興國寺又呼為東山寺寺後有法華臺昔無
量佛所遺袈裟尚存游人時得觀之○基盤嶺在
城西舊傳諸葛亮宴師與客對奕有石盤廣六尺
黑白子痕宛然○小余湖山在城東三里有申仙
翁祠唐建○洛陽山在城東北五里濟邵二水匯
流其下中有石室幽深莫測舊傳申仙翁嘗遊其
地以此山似洛陽而名按仙翁名恭芝字廣祥洛
陽人以則天垂拱二年生南游衡嶽修煉于此縣

界大余湖山及武岡州之雲山皆其跡也攷史記
王子年表武帝封長沙定王子重爲洛陵侯括地
志云洛陵卽昭陵縣今之邵陽也如此則洛陽之
名不起于唐矣○邵水發源龍山去城東八十里
奇峰四出望之而面相似頂有龍池泉如湧潮入
湘鄉者爲漣水入邵陽者爲邵水邵水自東而南
城居其北故名邵陽濟水出武岡州界都梁山東
流經郡北茱萸灘昔人立銅柱于上又東北合邵
水入洞庭故縣亦名濟陽蓋晉隋時建治俱在二
水之北今城北二里有故城址俗呼建州城者是
寶慶府志勝入卷之十一 二

○開元觀在濟水北亦祀中仙翁者其後女仙楊
道圓羽化于此有遺塚存按唐書列傳云妖人申
泰芝用左道媚李輔國擢諫議大夫遊遊衡湘以
幻術惑衆坐誣妄不道誅而郡志載其仙蹟甚夥
不知何故○余湖山在城東南百五十里山頂有
臺臺側有石如懸几祈禱之人視水自懸石滴下
旋雨以爲驗按志城南十里有桃花洞洞口高丈
餘直入過小溪有石巖如屋一竅通明及有石磴
石牀石竈諸物城西三十里有野鷄塘塘側石甍
峭壁上有二鷄毛羽宛然又縣境有文竹山亦有

石床四面脩竹扶疎隨風委拂皆神仙壑宅也○
高霞山在城南百八十里盤踞永州府屬東安祁
陽各縣界唐顯慶初有李真人入此山修煉白日
昇舉○輿地碑目云周召伯祠在城東三十里甘
棠渡古碑猶存詩傳召伯循行南國舍于甘棠之
下故老相傳有棠樹陰寬可坐數十人俗呼棠樹
兜是○唐呂仙遺跡在城東南白鶴觀有所題絕
句真蹟○漢南從事胡曾墓在縣西四十里秋田
村曾邵陽永成鄉人有詠史詩百首傳于世○古
雲根石在城南桃花洞後鬼然一石中題古雲根
寶慶府志勝入卷之十一 三

三大字右註景定甲子己巳日七字左註郡守中
吳四宇餘皆蝕莫辨○輿地碑目云邵陽修學記
廣漢張枋選武夷胡宏述○邵陽志淳熙壬寅敎
授李韋之序邵陵類攷郡守鞏巖序

新化縣在府北一百八十里
本漢益陽縣地因宋熙寧間制置使章惇開梅山
始紉是縣梅山之說有二舊傳山無草木一夕忽
有仙人插梅枝於石上日就榮茂故名又以爲漢
吳芮將梅鋤家林也○宋吳致遠記云荆湖之間
有兩梅山新化爲上梅山安化爲下梅山其山俱

相通按志縣南有承熙寺宋熙寧五年建卽以熙寧二字分名安化爲啟寧新化爲承熙則二縣乃一時並設而寺額所析熙寧二字亦自有上下也○章子厚開梅山詩已載安化藝文然其集內有石槽嶺詩云瘴癘潛消瑞氣和梅峰十里潤煙蘿人逢雙嶽雖云遠路在好山寧厭多按石槽山在縣南六十里崔嵬壁立半山有飛泉瀑布子厚開梅山時路經于此○崇陽山在城東里許以日光照其上高峻甲于諸山故名又縣南五里有月照巖石壁臨江形如初月縣有八景月照碧潭其一寶慶府志勝入卷之十一

也○青峰巖在縣東南十里峻石臨江有一孔深九丈濶二丈許寬平明淨可容數百人○黎山在縣南四十里山麓有巖湧泉每日三潮高起數尺不焚○文仙山在縣西北二十里上有三峰石壁峭絕半山間有石室拔地五丈天生石梁可陟而登傍有龍池丹竈又有石牀高一丈四尺茂林脩竹蔽蔭左右乃晉高平令文斤修煉之所按高平縣孫吳所置廢址在城南百里永寧鄉地名石脚宋省入新化注水經云潯溪又東得高平水口卽此○城北八十里之石馬鄉又有白溪舊縣益宋

紹聖間所遷縣治也

城步縣在府城北百四十里

國朝弘治年置唐之城步鎮也○志云白雲洞在城東三里內有石牛石月諸像又二里爲仙人掌石宋淳祐間建有廻仙亭于其右又五里爲羅漢山有十八山連亘土人因以羅漢目之又二十五里爲巫山巫水所出分爲二派東經威溪入資水西經南江烏龍江入綏寧之洪江○按志威溪注巫山之東四十五里南江以水遶城南而名南城卽諸葛城也烏龍江在城西三十里相傳有龍潭寶慶府志勝入卷之十一

武岡州在府城北百四十里領新寧一縣

晉太興年王導以討華軼功封武岡侯卽武帝時分都梁立武岡縣者也陶侃曾爲縣令與太守呂岳有隙乃棄官歸○武岡山在州北五里郡國志云岡接武陵因以得名州前有井曰武陵井亦與武陵溪相通東漢伐五溪蠻時與民同保此山故

又名同山二岡左右對峙相去二里唐柳宗元有武岡銘爲河東柳公綽作○都梁城在州城東五里都梁山在州東一百三十里漢以此名縣史記武帝元朔二年封長沙定王子遂爲都梁侯者也縣西有小山山上有淳水既清且茂生蘭草綠葉紫華芳風藻川蘭馨遠馥俗謂蘭爲都梁山因以號縣受名焉唐鄭昉有都梁志○漢書都梁縣上註云路山濟水所出東北至益陽輿地廣記唐糾山濟水出焉益路山之別名也亦名都梁水會大夷水入洞庭俗謂之大溪水○寶方山在州實慶府志勝卷之一一
六
南五里一名濟勝山有巖洞入所曰棲真曰上屏曰太保曰朝陽曰迎陽曰芙蓉曰隱山曰花乳其中右龍甲神像皆滴乳所成又其傍有古山瀑布懸流數十丈○雲山在州南十里山有七十二峯道書以爲第六十九福地中有日華山月華山杏花塢掇龍洞猿騰水道者巖侯公洞世傳秦始皇遣盧生入海求仙藥不獲遂與侯生隱于此山今有侯仙跡盧仙影煉丹井飛昇臺掃壇竹諸勝又城東有石高二丈許雙峰儼偶間不容指亦有盧生仙跡○太原山在城西四十里岡原平衍泉流

不絕美沃之地其險要處爲楓門山夕陽射影江村潋秋漲氣蕭楓樹蕭疎游人咸指謂世外○金城山在城東南五十里道書第六十八福地石真人所居宋李思聰詩試問金城山裏事只言仙境似蓬壺○龍潭在州東百二十里上有寺卽郡公處訥所居公爲唐武安節度使龍紀元年誥勅猶存○郡國志云武岡有丹砂井卽真人廖立故宅也又有紫花洲以洲上出紫藥而名○晏公類要武岡有白香湖以湖水潤白營生香草故名又有明月池孔雀灘放鶴陂諸勝放鶴陂者梁崔穆實慶府志勝不卷之十一
二
於此羅得雙鶴放之得玉壁一雙以爲仙禽之報○塚廟記范蠡女祠在武岡山上俗名娘子神祠○李陵廟在州城隍傍俗傳李陵爲臨沅令後沒匈奴邑人思之立廟
新寧縣在城南九十里
本漢夫夷縣地武帝封長沙王子敬侯義之邑也隋省入邵陽宋紹興中卽其故地立新寧縣卽今城東二里金城村是○夫夷川在縣城南源出廣西全州界逕此入濟水○長湖在縣西十里發源都梁山至此匯流爲湖又十里曰新寨水發源花

溪山經石門與長湖水俱入于澹○金峰山在縣東五里上有芙蓉嶺嶺側有飛瀑泉因傍十喻絕頂正平可容數百人石屋戶牖若天生成○畏山在縣西十五里頂有三石如戶人狀又十五里為三欄山其中一山傍起三峰以拱翼之若欄櫺然○縣南有八十里山以山之南抵全州北抵當縣各四十里連亘八十里峭崿類于蜀道

衡州府在府城南一百里一縣八

吳分長沙為湘東衡陽之郡故劉宋為湘東王國梁置衡州矣陳時增置有二衡州焉當郡屬西衡州至隋唐始省名衡國朝設府領州一縣八○舊圖經云衡陽望衡山如陣雲汾湘上下九回九折有望嶽亭唐天寶二年採訪使韋處士置在城西南隅之花藥山花藥山者昔傳神仙修煉之所常有五色禽棲壯冊樹上亭在花藥寺北○晉庾闕望衡嶽詩北眺衡山首南睨五嶺末寂坐挹虛恬運日情四豁翔翮凌九霄陸鱗因濡沫既體江湖幽安識南溟濶

衡陽縣附

本漢承陽縣二縣地唐開元中始置衡陽其曰丞陽臨蒸者東漢及吳改自承陽者也酃縣故城在今縣東十二里酃湖側承陽故城在縣西八十里漢末區星據此城長沙太守孫堅擊破之○輿地紀勝云回鴈峰在縣城南或曰鴈不過衡陽或曰峰勢如鴈之回也徐靈期南嶽記曰南嶽周圍八百里回鴈為首其傍有華靈峰東漢華佗築臺于上修道辟穀年滿百猶自壯容其下有朱紫塘相

傳北鴈歸時羣浴于此○石鼓山在城東北三里水經注云臨蒸縣有石鼓高六尺湘水所經鼓鳴則有兵革祥符圖經云俗傳盧龍推鼓下入于潭水據蒸湘之會諸葛武侯故宅在焉唐元和中邑人李寬構屋讀書其上。是爲石鼓書院之始○按志湘水在城東源出廣西興安縣陽海山至分水嶺北流者爲湘至此又北流入長沙界蒸水在城北水氣薰沸如蒸故名源出邵陽縣耶薑山經此北會于湘有合江亭在石鼓頭唐刺史齊映建韓愈題合江亭寄刺史鄒君詩江亭枕湘江蒸水會衡州府志勝八卷之一二

庭堅贈之以詩郡守劉清之建有思桂亭在山頂又卽其地立少陵祠以山谷配饗○雨母山在縣南三十里每旱致禱必雨蒸水至此流入湘○伊山在城西三十五里晉桓伊讀書于此亦名桓山唐張祐詩晉代衣冠夢已亡精藍猶有讀書堂桓伊曾弄柯亭笛吹落梅花萬點香○响嘯峰在城北五十二里湘水記云衡山南有响嘯峰東西七十里南北三十里高一千五百丈岨登此得金簡玉牒治水之書其山上承翼宿鈴得鉤物故名响下據離宮攝統大師故名嘯韓愈詩云响嘯山尖衡州府志勝八卷之十二

山鍾武縣西南表山東北流注于承水又東注于
湘謂之承口臨承卽故鄱縣湘東郡治也按承水
漢承陽縣以此名鍾武廢縣亦在縣西八十里疑
卽承陽故城耳○承水至重安縣逕舜廟下廟在
承水之陰又東合畧塘相傳塘中有銅神每聞鐘
聲水輒變綠魚爲之飛按湘中記有客寄塘周迴
三十里卽畧塘也舜廟設在雲阜山有石壇謂舜
南遊經此因立祠卽縣西之雨母山也○湘水北
又歷印石石在衡陽縣南承水至此有湘之名湘
水石側有盤石或大或小其方如印累累然行列無

衡州府志勝入卷之十二

四

文字如此可二里許又逕石窟昔有人掘山作穴
高十丈長一里按志石窟山在縣東石盤山在縣
西南○湘水又逕鄱縣故城置鄱湖上郭仲堅湘
中記云衡陽縣東二十里有曾青岡周二十里深
八尺湛然綠色土人取以釀酒其味醇美晉武帝
平吳始薦鄱酒於太廟吳都賦接飛觴而酌鄱淥
是也○輿地記云衡陽有青陽水梅浦水俱流入
蒸按志青陽水與柿江水潭邛水同出雲阜山梅
浦水源出龍岡南流十里入耒水又西北流二十
里至耒口會于湘俗名泉溪渡僅通小舸○碑目

云銅柱在城北百二十里吳黃武二年都督程普
與蜀關羽分界共立銅柱爲誓卽此處

衡山縣在府東北
百五十里

晉置縣隋徙治白馬峰下唐復故處卽今治○名
山記云衡山在縣西三十里五嶽之一也上承翼
軫鈴總萬物故名衡山度應千衡位直離宮故曰
南嶽舜南巡狩至此周職方氏荊州之鎮曰衡山
其山盤繞八百里有七十二峰十洞十五巖三十
八泉二十五溪九池九潭九井唐天寶初有僧居
衡嶽寺爲僧衆執役食退而饗其殘性又懶因名
衡州府志勝入卷之十二

五

懶殘李泌寓衡嘗夜往見懶殘方撥牛糞火煨芋
出半芋食之曰慎勿言領取十年宰相後果然盧
肇詩云衡山絕頂萬餘僧策杖攀枝步步登行到
月宮霞外寺白雲相伴兩三僧○祝融峰乃七十
二峰最高者記云位直離宮以配火德乃祝融君
遊息之所上有青玉壇道書第二十四福地唐盧
載詩五千里地望皆見七十二峰中最高是也峰
頂有風穴每將雨則風自穴發又有雷池禱雨皆
驗故劉禹錫詩云青冥結精氣磅礴宜地脈還開
膚寸陰能致滂天澤○紫蓋峰在衡山北昔禹治

水登而祭之遇玄夷蒼水使者授以金簡玉牒上有鶴泉仙人池翠鹿巖及鶴鳴寶霞天寶諸臺柱市詩祝融五峰尊峰峰次低昂紫蓋獨不朝爭長紫相望韓愈詩紫蓋連延接天柱石廩騰擲堆祝融口雲密峰在山西且其上有會仙壇仙人石室每遇夜陰晦有光跳躍俗呼仙燈又有大禹巖桃花涼峰半有禹碑皆科斗文字碑下有石壇流水縈之口石廩峰形如倉廩一開一闔又有風穴雷泓誦經壇陳真人煉丹臺口天柱峰形如雙柱聳拔西北有香岡出香白並又有石室吳時李洞叟衡州府志勝天卷之十二 六

雲氣如黛口碧蘿峰有觀音巖阿育王塔口棲真峰產雲母石昔有武陽洞人棲此詩百餘歲不老口靈芝峰產靈芝草口華蓋峰形似華蓋口赤帝峰古名煉玉上為惠車子戶解處東有趙礪石棋盤口軫宿峰在祝融之南上當軫宿口柿葉峰形如柿葉下有靈源閣響而不見水口青岑峰高而青鏡下有東西林二寺口金簡峰其東有大禹巖口仙巖峰下有石巖可容數百人南有大洞曹道冲詩長生門戶分明啓大洞煙霞咫尺連口雲隱峰在紫蓋鄉常為雲氣所隱口翠鸞峰唐本有王衡州府志勝天卷之十二 七

于此□紫霄峰下有詮德觀上有駕鶴亭晉尹真人飛昇之處□馬鞍峰形如馬鞍東有衡居寺西北至青山□靈應峰晉鄧郁之字元達南陽新野人於此修煉得道□惠口峰昔有僧憩于此後赴隋帝惠口道場因以名之□日蓋峰左瞰聖壽華嚴石盼南臺天柱□女善峰昔一女人垂髮至腰毛長寸餘綠色人見問之云善女也□靈藥峰有石室昔新野先生與徐君遊三湘因入衡山採藥故名□現霄峰齊司空謁祝融頂於此燕坐□會仙峰唐薛幽棲注經于此與于辨白雲先生談道

衡州府志勝木卷之十一

八

下有白雲先生堂□降真峰仙錄云昔炎帝之女登於此感玄君降□集賢峰下有南嶽書院唐李泌張九齡嘗於此談論宋胡文定公瑗與其長子致堂仲子五峰皆居焉□採霞峰齊褚伯玉字元稼隱此採霞而食故名□側刀峰形如刀鐮側立下有石室□祥光峰古曰鶴鳴峰常有丹光現如飛燭□彌陀峰東北有巖虎險而暗室前數步不容足古木惟藤陰蔽其間□石榴峰形如石榴南有洞門觀基又有夕陽溪夕陽巖□雲龍峰下有棲真觀道錄云漢蜀青城山道士王谷神皮玄

耀修真之所後唐董奉先繼之修行復入衡陽尋真觀今存誦經石并石像真人北有雲龍寺基□潛聖峰昔高僧希運遊南嶽遍尋方廣寺訪惠海等者經年了無踪跡忽一日見精舍號方廣遇尊若詰其來遲留一宿送之出及顧其人與宅舍俱無但荒山而已□天堂峰東有石室殷景童禮斗處其中所生之草兩莖相纏垂頭如縱俗呼爲羅漢縱巖竇中多有之□永和峰四時融和如春故名上有永和臺□吐霧峰與巾紫峰相連雲氣升騰暗則雨開則晴□巾紫峰在邑後上有平臺徑

衡州府志勝木卷之十一

九

三丈餘昔大禹南巡至此望九嶷以祭舜山多杜鵑花色皆鮮紫下有白龍潭西有淨居寺東有流杯池□永參峰東有巨室□明月峰四時似月明狀南有承天楚寧二寺□會善峰下有會善寺俗傳高僧相會處□碧岫峰下有碧岫寺基西北有觀臺□雲居峰下有雲居寺石橋凝碧亭金牛路退道坡與南臺近當遊山大路有唐太宗御書梵經五千卷皮日休過玄福上人舊居詩□白石峰曹唐送馮處士有詩□蓮花峰形如蓮花下有方廣寺八山四水周圍環遶范寅亮詩云寺藏螺髻

人在藕花心。白馬峰山海經云昔夏禹巡狩時刑白馬祭天故名。彌勒峰在嶽廟西。鳳凰峰在嶽西之永平鄉。昔祝融君登南嶽感碧鷄鳳凰集其頂。古詩云鳳凰集南嶽徘徊孤竹根。於此有不厭舍翅凌紫雲。豈不曾辛苦差與黃雀羣。何時常來儀順于聖明君。曉霞峰在縣東日出街山丹霞掩映下有紫金臺。瑞應峰在縣西有大水擁腫隆然而起如龜龍之狀。高奇峰在湘潭縣界去嶽山數舍許。峽峙峰亦在湘潭形如三峽故名。志云楊山在縣南四十里自嶽分脈臨衡州府志勝不卷之十一

茶陵江前有潭極深山上常有雲氣。雲山在縣南典樂鄉地名草市山前有茶陵安仁二河環繞。開雲嶺在縣治北常嶽路中紫峰分脈上有開雲樓昔韓文公謫潮陽道經此謁嶽值陰雨乃登嶺望之默禱立致晴明後人因建樓居以此爲名。弛馬嶺在縣北十里自吐霧峰分脈常湘鄉路山多苦竹林深泥滑馬力多弛故名。靖居巖在縣西二十里有飛泉古木及羅漢果樹又有瀉洪亭。朱陵洞在紫蓋鄉道家第三洞天也六帖云衡山者朱陵靈臺大虛之寶洞其山上有泉至洞

門作垂簾狀宋畢田詩洞門千尺掛飛流玉碎珠簾冷噴秋今古不知誰捲得綠蘿爲帶月爲鈎。其下爲龍隱江。志云湘江在縣東茶陵江在縣西至縣學前合流杜子美題衡山縣文宣王廟新學堂詩有云林木在庭戶密餘疊蒼翠耳間讀書聲衰顏減愁思。塚廟記云唐英國公李勣墓在縣之沙泉里。水趙清獻公并墓在縣六都胡文定公墳墓在九都。

永陽縣在府東南百

漢置縣以永水爲名永水源出郴州之耒山經此注湘水曰耒口唐權德輿詩耒水波紋細湘江竹葉輕。水經注云耒陽有溪水出侯計山其水清澈謂之肥水又有大別水平陽水歷水注之同出耒口按輿地記侯計山在縣東七十里山有七十二峰舊傳諸葛武侯計事于此。大別水即潯江水抵大陂市別陂字聲近而譌故也歷水出歷山一名池水中有大歷可容百斛其字應作南蓋鼎鑊之類。郡國志云蔡倫宅在縣西南一里有蔡子池倫造紙搗綱石口尚存。晉羅含墓在縣南二十里碑文訛缺卽撰湘中記者。唐杜甫墓在

縣北二里元稹志云子美嘗葬耒陽其孫嗣業庠
柩而歸葬于假師途次荆楚拜余爲誌然我韓退
之詩今年偶客耒陽路慘悽去尋江上墓招手借
問牧童兒牧童指我祠堂處一堆空土烟蕪裏空
使詩人悲歎起怨聲千古寄西風寒骨一夜沈秋
水宋韓持國詩三尺孤墳在空甯萬古名風騷誰
是主天地太無情入夜月虛白逢春草自生耒陽
江色過吊罷恨難平或者子美之柩雖遷而塚未
嘗踐也○唐書杜甫本傳大曆中出瞿唐下江陵
游沅湘以登衡山因客耒陽游獄祠大水遽至涉
衡州府志勝才卷之十一

耒陽路夜行詩乘夕棹歸舟緣源路轉幽月明看
儼樹風靜聽溪流嵐氣船間入霜華衣上浮狼聲
雖此夜不是別家愁自註爲傷杜甫而作○郡國
志云天門嶺在縣東嶺上石巖有泉流出其中○
雨瀨灘在縣西南未口水次盛弘之荊州記云歲
旱百姓壅塞之則雨若一鄉獨壅雨亦偏應○鷺
山在縣東北其山特立不與衆峰相連常有白鷺
立于上陳時曾移縣理此○翻石山郡國志云昔
耒陽與湘潭爭界立碑爲誌翻復偷送故名○石
碑在縣東五里相傳諸葛武侯立石誓衆處又五
衡州府志勝才卷之十一

常寧縣

在府西南
百二十里

吳析置新平新寧二縣晉以新平省入新寧劉宋
改曰常寧○志云塔山在縣治山腰白石七級如

臺高七十餘丈宜水出焉有樟水磁石水俱流注之水經注云宜水又西北注于湘湘水又西北得春水口水上承春陽縣西北潭山又北逕新寧縣西又西北流注于湘水

安仁縣在府東二百里

本唐衡山縣之安仁鎮五代唐爲安仁場宋陞安仁縣○志云鳳岡嶺在縣東熊耳山在縣南俱以形似而名熊耳山去縣七十里上有天湖可容萬家其下有李朝洞延袤數十里○宜陽水源出安陽鄉永樂水源出郴州界俱至縣南合茶陵州沐衡州府志勝入卷之十二 五

水入湘

酃縣在府東四百里

宋嘉定年置非漢之酃縣也此本漢茶陵縣故青臺山雲秋山沐水已載茶陵州者縣界俱得有之○攷宋朝會要嘉定四年郴州黑風峒民羅世傳倡亂討平之因析茶之霞陽常平康樂三鄉置縣○青臺山在縣之南羣峰攢翠狀若樓臺宋乾德初里人曹斌建有青臺山尚存○雲秋山在三都周迴八十里高三千九百丈雲氣慘淡四時皆若秋色里人易義圖有雲秋雨霽詩雲秋向說山光

好剛我來看煙雨模忽報晴霞照江水畫時猶覺欠工夫○沐水源出沐泉註水經云泉不常見遇邑政清明年穀豐稔其泉泝然如米泔瀑湧者舊相傳疾者飲此多愈○沔渡水發源萬陽山斜瀨江發源大桂山河漢江發源黃擎潭俱流合沐水入于湘○炎帝陵在常樂鄉舊傳宋太祖嘗夢一大人執火頂笠既覺問之群臣曰此炎帝也遣使往南問之至橋梁嶺遇一老人指示陵所遂勅有司立廟祀焉陵前有古杉一株今只有半長一丈餘尚作凌空之勢又有樟木橫亘水中枯空若洞衡州府志勝入卷之十二 五

衡州府志勝入卷之十二

五

桂陽州在府東南三百里領縣二

漢高帝分長沙置桂陽郡應邵注地理志桂陽郡下云桂水所出東北入湘唐李口詩桂水分五嶺衡山朝九疑卽此水矣州界有春水匯水滢水衡

塘水俱流注之晏公類要云衡塘水在桂陽監北
會湘水入衡州春水在州北三十里源出道州春
陵山至此會魏水入湘水經注云匯水南至四會
入鬱林過桂陽郡行九百里湟水者史記漢武帝
遣路博德出桂陽下湟泉以伐南越是也○志云
鹿頭山在州東山有石如鹿頭狀又有七層塔及
御書黃庭經○大湊山在州西舊經云出銀鑛當
其盛時爐烟翳然上接雲漢烹丁紛錯商旅輻湊
因以爲名按治西有寶山廟古昔盤氏兄弟三人
以鑿山冶銀爲業既歿有靈遂設祀焉梁貞明間

衡州府志勝

卷之十二

七

明

詰勅猶存此置監之始也○芙蓉山在州西南左
右峰巒奇峭若芙蓉然下有泉曰蒙泉其傍有石
林亭雙石環繞如偃月狀舊職方郎中黃照隣父
子讀書于此邦人目之曰職方巖○龍渡山一名
神渡在州南三十里有神甚靈陳傳良作文記之
杜圭題大雲寺妙峰亭詩鹿頭屹立青疑染龍渡
橫飛勢欲來○石門山在州西北六十里山有巖
穴如門歸水自藍山穿石門西注舟筏所經○藍
山在州西一百里跨臨武藍山二縣蒼蔚蒼翠浮
空如藍○壇山在州北舊經云唐高宗儀鳳二年

詔曰南方有山鬼險中有聖人足跡石穴流泉卽
今之壇山也中宗景隆二年詔於此山開戒壇廣
度僧尼因名壇山大中二年有僧信業乘雲飛錫
自阿育王山來居此山至大中六年詔賜紫衣不
逾月復還育王山○城邑考云晉寧廢縣在州北
五十里又六十里爲官市廢縣俱東晉置至陳時
廢○州東有平陽故城廢直與上二縣俱同但唐
時復置宋元因之 國朝始省入州故輿地紀勝
有樂巴山潭流嶺獅子巖白驪穴俱載平陽縣下
○按樂巴山舊傳桂陽太守樂子初曾經此○潭

衡州府志勝

卷之十二

七

七

流嶺在城北一百里出銀鉛砂礪如潭水流湧故
名○獅子巖在城西二十里白竹岡下通九疑山
○驪穴去城十里武昌岡上驪跡猶存有穴曰驪
岡乃武丁乘白驪之遺跡也○東漢桂陽太守衛
琬英充許蒯樂巴度尚周昕及臨武長唐羗州學
祀之曰七賢堂○撫松亭在郡治越丹亭在本覺
寺後舊有山茶一株徑尺圍高五六丈○碧泉在
郡圃水味甘冽○豐湖在寶積寺前流入城○桂
陽少年西入秦數經甲科猶白身卽今江海一歸
客他日雲霄萬里人高適送桂陽某孝廉作也秦

雲連山海相接桂水橫煙不可涉李白送族弟襄
歸桂陽作也湘江二月春水平滿日和風宜夜行
唱棹欲過平陽戍守吏相呼問姓名元水部欸乃
曲也朔風吹桂水大雪夜紛紛暗度南樓月寒溪
北渚雲燭斜初近見舟重竟無聞不識山陰道聽
鷄更憶君杜甫桂陽舟中雪夜有懷盧十四侍御
弟作也○碑日云桂陽志教授鄭仲編纂有太守
題名已下見桂水集

臨武縣

在州東南
百二十里

本漢舊縣唐改曰隆武尋復舊名九域志云漢縣
衡州府志勝卷之十二 十六

故城去今縣東五十里俗名姥婆城有武溪水源
出水頭山東流遶縣治前屈而南流合赤土漸溪
可通舟楫縣以此名○輿地紀勝云韓張山在縣
治後唐韓愈張署皆以御史上疏韓謫令陽山張
謫令臨武及北還會宿于此宋紹興間僉判范寅
因作韓張亭○東雲山在縣東一里世傳神仙武
丁乘白驪憩此因建成仙觀山巔常有雲氣舒卷
故名又二十里有東山其高與西山等山有八水
源出其下又名八源嶺西山去縣十里邑之望山
也水源亦多從此出又十里為石龍巖中有石如

龍狀歲旱洗之即雨○秀巖在縣南十五里東北
有巖通明石孔凝結下有兩水出其左為大溪二
百餘步復入右穴宋夷門王淮記○金粟巖在縣
治東北水源下流與武溪合江中多碎石錯落如
金粟因名

藍山縣

在州西南
二百里

本漢南平縣隋省入臨武縣唐復置天寶初改名
藍山○華陰山在縣東南十五里跨臨武縣界○
石柱山在縣北二十里亦名天柱下有巖洞石孔
融結奇怪萬狀色如碧玉○東樓峯在縣南五十
里其下有魏水一名舜水○九疑山在縣西南五
十里九域志云有九疑水出此山○黃蘗山在縣
南九十里亦名都龐山與連山分界即南越五嶺
從東第三嶺是也○按志載莊武龍者以唐太和
間知藍山縣事遂家焉至今族姓蕃衍有龍山廟
碑見存

永州府在省城西南領州一縣六

隋平陳置永州以永水爲名乃漢之零陵郡也史記武帝元鼎六年分長沙置零陵卽此東漢末曹公敗于赤壁蜀先主領荊州牧零陵預焉後與吳分荊州以湘水爲界長沙江夏桂陽以東屬吳南郡零陵武陵以西屬蜀及關羽敗零陵諸郡始盡屬吳○按香零山在城東五里郡以此名地產香草其葉如羅勒香聞數十步唐世上供郡人苦之刺史韋宙奏罷罷碑曰云零陵志宋張堦亭○永水源出永山在城南九十里流入湘憲宇記云郡南

永州府志勝

卷之一三

一

去湘水八里北去瀟水三十步滙于城下後漢太守陳球以郡下淫築土城不便乃編木爲城以居之至建安十年吳孫權遣呂蒙攻零陵零陵太守和普城守不下則是時已有城矣距郡北二里有呂蒙城乃蒙所築與普相拒者○輿地紀勝云新堂鄉在九疑山之麓今移入郡治唐韋宙建柳宗元爲之記○九巖在治城內有九巖從地中湧出跨池爲橋先賢題識其上○東巖在治東子城外其下有清流激湍世傳牧守流觴于此○東湖在東山之西唐刺史李衡舫芙蓉堂于上宋以范忠

宣寓居于此因建有思范堂熙寧間蒲宗孟奉使荆南與朱思平喬執中彭次雲李士燮暨官屬來遊題名○南池在城東南池當南山之缺設自神功無庸工鑿隨山周旋可容巨艦柳宗元有陪崔使君宴南池序畧云零陵城南環以羣山延以林麓其麓谷之委滙則泓然爲池潏然爲溪其上多楓柝竹箭哀鳴之禽其下多菱芡蒲葦騰波之魚鰓泊太虛濤濤里間誠遊觀之佳麗者也○西樓卽郡城樓柳宗元詩苦熱中夜起登樓獨褰衣山澤凝暑氣星漢湛光輝○臨瀟館在郡城西江山

永州府志勝

卷之十三

二

奇秀浮梁直楚漁村蕭寺上下映帶刺史韋宙易以碧湘之名記畧云觀其競船舉棹則有些聲聽樵夫野老之韻則有款乃聲宋柳拱辰風土記云些助語卽楚詞之楚些款乃卽所以發韻柳司馬所謂款乃一聲山水綠者也○萬石亭在子城北唐元和中刺史崔能所築以石之多不可數因名萬石柳宗元記云清河崔公來蒞永州閒日登城北墉臨于荒野褻翳之隙見怪石特出度其下必有殊勝步自西門以求其墟伐木披奧歆側以入綿谷跨溪大石林立奧若奔雲錯若置碁怒者虎

闔企者鳥飛挾其穴則鼻口相呀搜其根則蹄股交峙環行愕目疑若搏噬於是剝開朽壤翦楚榛穢決溝澮導伏流散爲疎林洄爲清池寥豁泓渟若造物者始判清濁效奇於茲地也按今永州衛後是其處○息壤柳子厚記云永州龍興寺東北限有堂堂之地隆然負碑甃而起者廣四步高一尺五寸夷之復高凡持鉢者盡死今建觀音閣以覆之○瑞蓮池晉時產竝帶蓮於此已廢爲總舖○華嚴巖在郡學內舊在法華寺南有石門精室元和志云湘西石室呂蒙所築柳子厚詩松谿幽永州府志勝卷之十三

零陵縣附郭

釋見郡下然米舂郡時已有此縣漢書長沙王發傳曰景帝二年諸王來朝長沙王曰臣國小地狹

不足爲旋帝乃以武陵桂陽零陵益之武帝分長沙置零陵郡在元鼎六年邇景帝二年蓋三十有餘年矣輿地志云本爲零陵郡之泉陵縣地漢武帝封長沙王子賢爲泉陵侯于此今縣北二里有泉陵故城或者零陵置郡時而零陵縣廢未可知也後漢零陵郡所理隋置永州後始改泉陵爲零陵○志云三亭在縣東山之麓唐令薛存義建一日讀書林亭二曰相秀亭三曰俯清亭柳宗元記○萃玉亭在城西奇峰恠石古木樛曲宋嘉定間侍郎董居誼遷謫來遊豎亭于上仍作詩曰石刻嘉名歲月多昔封禪靈欲消磨天成有景無人問不着新亭奈爾何自註云此山之傍有火星巖石壁所鏡先賢題識非窮日之力不能盡閱○龍盤岡在縣東南山勢蟠伏如龍故名以何仙修煉于此後人卽其所居爲仙居觀按女真何氏零陵縣人宋明道間何氏見有三女環坐井中遣以一桃受而食之自爾辟穀嘉祐辛酉端坐而化政和四年勅封政和真人○太平寺在城南二里本唐開元寺黃山谷有登慈氏閣詩卽此寺中輪藏乃張忠獻公母夫人所造忠獻自爲之記○靈隱寺在

城西二里隔瀟水當岡阜回環之所前臨愚溪愚
溪水源出鷗山本名冉溪以郡司馬柳宗元易今
名自作詩序略云灌水之陽有溪焉東流入于瀟
水或曰冉氏嘗居也謂之冉溪或曰可以染也謂
之染溪余以愚觸罪謫瀟水上家是溪故更之爲
愚溪愚溪之上買小丘爲愚丘東北得泉而又買
居之爲愚泉合流屈曲而南爲愚溝遂負土累石
塞其隘爲愚池愚池之東爲愚堂其南爲愚亭池
之中爲愚島○柳巖在愚溪之右以柳司馬所嘗
游也久失所在宋零陵宰王淮搜得之荒谷中仍
永州府志勝卷之十三 五

爲之記○愚溪之上有山曰西山柳記略云過湘
江緣染溪砍蓁莽焚茅葭窮山之高則凡數州土
壤皆在衽席之下○石城山在西山東北柳記云
土斷而川分有積石橫當其垠其上爲睥睨梁欂
之形旁出堡塢若門窺之正黑投以小石水激越
環奇上望遠無土壤而生嘉樹美箭○鉅鉏潭在
西山之西柳記略云冉水自南奔注抵山石屈折
東流其巔委勢峻盪擊益暴嚙其涯故旁廣而中
渥至石乃止流沫成輪然後徐行小石潭在小丘
西水尤清冽全石以爲底近所卷石底以出爲坻

爲嶼爲嵯爲巖之屬○小丘亦在西山之西丘有
竹樹其石之突怒偃蹇負土而出爭爲奇狀者殆
不可數計其中以望則山之高雲之浮溪之流魚
鳥之飛遊舉熙熙然呈巧獻技以效茲丘之下○
朝陽巖在縣南三里下臨瀟江舊經云唐守獨孤
恤寶必俱有新建元結次山以地高而東其門故
以朝陽爲名今所刊記猶在巖下有澗水自洞中
流出入湘江亭臺凡十六所唐宋名賢題詠皆鑲
于石○坎山自爲歌云朝陽巖下瀟水溪朝陽洞中
寒泉清零陵城郭夾瀟所巖洞幽奇當郡城荒蕪
永州府志勝卷之十三 六

自古人不見零陵徒有先賢傳水石爲娛安可忘
長歌一曲留相勸○黃魯直遊朝陽洞徘徊水濱
久之有白雲出洞中散漫洞口咫尺不相見乃爲
詩云歌響響笙磬洞中出寒泉同遊四五客拂石
弄潺湲俄頃生白雲似欲駕我仙又作款乃曲千
里楓林煙雨濺無朝無暮有猿吟停櫓靜聽曲中
意好是雲山韶濩音○袁家渴在朝陽巖東南柳
記云楚越之間方言謂水之反流者爲渴其中重
洲小溪澄潭淺渚小山美石嘉木香草輞輅搖颺
其狀無窮○石渠在袁家渴西渠之廣或咫尺或

倍尺其長可十許步其流抵大石伏出其下踰石而往有石泓菖蒲被之青蘚環周又折西行又北曲行其側皆詭石惟木奇卉美箭○石澗在渠西北其水之大倍渠之三巨石爲底達于兩涯水平布其上流若織文○石牌灘在城北四十里其石皆片段聯綴如牌筏相傳秦始皇造橋海上有異人乘牌往助始皇死遂棄去又十里爲石馬灘湘水中有石如馬狀○自朝陽巖東行二十里爲黃溪柳記略云水之治百里北至浯溪西至湘之源南至壠東門東至東屯其間名山水而村者以百

石竇噴出飛瀑如練不假疏鑿自成曲水之狀游者時聞香氣馥烈故名○嶽山在城南二十里一峰尖秀遙望如卓筆然又五里曰澹出巖巖有二門壁立萬仞東南角有石竅遙矚雲日舊經云秦時有周正實者隱遁此巖始皇三召不起尸解成仙後以澹姓所居故名澹巖黃魯直詩澹山澹姓人安在徵君避秦亦不歸石門竹徑幾時有瑣瑤室至今疑○暗澹去澹巖三里秉炬而入其中廣袤可容萬人又有蘭巖王昭之神境記云蘭巖山路阻險絕無人跡有石如雙白鵲翔集其上○

十步舊傳虞舜南巡駐蹕于此○呂將軍廟在城東里許卽子明也○零陵山廟在城南舊經云唐世吳字昌國零陵人年十七在郡爲衙校書唐李寇盜充斥世吳擁州兵以全鄉郡後爲賊所害湖南馬氏以王爵褒之因立廟○漢零陵太守龍述伯高塚在城西隔湘水一里○僧懷素筆塚在城東三里

祁陽縣在府城北一百里

零陵記云縣在祁山之南故曰祁陽三國吳置按祁山在縣北十五里遠望如城壁與衆山聚其縣

永州府志勝

卷之十三

九

祁水遠之合于浯溪○浯溪在縣南五里流入湘江有清江白河江及三江水皆注之唐元結自道州歸愛其山水因家焉作大唐中興頌顏真卿大書刻于崖上次山又爲嵒臺唐亭石室諸銘集古錄云銘以大曆二年刻嵒臺巨石也俗名磨崖碑紹聖間曹輔詩云嵒臺倚溪雲唐亭枕溪水石石競奇麗中有漫郎宅○輿地紀勝云浯溪有中宮寺本元次山故宅溪上有度香橋記略曰三嵒天下之佳山水也中宮禪寺乃元結故居今爲三嵒驛是○廣記云祁陽有石燕山石色紺紫而狀似

燕或大或小若母子雷風相薄則羣燕頤頤又有獅子石在浯溪口狀似狻猊爲崔蒲所間而睂目鼻口視之儼然○黃熊山在縣北三十里巖壑深邃時有黃熊居之○白鶴山在縣東北三十里昔楚白公元孫避難居此改姓屈名處靜修真得道乘鶴上昇有仙壇仙龜猶存因建白鶴觀於山中有鐘重數百斤唐末一夕雷雨鐘忽吼躍入江中後有客夜宿長沙之昭潭夢一道流曰吾祁陽白鶴觀道士幸附舟載還客許之遲明解纜見有鐘臥水次有文曰祁陽白鶴觀鐘客惜遂載以歸○

永州府志勝

卷之十三

十

大營驛在縣北五十里今廢爲舖宋岳飛過此題壁時紹興二年七月初七日權湖南帥被旨討賊云○輿地碑目浯溪前集李仁剛編後集蔡光祖編黃山谷浯溪詩刻石後人目爲小磨崖王明清揮塵錄云崇寧三年黃魯直竄宜州泊于零陵時外祖曾空青坐鉤黨先徙是郡約遊浯溪觀中興碑太史賦詩書姓名于左外祖正之曰某方爲流人豈可出郊公又遠徙豈可不過爲之防太史從之但詩中云亦有文士相追隨蓋爲外祖設也

東安縣

在府城西九十里

本零陵縣地自漢以來置驛于此五代時馬氏因置東安場宋雍熙元年陞爲縣屬永州○志云社山在縣南一里上有古社基高山在縣北一里以形勢特高于衆峰故名○文壁山在縣西南一峰突立傍有小石離麗如奎壁然○龍山在縣東山下湧泉管有龍影落水中○赤石山在縣西五里山石多赤故名○諸葛山在西北五十里相傳武侯督零陵賦駐兵于此壁壘見存○白鹿山在縣境昔有獵者於此見二鹿項之有人來問見二馬否答曰但見二鹿其人云吾爲虞帝五至衡山與永州府志勝卷之十三 主

西四十里有舜峰脈出九嶷山下有舜廟卽此處也○定田泉在縣西二十五里源出衆山連通五竅注流蓮花峰下資溉田畝故名○晏公類要云石鼓在東安縣若鳴則有軍旅叩之鳴者勝不鳴者敗○縣界沈香崖下有兵書峽木匣懸石壁間迄今不損世傳呂洞賓過此開之仍舊封固○屈原廟在縣界屈家村民居多仙姓相傳卽三閭大夫子孫也

道州在府城南百五十里

唐貞觀八年立道州改自南營州者南齊之營道

永州府志勝卷之十三 主

郡也舊設營道縣 國初省入州○志云營山在州西四十里營道山在州西北五十里一名營陽一名洪道按吳寶鼎元年分零陵北部爲營陽郡唐武德初改營道爲洪道縣俱本于此○營水發源營山西流六十里至州城西合于瀟水又有洄水宜水龍遙水上洑水下洑水各注之○輿地廣記云營水出冷道縣西流逕九嶷山下又西逕營道又屈而東北逕營浦又東北注于湘謂之營陽峽按唐張說和朱使欣道峽似巫山之作有云江如曉天淨石似暮霞張征帆一流覽宛若巫山陽

卽此峽也○左溪在下津門外右溪在營川門外
州守元結記云道州城西百餘步有小溪南流數
十步合營溪水抵兩听悉皆怪石欹嵌盤屈不可
名狀清流觸石洄懸激注休木異竹垂陰相蔭誠
郡邑之勝也溪在城右遂名之曰右溪刻銘石上
仍作詩云小溪在城下形勝堪賞愛尤宜春水滿
水石兩奇恠長山勢回合并邑相縈帶石林繞舜
祠西南正相對○左溪在城東卽左湖也有窳樽
亭遺址元次山記云道州城中左湖湖東二十步
有小石山山巔有窳石可以爲樽乃爲亭樽上仍
作詩云巉巉小石山數峰載窳亭窳石堪爲樽狀
類不可名又有洞樽在城下淳泉之陽恠石有雙
目一目命爲洞樽又有五如石在江北岸左右前
後及登石巔皆相似故以五如名之又有初寮石
在子城西開元寺前江東王安中謫居每乘舟往
坐其上刻初寮維舟石五字○憑泉者七泉之一
也次山云道州東郭有泉七穴命其五泉曰憑憑
淳汭直銘之泉上欲求者飲漱其流而有所感發
畱一泉命曰漫泉蓋欲自旌漫浪也一泉出山東
命曰東泉漫翁又云七勝泉在五如石間石皆有

永州府志勝

卷之十三

七

寶寶中湧泉異于七泉故命爲七勝泉○石魚湖
在憑泉南元次山詩序云憑泉南上有獸石在水
中狀如遊魚魚四處可以貯酒乃命湖曰石魚湖
詩云吾愛石魚湖石魚在湖裡魚背有酒樽繞魚
是湖水兒童作小舫載酒勝一盃且欲坐湖畔石
魚長相陪○輿地紀勝云巢父水在州南相傳爲
巢父飲牛處北池在府城北故曰温有道州北池
放鵝詩○州界凡有九水曰金花水乃其第七水
也何子應云金花泉在斜暉巖下劉禹錫記云薛
君景晦爲道州得異境有石室穹然如夏屋因名
永州府志勝

卷之十三

十四

長卿詩蒼梧在河處斑竹自成林點點流殘淚枝
枝寄此心郎士元詩蛾眉對湘水遙哭蒼梧山至
今楚山上猶有淚痕斑○輿地碑曰云虞帝廟在
州學西唐元結作舜廟狀及舜祠表俱江華令瞿
令問篆刻石上舊有詩云游湘有餘怨豈是聖人
心行路猿啼古祠宮蔓草深素風傳舊俗異跡閉
荒林巡狩去不返煙雲愁至今九疑天一半山盡
海沈沈按志舊載謂漢戴侯熊渠作不知何謂詩
乃唐人作也劉陽和云詩人如不領誰識太虛心
石老碑文古庭荒蟻穴漲白雲生絕怪斑竹銷疎

永州府志勝

卷之十三

一五

林行客自南北青山無古今登游尋勝跡望久日
西沈○漢故綏民校尉騎都尉桂陽曲江長熊君
之碑舊在州北四十里龍村其首曰君諱尚字子
高末云嗣長基而廣字分後嗣無廢遺按碑高九
尺寬五尺厚八寸螭首臨跌立于漢獻帝二十一
年宋刺史王繼勛與至郡寇萊公樓下淳熙五年
太守趙汝誼命博士章穎攷釋之其釋文併鐫諸
石後久湮沒 國朝壬子年分守湖南卜公佚其
名求得諸州治土中今存○晉平都侯蔣嵩碑在
州南三十里荆山宋嘉定中太守方信孺與至拙

堂今佚一統志以爲蔣琬碑記○道州刺史廳壁
記唐元結撰後壁記呂溫撰唐永徽甲寅碑在天
慶觀○州刺史傳碑在懷古亭西石上有州刺史
河內字又有前江華令瞿令問書石尚存二三十
字末有大曆字俱入分書唐陽城爲道州守有五
老人逆之乃五龍井之神也因爲立廟宋天觀中
有賜號崇應額碑○注水經云營水又北都溪水
注之出舂陵縣北二十里仰山南逕營道縣西輿
地廣記云故大曆縣有舂陵水卽都溪水也縣本
漢營浦縣之舂陵鄉唐大曆中析置此縣因以年

永州府志勝

卷之十三

一六

號爲名宋乾德初廢舂陵卽長沙定王子買節侯
所封後以其地卑濕求徙南陽誕生光武故海內
有兩舂陵不可不辨宋楊允恭謝賜周元公祠額
表云旆是舂陵實其鄉國蓋指此耳碑曰云舂陵
志宋章穎序○瀟溪在州西十五里營樂鄉有出
曰安定山西石竇深廣不窮有泉溢竇而出是爲
瀟溪周元公惇頤生于此後卜居廬山之下不忘
故鄉亦名瀟溪先生世家舂陵嘗自言曰瀟溪吾
鄉之里名也趙閱道自成都寄詩先生云君向瀟
溪湖外行倅藩仍喜便歸程蓋指道州之瀟溪楊

傑無爲集有詩云山爲康仙傳舊姓溪因康士得
新名乃指九江之濂溪○濂溪水流入龍灘龍灘
在宜陽鄉宜水所出水流石中湍急曰龍自蒲江
至庫亭謂之人龍至零陵界之龍白灘謂之出龍
按庫亭在道州零陵之間本應陽縣地名有庫墟
即葬封象處其地窮崕絕微下臨蒲江人跡罕到
水經注云應水又東南流逕有庫墟此之謂也

寧遠縣在州東七十里

宋乾德年置今縣實漢之冷道縣唐之延唐縣也
志云冷道故城在縣東南大曆故城在春陵縣城

永州府志勝卷之十三 七

北十五里析自延唐者春陵詳州下其故址在縣
北五十里漢長沙王陵墓猶存居民掘地時時得
五銖錢○天門山在縣東南四十里平地直上百
餘丈雖晴霽下望不見其頂古冷道縣設此山下
○九疑山在縣南六十里唐元結九疑圖記云九
峰相似望而疑之故名峰導一溪岫壑重岫四水
流灌於南海五水北注于洞庭九峰之一曰朱明
峰爲蒲水源二曰石城峰爲池水源三曰石樓峰
爲巢水源四曰娥皇峰爲池水源五曰舜原峰爲
瀑水源亦曰華蓋實中峰也六曰女英峰爲砭水

源或曰舜宅于此七曰蕭韶峰爲澧水源八曰桂
林峰爲沅水源九曰梓林峰爲澗水源太史公曰
舜死於蒼梧之野歸葬於江南之九疑是也晉庾
闡登九疑山詩采藥靈山標結駕登九疑懸巖漏
石髓芳谷挺丹芝冷泠雲珠落漼漼玉蜜滋解景
漿水頗妙氣異冥斯口麓牀三俱在蕭韶峰東北
第一麓牀有石長一尺六寸人跡旁第第二麓牀
有二石鑑寒光清圓第三麓牀有巨石在路傍口
修真四壇第一壇有茜草長丈餘如虎鬚古人煉
丹鑄釜猶存第二壇有青池東流有齊永明中所

永州府志勝卷之十三 八

鑄鐵鑒十二枚第三壇有石牀笙竹圍大者幾二
尺第四壇有石盆水出不竭口王韶之神境記云
九疑山半皆植松竹夾路有青澗澗生黃色蓮花
香氣盈谷又有九井昔何侯煉丹于此汲一井則
九井皆動水經注云冷水源出九疑山經冷道縣
西南入都溪山麓有天湖湖中有禽大如鴈錦尾
長六尺又有石洞左右有石人如冠劍而立口無
爲觀在九疑山梁太清年建魯女觀在何侯宅西
黃庭觀卽雙師所至之地元結詩云九疑山淺幾
千里峰谷崎嶇人不到山中舊有仙姥家十里飛

泉遶丹竈如今道士三四人茹芝鍊玉學輕身霓裳羽蓋傍臨壑飄飄似欲來飛鶴口舜源水在縣南六十里源出舜峰初登山時見有三峰鼎立雲表至其下則眾山環合而三峰乃在奧突間如列屏故九疑山志曰宋明峰蕭韶峰各去舜峰西十五里石城峰桂林峰各去舜峰北十五里石樓峰在舜峰東三十里娥皇峰在舜峰西六十里舜源峰在舜峰北二十里女英峰在舜峰西五十里杞林峰去舜峰西六十里○志云父江出三江之右母江出娥皇峰子江出石樓峰與縣南之桂水出永州府志勝卷之十二 十九

桂嶺山縣北之春水出春陵山俱合流入湘○舜池在舜壇前仙政水之石坎而有水不見其源仙政水出舜壇側舜溪通碧虛橋即父江母江子江所匯之下流也○舜祠去舜峰四十里漢零陵太守徐儉立碑祠後有斜巖石田基布嚴實可二丈許其中浚甬執炬而人但見峻巖峭壁寒泉冷風滴乳如佛像如車蓋如花葉如器皿如飛走唐薛伯高命名至大初間郡守張觀名曰紫虛洞寇萊公題名其下○玉瑄巖在舜祠側漢哀帝時零陵郡文學奚景得玉瑄十二於此今舜祠後石室是

也○高士巖在舜祠西二里舊名野猪巖丘順甫改高士巖昔有獵者見羣豕逐入巖不見因得樂器一部無爲觀道士以獻之朝事見唐王維賀表○舜溪前有嘉魚洞其實碧虛池也元次山名曰無爲洞家刻在焉洞在永福寺東十步上有李嶠篆刻行五里間有南北二徑一徑適舜峯一徑通紫虛洞行二十里有石穴上漏天光有元次山永泰年題名自天聖中寺僧雲亮於洞前百步築堤爲塘瀦水溉田洞遂爲池紀勝云寧遠縣有彭祖池池中有石如釣磯上有人跡世傳彭祖到此又永州府志勝卷之十二 二十

有許由水在縣南相傳許由洗耳處○晏公類要云南齊鹽寇將軍李道辯封邑故城在縣東六十里齊朝以道辯爲南道開拓南蠻大使築城于此今唐洞李姓皆其裔也○宋都巡簡使王政廟在縣東南乾道元年柳寇犯境政禦之城陷男賊不屈而死贈廣州觀察使賜額褒忠

江華縣 在州南七十里

本漢馮乘縣地唐天寶年析置江華○注水經曰馮水出馮乘縣東北馮岡其水導源西北流縣馮溪以託名焉馮水又左合萌渚之水水南出萌渚

嶠五嶺之第四嶺也其山多錫亦謂之錫方○志云白茫嶺在縣西輿地紀勝云亦名茫渚在五嶺之下世說五嶺者一大庾二永明三白茫四獵嶺五臨源而白茫在江華○陽華巖在縣東南六七里巖當陽端故名元結換名瞿令問書○暖谷在縣南隔江宋蔣之奇作記謂方盛寒入此谷中其氣溫然雖挾纈熾炭不若也谷之傍有別洞唐邑令瞿令問開棧道入其中作亭石上元結當大暑登之若天時將寒因名寒亭○迤水在縣治東源出九疑山流至縣別爲二又十里合爲一北流主

永州府志勝卷之十三 三

府人湘○冰水在縣東南源亦出九疑山流與迤水合其水多石湍急有聲故曰冰○泰水源出吳望山舊名泰山以有秦人避世于此唐始改名吳望山傳孫權未建號時山忽有聲如雷因名○洞溪在縣境四山之間乳竇松膏之所漬泉甘宜稻飲者多壽唐代宗時有隱者黃姓居于此人呼爲洞溪翁元結聞而訪之贈詩刻石溪上其詩云長松萬株遶茆舍恠石寒泉近簷下老翁八十猶能行將傾兒孫行拾稼吾美老翁居處幽吾愛老翁無所求時俗是非何足道得似老翁吾即休○碑

目云唐周魯儒碑在江華薦福寺太和六年立

永明縣在州西七十里

永明乃五嶺之一縣以此名亦曰都龐嶺秦使王翦降百越以謫戍五萬人守五嶺都龐其一也○志云亭山在縣西里許上多平級青崖邑之佳勝登覽無道○限山在縣東五里其山自都龐嶺分支三十里過縣治後東南隔瀟水若城墉之限然○層山在縣西南五里環山皆石有如紫層故名宋縣令徐一鳴有游符巖記○洞巖在縣北三里空廣可容數千人○白鵝山在縣西北十五里山麓有洞洞中有石如文殊像亦有如鐘鼓者○掩水在縣西源出大掩山下以有大石掩溪口而名東流合警水○瀑布水出三山嶺岐爲二高三十餘丈下注瀟水○凍水出火燭嶺東流合古澤水又東合瀨水遡水沐水入于瀟江○盤古廟在入德鄉李王廟在興化鄉唐李靖也

永州府志勝卷之十三 三

郴州直隸州廣德政使司

領縣五

史記項羽徙義帝于長沙都郴漢高帝于此置桂陽郡隋初廢立郴州治郴縣唐郎士元有送郴縣裴明府詩蓋指此也宋改為郴陽國初以郴陽省入與守禦千戶所同城○宋王恕道京郴陽卽事詩有云地高風易作天漏雨偏多訪橋蘇仙井有碑義帝坡右漏天山詳州屬宜章縣外據形勝記郴州在五嶺之北萬山之內地居湘楚上游故項羽謂懷王曰古之帝者必居上游乃徙義帝于郴仍使吳芮擊殺之江中則帝未嘗居郴也後人郴州志勝 八卷之一四 一

情其無辜而死設有虛塚在城內明倫坊元和郡國志曰義帝祠在郴縣南義帝陵在縣西各去一里○橋井在州東蘇耽宅耽漢時人事母以孝聞一日忽洒掃庭除母問故答曰仙道起城上帝來召母曰吾誰養耽乃置一椀云所需取之無所不有又云明年大疫取庭前井水橋葉救之其後果驗母曰活百餘人○州北七里馬嶺舊圖經云蘇耽升仙之後其母念之每候耽于此山輒見耽乘白馬飄然而往故又名蘇仙嶺嶺上有白鹿洞仙人壇有巨石曰沈香小石曰仙桃仙桃色赤而

黃有核研飲亦可愈疾唐沈佺期途出郴江北望蘇仙山詩少曾讀書史知有蘇耽君流放來南國依然會昔聞泊舟問耆老遙指孤山雲○輿地志云郴水在郴縣南四十里源出黃岑山至郴州未水注之灌田三百四十頃卽韓愈所謂其水清瀉泊沙倚石者也按隋薛道衡入郴江詩有云仗節遵嚴會揚舲沂急流征途非白馬水勢類黃牛跳波鳴石磧濺沫擁沙洲則退之之詩似本此退之以元和年徙孫江陵與張功曹候命于郴而作昌黎又有止湖觀叔魚詩止湖在城外西北隅劉仙

郴州志勝 八卷之一四 二

泉所匯湖西有昌黎祠屋曰北樓橋曰玉雪皆絕勝處退之所謂航北湖之空明者也○輿地紀勝云惠泉在城中惠泉坊其泉清冷甘美舊名甘泉人患疾者飲之立愈唐天寶間改曰愈泉○劍泉在城內康太坊有泉白石罅中躍沙而出浮休居士張舜民刻銘其上○燕泉在州西以燕來時泉生燕去泉涸故名○龍泉在州西五里分三派流城中一出劍泉一出通波堰一出光孝寺後○流杯池在州治南二里石罅天然盤曲流注數步間有雙石對峙前爲蓮花池○潮泉在州南二十里

一日三湧三退若潮候然又十里爲寒泉又有溫泉在縣北十五里浴之愈疾在銅坑泉之後陷池水之前已上諸水俱流入郴○桂水在州西南六十里郡在水北故以桂陽爲名杜甫詩朔風吹桂水又云飄飄桂水遊蓋詠此漢桂陽太守衛鳳罷郡還京父老攀留于城東北岡飲桂水而別卽此水矣有涿水自陽侯山來程鄉溪水注之程鄉溪在州南之程鄉昔置官醢于山下名曰程酒同于酈涿者也又有黃沙水黃袍水及青溪水注之○郡國志云州南有千秋水出萬歲山唐大寶年改郴州志勝 卷之十四 三

名靈壽山是產靈壽之水可爲杖漢平帝賜孔光靈壽杖政此物其上有石室下有泉卽茶經十八泉也千秋之水出焉抱朴子云飲千秋之水者不死千秋水東南流二十里遠黃州山下有瀑布泉羅塘黑石之水出焉其麓曰曬袍坡故合而名爲黃袍水○黃州山在州東南九里其山嶺上有池地多衆鳥產乳人取輒迷路置之乃可去○靈壽山又南爲黃岑山高二十九里周三百八十一里寰宇記云一名黃嶺山卽五嶺之從東第二騎田嶺也其東爲仰天湖其北郴江之水出焉其同

出者爲桂水爲寒溪水史載漢高祖桂陽置上猶山又後漢書有客嶺山皆黃岑也○州西有驟溪水出武昌山其上有驟迹石卽武丁仙人所乘白驟跡其西有迷穴驟溪之水出焉又西曰坦山其上有萬華巖其中多怪石流泉東流爲秋湖而放於石陂又爲秀水是分三川○志云魚峰山在州東三十里白水出其南岩岸銀瀑蜿蜒從空而下大似匡山香爐峰周茂叔書堂在焉秦觀記略曰形勝類華山之陰而沃潤過之按少游以紹聖間坐黨籍安置郴陽故得遊此又十里爲寶蓋山其郴州志勝 卷之十四 四

傍有寶雲巖○鳳梧山在州西北三十里范伯慈真人煉丹于此○五蓋山在州東南六十里湘中記云山有五峰望之如蓋鄉人每歲以雪占年諺云五蓋雪普米賤如土雪若不均米貴如銀○長安水在西南六十里源出鬱鳳山水側舊有長安館因名○話石山在西北六十里郡國志云話山孤石特竦仙人于此談話又湘中記云嘗問山作人語聲○龍渡山在州西九十里有神曰龍渡之神其麓有泉分流郴桂之境○塚廟記云伏羲堯舜禹湯廟俱在城東之中洲宋劉頌有中洲廟記

○女郎廟亦在中洲韓昌黎有代李員外郴州女
郎廟祈雨詩云乞雨女郎魂魚羞潔且繁廟開廳
鼠叫神降越巫言早氣則銷蕩陰官想駿奔行看
五馬入蕭颯已隨軒○張浮休祠在城西西江畔有
宸樽石浮休刻銘其上又城南五里有巨家堯然
前有石如羊相碑以爲舜民葬此舜民謫監郴州
酒稅有郴州百詠詩不具錄○唐柳宗元和楊尚
書郴州追和李中書止樓詩十韻柳樓有遺唱新
和敵南金境以道情得人其幽夢尋竹軒隔炎著
迴野恣窺臨鳳去徽音續芝焚芳意深游鱗出胎

郴州志勝

八卷之十四

五

湘吹鶴遶仙岑風起三湘浪雲生萬里陰宏親齊
德宇麗藻競詞林靜吳分憂衡開同進客心驛驢
當筵步題題莫相侵今日登高處還聞梁父吟○
張籍送嚴大夫之郴詩旌旆過湘潭幽奇得過探
茫城口粵止行路九疑南有地多生桂無時不養
蠶聽歌難辨曲風俗自相誇戴叔倫過郴州詩地
盡江南茂山分桂北林火雲三月合石路九疑深
暗谷隨風過花橋共鳥尋騶魂愁以絕不復待猿
吟王維送李少府貶郴州詩明到衡山與洞庭若
爲秋月聽猿聲愁看北渚三湘遠惡說南風五雨

輕青草瘴時過戛口白頭浪裏出湓城長沙不久
留才子買誰何須吊屈平

永興縣

在州西北八十五里

高亭山周一百餘里界于耒陽是昔安陵之墟按
志去縣西三十里唐開元年之安陵縣天寶年改
爲高亭者有安陵侯冢在焉宋熙寧間太守李士
燮以古便縣基據郴江上舟楫往來貿易相通可
建邑而設場市乃更徙治所名爲永興縣○宋阮
閱便縣懷古詩免葵蕪麥撼春風廢址頻加古縣
封聚落已遷江上去隔林依舊兩三峰高亭詩云

郴州志勝

八卷之一四

六

蒼苔黃葉滿閒庭門對南山數點青過客不知興
廢事猶言縣宇是高亭○攷便縣漢劉宋及隋皆
入郴縣卽今理也安陵析郴之北境立唐開元年
從宇文融所議齊光有安陵縣碑尚存今廢爲鑑
檢司○方輿勝覽云龍耳山在縣西十五里山勢
盤翔兩岐載舜故名其下有金華蕪子二巖潭水
湧流其深莫測○土官山在縣東南三十里山有
銀井鑿之轉深遇三老翁以杖援之因而致富又
名三翁井○白鶴山在縣西七十里又二十里爲
白豹山白豹水源所出○烏龍白騎山在縣界湘

中記云汝城縣東有烏龍山龍白石如馬相對羅列故號曰烏龍白騎山○曹佐有通津橋記略云永興縣東六十里疊嶂層巒巉巖硯石環村間有石梁之險若水崇迴曲抱數百里者板溪也溪水深不可涉○板溪與林口合于板梁為衡水永道梓桂之衝故豎以梁云仝本州人成化間以進士任僉事有文名宋曹輔之後也輔仕宋為祕書省正字上疏切諫徽宗微行編管郴州處郴六年怡然不以介意

宜章縣在州南九十里

郴州志勝天卷之十四 七

隋大業年析郴縣南境置義章縣宋初避諱改曰宜章○章水在縣北六十五里有大小二章其源俱出黃岑山合流入武水武水源出桂陽州至縣界即馬援詩所云滔滔武溪一何濶也○長樂水在縣西南源出莽山接東粵韶州界延袤六十里有九十九峰其山形似寒盧在宿莽中去縣百餘里○雕玉山在縣東四十里遠望色如雕玉故名其下有玉筏石相傳越王渡水遺玉筏于岸今石上猶有餘跡○野石巖在縣北十餘里臨官道傍石崖壁立又二十里為招嶺舊圖經云其路盤旋

而招疊也○枕柳山在縣境以山多產枕柳而名又其下多怪石名羣玉林○漏天山在縣東八十里萬山環合多雨少晴○宋縣令吳鑑有宜章水石記訪故老得嚴賓于道觀景星之東惟石林立妍醜異態石林之顛有嚴焉穹堂庫戶雖榮坤牖其趾雙泉規為澄池行之脩渠嚴以屏者泉以延月于夏秋最宜按陸子淵宜章縣記有云吳侯策勛文史脫略簿書居閒則益發泉石之秘徜徉歌詠以致其適自謂此土之樂中州殆不如也

桂東縣在州東三百八十里

郴州志勝天卷之十四 八

宋嘉定中析桂陽縣以在桂陽之東而名○志云三峰山在縣南三里突起三峰蜿蜒十餘里○蛟潭在縣北三十里深潭之中有蛟潛焉○金鷄洞在縣東三十里洞中石壁隱然有仙掌跡下有金鷄石○清石峒在縣南七十里石橋長百餘丈非人力所創或清夜聞橋上有奏樂聲名仙女橋興寧縣在州東一百里後漢之安寧縣唐之資興縣也宋紹定間改為興寧縣蓋兩用之○志云雲蓋山在縣南五里屏列治前常有雲氣籠蓋其上○仰窻山在縣東十里

有石巖如竈四面壁立下有溪潭其氣騰上如炊水溪而黑雲翳生寒○柳侯山在縣西三十里漢昭帝封楚王賜為柳侯于此上有曹天師嚴華燕往來棲集又其地有兜率巖巖內溫煥燃炬而入地勢漸下西行一食頃回視金剛力士形若雕刻夾路如雲不容復易薄而視之則皆乳石也又西有老君巖巖東有塔直抵巖頂望不可極西觀帳幄高廣百丈如猛風所吹聚皺成疊其中一疊扣之清越如鼓傍有玉池甘冷倍常路盡石平回折而非嶙峋細碎若荔枝若楊梅若蘭草若餅餌若

柳州志勝

九

搭架衣服若飛簷冰雪物象千品自北而東樓臺參錯人鬼髣髴或有菩薩如來蓮花龍蛇瓔珞盆盂奇花異木之狀所在森然大抵自巖口以至溪邃皆鐘乳凝結成象玲瓏竅虛或乘空下垂或從地突起世之所有無一闕者色多黃白罕有青碧○石困山在縣北三十里上有仙亭缺瓦石壁○九鼎山在縣西四十里其山如列九鼎故名○石牛山在縣東北五十里有石牛特異土人望之以占一冬寒燠雪雷其頂謂之雪過嶂此後輒不復作其巔有鴈池冬月溫煥鴈常食息其中俗名天

鴈池○浦溪山在縣東南六十里其頂亦有天池常有雲霧籠罩若雲廓氣清則雨○山下有資興水泉出鉅罇泉下流合于柳水又有程鄉水在縣西北水味甘美劉齊云桂陽程鄉有十日酒飲者至家而醉卽此水也

桂陽縣

在州東南二百四十里

東漢析置汝城縣後改盧陽縣宋改為桂陽縣我朝因之與廣安千戶所同城○輿地紀勝云孤山一名獨秀峰在縣南溪蘇晚常隱于此孤山水在縣東十七里屈曲流百五十里至益將入上猶縣

柳州志勝

十

合江界至贛州○未山在縣南五里四面孤絕未水所出又五里有城頭溪水注之城頭者以舊盧陽郡治郡廢址存人尚曰為城頭○犀嶺山在縣南十五里其北卽未山也犀嶺水去縣南六十里流至廣東仁化縣入大江○津江在金牛潭之上合周塘蓬塘二水曲折流至東坡頭漸大始為江○鹿角巖在縣北十五里有九石井○洞靈巖在縣東十七里內有九曲池洞穴通明○金箭灘在兜率巖下舊傳巖上有漢李廣所射箭風雨晦冥時或見之○石含山在縣北二百餘里有石

室因名○劉相讀書堂在東山寺宋劉彭老詩云
湖光渺渺侵雲霞十里中存舊相家印此劉諱瞻
字幾之其先彭城人徙居桂陽唐懿宗朝爲相詳
列傳○韓昌黎自陽山人柳經桂陽界有貞女峽
詩云江盤峽束春湍號雷風戰鬪魚龍迎懸流轟
轟射水府一瀉百里翻雲濤按志唐屬連州今在
桂陽○昌黎又有下瀧詩云南行逾六旬始下樂
昌龍險惡不可狀船石相舂撞按歐陽脩集古錄
後漢桂陽太守周府君紀功銘跋云此君檢漢書
無之今碑石缺不見其名惜乎遂不見于世也南
郴州志勝天卷之十四 十一

以爲利祠宅甚嚴

人紀其所修瀧水即韓文公所謂樂昌龍者至今

辰州府在辰城西南 領州一縣六

本漢武陵郡地光武時武陵蠻反馬援擊平之置
辰陽縣以辰水爲名陳天嘉元年分武陵置沅陵
郡隋開皇郡廢改爲辰州○唐韓翃送辰州李中
丞詩白羽逐青絲翩翩南下時巴人迎道路蠻帥
引旌旗暮雨山開少秋江葉落遲功成莫他日應
見竹郎祠張調辰陽郎事詩青楓落葉正堪悲黃
菊殘花欲待誰水近偏逢寒氣蚤山深常見日光
遲愁中卜命詢周易病裡招魂讀楚辭自恨不如
湘浦鴈春來卽是北歸時

辰州府志勝天卷之十五

沅陵縣附

水經注曰沅水又東逕沅陵縣北漢故頃侯吳陽
之邑也王莽改曰沅陵縣北枕沅水沅水又東經
縣舊城置都尉府因岡傍阿勢盡川陸臨沅對酉
二川之交會也○按志辰水在縣城東一里發源
三嵎山流入沅水沅水在城西北三里圖經云辰
酉二水以方位而名惟辰水有蝦父老相傳馬援
征蠻感其患政蝗化爲之○三嵎山在城東二里
連峰疊秀鼎峙者三有三嵎寺萬木森羅境色幽
絕元和志云潯山下有丹湍昔郢艾樊丹山頂落

沅水下今呼丹淵○小酉山又名烏連山在西溪口方輿記云山下有石穴中有書千卷秦人避地隱學于此梁湘東王謂訪酉陽之逸典是也者舊相傳堯善卷唐張果老皆嘗隱此又名爲大西華妙洞天或云自酉溪西北行十餘里有洞與大酉山相連唐瞿相廷兒時戲躍入井忽自華妙洞中出已去縣四十餘里○水經注曰西水東逕酉陽故縣南縣故酉陵也西水又東南逕潘承明壘西承明討五溪蠻營軍所築其城跨山枕谷西水又南注沅水其水所決入名曰酉口沅水逕寧遠明辰州府志勝入卷之十五 二

中溪州刺史彭仕慙率錦延諸蠻叛湖南馬五範遣指揮使劉勅等以步卒五千擊之仕慙大敗求盟仍立銅柱爲信按仕慙一云仕秩辰之上溪人漢彭宣之裔也有彭攝字若唐天寶中以逸士徵不出號其里曰徵君 國朝洪武初彭萬潛率其子天寶來歸封宣慰使○酉陽城在縣城西漢武陵郡之酉陽縣也卽黔中郡故城基舊屬楚秦滅之漢分置武陵○志云南山在沅水南三里一名客山山麓磅礴周迴十餘里北瞰大江有石磯高廣百尺名曰南巖南巖之下有箭潭其深不測辰州府志勝入卷之十五 三

相傳馬援投矢于潭故名○虎溪在城西二里形若虎踞斷崖流水嚙而成溪向稱陡絕其上有燕子崖石穴如屋土人貿易皆聚于此又三里爲光明山一名龍門有丹砂井夜半光明燭天其下有龍爪崖亦以形似而名○怡客山在城東南峯巒奇秀晴日橫空紫翠重疊足供騷人韻士之賞天寧山北泉山俱在城東北有普安報恩二寺基○七盤嶺在城東南四十里翠嶺當道過者艱之又十里有白霧洞深五里許石崖生成多神仙龍虎之像又四十里有柘溪洞山勢連空懸崖壁立其

有風雨雪石穴凡三前有石池方正澄淨龍蟠其中遇早祈禱水沸即雨相連有山生物如蹲臨人採食之不餓名芋山者此也○志云支鼎石在城東有三峰高數十丈占語云夸父與日爭至此煮食此其支鼎石也○百曳灘在城東十里俗呼漢武威將軍劉尚征蠻時江流湍急以百夫曳之尚不能進故名又十里為高湧灘又十里為九磯灘又十里為橫石灘皆水路之險疾者又三十里為蒸魚澗注水經云沅水又東與諸魚溪水合水北出諸魚山與澧陽分嶺南流入沅即此水也

辰州府志勝一卷之一五

四

盧溪縣在府西六十里

盧溪在縣西二百五十里唐武德初置縣梁曾置盧州于此王昌齡筌篲引云盧溪縣南夜泊舟夜聞兩岸羌笛謳○武溪在縣西百三十里樂府云馬援門生善吹笛拔作歌以和之名曰武陵深其曲云滔滔武溪一何深鳥飛不渡獸不能臨嗟哉武溪多毒淫即此地也○熊溪在縣西三十里水經注曰熊溪南帶移山山本在水北夕中風雨旦而山移水南故名移山又有住山與移山相對言彼山長住故也○五溪詳郡下漢書南蠻傳云昔

帝辛氏有大戎之寇帝患其侵暴而征伐不克乃訪天下有能得大戎之將吳將軍者賜金千鎰邑萬家又妻以少女有畜狗其毛五采名曰槃瓠下令之後槃瓠忽銜人頭至闕下怪而診之乃吳將軍首也帝大喜但謂槃瓠不可妻之以女又無封爵之道議欲報之而未知所宜女聞以為皇帝下令不可違信因請行帝不得已以女配之瓠得女負而走入南山石室中險絕人跡不至經三年生六男六女槃瓠死後因自為夫妻好着色衣服製裁皆有尾其母後歸以狀白帝於是使迎諸子衣

辰州府志勝一卷之十五

五

裳斑斕言語侏儻好入山壑不樂平曠帝順其意賜以名山廣澤其後炫蔓號曰蠻夷今長沙武陵蠻是也唐章懷太子注漢書云五溪在今之辰州盧溪縣杜子美詩五溪衣服共雲山○志云溪舟山在鎮溪千戶所東北山形橫聳如舟下有巖洞出水成溪故名○崇山在所西六十里蜿蜒高峻山頂瀑布聲聞如雷書云放驩咒于崇山即此○鎮溪去縣治西二百五十里合盧水

辰溪縣在府西南二十里

辰溪陽縣地建武中宋均曾為辰陽長隋分置辰

溪路經云夕宿辰陽者也按辰溪爲五溪之一
出三嵎山流入沅水詳沅陵下縣東二十里有系
溪縣南四十里有高溪及龍門澗水皆注之合流
入大江江水中木洲洲頂下有大石自江心突
出形若小山雖歷汪洋永無瀾患洵可居之地也
後改名爲中洲○志云時任山在縣東三里昔傳
諸葛武侯駐師于此○大酉山在縣南十里自銅
仁萬山來至常縣西向結爲大山山下有洞名大
酉洞深廣二里石筍倒垂泉若雷轟奇形怪狀莫
可名悉人傳昔產丹砂自洞水流山廣記云第二
辰州府志勝不卷之十五

六

十六洞天穴生雲母崖滴丹砂卽此地也○熊頭
山在治北四十里其峰突出宛如熊首故名其下
有五城山昔楚莊王遣將莊蹻定黔中因山造城
今尚有遺跡○房連山在縣西四十里連峰接岫
狀如房屋故名○五硯山在縣南七十里五峰相
峙桀竦雲霄○仙靈山在縣東南百二十里石壁
巉巖景深絕舊傳神仙所居○城塚記云劉向
城在縣東南五里後漢建武中築○靈州城巫陽
城俱在縣北巫陽卽漢之潯陽也○建昌縣在縣
西北梁析辰陽置者至陳時廢○善養子墓在縣

南九峰嶺上善卷隱大酉山卒葬于此宋政和間
詔封堊立祠賜額遜世高蹈先生○薛綱辰溪卽
事詩云竹簾見色足選暇控制西來據上游隔岸
峰巒如削玉傍溪樓閣似聯舟蠻雲結暝長爲雨
沅芷浮香不斷流縈飆遺風無復見衣冠文物等
中州

溆浦縣在府南二
百七十里

志云大溆山在縣西三十里溆水出焉楚詞入溆
浦余遛迴兮迷不知吾之所如王昌齡詩溆浦潭
陽隔楚山卽此地也本漢義陵縣地隋省入辰溪
辰州府志勝不卷之十五

七

唐武德初析置○汪水經曰沅水又東與序溪合
水出義陵縣鄧梁山西北流逕義陵縣王莽之建
平縣也其城蜀漢諸葛亮率諸蠻所築序與溆通
元和郡縣志載紫溪山巍峩山華蓋山俱在縣境
華蓋一名桃花山山多桃樹今呼桃花園○黑巖
洞在縣東龍池洞在縣西各去十里○紅旗洞在
縣東二十里湖南馬希範收武陵蠻至此見洞中
隱隱有紅旗遂屯兵于上又四十里爲明月洞洞
在巖頂穴水一泓其狀如月故名○楠木洞在縣
北二十里石壁峭立梯竹以登劃見天碧可納日

月光景行未半有泓水益純云潭中多怪石楠木羅洞門因名下瞰流水名無盡溪○坤元錄云無時山在縣西北三百五十里此山之下蠻俗當吉慶時親族會集歌舞於此○輿地紀勝云車靈故城在縣南一里靈則吳之叛臣入激溪以自保後爲吳將鍾離收殺之城址尚存又縣境有景星觀白露隘皆以漢馬援征蠻時遇見故名有新息侯廟卽祀伏波者

沅州在府西二百里管二縣

沅州唐天授年改自巫州者大曆年改爲叙州宋復今名○會要云熙寧間章淳爲常平使者收復

辰州府志勝

卷之十五

沅州夜築城西偏一面比曉而畢東南北三面三日而成東臯雜錄載子厚奉詔城沅州時陶弼知辰州贈以詩云善戰無如新息侯漢兵纔渡綠蘿州愛君挽我陶溪粟直到犒犒水口頭今有伏波祠在鎮江寨與犒犒水相直卽此處也○輿地記云鎮江寨本唐之龍標縣貞觀八年以縣爲巫州熙寧收復置寨元豐三年廢今爲鎮江舖○巫州以澧水而名漢之澧陽縣也巫無澧舞澧一水五名聲之變耳上自鎮遠下流入沅水而接犒犒又

爲九溪之一郡國志云九溪之中昔所謂雄溪江者與巫溪合流入沅州南十里有楊溪水注之水源出三遠或流至不動枉付入澧水○龍標故城在州南五十里梁置龍標縣于此唐改標爲柵李白寄王昌齡詩楊花落盡子規啼聞道龍標過五溪我寄愁心與明月隨風直到夜郎西○郡國志云龍標武陽山有人每土人聚卽來入衆莫能辨脚趾向後而踵向前以刀斧斫之不死唯以杉木爲刀擬之卽去○九域志云龍門溪在鎮江寨水經注所稱獨母水南出龍門入辰陽卽此水也又

辰州府志勝

卷之十五

有屏溪鳥溪浮連溪石馬溪俱在舊盧陽縣界國初以盧陽省入州○有芙蓉溪唐設芙蓉縣旋廢溪水自湖南來多芙蓉樹故名又有鑿字溪宋元豐癸亥通道于廣西溪旁得古碑乃唐久視中遣將王思齊率甲兵征蠻過此隔礙山險負舟而濟刻石以記歲月夷人目爲鑿字溪○雲谷雜記云沅州道間有古驛曰幽蘭舖有徐秘者書辭於其壁云秋欲暮路入亂山溪處撲面西風吹霧雨驛亭欣暫駐可惜國香風度空谷寂寥誰傾作竹枝傳楚女客愁推不去秘字公飾不知何許人也

○寰宇記云九疊山在盧陽縣南山勢盤糾九峰相吹每遇天晴月朗峰巒爭翠儼若畫圖又有花山出花石青亦相映如繡亦謂之繡崖又有竹山山多大竹故名又有名山木多杉枹獸多熊貓尤爲險峻也○碑目云精果寺在羅城內有晉天福鐘及所豎碑○昭靈廟卽三閭大夫也在盧陽故縣儀門內○潛靈廟在白龍潭側祀漢田疆疆初爲五溪酋長威信素著王莽欲招來之錫以銅印疆義不屈有子千皆雄勇自保曰吾等漢臣誓不事二姓乃以三子將五萬人下屯沅東各築一城

辰州府志勝八卷之十五 十

烽火相應以拒莽舊傳潭內白龍卽其第三子宋錫廟額○昭烈廟在城西祀五代時滑臺張氏也宋政和初潘宗巖反攻城望見軍馬出城神鬼狀於是駭散其後黃俊叛及曹成攻城城不失守皆神之力量封八字王廟號昭烈○明山廟在城北六里章子厚以兵事禱之得吉卜而蠻人田元猛果降

黔陽縣 在州東南八十里

縣治記云唐天寶初置黔江縣宋熙寧間易今名杜甫送王十五判官扶侍還黔中詩大家東征逐

子區風生洲渚錦帆開青青竹筍迎船出白白江魚人饌來離別不堪無限意艱危須仗濟時才黔陽信使應稀少莫厭頻頻勸酒盃○黔江源出牂牁經縣前城南里許有赤寶山山勢插空口出霞映如錦黔水經其下爲沅靖二江合流處楚黃欲黔陽人號春申君○龍標山在縣東其山翠崔嵬聳如標梁置龍標縣以此又二里爲虎頭山山勢昂踞如虎故名○蟠龍山在城南二里又三里有龍潭廣數十丈傍多怪石深沈莫測明大學士夏言龍潭歌云黔陽江水深無極有潭十二龍爲宅

辰州府志勝八卷之十五 十一

雲氣朝含海樹紅珠光夜照潭巖白潭上草堂青竹迷沅湘東接武陵溪何年訪藥桃源洞共爾花間听接籬○石印潭在城北潭深莫測有方石浮水面如印又十里爲紫霄山巖谷中常有紫氣騰霄故名○白雲山在城東六十里高二十里時有白雲環遶其上俗名白梁界西涼卽此宋洪珠詩云雲生萬頃路崎斜風動山簷處處花何許打歌諠笑語數村茆屋轉山家○鈎崖山在城北七十里削壁懸崖倒垂如鈎險絕之地○赤竹山在縣東有四十里岡巒盤糾叢生赤竹故名○羅公山

在縣東南百六十里周廻五百里絕頂有池廣
十里昔有羅姓隱此山得道術因以羅得名有水
出焉名曰穩和溪○紀勝云朗溪故城在縣南漢
鐔城縣地晉安帝省唐貞觀年析龍標縣置在朗
溪之側因以爲名○馬王城在縣東湖南馬氏征
蠻時築○諸葛古城有二一在城南四十里臥龍
巖側巖內有洞廣數十步深五里石壁流泉相傳
爲武侯遊憩處一在城東九十里安江寨○向崇
班廟崇班名真廟在安江寨熙寧六年蠻賊舒光
貴反虜真真激憤罵賊遂爲所害察防提舉章子
辰州府志勝入卷之十五

麻陽縣在州北百三十里

元和志云陳天嘉三年於麻溪口置戍唐垂拱四
年置龍門縣尋改麻陽○錦水在縣西三里自錦
州發源流邑前下接龍門入辰水有石龍蠻村白
旗等溪水注之○縣東門有錦水渡路通辰沅其

上爲測山唐宋時名東山上有東山寺○西見山
在縣南二十里峰巒秀麗聳列如屏其傍有屏迷
山昔傳屏出其上爲人所獲故名苞茅山在縣東
六十里上有三春茅可以縮酒卽春秋入貢之茅
也其地有浮石山巖峙江濱高數十丈江漲若浮
建有馬伏波祠又五十里爲石梯山峰巒石磴層
巒如梯故名○嚴門山在縣東北五十里山路崖
石舊有巡簡司○都督山在縣北九十里唐時都
督鎮溪苗駐兵于此今設有鎮軍叅將與縣同
以控制苗蠻之號

辰州府志勝入卷之十五

常德府在省城西南領縣四

元和郡縣志云今州漢武陵郡也三國時初屬蜀後屬吳按通鑑建安二十四年蜀關羽敗于麥陵吳孫權遣太常潘濬攻武陵斬部從事樊仙遂平其地卽此時也晉書潘京武陵漢壽人辟主簿太守問曰貴郡何以名武陵京曰本名義陵其地與夷僚相接後漢光武移之東山遂得完其議易號傳曰止戈爲武高平曰陵於是名焉○南北朝梁湘東王承制割武陵郡置武州隋文帝平陳改爲朗州唐及五代因之宋祥符初避諱改爲鼎州乾道元年以孝宗潛邸陞常德府蓋自五代梁開平中爲湖南馬氏所據設武順軍後唐曰武平軍宋政和曰常德軍攷詩序云有常德以立武事此命名相因之意也○按武陵溪在城西三十里詳武山下朗水在城西南自辰錦州入郡界經城南入大江謂之朗江漢書何邵始封于此鼎口水在府屬龍陽縣東北舊傳有神鼎出其間故名○志云招屈亭在郡南安齊門之右沅水之濱輿地碑目云招屈亭唐龍朔間縣令蔡朝英重修刻石以紀其事每端午日以角黍餉飯揚桴中沅競渡以濟

邦人縱觀劉禹錫武陵競渡曲沅江五月平堤流邑人相將浮彩舟靈均何年歌已矣哀謠振穢從此起風俗如狂重楚時縱觀雲委江之湄曲終人散空愁暮招屈亭前水東注註云競渡始于武陵○宋汪遵招屈亭詩三閭潮處殺懷王感得荆人盡縞裳招屈亭邊兩重恨遠天愁色暮蒼蒼按史記項羽殺義帝武陵人縞素哭于招屈亭高帝問而義之故以義陵名郡郡城乃張若之遺跡元和郡縣志云張若故城在州東四十步史記秦昭王二十七年使白起伐楚仍命張若築城以拒楚師

常德府志勝八卷之一六

二

并統五溪蠻後漢梁松自義陵移郡居張若城是也吳太常潘濬以郡城大而難固又築障城移郡居之距郡二里有司馬錯故城與張若城相對○府治在上南門內相傳楚黃歇客館也城北有短亭卽劉禹錫記所云亭孤其地名地藏其勝者○史記秦伐楚黔中時各築一壘以扼五溪咽喉水經注云武陵有五溪謂雄溪楠溪酉溪無溪辰溪也唐王昌齡武陵太守席送司馬盧溪詩諸侯分楚郡飲餞五溪春山水清暉遠俱憐一逐臣

武陵縣附

東漢武陵郡治故隋以此名縣實漢義陵郡之索
縣後漢之臨沅縣也順帝時置爲漢壽漢壽故城
在治東四十里隋省入武陵武陵城馬援討臨鄉
所築城南有新息侯廟卽以祀伏波者唐守李翱
有准制祭伏波神文○輿地碑目云清陵館碑在
城西西明寺寺後有臺云漢李陵爲臨沅令遊息
于此有古碑漫滅不可讀○劉禹錫武陵書懷略
云西漢開支郡南朝號戚藩四封當列宿百雉俯
清沅茗沚蒼溪秀嶺生枉渚喧沈約臺榭故李衡
墟落存按李衡橘州詳龍陽縣下沈公臺碑在城

常德府志勝

卷之十六

三

西三里光福寺竹林中今猶存有古碑題額六字
云重遊沈公臺記碑字漫滅記謂沈約爲沅南令
按約傳未嘗至沅然亦傳之已久○水經注曰沅
水出牂牁且蘭縣爲旁溝水又東至鐔城縣爲沅
水又東逕無陽縣縣對無水因以氏縣又東南入
沅謂之無口沅水又逕沅陵縣西有武溪源山武
山與酉陽分山水源石上槃瓠之跡猶存武水南
流注于沅沅水又合東溪溪水南出茗山山溪迥
險人獸阻絕溪水北瀉沅川沅水又東歷臨沅縣
西爲明月池白壁灣狀半月清潭鏡澈上則風簾

空傳下則泉響不斷行者莫不擁櫂嬉遊徘徊愛
翫沅水又東歷三石澗鼎足均峙秀若削成其側
茂竹嫋娟致可喜也沅水又東歷小灣謂之枉渚
渚東里許得枉人山山西帶循溪百餘里叢篁委
藻披谷蔭渚長川逕引遠注於沅沅水又東潛水
注之水出漢壽縣西陽山南流折逕其縣南有索
城卽索縣之故城也關駟以爲輿水所出東入沅
而是水又東歷諸湖方南注沅亦曰漸水也○按
志沅水在縣城南發源牂牁至沅長漸大會夷望
大敷桃川沈鼠之溪入武陵川過府下直流而東

常德府志勝

卷之十六

四

至龍陽縣北入洞庭唐孟浩然入武陵川詩武陵
川路狹前棹入花林莫測幽源裏仙家信淺溪水
迴青嶂合雲度綠溪陰坐聽寒猿嘯彌清塵外心
○漸水卽潛水也發源九溪去縣東北十五里會
盤塘柳葉牛溪馬頭諸湖入于沅江○枉渚在城
南亦名蒼溪卽楚詞所云朝發枉渚者水源出縣
東南十五里之枉山以善卷子所居隋開皇間刺
史樊子益國改名善德山山有白龍井枉水所出
劉宋起居注云元嘉中武陵大水枉山崩聳石闕
其高數丈宛若雕刻○武山在城西三十里一名

有西山仙井白雲洞遺跡即張處白醉臥處有巨石水出其下謂之武陵溪即樂溪也石灣環如牛口中有沙堆俗呼爲自然境石脈潛行水中名曰石骨渡江形家以爲武當之天關山○高吾山在武山側一名西山下即武陵溪合沅江處晉時漁父黃道真棄俗居此修道後乘白鹿而去不知所之○鹿山在高吾山後宋元嘉初武陵蠻人射鹿遂入石穴見有梯因登其上豁然開朗桑葉蒿然行人翔翔不似人境乃批樹識其處後再往莫常德府志勝卷之十六 五

知所在○陽山在城北三十里舊經云陽山之女雲夢之神嘗以夏首秋分獻魚錄異記云陽山有異獸前後兩頭常以一頭食一頭望視有梁山祠漢征南將軍梁松廟食于此唐天寶年改名梁山廟前有池其下爲靈泉寺傍有飛泉瀑布觀者志者劉禹錫梁山廟觀賽神詩云漢家都尉舊征蠻且食于今配此山曲蓋幽深蒼檜下洞蕭瑟絕翠屏開荆巫默默傳神語野老婆娑啓醉顏日落風生廟門外幾人連踏竹歌還陽山廟有二碑一爲元和四年董廷撰一爲太和九年刺史劉端夫撰

○風門山在梁山側山有石門每風將起其門先出黑氣若煙霧少頃風自門出黃閔武陵記云天門山上有葱畦龍成行人欲取者先禱山神乃取氣味甚美不然則不可得○明月池在賊中玄妙觀卽沅水所潛出也城東報恩觀有柳映池以楊柳交蔭堤上故名又郡治前有龍池劉宋謝承爲武陵守時有黃龍見于水中因上賀表承卽者後漢書者又郡後堂有白鶴池唐李翱刺史時見賣墨道士以芒鞋一雙投之池中化爲白鶴飛去今構有亭曰白鶴軒○志云秀水河在城西北一里常德府志勝卷之十六 六

俗名便河唐端拱年太守龔穎嘗募秀水斗門四字○潤禾堰在城北唐太守李璣自爲志云自白馬湖入城隍是爲永泰渠北流灌新壕潤禾千有餘頃民疇賴焉因名曰潤禾堰又有石英渠考功堰津石坡皆唐時所開石英渠者本名後鄉渠唐呂溫自起居注舍人來爲刺史加有浚鑿之功邦人因名曰石英渠○考功堰本名樊陂以後漢樊重隱此鑿陂灌田數千頃唐考功員外郎李翱爲守復開廣之遂易今名○津石坡唐聖曆初崔嗣業所開其後李翱溫造俱增築之灌田九百餘頃

○志云丹砂井在城北一百步色赤如絳抱朴子曰余祖鴻臚爲臨沅令云此縣有民家多壽考其後徙去子孫多夭他人居其故宅仍多壽由是驗其井水殊赤乃掘得所埋丹砂數十斛世傳以爲武陵廖氏井云○崔葵井在城西三十里宋時有道士張虎白嘗飲酒姓崔氏不責以償經年無厭問姥所欲答以江水遠不便于汲道士遂捐舍傍隙地堪爲井掘不數尺得泉甘冽異于常水人爭市之家道日豐○萊公泉在城北六十里之甘泉寺宋寇準南遷日題于東楹曰平仲酌泉經此回

常德府志勝入卷之十六

七

望北闕黯然未幾丁謂又過之題于西楹曰謂之酌泉禮佛而去後范諷留詩于寺曰平仲酌泉回北望謂之禮佛向南行煙嵐翠鎖門前路轉使高僧厭寵榮○按方輿勝覽引塵史云甘泉寺壁寇萊公在雷州時題三十字曰庚申年秋九月平仲南行至甘泉院僧以詩板示之征途不暇吟詠代記年月後丁晉公謫朱崖過寺留題云翠影人踈度波光瑟瑟凝帝家金掌露仙署玉壺冰曉井侵星汲宵厨向月澄豈惟蠲渴灌頂助三乘其所載微有不同○志云木瓜山在城東十五里李白

流夜郎經此題云行人正酸楚况指木瓜山山下有木瓜寺元僧妙湛建○又六十里爲放鶴陂梁崔穆于此羅得雙鶴而放之後來街白壁一雙送穆庭中○長坡山在城北二十里其坡特長而秀又十里爲茶山以多產美茶而名○崑山在城北七十里本名獸齒山昔義存祖師與文邃宜鑒二師于此悟道今遺址見存又十里爲藥山唐惟儼禪師所居刺史李翱往謁問如何是道師以手指上下曰雲在天水在餅餠因贈詩云煉得身形如鶴形千株松下兩箇經我來問道無餘說雲在青

常德府志勝入卷之十六

八

天水在瓶其下有文殊寺舊有雙松亭黃魯直見諸題詠又十里爲龍巖山中有石橋崖壁嵌空白乳如筍行可五里至其穴冷然不可俯視○三雅洞在城西武陵記云有人鑿池得三銅器其下有銘曰伯雅仲雅季雅蓋漢末有劉氏所製酒器伯雅受一斗仲雅七升季雅五升○龍門洞在城西北六十里有石巖中通一門門外有橋其中深邃約二里餘下有龍潭○寰宇記云淳于山在武陵縣與辰州界絕壑之半有一白雉遠望首尾可長二丈伸足翔翼若虛中翻飛卽上視之乃一石雉

舒翹綴着石上山下有石室數畝望室裏雖閭猶見銅鐘高丈餘數十枚其色甚光明○塚廟記云楚黃坎它在城內開元寺西有黃耿家卽封春申君者○晉伍安貧別墅在縣東北九十里堂下有學書池色微黑齊高章王守郡遂啓武帝建爲崇雅寺寺傍有伍氏墓○晉徵仕龔玄墓在縣南太元中車武子書銘○馮翊王廟唐雷滿之神也中和元年爲朗州兵馬留後光化元年爲武正軍節度使後卒今宜陽鄉有墓滿據有此土凡二十一年○宋編修丁易東墓在城東三里黃龍坡易東

常德府志勝不卷之十六

九

龍陽人宋祥將淪屢徵不起築石壇精舍教授生徒捐已田千二百畝以贍之著周易傳疏詠梅花百律事聞于朝授以山長賜額沅陽書院○碑目載開元寺引武陵記云梁普通中沅水大溢巨木長十餘丈流泊于此夜光明數里郡人丁提因拾宅爲寺錫號寶應唐開元中改今名而寺之子院凡四十今存者十餘○玄妙觀在城西一里初名龍興宋祥符間改今額王昌齡龍興黃道士房間易因題詩云齋心問易太陽宮八卦真形一氣中仙老言餘鶴飛去玉清壇上雨濛濛○天王院碑

宋建隆初丞相范質書○天慶觀碑白雲先生常師後集柳公權書

桃源縣

在府西八十里

東漢沅南縣隋省入武陵宋乾德初析置桃源縣以桃源洞爲名從轉運使張永錫所請也○水經注云沅南縣後漢建武時置縣在沅水之陰因以沅南爲名縣西有夷卓山孤竦中流浮嶮四絕昔有蠻人避寇居之故謂之夷望也南有夷望溪水南出重山遠注沅水沅水又東得關下山東帶關溪瀉注沅濱按志望夷溪在縣南五十里卽五溪

常德府志勝不卷之十六

十

水所出延溪之上流也延溪去縣東五里寰宇記云延陵有柘樹枝條暢茂鳥集其上枝垂及地鳥去枝折辟鳥號嘯不已人取其枝爲弓名曰鳥號○綠蘿溪出縣南十五里綠蘿山下道書第四十二福地袁弘道記略云江上望綠蘿山如削成頽嵐峭綠疑將壓焉從此一帶山皆飛舞生動映江而出水縉綠見底至白馬江山益夾水益束雲奔石怒一江皆飛沫是爲浪光之天山南卽避秦處所謂桃花源也○中郎題桃源縣詩僻處雲常至開來鳥亦隨仙人成邑里煙水作城池山有容空

也溪無不怒時偶然嵐翠起一絲絲離離望綠蘿
山有懷江進之詩好在青谿曲巖花石乳新空間
流水引不見綠蘿人明月曾曾岫浮生面面塵十
年求道侶能不憶仙隣入桃花源詩溪雨濯雲根
花林水氣溫睡鷺常守月仙犬欲遮門綠壁紅霞
宅丹砂石髓村人中幾甲子洞裏一黃昏○圖經
云桃源山在縣南二十里山下有桃川宮西南一
里卽桃源洞云是昔秦人避亂之地有洞如門巨
石屏蔽靈跡猶存水自洞中流出涓涓不絕陶潛
桃花源記云晉太元中武陵人捕魚爲業沿溪行

常德府志勝

卷之十六

十一

忽逢桃花夾岸芳華鮮美落英繽紛漁人異之前
行盡水源便得一山有小口捨舟從口入豁然開
朗屋舍儼然有良田美池桑竹之屬男女衣着悉
如外人黃髮垂髫見漁人驚問還家作酒殺鷄作
食自云先世避秦時亂來此問今是何世乃不知
有漢無論魏晉停數日辭去既去得其船便扶向
路處處識之及郡下請太守說如此太守卽遣人
隨其往迷不復得路後遂無問津者梁伍安貧武
陵記云晉太康中武陵漁人黃道真汎舟自沅泝
流而人道真旣出自太守劉歆遣人俱往則已迷

路與陶記略同李白尋桃源序小引漁者花藏
溪春風不知從來落英何許流出三十六洞別爲
一天門○淵明詩云歲氏亂天紀賢者避其世黃
綺之商山伊人亦云逝在跡寢復潭來區遂蕪廢
相命肆農耕日人從所憩桑竹垂餘蔭黍稷隨時
藝春蠶收長絲秋熟靡王稅荒路曖交通鷄犬互
鳴吹俎豆猶古法衣裳無新製童孺縱行歌斑白
觀遊詣草榮識節和木衰知風厲雖無紀曆誌四
時自成歲怡然有餘樂於何勞智慧奇蹤隱五百
一朝敞神界淳樸既異源旋復還幽秘借問游方

常德府志勝

卷之十六

十一

上馬洲塵蹄外願言躡輕風高舉尋吾契唐王維
桃源行漁舟逐水愛山春兩岸桃花夾去津坐看
紅樹不知遠行盡清溪忽值人山口潛行始隈隩
山間曠望旋平陸遙看一處橫雲樹近入千家散
花竹樵客初傳漢姓名居人未改秦衣服居人共
住武陵源還從物外起田園月明松下房櫺靜日
出雲中鷄犬喧驚問俗客爭來集競引還家問都
邑平時閭巷稀花間薄暮漁樵乘水入初因避地
去人間及至成仙遂不還峽裏誰知有人事世上
遙望空雲山不礙靈境難聞見塵心未盡思鄉縣

山洞無論隔山水辭家終擬長遊行自謂經過舊
不迷安知峰壑今來變當時只記入山溪青溪幾
度到雲林春來遍是桃花水不辨仙源何處尋其
他劉禹錫韓退之而下俱有述和不具載○紀勝
云桃源洞中有石花盆香草皆天生成又有人跡
壇在桃源宮卽唐大曆間翟相庭上昇處○桃源
洞西五里烏頭村有溪相傳卽晉黃道真釣魚處
道真見桃花流出拾舟入洞得聞神仙秘訣後人
因目其處曰聞山○縣西有白龍白馬二洞白龍
洞中有石湧出奇怪如神物之狀白馬洞卽白馬
常德府志勝不卷之十六 古
浪光之天道書洞天第三十五○縣北有靈巖方
山二洞靈巖在蘇溪村山下有五洞相通洞中有
小河拜龍潭水清澈可鑒石壁上有天然大士像
成化間昇而取之今其處復長前像洞前積沙中
有斷碑載離縣七十里又十里爲方山洞洞在山
頂有石乳水簾之勝○志云欽山在縣南六十里
山如屏壁其下有二石屋可坐數十人傍有余仙
寺又四十里夷望溪口有水西巖高聳雲霄特多
仙跡○九山在縣西百二十里敷溪之上九溪水
出焉○穿石山在縣西南百二十里下有大寶東

西洞達行人往來止息其中相傳馬援穿以避暑
春夏水溢江水自中流過又八十里卽壺頭山與
辰州界漢書云山與東海方壺相似故名伏波軍
渡處有松梁山山石開數十丈名曰天門援戰壺
頭不利卽此山也有燕子巖連壺頭山下有溪峽
冬時蟄燕于此故名○善溪在縣北八十里源出
蘇溪下入沅水舊傳以善卷所遊而名又二十里
卽蘇溪也流經花巖白陽呂真諸港入大江又二
十里爲黃石溪源出香山村流入蘇溪以注沅水
○城塚記云采菱城在縣東北二十五里其湖產
菱肉厚味甘楚平王嘗采之有采菱亭○蟠桃巷
在郭內宋祥符中邑人開墓見土龕光色照耀得
大菓九枚莫識其名引漢武內傳及博物志皆以
爲蟠桃云
龍陽縣 在府東南
八十里
志云龍陽山在縣南九十里舊名橫山唐天寶中
改今名復以名縣攷三國志吳分漢壽置龍陽注
水經曰沅水又東逕龍陽縣北城側沅瀆沅水又
東合壽溪溪口有木連理根各一岸而凌空交合
其上承諸湖下注沅川亦謂之漸水也水所入之

處謂之鼎口沅水又東歷龍陽之汎洲洲長二十里盛弘之記云李衡字平叔仕吳爲丹陽太守每欲理產業妻習氏不許衡密遣人於武陵龍陽汎洲種橘千株臨終謂其子曰汝母惡吾營家故貧如此吾於汎洲種橘乃千頭木奴不費汝衣食太史公言江陵千株橘其人與千戶侯等益謂此也今洲上民數百家橘不存矣○按漢壽故城因名其溪鼎口乃沅澧二水合處○沅澧多魚在縣北百二十里汎洲有大小堤二小者去縣西二十五里周迴四十丈又十五里爲大汎洲堤周常德府志勝不卷之十六
五
過一千八百六十丈即李衡種橘處○志云寶臺山在縣北十五里前對橘洲後連內堤○軍山在縣東六十里吳治中潘濬討武陵都尉樊仙屯兵于此○金牛山在縣南六十里峰巒秀出下有龍池每金牛見則應太平○良山在縣西南七十里良水出焉滄山在縣西南九十里相連爲浪山滄水出焉合流入江謂之滄浪水楚辭屈原行吟澤畔過漁父而歌滄浪即此水也流至縣東南十里入芷水其地多生杜蘅香芷故名○劉禹錫酌朗州崔員外詩昔日居隣招屈亭楓林橘樹鵲鳴聲一

辭御苑青門路十見蠻江白芷生○寰宇記云蠡湖在縣東三十里以越范蠡遊此故名亦名赤沙湖卽杜詩所云殿脚挿入赤沙湖者相連爲太白洞庭二湖俱跨沅江縣界太白湖去縣東八十里西南會天心湖東北入洞庭山海經云洞庭爲沅澧之交卽此處也○紀勝云郭內靜照寺有小池相傳張顛學書于此名曰墨池劉禹錫龍門縣歌縣門白日無塵土百姓縣前挽魚罾主人引客登大堤小兒縱觀黃犬怒鷗鷺驚飛遶籬落橘柚垂芳映窓戶沙平草綠見吏稀寂歷斜陽照懸鼓
常德府志勝不卷之十六
七
沅江縣在府東南三百三十里
本漢益陽地梁置藥山縣隋改今名○志云沅水在縣西南傍湖分派逆行數十里北會鼎水入洞庭湖○縣南半里有石溪湖縣東一里有赤江湖距二十里有鶴湖縣西半里有西湖距三十里有龍池湖又縣西北四十里有天心湖皆注入洞庭蓋其地多巨浸無丘阜惟東北五十里有赤山其色純赭映入湖水唐天寶間改名蠡山山下有白鶴池相傳昔有道流飛昇化爲白鶴而去碑目云赤山廟碑唐光宅二年立以祀范蠡者○城邑攷

云劉公城在縣西三里漢昭烈嘗略武陵長沙零陵桂陽四郡因築此城城內有烏龍寺寺有臥龍墨池相傳諸葛武侯滌硯于此○故關州在縣東南六十里關羽屯兵之所宋沅江令陳剛在任時土人以銅戟石鏃示之云在此城掘出

靖州直隸湖南領縣四

宋崇寧中改誠州爲靖州 國初洪武三年設靖州府及衛九年改爲州以永平縣省入又十年增置五開衛黎平銅鼓等守禦千戶所及平茶新化二屯○州名渠陽以鄜渠水得名宋元豐中設渠陽縣以此後改永平 國朝嘉靖間守備夏清著有渠陽邊防考其詞甚核清長州衛指揮也夏清曰禹貢九江孔殷今以地里攷之三出于靖何則九水四出湖南而五出湖北出湖南者除瀟湘蒸三江外其四曰資江出武岡軍唐綰山在今綏寧靖州志勝八卷之十七

縣界綏寧舊屬武岡今改隸于靖卽謂資出湖北亦可也其餘出湖北者除漸辰酉三江而沅叙二江皆在靖境敘水出鄜梁山故亦名渠水今自通道縣界來經州城下之水是也沅水出故且蘭縣山東北流二千五百三十里至洞庭卽統志所謂出靖西南蕃界產九肋鼉者乃今會同縣西百里外之清水江也蓋湖北三沅爲宗五溪諸派皆入焉是以別其上游謂之沅口夫沅敘資三水皆古洞庭九江之數而竝發源于靖則其在禹貢導川之內可知矣○靖初爲誠州時已有馬王廟至

元豐間本州奏其神卽是伏波將軍夷人畏信乞加爵號封昭靈王或云廟本湖南馬氏所創蓋馬氏自謂伏波後裔欲以誇示蠻徭彈壓溪洞云爾不知伏波之征五溪也嘗未得踰壺嶺而窺辰酉兗渠陽之境乎○靖城西及平茶屯所俱有諸葛武侯若壘我洪武時江陰侯吳良平蠻記略云此乃武侯南撫之區及後置五開衛仍在廟奉祀焉錫山張燈詩曰古壘荒基在相傳諸葛屯至今苗峇裏猶認漢將軍又餘穗常留囷朝糧不宿春相傳武侯戒杵下旋爲饗○溪溪在州南源出城靖州志勝

卷之十七

西三十里古城巖洞穴濶廣可六七里其水流出達于渠河○零溪在州北又北有瑤碧溪俗訛爲李白溪以太白流夜郎時經此因爲立太白祠堂于溪側○城南有侍郎山魏華父鶴山書院記云寓館之東曰純福坡五老峰在其左飛山屬其右而侍郎山疑立其前是也了翁又有詩曰風引征衣墮古城手披荊棘上前京侍郎山下尋仙李柱史亭前訪老程按宋史侍講程敦厚言事忤秦檜了翁忤史彌遠皆謫靖州○飛山在州西北十五里此山視諸山爲最高突出雙峰四面斗絕其上

平廣夷人保險之所宋大觀初置飛山寨於此○寶溪山在州東北十五里山下有溪多產金寶故名○青羅山九疊山各在州南二十里山勢盤紆九峰相次故名○州東有故楊氏城在今灘頭卽元豐間改渠陽軍者崇寧初舒亶選純福坡地建新城募民之願徙者隨軍進築改爲靖州此今州衛城之始也魏了翁詩緣山跨谷三甲城架竹編扉百家聚蓋道其實云

會同縣

在州東北一百里

靖州志勝

卷之十七

宋崇寧間置三江縣尋改今名舊狼江寨地也狼江亦名郎江在縣西南百五十里與縣東之雄溪冰縣南之清陂湖皆注于沅雄溪卽九溪之一九溪中雄爲最大故名清陂湖周廻十餘里湖中有大石十餘所可坐遊讌多集于此○白杜山在縣東五十里其色純白望如積雪○旺溪山在縣西百六十里四山相照十餘里內產金寶光明燭溪故名

通道縣

在州南一百里

唐恭水縣宋崇寧始改今名按通道者以廣西所由之路也○紀勝云芙蓉江在縣治南多星江在

縣治西有津渡○福湖山鑿字溪皆入廣者

綏寧縣 在州東百十里

宋初置時竹縣尋廢崇寧中更置易今名○志云天塘嶺在縣西三十里○藍溪山在縣北五十里舊蒲嶺在縣東六十里又六十里爲風門山○五虎潭在佛子嶺下潭傍五石相對如虎故名○蓮荷壇在縣境唐乾元初道士申泰芝于此嶺上築壇三級奏上帝勅斷徭賦賜號安國太師

天柱縣 新設

萬曆間有天柱所吏目朱衣者善撫夷人諸峒內附乃以其所地置縣仍割綏寧會同之境以益之陞朱衣爲其縣令數年安輯加通判同知銜乃告休去

四川總叙

禹貢華陽黑水惟梁州華陽者在華山之南也山南曰陽華山屬雍州境古者封域合梁州雍是矣黑水出故漳臘潘州界今屬夷地是爲岷江之始水自汶山下過猶河水之達崑崙也又一派入滇而出金沙江流入馬湖江會與汶水合今之叙瀘界瀘即黑也諸葛亮表云五月渡瀘出師以征西南所必經也說文川者穿也水穿地中故曰川岷江一水也瀘一水也雒一水也渝一水也雒中水也先王入蜀至江陽遡雒至涪城而取劉璋今四川總叙 卷之一

之綿州是也雒水縣金堂出內江與外水合外水卽汶水也渝巴水也源出巴山流達巴州曲折如巴字亦名字水由遂合以至渝州共委耳巴縣設焉古巴子都也蜀江之水非一而岷瀘雒巴爲四大川也四川之名所由助與然蜀自蠶叢魚鼈而下不通中國者千有餘載至其蜀相攻求救于秦秦救其滅蜀遂滅巴因置郡縣之故巴渝人實佐漢高而定三秦也高帝卽位乃有廣漢之號武帝元鼎二年始置益州部刺史察舉巴蜀廣漢犍爲犍柯越犍等部而不常所治東漢益州刺史始犍

沿維縣即今之漢州也唐貞觀初置劍南道爲西川至貞元歲增置東川府於梓州於是稱兩川焉故北宋亦分西川爲東西兩路也南渡後始分益梓利夔四路安撫司俱以守臣兼領即今之四川矣但益在川西夔在川東利梓俱在川北而川南似獨闕焉蓋古者以犍爲屬廣漢故也乃又置提點刑獄司於嘉定重慶潼川三府嘉定則川南也重慶則上川東與川南相接壤者也潼川即梓州又川西北之門戶也豈不犁然具哉

國朝置四川等處承宣布政使司又置提刑按察司固相沿元行者中書併廉訪道司俱治成都之制而川西道管成都龍安二府兵道一駐松潘一駐茂州爲威茂道一駐綿州爲安綿道焉川北道管保寧順慶二府前代之開府於潼川者今惟一州守任之蓋其地介於保順二府之間雖衝而實內也川東川南以地方寥邈各盡爲上下二道上

川東駐劄重慶則管重慶一府下川東駐劄達州管夔州一府而守道駐劄涪州管重慶二府下川南管叙馬瀘守道駐叙州府巡道駐瀘州上川南管嘉眉邛雅四州守道駐嘉定巡道駐邛州而建

昌一鎮鼎設一兵道駐劄建昌衛行都司實左右之控制鹽井會川寧番越僑弁建昌等六衛焉凡川稱爲兩者東西兩川是也稱爲四者益梓利夔四路是也又有稱三川者三川戰國韓地河洛伊也在今中州之河南府漢貨俎傳所云三川鼎峙者也蜀可以稱三巴不可以稱三川明矣余故爲之辯析云

四川總叙

卷之一

三

四川名勝志卷之一

閩中曹學佺能始著

川西道

成都府

管六州二十五縣

帝王世紀云周太王從梁山止于岐下一年成邑二年成都蜀本梁山之域毛詩奕奕梁山維禹甸之尋江源記云梁山首跨劒閣而尾入江是矣故秦置縣曰成都焉漢武帝時始置益州風俗通云益者阨也以其地險阨而益廣也唐玄宗西幸始改成都府陞號南京以地當長安之南矣其時長

四川名勝志

卷之一

蜀西

史實稱尹而知府則起于王蜀武成云○昔者州郡之稱猶今之道府也州曰庸部郡曰纂江則在王莽時州曰司隸郡曰成都則在公孫述時益州置牧蜀郡置守則在先主時刺史治太城太守治少城則在東晉時矣

成都縣

附郭

釋同郡史記秦惠王二十七年張儀滅蜀始置成都縣華陽國志曰縣有十二鄉五部尉後乃割置

華陽縣

附郭

唐初為蜀縣析成都置者乾元中始易今名禹貢

華陽黑水惟梁州梁疆梁也西方金氣疆梁之義

周有天下併梁于雍二州並以華山為主蜀之有

華陽猶雍之有華陰也○按蜀之先鋒叢魚鳧以

至望帝或治渠江或治嬰上或治郫邑更徙靡常

後傳位于其相開明又九世始為開明尚開明尚

自夢郭移乃徙治成都楊雄蜀本紀云蜀王據有

巴蜀之地本治廣都樊鄉徙居成都者也巴與蜀

響求收于秦秦惠王二十七年遣張儀司馬錯等

滅蜀遂置蜀郡儀築成都以象咸陽修整里閭市

四川名勝志

卷之一

二

蜀西

張列肆規制廣備故左思蜀都賦云金城石郭兼匝中區既麗且崇寔號成都矣其城東接巴楚西奄峨嵋地稱天府原曰華陽漢武帝元朔二年以新啓犍為犍柯越犍三郡疆壤益廣始稱益州王莽篡盜改天下郡守為卒正又改蜀郡為渠江遷公孫述為導江卒正治臨邛後據成都稱帝具置百官造十層赤樓東觀漢記曰公孫述造十層赤樓也于是改益州為司隸蜀郡為成都尹矣建武光復二百餘載迄于孝靈王室多故劉焉求益州牧以避世難始治綿竹後徙成都先主代劉璋而

有之卽位于武擔之南與畧曰玄德于是起館舍
築亭障從成都至白水關四百有餘區後王建興
二年以丞相亮開府領益州牧亮卒拜尚書令蔣
琬爲大將軍領益州刺史蜀亡晉太康初乃屬王
國號曰成都內史宋嘉之難沒于夷獫成都記云
府治北三里許有李特所築赤塗城十六國春秋
曰李雄定成都以嚴檉爲蜀郡太守及卽位遷檉
益州刺史是矣桓溫西伐李勢出降劉義慶世說
云宣武平蜀集恭僚置酒于李勢殿巴蜀縉紳莫
不來萃桓旣素有雄情爽氣加爾日音調英發敘

四川名勝志

卷之一

三

蜀西

古今成敗由人存亡繫才其狀磊落一坐歎賞焉
永和之際周撫爲蜀郡太守四十餘年境土粗安
王逸少與周益州書云省足下別疏具彼土山川
諸奇揚雄蜀都左太坤三都殊爲不備悉彼故爲
多奇益令其遊日意足也可得果當告卿求迎少
人足耳至時示意遲此期真以日爲歲但言此心
已馳于彼矣梁武陵王始封入蜀元帝與之書云
蜀中斗絕易動難安弟可鎮之吾自當滅賊又別
紙云地擬孫劉各安境界情深魯衛書信常通良
所託重也蕭紀反戈東下以地降于西魏再折入

周至隋文皇始定之封其子秀作鎮于茲營修宮
室成都記曰隋蜀王秀嘗造一殿飛鳥不止其上
此其凡耳後竟被徵唐初開國太宗以秦王建益
州臺遙領之而已貞觀十年分成都縣之東偏置
蜀縣在郭下明皇西幸注蹕成都始改蜀縣爲華
陽而成都華陽二縣從此分矣○按今成華二縣
與蜀郡護衛尺籍繡錯不能細爲分析大較西門
者屬成都東門者屬華陽而南北二門成都有三
分之二華陽居其一焉予觀揚子雲荅劉子駿書
有少時所作成都城四隅銘則今之東西南北四

四川名勝志

卷之一

四

蜀西

門頗爲近古西門者古之宣明門也南門者古之
江橋門也東門古陽城門北門古咸陽門也李膺
益州記云最東曰陽城門次西曰宣明門蜀時張
儀樓卽宣明門樓也重閣複道跨陽城門故太坤
賦云結陽城之延閣飛觀榭乎雲中矣江橋者大
江水所經也稍西爲市橋曰市橋門以漢舊州市
在此橋南橋下卽石犀所潛淵亦曰石牛門故曰
少城南面有三門焉咸陽門者秦惠王二十五年
蜀侯惲賜封其子綰爲蜀侯初蜀人葬惲郭外
綰聞惲無罪乃使使迎喪入葬之郭內喪車至城

北門忽陷入地中蜀人因名北門口咸陽門矣○
成都縣志亦里街秦守張若健八步城內少城
者子城也惟西南北三壁東即太城之西牆故蜀
都賦云亞以少城接于其西矣周地圖記云初張
儀築城城屢壞不能立忽有大龜出于江周行旋
走巫口依龜行處築之城乃得立所掘處成大池
龜乃伏于中龜每出則州境有賊刺史或病卽此
城也漢元鼎二年太城立九門少城立九門故有
十八郭之稱而郡縣多城觀矣○太城者今南門
城也李石詩序云張儀司馬錯所築太城自秦惠
四川名勝志卷之一
五
公乙巳歲至紹興壬午一千四百七十八年雖額
地所存如斷壁峭立亦學舍一奇觀云學舍在南
則太城可知矣○少城者西南之間今之錦江樓
也古今集記錦樓在龜城上前臨大江下瞰井邑
西眺雪嶺東望長松白敏中嘗賦詩于其上舊記
謂路巖所建非也嚴在敏中之後矣范成大詩註
云少城張儀所築子城也土甚堅橫木皆朽有穿
眼土相着不解散予按王右軍法帖往在都見諸
葛顯曾見問蜀中事云成都城門屋樓觀皆是秦
時司馬錯所修今人遠想慨然具示爲廣異聞○

華陽國志張儀張若城成都周迴十二里高七尺
造作下倉上皆有屋而置樓觀射蘭又營廣府舍
置鹽鐵市官弁長丞皆與咸陽同制更于夷里橋
南立錦官錦官者猶今浦之有珠官也西又有車
官城其城東西南北皆有軍營壘城焉按此皆從
西南隅論耳蜀漢昭烈卽位于武擔之南當在城
之正中今蜀藩是也隋之摩訶池僞蜀之宣華苑
皆在其內昔諸葛武侯以丞相開府領益州牧故
晉益州刺史治太城其制因之亦唐節度使宋制
置使所稱建牙交戟地矣蜀太守治少城故昔之
四川名勝志卷之一
六
郡治因焉西門直街鼓樓卽宋銅壺閣也陸游記
云閣南直西川門西北距府五十步乃蔣堂知益
州伐江瀆廟材所創吳玠范成大相繼而修張之
爲成都巨觀書于史又吳師孟記云西樓直府寢
之北每春月花時大帥置酒高會參佐于其下五
日復縱民遊觀宴嬉西固以爲歲事然止得造其
廡序而已合此二說則府治爲西門無疑相沿蜀
郡太守之故址也今乃益遜而北蓋不敢與藩邸
抗于是斥北城之地以居故武擔山昔在城外而
今在城內陸務觀有游武擔村落詩可証矣轉運

使今之藩司也銓帑使今之關司也運司昔在城東有玉溪堂卽僞蜀權臣故宅今藩司在城北關司相沿如故若提刑漕使卽今之守巡使者散在諸路是其職居位置皆有不同如此○南門之勝如石室石岸嚴真觀江濱池七星橋昭烈武侯祠其最著者按華陽國志云始文翁立文學精舍講堂作石室在城南永初後堂遇火太守陳留高朕更修立又增造二石室李知幾云西爲文翁精南爲高朕比文翁石室差大皆有石像樂史寰宇記云文翁學堂一名周公禮殿方輿勝覽云前代以

四川名勝志

卷之一

七

歐陽修集古錄以周公禮殿記蔡邕所書也范鎮云其柱鍾會隸書刻其上李知幾十詠詩說會與邵艾同入蜀在咸熙元年甲申距漢獻興平元年甲戌凡七十一年矣會蓋追文翁高君之美而書也趙明誠金石錄跋云右漢周公禮殿記者今成都府學有漢時所建舊屋柱皆正方上狹下闊此記刻在柱上靈帝初平五年立距今益千年矣而字畫完好可讀當時石刻在者往往磨滅此記託于應儲乃與金石爭壽亦異矣記有云甲午年故府梓潼文君曾造更舍二百餘間按華陽國志有

四川名勝志

卷之一

八

文公高公名不衰寰宇記云石室司馬相如教授
于此从者數千人按泰宓引地理志文翁創其教
相如爲之師漢家得士盛于其世矣金石錄云石
室又有左右生題名碑或云江陽寧蜀遂寧晉原
以晉志攷之江陽蜀漢置寧蜀遂寧晉原皆是宣
武平蜀後置范蜀公云西漢時諸生姓名文學祭
酒典學從事各一人司儀主事各一人左生七十
三人右生三十人可攷者僅百許人故集古錄謂
爲晉宋間碑矣王象之輿地碑目云大周總管太
學碑益州刺史齊國公宇文憲立益州州學廟堂
四川名勝志卷之一
九
頌唐神龍二年史肅撰益州館學廟堂記永徽元
年賀公亮撰益州孔子廟堂碑開元中周灝撰唐
明皇追謚孔子冊文宋太平興國五年府尹辛仲
甫立石又云石室贊大曆十年維州刺史鄭藏休
撰殿中侍御史李樞築益州文宣王廟碑會昌五
年裴摭撰趙明誠唐益州學館廟堂記跋云成都
縣令顏有意書撰人題法曹陳王文學太子詹事
待詔弘文館陵州長史而姓名殘缺不可辨集古
錄直以爲有意撰非也碑陰載當時官僚姓名後
人題云此記賀公亮撰未知果否繫年錄云宋高

宗皇帝御書大成殿榜紹興六年賜成都府學從
教授范仲淹所請也成都記云僞蜀孟昶有國其
相母昭裔刻孝經論語爾雅周易尚書周禮毛詩
禮記儀禮左傳凡十經于石其書丹則張德劄楊
鈞張紹文孫逢吉朋吉周德貞也石凡十數盡依
太和舊本歷八年乃成公殺則有宋田元均時刻
古文尚書則堯公武所補也胡元質宗愈作堂以
貯之名石經堂在府學按已上諸刻今皆不存所
存者孔門七十二子像又近時宋木而刻者人
物衣褶左有古意石經禮記有數段在合州賓館
四川名勝志卷之一
十
中李陽休篆書之碑陰吳門范洎見而爲予言之
○石犀寺一名石牛寺華陽國志周顯王之世蜀
王有褒漢之地因獵谷中與秦惠王遇惠王以金
二笥遺蜀王王報以珍玩之物物化爲土惠王怒
群臣賀曰天奉我矣王將得蜀土地惠王喜乃作
石牛五頭朝瀉金其後曰牛便金有養卒百人蜀
人悅之使使請石牛惠王許之乃遣五丁迎石牛
旣不便金怒遣還之乃嘲秦人曰東方牧犢見秦
人笑之曰吾雖牧犢當得蜀也輿地志云鄧艾廟
南有石牛卽秦惠王遺蜀王者水經注西南石牛

門曰市橋吳漢入蜀自廣都今輕騎先行焚之橋下謂之石犀淵李永昔作石犀五頭以厭水精穿石犀渠于南江命之曰犀牛里後轉犀牛二頭在府中一頭在市橋一頭沈之于淵按今寺正殿階左右石蹲處狀若犀然額曰聖壽寺古之龍淵寺也迺晉王穆宅後捨為寺改名龍淵佛殿有水眼如井云與海通高僧傳晉惠特到蜀止金淵精舍是矣隋賜蜀王秀竹園六十頃此地屬焉唐儀鳳二年勅天下七寺建塔立石柱二度僧嘗七百人此其一也會昌中廢至大中元年李回重建募萬里橋南元和聖壽寺額豎此故曰聖壽寺字則倍宗御書也寺有尊勝呪石幢高七尺闊四尺太和寺馬季武行書明嘉靖中掘地得之口唐岑參石犀詩江月初蕩瀟蜀人幾為魚向無爾石犀安得有已居始知李太守伯禹亦不如杜甫石犀行君不見秦時蜀太守刻石立作三犀牛自古雖有厭勝法天生江水向東流蜀人訟誇一千載泛溢不近張儀樓今年灌口損戶口此事或恐為神羞終藉隄防出衆力高擁木石當清秋○益州記曰馬橋東有嚴君平上處土堂高數丈方輿勝覽云

龜城水中出金雁因謂之雁橋也錦里耆舊傳曰嚴君平宅上肆之井猶存今為嚴直觀道後靈驗記云成都上肆支機石即海客携來自天河所得織女今問嚴君平者太尉燉煌公好奇尚異命工人鑄取支機一片欲為器用椎琢之際忽若風簷墜于石側如此者三公知其靈物乃已之至今所刻之跡存焉復今穿掘其下則風雷震驚咫尺昏曉遂不敢犯唐張九齡送姚評事八蜀云蜀嚴化已久沈冥空所思嘗聞賣卜處猶憶下簾時聖傳應經此懷賢億問之歸來說往事歷歷偶心期岑參詩云君平曾賣卜上肆無已久至今杖頭錢時時地上有不知支機石還在人間否鄭世翼君平古井詩嚴半本高尚遠蹈古人風賣卜成都市流名大漢中舊井改人世寒泉久不通年多既罷汲無禽乃遂空如何屬秋氣惟見落雙桐宋呂光弼詩上肆垂簾地依然門徑開沈冥時已往思慕客猶來烏啄虛簷壞孤穿古井摧空餘舊機石歲歲長春苔喻汝礪游嚴真觀見壁上有記古鼎丹砂事因述以詩云古木共幽意長廊亦肅如於焉步逍遙且復散衣裾塵慮輒已空道心頗閑舒不知

度世人去此歲幾徂云何有丹砂尚爾留庭隅支
機亦悠哉誰復訂有無我知此公意慨彼元鼎初
繼之五鳳間斯民斃刀鋸聊欲謝世網歛以道自
娛抱獨理冥會曠懷遺所拘初匪逃世人而世我
自疎含默念斯理起我憂患餘宋京補亡詩云君
不見莊遵賣卜成都市市中仙隱無人值百錢度
日復何求猶有沈冥見文字不因問着牛女星下
世安能知姓名雲中雞犬投家去舊宅寂寞秋蕪
平指機石在年年長藥鼎空留閉黃壤前時發掘
篆籀新明水神丹光泥湊金雁橋邊臺觀存神仙

四川名勝志

卷之一

十三

新

選事涉難論安得先生爲我卜俗骨庶可窺天開
○括地志云江濱祠在成都縣南上四里漢郊祀
志云秦并天下立江水祠于蜀至今歲祀之按廣
雅江神謂之奇相江記云帝女也卒爲江神漢舊
儀云祭四瀆用三牲圭沈有車馬絀蓋以爰之日
觴焉按陸游江濱廟碑云成都自唐有江濱廟其
南臨江及後節度使高駢大城成都廟與江始隔
馮浩設廳記云廟前臨清池有島嶼竹木之勝紅
蓼夏發水碧四照爲一州之觀田况成都遊樂詩
伏日宴江濱祠避暑因遊江濱池此會起于文潞

公也宋祁集江濱池云五月追涼地滄江刺素漣
林煙昏岸日樓影壓池天篠密工迷徑荷欹巧避
船機忘更何事魚鳥亦留連又飛檻枕溪光歡言
客偏觴暫雲銷樹影驟雨發荷香辛口燈臺熟庖
刀鱸縷長蘋風如有意盈缸借浮涼又九月十日
宴江濱亭詩節去歡猶在賓來賞更延悠揚非短
日淒緊乍寒天霽泓元非漲秋花自少妍蟻留新
獻酌蕙纈不殘烟戲鰕衝餘藻游龜避折蓮流芳
真可惜從此遂凋年○華陽國志云蜀江衆多作
橋故蜀立里多以橋爲名西南兩江有七橋直西

四川名勝志

卷之一

十四

新

門郫江中冲治橋西南石牛門曰市橋城南曰江
橋南渡流曰萬里橋西上曰夾里橋上里曰竿橋
從冲治橋西出折曰長昇橋揚雄蜀記云星橋上
應七星泰李水所造按七星橋者一長星橋今名
萬里二員星橋今名安樂三璣星橋今名建昌四
夷星橋今名竿橋五尾星橋今名禪尼六冲星橋
今名永平七曲星橋今名昇仙此李膺所記矣今
南門江洲中有金沙寺其處俗呼爲七星灘也後
漢書世祖謂吳漢曰安軍宜在七橋連星間按史
前將軍漢自廣都乘勝進迫成都與具副劉尚南

四川名勝志卷之一

五

此相望夾江爲管浮橋相對公孫逵使謝豐揚軍
市橋出漢後裴破漢壁馬落水緣馬尾得出入壁
命將夜潛渡江就尚擊豐斬之于是水之陰焉今
正南門外者乃江橋耳水經注云南江橋亦曰安
樂橋在城南二十五步宋孝武以橋爲安樂寺改
名安樂橋十六國春秋李特將起童謠云江頭橋
闕下李成都比門十八子卽此橋也南上爲萬里
橋亦名爲泉橋橋之南有篤泉矣蜀使費祿聘吳
丞相亮祖之歎曰萬里之行始于今日故曰萬里
橋唐岑參萬里橋詩成都與維揚相去萬里地滄
江東流疾帆去如鳥翅楚客過此橋東看盡垂淚
江都陸肱賦云萬里兮蜀郡隋都二橋今地角天
隅東土爲楊西邦曰益架長虹于兩地客思迢迢
浩積水于千秋江流脉脉結構應似途程甚偏飾
丹腹以雖同彼臨淮海度軒車而既易此對銅梁
正用楊益相望事也○寰宇記云惠陵蜀先王陵
也今有祠存號曰惠陵祠周地圖云先王祠在府
西南八里惠陵東七十步齊高帝夢益州有天子
齒簿詔刺史傳單修立而規制卑小至唐相國李
回在鎮更改置守陵戶四時祭祀岑參先王廟詩

四川名勝志卷之一

十六

先主與武侯相逢雲霄際感通君臣分義激魚水
契遺廟空蕭然英靈貫千歲劉夢得詩天下英雄
氣千秋尚凜然勢分三足鼎業復五銖錢得相能
開國生兒不象賢安原蜀故妓來舞魏宮前口碑
目云先王廟碑唐貞元四年蘇端撰又云昭烈廟
有裴中立武侯碑柳公綽書今存又有段尹石爲
題者敲斷陳薦作詩紀之又有臨淮公武元衡碑
楊嗣復祠祭畢觀碑感舊有作寄楊汝士和焉按
元和初元衡鎮蜀中立爲節度推官汝士先亦曾
作文昌堂管也西陽雜俎成都唐平南蠻碑開
元十九年劍南節度副大使張敬忠所立時南蠻
大酋長樂浪州刺史楊盛顛爲邊患明皇遣內常
侍高守信爲南道招慰處置使以討之拔其九城
此事新舊唐書及野史皆不載按碑目以此爲蕭
晉用撰在昭烈廟中口能改齋漫錄蜀先王祠在
成都錦官門外西挾卽武侯祠東挾卽後王祠將
公堂帥蜀以禪不能保有土宇因去之大慈寺有
蜀後主王衍銅像君公堂繼帥毀以錫鐘蜀語曰
任是兩王難當二堂樂史云開衍張飛祠俱在惠
陵左右宋廬陵王立按今昭烈祠左右侍側者後

王北地王祖諸葛丞相亮子瞻及開張兩侯俱
合爲一祠蜀志國降之日誦率其官屬哭于先主
廟以妻子自焚卽此西陽雜俎云近有羣盜發蜀
先主墓入穴見兩人張燈對奕侍衛十餘盜驚俱
拜謝一人顧曰爾欲飲乎乃各飲以一杯兼乞與王
腹帶數條命速出盜至外口已漆矣帶乃巨蛇也
視其穴已如舊成都記云蜀先王祠旁有孫付其
民皆剔髮事晉居而畜妻子自如及李德裕下令
嚴禁乃止○方輿勝覽云武侯廟在府西南二里
今爲乘輝觀孔明表云薄田十頃桑八百株卽此

四川名勝志

卷之一

十七

地孔明初自百姓遇節朔各私祭于道上李雄稱
王始爲廟于少城内桓溫平蜀火少城獨存孔明
廟後封武興王廟至今祠祀不絕寰宇記云諸葛
亮相蜀築堂以集諸儒兼待四方賢士號曰讀書
臺在章城門路西今爲乘輝觀杜光庭錄異記云
成都書堂坊武侯宅南乘輝觀內有古井井有魚
長六七寸往往游于井上水必騰涌相傳其井有
龍唐杜甫詩丞相祠堂何處尋錦官城外柏森森
映階碧草自春色隔葉黃鸝空好音二顧頻煩天
下計兩朝開濟老臣心出師未捷身先歿長使英

雄淚滿襟宋東京詩云君不見孔明書臺遺廟旁
古書不見臺荒涼因龍未起蜀天遠茅廬日自空
南陽赤符光寒白水洞林陵王氣猶能作璋若嬰
兒操虎狼脫去荆州殊不惡十倍奇才安用書此
臺昔時知有無蜀人思君識故處未若江水存兵
圖黃冠所居門弟改祇有坊名今尚在安得臺邊
見古人秋草重生類書帶口古蹟記云宋曹彬建
隆二年爲都監伐蜀謁武侯祠視宇第雄觀頗有
不平謂左右曰孔明雖忠于漢然疲竭蜀之軍民
不能復中原萬一何得爲武當因其頽敗者折去

四川名勝志

卷之一

十八

之祇留其中以祀香火左右皆諫不可俄報中殿
摧塌有石碑出土尺許彬逕視之其刻字宛若新
書題云測吾心腹事惟有宋曹彬讀訖下拜曰公
神人也小子安能窺測哉遂令蜀守新其祠宇爲
文祀之而去按此古昔武侯祠也天社任淵記云
昭烈廟西偏少南又有別廟忠武侯在焉老柏叅
天氣象甚古詩人嘗爲賦之是矣今武侯祠在百
花潭與草堂並列者不知何代增改

四川名勝志卷之一終

四川名勝志卷之二

閬中曹學佺能始著

成都府二

西門之勝有張儀樓石筍街竿橋琴臺浣花溪青羊宮淨衆寺少陵草堂任豫益州記曰諸樓年代既久棟棟非昔惟西門一樓雖有補葺張儀舊跡猶存古今集記云張儀樓高百尺初儀築城雖因神龜然亦順江山之形以城勢稍偏故作樓以定南北李膺記曰成都百尺樓後名爲白菟樓卽此管張載登成都白菟樓詩重城編曲阿飛干起

四川名勝志

卷之二

一

蜀酒

層樓累棟出雲表曉曉臨太虛高軒啓朱扉迴望暢八閩西瞻岷山嶺我似荆巫尊鵲陂地生原隰殖嘉蔬雖遇堯湯世民食恒有餘鬱鬱少城中岌岌百族居街術紛綺錯高甍夾長衢借問楊子宅想見長卿廬程卓累千金騎奢擬五侯門有連騎客翠帶腰吳鉤鼎食隨時進百和妙且殊披林探秋橘臨江釣春魚人生苟安樂茲土聊可娛唐岑參詩傳是秦時樓巍巍至今在樓南兩江水千古長不改曾聞昔時人歲月不相待杜甫和嚴中丞西城晚眺層城臨暇景絕域望餘春旗尾蛟龍

四川名勝志

卷之二

二

蜀酒

會樓頭燕雀馴地平江動蜀天關樹浮秦征南多興緒事業暗相親段文昌晚夏登張儀樓呈院中諸公重樓窻戶開四望斂煙埃遠岫林端出清波城下迴乍疑蟬韻促稍訝雪風來併起鄉關思銷憂在酒盃姚向和云秦相架翠材登臨契上台檣從銀漢落江自雪山來儷曲親流火凌風冷小杯帝鄉如在目欲下盡徘徊石經始末云錦官西樓有胡元質所鑿石經數板蓋公得五代時墜刻于一二故家殘圭裂壁亦可寶也凡蔡中郎石經四千二百七十字有奇及古文篆隸三體石經遺字八百一十九黃山谷跋張載熙書卷尾云蘭亭禊飲詩敘二本前一本是都下人家用定武舊石刻摹入木板者一本以門下蘇侍郎所藏唐人臨寫墨跡刻之成都西樓中有數字極瘦勁不凡東坡謂此本乃絕倫也陸游跋東坡書髓帖云成都西樓下石刻東坡法帖十卷擇其尤奇逸者爲一編號東坡書體三十年間未嘗釋手去歲都下脫敗甚乃再裝緝之嘉泰三年歲在癸亥九月三日老學菴北窗手記○常璩云蜀有五丁力士能移山舉萬鈞每王薨輒立大石長三丈重千鈞爲墓

志今石笋是也號曰笋里寰宇記云武擔石俗曰石笋在州城西門大街中益部耆舊傳云公孫述時武擔石折任文公歎曰西方智士歿吾當應之歲中卒度信演連珠云竹杖扶危不能正武擔之石矣通志云雙石笋在興義門內卽真珠樓基也按西門王建甃成謂之興義門矣李膺記云開明氏造七寶樓以珍珠爲簾其後蜀郡火民家數千與七寶樓俱燬趙清獻記曰真珠樓基在石筍街一說有大秦胡于其地起寺門樓十間皆飾以真珠翠碧貫之如簾寺卽大秦寺也杜甫石笋行君

四川名勝志

卷之二

三

蜀西

不見益州城西門陌上石笋雙高蹲古來相傳是海眼苔蘚蝕盡波濤痕雨多往往得瑟瑟此事恍惚難明論註云成都子城西金容坊有石二株挺然聳峭高丈餘耆舊傳云其名有六曰石笋曰蜀如闕曰沈犀石曰魚鳧仙壇曰四海之眼曰五丁石門皆非也圖經云乃前寺之遺址諸葛亮掘之方驗有篆字曰蠶叢氏啓國誓蜀之碑以二石柱橫埋連接鐵其中一南一北無所偏邪上有濁歎燭觸燭五字時人莫曉蜀相范賢議曰亥子歲濁字可記主水災寅卯歲歎字可記主饑饉巳午歲

燭字可記主火災辰戌歲觸字可記主兵災申酉歲觸字可記主稼穡富贍悉以年事推應若符響然○徐康晉記恒溫伐蜀戰于竿橋參軍襲護戰沒衆欲退而鼓吏誤鳴進鼓于是乘之遂入少城寰宇記云竿橋去州西四里名夷里橋以竹索爲之因名竿橋李膺竿橋贊云複引一索飛經代閣其名曰竿人懸半空度彼絕壑是矣益州記曰市橋竿橋今各有一鐵椎大十許圍長六七十尺云初營橋引機運此椎以擊橋柱本有三今餘二南史宋太始初益州竿橋忽生一洲道士柳石見之

四川名勝志

卷之二

四

蜀西

曰當有貴王臨州必有王勝喜也及齊永明二年武帝遣始興王爲益州勝喜者卽始興反語蜀古蹟記曰竿橋邊有二石闕乃漢趙典墓址○王褒益州記曰司馬相如宅在州竿橋北百許步李膺云市橋西二百步得相如舊宅今海安寺南有琴臺故墟方輿勝覽云琴臺後爲金花寺城內者非其舊也金花寺以晉胡僧持金花主像住此故名按卽今之金泉鋪是梁簡文登琴臺詩蕪階踐昔徑復想鳴琴遶音客萬春罷高名千載留芳枝生古樹舊石染新流出來遙相歎迹川終不收唐盧

照隣相如琴臺詩間有雍門地千年無四隣園院
風煙古池臺松檟春雲疑作賦客月似聽琴人寂
寂啼鶯處空傷遊子神杜甫詩茂陵多病後尚愛
卓文君酒肆人間世琴臺日暮雲野花留寶曆蔓
草見羅裙歸鳳求鳳意寥寥不復聞高適全草公
秋登琴臺詩古跡使人感琴臺空寂寥靜然顧遺
塵千載如昨朝臨眺自茲始琴賢久相邀萬象歸
白帝平川橫赤霄燕雀滿檐楹鴻鵠搏扶搖物性
各自得我心在渙然兀然還復醉尚握樽中瓢琴
參詩相如琴臺古人去臺亦空臺上寒蕭條至今

四川名勝志卷之二

五

郭西

多悲風荒臺漢時月色與舊時同宋呂公弼詩煙
樹重城側琴臺千古餘早爲梁苑客晚向茂陵居
賦給尚書筆歸乘使者車清風颭舊隱長日聳鄉
閭宋祁詩故臺千古恨猶對舊家山半夜驚鳳去
它年駟馬還來愛封禪晚生愛茂陵閒惟有飄飄
氣仍存天地間○歲華紀麗云正月念八日出竿
橋門卽拜保壽侯祠次詣淨衆寺拜杜邠公祠按
杜邠公諱唐元和間帥蜀者又蘇明允集有張文
定方平公祠碑記亦在淨衆寺內高僧傳云僧無
相新羅國人開元十六年至成都募化植越造淨

衆寺影堂在馬寺有一巨鐘重千鈞會昌倒毀此
鐘乃移入大慈寺大中復還寺衆以其鐘大開江
計功兩日始到方欲爲齋辰去已集乃知神力所
搜無相有塔號東海大師塔云唐鄭谷西蜀淨衆
寺松溪八韻兼寄小華崔處士詩松因溪得名溪
吹谷松聲繚繞能穿寺幽奇不在城寒烟霽後散
春雨夜中平染岸蒼苔古翹沙白鳥明澄分僧影
瘦光徹客心清帶梵侵雲響和鐘擊石鳴溪烹新
茗爽暖泛洛花輕此景吟難盡憑君肅入京又有
七祖院小山忍公松軒及傳經院高松諸篇不具

四川名勝志卷之二

木

郭西

錄宋范鎮淨衆寺新禪院詩金地西郊外一來煩
念慮但逢是仙境鮮不屬僧居岸綠見翹鷺溪清
無隱魚殘陽已周覽欲去幾躊躇田况正月二十
八日謁生祿祠遊淨衆寺千騎出重閭嚴祠淨宇
鄰映林沾酒旆迎馬獻花人豔日披江霧香廳起
路塵韶華特明媚不似遠方春按淨衆寺宋改爲
淨因寺今謂之萬佛寺云○蜀本記老子爲關令
尹喜著道德經臨別曰子行道千日後于成都郡
青羊肆尋吾古今集記云老子乘青羊降其地有
臺存觀中有白玉蟾書碑字徑半尺宋何耕青羊

觀詩一再錦官城咫尺望琳宮今朝弄晴雨寒
隨春風頗愛意象古停驂少從容縹緲百尺臺突
起凌半空惡欄俯修竹決背明孤鴻信哉神倦宅
不受塵垢蒙稽首五十言衆妙一以通要騎白鶴
肯往訪青羊蹤按此詩刻于臺前缺數字成都風
俗以三月三日游集本觀○方輿勝覽云浣花溪
在城西五里一名百花潭按吳中復冀闕夫人任
氏碑記云夫人微時以四月十九日見一僧墜污
渠爲濯其衣頃刻百花滿潭因名曰百花潭按蜀
志補遺浣花谿有石刻浣花夫人像夫人姓任氏

四川名勝志

卷之二

七

崔寧之妾也通鑑成都節度使崔旰入朝楊子琳
乘虛突入成都旰妾任氏出家財募兵得數千人
自帥以擊之子琳敗走朝廷加旰尚書賜名寧任
氏封夫人○蜀橋机軋德五年四月十九日王衍
出遊浣花溪龍舟綵舫十里綿亘自百花潭至千
萬里橋遊人士女珠翠夾岸日方午暴風起須臾
雷電晦冥有白魚自江心躍起騰空而去或云變
爲蛟按費著歲華記麗以四月十九日浣花夫人
誕辰太守出竿橋門至梵安寺謁夫人祠就宴于
寺之設廳既宴登舟觀諸軍騎射倡樂導前所流

至百花潭觀水嬉競渡官舫民船乘流上下或暮
布水濱以供游賞謂之大游江宋祁浣花泛舟詩
早夏清和在晴江沿沂時岸風搖鼓吹波日亂旌
旗醉帝牽細蔓游鬟撲絳絳綰樹來驚浦進山失
舟移雅俗西南盛歸輶東北馳此欲郎復得拋恨
寄天涯田况四月十九汎浣花谿詩浣花溪上春
風後節物正宜行樂時十里綺羅可益密萬家歌
吹綠楊垂畫船伐鼓臨芳淑綵閣凌波汎羽卮霞
景漸曛歸櫓促滿城惟醉待旌旗馬備浣花谿詩
浣花溪邊濯錦裳百花滿潭溪水香寶盆散盡買

四川名勝志

卷之二

八

霜戟草林匹馬不可當當時濯衣只偶爾豈似取
履張子房烈烈遽能蔽此蜀喪亂懷爾徒悲傷年
年春風媚楊柳綵纜嬾姍雲霞張溪邊遊冶紅粉
娘了不識字空悠颺探花蕩藥不歸去暮隔煙水
眠幽芳○方輿勝覽云梵安寺在成都縣南與杜
甫草堂相接每歲四月中禱前一日太守宴集于
此呂大防建草堂給少陵像張翥盡取少陵詩勒
石刻置焉何宇度益部談資云武侯工部二祠之
中有寺一名草堂一名中寺前代爲尼居名桃花
寺隋文帝時始易以僧唐大曆中崔寧鎮蜀以冀

國夫人任氏水浣花女遂重修之繪夫人真于中
會昌亦在毀側夜聞女子啼泣之聲而止宋朝時
雨有驗乃賜名梵安寺按高僧傳唐僧旭上居草
堂寺惟以禪誦爲業蜀土猶尚二月八及四月八
日每至二時四方大集馳騁遊遨公獨端坐竹林
泊然凝寂四衆視之如朝日初出因目之爲旭上
云○杜甫草堂蜀中有二一在梓州一在夔門一
在成都其詩云浣花溪水西流主人爲卜林塘
間已知出郭少塵事更有澄江銷客愁無數蜻蜓
齊上下一雙鷗楓對沈浮東行萬里展乘興須向
四川名勝志卷之二 九
山陰上小舟此成都草堂也楊慎引文選注云蕭
齊周顒昔經在蜀以蜀草堂林壑可懷廼于鍾山
雷次宗學館立寺因名草堂寺又云蜀人語草爲
茨成都令周顒既歸金陵乃倣蜀草堂寺遺意于
鍾山之麓築草堂亦曰山茨不忘蜀也可知蜀之
草堂寺著名久矣子美依其地而卜築遂沿斯名
其時軒蓋過從有嚴中丞仲夏枉駕草堂兼携酒
饌得寒字作有王十七侍御掄許携酒至草堂奉
寄詩便請邀高二十五使君同到作有王十五司
馬弟出郭相訪兼遺管茅屋費竹餘不具錄然布

衣朴野之交當時有朱山人又有南隣北隣者俱
見諸題詠子美南隣詩云錦里先生烏角巾園收
芋栗不全貧慣看賓客兒童喜得食階除烏雀馴
秋水纔深四五尺野艇恰受兩三人白沙翠竹江
村暮相送柴門月色新北隣詩云明府豈辭滿藏
身方告勞青錢買野竹白幘對江皐愛酒晉山簡
能詩何水曹時來訪老疾步履到蓬蒿又過南隣
朱山人水亭詩云相近竹參差相過人不知幽花
欲滿樹小水細通池歸客村非遠殘鐘更移看
君多道氣從此數追隨岑參草堂村尋山人不遇
四川名勝志卷之二 十
詩數株垂柳色依依深巷斜陽暮鳥飛門前雪滿
無行跡應是先生出未歸宋范鎮題曹山人墅居
詩溪接浣花僥勝致山人高隱在其中一江綠竹
喧天沸爭及松篁半日風是知草堂卜居高人隱
士殊不乏矣喻汝礪晚泛浣花遂宿草堂詩扣枰
泛澄虛濯流睇幽芳晚霽觀奇樹夕霏媚疎篁歸
鳥亦翫間夜魄動初涼忽然衆星微天高月舒光
昔也杜陵子澹然此茅堂客至酒自斟句得意已
忘云何常念儂零落在道傍古來技人神一飽豈
屑望吾輩天所窮慨歌淚沾裳邵博同楊元澈遊

草堂詩萬里橋西路幽居今尚存共來披草徑遠
去問江村冉冉花扶屋蕭蕭竹映門斯人隔今古
此意與誰論宋京補亡詩云君不見少陵草堂背
西郭浣花溪水流堂前竹寒沙自白樓原莫問四
鄰霜草薄八門好在烏皮几公去不歸換鄰里西
嶺千秋雪未消舍北泥融飛燕子祇今檻木平橋
路籠竹和煙組江霧野僧作屋號草堂不是柴門
舊時處○碑曰云益州草堂寺列畫前長史一十
四人代稱絕迹李文僥跋云余嘗于數公子孫之
家獲見圖狀乃知草堂繪事靡不造真者黃庭堅
蜀川名勝志卷之二

淚應落○草堂壁間嵌一小碑上鐫繪像衣冠甚
古乃宋制置使丁黼也黼嘉熙初元兵趨成都迎
戰于石筍街而殺蜀人思之故鐫其像焉
東門之勝有禹廟大慈寺散花樓合江亭薛濤井
海雲寺宋張俞上蜀帥書俞再拜稽首堯舜承四
聖至治之業在位七十載道德行于大地萬物陶
乎無爲其後洪水暴九州十有餘年生民流宕彝
倫壞教堯視天下之溺如已溺乃博咨臣工若皋
陶之倫咸不克其事然後舉舜舜亦不能治然後
舉禹禹果能治之遂成大功舜有天下乃美禹曰
蜀川名勝志卷之二

滔滔江漢盡在王官作禹廟用康斯民昔尹吉甫作詩美中伯明曰王命申伯式是南邦因是謝人以作爾庸又美仲山甫則曰德輶如毛民鮮克舉之維仲山甫舉之言政事甚易而人不能行維仲山甫獨能舉而行之明公有中伯法度南邦之德有仲山甫賦政于外之功蜀人愛戴期乎無窮若禹廟之作乃政之易者衆不能舉明公若能舉之可謂存乎聖而順乎民也豈挾太山超北海之爲力哉俞近述南賓郡修禹廟碑文一首其道備其事直文雖浮濫理或庶幾方刻石以示後世謹

四川名勝志

卷之二

圭

錄一通上獻按此則禹廟立于成都之始也今在城東北之馬務街歲久傾圯未免暴露佗以萬曆辛亥歲始克修復仍以蠶叢李冰二神配于東西廡按方輿勝覽蜀王蠶叢氏祠今呼爲青衣神在聖壽寺昔蠶叢氏教人養蠶作金蠶數十家給一蠶後聚而弗給瘞之江上爲蠶墓南史齊永明間始興王蕭鑑爲益州刺史于州園得古冢有金爲蠶數十鑑一無取復爲起冢立祠又按寰宇記秦李冰爲蜀郡守有功于民舊祠在府西南三里及唐節帥李德裕重修今蠶叢祠已不存李冰秣李

觀察家作宗祠耳會講時勢不能特舉乃告于神附庸之且以紹禹之績焉○通志云大慈寺唐至德年建舊有肅宗書大聖慈寺四字蓋勅賜也故會昌不在除毀之例碑曰云唐僧大辯修功德碑元和十五年立在寺之文殊閣唐韋南康碑二並

四川名勝志

卷之二

四

者刻石在成都大聖慈寺中和勝相院淳熙六年六月十七日也成都太守田况三月十四日大慈寺建軋元節道場詩赤精流景鏤朱夏向清和紺宇修祠盛華封祝慶多簪裳千載遇鐘梵五天歌遠俗尤熙泰皇猷信不顯又七月六日晚登大慈寺閣觀夜市詩萬里銀潢貫紫虛橋邊蟬轉待星姝年年巧若從人乞未省靈恩徧得無又七月十八日大慈寺觀施孟蘭盆詩飛閣窮隆帙翠煙孟蘭盛會衆喧闐且欣懽暑從茲滅漸有涼風快夕暝又冬至朝天慶觀會大慈寺詩景至履佳辰

朝祝著國今黃宮啓潛萌紫宇晨陰映陽德比
子吾道實可慶朔丁皇運亨遇主堯舜聖坤維最
遠方拙者此尸政雅俗舊儒文民牒少訟爭幸足
宣上恩惟恐繁物性良時不易得行樂未爲僞高
會縱嬉遊豐歲金繁盛與衆助驩欣寄情于俚詠
范成大合慶節大慈寺茶酒詩霜輝催晚五雲鮮
萬國懽呼共一天淡淡暖紅旗轉日浮浮寒碧瓦
收煙銜孟樂聖千秋節擊鼓迎冬大有年忽憶捧
觴供玉座不知身在雲山邊口方輿勝覽云雪錦
樓在大慈寺門元宵守帥遊賞于此李商隱十五日
四川名勝志卷之二 十五
同登大慈寺樓得遠字詩重樓得雲氣深穩戶牖
誰能發闕鍵樓下輪蹄渙散馳行人一顧不容返
好遊獨是我輩開褰衣直上相推挽層軒危檻倚
欲徧更假胡牀同息偃西南繁會惟此都昔號富
饒今已損填城華屋故依然孰爲君王愛基本茫
茫八表聊縱目情知日近長安遠白雲浩蕩飛鳥
沒玉笋淒涼紅粉晚荷衣蕙帶芙蓉裳野服猶堪
敵華裘去梯孰復共君謀殺馬毀車從此遁口勝
覽云成都古蠶叢之國其民重蠶事故一歲之中
二月望日鬻花木蠶器號蠶市五月鬻香藥號藥

市冬月鬻器用者號七寶市俱在大慈寺前宋祁
大慈寺前蠶市詩蜀雖云樂土民勤過四方寸壤
不容隙僅能充歲糧間或客墮蠶均能備凶瘁所
以農桑其市易時相望野氓集廣鄺衆賈趨寶坊
惇本誠急務戒其靡愆常茲會良足喜後賢無忽
忘田况大慈寺前蠶市詩高閣長廊門四開新晴
市井絕纖埃老農肯信憂民意又見笙歌入寺來
口蜀檮杌云孟知祥明德元年六月幸大慈寺避
暑觀明皇信宗御容已宴羣臣于華嚴閣下孟杲
廣政元年上已遊大慈宴從官于玉溪院賦詩通
四川名勝志卷之二 十六
志云解玉溪在華陽大慈寺南韋南康所鑿也溪
中細沙可以解玉蘇子瞻集成都玉溪之上有清
風閣文慈大師應符所建因爲之記口方輿勝覽
云諸葛井在大慈寺西里許自上窺之祇見其三
邊更一邊不知其際涯也昔孔明鑿此以通井絡
王氣俗傳有人入井聞其中有雜聲又云興福寺
與昭覺院相對有天涯石高六七尺在大東門按
卽今之寶光寺爲昭覺寺右口東城樓卽散花樓
也李白登錦城散花樓詩日照錦城頭朝光散花
樓金牕夾繡戶珠箔懸瓊鉤飛梯綠雲中極目散

我憂暮雨向三峽春江繞雙流今來一登望如上
九天遊按輿地紀勝散花樓隋開皇建乃天女散
花之處蜀檣杙云孟果有閨宮苑城上盡種芙蓉
謂左右曰真錦城也唐武元衡中秋夜錦樓望月
分韻得東字玉輪初消空迴出錦城東相向秦樓
鏡分飛碣石鴻桂香隨窈窕珠綴隔玲瓏不及前
秋見團圓鳳沼中王良會得清字德星搖此夜明
月滿重城香靄煙嵐色飄飄砧杵聲令行秋氣爽
樂感素風輕共賞千年聖長歌四海清柳公綽得
濃字此夜年年月偏宜此地逢近看江水淺遙辨

四川名勝志

卷之二

七

雲山重萬井金花肅千林玉露濃不唯樓上思飛
蓋亦陪從張正一得蒼字高秋今夜月皓魄正蒼
蒼遠水澄如練孤鴻迴帶霜旅人方積思繁宿稍
沈光朱檻叨陪賞尤宜清漏長徐放得來字玉露
中秋夜金波碧落開雀鷺初泛濫鴻思共徘徊遠
目清光徧高空爽氣來此時陪承望更得上燕臺
崔嵬得前字清景同千里寒光盡一年竟天多雁
過通夕少人眠照別江樓上添愁野帳前隋侯恩
未報猶有夜珠圓溫庭筠錦城曲云蜀山攢黛留
晴雪蔡筵蕨牙繁九折江風吹巧剪霞綃花上千

枝杜鵑血杜鵑飛入嚴下聚夜叫思歸山月中巴
水淒情情不盡文君織得春機紅怨魄未歸芳草
死江頭學種相思子樹成寄與望鄉人白帝虎城
五千里張承吉錦城詩錦江城外錦城頭回望秦
川上軫愛正值血魂來夢裏杜鵑聲在散花樓高
駢錦城春望蜀江波影碧悠悠四望煙花匝郡樓
不會人家多少錦春來盡挂樹梢頭古今詩話杜
子美七言絕近百錦城妓女獨唱其贈花卿一首
云錦城絲竹日紛紛半入薰風半入雲此曲祇應
天上有人間能得幾回聞蓋花卿在蜀頗僭用天

四川名勝志

卷之二

大

予禮樂子美作此諷之意在言外最得詩人之旨
○括地志云大江一名汶江西南自溫江縣來郫
江一名永平江西北自新繁縣來昔李冰穿二江
城中皆可行舟合于城之東南岸曲有合江亭唐
符載云一都之奇勝也是亭鴻盤如山橫架赤霄
廣場在下砥平雲截而東南西北復然矣宋呂大
防合江亭記云沱江自岷而別張若李冰之守蜀
始作壩以捷水而闢溝以醴之大溉蜀郡廣都之
田用以富饒今成都二水此江沱支流來自西北
而滙于府之東南乃所謂二江雙流者也沱舊循

南湓與江並流以東唐高驛斥廣其穢遂塞榛莽故潰始鑿新渠緣出府城之北然猶合于舊渚舊渚者合江故亭唐人宴饌之地名士題詩往往在焉久弗不治余始命葺之以爲船官治事之所俯而觀之滄波修闊渺然數里之遠東山翠麓與煙林篁竹列峙于其前鳴瀨抑揚鷗鳥上下商舟渙艇錯落游衍春朝秋夕置酒其上亦一府之佳觀也按今之錦官驛是其地宋周諤合江亭詩云共思赤脚踏層冰聊適江皋興自清昨夜雨聲驅濁暑曉來烟水快新晴山疑九疊張雲勢灘激千巖

四川名勝志 卷之二 尤

落布聲巾屨從來在丘壑願陪開口此開行其二却暑追隨水上亭東郊乘曉戴殘星餘歌咽管來幽浦薄霧疎烟入畫舸興發江湖馳象魏情鍾原隰詠飛鴿故溪何日垂綸去天末遙岑寸寸青知者爲田望吳杖孫族諸君子惟俟有舊開蜀地四時雨今快帆山千里晴之句可謂得驪珠矣楊甲合江泛舟詩云莫踏街頭座寧飲城東水江頭放船去葦間問渙子岸深魚有家鳬在中泚得酒可以歌得樹可以藏風波無前期遊者亦如此短篙興時策遠山醉時几我老不柰醒日落西風起

薛濤井舊名玉女津在錦江南岸水極清冽濤詩序云濤字洪度本長安良家女父郎因官寓蜀而卒母孀居濤及笄以詩聞外又能掃眉塗粉與士族不侔客有竊與之燕語時韋中令阜鎮蜀召令侍酒賦詩僚佐多士爲之改觀其歲中令議以校書郎奏請之護軍曰不可遂止濤出入幕府自阜至李德裕凡歷事十一鎮皆以詩受知名士元稹白居易輩酬唱頗多口寰宇記云益州舊貢薛濤十色牋短狹縱客八行段氏游蜀記云竹維九種牋惟十色成都古今記蜀牋十樣曰深紅曰粉紅曰杏紅曰明黃曰深青曰淺青曰深綠曰銅綠曰淺雲又有松花金沙彩霞諸色十者舉成數耳口益部談資云薛濤井我明久屬藩邸環以欄盾人不敢汲備製牋之用每歲以三月三日汲此井水造牋二十四幅入貢十六幅餘者留藩郡中所與僂遺遠近縉紳者想皆他日倣作未必以三月三日爲期也然市肆間絕無賈者公暇偶過之惟見堂室數楹而已海雲山在錦江下流十里云海雲寺鴻慶院諸勝吳中復游海雲寺唱和詩王霽序云成都風俗歲以三月二十一日遊城

四川名勝志 卷之二 羊

東海雲寺摸石于池中以爲求子之祥太守出外
建高旗鳴笳鼓作馳騎之戲大饗賓從以王民樂
觀者夾道百重飛蓋蔽山野譁譁嬉笑之聲雖田
野間如市井其盛如此渤海吳公下車持月簡肅
無事從俗高會于海雲酒既中顧謂寮屬曰一觴
一詠古人之樂事也首作七言詩以寫勝事席客
亦有以詩獻者更相酬和得一十三篇廼命幕下
吏會稽王齊爲之序齊斐薄不能文恐愧勉從公
命夫俳倡絲竹其樂外也吟詠情性其樂內也克
諸內則能遺外之樂流于外則內有所喪今公既
四川名勝志 卷之二 主

推內之樂以樂賓又畫外之樂以樂民可謂得其
樂矣中復詩云錦里風光勝別州海雲寺枕者江
頭郊連瑞麥青黃秀路遠鳴泉深淺流彩石池邊
成故事茂林坡上憶前遊綠柳好伴衰翁醉十日
殘春不少留范純仁和云東郊行樂冠西州古寺
岩巒翠嶺頭化俗文翁傳愷悌尋山謝傳繼風流
天涯樽酒欣相遇劍外三春得共遊雅興直須窮
勝賞年光難使隙駒留韓宗道和云茂林修竹翠
煙收寺枕清江江上頭好鳥啼春知客恨落花浮
水近人流政闕不廢登臨賞意適真成汗漫遊紫

陌紅塵歸路遠夕陽回首重遲留勾士良和云佛
土依山福遠州春行繡騎上雲頭補天彩石盈池
在朝海清江繞寺流四國仰頌仰伯勞草生翹望
謝安遊早知爲禪爲寂意惟有西民欲暫留薛麟
和云寺上靈峯更近州喧闐驕從錦纏頭歌鍾乍
奏晴雷殷戈甲急趨春水流幾處醉眠方枕藉一
城謠俗重嬉遊賢侯惠意民知否幾刻嚴園爲爾
留宋祁集海雲鴻慶院詩地勝祠仍古春餘物徧
華山雲時抱石佛雨不萎花嶺挾樓梯峻巖牽殿
城斜淙谿谿雜環珮怪蔓走龍蛇供座僧飛鉢香園
四川名勝志 卷之二 主

客戲沙吾遊真草草深意寄烟霞按歲華紀麗云
唐開元二十三年鴻慶院靈智禪師于三月二十
一日歸寂蜀人敬之入山修禮因而成俗山有小
池士女探石其中以占求子之祥故太守率賓僚
于是日宴海雲山登衆春閣觀摸石以爲樂焉口
韓絳遊鴻慶院詩久旱雨初足樂遊春正深喧闐
觀士女清曠入山林佛界雲成寶僧園地布金方
塘探子石高閣會賓簪沙水通溪白松筠逐徑陰
紛華從滿目幽寂自虛心印組端爲累巖巖得暫
尋晚風吹綠野歸騎已駸駸吳師孟和云十里東

郊道茲遊歲月深參僚從大府高會適叢林群子
喧沽玉春姬笑子金咳珠僧獲寶醉弁客遺簪天
賜連宵澤民歡畢書陰分明造物手自在出塵心
非相雖無任殘芳尚可尋都人望旋旆車馬又駸
駸范成大十一月海雲賞山茶詩門戶懽呼十里
村鵬前風物已知春兩年池上經行處萬里天遙
水去人客鬢花身俱歲晚粧光酒色且時新海雲
橋下溪如鏡休把冠巾照路塵十二月海雲賞山
茶詩追趁新晴管物華馬蹄鬆快帽簷斜天南鵬
盡風啼雪水丁春來水漱沙已報王林催市柳仍

四川名勝志

卷之二

奎

郭西

從掌故問山茶豐年自是驪聲沸更着衙前畫鼓
槌喻汝礪遊海雲山詩渺渺天宇初復有此山
清晨及茲遊遐想百代前來者幾何人當時各爲
歡淑質揚妙舞衰絲遞清彈樂事坐如昨芳歲已
屢彈向來所游人落葉不復還邇然散遠日感之
爲長嘆竹邇非舊所鵲巢豈昔眠念誰當久存而
不住所緣破涕聊一怡山川却羨妍未知後世士
誰復當來旋

四川名勝志卷之二終

蜀中名勝志卷之三

成都府三

閬中曹學佺

中

北門之勝有武擔山子雲宅金馬祠太玄城玉局
觀昇仙橋萬歲池學射山○寰宇記云武擔山在
府城西北一百二十步一名武都山蜀記云武都
山精化爲女子美而艷蜀王納爲妃不習水土欲
去王必留之作東平之歌以悅之無幾物故王乃
遣武丁于武都擔土爲塚蓋地數畝高七尺上有
一石厚五寸徑五尺瑩澈號曰石鏡王見悲悼遂
蜀中名勝志卷之三
作史邪之歌龍歸之曲路史曰開明妃墓今武擔
山也有二石關石鏡武陵王蕭紀掘之得玉石棺
中美女容貌如生體如水掩之而寺其上鏡周三
丈五尺杜甫題石鏡詩蜀王將此鏡送死置空山
冥漠憐香骨提携近玉顏衆妃無復數千騎亦虛
還獨有傷心石埋輪月宇間按武擔山今在藩司
門右川西守道設馬祇一坏土耳揚子雲賦所謂
武擔鎮都刻削成劍玉基既夷蜀侯尚叢者也昔
有呪土寺東西二臺西臺有署雲軒唐王勃游武
擔山序云若夫武丘仙鎮吳王殉歿之墟驪嶠崇

基秦帝升遐之宅雖珠衣玉匣下賁窮泉而廣岫
長林終成勝境亦有霍將軍之大隧迥寫和連栲
里子之孤墳竟開長樂豈如武擔靈嶽開明故地
蜀夫人之葬迹任文公之死所岡巒隱隱化為關
峴之峯松栢蒼蒼卽入祗園之樹引星垣於杏嶂
下布金沙棲日觀于長崖傍臨石鏡瑤臺玉甃尚
控霞宮寶刹香壇猶分仙闕瑤櫳接映臺凝夢渚
之雲壁題相輝殿寫長門之月美人虹影下綴亂
幡少女風吟遙喧鳳鐸萃公以玉津豐暇係林壑
而延情錦署多閒想巖泉而結興于是披挂帆歷

蜀中名勝志

卷之三

二

松扉梵筵霞屬禪局煙敞鷄林俊賞蕭蕭驚嶺之
居鹿苑仙談壘疊龍宮之偈于時金方啓序玉律
驚秋朔風四面寒雲千里層軒迴雪齊萬物于三
體綺席乘雲窮九垓于一息碧鷄靈宇山川極望
石兕長江汀洲在目龍鑣翠輅駢闐上路之遊列
榭崇闌磊落名都之氣眇眇焉洋洋焉信二蜀之
奇觀也昔者升高能賦勝事長存登嶽長謠清標
未遠敢扳盛組下揆幽襟庶旌西土之遊遠嗣東
平之唱云爾蘇頌武擔山寺詩武擔獨蒼然墳山
下玉泉驚令時共盡龍女事同遷松栢銜哀處幡

花種福田詎知留鏡石長與法輪圓段文昌題武
擔寺西臺秋天如鏡空樓閣化玲瓏水暗餘霞外
山明落照中鳥行看漸遠松韻聽難窮今日登臨
意多歡語笑同姚向和云開閣錦城中餘閒訪梵
宮九層連畫景萬象寫秋空天半將身到江長與
海通提携出塵土曾是穆清風楊汝士和云清淨
此禪宮層臺復倚空偶時三伏外列席九霄中平
視雲端路高臨樹杪風自憐榮末座前日別池籠
李敬伯和云臺上起涼風乘閑覽歲功自隨台席
貴盡許羽觴同樓殿斜暉照江山極望通賦詩思

蜀中名勝志

卷之三

三

共樂俱得詠時豐姚康和云松逕引清風登臺古
寺中江平沙岸白日下錦川紅疎樹山根淨深雲
鳥跡窮自慚陪末席便與九霄通薛濤有段相國
遊武擔寺病不能從題寄云消瘦翻堪見令公落
花無那恨東風傷心猶道青春在羞看飛蓬石鏡
中宋蒲瀛游呪土寺西臺偶到城西寺人言呪土
墳夕陽臺半出秋草徑纔分地下無紅粉天邊有
碧雲徘徊追往事風急葉紛紛又東臺詩城郭層
臺迥祇園細路通小亭虛白日老樹足秋風閱世
年年改傷心處處同黃泉魂在不紛紛亦成空喻

汝礪游西臺院暑軒觀石鏡詩城中苦伊鬱茲
軒獨高塞連甍動參差錯峙橫阡眠雪嶠孤峙
若與我周旋遠翠浮蕩漾輕鷗下聯軒密竹胃幽
逕新蒲澹清漣初游愜餘懷既久幽念攢慨彼泉
下人灼灼今令顏忽焉墮榛莽窈窕不可援一鏡
空復情況乃塊石頑哀哉彼愚子婉孌情可牽差
勝茂陵公更詠方士言吳棫題暑軒呪土臺頭
寺披襟笑語開千年雲抱石六月雪彌山酒熟簞
常外茶新碾試問嬰須時點筆來此賦躋板周意
和云崇臺窮石照氣味樂偷閑南陸朱明馭西關

蜀口名勝志

卷之三

四

白雪山茶甌回舌本麝尾落談間欲綴風煙句彌
高不可扳田望和云聖福軒重敞偶來心地開因
談丁上冢知是武擔山人在冰壺裏天垂玉壘間
廣歌白雪句已客強追板宋京補亡詩云君不見
蜀王妃子墓突兀城中若山積墓頭寒鏡澹無光
如月欺煙化爲石鴻荒無根憑野史直謂山妖化
妃子臨終未免懷首丘運土山中葬于此山名
錦江邊用是得名千萬年如今佛閣倚空翠老木
盤鬱摩蒼天晴雲入穴西山出捲簾坐見嵐光滴
安得文如汲冢書免使後人疑往昔按唐明皇幸

蜀從行妃子亦有葬此山者古今集記云望妃樓
在子城西北隅明皇以妃墓在武擔山爲此樓以
望之馬口陞游行武擔西南村落有感騎馬悠然
欲斷魂春愁滿眼與誰論市朝遷變歸燕沒欄谷
訝呀互吐吞一徑松楠遙見寺數家雞犬自成村
最憐高冢臨官道細細煙莎遍燒痕註云有人冢
高數丈旁又一冢差小莫知何代人也俗號太子
墓成都文類云武擔山循城而西有前蜀王光圖
墓墓前有永寧佛宮王氏拜掃之所按華陽國志
成都四出大道道實二十里有衢今言十八里者

蜀中名勝志

卷之三

五

昔蜀王女未嫁年二十亡王哀悼不忍言二十故
言十八也王女墓在城北卽今王女陌是○寰宇
記云子雲宅在少城西南角一名草玄堂何涉讀
易堂記云楊雄有宅一區在錦官西郭隘巷著書
墨池在馬按今在藩司西南隅蜀城之北與郫縣
俱移來者墨池二字舊是米芾書扁今刻于石口
古今詩話唐馮涓字信之信都人大中初舉進士
登宏詞科時危隱南山十年昭宗以爲眉州刺史
陳田拒命涓棄郡於成都墨池灌園自給王勃詩
亂竹開三徑飛花滿四鄰從來揚子宅別有尚玄

人參詩吾悲子雲居寂寞人已去娟娟西江月
猶照草玄處精怪意無人唯貯藏老樹宋祁詩宅
廢經池在人亡墨溜乾蟾蜍兼滴破科斗共書殘
盡罷芸猶翠蒸餘竹自寒它揚無可問撫物費長
嘆浦瀛詩寂寞一區宅沈冥千載豪但輕執戟賤
誰識草玄高蚪蚪猶翻墨提壺欲載醪著書端有
意不必反離騷邵博詩自負天人學甘居寂寞濱
却憐載酒客似識草玄人三世官應拙一區宅更
貧千年尋故里感涕獨沾巾喻汝礪詩讀書豈不
好憂憤還自惹書中見古人隱閔惻餘思遇險理

蜀中名勝志

卷之三

六

有激尋分意多違娟娟感嫖客戚念幽棲曾是
無間然孰爲愜所宜覽之不自聊悵焉起遙悲宋
京補亡詩云君不見子雲草玄西郭門一逕秋草
閒朝昏何須筆家高百尺池墨黥黥今猶存董烏
侯芭竟零落玄學無人終寂寞漢家執戟知幾年
垂老身投天祿閣俗兒紛紛重劉向思苦言艱動
嘲謗漢已中天雄亦不較空文從覆醬如今却
作給孤園吐鳳亭前池水寒安得斯人尚可作會
有奇字令君看按野客叢談劉茶嘗從揚雄學作
奇字所謂奇字者古文之變體也自秦壞古文有

八體一日大篆二曰小篆三曰刻符四曰蟲書五
曰摹印六曰署書七曰殳書八曰隸書王莽時使
甄豐改定古文復有六書一日古文孔氏壁中書
也二曰奇字即古文而異者三曰篆書秦篆書也
四曰佐書即隸書也五曰繆篆所以摹印也六曰
鳥書所以書幡信也袁說友成都文類云益州中
興寺內有墨池楊子雲讀書處畫像存焉圖經云
中興寺有子雲載酒亭是矣成都記云唐高僧智
浩嘗於中興寺誦法華經鄰有龍女祠龍每夜聽
之一夕施一寶珠浩曰僧家無用此龍以神力化

蜀中名勝志

卷之三

七

大圓石榴而去今以水澆之龍宮石室四字隱隱
可見參詩龍女何處來來時乘風雨祠堂青林
下宛宛如相語蜀人競祈恩捧酒仍擊鼓○輿地
紀勝云金馬碧雞祠在金馬坊前漢宣帝聞益州
有金馬碧雞之神遣諫議大夫王褒持節醮祭而
致之宋朝賜額昭應廟封其神爲靈光侯漢祭金
馬碧雞文曰持節使者王褒敬移南崖金精神馬
縹緲碧雞處南之荒深溪迴谷非土之鄉歸來歸
來漢德無疆廣于唐虞澤配三皇黃龍見兮白虎
仁歸來歸來可以爲倫歸兮翔兮何事南荒也

今北門內石馬巷有金馬祠在巷內碧雞坊則在城之西南杜甫詩云時出碧雞坊西郊向草堂○古今集記云高駢以成都土惡城歲壞易以磚甃凡負城丘陵悉平之以便農桑訖功策得人畜之豕曰畜者養也濟以剛健篤實輝光日新吉孰大焉文爲以下存上因名太玄城詩話總龜載五五復五五五逾重數浮世若浮雲金石一如故與君相見時杳杳非今土右詩見於成都羅城北門壞石上有乾符三年高駢名銜餘字斷缺成都記高駢展築羅城下令縱民游觀有孕婦至城址樓

蜀中名勝志

卷之三

八

免一女駢開之曰此城他日代代客人爲主其後牧守果皆京師所命碑目云高駢築城記唐中和四年翰林王徽作在城中信相院宋祁題信相院默菴詩對言方有默因默乃名菴菴留默不遣一物遂爲三龜掃泥中痕正恐力弗堪自問呵默者了然成妄談景文又題北樓詩云少城西址之高樓此地蒼茫天意秋驚風白日忽已晚落葉長年相與愁極塞雲物自慘澹趨林鳥雀時啁啾纓上朔塵久不洗安得手弄滄江流按北門城卽古太玄城今謂之大安門亦王建武成所命也○華陽

國志城北十里升仙橋有送客觀司馬相如初入長安題市門曰不乘赤車駟馬不過汝下也唐咸通中雲安進士李遠駟馬橋賦所謂題記數行寂寥千載者矣按李膺記云昇仙水起自始昌堰有兩叉中流卽昇仙成記云城北有昇仙山昇仙水出焉相傳三月三日張伯子道成得上帝詔駕赤文於菟于此上昇按廣輿記以城北威鳳山一名小蓬萊上產靈藥乃張伯子得道之所岑參昇仙橋詩長橋題柱去猶是未達時及乘駟馬車却從橋上歸名共東流水滔滔無盡期羅隱詩危梁

四川名勝志

卷之三

九

枕路岐駐馬門前時價自友朋得名因婦女知直須論運命不得逞文詞執戟若鄉里榮華竟若爲江道詩漢朝卿相盡風雲司馬題橋衆所聞何事不如楊得意解搜賢哲薦明君元虞集歸蜀詩云我到成都住五日駟馬橋下春水生過江相送荷子意還鄉不留非我情鷓鴣輕後下溪足鸚鵡小窻呼客名賴得卽筒酒易醉夜深衝雨漢州城○益州記云昇仙亭夾路有二臺一名望鄉臺在縣北九里成記曰望鄉臺蜀王秀所作杜甫詩神交作賦客力盡望鄉臺蓋指此也昇仙橋北長林

蒼翠曲澗潺湲大非人世間境乃昭覺禪寺高僧
傳云圓悟禪師宏振法席於此臨終書偈有萬緣
遷變渾閑事五月山房冷似冰之句李旼昭覺寺
紀略唐信宗幸蜀放隨駕進士三榜題名記陳大
師塑六祖像蕭相國建寺碑俱在寺內又有孫
位張南本畫壁長安頒來昭覺寺額俱經亂而燬
范鎮游昭覺寺詩炎蒸無處避此地忽知寒松徑
行無際石房禪自安鴛鴦秋沼漲蝙蝠晚庭寬登
眺見田舍衡茅半不完陸游飯昭覺寺暮歸作云
自墮黃塵每慨然傷兄蕭散亦前緣聊憑方外巾

蜀中名勝志

卷之三

十

孟淨一洗人間七箸翔靜院晚風傳浴鼓畫廊春
雨濕茶煙潛光寮裏明窓下借我逍遙過十年○
方輿勝覽萬歲池在城北十里華陽國志張儀築
城取土處去城十里因以養魚謂之萬歲池郡國
志云龍壇在萬歲池唐開元中有僧誦法華經感
老叟來聽僧問之曰我池中龍也僧曰今方旱何
不降雨叟曰凡雨須天符不爾天誅之今當為師
降雨師其葬我是夕大雨質明見池邊大蛇斬而
斃僧取焚之為立塔呼龍壇錄異記云成都至真
觀道士黎元興龍朔中於學射山創造觀宇夜夢

神人引昇高山大殿之中謁見黃老君身長數丈
髭鬚皎白戴鳳冠著雲霞衣侍衛十餘人顧謂元
興曰吾近有材木可構此觀無煩憂也如此數日
有人於萬歲池中乘舟取魚忽見水色清澈池底
大木極多以告元興元興與令人取之得烏揚木千
餘段至有長百尺者用以起觀作黃老君殿依夢
像塑之又制三尊殿下及講堂齋壇房廊門宇皆
是用烏盧照隣集云至真觀者隋開皇二年所立
有大尊真人石像大小萬餘軀石壇三級週迴百
步銅鐘一口重七十斤按至真觀後周所立觀側

四川名勝志

卷之三

十一

小蠻橋下掘得古碑云始青之下月與日雨半同
升合為一大如彈丸甘如蜜出彼玉堂入金石子
若得之慎勿失此度世古玄歌也隋辛德源記略
云前臨逸陌却負長瀛樓接登景之房瓊臺帶
蕩與之室今此觀尚存口通志云成都萬歲池廣
袤十里溉三鄉田歲久淤澱王剛中知府日集三
鄉夫共疏之累土為防上植榆柳表以石柱州人
指曰王公之甘棠也歲華紀麗稱三月三日張伯
子于學射山上升巫覡賣符于道遊者佩之以宜
蠶辟災太守出遊日晚宴于萬歲池唐司空曙晦

日登州其池陪宴高臨泛從公日仙舟翠幕張七
橋通碧水雙樹接花塘玉燭收寒氣金波隱夕光
野開歌管思水靜綺羅香遊騎繁林遠飛旄戢岸
長郊原懷瀾澹陂瀝寫江黃常侍傳花詔偏仰伺
羽觴豈令南峴首千載播餘芳宋范成大上巳日
萬歲池坐上呈提刑程詠之云芳春酒暖絳煙霏
漲水天平雪浪遲綠岸翻鷗如北渚紅塵躍馬似
西池麥苗剪剪剪淘淘爲瘦梅子雙雙帶折枝試比長
安水邊景祇無開客獨題詩○寰宇記云學射山
一名斛石山在城北十五里李膺益州記斛石山
四川名勝志卷之三 十三

陽幽宜宜哉賢大夫繇斯見村美趙并次蘇寒游
學射山錦川風俗喜時平上已家家出郡城射圃
入稠喧畫鼓龍湫波淨照紅旌迎真昔詫登天虎
命侶今聞出谷鶯勉爲遠民同樂事使臺仍是得
賢明范鎮遊學射山幾年魂夢寄西州春晚歸逢
學射遊十里香風塵不動半山暗日雨初收指麾
赤隊呈飛騎次第紅粧數勝籌夾道綺羅瞻望處
管絃旌旆擁遊頭自註云故事往來皆呈馬騎設
射棚衆賓皆射遣官妓記籌按學射山者以劉主
禪于此學射故名蜀檇云王衍乾德二年秋北
四川名勝志卷之三 十三

有兩女塚是也文同丹淵集云成都燕會一春爲
常然各有定處惟上巳學射山之集爲盛山有通
真觀祀張伯子某日兩蜀之人咸赴從道士受秘
錄謂一年禍福率繇此日恭慢所致范成大吳船
錄云清明日登學射山試新火作牡丹會田况三
月三日登學射山詩麗日照芳春良會重元巳陽
濱脩祓除華林程射技所尚或不同茲俗亦足喜
門外盛車徒山半列鄺市彩棚飛鏑遠醉席歌聲
起回頭望城郭煙靄相表裏秀色滿郊原遙景落
川埃目倦意猶遠思餘情未已登高貴能賦感物

巡后如出餞於昇仙橋于時旌旗戈甲百里不絕
判六軍諸衛事者宰相王鉞也後主戎裝披金甲
珠帽錦袖執弓挾矢百姓望之謂如灌口神是從
來講武備于斯矣今爲蜀府墳墓此遊遂絕口通
志云府北三十里有天回山楊雄蜀記以杜宇自
天而降號曰天鵲及玄宗幸蜀返蹕之後土人呼
曰天回今謂之天回鎮云○寰宇記云玉局壇在
城北柳堤玉局觀內按今往新繁路自堤上行十
二里有賽雲臺足以當之其側仍有一小觀存方
輿勝覽道經二十四化上應二十四氣六十甲子

而座隱地中因成洞穴故以玉局名之雲笈七籤
成都玉局洞與青城第五洞天相連天師以爲玉
局上應鬼宿恐開穴通氣不利分野乃刻石以閉
之因爲石室高六丈八廣一步中鑄玄元之像焉
節度使長史章仇兼瓊開元中徧修觀宇崇顯靈
迹欲開洞門使人究其深淺發掘之際晴景雷震
大風拔木因不敢犯按續博物志玉局觀洞高駢
帥蜀時取罪人以繩絆其腰令探深深繩兩月方
絕出青城山洞天觀門矣靈驗記云天寶歲玉局
觀前江內往往夜中有光從水而出高七八尺上

四川名勝志

卷之三

四

赤下白其末如煙明皇幸蜀有人於光處得玉像
老君以進高餘一尺天姿瑩潔寶相圓明殆非人
工所製駕回留鎮太清宮今聖容現是其處也亦
名玉女琪與金沙泉連接矣宋史祥符七年六月
十八日申時玉局化老君洞中忽有五色光出見
高三尺以來移時方散太守凌策畫圖具表以聞
趙鼎贈玉局李垂應太師詩坐觀山水地幽清恬
淡冲虛樂性情跡混光塵宗老氏術通仙俗似君
平欣逢真侶論根本耻向權門叩利名濟世金丹
得傳授先生高隱在青城司馬光送羅郎中登堂

勾玉局觀詩官名爲玉局已與俗塵疎鐘出寒松
迥香凝古殿虛鄉閭非其遠休祿豈無餘誰道神
仙樂神仙恐不如范鎮送羅勝卿同年提舉玉局
觀詩足馬西歸去知君得意偏人情重鄉里官職
更神仙曉後無衙喙句頭有俸錢何須駕白鶴辛
苦上青天宋京補亡詩云君不見青陽老人飛下
天口宣至道朝羣仙地中神仙捧玉局異事秘怪
于今傳龜城坤隅地有穴俗說西與岷山連嵯峨
古觀森偉像老栢慘澹含風煙令威已去城郭在
人物自改名依然亳州宮庭煥星斗眞皇行幸詳

四川名勝志

卷之三

五

符年所託得地近京邑此獨隱晦遐方偏安得老
人洗此心還我澹泊同古先蘇軾送戴蒙赴成都
玉局觀拾遺被酒行歌處野梅官柳西郊路聞道
華陽版籍中至今尚有城南杜我欲歸尋萬里橋
水花風葉暮蕭蕭芋魁徑尺誰能盡檻木三年已
足燒百歲風光定何有羨君今作峩眉叟縱未家
生執戟郎也應世出埋輪守莫欺老病未歸身玉
局他年第幾人會待子猷清興發還須雪夜去尋
君按子瞻自昌化軍貶所移廉州又移舒州乃贊
提舉成都玉局觀他年老焉之識竟驗然有謝表

未赴

四川名勝志卷之三終
四川名勝志卷之三

夫

四川名勝志卷之四

成都府四

閩中曹學佺能始著

張詠創設記云按圖經秦惠王遣張儀陳軫伐蜀滅開明氏卜築蜀郡城方廣十里從周制也分築南北二少城以處商賈少城之跡今并湮沒隋文皇封子秀爲蜀王因附張儀舊城增築南西北二隅通廣十里今之官署卽蜀王秀所築之城東北也方輿勝覽云隋蜀王秀取上築廣子城因爲池有胡僧見之曰摩訶宮毗羅蓋梵語呼摩訶爲大宮四川名勝志卷之四
毗羅爲龍謂此池廣大有龍耳又云摩訶池一名汗池陳人蕭摩訶所開也蜀檣杙王建武成元年改摩訶池爲龍躍池王氏開國記云建將薨前兩月摩訶池有鸛鷖來集衍卽位仍改龍躍池爲宣華池渭南集云摩訶池入王蜀宮中舊時泛舟入此池曲折十餘里至宋世蜀宮後門已爲平陸然猶呼爲水門也按今此池填爲蜀藩正殿西南尚有一曲水光連漪隔岸林木蒼翳遊者寄古思焉唐杜甫晚秋陪嚴鄭公摩訶池泛舟得溪字滿駛風醒酒船迴霧起堤高城秋日落雜樹晚相迷坐

觸鴛鴦起巢傾翡翠低莫教西窗爲伴宿青溪
暢甫偶宴摩訶池詩云珍木鬱青池風荷左右披
淺鴈寧及醉慢舸不知移陰簾林光冷照流簪影
歌胡爲獨羈者雲涕向漣漪薛海摩訶池贈蕭中
丞昔以多能佐碧油今朝同泛舊仙舟凄涼逝水
頽波遠惟有碑前咽不流高駢殘春遣興詩舸輕
橈柳色新摩訶池上醉青春肯辭不爲青春醉只
恐鶯花也怪人孟昶避暑摩訶池玉樓春詞水肌
玉骨清無汗水殿風來暗香滿簾開明月獨窺人
欽枕釵橫雲鬢亂起來瓊戶啓無聲時見疎星渡

四川名勝志

卷之四

二

河漢屈指西風幾時來只恐流年暗中換宋祁過
摩訶池詩十頃隋家舊鑿池池平樹盡但迴隄清
塵滿道君知否半是當年濁水泥又池邊不見帛
闌船麥隴連雲樹繞天百歲興衰已如此爭教東
海不爲田陸游前題摩訶古池苑一過一消魂春
水生新漲煙蕪沒舊痕年光走車轂人事轉萍根
猶有官梁燕銜泥入水門○天寶逸事云明皇幸
南京多以宮人自隨乃令成都畫手畫爲十眉以
賜之一曰鴛鴦眉又名八字眉二曰小山眉又名
遠山眉三曰五岳眉四曰三峯眉五曰垂珠眉又

名却月眉七曰分梢眉八曰函烟眉九曰排雲眉
又名橫烟眉十曰倒暈眉也李白上皇西巡南京
歌云胡塵輕拂建章臺聖主西巡蜀道來劍壁門
高五千仞石爲樓閣九天開其二九天開出一成
都萬戶千門八畫圖草樹雲山如錦繡秦川得及
此間無其三德陽春樹似新豐行入成都若舊宮
柳色未饒秦地綠花光不減上陽紅其四誰道若
王行路難六官西幸萬人歡地轉錦江成渭水天
迴玉壘作長安其五萬國同風共一時錦江何謝
曲江池石鏡更明天上月後宮親得照蛾眉其六

四川名勝志

卷之四

三

濯錦清江萬里流雲帆龍舸下揚州北地雖誇上
林苑南京還有散花樓其七錦水東流繞錦城星
橋北桂象天星四海此中朝聖主裁眉山上列仙
庭其八秦開蜀道置金牛漢水元通星漢流天子
一行遺勝跡錦城長作帝王州其九水綠天青不
起塵風光和暖勝三秦萬國煙花隨玉輦西來添
作錦江春其十劍閣重開蜀北門上皇歸馬若雲
屯少帝長安開紫極雙懸日月照乾坤○古今集
記云王建初克蜀造有紅樓綵繪華後初潁川人
華洪隨之入蜀賜姓王與諸子連名曰宗至是造

紅樓建以爲應華洪之讖乃誅之王氏開國記云
乾德四年秋紅樓肥遺見卽此○椅机云王衍卽
位之日卽治宣華苑乾德三年苑成延袤十里有
重光太清延昌含真之殿清和迎仙之宮降真蓬
萊丹霞之亭土木之功窮極奢巧衍數于其中爲
長夜之飲殯御襟坐鳥履交錯衍宴宣華苑宮詞
云輝輝赫赫浮玉雲宣華池上月華春月華如水
浸官殿有酒不醉真癡人乃命官人李玉蕭歌之
成都文類云李珣梓州人其妹爲蜀王衍昭儀有
詞藻卽所稱李舜弘夫人也洪邁絕句載舜弘蜀

四川名勝志

卷之四

四

官應制詩濃樹禁花開後庭飲筵中散酒微醒濛
濛雨草瑤階濕鐘曉愁吟獨倚屏又釣魚不得詩
云盡日池邊釣錦鱗菱荷香裏暗消魂依稀稀縱有
尋香餌知是金鉤不肯吞萬首絕句載羣仙降蜀
官六首其一后土夫人云偶引羣仙到世間薰風
殿裏醉華筵等閑食賞不歸去愁殺韋郎一覺眠
其二王母云滄海成塵幾萬秋碧桃花發長春愁
不來便是數千載周穆漢皇何處遊其三麻姑云
世間何事不潸然得失人情命不延適向蔡經廳
上飲回頭已是一千年其四上元夫人云思重往

事一愁容阿母曾邀到漢官城闕空存人不見茂
林芳草恨無窮其五弄玉云彩鳳飛來到禁闈便
隨王母駐瑤池如今記得秦樓上偷見蕭郎惱妾
時其六太真云春夢悠揚生下界一堪成笑一堪
悲馬嵬不是無情地自遇蓬萊睡覺時○蜀椅机
初王氏官殿皆題匠人孟得姓名及知祥入蜀居
之人以爲先兆云長興五年正月白龜遊宣華苑
苑卽王氏所建孟氏呼爲仙花苑蓋音之訛或指
仙人所進旌節花而名也明年七夕知祥宴丹霞
樓觀宮人乞巧因寢疾而終孟昶廣政三年上元

四川名勝志

卷之四

五

觀燈于露臺舞姬李艷娘有姿容召入官賜其家
錢十萬六年春衍大選良家子以備後宮限年十
五以上二十以下于是後宮有昭儀昭容昭華保
芳保壽保衣安宸安暉安情修容修媛修娟十四
號秩比公卿大夫士焉花萼夫人者本青城費氏
女以才色嬖于後宮吳曾漫錄以爲徐匡璋所納
女拜貴妃別號花萼夫人以其色似花萼翾輕也
又陸號慧妃喻其性也夫人嘗效王建作宮詞百
首其一云五雲樓閣鳳城間花木長新日月開三
十六官連內苑太平天子坐崑山餘不悉錄○宋

祁覽蜀宮故城有作云國破江山老人亡岸谷摧
鴛飛今日瓦鹿聚向時臺故苑猶霏雪荒池但劫
灰賴遺桐處壤闕記數殘枝恨月窺林下悲風覓
隴來依城狐獨速失履燕徘徊廢社纔存樹陰垣
自上苦有情惟杜宇長爲故王哀○唐盧求成都
記序略云蜀郡太守自秦惠王滅蜀始李冰文翁
其最著者益州刺史自漢武帝開疆始王遵王襄
其最著者始時定一官也而興廢異焉劉先主于
益州置牧蜀郡置守而官始分矣晉太康以刺史
治太城郡守治少城而地亦分矣改益州爲劍南

清曠隨處足樂于是作爲十詠 公咸和之備錄
以志其盛云爾西園詩云古木鬱參天蒼苔下封
路幽花無時歇醜石終朝踞水竹散清潤煙雲變
晨暮何必憶山林直有山林趣玉溪堂詩云堂因
水得名方沼當其後漪瀾蕩棖楠窗戶挹花柳蟲
魚不避人鷗鷺反相友午枕夏簟涼此樂亦奚有
雪峯樓詩云層構壓池塘不僭亦不偏影浮江水
寒逗雲山色撫檻接修竹連簷引蒼栢注目望
長安無那濃雲隔海棠軒詩云珍葩寄幽島正對
礬山植優游自俯仰紅綠若組織春酣晴日熏坐
久濃香逼池面淨可鑒朝霞翠澄碧月臺詩云蜀
地饒夜雨輕陰多蔽天見月月無幾築臺待嬋娟
高凝桂影近俯視雲屋連顧盼已塵外欲挹瑤宮
仙翠錦亭詩云榷楠百尺餘排列拱簷際畏日自
成陰隆冬寧滅翠虛曠得寂理懶辦資濃睡誰知
官府中獲此冲漠味琴玉亭詩云傍砌醺小渠廻
環是流水石罅吐珠涎清響醒人耳風微竹影碎
月皎波光起颯爽無塵囂靜適心所喜茅菴詩云
竹間構圓菴所向自瀟灑珍禽弄巧舌宛是居山
野默坐見真心萬緣盡虛假叨陋尋尺地茲焉息

意馬水閣詩云架木浮水中略約通孤島扶疎花影斜鰕刺跳魚小風月所得多經營信云巧隱几寂無人朱欄萃幽鳥小亭詩云花邊二小亭雙跨清渠上規摹雖甚隘幽僻良可賞幸依嘉木陰未美大厦廣不足延賓朋携筇常獨往吳師孟和云十紀權臣第修城外臺宅喬木不知秋名花數逾百遠如山林幽近與塵埃隔惠政裕一方民猶以爲窄餘不俱錄○宋李良臣東園記云益州路兵馬鈴幃种湘治其後圃爲池亭臺榭植嘉華蕤美木館宇星陳欄檻翼翼舊有池焉泉竇湮塞涸爲四川名勝志卷之四

八

枯泥偶新泉破地而出從而導之則故泉繼發感沸衍溢种公築堂其北命之曰雙泉挾以二軒一日錦屏以海棠名一日武陵以桃溪名梁池而南爲亭曰寒香以梅名後爲茅亭曰幽芳以蘭蕙名池東爲大亭曰三雨以桃杏梨名池南兩亭東西對峙曰綠淨曰連碧雙亭之北有老栢數十株巨幹屹立爲亭其中曰翠陰復樓其東曰朝爽西因垣而山曰五峯下曰五峯洞前爲山館水繞環之宛如山間文同丹淵集云成都鈴轄東園有梅樹樹下有素芳亭慶曆中四方館使太原王公府尹

程公賦詩刻石存焉後二十年太原之子道恭及趙閣道又飲于亭上賞梅賦詩俾與可序之○張詠創設記曰王建孟知祥迭稱僞號乾德初王師弔伐申命叅知政事呂餘慶知軍府事取僞冊勅府爲治所淳化甲午降府爲州至道丁酉歲詠始議改作東因孟氏文明廳爲設廳廊有兩樓中門立戟因王氏西樓爲後樓樓前有堂堂有掖室室前迴廊南爲暖廳廳屏有黃荃畫雙鶴花竹怪石在焉名曰雙鶴廳次南爲涼廳廳壁有黃氏畫湖灘山水雙鷺在焉名曰畫廳涼暖二廳便寒暑也四川名勝志卷之四

九

涼廳西有都廳廳在使院六十間之中所以便議公也院北有節堂堂北有正堂與後樓前爲次西位也節堂西通兵甲庫所以示積藏也涼都二廳南列四署同寮以居前門通衙後門通廳所以便行事也公庫直室客位食廳之列馬廐酒庫園菓疏流之次四面稱宜無不周盡疎篁奇樹香草名花所在有之不可殫記東挾戍兵一營南有軍資大庫改朝西門爲衙西門去三門爲一門凡得僭僞之迹屋大小七百四十間二營不在數○張俞府衙新書堂引詩云號畧楊保臣由將作屬官隨

卷之四

4.

卷之四

十

芳菲又一年宋祁衆熙亭曉曉詩云長夏宜高明
緩帶散煩窘憑軒一起然目與天俱盡山從雲端
現日就林外隱風來草樹披煙生井間近自公况
多暇冲臆無留蘊卽此可安居何須事遊軫西樓
詩云炎氛隨日入岑寂坐遙帷卷鶯昏投浦驚蟬
夜去枝桂華兼月破槎影帶星移珍重窻風好義
人卽此時吳中復西園十詠詩序云成都西園樓
榭亭池菴洞最勝者凡十所又于其間勝絕者西
樓賞皓月眺岷山衆熙臨清池濯錦水志殊土之
產有方物快蔭樾之風有竹洞雜花異卉四時通
四川名勝志卷之四
開翠幹茂林蔽映軒戶足以會賓僚資燕息因題
十詠以見登覽之盛也西樓詩云信美他鄉地登
臨有故樓清風破大暑明月轉高秋朝暮岷山秀
東西錦水流賓朋逢好景把酒爲遲留衆熙堂詩
云亭枕方塘上軒開四照新花涵清露曉風卷綠
波春日暖眠汀鷺荷翻躍錦鱗熙熙遊宴地行樂
慰西人竹洞詩云陰森過百步屈曲鎖莓苔翠色
寒無改清風時自來葉籠蒼玉幹路入碧雲堆吏
散無公事支筇到幾回方物亭詩云草木蟲魚部
披尋自古無飛沈天產異生植土風殊物色隨心

匠形容記續圖廬亭玩真意浩思滿江湖翠柏亭
詩云衆木墜黃葉皴皮抱翠枝自然根性在不爲
雪霜移靈潤承多露清陰貫四時婆娑歲寒意每
到必遲遲圓通菴詩云對此圓通境陶然勝靜齋
觀空無物我扣寂外形骸燕坐埋遺照虛名莫疚
懷人間憂樂地所喪甚山崖琴壇詩云蕭灑琴壇
上賢侯養道情無今亦無古求意不求聲林逋風
初靜雲收月乍明拂絃成一弄塵思浩然清流杯
亭詩云結客來公暇流觴逐浩歌亂峯晴倒影曲
水宛迴波小海逢元巳蘭亭記永和西州行樂事
四川名勝志卷之四
應比晉賢多喬榭亭詩云木占西園勝亭延上客
過色無花卉娟堅爲雪霜多幹有千年秀根含一
氣和明堂求厚棟可得老巖阿錦亭詩云簾幕臨
雕檻窗疎照爛霞園林初過雨風日猛催花香入
遊人袖紅堆刺史家四時俱好景終不似春華○
唐書李德裕建籌邊樓于成都府治之西四壁圖
蠻夷險要日與習邊事者籌畫其上女校書薛濤
上籌邊樓詩云平臨雲鳥八窗秋壯壓西川四十
州諸將莫貪羌族馬最高層處見邊頭宋陸游曰
籌邊樓故基莫致淳熙三年制置使知府范公成

大重建卜地在子城西南隅樓既成公自作水調
歌頭云萬里籌邊處形勝壓坤維光然瞻觀重見
駕瓦拂參旗夜夜東山銜月日日西山橫雪白羽
弄空睥人語半霄碧驚倒路傍兒分弓了看劍罷
倚欄時蒼茫平楚無際千古鏢煙霏野曠岷江
動天濶晴雨雲擁太白暝中低老矣漢都護却望
玉關歸按今等邊樓在都院之東掖隨使節而遷
者○張華博物志云蜀郡太守劉褒畫雲漢圖人
見之覺熱又畫北風圖人見之覺涼褒漢桓帝時
人○古今記云成都府衙西北有畫前益州五長
四川名勝志卷之四

十四

史像呂大防觀政閣記載刺史太守節度使畫像
李冰文翁已下二十八人○成都記云府衙院西
廳薛少保稷畫鶴青牛并少保自眉州司馬遷移
文記益州畫錄云先是蜀人未嘗見生鶴以少保
所畫爲奇物也○董道畫跋云成都府官給娘魚
圖陳于宴廳或謂爾雅諸書無此名不知何本余
按郝隆有娘鴈躍清池之句始知西南夷蠻呼魚
爲娘鴈此圖大小爲魚數十形種非可以一魚目
之也○畫苑云李石伴成都醉吟之會時作小筆
風調遠俗人爭重之○李燾云華陽縣主簿廳有

會昌中壁記乾符中柱刻會昌迄今二百年成都
千門萬戶時遭焚裂求往日之破甃斷檻殆尺寸
莫獲而此廳事獨存巧漫朱墨不改其舊是豈偶
然耶爲之記而刻諸梁上○隋經籍志蜀記漢楊
雄撰載蠶叢以前洪荒之事下迄西漢有本紀有
傳常璩李膺多引用之○蜀都賦亦子雲撰北齊
司馬膺之註今無全篇僅存者藝文類聚所載一
段○蜀記後漢李尤撰太平御覽多引之尤字伯
仁廣漢人○鄉俗記後漢漢中趙甯撰華陽國志
蜀守陳留高朕續文翁之後雅播文教甯爲文學
四川名勝志卷之四

十五

命之撰鄉俗志本蜀論蜀漢光祿大夫來敏撰酈
道元水經注引之○益部耆舊志漢中陳述申伯
臨鄮厓伯邑並作述仍著釋問七篇○蜀陳壽撰
三國志之後又作益部耆舊傳十篇常寬續之曰
後賢傳又作梁益篇法帖王獻之與人書益部耆
舊傳今送想催驅寫取了慎不可過淹留○時梓
潼王崇又著蜀書與壽微有不同崇字幼遠有詩
賦名○華陽國志晉常璩撰凡十二弓自爲序○
晉孫盛蜀譜裴松之註三國志引之○巴蜀志晉
袁休明撰其略云高山嵯峨崑石磊落傾側榮烈

下臨峭壑行者扳緣牽援帶索全書不傳此數語
見鄺道元水經注○傳玄蜀都賦初學記多採之
玄字休奕北地泥陽人○左思作三都賦載筆自
隨十年乃就蜀都其一也其事物多得之張載載
父收爲蜀郡太守隨之任所著有劍閣銘及成都
白菟樓詩詳見前○蜀都補闕賦宋蒼溪嚴大猷
撰王逸少與周益州書云省疏具悉彼土山川之
前故知揚雄左太冲蜀都賦爲不備大猷因之而
作又有王勝者爲著蜀都賦辯焉○益州記二卷
梁太僕卿涪城李膺撰膺字公輔時爲本州別駕
四川名勝志卷之四
非漢李膺也先是晉宋譙周劉欣期各著有益州
記不傳散見類書○段氏遊蜀記錦里新聞三卷
俱唐段成式著見寰宇記及宋史經籍志○唐鄭
曄蜀記二卷陳振孫曰雜記蜀事人物古跡寺觀
之屬人代未詳按蜀志補罅以曄爲成都人復著
有天寶西幸略云○唐盧求成都記五卷自爲序
凡數百言大中九年八月○續成都記一卷五代
杜光庭著見宋史經籍志○錦里耆舊傳五代進
士張彭著見人物志○續錦里耆舊傳平陽句延
慶昌裔撰宋開寶二年秘書丞劉蔚知榮州得之

屬知新繁縣太常博士張約序○蜀程記五代
莊著見宋史○華陽記僞蜀廣政中荷澤院僧仁
顯撰古今集記取之○蜀江志十卷劍南風物錄
二十八種並宋東陽沈立撰立慶曆間知洪雅縣
事○離峯志十卷見宋史新編亡作者名○梁益
志十卷晁公武曰任弁撰宋天禧中弁游宦成都
以蜀記數家言皆無據乃引書傳用正其謬自爲
序○蜀古今傳陵州志云宋續耆來守是州暇日
作蜀古今傳趙抃成都古今集記定據川之按今
仁壽縣即古陵州也○成都古今集記三十卷宋
四川名勝志卷之四
熙寧間成都太守趙抃閱道編集公自爲序曰僕
繇慶曆至今四八蜀凡蜀中利害情僞風俗好惡
瞭然見之不疑乃據其故實以類相從書成凡三
十卷竊意十亦得其八九矣○續成都古今集記
紹興三十年知府事王剛中居正撰凡二十二卷
○成都古今丙記十卷淳熙制置使知成都府范
成大撰嗣後制置胡元質長文撰丁記二十五卷
○蜀人物志宋寶謨閣學士劉甲撰甲字師文淳
熙進士嘉州人○劍南廣記四十卷龍州助教郭
友直撰○宋成都志慶元制置使建安袁說友序

作者不知爲誰按費著云全蜀郡志惟成都志有文類今文類五十卷爲袁所集則志必出其手而自序矣○元成都志至正中費著撰自爲序即撰歲華紀麗者○郭允蹈蜀鑑一卷昭武李文子序○劍南須知十卷眉山宋如愚撰異品李氏曰第一第二卷編集舊史而已第三至第六盡出唐樊綽續書第七卷以下乃如愚自爲之文及其計畫如熙寧買馬事誠西南要害異時可補國史之漏○伐蜀記東晉建元桓溫平李勢後作○李雄據蜀書江原常璩撰崔鴻進十六國春秋表乞浴邊

四川名勝志

卷之四

十六

尋采○前蜀記事二卷僞學士毛文錫撰後蜀記事十卷直史館太常博士董淳撰○金行啓運錄二十錄孟蜀學士庾傳昌撰外史椅机十卷宋張唐英次功撰又名蜀椅机○蜀國文英八卷王蜀嘉州司馬劉贊編見宋經籍志○成都文類五十卷宋慶元制置使建安袁詵友編自爲序○成都古今詩集宋章彙編凡六卷

四川名勝志卷之四

四川名勝志卷之五

成都府五

新都縣在府城北六十里

華陽國志蜀以成都廣都新都爲三都號名城古語云廣漢有二雒新都爲上雒建寧中江爲下雒也○寰宇記云新都本漢舊縣屬廣漢郡後置新都郡新都故城在今治東二里初右扶風法正依劉璋爲新都今卽此城也○唐張說新都南亭送郭元振盧崇道竹徑女蘿蹊蓮州文石隄靜深人俗斷尋玩往還迷碧潭秀初月素林驚夕樓寒幌納蟾影理琴聽猿啼佳辰改宿昔勝寄坐睽攜長懷賞心愛如玉復如珪歐陽詹新都行縹緲空中絲蒙蒙道傍樹翻茲葉聞吹惹彼花上露悠揚絲意去萼弱花枝住何計脫纏綿天長春日暮宋陸游早發新都嗟嗟江村雞迢迢縣門漏河漢縱復橫繁星明如畫愛涼趣上馬未曉閱兩嶠高林起宿鳥絕澗落驚狖寺樓挿茶煙沙泉瀉幽竇我行忽萬里坐歎關河逗官如廣文冷面作拾遺瘦今年盡歸哉勿落春歸後○新都驛有遠平軒宋時

建劉望之題云霜晴木落送歸鞍袖手微吟此慰
顏勝欲憑欄招百鳥更煩剪樹出青山晚悲薄祿
非三釜賴許清詩見一斑看到遠平纔得恨我寧
歸卧尺椽問自注云軒有外氏周次元帥蜀詩○
治比寶光寺後有柱礎闊丈二尺圓徑二尺高尺
八寸唐僖宗避黃巢至蜀遣御史賁龜書召知玄
闕師憩息其處掘地得石匣中有如來舍利尋建
浮圖以瘞之仍剏精藍曰寶光○蒙宇記云麗元
山在縣城北八里平地特起四絕高三丈有雙石
鏡廣五尺嘗掘其下至水而未臻其極○又七里

四川名勝志

卷之五

爲雙石關各高丈三尺一題云漢故交州刺史維
陽令王君稚子之闕一云漢故先靈侍御史河內
縣令王君稚子之闕關兩角有斗又作重屋四壁
刻神像人物牛馬之類按益州耆舊傳王稚子新
郪人後漢書注梓潼有郪縣故城故此口新以別
之○李膺益州記云稚子關北五里有武侯八陣
圖土城四門中起六十四魁八八行魁方一丈高
三尺緯略曰八陣圖在新都者時土爲魁植以江
石四門二百六十四魁八八成行兩陣並峙周凡
四百七十二步魁百有三十按新都八陣圖在彌

牟鎮去縣北三十里以萬曆己酉歲三月過之
有詩云曉雲不散彌牟鎮春草橫生八陣圖○陸
游九月十日如漢州小獵於新都彌牟之間投宿
民家作適從卬州歸又作漢州去天低慘欲雪遊
子悲歲暮野火炎高岡江雲暗空戍角引寒始勁
霜鶻飢更怒邂逅成小獵人善聊指呼北連武侯
祠南並稚子墓合圍蹙窮鹿設伏羅殺鬼壯哉帶
箭雉耿介死不顧吾寧暴天物戰法因得寓黃昏
過民家休馬燎裘傍老嫗亦復奇汎掃邀我駐丈
夫儻未死千金酬此遇○古今集記云新都縣南

四川名勝志

卷之五

十七里有宋興成山高百四十丈週三十餘里山
赭色岸邊若有火光又名赤岸益州記云赤岸山
頂有湧泉週迴數丈深八九尺澄澈不竭○又三
里爲龍門山宋趙抃次孫直言九日登龍門山詩
皇祐二年秋九月九日龍門遇佳節新都大夫孫
隱之報政優游共民悅升山高會賓主俱滿頭黃
菊泛茱萸遙開醉眼極千里身高氣爽胸懷舒春
言登臨風景異澄川秀野如披圖殊方真賞到奇
處未來空只誇江湖嗟我江原泰民長周遭百里
平如掌簿書役役甚因拘聞有岷峽無計上及聞

治邑茲山奇脚力不到神魂馳誰知我亦好山者
篋中時役觀君詩○縣西南十五里繁陽山山中
有麻姑洞即陽平治之別名也在繁水之陽因以
爲名本際經云天師張道陵所遊太上說經之處
爲二十四化之第一衆山連接嶽峰特起神武皇
帝潛龍之時光化二年己未五月四日丙申山土
摧落洞門自開縣吏時康道士張守真等以事申
府云自洞門開後每月有百姓往來者府差縣典
楊澤高工任從與守真同往簡發諸洞中上稱把
燈燭入洞者視其第一門對北高二尺濶三尺五

四川名勝志

卷之五

四

寸入至第二門約五尺已來第二洞門方一尺六
寸入內竝是黑處長一丈二尺濶六尺有石窟兩
處在東畔并西南有洞門兩路南畔一路圓濶一
尺六寸入內長一丈二尺濶一丈高四尺南畔有
石窟三處西畔兩路入內通遶門圓濶一丈七尺
內各濶五尺高六尺已來門相去一丈門差一所
高五尺濶四尺從內往來有刻料拱礪瓦約山作
石日月兼作日字月字隔于房一所濶二尺五寸
高一尺五寸刻料拱礪瓦石竈一所高一尺濶一
尺五寸門濶五寸石窟三處各濶七尺又西入洞

門圓濶一尺七寸灣曲入向南門屋一所高六尺
濶四尺從內來往有石料拱礪瓦又有竈礪兩所
共一牀高一尺濶二尺三寸門濶八寸有石料拱
西北角又有一門方一尺六寸內方二丈已來南
畔西畔北畔各窟一所南角又有一洞圓濶一尺
六寸已來將燈燭近前有黑氣出燈火即滅更人
不得其洞連接繁陽本山相去三里已來據諸生
張贊等狀稱繁陽是古迹山每准勅祭祀其洞亦
是元有往往閉塞元和中南康王韋皋蒞蜀洞忽
開時人咸云洞開卽年豐物賤等又閉塞至是復
開其後果遠近豐稔洞本名麻姑山側有麻姑宅
墓蓋修道之所也

四川名勝志

卷之五

五

雙流縣在府城西南四十里

李善注文選江水出岷山分爲二經成都縣東南
故左思三都賦云帶二江之雙流也漢曰廣都卽
蜀三都之一隋避煬帝諱改今名○華陽國志云
廣都縣在蜀郡西三十里漢元朔二年置有漁田
鹽井之饒江有魚漕梁山有鐵鑛江西有安稻田
穿山崖過水二十里○唐司空曙送柳震還蜀白
日雙流靜西看蜀國春桐花能乳烏竹節競祠神

蹇步徒相望先鞭不可親知從江僕射尋常吏何人宋李新廣都道中萬花纖離凡幾曲繡屏處處聞菲屋家貧張日無羅幕東風吹開莫吹落居人應笑行客癡春去春歸殊不知一作以庚戌暮冬過此作詩云萬里橋方度雙流徑即存薄寒成翠色疎雨點黃昏竹柏客他樹水雲平過村城烏棲欲盡繞到縣西門○寰宇記云廣都有盤古祠徐整三五曆記曰天地渾沌如雞子盤古生其中八萬四千歲天地開闢清陽爲天濁陰爲地盤古在其中一日九變神于天聖于地天日高一丈地日厚

四川名勝志

卷之五

六

一丈盤古日長一丈如此滿八萬四千歲天極高地極深盤古極長後乃有三皇數起于一立于三成于五盛于七處于九故天去地九萬里也予按羅泌路史亦云于廣都得盤古之祀矣○陰弘道益州山川圖云阿育王使鬼兵造八萬四千塔廣都有其一○商瞿里在縣治東十里瞿上鄉有孔子弟子商瞿上墓瞿受易于孔子者時有錦雞白鵬見焉文明之德未艾也○寰宇記云宜城山在縣東南十里牛飲水南今名紫草山隔阜相屬局百餘步連入陵州貴平縣界○清水在縣北十里

一名牛飲水水名客舍昔程鄭家于此每群牛飲江爲之竭故名按蜀漢尚書蔣琬宋布衣李甲宅俱在宜城山下茂林清泉致可喜耳○公孫述墓在縣西四十里高三丈墓內銅作網結雖遭亂世莫能侵毀○治北十里龍池舊名葛陂道漢費長房至此以杖擲陂中化龍去○天師觀在廣都縣北張道陵祠也壇下有井名伏鬼井趙閱道記云華陽縣衙山有井妖怪藏其中道陵運石以鎮之鬼妖乃絕邑人爲立祠植杖井旁今爲喬木曰戒鬼木○華陽國志云漢時新都朱辰字元熙爲巴

四川名勝志

卷之五

七

郡太守甚著德惠辰卒官郡獲民比送及墓獲殭鼓刀擗踊感動路人于是塋所草木頃許皆傲其曲折迄今蜀人莫不歎辰之德靈爲之感應今朱氏爲首族也○牧馬川在縣東南八里蜀先主于此置籍田牧馬在江中俗因名牧馬川○唐詩紀事段文昌字墨卿別業在廣都縣之南龍華山嘗杜門力學于此俗謂之段公讀書堂長慶初朝議文昌少在西蜀諳詳利病詔授劍南節度使有邑人贈詩曰昔日騎驢學忍飢今朝忽着錦衣歸等閑畫虎驅紅旆可畏登龍入紫微富貴不由翁祖

致文章生得羽毛飛廣都再去應惆悵猶有江邊
舊釣磯○文昌還別業有尋龍華山寺廣宣上人
詩十里惟聞松桂風江山忽轉見龍宮正與休師
方話舊風煙幾度入樓中郭震題龍華山詩昔年
曾到此山回百鳥聲中酒一杯最好寺邊開眼處
段文昌有讀書臺按方輿勝覽文昌讀書堂在廣
都縣順聖寺南輿地碑目云龍華院山門路記後
唐天復七年立今爲觀音院口龍華閣有摩崖大
像唐任氏黃國夫人所作何耕絕句云慧性元從
戒定薰百花潭水浣僧裙箇中力量真超絕故老
四川名勝志卷之五

尚傳娘子軍○郭信可隱居卽郭印也何耕題其
雲溪詩云幽居定何如頗恨未見之主人向我言
喜色融雙眉修篁流翠陰寒溪漾清漪領略非一
狀幽研發餘姿按雲溪隱居有浮翠橋寒碧亭達
色閣假山虛舟各題什不具錄○志林云宋章啓
字隱之本閩人遷于雙流善屬文不仕者太玄疏
三十卷賜號冲退顯以養生治氣爲事將死以小
童自隨謁別曰此間壘塵非可久居吾歸閩苑矣
○元祐中有宋承之號二江先生著有文集十六
卷南部馬涓序稱其在官惟以簡編筆研吟詩度

日常曰世間樂孰與于此

郫縣在府城西二十五里

杜宇名蒲卑都于此邑泰因以郫名邑矣至今不
改○華陽國志張儀城郫周回七里高六丈上置
樓觀射蘭與成都同制晉元康三年民謠曰郫城
堅蓋底穿郫中子李特細蓋李特自稱益州牧治
此城也○寰宇記云犀浦縣周垂拱二年割成都
之西鄙置蓋因李冰所造石犀以名杜甫詩南戶
犀浦道指此在今縣東二十里宋熙寧間省入○
志云縣治儀門下穿洞直通犀浦極深敞高可土
四川名勝志卷之五

尺許每夜月中天洞內曙光如晝古謂之明月洞
○治內東土臺墳起下有池其底有井謂之郫筒
井井畔產巨竹割爲筒汲水而釀卽以蕉葉纏以
藕絲信宿香達于外相傳晉山濤治郫以筠釀醪
糜酒卽日香聞百步今池井俱存竹則不產一云
池中土臺突起列方圓二井名鴛鴦井○益部耆
舊傳云楊統曾祖仲緒舉河東方正授郫令居官
有德惠人爲立祠樂其風俗于是居焉○漢書楊
季官至廬江太守武帝元鼎間避仇遡江處岷山
之陽曰郫有田一壥有宅一區世以農桑爲業按

卽雄之先也○三國志鄧芝字伯苗新野人先主
定益州芝爲郾邸閣督先主出至郾與語大奇之
擢爲郾令遷廣漢太守所在清嚴有治績入爲尚
書○成都文類宋司馬池尉郾之明年生子光于
官解字之曰岷以山稱也于是諫議公手植柟樹
一本于庭及溫公歿後若干年郾邑李丞作堂祀
公且以護樹張行成記之○揚雄蜀紀云杜宇一
名杜主代魚鳧王蜀徙都于郾卽杜鵑城也後魏
其位子鼈靈宋陳臯記云杜宇鼈靈墓在郾縣南
一里二塚對峙若丘山俱隸淨林寺○寰宇記云

四州名勝志

卷之五

十

郾縣有楊子雲讀書堂本志云縣南二十里子雲
亭卽墓所也亭北半里有拜臺相傳爲拜子雲墓
而築○又有漢司空何武宅武之弟攀從刺史王
濬伐吳有功歸家闔門治疾不預世事武之後隨
有養竹園人盜其筍隨遇見之恐盜者怖走或傷
其手足因挈履徐步而歸○司空又有弟曰英與
成都楊中友俱通經緯每事人皆服其先見之明
所著有漢德春秋十五卷其後有汶者著世約三
十篇又在隋時有安者字樓鳳有文集十卷孝經
義二卷○輿地紀勝云郾有張白雲先生故居先

生諱僉字少愚郾人俊偉有大志累辟薦不赴文
彥博治蜀爲治青城山白雲谿杜光庭故居以處
世因稱爲白雲先生范鎮題張故居少愚屋壁詩
云高隱郾城下平時仍往還門開值冠蓋簾卷爲
江山片雨人間待孤雲天外閑泥封詔不起朝夕
奉慈顏文同前題澗水浸斷橋車馬不得通飛嵐
積庭礎秋蘇蘇垂紫茸窓紙爛溪雨簾衣折林風主
人殊未歸使我烟景空○水經註云江水又東北
逕郾縣下縣民有姚精者爲叛夷所殺掠其二女
二女見夢于兄曰當以明日自沈江中後復日當

四州名勝志

卷之五

十

至可伺候之果如所夢得二屍于水郡縣表異焉
○古語云郾縣七十寺分布四郊內其最著者法
定寺也漢永平年佛法初入中國時建晉惠遠寓
居每著神異至隋始額爲法定焉寺有彌勒聖像
乃江流枯查所製唐貞觀長史高士廉蓋殿以安
之有僧汎愛者樹其浮圖獲巨蟹身長二尺餘此
塔嘗被霆擊而復合爲釋惟忠所禱云○陸游老
學菴筆記予在成都偶以事至犀浦過松林甚茂
問馭卒此何處答曰師塔也蜀人呼僧爲師乃悟
杜詩黃師塔前江水東之句○放翁又云沉犀園

寧觀有古楠四皆千歲木也枝撥雲漢聲挾風雨
根入地不知幾百尺而陰之所庇車且百兩正晝
日不穿漏夏五六月暑氣不至凜如九秋成卻固
多壽木然莫與同楠比予蓋愛而不能去者燭日
有石刻立廡下曰是仙人蓮君手植按卽蓮仙觀
爲遽真人舊隱處○嵩死載東蜀楊天惠徙文湖
州木石書壁記云鄉丈人石室文公飲于郾之西
禪精舍夜艾氣醺販燭作枯木惟石于方丈之壁
頗爲拙目輕題乃告王主簿舜選并其壁徙置公
堂中央爲欄楯周護之固以爲鑄遇氣節不凡者
四川名勝志

卷之五

三

乃發示使觀畫于皇祐之癸巳徙以大觀之庚寅
○畫死又云文氏湖州第三女張昌嗣之母也居
郾湖州始作黃樓障欲寄東坡未行而湖州謝世
遂爲文氏僑具文氏死復歸湖州孫因而二家成
訟文氏嘗手臨此圖放于屋壁暮年盡以手訣傳
其子焉

新繁縣

在府城西北
五十六里

水經註云成都江北則左對繁田文翁又穿湔洩
以溉灌之凡一千七百頃蜀漢延熙十年涼州胡
率衆降增戶于此俗間謂之新繁也○禹貢曰岷

山導江東別爲沱孔安國註云江東南流沱東行
鄭註云此沱尾入江不于江出晉太康地記云江
沱在繁縣蕭廣濟註江賦云觸玉壘山東迴爲沱
據漢書溝洫志此江卽秦守李冰所鑿非禹貢之
江沱明矣本志云李冰導水見水勢橫突乃鑿九
井象九宮以厭之元末井堙塞新建石橋存○志
云衛湖蜀漢縣今衛常所開在學宮後又有東湖
李德裕爲宰日將開此湖夜夢一老父曰某潛形
其下幸庇之明府富貴今鼎來七九之年當相見
千萬里外也明日丁上中得一墓徑尺餘乃投之
四川名勝志

卷之五

三

水後德裕果至宰相六十有三卒于朱崖應其夢
焉按宋俗衛公堂記略繁江令舍之西有文饒堂
者舊矣前植巨楠枝幹奇惟父老言唐李衛公爲
令時鑿湖于東植楠于西堂之所爲得名也○宋
蘇實治平間爲繁令有異政嘗厭衛湖蛙鳴令人
取一大者以硃點之戒曰母再喧囂已累不鳴及
湖中涸群蛙結聚成團啓視之則硃點者居中群
蛙若擁翼焉蘇令悉放于江終其任湖蛙無一鳴
者○唐初隱士朱桃椎茅茨賦云若夫虛寂之士
不以世務爲榮隱遁之流乃以閒居爲樂故孔子

達士仍遭禁溺之譏叔夜高人尚被齊魯之笑况復尋山玩水散志娛神隱卧茅茨之間志想青雲之外遊世上之無爲亦處物之高致若乃觀余菴室終諸陋質野外孤標山旁迥出壁則崩剝而通風簷則摧頽而寫日是時閒居晚思景媚青春逃斯澗谷委此心神削野藜而作杖卷竹葉而爲巾風前引嘯月下高眠庭惟二逕琴置一絃散誕池臺之上逍遙巖谷之間逍遙兮無所託志意兮還自樂枕明月而彈琴對清風而緩酌望嶺上之青松聽雲間之白鶴用山水而爲心翫琴書而取樂

四川名勝志 卷之五 古

谷幽偏覺鳥聲嬌聲高韻細盡相調見許毛衣真亂錦聽渠聲韻宛如歌調絃乍緩急向我茅茨集時逢雙燕來屢值遊蜂入水開絲水更應流草長階前還後濕立名人世不須高總知世事盡徒勞未會昔時三箇士無故將身殞二桃贊曰先生知足離居盤桓口無二價日惟一餐築土爲室卷葉爲冠斲輪之妙齊扁同觀宋楊中謁朱真人祠一濯巖下溪再拜巖中庭清風蕭然來吹我衣上脛仙人芙蓉冠乘月下雲轡山空雜佩響靜夜朝百靈寂寥古壇外但見斗與星青山無行迹霧雨空

冥冥○有勾氏者隱于盤溪成都文類勾景泰詩黃塵沒車轍平地得林丘花木風光早陂池煙雨秋不彈長劍缺牛賦大刀頭九軌利名痼逢君應少瘳又客至輒命酌爲言花已開青山長委髻白骨舊生苦不飲固癡絕能詩宜數來煩憂明日雨紅紫落成堆又勝簪不肯黑浮蓋故能紅心寄塵埃外春歸杖屨中徑松青護護庭草碧茸茸無術繫白日年光如轉蓬按盤溪主人勾天于字信卿李石記云有樓以藏書堂以教子臺以賦詩榭以置酒自誓曰俗于汚我不我門凡士門我不我室

四川名勝志 卷之五 古

清風肅戶明月焚席抱琴之童挾卷之士照映几杖之側倘伴筆硯之閒○成都文類孫太古于新繁法要院壁上畫羅漢梅摯題云絕藝知君少誰憐太古蹤佳名吾黨出逸格彼蒼鍾山欲遙倫葉田衣半剝耳鄉人當保此此畫世無重○文類又云繁江隆道觀玉帝殿庭有古楠二本分植左右如輔弼狀元祐八年偶一夕風雨大作偃其左偏者邑宰命匠石取之方執柯伐其枝忽聞軋軋聲楠乃稍起立匠石攀其上似猿猱然觀者色駭邑宰降階伏而謝罪繁尉蒲咸臨記之甚詳○劉向

列仙傳云王老者皋道人也一日飲道士浸齋酒
酒正方打麥忽風動云蒸拔宅輕舉室中猶聞打
麥之聲今新繁縣東二十里有打麥場是其舊蹟
○玉簪編事云前蜀嘉王頃爲新繁鎮使理屬掘
得一鐵鏡下有篆書十二字人莫能識命工磨拭
光可鑒物掛于臺上百里之內並見照入後遇一
賣藥者伴請鏡者乃以手擎肚納鏡于腹中冉冉
乘空而逝○法苑珠林載新繁縣西四十里王李
村隋代有書生荀姓者工書法嘗以筆于空中寫
金剛般若經數日便了人初不覺其神也後忽雷

四川名勝志

卷之五

六

雨大澍牧牛小兒于彼處住並不澆濕其地乾燥
可有丈許唐武德初一異僧語曰此地空中有殿
若經不可輕汚鄉民乃爲四周欄之

溫江縣

在府城西
五十里

以江水至此始溫也濯絲有色斯其一驗矣後魏
時始立今縣在漢曰渝涪道○縣北十里有魚鳧
賊華陽國志魚鳧王田于渝山忽得仙道蜀人思
之爲立祠焉成都文類孫松壽觀古魚鳧城詩野
寺依修竹魚鳧迹半存高城歸野航故園盡荒村
古意憑誰問行人設苦論眼前興廢事煙水又黃

晉抄漢文苑資中王子淵以宣帝神爵二年有事
前上作僅約文卽此地也○寰宇記云皂水在溫
江縣李膺記相林寺前清皂二水是矣任懽渠堰
志云九昇口堰其源出于皂江至郫之柵頭別流
爲溫江口而九昇口者實兩江之滙也杜甫陪李
七司馬皂江上觀造竹橋詩伐竹爲橋結構同塞
裳不涉往來通天寒白鶴歸華表日落蒼龍見水
中顧我老非題柱客知君才是濟川功合歡却笑
當年事駢石何時到海東趙抃早離溫江夜泊白
沙步曉與諸孫別依然頗動懷去乘蘭棹穩行得

四川名勝志

卷之五

七

綠衣借漁父逢連市村星半掩柴夜來溪上宿夢
已在高齋○宋史哲宗紹聖四年夏四月八日有
芝生于溫江縣觀音院齋廡之檻一本而數結煙
縷氤氳閨月不散邑令孫漸扁其處曰芝堂而爲
之頌云西母薦祉金精効奇是生神草雲英瓊筵
給園之中渝水之滄地其幽矣芳而孰知陟彼岷
宮真人願願夜授秘訣謂余宰之沃之醴泉濯之
天池羞以石髓茹而忘飢黃綺爲伴喬松可期盍
獻天子以薦神祇○古今集記治西三里之金鳥
池唐高宗曾夢金鳥集于益州巨木上遣使訪至

此見鳥三足而金色浴于此池志云今有金鳥觀
存○集記溫江治西二十五步有女郎祠張天師
孫靈真之女名玉蘭者幼不如童十七夢吞赤光
感孕爲母所責一夕無疾而卒有一物如蓮花自
腹中出開視之乃本際經十卷堊百餘日雷雨晦
冥失經所在墳塋自開而飛并棺蓋掛于巨木之
上此三月九日事鄉人至今如期齊祭之按郡國
志梁州女郎川張魯女浣衣石上感赤光之祥而
懷孕生二龍及女奴將殯輓車忽騰躍升此山遂
葬焉其浣衣石猶在因謂之女郎山其說略同

四川名勝志卷之五

六

彭縣在府城北

周彭國也武王伐紂彭人與焉又云饒鏗之封邑
矣華陽國志則以兩山對闕有天彭之稱也梁天
監中立東益州于此又號小郫以上地肥良此諸
郫邑矣志云縣西北三里有劉宋時晉壽郡城梁
東益州所理○寰宇記云濛陽縣唐儀鳳間于濛
江之北置故曰濛陽蓋濛濛水源出九隴縣來經
當縣南二百五十步今治東二十里之濛陽鎮是
○又有九隴縣故城在治北三十里之二郫鎮縣
後周置以九隴山爲名山出自永昌縣連亘至縣界

屈曲而九折此方輿勝覽云九隴者古彭州之西
山一伏隴二豆隴三秋隴四龍斧隴五走馬隴六
駱駝隴七千秋隴八較車隴九橫擔隴故有九隴
之名○陸放翁云天彭號小西京以其俗好植牡丹
有京洛之遺風古今雜記孟氏以牡丹名苑于
時彭門爲輔郡典州者多其戚里得之上苑此彭
門花之始也天彭亦謂之花州而牛心山下謂之
花村云○治內有東湖宋元符袁陶記云九峰高
峙濛水潯發樓閣亭軒隱見于茂林修竹間又有
西湖唐元和守王潛蕭祐創進士鄧袞記云二公

四川名勝志卷之五

九

閨奇撰幽不乏心匠于西湖臺島花竹布置罔不
宛妙○南樓在治圃中范百祿有記文同彭州南
樓詩云百尺壓城端飛簷欲上搏湖光搖毘峴山
影轉欄干秀野含春煦喬林擁幕寒回頭大岷雪
千仞正巖峴○望雪樓在千城上唐時州守建以
望雪山太和進士鄧袞銘曰維蜀之鄙截如巨砥
厥郡維彭西北天屏危碧峭青憂霄摩冥鯨跳虬
奔限巒隔脊上排雪峰延疊萬重鶴鵲躍軒月積
綃鮮振古不泐四節一色皎皎披飄寒淵陰膠光
涵二水冷射千里往哲所嘉名之玉壘○高適爲

四川名勝志

卷之五

17

四川名勝志

卷之五

三

史 169—626

逾萬人宿止山內飲食之外水常有餘○至德山在治西三十里有廣明院蜀王衍專事遊幸嘗登是山患其高險令于福唐寺東別開一徑凡數里廣可二丈栽松砌石以達于寺從官悉騎以從松枯石惟尚有存者○至德山有三昧泉白石竇噴冽方大如斗不竭不溢俗傳卽知玄國師洗人面瘡之處至今疾者澆之多効按高僧傳釋羅僧者蜀聖寺中得果位人也嘗寢疾于五臺山同會僧衆俱不之測悟達國師獨善視之將及九旬病愈別去云所苦今遂平復山師之力我住在劍外

四川名勝志

卷之五

奎

九隴郡之茶籠山爾異曰遊方無忘相訪也悟達暮歲至蜀歷訪羣峰訊老樵輩皆以未嘗聞茲山名乃嘆曰噫病禪之妄也將回遇一山童曰某是彼巖之聚沙者前導而去俄覩殿塔儼空房廊環肅果值昔之病僧迎門敘故日將暮矣而謂之曰茲寺非得滿盡通不能至爾以宿緣一諧遊止言寄寓乎斯爲未可爾其克勤修證諸果胡難乃命舊童送師歸去廻望之頃但見巖壁峭峻杉檜蒼蒼而已則開成中事也時知玄著傳之次得僧可思尤閑地理爲玄作瑩兆于丹景前峰其山若雉

蝶狀雖高低起伏而中祇平俄有里人耆老曰古相傳云茶籠山矣○縣北三十里丹景山舊志以爲山時牡丹春時紅艷照人故名其前卽彭門山兩山對峙懸崖絕壁相去數百步如門卽天彭門也或曰彭祖徧游洞府以窺聖迹嘗往來于其中僞蜀太后徐氏題丹景山金華宮碧煙紅霧漾人衣宿露蒼苔石徑危風巧解吹松上曲蝶嬌頻採臉邊脂同尋僻境思攜手暗指遙山學畫眉好把身心清淨處角冠霞帔事希夷太妃徐氏和云丹景山頭宿梵宮玉輪金輅駐遙空軍持無水注寒

四川名勝志

卷之五

奎

碧蘭若有花開晚紅武士盡排青嶂下內人皆在講筵中我家帝子傳王業積善終期四海同○白鹿山在縣北五十里周地圖記云宋元嘉九年有樵人于山左見羣鹿引弓將射之有一麋所趣險絕進入石穴行數十步豁然平博邑屋連接阡陌周通問是何所有人答曰小成都後更往尋之不知所在○白鹿山有大乘金覺禪寺晉佛圖澄所建上有洗腸池遺民劉敞故州牧劉璋曾孫也隱居白鹿山高尚皓首未嘗屈志後爲羅尚所殺○大隋山有景德寺隋大業中神照禪師投錫之所

有木禪菴白龍井山生竹若龍頭俗呼龍頭竹右
去棚口鎮三十五里又二十五里始至縣張大覺
記云西山之勝在彭門者大隋爲甲郭印詩云我
聞大隋名夢寐猶記錄得機天彭道喜氣知可掬
出城六十里崎嶇轉江曲出門忽上危步依節
竹崩石帶煙雲草羅淵谷寂鳥下窺人繫猿時
掛木路窮纔見寺金碧煥雙目祖師古定光燈冷
無人續開公生異世大事如付囑僧言山長陰朝
暮雲容慶茲辰爲我晴疊岫堆濃綠虛閣倚秋風
一洗塵土俗舉手揖丹景橫身跨白鹿十年勞問
四川名勝志卷之五 雷

龍懷寺碑唐王勃撰略云龍懷川者井絡之所交
會岷隅之所控帶攢峰比走吐香嶂丁玄雷巨壑
南馳歟洪濤于赤岸香城實地左右林泉碧岫丹
岑往來煙樹隋開皇五年始賜額爲龍懷寺因岫
爲壁懸崖列戶地鄰縣左遂均縣上之恩山似龍
盤卽建龍懷之刹云
崇寧縣在府西北
八十里
析郛導江九隴三縣所置唐之唐昌縣宋初之永
昌縣也道君崇寧間改今名狄道李子忠來牧是
邑稱堂于其所居之西北隅而命之曰治已修筠
四川名勝志卷之五 雷
珍幹羅立環擁寒溜滾滾渠行沿育公事旣休卽
來其間文與可爲之記○唐咸通中御史中丞吳
行魯出知彭州于州之唐昌縣心置草市獄馬亭
及靈巖報恩院陳箴爲之作記立碑建德鄉其詞
曰聖上以南夷不虞邊虞公起彭門要郡投執政
意選擇其人遂命御史中丞渤海吳公行魯往公
輶車之日卽究風俗民之憂苦已明其重輕事之
興廢已熟其利病從便釐革幽顯愜心郡內肅然
施及支邑以唐昌縣中界接導江郛城東西綿遠
不啻兩舍雖有村落僻在荒墟昔置郵亭廢毀將

久行役者野食而泉飲貿易者星往而燭歸紋殺
公行投告無所深溝雨漲古陌橋摧跬步難踰艱
苦寧述况輸役責限微斂有程而欲罪其稽遲者
乎公惻然凝想卽日計成遂陳于連帥於縣心置
草市因止鄉名便以建德爲號自此四來者旋踵
而迓迎中望者舉目而知歸老幼攜挈倏忽而至
萬家歡笑共事修營不旬日而告就今則百貨咸
集蠢類莫遺旗亭旅舍翬張次榆楊相接系麻
漸繁如此牧人可謂移風易俗矣昔武侯以蜀勝
脆故令隣邑翊日而市意在習其筋力而俟之征
四川名勝志卷之五 羊

四川名勝志卷之五

羊

徑又每及上春以蠶爲名因定日而有知所往公
亦約之以期而候之其日商旅帶貨至者數萬珍
織之玩悉有受用之具畢陳想人之心豈待詢問
而知其歡悅也復以路由諸部疊跡輪蹄徘徊一
息無稅駕之所遂出俸錢建長亭崇軒邃室舛旣
內廚帷薄精新器物充足則往來者非止盡食而
十夜可矣人既繁會俗已豐饒又置一鎮抽武士
三十人而禦之創立廨署早暮巡警盜將竄跡人
遂高眠不感晨雞無聞夜犬皆云康泰不可比儔
又茲地會昌之前有佛寺數所因廢而未興鄉閭

四川名勝志卷之五終

羊

禮無虞禮敬像設之儀其識鐘磬之聲不聞僻
野深郊轉爲輦俗役置靈巖報恩院修北方天王
及侍從奇工妙飾相好無雙高墉環合門廡揭立
度僧住持行道無有虛日斯人也非以豐足而求
逃天札之患得不紀其盛跡而垂于無窮者哉○
藏方考鏡金馬山在崇寧縣北上有碧雞金馬二
神祠邑人祀之按列仙傳赤斧者巴戎人爲碧雞
祠主簿能作水瀕煉丹與硝石服之反如童子毛
髮皆赤手掌紋有斧形故以爲號漢王褒爲碧雞
使者班固文云朱軒之使鳳舉于金碧之巖卽此

四川名勝志卷之六

閬中曹學佺能始著

成都府六

灌縣在府西六十里

以灌口爲名齊始置縣曰齊基又曰青城也亦唐之盤龍縣宋之永康軍元改今額 國朝因之○成都記云江水出羊臍山北連甘松至于灌口永康軍志漢文翁爲守穿湔江水堰流以灌平陸春耕之際需之如金號曰金灌口○李膺益州記曰湔水路西七里灌口山古所謂天彭關也華陽國圖川名勝志

卷之六

一

灌縣

志望帝之時會有水災其相開明決玉壘以除水害遂委以政事已而禪位于開明之西山隱焉按今灌口鎮有望帝祠存○道將又云秦李冰爲蜀守知天文地理謂汶山爲天彭門乃至湔見兩山相對如闕彷彿若有神見遂于水上立祠三所祭用三牲珪璧沉漬漢興數使使者祭之按揚雄蜀記李冰以亡者過天彭關精靈數見卽此○元和志云灌口鎮在縣西二十六里後魏置自灌口坂迄千頃山五百里間兩崖壁立瀑布飛流十里而九昔人以爲井陘之地杜甫野望因過常少仙詩

野橋齊度馬秋望轉悠哉竹覆青城合江從灌口來入村樵徑引嘗果栗園開落盡高天日幽人未遣回岑參聞崔十二侍御灌口夜宿報恩寺詩聞君尋野寺便宿支公房谿月冷深殿江雲擁迴廊燃燈松林靜煮茗柴門香勝事不相接相思幽興長蘇軾送鮮于都曹歸蜀灌口舊見蕭蕭霜鬢照碧銅依然春雪在長松朝行犀浦催收竿夜渡繩橋看伏龍莫歎倦游無驪馬要將老健敵千鍾子雲三世惟身在爲向西南說病容○六經註曰江水又歷都安縣卽汶山郡治劉備之所置也有桃

四川名勝志

卷之六

二

關及漢武帝祠李冰作大堰于此立碑六字曰深淘渾淺包鴈鴨者于江作壩壩有左右口謂之湔壩江○古今集記曰李冰使其子二郎作三石人以鎮湔江五石犀以厭水怪鑿離堆山以避沫水之害穿三十六江灌漑川西南十數州縣稻田自禹治水之後水能因其舊跡而疏廣之今縣西三十三里犍尾堰索橋有李冰祠按卽崇德廟也宋扈仲榮監永康軍崇德廟卽此○范石湖離堆詩序云沿江兩崖中斷相傳秦李冰鑿此以分江水上有伏龍觀是水鎖孽龍處蜀漢水涸則遭官致

祭壅都江水以自足謂之堰水民祭壅者率以羊
歲殺羊四五萬計其詩云殘山狼石雙虎圓斧跡
鱗皴中鑿破潭淵油油無敢唾下有猛龍拴鐵鎖
自從分流注石門西州航船如黃雲割羊五萬大
作社春作伐鼓蒼煙根我昔官稱勸農使年年來
激西江水成都火米不論錢絲管相隨看蠻市○
註水經曰江水由湔崩江入郫江檢江以行丹益
州記曰江至都安堰其右檢其左其正流遂東郫
江之右也因山頽水坐致竹木以溉諸郡又羊摩
江灌江西于玉女房下作三石人于白沙郵郵在

四川名勝志

卷之六

三

堰官上立水中刻要江神水竭不至足盛不沒腰
是以蜀人旱則藉以爲溉雨則不遏其流故記曰
水旱從人不知饑饉沃野千里世號陸海謂之天
府也俗謂都安之堰亦曰湔堰又謂之金堤左思
蜀都賦云西踰金堤者也諸葛亮北征以此堰農
大國之所資調征丁千二百人主護之有堰官李
膺記云玉女房鑿山爲穴深數十丈中有廊廡堂
室屈曲殆有神功非人力矣○蜀志後主登觀坂
看汶江旬日始還成都華陽國志益州刺史皇甫
晏至都安屯兵觀坂從事何旅曰今所安營地名

觀坂上反在下其微不勝不從果爲牙門張和所
殺○隄堰志曰粵自神禹導江正源至石紐出汶
川而南其比無水秦昭襄王時蜀守李冰鑿離堆
虎頭于江中設象鼻七十餘丈首濶一丈中濶一
十五丈後一十三丈指水一十二座大小釣魚護
岸一百八十餘丈橫瀦洪流故曰都江以分岷江
之水北折而東灌漑蜀郡田疇以億萬計蜀用富
饒號稱陸海於所通處又設護岸蓋籠石附岸水
不蠱土而渠可堅久指水數十餘處如象鼻狀以
扞之皆冰之所作也都江口舊有石馬埋灘下凡

四川名勝志

卷之六

四

穿淘必以離堆石記爲準號曰水則其下淘深二
丈二尺而水則下亦深七八尺石渠水口橫一丈
五尺從一百二十丈深六尺石洞水分爲三曰灌
田水口橫一丈從一百二十丈深六尺口彭州水
口橫三丈又分爲二其一從十有五丈深五尺其
一從四十丈深三尺曰將軍橋水口橫二丈三尺
從四十丈深三尺外應水口橫四丈從一百四十
丈而中分之上流深六尺下流二尺保堂水口橫
一丈五尺從一百三十丈深四尺倉門水口橫八
尺從五十丈深二尺馬騎水口橫六丈從二百九

十丈深二尺鼓甕石趾水口橫二丈五尺從六十丈深二尺東穴水口橫三尺從一百五丈深五尺投龍水口橫五丈從八十丈深三尺北水口橫四丈從一百八十丈深三尺鐵溪水口橫一丈從六十丈深三尺樽下水口橫五丈從一百二十丈深三尺五徙水口橫三丈從六十丈深一尺歲以爲度過與不足其害立見山漢以來數千百年或因舊葺治或因時疏築而功實原于秦守水故歷代廟祀之所謂馬騎水口者東南六七里間有堤名上馬騎下馬騎各長二百餘步世傳水駐馬于此

四川名勝志

卷之六

五

督工後說以騎爲隄也○宋史曰沫水出蜀西徼外今陽山江大皂江皆爲沫水入西川嘉眉蜀蓋間夏潦洋溢必有衝決可畏之患自秦李冰鑿離堆以分其勢一派南流于成都以合岷江一派由永康至瀘州以合大江一派入東川而後西川沫水之害減耕桑之利溥矣皂江支流迤北曰都江口置大堰疏北流爲三曰外應溉永康之導江成都之新繁而達于懷安之金堂東北曰三石洞溉導江與彭之九隴崇寧濛陽而達于漢之雒東南曰馬騎溉導江與彭之崇寧成都之郫溫新都新

繁成都華陽三流而下派別支分不可悉紀其大者十有四自外應而分曰保堂曰倉門自三石洞而分曰將軍橋曰灌田曰雒源自馬騎而分曰石趾曰鼓甕曰道溪曰東穴曰投龍曰北曰樽下曰五徙而石渠之水則自離堆別而東與上下馬騎乾溪合凡爲堰九曰李光曰府村曰百丈曰石門曰廣濟曰顏上曰羽水曰濟曰導皆以隄攝北流注之東而防其決離堆之南實支流故道以竹籠石爲大隄凡七壘如象鼻狀以捍之離堆之趾舊鑿石爲水則則盈一尺至十而止水及六則流始

四川名勝志

卷之六

六

足用過則從侍郎堰藏水河泄而歸諸江歲作侍郎堰必以竹爲繩自北引而南準水則第四以爲高下之度江道既分水復湍暴沙石填委多成灘磧歲暮水落築堤壅水上流春正月役工濬治謂之穿淘有碑刻熙寧制書云凡創水磴礮有妨灌溉民田者以違制論○元史曰蜀堰舊爲李冰作歷數千百年所遇衝崩蕩嚙又大爲民患有司以故事歲至隄防一百三十有三所役兵民多者萬餘人少者千人其下充數百人役凡七十日不及七十日雖事治不得休息不役者日出三緡爲庸

錢由是富者屈于貨貧者屈于力上下交病會其
費歲不下鉅萬緡大抵出于民者什九歲下吏而
利之所及不足以償其費元統二年僉四川肅政
廉訪司事吉當普巡行周視得要害三十有二處
餘悉罷之召灌州判官張弘計曰若釐以石歲役
可罷民力可蘇弘遂出私錢爲小堰堰成暴漲不
動乃具白行省及蒙古軍七翼之長郡縣守宰下
及鄉里之老各陳利害咸以爲便于是徵工發徒
卽都江舊蹟而治之監井關限其西北水西關據
其西南分江導水因勢漸堰以鐵六千斤鑄大龜

四川名勝志

卷之六

七

貫以鐵柱鎮其江源然後諸堰皆釐以石範鐵以
關其中以桐油石灰雜麻絲爲熟密其畔滿岸善
崩者築江石以護之上植楊柳旁種荳荊櫛比鱗
次賴以爲固所至或疏舊渠以導其流或鑿新渠
以殺其勢遇水會則有石門泄蓄自是水利省臺
上其功詔揭奚斯記之是役石工金皆七百人木
工二百五十役徒三千九百蒙古居二千糧千石
有奇石材萬餘灰六萬餘斤油半之鐵六萬五千
斤磨五千斤共四萬九千有奇緡工畢官積餘二
十萬一千八百緡責灌守以資于民歲取其息以

僑祭祀湖灘修堰之費仍免灌之兵民常役俾專
力堰事焉○舊經云太初蜀王征西番野人以壺
漿爲獻王使投之江中三軍飲之皆醉因名味江
寰宇記云味江水出青城長樂山下江中有大石
高數丈號大坎又有小石在其下亦高數丈爲小
坎水激其上洶湧聞于數里古老傳云味江水其
美人爭飲之因名青城外史云卽今漩口江也江
口石有各大險小險或卽坎之轉音大坎石磴遠
連其傍深林老樹猿猴縈掛樹間春夏水至則
沒路矣○水經註云都安縣渡江有竿橋按所謂

四川名勝志

卷之六

八

索橋溜笕皆其遺制也唐獨孤及竿橋贊曰相引
一索人綴其上如猱之縛轉帖人淵如鳥之落尋
二里有橋曰珠浦卽索橋也其制兩岸墜石爲穴
提石爲籠夾植巨木屹砥湍流編竹繩跨江橫濶
一丈離水面五尺長百二十丈方輿勝覽云繩橋
前有翠圍山山上道院古王仙柯燒丹之處在永
康縣西八里范成大過青城題索橋詩纖簾勻鋪
面排繩繩架空染人高曬帛獵戶遠張黃薄薄難
承雨翻翻不受風何時將蜀客東下看岷虹志云

溜笕橋在縣西六十里兩岸石柱以竹繩橫牽斷木爲笕狀似瓦覆繫繩上渡者以麻繩縛懸笕下仰面緣繩而過南通滋茂鄉與汶川界今易爲繩橋○古今集記云縣西十餘里有虛閣棧道二十五里有石筍閣道三十里龍洞閣道○碑曰云距紫屏山二里許道旁有漢石刻三皆治道記也其一曰建平五年孝哀時刻其二曰永平元年孝明時刻在范公平磨崖之西○成都記云古魚兒國治導江縣家宇記曰導江縣本都安縣地太康地志云都安劉先王置爲汶山郡周武帝併入益州

四川名勝志

卷之六

九

之郫別于灌口置汶山縣唐武德元年改爲盤龍縣尋改爲導江李膺記云山土色黃盤廻有龍形故曰盤龍外史云盤龍山不言所在今學宮之右有金龜山壞黃而形蜿蜒者是也○志云導江廢縣在今治東二十里導江舖初孟蜀改導江爲滄州宋改永康軍尋廢熙寧七年趙抃知成都乞復永康軍嘉定二年知軍虞剛簡上五事曰本軍近接威茂并青城一帶山不五七十里卽是夷界唐吐蕃入寇自此途出又距成都百二十里而近其爲緊切甚于雅黎○方輿勝覽云玉壘堂致爽軒

俱在永康軍治范至能詩夕陽塵外漲郊墟六六降頭夢覺餘竹色喚人來下馬亂蟬深處有圖書陸務觀和黃塵赤日汗沾裾竹裏奠茶喜有餘堪笑放翁窮意巧就君池館讀君書○廣莫亭在軍北朝天門太守呂汲公建李壁記曰危簷飛檻負城四出觀覽之勝甲于東南出金馬門過朝天寺登廣莫亭憑欄下視一日千里又有花洲在軍城南百步王于俊爲賦魏華父記○碑曰云唐貞觀十三年韋作觀魚記在軍城五里北出朝天寺又云唐人徐浩書金剛經在導江天宮院今刻之石

四川名勝志

卷之六

十

○導江縣北迎祥寺鐘樓內有刻字不記年月觀其有節度押衙字卽爲唐末五代間刻也寺有老泉爲記東坡書碑刻俱存○縣西二里崇德廟李文饒鎮蜀時重建段全暉爲記廟內有八分書聖水池碣近年掘地得之移入成都墨池按方輿勝覽聖水池在永康縣西一舍妙真觀觀前有女子上昇仙洞樂爐尚存不知碑何以在崇德廟○升菴志補云壽聖院在縣西二十里趙抃守成都日命教授侯溥爲之記院有畫十六羅漢皆杜楷筆○唐吳行魯碑在縣北關雞臺有古碑刻字畫磨

滅蓋唐大中十一年治隸彭州時吳爲長史所建
僞蜀王建宗子嘉王宗壽與能仁院僧卯往來書
劄二十餘簡存于龍門院墨迹宛然如新按張商
英龍門院本末記院在水康縣六里青城大面三
十六峰嵯峨萬仞盡在軒檻間其詩云四時積雪
瞻岷嶺三派飛泉出洞天○寰宇記云司馬相如
墓在縣東十里又有楊妃池今爲唐氏之居按太
真外傳楊玄琰爲蜀州司戶生貴妃于此妃兒時
嘗誤墮此池志云在今縣東二十里今爲丘洪二
姓宅○陳後山云王蜀花蓋夫人姓費氏青城導

四川名勝志

卷之六

士

江人也圖經相傳有花蓋舊宅費氏尚有裔存○
方輿勝覽云蠶崖關在導江縣五十里以振西山
之近集青城外史云關去今縣二十里實汶川地
有巨石不高丈餘峙山之麓土人云此蠶崖石也關
以此得名志云關當縣西岷江之北松茂驛路之
衝周武天和二年砌立石路曉稜如簇蠶因名杜
少陵詩蠶叢鐵馬瘦灌口米船稀卽此宋熙寧五
年重建元末燬于兵火今置巡司關外有市謂之
蠶崖市宋史韓忠憲公于糾繼知成都日所遷以
爲長夷互易之地蓋絕西羌窺伺之端云金部格

曰勅松當悉維鷲等州熟羌每年十月已後卽來
彭州互市法司差上佐一人於蠶崖關外依市法
至市場交易勿令百姓與往還○志云玉壘山去
縣三百里衆峰叢擁遠望無形惟雲素崔嵬稍露
山石瑩潔可爲器亦賦賦之類唐貞觀初關于其
下名玉壘關亦曰七盤關乃番夷往來之衝也○
碑曰云玉壘關碑唐大中十年白敏中帥蜀日建
關旁有大碑卽幕府陳可度頌功德者岑參酬崔
十三侍御登玉壘山思故園見寄詩玉壘天晴望
諸峰盡覺低故園江樹北斜日嶺雲西曠野看人

四川名勝志

卷之六

士

小長空共鳥齊高山徒仰止不得日攀躋崔信明
送金敬陵入蜀金門去蜀道玉壘望長安豈言千
里足方尋九折難西上君飛蓋東歸我挂冠猿聲
出峽斷川影落江寒從今與君別花月幾新殘○
李膺益州記云齊永明初置齊基縣于青城山東
築土城週五里周地圖記云武帝改齊基爲青城
縣因山名也志云廢青城縣在今縣西四十里散
入大樂其亭二鄉○名山記曰益州西南青城山
一名青城都山形似城其上有崖舍赤壁張天師
所治處南連峨嵋脊亦有洞天諸靈書所藏不知當

是第幾洞天也。王廣經曰：青城山爲第五大洞，寶仙九室之大，一名赤城山，對蜀郡西，北在岷山之南，杜光庭記云：岷山連峰接岫，千里不絕，青城乃其第一峰，耳高三千六百丈，周圍五千里，靈仙所宅，祥異則多，是有崑林瑤樹、金沙玉田、甘露芝草、天地醴泉之異焉。福地記：中國名山，以青城峨嵋爲西嶽佐理，又三佐命山及十大洞天皆有青城之名。楊用修《蜀志補》云：青城山有一百八景，風日佳時，登儲福宮望之，歷歷可數。曰：彭祖峰、曰石鑑峰、曰龍牙峰、曰野雲溪、曰藏雲馬、曰齊

四川名勝志

卷之六

七

雲榭曰：垂虹亭曰：消雲閣曰：觸石軒曰：卧雲菴曰：青溪曰：碧桃溪曰：芙蓉溪曰：躑躅溪曰：海棠溪曰：溪光亭曰：過溪橋曰：乳泉曰：滴珠泉曰：檻泉曰：清風湖曰：鑑湖曰：荻花洲曰：琴嶼曰：碧霞洞曰：斜川曰：曲水曰：紫霞洞曰：鑑橋曰：藥圃曰：紫微洞曰：酴醾洞曰：清陰橋曰：綠篠橋曰：玉微亭曰：紅霞塢曰：爛柯亭曰：灌稻泉曰：翠光亭曰：茅堂曰：紫陽洞曰：桃源曰：暗香亭曰：金華堂曰：荆齋曰：蕙谷曰：黃梅嶺曰：奠茶溪曰：芹浦曰：鸚鵡林曰：葦廬曰：野人澗曰：栢坪曰：寶遂社曰：妙高峰曰：安羅坪曰：木蘭岫

曰：桂香亭曰：石寶曰：白蘋洲曰：藻壑曰：望岷岷曰：豹谷曰：百花潭曰：鹿關曰：瑞香嶺曰：芝畦曰：瑞荷塘曰：兼葭渚曰：黃浦曰：菱灣曰：芭蕉谷曰：直釣亭曰：和芳隴曰：金根徑曰：橘徑曰：鑑雉泓曰：芙蓉島曰：歲寒洞曰：葦杭曰：棲真洞曰：望仙坡曰：黃葵坡曰：鳳簫樓曰：跨鳳亭曰：牛關曰：馭鶴峰曰：化城洞望闕臺曰：凝碧溪曰：玉女潭曰：寶陀巖曰：葦陂曰：藏春島曰：桂子谷曰：九曲池曰：華海曰：江梅島曰：水仙瀝曰：落荷崗曰：丹臺曰：浴丹池曰：曝藥臺曰：芳草渡曰：采薇汀曰：金絲堤曰：菖蒲谷曰：種茶巖

四川名勝志

卷之六

八

凡一百有八云。唐耿湓送崔明府赴青城，清冬賓御出，蜀道翠微間，遠霧開羣壑，初陽照近關，霜潭浮紫菜，雪棧繞青山，當似遺民去，柴桑政自閒，錢起賦得青城山送楊杜二郎中赴蜀，蜀山西南千萬重，仙經最說青城峰，青城欽岑倚空碧，遠壓峨嵋吞劍壁，錦屏雲起易成霞，玉洞花明不知夕，星臺二妙逐王師，阮瑀軍書王祭詩，日落猿聲連玉笛，晴來山翠傍旌旗，綠蘿春月營門近，知君對酒遙相思，岑參寄青城龍谿吳道人詩，五嶽之丈人，西望青霄，霄雲開露崖，嶠百里見石稜，龍谿盤

中峰上有蓮花僧絕頂小蘭若四時嵐氣凝身同
雲虛無心與豁清澄誦戒龍每聽賦詩人則稱杉
風吹袈裟石壁懸孤燈久欲謝微祿誓將歸大乘
願聞開士說度以心相應在空寄青城山巔禪師
懷師不可攀師往杳冥間林下誰聞法塵中只見
山終年人不到盡日鳥空還曾聽無生說應憐獨
未聞費島送靈應上人詩遍參尊宿遊方久名嶽
奇峰問此公五月半間看瀑布青城山裏白雲中
趙抃遊青城詩三十六峰峻維岷在蜀奇方行刺
史部重款丈人祠凍雪諸蕃隔晴雲大面拔訪仙

四川名勝志

卷之六

五

窮寶洞物鬼規豐碑泉落寒崖響籀依古木垂良
工存舊筆老叟琢新詩陟險齊雙屐逢幽鼓七絲
盤桓不忍去還作更來期范成大前題萬里清遊
不暇情雙旌換得一枝筇來從井絡直西路上到
江源第一峰海內閑身輸我佚山中佳氣爲人濃
題詩試刻巖前石付與它年鮮量重口李膺記云
入山七里至赤石城有羊馬臺三師壇上五里至
瀑布水澗二百步有二石梯有一石筍高三丈過
二石門絕崖數百丈下起常道觀高峰下有水六
時灑落東北有二石室名龍宮可容百餘人從龍

宮過石室至石梯名龍橋又有一石梯洞穴深邃
莫知所極西北石室宛然見存又有黃帝壇石法
天地上圓下方濶一丈二尺有十二角觀東石刻
日月各濶五尺厚一尺二寸相對柱上烏鬼輝燦
方圓磅礴可觀口五岳真形圖云洞天所在之處
其下別有日月分精以照其中龍橋處二山相去
百餘步峰巒危竦相對橋在峰首橋之半漸漸促
小可六七寸長一丈五尺兩邊懸崖俯臨不測山
傍有誓石天師張道陵與鬼兵爲誓朱筆畫山青
崖中絕今驗斷處石並丹色濶二十丈深六七丈

四川名勝志

卷之六

六

望之絕然口青城甲記云黃帝封青城山爲五嶽
丈人乃嶽瀆之上司真仙之崇秩一月之內羣嶽
再朝焉續博物志青城縣歲春秋以蔬饌享丈人
山令躬行禮蓋蜀之望山也有丈人觀在青城北
二十里碑目云丈人觀四碑大殿右功德碑鄭敦
書殿上祝文碣進士任璠文三門下置觀碑徐大
亨文三門右紀符瑞碣并遺榮八分書杜甫詩云
自爲青城客不唾青城地爲愛丈人山丹梯近幽
意丈人祠西佳氣濃綠雲擬住最高峰掃除白髮
黃精在君看他時冰雪容李真六言詩春凍曉騰

露重夜寒幽枕雲生豈是與山無素丈人着帽相迎真蓋唐末仙人也陸游謁丈人觀詩黃金篆書榜朱門夾道巨竹屯蒼雲巖巖劃若天地分千柱耽耽壓其根綴冠笑謁丈人君廣殿空庭吹寶薰摩挲畫牆手爲綴巖哉山變與土積物惟鬱鬱冠丘墳僊人佩玉籬恍恍手整貂冠最不萃欲去不忍恨日驪道翁採藥晝夜勤松根茯苓獲兼斤人芝植立強骨觴狗杞萃吹聲信信山爐小僊吹幽芥朱顏不欲常自醺我亦宿誦五千文一念之差墮世紛紛將從翁走如麋隱書秘訣何由聞又題

四川名勝志卷之六

七

丈人觀道院斷雲浮月磬聲殘木影如龍布石盤偶駕青鸞塵世窄閑吹玉笛洞天寒奇香滿院晨炊藥異氣穿巖夜浴丹却笑飛仙未忘俗金貂猶帶侍中冠按務觀二作多詠范長生事其劍南詩藁云青城山有孫太古畫碧落侍中范長生舉手整貂蟬像特妙其詩又有浮世深沈何足計丹成碧落珥貂蟬之句方輿勝覽云碧落觀卽長生觀在青城山北二十里昔有范寂字無爲劉先主時棲止青城山中以修煉爲事先主徵之不起就封爲逍遙公得長生久視之道劉禪易其宅爲長

生觀觀有古桺高數十尋圍三十人世傳長生手植胡叔豹詩更勒靈臺大藥也令嘉桐得長生卽此觀有赤城閣臨眺甚遠外史云唐明皇登青城于長生觀駐輦故志謂是玄宗別殿雖就傾圯遺砌儼然唐末長生觀詩數里緣山不厭難爲尋真訣問黃冠苔鋪翠點仙橋滑松纖香梢古道寒書傍綠畦嬌嫩玉夜開紅竈燃新丹鐘聲已斷泉聲在風動茅花月滿壇口乙記云上清宮上皇殿延慶宮皆明皇幸蜀時造吳船錄云上清宮在最高峰之頂以板閣桺石作堂殿下視丈人峰直墻

四川名勝志卷之六

太

堵耳岷山數百峰悉在欄檻下如翠浪起伏勢皆東傾孫知微詩臺殿壓平青嶂頂松杉挿破白雲根者此也勝覽云晉朝起天宮于高臺山丈人祠側號曰上清宮其東北麓卽天師種粟之處上有天池夜則神燈飛行遍空或謂草木之精所爲王叔瞻詩神燈點點光可燭星斗煥煥低欲捫卽此宮庭又出瑞聖花見方物記口晉時于丈人峰前建上皇觀蜀志補鱗云亦名玄眞觀神芝異草嘉樹名花皆生于此芝草如稻苗食之可仙唐章孝標上皇觀詩煙霞星蓋七星壇想像先朝駐禁籙

輦路已平栽藥地皇風猶在步虛壇樓臺瑞氣晴
蕭索杉檜龍身老屈蟠翻感惠休并李郭劍門空
處望長安□延慶宮卽常道觀也勝覽云自會慶
宮西行一二里有常道觀乃古黃帝祠址隋建甲
記云大業七年太常博士陰道碑在常道觀軒轅
石龕下軒轅臺獨秀霞表下望衆山若蟻垤連抱
之樹若齊志云石龕今呼天師洞有張天師像及
唐傳字畫完好可揭碑文曰勅益州長史張敬忠
頃者西南阻化儒役殷繁山川既接于夷戎縣道
有勞于轉輸自卿鎮撫百姓咸安帝弊遷說良多
四川名勝志卷之六 尤

熨沃歲陰寒極比安好今賜卿衣一副至領之蜀
州青城先有常道觀其觀所置元在青城中聞
有飛赴寺僧奪以爲寺州旣在卿節度簡校勿令
相侵觀還道家寺依山外舊所使道俗兩所各有
區分今使內品官王懷景道士王仙卿往蜀州等
州故此遺書指不多及右勅明皇行書開元十二
年歲次甲子閏十二月十五日下午十三年正月一
日至益州二日至蜀州專簡校移寺官節度使判
官彭州司倉參軍楊壽蜀州刺史平嗣先青城縣
令沈從簡常道觀主白遺祭勒字石款八分書□

碑目云延慶移觀手詔碑在觀後絕路之上石龕
中韓擇木八分書記銘在延慶靈寶真人五符神
幢俱開元十二年立志云延慶觀亦名昭慶文與
可昭慶觀詩琳崖盤玉霄彩翠接步武雲霞不可
畫泉石固難諧神幢逾百尋帝輶歷萬古靈瀑誰
與窮長飛六時雨所謂神幢卽五符幢也□碑目
唐玄宗真容碑在六時巖下按志明皇像亦在天
師洞或以爲孟果真容錄異記云六時水在宗玄
觀南二里對觀有峭崖高五百餘人崖上授道壇
昔竇真君與軒轅帝傳道之所每日六時有自然
四川名勝志卷之六 尤

水從崖上灑入澗底有石龕刻玄宗皇帝御容勝
覽云常道觀南有六時水云六時灑水以代晷漏
陰時卽然灑陽時則無呂汲公詩巖輝萬古
照泉滿六時飛京鏗詩八千里隔東西境十二時
分晝夜泉卽此又有石日月日在延慶觀東北月
在溪西崖中竝徑五尺六寸半一曰石天地天形
有十二角地形正方濶六七尺或云卽誓鬼壇也
○方輿云鬼城山在丈人觀西北按志常道觀北
有張天師誓鬼壇漢時龍穴出水暴害禾稼張道
陵立石臺以鎮之名誓鬼臺甲記曰壬子七月十

三日鬼城山崩瀑水大至山高百餘丈丈人觀居其下將憂摧壞俄有大石墜下堰水向東竟免漂陷初觀中資溪水日用負汲爲勞自瀑水之後流泉直注山下其美不竭昔天師自鬼城山驅鬼于絕域有鬼界古碑字畫磨滅不知年代又云天師成鬼筆迹在大龍橋側深一十三丈濶十三丈口輿地紀勝云清都觀在延慶上二三里一名洞天觀唐道士薛昌洛丹井杜光庭墓俱在觀後薛昌卽飲昌陸酒得道者文路公鎮蜀日市觀側隙地以贈張倫所謂白雲隱居也其下白雲溪出焉任

原胡叔豹詩葉形如遺但養神阿兄爛醉梨園春人百憾之耳不聞何物女子乃獨醒徑來空山閉白雲不見漁陽胡馬塵文同天谷山威儀觀詩群峰削巖遙老薛林古綠應朝大眠去簪笏儼相逐珠宮秘仙使錦笈藏寶籙上帝此爲舍其田堪種玉口蜀檣杙咸康元年九月王衍與其母太后太妃同禱青城宮人畢從皆衣雲霞之衣衍自製耳州詞令宮人歌之任山中旬日設醮祈福太后太妃又謁王先王像像已幸丈人玄都二觀及金華宮夫人李舜絃隨駕詩曰因隨八馬上仙山頓隔埃塵物象間只恐西追王母宴却憂難得到人間口乙記云青城有天國寺玉賈經云青城一名青城都一名天谷山谷音近國卽天國也方輿勝覽天國山在永康縣左連大面右連鶴鳴前臨獅子後枕大隋上有龍池及融照寺按卽天國寺云是黃帝築壇封甯封處唐真人張令問隱居于此號天國山人以詩寄杜光庭曰試問朝中爲宰相何如林下作神仙一壺美酒一爐藥飽聽松風清晝眠口天谷山有玉女洞亦曰素女碑目隋刺史薛道衡磨崖碑在玉女洞後卽此五嶽圖曰青城山

七十二小洞應七十二侯八大洞應八節玉女其一也玄中記曰青城洞穴分三孔西北通崑崙外史言有李氏好道嘗率丁夫持炬資糧入山下古洞行三日至一大溪不得涉而止北出洞口石自合迷不知處○寰宇記云聖母山高二千餘丈週三十餘里其南有深洞在八大洞之數傍使山高下與青城相接當吐蕃之界豁谷深遂夏積冰雪所以限夷夏也大面山在三溪北杜光庭曰前號青城後口大面其實一耳按此溪水色黑又名黑水溪雲笈七籤附楮聖母黑水溪人悟達國師題

四川名勝志

卷之六

重

其居爲聖母院山亦從而名之宋時山中有二隱士一曰譙先生定宇天授建炎初召至揚州留入講筵不可拜通直郎致仕百三十餘歲猶存巢徑險絕人不能到先主數年輒一出山前人亦罕有見之者一曰姚太尉平仲字希晏靖康初在闔城中夜率將士攻賊營不利騎駿驢逸去建炎初所在楊榜以觀察使召之不出淳熙間有于丈人觀道院見之年近九十紫鬚長委地蓋皆得道于山中也○錄異記青城縣西北二里有老君觀門東上有一泉號馬跑泉水味甘美四時不絕春夏如

水秋冬反溫昔老君與天皇真人會真之所其泉是老君所乘馬跑成卽冲妙觀也碑目冲妙觀記杜光庭撰○勝覽云飛赴寺在青城縣飛赴山下舊名昌聖院乃唐左軍容使嚴君美捨宅有四望亭按神僧傳青城山有異僧出入井中赴供長安頃刻復返廣明中乃賜名飛赴寺宋文同詩平林露層巘上獨置孤寺羣仙馭飛駕往往赴於此風光鱗影亂日落鐘聲起誰可謂詩家與來吟萬紙○志云香積山寺卽靈巖寺也有瀑布及雞骨禪師塔卽周地圖之通靈山寺又云今縣東南四十

四川名勝志

卷之六

言

里承天寺有馬祖靈骨塔高丈六尺俗呼爲馬祖寺有碑云大曆間靜照頭陀建雲峰道場至宋宣和奪以予黃冠者于是師之靈谷與塔俱遷建炎三年復還舊物建塔於故址枏生石合識記冥符焉紹興元年立石○碑目云青城寶幢院記元和十四年立觀音院記乾符二年立改海晏寺記中和二年立俱在海晏殿中○艾子云蜀青城山老人村有五世孫徑道極險遠生不識鹽醃而溪中枸杞根如龍蛇飲其水故壽近歲道漸通漸能致五味而壽亦益衰方輿勝覽老人村在大面山之

比昔人避難其中多享年壽故名或云潛夫張不
羣入山採藥決旬不返見一叟致敬而問答曰本
丞相范賢之裔知李雄之祚不永挈吾輩居此為
終焉之計圖經云卽老澤也在青城北百三十里
昔諸葛亮遷羣獠于山下故名○碑目云獠澤水
石記在路次石門崖壁上吳行魯大中七年奉使
巡邊行所鐫按志獠澤關在縣西南百里乃董下
胡逆華捷徑也○古今記云老人村有牡丹坪王
濬序謂有牡丹高數十丈花開盈一尺范至能詩
十丈牡丹如錦蓋人間姚魏敢爭春卽此方輿勝
覽云牡丹坪者自青城之長平山捫蘿而上歷鳥
道三十里許有平阜數十畝高樹蔽天春深先花
後葉狀如芙蓉香類牡丹譙定天授李浩太素二
先生隱其中云

四川名勝志

卷之六

七

四川各勝志卷之七

成都府七

崇慶州在州城南一里

領縣一

中興

古蜀州也三國志云益州之地仰給于蜀是矣宋
大觀三年高宗封蜀國公南渡紹興中乃陞為崇
慶府元隆為州國朝因之○漢曰江原以江水
所由也有江源祠莽曰江原以與臨邛近也漢文
井江晉曰晉原以有晉原山也卽鶴鳴山唐曰唐
安以保安唐室也在西巡時今唐安為驛而江原
四川名勝志卷之七
為鎮矣○唐王勃送杜少府之任蜀州城關驛三
秦風烟望五津與君離別意同是宦遊人海內存
知己天涯若比隣無為在岐路兒女共沾巾
錄云江水自前堰至獠為有五津曰白華津萬里
津江首津涉頭津江南津此華陽國志所載盧照
隣文有曰予自江陽言歸五津亦指此也宋之問
送趙少府之蜀州餞于西南望煙綿劍道微橋寒
金雁落林曙碧雞飛職拜與方遠仙成履會歸定
知和氏璧遙掩玉輪輝○碑目云天章雲篆碑在
蜀州唐開元壽王清書又云蜀州刺史廳壁記大

曆年間作以張柬之鍾紹京李峴王績四公皆牧是州故有四相堂唐詩紀事貞元十四年皇甫湜刺蜀州時賦四相詩序云居相位者前後四公諱明獨諸遷轉歷比顧已無取忝跡于斯景行遺烈嗟歎不足謹述其行事詠其休美庶將來君子知聖朝之德云爾○州治判官解後池即卷畫池趙井有蜀伶楊瑜邀遊卷畫池詩占勝芳非地標名卷畫池水光菱在鑑岸色錦舒帷風碎花千動烟團柳四垂巧才吟不盡精筆寫徒為照影搖歌榭分香上酒卮主人邀客賞和氣與春期○文潞公

四川名勝志

卷之七

二

祠在判官廳蓋公之父在天禧時來作判官令公受業于管原大夫張錫之客任若後為立祠○西湖在郡圖蓋見江之水皆導城中環守之居因瀦其餘以為湖范成大吳船錄云蜀州郡圖內西湖極廣菱荷花正盛見湖船泛之繁纜修竹古木間景物甚野游宴繁盛為西州勝處陸游劍南詩案云蜀人謂唐安有三千官柳四十琵琶故詩云歸心日夜逆江流官柳三千憶蜀州○范蜀公鎮留題在城內之太平院公遊岷山過此題紀院之經閣上云熙寧八年三月遊青城間四日趨岷峯俱

過此與百世相見百朋百嘉侍行蜀郡公記○州西城南郭龍門街是晉原縣治寰宇記云白馬江自晉原縣入新津縣界即杜甫詩白馬江寒樹影稀者○碑目云蜀先生碑在晉原縣西南二里唐房琯文唐開元碑天寶八年立在晉原常清觀鮮于仲通文○周地圖記云晉原西五十六里慕頤山上有鹿市百步平坦諸山之鹿日一聚于此○寰宇記云鶴鳴山在晉原縣西八十里絕壁千尋李膺益州記張道陵登仙之所嘗有白鶴遊其上此與印州交界按臨印故城俗名公孫述城益州

四川名勝志

卷之七

三

記云蓋李雄據蜀李壽從梓柯引獠入蜀境自象山以比盡為獠居臨印舊縣因茲置也晉原向屬州附郭我明乃省入州○志云蜀州有東亭杜甫和裴迪登蜀州東亭送客逢早梅相憶見寄詩東閣官梅動詩興還如何遜在揚州此時對雪遙相憶送客逢春可自由幸不折來傷歲暮若為看去亂鄉愁江邊一樹垂垂發朝夕催人自白頭○州東三十里江原鎮即漢江原縣治華陽國志江原縣郡西渡大江濱汶井江水經云汶井江亦李冰所導井上有守捉三十里上有天馬祠李膺益

明宣州有馬元河河邊牧馬產駿駒一日千里
至此斃之岸南人為立祠于此水經註小亭山有
天馬塚是也○寰宇記云鄴江出楚金一名皂里
水自永樂軍青城縣百丈水南流入江源界志云
皂江逕江原至新津入河昔張道陵投壘于江其
水盡黑故名皂江有北橋杜甫詩云望極春城上
開巖近鳥巢白花簷外采青柳檻前稍池水觀為
政厨煙覺遠庖西川供望眼惟有此江郊○勝覽
云杜工部祠在江原縣邑宰趙杜建昔杜甫依高
適寓于此○寰宇記云公孫述女冢在江原縣東
四里名勝志卷之七

四

一十三里高三丈周廻二十步故老傳云此冢銅
作絞絡五里故亂離發掘莫之陷也○碑目云唐
李百藥碑在江原縣之萬歲寺唐樊知遷碑在江
原縣淨居寺顏師古文○唐太平公主出家勅在
天慶觀按魏了翁江原縣天慶觀雲層臺記略云
開禧三年春蜀盜未平江原道士呂元素語其徒
曰吾儕小人羣居族食無益縣官今逆氛若此又
不能割办賊腹膏有原野盡姑杜門以需底定乃
相與校藏書見其書有為九層之臺可以為民機
診祝釐者則用其法而封之名以雲臺列天地日

月星辰岳瀆之象而禱祠焉○宋皇祐間趙開道
為江原令其二弟揚抗與俱有引流聯句序云江
源縣江緣治解址而東距三百步龍湍馳激朝暮
鳴在耳使人聽愛弗倦遂申渠通民田來圃亭堵
廡間環迴遠旋溝行沼浮起居觀遊清快心目公
暇事休與弟抗揚坐東軒樂然盤桓共為詩草云
別派從江根邀流入農畎淙淙來源深瀟瀟度溝
淺疏功浹旬流溉利千步遠田觀疑澤潏坎聽類
飢建北溟類壑池幽岳漾聚蠓流行拂落葉浸長
浮生蘇孤鶴眼帷窺纖魚鼠跳展映羣色莫分喧
四川名勝志卷之七

五

琴韻難辨增霖晨聞蛙涵月夜驚犬憐黃澆菊籬
惜紫沃蘭晚吏治密甕焚重藏芒車巷灌攜合手
勞漱掬致腰俛庭秋臨加涼軒夏向消烜我吟近
濟能僅賀遙沒免貯庀理巨飢歸厨架修覓供淘
飯益糧給澳羹鼎鬻調藥修舊餌剪茶試新芽坐
客頻泛觴踴兒屢洗硯聆寒心脫煩挹冷酒除面
閒眺筇步隨靜看髭吟撚高懷造文據清興圍詩
遣題為引流篇記耳非自銜

新津縣

在州東南二十里

周地圖記云閔帝元年立新津縣本李膺益州

皂里江津之所曰江津市也○唐天寶之後裴迪
依王緒于蜀州與杜于美友善寓新津昭覺寺有
倡和見本集○張商英以古三墳書得于縣北陽
民家墳皆古文傳乃隸書英字大覺新津人○范
成大新津道中雨後郊原淨村村各好音猶雲浮
竹色清溜走檀陰曲沼擎青蓋新畦藝綠針江天
空闊處不受暑光侵以萬曆庚戌過此詩云結
束爲津口分明作秀顏雪峰俱映水天社舊名山
客自荆吳外民其巾蜀間昔賢有佳句磊落動人
蒙壬子歲再過此詩云風日何淒緊予行在仲冬

四川名勝志

卷之七

六

平林煙已盡近郭渡猶重古市沙中火僧樓水際
鐘東西雖不辨彷彿認前峰蓋指修覺山也○志
云縣南一里修覺山神秀禪師結廬于此唐明皇
駐蹕爲題修覺山三字寺有左右二井春夏汲東
秋冬汲西水斯甘冽及之則否名曰林泉殆靈泉
云其下爲三江渡因岷江皂水白馬三江並列而
名其上爲寶華山橫跨江表俯瞰平川取物華天
寶之義峰頂多雪又名雪峰杜甫新津寺寄王侍
郎詩何恨倚山木吟詩秋葉黃蟬聲集古寺鳥影
度寒塘風物悲遊子登臨憶侍郎老夫公佛口

意宿僧房按王侍郎卽相國綰也時爲蜀州長史
○李白送友人詩青山橫北郭白水遶東城此地
一爲別孤蓬萬里征浮雲游子意落日故人情揮
手自茲去蕭蕭班馬鳴詩林振秀題下加新津作
三字○縣南二里有四安寺亦秀公勣杜甫暮登
四安寺鐘樓寄岑十春倚高樓對雪峰僧來不語
自鳴鐘孤城返照紅將歛近市浮煙翠且重多病
獨愁常聞寂故人相見未從容知君苦思緣詩瘦
太向交遊萬事慵此卽裴秀才迪也○碑目云唐
開元皇帝送趙仙甫尊師歸蜀詩碑見在新津縣

四川名勝志

卷之七

七

寶真觀○縣南二里平岡治下第八治也上應參
宿蜀人李阿瞿君子此學道有杜天師詩刻石○
勝覽云投龍觀在新津縣南六里枕夜郎溪及白
木水上有龍穴祈禱皆應○又二里爲稠稷山味
江水遶其麓有草名稠稷服之長生不死上有丹
靈古碑宮闕天池軒轅帝于此得仙第四稠稷治
也上應危宿○又十里有本竹治高千三百丈上
有白水松香林叢竹郭子聲得道之所北有龍穴
地道通岷眉山西通鶴鳴山治前水中常有神龍
遊戲號曰龍門○皂江在縣城外自蜀州江原縣

來後唐張直新津人長于詩隱居山谷者有聲
江漁翁集數十篇宋唐英商英皆其裔也○竟陵
鍾惺遊修覺山記云辛亥十月十有九日早發新
津叔弟恬不知隔江者為何許山也與童騎疾驅
過之予與父子後坐舟中指江干削壁千仞竹樹
榛榛出沒晴嵐雪浪外者異焉問之則修覺山子
美游修覺寺詩明皇幸蜀大書修覺山三大字嵌
石壁今猶存者即其處也決策登焉所從徑哀曲
石之複者為磴亂整枉直各出其理登者屢憩憩
處每平處每當竹樹隙隙處必從其下左方見

四川名勝志

卷之七

八

江江錯磴渚或圓或平或逝或返去留心目間土
人縛竹為亂若童子置葉蓋中以度蟻從上視下
輕且駛其適也度磴去頂可四五之一行往坐立
更端者數矣其傍乃有石級齒齒蜿蜒壁間者往
修覺寺道也曰姑舍是尋中徑數折上有亭翼然
祠杜工部李供奉蘇端明方正學方有石刻詩可
讀亭後數武為寶華寺禮佛畢反自亭出出門左
行竹樹純駁夾砌數折即修覺寺寺前雙井一井
直一塔唐物也明皇書敬佛殿左側巖壁上字方
廣三四尺一字各專一石飛翥注着且甚完好字

入蜀所見唐碑獨此耳出寺無所見欲返寺僧指
石隙一小徑才容足出此徑乃有平田大陸復緣
磴數折上轟然巖江者曰雪峰兩寺乃在其下始
悟所云磴去頂四五之一者第可指修覺耳非此
峰也左眺稠稷山如旅行而稍居其傍下憑欄視
江則已正無所不見不若初所見江之從其下左
方也然從下上修覺去江稍遠從修覺上雪峰視
江已反近舟中所指江干削壁者即着脚處也降
自雪峰復遠井塔下屈曲一二里許不復見所由
寶華寺徑矣乃忽得所謂石級齒齒壁間往修覺
寺道者則今還道也與初所從徑合徑窮登輿是

四川名勝志

卷之七

九

日抵彭山宿

茂州

在府西北五

領縣一

本冉駝氏之國按說文曰馬黑面曰駝駝夷名也
史記漢武帝元鼎六年南越破後冉駝等皆震恐
請臣置吏乃以冉駝為汶山郡守是矣唐貞觀初
始改茂州以茂濕山為名○華陽國志汶山郡有
六夷羌胡羌虜白蘭蚬九種之戎牛馬旄旌班屬
青頰莖毚羊羖之屬特多雜藥名香土地剛鹵不
宜五穀惟種苳麥而多冰寒盛夏凝凍不釋故夷

人多則避寒入蜀備貨自食夏而避暑反落歲以爲常蜀人謂之作五百石于也○禹貢岷山導江註曰江水出蜀西南徼外東至岷山而禹導之郡縣志岷山在茂州西北最後番曰列爲村村有岷山名曰鐵豹一曰羊膊則分水之上源也一自西南入大渡河一自正南入濫村經石紐過汶川水經曰岷山在蜀郡氏道縣大江所出東南過其縣北又曰江水自天彭關東逕沒關而歷氏道縣北註云岷山卽瀘山也水曰瀘水矣又謂之汶阜天彭關亦謂之天谷也秦昭王以李冰爲蜀守冰見

四川名勝志卷之七

十

氏道縣有天彭山兩山相對其形如關謂之天彭門亦曰天彭關江水自此已上至微弱荀卿曰江出于岷山其始出山也其源可以濫觴焉益州記曰大江泉源始發羊膊嶺下綠崖散漫小大百數殆未濫觴東南下百餘里至白馬嶺又自白馬嶺廻行十餘里至龍澗又八十里至西陵縣又西北二十里至汶山故郡乃廣二百餘步又西南百八十里至濕坂江稍大矣○河圖括地象曰岷山之精上爲井絡帝以會昌神以建福古蜀諺云汶阜之山江出其腹帝以下昌神以建福郭璞岷山贊

曰岷山之精上絡東井始出一勺終至森溪作夏南夏天清地靜漢書注岷山一名鴻家一名沃焦在隴山南首故稱隴蜀山直上六十里括地志云中國山川東北流其維首在隴蜀正義曰岷江發源隴山東北流入渤海水經注漢延平中岷山崩壅江水三日不流揚雄自岷山投賦江流以弔屈原名曰反騷也王羲之與周益州書云想足下鎮彼土未有動理要欲及卿在彼登汶領裴君而還實不朽之盛事又與謝安書云周益州書述蜀山川如岷山夏含霜電校之所聞崑崙之伯仲也○

四川名勝志卷之七

十一

山海經云岷山神馬首龍身祠用雄雞瘞用黍粢風雨可致焉郡國志岷山俗謂之鐵豹嶺陵陽李新詩在昔岷峨神龍文而馬首卽鐵豹之形也○華陽國志宣帝地節元年武都白馬羌反使駱武平定之因慰勞汶山吏及百姓詰武自訟謂歲再度更賦至重邊人貧苦無以供給求省郡郡建以來四十五年武以狀上遂省汶山郡復置都尉○唐茂州都督府壁記云貞觀初置羈縻州九曰維翼祥塗炎徹向冉寧維州今威州翼州今疊溪所祚以下則皆白狗羌矣其時一州所領不過數十

里而已○寰宇記云梁普通初于此置繩州取桃
關之路以繩爲橋也繩橋之法先立兩木于水中
爲橋柱架梁于上以竹爲紐乃密布竹紐于梁一
于兩岸或以大竹落盛石繫繩于上又以竹縋布
于繩夾岸以木爲機繩緩則轉機收之智猛法師
所謂水崖皓然百十餘仞飛繩爲橋乘虛而過窺
不見底仰不見天寒氣慘酷影戰魂慄是也又有
度索尋槿之橋大江水峻極如箭兩山之脇繫索
爲橋中刺木爲槿拴繫行人于上以手自緣索到
彼岸則旁有人爲解其系尤極危險陸游詩度索

四川名勝志

卷之七

圭

力

臨千仞梯山躡半空卽此○志云相公嶺亦名茂
濕嶺州之主山也州治有雪峰堂又有列岫堂鄭
微記畧云九頂列于南屏風臺盤列于西巨人臺
馳列于東又有練光亭王荅習題云汶江自微外
東繞汶川郡西北出極目可百里許每朝陽舒彩
夜月流天之際一望水光若萬丈長虹天矯其上
而吐吞之也舊有亭曰觀濶據城之隅不與景會
因取少陵賦岷山迤江圖川蜺飲練光之句以練
光題其額云○碑目唐刺史黃堂梁記爲實曆云
年刺史竇李餘大中三年刺史劉成師咸通三年

刺史蓋巨源題張延賞修城記載唐大曆十四年
吐蕃大下火焚郊館興元元年張延賞重修其後
別駕大夫修建城宇堡壁雉堞唐迴車院碑刺史
蓋巨源撰大中十三年立茂州治平寺碑寺舊在
外緣叛羌董阿丹焚毀元豐初移於城中○勝覽
云巨人山在州南三十里山頭有石如人立面南
玄宗幸蜀時以石人背立勅令鞭之一百下有九
池俗傳是九龍湫其湫四山環遠百二十里○雞
宗山在州西四十里扼羌人出入之路熙寧間置
鎮羌寨按宋史熙寧九年靜州楊文緒導番董阿

四川名勝志

卷之七

圭

圭

丹作亂聲援俱絕至書木牌投于江以告急朝廷
遣內使王中正將兵旁出雞宗山擊之文緒等伏
誅碑目云政和丁酉倅貳勝鼈先生李新目擊靜
州之變記載其事甚詳名更生碑今在更生閣○
演繁露云蘇易簡言本朝使人至西番見有老人
消縮如小兒伏梁上雞窠中乃其見在子孫九代
祖也其說甚怪丙申十月十六夜寓直玉堂閣史
見貞元間韋臯攻吐蕃其所攻州名有維保松及
雞樓老翁城予欣然自笑曰易簡之說豈因此二
城名而增飾之耶按寰宇記茂州西北至吐蕃樓

雞城下或卽此處

汶川縣在州南五十里

漢之綿虎縣也釋名虎有角曰虎行水中以地有此獸矣晉置汶川州于此周保定間州廢乃設今縣○華陽國志漢嚴季后爲汶江尉成都人仲昱少受學于季后及爲汶江以書呼昱昱許十月往會夷反斷道昱期必往經渡六十幾允數四卒得至汶江乃爲季后陳策俱得免難遠近欽之按漢武置汶山郡卽置縣曰汶江矣○水經註曰江水又逕汶江導汶出微外岷山西玉輪坂下西南行

四川名勝志

卷之七

古

主

又東逕其縣而東注于大江水經又云江水歷氏道縣北有湍水入焉註曰米出綿道亦曰綿虎縣之玉壘山呂忱云一曰半浣水也下注江○寰宇記云玉壘山在縣南三里又有玉輪坂其下汶水所經謂之玉輪江山出璧玉卽郭景純所謂玉壘作東別之標者○勝覽云七盤山去汶川縣九里志云卽玉壘關也賈島送玄巖上人歸西蜀詩玉壘山中寺幽深勝槩多藥成彭祖搗頂受七輪摩去臘催今夏流光等逝波會當依蒼梧五嶽徧頭陀○慈母山在青城山東導江人馮大量與神仙

相遷入隱此山外史云滋茂龍池在汶之尤溪萬山叢立中有方池週四十里廣幾百畝清水鏡開芳草四積真靈境也登真書云滋茂池龍一曰慈姥在益州西南四百里有靈藥可以已疾山無毒害猶慈姥焉故曰母山况益州龍祠記云蜀之西山有池曰滋茂亦曰慈母以其能興雲雨救旱暵楸養百穀而名唐開元中章仇兼瓊旣得平戎城夢一女子謂曰我此城之龍也今棄戎歸唐願有以居我章仇異之表爲立祠按通志慈母山在縣南百五十里昔有婦人引子采藥山中虎負其子去母逐虎不得因長號而絕見者哀之曰慈母也其所載又不同矣碑目云滋茂池善應廟碑張商英無盡處士文其神或傳姓吳或傳姓郭頗有異同○龍洞在牛溪鎮入洞數步向南石壁有穴可通無路可陟掌洞道人附巨竹一枝于穴內令遊人攀竹而上可達龍池○文同茂州汶川縣勝因院記云繇玉壘南下過竿迤西循皂江左折越太平渡行深入曲無處六十里至茂之汶川有地曰柘平羣山却立大陸初露畦麻澗稻亦遠空闊坡壩帶麓壤土鮮潤景物瑰麗人物純篤就其作

四川名勝志

卷之七

古

主

有院曰羅漢昔有頭陀德欽戒操其嚴戒居久其徒委散是身獨在常懼其所將底墮落願擇高行屬以香火得求康軍大中祥符寺僧義海者付之至惟簡師凡五世也惟簡性灑潔所趣端慎守僧律作佛事耀形晦而不避風雨遠近四衆咸宗仰之既至此地乃圖崇飾伐木鑄崖大輯材礎構廣廈設尊像儲秘典納淨侶凡所欲有一一完具殆逾一紀功力方絕以名上列乃錫今號庭堂虛敞檐宇飄動月明碧照續續岩谷誠歸嚮之福地而莊嚴之道場也惟簡余之邑人遠來求紀其事

四川名勝志

卷之七

六

間嘗謂余曰青城諸峰惟大岷最爲高厚然丈人上青之望者乃世俗之所能見爾如吾所居正向其面脈絡表裏披斂出沒澗壑鉤蔓巒嶺曲折高林巨樾巍崗險頂晨霞夕靄染漬輝耀湍瀑淙激禽蟲啼響一日萬狀無有窮極鬼眼傾耳不知歷倦此方外清絕之境世間奇偉之觀而惟簡輒擅有之山林之人所獲多矣安得若之車馬一至其地以幸吾言之不誣余聽其說袞袞令人喜聞回視此身若處泥筭何時濯洗以從師傲兀于其間哉因命筆綴次其事使歸球諸崑石遂以爲記云

熙寧二年十月十五日

威州

在府西四百里

領縣一

唐初置維州于薛城戌以有姜維城也宋平蜀後偶有京通發維州誤至營州因改曰威取威制西羌之義亦維威音相近也按蜀志後主遣姜維馬中等討汶川叛羌其屯兵之處號爲姜維城唐武德七年白狗羌首領鄧賢佐內附于姜維故城置維州以統之至上元之後河西隴右州縣皆陷吐蕃僭晉更欲圖蜀州累急攻維州不下乃以婦人嫁維州門者二十年中生二子及蕃兵攻城二子內應城遂陷吐蕃得之號無憂城外史云古維州在今保縣之外可八十里其對面乃無憂城三面臨江巋然峰頂實諸夷之襟喉中國之要塞也李文饒壽邊樓故址存焉今棄爲外徼矣按僞蜀未平一年改維州郡爲保寧縣徙就中州城卽今治也州治後卽玉壘山蜀後主觀湔江至此親書玉壘山三字于州署其大盈丈左有龍洞焉湔水自玉壘峽出而注爲泉有魚長可徑尺州人以爲神魚無敢捕者○本志云州城原爲汶川縣址城內之民半屬汶川城以外純屬汶矣碑目云鼓角樓

四川名勝志

卷之七

七

記唐維州軍事判官高測文乾符五年十月十五日維州刺史李光置又云天寶寺碑唐咸通六年建軍事判官陶師文伏波廟碑咸通八年左武衛兵曹參軍崔遂文俱在維州○張舜民畫境錄云凡自岷州趨宕州沿水而行稍下行大山中入棧路或百十步復出略崑崙崑崙不可乘騎必步至臨江寨得自江至階州須七八日其所經皆使傳所不可行致之山水秀絕天下無有也臨江寨上望一處當大山中西望雪山山日是如銀其高無際出衆山上居人口此雪山佛居也有獅子人常見之

四川名勝志卷之七

大

其西域雪山是蜀所記無憂城東北望隴山積雪如玉耳

保縣在州西四十里

唐天寶間置天保郡于此乾元改保州孟蜀復改保寧縣 國初洪武十八年去寧字以避保寧府云○志云姜維築維州城遂築下邑其舊址在南溝之西李德裕築無憂城重築薛城以舊址在縣東堊墳壩○縣四里編戶七姓耳今通化鹽溪已併入州所存者玉山箭上二里皆畚也近亦叙去按通化縣本唐咸亨二年刺史董升招慰生羌置

小封縣在西蕃通德軍垂拱二年城爲比畚所沒今置在威戎軍西宋宣和加封西岳神勅詞云維彼通化地當西極金天氏之分城也卽隋之金川縣矣今屬州爲通化里○鹽溪縣隋之定廉縣與金川同置者唐貞觀初改爲鹽溪縣以村有鹽溪縣得採漉今演化禪師所居之地○玉山夜靜恒有霞光冉冉橫山前東北半壁天皆丹色照林木如畫至旦方滅俗名爲筆架山○箭上在縣東里許一岡斗直而下如矢曰箭嶺又云箭上卽唐之守捉城也亦不屬內地

四川名勝志卷之七

九

四川名勝記卷之八

閬中曹學佺能始著

成都府八

金堂縣

在府城東七十里

唐咸亨初析雒及新都縣置宋以屬懷安軍元陞軍爲州縣屬如故後乃省州入縣○水經註云新都縣有金臺山水通於巴漢以水出金沙因以名山蜀記云金泉縣古有金船沈江東岸銳底民於水中往往見之○寰宇記云縣卽漢處士段翳宅也輿地碑目云段翳宅治內天慶觀是有段隱居

四川名勝志

卷之八

一

業

李真人二像碑字磨滅不可讀又云如舜禪師塔銘在金堂龍槐院唐節度使杜悰撰文○宋之間送楊六望赴金水詩借問梁山道欽岑幾萬重遙州刀作路絕壁劍爲峰惜別路窮此留歡意不從憂來生白髮時晚愛青松勿以西南遠夷歌寢盛容台階有高位寧復久臨邛○金淵志云懷安叢爾國而有雲峰月峽之勝山之雄峙從梁劍而來江水洪深自壩灌洛而至晁公武作雨零堂記云堂依雲麓而中江縈之氣象蔥鬱巖壑洲渚之美映帶左右矣○中江在舊懷安軍西止源從漢州

四川名勝志

卷之八

二

士

廣平洛水毗橋等三水會爲一江志云縣東十二里曰前河卽彌牟水又三里曰後河卽雒水也幽州刺史牂柯太守漢張子陽墓在沿江里許其碑表載順帝永建四年造又放生記晉文唐太和二年令狐紉撰亦在中江岸上○圖經懷安軍縣二而鎮九以縣而言金堂爲大以鎮而言古城爲富諺謂軍不如縣縣不如鎮舊縣在峽口距今治東南四十里鎮距治北一里下爲古城河水絲灌子灘入斜潭也○峽口相傳鼈冷所鑿謂之金灌口東枕雲頂南披峽口水出山下如岷江之狀上有

李冰祠金川在其下流稍寬平處口金灌口之東有七織溪白沙清流文理如織又有柳溪在舊縣南七里常有柳葉從穴中出故名○華陽國志李冰導洛通山洛水或出瀑口經什邡郫別江會新都大渡按縣東南十里有大度鄉漢書新都王仲字少林署大度亭長初到日有馬與繡被馳至後爲郡令行至繁亭有鬼夜見稱其夫爲涪令之官過此全家見殺召遊徼按之悉伏辜而還其喪時人爲之謠曰信哉少林世爲遇飛被走馬與鬼語○縣北十五里昌利山有石室三門容數十人俗

呼爲三龍門碑曰云唐昌利山有延祥觀碑開元
中金堂尉沛國武捷撰○銅盤山在縣西北二十
里北接維縣南接新都山形如盤洛水彌牟水毗
橋水經此山下合中江○名山志云金堂三學山
乃漢州北山一名雲頂一名石城亦名棲賢開照
其實一山也在縣東三十里李八百三度學仙於
此故名其下隘口壁立千仞惟一路可通入騎謂
之三學隘寰宇記云雲頂山舊名石城山其狀如
城也頂上平可十畝有神泉方丈澄清如照雲霞
常與唐天寶六載改爲雲頂山西幸略云唐明皇

四川名勝志

卷之八

三

至劍門山神見形迎駕稱姓李氏後陟武擔東臺
遠望祥雲紫氣盤結空界問左右曰此何處對曰
石城山乃悟山神扈衛之意遂改雲頂爲慈雲馬
高僧傳唐開元中鑑源禪師於此山講華嚴感聖
燈現菩薩放光大松林後有寺額篆書三學字其
山四方面各三十里因謂之開照山矣勝覽云三
學山有佛迹石理堅潤瑩白如玉非世間槌琢所
能又有碧玉佛龕藕絲袈裟錦字心經貝葉金字
涅槃經寺前後檜栢皆隋唐故物又有飛石乃自
雲頂飛來先是寺有栢樹已枯石離而爲二有王

頭陀語曰五百年後寺當廢若栢再生石再合然
後復興果如其言碑目云王頭陀塔銘在雲頂塔
院貞元十五年薛倕撰三學山飛石記邑宰張西
撰支提石塔記唐節度使段文昌撰鸛起舍利塔
記南康王韋早撰○李義山爲八戒和尚謝復三
學精舍表略云三學山夜有神燈朝明佛足風飄
雨濕且無金爐落時鮮剝苔侵尚有寶花承處五
代杜光庭功德記亦在山中○隋僧智炫遊三學
山詩秀嶺接重煙嶽岑上半天絕巖低更舉危峰
斷復連側石傾斜澗迴流瀉曲泉野紅知草凍春

四川名勝志

卷之八

四

來鳥自傳樹錦無機纖猿鳴詎假弦葉密風難度
枝疎影易穿抱表依曠沼策杖戲荒田遊心清漢
表置想白雲遯榮名非我顧息意且蕭然唐王勃
遊梵宇三學寺杏閣披青磴瑠臺控紫岑葉齊山
路狹花積野壇深蘿幌棲禪影松門聽梵音遽忻
陪妙躋延賞滌煩襟薛能自廣漢遊三學山殘陽
終日望棲賢歸路攜家得訪禪世缺一來因薄命
雨留二宿是前緣詩題不忍離巖下屐齒難忘在
水邊猿鳥可知僧可會此心常似有香煙題開照
寺云盡室徧相將中方與上方夜深栢樹遠春氣

栢林香聖跡留品險靈燈出混茫何因將慧劍割
愛事空王偽蜀太后徐氏漢州三學山看聖燈虔
禱遊靈境元妃夙志同寶香焚靜夜銀燭炫遼空
泉漱雲根月鐘敲樹杪風印金標聖迹飛石顯神
功偶望天涯極臨看日脚紅猿來齋室上僧集講
筵中頓覺超三界渾疑證六通願成修假事社稷
保延洪太妃徐氏和云聖燈千萬炬旋向碧雲生
細雨灑不暗好風吹更明聲敲金地響僧唱梵天
聲若說無心法此光如有情宋王雍題雲頂山詩
五色琉璃白晝寒當年佛脚印旃檀藕絲織出三
四川名勝志卷之八 五

簡州 在府城東一百五十里

蜀漢簡雍爲先主鎮牛鞞牛鞞漢縣也山曰賴簡
池曰簡池皆人民不忘雍政矣故簡之州縣設焉
○治前陽安驛本西魏之陽安縣也以陽安山名
治西南之平泉鎮本隋之平泉縣也以泉名俱詳

見下○華陽國志犍爲郡牛鞞縣受新都江去郡
三百里漢元鼎置有陽明鹽井卽牛鞞井也南齊
牛鞞戍設在州城西岸卽古簡縣址○三國志姜
維開鍾會入犯表守陽安關右在州西南三里上
流井依山爲之舊陽安縣治水經注云晉羅尚乘
牛鞞水東征李雄發自陽安關卽此○九州要記
陽安縣南七十步有赤水如絳源出隆州今治西
二里絳溪是也溪上龍門洞有石如龍壁上龍門
二字州人許奕書傍刻柳子厚鉅錡潭諸記乃宋
臨歐陽詢書○陽安有雁水源出廣漢曹榮謹詩
四川名勝志卷之八 六

城下水流金雁月亭中人弄玉絃琴也雁赤二水
之間有江月樓薛濤江月樓詩凭欄却憶騎鯨客
把酒臨風手自招細雨聲中停去馬斜陽影裏亂
鳴蜩○方輿勝覽云簡郡設廳棟宇盡唐制梁上
題寶曆元年刺史張炎建抵嘉定之壬午巳二百
九十有八年矣郡守壁記名氏始唐貞觀十三年
見劉左史折柳亭記亭在朝天門外舊名情盡橋
刺史雍陶詩云從來只說情難盡何事教名情盡
橋自此改名爲折柳任教離恨一條條○西州道
院在州治南宋紹興間建黎村記云陽安郡於會

府而有江山之勝處於高仰而有魚稻之饒民事
獄訟比之旁郡十無一二凡隱於吏者樂趨焉人
目之爲西州道院有望湖樓在道院之後湖光山
色交相輝映輕舟小艇時時撐出柳陰中不謂重
岡疊嶂乃有瀟湘蒼雪之景也○志云簡縣忠清
門外有唐太子誦書紀功碑甚巨元和二年朝議
郎使持節簡州諸軍事李維勒石又有南康郡王
紀功碑憲宗撰文太子誦書貞元十三年建原在
龍興寺宋天聖五年移在州衙門外頒春亭側又
云在郡市中心居民室下紹興丁巳穴土見碑石太
守命工取之重徹民屋不果乃錄其文唐御製紀
功碑銘并序皇太子書碑面殘缺不全惟碑陰開
成元年皇從孫鋌爲本州守日記述其文俱好遂
覆之按此碑今已取出見存○州城外東隅有協
濟廟上上梅使君漢南昌尉梅福之裔也爲郡太
守生則遺愛萬民死則享祀百世唐玄宗幸蜀夢
一老人墜於梅井五子扶而出之見頂生肉角詔
問乃此神因錫爵上廟號遇水旱禱皆驗○簡池
有四狀元張孝祥其一也山思陵親推冠多士後
銓居歷陽因號于湖有于湖集四十卷○州城內

雙市街之叢桂樓以紹興中朱熹同榜李嶠如李
進修范時中袁炎牟子正俱州人太守郭山中爲
樓記○景德觀在州南一里山谷集云簡池覺範
道人城東道友也住景德院其家風十二時似趙
州東院西池種竹兩枝於宴坐軒中山谷老農作
頌曰往在江南住竹山道人兩歲三來訪聽風聽
雨看成龍牛羊折角入朝餉簡州城東刮地寒手
種檀欒三兩竿竹成叟竹無孔笛若有靈龜一任
鑽魯直又有題其也足軒詩不具錄○園經簡有
四岩東西南北也三溪東南前也三池柳鳳賴簡
也劉涇序云三溪號一郡之勝前溪在陽安治後
亦稱後溪按涇字巨濟號前溪子光祖字德修號
後溪其所著集亦以前溪後溪名焉文同後溪晚
步詩云陰陰芳樹暗迴堤路入蒙籠轉野溪澤雉
應嫌高復下林鴟引子欲還啼青蒲宛宛全淹水
紫竹斑斑半出泥倚杖風前感時節亂煙斜日一
蟬嘶○南溪壽昌寺前水是也由南溪沿隄里許
爲東溪李良臣詩簡州何處景最佳東溪清絕人
所誇卽此溪上有碧波亭宋姚孝詩賴簡池堂兩
蜀誇東溪別是一仙家令人却憶康王谷坐看珠

簾漲雨花按志劉文節墓及讀書樓俱在東溪上
有其父前溪自爲圖序文節後溪公謚也今東林
寺是其樓址一名東溪巷○柳池折柳橋下水也
鳳池在治南三里水自城址一里鳳翅山來賴簡
山接金堂山郡池名皆因之○東山在東江之外
州治之左距城東五里岩高數丈刻東岩二大字
有東巖院智通禪師卓菴處地居兩山之際溪流
其中下有懸溜清音不絕旁有洞又有古柏大可
二十圍爲一郡之望刹志云卽天王講寺也貞元
初施頭陀剎口近巖有雙牙山兩石對峙如牙上
四川名勝志卷之八
有井及石箱人見兩金鵝其側畫浴於井夜棲於
石○西巖在州之湧泉鎮有石刻大悲像光相優
現距治西五里巖洞深三丈五尺闊如之洞門刻
西巖二字宋嘉定甲子王武卿結菴於此題名口
近巖有石柱山孤高獨立上有石像百餘石室數
間有仙人楊氏養丹爐鼎尚存登其巔可望逍遙
山口勝覽云逍遙洞在玄都山去城三十里景德
間有楊用晦者隱居此山上有層崖命工發之得
東西二室西室後刻二龕若養丹之所又鑿二窟
中可坐五七人東西二壁各一孔雀二神人有漢

安元年四月十八日會仙友十二字漢隸尚存按
用晦簡池人能詩任心自適不求當世樂隱洞中
時太原王載京兆金惟吉南陽鄧曉度杜審嗣劉
晏遠來尋訪刻詩壁間○南巖在治南一里有洞
深三丈闊二丈五尺方輿勝覽云南巖有光孝寺
前敞飛閣盡覽江山之勝左有洞可容數十人卽
淳風洞也石刻無名氏詩煙飛嵐翠撲衣裘落日
牛羊下巘頭莫道山中生意薄江邊桃李自風流
○簡州學記李淳風生於州之乾封鎮有故宅及
墓按今銅鐘寺卽報恩光孝寺址宋孝宗隆興二
四川名勝志卷之八
年陽安尉歐陽徽建疏請衡山和尚住持寺前高
敞有會勝亭趙抃知益州時寺僧有能琴者見知
於公作琴軒詩贈之云輟飲支筇會勝亭溪山佳
處古琴橫憑君傾耳殷勤聽一弄清風四座生諫
議大夫張方和云早向溪山得趣深建亭今復寄
餘音紛紛塵市無閒地獨有斯人物外尋○北巖
在治北二里洞深三丈闊五尺有坐榻茶竈傍開
石牕牕下有泉清冷不竭有寺舊名白馬院開元
中馬祖建倚壁有丈六金身無名氏詩云一帶江
煙半倚巖檻前時眺里龍潭低昂竹影疎明月屈

曲松枝拂像龕樹老硬很穿石罅草生上葉入碑
卷西來白馬無踪跡寒鵲昏鴉暮景含碑目云院
有唐碑其歲月乃大曆時重修石壁刻云郡守潼
川王武卿攜家渡江過唐氏園偶泛舟泊山下登
劉氏江閣因上北巖禮大佛開禧改元二月十有
三日書□近巖有洞曰朝陽深三丈餘高丈有八
尺廣一丈內有石牀額篆石室二字蓋昔人煉丹
之所○右已上四巖乃附郭之勝其稍遠者有玉
華池天光觀覺林寺又遠則爲分棟長松諸山按
寰宇記陽安治北二十里玉女靈山東北有泉西

開川名勝志

卷之八

土

北兩岸各有懸崖腹有石乳房一十七眼狀如人
乳流下土人呼爲玉華池每三月上巳日有乞子
者灑得石卽是男瓦卽是女自古有驗山爲仙人
李八百修煉處○續仙傳云李八百居棲賢觀一
名天光觀在城東二十里有唐碑可讀者云太和
初三洞道士王道賜因張文舉施地基初建按今
爲明教寺○甕亭山在治南四十里石甕舖有覺
林寺在大道傍王欽若題覺林寺詩暫拂塵襟思
倍清竹風山色亂泉聲安民功淺君恩重又策蹇
臨向古城題詩前題古寺無碑刻僧云不記年自

余安所問惟是愛林泉○分棟山在州西七十里
寰宇記云山北連秦隴南入資瀘東北入靜戎軍
其巔有少休亭劉涇記云自成都趨陵簡如在簡
必由靈泉過分棟山周數百里高大阻險以石次
第爲步暑雨冬雪則馬不進僕亦以病告欲少休
於是建亭名少休焉○稍北爲長松山州治之斧
辰也界內諸山皆發脉於此長松寺本蠶叢廟址
唐開元中馬祖行空和尚乃建寺明皇召對賜額
長松衍慶寺又賜名香爲亭以貯之曰御香亭宋
賜名嘉福寺今名靈峰□唐鄭谷集云谷自亂離

開川名勝志

卷之八

土

之後在西蜀半紀餘多寓止精舍與圓助上人爲
淨侶助公住長松山舊齋嘗約他日訪會勞生多
故游宦累年曩契未諸忽聞謝世愴吟四韻以弔
之詩曰每思聞靜話雨夜對禪牀未得重相見秋
燈照影堂孤雲終負約薄宦轉堪傷夢繞長松塔
遙焚一炷香○蟠龍山與長松相接唐大曆四年
郡大夫傅耆造大佛建院曰石門以山石分開似
之院門又有石形如夔刻字其上曰夔石□宋楊
甲遊長松寺宿石門僧舍詩疾風吹輕衣駕我雲
春路人間一回首驚絕不敢顧烏投虛無底渺渺

不知處時寒蟻百垤與世同所驚試看一蒼莽誰
有不平慮尚憐野僧崖佛面荒苔蠹斷崖割呀吻
洶洶崩石怒我來得奇觀拄杖叩巖樹青山有騎
色斯客不能句平生二三子慰我一相遇娟娟松
間月幽夕亦可度夜闌更小語風逼遺響去酌君
無多酒繼以木蘭露諸公綽石門院詩搖空柳色
金猶嫩傍道梨花雪木開只尺長松煙霧裏石門
頂上暫徘徊○志云去州治五十里山曰賴簡自
賴簡西亘潛度雁江而直走龍泉又曰隆泉在治
北八十里以淵水降盛爲名今之龍泉驛是其處

四川名勝志

卷之八

七

業

□龍泉一名平泉又名靈泉隋初置平泉縣唐改
爲靈泉旋俱廢楊甲靈泉山中詩云小縣相籠合
濛濛數百家菓蔬早晚市樵牧亂晴沙落日平林
迤青山去路賒偶居無事在隨意問桑麻又野色
山間盡風煙更可憐客情牛鐸外農事藕花前聚
汲松根井竟愁石底泉雲安須斗水詩興亦超然
又勝地仙臺宅微官也謫居焚香他日夢隱几向
來書小睡便山雨長齋稱野蔬逢人問無恙滿意
說樵漁又目下叢林薄芊芊蕭晚聊閉門成小隱
飲水亦生肥醉看溪藤杖歸來木葉衣狂歌有虎

咒語道只應非又何處長松寺雨花雲外臺山從
百曲轉路入九關回老檜成龍盡殘柯借鶴來人
間斤斧亂風壑夜聲哀○成都文類益部十縣多
引江水溉田咸爲沃壤惟靈池疏決不到須候天
雨俗謂之雷鳴田縣東山下有朱真人洞洞北岡
嶺連屬逾二十里得褚聖母祠化跡尤異民咸事
之祈禱獲應潘洞詩云錦里城東邑高原十六鄉
江流分不到天雨降爲常節及三春後晴逾兩月
強龍乖尋亢鰲魚困入泥藏樹影全虧綠苗姿半
吐黃耕夫皆慘戚市戶亦倉忙潛慮寬無雪深疑

四川名勝志

卷之八

七

士

政有傷推恩慙唐主引咎謝虛皇磨折真人字星
奔聖女堂先時燭玉饌隔夜浴蘭湯洞口焚香遠
山椒作梵長幽誠期必達玄應果旋彰雷振南峯
下雲飛北嶺傍聲稠喧竹塢勢迫瀉銀潢飄灑連
三晝霧霓過一方稻畦煙漠漠蓮沼水泱泱物態
涵優渥民情遂樂康洪施周庶品餘潤浹他疆稔
歲還堪待陰功詎可忘明靈何以報奮藻紀遺芳
□按朱真人祠卽今安靜觀楊甲宿安靜觀詩青
山轉龍脊矯首西南天上有仙人祠臺殿飛後前
下見雲雨興樹色暗平川仙人兩黃鶴一去無歸

年向來道上樓人着幾何錢一朝間羽化悵望空
流涎却揮囊中金瓦礫來投指巖巖化金碧香火
通雲煙人間萬事爾且暮有愚賢而况爭奪場轉
手分嬾妍仙人一回首破隴與荒阡紛紛不足道
哀此區中緣石泉瀉幽潔意寂不肯喧夜聞松風
露起坐心寥然又云一濯巖下溪再拜巖中庭清
風肅然來吹我衣上腥仙人芙蓉冠乘月下雲轡
山空雜佩響靜夜朝百靈似聞客欲去小語猶丁
寧蕭蕭上松栢急以兩耳聽寂寥古壇外但掛斗
與星天明恐是夢恍惚遺心形去飲石上泉再讀

四川名勝志卷之八

五

幽人銘青山無行迹霧雨松冥冥○古今集記云
靈泉縣界有瑞應院唐永平中段文昌來攝縣尉
手植四松於此院有石刻云乾坤毀則無以見寺
寺不可毀四松其遠乎松至天福初止存其一縣
令張松後補植三株有栽松記刻於石

仁壽縣

在府城東三百里

隋文帝仁壽間所置縣即以年號爲名原屬陵州
後州廢爲陵井監宋大觀四年改爲仙井國朝
併入當縣○今之貴平鎮入簡州界者乃後魏之
貴平縣址又有廢籍縣城入雙流界者乃梁天監

之庸郡也後改郡爲縣復訛庸爲籍俱詳見下○
寰宇記云陵州漢武陽之東境晉初西城戍也治
南有陵井周武帝因以爲州名○圖經漢張道陵
經茲地有山神稱十二玉女指陵上開鹽井監以
陵名志地也文同奏疏謂因張陵以名井復因陵
井以名州矣郡國志曰仙井陰氣襲人入者輒死
投以火則煙氣上衝騰泥漂石沸吼如雷今玉女
祠是其處○王象之碑目云張天師靈廟碑元和
十五年知陵州李正卿撰文咸通十五年丘冲書
云黃帝陰符碑在城內至道觀宋京記云此中江

四川名勝志卷之八

六

山瑰奇自古王公貴人詞客才士未嘗一至故不
得見於歌詠而爲浮屠老氏之學者往往擅而有
之○方輿勝覽云艷陽洞在至道觀之後昔天師
既誓玉女於井因藏去其衣鎖之石室或謂之藏
衣洞洞在重巖下哈岬幽窈晦明變化千態萬狀
雖距關闔不數武而若與世隔蓋道陵修煉之區
也杜光庭錄異記云焰陽洞古老相傳在陵州陽
山之上從來隱蔽人莫知其處乾德三年辛巳正
月十六日癸卯井監使保義軍使太保馬全章夢
一紫衣束帶魏冠者狀若道流揖之俱行至

所告曰此燭陽洞也閉塞多年能開發護持可以
福利邦國又指其地近開小徑曰可斷之勿使常
人踐踏言訖而去又旦往尋其所果見土勢微陷
以杖導之深不可測即令本軍節級侯廣之勾當
人夫斫地漸獲蹤由相次開掘見三重石門洞內
並是細砂一無蟲蟻他物其洞自東入西深三丈
九尺闊五尺三寸洞門三重第一重高六尺闊五
尺二寸第二重高五尺五寸闊三尺七寸第三重
從頂至底一向高六尺一寸三門相去各只三四
尺鑄鑿精巧殆非人工三門內南畔別有石房闊

四川名勝志

卷之八

七

七尺四寸高四尺八寸深四尺二寸其後別有一
小洞洞門有片石遮掩旁通一縫以燭照之深不
知其底北畔亦有石房深四尺闊七尺三寸高五
尺房內有石牀一西畔又有小石房深二尺闊三
尺五寸高三尺一寸西北畔有石牀長三尺八寸
闊二尺八寸有石竈模長二尺三寸額闊七寸竈
深八寸周圍三尺五寸計從洞門向東一直至鹽
井西相去可四十一丈八尺井在洞門正東也全
童乃召當井監天師院主內大德費省真問之荅
云天師院見有元和年刺史李正卿著天師聖德

碑云天師以東漢建安二年自沛遊蜀占據爲分
野見陽山氣象指謂弟子此山直下有鹹泉焉今
驗此洞正當井上卽夢中所指者也洞顏隸書艷
陽仙洞四字字體兼篆不知何代書旁有款識歲
久磨滅東南貴人見此碑本寶而藏之以爲真漢
隸志謂有東漢仙都四字在天師洞云○仙井監
有蔡君謨法帖蘇東坡心經帖文與可書千字文
陸務觀跋蔡帖云近歲蘇黃米芾書盛行前輩如
李西臺宋宣獻蔡君謨蘇才翁兄弟書皆廢此兩
軸君謨真行草隸皆備石在仙井可寶也淳熙元

四川名勝志

卷之八

六

年九月八日蜀州手裝○艷陽洞前有蓬萊閣素
少游詩雄簷傑檻跨崢嶸席上風雲指顧生千里
勝形歸俎豆七州和氣入簫笙人遊晚岸朱樓遠
鳥度晴空碧嶂橫今夜請看東越分藩星應帶少
微明程公闕次韻半天鐘鼓宴崢嶸早晚晴陰景
旋生湖暖水香春載酒月寒雲迥夜聞笙金熬破
海頭爭並玉雁排煙陣自橫我是蓬萊東道主倚
欄先占日初明按蓬萊閣在治東百許步又有含
暉閣近五十步趙閱道題含暉閣詩曉川嘉樹照
夏屏披豁幽軒景盡歸自幸予懷已虛白三峒山

色更清輝○輿地紀勝云平雲閣在郡園交與可詩陵陽郡事全稀少懶守長歲半日閑晚後須來上高閣就中無厭是雲山與可在州送通判喻郎中詩可笑山州爲刺史寂寥都不似州城若無書籍兼圖畫便不教人白髮生又云近日簿書全簡少吏人惟聽兩衙休歸來便只尋冠履遍林亭山上頭○與可又有自然水石記云陵陽守居負山悉石西左砌層崖餘地丈許平夷可屋因植四楹面午橫楣闢幽軒正對大林高株缺間視遠峰若畫工引淡墨作巒嶺巖巖時與煙雲相蔽虧愛

四川名勝志

卷之八

九

此有佳趣地後靜密公事少休卽至宴坐伏息日計數取多乃去外俗不得知旁類巨礪如磨宜鏡刻遂磨治將紀建置歲月沃水盪拭見黝理若髮狀傾灘平波瀾漫軌迤復疊先後倫次窪淵登浪左右役目自非天寫神摹人巧孰能爲是必由融結固已有堅包厚藏待予始發章物蓋顯晦信在時人理疑亦然苟達此與知命何遠雖爾既有形必復壞倘後人加護則傳久未易泐也○州城東西南三山相對而治居其中去陵井各一里謂之三嵎山按古謠云三嵎青陵陽榮三嵎翠陵陽貴

郡守何者仲嘗於東山之下作青榮堂以表之張紹祖山扉記曰有岡北來莫窮所有不亟不徐勢趨東南欲薄城下岐而爲三行且五里虎踞盤礴不復去此陵陽之所謂三山也○西嵎曰跨龍卽州衙坐山李石超覺寺記云州以跨龍名者居三嵎山之繁也去治半里有跨龍亭每歲上元重九太守率僚屬燕其上石姥在山頂歲旱里人轉徙之天卽默霽雨四注文同賦曰上簪岑之飛泉今披蒼蔚之榛莽爰有石之跂跂兮旁無他而相伍其遠眺之若人兮迫猶疑其蹲虎里俗神而甚

四川名勝志

卷之八

十

恭今號相尊而曰姥云○南嵎曰翳嘶頂上有翳嘶廟相傳神卽巴郡太守嚴顏也宋何臬作碑記併書山前有霄漢堂紹定中隆州軍事推官文大虛爲碑記俱存山之麓有更生寺宋丞相虞允文爲其父泰國公建碑云紹興十八年六月二十六日鄉人鮮于述旣死復甦言地府有更生佛故泰國虞公祺也明日以告丞相正泰國小祥之期丞相因言泰國屬續時微疾耳忽甦坐客古佛俱來吾當歸允文泣下公顧曰身得爲佛有何不可含笑而逝按寺在縣東南數百步泰國又有功德

院在城西玉屏山□元虞集仁壽寺僧報更生佛
祠前生瑞竹詩聞道故園生瑞竹令人歸興滿江
千扁舟不畏瞿塘險匹馬誰云蜀道難杜甫溪頭
花豈匝孔明廟裡栢蘭珊新堂題作歸歟字定得
臨江把釣竿伯生丞相裔孫也有還鄉詩云還鄉
思速去鄉遲王事相縻敢後期里父留看題壁字
山僧打送捨田碑胡桃筇竹南方要盧橘枇杷上
國知此日君親俱在望徘徊三顧欲何之○東隅
飛泉上有超覺寺按圖經隋仁壽元年獠友百
姓城於山頂避難遂有飛泉湧出獠平泉洞因呼
四川名勝志卷之八
爲飛泉山文與可詩東城元高峰爽氣浮翠微霞
光射巖壁中有寒泉飛碑曰云飛泉院碑唐神龍
元年立超覺寺碑廣明二年陵州刺史蕭兢記志
云超覺寺有爾朱仙影刻二片一全影一半影也
有乾道中虞丞相書碑勝覽云飛泉山下蟠溪丞
相何公臬所居何公始生六日瑞雲山當夜半紅
霧亘天此山東去蓋四十里○碑目云佛龕山有
唐貞觀中率更令歐陽詢書金剛經磨崖碑按卽
佛厓山也在縣東二十五里山有三石像背虛面
巖俗呼倒坐寺○城東北石城山平等寺有天寶

四載薛兼金撰道超和尚精德碑謂石壁如城絕
頂望見峩眉云○城南一里鼎鼻山隆然特起又
曰隆山隋大業改陵州爲隆山郡本此郡國志云
周之九鼎淪一於此往往見鼎耳因名○城南一
十里有麗甘山山下鹽井是十二玉女故迹以玉
女美麗井水味甘合而爲名也又云古鹽井號聶
甘井井傍有神祠號曰聶社○又二十里有儒社
山虞允文書碑云紹興癸酉十月八日允文來遊
知先世種德本末感愴久之石刻今存佛子寺○
城西朝女山昔有女子居山悟道肘腋之蹟印石
四川名勝志卷之八
上猶存○碑目云後唐同光三年靈泉院碑在本
院山上按卽譚子池也亦名天池宋進士郭周藩
詩云靈泉在山頭酌之不盈卮試詢陵陽叟何云
譚子池一叟爲我言郡有譚叔皮在唐開元末生
兒名阿宜墜地解言笑九歲森髯髭不食且不飲
超然忘渴饑十五銳行走復若神駒馳二十入山
林人莫知所之父母念不泯鄉人爲立祠大曆元
年春此兒忽來歸頭簪鳳凰冠身著霓裳衣再拜
向父母一吐心中詞兒乃仙子流塵市不可羈鄉
人意雖厚立祠將焉爲妖魅一朝據作祟無休期

急爲告鄉人毀之勿遲遲祠下多金藏不知使何時盡取濟不給幸勿藏於私言訖卽辭去仙袂風披披於馬撤祠宇突兀成平夷果獲千黃金貧賈得所資金盡泉繼湧湛若青琉璃不滿亦不涸旱澇恒若斯禱之立有應翁如埧協麓由來羽化人出處同鬱儀去今數百載跡在名還垂門天池山麓有顯忠院宋尚書僕射何臬藏主處臬從徽欽北狩死沙漠華表柱猶存又有寶徽院宋寶謨待制陳咸葬所號寶謨肝蓋宋故事名位顯者得於墳側建斜度僧以薦先福焉○志云陵州梵宇多

夔州名勝志

卷之八

寺

以龍名若龍興龍居龍泉龍厓是也龍厓者鐫石爲龍卧厓下卽文與可鐫怪石墨竹處跨鼇山人李新題云淺梢疏節似瀟湘正向祁寒澈曉霜清興未窮僧已老自餘山色與溪長雅安僉判程壬孫詩風雨勞先別敢辭尊酒深一梢牆上竹留作歲寒心右俱在寺壁上○按龍興卽報恩寺也寺有大悲堂及大悲閣王象之碑目云龍興寺大藏經碑開成五年吳商撰古大悲堂碑乾符三年周宋昔撰篆字心經碑咸通七年仇溥撰并書修大悲堂碑景福二年僧承徽記僧曉微碑在寶林院

西蜀明德元年立又有顯教大師碑廣政四年立鐵騎將軍碑孟蜀廣政二年立○寰宇記云貴平縣漢廣都之東南境後魏時與平井縣同置舊治和仁城開元十四年移治祿川按圖經祿川距貴平縣三十步發源簡州下注資江而東水多魚蝦縣人利之過祿川有蘭溪唐隱士張鴻居其上按益州記平井縣兩竈二十八鎮日收鹽四石如霜雪是也○碑目云貴平縣文宣王廟碑長慶五年陵州刺史李正卿撰尹泰階書碑在縣址後百步可搗而聖賢石像委榛莽中近方瘞之碑後巖下

夔州名勝志

卷之八

寺

○唱車廟在貴平縣南九里漢朱辰爲巴郡守有恩於巴吏人送辰到蜀回至此爲辰立廟以其山近鹹井聞推車唱歌之聲爲名今鹽井推轆轤皆唱爲號令馬碑目唱車山開國王碑貞元元年貴平令王覺撰年尚書墓記同光五年領州事陳貴民撰○貴平西北四十里寶峰院有唐人撰寶峰院記院內有王羲之記王氏廬墓銘按志邑王氏女至孝親沒廬於墓側三年有司立碑表之王羲之爲作廬墓銘剝蝕殆盡○廢籍縣城在今治北一百里今爲鎮有籍田公館接華陽界縣南平地

畝餘踏之軟動古泉淵澗旱不涸涂不溢名曰息壤魚鰲水在其北導江水在其南丹砂山在其西○漢黃龍甘露之碑在籍縣江口上銳下方其狀如鐘大書漢黃龍甘露之碑七字餘不可讀其可識者羣臣將軍位號蓋為龍紀也

井研縣

在府東一百五十里

寰宇記云縣本漢武陽地有彭山彭首獠姓在始建鎮之東按卽隋之始建縣也後魏置蒲亭縣于此今縣東一里有黃丞相池池中生蒲起亭以存古意焉○周地圖云蒲亭縣有鐵山諸葛亮取為

四川名勝志

卷之八

圭

刀劍字文度封鐵山侯卽此志謂鐵山一名茆香山在縣東六十里舊始建縣東○井鑊山在縣北其山俯臨井鑊因以為名僖宗幸蜀井鑊山神見卽此山也方言開東人呼鑊為鹵研故今縣名取此○碑目云唐節度使楊公墓碑在隆州井研縣道傍有石刻云唐銀青光祿大夫簡校御史中丞上柱國節度使楊公墓旁多楊姓乃其子孫又有宋何桌撰陳德用墓碑銘在縣南四十里木龍鄉宣和六年立又有青陽仲廣塔記在縣之天王寺其略云寺有塔以藏舍利為層十三此釋迦氏殊

勝莊嚴僧祖逢創始於隆興壬午基就而力不繼邑人憫焉願續其事邑之利源以鹽自貢一至九費所取者三之一施心殊未厭又合力為第十層工徒甃瓦之供自十而上合尖有期矣嗚呼事有一人營之百人終之者不營於始無以開其先不續於終無以卒其功百人者一人之繼是塔之興雖多歷年所然終於有成者百人之助也掌化任剛乞文刻石置層上以紀歲月云

資陽縣

在府城北一百二十里

四川名勝志

卷之八

圭

後周武成於資中故城置資陽縣以資水為名○志云城西二里資谿縈紆九曲合流雁江近掘得宋張方題資谿橋詩有資水右旋江會合之句王巖資陽江詩淡雲殘雪簇江干策蹇遲徊客興關持鉢老僧來咒水倚船商女得掀灘沙翹白鷺誰真淨竹映繁梅柰苦寒阮籍莫嗟岐路異舊山溪畔有漁竿范祖禹月夜船行入資川詩憶昨卧碧山蒼蒼叢桂間白雲為屏石為枕綠蘿長樹明月閑忽乘輕舟泛江水山月隨人還在此白鷺驚飛宿靄間青山倒臥蒼波底此時孤棹發中流川後

停波聽棹謳不學子猷中夜逐微明月向資州
○漢王褒故宅卽今縣理解中八卦井三字子淵
筆也輿地碑曰云西漢王褒宅在資陽縣西駟馬
里今改爲靈仙觀有觀碑二說微有不同舊圖經
云資陽南五里書臺上豐碑二十餘片刻聖主賢
臣頌山是王子淵讀書處有洗硯池○縣之延壽
寺漢董鈞故宅志以爲宋張方宅非也按字泉墓
在縣北二十里有石獸存其宅未詳○資山在縣
西南三里迥然秀拔卽寰宇記之獨秀山也范祖
禹資山詩云巖壇巖谷多神仙驚車鳳輦隨飛煙

四川名勝志

卷之八

三

神女瀟瀟來暮雨浮丘往往下雲輶○碑目資陽
有三仙磨庄石在三江鎮刻云貞元十四年十月
十日杜錫珪熊席變三人同遊○郡國志資陽有
鰲溪百丈池所謂溪流如鰲池深百尺也志云學
官前有星月池有井傍池如星又東一里有放生
池及碑碣顏真卿書又南二十里有孔子溪石壁
上鐫孔子字云其地昔有鄉校祀夫子刻記猶存
資縣 在府城東三百里

陳留風俗傳及姓纂俱云資姓黃帝後在益州資
中今邑之山川皆曰資從賜姓也縣有珠江馬驛

銀山鎮巡簡司盤石龍水二鄉解俱詳下○宋資
縣令盧法初建惠遠堂墓禮殿人物圖繪堂中以
訓諸士○縣治南街有烟靈亭應祠李石知幾爲
之記畧云初蕭君玉建廟成屬某記之偶有以石
未官爲嫌者君玉具壽書有官者及某名質于神
三禱皆得石名乃不獲辭今碑見在○禮記長弘
氏孔子嘗問樂焉死之三年而血化爲碧按圖經
長弘資中人有祠在青泥坊數里之內土色尚青
又漢王子淵墓在縣東二十里墓前石碣高丈餘
碑目云王褒墓石有河相弘農碑未詳人代○唐

四川名勝志

卷之八

三

元和中羊士諤爲資州守其詩云洛陽歸客滯巴
東處處山櫻雪滿叢峴首當時爲風景豈將官舍
作池籠登郾前山作也一雨東風晚山鷺獨報春
淹留巫峽夢惆悵洛陽人柳意籠丹檻梅魂覆錦
茵年華行可惜瑤瑟莫生塵郡中早春作也腰章
非達士閉閣是潛夫匣劍寧求試籠禽但自拘江
清牛渚鎮酒熟步兵廚唯此前賢意風流似不孤
郡中詠懷作也又郡齋讀經作云壯齡非濟物
翰誤爲儒及此齋心暇脩然與道俱散材誠獨
正覺豈無徒幸得蓮生水幽香桂滿爐息陰慙

帝講義得醍醐跡似桃源客身嬰竹使符華夷參
吏事巴漢混州圖偃草懷君子移風念青夫翳桑
俄有績宿麥復盈租圓寂期超詣凋殘幸已蘇解
空囊不智減景谷何愚幾日遵歸轍東甯殆欲蕪
賓叔向雨後月下寄懷羊二十七資州云夕霽涼
颯至翛然心賞諸清光松上月虛白郡中齋置酒
平生在開襟願見乖殷勤寄雙鯉夢想入君懷○
碑目云羊士諤在郡有毗沙門天王贊碑歲久陷
於城北隅紹興中邵博爲守始掘得之又云青松
亭記大唐乾符四年四川節度使成都尹高駢文
四川名勝志卷之八
弁書瀛洲亭記繪唐十八學士鮮于侁文弁書俱
在郡圃聚書樓記李石文博雅堂記張震文俱乾
道七年立碑其聚書樓記略曰國家渡江以來值
五厄之會收四部之富頒詔首降三館所儲兩學
所集分錫郡國州有書樓侈其賜也自宣和辛丑
前太守魏侯潤博以州號多士請於朝廷他州之
賜以益此州宛乎如韓宣子所見周書之在魯矣
歲久鼠穿魚蠹且爲有力者負去今守宇文侯爲
州起發手書之家傳入市殘缺散逸者咸綴錄焉
比舊日增千餘卷因舊樓徙故葺新復爲尉肆貯

之○博雅堂記略曰宇文紹奕爲資守風清事簡
則歎曰自吾承先大父右丞相公餘烈以詩書發
身凡二十年間聚書上自孔氏下至歷代諸史碑
官小說與夫國典名公之文合萬餘卷手所校錄
者幾半之不爲不多矣顧猶有遺恨者嘗見前漢
文字之與篆隸之王鏤金石而傳後世尚有可攷
乃其在中原者淪於夷狄後生不可復見吾家故
所貯吾幸得之不欲擅而有也蓋傳之是邦以與
學士大夫共之於是摹刻漢石經及他碑凡五十
四卷覆以石柱大厦名其堂曰博雅登斯堂者如
四川名勝志卷之八
入太廟見尊彝彝鼎盞盞孟豆之陳聞咸韶濩武
雲和箏篴之音列天球河圖寶玉大方之器饗太
羹玄酒日歌醑醪之味莫不咨嗟嘆息以爲君侯
好古博雅之士矣○方輿勝覽云企仙閣在治北
憑高視下得一郡之要李石爲記以李傅侯張各
據一山合四山而拱揖之故曰企仙亦曰蓬萊○
治北二里醺垓山李阿修煉處肖像猶存杜光庭
有醺垓山北帝院記以爲張道陵居焉山畔有洞
鑿石七十二級遠望之如入雲中范祖禹詩醺壇
高倚碧天開中有清都白玉臺霧擁雲旂來月去

風吹仙樂下天來○縣西三里平岡山傅仙宗所宅也崔中吉崔達亦嘗居此○玉清山高二百丈俯瞰平湖在州南二里侯真人遺迹存焉得道山在州西十五里張開光於此得道也碑目陳圖南得道山詩鐫於石壁邵傳跋○宋景蜀事補亡云東蜀領郡十六而江山瑰琦資中爲最資中勝遊十數而四巖爲最○縣有東西南北四巖也按圖經距縣城東三里曰東巖形若剖剗側立千尺溪壑深杳石壁上刻中興顏魯公書縱廣盈丈去磨崖五里有唐明渡以明皇所經矣巖上鐫宋承

四川名勝志

卷之八

三

議郎鄭綱詩云逕轉得幽谷雲巖屹相向谿衍偃重巖灣環依疊嶂緬想融結初鐫鑿自天匠了無斧鑿跡但覺盤根壯深可數千尺廣逾八九丈洞穴既窈窕松門亦昭曠廊舍三千界中列五百像巨楠布幢蓋翠蔓垂帷帳木靈不知名境幽或難狀我時馳征輶奔走劫塵鞅獲此一段奇欣然愜微尚欲去興未闌行行重回望末云宣和壬寅題又鐫云丞相大觀文沂國趙公以東川鎮鉞書緡來歸弭節鄉郡爲父老大夫十七日留乃歸內江之府第郡守楊樞執門生禮敬饒於東巖一時賓

客直秘閣新利路運副韓炳新巴州趙伯總新茶州趙善詔新大寧監黃中前昌州黃圖南新富順監黃裳制幙勾龍復成與俱語出林杪慷慨與坐客盡醉公抗大節於天下而略位貌於鄉黨於是氣凌八極矣樞請磨翠壁紀盛事共託公爲不朽咸曰然淳熙壬寅二月十七日題○方輿勝覽城西六里爲西巖山行不踰百步石壁夾道如城如峽○城南五里爲南巖按卽重龍山也背翠盤屈隱若龍轉有亭閣梵刹跨其上江山城市歷歷可觀○北巖去郡城半里等慈寺之東唐盧弁詩地

四川名勝志

卷之八

三

靈無俗草巖靜有仙禽卽此崖巔古像半蝕苔蘚乳泉滴瀝四時不絕蜀志補遺唐李渭爲刺史有遊山詩云淮陽清淨理永嘉山水心刻於等慈寺壁碑目云邵泰修北巖寺碑洗公石馬塔院碑滴水巖結界碑俱在本寺又云盧弁及張公瑾北巖詩俱刻在龍水縣○寰宇記云龍水縣本資中地隋置在龍龜溪資陽西界依龜山隴爲城今縣北三十里之龍水鄉是也溪水屈曲蟠擁猶龍亦曰龍潭石壁有古刻云積雨新霽灝爽澄空寓異探幽人生行樂殊不易得縣令任聖用挈鄉人蒲若

勉楊述美泊邑士張和叔飲於龍吟亭風味相
山樹巖石咸助意氣且移罇潭上醉歡歌笑見月
迺歸乾道辛卯仲秋丁未述美書○范祖禹知龍
水縣公餘紀興詩云縣門倚巖谷終日對青峰初
仕借爲宰讀書過三文志機狎鷗鳥觀稼親老農
訟庭可羅雀銅印苦蘇封○續古今記龍水縣有
昭烈皇帝碑形如方柱頂如蓬壺文剝落三之一
紹興丙寅孫原濟榻○碑目云龍川邑小而江水
環秀距邑不三里曰靈巖又其傑出者端平乙未
夏五月十有八日東川撫蜀古渝李粹甫來酬供

四川名勝志

卷之八

五

於此邑令眉山孫子山警曹巫山馮亨叔相與訪
古靈湫載酒酌其上午著方劇樹林陰翳巖氣襲
人恍若此身在水壺絕不知人間炎熱之苦竟日
徜徉興殊未盡而景已晡矣遂拂翠崖而書以紀
歲月云前蜀馮銖靈巖秋月詩青松崖上紫雲生
崖下仙人約舊盟駐馬看碑驚化鶴暮雲回首萬
家城鉢仕前蜀武成爲盤石令○寰宇記云盤石
在城北二里狀若盤陀後周以之名縣遂寧傳者
盤石遷治記云珠江流其前丹神隱其北醴炫據
其左靈巖蟠其右劉光祖記云資號珠江以地之

靈山產瓊異相傳江中有夜光如燭故名又有丹
神山在盤石西北五里山神極靈旱告之卽雨雲
宇記之丹山縣因此名也○按魏書保定二年資
州盤石人反殺郡守據險自守州軍不能制總管
陸騰率軍討擊破斬之而蠻子復反所在蠶起山
路險阻難得掩襲遂量山川形勢隨便開道蠻獠
畏威承風請服所開之路多得古銘竝是諸葛亮
桓溫舊道是年鐵山獠抄斷內江路使驛不通騰
又進軍討之一日下其三城招納降附者二萬戶
今資陽之丹山鎮入其故縣界○圖經廢銀山縣

四川名勝志

卷之八

五

在治東四十里山形如錠今銀山鎮是其處古今
集記云唐田游巖入蜀居於銀山聚弟子歌雅詩
以爲樂今山有雅歌臺石刻存志云銀山候館因
掘地得一小碣石乃黃山谷與門生戴經弟綱尺
牘云七二郎氣秀而有骨他日學問任宦皆當過
人要須得一佳士與遊養其忠厚之源此最爲先
務涪翁書贈戴六六七二秀才伯仲口鎮北之杜
家溝池水一泓清冷澄澈下卽龍泉洞也天將雨
則雲生竅穴霧瀾空谷前有石柱殿相傳龍出毀
殿止存二柱崖上鐫二龍上人懼其飛動擢去兩

角山谷曾遊此碑目云龍泉洞壁刻有浮屠丁未三月九日何少虛少明從成都張无咎來汲深碧坐因訪舊題數丁亥仲春六日字書與當時人物磨去已六七十年間幾風雨矣少虛且老日有倦遊之歎方為涪翁釣磯之行益起丘壑之念故山猿鶴其能忘情哉又有王齊賢李若水王簡熊九能濯凡塵步武而去等字○寫韻樓云資州古碑有祝融氏祝誦氏之號學齋帖碑云資州掘地得漢碑有伏羲倉頡初造工業畫卦結繩以理海內等語碑目云隋物收羅漢院碑在法雲院唐開元

四川名勝志

卷之八

三

樓神山略記在法鉢池前刺史房渙文宗壽觀碑天寶二年建玄宗書額御史中丞宋渾文已磨滅裴晉公自贊在靈虛院左僕射裴瞻墓在盤石縣北五里有世譜碑記載於寶靈院馬端臨通考云資州以新絳帖十卷刻石予家多有之前有目錄元刻麻石上續揚者不逮舊所得本道勁已上皆不可攷

內江縣

在府城東四百三十里

華陽國志江陽郡漢安縣郡東五百里土地雖迫山水特美好宜蠶桑有鹽井魚池以百數家家給

焉一郡豐沃○水經注云雒水又逕漢安縣謂之綿水口又寰宇記云周天和中於資中地置漢安戌在水濱尋改為中江縣隋開皇避先諱改為內江仍徙治於漢安故城即今縣也勝覽云中江水經盤石縣自十字水流入縣界又云內江有水深百丈實羣川總會之所晉郭璞城賦云山行依舊合水去復還來○按志中江源出汶山自灌口分支經懷口入簡縣歷資江而下為中江經三堆山下西折而東至縣復東折而南至柰木鎮又南折而西至黃市市距三堆十五里一水周環九十餘

四川名勝志

卷之八

美

里而縣當其中故曰中江江去城不百武與城內桂湖相通以盈縮清濁知之也湖在西北街宋黃思莊大書二字于岸石上旁植桂樹影可婆娑云○碑目云漢永建五年陳君為漢安長失其名有陳君德政碑在獐井壩層崖之腹字雖磨滅然尚可攷又有漢永建五年漢安修棧道記俱在內江縣○本志云宋紹興末於內江縣置安夷軍董昌齡時為令移徙新市平縣基得小碣一片刻詩云戰馬向風嘶荒雞隔水啼終日隨征旆何時罷鼓鼙按今之安仁驛沿其名○治東半里東林寺有

石佛按卽東津寺也范祖禹資州路東津寺詩山
行無晨暮日暝崖谷昏哀猿落客淚永路驚旅魂
憑陵高山巔俯視大江奔迴環島嶼合縈轉洲渚
屯行雲赴炎天飛鳥下蜀門地遐怪物聚寺古深
殿存憶昔李氏末煙塵暗中原英雄競草竊割據
窮海根干戈百年後見此敗屋垣我來蜀清秋登
覽無俗喧山深虎豹歸水靜蛟鼉審臨風獨笑叱
浩蕩欲飛翮自註云寺有石佛殿唐乾寧元年建
○城南銀杏舖江邊有放生碑款爲宋都護校尉
周仲亨立有寶光洞壁上鐫雲塞浴溪口金波光

四川名勝志

卷之八

三

明久十字紹興進士邑人閻執中書又渡江對岸
爲葛仙山相傳吳郡葛孝先曾棲其上今有巨人
跡編戶葛仙里之名本此○治南二十里高峰山
瀕江有洞曰會真中刻大士羅漢甚古唐大姓閻
氏所闢者洞室幽邃時或撫掌聲若鳴蟬有斷石
砌○城西二里化龍山麓舊縣址也有長生觀凌
風龕及冷然洞咸淳中郢有朱真人者棲其中修
煉得吐納之術其冷然洞記略曰予落迹安夷有
長生池丹臺冷然洞青眼不逢揖盤而去因有容
迹安夷尋達者無緣寄語共乘風之句咸淳癸酉

九月五日記又留題化龍山云郭外郊西柳已芽
東流注目浩無涯江明白白紅紅樹春在三三兩
兩家幾度來臨逢社燕一樽相對到昏鴉此邦物
色吟成盡高謝山中景致嘉州碑在長生觀中正
嘉之閒山崩得古鏡及劍印石刻識云有宋之始
化龍爲記日月相均水遠不墜亦疑朱仙所留○
又五里爲聖水寺寺有靈湫古碑紹興庚申水觀
禪師所刻邑尉蔡逸詩云二月春事半縣花無數
開江頭連騎行江霧結紅埃下馬坐清蔭觀漁大
江隈行行歷山寺金碧森樓臺拂石有唐碑字老

四川名勝志

卷之八

三

生莓苔緬想古今事悠然一傷懷解榼醉泉石傍
徑不忍迴辭徑下扁舟重開勝樽罍江煙暝川谷
水輪出崔嵬水而映金波流光浮玉杯蕩漾洲渚
間往來恣徘徊一棹轉圓沙燈火來相催高歌賦
厭厭會須期再來○城西二十里之三堆山尖峰
插漢桀閣憑空有古石像土人多遊焉昔耕者於
山掘得小銅版上鐫詩云塵世不我留身寄白雲
浮若問真遊處三山與十洲不知爲何代物○縣
西北十五里華萼山有寺臨江崖上鐫滙瀾有斐
四字唐范崇凱書崇凱玄宗時獻花萼樓賦爲天

下第一鄉人榮之以賦名其山也其弟元凱亦能
文時稱為梧岡雙鳳李太白贈范金卿詩云君子
枉清盼不知東走迷離家未幾月終緯鳴中閨桃
李若不言攀花頰成睽那能吐芳惠好鳥相招攜
我有結緣珍火藏濁水泥時人棄此物乃與燕珉
齊拂拭欲贈之中何路無梯途東慚白豕楚客羞
山雞徒有獻片心終流泣玉啼祇應自索莫久留
舌示山妻按金卿崇凱字也所居故址有卧碑鎮
華亭樓賦剝蝕殆盡山之後灣有金卿墓○志又
載趙達宅墓俱在梯雲山宋史達字莊叔內江縣

四川名勝志

卷之八

七

人讀書數行俱好聚古書紹興辛未對策第一他
日高宗謂曰秦檜日薦士未嘗一語及卿以此知
卿不附權貴與天子門生也達著有梯雲集三十
卷○志云石笋山在治東南七十里有石如笋者
三下圓上銳聳峙漢表清影沉江則長虹滿地新
月初上則明燭當天形家謂為邑之地軸以三堆
為天關云○按今中江縣之水本內水蜀志先主
從內水入涪是也而內江縣之水本中水以在內
外水之中也沈約宋書云資江為中水涪江為內
水恐因縣名而反混水名故特表出之

四川名勝記卷之九

宋民族

蜀中曹學佺能始著

成都府九

漢州 在府東北一百里

領縣三

漢高帝六年置廣漢郡於乘鄉一名繩鄉釋名廣
大也言能廣大漢業也東漢益州刺史治唐初立
漢州天寶中置德陽郡於此旋廢○華陽國志云
廣漢郡治雒縣縣漢置自唐迄宋俱附郭元至正
始省入州古語云大旱不旱蜀有廣漢華陽國志
所稱蜀之淵府浸以縣雒者也唐陳子昂為雒縣
令張知古頌德碑云此邦膏腴利在江浸是矣○
陶翰送孟浩然入蜀序云廣漢城西三十里清江
禽緣兩山如劒中有微徑可入岷峨括地志云郡
在水南故曰漢陽又名湔陽有湔陽故城在州南
一里湔陽亦漢縣也東漢省入○圖經洛水在治
東半里又名沉犀水水性剛宜淬刀與信州葛溪
同雒字元從水漢火德忌水故改從雒范曄後漢
書曰洛城南每遇陰雨常有哭聲聞於府中和帝
時陳寵為太守勅縣宰收葬骸骨哭聲遂絕建安
十九年先主攷雒城拔之襄陽馬良書諸葛亮

曰承維城已下尊兄配業先國是兆斯見者也○
圖經鴈江在治北半里有雁橋跨水上李膺記云
張任與劉璋子循守維城任勒兵出於鴈橋戰敗
卽此雁橋東有嚴君平一處土臺高數丈宋郭印
上臺記云故老相傳州治形勢南高而北下多大
災與君鑿井廛間上憲七星杓指南方以厭勝之
越千百年上臺旣已墜落而井之應輔星者亦多
堙塞矣○益州記云廣漢郡北一里半有岸橋跨
白魚水也源出朔口有白魚出焉在治東十里○
錄異記云漢州赤水有湧泉水脉五六自山下湧

四川名勝志

卷之九

二

出因成大池流三二百步可激碓磳流入爲大溪
○志云治西五里石梯河源亦出朔口河岸甃石
如階級有石梯橋下出繡土可以代墨又二十里
曰甯平河自灌口經州治會金堂峽俗謂之三水
關○常道將云廣漢郡本治繩鄉永和中陰平漢
中丞及元初二年移治後治維城王莽改曰就都
公孫述名曰子同益州以蜀郡廣漢犍爲爲三蜀
土地沃美人士俊又爲一州稱望樂史云漢州有
西伍城宋元嘉中於舊伍城立新都國乃于城南
別置西伍城焉○漢選廣漢太守毋重德高俊泰

章禮物殊于諸郡前有趙護第五伯魚後有陳寵
趙瑤皆公望也唐天寶初房琯以故相爲是州有
舊竹亭鳴琴其上公去已久而李文饒劉夢得過
其地思之不置形於詠歌衛公詩云流水音長在
青霞意不使獨悲形解後誰聽廣陵絃中山和云
尚有竹間露永無一下塵一聞流水曲重憶餐霞
人別駕鄭潛和云石室寒飈發孫枝雅器裁坐來
山水操絃斷甲餘哀○次律于治西鑿有西湖自
趙云高流纏繞峻隅城下緬丘墟決渠仁浩蕩潭島
成江湖結宇依迴渚水中信可居三伏氣不蒸潤

四川名勝志

卷之九

三

達暑自徂同人千里駕鄰國五馬車月出共登舟
風生隨所如舉麾指極浦欲極更盤紆繚繞多宛
致夜盡情有餘遭亂意不開卽理還暫祛安得長
晤語使我憂更除柱甫陪王漢州留杜綿州泛房
公西湖舊相恩追後春池賞不稀闕庭分未到舟
楫有光輝鼓化萼絲熟刀鳴鱸縷飛仗君雙皂蓋
灘淺正相依李德裕月夕遊房太尉西湖水相鳴
鵲地何年閉玉微偶因明月夕重敞故樓扉桃李
蹊空在芙蓉客暫依誰憐濟川楫長與夜舟歸劉
禹錫和云太尉留琴地時移重可尋繼絃一掩抑

風月助登臨榮駐清油騎高張白雪音祇言酬唱
美良史記王儼鄭澣和云木落漢川夜西湖懸玉
鉤旌旗還左次丹楫泛中流日極想前事神交如
舊遊瑤琴久已絕松韻息悲秋嚴公規前遊鳳池
才未盡餘思繫西湖珍木羅修岸水光映坐隅琴
臺入寂寞竹島尚縈紆猶繼濟川志芳名終不渝
薛能前題西湖天下名可以濯吾纓況是攜家賞
從妨半驛程營茶春味消斷酒晚懷清盡得幽人
趣猶嫌守吏迎文同題房公湖一頃清波四面平
宛然唐相舊經營高秋林木形容老落日樓臺綠

四川名勝志

卷之九

四

繪明有景可尋蘭櫂遠無幽不入竹橋橫二年所
得官居樂音厭煩來緩帶行魏了翁和宇文漢州
乞房樓記詩云房公曾中妙刀尺剪刻玻璃貯寒
碧今侯着樓於其上竹色荷光得良覲詩來殷勤
問故侯別日雖賒情轉密因思當年飛蓋遊鳳鶯
不驚潛鯉出春濃雪絮人影亂秋老雲松半天屹
況今簷櫳與雲齊激楚高歌友朋集欲搜萬象供
刻畫自有此湖難此筆口西湖有金龜亭偽蜀武
成三年庚午六月五日癸亥廣漢太守孟彥暉奏
有金龜徑寸游於西湖荷葉之上上圖以獻故以

之名也湖以宋熙寧間奏舉爲田遂廢○宋仁宗
時程顥字伯淳自黃陂尉歷知漢州政先教化不
事煩苛至今祠之○丹淵集云嵇侯友仲立漢州
學制度宏侈爲二蜀之冠當時不知何所得巨石
置講堂之後質狀怪偉勢若飛動昔孟氏僭竊苑
囿所蓄者皆靈武軍節度使顧璘所進和旣而縛
是物亦散落民間余在成都往往見於好事家園
館凡自璘許來者一一皆具款勒此非耳而其完
罕環詭上下可愛雖牛奇章號爲好事諒亦未嘗
見此者也治平丙午秋余視郡進士試於此旦暮

四川名勝志

卷之九

五

環繞其下歎惜之不足乃爲之銘其辭曰廣漢學
宮後有奇石磔硯一抱嶽峯九尺怒蜃驤首狂龍
轉脊擎空將翻壓地欲圻神乳溜腹老苔漬額堅
包勁脊潤吐活脉誇殺羽人詠窮墨客敢告存護
千古怪碧口與可又有題漢州王氏林亭詩云短
衲疎籬入野局竹煙松露滿襟清奔湍激險難寒
響弱蔓穿深挂短英惜去更觀曾畫壁記來重注
舊題名門前便是紅塵道誰肯同過洗俗纓

什邡縣

在州西二十里

寰宇記云什邡本漢什邡縣屬廣漢郡舊置在雍齒

城今於城北四十步。縣雍齒卽漢什邡侯也。墓在縣南一里。李膺記云：雍齒墓高四丈，闊四畝，有石麒麟二。○志云：今縣治乃唐紫極觀地也。廳左衛真人墓在馬觀前，舊有水西南流，名老君洗腸溪。真人乃衛元嵩，謂有舊碑刻什邡令吳中孚立。○寰宇記云：南陽郡故城在縣西二十三里。李膺記云：漢中李雄亂，蜀遣李壽盡掠漢州五千餘家，流寓於此。晉太康元年，立南陽郡。後魏三年，廢南陽郡。南七里有新婦水，故老傳云：昔有新婦勤於侍奉，負汲水遠，不辭冰雪，泉爲之涌出，故曰新婦水。流合廉江水。○志云：治北六十里，高境關關外卽章烙山，亦曰章山，又曰洛通，又曰楊村。諸山物產，山馬華陽國志謂大姓楊氏之所居矣。山有風洞，卽之氣冷，有火洞，卽之氣熱。古老傳云：符堅有子避難死於洛通山，卽此。○古碑云：江水出高境關，大郎廟前始大放，分流十支，又云：自章山內合五溪而總名洛江。出章山分洛江爲十河，縣之名卽從起也。○華陽國志：李冰導水於洛通，出山章山後，厓有大冢，碑云：秦李冰葬所。按開山記云：什邡公墓化上有升仙臺，爲李冰飛昇之處。古蜀記

謂李冰功配夏后，升仙在後城化藏衣冠於章山冢中矣。○方輿勝覽云：治西五十里有大蓬山，高崖矗天而立，瀑布飛落，最爲奇觀。有保聖院，紹興中謝中大蓬山記略曰：嘗自紫微度綿水，覺佳氣逼人，竹木蕭蕭，臺殿聳峻，松根寒泉流注，不竭懸厓，萬仞瀑布如線，山腰有大小白厓，甚奇。上有太子宮遺址，僅存而事迹不可攷。厓下有洞極深邃，中有石柱撐之，左右映出自龍十三蜿蜒如畫。又自西越澗行一里有馬師井，捫蘿陟磴至峰頂，有石室可坐百人，蝙蝠大如鳥，所謂扁蝠洞者也。北望龍居狀如偃月，有保聖寺。唐天福中鏡鑑禪師誅邪之處，其曰馬師卽馬頭陀與師同時者。○本志云：大蓬山朝雲初起，日射圓光於山頂，觀佛臺西澗光暈數重，作青黃紅綠色，稍升象王峰大徑百丈中有黑影彷彿佛像，食頃方散。山高百里，六月積雪不消。國朝明本禪師因名爲鑒華山。○高僧傳：馬祖什邡人，北郭有羅漢寺。唐中宗時，馬祖出家之處，山門右有說法臺，臺角有井，皆祖所砌。○勝覽云：龍居山在什邡縣，有等慈院，飛瀑千尺，虛亭屹然，橋橫路轉，高栢擁翠。志云：龍居寺隋建

旁有神龍潭其石爲蜀王孟知祥墓孟昶猶花紫
夫人至寺避暑寺僧水觀禪師先一月預知之因
賜號爲預知焉○成都參軍任愿蜀王廟記云什
邠之西行十許里有古佛寺曰南陽宋大明中所
建後周沙汰寺廢隋文帝以皇子秀爲蜀王王以
暇日獵至寺廢址有鬼逸入壠中發掘得石像甚
巨於是卽其舊址復爲寺以像寘其中時有進禪
師者善水觀王異之從問道得大無礙今寺之左
有王祠祠下有泉滙爲陂浮於方亭達出於郤其
發源流百許里溉田數十萬頃雖大旱民不告病

四川名勝志

卷之九

八

其爲利可謂深且博已卽泉之始則進禪師水觀
之餘波也李白冷泉亭詩情彼落日暮愛此寒泉
清西卿逐流水蕩漾遊子情空歌望雲月曲盡長
松聲志云亭在南陽寺○蜀志補遺唐李八百于
什邠仙居山白日昇天爲三月初八日也山有洞
名八百洞符載來遊題一絕句于壁上○玄都律
云天師張道陵第三復城治在什邠縣一名黃陵
山昔晏子然於此學仙得道左有巨水後有重山
上產神芝服之長生○第四公墓治去復城百里
蘇子玉於此得道又名北蓬山山南有石坎北有

縣流爲人族之治有開山記成都王汝霖筆

德陽縣

在州北六十里

地理志云東漢分綿竹置德陽字記云綿竹縣
故城在縣北三十五里李膺益州記云石于頭二
十里卽故綿竹縣諸葛瞻埋人脚戰處也○樊眞
公德陽錄略曰邑西南石亭江畔有石亭寺江畔
有石亭因以名江晉李特李流軍綿江趙廞遣費
遠斷北道屯綿竹之石亭是也德陽學宮有石版
陰陽書缺根因石阜以庭宇跨飲江之鼉鼉岌飛
簷與鐵柱栢清江之喬淪眩古潭之百尺涵萬象
四川名勝志

卷之九

九

利

香刻暑飲充宜半倚江岸漲減不崩○治有三造
亭李膺記云秦子勅之舊宅也太守夏侯纂三造
門故以爲名其宅綿水衝毀僅有餘跡○南偏有
善果寺晉泰始中建唐名善寂寺王勃碑記謂梁
武帝所建東壁畫二聖僧丹青未畢大啓神光以
爲祥異云○蒙宇記云縣北五里鹿頭山自綿州
羅江縣來迤邐入縣界古老云昔漢有張鹿頭於
此造關因以爲名杜甫鹿頭山詩云鹿頭何亭亭
是日慰飢渴連山西南斷俯見千里豁遊子出京
華劔門不可越及茲險阻盡始喜原野闊殊方昔

四川名勝志

卷之九

十一

三分霸氣曾開發天下今一家雲端失雙關悠然
想揚馬繼起名碑兀有文令人傷何處埋爾骨紆
徐脂膏地慘澹豪俠窟仗鉞非老臣宣風豈專達
據公柱石姿論道邦國活斯人亦何幸公鎮踰歲
月○龜勝山乃高崇文破劉闢處初闢據鹿頭關
高與之對壘屯營有神龜出壁門來蹲於牙旗之
下公命投之遠礮翌日復至議者以龜介蟲之長
介胄斯服蜀有龜城其城是師果爲受降之兆乃
以龜勝名山立道場焉掌書記鄭宗經大唐乙酉
明年六月記○本志云治北十里泰中治天下第

七治也上應箕水豹王逸少嘗欲遊馬石洞產九
節菖蒲秦時韓仲修煉之所此雲笈七籤所載以
爲其山浮亦名浮中山益州記云南陰平鄉東有
子中山每芳春遊人登賞謂之迎春岡四面斷絕
卽此山也○錄略云縣東南有鄧林禪院邑人公
孫輔記云吾鄉精藍之勝鄧林爲第一其地蓋起
於絲洛之左宛若秦川隴坂高下起伏北包靈龕
南亘旌邑直走於鑿華之東南楓楠柞柏拔地倚
天蔚爲鄧林東山襟其前江水帶其中川原綺錯
雲煙出沒飛鳥上下農夫耕穫樵牧往來庭戶間

四川名勝志

卷之九

十一

皆一覽而有也故以爲從大將軍鄧芝而起是名
興○道迹經曰德陽縣東二十里隸上治李生先
生學道飛仙之所治應女宿按真誥云司馬季主
漢人也得道尸解留枕席以代形粗似其身不異
家人乃葬于蜀昇盤山之南諸葛亮爲之碑讚○
王勃德陽縣善寂寺碑序略云佛堂東壁畫二聖
僧丹青未畢大啓神光隣玉塵之崇輝發金龍之
寶相自註畫爲隋唐人筆

綿竹縣

在州西二十五里

成都古今集記黃帝陰符經凡五十六萬七千言

綿竹鄭山右授之軍校黃承真者其字一黯一畫
皆以五行配屬實奇書也謂始得諸紫岩山隱者
按地理志云紫岩山綿竹所出有綿水流注謂之
綿堰口縣所由名也寰宇記云綿竹縣舊屬廣漢
郡隋開皇三年徙晉熙郡城改爲晉熙縣十八年
改爲孝水縣以境有姜詩泉焉高僧傳南武都今
之孝水縣也蓋縣北三十里紫岩山極高大亦謂
之綿竹山又謂之武都山○唐吳融綿竹山詩綿
竹東西隅千峰勢相屬峻嶒歷東巴連延羅古蜀
方者露圭角尖者鑽箭鏃引者蛾眉嶺斂者齋石
四川名勝志卷之九
縮尾蟠青蛇盤頸低玄兔伏橫來突若奔直上林
如來歲在作噩年銅梁搖蕞毒相國京兆公九命
來作牧我提虎僕毛專奉狼頭肅行府寄精廬
隱對林麓是時重陽後天氣曠清肅茲山昏曉開
一一在人目霜空正沈寥濃翠撲撲披海出珊
瑚貼天堆碧玉俄然陰靈作城郭纔寐絕頂已
凝雪是朗開紅旭初疑崑崙下天矯龍銜燭亦是
迷來嶺金銀臺壘燄紫霞或旁映綺段鋪繁褥晚
照忽斜籠赤城差斷續又如煮吳鹽萬萬盆初熟
又如灌楚練千千匹未軸又如水精宮蛟螭結川

瀆又如鍾乳洞電雷開巖谷丹青畫不成造化供
難足合有羽衣人飄飄曳煙躡合有五色禽叫嘯
含仙曲根雖限劍門穴必通松屋方諸滄海隔欲
去憂淪覆羣玉縹緲間未可量往復何如當此境
終朝曠遐矚往往草檄餘吟哦思幽獨早晚掃機
槍笳鼓迎暢轍休飛霹靂車罷繫蝦蟇木勒銘燕
然山萬代垂芳郁然後恣逍遙獨往羣麋鹿不管
安與危不問榮與辱但樂濠梁魚豈怨鍾山鷓鴣
蘭以圍腰採芝將實腹石牀須臥平一任閑雲觸
口綿竹山有鹿堂致上應亢宿二十四化之第二
四川名勝志卷之九
化也漢元帝時老子偕張道陵遊此有仙基仙官
古人度世之處李膺記云山崖有隙出神泉若詣
者精志則泉流奔涌其信道不篤便清源頻竭又
有庚除致爲第六化上應尾宿去平地三百九十
丈有石室二龍頭三雉水遶之漢張力得道之所
三國時有霽雲子者入洞中見樓臺金碧門者呵
止之曰子凡骨可亟去不然及禍霽雲子出後再
至遂迷路焉○武都山有玉妃溪成都耆舊傳載
妃與五丁同生父母棄之溪後聞呱呱聲就視乃
一女五男女卽蜀妃男卽五丁故華陽國志云武

郡山精化爲美女也。山下有嚴真觀，乃君平父嚴子瞻所創。楊天惠記之甚詳。又有君平池，古老傳云：君平拔宅上昇，其陷而成池。又有惠淨寺，梁太清中建。唐貞觀九年，寺西院立七佛堂。一僧舍王勃爲之銘，曰：武都仙鎮靈墟，奧域邑動香城。山開淨國，澗流百道，峰雲五色，谷暗藤斜。山高樹逼，千楸鶴列，萬拱星懸。分林構趾，接磴開扉。臨階竹樹，遶棟風煙。龕前怪石，塔下秋泉。綠崖疏迥，青翠拒室。霧道相縈，煙房互出。葉濃磯淨，花深嶂密。鳥度難尋，後鷺易失。簷分石竇，地絡金沙。丹丘抗

四川名勝志卷之九

十四

月碧洞樓霞松開野路，桂列山家金鑑栢葉寶座。蓮花砌因巖曲，橋隨峰返果出天厨。香來仙苑，玉鐫啓曙金鑑，照晚谷思鍾長山悲鐸遠。閣閣踐勝，銅墨高情，聲聲飛別邑，望動專城。懸金道建，刻石山楹。千載之後，吁嗟令名。又有響應寺，在馬跪溪。相傳隋蜀王秀妃患心疾，召寺僧法進，不往。王怒，親往加罪之所，乘馬至溪邊，而自跪若爲之請者。因名馬跪溪。高僧傳：唐武德初，釋世瑜獨住此山，有四猿供給山果，等食初，惟一泉後有三泉流出。於下俗謂之三溪河，亦名射水河。相傳蜀王秀將

軍於此，乏水，王乃築臺望三溪山下，發三矢，有三泉從石竇出，遂成河流。又有馬尾河，注之河，山無爲山，宋淳熙間，碑云：羣鷹排空，成無爲二字，因名。有河水出焉，流如馬尾，因名馬尾河也。○志云：綿竹故城二其一爲宋時築在郭外西南隅，近龍頭橋，卽湖橋也。魏華父湖橋記曰：知縣宇文西叔，嗣度地飛鳥門外，漸爲湖，周廣六十有五丈，伐石爲四缸，缸崇四尺，架橋其上，而屋之，衡從合十丈，以通南北。車徒之往來，蓋紹定四年碑也。其一爲漢城，卽德陽之西界，華陽國志稱沘鄉有孝子姜詩，

四川名勝志卷之九

十五

田地宅是矣。姜詩，唐曰：孝感鄭少微記云：漢州德陽縣西北四十里有鎮，東漢姜詩故宅在焉。故號姜詩鎮。治平中，知綿竹縣事郭震謂士游行甚高，宜諱其名，自部刺史易之。鎮遂號孝泉，然廟猶因俗爲呼。於是開州司理參軍白詩朋與鄉之士民列於縣曰：姜詩夫婦事跡最詳於漢史，舍側湧泉至今不絕，民賴灌溉，或遇旱，鴈禱焉，輒應其厚。俗利人之功，居多，廟額獨未蒙賜，敢請縣乃上之。有旨賜名，孝感命至之日，稚耄夾塗，載舞踵躍，爭觀爲人子若夫者，咸欲詩之行在其身也。爲人女

若婦者咸欲麗氏之行在其身也爲人父母若舅姑者咸願有子如詩有女有婦如麗氏也則又相與託於他州之民曰吾鄉雖僻幽而姜詩夫婦乃吾東家子也爾州曾有是耶方且侈上之賜以永稱厥名云爾○文獻通攷張君說文集二十卷編竹張咸著咸字元說登元豐進士元祐初詔復六科哲宗親擢第一卒官成都節度判官其於學六藝百家歷代文史無不該貫爲文長於序事稽古證今披文相質歷歷可觀卽張魏公之父也宋史浚字德遠靖康進士孝宗時力主恢復拜尚書僕

四川名勝志

卷之九

十

射同中書門下平章事兼樞密使卒贈魏國公諡

文獻其子栻字敬夫卽南軒先生撰有西銘

綿州

在府東北三十里

領縣二

元和郡縣志云按州城漢涪縣也治左綿山依山作州東據天池西臨涪水形如北斗卧龍伏焉梁天監中張齊賢爲太守更造樓櫓却敵有東西門東門久寒宮樂山氣所衝門開則喪亂宋元嘉初太守王懷素開之果致喪敗爾後復塞○輿地碑目云漢刺史李頌碑在綿州州治十賢堂繪涪翁龐統蔣琬杜微尹默李白陳諒蘇易簡王仲華歐

陽修共十人○綿州通判廳有伐木堂鮮于子駿立文與可記陸務觀劍南詩藁云姜楚公畫鷹在綿州錄參廳杜少陵有詩輿地紀勝云六一堂在司戶廳舊爲推官廳昔歐陽文忠父鄭公觀嘗爲推官有死獄當決者公友覆推原嘆曰求其生而不得則死者與我俱無憾也子脩實生茲地○方輿勝覽越王樓在城西北唐顯慶中太宗子越王貞爲刺史建杜甫詩云綿州州府何磊落顯慶年中越王作孤城西北起高樓碧瓦朱甍照城郭樓下長江百丈清山頭落日半輪明君王舊迹今人

四川名勝志

卷之九

十七

賞轉見千秋萬古情刺史喬琳詩三蜀澄清郡政閑登樓攜酌日躋攀頓覺胸懷無俗事迴看掌握是人寰灘聲曲折涪州水雲影低銜富樂山行雁南飛似鄉信忽然西笑向秦關○唐詩紀事王鐸與綿州守于興宗登越王樓以詩寄朝士云謝朓題詩處危樓壓郡城雨餘江水碧雲斷雪山明錦繡來仙境風謠入帝京恨無青玉案何以報高情刺史樊紹述越王樓詩序云綿之城帝獨欲掀明威瀾石確馳涪瀨左陵凌紅袂簪天地送行於王且掬跼踖於西北蟠紅顏青越王貞故爲樓重軒

疊飛門明牕蒙傘寒寒子始登謂日月昏曉可窺
其特雷電合風雲道霜辛露酸星辰介行神鬼變
化草木顯繡髻銜菱菱皆可察極既繁視其江帶
又極視其土圖斷恭遠近山峯峯若閣之東皇天
原開見荆山我其黃河惘然爲曲直湫山落不可
掩因口其心口無害若其日杲星星過歸尚悲不
能解重爲詩以釋益不可傾謂郡中諸君能無有
意綴以華艷其念蓄云詩曰危樓倚天門如闔星
辰宮棟薄龍虎怪洄洄繞雷風和秋試登臨大雷
屯喬空不見西北路老懷益凋窮石瀨薄濺濺土

四川名勝志

卷之九

大

目

山杏宮宮昔人愴爲逝所適酡顏紅今我茲之來
猶校成歲功輟田植科畝遊園歌芳叢地財無聚
厚人室安取豐既乏富庶能千萬慚文翁○勝覽
云江樓枕城東隅有唐時江亭記杜甫送嚴侍郎
到綿州同登杜使君江樓宴詩野興每難盡江樓
延賞心歸朝送使節落景惜登臨稍煙集渚微
微風動襟重船依淺瀨輕鳥度層陰檻峻背幽谷
牕虛交茂林燈光散遠近月彩靜高深城擁朝來
客天橫醉後參窮途衰謝意苦調短長吟此會共
能幾諸孫賢至今不勞朱戶閉自待白河沉○文

苑英華王勃綿州北亭羣公宴序云下官人間獨
傲海內少徒志不屈於王侯身不縛於塵俗孤吟
五嶽長嘯三山昔往東吳已有梁鴻之志今來西
蜀非無張載之懷况乎踐名場攜勝友風月無幾
琴酒俄垂半面十年一別千里何少府故人攀桂
無金石而論心韓法曹新餞班荆臨江湖而執手
離亭北望煙霞生故國之悲別館南開風雨積他
鄉之思於時蒼雲寡色白日無光沙塵起而桂浦
昏鳬鴈下而蘆洲晚傍鄰蒼野霜飄橘柚之園斜
枕碧潭日斷芙蓉之水旣而登臨惜別驂駕少留

四川名勝志

卷之九

九

西

季札何人親逢贈編子荆不慙思掛傾城惆悵北
梁梅琴臺而漸閒徘徊東道思錦署以行遙嗟乎
人事乖矣江山遠矣請命離前之筆爲題別後之
資五際飛文想羣公之不讓一言有贈知下筆之
有神○盧照鄰綿州官池贈別詩云輞軒遵上國
仙珮下靈關樽酒方無地聯絳喜暫攀離言欲贈
策高辭正連環野徑浮雲斷荒池春草斑殘花落
古樹度鳥入澄灣欲敘他鄉別幽谷有綿蠻○本
志云巴字水在治西四里涪水自北經城西折而
爲二安水自東逶迤繞城東南匯于芙蓉溪成一

巴字每江漲登山望之點畫天然其肖也芙蓉溪
卽東津杜甫觀打魚歌是此處○子美有巴西驛
亭觀江漲呈竇使君詩宿雨南江漲波濤亂遠峰
孤亭凌噴薄萬井逼春容霄漢愁高鳥泥沙困老
龍天邊同客舍攜我豁心胸唐庚芙蓉溪詩云入
間八月秋霜嚴芙蓉溪上春酣酣人間二月春光
好溪上芙蓉迹如掃小兒造化誰能窮幾回枯枿
還芳叢只應人老不復少有酒且發衰顏紅○李
膺益州記云金山在涪縣東五里東臨澗水光采
映川長七八里每夏淹雨金粟散出○州東五里
西川名勝志卷之九
靈山郡國志云昔有神女於此擣衣山南絕巖有
方石明瑩謂之玉女擣練砧也○周地圖記云富
樂山高廣爲衆山之秀有洞靈觀漢李意期修煉
白日昇舉時聞笙樂之音一說劉先主入蜀劉璋
延於此山望見蜀之全盛飲酒而樂因名有石盆
山卧佛院俱在此山之麓雍有容詩當時四海一
劉備至此已堪悲失脚出語翻爲樂國想是人止
可偏方著大漢曾封隆平翁聞道山河錦繡中安
能鬱鬱久居此岬峴三秦日欲東唐子西詩富樂
之名誰所留建安年中劉豫州擁兵入蜀萬

屏璋送國來迎頭軍中醺酒椎千牛肉如巴山酒
如涪酒酣握手登高丘極目紫芋蹲春曉冉木震
富樂山移文云星車煢煢駕風鞭霆出霧入雲回
翔太清是爲古富樂之英方劉豫州置酒高會於
吾山也升高延佇虎視徜徉沃野綿亘鬱乎蒼蒼
曰富樂哉有德易王其興勃然唐高宗顯慶中建
壇山上奠簡江臯瑞氣凝於翠嶺祥光爛於丹霄
武宗會昌中投金鯨室沉璧龍淵雲鶴降以飄飄
天花舞而踟躕石刻長存於今屹然○碑目云富
樂山有唐乾符間王昶碑又有集古堂淳熙間史
照川名勝志卷之九
祁建悉舉近郭仆碑植於堂之左右而繪像於堂
中涪川王讓記略云西絕涪水有山曰栢下諸葛
公營壘在焉而喬木婆娑者蔣公琰萬秋之宅鍾
士季之所嘗致敬也○漢書郭玉傳涪翁者左綿
人肥遯不出姓名所居處爲漁父村玉從之受易
焉本志州南四里有巖卽涪翁山也宋別駕楊叔
蘭書涪翁山三字刻於石併刻弔涪翁詞○州西
七里鳳嶺下之仙雲觀揚子雲別墅也壁間鐫子
雲眞像乃王勣筆○益州記云猿門山在涪縣之
北二十五里上多猿其跡然如門故曰猿門○

寰宇記云鹽泉縣漢涪縣地後魏於此置魏城縣
唐武德二年分魏城置鹽泉縣以地有鹽井民得
採澆爲四方賈售之地蜀都賦云家有鹽泉之井
取此爲名羅隱魏城逢故人詩一年兩度錦江遊
前值東風後值秋芳草有情皆礙馬好雲無處不
遮樓山將別恨和心斷水帶離聲入夢流今日因
君試回首淡煙喬木隔綿州○成都文類魏城縣
南五里有長嶺高涼泉出焉其始至也則風於一
山玉溜潺湲衆賴成吟笙竿匪禁登之洗然如謁
羣仙心意自殊若與道俱橫石如隕匪壘匪鑿傍
卽川名勝志卷之九
架絕壁根山不落上摩霄雲岌然岩峩其間可俯
而入焉則崕岫南敞如堂如室苔駁古壯奇怪生
妍旋開混元蓋偉造物然則始知乎山林獨得之
士一丘自足第年忘歸亦何必際耕父於清冷送
白日於昧谷然後爲異也傍有舊銘隱磷餘字卽
久視元年崔司業融守涪茲邑高祖致禱刻石斯
存矣元和元年侍御史李訥記○州南百里界於
潼川四山如城涪水經乎其中漢設涪城縣於此
三國志昭烈自葭萌築蜀進據涪城是也杜甫涪
城縣香積寺官閣詩云寺下春江深不流山腰官

閣迥添愁含風翠壁孤雲細竹日丹楓萬木凋小
院回廊春寂寂浴足飛聲晚悠悠諸天今在藤蘿
外昏黑應須到上頭○按李雄春秋巴蜀諸曰燕
登治涪城文石在巴西張羅守令水巴氏那得前
是涪城與巴西向爲犄角之地予以萬曆壬子陽
月過此有羅漢寺是舊涪城縣址

羅江縣 在州南九十里

寰宇記曰縣本廣漢涪地晉於梓潼水尾萬安故
城置萬安縣李雄之亂移就涪亭今縣城是也唐
天寶歲改爲羅江以縣左水自安縣來右水自綿
州來合於城之東北楚成羅紋又謂之紋江矣○
註水經曰涪水出涪山歷涪亭而下注涪水今縣
北二里有涪亭故址舊經云有唐開元二十四年
立涪亭碑文字磨滅尚有涪亭二字碑陰有宋邑
令太常博士宋彥嘉書云嘉祐三年予始署邑事
明年訪古迹而涪亭廟有遺址存焉東南百步有
碑什於民田中其涪亭二字亦不復覩稽其址歷
數百年廟與碑俱廢是神之祀於民者不亦闕乎
且俟因官之美材而復廟貌未幾里民請自修之
次年廟成秋大旱晨禱而夕雨自是涪之民益靈

其神相與輓碣揭之祠下時嘉祐五年也○圖經
唐明皇幸蜀至萬安驛歎曰一安尚不可況萬安
乎乃廻轡宿於其明寺後驛在治西一里昔有碑
書一安且不可句云是玄宗親筆今亦毀蝕宋張
續詩云勁兵重鎮付胡奴敵雀敵魚計自疎地入
萬安知幾許堪憐此邑如回車○志云玄宗入蜀
縣今造亭於城北一里祇候土人呼爲接王亭遺
址猶存又二里有企僊亭乃車岩上昇處宋師堯
俞作記○寰宇記云縣西南十里有羅嶺山羅公
遠隱居之處山下有洞號真人宮又有龍池山山

四川名勝志

卷之九

名

上有池池有伏石如龍蟠狀○碑目有文鐸書龍
洞仙踪壁刻云太白山道人李洞賓以太平興國
五年龍集庚辰仲春乙丑朔越十二日奉勅齋內
庫乳香二十斤詣靈山相度仙洞焚燒初抵劍門
遶老人之音闕次離巴岸逢孤鶴以來迎及屆洞
中睹雙童之出入已臻巖下見玉輅之踪由又聆
音樂淒清螺鈸疏越若非吾道神變其孰能與於
此乎勒於洞門以爲他年會語張本○真語云羅
江大霍有洞臺中有五色隱之陶註曰此洞爲南
真及司命所任之處按大霍山在縣西南十里

公遠修真處也上有羅真宮宋何彥真有記山麓
有丈餘磐石耕者每宿其上輒夢云接引佛上可
宿耶驚以告寺僧掘其下果得像若天成不事雕
琢按劉敬叔異苑所載羅江縣釋僧群者居霍山
構立茆屋上有石池如盂深可六尺常出清泉卽
此處矣○廣琬東山寶明寺碑曰東山嶺有景樂
寺迺唐高宗神龍中所建宋大中祥符初改今名
相傳十三尊者遊戲之所也在縣東偏一里○馬
馳寺有井在山谷中四時水溢可以灌田近日忽
枯涸土人浚之得龍首骨及大珠如卵光同水晶
四川名勝志

卷之九

名

閃爍奪目衆競視之忽然雷震珠復墜於井中○
寰宇記云白馬關在縣西南十里與鹿頭關相對
山至險峻有小徑僅容車馬三國時營壘也其下
名落鳳坡按鳳雛先生龐士元侍昭烈至此卒於
流矢下其葬在鹿頭關桃花溪東岬墓右有龍洞
葬時人見白馬自洞中逸出舊有白馬關巡司

彰明縣

在州北九十里

後魏之昌隆縣也唐避諱改爲昌明後唐曰彰明
矣縣初理清廉鄉梁大同四年移于讓水鄉宋書
范曄年梓潼人明帝語次問卿鄉土有食泉否

年曰臣梁益間有廉遜水不聞有貧泉帝嘉之卽拜蜀郡太守按廉水在縣北平地出泉或云飲之生廉遜故名○吳曾漫錄彰明縣清廉鄉有李白讀書堂後廢爲隴西院蓋以太白系出隴西云院後有太白像○李翰林墓碑云白本宗室子其先避地客蜀居蜀郡之彰明太白生馬彰明邑有大小匡山大匡乃白讀書處圖經梓州刺史于邵作李白碑在縣之靈梵寺三門下云卽青蓮故宅○按匡山在縣北三十里後改康山疑宋世避藝祖祖諱併杜詩而改之也杜甫寄李白詩不見李生

四川名勝志

卷之九

夫

魏自讓水鄉移縣於孟津里是也○三洞羣仙錄黃奉先移家入蜀隱太華山山盛牡丹奉先栽蒔盈籬春時花開望之如錦幃然在治北五里○杜光庭錄異記綿州昌明縣寶圖山真人竇子明修道之所也西接長岡乃通車馬東臨峭壁陡絕一隅自西壁至東峰石笋如圖兩崖中斷相去百餘丈躋攀絕險人所不到其頂有天尊古宮不知建始年月古仙曾竿繩橋以通登覽而繩竿朽絕已積歲年里中諺曰欲知修續者脚下自生毛如此相傳久矣咸通初山下居人有毛意歡者切知道

四川名勝志

卷之九

夫

久佯狂真可哀世人皆欲殺吾意獨憐才敏捷詩千首飄零酒一杯康山讀書處頭白早歸來一云宋改匡山爲翰林山口方輿勝覽大匡又名戴天山白集有訪戴天山道士詩天吠水聲中桃花帶露濃樹深時見鹿溪午不聞鐘野竹分青霽飛泉掛碧峰無人知處所愁倚兩三松○李膺益州記云自戴天山向西連接爲石磬山週三十里山有石室口方丈三尺內有石牀四面高一丈有懸石如磬擊之聲聞數里有流泉甘冽可酌○寰宇記曰孟津山在縣東南一里自十八隴山而來西

常持誦五千言不輟口着敝布褐日於布誦經乞酒醉而登山攀緣峭險以絕道爲橋山頂多白松樹以繩繫之橫亘中頂布板椽於繩上士女善者隨而度焉行及其半動搖將墮而其底不測莫敢俯視數年繩朽橋壞無復緝者咸通壬辰邑令與賓客醺山登西峰展禮時毛師他游人有謂令曰此峰側有小徑抱崖纔通人跡無所攀援意歡常從此去逾旬而出令疑其隱在穴中座上有廣陵郭頭陀者令請由徑往探之頭陀去久之始還驚

貽不能語已曰此徑去約三十餘丈然後到一穴

口纔三五尺下去平地猶數百尺穴內可坐千餘
人中有巨木置絨鎖極固其誦經處石面平滑有
足膝痕經卷在焉不知意欲所之意欲有一妻一
女每持燈梳度繩橋山側居人見之以爲非常山
多毒蛇猛虎人莫敢獨往意欲雖夜歸亦無所畏
常有二鴉棲巖下客將至鴉必飛鳴意欲乃整飾
賓榻未幾客果至矣○高僧傳云綿州城西北四
十里寶圖山梁大同中僧林所居也山北涪水之
陽素來無猿自林師棲託便有兩頭依林而住有
初見者云渡水來及後林出山門猿遂泅渡如此
四川名勝志卷之九
非一年月淹久孽乳產生乃至數十有時送林至
龍門口佇望而返○方輿勝覽云猿門自縣北特
起去縣二十里山多猿兒嶮固如門舊有猿門成
瑯琊記云啼猿之地多巖而縣於是有巖山矣○
郡國志云彰明縣巖山有鍾乳穴十九又西岸有
自然石塞其下流水上有一懸石似磬擊之有聲
○寰宇記云彰明有附子山自松嶺關東來去縣
四十里山出附子其水亦名附子水○勝覽云彰
明縣有李膺墓西南去州四十里按膺涪城人梁
時爲益州大中正卽撰益州記者

安縣

在府北一百八十里

唐武德初置以縣北有龍安山云按寰宇記龍子
山自漢州綿竹縣東入縣界亦謂之龍安山有蜀
王秀避暑亭清泉修竹餘約猶存○元中統間升
石泉軍爲安州以神泉西昌爲輔邑神泉卽今神
泉壩西昌卽今花街鎮也石泉 國朝降爲縣今
屬龍安府○郡國志云縣西三十里有泉十四穴
甘香異常痼疾飲之卽差名曰神泉隋置神泉縣
以此有銀線渚在神泉縣南相傳白龍潛泳其間
水面有銀線一痕以物撓之卽不見波定如故○
四川名勝志卷之九
西昌舊名益昌縣括地志云治城四十里地名木
柵有益昌縣卽此唐永淳間以利州有益昌故改
爲西昌縣取西昌山在縣北山特起舊名馬鞍天
寶六年勅爲西昌山也

四川名勝記卷之十

關中曹學佺能始著

川西道

龍安府

在省城北門外八十里

領縣三

平武縣

附郭

傾野王輿地志云陰平縣本漢梓潼縣地晉人流寓於蜀者仍於益州立比陰平郡西魏廢帝二年定蜀改比陰平為龍安魏志景元四年諸軍攻蜀鄧艾自陰平行無入之地七百里鑿山通道作橋閣山高谷深至為險難艾以毡自裹縛而下將士四川名勝志卷之十

樊木緣崖魚貫而進先登至江油即此地晉囚之置平武縣○志云唐宋之龍州在雍村垠梁李龍遷築城於此魏置州遺址尚存雍村垠者宋紹定進士郡人雍繁孫有文學見所製文昌祠碑村因此名今之郡治則樂平鎮也清規修造記云通階秦路嚴禁出入與劍門關為比矣○唐許棠送龍州樊使君詩曾見印人說龍州地未深岩溪飛白鳥紅旆吹青林土產唯宜藥王租只貢金政成開宴日誰伴使君吟李洞送龍州田使君詩御札修西陲龍州出牧時瘦馬雲作雪相棧水成漸劍涪

號猿岸弓懸宿鶴枝江燈混星斗山木亂槍旗鎖庫休秤藥開樓又見詩無因陪宴集吟苦憶京師項斯龍州與韓將軍夜會庭綠草纖纖遼州白露沾別歌緣紉起客淚是愁添見月猿啼樹迴風雪滿簾將軍盡尊酒樓上賦星占李洞亂後龍州送鄭郎中兼寄鄭侍御待車登疊嶂經亂集鶴原省壞蘭終紫臺寒柏有根縣晴江入峽樓靜雪連村莫隱匡山社機雲受晉恩又龍州送裴秀才連拜旆旗前松陰路半千樓衝高雪會驛閉亂雲眠勝掛臨江省名題赴宅筵人求新蜀賦應賞浣花牋四川名勝志卷之十

○方輿勝覽龍州倅廳有吏隱堂金判趙東詩滿耳江聲滿目山此身疑不在人寰民舍古意村村靜吏束刑書日日閒司馬光和云四壁遙遙萬疊山微通雲棧訪雲鬟誰知吏道堪棲隱未必人間有此閒范景仁和云花陰掃榻常欹枕月色侵門不下關因諷君詩想佳景夜涼依約夢魂閒○廣輿記云崆峒山在府城西北峽谷深險直接蕃畛以似平涼之崆峒故名又有石門山在城東南山懸兩壁對峙如門天之所以限氏羌也○寰宇記云龍穴山在陰平縣東北五十里古老相傳此山

有龍闔死血變爲石宋齊於此置龍血戍李唐於
州記云龍血東有龍像巖絕壁約萬餘丈有四石
龍在壁間今猶可驗巖之東北有洞穴莫測深淺
泉出其下○馬閣山在陰平縣北六十里北接梁
山西接岷峨昔鄧艾伐蜀從景谷路徑龍州江油
縣至此懸崖絕壁乃束馬懸車作棧閣方得路通
因名馬閣山○龍門志云竇子明遇仙處在府西
北九十里今仙女舖是宋理宗寶祐間有人於小
溪山下見二女子冉冉升雲而去異香經日不散
○龍安新志云仙女洞在治南江村口山勢盤旋
洞深遂水自中出百里流入劍南故老相傳風
日清和遙見仙女靚粧游行巖上或理髮或浣衣
於洞壑中隱顯不常人跡罕到洞中石乳融結狀
甚奇怪色如碧玉取可供玩○道教靈驗記云梁
武陵王紀理益州使李龍遷築城於牛心山龍遷
既歿便葬山側鄉里立祠號李古人廟唐初改爲
觀其後武氏革命鑿斷山脉明皇幸蜀有老人蘇
坦奏曰龍州牛心山國之祖墓今日蒙塵之禍乃
則天掘鑿所致明皇卽令刺史蘇遵僞工修墳如
舊明年誅祿山復宮闕至德二年乃升龍州爲都

四川名勝志

卷之十

三

三

督府號靈應郡僖宗幸蜀宗子李特請遣道士醮
山祈福禮有加焉按唐書高祖紀七世祖曰高
梁昭武王生歆歆生重耳重耳生熙熙生天錫天
錫生虎虎生晒晒生淵是爲高祖虎當西魏時賜
姓大野氏是虎祇仕西魏亦非仕梁也此說不知
何據○陰平修路記云龍安棧閣在治東者曰石
城曰佛崖曰麻園曰驢頤曰黃林曰三店原曰七
里卽左擔也曰飛仙已上凡八在東南者曰石回
曰興文卽哀烈婦投崖處曰猿臂在東北者曰泰
隴曰東閣已上凡五在治東者曰金鰲以形肖也
四川名勝志 卷之十一 四

四川名勝志

卷之十一

四

江油縣 在府東三十里

曰芭蕉曰楮株曰盧厓監司盧姓者所修曰天井
曰桑坪曰堯索曰木蕊曰飛泉已上凡九在治西
北者曰金匱曰桐油曰隆奉曰胡空曰黃梗曰劉
村曰鵝頂曰禪峰曰石門曰仙女曰馬桑曰溪壩
曰黑水曰羅漢曰羊腸已上凡十有五○文獻通
攷劔南廣記四十卷宋龍州叅政郭友直撰○龍
門志宋郡守楊景芹龍門續志宋之源序註云今
龍安府○陰平縣志唐大中六年周菌撰
古江油郡及縣今平武之江油舖是以江水所出

矣元遷江油縣武都興敘鎮則今縣也○方輿勝覽云太白臺在江油縣太白與江油尉往來故有臺在尉亭鐫有太白像蒲翰爲之記其贈江油主簿詩云風光深院裏傍砌水冷冷野燕巢官舍溪雲入古廳日斜孤吏過簾捲亂峰青五色神仙尉焚香讀道經爲米芾書刻今在縣衙按主簿乃寶子明也○志云縣西三里有山接彰明界高聳亭亭形如匡字此大匡山也又南二十里點燈山卽彰明之小匡山上有太白祠○寰宇記云洛水在縣北一里自松州崆峒山出西北至州界南入綿

四川名勝志

卷之十

五

州界益州記云陰平縣有左擔道其路至陰擔在左肩不得度右肩也鄧艾由此伐蜀勝覽云左擔路上洛水崖壁有閣道六曰青崖口墓廩曰石回曰七里曰東閣曰石城卽陰平所記者又縣有二閣曰猿臂曰黃林不在左擔之數○寰宇記云石門在江油縣東百里有石門戍漢水記云與氏分界去仇池戍四百餘里左思蜀都賦云緣以劒閣阻以石門顧野王輿地志云石門在褒中之北漢中之西今按入平武界者卽此山也○寰宇記云天池山在州南百三十里高九十二丈上有池周

迴二十三步其水常滿號曰天池本名石人山天寶六年勅改爲靈液山○勝覽云太華山在江油縣南百四十里三峰奇突有似關中之華山故名碑目云弘真觀古碑在江油縣太華山之登真觀此碑最古不記撰人姓名按此山卽羣仙錄所載黃奉仙隱處

石泉縣

在府西南二十五里

漢靈帝以汶江縣陵廣柔三縣立汶山郡廣柔卽今之石泉也志云縣北二里有泉甘冽崖上刻甘泉古蹟四字此縣名之始矣唐屬茂州宋神宗時

四川名勝志

卷之十

六

靜州夷寇邊攻茂州室隴東以孤石泉成都守孫善更經畫事宜以石泉爲邑介綿茂之間道里瀾遠緩急不相應非扼其衝要不足捍外患於是詔改石泉縣爲軍宋史張上行字道從漢州德陽人登元豐第習於邊計後會石泉夷犯邊朝廷命義叟帥蜀召公問計公引唐王涯傳云吐蕃有兩道一由龍安青川縣一由綿州威蕃柵取抵雞城皆虜之險要今石泉三十里威蕃亭地名柵底卽唐之威蕃柵宜先築堡寨以禦其來次陞石泉爲軍以重其權然後調思黔義軍以制其暴則取功一

時爲利後世不然蜀之憂本艾也義忠盡川其策
○石泉圖經國乎衆山之隈林鬱叢菁樵蘇恣取
不食地利而生計亦足○寰宇記云縣有蜀山史
記黃帝子昌意娶蜀山氏女蓋此山也○邵國志
云石紐山在石泉縣南帝王世紀以爲縣納有莘
氏胸臆圻而生禹於石紐郡人以禹六月六日生
是日熏修禳享歲以爲常水經注云石紐夷人共
營之地方百里不敢畜牧有罪逃野捕之者不逼
能藏三年不爲人得則共原之言大禹之神所祐
也按禹穴二字大徑八尺李太白書刻在絕壁上
四川名勝志卷之十 七

見存○碑目云石泉縣有周萬歲通天碑前內供
奉書手王惠元書其石擊之清亮全類玉音碑陰
有段文昌留題在報恩光孝觀又云晉水柱在治
西四十五里河岸杜高丈許圍五尺前人恐水衝
縣故立此誓之未詳年代

四川名勝志卷之十一

中興縣

川北道

保寧府

距省城
七百里

領州二縣八

古葭萌地葭萌苴侯名蜀侯之弟也續事始曰葭
茶也蜀人以葭字郡此之謂矣今郡乃唐之保寧
軍亦唐宋以來之閬州也

閬中縣

附郭

秦張儀伐蜀置有閬中縣故城在府治東二十里
白沙鎮是○今城漢水劉璋所築蜀漢巴西守張
四川名勝志卷之十一 一

飛治此寰宇記云張飛冢在刺史大廳東二十步
高一丈九尺碑目閬中有張栢侯與張遼書石刻
漢文八分書○方輿勝覽云唐魯王靈夔滕王元
嬰皆鎮是州以衙宇卑陋遂修飾宏大之擬于宮
苑謂之隆苑其後避明皇諱改曰閬苑或謂閬苑
仙有五城十二樓向但有五城而樓尚闕宋德之
爲守乃建碧玉樓於衙城之西南隅亦名十二樓
以成閬苑之勝按杜甫詩嘉陵江色何所似石黛
碧玉相因依樓名取此○通志云東樓跨府城上
形製尚古杜詩層城有高楼制古丹雘存迢迢百

餘人謠達開四門○勝覽云閬州江山奇秀聞天下直前礙其會曰南樓滕王元嬰所建宋太守李獻卿詩云三面江光抱城郭四圍山勢傾烟霞馬鞍嶺上渾如錦繡蓋門前半是花○志云會經樓在府治將相坊按華陽國志謂巴有將蜀有相東漢劉璋曾徙巴西郡于此後因有閬苑三學士錦屏三狀元之盛故以將相名坊樓爲宋元祐中建置經史子集三萬餘卷蘇軾題額蒲宗孟記○府解有治平園黃魯直記云宋治平初太守朱壽昌築于牙城東文與可嘗爲賦十絕其錦屏閣詩云

四川名勝志

卷之十一

二

茂林斑若錦秀巖矗如屏底處共登覽闌干在香冥柳橋云按風誇晚態垂雨怯春寒爲問題芳意同誰倚畫欄餘不悉錄○名山志云閬中山其山四合於郡故曰閬中多仙聖遊集之所按卽錦屏山也在城外嘉陵江南與郡治相對兩峰壁立如屏又名寶鞍山山上有瑤瑤寺羅漢畫錦西橋三院後又築閣峰亭以眺望焉宋陸游詩城中飛閣連危亭處處軒窗對錦屏涉江親到錦屏上却對城郭如丹青喻汝礪詩曉色輕烟罩郡城漁舟燈火倒觀星寒山遠水江村暮自在柱成水墨屏○

四川名勝志

卷之十一

三

古咸安志火井令袁天綱題錦屏云此山磨滅英靈乃絕其下爲海棠溪多植海棠唐張元寶詩寒食清明倍惘然海棠風落小花鈿如今獨有孤魂在半落嘉陵半錦川○李膺益州記云閬中盤龍山南有一石長四十丈高五尺當中有一門若人之掩閉古老以爲王女房按志在城東三里望如蟠龍之狀後魏盤龍郡以此山名唐貞觀中候氣者言西南千里外有王氣太宗令人入蜀次閬中果見山氣葱蔚後鑿破山脉水流如血今號鋤山咸亨初曾徙閬中縣于此卽今之鋤山關也故

旭湧塔金輪接翠微草引風輕馴虎睡洞驅雲入
毒龍歸他生莫忘靈山別峭壁人名後會稀○玉
臺山在城北七里山上有滕王亭柱詩君王臺榭
枕巴山萬丈仙梯尚可攀即此後有滕王墓古碑
云閣之第四景爲顯神石洞洞虛巖拱密邇王臺
昔滕王建亭于此古人詩文隱隱可辨○東崑在
城東有寺鑿山爲崑宇可容百人○西崑有奔錦
亭與錦屏山相對陸務觀詩奔錦軒中醉倚欄錦
屏蒼翠插雲端平生不喜言爭競付與游人自在
看○南崑有大像山乃唐高士安隱居之所志云

四川名勝志

卷之十一

四

一名古星崑陳堯叟兄弟讀書于此有捧研亭碑
目天聖九年水路運使司馬池來遊于光侍末云
君實捧硯勾龍置請以捧研名亭○北崑一名繼
蓋山高僧宣什住持乃城中開元寺衲也卽元積
題樂天詩于壁及文同寄詠澤師竹軒處什公博
通經典魯王出鎮秦而異之後居繼于山山上無
水以杖叩巖浩然泉湧今爲卓錫泉○喻汝鵬漱
王巖記云自古常言大不負人吾初不甚信是游
太學不啻六千三百日知古所謂屈原賈誼楊雄
韓愈柳宗元輩亦頗識其面目及得一第則枯冷

羞澁幾笑破人口比察閭中持手板謁上官奔走
匍匐作主簿少府模倣燕居作樂則擺口吻弄語
言以佞貴人而覓所謂舉狀者嗟乎其苟促如此
則天果不負人邪然飽聞奇山川而賢士大夫
最多亦復把酒自慰一日登錦屏擎舟嘉陵江步
至古星巖徘徊縱觀倚老松臥惟石往往摩腹一
咲然是三境之遊須廢吾一日禮吾不得與汝旦
暮相從也惟母丘氏澈王巖近在牆壁外乘輿步
屐從小奚奴直謁主人脫衣散髮坐巖腹酌酒賦
詩相與作物外笑樂酒醉發狂卽呼天大叫曰天

四川名勝志

卷之十一

五

乎真不負喻汝鵬矣按志汝鵬以元豐間知閬中
縣時青苗法行提舉司欽還錢取粟會支軍糧督
趣甚急汝鵬以其錢糴糧易鈔而中竟不煩民云
○通志云文城山在城東三十里峰巒聳列林木
葱蒨一峰拔出名玄都壇張道陵投符籙之所○
又二十里爲天目山一名天溪洞金仙公修道處
吳赤烏七年勅置集靈觀唐先天二年改名天目
觀中和二年又改福唐觀杜光庭詩盤空躡翠到
山巔竹殿雲樓勢逼天古洞深微有路舊碑文
滅不知年八州物象通簷外萬里烟霞在目前

是人間聖地何須蓬島訪真仙○嘉陵水一名西漢水又名閬中水周地圖云水源出秦州嘉陵四名嘉陵經閬中即閬中水亦曰渝水譙周三巴記云閬中有渝水寶銳氣喜舞漢高祖樂其猛銳數觀其舞使樂人習之所謂巴渝舞也路史云太昊伏羲氏母華胥居于華胥之渚孕十有二歲而降神生于仇夷長于起城註云所都國有華胥之淵乃閬中渝水地也○宋江源出漢中府舊廉縣經蒼溪縣東流入嘉陵有白水源出階州亂山中至昭化縣北合嘉陵唐鄭谷詩蒼蒼白水下嘉陵

四川名勝志

卷之十一

六

是也漢地里志閬中有彭道將池東西二里南北約五里文緯書藏云巴西郡治有彭池大澤國史述云城西南十里有郭池周約五十畝勝覽云彭池即今之南池也郭池即魚池也二地與漢志相符○南池有漢高祖廟杜詩崢嶸巴閬間所而盡山谷安知有蒼池萬頃浸坤軸劍南詩堂云唐長慶中南池新亭碑在高帝廟側○零星池在縣西北四里益部耆舊傳趙璘爲閬中令時西州遭旱璘率掾吏齋戒於零星池歸咎自責稽首流血應時大雨○侯鯖錄云閬州有三雅池昔有人于此

池得三銅器狀如杯盞上各有篆字一曰伯雅二曰仲雅三曰季雅按魏文典論云靈帝末斗酒直萬錢劉表一子好飲乃製三爵大曰伯雅注一斗次曰仲雅注七升小曰季雅注五升今池所得乃劉氏酒器也○通志云城東百二十步有譙玄廟漢書玄字君黃閬中人少好學能談春秋成帝時拜議郎歷奉谷令後舉繡衣使者王莽居攝易姓名竇歸公孫述僭號連聘不起予壽藥將服之其子璵盡捐家貲錢以贖建武十一年卒光武敕所

四川名勝志

卷之十一

七

在還玄家財策詔本郡祠以中牢○古碑云汝南令神道闕在閬中縣未著人代郡守張晦辨云於東面得隸字十有二缺不可識有七○輿地紀勝云唐貞觀碑在閬州太霄觀其石光瑩前後可鑒號透明碑○本志唐漢州刺史房琯墓碑在縣城外本傳玄宗幸蜀琯馳至普安郡謁見玄宗與語大悅從幸成都加銀青光祿大夫後因陳濤之敗上元元年改漢州刺史廣德元年卒于閬州僧舍杜甫詩曰他鄉復行役駐馬別孤墳近淚無乾土低空有斷雲對基陪謝傳把劍覓徐君日見林花落鶯聲送客聞○碑目云唐道襲墓碑在城中報

恩寺按蜀椅王王建以道讓爲閬中刺史改其鄉
爲烈士鄉○崔善德政碑在衙門東按善武成中
爲刺史有惠政民人懷之○閬苑記三十卷宋何
求撰以舊隆苑記爲陳畧乃廣之其後曹無忌又
增二十六卷俱閬中人

蒼溪縣在府北四十里

東漢漢昌縣也今縣隋改取蒼溪谷爲名○志云
蒼溪於閬中爲上游卽臨嘉陵水也江畔有放船
亭杜詩送客蒼溪縣山寒雨不開只愁騎馬滑故
作放船回後人因以名亭○元稹蒼溪縣寄揚州

四川名勝志

卷之十一

八

兄弟蒼溪縣下嘉陵水入峽穿江到海流憑使鯉
魚將遠信鴈回時節到揚州劉滄宿蒼溪館云孤
館門開對碧岑竹牕燈下聽猿吟巴山夜雨別離
夢煮寒蘆山迢遞心消地苒苒生近水幾株楊柳
自成陰空思知己隔雲嶺鄉路獨歸春草深文同
少泊蒼溪山寺正午風色高遂泊蒼溪縣宿崖松
林水有寺藏蔥蒨出船步危磴蒼蒼巖紫轉上到
金僊家綠空列臺殿修篁掛懸溜坐禪炎暑變老
僧吐經餘言語何貫穿我上高閣闕于館江面
寥寥百里內山水盡可觀誰謂驛旅中所見皆所

願汀洲白鳥聚井邑清烟散樂此暮志歸踈鐘起
巖畔徙倚下松門尚怪舟人喚○舊治在曲肘川
去縣一里後周所設也源出王女山東南流入嘉
陵江曲折如肘故名○近山有小錦屏與錦屏相
似其稱遠者縣南三十里爲大獲山天池浸其中
宋江遠其下石城四周淳祐間余玠徙閬州治于
此又遠之有方山遠望如几案古方州城也宋嚴
大猷居此因以方山名集○縣東南三十五里雲
臺山寰宇記云一名天柱山高四百丈上方百里
有魚池宜五穀無惡毒可度灾周地圖云漢永張

四川名勝志

卷之十一

九

道陵在此學道使弟子王長趙昇投身絕壑以取
仙桃長等七試已訖九丹遂成郡國志曰雲臺山
天柱巖下有一桃樹高五尺皮是桃心肉似相張
道陵與王長趙昇試法于此樹四百餘年不朽小
碑記之山有洞四曰麻姑芙蓉平仙峻仙巖二曰
松根蟠桃池二曰浴丹王魚山多松柏大者空中
可坐數人道經云永壽二年重九日道陵將諸品
秘錄斬邪二劍玉冊玉印授其長子衡乃與夫人
雍氏登峰絕頂白日昇天時百二十三歲晉顧長
康有畫雲臺山記又有葛稚川像云稚川曾讀書

于此又有元稹遊雲臺山書行記于山之鐘樓坊上宋之間送田道士使蜀投龍詩云風颭忽泠然雲臺路幾千蜀門峰勢斷巴字水形連人隔壺中地龍遊洞裏天願言廻馭日圖畫彼山川馬戴寄雲臺觀田秀才雪壓松枝拂石窓幽人獨坐鶴成雙晚來漱齒敲冰渚閑讀僊書倚翠幃宋祁西州猥慕云子昔遊雲臺觀謁希夷先生陳搏祠堂緬想其人今迫作此詩仙館三峰下年華百歲中夢休孤蝶往蛻在一蟬空藥笈微言秘宵晨浩氣通丹遺砥後鼎林道御餘風市霧沈荒白冷霞委暗

四川名勝志

卷之十一

十

紅岷峨有歸約飛步與誰同元廖寥蜀望詩雲臺突出衆山低小徑縈紆上石梯古寺獨存人寂寂斷碑惟覆草萋萋滿空香散春蘭綻萬壑烟生曉樹迷爲愛其間風景好登臨幾度杖青藜○志云蒼溪簿金極治道得石塚遺骸尚存有石銘云歲月不須論車塵擁石門若逢金主簿移我上高原廼改葬之相沿爲金主簿墓不著年代

南部縣

在府南七十里

南部水充國地漢末徙巴西郡于閬中有之○故在馬寰宇記云卽今新井縣東北二十八里之區

故城是也李雄亂後荒廢至隋復置縣以部分在罷之南而名○唐書趙彥昭舉進士少豪邁風骨秀爽嘗調南部尉與郭元振薛稷善往來吟詠不絕○新井西水二廢縣皆接閬中通志云西水河在南部三十五里源出龍州後周西水縣以此名今府城南五十里有西水橋是南部分界○新井者以縣有鹽井也方輿勝覽云蘭登山在新井縣東二十里相傳嚴君平隱居于此有朝遊蓬萊暮宿蘭登之句三面峻絕俯臨西江按西水新井二縣俱元時省入○本志唐開元中何渙爲殿中侍

四川名勝志

卷之十一

十一

御史知名家于西水明皇賜其鄉爲栢臺鄉○新井縣有二龍里唐任曉任曉之所居也姚合送任曉及第歸蜀詩子規啼欲死君聽固無愁闕下聲名出鄉中意氣遊東川橫劍關南斗近刀州神聖題前字千人看不休○崑曰靈雲唐蒲景珣家於此岷前爲居室至者不知其爲崑也在嵯龍山下有洞人人之屨地作鐘聲李壽詩云路轉層岡十里餘武陵傳者亦難如昔年煉藥仙人室今日餐霞道士居洞外蟠桃開錦繡岷前石溜漱瓊瑤倚與靈氣爲時雨可惜圖經闕不書○樓曰清風苑

蒲宗孟左丞建其家多書舫此樓以貯之嘗作訓
戒子弟曰寒可無衣饑可無食書不可一日失○
院曰慈光冠準過新井慈光院看海棠詩窮風花
雜滿欄香盡日幽吟歎異常翻笑牡丹虛得地玉
階開落對君王○縣東南與蓬州相接三十里為
禹跡山相傳禹治水所經也山頂平衍有小石泉
鑿石為像層樓覆之宋紹興間何汝賢有禹跡山
院記○又二十里為離堆山即古新政縣地蜀三
離堆之一也唐顏真卿謫蓬州長史來遊作磨崖
記謂此山斗入嘉陵江直上數百尺形勝縹緲上

四川名勝志

卷之十一

十一

崢嶸而下洞沱不與眾山相聯屬故曰離堆山東
西有石堂故京兆尹鮮于仲通與弟叔明所鑿堂
北有盤石石上有九曲流杯池○歐陽修集古錄
云新政縣磨崖記唐顏真卿撰併書以寶應年立
碑有魯公祠宋馬存記云上元中顏真卿為蓬州
長史過新政作離堆記四百餘言書而刻之石壁
上字徑三寸雖崩壞剝裂之餘而典刑具在使人
凜然元符三年予友強叔來尹是邑始為公作祠
堂于其側求予文以為記○輿地紀勝云新政縣
大曆碑在江岍之次傍有佛老孔子像像傍又有

二小記皆大曆中物按此所謂三教院也碑目云
鮮于氏兩神道碑一在三教院崖上一在墓田其
文與書皆出顏魯公又有樊諒仲通碑亦在墓田
○志云新政縣十里對江報本院鮮于仲通叔明
兄弟墓其傍有韓雲卿所撰墓碑猶存其字嚴然
無剝落按鮮于之後宋時皆家于此景祐間鮮于
侁登第為轉運判官值行新法而民不悅司馬溫
公稱之曰子駿福星也又有十世孫元卿同知縣
范百祿州掾任昱觀魯公刻題名○仙鳳山在縣
南五十里上有七曲臺始落成時地上土痕成仙

四川名勝志

卷之十一

十一

鳳二字大數丈○碑目云宋新政本裴廸唐丞相
晉公之後也因家于此尚收得晉公像及累任告
身自撰真贊並存按新政唐初之新城縣也後以
隱太子諱改為新政亦元時省入今之積善鄉是
矣

廣元縣

在府北
二百里

廣元蜀口古今所必爭之地宋寧武軍志云前接
關表後據劍門烏奴山祠堂記云郡壤故錯羗氏
與上庸百濮微孽彭盧俱寔一大都會也元改為
廣元路有碑云在易曰廣大配天地在春秋謂一

爲元以示張大之意○縣治在烏奴山東晉詩綿谷二縣皆其處志云烏奴山一名烏龍山在縣西二里嘉陵江岍峭壁如削有洞不可上昔李烏奴于此修寺因名○按北史王玄邈傳亡命李烏奴作亂梁部陷白馬戍玄邈率東從七八百人討之不克慮不自保乃使人僞降烏奴告之曰王使君兵衆羸弱棄仗安於城內携愛妾二人去已數日矣烏奴喜輕兵襲州城玄邈設伏擊破之烏奴挺身走太祖聞之曰玄邈果不負吾意遇也○今之臨清門川主廟即唐皇澤寺九域志云利州都督四川名勝志

卷之十一

古

武士獲生武后于此因賜寺刻其真容李商隱利州江潭詩註感草金輪乃武則天事也詩云神劍飛來不是鉤碧潭珍重駐蘭橈自携明月移燈疾欲就行雲散錦遙河伯軒輊通貝闕水宮帷箔卷水納他時燕脯無人寄雨滿空城蕙葉彫葢后母感漑龍而有孕云○縣北即黎州城梁大同置後魏之益州隋之義成郡皆理于此宋唐庚詩黎州酒貴如金汁鮮盡寒衣纔一吸○南有刀環山益州記曰葭萌縣南十里有刀環山赤銅水出焉○東即望鄉堂去縣三里武元衡送柳郎中詩望鄉

臺下秦人去卽此○其見諸經傳者曰嶓冢山源爲漾水卽西漢水也曰潛水出綿谷之龍門山禹貢岷山既藝茫潛既道漢書注云潛水從漢中沔陽縣南流至梓潼漢壽縣入穴中通岡山下西南潛出今名複水舊說卽禹貢潛水也○曰亂山爲平蜀廢縣卽利州衛治史記亂侯爵亂山出舞衣○曰丙穴地在沔水之南出魚肥美詩疏云沔南丙穴是也○其見諸雜記者曰白馬山寰宇記云張平子仕漢爲侍中少時學業于此○曰明月峽晏殊類要云三峽謂巫峽巴峽明月峽也惟明月

四川名勝志

卷之十一

古

峽乃在此郡界○曰滌溪事林廣記云天下十二溪有上真廟爲聖真居之滌溪其一也在利州又云漢江水帝廟爲真龍宮在漢坪石○其驛路有曰問津志云昔孔明行師于此問津故名按卽古嘉陵驛也在治西一里後魏嘉川縣設馬唐姚鵠嘉川驛樓晚望樓壓寒江上閒簾對翠微斜陽諸嶺暮古渡一僧歸窗迥雲衝起汀遙鳥背飛誰言坐多倦目極自忘機又同嘉川道中寄周正孺草水春深處山川雨過時清佳常滿目衰倦敢忘詩好尚舊若此飄零今北誰爭如畫堂上日日聽新

詞又嘉川驛詩嘉川之西過新棧幾里朱欄繞青
壁我行落月尚在水水影照人襟袖白繁英維綴
修蔓上綠錦纈帶垂百尺清香消馬去未休賴爾
春風慰行客○鮮于侁爲利州轉運使文與可有
寄于駿運使詩云西鄉巴嶺下嶮道入羣顏使驛
到荒驛野禽啼亂山問民青鬲裘訪古白雲間幾
日南城路新詩消軸還○碑曰黃山谷絕行碑在
嘉川縣靈溪寺運使于駿題以五言曰桐軒竹軒
栢軒巽堂山齋燕閒亭○景堂寶峰亭凡八景其
詩略云金城環雉堞雲左瞰閬闔饒林聳江右九
四川名勝志卷之十一
隴規天外按金城者縣北四里金山是也滌溪環
其右九隴者去邑西二十里山環九十九峰如劍
戟之排列昔高祖駐蹕于此有漢王寨其時司馬
君實范景仁文與可蘇子由皆有詩溫公年譜
隨其父利州轉運使遊此有祠在焉○南去有望
喜驛今廢元稹詩云滿眼文書堆案邊眼昏侵得
暫時眠于規驚覺燈又滅一道月光橫枕邊李義
山詩嘉陵江水此東流望喜樓中憶閬州若到閬
州還赴海閬州應更有高樓○北爲棧閣道劉禹
錫山南西道新修驛路記云我之提封距右扶風

觸劍閣千一百里自散關抵褒城次舍十有五自
褒而南踰利州至于劍門十有七道奎次舍可見
于此又云棧閣凌虛下臨合呀層岨絕柵木絙
鉞因而廣之限以鈎闌狹徑深陁從而拓之方駕
從容棧閣之制亦可想也歐陽詹棧道銘斜根王
壘旁綴青泥總庸蜀之道奎統岐雍之康莊○其
最險者爲石欄橋程記云自城北至大安軍界管
橋欄閣共高五千三百六十一間惟石欄龍洞二
閣著名馮鈴幹田云其他閣道雖險然在山腰亦
微有徑可以增置閣道獨惟此閣石壁斗立虛懸
四川名勝志卷之十一
石竅而架木其上比他處極險流仝期過蜀龍門
閣詩龍門非禹鑿詭怪乃天功西南出巴峽不與
衆山同長寶亘五里宛轉復嵌空伏湍照潛石瀑
川生輪風流水無晝夜噴薄龍門中潭河勢不測
藻葩垂彩虹我行當季月煙景共春融江關勤亦
甚巖岨意難窮暫將息機事煉藥此山東來參赴
健爲經龍閣道詩側逕轉月壁危梁透滄波汗流
出鳥道膽碎窺龍窩驟雨濫溪谷歸雲網松蘿屢
聞羌兒笛厭聽巴童歌江路險復未夢魂愁更多
聖主幸典郡不敢嫌岷峨杜甫龍門閣詩清江下

龍門絕壁無尺土長風駕高浪浩浩自太古危塗
中紫盤仰望垂線縷滑石歌誰繫浮梁相柱目
眩隕雜花頭風吹過雨百年不收料一墜那得取
本志縣北十里千佛崖即古龍門關先是懸崖架
木作棧而行後鑿石爲什佛像成通衢矣唐蘇
頲利州北題佛龕記云吾兄夫山連岷嶓水合江
池山今水今路窮險鬱南望今此情多吾又見像
法住世于巖之阿百千萬億分相觀我載琢載追
今吾匪他伊古昔今焦呂不懼必忠信小艱危若
何故吾因空而即有孰不廻向以檀那行矣些陽

四川名勝志

卷之十一

夫

景頴今翠改色陰風起今自增波口小許公利州
北佛龕前重于去歲題處作詩云重巖載看美分
塔起層標蜀守經塗處巴人作禮朝地疑三界出
空是六塵銷臥石鋪蒼鮮行歷履綠條歲年書有
記非爲學題橋口按龍門山亦云葱嶺山梁州記
云葱嶺有石穴高數十丈其狀如門號爲龍門即
此○龍門東南有王女山山上有一石穴中若房
宇有王女八人不出穴前修竹下有石壇風來動
竹掃壇如箒其北有燕子谷中產磨石即志所稱
石燕山也○縣北三十里有大小漫天嶺極高峻

羅隱詩云西去休言蜀道難此中危險已多端到
頭未會蒼苔色爭得禁他兩度漫高駢詩云萬水
千山音信稀空勞魂夢到京畿漫天嶺上頻回首
不見虞封淚滿衣口嶺上有寺元稹題漫天嶺智
藏師蘭若云僧臨大道閣浮生來往憧憧利與名
二十八年何限客不曾聞見一人行○縣北五十
里爲朝天嶺路徑險絕方輿云舊路在朝天峽棧
閣後開此路人甚便之文與可朝天嶺詩嶺若畫
屏隨峽勢水如衣帶轉崑崙陰按今設有沙河驛亦
沿江行其曰朝天者水驛也○又四十里爲潭毒

四川名勝志

卷之十一

夫

關志云潭下淵底有一鉄索見則兵動向有御前
軍屯此以捍蜀口○又二十里爲神宣驛即古籌
筆驛也相傳武侯出師駐此唐杜牧詩未安宮受
詔籌筆驛沉思李義山詩魚鳥猶疑畏簡書風雲
長爲護儲胥是也神宣驛者世傳二郎神持劍逐
蹇龍過此因名○又八十里爲九井驛志云琳瑯
九井以琳瑯山出泉九處濺石若琳瑯也碑目云
九井凝舊時有蝦蟆青牛青蛇三巨石伏水爲舟
揖害未浮熙間利路提刑張襄客募降人井得者
治械如桔槔狀治鉄爲杵重千五百斤拋擲半空

而下三石俱碎化險為夷有碑刻刻落其上為七盤關乃秦蜀分界處○按縣與利州衛全城利州梁承聖間置沿革所稱寧武軍者宋利州之號也在後魏為小益在唐為益昌歐陽唐集有益昌行即此志云自城已南純帶巴音由城已北襟以秦語

昭化縣在府北四百里

昭化舊屬利州利州蓋嘗稱昭武者宋開寶初敕改今名寔古葭萌白水地也按葭萌今人廣元而其縣理在漢為漢壽晉為晉壽者則屬昭化本志

四川名勝志

卷之十一

壬

云縣北百八十里施店驛即古葭萌驛驛即故縣址也未通保寧路時自秦入蜀罔有不由昭化者唐張說再使蜀道詩云眇眇葭萌道蒼蒼斜谷煙霞爭晦深雲山共重複古來風塵子同眩望鄉目芸閣有儒生輶車倦馳逐青春客岷嶺白露搖江服歲月鎮羈孤山川俄又覆魚游戀深水鳥遷戀喬木如何別親愛坐去文章國蟋蟀鳴戶庭蟪蛄網琴筑○北接廣元則龍門石櫃白水景谷之地互相參錯海內東經云白水出蜀而東南注江郭景純註水微白濁今在梓潼白水縣源從臨洮

之西傾來經番中東流通陰平至漢壽縣入潛梁州記云城西南有八十里白水關即李固鮮印綬處也蜀志先主斬楊懷高沛于此○元和郡國志云景谷縣西南二十五里有白馬山孔明造木牛流馬處○南接劍門有大劍城元和志云即秦張儀司馬錯伐蜀所由路又謂之石牛道有小劍城注水經云小劍城去大劍城三十里連山絕險飛閣通衢故謂之劍閣也是唐益昌縣地矣又有小劍故城在益昌縣西南五十里其山截野橫天聳峰倒地挾楚包漢呀秦擁蜀劉先主以閣道至陰

四川名勝志

卷之十一

壬

置閣紂焉岑參和杜相公發益昌詩相國臨戎別帝京擁麾持節遠橫行朝登劍閣雲隨馬夜渡巴江雨洗兵山花萬朶迎征蓋川柳千條拂去旌暫到蜀城應計日須知明主獨持衡○劍嶺中有馬鳴閣三國志云先主使陳戒絕馬鳴閣魏武聞之喜曰此閣過漢中之陰平乃咽喉之要路○又有白衛嶺唐明皇幸蜀過此見玄元皇帝騎白衛而下取祿山之北遂封嶺神白衛公唐詩紀事載明皇幸蜀登白衛嶺眺覽良久憶李嶠詩山川滿目淚沾衣富貴榮華能幾時不見只今汾水上惟

有年年秋鴈飛歎曰李嶠真才子也○有桔栢潭
今栢林驛是驛多古栢土人呼爲桔栢故以名潭
志云桔栢渡舊傳其津有二魚負舟往往沉溺一
道士求渡操舟者難之道人口吾乃葛仙翁也命
取石書符令舟人佩之至中流二魚果出擲符水
中少頃浪息次日二魚死于龍瓜灘下按唐書玄
宗幸蜀次益昌縣渡桔栢江雙魚夾舟而迎從臣
以爲龍云枉甫桔栢渡詩青冥寒江渡駕竹爲長
橋竿濕煙漠漠谷吹風蕭蕭連竿動嫋娜征衣颯
颯飄急流鵝鵲散絕岸龜鼉驕西轅自茲異東逝
四川名勝志 卷之十一 主
不可要高通剗門路濶會滄海潮孤光隱顧盼遊
子悵寂寥無以沈心曾前登但山椒

四川名勝志卷之十二

閬中曹學佺能始著

巴州

在保寧府東
三百五十里

領縣二

山曰大巴小巴世所稱九十八山也大巴之險逾
于棧道下逼漢中小巴之南卽古巴國西魏置巴
州唐迄我 明不改洪武九年曾降爲縣後以平
山寇復爲州○巴江源出大巴山至當州東南分
爲三流而中央橫貫勢若巴字有清江源出廣元
縣前通平鎮歷舊恩陽縣至州與巴江合寰宇記
云清水一名白石水卽向白石縣之所理也○李
白巴水歌云巴水急如箭巴船去若飛十日三千
里郎行幾歲歸嚴武巴江喜雨連夕霽寃類建瓴
送將涼意滿郊垌江邊萬木大半綠天外一峰無
限青○華陽國志漢末劉璋以墊江以上爲巴郡
江州至臨江爲朶寧郡朶寧至固陵爲巴東郡而
巴遂分矣志云此居其中爲中巴州城內忠義廟
祀漢嚴顏張飛碑目嚴將士廟記在巴州城西門
唐貞元元年韋魯文○杜甫寄馬巴州詩勲業終
歸馬伏波功曹非復漢蕭何扁舟繫纜沙邊久南
國浮雲水上多獨把魚竿終遠去難隨鳥翼一相

過知君未愛春湖色興在驪駒白玉珂○治內有
春風樓奇峰森列躍入青溪高下眩轉隔閣風雨
相傳宋秦坦記中語也○擊甌樓在州城南唐中
和四年尚書右丞相戶部張稹記有張曙序略云
宋王九辨悼余生之不時也甲申寘身巴南避許
潰師郡刺史甚懼接眷一日登郡南樓下臨巴江
饌酒簇樂以相爲娛言間有馬處士携善擊甌者
至請卽清讌爰騁妙絕處士審音以知聲余審樂
以知化斯可以抑揚放淫頓挫匏竹運動節奏出
鬼入神太守請余賦之余曰不圖爲樂之至於斯

四川名勝志卷之十一

工

也○碑目云州城有紫極宮天王堂俱唐大中元
年軍事判官進士蕭珣記有折柳亭宋嘉祐五年
太守鄭淵賦折柳詩十絕句刻石有巴南十七景
詩宋知閬州軍蘇欽以閬中望江南十首記郡景
別駕彭永仍賦巴南十七景答之○唐會昌四年
巴州刺史裴禘修廨宇記巴南新置屋宇什物石
記俱在郡廳○東龕在字江東岍巾子山下卽唐
梵率寺寺廢碑存○西龕有古墨石在懸崖上有
壯觀二大字云是李太白筆有流觴亭唐乾元戊
戌嚴鄭公武所創大曆間盜起地遂廢開成丙辰

刺史唐元封後修葺取羊士諤流孟十四詠以自
序爲證有唐人題西龕櫻桃詩刻○嚴武題龍日
寺西龕石壁詩云聖澤久潤物皇明常燭幽恩從
祥風翺德與和氣遊報國建香刹開巒臨僻州天
長而綠水地迥起朱樓尋異過衆壑坐禪逢一丘
永懷根本妙誓以身心修奇色豔草蒲瑯名嘉樹
稠遠江崩濤喧夜澗微雨休嘹唳俱響谷參差峰
入流碧烟曳篁徑白日懸沙洲泛海謝安石吟詩
王子猷揚雄愛清靜山簡多優游性分固有適著
龜何足求神閑孤臺月目送千里舟攜手逸群品

四川名勝志卷之十二

王

浩歌邈悠悠山情慕食尚詩格警曹劉旌能舉滯
時選異拔奇儔開食當自致巖樓難久留嗟余忝
符守漢主遠分憂往往行春到聞鐘散客愁宋尹
游西龕詩朝出城南門循溪陟西嶺西嶺巒名巖
切隱金僊境懸崖古壘存白日蛇龍哭嵐霏濕空
濛泉澗咽清冷汲之淪山茗數啜心醒醒城郭瞰
在襟三墩聯九井四野各嬉煦犬鼠亦無警豈曰
予所能帝德實綱領獲茲簿書餘怡情對斯景任
約前題門徑森寒栢小橋穿竹溪澄江朱檻北晚
照碧巖西修竹清泉逗高楠遂閣齊虛廊而青壁

危樓跨丹梯絕頂舒平席遙峰出半圭軒窗俯星斗襟袖拂雲霓甘露春膏淡濃嵐畫霧迷嶺猿悲夜嘯谷鳥經晴啼古寺南龕近巴城東郭低杯流故池水猶刻古人題○南龕有廣福寺一名光福大書乾元三年山南西道嚴武奏臣頃牧巴州其州南二里有古佛龕舊有鑄佛五百餘伏望特賜洪名勅以光福爲額唐詩紀事載嚴武史俊楠木唱和詩碑目云刻在南龕又云鄒昂陪嚴使君暮春五言二首在南龕詩甚典麗昔有僧在南龕上以漆漆其真身龕置石壁不知何時人嚴武奏乞

四川名勝志

卷之十一

四

青

山南寺額表云願度有行道行僧未以住持俾其修習意亦唐以前人也○通志云南龕有雲間閣杜甫寄嚴侍御詩遙知簇鞍馬回首雲間閣卽此○宋權維重修雲間閣記云閣在南龕絕頂初自李唐歲久敝壞寺僧請易而新之不閱月間君瓦朱甍雕梁畫楹突然聳出于群山之表暇日置觴倚檻周覽巖壑萬狀雲烟出沒朝暮變態曾無窮已則昔之隱狀晦藏而不見者今若神驅而出之皆離潛出幽吐奇露彰章于目前云○志云美農臺在州治南二里相傳昔梁太守桓宣於此勸農

而築臺傍有唐太子賢墓高如小阜唐史高宗上元二年夏四月立雍王賢爲太子永隆元年八月廢爲庶人開耀元年冬十一月徙於巴州中宗嗣聖元年太后殺故太子賢太子嘗作黃瓜臺辭云種瓜黃臺下瓜熟子離離一摘使瓜好再摘令瓜稀三摘尚云可四摘抱蔓歸當時有銘其墓者云斷一指得天下凡人不爲殺愛子竊帝位武后行之噫嘻賢之遺隧萬世之元龜○北龕在北山一里有白馬泉九州要記云卽黃牛山有穴白馬奔出故名一名王望山山半石壁隱出老君像唐人

四川名勝志

卷之十一

五

有北山老君影迹詩卽此王望字子濛開元初嘗與玄宗遇俗傳爲晉時人旦跨白驢入長安市暮復回山中一說唐玄宗控白驢至此山望見京闕曰此去京師不遠故名王望○龍洞在山巖腹間楊義仲記云左曰東洞門如饒鑿高幾三百尺耀若太儀之庭率之宮又百餘步則空穴開明有琉璃洞及釋迦像石犬石鳥凡石之詭形怪狀莫不畢獻又過後山之右曰西洞其奇怪亦亞于東洞○有君子泉宋黃葵則銘云有冽者泉達於泉南浩然天中其流無窮于暑而涼于冬而溫豈其

嬌耶有愛者存志云在州治東四十里廢曾口縣
西朝陽巖其泉自巖石流中清冽無比上鑄有君
子泉三字宋人來官多遊于此石刻具存口嘉定
壬申夏五月朔邑令會稽宋拱闕尉錦屏鮮于末
清避暑來集拂巖雲弄土泉倍有山水之樂口銅
梁曹闕龍馮伯規何孚望古郭李忠父同遊此汎
舟酌巖下日西乃歸淳熙己酉閏月十有二日口
巴州都監權縣尉義渠毛仲子中通江曾口縣巡
簡崆峒王願天啓通江縣尉長安宋延年仁淑淳
熙八年十月二十一日同遊朝陽巖口邑宰逢池
四川名勝志卷之十二
六

掃平梁州之義也下有平梁洞妙通居士羅南仲
所居有石床石灶按舊城記云平梁山頂有地數
十畝居民數戶在上住種納稅化城縣設鳳谷
山下山頂有要羊觀熙寧通守楊黃中記云唐明
皇與葉法靜神遊於羊家山忽思秦羊山靈遂以
羊進詔于其地立觀今名廣福按志在州西四里
唐喬琳巴州化成縣新移文宣王廟頌云殷之系
聖周之斯文生我夫子世教之君周微唐興千祀
于茲春秋祭萊俎豆其時維巴之南亦揭其宇盧
公宰邑人之父母假我升堂陋彼環堵爰就夷壇
四川名勝志卷之十二
七
長松之下公之志思人亦勤止變此夷俗參乎孔
里學者行之造次于是○恩陽縣碑目云唐貞元
石刻在恩陽縣南渡江登石梯數百級上義陽舊
縣治石梯之側懸崖上有刻字云貞元四年十月
二十日再修此路餘皆磨滅不可辨又云大曆初
常應物送令狐岫宰恩陽詩亦刻石于縣之駟亭
○小說撫遺云古靜州知州王鸚子讀書于義陽
山忽一女子前自稱爲張笑桃題紅梅詩于壁墨
跡未乾遂不見人疑爲梅仙詩云南枝向暖北枝
寒一種春風有兩般頻上高樓莫吹笛大家留取

倚欄干按靜州卽巴州也唐武德初置旋廢○州北百里有大牟縣碑目云在恩陽縣西北界有斷碑刻云南隆州大牟縣界十里北集州難江縣界五里縣令李昱立○按曾口奇章化成義陽俱梁普通間置而恩陽乃隋開皇改自義陽者亦俱元時省入

通江縣 在州東北一百一十里

地枕巴江縣名因之理在古壁州壁州者以城西南壁山爲名唐武德初所置也山有嘉祐寺節度使鄭畋建自爲記云壁山境勝之所鬱密喬樹葱

四川名勝志 卷之十一

八

舊景態玄月澄日搜索奇秘得泉洞于西南維盤石架簷繚繞登降高懸旗旂疏爲泓沼峭壁危棧遂來商旅乃于舊亭東隅建構佛宇召僧匡信主其事多出私財以益之爲堂三間徘徊爲門爲廊二十六間高下還合疊飛鱗次廊外爲僧房庖厨數十間又立眞室文之高界爲左右翼憑與凝績消猶于昭胤俱寫形于方丈中負山面江雄歷勝地日月先照風雨所交鐘梵松篁鏗鏘滿聽千家覺棟歷歷在眼晨煙夕艷輝燦戶庭鷗鷺高榜以資景物于時行朝卿士或寄寓于諸州給事中孫

君儲秋曹正郎鄭君損皆柅車此地邀以同筵書琴棋盡隨後間作自仲春至于維夏也本志又載其碑陰云僕至郡觀舊碑三埋于戟扉前之泥中遂飭役兵出而滌之其一斷而磨滅者乃唐鄭公台文修山寺記也始讀之文多訛缺及其完處令人愛嘆之不已而又得公進退之詳按信宗紀并公傳各亦舛畧此公文是可信者矣惜其湮沒遂命筆正訛補缺離句綴意辭凡六十七字斬石命僧守丕書之刻而立于州學庶幾永永記成于唐中和甲辰孟秋二十有三日重刻于大宋之嘉祐

四川名勝志 卷之十一

九

癸卯孟秋中潯凡三甲子云太常博士俞瑛君王序按此則嘉祐寺以重修得名者原名爲龍興也志又載鄭相遺踪在壁山下石澗中梯石齒披煙蘿入幽巖巖曰鮮間有字云簡較司徒守太子太保鄭畋門吏給事中賜紫金飛魚袋孫儲尚書刑部郎中賜紫金緋魚袋鄭嶺中和三年十二月八日收訪泉石偶題于此僧匡信看題榜又刻有畋明年孟秋念七日與姪昭胤至此訪別一段○碑目云薛使君布政碑唐乾符年間壁州刺史裴真鮮作乾符間立壁州神廟石刻在今通江縣北四

十步有元光三年制書木志云玄妙觀右星疇石
唐人刻篆甚多民間琢毀其半俱在治內唐崔官
鄭損星精亭詩星沉萬古痕孤絕勢無隣地窄少
留竹空多刺占雲釣蓬和雨看樵斧帶霜聞莫惜
尋常到清風不負人○歌賴山與壁山相對上有
石鼓聲聞數里連擊旋雨又縣南有秋錦山隔江
望之如錦與壁山相連○壁山之上有王鞭池志
云昔有人拾王鞭于此池內因名朱慶餘送壁州
劉使君詩江分入峽路山見桵鞭人即詠此事○
鳴鹿祠五代史王建爲壁州刺史後僭位永平三
四
四川名勝志卷之十一
年麟見于壁山二鹿隨之此立祠之始也宋皇祐
初太守胡俛記其事云朝廷有大詔令官屬有遷
罷鹿必鳴鳴于山陽爲福山陰爲禍靈驗如符山
下枕諾水諾水卽宕水所激聲若呼諾後魏諾水
縣以此名○縣東南隅有公山隔江形如公字舊
傳張道陵七世孫刺集州于此上昇絕頂有張康
侯廟○舊志載孫思邈濯藥于縣東十里石澗之
畔名爲孫氏池亭石灶丹臼尚存按孫氏園在龍
灘之側唐末監察御史盧重阜壁州刺史辛巢父
等六人分詠賦詩有石刻存朱仲賢孫氏池亭詩

云暮林抱清溪微徑入煙靄亂流縈石轉浩浩蕪
蕪派披蘿出潭上結宇在竹外坐嘯孤雲還開軒
遙相待崩崖臨絕壑幽趣驚吟眸淅淅泄其餘下
注陰壑瀕道情留霜簡詩興延皂蓋賞逐景物偏
心期臨仙槩日低迴岡後鳥入寒林內暝色交殘
光明滅群木態後之視今日猶今視千載永懷滄
洲人功成身將退符陽縣令陸干城和斷崖青松
林林下覆煙草一徑捫綠蘿數里尋芳藻巖開野
人屋結構憑孤島石斷寒泉流亭幽翠嶺繞樓挈
龍虎狀宛若鬼神造隔崖聞湍聲當聽見夕照巴
四
四川名勝志卷之十一
南絕境處勝似東溪好萬籟清心胸孤雲豁煩惱
鐫邀驄馬客寫物窮探討琴匣閒時開柴門不須
鑠孰云造化工未與天地保長揖謝王侯塵紛徒
浩渺○本志云縣西十里有古佛龕唐人題詠風
雨剝蝕惟一碑粗可識乃龍朔中壁州叅軍蔡洪
劬又一碑乃阿彌陀佛龕也○縣之洞有二一日
龍洞在治西二百里吳坪鄉洞周圍二十餘丈高
三丈深七尺內有池殿清瑩湛然一日蛇洞在治
北四百里南壩寺唐建也每歲端陽前後有蛇自
柱礎間出沿階滿室大小顏色非一種然不爲害

昔人傳三萬四千尾不可數也。按此卽巴蛇洞云。○礮有二：一曰仙人礮，在縣東三百里有石竇可

容百人，崖上刻公孫秀才讀書處，年代不可攷。有山茶高數丈，相傳是唐時樹。一曰牛角礮，在縣西三百里金溪，有石室可容千人，石筭數十，自崖頂下綴望之，稜稜如牛角，俗呼爲牛角礮。按說文：礮，礮石也。此以形似得名。○古墓有二：一曰吳將軍甘寧墓，在縣西百里露浴溪，上謂之甘谷。一曰向佺墓，在縣東六十里大鐘山，獨起萬山中，如覆鐘。其下卽向君墓。左龍池山峭立，插漢倉松，偃蹇有四川名勝志

卷之十二

十一

成

樛林關相對，有關羽廟，相傳神曾守此。畊者往往得箭鏃。

南江縣

在州東南六十里

難江縣後周天和五年，置以江水難涉爲名。國初易難爲南志云：南江出米倉山，經當縣前，下與巴江合。○碑目云：唐難江公山威惠廟記。天寶改元，田彥識撰神乃漢張魯後，又云：唐李繼顏誥詞刻于郡廳。光化三年，中書舍人錢珣行撰有城牙樓記。圖經以爲李栢文，有舊碑二，其一僞蜀廣政己未之記，其一天聖乙丑之記。○集州兩角山記四川名勝志

卷之十一

十一

業

曰洋灘在縣北灘左有楊侍郎墓碑字多蝕碑座是萊王見存但不知何代人○澗曰菖蒲距縣北一里懸崖峻壁石室空曠有石刻云自潭北入澗行經此新開路束不啻三百步其間巨石壘倚嘉木交映空森役聳奇勢異狀緣苔青蒲印模履踪捫手探足無非蒼翠幽禽皓皓飛泉淅淅若有異人仙客鼓瑟吹簫于洞穴之中使人心逸神暢悅然忘歸斯實方外之佳賞也噫自有此澗杳無人蹤豈異夫浮世之事通塞有時耶今鑿崖爲路梯石爲徑連延抵于碧崖盤石之東寃其澗分之所

四川名勝志

卷之十二

齒

主

開成四年十月二十三日武功男子記僧弘真尋澗之迹藏諸山房○又碑刻云有宋政元政和清明後一日權縣事長安杜德機元發訪菖蒲之溪薄尋其源言休其藥轉步而返則樞衣碧巘屏石而坐解帶古床幄雲而息然後歸頗恨得此之晚○大宋政元政和辛卯歲仲春月清明日縣吏馮子茂典職長楊子山邀同局中李二都王四都楊工四沿澗窺菖蒲碑文兩日方返故題于碧巘三月十四日楊嵩岳山書記○廣都蔣城吳大年古郵李椿泰亭權師雄大梁趙恂閩中馮時周谷

居約以紹興十八年九月十有四日訪古菖蒲澗觀唐人武功子石刻置酒碧巘溪效柳子序飲損其籌爲一題名投之澗或洞或止或沉皆賞惟直前無沍滯則免坐客率三四十飲咲歌諧嬉日脯乃罷畢成記○紹興庚辰上巳游菖蒲澗飲于碧巘效晉人祓禊故事頴昌王芹宕渠韓慶孫開封喬嘉成都周瑞行男爰卿凡五人○李異李國用楊義仲勾成允唐棟淳熙甲辰正月晦來遊時春日融明熏風和暢爲蘭亭之飲以歸○嘉定壬申仲春三城郭仲深攝事集山清明後一日遊菖蒲

四川名勝志

卷之十二

主

主

澗板尋古岳眉山扈才叔小益劉溫叔潼上楊珍父同來○山曰十二峰在縣之馬盤灣巘巘聳秀最爲奇觀有客題詩曰插立翠屏峰十二爲君喚作小巫山○川曰明水在縣北五十餘里水出硯屏林木山川之形隱于石間○橋曰五馬志云李虎仙者往來難江通江二縣縣人修五馬橋工匠數十虎仙于皮袋中出小釜可容三升以米麴食物納其中炊之以飼人人皆飽○寺曰栢院在縣南六十里栢院鄉唐高宗末年建相傳爲章懷太子修行之所有碑文剝蝕○宮曰紫微唐賈真人

居此白晝登仙晉詩壁間云此後不知誰有分壁間晉得上天梯○觀曰銅人在縣南隔江唐開元集州刺史李成裕奏設像皆銅有殘碑數行開元二年兵部尚書牛仙客文宋集州守楊方平重立石又有碑刻載黃蓬石事畧云黃蓬石乃大蓬之仙者性顯蒙唯充薪水偶汲于寺見金瓶貯水乃飲水而置瓶是夕勞困臥藩籬間醒忽頓悟能詩蓬之名士無能出其右者頃乃隱于大蓬人不之見

劍州在府北二十里領縣一

四川名勝志

卷之十一

六

州以劍門得名蜀漢之梓潼郡矣宋南渡後陞爲隆慶府以孝宗潛邸云○志云漢陽山州之主山也武功康海劍州重陽亭記所云煩枕聞溪前對漢陽是矣○碑目云劍州石柱文晉太元十八年刻東園聞泉賦唐貞元中蘇洪之刻開元寺重修中和極樂院銘大順三年劉崇望記宣詔亭碑蜀天成四年四月一日記宋高宗籍田手詔碑皆治內之琳琅也○重陽亭在東山之陽唐大中八年蔣公侑始建李商隱序而銘之志云東山一名鶴鳴山上有磨崖顏書元結中興頌口李義山重陽

亭記畧云侯講天子意三年大理乃大鏹險道經石見土其平可容考工車四軌建爲南北亭以便勞餞又亭東山號曰重陽以醉風日南北經貫若出平地無有噫嘻因作銘○宋閬州通判吳師孟記云東山一峰特竦千仞衆小山迤邐卑附如奔走如侍從茂林蒼崖煙靄蒙密有一亭焉冠於山椒碧瓦鱗差朱欄霞明長溪清潄流影不去乃唐刺史蔣侑所建重陽亭李商隱序而銘之者也權知州軍郭子阜題其碑後曰李義山記重陽亭曰作亭東山以醉風日而不記名亭之因予讀張平

四川名勝志

卷之十一

七

子西京賦有云集重陽之清澄釋云上爲陽下爲陰則斯亭也上據高巘下瞰澄溪蔣公名亭之意其得之於此耶釋碑以告來者元豐六年題又康德涵記以爲亭畔有石刻古重陽亭四字宋張玘筆口按東山卽臥龍山寰宇記云臥龍山在縣東二里盤圍州市高百丈其上爲九龍山高三百丈唐天寶六年勅改龍祠山山上曾置九龍祠焉○州北爲故壘山益州記云山有姜維拒鍾會故壘其山峭壁俯臨絕澗○又二十里卽劍門關棧閣相望顏師古曰棧卽閣也按史記蔡澤謂范雎曰

今若相泰計不下席坐制諸侯棧道千里通于蜀
漢華陽國志云諸葛亮相蜀鑿石架空始爲龍閣
以通行道如此則棧閣爲二矣蜀漢以前曰石牛
道史記秦欲伐蜀而不知道乃作五石牛以金置
尾下言能糞金以遺蜀蜀王負力而貪使五丁開
道引之秦因使張儀司馬錯尋路城蜀輿地廣
記曰石牛道者山有小石門穿山通道六丈餘漢
永平中司隸楊厥又鑿而廣之諸葛孔明以大劍
至此有臨水之稱乃立劍門縣後于閣道置尉以
守之常璩云閣道三十里至險有閣尉系下兵民

四川名勝志

卷之十二

九

也晉書李特入蜀至劍閣顧盼險阻曰劉禪有此
地而面縛于人豈非庸才耶○隋置閣之地皆有
關官而于劍閣獨闕至唐始置劍門關後又置太
劍戍小劍戍五代董璋遣兵扼劍門關又爲七砦
按圖經云關官許令直受頒降詔赦亦許直行申
發文字聖節月旦亦有表疏畧時訓飭關吏至親
酒宸翰所以重設險也○周地圖云大劍山亦曰
梁山山海經曰高梁之山其上多望其下多砥礪
其木多桃枝鉤端有草焉狀如葵而赤華實白跗
可以走馬王隱晉書張載隨父收入蜀作劍閣銘

益州刺史張敏見其文乃表天子刻石於劍閣焉
又有小劍山在西北三十里故此爲大劍崔鴻十
六國春秋苻堅使楊安伐蜀其將徐成破二劍是
也東連岷吳西接綿州凡二百三十一里故左太
冲云緣以劍閣矣○碑目云劍閣有魏太尉鄧公
神廟記唐劍州刺史邢冊題又鄧衛聖侯碑唐刺
史郭淮立石又有唐李復撰劍閣碑唐魯叔明劍
門記貞元二年張允書唐劍門制置記廣明元年
立俱在襄陽亭南百步○寰宇記云隋始州銘在
劍門縣二十里許有古州基自縣至彼築木緣壁

四川名勝志

卷之十二

九

至此稍平一豐碑字名唐開皇三年李德林文
蓋西魏以此置始州云○唐書元和元年令狐楚
賀收劍門表云臣得上都進奏院官高振報嚴礪
下告捷官嚴公凱奏正月二十三日收復劍門破
賊五千斬僞授劍州刺史武德昭訖○碑目云唐
韋表微劍閣銘在報國寺靈泉側昔唐僖宗巡幸
至此有微恙飲其泉頓愈因名爲報國靈泉今有
石刻存焉○唐清義何氏古碑在劍門縣登高臺
光宅中建所載有名幕者生四子孝弟義遜家八
十口不異居儀鳳二年勅賜清義門○劍門有修

關石刻天成五年立又有五代敕牒甚多皆天成
長興廣政間刻○方輿勝覽云王女臺在大劍絕
頂峭壁千仞下瞰古道行人如蟻有小石刻云王
女煉丹之所□仙女觀在北岷頂唐先天二年置
去觀一里渡仙女橋有煉丹臺岩畔有仙女影近
代以來改爲禪院□誌公殿劉焯記云劍閣之下
有壽聖寺在石壁西偏由益昌道中望之隱隱如
行僧頂伽帽每秋時出或見光景陸游劍南詩藁
云劍門東石壁間影有若僧負杖者杖端彷彿有
刀尺拂子狀□梁山寺產茶爲蜀中奇品東坡南
四川名勝志 卷之十一 辛 主

戰劍閣銘嚴嚴梁山積石峩峩遠屬荆衡近綴岷
嶓南通邛樊北達褒斜狹過彭碣高踰華嶽惟蜀
之門作固作鎮是曰劍閣壁立千仞窮地之險極
路之峻世濁則逆道清斯順閉由往漢開自有晉
泰得百二并吞諸侯齊得十二田生獻壽矧茲狹
隘土之外區一人荷戟萬夫趑趄形勝之地匪親
勿居昔在武侯中流而喜山河之固見屈吳起興
實在德險亦難恃洞庭孟門二國不視自古迄今
天命不易憑阻作晉鮮不敗績公孫既沒李氏衡
壁覆車之軌無或重跡勒銘山阿敢告梁益□柳
四川名勝志 卷之十一 主

宗元劍閣銘井絡坤垠時以饒足渫血誓士玄機
在握分命貔貅陳爲犄角右逾岷山左直劍門攻
出九地上披重雲攀天蹕空夷視阻艱破裂層壘
殄殲群頑內獲固圉外臨平原天兵徐驅卒乘嘽
譟大慙囚戮戎憂咸歡帝圖厥功惟梁是先開國
進位南服于藩邦之清夷人以完安銘功鑒亂永
代是觀□李文饒劍門銘註云劍門當中有一岑
峻嶺橫峙望若巨屏此一峰最奇而說者未嘗及
也故銘云群山西來波積雲屯地險所會斯爲蜀
門層岑峻壁森若戈戟萬壑奔東雙飛尚關翠嶺

中橫黯然黛色樹若雄屏以衛王國○梁張棕蜀道難註梁山鎮地險積石阻雲端深谷下寥廓層巖上鬱盤飛梁駕絕嶺棧道接危巒攬轡獨長息方知斯路難唐玄宗巡狩言歸駐蹕劍門詩劍閣橫空峻靈輿出狩回翠屏千仞合丹嶂五丁開濯木縈旌轉仙雲拂馬來乘時方在德嗟爾勒銘才王勃普安建陰題壁云江漢深無極梁岷不可攀山川雲霧裏遊子幾時還廬照隣大劍送別劉右史金碧禹山遠關梁蜀道難相逢晚歲相送動征鞍地咽綿川冷雲凝劍閣寒倘逢忠孝所爲道

四川名勝志

卷之十一

圭

憶長安李白蜀道難云噫吁嚱危乎高哉蜀道之難難于上青天蠶叢及魚鳧開國何茫然爾來四萬八千歲不與秦塞通人煙西當太白有鳥道可以橫絕峨眉巔地崩山摧壯士死然後天梯石棧相鉤連上有六龍回日之高標下有衝波逆折之迴川黃鶴之飛尚不得過猿猱欲度愁攀緣青泥何盤盤百步九折縈巖巒捫參歷井仰脇息以手撫膺坐長嘆問君西遊何時還畏途巖巖不可攀但見悲鳥號古木雄飛雌從繞林間又聞子規啼夜月愁空山蜀道之難難于上青天使人聽此彫

朱顏連峰去天不盈尺枯松倒挂倚絕壁飛湍瀑流爭喧豗崩崖轉石萬壑雷其險也如此嗟爾遠道之人胡爲乎來哉劍閣崢嶸而崔嵬一夫當關萬夫莫開所守或匪親化爲狼與豺朝避猛虎夕避長蛇磨牙吮血殺人如麻錦城雖云樂不如早還家蜀道之難難于上青天側身西望長咨嗟○劍門東南有七盤嶺廢武連縣設焉按武連縣舊爲武功縣故郭璞識云縣路犖武功貴縣路青武功榮其後青城何瑛宰是邑遂刻石縣門○志云逍遙樓廢址在武連舊縣唐顏真卿書扁三大字

四川名勝志

卷之十一

圭

碑刻存元改武連縣學爲魏公書院以唐魏徵所生之地也學正王惠爲之記○劍南詩藁云過武連縣安國院有二泉傳云唐僖宗幸蜀至此飲之而甘賜名靈泉其詩云滴瀝珠璣翠壁間異時曾得奉龍顏即此○寰宇記云都竹水從武連縣流入昔安縣南流至掌天山下入閬州益州記云掌天山在臨津縣山多柘堪爲良弓雖縈絲燕角不能勝也志云柘溪水出柘谷山多生柘木○寰宇記云廢下辯城卽臨小潼水李膺益州記云宋元嘉二十九年以武都流入于下辯縣安置大明二

年改爲武連縣寰宇記小潼津發源京兆山分水嶺謂之京兆水也□木志云武連縣九龍山有洞石壁如屋內有九井又有群仙洞洞中無他物惟石窟數間如堂宇有水自西向東不知所來山下長老云曾有數人耘苗見洞中聲樂嘹亮密覘於洞口見列坐如天人狀奏樂者無數欲進前觀之卽不見自後人數見之○劍之西南有黃安縣晉置宋改爲普成縣縣在跨鶴山趾一名駕空山山腋有紫霄觀崕上有僧懷素草多缺落不可辨跋云右懷素草字絳臺潘氏載入法帖誤綴張長史

四川名勝志

卷之三

晉

書末今潘氏墨本不可多得因刊于駕空山崖石與伯英草聖並列共傳末久隆興元年癸未季冬濃洞野叟識□志云州城南百二十里有漢王潭在黃安縣之東境上有漢王廟□普成縣南一里紫霄觀舊名普成晉宋間有李隱君名普成者煉形其間與其弟普露普濟白日昇去是普成縣以仙名也縣傍有石麒麟每天旱土人誦經取水洗之卽雨○又南八十里義津卽古臨津縣地碑目唐盧照鄰悟本寺記在故臨津縣悟本寺內○按劍門普安二縣併入州爲劍門普安二驛矣今

州西百里上亭驛卽廢下辨縣又二十里武連橋卽廢武連縣

梓潼縣

在州西南一百里

翰墨全書云禹于泥陳山伐梓其神化爲童子漢以之名縣也木志則謂其左倚梓州右枕潼水云○注水經曰梓潼水出其縣北界西南入于涪註云故廣漢郡也公孫述改爲梓潼郡○唐王勃梓潼南江泛舟序云咸亨二年六月癸巳梓潼縣令蕭君以清湛幽凝鎮流靖俗境內無事艤舟於江潭縱觀於丘壑渺然有山林陂澤之思遂長懷悠

四川名勝志

卷之三

五

想周覽極睇思其人則呂望藉茅於磻溪之陰屈平製芰於涪陽之浦覽瀛洲方丈森然在目於是間以投壺讐以妙論亦有嘉餽旨酒鳴絃朗笛以補尋幽之致焉預於斯者若干人○寰宇記云明皇過梓潼望見山上一窟近臣奏云漢司馬相如讀書之窟遂勅名爲長卿山山上有長卿寺下有漢侍御史李業石關舊經云前漢侍御史李業葬此遭赤眉亂二因以臨關俱破壞又縣東北有二石闕其一題曰漢沛國相范伯友其一題曰漢地相國雍輔君之墓○宋周必大曰予得光武

時梓潼扈君墓輒先叙所歷之官末云千秋之闕
模脫隸書而非鐫跡○續搜神記云有神姓張名
亞道術顯著廟在梓潼玄宗幸蜀著靈追封左丞
相唐書廣明二年僖宗幸蜀神又見于利州枯柏
津封爲濟順王親幸其廟解劍以贈神郡國志云
濟順王本張亞子戰死而廟存昔亞子西至長安
見姚萇謂曰却後九年君當入蜀若至梓潼七曲
山幸當見尋至建元十二年萇隨楊安南伐將至
七曲迷道遊騎賈君蒙忽見一鹿馳去遂至廟門
鹿自死追騎共剝之有頂萇至悟曰此是張君爲

四川名勝志

卷之十二

圭

我設主客之禮烹食而去按此卽世所奉祀梓潼
帝君也唐判度支蕭遇和王鐸張亞子廟詩青骨
祀吳誰讓德紫華居越亦知名未聞一劍傳唐主
長擁千山作蜀城斬馬威稜應掃蕩截蛟鋒刀俟
昇平鄴侯爲國新簫鼓堂上神壽更布兵○志云
百神廟在縣南四里咸通十一年盧耽除西川節
度時蠻寇圍成都大將軍吳行魯統師過此見斷
碑皆古卿相之名默致禱焉旣而王師大捷乾符
三年行魯除東川節度遂於路側置百神之廟景
福大順間廟遭兵火王氏僭號夢神人求祠宇稱

是梓潼百神因重興置○五婦山在縣北十二里
高四百二十丈按蜀記云梓潼縣有五婦山秦王
遺蜀王美女五人蜀王遣五丁迎女至梓潼五丁
蹶地大呼驚五女並化爲石蜀王築臺而望之不
來因名爲五婦侯臺漢書地理志云梓潼五婦山
碑誌存有五婦神廟李膺又云梓潼有鳴湍折碑
祠西臨潼水湍迅激流俗呼張湍祠亦呼爲石碑
祠○隱劍泉在五丁力士廟西一十步古老云五
丁開劍路迎秦女拔蛇山摧五丁與秦女俱斃於
此餘劍隱在路傍忽生一泉又云此劍每庚申日
現○蛟龍神祠在縣東十九里兜鑿山上俗呼爲
兜鑿神古老相傳此神昔用生人祭之不則瘡疾
水潦爲害張道陵戒之遂絕○葛山在縣西南二
十里又名臥龍相傳武侯伐魏駐兵於此見虎豹
蛇虫勢惡自臥草中獸皆俯伏有古碑在此山之
景福院

四川名勝志

卷之十二

圭



四川名勝志卷之十三

閬中曹

能始著

川北道

順慶府

在省城東
南六百里

領州二縣八

南克縣

附郭

本安漢克國二縣地唐置果州取克實之義也或

以郡北果山爲名宋寶慶初寧宗潛邸遂有今號

○按克國蜀增南字隋滅國字故爲南克寰宇記

云嘉陵江在城東二百步自相如縣界流入南克

蓋克國縣原在郡南三十里而今則附郭也又按

四川名勝志

卷之十三

一

嘉陵江

十道記云果州左濱西漢水叢薄蔚然有相如琴

臺觀此則嘉陵江之爲西漢水明矣古安漢之名

本此○韋應物聽嘉陵江水寄深上人詩水性自

云靜石中本無聲如何兩相激電轉空山驚按長

慶集云韋貫之坐考策收直言者出爲果州刺史

今嘉陵驛設焉□武元衡題嘉陵驛詩悠悠風旆

繞山川山驛空濛雨似烟路半嘉陵頭已白蜀門

西更上青天陸龜蒙宿嘉陵館離思茫茫偏值夜

每因風景却生愁今宵難作刀州夢月色江聲共

一樓○耆舊錄云自漢元信以下三十六人並見

學錄蒲士龍所編耆舊而趙嗣業趙昌藻游問爲

之贊此外隱逸王公字以下十四人併繪像于郡

之鄉賢堂又復搜訪王綰以下二十餘士悉繫于

左○碑目云唐王維送楊長史赴果州詩刻在郡

治其中聯云官橋祭酒客山木女郎祠唐詩三體

注云漢法祭酒上客之稱女郎祠以謝自然上昇

千果山按常璩云張魯以鬼道教後乃爲祭酒

巴漢夷民多便之則祭酒稱上客信矣謝自然昇

仙乃貞元間事在右丞後不應引此官橋則郡西

三十五里有西橋舊名官橋也按女郎亦張魯女

四川名勝志

卷之十三

二

感孕而生龍者祠在漢中○碑目云唐移縣碑在

南克縣門大中年立文字磨滅不可詳辨二良牧

碑馬肩孟撰載唐二刺史事碑在郡治醋庫之側

永興節度使王彥超重建行成思堂石刻詩云作

堂在姑孰把麾來果山男子四方志萬里如目前

○方輿記云仙鶴樓在郡城後于城上下瞰大江

宋邵博詩春去秋來好風月鶴樓端勝使公樓○

郡東南開漢樓郡守楊濟記云聖朝褒綸有實開

漢業之語因摘二字以名是樓按開漢樓詩序嘉

陵大江襟帶于左金泉酒樂詠山雄峙于右宋忠

祐廟誥詞云以忠殉國仁者仕忠實開漢業使後世知君爲重身爲輕雖糜捐不避者侯有力焉之謂夫○清居山在縣城南嘉陵江水遶之內有四亭曰白雲光相吸江五友按五友亭宋游炳題明月清風爲道友古典今文爲義友孤雲野鶴爲自在友惟石流水爲娛樂友山果芋栗爲相保友是五友者無須更不在此間也志云金樓在清居山高與山等亭亭如浮圖常有光焰出焉○清泉山在城南十里有古剎下瞰龍門諸山清泉水出焉寰宇記云龍城山盤屈如龍絕壁如城蜀志補遺四川名勝志卷之十三 三

卽龍角山道經以爲福地○朱鳳山高百七十二丈周迴二十里接清泉山昔有鳳凰集于此因置鳳山觀乃爾朱仙李淳風養煉之地迴視郡城如在掌握碑目云唐朱鳳山觀銘長史袁玘文○畫卦石在治東四十里石如砥平上有八卦相傳周柱下史以足畫之足跡尚存○又四十里爲大斗溪源出老君山與嘉陵江合傍有大石如斗○都尉壩在郡南五十里有都尉墓俗云都尉娘西克女子也代父戍以功授都尉歸爲嫂氏所嘲乃刺腹見肝腎以死葬鳳山有豈碑社視今廢其年

代姓氏無攷墓前翁仲僅存或云卽陳壽妻壽嘗爲騎都尉故人以稱其妻○果山在府西北十里層峯秀起松栢叢生晉陳壽隱居于此有祠口萬卷樓在果山之麓邵伯溫詩果山仙果秀天香處處圓金樹樹芳謂黃柑也志云果山書院在城北五里蜀譙周建後郡人邊速達以秘書監致仕歸隱于此藏書四千二百七十一冊碑刻爲至正八年○治北五里有譙周觀星臺一云是其故宅有碑存按華陽國志云譙侯修文于前陳君煥炳于後則此山之靈秀有自來矣○金泉山一名靈泉唐李淳風藏金于此化爲泉故名宋江萬里書有金泉二大字崖壁上口唐書貞元十年謝真人名自然于金泉紫極宮白日上昇郡郭是日有虹霓雲氣萬目共覩有青霞觀及真人祠韓愈詩云果州南克縣寒女謝自然童騃無所識但云有神仙輕生學其術乃在金泉山一朝坐空室雲霧生其間須臾自輕舉飄若風中煙入門無所見冠屣同蛻蟬有步虛臺宋鄭芳庭詩云平山酷好退之詩謝女仙踪頗自疑不到步虛臺下看瓊笙玉佩有誰知有靈泉院謝真人之諱表所居名謝家山碑

目云唐金泉山仙居述太和五年果州刺史韋公
肅文唐鄭餘慶詩刻唐誥刻僊蜀刺史徐光溥詩
刻俱在李宏遊金泉觀詩昔時謝女昇仙處此日
遺蹤尚宛然蟬蛻舊衣留石室龍飛勝地涌金泉
碑書故事封蒼嶽殿寫真容鑲翠煙薄暮松巔聽
鶴唳猶疑彷彿下神仙○寶臺山在府城西與金
泉對時有覽秀亭呂好問覽秀亭記思史實之遺
風弔譙陳之舊蹟想程謝之仙踪慕張閭之英躡
謂史謙恕實泌譙周陳壽程太虛謝自然張疑閣
續也○鳳舞山在城西北八里有鳳舞山三字乃
四川名勝志卷之十三 五

宋人隸刻石又二里爲栖樂山相傳謝自然昇天
之日仙樂振響峯頂故名有栖樂池四圍甃石泉
水清潔與嘉陵江相通○大方山在城北十五里
又城西三十里有小方山孤峯粲然衆嶺連屬儼
然洞天也其上有滴乳泉道士何志全飲此水年
老面如桃紅樊汝賢詩雲液落山腹脉與崑崙通
云何山中叟八十桃顏紅卽今之乳泉舖是○昆
井在縣西六十里昆井者大井也卽古之鹽井益
州記所載○大耽山與小耽山相對在郡西百里
隋楊軌修道于此因名○名賢馬鬣有晉譙周墓

在治後古碑斷折又有譙秀秀周之孫隱居不
仕躬耕山數李雄徵之不應王逸少書云聞譙周
有孫其人高尚不仕可得見否李商隱詩欲向巴
西覓譙秀巴西惟是有寒蕪○馮休墓宋史休南
克人真宗朝不應辟召歸山著書○何涉墓在瑯
瑤山下涉讀書博古著作甚富明道雜志載其爲
司馬溫公所推重○游仲鴻墓蜀後漢劉光祖表
其道曰於乎慶元黨人游公之墓○趙夫子墓在
據德里鄉人稱趙興也○果州之先有瓦棺葬者
偶牧童于插旂山掘地見一小孔其內深廣以數
四川名勝志卷之十三 六

西克縣在府西
唐武德間始析南克置後乃併流溪而有之流溪
卽西溪也西克之名本此○漢紀信當縣人祠在
紫崖唐盧藏用弔以文曰皇綱圯兮帝紐頽王風
悲兮霸道衰天運促兮周以覆秦德業兮漢業開
何項王之鼎鼎作驅除于雲雷豈淵海之飛蓋資
拔山之偉才于是左契歸楚羣雄奉職皇矣漢祖
獨負其直矧榮陽之圍城兮旣孤而迫偉將軍之
天誘兮矯奪其識彼見意而投命兮亦各有時考

振古以爲觀兮罔恢帝基感將軍之墳隧兮壯大義之在茲仰前修以砥節顧車迴而馬遲嗚呼身既焚兮業既昌楚歌絕兮漢道光君不旌兮史不揚功不錄兮歿不傷奄孤墳以載葬抑干祀而爲荒皇周敷訓兮澤及枯齒伊子寡德兮泰宰茲地奉宣嘉猷兮懼尸厥位思將軍兮允忠且義託神交于萬古兮實獲心志乃斷石于他山兮式幽墳以昭賁詞曰攝提貞歲兮奉揚仁風跋涉草莽兮祠甲紀公善彼勇兮殺身爲忠九原不作兮予將焉同金石刻名兮千萬歲魂魄光烈兮爲鬼雄○

四川名勝志

卷之十三

七

南岷山有九井十三峯漢何岷之所隱也隋程太虛修煉于此太虛自幼好道精修勤苦隱居山中絕粒有二虎侍左右九井十三峯皆其修煉處一夕大風雨砌下得碧玉印居人每乞符祈年印以授之輒獲豐稔唐元和中解體後遷神于玄宮容貌不變宣宗命人求之使者過商山宿迎旅躡險有居第如公館青童引見一道士自稱程太虛祖居西充且囑曰明歲君自蜀入南岷山無忘我及至蜀熟視畫像與前見者無異宋賜號道濟太師碑曰云唐程仙師蟬蛻湯皂天碑唐仙林觀碑中

書侍郎趙彥昭撰俱在本山之降真觀漢車騎崖石刻郡國志云後漢車騎將軍馮緄于此鑄崖刻石十有餘處按金石錄云車騎將軍馮緄碑以范曄後漢書考之史云字鴻卿而碑云皇卿史云初舉孝廉七遷至廣漢屬國都尉拜御史中丞順帝末持節揚州諸軍事與中郎將滕撫擊破羣賊今據碑自舉孝廉至爲廣漢屬國都尉凡十一遷而爲中丞與都使徐揚二州討賊皆在爲都尉前碑云討賊時坐迫州縣正法而史不載又云爲隴西太守坐問吏辜旬不公去官以羌駭動爲四府所

四川名勝志

卷之一三

八

表復家拜隴西太守而史但言遷隴西太守史云爲遼東太守徵拜京兆尹轉司隸校尉遷廷尉太常拜車騎將軍以碑考之緄爲遼東太守以前嘗爲治書侍御史遷尚書遂爲廷尉未嘗拜京兆尹及司隸也史云振旅還京師監軍使者張敞承宦者指奏緄會長沙賊復起攻桂陽武陵緄以軍還盜賊復發策免而碑云臨當受封以謠言秦河內太守中常侍左悺弟坐遜位史云復拜廷尉時山陽太守單遷以罪繫獄緄拷致其死遷故車騎將軍超之弟中官相黨遂共誹革誣緄坐輸左校而

碑云表荊州刺史李隗南陽太守成晉太原太守劉瑱不宜以重論坐法作左校亦皆不合史又云爲河南尹時上言舊典中官子弟不得爲牧人職帝不納拜屯騎將軍復爲廷尉卒于官而碑云復廷尉奏中官子弟不宜典牧州郡獲過左右遜位永康元年薨亦當以碑爲正碑又云緄謚曰桓而史亦不載余嘗謂石刻當時所書其名字官爵不應差誤可信無疑至于善惡大節則當以史氏爲據今此傳首尾顛倒錯謬如此然則史之所載是非褒貶失其實者多矣果可盡信耶又有墓闕

西川名勝志

卷之十三

九

銘云故尚書侍郎河南京令豫州刺史馮使君神道按後漢書馮緄父煥安帝時爲幽州刺史而緄碑亦云幽州君之元子此字在宕渠緄墓前雙石闕上知其爲煥闕也○有扶龍山在大陵鎮之扶龍村其小陵鎮有肖巖石竇空澗泉水潔清又有大洲小洲其水雖漲不相連屬鐵冠仙人鈴記云大洲連小洲此地出公侯

廣安州

在府東二百里領縣四

宋開寶初置軍取廣土安輯之義本果渠二州地也治有秀屏樓霄漢閣淨額管公書擬峴亭南峰

寺皆張天覺詠○圖經名倚秀屏左瞰渠水志云秀屏山昔有石土地像宋太祖以筆點此山立軍治其像因自墜今郡治卽石聖廟其神爲五代義士何龍○張商英題擬峴亭詩英雄往事堪歎息欄干徙倚情何極學取山公醉似泥不同羊祜謀人國又題南峰寺詩孤雲飛遠岫落日滿平川寺據南山頂僧傳北祖禪○碑目云大唐三聖碑睿宗御製文俱在州學內道德經碑在城北紫極觀唐咸通中州刺史程壽立公府建置碑宋開寶三年張琪記乾德六年許允脩創○州立于濃澗鎮

西川名勝志

卷之十三

十

濃澗二水名寰宇記云濃水出龍扶連山東流入渠江澗水卽渠水紫澗爲潭者耳按唐地理志岳池有龍扶連山環水出焉非濃水也州志云濃水卽西溪水水色常濁故曰濃發源州治百二十里蓬州之綿渠流至橡樹渠二溪相合經龍扶連山下龍棲灘與環水合又至城南五里東折入渠江與澗水合是龍扶連山乃三溪合流處非源也○渠江有三十六灘水之灌輸其間者渦濤渠別莫知其幾中兩渠相距二尺廣深半之可以流觴天巧致然非人力疏鑿○渠水在州東北五里渠江

曲尺灘下石磧斗坦冬月水涸磧露仲春水生磧沒深不盈尺日光照映金波透徹其年若登則紋宛成篆籀濤洄波面其見不常邦人以之卜歲云○宋石刻故事以三月三日至河曲過渠江流杯大觀乾道淳熙紹興嘉定間知軍宇文能承務郎張廷堅德州叅軍李陶桃彥遠何溫叔游伯畏何宋卿楊次阜安康民各同時髦游賞其中有連游二三日者如崇慶杜鵬舉奉親挈家來遊○龍鏡潭水圓如鏡宋刻龍鏡二字于石有瑠璃淵兩水相映其一紫碧痕如羅帶其一深清淵如瑠璃俱

四川名勝志

卷之十三

十一

在篆水左右○江中沱磧有若鸕鷀若龜蛇若繫繚若張繳有如明月之團圓有如神仙之遊戲皆以形似得名唐元稹詩云渠江明淨峽逶迤船到名灘搜悉遲櫓窺動搖妨作夢已童指點笑吟詩余餘宿麥黃山腹日背殘花白水滑物色可憐心莫恨此行都是獨行時何行中宕渠廣安駐泊記南連巴徼北接通川復嶺東橫清江西下林深菁密岩穴幽邃信爲奇觀云○州東二十里姜山以伯約屯兵而名山有姜山寺唐僖宗時建下有飛泉二字僧可徹書○州東南四十里鼎然山有龍

祠勅賜孚惠靈公晉太康八年碑文安子文有品然集指此○子仙山以神仙馮勝得名志云馮緄有子脩煉于岳門山一日辭父母謂當仙去以來晨白鶴飛翔爲候緄登此山望之已而果然又名望子山吳薦廣安志曰子仙觀在治西二十里子仙山上五代時居人將軍馮勝之子脩煉于此一日仙去將軍立堂數楹于得仙處則所謂將軍者馮勝也漢車騎將軍馮緄傳子鶴舉孝廉爲郎中並無得仙之事○鶴棲山以謝自然得名碑目云鶴棲山在冀都鎮有古碑字雖漫滅尚髣髴可認

四川名勝志

卷之十三

十二

其略云唐貞元十年歲在甲戌果州女子謝自然白日昇仙刺史李堅以狀聞又爲之傳于時先有雙鶴棲宿此山然後飛迎自然駕之而去俗因呼爲鶴棲山按自然昇仙在果州金泉山李堅上其事唐德宗賜詔今刻于金泉年月日與此碑所載不差通志云在州東之新明鎮西南十里○故宕渠城古之寶國都也晉中興書曰寶者原君之苗裔巴氏之子務相乘土船而浮衆異之立爲原君子孫布列于巴中泰并天下以爲黔中郡薄其賦稅入出錢四十巴人謂賦爲寶因名○大小良城

石崖四絕天險之地宋史淳祐四年制置使余玠移渠州治于此已上二址俱在州東北五六十里
○名賢芳躅有孝義臺通志云陳子昂之後遷居于此七世同居唐旌表之宋時臺尚存○故縣鎮顏魯公碑舊傳邑宰有姓顏者魯公之先也魯公刺湖州時過道院因有碑銘今碑磨滅存命除湖州刺史顏真卿勒銘于道院凡十四字宋乾道中移置軍城○張唐英墓在州西三十里按唐英新津人慶曆三年進士歷官殿中侍御史卒葬雙流之三珠里紹聖三年其子庭玉徙居廣安改葬于四川名勝志卷之十三
岳門山東南峰下其弟商英往來常居于此山水名勝多所品題○安丙墓在州南五十里宋史吳曦僭叛丙矯密詔誅之除四川安撫使卒葬于此○張庭堅墓在州治北宋史庭堅廣安人元祐進士爲右正言逾月數上封事訟司馬呂著冤疏蔡京章惇之罪○宋史黎錞字希聲渠江人任直講宋英宗以蜀士問歐陽脩對曰文行蘇洵經術黎錞按渠江廢縣在州北五里唐武德間所置○方輿勝覽云世謂廣安有十似紙似池席似蘇梨似鮑魚似嘉猶之可也他未必然若所謂金羹玉

飯紅腊紫梨則非溢美矣憲使何志熙詩欲說寶城好先誇萬物妍金羹收稻後紅腊落梅前照座梨偏紫堆盤荔更鮮雪藤猶異產應不數花牋

岳池縣在州西六十里

渚析南充縣置者寰宇記云岳安山在縣東三十里高六百丈岳池之水出焉上有音聲鳥也○唐何少卿讀書在龍穴山方輿記云岳池之對山也去縣五里宋元豐間張諫議庭堅讀書在羊角竹洞去縣北三十里梁天監中有講道德經者感二羊跪聽故名慶曆間狀元蒲信讀書在金隴山四川名勝志卷之十三
志云碑見存○碑目云龜山碑在岳池縣東六十里鑿地得斷碑乃唐人經行所記又云杜甫岷山寺詩刻在縣北三十里岷山上有象王獅石左右龍洞書藏四景又云老君山舊碑載唐天祐間有道士乘馬至此馬化爲石道士亦不見○志云治西二十里西溪源自舊縣流入平灘有西溪寺又距十里爲鳴山昔人見雙鴨飛入山池化爲石因名上有鳴山寺唐乾元中建○縣南二十里雲鉤寺唐貞觀建每晨有白雲鉤其棟宇舊名毗盧也然余過縣西千佛巖古觀寺峻級長林煙蘿下垂

拂人車馬致可悅耳按畫苑以爲唐開元僧玄應
鐫舊刻栖巖寺○志載縣西六十里東觀舊名集
虛相傳呂洞賓宿此畫一蝙蝠于壁其處至今無
蚊

渠縣在州北五十里

漢縣也石過水爲宕水所蓄爲渠縣以之名矣蜀
晉隋時皆置郡于此今縣治乃後周明帝所置流
江縣也○華陽國志秦始皇時有長人二十五丈
見宕渠太史胡毋敬曰是後五百年外必有異人
爲大人者及李雄之王祖世出自宕渠識者以爲

四川名勝志

卷之十三

主

應之○寰宇記云宕渠出一名大青山在治東五
十里其山東西兩門延連相接山瀾長狹有似瀾
渠蜀都賦外負銅梁而宕渠也碑目云有石刻宕
渠及花果園大字○志云渠水有三一出達州明
通鎮一出巴山一出羅峨山至三會鎮過宕渠山
會潛水至縣北會渝水經廣安南渠口會嘉陵江
至合州會涪水入江按潛水亦發源于宕渠山麓
酈道元謂宕渠縣有大穴潛水出焉通置山下而
南入于江是矣○寰宇記云渝水卽流江也夾水
上下皆實民所居華陽國志宕渠故實國今有實

城盧城碑目引九域志云流江古賓城有古碑文
字磨滅唐鄭谷渠江旅思詩云流落復蹉跎交親
半逝波謀身非不切言命欲如何故楚青山廢窮
巴瘴雨多引人鄉泪盡夜夜竹枝歌○天寧寺記
曰宕渠古郡依山爲城自珠嶺東下至石門伏而
特起隱隱隆隆由郡北直南而下爲馬鞍爲登高
爲西巖擁蔽坤維升虛降原始得郡治崗分巖別
俛首東向爲袁氏之巖迤邐南轉爲瞿氏之山下
瞰巴江舒翼展脰直趨水濱而後已由瞿山之北
袁巖以南川原開曠形勢之勝與郡治相埒是爲

四川名勝志

卷之十三

主

天寧寺按賀知章題袁氏別業云主人不相識偶
坐爲林泉莫漫愁沽酒囊中自有錢卽袁氏巖也
志亦收之○隋書地理志通川宕渠其地接連漢
中有八濛山在縣北七里起伏八處有水環之不
匝者一里常有煙霧濛其上故名三國志張郃自
漢中進軍宕渠之蒙頭蓋石與張飛相拒五十餘
日飛率精兵萬餘人從他道邀郃軍交戰山道狹
前後不得救飛遂破郃巴土乃安志云上有張飛
廟碑目有流江縣題名云漢將張飛率精卒萬人
大破賊首張郃于八濛立馬勒石○碑目又云唐

末中原爲黃賊扇亂前進士崔塗避地于渠州春日獨遊沖相寺由此登眺翌日北歸題名于石按沖相寺距城四十里乃定光佛道場也崔塗本集詩云水流花謝本無情送盡春風過楚城蝴蝶夢中家萬里杜鵑枝上月三更故園書動經年絕華髮春催滿鏡生自是不歸歸便得五湖煙景有誰爭○方輿又載鄭谷渠州汧江寺詩起居瀟灑寄禪關高掛朝簪淨室閒孤島暫留雙鶴歇五雲爭放二龍閒輕舟共泛花邊水野屐同登竹外山仙署金閨虛位久夜清應夢近天顏按古汧江寺在四川名勝志卷之十三

十七

甚工

隣水縣

在州南一百二十里

縣有隣山鎮蓋昔隣山縣基梁置而隋廢者今縣亦梁所置寰宇記云隣水出隣山南流中有大磧懸流十丈奔急若驚湍電瀉又云龍穴在隣山之

金盤山下入龍門鎮有瀑布百八十尺號爲散水此山出鐵隣比相次故名華陽國志宕渠郡治有鐵官石蜜山圖所采此之謂也○志云杜工部寓居此縣之善慶里昔建有書院巖上大鐫少陵二字○故老相傳郭璞遺碣云日出照華山金銀對馬鞍鴛鴦池裏宿石版響三潄益天池山下溪河中有石一方每擊則響聲三應今謂之響石板

大竹縣

在州北一百六十里

地產大竹唐則天時析隣水縣置者昔治在鳳來鄉接渠縣界今治在水門鎮志云縣東門城內二四川名勝志卷之十三

大

小岡上有兩木對生交合形如關門元徙縣治于此二岡雖連土色迥別○舊傳初鄰縣治所伐竹林有白兔走出乃建白兔浮圖因以竹名邑曾省入隣山宋紹興復置○出縣西五里有筆峯寺立平野拔地二十丈許余過之作詩云似筆挺然秀山川亦好文宕渠花裏出秦隴竹間分石曰生春水香龕積暮雲經過難久住日後憶離羣○傳記所稱九盤七石昭其數也榮城亢谷別其象也巴河漢墓紀其跡也馮碑沈闕銘其助也○九盤者治西十里有山高峻盤旋九折行者憚之○七石

者鴈平里有七石參差並立若碑林焉○榮城者
仙門里有榮城四圍險峻高阜寬平宋鮮史若呂
保相禦元兵之所○亢谷者編戶西里有亢谷石
長數丈高五尺厥形若鰐○巴河者榮安鄉有巴
王河相傳巴王經此今爲鎮○漢墓者平池里有
王平墓土人掘得銅香爐安漢侯銀碑等器有漢
王將軍字額○馮碑者廷尉馮緄此縣人墓在縣
北古賓城雙石關西南關高丈二尺額篆云漢車
騎將軍馮公之銘文作隸書字猶可辨○沈闕者
亦雙石關在縣北一里其一鐫云漢新豐令交趾
四州名勝志卷之十三 尤

蓬州 在府東北一百四十里 領縣二

圖經云兩蓬高峙屹立雲表後周始立蓬州之名
建梁天監大同已來相如綏安二縣地也今俱省
入○圖經環蓬皆山而北山爲之主溪壑奇秀神
仙隱士所居又多崇蘭黃花每春秋開時清香滿
山谷間○方輿勝覽云大蓬山在州東南七十里
狀若海中蓬萊因以爲名小蓬山一名秀立與大

蓬對峙相去二里綏山卽大蓬之始號也按列仙
傳葛由者蜀之羌人周成王時刻木爲羊賣之一
旦乘木羊入蜀蜀中王侯賔之追上綏山隨之者
皆得仙術梁于此置綏山縣唐改爲蓬山矣口蓬
山有透明巖孔穴相連宛如穿鑿亦名棲真巖俯
瞰州郭天氣清明渠達諸山隱隱可數巖下有爾
朱真人書隔凡石三大字又唐人知事任惠琳書
透明巖三大字橫直各二尺餘楷法遒勁石刻宛
然爾朱真人隋時成道唐懿僖間復抵蓬州客安
漢館張氏十二年州守以爲惑衆沈于江二漢者

四川名勝志卷之十三 三

得之釋其縛三人白日昇天口有仙閣巖夜出聖
燈志云聖燈現處凡五北山鳳凰山連翹山大蓬
山小蓬山其在大蓬者尤靈異口有降香碑志云
宋元豐間此州陳才人宋克媛爲皇子公主祈福
立降香碑在大蓬山邑人元祐進士雍沿蓬州十
三景詩有云元豐天子太平時宮掖賢明有二姬
能就此山焚龍炷至誠爲國長金枝○小蓬山下
有仙女墳元時普安里民家女及笄一日父母他
出有道士叩門求火女不啓戶道士太書閉門不
納四字而去女手擦之不去青飾之乃滅因感而

娘父母疑而責之不自白遂投江死其屍逆流親戚相與撈葬之忽自腹中裂出肉印方驚駭問水暴漲湧沙成一大墳于江水中左右夾流若神力焉今名仙女墳○舊縣以相如名嘉陵江遶之周地圖記云司馬相如故宅在今治南二里本地有相如坪相傳云相如別業在此西濱漢水聚薄鬱然其基亦名琴臺高六尺周四十四步碑目云相如故宅碑在縣西南光聖寺漫滅不可讀陳子昂文志以爲卽今州治○唐石龕佛像記在相如祠堂縣令陳子良撰子良伯玉之兄也宋王儔以舊四川名勝志

卷之十三

主

本長卿像圖于祠壁祠成爲記略云伏念長卿傑出于西京文章極盛之際至今薄海內外人無賢愚皆知有長卿言語之妙若揭日月儔嘗過縣之琴臺乃圖經所謂長卿故宅者一時遺跡彷彿尚在又謂縣雖僻左而江山風物可樂也從其人遊皆好學能文章亦有所自來矣今之從政者祖律令所有乃敢知至于風化謝非已事否則日不暇也鄧侯獨以自任不辭其爲政知所先務矣按元初時祠圯延祐四年驛丞苗成重建○志云嘉陵江畔有石佛寺建于晉魏間有一僧以解龍困獲

寶盆弟子爭之龍取盆去元喬西雪歌詳其事今有驛名龍溪或取此昔鮮于氏子見人從雲霧中引入龍宮乃覽諸怪異歸而述諸家人云○志又載鮮于氏之子遊學錦官偶老翁可通一家信道次石門取書置石上忽有人引生前行見一王侯曰荷君寄音乃以藥數粒授生後生壽至百歲按石門在今治北六十里有石梁橫卧嘉陵江中元至正壬午龍斷其梁水由中行下有深潭魚龍之巢穴也○酈道元注水經云相如縣有漢車騎將軍馮緄桂陽太守李溫冢二子之靈常以二月四川名勝志

卷之十三

主

還則漢水暴長郡俗于水上祭之○有雞卸神祠益州記云雞卸祠在相如縣以神在雞卸溪側故爲祠號○有芳溪館元積感夢詩云蓬州三十里有館名芳溪已上三則俱在水渌若夫巖峙東西之勝泉分金玉之形樓著文明之盛宮開紫極之祥守以真卿始爲勝地禪因宗密大振家風皆可述焉○方輿記云東巖在龍章山俯瞰大溪前眺歌陽安固諸山歷歷可攷西巖在報恩寺西南隅前有閣曰松風謾謾來吹人○本志云州西資聖院金錢井每月明輒有金錢影浮水上又云州治

內有玉環井形如玉環因名○文明樓額郡人何翁翁建臨邛魏了翁青里豪藏之家爲雷所擊移之書院雷復擊之凡三震而木不傷今懸在北門外樓上翁翁宋進士也了翁自號華父丞相○紫極宮在州南洋宮之側東巖中峯巍然時起後殿上有金鑄玄宗像宮中老君殿題字乃蜀王建永平年號○顏魯公本傳唐上元元年李輔國遣明皇于西宮真卿率百僚上表請問起居輔國惡之貶蓬州長史宋唐子西贈杜守詩云去天一尺古蓬州除守年來得勝流○圭峰禪師名宗密相傳

四川名勝志

卷之十三

圭

州之鷺鷥山有井井側有巨人跡師母履之而孕已婉師以爲不祥弃之野牛馬避弗踐鷺鷥羽覆之母乃收撫及長出家于青蓮山講經地涌青蓮八龍聽講今有八龍池

營山縣

在州東六十里

咸安在蓬州曰郡在營山曰縣若大蓬山則兼得而有之州之北山卽縣之南山也說者以爲大蓬之秀士嚴飛仙嚴朝陽洞魯公祠皆當縣界○按秀士嚴乃李特讀書處俗名天子讀書臺嚴下石室刻雲屋二字○志云登封縣令應真人諱靖唐

僖宗時爲登封令後棄官學道得仙紹興中何格非見之于大蓬飛仙巖東自是數至格非第○大蓬山有朝陽洞空洞可容數百人封塞已久萬曆中重開○續碑目云營山縣顏祠有米元章書仙真事石刻乃近日南克王隆吉得于費縣草莽中者翻刻于此○縣東四十里青羊山有青羊宮元人建真武古像碑刻存焉鳳院山頂有鳳凰臺相傳鳳凰曾棲其上有龍馬槽石形隱隱如龍鱗之狀宋郡守吳幾復詩蒼石皴文龍跡在清泉涵沫海源通○縣西南六十里披衣山天將雨山上雲

四川名勝志

卷之十三

圭

霧馳曳如披衣焉山上有雲山寺寺中有池去果州嘉陵江三十里江水或淺其池亦淺江水或漲其池亦漲號天生池其山又有青溪之水出焉○縣北百二十里孔雀洞洞門如圭竇其中宏敞左右有石床洞盡處有石孔雀水出蒙中

儀隴縣

在州北一百八十里

石銘儀隴洞勒金堆乃晉張英遇仙處也石門雙扇痕迹宛然事詳神仙記中○古方州置在方城山下今縣之主山也爲抱朴子結菴之處有抱朴菴三字刻于石壁圖經葛洪詩云酒盡君莫沽靈

傾我當發城市多驚塵還山弄明月卽此山作○
古伏虞縣置在伏虞山下宋僧道澄結菴于此孫
謬贈以詩曰聞說虞山有道澄白雲深處不開局
自言古佛何爲者只是無心一老僧刻石于本山
之奉國寺按距今治東六十里○若夫龍車之穴
四時花發六澗之水相伏合流火井天寒燭從地
出龍蛟聖水浴盤倍利則皆以秀特聞○縣界有
廢隆城郡在金城山頂四面懸絕石壁高八十丈
周廻五里惟西南稍通人馬故以隆城爲名○又
有廢大寅縣取大寅山之號唐廣德間改曰蓬池
四川名勝志卷之十三 壬午

四川名勝志

卷之十三

壬午

元省入○今縣與隆城大寅俱梁天監間所置者
以在大儀山之坂坂大曰隴也唐開元初移于
下平溪卽今理

四川名勝志卷之十四

閩中曹學佺能始著

潼川州

直隸四川布政使司領縣六

漢鄭縣三國志云先主入蜀攻劉璋遣諸葛亮等
分定州郡略郡至鄭百姓以牛酒犒師于會軍堂
山卽此地東廣漢郡後王置也十道記云廣漢之
地有鹽井銅山之富疏食果實之饒宋劉甲人物
志序唐以前凡稱梓潼者卽今之隆慶稱涪者卽
今之綿州惟稱鄭及廣漢縣乃潼川也潼川名州
自五代蜀重和始○唐楊炯送梓州周司功詩御
四川名勝志卷之十四 一

四川名勝志

卷之十四

一

溝一相送征馬屢盤桓言笑方無日離憂獨未寬
舉杯聊勸酒破涕暫爲歡別後風清夜思君蜀路
難盧照鄰送梓州高參軍京洛風塵遠褒斜煙霧
深北遊君似智南飛我異禽別路琴聲斷秋山猿
鳥吟一垂青巖酌空佇白雲心王維送梓州李使
君萬壑樹參天千山響杜鵑山中一夜雨樹杪百
重泉漢女輸寶布巴人訟芋田文翁翻教授不敢
倚先賢○唐肅宗時建東川節度使于此李洞送
東川高僕射詩油幢影裏拜清風十里貔貅一片
雄三印鎖開霜滿地四門關定月當空泉浮山

人家過詔惹爐香鳥道通新起畫樓芳客上絃歌
筵內海榴紅元稹詩序元和四年三月七日予以
監察御史使東川往來鞍馬間賦詩凡三十二章
秘書省校書郎白行簡爲予手寫爲東川卷云○
唐梓州叅軍蘇榮丞相味道之父到職授書鄉人
曰頃注吏部州叅子號縣帶鄉名由來不涉老身
併是婦兒官職孫光憲北夢瑣言云西川人言梓
州者我東門之草市也柳仲郢爲東川節度使美
績流聞嘗語人曰吾仕朝廷三十年清華備歷今
日始與西川作市令耶○州治名世堂畫司馬相

四川名勝志

卷之十四

二

如王褒揚雄嚴君平屈原陳子昂李太白蘇子瞻
八人皆蜀產而稀歸在蜀漢時爲建平郡故三閭
得兼收之東坡送周正孺知東川詩爲公掃棠溪
畫像蔚相繼自注云蜀中太守賢者無不畫像焉
○元和郡國志州城宋元嘉中築舊潼川志云州
之子城上紅樓重障時建碑曰云後唐武信軍軍
衙記廣政間歐陽炯撰蓮花漏天聖中燕肅爲守
日置以候昏曉仍自爲記○杜甫春日梓州登城
樓詩行路難如此登樓望欲迷身無却少壯迹有
但羈棲江水流城郭春風入鼓鞀雙雙新燕子依

舊已銜泥孫樵梓潼移江記云涪縹于鄴迫城如
幡潏漲秋狂突堤蕩廬榮陽公始至則思所以洗
民患乃鑿江東壩地別爲新江東北注流使水道
與城相遠百姓利賴之魏了翁潼川府新城銘云
嘉定中永嘉曹君奉使按刑乃建治城隍且包牛
峰移西溪爲久遠之計矣○通典云左帶涪水右
挾中江水經涪水出廣漢涪縣西北南至小廣魏
與梓潼水合注云小廣魏卽廣漢縣地王莽更名
曰廣信也昔岑彭與臧宮伐公孫述從涪水而上
卽此亦謂之內水矣李膺益州記云桃花溪在城

四川名勝志

卷之十四

二

東三十里從涪城縣南流入涪水○方輿勝覽云
州城東三里有東山寺一名普惠寺寺有蘇公泉
臨川門下瞰涪江志云隔江修阜如長城有蘇公
泉暨石塔在焉杜甫登普惠寺春日無人境虛空
不住天鶯花隨世界樓閣倚山巔遲暮身何得登
臨意惘然誰能解金印瀟灑共安禪魏了翁臨發
潼上許侍郎奕提刑餞于東山賦詩留別人生出
處亦何常又到涪江江上鄉山色如逢故人語
聲仍作去年香紅裳大船滿清鏡翠黛白沙明
陽未省此懽何日更擬邀明月照昏黃

亭宋蒲規記以爲蜀相高平公所建杜甫有鄭城西原送李判官兄武判官弟赴成都府詩○牛頭山在州西南二里高一里形似牛頭四面孤絕俯臨州郭上有長樂寺樓閣煙花爲一方之勝槩方輿勝覽云鄭江源出銅山縣赤岸溪遶牛頭山足入涪水亦謂之中江水又云石谷溪源出當州杜山下亦遶牛頭而入中水○九州要記云牛頭山葛仙翁多遊于此今立寺與白獸山相連秦時有白獸爲害夷人射之因刻石于此山遺像尚存圖經云牛頭山永福寺據其頂廣化寺據其岡羅漢

四川名勝志

卷之十四

四

夜潮按靈瑞寺有浮圖隋開皇建王勃碑文略云牛頭山者廣漢之名峰也圓裔幾乎數里直上逾乎百仞蒼岑隱嶙旁分玉砌之階碧洞逶迤下趣金陵之苑因危立戶跨險分榮又千山頂別立浮圖每至兩江春返四野晴初山川霽而風景涼林壑清而雲霧絕賞因時并筆爲神驅有情君子誰爲拾乎○神僧傳云牛頭山半有洞人傳八百里與眉州通曾有避罪者匿其中後于青神中嚴見之碑目云洞門寺一名天寧在牛頭山麓舊鐫洞門字于巖側○本志云州西五里三臺山下有

四川名勝志

卷之十四

五

古蔓垂水鳥翻荷葉山蟲咬桂枝遊人惜將晚公子愛忘疲願得迴三舍琴樽長若斯杜甫宴章梓州水亭詩城晚通雲霧亭深到菱荷吏人橋外少秋水席邊多近屬淮王至高門薊子過荊州愛山簡吾醉亦長歌○勝覽云兜率寺在南山一名長壽亦隋開皇建卽蘇軾詩所稱牛頭與兜率雲木蔚堆擁者林泉糾合之勢山川表裏之形抽紫巖而四絕疊丹峰而萬變連溪拒壑所以控引太虛蒸雲駕雨所以盪洩元氣見王勃本寺浮圖碑杜甫上兜率寺云兜率知名寺真如會法堂江山有

四川名勝志

卷之十四

六

植明晦皆效文用故日月星辰文乎旂常龜蟲鳥獸文乎彝器徐方之士文于侯社夏翟之羽文于旗旄登龍于章升玉于藻百工婦人雕鵠染練以供宗廟祭祀之用豈獨蛻也生知效用不及時文哉然而意嘗獲助于天不獲助于人故其窮雖窮無憾也當勤意之時不敢嚏不敢咳不敢唾不敢跂倚嗜欲躁競忘之于心其祇祇畏畏如臨上帝故有祭如星光如貝氣如蛟宮之水又有黠如屯雲如久陰如枯腐熬燥之色則有如春陽如華川逶逶迤迤則有如運海如震怒動蕩怪異夫十爲

四川名勝志

卷之十四

七

巴蜀棟宇自齊梁庾信哀雖久何顛好不忘白牛車遠近且欲上慈航文同前題兜率寺簿領迷人喜暫閒聊尋古寺陟孤巒栢藏一徑中間窄雲斂千峯四面寬遠目已將飛鳥過寸心更乞老僧安若爲借得禪房宿卧看龕燈一點殘寺內有文塚銘云文塚者長沙劉蛻復愚爲文不忍弃其草聚而封之也蛻愚而不銳千百工之技天不工蛻也而獨文蛻焉故飲食不忘于文晦冥不忘于文悲戚怨憤疾病嬉遊羣居行役未嘗不以文之爲懷也適當無事而天下將以文爲貴號文明代生

文不得十如意少如意則豈非天助乎常欲使天下聞之而必行勸之而必蹈散之茫洋以爲道演之浸潤以及物然後爲農文之使風雨以時兵文之使戎虜以順文于野文于市使得其所幽隱之士以出口者使之言材者使之用然而自振者無力終知者甚稀豈非不獲于人助乎嗚呼十五年矣實得一千一百八十紙有塗者乙者有注楷者有覆背者有珠璣圍者于是以周易筮之遇復之同人筮者曰鳴于地中殷殷隆隆七日不復復來其天下昭融乎它日更召龜而令之將聽葉吉卜

于火如秦兆惟曰不吉卜于水不成乎河洛兆則亦惟曰不吉卜于水而悶悶土叶吉墨紫爲塚則汲之兆乎峭峭爲壁則魯之兆乎且其占曰土之文爲阿山爲華英將不崩不竭爲滋味而傳乎結爲丘陵爲其設險乎融爲川瀆率其朝宗華爲百穀以潔祭祀之粢盛乎不然使其速腐爲墟壤生芻粟以食牛羊乎化爲泥塗甄陶以作器乎將塊爲五色而分封茅社乎流爲樂爲土鼓爲木槎以泄其和聲乎夷爲都邑以興宮廟坎爲洿池以澤生植乎祀爲壇窳平窳爲井墓乎吾皆不得而知

四川名勝志

卷之十四

九

也嘗既不得爲吾用惟速化爲百工之用慎母朽爲芝菌以怪人自媚慎母堅爲金鐵以作貨起爭慎母滴爲醲泉以味乎譚口慎母禱爲城社以狐鼠憑妖慎母聳爲良材以雕琢傷性慎母萌爲蘭茝以佩服見蕤鳴呼介而爲石使之服言舒而爲蟪使之飲泉既而他年遊魂之未返者亦命巫以巾三招之號曰在几閣而來歸兮視不汝醜在口吻而來歸兮譽不汝久噫筆絕之年而麟見祟其無祟乎含非珠玉斂無裙襦後世詩禮之儒無驚吾之幽墟其塚也在莽蒼之野大塊之丘時大

唐大中之丁卯而戊辰之季秋銘云文平文平有鬼神乎風水維貞將利其子孫乎按蛻字復思唐懿宗朝爲左拾遺上書言令狐綯之子滴不宜爲言官貶山陽令後寓居潼川又北夢瑣言云劉蛻桐廬人早以文學進士其父嘗戒之曰任汝舉進取窮之與達不望于汝吾沒後慎勿祭祀乃乘扁舟以釣魚自娛竟不知其所適蛻後登華貫出典商於霜露之思于是乎止臨終亦戒其子如先考之命蜀禮部尚書纂卽其息也常爲同列言之益部談資云文塚遮前古栢數百株皆虬枝而龍幹

四川名勝志

卷之十四

九

矣○志云州南五里印臺山趾方而頂圓故名其右三四里有落馬崖昔有易玄子乘馬至此馬化爲龍躍入江○州南七里有鶴林寺杜詩牛頭望鶴林梯徑遶幽深春色浮山外天河宿殿陰傳燈無白日布地有黃金休作狂歌客回看不任心按宋著作郎吳泳本州人著有鶴林集本此○碑目云王勃庾信護聖寺碑在城北本寺內又唐護聖寺鐘銘龍紀二年節度使顧彥暉鑄有銘又護聖寺水陸淨土巖北有甘露亭碑李潮八分書又甘露亭碑李雍書又護聖寺彌勒崖佛頌唐大中

年東川判官李商隱文門高僧傳云梓州城北有白門蘭若在長平山卽北山也山長而平故名碑目梓州官僚磨崖贊唐武后時司法參軍楊炯作在北崖字十六七磨滅不可讀炯又爲北山惠義寺銘曰長平山今建重閣上穹隆今下磅礴紛被麗分駢交錯儼靈相兮冲寂冥誰所爲今天匠作杜甫惠義寺送王少尹赴成都分得峰字冉冉谷中寺娟娟林表峰闌干上處遠結構坐來重騎馬行春徑衣冠起晚鐘雲門春寂寂此別惜相從

射洪縣在州南六十里

四川名勝志卷之十四

十

縣西魏所置李膺益州記云婁婁灘東六里有射江土人語訛以江爲洪按志後周從俗因改射洪矣汪水經云涪江水又東南合射江志云射江在縣東十五里源自劍州歷梓至獨坐山下與涪江合流○楊用脩雜字韻寶云嶽大壑也俗省作洪川中之射洪徐州之呂梁洪義皆取此子攷寰宇記云萬頃澤田在通泉縣東北二十二里澤內方萬頃是亦與大壑之義近矣通泉亦西魏置今併當縣○陳子昂故宅在東武山下去縣北里許本集云子昂四世祖陳方慶好道隱于此有唐朝道

觀址而真諦寺在其左有暉上人者子昂與之往還本集酬暉上人夏日林泉詩聞道白雲居窈窕青蓮宇品泉流維謝石室千年古林間對軒窓山陰滿蓮戶方釋塵勞事從君襲蘭社又酬暉上人秋夜山亭有贈皎皎白林秋微微翠山靜禪居感物變獨坐開軒屏風泉夜聲絕月露宵光冷多謝忘懷人塵憂未能整又暉上人房餞齊少府使人京府序云永淳二年四月孟夏東海齊子宦于此州雖黃綬位輕而青雲器重故能委邦君而坐爾屈刺史而知名屬乎鑒駕巡方諸侯納貢將欲對揚天子命我行人執玉帛而當朝擁駟驂而戒道指途河渭發引岷嶓粵以丙丁之日次于暉公別舍蓋言離也爾其巖泉列坐竹樹交筵吐青霏于軒窓栖白雲于左右參差池榭亂山水之清陰繚繞階迤雜峯崖之異勢入禪林而避暑肅風景于中庭開水殿而追涼徹氛埃于戶外瑤琴合奏翠竿時行譚窈窕于天人極留連于晷刻旣而歡樂極良晨征攀白日而不迴唱浮雲而告別山光黯黯凝綠樹之將暝嵐氣沈沈結蒼雲而遂晚雖同交未阻風月可留岐路方乖關山咸恨嗟呼朝廷

四川名勝志卷之十四

十一

子入期富貴于崇朝林嶺吾棲學神仙而未畢青霞路絕朱紱途遙言此會之何時願相逢而誰代永懷千古豈知仁者之交凡我三人盡崇不朽之迹斯文未喪題之此山同疏六韻云爾口碑目云陳拾遺故宅有趙彥昭郭元振題壁杜甫過陳拾遺故宅詩拾遺平昔居大屋尚修椽悠揚荒山日慘淡故園煙位下朽足傷所貴者聖賢有才繼騷雅哲匠不比肩公生揚馬後名與日月懸同遊英俊人多采輔佐權彥昭超玉價郭振起通泉到今素壁滑灑翰銀鉤連盛事會一時此堂豈千年終

四川名勝志

卷之十四

十三

古立忠義感遇有遺編○圖經載陳拾遺建德碑大曆六年趙僭代梓州鮮于刺史作○子昂讀書在金華山志云上拂霄漢下瞰涪江有玉京觀在本山上東晉陳勲學道山中白日仙去梁天監中建觀有唐明皇所鑄老君像陸魯望云枝峰蔓壑秀氣磅礴不啻神仙登臨也觀有宋治平二年賜號玉京延祐元年道士陳若海重修一年歲次乙卯九月丙午朔重九日甲寅前渠州學正杜文炳記本集春日登金華觀詩白玉仙臺古丹丘別望遙山川亂雲日樓榭入煙霄鶴舞千年樹虹飛百

尺橋遠疑赤松子天路坐相邀杜甫到金華山觀因得故拾遺陳公學堂遺跡涪右衆山內金華紫崔嵬上有蔚藍天垂光抱瓊臺繫舟接絕壁杖策窮縈迴四顧俯層巖澹然川谷開雲嶺日色死霜鴻有餘哀焚香玉女跪霧縈仙人來陳公讀書堂石柱仄青苔悲風爲我起激烈傷雄材盧藏用贊曰岷山導江回薄紫雲其瑰寶所育則生異人於戲才可兼濟屈而不伸行通神明困于庸墜子曰道之將喪也命矣夫○蜀志補遺有陳子良者子昂之兄

四川名勝志

卷之十四

十三

也詩工樂府見文苑英華兼精醫術著日華子行于世○上方寺在北關外唐有釋氏文公知名杜甫贈之詩云野寺隱喬水山僧高下居俯視萬家邑烟塵對階除吾師雨花外不下十年餘長者自布金禪龕祗晏如○半里爲黃溪相傳黃初平叱石成羊處又里許爲石鏡寺盧照隣詩古墓芙蓉塔神銘松栢烟鷺沉仙鏡裏花沒梵輪前鉢衣千古佛寶月兩重圓隱隱香塵夜鐘聲徹九天按寺宋淳熙間復建國朝成化三年僧繼圓于草莽中得古碑字漫滅不可攷惟存一詩云昔日朱輪

守經過野寺家柱間留墨跡泉下隔年華雲去空
雕檻風來捲碧沙江山雖似畫每到動吁嗟繼圓
因遺址重脩○益部資談云射洪北三十里山巖
迴合梯磴逶迤谷口石刻風磴雲門四字乃唐何
將軍山林也杜少陵與鄭廣文同遊處○于昂墓
在獨坐山山形周迴一里高一百丈卓然孤峻南
枕涪梓二水志云此山似人巍然獨坐故名距縣
南十五里盧藏用題曰道喪千載而得陳君子昂
郭延調詩魂逐東流水墳依獨坐山○其東北曰
公成山唐時梓潼官吏掘得石龕龕中有尊像一
四川名勝志 卷之十四 南

真人六獅子昆侖各二于時王維爲留司表賀略
云是聖祖見于萬春鄉語絳都人而指其處也周
流六虛言于晉而驗于蜀混成一氣出于有而入
于無未達齋心初迷三里之霧旣符真氣俄成五
色之雲山腹洞開仙容儼若萬物今觀千劫未逢
矣○縣巖山在縣南十五里遠望懸崖倏如白雪
舊名白崖山天寶三年勅改今名按卽玉屏山也
下有陸使君祠使君諱彌梁代瀟湘州刺史卒于
官觀過射洪之玉屏山而舟覆瀝人哀之爲立廟
于此上人呼曰白崖廟宋世賜號顯惠梁書有傳

卽陸放翁所云以杜詩爲籤譜性有驗者○又
五里爲龍門洞志云在附龍山右里許宋良菴生
生隱處紫岩張公嘗訪之大書龍門二字左有紫
岩雙圖書又其下題云淳熙戊申仲冬十二日泰
國張煒自翠麓縱步長菴龍門獲觀先公大師魏
國忠獻遺跡江山增重燁燁拂塵不勝感慨○又
五里爲全真觀有古柏一株形如卧龍又名木龍
觀○又二十里爲乾明寺唐貞觀間僧慧悟開山
宋熙寧中僧居信建寺中有御書閣其下爲堂遊
可容百人柱皆連抱兩山盤礴檜栢森然知軍州
四川名勝志 卷之十四 五

事陳鵬所記○又五里爲歸雲洞洞深四丈五尺
廣八尺餘其高如廣之度中有石榻二石龕二茶
竈石碁局各一宋翠象求先生讀書處按象求通
志稱中江人第進士官至侍講出將指使入侍經
筵存心制行爲士所矜式云右已上皆通泉縣西
境○按通泉縣治沈水出焉黃嶺名川大浸名寺
取流泉交注之義也寰宇記云沈水在通泉縣北
卽漢臧宮破公孫述將延岑處通泉山在縣西北
二十里東臨涪江絕壁二百餘丈水從山頂湧出
下注涪水湧泉郡故城在此楊天惠述鰲閣記云

通泉爲梓名邑江山秀潤土田平夷○碑目云晉雲南太守段宋仲德政碑在通泉縣碑在墓下唐薛稷書慧普寺三字方徑三尺筆畫雄勁在通泉壽聖寺聚古堂按慧普寺梁大同中建初造彌勒下生一座相好端足唐貞觀初放光戶牖明燭人稱異焉王勃頌曰長江舊城廣漢遺區川分潼峽塞接岷渝間閭四合亭障咸紆爰開寶地實控名都霞牆百雉雲堦四注紫闕尋烟楹樓結霧波流虹起雷奔蛟步網罩星鴉暗栖月兔靈機藻綵禪室安閒琬金範玉舉翠浮丹神功不夜虛室長寒

四川名勝志 卷之十四 六

光超有色脫出無端清露花徑飛泉葉戶礪綠苔秋山蒼樹古茫茫庶幾巍巍淨土鶯鷺同歸華夷共聚第一義諦寥廓法門迹離生滅思舉乾坤情迷則復道在爲尊唯名與器萬古長存○張彥遠名畫記云薛稷畫鶴在通泉縣署屋壁後老杜詩薛公十一鶴皆寫古田真卽此唐詩紀事郭元振神龍間尉通泉任俠使氣不事小節武后召欲詰問旣與語奇之索所爲文章上寶劍篇后覽之嘉歎杜甫過代公宅詩豪傑初未遇其跡或脫略代公尉通泉放意何自若及夫登袞冕直氣森帷薄

磊落見異人豈伊常情度我行得遺跡池館皆疏鑿高詠寶劍篇神交付冥漠○志云郭代公墓在通泉縣東按普惠寺小園有代公姬薛氏頌地陳子昂爲誌銘○續高僧傳載通泉縣西山有大佛像高百三十尺兩邊泉流唐貞觀中慧震所鑄○宋淳熙二年成都府轉運判官李石知幾義家偶爲射洪雍氏撰丙申歲射洪縣主簿管學事韓南杞重跋

四川名勝志 卷之十四

十七

四川名勝志卷之十五

閬中曹學佺能始著

潼川州二

蓬溪縣在州東三十里

唐開元中所命名以蓬萊溪在其境內也縣有三興之號晉爲晉興又爲巴興唐爲唐興矣有赤城山神君之跡著焉有青石山鄧芝之墓存焉有長江賈島之祠設焉○按赤城山在治東一里中峰蔚然左右環拱上有七曲老人祠高堂五層山皆赤土張神君解道德經于此產九節菖蒲蓬萊溪四川名勝志卷之十五

遶其下流入涪江○青石山隋置青石縣所理卽晉興縣也有祠甚嚴九州要記云天下青石無加于此可爲鐘磬華陽國志曰鄧艾征涪陵見玄猿緣其山艾性好弩手自射猿中之猿子拔其箭捲木葉塞其創艾嘆曰吾傷物之性其將死矣見此山之美後遂葬焉李膺益州記云青石嶺有九折亦名九節嶺九嶺之溪水出焉碑目云青石縣九節鎮金地院有孝童孝女碑按在今縣東南百里與合州連界○長江後魏置者亦卽巴興縣也楊炯長江縣先聖孔子碑云鄉閭少事風月多懷命

童子于雲臺就門人于相國冬禮春詩之化再造雙川淹中稷下之風一匡二蜀云爾○明月山在縣西南二里王薄范陽賈島詩言心俱好靜僻署落暉空歸吏封官鑰行蛇入古桐長江微雨後明月衆星中若任遷人去西溪與剡通又送僧詩云久住巴興寺如今始拂衣欲臨秋水別不向故園歸寄令狐相公云策杖馳山驛逢人問梓州長江那可到行客替生愁○志云浪仙有祠在長江壩舊主簿解址唐杜荀鶴詩謫宦自麻衣衙寃至死時山根三尺墓人口數聯詩仙桂終無分皇天似有私暗松風雨夜空使老猿悲唐安錡詩倚恃才難斷昂藏貌不恭騎驢衝大尹奪卷悞宣宗馳譽超先輩吟詩下我儂司倉舊曹署一見一心忡曹松詩先生不折桂謫去抱何寃已葬離燕骨難招入劍魂旅墳低却草穉子哭勝猿冥漠如搜句應全賀監論口宋龔鼎賈浪仙祠堂記云唐韓退之善爲歌詩導性情一時相從者如孟郊張籍最號友善而浪仙學詩于劉又晚得偕與二子游頗以才調相推高觀其風致清澹得之自然誠亦郊籍之儔也故後世學者語騷雅之流裔孰敢外三子

焉浪仙由長江徙官安岳而卒于會昌三年凡爲
編次其詩者二人許彬者謂之小集而天仙寺泮
居無可謂之天仙集當時之人有可名者烏俱請
之讚天仙集傳之既久又以讚爲退之之辭然退
之前後二集皆所不載及得李洞句圖序質之然
後信其非也浪仙于舊史無傳邇來朝廷新其書
遂得附名于退之之後而頃歲居官者置祠堂于
蜀上神廟廡之次今伯氏實佐令長于是邑嘗議
其堂雜與神居非所宜也而尉有西圃者在唐爲
主簿之廨址誠得遷其舊構更以繪像無僥邑人

四川名勝志

卷之十五

三

西

于義何有既遂經畫而就之其屋不華而完其地
不典而清兩傍封植筠柏鬱然嗚呼浪仙沒距今
二百二十餘歲矣名始著于史策而其遺貌又得
宅于故處廼知士之能蹈善雖日用之遺必有爲
黼黻其迹者今幸爾嗣其身後之所待措之無窮
宜不復恨矣而伯氏遠以書諭俾文其實且使後
人知改作之有由也○碑目云招隱洞在長江縣
南二十里內有唐貞半千題字可揭又有唐磨崖
金剛經圖○長江覺苑寺有唐元和十二年遂州
刺史張九宗撰鑄鐘記併書○異物記云長江縣

界有珠玉村其下爲珠玉溪又有火井在客館鎮
之北二里伏龍山下地窪若池以火引之則有聲
隱隱然發于池中少頃熾炎夏月積雨停水則焰
生水上水爲之沸而寒如故水涸則土上有焰觀
者至焚其衣裾也○舊唐興縣設在客館鎮杜甫
記云中興之四年王潛爲唐興宰修厥政事始自
鰥寡憫獨而和其封內非循循不畏險庸而行
而宣咨于官屬于群吏于衆庶曰邑中之政庶幾
繕完矣惟賓館上漏下濕吾人猶不堪其居以容
四方賓賓其謂我何改之重勞我其謂人何咸曰

四川名勝志

卷之十五

四

西

誕事至濟厥載則達觀于大壯作之開闢作之堂
構以永令圖崇高廣大踰越傳舍通梁直走鬼將
墜壓素柱上承安若泰山兩序傍開發洩霜露潛
靚深矣步櫺複霑萬瓦在後匪丹腹爲實踈達爲
廻廊南注又爲覆廊以容介行人亦如正館制度
少劣直左階而東封殖修竹茂樹挾右階而南環
廊又注亦可以行步風雨不易謀而集事邑無妨
工亦無賈財人不待于來定不待方中宿息井樹
或相爲賓或與之毛天子之使至則曰有人焉某
無以栗階州長之使至則曰某非政賓也子無所

用組四方之使至則曰子貺某多矣敢辭贊或曰明府君之侈也何以爲人皆曰我公之爲人也何以侈子徒見賓館之近夫厚不知其私室之甚薄器物未備力取諸私室人民不知賦歛乃至于館之醢醢闕出于私厨使之乘駟闕辦于私廐若豈爲亭長乎是躬親也若館宇不修而觀臺榭是好賓至無所納其車我浩蕩無所措手足獲高枕乎其誰不病吾人矣玼瑕忽生何以爲之是道也施舍不幾乎先覺矣其之朋友嘆曰美哉是館也成而人不知人不怒解署之福也府君之德也府君四川名勝志卷之十五 五

中江縣

在州西一百一十里

眉山程建用與蘇子瞻書云中江于東蜀號爲劇邑以衰拙臨之始至若無暇泊半年而滯獄清期年而庶事稍就叙乃謀葺亭臺池館之舊則西園之勝有環翠亭焉亭面北而枕南相傳以薛公田所建也亭前兩株桐挺直無節目高二丈餘枝葉扶疎亭後梵石爲山傍植紅蕉三面控掩以墻墻

間列詩碑皆薛公與其子球任本路憲日并歷政諸公所作表百有五十丈曰養閑亭亭之後爲願正堂夾堂植花菓堂之東爲潛閣閣之前壯丹敷叢深紫色此蜀花之鮮有也閣後懸窓窓外竹百餘本紫如蕤纖如綺森如來高出簷際皆廖公子孟創植文公同爲之記其亭雄壯冠于邑居西有臺高丈餘榜曰觀風登臺倚欄其南北與西境山川歷歷可觀惟東則爲亭屋縣樓之所蔽西有樓妙山山有洞田真人所名也今爲集虛觀古記云此地舊多惡虫蛇唐廣德中真人自南陽來卜居四川名勝志卷之十五 六

象昔之邑名與山皆取于此僧寺枕其麓傍以大雄而玄武之象實寓其中其下有淵淵前後石大如拳小如彈連延五七里石龜甲之文者又有蛇蟠之形者濱江之民塚之以售于好事此物理之不可考也觀風臺之南有一亭亭壁塑亂山勝口栩栩產取夢蝶之義昔官于此者或譏其荒寂彼固以此爲名建川因而廣之以塑我眉山景而致其意焉建川昔寓我舟六七年歸吾鄉而卜居于北郊則又遠與之相直每春晴秋曉則大蒼翠噴嶂巍然當吾廬之門自從官于茲別是山也不爲

四川名勝志

卷之十五

七

不久而歸遊未有期故形于塑塑匠邑民也亡慮百餘人凡兩川釋宮老廟之象與夫豪貴之家欲狀山川禽獸草木之類莫不出于匠邑選其匠之尤者而指示以圖于是曲盡其妙自公之暇近而觀之由其足而循之以至于頂磴道橋閣相屬如線僧寺山洞皆如其地聲雷之穴光相之巖枯木飛瀑鮮不悉備恍然以爲昔年之旅寓也遠而觀之瑣碎不能分而大勢橫休天半忽然以爲出吾廬而倚衡門也嗟乎玩其塑以爲真其迷可笑然窮其真亦何異于塑而玩之者未能離形骸之內

則真與塑何所往而非迷况區區之迹旅寓之年與夫去北郊之居逾二紀矣凄然傷齒髮之暮而彼崔嵬者不失其故不知冥冥中去者彼亦不得而遞此千道未明者之所爲豈可以累于通人哉建川欲易栩栩之名而記其所以塑壁之意恨才力之不足故舉一邑之大槩以似明公雖最爾之地不足以掛文翰亦願明公命一名撰一記使不才之人得以附諸末幸也子瞻答書云軾啓自別承久多難流落百事廢馳不復通問獨吾兄不忘疇昔時枉遠書感忤不可言讀別紙所記山水園

四川名勝志

卷之十五

八

亭之勝廢卷閉目如到其間所要亭記豈敢于吾兄有所惜但多難畏人不復作文字惟時作僧佛語耳千萬體察非推辭也遠書不欲盡言所示自是一篇高文大似把飯叫饑聊發千里一笑會合無期臨書悽然○文同中江縣新堤記云縣爲江所環故名之按縣東西有二橋河水所經西橋河自縣州來者逕羅江縣至此始可舟古巴歌云豆子山打瓦鼓陽平山撒白雨下雨取龍女織得絹二丈五一半屬羅江一半屬玄武卽此水也志云西橋河邊有洗墨池水色如墨唐文如海註南

華經于此○碑目云游倦觀老君碑田真人殿記
俱在中江縣西集虛觀蜀廣政六年立昔南陽田
真人寓栖妙山修煉每江漲往來水上如履平地
廣德中于市南石橋上輕舉後人因爲之立觀至
宋重修縣尉車彥遠有記杜甫詩凱州城下湍水
流凱州城隅多古丘集虛道人復見白雲西北
多悠悠○方輿勝覽云勾溪廟卽天齊王祠蘇子
瞻詩遙知勾溪路老稚相扶擁看畫古叢祠百怪
朝幽拱卽此通志云勾溪廟在中江治西祀隋凱
州守李直之也直之字正叟本長安人刺史凱州
四川名勝志卷之十五 九

遠于外試之皆然○城外東西二水至玄武山下
合而東南流九州要記云玄武山一名赤雀山一
名宜君山山有崖尾八頁又華陽國志云玄武山
一名三峒山在縣東二里其山六屈三起出龍骨
傳云龍升其山值天門閉不達死于此後沒地中
民掘取其骨入藥○唐詩紀事王勃盧照隣邵大
震九月九日登玄武山旅眺偶和有絕句見詩話
中杜甫題玄武禪師屋壁何年顧虎頭粉壁畫淪
洲赤日石林氣青天江海流錫飛常近鶴杯度不
驚鷗恍若廬山路真隨惠遠遊○志云玄武山卽
四川名勝志卷之十五 十

大雄山也聖水泉出焉王勃集謂玄武山有聖泉
浸淫歷數百千年乘巖泌湧接磴分流下瞰長江
沙堤石岸咸古人遺跡茲乃青蘋綠芰紫苔蒼蘚
遂使江湖思遠寤寐寄託旣而崇巒左披石壑前
縈丹嶂萬尋碧潭千頃松風唱響竹露垂空滿滿
乎人間之難遇也嗟夫古今不改方深川上之悲
少長同遊且盡山陰之樂盍題芳什共寫高情得
泉字詩曰披襟乘石磴別藉宴深泉蘭氣薰山酌
松聲韻野絃響飄垂葉外香度落花前興盡林塘
晚重巖起夕煙○子安有題玄武山道君廟詩序

云吾之有生二十載矣雅厭城闕酷嗜江海嘗學
仙經博涉道記知軒冕可以理隔鸞鳳可以術待
而事親多衣食之虞登朝有聲利之迫清識滯于
煩城仙骨摧于俗境嗚呼阮籍意疎嵇康體放有
自來矣常恐運促風火身非金石遂令林壑交喪
煙霞放蕩此僕所以懷泉壑而慙恐臨山河而歎
息者也粵以勝友良暇相與遊于玄武西山廟蓋
蜀郡三靈峰也山東有道君廟古者相傳以名焉
爾其丹壑縈倚玄崖糾合俯臨萬仞平視重玄乘
杳冥之絕境屬芬芳之暮節玉房跨霄而懸居瓊

四川名勝志

卷之十五

士

嘉

臺出雲而高峙亦有野獸群狎山鶯互啁崇松埒
巨栢爭陰積瀨與幽湍合響眇眇焉逸逸焉王孫
何以不歸羽人何以長往其玄都紫微之事耶方
歛手鐘鼎息肩巖石絕視聽于寰中置形骸于度
外不其然乎時預乎斯者濟陰鹿弘胤安陽邵令
遠耳盍詩以言志不以韻數裁焉詩曰源水終無
路山阿若有人驅羊前動石走兔欲投巾洞晚秋
泉冷巖朝古樹新斜崖連鳥翅疊磴上魚鱗化鶴
千齡早元龜六代春浮雲今可駕滄海遂成塵又
有遊廟山賦序云玄武山西有廟山東有道君廟

四川名勝志

卷之十五

主

蓋幽人之別府也長蘿巨樹捎翳雲日王子馭風
而遊泠然而喜益懷霄漢之舉而忘城闕之戀矣
思欲攀洪崖于煙道邀羨門于天路仙師不存壯
志徒爾俄而泉石移景秋陰方積松栢群吟悲聲
四起背鄉關者無復四時之策焉嗚呼有其志無
其時則知林泉有窮路之嗟煙霞多後時之歎不
其悲乎遂作賦曰陟彼山阿積石叢叢亭阜千里
傷如之何啓松崖之密蔭攀桂岳之崇柯隔浮埃
干地絡披顯氣于天羅爾其綠巖分徑蒼岑對室
菌軒丹紉芝場翠密俯泉石之清冷臨風颺之悲

颺仰丹臺而劈手望玄都而容膝躡霞岡于玉砌
步雲岳于金壇懷妙童于真女想青嶠及碧鸞情
恍恍而將逸心迴迴而未安見丹房之晚晦知紫
洞之宵寒旣而霧昏千嶂煙浮四野恨流俗之情
多痛飛仙之術寡驅逸思于方外踟高情于天下
使蓬瀛可得而宅焉何必懷此都也亂曰已矣哉
吾誰欺林壑逢地煙霞失時託宇宙兮無日俟鸞
虬兮未期他鄉山水秋令人悲○去縣五里爲火
烽山通志云諸葛武侯嘗于此置烽火十里爲犂
牛山李膺益州記云山長八里高出衆峰形如鐔

另○又爲年谷宋史年煥中江人隱居讀書躬耕而食人勸之仕不可嘗有詩云日中還有月盈還有缺我心比日月晝夜常皎潔鑿石龕藏書銘之曰龕虛其中惟書之容忍楞爾腹萬卷而足此山巖我人龕相磨書傳世久永親以壽○二十里爲覆船山十道錄云堯時洪水州人維舟泊此覆于樹下因名覆船山又名泊山益州記云覆船山中十五里有七里坂一名羊腸坂屈曲壁立難昇之路○百里爲銅山昔漢文帝時鄧通采鑄之所後立銅官大鳥山小鳥山大鄒水小鄒水皆出于四川名勝志卷之十五 三

其處也○寰宇記云大飛鳥山高二里周廻二里又有小飛鳥山高一里周廻二里重巒峻削兩山相向如飛鳥之狀隋唐飛鳥縣鎮皆以此名又云鄒江源出銅山赤岸卽故鄒王城也流至飛鳥合衆流八江小鄒江源出蓮池鄉小山下東流六七十里合鄒江王勃飛鳥縣白鶴寺碑云白鶴寺者蓋菩提寺之遺址梁武皇之所建也憑絕磴以圖規俯長溪而作固神明攸宅駕日月以長驅鸞鳳知歸撫雲霓而上出矣○按飛鳥縣隋開皇間置卽故鄒王城也銅山縣唐上元間置卽舊銅山監

也俱離城百六七十里○著作記云蜀鑑中江吳昌裔撰其書率周漢以來至宋蜀道得失興師取財之所○文獻通考吉甫影響錄十卷晁氏曰中江岑象求撰象求熙寧末開居江陵披閱載籍見善惡報應事輒刪潤而記之

遂寧縣在州南二百里

東晉置郡曰遂寧以其遂寧茲土也定漢之廣漢縣蜀先主之東德陽縣後周武帝之石山郡矣宋宣和初以徽宗潛邸陞爲遂寧府元改爲州國朝降縣○唐武德貞觀等年設都督府及東川防四川名勝志卷之十五 十四

禦使于此故文苑英華載有岑文本冊遂州都督彭王元則文使持節督遂州果合四州諸軍事○顏杲卿瑯琊臨沂人天寶初任遂州司法叅軍後陞常山太守討安祿山○劉儀鳳南樓記云平原沃野貫以涪江氣象寬舒爲東蜀之都會李石賦云山維東蜀如連如伏此貞觀之所以建督府而我宋之所以壯龍邸也碑目云東蜀道院在郡治內昃于西爲記○按五代史孟知祥兵圍東川唐節度使夏魯奇死守檄諸道文有城如斗有壁如金卽此知遂州軍事李嗣忠節廟記略云方董孟

連衡稱兵十萬突次明月池而公以騎卒二千勢
不相軋乃堅壁清野坐固強敵始自戊寅迄于已
已不幸食盡勢窮義不苟生背裂血面竟以死謝
駒守是邦追維前烈遂度地下東城之閭建廟請
額刻之堅賦以風來世本志稱遂寧治後有忠井
卽故節度夏公魯奇死所每晴明霞彩上浮人莫
不覩之○陳子昂遂州南江別諸親故詩楚江復
爲客征棹方悠悠故人憫追送置酒此南洲平生
亦何恨夙昔在林丘達此鄉山別長謠去國愁賈
島處州使君改任遂州因寄贈云庭樹幾株陰入

四川名勝志

卷之十五

圭

刊

戶主人何在客聞蟬鑰開原上高樓鏤瓶汲池東
古井泉趣靜野禽曾後到休吟隣叟始安眠仙都
山水誰能憶西去風濤書滿船鄭谷將之瀘郡旅
次遂州遇裴晤謫居于此話舊淒涼因寄詩云誰
解登高問上玄謫仙何事謫詩仙雲遮列宿離華
省樹陰澄江入野船黃鳥晚啼愁瘴雨青梅早發
中蠻烟不知幾首南行曲留與巴兒萬古傳范成
大遂寧府始見平川喜成短歌峽之西遂之東更
無平地一千里惟有高山三萬重不知誰人鑿混
沌獨此融結何其工我本吳江弄水月忽來踏編

西南峰不知塵界在何許但怪星辰浮半空直疑
飛入蝶夢境此豈應有行人蹤今朝半遠見城郭
云是東川軍府雄原田坦若看掌上沙路淨如行
鏡中芋區粟隴潤含雨楮林竹徑涼生風將上驢
呼馬蹄快康莊直與錦里通半年崎嶇得夷路一
笑未暇憐飄蓬○輿地紀勝云宋建炎間遂寧府
轉運使衙後圃有松石外猶松栢而中化爲石又
云近郭東北有村三十里許彌望皆桃李春時盛
開爛熳如錦綺郡守春日講出郊故事于此○碑
目云蜀安國寺有碑在遂州羅城外永平二年立

四川名勝志

卷之十五

六

刊

石○志云城南報恩寺前有白塔一名白塔院舊
傳隋煬帝公主隨夫謫蜀建此塔中藏舍利一粒
大如櫻桃今寺廢塔存歲有鶴來巢其頂宋改今
名○寰宇記云梵雲山三面懸絕東臨涪江西枕
落星池按志在縣南三里○縣東二里雲靈山與
華香山相連有飛來石二挺立巖隙有唐人呂鼎
張九宗詩按尋香山本名血腥山唐刺史白子昉
改今名○碑目云縣東七里靈泉山壁間鐫七泉
二字東坡筆王象之云隋開皇中靈泉山大霧晦
冥三日始散忽有釋迦石像立其所遂建聖佛寺

卽資聖院也孫諤詩四山藏一寺方丈歷諸峰回首坐禪處白雲深幾重○紀勝云廣利寺在縣西五里巖壑之勝甲于一方雲廚之供香間隔宿唐建中初建爲普濟寺大祐改元爲再興寺宋乾寧爲廣利寺 國朝爲廣德寺開山克幽禪師相傳爲大士化身也及宋釋者文易壁山人惟靖閬中人俱入廣利浮屠說法爲第三第四禪師 以萬曆壬子歲過之遍募碑刻有唐觀察支使朝議郎簡校尚書工部員外郎兼侍御史柱國賜緋卒仁表撰敕賜遂州再興禪林寺記天祐改元甲子特

四川名勝志

卷之十五

十七

碑

遂州軍州兼管內勸農事權勾軍州事武騎尉畢緋何修輔梓州路轉運判官飛騎尉賜緋許安石梓州路轉運判官兼提舉學事飛騎尉謝瑾崇寧二年癸未立石尚書省牒奉敕宣賜開覽慈應慈威大師牒至准敕故牒衆知政事鄭均石丞相 乾道九年十二月御寶崇寧甲申大師忠惠秦國公何東劉懷遠詩云大士難知何代人克幽開創實艱辛細思勛骨相連理元是金剛不壞身廣利月華千古皎補陀潮水四時新可能得悟如來意使我靈臺不染塵慶元丙辰二年中書省衆知政

四川名勝志

卷之十五

十八

寺

菩薩骨乃復興建寺塔有五色圓光現谷中人以爲觀音大士化身然見趙嗣業記○碑曰云縣西長慶院有浮螺亭又有十高五十六體篆字碑○志云真如院在縣東南十五里唐咸通中建石壇上有大寶幢高二丈餘刻西方神呪又倚山起屋鐫石爲佛凡佛龕一百儀仗三千○縣北二十五里蓮華寺一名崇善院隋袁使君別業也其相近法寶寺一名妙臺宋陳志剛文彥修遊此有碑云自城中來飲切虛堂歲晚江寒極目烟靄罷倦欲登妙臺更索照上座茗椀乃去○又二十里龍池

四川名勝志

卷之十五

九

寺故老相傳池側有柳樹大十圍周武帝天和初有龍自樹下升天士女共觀之自龍升後其樹乃枯池亦淺竭○縣南五十里有花板寺元憲宗入蜀在此寺中生一子名辨都尋卒于此後每遇大雨陰晦見太子着赤袍行水上鄉人以爲神遂刻像立祠祀之○大佛寺在縣南一百里卽古定明院在下遂寧縣南唐咸通中建前依巖石宋治平間賜額定明其巖上有石佛首靖康丙午道者王了知命工展開身像高八十八尺下俯江流寺前有石壁立色如黃羅故俗名黃羅帳其左右有石磴緣

巖人撫掌則鳴其聲如琴又有合掌石石左右向宛有指爪介于湍流中按下遂寧卽小溪縣也晉永和間置元時省入○碑曰云唐張九宗題記在城東崇玄觀其字圓勁有虞楷風骨○志云縣東十里嵩山觀亦唐呂昌詩兩目行山典尚稠塵緣未斷且回頭一天風雨吹涼閣四面藤蘿伴客留着眼盡難爲業障平生無過是浮漚何須底死言名利尋得清閑卽便休○又三十里爲龍頭山山有石勢似龍首狀唐乾元二年奏建龍歸寺○寰宇記云鶴鳴山在城東北二十里上有古觀松上

四川名勝志

卷之十五

十

常有鶴唳○志云集虛觀在城北二十里廣山山極孤峭斗入江心涪江鄧水合其下下有龍潭山常動搖有銅鑄明皇像殿柱上有葛瓊題字削之愈明絕頂有葛仙洞洞中有碑記詩云几字江頭鎖翠烟一峰桺立已參天我來直上無人識贏得清閑盡日眠○輿地紀勝云遂寧有上清觀祀董上仙像上仙唐小溪縣民女也神姿雅異一日紫雲垂布于庭天樂童引之上昇父母號泣呼之復下開元中詔迎入闕乞還未久竟仙去詔置像于上清觀志云又于此地建唐興館今唐興觀是

也入蓬溪界○游宦紀聞唐翰林學士元庭堅罷
遂州叅軍讀書郊外有人身而鳥首者衆鳥隨之
詰元曰願教君以字音及鳥語庭堅不之怪與往
來歲餘盡傳音律清濁之音至陰陽術數無不通
達在翰林日著韻英十卷○輿地紀勝小溪縣有
司馬光像在天章祠內公父池嘗宰是邑既畫像
祀之後又增入溫公云○紀勝又載遂寧縣治有
元祐閣畫元祐人物其上

鹽亭縣在州東一百里

秦亭也有鹽井梁始縣之其東北六十里有唐永

四川名勝志

卷之十五

王

利

秦縣址○唐趙徵君縫鹽亭人習術數之學隱居
不仕著長短經李太白往訪之縣有濯筆溪云太
白從徵君習書處○廢永泰縣文同與可生干其
鄉丹淵集有北橋記白叙邑令郭君經請于其邑
人文同者又有永泰劉令清暇亭詩云木杪照初
日捲簾知曉晴軒窗無限思圖史有餘清露下深
花重風來泛竹輕何須嫌五斗持此謝淵明○與
可有夏日閑書墨君堂壁詩云先人有弊廬治水
之東邊我罷漢中守歸此聊息焉是時五六月赤
日烘遙天山川盡燦燦草木皆焦燃塵襟既暫解

勝境乃獨專高林抱深麓清陰密右綿層巖敞戶
外淺瀨流窓前邀客上素琴留僧酌寒泉竹簟白
石枕穩處只屢遷忽時乘高風遠望立雲烟野興
極浩蕩俗慮無一緣氣爽神自樂世故便可捐却
憶爲吏時荷重常滿肩几案堆簿書區處忘食眠
冠帶坐大者額汗常涓涓每懼蒙深責取適敢自
便安閑獲在茲恍若夢游仙行將佩守符復爾趨
洋川山中豈不戀事有勢外牽尚子願未畢安能
賦歸田○杜甫行次鹽亭詩云馬首見鹽亭高山
擁縣青雲谿花淡淡春郭水泠泠文同丹淵集云
四川名勝志

卷之十五

三

利

縣既官于群山其修壠茂麓逶迤曼衍分勢而往
爭會于左鯨偃鰲卧尾吻相屬谿澗澗谷蟠縮破
斷益荒源野澗澹湧深激夏降秋潦相倚爲暴故
郊圻之地少夷陸焉○志云西負戴山則臨梓潼
水從劍門來者隋張峻夫祠在焉東落亭山則臨
鹽亭水從閬州來者隋董叔祠在焉○寰宇記云
負戴山一名高山廢高渠郡城也其山龍拏虎踞
由劍門入當縣起伏四百餘里至此而蹲山有飛
龍泉噴下南流入梓潼江水色清冷其味甘美時
以爲暖漿水嚴氏功德碑云山南西道節度使移

興元尹震震弟山南西道移東川節度使礪二墓俱在負戴山下○神異記云隋張峻夫遊蜀至鹽亭遇一老嫗泣問之嫗曰地有片蟒每歲祭以男女方汲今輪次當以某男女祭峻夫聞之愕然許以除害次日縛男女致祭蟒從井出將噬峻夫印使劍投之蟒遁山洞滅跡峻夫登山洞口封以巨石書紫微仙洞四字蟒害遂除上帝命王此山爲神至今血食○寰宇記云董叔山在縣東九十步高一里隔瀾江水孤峰絕島峭壁千仞舊名潺亭山隋開皇四年縣令董叔封嘗遊宴于此後人思

四川名勝志

卷之十五

五

其德政號曰董叔山十道記曰董政山原名鳳凰山隋鹽亭令董叔封勸課農桑首建學校公餘嘗登此山及去官之日民思其德因指此爲董政山○鹽亭水源出閬州西水縣西南流入當縣鹽亭井故名鹽亭水李唐益州記云靈江東鹽亭井古方安縣地周地記云梁大同元年于此立縣而方安廢矣○碑目云李義府碑在永泰縣北寰宇記云義府本僊陽人其祖爲射洪縣丞因家于永泰宋儒真德秀云李義府奸穢也其子湛以忠義聞若湛者可謂能蓋父之愆已○廢東開縣在今縣

東一百里本雍江草市也僞蜀明德元年以地去縣遠遂創拓輯院宋初置邑至元始省今名東開市

安岳縣

在州南三百八十里

隋開皇中所命名也以地在山上險而卽安之義按寰宇記梁普通中義州刺史臨汝侯賜群僚金券鏤書其文云今爲汝置普慈郡可率屬子弟奉官租以時輸送此立郡縣之始○普州三亭一曰均逸文同詩云亭宇跨城端新苔磴道盤風光晴水石烟景暮林巒簿領仍多暇賓从每盡歡何由

四川名勝志

卷之十五

五

掉塵鞅聊問借閑王一日東溪詩云短舸逶迤渡高欄天矯沈波光環堵淨日色綵梁深萍荇欄金鯽爾若起翠禽主人公事簡時此照清襟一日碧屋詩云斷嶺綠溪邊危亭翠壁前軒窗誰是客詩酒自稱仙遠壑春藏雨長波畫起烟吏人休報事高興正陶然○志云縣東南大成山世傳孔子經宿于此有古碑又云安岳城南樓杜甫教授其上卽所謂南樓絃誦聲者○唐蘇絳賈島墓銘序云烏宇浪仙范陽人長材間氣超卓挺生屬思五言孤絕之句記在人口雅謗貴授遂州長江主簿自

簿移司倉參軍又遷晉州司戶參軍終焉有祠在城南三里碑以合昌四年立馮賢書又云唐宣宗大中八年賜浪仙草衣曰於賦有唐詩流賈君之墓按在今城南三里安泉山卽田家嘴也李洞輩賈島墓一第人皆得先生豈不錯位畢終蜀上詩絕古唐朝旅葬新墳小魂歸故國遙我來因與瀨立石用爲標李頎詩秦樓苦吟夜南望只悲君一宮終遐徵千年隔旅墳恨聲流蜀魄冤氣入湘雲無限風騷句時來月丁聞弭秀詩蕤生松雪地蜀苑葬山根詩僻降今古官卑悞子孫塚園寒月色

四川名勝志 卷之十五 十五

人哭苦吟魂暮雨滴碑字年年添鮮痕鄭谷詩水遶荒墳縣路斜咄人訝我久咨嗟重來兼恐無尋處日落風吹鼓子花○集古錄云唐紫極宮碑樂闢撰賈島書樂彥融篆額玄元皇帝祠也碑以合昌元年立在晉州○唐西崑神師受戒序晉州刺史韋忠開元十年建唐開元觀老君應見碑開元三十九年岳陽郡奉勅建宋淳化二年重鐫唐棲嵩山寺特銘開元戊辰前刺史弘農楊珪傳陵崔克讓書刺史房公刻于山之石壁下半已剝落○志云鍊山縣治所枕一名鳳凰山唐獨孤及詩屬

陣起秋雲雞聲滿林屋客思不可禁鐵峰駐雕鞍卽此按鐵山神姓姚諱長字景徹隋文帝時晉昌瀘三州夷作亂帝命爲都統將兵討平之卒葬韓朋鎮石城山後人爲立廟嘉定乙卯紅巾作亂益昌遂入雷屯于廟山是夕暴風雷雨掀揭寨舍崇甍莫簡見空中神異謁廟謝過探籤得擒賊先擒王之句已而果就擒焉有司每以十月十七致祭其誕日也○方輿勝覽云大雲山在鐵峰門外二里有棲崑寺卽李洞讀易處洞雍州人避朱泚之難入蜀于大雲山鑿石爲洞讀易其中嘗師事賈

四川名勝志 卷之十五 十六

島以銅範爲像祭之有詩云自開東蜀病唯我獨關情若近長江死想君勝在生瘴蒸丹旆濕燈隔素帷清塚樹僧栽後新蟬一兩聲○方輿云岳陽溪在安岳縣東天聖中郡守彭乘鑿石爲曲水後名翰林灘每歲修禊事于此又有雙溪在治西七里與岳陽溪合而東按乘益州華陽人爲漢陽軍判官願望鄉閭悵然曰親老矣乞歸侍養寇準薦之召爲集賢校理求便親得知晉州舊制蜀人不許赴蜀官特恩自乘始慶曆中與歐陽文忠宋景文張文定同在翰林今東溪上曰翰林灘者公遺

跡也○志云岳陽溪卽青竹溪其南二里響水潭
爲溪上流上下皆石水觸之聲如金鼓其洩如倒
其澄如沚○破石井在城西其水清冽乃一巨石
鑿開得水相傳陳希夷手蹟希夷先生本普州崇
龕人旣長辭父母去學道或居毫爲毫人或居洛
中爲洛人或居華山爲華山人舊普慈志云鍊山
巢崇龕梨天池藕三者皆希夷所種也○有良畝
在岳之清流鎮試禮部尚書杜孝嚴嘗書良卦象
辭其上又作杜氏寶田銘云昔我皇祖節範處士
實居溪上題于石壁云忠孝二字吾家之田爲我
四川名勝志卷之十五 壬
子孫留此基銘舊屋改矣溪山自如面溪背山新
構吾廬山巘石壁可以大書乃作斯銘毋忘厥初
按杜氏有曰田者著杜詩補遺正謬註又有曰孟
者入京師游太學兒童蔡用事翻然引歸所謂節
範處士也○志云馮公墓碑在棲岩山字多剝落
名不可攷按諸馮自唐馮宿之後爲彰明令因家
于蜀在晉有南宗北宗之別南宗有馮如晦能辨
范純仁之誣獄馮宋與陳東同伏闕上書北宗則
有馮光猷能戒大將楊瓊之殺降馮漸之忤蔡京
遭貶皆著名當時○宋史年表端拱間進士以文

章名有年君華之集君華袞字也袞蓋嘗受學于
多奇先生云○老學菴筆記云普州劉儀鳳韶美
登進士歷官秘書少監在都下累年不以家隨行
俸入嵩以抄書書必三本雖數百卷爲一部者亦
然出局則杜門校讎罕與交接御史論其私錄四
庫書斥歸儀鳳苦學至老不倦尤工于詩

樂至縣 在州北三十里

樂至池卽治內池也宋寇萊公爲縣令嘗讀書于
此又有蓮池一名洗馬池舊傳勾侍郎所鑿○治
南有洞石刻小盤谷三字見存而龍洞龍潭皆可
四川名勝志卷之十五 壬
以禱雨此通志所載○志稱當縣唐武德三年册
置其在前有多葉縣周建德時置也宋併入今之
茗山鎮是在後有石羊縣元時所析置者今爲
羊鎮

四川名勝志卷之十六

閬中曹學佺能始著

上川東道屬

重慶府在府城東一百里領三州十七縣

周巴子國秦使張儀城巴立巴郡遂城江州二漢因之獻帝時巴分為三江州寔永寧郡理梁改楚州以地隣乎楚也隋改渝州以江受渝水也唐天寶之南平郡宋崇寧之恭州又因而屢易矣後以光宗潛邸始陞府名重慶重慶者以介乎順綿二慶之間也順慶已見川北綿慶府為今之彭水縣四川名勝志卷之十六

巴縣附郭

水經曰巴水至江州城下與岷江合江州寔縣名秦漢至南齊皆因之宋明初移置夔溪口始有巴名山海經曰西南有巴國大暉生咸鳥咸鳥生乘釐乘釐生後照後照是始為巴人有國名曰流黃辛氏其域中方三百里其用是塵土有巴遂山甌水出焉又有朱卷之國有黑蛇青首食象郭璞註

云今三巴是也後照乃巴人始祖辛氏即鄧氏出是塵土言殷盛也食象即巴蛇也○水經註曰江州縣故巴子都也按春秋桓公九年巴子使韓服告楚請與鄒為好寔始見傳文公十六年楚人秦人巴人伐庸寔始見經及後七國稱王巴亦稱王華陽國志愼王五年蜀苴相攻苴侯奔巴巴為請于秦秦使張儀救苴滅蜀儀貪巴道之富遂滅巴執王以歸乃城江州而置巴郡焉漢書列傳揚雄之先稱揚侯處于巫山至漢興其族遡江上居巴之江州即此縣矣○兩漢巴郡東至魚復北接漢

四川名勝志卷之十六

中西連夔道南極黔涪孝桓帝時刺史但望承文學掾趙芬等議上疏曰謹按巴郡圖經境界南北四千東西五千周萬餘里屬縣十四鹽鐵五官各有丞史遠縣去郡千二百至千五百里鄉亭去縣或三四百或及千里刺史行部不到十縣太守行桑農不到四縣且江州以東墊江以西上下殊俗情性不同敢欲分為二郡一治臨江一治安漢朝議未許獻帝初平元年劉璋始以墊江以上為巴郡治安漢以江州至臨江為永寧郡胸忍至魚復為固陵郡巴遂分矣建安六年魚復塞胤白璋爭

巴名乃改永寧爲巴郡固陵爲巴東以治安漢者
爲巴西於是有一巴之號○巴志曰漢世郡治巴
水北有甘檇官今比府城是也後乃徙南城按北
府城在今江北南城今南城坪是○常道將志云
劉先主時都護李嚴大城江州週廻十六里欲鑿
城後山自汶江通水入巴江使城爲洲東以五郡
置巴州丞相亮不許亮比征名嚴漢中故穿山不
逮然造蒼龍白虎門別郡縣舍皆有城按治西十
里佛圖關左右顧巴岷二江是李正平欲鑿處斧
跡猶存今府城爲門十有七九開八閉以象九宮

四川名勝志

卷之十六

三

八卦或曰象龜首乃向塗山○水經曰江水又東
比至巴郡江州縣東強水潛水漢水白水宕渠水
合南流注之註曰強水卽羗水宕渠卽潛水渝水
又云巴水出宣漢縣巴嶺山南流歷巴中徑巴郡
故城南李嚴所築大城北西南入江庾仲雍所謂
江州縣對二水曰右則涪內水左則蜀外水者也
巴水亦名西漢水寰宇記云巴縣所理岷江之比
漢水之南卽是處矣○府治枕金碧山漢時分祀
金馬碧雞處也宋淳祐中制置使余玠因舊址累
爲臺曰金碧臺隸友石二字刻在治後式燕堂玠

又嘗創招賢館於府東偏下今曰有謀欲以告近
則徑詣公府遠則言於郡以禮遣之館中供帳一
如帥府焉○輿地碑曰渝縣有漢故益州刺史碑
有延熙中嚴孝子碑有漢靈帝時太守張訥頌德
碑俱云在郡治有劉宋義熙碑在岷江邊水淺涸
始得見之見必有秋又名豐年碑○本志郡學後
蓮花牆有石麟石虎相傳爲古時巴君冢又云治
比康村有小阜二十餘俗呼古陵亦曰巴子冢○
縣學有夫子燕居像有元文宗書萬里歸程四字
故猶稱御書樓○梁書曰巴郡有地忽自開成井

四川名勝志

卷之十六

四

方六丈深三十二丈圖經唐刺史皇甫珣於巴縣
南鑿石六丈得泉號爲新井以別於舊井云○城
內崇因寺有淨香亭修竹檀藥與金碧臺相掩映
又有治平寺巨石刻西山佛三字旁刻開山祖月
名祖月宋治平時僧也○城中有東華觀觀後有
東華十八洞皆相通今土人呼其處爲神仙口相
傳東華真君于此得道又有五福宮乃城中最高
處俯窺閬闔坐帶江流矣○寰宇記云塗山在縣
東南八里岷江之南岨高七里周廻二十里尾接
石洞峽劉備置關於此峽東西約長二里許華陽

國志曰禹娶於塗山今江州塗山帝禹之廟銘石
焉山有禹王及塗后祠陶弘景水仙賦云塗山石
帳天后翠幙憂禹所以集群臣也按倦游錄三門
禹廟神儀侍衛極蕭後殿一壇表像侍衛皆胡人
云是禹婦翁今不復存曰三巴記云塗山比水有
銘書辭云漢初犍爲張君爲太守忽得仙道從此
升度又云縣下有清水穴巴人以此水造粉則膏
暉鮮芳貞粉京師因名粉水故世謂江州墜林粉
也今山下有清水溪卽其處舊有道院名清溪院
清水穴左爲龍門峭壁中分瀑布下垂春遊汎艇
四川名勝志 卷之十六 五

必曲折經此渡江而歸穴之右爲海棠溪溪植花
木當夏漲時桡舟深入可數里而得幽勝矣○水
經注云江水又東逕黃葛峽山高峻全無人居圖
經云塗山之足有古黃葛樹其下有黃葛渡制置
余玠詩云龍門東去水和天待渡行人暫息肩自
是晚來歸興急江頭爭上夕陽船此黃葛晚渡作
也○白樂天塗山寺獨遊詩云野徑行無伴僧房
宿有期塗山來去熟惟是馬蹄知宋余玠詩禾魚
敲罷起鐘聲透出叢林萬戶驚一百八聲方始盡
六街三市有人行按卽今之覺林寺○志云城西

雄堞下有洞曰洪崖覆以巨石其下嵌空飛瀑時
至亦名滴水崖有元豐時蘇軾任仲儀黃庭堅題
刻嘉泰中成繪于中起吏隱亭洪偁又起輕紅亭
○茅盈內傳曰秦始皇三十一年九月庚子茅盈
高祖濛乘雲駕鶴白日昇天先是有巴謠曰神仙
得者茅初成駕鶴上昇入太清時下玄洲戲赤城
繼世而往在我盈帝若學之臘嘉平始皇聞之于
是改臘爲嘉平也今治西有校真洞在大茅峽相
傳洞中曾息大茅君云○李膺益州記廣陽州東
七里水南有遮婆之埕石志云治東江潯廣陽壩

四川名勝志 卷之十六

六

卽廣陽州也字宐從洲此石江中突起俗名遮夫
埕○華陽國志郡東枳有廣德嶼有明月峽故巴
亦有三峽之稱唐王維詩云際曉投巴峽餘春憶
帝京晴江一女浣朝日衆雞鳴水國舟中市山橋
樹杪行登高萬井出眺邇二流明人作殊方語鶯
爲舊國聲賴多山水趣稍解別離情○益州記云
遮埕石東二里至明月峽峽前南岸壁高四十丈
有圓孔如滿月狀本志明月峽邊有高峯橫刻伯
喈墓三大字按史蔡邕曾遷巴郡太守不拜有謝
版云巴土長遠江山修隔宣暢聖化道遵和風非

臣才力所能供給其墓未詳過此有紫金山有寺名金紫寺又有古灘城爲巴子置津處又二十里有銅鑼峽以水響聲似之是涪峽水會處峽有關馮當可葬其上有圓石高懸○志云治西十里石壁繪佛像一徑僅容輿馬卽佛圖關也又三十里爲多功城宋末築有寺名多功寺門垣尚存寺有天池水又四十里爲長安洞乘燭深入可里許見雙石墩猶龍過此則皆涪泓積水相傳崇因寺前居民屋內有洞與此通故崇因寺亦謂之長安寺也○又二十里爲東陽鎮南齊割巴陽置郡于此

圓川名勝志

卷之十六

七

有東陽城按輿地碑目蜀廣政十五碑在東陽鎮市心卽此陳子昂入東陽峽與李明府舟前後不相及詩云東崖初解纜南浦遂離群出沒同洲島沿洞異涪瀆風煙猶可望歌笑浩難聞路轉青山合峰迴日曛奔濤上漫漫積浪下云倏忽猶疑及差池復兩分離離間遠樹藹藹沒遙氣孤猿啼寒月哀鴻叫斷雲仙舟不可見遙思坐氣氣○佛圖多功二城之間有曰蜚蟲相傳神龍潛焉飛泉千尺遶石而下有二小蛇磅礴其中見人不恡俗卽以爲龍也張公佐紀之頗稱祥異○圖經緒

雲山在縣西北百三十里其山高聳多林木下有溫泉分東西流相傳黃帝於此合藥陶弘景水仙賦曰增城瑤館縉雲瓊闕黃帝所以觴百神也方輿勝覽卽謂之巴山矣宋靈成侯廟碑云此山出于禹別九州之前黃帝時有縉雲氏不才子曰混沌縉雲氏高辛氏亦有不才子八人投出于巴賓以禦鬼魅名基於此山有九峰寶塔峰最著亦阿育王塔八萬四千之一相傳迦葉尊者于九峰頂上示一十三足又飭袈裟印文於獅子峰云○攷感通錄縉雲寺卽古相思寺也以此山有相思唯

圓川名勝志

卷之十六

八

生相思竹形如桃釵故名吳均春秋渝州相思寺之北石山有佛跡十三皆長三尺許濶一尺一寸深九寸中有魚文在佛堂北十餘步貞觀二十年十月寺側泉內忽出紅蓮花面廣三尺遊旅往還無不嘆訝經月不滅高僧傳隋無相禪師渡笮唐慈應禪師受記二龍處縉雲傳勝錄云宋初慧懽禪師住持太宗皇帝御誦梵經二百四十函眞宗咸平元年迎至寺景德中勅改崇教寺封慧懽爲慈印大師有慈印師遺誠碑咸平三年二月二十七日立凡十三則有熙寧三年提點夔州路諸

江中行立石界約秘書有權渝州事都管
宋構藏經記口山麓溫泉懸崖湧出四時騰沸烟
氣上升中有遊魚數十尾人皆見之宋推官彭應
求詩公程無暇日乍得宿清幽始覺空門客不生
塵世愁溫泉喧古洞寒磬度危樓微曉都忘寐渾
疑在沃州周茂叔艤舟其下刻之于石方輿勝覽
載縉雲先生馮時行詩云借問禪林景若何半天
樓殿冠嵯峨莫言暑氣此中少自是清風高處多
岌岌九峰晴有霧瀾瀾一水遠無波我來游覽便
歸去不必吟成證道歌○圖經縣西南百里涪江

四川名勝志

卷之十六

九

中有魚石鹿石俗呼魚鹿峽以形肖也○杜光庭
錄異記曰江州縣南五十里沱江山下有七里店
其處夜常有光十餘枚如流星環石或聚或散石
亦有光乃珠胎於此或人見而密識其處遲明尋
之便不得○志云治南六十里冠山多古寺有仙
侶洞洞中石牀石傘儼如刻畫又十里爲大華山
有荔枝禪院按華陽國志江州縣多荔枝園熟時
二千石常設厨膳命士大夫共會樹下食之今樹
已烏有而院名無恙○華陽國志又云巴郡名山
有石書邦山卽邦仙逐犬處○征途記曰張碩與

杜蘭香相別後于巴縣見一青衣云蘭香在白帝
君所若聞白帝野寺鐘聲隨風而來則蘭香亦隨
風而至際夜果聞鐘聲蘭香亦至焉○真誥云秦
時有巴陵侯姜叔茂者來往句曲山下種五果并
五辛菜今名此地爲姜巴注云秦時未置巴陵縣
此是巴蜀之巴也

江津縣

在府城南一百八十里

西魏之江陽縣也改陽爲津自隋開皇始避南齊
時爲江州縣理案字記所稱樊溪口矣今呼南溪
溪源在縣東南合岷江遠治如凡亦名凡水○唐

四川名勝志

卷之十六

十

四夷縣道記云自江津路南尋樊溪水路往南平
州卽此○周地圖記七門郡置在樊口今之七門
灘也志云在縣西七十里有七石橫江中○治西
有石門號龍門灘卽龍門峽也與巴縣東陽峽相
對陳子昂龍門峽詩龍門非禹鑿詭怪乃天功西
南出巴峽不與衆山同長竇亘五里宛轉若嵌空
伏湍煦潛石瀑水生輪風流動無晝夜噴薄龍門
中潭河勢不測藻葩垂形虹我行當季月煙景共
春融江關勤亦甚巖壑意難窮誓將息機事煉藥
此山中○縣西十里有古石羊驛其地亦名石羊

對江壁上鐫大佛有大佛寺故相張無盡所創亦名無盡巷傍有亭翼然據大石而藏茂林修竹中客登之徘徊四顧南有開山東有天池北有馬驍其高刺天中突一峰名箕星者尤為奇特邑聚橫前萬瓦鱗列大江西來委蛇曲折濯流杯池激挑燈石直注亭下鷗鷺往來在烟波杳霭間清絕不可名狀○宋知縣事冉木震碑云廳事後有合抱荔枝唐人所種每熟時令肅士大夫令食樹下猶有漢之遺風荔枝舊有亭亭中碑刻歲久剝落想涪亭卽舊址也昔黃魯直過江津與馮壽李仔善

四川名勝志

卷之十六

十一

其樂閒堂記為馮作也魯直與王觀復書云梓州李仔任道流寓江津二十餘年言行有物參道得要老成人也山谷晚號涪翁亭名想涪寄遐思耳○圖經縣北有巴子養魚池神龍是潛志云在岷江南十里有長池廣袤五丈四時湛然范景仁墓在其北按流寓傳范蜀公居縣之長池里又云居樓臺山山在治西有范鎮村○又有剛直御史之墓虞允文為杜莘老書按碑在縣之杜村有紹興乙亥右朝奉郎守司農少卿杜莘老題次乾道丙戌杜宗甫磨厓宗甫卽莘老之後也自青神僑居

于此又蘇伯瑜者叔黨之後亦自眉山僑居縣之聖鐘里東坡書歐陽醉翁亭記真蹟尚藏其家○李膺益州記云江州縣西南有仙池昔有仙人於此池側置樓而居多植香草於樓下一夕忽縱火焚其草天降紫雲飄然而去後人指此地為香草樓志云在今治西南三十里俗名仙池有石磊一所向岷江西面仙人姓然名獨角以其頂上獨生一角云漢時巴郡人○唐大聖寺在縣西七十里按太平廣記東川大聖院一木像製度環異者老云像自剗湖汧流而上歷歸峽等郡所過多具舟

四川名勝志

卷之十六

十二

楫取千夫牽挽不抵岷流至渝州州人焚香祈請應聲而往建此院安置焉○異物志云在昔天旱水泉皆涸有姑氏病渴思得甘泉其婦傍徨至周陽山下遇一叟曰能與吾叙則泉可得婦援叙授之墜于地而泉出至今積中餘淺水一泓周五六尺有金釵影一雙按在縣西之周溪上婦亦周姓○耆老云昔有飛鳥銜僧衣袖僧異之隨至石隙中窺見一金注子手不能及鳥復啣一枝與僧因得取注顧視銜枝乃苦楝木也其處在治北五里○碑目縣南三里挑燈磧石壁上鐫云乾道辛卯

正月十九日天水趙宜之陪王屋李希仲太原王
直夫同寺首珍况來遊飲不至醉王屋李孝友書
按此卽蓮花石也在江中不恒見見則歲豐○巴
中記曰江州縣有峰窮峽按在今縣東七十里路
嶺鎮○志云距縣五十里有西山石壁上刻終古
嶺新月半邊無夕陽之句又云近時盜發王居士
墓墓中餽二詩云官無名字私無債架有衣裳廩
有儲只此便同天上樂不知天上又何如又芳草
烟村宿雨收牧童歸去倒騎牛笛中一曲昇平樂
弄得生來未解愁此墓在縣南里許亦不知爲誰

四川名勝志卷之十六

十三

○志云鼎山在縣治南三峰鼎峙其形似之宋置
鼎山縣于此旋廢○馬驍山在縣北隔江相傳驍
騎將軍馬遷塋焉○縣北之六里有白君塚昔江
洋令白君于白君山學道卒葬于此○華蓋山在
縣西十五里頂圓而秀故名又三十里爲君井山
上有井泉深淺不定若令長續永斯清溢否則濁
而乾○固城山在縣東南百二十里卽宋通直郎
馮壽之所隱也石筍山在縣西百二十里亭亭如
筍無所駢麓因名

壁山縣在府城南一

宋李潛壁山普澤廟記云國朝蜀分爲四而方各
有鎮由劍之裏爲七曲劍以東爲白哩劍以西爲
王壘自蜀而下爲渝則有壁山是四山者如蜀之
鎮一道生靈之司命也○寰宇記云四面高山中
與平田周廻二百餘里唐大寶中諸州逃戶多投
此營種川中有一孤山西比二面險峻東南剛平
主人號爲重壁山五代史後梁乾化三年五月壁
山騶虞見二鹿隨之○續神仙傳紫房真人世居
壁山未詳其名氏唐時隱于茅來山得玄修之術
後遊方外莫知所終今茅來恭天觀之側有恭天

四川名勝志卷之十六

十四

洞是真人棲息處按渝州志以唐大曆間銅梁縣
人趙延之爲巴州令以平寇功授合州刺史後挈
家人茅來山恭天洞修煉上昇今銅梁縣西有望
仙橋言里人于此望延之仙去也一說延之死爲
壁山神縣有靈壁廟卽祀延之者而巴縣亦祀之
于重壁山云

永川縣在府城西二

地枕侯溪以山川潤水而名唐乾元中所置縣也
○縣有蓮池壩二巨石崇聳欲合平衍可半里許
石竅中出水漚而爲小池世傳蓮子從石竅中出

而生蓮不繇栽植又有石松坪在來蘇鎮有松化石石質而松理或二三尺許大可合抱然不過相望數山有之俗呼雷燒松杜詩所謂萬年松化石者卽此○志云鐵山鎮在治東三十里山石如鐵色舊設舖舍行人往來越井過鐵山舖寄交代吳龍圖詩暫留山驛又晨興西望旌麾想舊朋三院筆簪曾對丘兩川兵印復交承年光頭鬢華如雪世態心情冷似冰境上憑詩馳遠意青泥寒曉入雲登○方輿記載鄧國華題牛尾驛詩云龍尾道中退朝客雕鞍寶馬黃金勒誰憐遠使足馳驅夜

四川名勝志

卷之二十一

十五

半孤村牛尾驛右距縣六十里○龍洞山在縣西北二十里卽古之英山也上有龍湫旱禱輒應

榮昌縣

在府城西一百一十里

唐乾元中于此置昌州及昌元縣今名洪武四年改以介于榮州也○譚用之榮昌記云巴叢之饒谿交水橫列岫羅巖仄爬不斷詩紀云河梁望壘頭分手路悠悠徂年驚若電別日欲成秋黃鵠飛飛遠青山去去愁不言雲雨散更似東西流此梁江總別袁昌州作也勝覽云唐段建中太尉文昌之父嘗與榮昌二郡事見李德裕成都資福寺記

唐宇之可考者惟建中楊瑀李師望韋君集四人而已唐史載韋君靖爲榮昌令值黃巢兵起君靖率師從征動以信義所向克捷累官尚書僕射○碑曰云演教院碑在昌州院有斷碑載唐咸通歲縣令唐允中文又云六十四卦象碑在昌元縣泮王院碑在縣東四十里唐太和三年建又云昌州北二十里亂石灘有唐人碑刻曰龍灘其溪潭遠千餘丈世傳古有龍行石裂成溪因名○大抵昌州今之舊州則是昌元理卽唐昌元縣地也今榮昌乃古寶蓋鎮卽城南一里曰寶蓋山有臥佛寺

四川名勝志

卷之十六

十六

疊形如皂蓋圓淨明朗登翠炫奇爲邑中之勝○楊子謨顯惠廟記靜南山水奇秀士大夫避地者多居焉仙靈逸迹尚有董葛之遺風按志縣東二十里曰葛仙山相傳漢葛孝先受左慈術於此修煉又有峰腦山山巔有白石如群羊狀下有石洞亦葛仙修煉處岬畔有巨石突出石縫中生桃一株高丈餘葉幹與凡桃異花實不常國朝宣德中桃實各圍尺許按古靖南志太守黎伯異撰卽今之榮昌也○紀勝云縣南二十里老鴉山有李戡李斌兄弟故宅二李善茶會房案基戰詔求天

下善奕者蜀陶以戲應詔崩望風知畏不敢墮
文潞公贈以詩云昌元建邑幾經春百里封疆泰
色緝鴨子池邊登第客老鴉山下着棋人

大足縣在府城西二百里

唐光啓以前昌元是昌州光啓以後則昌州理大
足矣縣左有碑字畫模糊大略是昌州郡孔目題
名也碑目云六經圖碑在郡學郡人楊甲鼎卿所
著又云漢王方平古碑顏魯公書在舊學今改爲
別刻字尚在碑陰○冷齋夜話載有人調官都下
踰年始得昌守已而求易便郡有淵才者聞而往
四川名勝志卷之十六 七

見之曰昌佳郡也官欲易地有之乎曰然淵曰誤
矣曰奉給優乎淵曰否訟簡乎淵曰否然則奚誤
曰海棠忠無香獨靜南者有香非佳郡而何故昌
號海棠香國土人云地宜此花易植而蕃郡治香
霏至一老樹重趺疊夢每花或二十餘瓣花氣穠
郁餘不能及也○志云縣之東禪寺有宋徽宗手
碑其西禪寺晉永和建寶頂寺唐柳本曾學吳道
子筆意環囀數里鑿浮屠像奇譎幽怪古今所木
有也○老君洞在治東南三十五里至口山巔洞
弘殿可容百餘人內有石牀石臼丹竈洞杪

透明有泉自石罅中流出山麓惟一小徑可通相
傳老子煉丹于此○寶珠溪在治南四十里唐貞
觀時漁人郭福者夜捕魚見水際有光卽之有蚌
如斗剖得珠徑寸獻之太宗賜以積善井碑碣存
○北巖在治北三里石刻沿崖皆浮圖像輿地碑
目云吳季子墓十字碑唐開元中殷仲容奉詔摸
榻于北山至大曆中蕭定始移刻潤州有張從申
題其後又云高祖大風歌碑古文孝經俱在北山
孝經凡二十二章與今文十八章小異王象之曰
今文先出於漢初而古文與尚書同出於孔子壞
四川名勝志卷之十六 八

宅今文已盛而古文獨不列之學宮惟孔安國馬
融爲之傳及明皇注今文十八章孝經古文益微
矣司馬光范祖禹皆曾繳進光謂始藏之時去古
未遠其書最真祖禹又爲之說亦云古文庶得其
正○又有建立永昌砦韋君靖碑唐乾寧二年靜
南令胡密所作碑云永昌寨者君靖韋公所建也
頃乾符之際天下騷然旱蝗相仍兵戈四起公視
茲遐僻民不聊生遂合置義兵安戶口抑強扶弱
務織勸農足食足兵以殺去殺自黃巢侵陷京關
鑾輿出幸成都四海沸騰川隄沸騰秀昇初亂

黔峽侵軼巴渝公廼統率義軍討除逆黨值秀昇
蓋挽舟楫圍逼郡城公廼詳度機宜上下欄截依
山排陣皆水布兵兩面夾攻從中剪撲賊勢大敗
我武維揚渝牧田公備錄間奏除拜普州判史值
川師效逆帥臣專征公又收復合州絕其枝蔓加
右散騎常侍拜合州刺史泊鄭維失律唐漢山行
章攻聞當州故太尉頌公屢降命行頻招延應公
統領精銳二萬餘人虔告老病中令士卒並破二
十七砦殺戮五萬餘人上聞偉績特加刑部尚書
右僕射充呂普渝合四州都指揮使公以臨郡歲
久廼思退居上表陳情宸衷未允勅旨量留加金
紫光祿大夫簡校左僕射扶風縣開國男食邑三
百戶屢銜鳳詔爰剖魚符政懋潁川化隆河內邑
有箱倉之咏俗多襦袴之誼求瘼之念彌堅去害
之心益切其於駕馭英傑取合毫釐重仁義如丘
山輕金帛如泥滓憐孤恤老濟弱扶危行旅如歸
遠邁鄭莊之驛遊人若市悉登漢相之門其拯綏
四方乃如此也每遇良辰美景月夕花朝張管絃
以追歡啓華筵而名侶周旋有禮群遜無譁鐙姐
不空座客常滿王衍之水壺轉潤嵇康之王岫寧

顏其禮讓謙若有如此也至若立功立事爲國爲
民或身提黑槊或坐運玄機身先士卒首旌兇徒
謀必十全舉無遺算其剛毅果敢又如此也當夫
賞功訴罪激濁揚清甄獎功勤黜棄私黨三異感
德萬衆歸心其恩威刑賞有如此也公以海濤未
息雲陣猶橫常領驅脅安置左綿載實倉庾奔衝
遂府使牒呼逼遼檄征行然上馬雖精其如柵未
固何思大易習坎之義徵王公設險之辭廼於景
福元年歲春月上築當鎮西北維沿岡建寨茲山
也上摩掩靄下抗平原蓋似長雲翠如斷岍嵯峨
重疊磴道崎嶇一夫荷戈萬人失據由是萑薹草
萊相度地形人力子來春鍾雲至連甍比屋萬戶
千門高亢潛流烟籠粉堞霧捧朱樓龍吟笳角之
聲雷動鼓鼙之響而乃良工削壘心匠設規築城
堡二十餘間建敵樓百十餘所選瞻天際非龜城
之可倫高倚雲間豈層樓之能擬其上則飛泉迸
出綠水滂流崢嶸一十二峰周廻二十八里蓋造
化之凝結豈金湯之比倫况糧儲十年兵屯萬數
遐邇徵休軍民胥慶耕織無妨徭役不缺可謂一
勞永逸有備無患者矣其軍中節級將校多贊桀

達機略博識古今有如同志弟兄異姓骨肉一心
報國戮力從軍咸奉渥恩皆沾爵賞或崇帶劍或
位專城或榮授金貂或職兼霜憲雅荷際會允屬
休明請列署右銜庶不墜勲業云爾乾寧二年乙
卯十二月朔日癸未十九日辛丑記

安居縣

在府城北
三百里

陳子昂詩序入峭峽安居谿伐木谿源幽邃林樹
相映有奇致焉其詩曰肅徒歌伐木驚猱漾輕舟
靡迤隨迴水潺湲沂淺流烟沙分兩岸露島夾雙
洲古樹連雲密交峰入浪浮巖潭相映媚谿谿谷

四川名勝志

卷之十六

主

環周路迥光逾逼山深興轉幽廣庭寒思晚猿鳥
暮聲秋聲息蘭臺策將從桂樹遊因書謝親愛千
歲竟蓬丘按此即舊縣之安居嶺也與安岳接壤
原為隆龕縣地有故城在治西二里隆龕山下今
縣乃隋所更名即取安居谿矣別名瓊江以官濊
溪平灘一帶流入涪江相傳有瓊花浮水面而出
○縣理在波羅川東里許蓋有波崙寺云曾峰峭
壁聳插雲霄凭欄而望江山如繡每月白前後皎
然水輪若自頂出而殿閣暈飛悠悠松檜間也三
仙石連理樹俱在其趾濟勝者所必由矣又東去

為鳳凰山昔人于此得遺碑云朝棲梧桐暮宿鳳

凰山頂巨石平正謂之鳳凰臺西南對立者曰龍

歸山上有龍歸寺山形盤旋如龍亦一方之幽勝

也正南則龍門山兩峰壁立如門昔隱士蘇汝礪

藏書三萬卷于此○碑目云龍門山東八里有印

土院院有將軍祠石刻云故唐將也逃難山中而

死葬于此或曰戰國時人歲春夏民以車盛迎其

神至水上張帷致饗焉○縣之太平里有唐柳玘

墓玘在景福間刺渝州遷瀘州道卒葬於安居玘

公綽之後善書初任御史大夫在渝時東川節度

使顧彥暉請書德政碑玘曰若以潤筆為贈即不

敢從命矣其剛正如此

綦江縣

在府城南
二百里

江水發源夜郎作蒼色故名綦昔南平軍之長
官司也明王珍始置今縣○治南三舍溪關上有
崖塔碑曰此地南平軍舊址有綦市關南平王墓
在關上○瀛山在縣境去郡百二十里有四十八
面壁立高峻四時青翠望若蓬瀛唐貞觀置瀛山
縣者宋劉望之詩山盤四十八面險雲暗三百六
旬秋即此其上有白雲觀觀前石筍參天有碑名

鳥道碑○方輿勝覽云南平軍西北有東溪溪之
小市有孝感橋紹興甲戌有里婦從姑過溪姑墜
水赴救之亦墜漂至灘下皆不溺

南川縣在府城東一
百一十里

陳復亨廳事記云南平州邊夜郎外控諸酋跨漢
二郡唐五州之境○寰宇記曰唐武德二年置南
州理隆陽縣取西永隆山為名先天避諱改為南
川貞觀四年置南平州理南平縣八年改為霸州
又云貞觀十一年涪州置隆化縣亦取永隆山先
天改為賓化縣按三地相去密邇俱在渝州南境
四川名勝志卷之十六

及涪陵枳縣之舊墟矣通志謂宋初於當縣置南
平軍熙寧省入隆化尋復置元併南平軍及隆化
入焉文苑英華李嶠有勅奉議郎行涪州隆化縣
元素履制綰符兩峽游辦三巴賓僚戀仰蠻漢謳
吟者矣○寰宇記云南平西四里有赤水即丹水
也唐置丹溪縣于此丹溪水合於楚溪故改南州
為楚州焉楚水流入江津縣南即所謂楚溪口也
今縣西二里有楚水寺○方輿勝覽云楚溪東溪
葛溪合流當縣西北故貞觀又置三溪縣焉其所
理名為石城在今縣東其峻險○偽蜀毛文錫茶

譜云南平縣有狼猺山出茶黃黑色渝人重之寰
宇記云狼猺鄉人構屋高樹上謂之閣欄不解絲
竹惟擊銅鼓祭鬼以祈福一名猺厓在南平軍西
○方輿勝覽熊本平木斗夷得地五百里山高谷
深乃秦建南平軍謂即板楯七蠻故地先是劉孝
標守南州請置郡縣遠人安之晏殊為孝標撰墓
銘尚在○劉夷叔雲山堂詩山繞郡樓初過雨月
臨池樹晚生烟蒲公南川驛詩鶯花非漢舊棟宇
尚唐餘趙彥邁歲熟詩最爾曾無一掌平由來作
郡亦強名雲連萬嶂山橫翠川合三溪水繞城又

四川名勝志卷之十六

云風俗連巴楚封疆接播漆蓋縣去漆溪三十里
為鹿洞堡去播州三百里為白錦堡云○王象之
碑目漆溪寨路西心坎厓上有隸書本初三年三
月十六日共二十餘字文多殘缺不可讀漢質帝
時刻也去南平軍七十餘里又云漆州堡吹角壩
上有古磨厓風雨腹剥苔蘚侵蝕惟識其一二曰
建安其他不可辨漢獻帝時刻也又云吹角壩有
姜維碑始土人開山得一穴穴內有碑姜維字猶
可辨又云南川鎮下三里厓上有石佛像近有碑
出於其下司法叅軍員外郎置司正靳豫撰序云

南州城門前右岸盧舍那石像乃開元十八年十二月丙戌中大夫使持節南州諸軍事守南州刺史上柱國晉昌唐虞景所造又云白鶴寺鐘碑字磨滅垂盡尚餘一二可識曰白鶴寺鐘處士彭城劉欣文也又云羅圖城上有古碑名平真碑○按通志縣有南江發源夷獠之界衆溪會合至三溪口始通舟楫行三十里至茶市自茶市至南江口流入大江此縣名之始也縣西十二里奉恩溪縣北五十里龍床灘水皆注之奉恩溪上流有色如水銀形如白蠅者二泝灘上下人或以為寶劍之

四川名勝志

卷之十六

圭

周

精光閃莫測又古風謠云龍床如拭濟川必吉龍床髮髯濟川必沒舟行往往以為驗○縣東李氏園側有曰秋泉宋李紹隆倅是縣而居之自為記○廢隆化縣北五里有三潮泉早晚應潮候者三每潮至響聲如雷云○盤頭山在縣治南以形似名○九通山在縣東六十里絕壁如銀色人視其昏明以為晴雨時候不爽上有雨瀦為池有石龍及異魚之屬○最高山在縣東南九十里形勢聳拔千仞千霄俯眺衆山如培塿矣

長壽縣

在府城東三十里

華陽國志江州郡樂城縣在州西三百里延熙十七年省按今縣界有樂碛鎮即其地寰宇記曰唐武德置樂溫縣秦時枳地也桓元子別置枳縣在巴之北涪之南後周省入于巴縣焉○樂溫志曰樂溫山下有樂溫灘在縣南四十里元時置涪陵巡簡司寔唐縣址也地氣常溫禾稼早熟故名志以此山人多耆耆亦名長壽山 國初因之置長壽縣矣○續神仙傳云徐仙翁煉丹于枳有丹厓高二十餘丈下垂瀑布注于江厓下老榕蒼鬱弘敞而陰森者清陰洞也洞中多留題剝蝕不可辨

四川名勝志

卷之十六

圭

周

有數行遁楷稍似涪翁及元許衡偕門人趙進真來遊題名按今在學宮右側圖經有集仙山為徐神翁飛昇處在縣之北真觀揭樂杵曰尚存有臺曰烟霞臺即此○志云白虎山亦名鳳山在涪水西一里山麓刻讀書處三字旁識云端平二年鶴山赴樂溫為史子書按眉人史大用讀書于樂溫白虎山撰崇德廟碑者鳳山下有韓村宋開禧中土人韓申之見山坡有綠衣端坐指麾其僕入村酌酒有白驪斲草其旁即文昌書所謂牧驪化矣圖經云白虎山石龕篆風月之臺四字甚古其上

石庄桃花水出焉有洞古遂幽深銀鴨石笋杳然
入境卽桃花洞也○不語灘在縣東一里相傳客
航過此皆相戒不言言則灘加洶湧○王溪里在
縣西八里宋賢譙定天發晏淵亞夫所居也譙學
于伊川晏學于考亭云○古書山去樂溫縣四十
里有大曆初石刻云昔人砌山路見石穴中藏蝌
蚪書數軸古書之名起于此○宋安剛中張桓侯
廟記云漢自建安以來皇綱廢弛神鼎震覆姦雄
觀斃實生豕心本初孟德之徒磨牙礪吻血視生
靈期於吞噬不留遺臭玄德慨爲國志在援拯

四川名勝志

卷之六

壬

一時豪英徇義蜂起相與提挈共成大事諸葛關
張實爲之最凜冽威風萬夫之雄荊州之役羣盜
鼎來公爲後拒畢力盡死以抗羣醜奮張目橫
戈一叱蛇豕異類褫魄逃遯虞淵之日復耀西南
繫公之功迄今千歲英靈之氣森聳如在廟食百
世在禮固互樂溫之山下瞰大江公之神爽實茲
寓焉自古迄今長載祀典舟行上下與彼士民奔
走奉事敢不虔至九穀嘉生連被原隰舸舫往返
安流無恙陰相之功在國與民天朝累封進爵爲
王惟是廟宇興建歲久行廊爛頽往來咨嗟力莫

能振郡守李公向者趨朝祇謁祠下再拜祈禱厥
應如響至郡未幾首議修繕自捐金帛衆趨成之
功費雖多了不病民撤去卑陋增飾輪奐開展地
基比舊加倍是役也議興於庚午之冬落成於辛
未之春焉

黔江縣

在府城東一
千二百里

唐天寶中置今縣以地屬黔中郡爲名乃隋之石
城縣也今城東二十五里爲舊縣治○志云羊頭
山在縣北三里以形似名○酉陽山在縣東五十
里以山近酉陽界也又其西五十里有武陵山爲
四川名勝志

卷之六

壬

天寶中所勅名○小歌羅山在縣東北五十里又
有大歌羅山古歌羅驛設焉去今縣東一百九十
里今有黃魯直竹枝歌七首題于驛壁其一云浮
雲一百八盤縈日落四十九渡明鬼門關外莫言
遠四海一家皆弟兄按志四十八渡水發源柵山
溪水折流四十八灣夾于兩岸之間春月百花飄
落隨水可啖右去治西二十里又三十里峭壁中
有木櫃人迹不到曰櫃子崖李頎泛黔江詩野梅
將雪競江月與沙寒卽此水也
四川名勝志卷之十六終

四川名勝志卷之十七

閩中曹學佺能始著

重慶府二

合州在府城北一百五十里 管銅梁定遠二縣

秦漢及晉之墊江縣也在涪漢二水會合處故西魏置合州○三國志先主詣劉璋取道墊江入涪常道將曰巴子時雖都江州或治墊江又曰墊江在巴郡西北中水四百里有桑雞牛馬漢時淳于長寧雅有美貌生此地矣○圖經云魏之合州石鏡縣隋之涪州涪陵郡唐之合州巴川郡宋之合州

四川名勝志

卷之十七

重慶府

州石照縣皆理此方輿勝覽州南百步內江水心有石屹立正圓如月其根嶄崱如雲捧之謂之石鏡冬出水可三丈碑目涪內水石鏡題名云大曆三年此石出兵甲息黎庶歸六氣調五穀熟刺史兼侍御史王鉷記按石照即石鏡也元省入州○魏華父瑞應山記云景德間合州瑞應山出異木文理成天下太平字志云瑞應山在州治後濮子墓在其上光教寺在其下寺今為州理所○方輿記云張柬之守合州姚崇薦其沉厚具相才故州治有沉厚堂今名景厚木此堂中篆繫辭八字字

徑四尺李陽冰書碑陰為孟景石經周禮數段○

碑目云李當塗篆龍門鳳穴司馬君實書公生明

蘇唐卿篆蒙泉竹鶴等字俱嘉定間李元庚刻在

治北鄉林岩上○治西鶴鳴里有柏鶴亭三字宋

徽宗書按志宣和間許生舉進士愛其隣人朱受

家羣鶴起亭作詩柏之鶴果來集朱憤而怒諸朝

上命均之鶴以離羣悲鳴不已道君為書亭額賜

焉○州有永清里里有夜雨寺僧智果所居取

李義山巴山夜雨之句也又有墊江里里有龍

骨寺為龍蛻處巴中記云墊江多龍亦即秦漢之

四川名勝志

卷之十七

二

墊江縣矣○志云周元公判州事嘗與客奕一老人來觀口流涎而香公驚問曰汝龍也何以至此老人曰安知之公曰以涎知爾忽大雷電起老人化龍泝溪而上公乃令琢方石二十四片以鎮之今通曉橋是其處在城內之明月街○晁公武清華樓記曰合州其山龍多銅梁上接岷峨下統夔越屬海而止所謂南戒也水則涪水嘉陵合流城下貫江沱通漢沔引衆流入于海所謂南紀也○水經注云宕渠水亦名潛水又名渝水俗謂之渠江震宇記云渠江水在城北十五里源自萬頃池

分來經已達渠廣安等界至本州東北與嘉陵江合卽西漢水勝覽云西漢水在石照縣東百步戰國策所謂漢中之甲輕舟出於巴來夏水下漢四日而至五渚者也其源發西和州徼外徑階沔又逕大安軍利劔閣果與涪水會○蔡松年南北史補云吐谷渾王登其國西疆觀望江源問水所經長史曾相對曰此水經仇池過晉詩出宕渠始號整江至巴郡而入于江度廣陵會于海主嘆曰水尚知歸吾獨無所歸乎乃遣使南通于劉宋○志云會江門樓卽唐時名杜詩君今起施春江流余四川名勝志卷之十七

三

亦沙邊具小舟幸爲達書賢府尹江花未盡會江樓范成大詩井陘東山縣山河古合州木根擎斷岬急雨洗江流關下嘉陵水沙頭杜老舟江花應好在無計會江樓文苑穆員送合州徐使君序云二月中節時芳爲人柳先攀折而垂水待臨泛而滿花迎酒客而笑鶯隨詩人而吟亦會于江樓矣○方輿勝覽云直郡治之會江樓有學士山其高不能踰傍山而南峰斜峙諸勢班班若出其下亦甚異也山麓有張氏荔枝異本合韓唐文若曲端賞賦之○州之東北七里東臺山漢末薛融讀書

處又三里東山趙子伯章別業有東山二字廣安餘州西二十里牟山唐康元良讀書處○舊經云合州北崖在州北五里或以古爲濮國因名濮岩岩有古柏數十章率圍八九尺有定林院歲正月九日郡以故事設宴於此遊人盛集又有荔枝閣沿崖鑄象設古意生動及名賢題刻甚多又有濮湖在岩下古隄猶存岑象求定林院詩野潤蓮宮迴樓臺半倚山地連巴峽近門對濮溪灣栢徑松煙濕岩房雨薜斑白雲邀客住明月伴僧閒經梵喧譁外香燈杳靄間勝遊成邂逅危崖喜躋攀世

四川名勝志卷之十七

四

路長何極塵心久欲還輜車正催發緩步出重關元祐五年太守劉象功作濮昂銘其序云距城三里僧舍依大江林麓樓觀聳出如畫者伏於緣素間其絕俗幽邃歷歷可指予幼時侍先君嘗遊今被命領郡復至其所慨然有感親懷舊之嘆因作銘書諸昂石云合之二川河漢發源極地通天浩渺東傾奔龍竄鯨吞變走荆上有蒼崑崙松古杉陰晴撲撲藍飛昂斷壁烟昏霧塞溟空嶽折開剗何時鑿高措危立剗定基在昔幼冲侍於先公曾步崑崙宮帝命惟汝克蹈前武得治茲土馳驅歲久

江山惟舊中懷孔疚勒銘其顛子承孫傳與山齊
年○輿地碑曰石照北崑盧舍那佛題名云敬造
盧舍那佛一軀菩薩二軀唐長慶三年歲次癸卯
三月十九日銀青光祿大夫使持節合州諸軍事
行合州刺史兼御史中丞劉溫又云石門彌陀像
開元二十三年州別駕張劍為刺史孫希莊作關
詠未言王哲微之李儀表臣皇祐壬辰寒食日來
崇寧丙戌歲時雨霑足因觀民田率巡簡高公綜
仲實石照令王叔陵仲陞法曹馬師古宗道主簿
姜宇定中同行至此早饒重午後一日邵守李樂

四川名勝志

卷之十七

五

道題馮茂恭邵商民唐立夫紹興乙亥十月癸巳
同遊宇文休冉德濟閭文叔呂達夫乾道己丑三
月廿四日來遊濮巖東州勝處乾道辛卯立秋杜
國光偕趙彥和馮廷及其弟慶遠酌歲寒亭○方
輿勝覽云釣魚山在州東十里涪內水在其南西
溪上流經其北郡人遊者以舟下涪水艤而上已
乃繞山北沿西漢水而歸此遊觀之奇也山南大
石砥平有巨人迹相傳異人坐其上投釣江中山
以是名下有大刹曰護國寺歲二月八日太守率
僚屬宴集于此志云釣魚山東西南三面據江峭

壁懸厓安撫使余玠於山建城以禦胡元故又呼
釣魚城也上有天池周五百餘步後有石巷凡二
十四片石鑿成間山石頭和尚所創西南隅有祠
奉李忠宣公德輝蓋安撫王立之義妹李氏在園
中忠宣奏閣得保全其人民云元人登釣魚山詩
堂倚層巒萬仞高魚龍面面湧驚濤振衣更切臨
淵想梳篦長竿學釣鼈又遺庵故傍唐僧塔荒壘
猶餘宋戰場讀罷題詩聊騁望半江寒霧送斜陽
○輿地碑目眉山王魯望萬里西歸艤舟合陽趙
濱甫侯德之定之孫相之載之相與游釣魚秋雨

四川名勝志

卷之十七

六

初竟日霽心意豁然酌酒興盡而返眉山家漁歸
以嘉定乙亥七月九日訪釣魚小供因留詩石上
紹熙改元郡守汲國呂交修無棄以清明日率長
安母如愚子發長江杜凡伯扶資中馬三捷周臣
普慈楊文彥章蓬溪趙君瑞族人郁來積雨初霽
放懷舉酒男鑒仁姪近仁明仁與仁偕麟孫住僧
侍行東沂斜行之輔之約晉國趙資深才父遂寧
陳子龍益昌王國秉錦官王正仲乙卯慶元仲冬
來遊眉山李壁來遊甥劉冲之族子潮俱慶元三
年徇日新南劍州使君三衢徐公以今春解南昌

之組治丹合陽避夏秋水漲以良月甲子解纜西歸攝郡僉李忠父偕同 丘趙季紳梅君川

張子信何文振張通叔白德章劉光父晁季子饒別于此○郡國志云巴城在漢江東是襄王滅巴封其子為銅梁侯故有此城方輿勝覽云石照南五里有巴子城乃周武王封其支庶處在涪江南銅梁山下縉雲馬時行序謂山有茶色白甘腴俗謂之水茶甲於巴蜀元和志謂其多王蓋花桃竹杖云○寰宇記云銅梁山在石鏡縣南九里東西連亘二十餘里山巔平整環合諸峰此其獨秀者

四川名勝志

卷之十七

七

圖經有宿雲產松風閣讀書堂傳古齋諸勝趙伯宜之別業也右在今州南五里石梁橫亘色如銅崖鑄銅梁山三字有石洞深丈餘二石牀可坐十餘人唐閭丘道人居此五十餘年廼化去棋局丹井猶存題名于洞壁者有閬州城南果何在永州澹品天下稀使山谷見之當復作何等語紹興癸酉春九日韓國趙善敏渡澤王季蒙普慈馮憲來梁叔解組舟過合陽奉同登銅梁地主趙周祐鄉人王彥澤梁公行家姪方叔俱來紹興二十九年四月癸巳景和仲書魯國趙彥博富文從元憲兄

四川名勝志

卷之十七

八

造銅梁山觀洞天石室丹臺靈泉茂林修竹之富仙境宛然追思周祐兄清標高致今已隔世恨不當日得陪杖履周祐乃元憲仲弟其子師美敦書樂善予子信嘗與之同僚知有子矣是晚元憲具酒肴於洞靈之道院道京師陝西事談論茲偉袞袞可聽吾宗之英也元憲之子師儒師老侍皆孝友恭儉克其家者日既夕乃歸淳祐二年五月十三日題按蜀都賦云外負銅梁劉孝威詩銅梁不可攀孔德紹詩銅梁忽背飛王維送李員外賢郎詩少年何處去負水上銅梁晁公武將發合州詩銅梁山昏空翠重石鏡水落灘聲遲皆此山也○寰宇記云隋析石鏡置赤水縣以赤水出其源也今州西百二十里赤水鄉者是王象之碑目云唐令長新戒在赤水縣開元二十四年立玄宗嘗釋縣今百六十三人賜之其後為縣者以戒刻石集古錄取焉又云雁塔題名在赤水縣解宋宣和間柳城始刻置長安慈恩寺此蓋搨本也又云赤水縣龍多山有唐人刻字此山高明窈深變態萬狀下視涪水如帶烟雲出沒山之偉觀等語又云祭龍多題名天寶十四載十月十一日大中大宋守

巴川郡太守真寧縣開國男上柱國賜紫金魚袋
韋藏鋒準制離祭又云唐孫惟龍多山錄舊刻刊
闕元祐七年劉象功再書邁勁可喜又云集聖院
記在赤水縣之龍多山唐咸通間李楷作又云龍
多山舊堂院紹興三十二年十一月紹雲馮時行
記略云龍多山有志道觀觀東大池為則天后放
生池中峰有鸞堂佛慧二院院栽萬竹竹徑圍尺
有仙柏圍丈有二尺中空而柯葉敷腴有靈山院
泉自崖出潄為方池大旱不竭有駕鶴軒下視涪
水如帶處○圖經云晉永嘉三年馮仙舉家十七

四川名勝志

卷之十七

九

人於龍多山昇去按卽馮蓋羅也今仙臺觀其燒
丹處至道觀壁間其繪像存焉馮時行詩云兒童
便讀山中記老大才登記裏山何麟詩世路聳牙
赤水過故升天險問龍多彭應求詩一望東川盡
數州依崖泉石更清幽不辭挹月披雲臥攬取山
房一夕秋註云山遠且高逶迤如龍蟠故曰龍多
也涪江在其下○寰宇記云青石山在州西二百
二十里涪水之南漢時山裂之處至今猶存李膺
益州記曰昔巴蜀爭界久而不決漢高八年一朝
密霧青石山為之裂自上及下破處直若引繩焉

於是州界始判上有古祠靈於水旱華陽國志所
謂青石神矣○九煉山在州北七里唐任處華道
人煉丹功成上昇之所又五里為純陽山宋劉儀
鳳詩有但見臉如花不知心似缺之句蓋為唐女
冠范志玄作也志玄棲靜山中時任安為使雅慕
之訂期而往志玄化為男子騰空而逝追之不及
又云范女冠得玉墮于此○雪崖山在州東北八
十里巨石橫亘崖前似拖匹練千疊而下有龍壑
瀦之旱禱往往立澍

銅梁縣

在州南
九十里

四川名勝志

卷之十七

十

銅梁山已見合州下唐武后長安三年置縣始治
其名元以巴川縣省入亦開元中析自銅梁者也
巴川故城在合州南七十五里○碑目云古書品
在巴川縣石間隱隱如篆文不可讀又云季札墓
銘在巴川縣相傳以為孔子所書○紀勝云巴川
縣東里許丘曰羅猴名東崑宋馮倭記云歲星位
于泰焚惑位于衡太白位于華辰星位于常鎮星
位于嵩而羅猴計都二星位于巴獄之房昭然可
考也○勝覽云南峰在巴川縣東四十里高五里
是為峽山之首兩山複出對峙中廣十里塗左有

穴謂之僊洞其深五里實水流為澗有嘉魚又
云中峰在巴川縣東南六十里山環二十里如盤
民錯居如畫有泉自山注下曰天池○紀勝云縣
南十五里有巴嶽山絕頂蟠螭若爐其下有崑崙
洞多蒼玉產仙茅唐長慶中朱樵者服之得仙
又產木蓮花高五六尺葉如櫻楠花如蘭昔出山
則不植有玉板泉在山上味甘冽不竭相傳昔人
斷井得玉版叩之清越如磬聲然○碑目云唐永
泰二年石刻在巴嶽山之化度院石刻但云永泰
二年不著何代攷永泰齊明帝唐代宗年號也齊

四川名勝志

卷之十七

十一

永泰止五月而唐永泰二年十一月始改大曆故
知為唐無疑○周茂叔天池詩云清和天氣年能
幾短葛輕紗近水涯風似相知偏到袖魚如通信
不驚槎笑凭山色傾新甕醉傍汀陰數落花嘯傲
不妨明月上一行歸路起栖鴉又有觀巴嶽木蓮
詩云仙姿元是華顛栽不向東林沼上開嫩蕊晚
隨梅雨放清香時傍竹風來枝懸綳帶垂金彈瓣
落蒼苔墜玉杯若使耶溪少年見定拋蘭棹到崑
隈是時瀟溪判合州事來遊○志云今縣治西有
悅池水深丈許清澈如鑑多植芙蓉開時香聞數

里又有望仙樓唐刺史趙延之建延之刺合州破
賊有功後得道仙去按少陵巴山詩云巴山遇中
使云自峽城來盜賊逢奔突乘與恐未迴天寒名
伯樹地閣望仙臺狼狽風塵裏群臣安在哉又有
匿名氏詩云西山頂上最高樓登眺能消萬古愁
奉使客來纔十日登仙人去已千秋荒涼亭榭舍
風雨曲折巴川學字流傍晚晚寒驅林下過谿雲潭
影兩悠悠皆為延之作○雙山在縣南十里相傳
昔有漁人網得二石其一飛去一留築室貯之鄉
人值旱叩即滂沱又四十里為桂山其高者為崆

四川名勝志

卷之十七

十二

峒山相傳黃帝問道之所○燈山珠王山各去縣
一百里山中之夜每有神燈及望見珠王之氣故
名或以為山石似之○縣東南境有中峰山形如
盤民居其下若環于盤之四方者有泉不涸俗名
天池又有南峰洞深數里水注其中溢為巨澗澗
多嘉魚是為峽首之勝

定遠縣

在州北一百五里

宋開禧間置河溪縣蓋分自石鏡者元立武勝軍
行河溪安撫事尋改名定遠言永遠安定矣尋設
為縣 國朝因之○縣南江邊有新明寺古斷碑

云此晉之新明縣也嘉陵王溪在其左右中有一
岩據大江以西秀拔自雄此即古品境而漢初縣
設焉○碑目云唐趙應龍塚在舊漢初縣上有一
坊左右畫彩鳳大書雍侯之居開元乙卯季秋十
九日立又云大圓山有光塵子墨迹云三山相接
欲飛騰高下來爲半日登合向中間着夫子大員
道士小員僧傍青宋乾道壬辰年相傳以爲呂仙
作○縣東數里有武勝山昔人禦賊駐兵其上多
得勝故名

涪州在府城東四
百五十里領武隆彭水二縣

四川名勝志卷之十七 圭

本漢涪陵縣地西魏置合州于涪陵乃移爲今州
名按集韻涪漚水泡也水出梓柯費州外南至黔
江入州境亦昔枳縣地華陽國志巴子時雖都江
州先王陵墓多在枳又云涪陵郡巴之南部從枳
南入折丹涪水與楚商於地接司馬錯取商於縣
此道也漢時恒有都尉守之蜀延熙中車騎鄧芝
以江州都督治陽關于此陽關者巴子所置三關
之一○水經曰江水東至枳縣西延江水從梓柯
郡北流西屈注之又云江水至巴郡涪陵縣注更
始水酈註水東逕陽關巴子梁江之兩岸猶有梁

四川名勝志卷之十七 西

處寰宇記云岑彭破公孫述將侯丹於黃石黃石
者橫石灘也謂之石梁○水經註曰江水東至梨
鄉歷鷄鳴峽江之兩岸有枳縣治故華陽國志謂
枳縣治涪陵水會庾仲雍謂有別江出武陵者也
又曰更始水即延江枝分之始矣延水北入涪陵
水王莽更名巴亭張堪爲縣會公孫述來擊于時
同心義士選習水者筏渡堪於小別江即此水也
其水北至枳縣入江○方輿勝覽云涪江自思州
之上費溪發源經五十八節名灘方至黔州概自
黔州概與施州江會流九十里經彭水武隆二縣
凡五百餘里與蜀江會于州之東以其出於黔州
又名黔江亦名內江其水淵澄清澈可鑒毛髮底
見苔石魚鰕可數○張祐送李長史歸涪州詩涪
江江上客歲晚却還鄉暮過高唐雨秋經巫峽霜
急灘船失次疊嶂樹無行好爲題新什知君思不
常戴叔倫漸至涪州先寄王員外使君縱詩文教
通夷俗均輸問火田江分巴字水樹入夜郎烟毒
瘴舍秋氣陰崖蔽曙天星郎復何意出守五溪邊
陸游詩古壘西偏曉繫舟倚闌搔首思悠悠欲營
丹竈竟無地不見荔枝空遠遊官道近江多亂石

人家避水半危樓使君不用勒留客瘴雨蠻烟我
欲愁○黔江東岸龜山州治其上元和志舊州在
岷江南今州在涪江西輿地碑目淳熙中左綿任
子宣過涪陵於民室元漢隸石闕上書漢涪陵太
守龐肱闕闕製如碑○東渡高峰與州治相對爲
石甕嶺方輿勝覽云太守吳侯嘗遊石甕遇一女
織葢步嶺上曰吾父居此瀕去解一玉環付廂吏
爲我謝使君異日當歷顯任子孫後守此州言訖
不見按志吳光輔爲涪守後三十年其孫仲復又
守是邦今吳公溪吳公山所爲得名也志云吳君

四川名勝志卷之十七

五

山一名鐵櫃山橫亘江北與涪陵相望俯臨長江
屹立如櫃相傳武侯屯兵于此舊城猶存○鐵櫃
之南爲北岩王真人修煉處也宋紹聖丁丑程順
謫涪卽普淨院闢堂傳易再閱歲爲元符庚辰乃
徙夷陵○碑目云涪陵江北普淨院記治平間校
書郎傅者撰北岩書院記嘉定丁丑簡池劉光祖
撰普淨院鉤深堂勝別駕黃庭堅書又有淳祐辛
亥三月旣望古綿劉濟川三山林元成都杜庭燮
三瀘何清題名又有汴陽吳克舒以紹興癸未書
雲日舉家來遊諸刻○輿地紀勝云開寶四年黔

南上言江心石魚見上有古記云廣德元年二
大江水退石魚見邵氏相傳豐稔之兆按其處在
近州鑑湖中央石上刻雙魚一銜莖草一銜蓮花
各三十六鱗傍有石秤石斗或十年或三五年一
出唐大順元年鐫詩甚多○州西一里白鶴灘前
朱真人冲舉之處志云爾朱洞既浮江而下漁人
有白石者舉網得之擊磬方醒遂於涪西灘前修
煉後乘白鶴仙去因以名灘○種松山在州東二
里相傳爾朱先生種松時松影映石石皆有松紋
至今呼松屏石採者禱於先生乃得佳○華陽國

四川名勝志卷之十七

六

志延熙二年馬忠定越嶲置赤甲軍常取涪陵之
民蜀丞相諸葛亮亦發勁卒三千人爲連弩士按
志有赤甲戌與黃草峽相近在李渡之上蘭市之
下杜甫詩云黃草峽西船不歸赤甲山下行人稀
卽此地也○碑目云許雄山有古廣漢縣令神道
碑俗呼爲普虎碑偶碑什遂有虎入城縣官設祭
復豎碑虎害乃止按在州西南七里山之東有馬
援壩○志云馬援壩在州治南四里相傳伏波將軍
征武陵蠻駐兵之處又涪陵江中有銅柱灘最
峻急昔人維舟于此見水底有銅柱云○灘之東

爲錦繡洲九域志云此洲人業織錦蜀也宋書詩
錦繡洲猶在能龍夢已無文風簪屢蜀仙洞接三
都白石從天設青崖見地圖荔枝妃子園不復襄
時輸○城西十五里有妃子園其地多荔枝昔楊
妃所嗜當時以馬通馳載七日七夜至京人馬多
繫於路百姓苦之故杜牧之過華清宮詩云長安
迴望繡成堆山頂千門次第開一騎紅塵妃子笑
無人知道荔枝來○華陽國志涪陵郡有丹興縣
以山出名丹也蜀時省按史記巴寡婦清之先得
丹穴而擅其利家富不貲清能守其業用財自衛

四川名勝志

卷之十七

古

秦皇帝以爲貞婦而爲築女清臺枯地志云女清
臺山在永安城東北七十里爲涪陵南平二郡界
○蜀載記李特傳范長生一名延久一名九重涪
陵丹興人

武隆縣

在州南一百七十里

漢涪陵侯二縣地唐武德元年分涪陵縣立以邑
界武隆山爲名○志云枳縣故基在治東上流二
十里李膺益州記云內江水自萬寧西北二百八
十里至關頭灘灘長百步懸崖倒水舟楫莫通震
宇記云內江一名涪陵江一名巴江在縣南出岷

北流又有蜀江門灘在縣前巴江水中○志云縣
西一里古渡頭有斷石中白痕如劍光名燭天名
爲天劍縣南二十里信水在峽口其泉如沸水與
江等日有三潮每至則高尺餘○龍寶潭在縣東
北七十里古善淩其人鳥兩絕杖屨而入幽徑可
十里忽平沙曠野山壑清泉別一世界○四夷攷
云武隆之地東隣黔楚西接梓柯北枕巴江南通
貴竹其三面界于土司爲西陽之咽喉石砦之頂
臂至若真州則撲胸之患矣所謂難先全蜀險阨
諸蠻者也

四川名勝志

卷之十七

古

彭水縣

在州南一百四十里

史記秦司馬錯取楚商於之地爲黔中郡寰宇記
云卽劉璋之漢葭縣矣隋開皇十三年蠻帥內蜀
故于此地設彭水蜀黔州亦州之所理也彭波聲
峽水澎湃其聲似之○志云舊理在壺頭山之麓
今移於紹慶府基按宋史太平興國八年黔州摩
圍山慶雲出通判黃仲震圖頌以獻至南渡理宗
初年始追封爲紹慶府○權載之黔州觀察使廳
記云黔中爲楚西南徼道在漢爲武陵莊躡循江
以畧地唐蒙浮船以制越地近荆楚候如巴蜀五

溪東蠻蠻聚落陰雨多胸草木少凋者也○字記云五溪謂酉辰巫武沅等溪也古老相傳楚子城巴巴子兄弟五人流入五溪各為一溪之長一說五溪蠻皆盤瓠子孫自為紀長故有五溪之號古謂之蠻蠻聚落攷三國志劉先主下五溪蠻之地置黔安郡即此地矣○劉長卿送任侍郎黔中克判官不識黔中路今有遣使臣猿隨萬里客鳥似五溪人地遠官無法山深俗易浮湏令荒微外亦解懼埋輪司空曙送龐判官赴黔中天遠風雲異西南見一方亂山來蜀道諸水出辰陽堆案

四川名勝志

卷之十七

九

青油暮看基誌角長諭文誰可製記室有何郎李嘉祐送上官侍御赴黔中莫向黔中路令人到欲迷水聲巫峽裏山色夜郎西樹隔朝雲合猿窺曉日啼南方饒翠羽知爾飲清溪許棠寄黔南李校書從戎巫峽外吟興更應多郡響蠻江漲山昏蜀雨過公庭饒越味俗土尚巴歌中夜懷吳夢知經灩澦波杜荀鶴送人尉黔中盤山行幾驛水路復通巴峽漲三川雪園開四季花公庭飛白鳥官俸請丹砂知尉黔中後高吟采物華許琳黔中書事巴蜀水南偏山窟寒蠻竟歲時將近臘草樹未知

寒獨欲啼朝雨羣牛向暮灘吏聞蠻俗近烽火不艱難寶羣黔中書懷萬事非京國千山擁麗譙佩刀看日曬賜馬傍江調言語多重譯堂飭每獨語沿流如着翅不敢問歸棹李頻黔中酬同院韋判官平生同所為相遇偶然遊各看青袍後無歸白社期江流來絕域府地管諸夷聖代都無事從公且賦詩○碑目云漢故孝廉柳莊敏碑在縣舍內字迹銷謫唐黔南節度使趙國珍德政碑上元二年立在城南隔江作能神道碑集古錄以為長慶二年立山谷刀筆云宋左藏庫副使東南第八將

四川名勝志

卷之十七

一

秦世章自長沙買石摹僧寶月古法帖十卷載回黔安壁之紹聖院庭堅為之跋按世章秦子明涪州人也丹鉛錄謂寶月帖又在隋開皇帖南唐昇元帖之前比之金薄置紙銀錠模煖者優劣當懸矣○紀勝云魯直謫若有涪翁晚策杖至此觀江漲雨餘天欲涼十五字墨蹟在州之嘉禾堂又黔中與人帖云庭堅頓首竊觀鎮靜足以安夷僚清節足以服吏民郡閣宴閑時與僚佐歌舞以謝江山當亦無不樂時別後未嘗不思英對也齋中小宴歌舞中更得新進否此邦樂籍似皆勝渝溫微

有成都之風也○本志載宋冉木震黔州倅衙月
山岩銘云黔號古郡地居極邊倅倚山其山刺
天有日月巖古老相傳觀事累月徧求茫然偶落
漕渠巨石中填深掘視之厥狀嶮岼中實一穴透
明而圓皎如秋月翳絕雲烟旁補三隙如星之聯
枚杖細觀古識存焉喜命僕大梔置座前負以層
石映以潯泉日對其側卷舒簡編凡物遭遇皆有
留緣高岸深谷知幾變遷惟我月巖存千萬年又
飛來峰銘云黔山角逐雲空相摩疊石其間如戟
如戈否則蹲伏橫立橫阿千狀萬怪知名幾何惟
川名勝志卷之十七 三
飛來峯浩翁相遭有筆如椽三字袞袞一經品題
聲價倍高譬如入乎何地無材不遇知音均混草
萊有送吹嘯清冥路開一飛冲天迥絕塵埃噫歟
茲石千古皚皚四維整肅如出剪裁日炙雨澆蒼
然生苔不動惟汝何從飛來因浩翁重汝何能哉
○志云治南一里巨石爲軒平曠可容十數人黃
魯直過此手書綠陰軒三字鐫于石壁至元中紹
慶總管回午鳳重修有臥佛巖與軒相近巖石岌
懸生一竅甚圓仰窺之又生一竅其中虛明有橫
石一塊眉目宛然如來佛山肱枕臥時也○紀勝

云城西南過江五里有摩圍山夷獠呼天爲圍以
其高摩于天也道家謂之洞天福地昔有樵者攀
緣入洞見二老圍碁其中回役尋之了不可得魯
直安置黔中寓開元寺號摩圍老人有石泉在山
頂山勢壁立泉從石竇中流出寺僧以甕接之爲
朝夕清供碑曰載摩圍山唐人石刻云巴黔路途
濶遠亦無館舍凡至宿泊多倚溪品就水造食鑽
木出火山谷集云丙子仲秋黔守席上客有舉杜
少陵中秋詩曰今夜鄜州月閨中只獨看遙憐小
兒女未解憶長安因戲作詞云舉頭無語家在月
川名勝志卷之十七 三
明生處住擬上摩圍最上峰頭試望之偏憐鍾秀
苦淡同甘誰更有想見牽衣月到愁邊總未知又
丙子仲秋奉陪黔陽曹使君伯達翫月作臧字木
蘭花兼簡施州張使君仲謀云中秋多雨常是罽
罽狼籍去今夜雲開須道姮娥得得來不知雲外
還有清光同此會箇在層樓聲徹摩圍頂上頭○
卽今之信陵巡簡司也○志云唐長孫無忌墓在
信寧西岸岐山之麓按史無忌洛陽人累官太子
少傅同中書門下三品高宗時諫立武后許敬宗

誣奏無忌反削其官爵謫黔州安置沒葬是歲人歲以三月三日致祭○又有廢都濡縣唐貞觀置卽黃營直所稱都濡月兔茶者○廢洋水縣亦唐時置以南陽水爲名

忠州在府城東領鄂都楚江二縣

譙周三巴記曰臨江縣後漢初平六年立在水寧郡東四百里臨江南古城○水經曰江水又東逕臨江縣南註謂土莽之鹽江縣也郡國志云梁于此立臨江郡隋置臨州貞觀始改爲忠州忠之名以巴蔓子或云嚴顏按華陽國志周之李世巴國

四川名勝志卷之十七

有亂將軍蔓子請師於楚許以三城楚王救巴巴國既寧楚使請城蔓子曰藉楚之靈克弭禍難誠許楚王城將吾頭往謝之城不可得也乃自刎以頭授楚使楚王歎口使吾得臣若巴蔓子用城何爲乃以上卿禮葬其頭巴國葬其身亦以上卿禮今治西北一里有蔓子家○三國志劉璋使嚴顏守巴郡爲張飛所擒欲降之顏曰有斬頭將軍無降將軍飛怒命斬之顏從容曰斫頭便斫頭何必怒耶本志州西五十里江中高阜名塘土洲有嚴顏墓碑及祠○九域志云臨江郡有古屈原祠王

象之碑目亦引之東坡謂屈原古塔在忠忠不意有此意者後人追思爲之其詩曰楚人悲屈原千歲意未歇精魂飄何處父老空嗔咽至今滄江上投飯救饑渴遺風成競渡猿吟楚山裂南賓舊蜀楚山上有遺塔陸游詩云我遊南賓春暮時蜀船曾繫掛猿枝雲迷江岸屈原塔花落空山夏禹祠塔在江之南岸○宋紹聖四年王闢之知忠州建四賢閣於治後四賢者故相司徒鄭州刺史南華劉安士安故相贈兵部尚書嘉興陸贄敬輿中書侍郎平章事贈司徒安邑李吉甫宏憲刑部尚書因川名勝志卷之十七

城西二十里移來○文苑英華唐蘇頌有授忠州刺史上騎都尉王守廉制陳子昂有忠州江亭喜遇吳參軍見牛司公序畧云江亭地瞰羅維樹于階基山樹遶臨列羣峰于戶牖丹藤綠篠俯映長筵翠渚洪濶交流合坐者矣杜甫宴忠州使君妓宅詩出守吾家姪殊方此日歡自須遊阮舍不是怕胡灘樂取長歌送杯饒旅思實昔曾如意舞牽牽強爲看李端送濮陽錄事赴忠州成名不逐雙旌遠空印還爲一郡雄赤葉黃花隨野岸青山白水映江楓巴人夜語孤舟裏越鳥春啼萬壑中聞

四川名勝志

卷之二十七

三五

說古書多未校肯令才子久西東白居易郡中春憺因贈諸客僕本儒家子待詔金馬門塵泰親近地孤負聖明恩一旦奉優詔萬里牧遠人可憐島夷帥自稱爲使君身騎鯨魚口食巴江鱗暗淡緋衫故爛斑白髮新是時歲一月王曆布春分顏條足皇澤命宴及良辰冉冉趨府吏出蚩聚州民有如蟄蟲鳥亦應天地春薰草席鋪座藤枝酒注樽中庭無平地高下隨所陳蠻鼓聲坎坎巴女舞蹲蹲使君居上頭掩口語衆賓勿笑風俗陋勿欺官府貧蜂巢與蟻穴隨分有君臣○樂天刺史也茲

邦風流暇豫日事遊賞其有東樓荔枝樓鳴王聖余龍昌寺巴子臺東坡東澗諸勝黃魯直爲王聖余作記云樂天東樓以燕賓佐酒樓以瞰鳴王溪登龍昌上寺以望江南諸山張樂巴子臺以會竹枝歌女東坡種花東澗種柳皆相傳識其舊處焉○東樓卽城東樓也白公東樓詩云山來邑居窄峽牽氣候偏林巒少平地霧雨多陰天隱隱煮鹽火漠漠燒畚烟賴此東樓夕風月時條然○荔枝樓在治西南隅卽西樓也公旣作荔枝圖以寄親友又建樓以賞之其詩曰鄉路音信斷山城日月遲

四川名勝志

卷之二十七

五

欲知州近遠階前荔枝枝又西樓詩云悄悄復悄悄城隅隱林梢山郭燈火稀映天星漢渺年光東流水生計南枝鳥月沒江沈沈西樓殊未曉○鳴王溪在州西十里上有懸岩瀑布高五十餘丈潭洞幽邃古木蒼然前刺史房式嘉其幽絕特置蘭若凡有五橋以渡長慶集云鳴王溪上木蓮穠茂元和十四年夏命道士母丘元志寫之本志云溪在治西二里發源西崖水聲如珮王其傍有古刻亦名西溪又云西北五里有木蓮洞宋錢戎之詩云鳴王溪邊堪寓目木蓮洞下更關情忠州好景

無人說祇得派城小市名○龍昌有上寺下寺俱
唐建在西山頂者爲上寺卽巴臺寺也與翠屏山
相對故云可以挈江南志謂之巴子臺相傳巴子
所築唐宋詩刻存焉下寺卽治平寺寰宇記曰龍
昌寺在臨江縣東今爲治平寺白公嘗於寺旁植
柳柳盛則寺興柳衰則寺廢寺僧愛此柳比之甘
棠○白傳登城東古臺詩迢迢東郊上有土青崔
嵬不知何代物疑是巴王臺巴歌久無聲巴宮沒
黃埃志云巴王廟在州東一里神卽蔓子將軍也
歲三月七日太守以豕帛致祭先期土人具千鈞

四川名勝志

卷之十七

主

蠟祠之○王象之碑目云漢丁房雙石闕在巴王
廟前按左闕高可二丈覆以飛甍層觀最上琢雙
扉一美人現半身倚立中層琢車馬人物旁刻文
螭糾蟠長可三四尺金石古文云此漢高之始也
正面漢隸十行行三十字強半剝落惟漢都尉丁
房五字相聯可讀它無恙者尚三二十字闕陰鐫
云紹聖丁丑五月戊午知忠州軍州事齊國王闕
之軍事推官荆南李鑑兵馬監押維陽田缺巡簡
安化楊中孝監稅濟南益義逸錄事高陽張復臨
江縣令竟陵張徽司戶叅軍陽安文同司理叅軍

雲安常彥臨江縣主簿東武同遊永順王祠坐
東軒面巴峽臨岷江望東溪之龍潭崇山峻嶺激
湍清流真出陰之蘭亭也於是賦詩酌酒極一時
適將歸共觀石闕之上讀漢都尉丁房碑欲重加
刊刻而文字磨滅竟不可辨相與嘆息而去右邊
闕就圯近日爲有司者新之了非故物○巴臺下
江中有石圓光如鏡旁有五石筍簇之呼爲仙人
照鏡臺○勝覽云東坡在南賓郡圃有亭名東亭
白公詩綠樹爲閑客紅蕉當美人又何處慙慙
回首東坡桃李種新成又最憶東坡紅欄慢野桃

四川名勝志

卷之十七

主

山杏水林檎蘇子瞻東坡之號實始於此其序云
平生自覺出處老大粗似樂天非東坡之名偶亦
同也○東澗在治西開元寺側亦樂天時鑿公有
東澗種柳詩云野性愛栽植植柳水中坻三年未
離都可以見依依○水經曰江水又逕虎鬚灘離
水廣大夏斷行旅今州西二里有石梁三十餘丈
橫截江中俗呼倒鬚灘卽其處○輿地碑目塘土
洲有貞元十七年段文昌撰耆老思舊碑有唐荆
史房公式善狀碑又有景德寺碑立在普賢院中
○水經曰江水又東得黃華水口左逕石城志

云卽皇華洲也在城東五十里江浦週迴可二十里碑目云有宋忠州貢院碑參軍安元白立金魚堡碑陞忠州爲咸淳府碑俱在此洲上咸淳碑詔文勅門下皇天畀付有家敢怠繼承之敬乾元首出庶物聿懷潛躍之初念聖考之貽謀擇价藩而錫履嚴陵龍水之鎮受節齊炫永嘉忠南之封分茅主社瞻言昇翰之重允協謳歌之歸漢輿地之上圖若規先憲周舊邦之新命並錫府名以壯萬年之觀亦尚一人之慶其改陞溫州爲瑞安府疏州爲建德府宜州爲慶遠府忠州爲咸淳府咸淳

四川名勝志

卷之七

寺

元年八月二十九日午時急速按察宇記石城在臨江縣東百里岷江之北岸李雄之亂巴西郡句理于此城四面懸絕亦謂之巴子城矣○華陽記曰臨江縣有鹽官在監余二溪一郡所仰按涂溪在州東八十里發源蟠龍洞來經涂井井神爲漢楊伯起井廟碑云神嘗刺史荆州過江至此憇于南城寺謂人曰江北二三里間安得有寶氣耶至蟠龍洞見周柱下史丹爐曰此地有龍無虎安其丹不就也至涂山見白鹿飲泉曰寶氣在此矣土人從所指處鑿盤石而得鹽泉廟在治東一口志

云州東南八十里方斗山以形名也山有龍其神號方斗龍王所謂涂山與諸龍洞者也又云州東二十里香爐堆比有石碑云處士楊佐墓漢楊伯起之裔孫○南山卽翠屏也在州城對岸二里山中有禹廟陸宣公墓王盧觀朝真洞望夫臺仙履迹諸勝白傳作樓以望之其詩云臨江一嶂白雲間紅綠曾曾錦繡斑不作巴南天外意何如昭應望驪山○輿地碑曰禹廟有唐碑字畫漫滅不可讀宋碑乃張俞作杜甫詩云禹廟空山裏秋風落日斜荒庭垂橘柚古屋畫龍蛇雲氣噴青壁

四川名勝志

卷之七

寺

江聲走白沙早知乘四載疏鑿松三巴度禹廟綠山行可里許爲王盧觀輿地碑目云王盧觀有唐人修建碑四觀南三十步有陸宣公墓舊經陸宣公贊襄葬于此或曰宣公已歸葬橋李忠南特廬塚耳然子美已歸葬偃師而未陽之墓自若太白已移殯青山而采石之塚猶在則敬輿此墓宜封植之矣王盧亦名紫極觀○通志云忠州南十里有望夫臺未詳其事按東坡忠州望夫臺詩云山頭孤石遠亭亭江轉船回似石屏可憐千古長如昨船去船來自不停是亦相傳已久○志云仙履

跡石在治北八十里相傳昔有真人立此飛言今足跡尚存宋秦東詩仙人雙赤腳踏石如泥泥痕尚可沒石痕不可迷○杜唐嘗居龍興寺有題院壁詩云忠州三峽內井邑聚雲霞小市常爭米孤城早閉門空看過客泪莫覓主人思淹泊仍愁虎深居賴獨園陸游龍興寺弔少陵寓居詩中原草草失承平成少胡塵到兩京扈謁老臣身萬里天寒來此聽江聲詩云寺門外江聲甚壯相去二十里有板山寺與龍興寺俱漢永平間建宋馮時行實華寺詩宿雨初收草木濃輝鴻飛去法堂空

四川名勝志卷之十七

圭

長廊無事僧歸晚盡日門前只看松即漢之普明寺也已上三寺按志在州北八九十里○志云州東北三十里大成寺漢初平建州西北四十里寶珠寺晉永和建又西北百里雙龍寺唐貞元建張詠雙龍寺詩未踏關陽已見山木鯨時吼翠微間老僧隨隊看雲起居士忘機共鶴閒入眼烟光依砌濕倚空霧氣遶山環三朝寶訓神明護大讀經章祝王顏

鄧都縣在州西二百里

水經曰江水又逕東望峽東歷平都訃謂峽對豐

民洲舊巴子別都也華陽志巴子雖都江州或治平都即此續漢書永元二年分枳置平都界內平都山而名按政平爲豐自陸始豐傍加邑我明始○方輿勝覽云自鄧都縣東行二里許始登山石徑縈迴可一二里平塋如棉林木遂茂夾逕翠栢黃葛殆萬株有數十株是千年物此即平都山也○鄧道元曰平都有天師治兼建佛寺甚清靈道書號爲平都福地輿地紀勝云仙都觀在平都山唐建宋收景德又名白鶴觀有陰長生詩云成四年書通攷云陰真人祠刻詩三章乃貞元中

四川名勝志卷之十七

圭

刺史李貽孫書元豐四年轉運判官許安世過祠下閣石定爲陰仙之作乃屬知夔州吳師孟書石遂置觀中○百川學海云治平末蘇東坡游峽泊舟仙都山下道士持陰長生石本金丹訣就質真贗東坡答曰不知也然士大夫過此必以請久久自有知之者按古今詩話云蜀道觀中深井得一碑其文曰有物有物可大可久採乎蠶食之前川乎火化之後成湯自上而臨下夸父虛中而見愛氣應朝光功參夜漏白英聚而雪慚黃鵠而金醜轉制不已神趨鬼蹶金歟王歟天年上壽無著

於文訣之在口此卽陰仙所著丹訣也○勝
陰長生以延光元年於平都山白日昇天山頂五
雲洞中嘗有雲氣從丹井中出洞有五雲樓壁上
璿池樂部四字段文昌書○輿地碑曰云仙都觀
有二仙公碑李度撰二仙銘薛凝撰俱景雲二年
立陰真人影堂碑上真人碑俱李吉甫撰貞元年
在其石瑩潤而白號爲玉石碑又有高比干銅盤
銘開元間掘自偃師縣翻刻于此文曰右林左泉
後圖前道萬世之銘茲焉足寶又有中和元年志
州刺史陳旉三官碑丞相段文昌修觀碑段少監

四川名勝志

卷之十七

三

修齋記天尊石像記老君石像記張大理詩社光
庭石函記按今皆不存志云總真羣仙之府也
山洞天等刻或隸篆或真行大徑尺呂純陽書見
存純陽登平都有訪仙詩孟蘭清晚過平都天下
名山總不如兩口單行誰解識王陰空使馬蹄虛
又云一鳴白鳥出青城再謁王陰二友人日口惟
言三島樂穉眸已過洞庭春口段文昌修平都觀
記云平都山最高頂卽漢時王陰二真人蟬蛻之
所峭壁千仞下臨湍波老柏萬株上種芝草靈芝
綠羽皆非圖志中所載者唇旦萬狀信非人語

元十五年余西遊岷蜀停舟江岸候衣虔潔
洞所石品靈寶蒼然相次苔龕古書依稀可辨時
與道侶數人坐於下須臾天籟不起萬竅風息山
光耀於耳目烟霞拂於襟袖相領神竦若在紫府
玄圃矣牽於行役不得淹久瞻眺惆悵書名而去
邇來已三十四年太和庚戌歲自淮南移鎮荆門
有客由峽中來者皆言當時題記文字猶在觀宇
歲久臺殿荒廢不三數年必盡摧沒於巖壑矣乃
拾一月秋俸俸令修葺于來同力決旬報就去
冬十一月詔命換歷幢再領全蜀沂三峽歷舊遊

四川名勝志

卷之十七

古

依然景物重喜登覽聞泉聲而緩步愛松色而難
別遂命筆視志於巖谷時太和七年正月五日
道經云老子騎青牛度函谷將息駕于平都今縣
二里有青牛山在平都之左○方輿勝覽云景德
觀前鹿鹿時出沒林間與人狎志云自平都西去
一里林樹叢密者白鹿山也霏雪錄云蘇老泉將
遊仙都觀知縣李長官云故知君之將至也問何
以知之曰此山巨鹿鳴輒有客至是驗歟未一失
老泉亦嘗爲人言之東坡白鹿山詩云日何促
促塵世苦拘束仙子去無踪故山遺白鹿仙人已

去鹿無家孤悽悵望曾城霞至今聞有遊仙客夜
來江浦叶平沙山之翠微有王鳴皋響琴音清
澄王色其麓有流杯溪溪凡七出有傳平都之仙
常燕集于此○華陽國志巴子又立市於龜亭北
岸今新市里是也註水經曰平都縣有市肆四日
一會東坡詩我生飄蕩去何求再過龜城歲五周
身行萬里半天下僧臥菴初白頭題云過石龜
山作也舊志石龜山在縣東五十里其下有村墟
○志云縣在豐民洲登平都山望岷江西來繞之
而去其支流派別名爲溪者可得而數焉根溪在

四川名勝志卷之十七

圭

治東山上有魏國夫人墓未詳年代葫蘆溪在
西南遂窺莫測蛟龍是宅青螺綠髻上下相映志
謂之月鏡潭也碑溪以古碑名不知何代物去縣
稍遠望途溪在古南賓縣地今爲南賓里舊屬忠
州鄰石社司○廢龍渠縣今名縣壩屬散毛宜撫
司縣有引藤山出藤大如指可以吸酒白樂天詩
閑拈蕉葉題詩句悶折藤枝引酒嘗亦近南賓界
○愚按豐民洲在平都山下隋兩以之爲名縣自
豐旁加邑而羅鄩地府之說始行今引其說廣記
二文附此真諦曰羅鄩山在北方癸地註此癸地

未必以六合言當是於中國指向往在幽州漢書
之比北海之中去岸不知幾千萬里又曰六天宮
是鬼神六天之治也洞中六天宮亦同名相像如
一世有知鄩都六天宮門名則百鬼不敢爲害陶
弘景曰此應是比鄩鬼王決數罪人住處其神卽
經所稱閻羅王矣太平廣記曰東都豐都市在長
壽寺之東北初築市垣掘得古塚土藏無碑甃棺
木陳朽觸之便散苑上著平上墳朱衣得銘曰第
道居朝龜言近市五百年間于斯見矣當時達者
參驗是魏黃初二年所葬也然范成大詩聞有北

四川名勝志卷之十七

圭

陰神帝庭太陰黑簿囚鬼靈則鄩都之說亦不
于近代
墊江縣在州西北二
唐通典曰魏恭帝始置忠州墊江縣後周改名魏
安隋開皇十八年復爲墊江蔡松年南史補曰漢
之墊江今之合州也合州置自西魏及隋煬帝改
合州爲涪陵郡於是移墊江之名于桂溪縣桂溪
溪旁多桂樹也縣以樹名寰宇記曰桂溪縣有清
水有容水在桂溪南三里清水唐縣名在州之
清濁二水矣縣又有鹽溪今治北小溪上有古碑

乃宋淳熙中物○孟康註地理志曰墊江之墊音重疊之疊晉太康地記曰墊江因李雄之亂移置于陽關陽關未詳疑卽陽關爲三關之一○碑目會仙洞勝在治北四十里之鳳凰山李太白書羅王洞勝在治北五十里之西山李唐勅賜也按西山磐石上有巨人迹或羅王榜之始名○志云縣東北二十里有古寺曰秋月禪關唐馬祖修淨之所卽峰頂山也又二十里有古洞飛湍喧歷如雷聲聞十餘里久晴聞之則雨久雨聞之則晴○段氏遊蜀記曰忠州墊江縣以蘇董爲席絲爲經其

四川名勝志

卷之十七

七

色深碧○渝志云明王珍僭號以墊江爲雞鵝食邑亦猶巴子以東突硤爲畜牧沮矣

四川名勝志卷之十八

閬中曹學佺始撰

下川東道屬

夔州府

在省城東一百里 領州一縣十二

春秋夔子國秦漢巴郡地也獻帝初平中置固陵郡尋爲巴東矣唐初曰夔天寶至德之載皆稱雲安郡乾元以後復稱夔至今沿之按山海經岷山多夔牛注爾雅犼牛也肉數千斤出蜀山或地有此獸或山形似之如犍爲之類○江關都尉兩漢立漢書地理志云江關都尉理魚復是也○白帝

四川名勝志

卷之十八

十

七

城公孫述築郡國志云述至魚復有白龍出井中因號魚復爲白帝城是也○永安郡蜀先王建三國志云先主伐吳不利自夷道還改白帝爲永安郡是也○三巴校尉宋太始間置立案宇記云山峽險隘多賊盜乃立三巴校尉以鎮之是也○信州梁天監中立方輿云梁置信州治白帝城周移治永安宮南是也○其後王孟二蜀以施夔忠萬置鎮江軍後唐改寧江軍節度使宋蜀之南渡後陞爲帥帶歸峽州兵甲司公事○今下屬夔卽江關瞿唐右所設白帝城學官卽永安宮址而官

屯戍皆隸楚以犬牙相制之義

奉節縣 附郭

春秋時魚邑漢晉魚復縣也西魏易爲魚人蜀信州唐貞觀中改今名州廢而節存不忘信矣水經曰江水又東逕南鄉峽東蒙宇記云南鄉峽在奉節縣西四十七里龍洞溪出焉按卽今之龍窠候節梁簡文帝龍窠詩云征人喜放溜稍隱陽雲臺初言前浦合空覺近林間○經云江水又東逕永安宮南註云劉先主終於此諸葛亮受遺詔宮前距平地可二十里許江山迴澗入峽所無城址背

夔州名勝志

卷之十八

二

山面江額塘四毀荊棘成林左右民多墾之爲田三國志云劉備改魚復爲永安仍於州西七里築永安宮陸游入蜀記云二十七日早到夔州州在山麓沙上所謂魚復永安宮也官今爲學基州治在宮西北廿夫人墓西南景德中轉運使丁謂薛顏所徙比白帝頗平曠然失險險無復雄築矣○古義泉相傳諸葛武侯所鑿侯慮城中無水乃接筒引水後守亡藝以椎水取錢待伺王龜齡乃罷之舊府志云夔惟節度府漕臺西廳有井與二

年未嘉公領使事發地二百尺而始及泉以地木

斃之民至今利焉○周陵文類云郡守錢唐單夔

全漕使渡澤張玠以紹熙元年六月初吉謁先師因延肄業之士譙嘉張子震三和月皆在文學榘錢塘李廷光九華張巖起三衢毛憲定與焉遠會食明道堂啜茗觀三峽圖聽水琴聲清話久之翛然忘暑遐想詠歸之風名教之樂其有旣耶末有柯甲跋云其字皆古隸體○碑目云少陵遊蜀凡八稔在夔獨三年平生所賦詩凡千四百六篇而在夔者三百六十有一治平中知州賈昌言刻十二石于北園歲久字漫滅建中靖國元年運

夔州名勝志

卷之十八

三

判王蘧新爲十碑今在漕司○北園卽漢西果園也入蜀記云土人謂山間之流通江者曰漢其地在漢之西故云漢西杜市暮春題漢西新賃草屋詩又嗟三峽客再與暮春期百舌欲無語繁花能幾時谷虛雲氣薄波亂日華遲戰伐何由定哀傷不在茲其二北郊千樹橘不見比封君養拙于戈際全生麋鹿群畏人江北草旅食漢西雲萬里巴渝曲三年實飽聞新別巫峽贈南郡兄襄西果園四十畝詩云苦竹素所好萍蓬無定居長兒子幾地別林廬雜紫紅相對他時錦不如具鳥糞

出峽巡圖念携鋤正月喧鶯未茲辰放鷁初雪簾
梅可折風榭柳微舒託贈卿家有因歌時趾跡殘
生逗江漢何處狎樵漁○郡有制勝樓因北樓也
宏張商英序云夔據前蜀往來之衝渝瀘施黔疆
場之郡倚州爲重而顏垣廢墜居民暮夜出入不
禁殆非所以防微消患嚴官府壯屏翰意也熙寧
十年轉運副使董大夫請於朝而新之知郡事王
仲祥畢其後遂負赤甲之固合月臺之遺址而增
築之建爲雄樓宏大燦奪凡山川形勝盡在目中
大夫以制勝名之蓋慮深哉落成諸公賡詩以詫

四川名勝志

卷之十八

四

之將鑣於石以廣其傳於是金馬張商英適西來
爲之序云爾知軍州事王延禧北樓詩夔子城新
築長江便作壕歟諸面敵故起北樓高卽舊基
仍峻因時力不勞青天纔咫尺翠壁似周遭近照
東西滾通分上下牢百蠻歸指掌三峽見秋毫帝
道方無外皇威到不毛三鶴聞夜鎖八陣縱春遊
守上慚非稱提兵亦謬叨經營督使指備豫本戎
韜功乏爲山助名加制勝褒登臨談今宅深愧杜
陵豪○方輿勝覽云白雲樓在計臺有三層程之
才序云漕舍據北山之麓西園錦石堂又據漕舍

之北地勢最高歲久且敝因稍增築代以重樓名
其上曰白雲樓中曰秋濤閣下曰山堂登閣之勝
甲於一郡於其成也不可無紀輒吟詩一篇爲作
者前驅耳詩云驚熊城郭遠蒼崖萬壑煙嵐亦壯
哉日落三峽堪騁望雲浮雙闕欲崔嵬胡床不愧
庾公興奕簾還思杜老才更待携衾盡清景夜深
欄檻逼昭回○江月亭在戎鈴司王龜齡詩長江
何處水明月幾州天月與江無約相逢是偶然口
石刻云癸亥燈夕前一日臨川何異同叔招王鈴
轄光遠飯次日當用故事邀漕使鉅野李誠之同

四川名勝志

卷之十八

五

至江月亭鈴轄錄示梅谿舊題頃有所請方辭以
罷老無復強綴語言偶是夕五鼓形於夢寐得二
十字其辭曰月湖湖上月到處有光輝既解相隨
出當須照我歸覺而甚喜歸日可期既登茲亭水
月相得愈切刀頭之夢○瑞白堂在州治內郡守
王十朋五月十五日夜與劉韶美草酌於瑞白堂
秉燭觀跳珠分韻得跳字五月峽中天氣敵竹簫
引水那能澆江濱龍老卧未起蟻石不沾珠自跳
草草杯盤對君酌燈前疑是簷花落毫端寫出萬
斛珠共向炎天作冰雹劉儀鳳得珠字別來世故

朝昏殊相與言之汗模糊兩翁對酒促坐席感深
念極氣欲蕪籀龍亦解作水供細繹尋之如渴鳥
衣巾生秋芥毛豎金石相應環佩起江山豪壯傍
尊俎醉中頻貫纍纍珠○邵美有自歸州陸行至
夔州詩久客歸心速江流設險艱夢驚人鮮甕生
出鬼門關草蒲離騷國神依暮山山未平千古恨
慘澹入躋攀又飛溜時時雨踈風處處蟬草茵秋
卧月雲幕午垂天夷險籃輿底陰晴鳥道遶荒村
無勞酒坐睡媿賴肩又戶口村無幾犁鋤力不堪
林荒榜櫟詩月黑虎狼貪幽絕雲眠隱清閑谷飲

四川名勝志

卷之十八

本

耳故山深未極壤漸益茅庵又倚伏關群動幽微
各有生燒痕移窟穴林曲聚飛鳴瘖土常飢色層
坡被惡名經行不唾地山好故留情又曠野無人
宿危亭犯雨過嶺雲堆岳嶺剝海現堯羅酒觸秋
懷壯天留暮色多不勝行役苦裁入竹枝歌韶美
普州人性酷嗜書在京之日秘閣板本抄錄殆遍
親自校讎至杜門絕交為人劾歸此正其還里時
作○經云江水又東逕諸葛亮圖壘南註云石碛
平曠望兼川陸有諸葛所造八陣圖東跨岷壘皆
累細石爲之自壘西去聚石八行行間相去二丈

因曰八陣既成自今行師庶不覆敗皆圖兵勢行
藏之權非深識者所不能了今夏水漂沒月消
損高處可二三尺下處磨滅殆盡肅州圖副云永
安官南一里渚下平磧上周廻四百一十八丈中
有諸葛孔明八陣圖聚細石爲之各高五尺廣十
圍歷然基布縱橫相當中間相去九尺正中開南
北巷悉廣五尺凡六十四聚或爲人散亂及爲夏
水所沒冬水退復依然如故八陣圖下東西三里
有一磧東西一百步南北廣四十步磧上有鹽泉
井五口以木爲桶昔常取鹽卽時沙壅全出夏沒

四川名勝志

卷之十八

七

劉賓客嘉話錄云夔州西市俯臨江岸沙石下有
諸葛亮八陣圖箕張翼舒鵝形鵲勢聚石分布宛
然尚存峽水泛濫三蜀雪消之際湏湧濕淺可勝
道哉大樹十圍枯槎百丈破礧巨石隨波塞川而
下水與岸齊人奔山上其聚石爲堆者斷可知也
及乎水落川平萬物胥失故態唯諸葛陣圖小石
之堆標聚行列依然如是者僅已六七百年洵灑
推激迨今不動高似孫綽畧曰八陣圖注魚復者
隨江布勢填石爲規前障壁門後倚卻月縱八橫
八魁容二丈內向偃月九六鱗差江自岷來奔怒

淵激驚雷迅馬不足以敵其雄也徒華變滄不足以窮其力也磊磊斯石載載載椿知幾何年曾不一仄是非天所愛神所傲者歟晉桓溫伐蜀觀八陣圖詩訪古識其真尋源愛其跡恐君遺事節聊下南山石仍願謂從事曰此常山蛇勢也往甫八陣圖詩功益三分國名成八陣圖江流石不轉遺恨失石吳劉禹錫詩軒皇傳上畧蜀相運神機水落龍蛇出沙平鷁鵲飛波濤無動勢鱗甲避餘威會有知兵者臨流惜是非口舊經云八陣圖銘石刻在磧中今不復見張季長詩刻銘久伏水底碑

四川名勝志

卷之十八

八

教戰時存山下鼓自註云有圖銘巨石今伏水底又云山上有石鼓相傳為武侯教戰之音也○三山林栗詩序云諸葛武侯舊在西山歲久摧圯永嘉王詹事帥夔日移置陣磧淳熙漕使張著庭重修杜市諸葛廟詩久遊巴子國屢入武侯祠竹日斜虛寢溪風滿薄帷君臣當共濟賢聖亦同時歎憶吟梁父躬耕起未遲口方輿勝覽云武侯廟在八陣圖之卧龍山上時州理白帝改少陵詩云猶有西郊諸葛廟卧龍無首對江濱也○堂口開濟堂何者仲記云堂閣歲久垂壓矣淳熙疆圉作

卧龍山何者仲假守舉而新之因訪善本重自侯像摘老杜兩朝開濟老臣心之句以字堂巫出尉任份來董事春二月乙亥落成○黃庭堅卧龍行記云天永張茂先世京南昌黃庭堅魯直弟叔向嗣直建中靖國元年三月丁卯同來時左綿道入思順開法席於此山道俗歸心荆棘草萊化為金碧新雨晚晴同登中閣觀白鹽之崇嘯想少陵之風流歎大雅之不作裴徊久之奉節令王行謹跋云浩翁以文學名世學涂浩書而婉翁死三十年矣今人見其翰墨乃一之遊者莫不欣然景慕

四川名勝志

卷之十八

九

之都運徽猷久從翁遊而文學翰墨皆造其妙步趨之相若模範之相承譽望之相繼輝映炳耀卓乎其能肖也後之人苟未知浩翁之賢請觀於公可矣陸游詩云浩翁幾日客遺墨徧蒼崖作史今三月偷開始一來雲歸就落宿江怒觸山間更欲窮幽賞城頭疊鼓催口題名額川劉均國邀古雍李紹隆洛陽邢仲時陽在衛師房黃山韓次阮游卧龍山咸平院嵩長老忍禪師建炎四年十月晦日均國之子璩侍符郎閣公運使張公同遊卧龍紀行云余初自宣威幕府送李長泰事北關入道

山爲學士後三年余始被命造朝遂玷論思之列
今丐祠得請而歸會季長護漕夔門相與沽舊故
握手驚嘆益潤別已十年矣辱通家燕款淡辰亡
倦足後游卧龍山松風蕭爽雲日蔽虧千載英靈
恍若來下晚趨躍馬城赤甲白鹽峻極天半晴光
返照瀟浪帖伏慈明行酒道韞謂詩至大醉而去
不圖天涯爲樂之至於斯也淳熙九年三月癸巳
唐安閣蒼舒才元吉王十朋卧龍行記云永嘉王
龜齡少城周行可海陵查元章載酒來遊時凍雨
初霽風日清美山谷明秀照人道傍雜花盛開籃
四川名勝志 卷之十八 十

未游曰方開公之門可炙手時此善伏不出今公
歸卧青城山中賓客解散形勢一變而理方刻其
書爲不朽計嗟乎足以愧士大夫矣乾道七年七
月左奉議郎通判夔州軍州主管學事陸游謹識
按開著作名者青城人黃傑卧龍紀行云帥帳跨
鼇陳損之繡衣具茨王珍聯轡登卧龍置酒高會
賓客從者十有六人是日金虎嘯風丹雲蔽日涼
生尊俎興在江山獻酬磨唱之餘挹大士泉訪海
仙像塵慮息而神情清霽書牋垂露乃去真勝
游也慶元己未七月十有四日魯齋黃人傑書
四川名勝志 卷之十八 十一

輿徐行應接不暇寺有茶蘼羅絡松上如積雪崇
蘭數百本秀發巖石間微風透香所至芬郁東榮
牡丹大叢雨已開道人植葢護持留以供客飲罷
縱步泉上淪茗賦詩而歸乾道丙戌清明前四日
書○陸游跋關著作卧龍行記云著作開公者出
使峽中風采峻甚仕者人人震慄莫敢仰視游以
孤生起罪籍萬里佐州淺闇滯拙自期且汰去而
關公獨厚遇之舉酒賦詩談臺閣舊事忘其位之
重也公免歸之明年游以事至卧龍山戒平寺長
者思璉言公往有行記今將刻之石因屬游書其

李奎卧龍行記云眉山李季允同漢嘉王中父襄
陽晏亞夫來遊時春陽驟驕風埃四起酌泉松石
間意頗愜無何雷雨忽至晚登寺閣望赤甲白鹽
山色如洗相與舉酒樂甚遂留宿山房慶元六年
五日○水經注云白帝城西有孤石冬出水二十
餘丈夏卽沒秋時方出灩澦如象行人莫上灩澦
如馬行人莫下峽人以爲水候李膺益州記云灩
澦堆與水漲沒數十丈其狀如馬舟人不敢進故
曰灩澦又曰猶豫言舟子取途不決水勝故猶預
也南史云滠豫大如襍罍塘不可觸樂府云滠豫

大如馬瞿塘不可下類要云滄豫大如鼉瞿塘行舟絕滄豫大如鼉瞿塘不可窺水經註滄瀨歌曰江頭白浮堅相持倏忽淪沒別期孝子傳云庾子與扶父板過瞿塘六月水泛子與禱而遂平既過泛溢如故人歌之曰滄瀨如牛本不通瞿塘水退爲庾公口成子韶高齋題滄瀨水則云開封成鋪子韶奇瞿塘開懷安寒渥澤民成都郭公臨舜卿東去過高齋覽形勝遣人撐舟而繩墜石則滄瀨之約約八十四丈子韶曰夏中江漲滄瀨上水猶三十餘丈可想見矣澤民之子慶曾侍淳熙乙巳

四川名勝志

卷之十八

三

正月二十五日范成大吳船錄云六月丙辰泊夔州早遣視瞿塘水僅能漫滄瀨之頂盤渦散其上謂之滄瀨撒髮人云如馬尚不可下况撒髮邪是夜水忽驟漲淪及排亭及明走視滄瀨則已在五丈以下或可以僦倖入峽而夔人猶難之丁巳水漲未已遂決解維十五里至瞿塘口水平如席獨滄瀨之頂猶渦紋漫漶舟拂其上以過樞櫓者皆汗手死心而無人色蓋天下至險之地行路極危之時旁觀者盡皆驚阻余已在舟中一切付之自然不暇問據胡床坐招頭處任其溢兀每一舟入

峽數里後舟方續發水勢怒急恐猝相遇不可解折也帥司遣卒執一旗次第立山之上下一舟平安則錨旗以招後舢舨中兩岸高巖峻壁金鑿之痕皴皺然而黑石灘最號險惡兩山束江驟起水勢不能平又俗所謂茶槽者水大漲淪沒草木謂之青草齊皆不堪涉然既犯難而行不可回首也陸游入蜀記云二十六日晚至瞿塘開唐故夔州與白帝城相連杜詩白帝夔州各異城蓋言難辨也關西門正對滄瀨瀨堆堆碎石積成出水數十丈土人云歲旱時石露大半有三足如鼎狀○關者

四川名勝志

卷之十八

三

孫瞿塘關行記云乾道庚寅中元日關者孫約李時雨陳彥岳建壽宋嵩李普張徽之雍大椿飲於三峽堂晚携餘觥下瞿唐關訪夔刺史舊治客曰今之司關者之居是也遂飲於此茂林脩竹間小亭縈紆客曰此唐劉夢得故址也夢得遺墨舊有石好事者取去復飲關上高齋誦少陵薄雲巖際宿孤月浪中翻之詩歎此老具眼如此夔江山元龜惡惟少陵所紀處獨異高齋其一也高齋故基屋隘而陋予惜之方欲爲太守王君言客陳彥辛景賢出席願出力更築之僕謂不可隘而陋亦不

修而大此少陵誅茅避世意也。傳書以告二子。云景賢今司瞿唐關者。口詩話珊瑚鈎云。唐周耶自蜀買奴曰水精。善沉水。乃崑崙泗水之屬也。耶疑瞿塘之險。必有怪。使水精入歌之。久乃出曰。下有關。不可度。得珠貝而還。按今謂之下關城矣。樂府解題曰。瞿盛也。唐瞿唐也。言盛水其中。可以行舟也。又云。夏則爲瞿。冬則爲唐。杜甫瞿唐兩崖詩云。三峽傳何處。夢崖壯此門。入天膽石色。穿水忽雲根。猱猱鬚鬚。古蛟龍窟宅。尊羲和冬馭。近恐畏日車。翻白若易夜。入瞿塘峽詩。瞿塘天下險。夜

四川名勝志

卷之十八

上信難哉。岸似雙屏。合天如匹。練開逆風。驚浪起。夜發暗舫來。欲識愁多少。高于灩澦堆。○峽程記曰。灩澦合遂宕四郡。皆峽之郡。自蠻江枯柘池導等江至此。二百八十里。會於峽前。次於荊門。都四百五十灘。卽有清水重峯。胡灘。漢灘。忽雷。閃電。沱灘。灩澦。狼尾。使君。主簿。以使君主簿沉舟之所。遂爲名。其他不悉記。三峽者。卽明月峽。仙山峽。廣澤峽也。其有瞿塘。灩澦。燕于屏風之類。皆不預三峽之數。唐楊炯廣溪峽詩。廣谿三峽首。瞻望兼川陸。山路遶羊腸。江城鎮魚腹。喬枝百丈。纏飛水千尋。瀑

驚浪迴天。高盤渦轉。深谷漢氏昔云。季中原爭逐。鹿天下有英雄。襄陽有龍伏。常山集軍旅。永安興板築。池臺忽有傾。邦家遽淪覆。庸才若劉禪。忠佐爲心腹。設險猶可存。當無賈生哭。○經曰。江水又東。逕廣谿峽。註云。斯乃三峽首也。其間三十里。顏巖倚木。厥勢殆交北岸。山上有神淵。淵北有白鹽崖。高可千餘丈。俯臨神淵。土人見其高白。故因名。天旱。燃火崖上。推其灰。燼下穢淵中。尋則降雨。常璩以縣有山澤水神。旱時鳴鼓請雨。則必應。嘉澤蜀都賦。所謂應鳴鼓而興雨也。刺史二千石。經過

四川名勝志

卷之十八

十五

皆不得鳴角伐鼓。商旅上下。恐觸石有聲。乃以布裹篙足。此峽多猿。猿不生北岸。非惟一處。或有取之。放著北山中。初不聞聲。將同俗獸。渡汶而不生矣。其峽蓋自昔禹鑿以通江。郭景純所謂巴東之峽。夏后疏鑿者。杜甫白鹽山詩云。徐步移班杖。看山仰白頭。翠深開斷壁。紅遠結飛樓。日出晴江望。喧和散旅愁。春城見松雪。始擬放歸舟。按盛弘之荊州記。謂漢高祖伐秦。途經於此。見淵中白壁。赤柱狀若官府。因名龍淵云。○經曰。江水又東南。逕赤甲。西註云。是公孫述所造。因山據勢。周迴七里。

一百四十步東高二百丈西北高一千丈南連基
白帝山甚高大不生樹木其石悉赤土人云如人
袒胛故謂之赤岬山淮南子曰傍皇於山岬之旁
注曰岬山角也郭仲產曰斯名詳焉此而興矣志
云赤甲山巖穴中露一匣甚高不可升相傳乃古
兵書匣○經曰江水又東逕魚復縣故城南註云
故魚國也春秋左傳文公十六年庸與群蠻叛楚
莊王伐之七遇皆北唯裨儵魚人逐之是也地理
志云江關都尉治公孫述名之為白帝取其王巴
蜀益巴東郡治也漢獻帝初平元年分巴為三都

四川名勝志

卷之十八

七

以魚復為固陵郡趙胤訴劉璋改為巴東郡治白
帝山城周迴二百八十步北緣馬嶺接赤甲山其
間平處南北相去八十五丈東西十七丈又東傍
漢溪即以為隍西南臨大江關之眩目唯馬嶺小
差委適猶斬為路羊勝數四然後得上益州刺史
鮑陋鎮此為漁道福所闢城裏無泉乃南開水門
鑿石為函道上施木天公直下至江中有似援臂
相牽引汲然後得水水門之西江中有孤石為潘
頂石冬出水二十餘丈夏則沒亦有出處矣縣有
夷谿即狼山清江也經所謂夷水出焉益州記曰

水色清照十丈蜀人見其澄澈因名清江也○水
經注云昔原若浮土舟於夷水據捍關而王巴是
以法孝直有言魚復悍關臨江據大定益州福
之門漢書地理志云江關理魚復寰宇記云蜀漢
章武二年先主為吳所敗改自章為永安置太康
中復永安為魚復有故江關在江南岸北對州城
宋泰始三年以山嶠險多寇賊立三巴校尉以
鎮之宋末廢唐置都督府及刺史郡治於此文苑
英華常袞授持節都督夔州諸軍事兼夔州刺史
柏貞節制云山峽雄重江關要衝也○碑目云夔

四川名勝志

卷之十八

七

州都督府記唐會昌五年刺史李貽孫文繆師禹
書見歐陽公集古錄今在漕臺集古錄云予嘗謂
唐世人人工書故其名湮沒者不可勝數每與君
謨嘆息于斯也如貝靈該繆師愈今人尚不知其
姓名况其書乎余以集錄之傳僅各得其一補○
碑目云唐夔州刺史廳壁記長慶二年五月一日
刺史中山劉禹錫撰今見存○張說下江向夔州
詩天明江霧歇州浦棹歌來詠水遠迤去青山相
向開城臨蜀帝祀雲接楚王臺舊知巫山上遊子
共徘徊司空曙送夔州班使君魚國巴庸落塵幢

漢守過曉櫓爭市隘夜鼓祭神多雲白當山雨氣
清滿峽波夷陵舊人吏猶誦兩峽歌戴叔倫送盧
使君赴夔州詩鑪管隨旌旆高秋達上巴白波連
霧雨青壁漸兼茂凭几雙桐靜登樓萬井斜政成
知變俗當應畫輪車唐求舟行夜泊夔州維舟鏡
面中迴對白鹽峯夜靜沙堤月天寒水寺鐘故園
何日到舊友後時逢欲作還家夢青山一萬重鄭
谷入夔子詩萬家煙靄裡隱隱見夔州夜靜明月
峽春寒堆雪樓獨吟誰會解多病自淹留往事如
今日聊同子美愁○白帝城公孫述所築東觀漢

四川名勝志

卷之十八

十八

記白帝城舊名魚復公孫述見白龍入井中以為
應已之祥改爲白帝陳子昂白帝懷古詩日落滄
江晚停橈問土風城臨巴子國臺沒漢王宮荒服
猶周甸深山尚禹功巖懸青壁斷地險碧流通古
木生雲際歸帆出霧中川途去無限客坐思何窮
杜甫上白帝城城峻隨天壁樓高更女牆江流思
夏后風至憶襄王老去聞悲角人扶報夕陽公孫
初恃險躍馬意何長又上白帝城樓江度寒山閣
城高絕寒樓翠屏宜晚對白谷會深遊急急能鳴
鴈輕輕不下鷗夷陵春色起漸擬放扁舟○入蜀

記云白帝廟氣象甚古松栢皆百年物有數碑皆
孟蜀時立庭中石筍有黃魯直建中靖國元年題
字又有越公堂隋楊素所創少陵爲賦詩者已毀
今堂近歲所築亦甚宏壯自開而東卽東屯少陵
故居也碑目云開城白帝廟碑凡三其一元和元
年其二長興二年其三廣政元年立廟前有栢柱
大可十圍高二十丈餘乃公孫述時樓柱所斫之
處忽生枝而不朽又有三石筍王十朋詩云白帝
祠前石筍三根連灤灤立相參不知此石能言否
往事應同老栢談自註云有二栢甚古也石筍上

四川名勝志

卷之十八

一

行記云江通濟道日珣東王黃庭堅魯直同來建
中靖國元年三月○方輿勝覽云越公堂在瞿唐
閣城內隋楊素所爲也杜甫宴越公堂詩此堂存
古制城上俯江郊落構垂雲雨荒堦蔓草芽栢穿
蜂澗蜜棧缺燕添巢坐接春杯氣心傷黯紫情英
靈如過隙宴衍願投醪莫向東流水生涯未卽拋
張俞越公堂詩越公作隋藩烈烈耀威武駐馬白
帝城營營歷巴楚俯瞰萬里流徘徊覽千古鬼工
後精魄梓制衙刀斧四阿無樂榼大厦唯柱礎岬
嶮露節角犀豁轉檐廡川漆久磨滅風雲尚吞吐

自註云堂奇構宏敞內無撐柱雙觀中春逸不可度也○峽前有堂曰三峽堂宋肇詩云林巒十里上巉巖飛檻初憑縹緲間夔子風煙依白帝夜郎耕稼接烏蠻砌橫亂石遙臨淵門對高峯近帶山咫尺驚湍呼莫測每來登此念江關又南華磴道踏雲煙漸引茅簷屋數椽江影動搖波向日出光隱見峽中天放懷樽酒憑欄客回首肱歌趣市船要與舟人同此樂移花種竹滿巖前○商隱三峽堂行記云商隱被命赴闕大卿李先生實帥夔門作三峽堂成而未考也因相率置酒作樂其上同

四川名勝志

卷之十八

三

少來書又夜宿西閣曉呈章二十一曹長城暗更籌急樓高雨雪微稍通綃幕遠帶玉繩稀門鵲晨光起檣烏宿處飛寒江流甚細有意待人歸○輿地紀勝云城東有東漢水公孫述于水濱墾稻田因號東屯東屯之田可得百許頃稻米爲蜀第一郡給諸官俸廩以高下爲差帥曹月得九斗故王龜齡詩云少陵別業古東屯一飯遺忠嗣畝存我輩月叨官九斗須知粒粒是君恩○陸務觀高齋記云少陵居夔三徙居皆名高齋其詩次水門者白帝城之高齋也依藥餌者漢西之高齋也見

四川名勝志

卷之十八

三

源發黃金有種飯粒玉爲根蘆筍變春渚蘆芽菴
故園山名竊諸葛城榜爲公孫雲雨峽前夢琵琶
山後村畱人惟野趣隔市絕塵喧白巽東屯行云
雨足稻畦春水滿插秧未半青短短馬塵追逐下
關頭北望東屯轉山坡一川洗盡峽中想遠浦疎
林分氣象溝塍漫漫源低灘瀨冷冷石磯響中
田築場亦有蘆葦飛夏屋何渠渠李氏之子今地
主少陵祠堂疑故居口劉昉東屯祥雲寺行記云
紹興戊申正月中泝出郊勸農至東屯因落少陵
故居祠堂之成聞祥雲寺後有瑞石歸路就往觀
四川名勝志卷之十八 三

故曰三鉤唐武德二年廢碑目云饒水記碑字但
紀官名有都押衙金吾大將軍白元曜等字後漢
書岑彭攻江關偏將軍魯奇應募直衝浮橋橫柱
有反把鉤奇舡不得去皆殊死戰因飛炬焚之始
得入關○五代史後唐張武石照人仕王建爲破
浪都頭大破高季興於夔以功陞鎮武軍節度使
武常作鐵縲絕江中流立柵於兩端謂之鎖峽宋
史太祖遣曹彬伐蜀示以地圖指鎖江曰我軍泝
流至此慎勿以舟師爭勝中興小曆云景定五年
守將徐宗武于白帝城下巖穴設欄江鎖七條長
四川名勝志卷之十八 三

寺僧汲相國泉烹香山茶甚新仍次韻奉呈安
 撫待制詩云晚途無力透空關佛土維留草數間
 快去已曾盟白水重游仍欲住青山皇華詩句羞
 懷祿儒紳封章屢乞閒似我更宜歸計早雨簑煙
 艇學魚蠶碑目以夔州始興寺移鐵像記爲劉禹
 錫撰唐文若報恩寺行記云紹興丙子七月峽
 中久不雨秋暑熾盛已已晦連夕霖霡水復大漲
 余繫舟溪中杖策同二子輅軫來遊道人定觀迎
 謁欣然乃漢中舊識憇食方丈登佛牙閣愛其江
 山鮮明草木秀潤頻失三峽之陋寺本晉鐵佛院
 四川名勝志 卷之十八 二十四
 距今八百俱屢易而不廢良有以也○寺產香山
 茶因名香山寺黃魯直香山寺行記云太守高仲
 本率南昌黃魯直堊江潭處道同來達水喬木僧
 房高下景物清絕爲夔路第一建中靖國元年二
 月庚申微雨中來庭堅書○奉節巫山之間有天
 池浸可千頃杜甫天池詩云天池馬不到巖壁鳥
 纔通百頃青雲杪曾波白石中鬱紆騰秀氣蕭瑟
 浸寒空直對巫山出無疑夏禹功魚龍開闢有菱
 芡古今同飄零神女雨斷續楚王風聞道奔雷黑
 初看落日紅九秋驚雀芹萬里狎漁翁更是無人

茅任薄躬

四川名勝志 卷之十八
 四川名勝志 卷之十八

中興
 學院
 印